



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

1 R 35.



Sam^r Wilberforce.




1 R 35.



Sam^r Wilberforce.





60008499/

T. LIVII PATAVINI
HISTORIARUM
AB URBE CONDITA

LIBRI QUI SUPERSUNT OMNES.

—
TOM. II.
—

T. LIVII PATAVINI
HISTORIARUM

AB URBE CONDITA

LIBRI QUI SUPERSUNT OMNES,

EX RECENSIONE

ARN. DRAKENBORCHII.

ACCEDUNT


NOTÆ INTEGRÆ

EX EDITIONIBUS

J. B. L. CREVIERII.

CUM

INDICE RERUM LOCUPLETISSIMO.



OXONII,

E PRELO BARTLETT ET NEWMAN;

(NUPERRIME COLLINGWOOD ET SOCIORUM;)

**Veneunt apud J. PARKER, et ROBERTUM BLISS; et W. H. LUNN,
et R. PRIESTLEY, LONDINI.**

MDCCCXIV.

294. e. 109.

EPITOME LIBRI XI.

QUUM Fabius Gurges consul male adversus Samnites pug-
nasset, et senatus de removendo eo ab exercitu ageret, Fabius
Maximus pater, deprecatus ¹ hanc filii ignominiam, eo maxime
senatum movit, quod iturum se filio legatum pollicitus est, idque
præstitit. ejus consiliis et opera filius consul adjutus, cæsis
Samnitibus, triumphavit. C. Pontium, imperatorem Samni-
tium, ductum in triumpho securi percussit. Quum civitas pesti-
lencia laboraret, missi legati, ut Æsculapii signum Romam ab
Epidauro transferrent, anguem, qui se in navem eorum contu-
lerat, in quo ipsum numen esse constabat, deportavere: eoque
in insulam Tiberis egresso, eodem loco ² ædes Æsculapio conse-
crata est. L. Postumius consularis, quoniam, quum exercitui
præesset, opera militum in agro suo usus erat, damnatus est.
Cum Samnitibus pacem petentibus fœdus quarto renovatum est.
Curius Dentatus consul, Samnitibus cæsis, et Sabinis, qui rebel-
laverant, victis, et in deditionem acceptis, bis in eodem magis-
tratu triumphavit. Colonia deductæ sunt, Castrum, Sena,
Hadria. Triumviri capitales tunc primum creati sunt. Censu
acto, lustrum conditum est. censa sunt civium capita ducenta
septuaginta duo millia. Plebs propter æs alienum, post gra-
ves et longas seditiones, ad ultimum secessit in Janiculum:
unde a Q. Hortensio dictatore ³ deducta est, isque in ipso magis-
tratu decessit. Res præterea contra Volsinienses gestas conti-
net: item adversus Lucanos, contra quos auxilium ⁴ Thurinis
ferre placuerat.

¹ *Hanc sibi ignominiam]* Duo
Hearnii codd. Andreas et Campanus
habent *hanc filii ignominiam*: quod
anteponendum videtur.

² *Sedes Æsculapii constituta est]*
Jubet Sigonius emendari ex fide vet.
lib. *Ædes Æsculapio consecrata est*.
Unus Hearnii codex, ut et Campanus,
præfert quoque *ædes*. Si nihil muta-
tur, certe *sedes* intelligi debebit pro
ede. Constat enim ex Festo, l. IX.
et Valer. Max. l. I. c. 8. in insula Ti-

berina ædem Æsculapio constructam
fuisse.

³ *Deducta est]* Forte *reducta est*.
GRONOVIVS.

⁴ *Thurinis]* Vulgo *Tyrrhenis*. Sed
Pighius ex Plin. l. XXXIV. c. 6. et,
Henr. Valesius ex Val. Max. l. I. c. 8.
probant legendum esse *Thurinis*. Et
vero longius dissiti sunt Lucaui a
Tyrrhenis, quam ut eis graves esse
potuerint.

EPITOME LIBRI XII.

QUUM legati Romanorum a Gallis Senonibus interfecti essent, bello ob id Gallis indicto, L. Cæcilius prætor cum legionibus ab iis casus est. Quum a Tarentinis classis Romana direpta esset, duumviro, qui præerat classi, occiso, legati, ad eos a senatu, ut de iis injuriis quererentur, missi, pulsati sunt. ob id, bellum iis indictum est. Samnites defecerunt. Adversus eos, et Lucanos, et Bruttios, et Etruscos aliquot præliis a compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Quum in præsidium Rheginorum legio Campana cum præfecto Decio Jubellio missa esset, occisis Rheginis Rhegium occupavit.

EPITOME LIBRI XIII.

VALERIUS Lavinius consul parum prospere adversus Pyrrhum pugnavit, elephantorum maxime inusitata facie territis militibus. Post id prælium cum corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabricius, missus ad eum a senatu, ut de redimendis captivis ageret, frustra, ut patriam desereret, a rege tentatus est. captivi sine pretio remissi sunt. Cineas, legatus a Pyrrho ad senatum missus, petiit, ut componendæ pacis causa rex in urbem reciperetur. de qua re quum ad frequentiores senatum referri placuisset, Ap. Claudius, qui ¹ propter valetudinem oculorum jamdiu consiliis publicis se abstinuerat, venit in curiam, et sententia sua tenuit, ut id Pyrrho negaretur. Cn. Domitius censor primus ex plebe lustrum condidit. censa sunt civium capita ducenta septuaginta octo millia, ducenta viginti duo. Iterum adversus Pyrrhum dubio eventu pugnatum est. ² Cum Karthaginiensibus quartum fœdus renovatum est. Quum C. Fabricio consuli is, qui ad eum a Pyrrho transfugerat, polliceretur, se regi venenum daturum, cum indicio ad regem remissus est. Res præterea contra Etruscos, Lucanos, Bruttios, et Samnites prospere gestas continet.

¹ Propter invaletudinem] Sic veteres omnes. Jac. Gronovius edidit valetudinem. Sed invaletudo vox proba est, et Ciceroni aliquoties usurpata, puta l. VII. ad Att. ep. 2. et 5. et de

Amicit. c. 2. Itaque eam mutari nihil attinebat.

² Cum Carthaginiensibus quarto fœdus renovatum est] Vid. not. 83. ad IX. 43.

EPITOME LIBRI XIV.

PYRRHIUS in Siciliam trajecit. Quum inter alia prodigia fulmine dejectum esset in Capitolio Jovis signum, caput ejus per aruspices inventum est. **Curius Dentatus**, quum delectum haberet, ejus, qui citatus non responderat, ¹ bona primus vendidit. **Pyrrhum** iterum ex Sicilia in Italiam reversum vicit, et Italia expulit. **Fabricius censor** **P. Cornelium Rufinum** consulurem senatu movit; quod is decem pondo argenti facti haberet. Lustrum a censoribus condito, censa sunt capita civium ducenta septuaginta unum millia, ducenta viginti quatuor. Cum **Ptolemæo** **Ægypti** rege societas juncta est. **Sextilia** virgo Vestalis, damnata incesti, viva defossa est. Coloniae deductæ sunt **Posidonia** et ² **Cosa**. **Karthaginiensium** classis auxilio ³ **Tarentinis** venit. quo facto ab iis fœdus violatum est. Res præterea contra **Lucanos**, **Samnites**, et **Bruttios** feliciter gestas, et **Pyrrhi** regis mortem continet.

¹ *Bona primus vendidit*] Sigonius addidit vocem *primus* ex vett. lib.

² *Cossa*] Sive *Cosa*: utroque enim modo hoc nomen scribitur. Olim legebatur *Consa*. Emendavit Sigonius ex Vell. lib. I. et Plin. l. III. c. 5.

³ *Tarentinis*] Sic habere MSS. tes-

tatur idem Sigonius: et hanc veram esse lectionem manifeste probatur tum et Orosio et Zonara, quos allegat Freinshemius capp. 44. et 45. hujus libri, tum ex Livio ipso, XXI. 10. Male ergo quoudam hoc loco legebatur *Mamertinis*.

EPITOME LIBRI XV.

VICTIS **Tarentinis** pax et libertas data est. **Legio Campana**, quæ **Rhegium** occupaverat, obsessa, deditione facta, securi percussa est. Quum legatos **Apolloniatium** ad senatum missos quidam juvenes pulsassent, dediti sunt **Apolloniatibus**. **Picentibus** victis pax data est. coloniae deductæ, **Ariminum** in **Piceno**, **Beneventum** in **Samnio**. Tunc primum **populus Romanus** argento uti cæpit. **Umbri** et **Sallentini** victi in deditionem accepti sunt. **Quæstorum** numerus ampliatus est, ¹ ut essent octo.

¹ *Ut essent octo*] Numerum, qui deerat, adjecit Sigonius ex Tac. XI. Ann. 28.

EPITOME LIBRI XVI.

ORIGO Karthaginiensium et primordia urbis eorum referuntur; contra quos et Hieronem regem Syracusanorum auxilium Mamertinis ferendum censuit senatus, quum de ea re inter suadentes, ut id fieret, dissuadentesque contentio fuisset. ¹ Transgressis tum primum mare equitibus Romanis, adversus Hieronem sæpius bene pugnatum. Petenti pax data est. Lustrum a censoribus conditum est. censa sunt ² civium capita ducenta octoginta duo millia, ducenta triginta quatuor. D. Junius Brutus munus gladiatorium in honorem defuncti patris edidit primus. Colonia Æsernia deducta est. Res præterea contra Pænos et ³ Vulsinios prospere gestas continet.

¹ *Transgressis. . tum primum mare equitibus Romanis]* An soli equites, non vero et pedites Romani mare transgressi sunt? Rescribimus, *exercitibus*.

² *Civium capita CCXCII. millia]* Sic legi jussit Sigonius ex Eutropio. Antea CCLXXII.

³ *Vulsinias]* Et hoc debetur Sigonio, qui testatur ita habere vet. lib. Adstipulatur unus e codd. Hearnii. Alii *Volcos*. Sed Volsci jamdiu perdomiti erant. De Vulsiensibus triumphat M. Fulvius consul primo anno Puniei belli.

EPITOME LIBRI XVII.

CN. Cornelius consul, a classe Punica circumventus, et per fraudem velut in conloquium evocatus, captus est. ¹ C. Duilius consul adversus classem Pænorum prospere pugnavit, primusque omnium Romanorum ducum navalis victoriæ duxit triumphum. ob quam causam ei perpetuus honos habitus est, ut revertenti a cæna, ² tibicine canente, funale præferretur. L. Cornelius consul in Sardinia ³ et Corsica contra Sardos, et Corsos, et Hannonem Pænorum ducem feliciter pugnavit. Atilius Calatinus consul, quum in locum iniquum, a Pænis circumsesum, temere duxisset exercitum, M. Calpurnii tribuni militum virtute et opera evasit: qui, cum trecentis militibus eruptione facta, hostes in se ⁴ converterat. Hannibal dux Pænorum victa classe, cui præfuerat, a militibus suis in crucem sublatus est. Atilius Regulus consul, victis navali prælio Pænis, in Africam trajecit.

¹ *C. Duilius]* Suum Duilio prænomen restituit Sigonius. Antea hic legabatur Cn.

² *Tibicine canente, funale præferretur]* Hæc lectio est a vet. lib. Sigonii. Olim: *tibicines canerent, et funale præferretur*. Utrolibet modo legatur, parum interest.

³ *Et Corsica]* Has duas voces, quas Sigonius alique omittunt, exhibent Campanus et unus Hearnii codex, et e vet. lib. atque Fastis Capitol. tuetur Delrius.

⁴ *Converterat]* Sic edidere Gronovius et Hearnius. Vulgo *convertit*.

EPITOME LIBRI XVIII.

¹ *ATILIUS* Regulus in Africa serpentem portentosa magnitudinis cum magna militum clade occidit, et, quum aliquot præliis bene adversus Karthaginienses pugnasset, successorque ei a senatu prospere bellum gerenti non mitteretur, id ipsum per literas ad senatam missas questus est. in quibus inter causas petendi successoris erat, quod agellus ejus a mercenariis desertus esset. Querente deinde fortuna, ut magnum utriusque casus exemptum in Regulo proderetur, arcesso a Karthaginiensibus Xanthippo Lacedæmoniorum duce, victus prælio et captus est. Res deinde a ducibus Romanis omnibus terra marique prospere gestas deformaverunt naufragia classium. Ti. Coruncanius primus ex plebe pontifex maximus creatus est. P. Sempronius Sophus, M'. Valerius Maximus censores, quum senatum legissent, tredecim senata moverunt. Iustrum condiderunt, quo censa sunt civium capita ducenta nonaginta septem millia, septingenta nonaginta septem. Regulus missus a Karthaginiensibus ad senatum, ut de pace, et, si eam non posset inpetrare, de captivis commutandis ageret; ² et jurejurando adstrictus, redituum se Karthaginem, si commutari captivos non placuisset; utrumque regandi auctor senatui fuit: et, quum fide custodita reversus esset, supplicio a Karthaginiensibus de eo sumto, perit.

¹ *Atilius Regulus consul victis navali prælio Pœnis in Africam trajecit*] Hæc verba in omnibus quas vidimus Livii editionibus, præter eas quæ a Gronovio et Hearnio adornatæ sunt, annexa sunt ad calcem Epit. lib. XVII. Hujus autem libri epitome incipit in hunc modum: *Atilius Regulus consul in Africa serpentem, &c.* Freinsheimius quum hoc libro XVII.

victoriam navalem Reguli de Pœnis memoraverit, censuerat profecto sic legendam esse hanc epitomen, quomodo eam Gronovius et Hearnius edidere.

² *Et jurejurando adstrictus redituum*] Sic Campanus, et vet. lib. Sigonii. Vulgo: *jurejurando adstrictus est redituum.*

T. LIVII PATAVINI
HISTORIARUM
AB URBE CONDITA
LIBRI.

EPITOME LIBRI XXI.

¹ *IN Italiam belli Punici secundi ortus narratur, et Hannibalis Pænorum ducis contra fœdus per Iberum amnem transitus, a quo Saguntum, sociorum populi Romani civitas, obsessa octavo mense capta est. De quibus injuriis missi legati ad Karthaginienses, qui quererentur. quum satisfacere nollent, bellum iis indictum est. Hannibal, superato Pyrenæo saltu, per Gallias, fuis Volscis, qui obsistere conati erant, ad Alpes venit; et laborioso per eas transitu (quum montanos quoque Gallos obvios aliquot præliis repulisset) descendit in Italiam, et ad Ticinum amnem Romanos equestri prælio fudit: in quo vulneratum P. Cornelium Scipionem protexit filius, qui Africani postea nomen accepit. iterumque exercitu Romano ad flumen Trebiam fuso, ² Hannibal Appenninum quoque, per magnam militum vexationem propter vim tempestatum, transiit. Cn. Cornelius Scipio in Hispania contra Pænos prospere pugnavit, duce hostium ³ Magone capto.*

¹ *In Italiam]* Testatur Gronovius, in nota ad Epit. lib. XX. ultima, aliquot scriptos habere in *Italia*, censetque has voces remittendas esse ad calcem ejusdem Epit. lib. XX. tanquam ab hoc loco prorsus alienas, quum bellum Punicum secundum non in Italia modo, sed et in Hispania, Sicilia, Africa gestum sit; imo ne in Italia quidem ortum sit, sed in Hispania. Sed eadem has voces ad calcem

præcedentis Epit. adnexæ, prorsus inutiles ac supervacuas viderentur. Itaque resecari eas omnino satius esse existimamus.

² *Hannibal Appenninum ... transiit]* Imo, transire frustra conatus est. Vid. c. 59. hujus libri, et c. 1. lib. XXII.

³ *Magone]* Hannonem vocat Livius infra c. 60.

T. LIVII PATAVINI

LIBER XXI.

**Belli Punici
secundi
magnitudo.** IN parte operis mei licet mihi præfari, quod in principio summæ totius professi plerique sunt rerum scriptores, bellum maxime omnium^a memorabile, quæ unquam gesta sint, me scripturum; quod, Hannibale duce, Karthaginien-
**Hannibal
odium jurat
in Roma-
nos.** ses cum populo Romano gessere. Nam neque validiores opibus ullæ inter se civitates gentesque contulerunt arma, neque his ipsis tantum umquam virium aut roboris fuit: et haud ignotas belli artes inter se, sed expertas primo Punico conserebant bello. et adeo varia belli fortuna ancepsque Mars fuit, ¹ut propius periculum^b fuerint, qui vicerunt. Odiis etiam prope majoribus certarunt, quam viribus: Romanis indignantibus, quod victoribus victi ²ultro inferrent arma; Pœnis, quod ³superbe avareque crederent imperitatum victis esse. Fama etiam est, Hannibalem annorum ferme novem, pueriliter blandientem patri Hamilcari, ut duceretur in Hispaniam, quum, perfecto ⁴Africo bello, exercitum eo trajecturus sacrificaret, altaribus admotum, tactis sacris jurejurando adactum, se, quum primum posset, hostem fore populo Romano. Angebant ingentis spiritus virum Sicilia Sardiniaque amissæ: nam et ⁵Siciliam nimis ce-
**Hamilcar
bellum Ro-
manum me-
ditatur.**

^a memorabile omnium Gron. Crev.

^b periculo Eæd.

¹ * *Ut proprius periculum fuerint, qui vicerunt]* Ut melius intelligatur hæc sententia, lege ea quæ de Cannensi clade disserit noster, infra XXII. 54. Propiores periculo fuere post Cannensem cladem Romani, quam erant Pœni post pugnam in Africa cui Annibal succubuit. Ideo cessere Carthaginienses, non quia majus periculum erat, sed quia ipsi minores animos gessere. † Muretus et Gronovius ex quibusdam scriptis respondent *propius periculum*. Sane sic loqui gaudet Livius. Lib. XXII. c. 40. *ut nova minora essent propius Anniba-*

lem. IV. 17. *Propius est fidem*. Et alibi sæpius. Tamen hoc loco potuit maluisse *periculo*, ut serviret claritati.

² * *Ultro]* Vid. not. 39. ad I. 5.

³ * *Superbe avareque]* Hæc spectant præcipue ad Sardiniam, ut mox dicetur, a Romanis interceptam.

⁴ *Africo bello]* Quod Amilcare duce Carthaginienses cum mercenariis militibus in Africa gesserunt. Hoc bellum Polybius describit l. I. a c. 66. ad finem libri.

⁵ *Siciliam .. concessam]* Pace ad Ægates insulas. * *Nimis celeri desperatione rerum*. Nimium cito despe-

leri desperatione rerum concessam, et ⁶ Sardiniam inter motum Africæ fraude Romanorum, stipendio etiam insuper^c inposito, interceptam.

II. His auxius curis ita se Africo bello, quod fuit sub recentem Romanam pacem, ⁷ per quinque annos, ita deinde novem annis in Hispania augendo Punico imperio gessit; ut adpareret, majus eum, quam quod gereret, agitare in animo bellum: et, si diutius vixisset, Hamilcare duce Pœnos arma Italiæ inlaturos fuisse, quæ Hannibalis ductu intulerunt. ⁸ Mors Hamilcaris peropportuna et pueritia Hannibalis distulerunt bellum. Medius Hasdrubal inter patrem et filium octo ferme annos imperium obtinuit; flore ætatis (uti ferunt) primo Hamilcari conciliatus: gener inde ob altam indolem, ⁹ provecto annis adscitus, et, quia gener erat, ¹⁰ factionis Barcinæ opibus, quæ apud milites plebemque plus quam modicæ erant, haud sane voluntate principum, imperio potitus. Is, plura consilio, quam vi, gerens, hospitiiis regulorum magis, conciliandisque per amicitiam principum novis gentibus, quam bello aut armis, rem Karthaginiensem auxit. Ceterum nihilo ei pax tutior fuit. barbarus eum quidam palam, ob iram interfecti ab eo domini, obtruncavit; comprehensusque ab circumstantibus haud alio, quam si evasisset, vultu; tormentis quoque quum laceraretur, eo fuit habitu oris, ut, superante lætitia dolores, ridentis etiam speciem præbuerit. Cum hoc Hasdrubale, quia miræ artis in sollicitandis gentibus, imperioque iungendis suo fuerat, foedus renovaverat populus Romanus, ut ¹¹ finis utri-

Moritur.

Hasdrubal
gener ei
succedit.

Occisus.

^c *superinposito* Gron. Crev.

rantibus de summa republica Carthaginiensibus. Judicabat nempe Amilcar suis, etiam post cladem ad Ægates insulas, eas superfuisse vires, ut bellum adhuc tolerare, aut certe melioribus conditionibus finire possent.

⁶ *Sardiniam .. interceptam*] Romani ex quibusdam, seu veris, seu ad tempus fictis irarum causis, bellum Carthaginiensibus tum decreverunt, quum hi ex Africo bello vix bene emersissent. Ita Carthaginienses bellum gravissimum alieno tempore suscipere nolentes, non modo cessare Sardinia, sed etiam, postulantis Romanis, ad priorem summam, quam pepigerant fœdere ad Ægates insulas icto, adjecerunt argenti talenta mille ducenta.

⁷ *Per quinque annos*] Bellum Africum Polybius tribus annis tantummodo cum quatuor mensibus gestum esse scribit, l. I. c. ult.

⁸ *Mors Amilcaris*] Amilcar in prælio quodam adversus Vetrones ferocissimos Hispaniæ populos, fortissime dimicans occubuit. Quidam eum fugientem, fluminis, in quod ingredi coactus fuerat, vorticibus raptum perisse tradunt.

⁹ *Provecto annis*] Hoc a conjectura Lipsii est: quam firmat unus ex Hearnii codicibus, qui habet *profecto annis*. Ceteri *profectus*, vel *profecto animi*.

¹⁰ *Factionis Barcinæ*] Amilcar cognominabatur *Barca*. Hinc nomen factioni Barcinæ.

¹¹ *Finis utriusque imperii esset annis Iberis*] Hæc non ita accipienda sunt, quas tota trans Iberum Hispania Carthaginienses, tota cis Iberum Romani dominarentur. Ex iis enim quæ infra memorantur patet, multos trans Iberum populos Pœnis non paruisse, Romanorum autem ditionis

usque imperii esset annis Iberus, Saguntinisque mediis inter imperia duorum populorum libertas servaretur.

III. In Hasdrubalis locum haud dubia res fuit, quin ¹²prærogativam militarem, qua extemplo juvenis Hannibal in prætorium delatus, imperatorque ingenti omnium clamore atque adsensu adpellatus erat, favor etiam plebis sequeretur. Hunc ¹³vixdum puberem Hasdrubal literis ad se arcessierat: actaque res etiam in senatu fuerat, Barcinis nitentibus, ut adsuaderet militiæ Hannibal, atque in paternas ¹⁴succederet opes. Hanno, alterius factionis princeps, *Et æquum postulare videtur, inquit, Hasdrubal; et ego tamen non censeo, quod petit,tribuendum.* Quum admiratione tam ancipitis sententiæ in se omnes convertisset, *Florem ætatis, inquit, Hasdrubal, quem ipse patri Hannibalis fruentum præbuit, justo jure eum a filio repeti censeo. nos tamen minime decet, juventutem nostram pro militari rudimento adsuefacere libidini prætorum. An hoc timemus, ne Hamilcaris filius nimis zero imperia inmodica et regni paterni speciem videat? et, cujus regis genero hereditarii sint relictæ exercitus nostri, ejus filio parum mature serviamus? Ego, istum juvenem domi tenendum, sub legibus, sed ^d magistratibus docendum vivere æquo jure cum ceteris, censeo: ne quandoque parvus hic ignis incendium ingens exsuscitet.*

IV. Pauci, ac ferme optimus quisque, Hannoni adsentiebantur: sed (ut plerumque fit) major pars meliorem vicit. Missus Hannibal in Hispaniam primo statim adventu omnem exercitum in se convertit. ¹⁵Hamilcarem juvenem redditum sibi veteres milites credere; eundem vigorem in vultu, vimque in oculis, habitum oris, lineamentaue intueri. dein ^f brevi effecit, ut pater in se minimum momentum

^d sub Gron. Crev.

^e viventem Ead.

^f deinde Crev.

vix quicquam cis Iberum fuisse: qui etiam nullum imperatorem, nullos milites in ea regione tunc temporis habebant, ut observat Cato in oratione ad exercitum l. XXXIV. infra, c. 13. Cavebatur tantum, ne quicquam in ea quæ trans Iberum essent Romani, aut in ea quæ cis Iberum essent Pœni sibi juris arrogarent; neve alteruter populus eum annum belli causa transiret. Vid. Polyb. II. 13.

¹² *Prærogativam militarem*] Suffragium ante a militibus latum. Vid. not. 28. ad c. 31. l. III. supra.

¹³ *Vixdum puberem*] Non facile intelligitur quomodo Livius *vixdum puberem* appellare possit juvenem eum, qui, ut ex ipsius narratione colligitur, annum tunc 22. ætatis ex-

cesserat. Annibal novem ferme annorum erat, quum Amilcar in Hispaniam trajecit: novem annis in Hispania rem gessit Amilcar: octo ferme annis imperium obtinuit Asdrubal, ex quibus si triennium detraxeris, quo sub eo imperatore meruit Annibal, efficitur Annibalem, tunc quam ab Asdrubale arcessitus est, annum 23. egisse.

¹⁴ *Succederet*] Melius fortasse *succresceret*: quod ex uno libro suggerit Gron. * Id est, sensim crescendo sibi viam faceret ad eandem potentiam, quam pater Amilcar obtinuerat.

¹⁵ *Amilcarem viventem*] Gronovius ex uno codice, cui assentitur unus e nostris, malit *Annibalem juvenem*. Nec aliter Pithœus apud Hearnium.

Hannibalis
dotes et in-
genium.

ad favorem conciliandum esset. Numquam ingenium idem ad res diversissimas, parendum atque imperandum, habilis fuit. itaque haud facile ¹⁶ decerneres, utrum imperatori, an exercitui, carior esset: neque Hasdrubal aliam quemquam praeficere malle, ubi quid fortiter ac strenue agendum esset: neque milites alio duce plus confidere, aut audere. Plurimum audaciae ad pericula capessenda, plurimum consilii inter ipsa pericula erat. nullo labore aut corpus fatigari, aut animus vinci poterat. Caloris ac frigoris patientia par: cibi portionisque desiderio naturali, non voluptate, modus finitus. vigiliarum somnique nec die, nec nocte discriminata tempora. Id, quod gerendis rebus superasset, quieti datum: ea neque molli strato, neque silentio ¹⁷ arcessita. Multi saepe militari sagulo opertum, humi jacentem inter custodias stationesque militum, conspexerunt. Vestitus nihil inter aequales excellens: arma atque equi ¹⁸ conspiciebantur. Equitum pedumque idem longe primus erat. princeps in proelium ibat: ultimus conserto proelio excedebat. Has tantas viri virtutes ingentia vitia aequabant; ¹⁹ inhumana crudelitas, perfidia plus quam Punica, nihil veri, nihil sancti, nullus Deum metus, nullum jusjurandum, nulla religio. Cum hac indole virtutum atque vitiorum triennio sub Hasdrubale imperatore meruit, nulla re, quae agenda videbaturque magno futuro duci esset, praetermissa.

V. Ceterum ex quo die dux est declaratus, velut Italia ei provincia decreta, bellumque Romanum mandatum esset, nihil prolatandum ratus, ne se quoque, ut patrem Hamilcarem, deinde Hasdrubalem, cunctantem casus aliquis obprimeret, Saguntinis inferre bellum statuit. quibus obpugnandis quia haud dubie Romana arma movebantur, in Olcadum fines prius (ultra Iberum ea gens ²⁰ in parte magis, quam in ditione, Karthaginensium erat) induxit exercitum, ut non petisse Saguntinos, sed rerum serie, finitimis domitis gentibus,

Hannibal bellum inferre Saguntinis statuit.

Sed prius Olcadibus bellum infert.

* *discerneret* Crev.

16 *Discerneret*] Sic habent libri, fatente Gronovio, qui tamen reposuit *decerneret*. Nobis haec mutatio necessaria non visa est. Itaque veterem lectionem revocavimus.

17 * *Arcessita*] Invitata, conciliata.

18 *Conspiciebantur*] Conspicua erant. Sic l. I. c. 47. *Quid te ut regium juvenem conspici sinis?* et l. XXXV. c. 52. *Regem conspici debere.*

19 *Inhumana crudelitas*] In Excerpt, e l. IX. Polyb. de virt. et vitiis habemus bene longam disquisitionem de hoc crudelitatis crimine, quod non Livius solum, sed et ceteri certatim

Romani scriptores in Annibalem conjiciunt. Graecus scriptor dubium relinquit, utrum ingenio ac natura crudelis fuerit Annibal, an vero amicorum consiliis et necessitati rerum tribuenda sint ea quae crudeliter ab ipso facta memorantur. Idem avidum pecuniae Annibalem apud ipsos Carthaginenses habitum fuisse pro comperto affirmat.

20 *In parte magis, quam in ditione*] Magis intra limites foedere Romano Carthaginensibus definitos, quam in eorum ditione, seu potestate.

Tum Vaccæis.

Vaccæi, et alii populi vincuntur.

²¹ jungendoque, tractus ad id bellum videri posset. ²² Carteiam, urbem opulentam, caput gentis ejus, expugnat diripitque. Quo metu percussæ minores civitates, stipendio inposito, imperium acceperunt. victor exercitus, opulentusque præda, Karthaginem novam in hiberna est deductus. Ibi large partiendo prædam, stipendio præterito cum fide exsolvendo, cunctis civium sociorumque animis in se firmatis, vere primo in Vaccæos promotum bellum. Hermandica et Arbocala ^h ²³ urbes vi captæ. Arbocala et virtute et multitudine oppidanorum diu defensa. Ab Hermandica profugi, exsulibus Olcadum, priore æstate domitæ gentis, quum se junxissent, concitant Carpetanos: adortique Hannibalem, regressum ex Vaccæis, haud procul Tago flumine agmen grave præda turbavere. Hannibal proelio abstinuit; castrisque super ripam positis, quum prima quies silentiumque ab hostibus fuit, amnem vado trajecit: ²⁴ valloque ita producto, ut locum ad transgrediendum hostes haberent, invadere eos transeuntes statuit. Equitibus præcepit, ut, quum ingressos aquam viderent, adorirentur. Peditum agmen in ripa, ²⁵ elephantos ante quadraginta disposuit. Carpetanorum ²⁶ cum adpendicibus Olcadum Vaccæorumque centum millia fuere; invicta acies, si æquo dimicaretur campo. Itaque et ingenio feroces, et multitudine freti, et quod metu cessisse credebant hostem, ²⁷ id morari victoriam rati, quod interesset amnis, clamore sublato, passim sine ullius imperio, qua cuique proximum est, in amnem ruunt. Et ex parte altera ripæ ²⁸ vis ingens equitum in flumen inmissa, medioque alveo haudquaquam pari certamine concursus; quippe ubi pedes instabilis, ac vix vado fidens, ²⁹ vel ab ⁱ inermi

^h *Arbacala Carteiorum Gron. Crev.*

ⁱ *ab del. Gron.*

²¹ *Jungendoque*] Ut partis bello regionibus jungeret Saguntinum agrum, qui Punicum imperium quodammodo denormaturus erat.

²² *Carteiam*] Imo *Allheam* ex Pol. l. III. Carteia sita fuit in ora Oceani, ad fretum Herculeum. Ea autem urbs, de qua hic agitur, quum dicatur fuisse gentis Olcadum caput, non potuit longe abesse a Carthagine nova.

²³ *Carteiorum urbes*] Imo *Vaccæorum*, teste Polyb. Igitur aut rependum hic Vaccæorum nomen, aut legendum horum.

²⁴ * *Valloque ita producto*] Et quum ita longe a ripa produxisset vallum, quum eo intervallo a ripa castra communisset, ut locum ad transgrediendum amnem hostes haberent.

²⁵ *Elephantos ante quadraginta*] Ante peditum agmen elephantos qua-

draginta collocavit. Sed, teste Gronovio, plerique MSS. pro *ante* habent *autem*; duo, quibus accedit unus e nostris, addunt *erant*. Unde ille legendum censet: *peditum agmen in ripa et elephantos (quadraginta autem erant) disponit*. Sic enim et complures membranæ, non *disposuit*.

²⁶ * *Cum adpendicibus Olcadum Vaccæorumque*] Cum adjunctis sibi Olcadibus et Vaccæis, qui quidem adpendicis loco erant, quum Carpetani præcipuum robur exercitus essent.

²⁷ * *Id morari victoriam rati quod interesset amnis*] Rati id unum sibi moræ esse ad victoriam, quod amnis interpositus hostem a se dirimeret.

²⁸ *Vis ingens equitum in flumen inmissa*] Ab Annibale.

²⁹ *Vel ab inermi equite*] In vulgatis deest præpositio. Eam addidimus ex

equite, equo temere acto, perverti posset: eques, corpore armisque liber, equo vel per medios gurgites stabili, cominus eminusque rem gereret. Pars magna flumine absumpta: quidam, verticoso anni delati in hostes, ab elephantis obruti sunt: postremi, quibus regressus in suam ripam tutior fuit, ex varia trepidatione quum in unum conligerentur, priusquam ex tanto pavore^k reciperent animos, Hannibal, agmine quadrato amnem ingressus, fugam ex ripa fecit: vastatisque agris, intra paucos dies Carpetanos quoque in deditionem accepit. Et jam omnia trans Iberum, præter Saguntinos, Karthaginiensium erant.

VI. Cum Saguntinis bellum nondum erat. ceterum jam belli caussa certamina cum finitimis serebantur, maxime Turdetanis. quibus quum adesset idem, qui litis erat sator, nec certamen juris, sed vim quæri adpareret; legati a Saguntinis Romam missi, auxilium ad bellum jam haud dubie imminens orantes. ³⁰ Consules tunc Romæ erant P. Cornelius Scipio et Ti. Sempronius Longus: qui ³¹ quum, legatis in senatum introductis, de republica retulissent, placuissetque mitti legatos in Hispaniam, ad res sociorum inspiciendas; quibus si videretur digna caussa, et Hannibali denunciarent, ut ab Saguntinis, sociis populi Romani, abstineret, et Karthaginem in Africam trajicerent, ac sociorum populi Romani querimonias deferrent. Hac legatione decreta, necdum missa, omnium spe celerius Saguntum obpugnari adlatum est. ³² Tunc relata^l ex integro res ad senatum. Alii, provincias consulibus Hispaniam atque Africam decernentes, terra marique rem gerendam censebant: alii totum in Hispaniam Hannibalemque intendebant bellum. Erant, qui non temere movendam rem tantam, expectandosque ex Hispania legatos censerent. Hæc sententia, quæ tutissima videbatur, vicit: legatique eo maturius missi, P. Valerius Flaccus et Q. Bæbius Tamphilus, Saguntum ad Hannibalem, atque inde Karthaginem, si non absisteretur bello, ad ducem ipsum in poenam foederis rupti deposcendum.

VII. Dum ea Romani parant consultantque; jam Saguntum summa vi obpugnabatur. Civitas ea longe opulentissima ultra Iberum fuit, sita passus mille ferme a mari. Oriundi a Zacyntho insula dicuntur, mixtique etiam ab Ar-

^k *tanto ex pavore* Gron. Crev.

^l *delata* Gron.

^m Q. Ead.

auctoritate aliquot librorum a Gronovio allatorum, duorum Hearnii codicum, et unius e nostris.

³⁰ *Consules tunc... erant*] Vid. c. 15. infra, et ea quæ ad illud annotabimus.

³¹ * *Quum... de republica retulissent*] Quum senatoribus deliberandum

proposuissent, quid in tali re esset e republica.

³² *Tunc relata*] Solennis et notissima locutio *referre ad senatum*. Ideo hic pro *delata*, quod vulgo legitur, admisimus *relata* ex MSS. Gronovianis quatuor, uno e nostris.

Saguntini
Romam le-
gatos mit-
tunt.

U. C. 534.

A. C. 218.

P. Cornelio,
Ti. Sempro-
nio Coss.

Sagunti ob-
pugnatio.

Legati in
Hispaniam
a Rom. mit-
tuntur.

U. C. 534. dea Rutulorum quidam generis. ceterum in tantas brevi cre-
 A. C. 218. verant opes, seu maritimis, seu terrestribus fructibus, seu
 multitudinis incremento, seu sanctitate disciplinæ, qua
 fidem socialem usque ad perniciem suam coluerunt. Man-
 nibal, infesto exercitu ingressus fines, pervastatis passim
 agris, urbem tripartito adgreditur. Angulus muri erat in
 planiorem patentioreque, quam cetera circa, vallem ver-
 gens. adversus eum ³³ vineas agere instituit, per quas aries
 mœnibus admoveri posset. Sed ut locus procul muro satis
 æquus agendis vineis fuit; ita haudquaquam prospere, post-
 quam ad effectum operis ventum est, cœptis succedebat. et
 turris ingens iminebat: et murus, ut in suspecto loco, su-
 pra ceteræ modum altitudinis emunitus erat: et juvenus
 delecta, ubi plurimum ³⁴ periculi ac laboris ostendebatur, ibi
 vi majore obsistebant. Ac primo missilibus submovere hos-
 tem, nec quidquam satis tutum munientibus pati. deinde
 jam non pro mœnibus modo atque turri tela micare, sed ad
 erumpendum etiam in stationes operaque hostium animus
 erat: quibus tumultuariis certaminibus haud ferme plures
 Saguntini cadebant, quam Pœni. Ut vero Hannibal ipse,
 dum murum incautius subit, adversum femur ³⁵ tragula
 graviter ictus cecidit; tanta circa fuga ac trepidatio fuit,
 ut non multum abesset, quin opera ac vineæ desererent-
 tur.

Saguntini
fortiter re-
pugnant.

Hannibal
vulneratus.

VIII. ³⁶ Obsidio deinde per paucos dies magis, quam
 obpugnatio, fuit, dum vulnus ducis curaretur. per quod
 tempus ut quies certaminum erat, ita ab adparatu operum
 ac munitionum nihil cessatum. Itaque acrius de integro
 obortum est bellum, pluribusque partibus, vix accipientibus
 quibusdam opera locis, vineæ cœptæ agi, admoverique
 aries. Abundabat multitudine hominum Pœnus; ad centum
 enim quinquaginta millia ³⁷ habuisse in armis satis ^a credi-
 tur. Oppidani ad omnia tuenda atque obeunda ³⁸ multifa-

^a satis del. Gron.

³³ *Vineas*] Vid. not. 94. ad c. 17. l. II.

³⁴ *Periculi ac laboris*] Parum inter-
 est. Sed tamen sex scripti a Grono-
 vio allegati, tres nostri habent *ac ti-*
moris.

³⁵ *Tragula*] Tragula missile erat
 telum, sic dictum, si credimus Var-
 roni, l. IV. de Lingua Lat. a *trajici-*
endo. Validissimum fuisse apparet
 ex Suida in voce *Kérras*. Ceterum
 ejus forma parum nota.

³⁶ * *Obsidio*. . . . *magis quam oppug-*
natio] Cingebat quidem urbem hosti-
 lis exercitus, at eam non oppugnabat.

Quies erat, ut mox dicetur, *certami-*
num.

³⁷ *Habuisse in armis satis creditur*]:
 Vocem *satis* adjiciunt duo vel optimi
 scripti, alter Gronovio; nobis alter
 inspectus: et placuit illa, ob affir-
 mandi modestiam, et quia elegantius
 hic usurpatur quam ut sapiat librarii
 manum. In iis quæ præcedunt pro-
obortum est, iidem libri habent *coor-*
tum est: sed parvi refert.

³⁸ *Multimoda arte distineri*] Mul-
 timodam adhibere artem, ut possent
 sese per omnia quæ tuenda essent et
 obeunda, dispartire. Expeditius esset,

riam^a distinguere coepti sunt. et non sufficebant (jam enim fe- U. C. 534.
riebantur arboribus) muri, quassataeque^p multae partes erant. A. C. 218.
una continentibus ruinis nudaverat urbem: tres deinceps
turre, quantumque inter eas muri erat, cum fragore ingen-
ti prociderant: captumque oppidum ea ruina crediderant
Poeni; qua, velut si pariter utrosque murus texisset, ita
utrimque in pugnam procursum est. Nihil tumultuariæ
pugnæ simile erat, quales in obpugnationibus urbium per
occasionem partis alterius conseri solent; sed³⁹ justæ acies,
velut patenti campo, inter ruinas muri tectaque urbis modico
distantia intervallo constiterant. hinc spes, hinc desperatio
animos irritat: Pœno cepisse jam se urbem, si paullulum
adnitatur, credente; Saguntinis pro nudata mœnibus
patria corpora obponentibus, nec ullo pedem referente, ne
in⁴ relictum a se locum⁷ hostem inmitteret. Itaque quo
acrius et conferti⁸ magis utrimque pugnabant, eo plures
vulnerabantur, nullo inter arma corporaque vano interciden-
te telo. ⁴⁰ Falarica erat Saguntinis, missile telum ⁴¹ hastili
abiegno⁹, et cetera tereti, præterquam ad extremum, unde
ferrum exstabat. id, sicut in pilo, quadratum stappa circum-
ligabant, linebantque pice. ⁴² Ferrum autem tres longum¹⁰
habebat pedes, ut cum armis transfigere corpus posset. Sed
id maxime, etiamsi hæsisset in scuto, nec penetrasset in
corpus, pavorem faciebat; quod, quum medium accensum
mitteretur, conceptumque ipso motu multo majorem ignem
ferret, arma omitti cogebat, nudumque militem ad insequen-
tes ictus præbebat.

IX. ⁴³ Quum¹¹ diu anceps fuisset certamen, et Saguntinis,

^a multimoda ante Gron. Crev. ^p quassata quoque Eæd. ⁷ in del. Eæd.
⁴ relictum a se loco Eæd. ⁸ confertim Eæd. ⁹ oblongo Gron. ¹⁰ in
longum Gron. ¹¹ add. ergo Gron. Crev.

quod e duobus scriptis affert Gronovius, nos in uno reperimus: *multifariam distinguere*, id est, in multas variasque partes distrabi, distendi.

³⁹ *Justæ acies*] Quæ jure dici possent acies. Opponuntur *justæ acies* et *tumultuaria pugna*.

⁴⁰ *Falarica*] Hoc telum, teste Festo, nomen habet a *falis*, quæ sunt turres lignæ militares, unde tela mittebantur.

⁴¹ *Hastili abiegno*] Jamdudum Lipsius, Pollorcet. l. V. dial. 5. testatus est se didicisse hic melioribus in libris legi *abiegno*: quam vocem itidem exhibet unus codex a Jac. Gronovio inspectus, servant quoque duo e nostris. Vulgati habent *oblongo*. Sed J. Frid. Gronovius vix ullo in codice MS. sic legi affirmat, vetustissimas

quoque editiones in alia omnia abire. Itaque ex nostro instituto scriptam lectionem, quæ nullius vitii argui possit, sequimur.

⁴² *Ferrum autem tres longum habebat pedes*] Falarica ferrum habebat longum tres pedes. Sic passim loquitur Livius. Infra, c. 28. *Rutem unam ducentos longam pedes*. VIII. 10. *Signum septem pedes altum*. et alibi sæpius. Editi vulgo habent *tres in longum*. Sed præpositionem ignorant duo scripti, unus a Jac. Gronovio, alter a nobis excussus: et videtur illa ab iis adjecta qui non animadvertent repetendum esse hoc loco ex præcedentibus nomen *falarica*; et *ferrum* in primo casu acciperent, quum sit quartus.

⁴³ *Quum ergo*] Abest *et ergo* ab

U. C. 534. quia præter spem resisterent, crevissent animi; Pœnus,
A. C. 218. quia non vicisset, pro victo esset; clamorem repente oppi-
dani tollunt, hostemque in ruinas muri expellunt; inde in-
peditum trepidantemque exturbant; postremo fusum fuga-
tumque in castra redigunt. Interim ab Roma legatos venis-
se nunciatum est. quibus obviam ad mare missi ab Hanni-
bale, qui dicerent, nec tuto eos adituros inter tot tam ⁴⁴ ef-
feratarum ² gentium arma: nec Hannibali, in ³ tanto discri-
mine rerum, ⁴⁵ operæ esse legationes audire. Adparebat, non
admissos protinus Karthaginem ituros. literas igitur nun-
ciosque ad principes factionis Barcinæ præmittit, ut præpa-
rarent suorum animos, ne quid pars altera gratificari pro
Romanis posset.

Hannibal
legatos
Rom. non
admittit.

Legati
Rom. Kar-
thaginem
eunt.
Hannonis
oratio in
Hanniba-
lem.

X. Itaque, præterquam quod admissi auditique sunt, ea
quoque vana atque irrita legatio fuit. Hanno unus adverso
senatu causam fœderis, magno silentio propter auctorita-
tem suam, ⁴⁶ non adsensum audientium, egit. *Per Deos,
fœderum arbitros ac testes, monuisse, prædixisse se, ne Hamil-
caris progeniem ad exercitum mitterent. non manes, non stir-
pem ejus conquiescere viri: nec umquam, donec sanguinis nomi-
nisque Barcini quisquam supersit, quietura Romana fœdera.
Juvenem flagrantem cupidine regni, viamque unam ad id cer-
nentem, si ex bellis bella serendo subcinctus armis legionibusque
vivat, velut materiam igni præbentes, ad exercitus misistis. alu-
istis ergo hoc incendium, quo nunc ardetis. Saguntum vestri
circumsident exercitus, unde arcentur fœdere: mox Karthagi-
nem circumsidebunt Romanæ legiones, ducibus iisdem Diis, per
quos priore bello rupta fœdera sunt ulti. Utrum hostem, an vos,
an fortunam utriusque populi, ignoratis? Legatos, ab sociis et
pro sociis venientes, bonus imperator vester in castra non admi-
sit, jus gentium sustulit. hi tamen, unde ne hostium quidem le-
gati arcentur, pulsati ad vos veniunt, res ex fœdere repetunt.
⁴⁷ publica fraus absit; auctorem culpæ et ⁴⁸ reum criminis de-*

² effrenatarum Gron. Crev.

³ in del. Ead.

uno e codd. Gronovianis, uno itidem
e nostris: nec sane illa voce quid-
quam hic est opus.

⁴⁴ Effrenatarum] Sigonius e ve-
tere libro legit effrenatarum. Assen-
titur Victorinus codex. Nec displicet.
Sic I. 19. effrenatos militia animos.
Gronovio quoque probabilis videtur
emendatio.

⁴⁵ Operæ esse] Operæ pretium esse,
vacare. Vid. I. 24.

⁴⁶ Non assensum audientium] Sic
emendavit Rubenius ex conjectura,
propterea quod supra dicitur Hanno
adverso senatu causam fœderis egisse;

non ergo cum assensu audientium,
quomodo habent libri. In iis quæ
proxime sequuntur, unus vel optimus
codex auctior est vulgatis, et sic ha-
bet, teste Gronovio: egit, per deos fœ-
derum arbitros ac testes obtestans ne
Romanum cum Saguntino suscitarent
bellum. Monuisse, prædixisse se. Et
eodem alludunt quatuor alii codices,
ipsi Gronovio unus, unus Hearnio,
duo nobis inspecti.

⁴⁷ Publica fraus absit] Concessio
ex persona Romanorum; quasi dice-
ret Hanno: fœderis rupti et noxam
et poenam non publicam esse Cartha-

poscunt. Quo lenius agunt, segnius incipiunt; eo, quum cape- U. C. 534.
rint, vereor, ne perseverantius sæviant. ⁴⁹ *Ægates insulas* ⁵⁰ *Ery-* A. C. 218.
cemque ante oculos proponite; quæ terra marique per quatuor
et viginti annos passi sitis. Nec puer hic dux erat, sed pater
ipse Hamilcar, Mars alter, ut isti volunt. sed ⁵¹ *Tarento*, id
est ^b *Italia*, non abstinueramus ex fœdere: sicut nunc Sagunto
non abstinemus. Vicerunt ergo Dii hominesque; et, ⁵² *id de*
quo verbis ambigebatur, uter populus fœdus rupisset, eventus
belli, velut æquus iudex, unde jus stabat, ei victoriam dedit.
Karthagini nunc Hannibal vineas turresque admovet: Kartha-
ginis mœnia quatit ariete. Sagunti ruinae (falsus utinam vates
sim) nostris capitibus incident: susceptumque cum Saguntinis
bellum, habendum cum Romanis est. Dedemus ergo Hanniba-
lem? dicet aliquis. Scio, meam levem esse in eo auctoritatem
propter paternas inimicitias. Sed et Hamilcarem eo perisse
latatus sum, quod, si ille viveret, bellum jam cum Romanis
haberemus; et hunc juvenem, tamquam furiam facemque hujus
belli, odi ac detestor. Nec dedendum solum id piaculum rupti
fœderis; sed, si nemo deposcat, devehendum in ultimas maris
terrarumque oras, ablegandumque eo, unde nec ad nos nomen
famaque ejus accedere, ⁵³ *neque sollicitare* quietæ civitatis statum
possit. Ego ita censeo, legatos extemplo Romam mittendos, qui
senatui satisfaciant: alios, qui Hannibali nuncient, ut exerci-
tum ab Sagunto abducatur, ipsumque Hannibalem ex fœdere Ro-

^b *id est leg. tum in Gron. Crev.*

^c *periisse Eæd.*

giniensium, sed solius Annibalis pro-
prium, Romani facile patiuntur.

48 * *Reum criminis*] Eum cui cri-
men luendum est.

49 *Ægates insulas*] Ad quas victi
Carthaginienses, pacem gravissimis
conditionibus accipere coacti fue-
rant.

50 *Erycem*] Montem in Sicilia, ad
quem clausus exercitus Pœnorum so-
lius demum pacis beneficio liberatus
fuerat.

51 *Tarento tum in Italia*] Grono-
vius ex vestigiis MSS. legit *Tarento*,
id est, Italia. Italiam nimirum Han-
no significat nominatim in fœdere
expressam fuisse. Philinus, referente
Polybio, l. III. c. 26. scripserat fuisse
Romanos inter et Pœnos fœdus, ex
quo Carthaginienses abstinere omni
Italia oportebat. Nec ab eo dissen-
sis Livium, tum ex hoc loco suspi-
cari licet, tum ex Epit. lib. XIV. Po-
lybius tamen Philinum hac in re er-
roris coarguit.

52 *Id de quo verbis ambigebatur*] Sensus patet: verba paulo impeditiora

sunt. Possis ordinare in hunc mo-
dum: *Eventus belli . . . ei victoriam*
dedit, unde jus stabat, id de quo, sive
quæ erat res de qua verbis ambigeba-
tur, nempe uter populus fœdus rupis-
set. Sed veremur ne, dum volumus
Livium Grammaticæ loqui, parum
Latine loquentem faciamus. Potius
credimus eum ex brevitate et licentia
quadam extra consuetas leges evagan-
te captasse elegantiam, et, quando
sensus satis apertus erat, parum cu-
rasse de verbis ad Grammaticæ nor-
mam exigendis. Sic ergo hunc locum
exponendum duxerimus: *id de quo*
verbis ambigebatur, nempe uter popu-
lus fœdus rupisset, eventus belli decre-
vit, dum ei unde jus stabat, victoriam
dedit. Non absimilis anomalie ex-
emplum rursus occurrit infra l.
XXVIII. c. 27. Vid. ibi notam ad
has voces *Multitudo omnis*.

53 *Neque sollicitare*] Plenius ac
melius unus e Gronovianis codd. et
unus quoque e nostris: *neque ille sol-*
licitare.

U. C. 534. *manis dedant. tertiam legationem ad res Saguntinis reddendas*
 A. C. 218. *decerno.*

Favet senatus
 Karthagini.
 Hannibali.

XI. Quum Hanno perorasset, nemini omnium certare oratione cum eo necesse fuit. adeo prope omnis senatus Hannibalis erat; infestiusque locutum arguebant Hannonem, quam Flaccum Valerium, legatum Romanum. Responsum inde legatis Romanis est, *Bellum ortum ab Saguntinis, non ab Hannibale esse. populum Romanum injuste facere, si Saguntinos* ⁵⁴ *vetustissimæ Karthaginensium societati præponat.* Dum Romani tempus terunt legationibus mittendis, Hannibal, quia fessum militem proeliis operibusque habebat, paucorum iis dierum quietem dedit, stationibus ad custodiam vinearum aliorumque operum dispositis. interim animos eorum nunc ira in hostes stimulando, nunc spe præmiorum accendit. Ut vero pro concione prædam captæ urbis edixit militum fore, adeo accensi omnes sunt, ut, si extemplo signum datum esset, nulla vi resisti videretur posse. Saguntini ut a proeliis quietem habuerant, nec lacescentes, nec lacesciti per aliquot dies; ita non nocte, non die umquam cessaverant ab opere, ut novum murum ab ea parte, qua patefactum oppidum ruinis erat, reficerent. Inde obpugnatio eos aliquanto atrocior, quam ante, adorta est: nec, qua primum aut potissimum parte ferrent opem, (quum omnia variis clamoribus streperent) satis scire poterant. Ipse Hannibal, qua turris mobilis, omnia munimenta urbis superans altitudine, agebatur, hortator aderat. quæ quum adnota, ⁵⁵ *catapultis ballistisque per omnia tabulata dispositis, muros defensoribus nudasset;* tum Hannibal, occasionem ratus, quingentos ferme Afros cum dolabris ad subruendum ab imo murum mittit. nec erat difficile opus, quod cæmenta non calce durata erant, sed interlita luto, structuræ antiquæ genere. Itaque ⁵⁶ *latius, quam cæderetur, ruebat:* perque patentia ruinis agmina armatorum in urbem vadebant. Locum quoque editum capiunt: conlatisque eo catapultis ballistisque, ut castellum in ipsa urbe velut arcem imminentem haberent, muro circumdant; et Saguntini murum interiorum ab nondum capta urbis parte ducunt. Utrunque summa vi et muniunt, et pugnant: sed, interiora tuendo, minorem in dies urbem Saguntini faciunt. Simul crescit inopia omnium

Saguntinorum constantia.

54 * *Vetustissimæ Carthaginensium societati*] Socii Romanorum Carthaginenses erant jam a primis Romanæ reipublicæ initiis.

55 *Catapultis ballistisque*] Antiquitus hæc duo sedulo distingui mos erat. *Catapultis* tela, *ballistis* saxo torquebantur. Ballistæ majoris erant molis, quam catapultæ. Sed poste-

rioribus temporibus utrumque nomen confundi cœptum est. Vid. Lips. 1. III. Poliorc. Dial. 2. et 3.

56 * *Latius quam cæderetur, ruebant*] Impacta dolabra, non id tantum ruebat, quod ictum erat, sed et vicina quoque. Itaque latior erat ruina, quam ea pars muri quæ cæsa sive icta fuerat.

longa obsidione, et minuitur expectatio externæ opis; U. C. 834. quum tam procul Romani, unica spes, circa omnia hostium A. C. 218. essent. Paullisper tamen adfectos animos recreavit repentina profectio Hannibalis in Oretanos Carpetanosque. qui duo populi, delectus acerbitate consternati, retentis conquisitoribus, metum defectionis quum præbuissent, obpressi celeritate Hannibalis, omiserunt mota arma. X

XII. Nec Sagunti obpugnatio segnior erat, Maharbale, Himilconis filio, (eum^a præfecerat Hannibal) ita inpigre rem agente, ut ducem abesse nec cives, nec hostes sentirent. Is et prælia aliquot secunda fecit, et tribus arietibus⁵⁷ aliquantulum^a muri discussit; strataque omnia recentibus ruinis advenienti Hannibali ostendit. Itaque ad ipsam arcem extemplo ductus exercitus, atroxque prælium cum multorum utrimque cæde initum, et pars arcis capta est. Tentata Pax frustra deinde per duos est exigua pacis spes, Alconem Saguntinum, et Alorcum Hispanum. Alcon, insciis Saguntinis, precibus aliquid moturum ratus, quum ad Hannibalem noctu transisset, postquam nihil lacrimæ movebant, conditionesque tristes, ut ab irato victore, ferebantur, transfuga ex oratore factus, apud hostem mansit; moriturum adfirmans, qui sub conditionibus his de pace ageret. Postulabatur autem, redderent res Turdetanis; traditoque omni auro atque argento, egressi urbe cum singulis vestimentis ibi habitarent, ubi Pœnus jussisset. Has pacis leges abnuente Alcone accepturos Saguntinos, Alorcus, vinci animos, ubi alia vincantur, adfirmans, se pacis ejus interpretem fore pollicetur. Erat autem tum miles Hannibalis; ceterum⁵⁸ publice Saguntinis amicus atque hospes. Tradito palam telo custodibus hostium, transgressus munimenta, ad prætorem Saguntinum (et ipse ita jubebat) est deductus. quo quum extemplo concursus omnis generis hominum esset factus, submota cetera multitudine, senatus Alorco datus est: cujus talis oratio fuit.

XIII. Si civis vester Alcon, sicut ad pacem petendam ad Hannibalem venit, ita pacis conditiones ab Hannibale ad vos retulisset, supervacaneum hoc mihi fuisset iter, quo nec orator Hannibalis, nec transfuga ad vos venissem. Quum ille, aut vestra, aut sua culpa, manserit apud hostem, (si metum simulavit, sua; vestra, si periculum est apud vos vera referentibus)

^a quem Gron. Crev.

^a aliquantum Crev.

⁵⁷ Aliquantum muri] Hic operarum incuria mendum irrepsit in Gronovianas editiones, *aliquantulum*. Vetustius cusi, cum uno e scriptis nostris, præferunt *aliquantum*, quo-

modo edidimus.

⁵⁸ Ubi alia vincantur] Alia, nempe urbs, vires, arma.

⁵⁹ Publice Saguntinis amicus] Populi Saguntini amicus.

U. C. 534. ego, ne ignoraretis, esse aliquas et salutis et pacis vobis condi-
 A. C. 218. tiones, pro vetusto hospitio, quod mihi vobiscum est, ad vos veni. Vestra autem caussa me, nec ullius alterius, loqui, quæ loquor apud vos, ⁶⁰ vel ea fides sit, quod, neque dum vestris viribus restitistis, neque dum auxilia ab Romanis sperastis, pacis umquam apud vos mentionem feci. Postquam nec ab Romanis vobis ulla spes est, nec vestra jam aut arma vos, aut mœnia satis defendunt, pacem adfero ad vos magis necessariam, quam æquam. cujus ita aliqua spes est, si eam quemadmodum ut victor fert Hannibal, sic vos ut victi audiat: si non id, quod amittitur, in damno, (quum omnia victoris sint) sed, quidquid relinquitur, pro munere habituri estis. Urbem vobis, quam ex magna jam parte dirutam, captam fere totam habet, adimit, agros relinquit, locum adsignaturus, in quo novum oppidum ædificetis: aurum argentumque omne, publicum privatumque, ad se jubet deferri: ⁶¹ conjugum vestraque corpora ac liberorum vestrorum servat inviolata, si inermes ⁶² cum binis vestimentis velitis ab Sagunto exire. Hæc victor hostis imperat. Hæc, quamquam sint gravia atque acerba, fortuna vestra vobis suadet. Equidem haud despero, ⁶³ quum omnium potestas ei ^f facta sit, aliquid ex his rebus remissurum. Sed vel ^t hæc patienda censeo potius, quam trucidari corpora vestra, rapi trahique ante ora vestra conjuges ac liberos belli jure sinatis.

Captum
Saguntum.

XIV. Ad hæc audienda quum, circumfusa paullatim multitudine, permixtum senatui esset populi concilium; repente primores, secessione facta, (priusquam responsum daretur) argentum aurumque omne, ex publico privatoque in forum conlatum, in ignem ad id raptim factum conjicientes, eodem plerique semet ipsi præcipitaverunt. Quum ex eo pavor ac trepidatio totam urbem pervasisset, alius insuper tumultus ex arce auditur. Turris diu quassata prociderat: perque ruinam ejus cohors Pœnorum inpetu facto quum signum imperatori dedisset, nudatam stationibus custodiisque solitis hostium esse urbem; non cunctandum in tali occasione ratus Hannibal, totis viribus adgressus urbem, momento cepit, signo dato, ut omnes puberes interficerentur. quod imperium crudele, ceterum prope necessarium ⁶⁴ cognitum ip-

^f add. a vobis Gron.

^t vel del. Gron. Crev.

⁶⁰ *Vel ea fides sit*] Hoc unum argumentum esse potest.

⁶¹ *Conjugum vestraque corpora ac liberorum*] Decentior est ordo quem servant quidam scripti: *corpora vestra, conjugum ac liberorum vestrorum*,

⁶² *Cum binis vestimentis*] Supra c. 12. Annibal postulat, ut cum singulis vestimentis Saguntiini exeant. Itaque

recte videtur Lipsius hic reponere: *cum privis*, i. e. singulis, *vestimentis*. Tametsi vox illa paulo rarioris est usus.

⁶³ *Quum omnium potestas ei facta sit*] Vulgo *a vobis facta sit*. Sed *et a vobis* ignorant omnes scripti, tum Gronoviani, tum nostri.

⁶⁴ *Cognitum in ipso eventu est*] Duo scripti a Gronovio allegati, et

so: eventus est. Cui enim parci potuit ex iis, qui aut inclusi U. C. 534.
cum conjugibus ac liberis domos super se ipsos concremave- A. C. 218.
runt, aut armati nullum ante finem pugnae, quam morientes,
fecerunt?

XV. Captum oppidum est cum ingenti praeda. Quamquam pleraque ab dominis de industria corrupta erant, et in credibus vix ullum discrimen ætatis ira fecerat, et captivi militum praeda fuerant; tamen et ex pretio rerum venditarum aliquantum pecuniæ redactum esse constat, et multam pretiosam supellectilem vestemque missam Karthaginem. Octavo mense, quam coeptum obpugnari, captum Saguntum, quidam scripsere: inde Karthaginem novam in hiberna Hannibalem concessisse: quinto deinde mense, quam ab Karthagine profectus sit, in Italiam pervenisse. Quæ si ita sunt, fieri non potuit, ut P. Cornelius, Ti. Sempronius consules fuerint, ad quos et principio obpugnationis legati Saguntini missi sint, et qui in suo magistratu cum Hannibale, alter ad Ticinum amnem, ambo aliquanto post ad Trebiam, pugnaverint. Aut omnia breviora aliquanto fuere, aut Saguntum principio anni, quo P. Cornelius, Ti. Sempronius consules fuerunt, non coeptum obpugnari est, sed captum. Nam excessisse pugna ad Trebiam in annum ⁶⁶ Cn. Servilii et C. ¹ Flamini non potest: quia Flaminius Arimini consulatum iniit, creatus ab Ti. Sempronio consule; qui, post pugnam ad Trebiam ad creandos consules Romanum venisset, comitiis perfectis ad exercitum in hiberna rediit.

XVI. Sub idem fere tempus et legati, qui redierant a Karthagine, Romam retulerunt, omnia hostilia esse, et Sagunti excidium nunciatum est: tantusque simul mœror ^{Capto Sa-} Patres, misericordiaque sociorum peremtorum indigne, et ^{gunto tre-} pudor non lati auxilii, et ira in Karthaginienses, metusque ^{pidant Ro-} de summa rerum cepit, velut si jam ad portas hostis esset; ^{mani.}

^b in ipso Gron. Crev.

ⁱ C. del. Gron.

uus e nostris carent præpositione in: nec sane illa indiget oratio.

65 Aut Saguntum principio anni captum] Omnino necesse est, ut Saguntum non principio hujus anni, sed aliquanto ante finem superioris captum fuerit. His enim temporibus consules Idibus Martiis magistratum iuibant. Vid. XXII. 1. XXVI. 1. XXVII. 7. Infra autem c. 21. Annibalem videmus primo vere profectum esse ex Hispania, postquam totum tempus hiemis renovandis quiete et otio militum corporibus animisque datum esset. Unde colligitur Anni-

balem eodem fere tempore Carthagine Nova movisse, quo hi consules, P. Cornelius et Ti. Sempronius magistratum inierunt; Saguntum autem captum esse sub finem ætatis ejus anni, quo M. Livius et L. Æmilius consules fuere. Atque ita habet Polybius, a quo hac in re discessisse Livium mirum est, qui eum hic passim fere exscribit.

66 Cn. Servilii et C. Flamini] Prænomen Flamini, quod in editis non comparebat, servant optimi e scriptis, tum Gronovianis, tum nostris: et al-
judunt ceteri.

U. C. 534. ut, tot uno tempore motibus animi turbati, ⁶⁷ trepidarent
A. C. 218. magis, quam consulerent. Nam neque hostem acriorem
bellicosiorumque secum congressum; nec rem Romanam
tam desidem umquam fuisse atque inbellem. Sardos, Cor-
sosque, et Istros, atque Illyrios, ⁶⁸ lacesisse magis, quam
exercuisse, Romana arma: et cum Gallis tumultuatum ve-
rius, quam belligeratum. Pœnum, hostem veteranum, trium
et viginti annorum militia durissima inter Hispanas gentes
semper victorem, ⁶⁹ primum Hamilcare, deinde Hasdrubale;
nunc Hannibale duce acerrimo adsueto, recentem ab exci-
dio opulentissimæ urbis, Iberum transire: trahere secum
tot excitos Hispanorum populos: conciturum avidas sem-
per armorum Gallicas gentes. cum orbe terrarum bel-
lum gerendum in Italia ac pro mœnibus Romanis esse.

Belli adpa-
ratus apud
Romanos.

XVII. Nominatæ jam antea consulibus provinciæ erant;
tum sortiri jussi. Cornelio Hispania, Sempronio Africa
cum Sicilia evenit. Sex in eum annum decretæ legiones, et
socium quantum ipsis videretur, et classis quanta parari
posset. Quatuor et viginti peditum Romanorum millia
sunt scripta, et mille octingenti equites: ⁷⁰ sociorum qua-
draginta millia^k peditum, quatuor^l millia et quadringenti^m
equites: ⁷¹ naves ducentæ viginti quinqueremes, ⁷² celoces
viginti deductæ. Latum inde ad populum, *vellent, juberent,*
populo Karthaginensi bellum indici. Ejusque belli causa
supplicatio per urbem habita, atque adorati Dii, ut bene ac

^k millia l. quatuor Gron.
Ead.

^l quatuor etc. leg. et quatuor equitum millia

^m quatuor l. et quatuor millia quadringenti equites Crev.

⁶⁷ * *Trepidarent magis quam con-
sulerent*] Tumultuarentur potius,
omnium incerti, et in varias partes
animum versantes, quam quieti seda-
tique deliberarent.

⁶⁸ * *Lacesisse magis quam exercu-
isse*] Vetuisse potius ne omnino qui-
escerent, quam tanquam dignos ad-
versarios, exercuisse Romana arma.

⁶⁹ *Primum Amilcare, deinde As-
drubale, nunc Annibale*] Hæc omnia
omittunt plurimi scripti a Gronovio
excussi, et omnes nostri. Sed et in
nostris legitur *duci acerrimo*, non
duce: quod amplectendum videtur.
Scribamus ergo: *semper victorem, du-
ci acerrimo assuetum*. Nisi si quod
majus ulcus latet.

⁷⁰ *Sociorum XL. millia peditum,
et IV. millia CCCC. equites*] Hos nu-
meros emendandos curavimus ad men-
tem Gronovii, quum vulgo editi ha-
beant *sociorum XLIV. peditum, et
quatuor equitum millia*. Correxerit il-
le ex suis libris, quibus plane consen-

tiunt nostri. Similiter paulo infra
pro *equitibus mille ducentis*, iisdem li-
bris auctoribus dedimus *equitibus mil-
le sexcentis*: et rursus pro *quatuordecim
millia sociorum peditum*, edidimus
decem millia.

⁷¹ *Naves... quinqueremes*] Naves
quinque remorum ordinibus instruc-
tæ. Utrum autem hi remorum ordi-
nes per gradus et intervalla supra se-
se invicem assurgerent, an vero in
longitudinem tantum secundum latus
navis porrigerentur, magna inter doc-
tos controversia est. Priorem opinio-
nem tuetur Auctor Antiquitatis Sche-
matibus illustratæ, compluribus in
eam rem allatis et testimoniis scrip-
torum veterum, et antiquis monu-
mentis. Eam tamen impugnari fate-
tur unanimi peritorum omnium artis
nauticæ consensu, qui id omnino fieri
potuisse negant. Eum vide Tom.
VIII. l. II. c. 8. et seq.

⁷² *Celoces*] Levia navigia sine ros-
tris.

feliciter eveniret, quod bellum populus Romanus jussisset. U. C. 534. Inter consules ita copiae divisae. Sempronio datae legiones A. C. 218. duae, (73 ea quaterna millia erant peditum, et trecenti equites) et sociorum sexdecim millia peditum, equites mille octingenti: naves longae centum sexaginta, celoces duodecim. Cum his terrestribus maritimisque copiis Ti. Sempronius missus in Siciliam; ita in Africam transmissurus, si ad arcendum Italia Pœnum consul alter satis esset. Cornelio minus copiarum datum, quia 74 L. Manlius prætor et ipse cum haud invalido præsidio 75 in Galliam mittebatur. Navium maxime Cornelio numerus deminutus. sexaginta quinqueremes datae (neque enim mari venturum, aut ea parte belli dimicaturum hostem credebant) et duae Romanae legiones cum suo justo equitatu, et quatuordecim millibus sociorum peditum, 76 equitibus mille sexcentis*. Duas legiones Romanas, et decem^p millia sociorum peditum, mille equites socios, sexcentos Romanos Gallia provincia 77 eodem anno versa in Punicum bellum habuit.

XVIII. His ita comparatis, ut omnia justa ante bellum fierent, legatos majores natu, Q. Fabium, M. Livium, L. ^{Legati missi} Æmilium, C. Licinium, Q. Bæbium, in Africam mittunt ad ^{Karthagi-} percunctandos Karthaginienses, publicone consilio Hannibal Saguntum obpugnasset? et si, id quod facturi videbantur, faterentur, ac defenderent publico consilio factum, ut indicerent populo Karthaginensi bellum. Romani postquam Karthaginem venerunt, quum senatus datus esset, et Q. Fabius nihil ultra, quam unum, quod mandatum erat, percunctatus esset; tum ex Karthaginiensibus unus: 78 *Præ-*

* et del. Gron. Crev.

• ducentis Gron.

p quatuordecim Ead.

73 *Ea quaterna millia erant peditum*] Intelligenda sunt *quaterna* in singulas legiones; et pariter *treceni*, sic enim malletur, *equites* in singulas.

74 *L. Manlius prætor*] Prætores hoc anno fuerunt, ut ex variis Livii locis colligitur, L. Manlius Vulso, M. Æmilius Lepidus, C. Atilius Serranus, C. Terentius Varro. Horum L. Manlius Galliam, M. Æmilius Siciliam obtinuerunt. C. Atilio videtur primo obtigisse peregrina jurisdictio, deinde, ingravescente bello, Ligures. C. Terentius urbanam jurisdictionem sortitus, et, absente Atilio, peregrinam quoque exercuisse videtur.

75 *In Galliam*] Cisalpinam.

76 *Equitibus mille sexcentis*] Hic, et paulo infra *decem millia*, vid. not. 70. supra.

77 *Eodem anno*] Vox *anno* neque in MSS. neque in antiquioribus editis

reperitur; unde Gronovius eam delet, et eodem mutat in *nondum*. *Gallia provincia nondum versa in Punicum bellum*: i. e. ut exponit ipse emendator, priusquam eo adducerent consules copias suas Annibali opponendas, priusquam ea sedes et campus Punici belli fieret.

78 *Præcepta vestra, Romani, et prior*] Hanc lectionem ex antiquioribus editis et veteribus scriptis adstruit Gronovius: Dujatius admisit: firman quoque nostri codd. *Præcepta* est temeraria, inconsiderata, a præpropero et fervido consilio profecta. Ceterum dubitamus, an sic quoque locus omnino sanus sit. In iis enim quæ sequuntur, hæ voces *adhuc lenior* videntur indicare aliquid de lenitate præmissum esse: nisi si forte ibi legendum est, *verbis lenior est, re adhuc asperior*. Hoc loco vulgati ha-

U. C. 534. *ceps vestra, Romani, et prior legatio fuit, quum Hannibalem,*
 A. C. 218. *tamquam suo consilio Saguntum obpugnantem deposcebatis:*
ceterum hæc legatio verbis adhuc lenior est, re asperior. Tunc
enim Hannibal et insimulabatur, et deposcebatur. nunc ab
nobis et confessio culpæ exprimitur: et, ut a confessis, res
extemplo repetuntur. Ego autem non, privato publicone consi-
lio Saguntum obpugnatum sit, quærendum censeam: sed utrum
jure, an injuria. Nostra enim hæc quæstio atque animadversio
in civem nostrum est; nostro, an suo fecerit arbitrio. Vobis-
cum una disceptatio est, licueritne per fædus fieri. Itaque
quoniam discerni placet, quid publico consilio, quid sua sponte
imperatores faciant; nobis vobiscum fædus est a Lutatio con-
sule ictum: in quo quum caveretur¹ utrorumque sociis, nihil de
Saguntinis (nec dum enim erant socii vestri) cautum est. At
enim eo fædere, quod cum Hasdrubale ictum est, Saguntini ex-
ciuntur. adversus quod nihil ego dicturus sum, nisi quod a
vobis didici. Vos enim, quod C. Lutatius consul primo nobis-
cum fædus icit, quia neque auctoritate Patrum, nec populi
jussu ictum erat, negastis vos eo teneri. itaque aliud de integro
fædus publico consilio ictum est. Si vos non tenent vestra fæ-
dera, nisi ex auctoritate aut jussu vestro icta; ne nos quidem
Hasdrubalis fædus, quod nobis insciis icit, obligare potuit.
Proinde omittite Sagunti atque Iberi mentionem facere, et,
quod diu parturit animus vester, aliquando pariat. Tum Ro-
manus, sinu ex toga facto, Hic, inquit, vobis bellum et pacem
portamus; utrum placet, sumite. Sub hanc vocem haud minus
ferociter, daret, utrum vellet, subclamatum est. et quum is
iterum sinu effuso bellum dare dixisset, accipere se omnes re-
sponderunt, et, quibus acciperent animis, iisdem se gesturos.

Bellum in-
dicunt

Disceptatio
de fœderum
jure.

XIX. Hæc directa percunctatio ac denunciatio belli magis ex dignitate populi Romani visa est, quam de fœderum jure verbis disceptare, quum ante, tum maxime Sagunto excisa. nam, si verborum disceptationis res esset, ⁷⁹ quid fœdus Hasdrubalis cum Lutatii priore fœdere, quod mutatum est, comparandum erat? quum in Lutatii fœdere diserte additum esset, ita id ratum fore, si populus censuisset; in Hasdrubalis fœdere nec exceptum tale quidquam fuerit, et tot annorum silentio ita vivo eo comprobatum sit fœdus, ut ne mortuo quidem auctore quidquam mutaretur. Quam-

¹ unus:—et l. unus princeps: Vana, Romani, inquit, et Gron.

caveretur leg. cavetur Gron. Crev.

² quod Gron.

³ quod mutatum leg.

commutatum Ead.

⁴ erat l. non erat Ead.

bent: tum ex Carthaginiensibus unus princeps, Vana, Romani, inquit, et prior.

⁷⁹ Quid fædus] Hanc lectionem, quam ex duobus MSS. codicibus affert Gronovius, non dubitavimus in

textum recipere. Quid intellige qua in re, quam ratione. Prius legebatur: Quod fædus Asdrubalis cum Lutatii priore fœdere commutatum est, comparandum non erat: aut nullo, aut perobscuro sensu.

quam, ⁸⁰ etsi priore fœdere staretur, satis cautum erat Sa- U. C. 534.
guntinis, sociis utrorumque exceptis. nam neque additum A. C. 218.
erat, iis, qui tunc essent: nec, ne qui postea adsumerentur. et
quum adsumere novos liceret socios, quis æquum censeret,
aut ob nulla quemquam merita in amicitiam recipi? aut re-
ceptos in fidem non defendi? ⁸¹ tantum, ne Karthaginien- ✕
sium socii aut sollicitarentur ad defectionem, aut sua sponte
⁸² desciscentes reciperentur. Legati Romani ab Karthagine, Legati Ro-
sicut his Romæ imperatum erat, in Hispaniam, ⁸³ ut adirent mani in
civitates, ut in societatem perlicerent, aut averterent a Pœ- Hispaniam
nis, trajecerunt. Ad Bargusios primum venerunt: a qui- trajiciunt.
bus benigne excepti, quia tædebat imperii Punici, multos
trans Iberum populos ad cupidinem novæ fortunæ erexe-
runt. Ad Volcianos inde est ventum: quorum celebre per
Hispaniam responsum ceteros populos ab societate Romana
avertit. ita enim maximus natus ex iis in concilio respondit:
Quæ verecundia est, Romani, postulare vos, uti vestram Kar-
thaginensium amicitiae præponamus, quum, qui id fecerunt,
Saguntinos crudelius, quam Pænus hostis perdidit, vos socii
prodideritis? ibi quæratissimos socios, censeo, ubi Saguntina clades
ignota est. Hispanis populis, sicut lugubre, ita insigne docu-
mentum Sagunti ruinæ erunt, ne quis fidei Romanæ aut socie-
tati confidat.* Inde extemplo abire finibus Volcianorum
jussi, ab nullo deinde concilio Hispaniæ benigniora verba
tulere. itaque nequidquam peragrata Hispania, ⁸⁴ in Galliam
transeunt.

* *Romani, postulare vos*, leg. vos, R. p. Gron. Crev.

⁸⁰ *Etsi priore fœdere*] Hic intelli-
gendum est fœdus illud Lutatii, quod
publico consilio ictum est, et prius
vocatur, ob fœdus Asdrubalis, quod
aliquot post annis secutum est.

⁸¹ *Tantum, ne Carthaginensium*] Id
tantum cavendum, servandum
erat, ne

⁸² *Desciscentes reciperentur*] Hæc
omnia, quæ Romanorum causæ fa-
vent, diligenter excerpsit e Polybio
Livius. At id omittere fortasse non
debuerat, quod ille eximia fide com-
mendatus scriptor addit: conceden-
dum quidem necessario esse, Cartha-
ginienses injuste hoc bellum susce-
pisse, si quis hujus belli originem et
causam a solo Sagunti exscidio ducat.
Sin autem belli causa esse dicatur
Sardinia, stipendio etiam mille et du-
centorum talentorum superimposito,
per fraudem intercepta; juste omni-
no Carthaginenses occasione invita-
tos ab iis pœnas exigere voluisse, qui
per occasionem temporum ipsis no-

cuerant.

⁸³ *Ut adirent civitates, ut in socie-
tatem*] Melius videretur, quod Gro-
novius legi jubet: *ut adirent civitates,
et aut in societatem perlicerent, aut ..*

⁸⁴ *In Galliam transeunt.* In his
nova] Hic perspicuum est aliquid es-
se vitii, et requiri nomen gentis aut
urbis, ad quam venerint primo Ro-
mani in Galliam transgressi. Hoc
permulti viderunt: solus Jac. Grono-
vius feliciter emendasse videtur. Ju-
bet ille legi: *in Galliam transeunt.*
Ruscinone terribilis species visa est.
Juvant ejus conjecturam et loci situs,
et mentio Ruscinonis ab Livio bis
facta, infra c. 24. Attamen *si nova* ita
huic quæ narratur rei congruere vi-
detur, ut illud eliminari non facile
patiamur. Et cum illa voce haud æ-
gre coalescere potuerunt duæ postre-
mæ syllabæ *si Ruscinone*. Legimus
ergo: *Ruscinone nova terribilisque
species.*

U. C. 534.
A. C. 218.
Gallos ad-
eunt.

XX. In his nova terribilisque species visa est, quod ar-
mati (ita mos gentis erat) in concilium venerunt. quum,
verbis extollentes gloriam virtutemque populi Romani ac
magnitudinem imperii, petissent, ne Pœno, bellum Italiæ
inferenti, per agros urbesque suas transitum darent; tantus
cum fremitu risus dicitur ortus, ut vix a magistratibus mayo-
ribusque natu juvenus sedaretur. ⁸⁵ Adeo stolidi impudens-
que postulatio visa est, censere, ne in Italiam transmittant
Galli bellum, ipsos id avertere in se, agrosque suos pro alie-
nis populandos objicere. Sedato tandem fremitu, respon-
sum legatis est, *Neque Romanorum in se meritum esse, neque
Karthaginiensium injuriam, ob quæ aut pro Romanis, aut ad-
versus Pœnos sumant arma. Contra ea audire sese, gentis
sua homines agris finibusque Italiæ pelli a populo Romano,
stipendiumque pendere, et cetera indigna pati.* Eadem ferme
in ceteris Galliæ conciliis dicta auditaque: nec hospitale
quidquam pacatumve satis prius auditum, quam Massiliam
venere. ⁸⁶ Ibi omnia, ab sociis inquisita cum cura ac fide,
cognita, *præoccupatos jam ante' ab Hannibale Gallorum ani-
mos esse. sed ne illi quidem ipsi satis mitem gentem fore, (adeo
ferocia atque indomita ingenia esse) ni subinde auro, cujus avi-
dissima gens est, principum animi concilientur.* Ita peragratis
Hispaniæ et Galliæ populis, legati Romam redeunt, haud
ita multo post, quam consules in provincias profecti erant.
civitatem omnem in expectationem belli erectam invene-
runt, satis constante fama, jam Iberum Pœnos transmi-
sisse.

Hannibalis
oratio ad
milites.

XXI. Hannibal, Sagunto capto, Karthaginem novam in
hiberna concesserat. ibique, auditis, quæ Romæ, quæque
Karthagine acta decretaque forent, seque non ducem solum,
sed etiam causam esse belli, partitis divenditisque reliquiis
prædæ, nihil ultra differendum ratus, Hispani generis mili-
tes convocat: *Credo ego vos, inquit, socii, et ipsos cernere,
pacatis omnibus Hispaniæ populis, aut finiendam nobis mili-
tiam, exercitusque dimittendos esse: aut in alias terras transfe-
rendum bellum: ita enim hæ gentes non pacis solum, sed etiani
victoriæ, bonis florebunt, si ex aliis gentibus prædam et gloriam
quæremus. Itaque, quum longinqua ab domo instet militia,
incertumque sit, quando domos vestras, et ⁸⁷ quæ cuique ibi cara*

⁷ ante del. Gron.

⁸⁵ Adeo stolidi .. postulatio visa est, censere] Dele cum Gronovio supervacaneum verbum, censere.

⁸⁶ Ibi omnia] Ibi cognita sunt omnia, quippe quæ socii cum cura ac fide inquisierant; nempe præoccupatos jam ante (sic enim habent optimæ

membranæ, vulgo omittitur ante) ab Annibale animos.

⁸⁷ Quæ cuique ibi cara sint] Melius codex Puteanæus, et unus e Gronovianis, sunt. Nihil enim hic dubitationis est.

sunt *, visuri sitis, si quis vestrum suos invisere vult, commeatum U. C. 534. do. Primo vere, edico, adsitis; ut, Diis bene juvantibus, b. l. A. C. 212. lum ingentis gloriæ prædæque futurum incipiamus. Omnibus fere visendi domos oblata ultro potestas grata erat, et jam desiderantibus suos, et longius in futurum providentibus desiderium. Per totum tempus hiemis quies inter labores, aut jam exhaustos, aut mox exhauriendos, renovavit corpora animosque ad omnia de integro patienda. Vere primo ad edictum convenere. Hannibal, quum recevuisset omnium Adparatus auxilia gentium, Gades profectus Herculi vota exsolvit: Hannibalis ad bellum. novisque se obligat votis, si cetera prospera evenissent. Inde partiens curas ⁸⁸ simul in inferendum atque arcendum bellum, ne, dum ipse terrestri per Hispaniam Galliasque itinere Italiam peteret, nuda apertaue Romanis Africa ab Sicilia esset, valido præsidio firmare eam * statuit. Pro eo supplementum ipse ex Africa, maxime jaculatorum, levium armis, petiit; ut Afri in Hispania, in Africa Hispani ^b, melior procul ab domo futurus uterque miles, velut mutuis pignoribus obligati, stipendia facerent. Tredecim millia octingentos quinquaginta pedites ⁸⁹ cætratos misit in Africam, et funditores Baliares ^c octingentos septuaginta: equites mixtos ex multis gentibus mille ducentos. Has copias partim Karthagini præsidio esse, partim distribui per Africam jubet. simul conquisitoribus in civitates missis, quatuor millia conscripta delectæ juventutis, præsidium eosdem et obsides, duci Karthaginem jubet.

XXII. Neque Hispaniam neglegendam ratus, (⁹⁰ atque ideo haud minus, quod haud ignarus erat, circumitam ab Romanis eam legatis ad sollicitandos principum animos) Hasdrubali fratri, viro inpigro, eam provinciam destinat, firmatque eum Africis maxime præsidiis, peditum Afrorum undecim millibus octingentis quinquaginta, Liguribus trecentis, ⁹¹ Baliaribus quingentis. ad hæc peditum auxilia additi equites ⁹² Libyphœnices (mixtum Punicum Afris genus) trecenti ^d, et Numidæ Maurique adcolæ Oceani ad mille octingentos, et parva Ilergetum manus ex Hispania, ducenti equites: et, ne quid * terrestris deesset auxilii genus,

* sint Gron. Crev.
His. in A. Ead.
Crev.

* eam l. et eam Ead.

^c Baliares Ead.

^b in Afr. Hisp. leg.

^d quadringenti et quinquaginta

^e quod Ead.

⁸⁸ Simul in inferendum atque arcendum] Sic habent scripti, et Gronoviani, et nostri, nisi quod particula in a Gronovio adjecta est. Olim simul inferendi atque arcendi.

⁸⁹ Cætratos] De cetra vid. not. ad l. XXVIII. c. 5.

⁹⁰ Atque ideo haud minus] Delenda est vocula haud, quæ sensum corrumpit.

pit.

⁹¹ Balaribus quingentis] Deerat numerus apud nostrum. Adjecit eum Sigonius ex Polybio, e quo hæc omnia desumpta sunt.

⁹² Libyphœnices.... CCCCL.] Olim CCC. et. Emendatum est itidem ex Polybio. Nimirum et in fine numeri transierat in et, facili errore.

U. C. 534. elephantum quatuordecim. classis præterea data^f ad tuendam
 A. C. 218. maritimam oram, (quia, qua parte belli vicerant, ea tum
 quoque rem gesturos Romanos, credi poterat) quinquaginta
 quinqueres, quadrires duæ, trires quinque: sed⁹³ aptæ
 instructæque remigio triginta et duæ quinqueres erant,
 et trires quinque. Ab Gadibus Karthaginem ad hiberna
 exercitus rediit. atque inde, profectus præter Etovisam
 urbem, ad Iberum maritimamque oram ducit. Ibi, fama
 Hannibalis. est, in quiete visum ab eo juvenem divina specie, qui se ab
 Jove diceret ducem in Italiam Hannibali missum: proinde se-
 queretur, neque usquam a se deflecteret oculos. Pavidum
 primo, nusquam circumspicientem aut respicientem, secu-
 tum; deinde, cura humani ingenii, quum, quidnam id esset,
 quod respicere vetitus esset, agitare animo, temperare ocu-
 lis nequivisse; tum vidisse, post sese serpentem mira mag-
 nitudine cum ingenti arborum ac virgultorum strage ferri,
 ac post insequi cum fragore cœli nimbum: tum, quæ moles
 ea, quidve prodigii esset, quærentem audisse: Vastitatem
 Italiæ esse. pergeret porro ire, nec ultra inquireret, sineretque
 fata in occulto esse.

Hannibal
 Iberum
 transit.

Pyrenæum
 saltum su-
 perat.

XXIII. Hoc visu lætus tripartito Iberum copias traje-
 cit, præmissis, qui Gallorum animos, qua traducendus exer-
 citus erat, donis conciliarent, Alpiumque transitus specula-
 rentur. nonaginta millia peditum, duodecim millia equitum
 Iberum traduxit. Ilergetes inde, Bargusiosque, et Auseta-
 nos, et⁹⁴ Lacetaniam, quæ subjecta Pyrenæis montibus est,
 subegit: oræque huic omni præfecit Hannonem, ut fauces,
 quæ Hispanias Galliis jungunt, in potestate essent. Decem
 millia peditum Hannoni ad præsidium⁹⁵ obtinendæ regionis
 data, et mille equites. Postquam per Pyrenæum saltum
 traduci exercitus est cœptus, rumorque per barbaros mana-
 vit certior de bello Romano; tria millia inde Carpetanorum
 peditum iter averterunt. constabat, non tam bello motos,
 quam longinquitate viæ insuperabilique Alpium transitu.
 Hannibal, quia revocare aut vi retinere eos anceps erat, ne
 ceterorum etiam feroces animi irritarentur, supra septem
 millia hominum domos remisit,⁹⁶ quos et ipse gravari mi-
 litia senserat, Carpetanos quoque ab se dimissos simulans.

XXIV. Inde, ne mora atque otium animos sollicitarent,

^f add. est Gron. Crev.

93* Aptæ] Convenienter ornatæ.
 Infra XXX. 10. nautico instrumento
 aptæ classi.

94 Lacetaniam] Prius hic legeba-
 tur Aquitaniam: corrupte. Neque
 enim adhuc Annibal in Galliam tra-
 jecerat. Correxerit Sigonius felici con-
 jectura Lacetaniam, quæ regio est

Hispaniæ subjecta Pyrenæo.

95* Obtinendæ] Tenendæ, servan-
 dæ.

96 Quos et ipse gravari militia]
 Muretus ac Gronovius legi jubent:
 quos et ipsos gravari militiam sense-
 rat.

cum reliquis copiis Pyrenæum transgreditur, et ad oppidum U. C. 534.
 Illiberi^a castra locat. Galli quamquam Italiæ bellum in- A. C. 218.
 ferri audiebant, tamen, quia vi subactos trans Pyrenæum
 Hispanos fama erat, præsidiaque valida inposita, metu
 servitutis⁹⁷ ad arma consternati, Ruscinonem aliquot populi
 conveniunt. quod ubi Hannibali nunciatum est, moram
 magis, quam bellum, metuens, oratores ad regulos eorum Gallos sibi
 misit, *conloqui semet ipsum velle cum his; et vel illi propius* conciliat.

*Illiberi accederent, vel se Ruscinonem processurum, ut ex pro-
 pinquo congressus facilius esset: nam et accepturum eos in
 castra sua se lætum, nec cunctanter se ipsum ad eos venturum.
 Hospitem enim se Galliæ, non hostem, advenisse: nec strictu-
 rum ante gladium, si per Gallos liceat, quam in Italiam ve-
 nisset.* Et per nuncios quidem hæc. Ut vero reguli Gallo-
 rum, castris ad Illiberim extemplo motis, haud gravate ad
 Poenum venerunt; capti donis, cum bona pace exercitum
 per fines suos præter Ruscinonem oppidum transmiserunt.

XXV. In Italiam interim nihil ultra, quam Iberum
 transisse Hannibalem, a Massiliensium legatis Romam per-
 latum erat: quum perinde, ac si Alpes jam transisset, Boii,<sup>Boii in Ita-
lia rebel-
lant.</sup>
 sollicitatis Insubribus, defecerunt; nec tam ob veteres in
 populum Romanum iras, quam quod nuper circa Padum,
 Placentiam Cremonamque colonias in agrum Gallicum de-
 ductas ægre patiebantur. Itaque, armis repente adreptis,
 in eum ipsum agrum inpetu facto, tantum terroris ac tu-
 multus fecerunt, ut non agrestis modo multitudo, sed ipsi
 triumviri Romani, qui ad agrum venerant adsignandum,
 diffusi Placentiæ mœnibus, Mutinam confugerint, C. Luta-
 tius, C. Servilius, T. Annius. Lutatii nomen haud dubium
 est. pro C. Servilio et T. Annio, Q. Acilium et C. Heren-
 nium habent quidam annales: alii P. Cornelium Asinam et
 C. Papirium Masonem. Id quoque dubium est, legati, ad
 expostulandum missi ad Boios^b, violati sint, an in trium-
 viros agrum metantes inpetus sit factus. Mutinæ quum<sup>Mutina ob-
sessa.</sup>
 obsiderentur, et gens, ad obpugnandarum urbium artes
 rudis, pigerrima eadem ad militaria opera, segnis intactis
 adsideret muris, simulari cœptum de pace agi. evocatique
 ab Gallorum principibus legati ad conloquium, non contra
 jus modo gentium, sed violata etiam, quæ data in id tem-
 pus erat, fide, comprehenduntur; negantibus Gallis, nisi
 obsides sibi redderentur,⁹⁸ eos dimissuros. Quum hæc de

^a Illiberim Crev.

^b ad Boios missi Gron. Crev.

⁹⁷ * *Ad arma consternati*] Concitati
 ad arma capienda. Eodem modo lo-
 cutus est Livius VII. 42. *ad arma
 consternatum.* Et sæpius apud nos-
 trum verbum *consternare* de furore

dicitur, quam de pavore. Sic VIII. 27.
*tumultu etiam sanos consternante ani-
 mos: et XXXIV. 2. consternatio muli-
 ebris.*

⁹⁸ *Eos dimissuros*] Auctiores sunt,

U. C. 534. A. C. 218. **Manlius prætor male rem gerit.** legatis nunciata essent, et Mutina præsidiumque in periculo esset, L. Manlius prætor, ira accensus, effusum agmen ad Mutinam ducit. Silvæ tunc circa viam erant, plerisque incultis. ibi, inexplorato profectus, ⁹⁹ in insidias præcipitatus, multaque cum cæde suorum ægre in apertos campos emer- sit. ibi castra communita; et, quia Gallis ad tentanda ea defuit spes, refecti sunt militum animi, quamquam ¹ accisæ res satis constabat. Iter deinde de integro cœptum; nec, dum per patentia loca ducebatur agmen, ² apparuit hostis; ubi rursus silvæ intratæ, tum postremos adorti, cum magna trepidatione ac pavore omnium, octingentos milites occide- runt, sex signa ademere. Finis et Gallis territandi, et pa- vendi Romanis fuit, ut e ³ saltu invio atque inpedito eva- sere. inde, apertis locis facile tutantes agmen, Romani Ta- netum, vicum propinquum Pado, contendere: ibi se muni- mento ad tempus commeatibusque fluminis et Brixianorum Gallorum auxilio, adversus crescentem in dies multitudinem hostium, tutabantur.

P. Cornelius Cos. cum classe per- venit Massiliam.

XXVI. Qui tumultus repens postquam est Romanis per- latus, et Punicum insuper Gallico bello auctum Patres ac- ceperunt; C. Atilium prætorem cum una legione Romana et quinque millibus sociorum, delectu novo a consule con- scriptis, auxilium ferre Manlio jubent: qui sine ullo certa- mine (abscesserant enim metu hostes) Tanetum pervenit. Et P. Cornelius, in locum ejus, quæ missa cum prætore fuerat, transcripta legione nova, profectus ab urbe sexaginta ³ longis navibus, præter oram Etruriæ Ligurumque, et inde Salyum montes, pervenit Massiliam, et ad proximum os- tium Rhodani (pluribus enim divisus amnis in mare decur- rit) castra locat: vixdum satis credens, Hannibalem supe- rasse Pyrenæos montes. quem ut de Rhodani quoque trans- itu agitare animadvertit, incertus, quonam ei loco obcur- reret, necdum satis reffectis ab jactatione maritima militi- bus, trecentos interim delectos equites, ducibus Massiliensi- bus et auxiliariis Gallis, ad exploranda omnia visendosque ex tuto hostes præmittit. Hannibal, ceteris metu aut pre- tio pacatis, jam in Volcarum pervenerat agrum, gentis va- lidæ. Colunt autem circa utramque ripam Rhodani: sed, diffusi citeriore agro arceri Poenum posse, ut flumen pro

¹ ex Gron. Crev.

et merito, Andreas, Campanus, et Si- gonius: eos se dimissuros.

⁹⁹ In insidias præcipitatus, multa- que] Vel delenda est particula que, quam aliquot editi non agnoscunt, vel legendum præcipitatur.

¹ Accisæ res] Ex MSS. recte Gro- novius admodum legendum esse ad...

cecidisse. Numerus cæsorum in am- biguo est.

² Apparuit hostis] Ante Sigonium legebatur quum apparuit. Ille parti- culam quum merito erasit.

³ Longis navibus] Navibus bellicis. Vid. not. 12. ad c. 28. l. V.

munimento haberent, omnibus ferme suis trans Rhodanum U. C. 534. trajectis, ulteriorem ripam amnis armis obtinebant. Ce- A. C. 218. teros adcolas fluminis Hannibal, ⁴ et eorum ipsorum quos ^k sedes tenuerant, simul perlicit donis ad naves undique contrahendas fabricandasque: simul et ipsi trajici exercitum, levarique quamprimum regionem suam tanta urgente hominum turba cupiebant. Itaque ingens coacta vis navium est hatriumque ⁵ temere ad vicinalem usum paratarum: novasque alias primum Galli inchoantes cavabant ex singulis arboribus: deinde et ipsi milites, simul copia materiæ, simul facilitate operis inducti, alveos informes, (nihil, dummodo innare aquæ et capere onera possent, curantes) quibus se suaque transveherent, raptim faciebant.

XXVII. Jamque omnibus satis comparatis ad trajiciendum, terrebant ex adverso hostes, omnem ripam ⁶ equites virique obtinentes: quos ut averteret, Hannonem, Bomilcaris filium, vigilia prima noctis, cum parte copiarum, maxime Hispanis, adverso flumine ire iter unius diei jubet; et, ubi primum possit ¹, quam occultissime trajecto amni, circumducere agmen, ut, quum opus facto sit, adoriatur ab tergo hostem. Ad id dati duces Galli ⁷ edocent ^m, inde millia quinque et viginti ferme supra, parvæ insulæ circumfusus amnem, latiore, ubi dividebatur, eoque minus alto alveo, transitum ostendere. ibi raptim cæsa materia ratesque fabricatæ, in quibus equi virique et alia onera trajicerentur. Hispani ⁸ sine ulla mole, in utres vestimentis conjectis, ipsi cætris subpositis incubantes, flumen tranavere. Et alius exercitus, ratibus junctis trajectus, castris prope flumen positus, nocturno itinere atque operis labore fessus, quiete unius diei reficitur, intento duce ad consilium opportune exsequendum. Postero die, profecti ex loco, prodito

^k qui Gron. Crev.

¹ posset Eæd.

^m educunt Gron.

⁴ *Et eorum ipsorum*] Et ex Volscis ipsis eos qui in sedibus suis manserant. Gronovius elegantiorē aliquanto e duobus scriptis lectionem profert: *et eorum ipsorum, quos sedes suæ tenuerant*: id est, qui sedes suas relinquere non sustinuerant. Assensitur unus e codd. Hearnii, et nostri omnes, nisi quod duo carent *et suæ*.

⁵ *Temere ad vicinalem usum paratarum*] Properanter et parum curiose structarum ad breves in vicina trajectus.

⁶ *Equites virique*] Sic et Cæsar l. II. Civil. *Capti homines equitesque producebantur*. GRON.

⁷ *Edocent*] Sic duo scripti, alter Gronovio, alter nobis inspectus: at-

que id admisimus, quum vulgatum *educunt* nullo modo stare possit. *Ad id dati duces Galli edocent, ad millia quinque et viginti ferme inde*, id est ab eo loco ubi tum erant, *supra*, sive verius superiora amnis, *parvæ insulæ circumfusus amnem, latiore* *transitum ostendere*. Verbum *ostendere* pro præes. infinit. habendum est. Quomodo hic *inde millia quinque et viginti ferme supra*, sic et l. XL. c. 30. *Colliberi, millia duo ferme inde, sub colle posuerunt castra*. Millia quinque et viginti passuum efficiunt amplius octo leucas nostrates.

⁸ *Sine ulla mole*] Sine ullo majori apparatu.

U. C. 534. fumo significant, se transisse, et haud procul abesse. quod
 A. C. 218. ubi accepit Hannibal, ne tempori deesset, dat signum ad
 Trajicit Rhodanum. trajiciendum. Jam paratas aptatasque habebat pedes lin-
 tres. ⁹ equites fere propter equos nantes navium agmen, ad
 excipiendum adversi inpetum fluminis parte superiore trans-
 mittens, tranquillitatem infra trajicientibus linitibus præbe-
 bat. Equorum pars magna nantes loris a puppibus trahe-
 bantur, præter eos, quos ¹⁰ instructos frenatosque, ut exem-
 plo egresso in ripam equiti usui essent, imposuerant in na-
 ves.

Elephanti
 quomodo
 trajecti.

XXVIII. Galli obscurant in ripam cum variis ululatibus
 cantuque moris sui, quatientes scuta super capita, vibran-
 tesque dextris tela: ¹¹ quamquam et ex adverso terrebat
 tanta vis navium cum ingenti sono fluminis et clamore vario
 nautarum et militum, qui nitebantur perrumpere inpetum
 fluminis, et qui ex altera ripa trajicientes suos hortabantur.
 Jam satis paventes adverso tumultu terribilior ab tergo
 adortus clamor, castris ab Hannone captis. mox et ipse
 aderat, ancepsque terror circumstabat, ¹² et e navibus tanta
 vi armatorum in terram evadente, et ab tergo improvisa
 premente acie. Galli, ¹³ postquam, ultro^p vim facere cona-
 ti, pellebantur^q, qua patere visum maxime iter, perrumpunt,
 trepidique in vicos passim suos diffugiunt. Hannibal, cete-
 ris copiis per otium trajectis, spernens jam Gallicos tumul-
 tus, castra locat. Elephantorum trajiciendorum varia con-
 silia fuisse credo: certe variata memoria actæ rei. quidam,
 congregatis ad ripam elephantis, tradunt, ferocissimum ex
 his irritatum ab rectore suo, quum refugientem in aquam
 pantem sequeretur, traxisse gregem, ¹⁴ ut quemque timen-

⁹ vis — evadens Gron. Crev.
 Crev.

¹⁰ premebat acies Eæd.

^p ultro del.

^q ultro pellebantur Gron. Crev.

⁹ Equites fere propter equos nan-
 tes] Navium agmen superiore fluvii
 parte transmittens equites, qui fere,
 sive quorum plerique erant propter,
 seu prope equos nantes, tranquillita-
 tem præbebat linitibus infra trajicien-
 tibus. Addit vocem fere, quia non
 omnes equites prope se habebant e-
 quos nantes. Siquidem, ut infra me-
 moratur, aliquot equos instratos fre-
 natosque in naves imposuerant.

¹⁰ Instructos frenatosque] Lege
 cum Gronovio ex auctoritate duorum
 codicum instratos.

¹¹ Quamquam et ex adverso] Reci-
 denda videtur particula et.

¹² Et e navibus tanta vis] Lege
 omnino ex duobus scriptis a Grono-
 vio allatis, a quibus unus e nostris

parum dissentit: et e navibus tanta
 vi armatorum in terram evadente, et
 ab tergo improvisa premente acie.

¹³ Postquam vim facere conati, ul-
 tro pellebantur] Postquam vim facere
 conati, non modo vana moliebantur,
 sed etiam pellebantur. In Jac. Gro-
 novii editione male trajecta est vox
 ultro: postquam ultro vim facere co-
 nati. Non aspernanda tamen est
 unius codicis scriptura ab eodem al-
 lata: quam tuetur unus quoque e
 nostris. Postquam utroque, id est, in
 utramque partem, tum in eos qui a
 fronte, tum in eos qui a tergo adorie-
 bantur, vim facere conati, pellebantur.

¹⁴ Ut quemque timentem] Prout
 quisque elephantorum timens altitu-
 dinem aque, a vado destituebatur.

tem altitudinem destituerat vadum, inpetu ipso fluminis in U. C. 534. alteram ripam rapiente. Ceterum magis constat, ratibus A. C. 218. trajectos: ¹⁵ id ut tutius consilium ante rem foret, ita, acta re, ad fidem pronius est. Ratem unam, ducentos longam pedes, quinquaginta latam, a terra in amnem porrexerunt: quam, ne secunda aqua deferretur, pluribus validis retinaculis parte superiore ripae religatam, pontis in modum humo injecta constraverunt; ut bellum audacter velut per solum ingrederentur. altera ratis, aequae lata, longa pedes centum, ad trajiciendum flumen apta, huic copulata est: et quum elephantum, per stabilem ratem, tamquam viam, praegredientibus feminis, acti, in minorem adplicatam transgressi sunt; extemplo resolutis, quibus leviter adnexa erat, vinculis, ab actuariis aliquot navibus ad alteram ripam pertrahitur: ita primis expositis, alii deinde repetiti ac trajecti sunt. Nihil sane trepidabant, donec continenti velut ponte agerentur. primus erat pavor, quum, ¹⁶ soluta ab ceteris rate, in altum raperentur. ibi, urgentes inter se, cedentibus extremis ab aqua, ¹⁷ trepidationis aliquantum edebant; donec quietem ipse timor circumspectantibus aquam fecisset. excidere etiam saevientes quidam in flumen. sed, pondere ipso stabiles, dejectis rectoribus, quaerendis pedetentim vadis, in terram evasere.

XXIX. Dum elephantum trajiciuntur, interim Hannibal Numidas equites quingentos ad castra Romana miserat speculatum, ubi, et quantae copiae essent, et quid pararent. Huic alae equitum missi, ut ante dictum est, ab ostio Rhodani Equestre trecenti Romanorum equites obcurrunt. proelium atrocius, ^{proelium} quam pro numero pugnantium, editur. Nam praeter multa ^{inter Numi-} vulnera, caedes etiam prope par utrimque fuit: fugaque et ^{das 500. et} pavor Numidarum Romanis, jam admodum fessis, victoriam ^{Rom. 300.} dedit. victores ad centum sexaginta, nec omnes Romani, sed pars Gallorum: victi ¹⁸ amplius ducenti ceciderunt. Hoc principium simul omenque belli, ut summæ rerum prospe-

^{*} *trepidationem* Gron. Crev. ^{Eæd.}

^{*} *circumspicientibus* Eæd.

^{*} *ducentis*

^{*} *simulque omen* Eæd.

¹⁵ * *Id, ut tutius*] Id ut, ante rem actam, tutius videri consilium debebat, ita nunc, quum acta res memoratur, probabilius est, tale est ut credi facilius posset.

¹⁶ *Soluta ab ceteris rate*] Supra unius tantum ratis mentio facta fuit, quæ ad partem ripae superiorem alligata immobilis remaneret. At Polybius de eadem re agens, plures fuisse rates memorat, quum inter se, tum ad ripam valide religatas. * Possis quoque referre vocem *ceteris* ad elephan-

tos, in hunc modum: *quum soluta rate ab ceteris elephantis avulsi in altum amnem raperentur.*

¹⁷ *Trepidationem aliquantum edebant*] Sic l. I. c. 16. *quantum illi viro fides fuerit.* Itaque nihil est opus rescribere cum Gronovio *trepidationis.*

¹⁸ *Amplius ducentis*] Duo scripti Gronovio inspecti, Mureti liber, unus Hearnii codex, et tres nostri habent *amplius ducenti.* Et sic passim Livius. Intelligitur enim *quam.*

U. C. 534. rum eventum; ita haud sane incruentam ancipitisque certa-
 A. C. 218. minis victoriam, Romanis portendit. Ut*, re ita gesta, ad
 utrumque ducem sui redierunt, ¹⁹ nec Scipioni stare senten-
 tia poterat, nisi ut ex consiliis coeptisque hostis et ipse cona-
 tus caperet: et Hannibalem incertum, utrum coeptum in
 Italiam intenderet iter, an cum eo, qui primus se obtulisset
 Romanus exercitus, manus consereret, ²⁰ avertit[†] a praesenti
 certamine Boiorum legatorum regulique Magali adventus:
 qui se duces itinerum, socios periculi fore, adfirmantes, ²¹ in-
 tegro bello, nusquam ante libatis viribus, Italiam adgreden-
 dam censent. Multitudo timebat quidem hostem, nondum
 obliterata memoria superioris belli: sed magis iter inmen-
 sum Alpesque, ²² rem fama utique inexpertis horrendam, me-
 tuebat.

Hannibal
 hortatur
 milites.

XXX. Itaque Hannibal, postquam ipsi sententia stetit
 pergere ire, atque Italiam petere, advocata concione, varie
 militum versat animos castigando adhortandoque. *Mirari
 se, quinam pectora semper inpavida repens terror invasit. per
 tot annos vincentes eos stipendia facere; neque ante Hispania
 excessisse, quam omnes ²³ gentesque et terrae eae, quas duo diver-
 sa maria amplectantur, Karthaginiensium essent. Indignatos
 deinde, quod, ²⁴ quicumque Saguntum obsedissent, velut ob no-
 xam, sibi dedi postularet populus Romanus, Iberum trajecisse
 ad delendum nomen Romanorum, liberandumque orbem terra-
 rum. Tum nemini visum id longum, quam ab occasu solis ad
 exortus[‡] intenderent iter. Nunc, postquam multa majorem par-
 tem itineris emensam cernant, Pyrenaeum saltum inter ferocis-
 simas gentes superatum, Rhodanum, tantum amnem, tot milli-
 bus Gallorum prohibentibus, domita etiam ipsius fluminis vi,
 trajectum, in conspectu. Alpes habeant, quarum alterum latus
 Italiae sit; in ipsis portis hostium fatigatos subsistere, quid
 Alpes aliud esse credentes, quam montium altitudines? Finge-
 rent altiores Pyrenaei jugis. nullas profecto terras caelum con-
 tingere, nec inexsuperabiles humano generi esse. Alpes quidem
 habitari, coli, gignere atque alere animantes. pervias paucis*

* Ut del. Gron. Crev.

† averterat Gron.

‡ ortum Gron. Crev.

¹⁹ Nec Scipioni stare sententia pot-
 erat] Hoc debetur Sigonio. Prius
 Scipionis.

²⁰ Avertit] Sic et vetustius eusi, et
 scripti. Posteriores editiones, aver-
 terat.

²¹ Integro bello] Bello nusquam
 ante tentato, cujus ex apparatu viri-
 busque nihil delibatum aut imminu-
 tum esset.

²² Rem fama utique] Rem ar-
 duam per se, sed praesertim, si quis
 eam ex fama tantum noverit, nun-

quam expertus, horrendum.

²³ Gentesque et terrae eae ... Car-
 thaginiensium assent] Conjectura Lau-
 rentii Vallae. Campanus edidit: gen-
 tes et terras eas ... Carthaginiensium
 fecissent. Et sic scripti, nisi quod pro
 fecissent, praefertunt esse.

²⁴ Quicumque Saguntum obsedi-
 sent] Solum Annibalem depoposcerant
 Romani. Sed hic Annibal non tam
 spectat quid verum sit, quam quid
 invidiosum in Romanos, et ad suo-
 rum animos inflammandos efficax.

esse, ²⁵ *exercitibus invias?* eos ipsos, quos cernant, legatos non pennis sublimē elatos *Alpes transgressos*: ne majores quidem eorum indigenas; sed advenas *Italiae cultores*, has ipsas *Alpes* ingentibus saepe agminibus cum liberis ac conjugibus, migrantium modo, tuto transmisisse. Militi quidem armato, nihil secum praeter instrumenta belli portanti, quid invium aut inexplabile esse? Saguntum ut caperetur, quid per octo menses periculi, quid laboris exhaustum esse? ²⁶ *Romam*, orbis terrarum caput, petentibus quidquam adeo asperum atque arduum videri, quod inceptum moretur? Cepisse quondam Gallos ea, quae adiri posse Pœnus desperet. proinde aut cederent animo atque virtute genti, per eos dies toties ab se victæ: aut itineris finem sperent campum interjacentem Tiberi ac mœnibus Romanis.

XXXI. His adhortationibus incitatos corpora curare, atque ad iter se parare jubet. Postero die, profectus adversa ripa Rhodani, mediterranea Galliae petit: non quia rec-
 tior ad Alpes via esset, sed, quantum a mari recessisset, ²⁷ minus obvium fore Romanum credens: cum quo, priusquam in Italiam ventum foret, non erat in animo manus conserere. Quartis castris ad Insulam pervenit: ²⁸ ibi Arar Rhodanusque amnes, ²⁹ diversis ex Alpibus decurrentes, agri aliquantum amplexi, confluent in unum. Mediis campis Insulae nomen inditum. Incolunt prope Allobroges, gens ³⁰ jam inde nulla Gallica gente opibus aut fama inferior: tum discors erat. Regni certamine ambigebant fratres. major, ³¹ et qui prius imperitarat, Brancus nomine, minore ab fratre et coetu juniorum, qui jure minus, vi plus poterant, pellebatur. Hujus seditionis peropportuna disceptatio quum ad Hannibalem rejecta esset, arbiter regni

U. C. 534.
A. C. 218.
Mediterranea Galliam petit.

^a obviam Gron. Crev.
erat Ead.

^b diversi Gron.

^c aliquantulum Ead.

^d poterat Ead.

²⁵ *Exercitibus invias*] Vox *invias* abest a scriptis et vett. editis: at merito adjecta est.

²⁶ *Romam, Orbis terrarum caput*] Jam observavimus Livium, amoris in patriam indulgentem, elatius de ea loqui gaudere. Sic hoc loco, quomodo dici potest, idque ab Annibale, Roma Orbis terrarum caput, cujus tunc imperium finibus Italiae vicinarumque insularum terminabatur?

²⁷ *Minus obviam*] Rectius videretur *obvium*, quod reperiri in uno codice testatur Gronovius.

²⁸ *Ibi Arar Rhodanusque amnes*] Legendum est, *Ibi Isara*. Hoc probant quum alia multa, tum hoc vel maxime, quod Polybius, quem hic vertit noster, in insula illa quam de-

scribit, in ipsa, inquam, insula, non prope, quemadmodum Livius, dicit incolere Allobroges. Allobroges autem non inter Rhodanum et Ararim, sed inter Rhodanum et Isaram incolebant. Reposuimus ex auctoritate MSS. *diversis ex Alpibus*, e diversis Alpium partibus; itidemque *agri aliquantum*. Vulgo *diversi, aliquantulum*. Hæc monuit Jac. Gronovius.

²⁹ *Diversis ex Alpibus*] E diversis Alpium partibus.

³⁰ *Jam inde*] Hoc addit Livius, quia postea maxime gens Allobrogum opibus et fama inclaruit: qua et devicta insigne sibi *Allobrogici* cognomen Q. Fabius peperit.

³¹ *Et qui prius*] Lege, *qui et prius*.

quam provinciam sortitus erat, Cn. Scipionem fratrem cum U. C. 534. maxima parte copiarum adversus Hasdrubalem misit; non A. C. 218. ad tuendos¹ tantummodo veteres socios conciliandosque novos, sed etiam ad pellendum Hispania Hasdrubalem. ipse cum admodum exiguis copiis Genuam repetit, eo, qui circa Padum erat, exercitu Italiam defensurus, Hannibal ab Druentia campestri maxime itinere³⁸ cum bona pace ad Alpes incolentium ea loca Gallorum pervenit. Tum, quam-^{Hannibal}quam fama prius (qua incerta in majus vero ferri solent)^{transit Al-}^{pes.}præcepta res erat, tamen ex propinquo visa montium alitudo, nivesque coelo prope inmixtæ, tecta informia inposita rupibus, pecora jumentaue torrida frigore, homines intonsi et inculti, animalia inanimaque omnia rigentia gelu, cetera visu, quam dictu, foediora, terrorem renovarunt. Erigentibus in primos agmen clivos adparuerunt imminentes tumulos insidentes montani: qui, si valles occultiores inessissent, coorti in pugnam repente, ingentem fugam stragemque dedissent. Hannibal consistere signa jubet; Gallicque ad visenda loca præmissis, postquam comperit, transitum ea non esse, castra inter confragosa omnia præruptaque, quam extentissima potest valle, locat. Tum per eosdem Gallos, haud sane multum lingua moribusque abhorrentes, quum se inmiscuissent conloquiis montanorum, edoctus interdum tantum obsideri saltum, nocte in sua quemque dilabi tecta; luce prima subiit tumulos, ut ex aperto atque interdum⁴⁰ vim² per angustias factururus. Die deinde simulando aliud, quam quod parabatur, consumto, quum eodem quo constiterant, loco castra communissent, ubi primum degressos tumulis montanos laxatasque sensit custodias, pluribus ignibus, quam pro numero manentium, in speciem factis, impedimentisque cum equite relictis, et maxima parte peditum; ipse cum expeditis, acerrimo quoque viro, raptim angustias evadit: iisque ipsis tumulis, quos hostes tenuerant, consedit.

XXXIII. Prima deinde luce castra mota, et agmen reliquum incedere cœpit. Jam montani signo dato ex castellis ad stationem solitam conveniebant; quum repente conspiciunt alios, arce occupata sua, super caput imminentes, alios via transire hostes. ⁴¹ Utraque simul objecta res oculis ani-

¹ *tutandos* Gron. Crev.

² *viam* Gron.

38* *Cum bona pace ad Alpes*] Pervenit ad Alpes cum bona pace Gallorum, nihil tumultus nec molestiæ expertus a Gallis.

39* *Præcepta*] Ante animo capta, præcognita.

40 *Vim per angustias factururus*

Vulgo *viam*. At scripti habent *vim*, ut et Andreas et Campanus. Nec necesse fuerat mutari.

41 *Utraque simul objecta res, oculis animisque immobiles*] Particulam *quæ* omittunt vulgati. Eam addidimus ex aliquot MSS. a Jac. Gronovio me-

U. C. 534.
A. C. 218.

misque¹ immobiles parumper eos defixit. deinde ut trepidationem in angustiis, suoque ipsum tumultu misceri agmen videre, equis maxime consternatis, quidquid adiecissent ipsi terroris, satis ad perniciem fore rati, ⁴² perversis rupibus ✕ juxta invia ac devia adsueta discurrunt. Tum vero simul ab hostibus, simul ab iniquitate locorum Poeni obpugnabantur; plusque inter ipsos, (sibi quoque tendente, ut periculo prius evaderet) quam cum hostibus, certaminis erat. Equi maxime infestum agmen faciebant, qui et clamoribus dissonis, quos nemora etiam repercussæque valles augebant, terri trepidabant: et icti forte aut vulnerati adeo consternabantur, ut stragem ingentem simul hominum ac sarcinarum omnis generis facerent: ⁴³ multosque turba, quum præcipientes eruptæque utrimque angustiae essent, in immensum altitudinis dejecit; quosdam et armatos. sed² ruinae maximae modo jumenta cum oneribus devolvebantur. Quae quamquam foeda visu erant, stetit parumper tamen Hannibal, ac suos continuit, ne tumultum ac trepidationem augeret. deinde postquam interrumpi agmen vidit, periculumque esse, ne exutum impedimentis exercitum nequidquam incolumem traduxisset, decurrit ex superiore loco; et, quum inpetu ipso fudisset hostem, suis quoque tumultum auxit. sed is tumultus momento temporis, postquam liberata itinera fuga montanorum erant, sedatur: nec per otium modo, sed prope silentio, mox omnes traducti. Castellum inde, quod caput

¹ animis Gron.

² inde Gron. Crev.

moratis, quibus consentiunt e nostris duo. In vett. quoque editis illa exstabat, teste Glareano. Et sic concinnior est, et apertior, et Livio dignior oratio, quam quomodo hactenus edebatur: *Utraque simul objecta res oculis, animis immobiles parumper eos defixit.* Quis non sentiat duas illas voces, *oculis animis*, non in diversa membra dispertiendas, sed potius inter devinciendas esse.

⁴² *Perversis rupibus juxta invia ac devia assueti discurrunt*] Primo, scripti aliquot habent *decurrunt*: quod verbum altiori loco convenit, ex quo barbari in Poenos sese cum impetu dejiciebant. 2º. pro *perversis rupibus*, Gronovius legendum suadet *per transversas rupes*: nimium fortasse audacter. Videndum an hic *perversis rupibus* accipi debeat *per infestas incommodasque rupes*: ut apud Plautum Men. Act. V. sc. 5. v. 1. *perversus dies* dicitur pro incommodo, molesto die; apud Virgil. Æn. VII. v.

584. *perverso numine*, id est, infesto, adverso numine; apud Propert. IV. Eleg. 9. v. 38. *perversa manu*, id est, noxia, infesta manu. Quod si placeat, *invia ac devia* pendebunt a verbo *decurrunt*, ut sic totus locus exponi debeat: per infestas molestasque rupes, decurrunt haud ægre, utpote assueti, invia pariter ac devia, id est, et ea in quibus nulla via erat, et ea quæ a via trita divertebant.

⁴³ *Multosque turba*] *Turba* hic est tumultus. Intelligendum est autem hunc tumultum accidisse maxima circa impedimenta. Itaque hi, qui dicuntur in immensum altitudinis dejecti, accipiendi sunt lixæ ac calones. Propterea addit Livius *quosdam et armatos*; sed *ruinae maximae modo jumenta cum oneribus*. Sic enim habet unus codex, omisso verbo *devolvebantur*, quod sane necessarium non est, quum verbum *dejecit* in omnia sufficiat. Ita sentit et exponit Gronovius.

ejus regionis erat, viculosque circumjectos capit, et ⁴⁴ capti- U. C. 534.
vorum pecoribus per triduum exercitum aluit. et quia ⁴⁵ nec A. C. 218.
montanis primo percussis, nec loco magnopere inpediebantur, aliquantum eo triduo viæ confecit.

XXXIV. Perventum inde ad frequentem cultoribus alium, ut inter montana, populum. ibi non bello aperto, sed suis artibus, fraude, deinde insidiis est prope circumventus. Magno natu principes castellorum oratores ad Pœnum veniunt: *alienis malis, utili exemplo, doctos, memorantes, amicitiam malle, quam vim experiri Pœnorum. itaque obedienter imperata facturos, commeatum itinerisque duces, et ad fidem promissorum obsides acciperet.* Hannibal nec temere credendo, nec aspernando, ne repudiati aperte hostes fierent, benigne quum respondisset; obsidibus, quos dabant, acceptis, et commeatu, quem in viam ipsi detulerant, usus, nequaquam ut inter pacatos, composito agmine duces eorum sequitur. Primum agmen elephantum et equites erant: ipse post cum robore peditum, circumspectans sollicitusque omnia, incedebat. Ubi in angustiores viam ex parte altera subjectam jugo insuper imminenti ventum est, undique ex insidiis barbari a fronte, ab tergo coorti, cominus eminus petunt: saxa ingentia in agmen devolvunt: maxima ab tergo vis hominum urgebat. ⁴⁶ in eos versa peditum acies haud dubium fecit, quin, nisi firmata extrema agminis fuissent, ingens in eo saltu accipienda clades fuerit. Tunc quoque ad extremum periculi ac prope perniciem ventum est: nam, dum cunctatur Hannibal demittere agmen* in angustias; quia non, ut ipse equitibus præsidio erat, ita peditibus quidquam ab tergo auxilii reliquerat; *obcursantes per obliqua montani, perrupto medio agmine, viam insedere; noxque una Hannibali sine equitibus atque inpedimentis acta est.*

XXXV. Postero die, jam segnius intercurrentibus barbaris, junctæ copiæ, saltusque ⁴⁷ haud sine clade (majore tamen jumentorum, quam hominum, perniciem) superatus: inde montani pauciores jam, et latrocinii magis quam belli

* sollicitus Gron. Crev.

° agmen dem. Ead.

44 *Captivorum pecoribus*] Videtur fuisse vel *captivis pecoribus*, vel *captivo pecore*. Scripti nostri partim *captivis ac pecoribus*, partim *captivo ac pecore*.

45 *Nec montanis primo percussis*] Valla et Gronovius legi jubent *prælio percussis*: atque ita edidit Campanus, sed Vallæ fortasse obsecutus.

46 * *In eos versa peditum acies haud dubium fecit*] In eos versa peditum

acie, apparuit, ex magno scilicet plenoque periculi certamine, ingentem in eo saltu cladem accipiendam fuisse, nisi firmata valido præsidio extrema agminis fuissent. *Tunc quoque*, id est, atque etiam licet firmasset peditum Annibal extrema agminis, tamen....

47 *Haud sine clade, majore tamen jumentorum, quam hominum perniciem*] Redundat hic vox *perniciem*. Potest enim repeti ex præcedentibus *clade*.

U. C. 534/
A. C. 218.

more, concursabant; modo in primum, modo in novissimum agmen, ⁴⁸ utcumque^p aut locus opportunitatem daret, aut progressi morative aliquam occasionem fecissent. ⁴⁹ Elephanti, sicut præcipites per artas vias magna mora agebantur, ita tutum ab hostibus, quacumque incederent, (quia insuetis adeundi propius metus erat) agmen præbebant. Nonodie in jugum Alpium perventum est, per invia pleraque et errores, quos aut ducentium fraus, aut, ubi fides iis non esset, temere, initæ valles a conjectantibus iter, faciebant. ⁵⁰ Biduum in jugo^q stativa habita: fessisque^r labore ac pugnando quies data militibus: jumentaque aliquot, quæ prolapsa in rupibus erant, sequendo vestigia agminis in castra pervenere. Fessis tædio tot malorum nivis etiam casus, ⁵¹ occidente jam sidere Vergiliarum^s, ingentem terrorem adjecit. Per omnia nive oppleta quum, signis prima luce motis, segniter agmen incederet, pigritiaque et desperatio in omnium vultu emeretur; prægressus signa Hannibal in promontorio quodam, unde longe ac late prospectus erat, consistere jussis militibus Italiam ostentat, subjectosque Alpinis montibus Circumpadanos campos: *mæniaque eos tum transcendere non Italiæ modo, sed etiam urbis Romanæ. cetera plana, proclivia fore: uno, aut ⁵² summum altero prælio arcem et caput Italiæ in manu ac potestate habituros.* Procedere inde agmen cœpit; jam nihil ne hostibus quidem, præter parva furta per occasionem, tentantibus. Ceterum iter multo, quam in adscensu fuerat, (ut pleraque Alpium ab Italia sicut breviora, ita ⁵³ adrectiora^t sunt) diffi-

^p ut cuique Gron.
giliarum Gron.

^q jugis Gron. Crev.
^t arctiora Ead.

^r fessis Ead.

^s Vir-

48 *Utcunque*] Vulgo *ut cuique*. Sed meliores scripti, tum Gronoviani, tum nostri, habent *utcumque*, id est, prout.

49 *Elephanti sicut præcipites per artas vias*] Possumus sic exponere: Elephanti magna quidem mora agebantur, utpote præcipites, id est, pendentes quodammodo et jamjam casuris similes, per artas vias. At iidem hoc commodi afferebant, quod, quacumque incederent, tutum agmen præberent. Melius tamen vox *præcipites* videretur referri ad vias, quam ad elephantos. Ideo nobis placet is ordo verborum quem servat unus e nostris codicibus: *sicut per artas præcipites vias*. Addenda est tantum particula copulativa: *per artas et præcipites*, vel *præcipitesque vias*. Sane in vulgata lectione haud exprimitur, cur elephantum agantur præcipites. Via

enim arcta esse eadem et plana potest.

50 *Biduum in jugis*] Magis placeret *in jugo*, quod habet Gronovii unus codex, et noster Victorinus, alludentibus eodem et aliis aliquot, plane autem assentientibus duobus Hearnii scriptis. Supra: *nono die in jugum Alpium perventum est*.

51 *Occidente jam sidere Vergiliarum*] Vergiliæ, sive Pleiades, sunt stellæ septem in collo Tauri. Occasus Pleiadum de quo hic agit Livius, contingebat, Plinii ævo, III. Idus Novembris, ipso teste, l. XVIII. c. 31.

52 *Summum*] Ad summum, quod Gallice dicimus *au plus*. Restituit hanc loquendi formam Livio Gronovius, quum vulgo editi haberent *ad summum*, scripti *summo*.

53 *Adrectiora*] Hæc vera est lectio;

cilius fuit: omnis enim ferme via præceps, angusta, lubrica U. C. 534. erat: ut ⁵⁴ neque sustinere se a lapsu possent; nec, qui ^{A. C. 218.} paululum titubassent, hæreere afflicti vestigio suo; aliique super alios, et jumenta et homines, occiderent.

XXXVI. Ventum deinde ad multo angustiores rupes, atque ita rectis saxis, ut ægre expeditus miles tentabundus, manibusque retinens virgulta ac stirpes circa eminentes, demittere sese posset. Natura locus jam ante præceps, recenti lapsu terræ ⁵⁵ in pedum mille admodum altitudinem abruptus erat. Ibi quum, velut ad finem viæ, equites constitissent, miranti Hannibali, quæ res moraretur agmen, nunciatur, rupem inviam esse. digressus deinde ipse ad locum visendum. ⁵⁶ haud dubia res visa, quin per invia circa nec trita antea, quamvis longo ambitu, circumduceret agmen. Ea vero via insuperabilis fuit. nam ⁵⁷ quum super veterem nivem intactam nova modicæ altitudinis esset, molli nec præaltæ nivi facile pedes ingredientium insistebant. ut vero tot hominum jumentorumque incessu dilapsa est, per nudam infra glaciem ⁵⁸ fluentemque tabem liquescentis nivis ingrediebantur. Tetra ibi luctatio erat. ⁵⁹ ut a lubrica glacie, non recipiente vestigium, et in prono citius pede se fallente, et, seu manibus in adsurgendo seu genu se adjuvissent, ⁶⁰ ipsis

⁵⁴ qui l. si qui Gron. Crev.

quam firman aliquot MSS. tum Gronovio, tum nobis inspecti. Editorum turba habet *arctiora*: insulse.

⁵⁴ *Neque sustinere se a lapsu, nec, si qui paululum titubassent, hæreere afflicti vestigio suo*] Hæc impedita sunt et obscura. Particula *nec* videtur in alienum locum temere immigrasse. Sensus fortasse clarior esset hoc modo: *ut neque sustinere se a lapsu possent, si qui paululum titubassent, nec hæreere afflicti vestigio suo*. Nimirum nec poterant, qui paululum titubassent, sustinere se a lapsu, nec afflicti, i. e. postquam lapsi erant, hæreere vestigio suo, sive locum suum tenere. Nam in præcipitia et abrupta devolvebantur.

⁵⁵ *In pedum mille admodum altitudinem*] Emendatio Vallæ. Prius legebatur *impeditus tum ille admodum*. Firmat emendationem Polybius, qui hac ipsa de re agens, numerat, *ἐξ ἧς τῆς ἡμῶν*.

⁵⁶ *Haud dubia res visa*] Apparuit dubium non esse, quin circumducendum esset agmen per loca invia circa: quia nempe rupes illa ad quam perventum erat, rectum iter relinquere omnino cogebat.

⁵⁷ *Quum super veterem nivem intactam nova... esset*] Sic quidem omnes libri quos inspeximus. Non dubitamus tamen, quin rescribendum sit, *intacta*: quod epitheton longe melius cadit in novam nivem, quam in veterem.

⁵⁸ *Fluentemque tabem*] Proba Gronovii conjectura. Cic. de Nat. Deor. l. II. n. 26. *Frigoribus durescit humor et idem... tabescit calore*. Seneca, Nat. Quæst. l. III. c. 27. *congestæ seculis tabuerunt nives*. Male hic olim legebatur *labem*.

⁵⁹ *Ut a lubrica glacie*] Quia nempe illis res erat cum lubrica glacie, cui vestigium infigi non posset: et quum præterea locus pronus esset, pes citius se fallebat labeaturque.

⁶⁰ *Ipsis adminiculis prolapsi si iterum corruissent, nec stirpes circa... erant*] Si hæc lectio maneat, particula *nec* interpretanda est *ne... quidem*. At planius et expeditius multo foret legere: *ipsis adminiculis prolapsi iterum corruerant*. Et quidem hic aliquid esse vitii indicare videtur ipsa MSS. varietas, quorum plerique habent *prolapsis iterum*, quidam etiam, *corruerant*.

U. C. 534. adminiculis prolapsis², iterum corruissent, nec stirpes circa
A. C. 218. radicesve, ad quas pede aut manu quisquam eniti posset,
erant; ita⁷ in levi tantum glacie tabidaque nive volutaban-
tur¹. ⁶¹jumenta secabant; interdum etiam⁸, tum infimam
ingredientia nivem, et prolapsa jactandis gravius in conti-
nendo ungdls, penitus perfringebant: ut pleraque, velut
pedica capta, hæerent in durata et alte concreta glacie.

XXXVII. Tandem, nequidquam jumentis atque homini-
bus fatigatis, castra in jugo posita, ægerrime ad id ipsum
loco purgato: tantum nivis fodiendum atque egerendum fuit.
Inde ad rupem muniendam, per quam unam via esse pot-
erat, milites ducti, quum cædendum esset saxum, arboribus
circa inmanibus dejectis detruncatisque, struem ingentem
lignorum faciunt: eamque (quum et vis venti apta faciendo
igni coorta esset) succendunt, ⁶²ardentiaque saxa infuso ace-
to putrefaciunt. Ita torridam incendio rupem ferro pan-
dunt, ⁶³moliuntque amfractibus modicis clivos, ut non ju-
menta solum, sed elephanti etiam, deduci possent. Quatri-
dum circa rupem consumtum, jumentis prope fame absum-
tis: nuda enim fere cacumina sunt, et, si quid est pabuli,
obruunt nives. ⁶⁴Inferiora^b valles et apricos quosdam col-
les habent, rivosque prope silvas, ⁶⁵et jam^c humano cultu
digniora loca. Ibi jumenta in pabulum missa, et quies mu-
niendo fessis hominibus data triduo. inde ad planum de-
scensum^d, etiam locis mollioribus et adcolarum ingeniis.

Rupes igne
et aceto
mollita.

Italiam in-
greditur
Hannibal.

XXXVIII. Hoc maxime modo in Italiam perventum

² prolapsi si iterum Gron. Crev. ⁷ itaque Crev. ⁸ interpunctio
Gronoviana, probata Creverio, hæc est: — volutabantur jumenta: secabant inter-
dum, etiam tum inf. &c. ^a et jam Crev. ^b inferiora vallis apricos quosdam.
Gron. Crev. ^c etiam Gron. ^d add. est Crev.

⁶¹ Jumenta secabant interdum et
jam tum] In vulgatis distinctio appo-
nitur post vocem jumenta. Sed me-
rito videtur Gronovius eam huic vo-
ci præposuisse, ut ea quæ præcedunt
ad homines ipsos referantur. Hoc
quippe modo oratio et distinctior est,
et magis accommodata ad Polybii
mentem, quem hic fidus interpret ex-
scribit Livius. In iis quæ sequuntur,
particulam etiam resolvimus in duas
voculas et jam. Jumenta infimam il-
lam nivem, hoc est, veterem, duram,
et jam tum ingredientia, i. e. vel ip-
so primum ingressu, secabant, et pro-
lapsa, jactandis gravius ungdls in
continendo se, ut se continerent, ut
firmarent vestigium, penitus perfrin-
gebant.

⁶² Ardentiaque saxa infuso aceto
putrefaciunt] Mirum sane, unde An-

nibali tantum suppeditaverit aceti.
Et quidem nihil tale habet Polyb.
Ceterum igni et aceto rumpi silices
affirmat Plin. XXXIII. 3.

⁶³ Moliunt amfractibus mo-
dicis clivos] Non rectas ducunt vias,
sed per modicos amfractus inflexas,
ita ut mollior descensus per clivos
fieret.

⁶⁴ Inferiora vallis] Melius fortasse,
quod ex uno MS. cui accedit unus e
regiis, affert Jac. Gronovius: infério-
ra vallis et apricos

⁶⁵ Et jam humano cultu] Divisim
legi jussimus auctore Gronovio, et
jam, quum vulgati haberent etiam.
Infra quoque dividenda rursus vide-
tur eadem particula: et jam, seu po-
tius, jam et locis mollioribus, et adco-
larum ingeniis.

est, quinto mense a Karthagine nova, (ut quidam auctores U. C. 534. sunt) quinto decimo die Alpibus superatis. Quantæ copię A. C. 216. transgresso in Italiam Hannibali fuerint, nequaquam inter auctores constat. qui plurimum, centum millia peditum, viginti equitum fuisse scribunt; ⁶⁶ qui minimum, viginti millia peditum, sex equitum. ⁶⁷ L. Cincius Alimentus, qui captum se ab Hannibale scribit, maxime auctor me moveret, nisi confunderet numerum, Gallis Liguribusque additis: cum his octoginta millia peditum, decem equitum, adducta in Italiam: (⁶⁸ magis adfluxisse verisimile est, et ita quidam auctores sunt.) ex ipso autem audisse Hannibale, postquam Rhodanum transierit, ⁶⁹ triginta sex millia hominum, ingentemque numerum equorum et aliorum jumentorum amisisse in Taurinis, quæ Gallis proxima gens erat, in Italiam digresso⁷. Id quum inter omnes constet, eo magis miror ambigi, quam Alpes transierit: et vulgo credere, Penino⁸, ⁷⁰ atque inde nomen et jugo Alpium inditum, transgressum. ⁷¹ Cœlius per ⁷² Cremonis jugum dicit transisse: qui ambo saltus eum non in Taurinos, sed ⁷³ per Salassos montanos ad Libuos Gallos deduxissent. Nec verisimile est, ea tum ⁷⁴ ad Galliam patuisse itinera; utique, quæ ad Peninum ferunt, obsepta gentibus semigermanis fuissent. neque, Hercule, montibus his (⁷⁵ si quem forte id movet⁹) ⁷⁶ ab transitu Pœ-

⁶ add. scribit Gron. Crev.
tuncque occurrit. Ead.

⁷ digresso Ead.

⁸ Penino sic, quoties-

⁹ movit Ead.

⁶⁶ Qui minimum, viginti millia peditum, sex equitum] Ita memorat Polybius, qui quidem sese id didicisse testatur ex ærea tabula Lacinii ab ipso Annibale inscripta et incisa.

⁶⁷ L. Cincius Alimentus] Vid. not. 30. ad VII. 3.

⁶⁸ Magis adfluxisse verisimile est] Verisimilius est tantum copiarum numerum adfluxisse ad eum, postquam in Italiam transierit, quam adductum ab eo in Italiam.

⁶⁹ Triginta sex millia hominum] Multum placet Gronovii conjectura: triginta sex millia hominum amissa, Taurinis. . in Italiam digresso: i. e. Annibali, postquam per Taurinorum regionem in Italiam descenderit, amissa apparuisse, defuisse triginta sex millia hominum ex eo numero quocum Rhodanum transierat.

⁷⁰ Atque inde nomen et jugo] Forte, nomen ei jugo. GRONOVIVS.

⁷¹ Cœlius] L. Cœlius Antipater, scriptor non mediocris apud antiquos famæ: qui ex jejunitate veterum et serpente humi simplicitate primus

paululum se erexit, et addidit historiam majorem sonum vocis, ut ait Cicero, L. II. de Or. n. 54. L. Crassus, insignis illius oratoris, familiaris, imo et magister, teste eodem Cic. ibid. et in Bruto, n. 102. Hinc satis cognoscitur quo tempore vixerit; Gracchanis nimirum temporibus, ut clare docet Val. Max. I. 7. et sat diu etiam post Gracchos. Scripserat historiam belli hujus Annibalici, ut colligitur ex hoc et non paucis aliis hujus decadis locis, in quibus a Livio testis citatur.

⁷² Cremonis jugum] Glareanus testatur in vetustioribus codicibus legi centronis jugum. Sane haud procul a Pennino jugo incolebant Centrones, Gallicus populus; et Centronicarum Alpium Plinius mentionem fecit L. XI. c. 42.

⁷³ Per Salassos] Hoc debetur Lipsio et Cluverio. Antea per saltus.

⁷⁴ Ad Galliam] Togatam, seu Cisalpinam.

⁷⁵ Si quem forte id movet] Scripti aliquot, movet.

⁷⁶ Ab transitu Panorum ullo Ve-

U. C. 534. norum ullo Veragri, incolæ jugi ejus, norunt nomen inditum ;
A. C. 218. sed ⁷⁷ ab eo, quem, in summo sacratum vertice, ⁷⁸ Peninum
montani adpellant.

Cornelius
Cos. ob-
viam venit.

XXXIX. Peroportune ad principia rerum Taurinis, proximæ genti, adversus Insubres motum bellum erat. sed armare exercitum Hannibal, ut parti alteri auxilio esset, (⁷⁹ in reficiendo maxime sentientem contracta ante mala) non poterat. otium etenim ex labore, copia ex inopia, cultus ex inluvie tabeque, squalida et prope ⁸⁰ efferata corpora varie movebant. Ea P. Cornelio consuli caussa fuit, quum Pisas navibus venisset, exercitu a Manlio Atilioque accepto tirone, et in novis ignominiiis trepido, ad Padum festinandi; ut cum hoste nondum refecto manum consereret. sed cum Placentiam consul venit, jam ex stativis moverat Hannibal; Taurinorumque unam urbem, caput gentis ejus, ⁸¹ quia volentis in amicitiam non veniebant¹, vi expugnarat: junxissetque sibi, non metu solum, sed etiam voluntate, Gallos adcolas Padi; ni eos, circumspicientes defectionis tempus, subito adventus consulis obpressisset. Et Hannibal movit ex Taurinis, incertos, quæ pars sequenda esset, Gallos præsentem se secuturos ratus. Jam prope in conspectu erant exercitus, convenerantque duces ⁸² sicuti^k inter se nondum satis noti, ita jam inbutus uterque quadam admiratione alterius. Nam Hannibalis et apud Romanos, jam ante Sagunti excidium, celeberrimum nomen erat: et Scipionem Hannibal eo ipso, quod adversus se dux potissimum lectus esset, præstantem virum credebat. et auxerant inter se opinionem, Scipio, quod, relictus in Gallia, obvius fuerat in Italiam transgresso Hannibali; Hannibal, et^l conatu tam auda-

¹ veniebat Gron.

^k sicut uterque Gron. Crev.

^l et del. Eæd.

ragri] Codd. nostri, ut et Gronoviani, et antiquiores editi: *ab transitu Pennorum nullo sed uno vel acri*. Nullo recte mutatum est in ullo, et *vel acri* in *Veragri*. Sed haud recte suppressæ sunt mediæ voces, in quibus latere populi Alpini nomen vidit oculatissimus Gronovius. Legamus igitur cum eo vel *Seduni et Veragri*, vel *Seduno-Veragri*, si forte duobus populis in unum confusis etiam nomina permista sunt, ut *Tauroscythæ*, *Celtiberi*. Sedunos et Veragros inter Alpinos populos recensent Cæsar de B. Gall. l. III. Plinius, l. III. c. 20.

⁷⁷ *Ab eo*] Deo, vel heroë.

⁷⁸ *Penninum*] *Pennum* legit Cluverius, quem vide l. I. Germ. c. 26.

⁷⁹ * *In reficiendo*] Qui contracta in transitu Alpium mala tum maxime

sentiebat, quum se reficere conaretur.

⁸⁰ * *Efferata*] Propter squalorem, et omissum tanto tempore omnem corporis cultum, aliquid torvi ferique præferentia. Supra II. 23. *Promissa barba et capilli efferaverant speciem oris*.

⁸¹ *Quia volentes in amicitiam non veniebant*] Nempe oppidani. Prius legebatur *quia volentis veniebat*. Unus e regiis codicibus exhibuit nobis eam scripturam quam expressimus. Illam conjecturam præceperat Gronovius.

⁸² *Sicut uterque inter se nondum satis noti, ita jam inbutus uterque*] Prius illud *uterque* vacat, et abest a duobus MSS. Gronovio inspectis, et ab uno e nostris.

ci trajiciendarum Alpium, et effectum. Occupavit tamen U. C. 584. Scipio Padum trajicere, et, ad Ticinum amnem motis cas- A. C. 218. tris, prius, quam educeret in aciem, adhortandorum militum causa, talem orationem exorsus est :

XL. Si eum exercitum, milites, educerem in aciem, quem in Cornelius milites suos adhortatur. Gallia mecum habui, supersedissem loqui apud vos. quid enim adhortari referret aut eos equites, qui equitatum hostium ad Rhodanum flumen ⁸³ egregie^m vicissent, aut eas legiones, cum quibus fugientem hunc ipsum hostem, secutus, confessionem cedentis ac detrectantis certamen pro victoria habui? Nunc, quia ille exercitus, Hispaniæ provinciæ scriptus, ibi cum fratre Cn. Scipione meis auspiciis rem gerit, ubi eum gerere senatus populusque Romanus voluit; ego, ut consulem ducem adversus Hannibalem ac Pœnos haberetis, ipse me huic voluntario certamini obtuli; novo imperatori apud novos milites pauca verba facienda sunt. Ne genus belli, neve hostem ignoretis; cum iis est vobis, milites, pugnandum, quos terra marique priore bello vicistis: a quibus stipendium per viginti annos exegistis: a quibus capta belli præmia, Siciliam ac Sardiniam, habetis. Erit igitur in hoc certamine is vobis illisque animus, qui victoribus et victis esse solet. Nec nunc illi, quia audent, sed quia necesse est, pugnaturi sunt: nisi creditis, qui exercitu incolumi pugnam detrectavere, eos, ⁸⁴ duabus partibus peditum equitumque in transitu Alpium amissis, (⁸⁵ quum ⁸⁶ plures pene perierint, quam supersunt) plus spei nactos esse. At enim pauci quidem sunt, sed vigentes animis corporibusque, quorum robora ac vires vix sustinere vis ulla possit. Effigies, immo umbræ hominum, fame, frigore, inlue, squalore enecti, contusi ac debilitati inter saxa rupesque. ad hæc, præusti^m artus, nive rigentes nervi, membra torrida gelu, quassata fractaque arma, claudi ac debiles equi. Cum hoc equite, cum hoc peditate pugnaturi estis: reliquias extremas hostium, non hostes, habebitis. ⁸⁷ Ac nihil

^m non ægre Crev.

^m perusti Gron. Crev.

83 *Non ægre vicissent*] Gronovius in not. ad l. XXXIII. c. 6. testatur hanc sibi occurrise, lectionem in uno optimæ notæ codice. Eam nos quoque invenimus in Thuanæo. Ceteri habent tantummodo ægre: unde Valla fecerat egregie, quod deinceps editores amplexi sunt. Favet huic emendationi unus e nostris, in quo legitur egree. Nos tamen pro more nostro, scriptam lectionem, cujus probus est sensus, cuilibet conjecturæ anteponimus.

84 *Duabus partibus*] Duabus tertiis partibus. Vid. not. 81. ad II. 13.

85 *Quum*] Olim editi, qui. Quis

mutaverit, incertum. Sed tamen quum hic melius videtur.

86 *Plures pene perierint, quam supersunt*] Falsum tamen pene, ut observat Gronovius. Duabus enim e tribus partibus amissis, non possunt non periisse plures. Delenda est igitur hæc vocula, quæ videtur orta esse ex repetitione primarum litterarum sequentis verbi perierint.

87 *Ac nihil magis vereor, quam ne antequam vos cum hoste pugnaveritis*] Prius illud quam, quod neque Jac. Gronovius, neque nos in ullo scripto reperimus, inseruit Sigonius ex suis libris: et merito quidem, quum sine eo

U. C. 534. *magis vereor, quam ne, vos^o quum^p pugnaveritis, Alpes vicisse*
 A. C. 218. *Hannibalem videantur. Sed ita forsitan decuit, cum fœderum*
raptore duce ac populo Deos ipsos, sine ulla humana ope, com-
mittere ac⁸⁸ profligare bellum: nos^q, qui secundum Deos vio-
lati sumus, commissum ac profligatum conficere.

XLI. Non vereor, ne quis me hoc⁹⁰ vestri adhortandi causa
 magnifice loqui existimet; ipsam aliter animo adfectum^r esse.
 Licuit in Hispaniam, provinciam meam, quo jam profectus
 eram, cum exercitu ire meo: ubi et fratrem consilii participem
 ac periculi socium haberem, et Hasdrubalem potius, quam
 Hannibalem, hostem, et minorem haud dubie molem belli: ta-
 men, quum praterveherer navibus Galliae oram, ad famam hu-
 jus hostis in terram egressus, præmisso equitatu, ad Rhoda-
 num movi castra. Equestri prælio, qua parte copiarum conse-
 rendi manum fortuna data est, hostem fudi: peditum agmen,
 quod in modum fugientium raptim agebatur, quia adsequi terra
 non poteram, regressus ad naves, quanta maxima celeritate po-
 tui, tanto maris terrarumque circuitu, in radicibus Alpium ob-
 vius fui. Huic timendo hosti utrum, quum declinarem certa-
 men, improvisus incidisse videor^r, an obcurrere in vestigiis ejus?
 lacessere ac trahere ad decernendum? Experiri juvat, utrum
 alios repente⁹¹ Karthaginienses per viginti annos terra ediderit:
 an iidem sint, qui ad Egates pugnaverunt insulas, et quos ab
 Eryce⁹¹ duodevicens denariis æstimos emisistis: et utrum
 Hannibal hic sit æmulus itinerum Herculis, ut ipse fert, an
 vectigalis stipendiariusque et servus populi Romani a patre
 relictus: quem nisi Saguntinum scelus agitarret, respiceret pro-
 fecto, si non patriam victam, domum certe, patremque, et fœde-
 ra Hamilcaris scripta manu. qui, jussus a consule nostro, præ-

^o antequam vos Gron. Crev.
 Gron.

^p quum l. cum hoste Ead.

^q nos autem

^r videor incidisse Gron. Crev.

^s der repente Ead.

oratio stare non possit. Vocem *hoste*
 ignorant omnes scripti: in ceteris
 varie corrupti sunt. Unam sinceram
 nobis visus est obtulisse scripturam:
ne, antequam vos cum eo pugnaretis,
Alpes vicisse Annibalem videantur.
 Pronomen *eo* refertur ad *Annibalem*,
 qui mox appellatur. Quod quum non
 intellexerint librarii, hunc locum alii
 alio modo depravarunt.

88* *Profligare*] Promovere et pro-
 pe finem adducere.

89 *Nos, qui*] Vulgati huc inferciunt
autem, contra scriptorum fidem.

90 *Vestri adhortandi causa*] Vide-
 retur ratio grammaticarum legum
 postulare vel *vestri adhortandorum*,
 vel *vos adhortandi*. Sed hanc loquen-
 di formam compluribus ex probatissi-
 mo quoque scriptore exemplis tuen-

tur Sanctius in Minerva, l. III. c. 8.
 et auctor Novæ Methodi linguae La-
 tinæ in observationibus ad Gerundia.

91 *Duodevicens denariis æstimos*
emisistis] Oratorie dictum. Scilicet
 Carthaginienses ad Erycem inclusi,
 duodevicens in capita denarios, ut
 emitterentur, pendere coacti fuerant.
 Duodevicens denarii sunt amplius
 duæ argenti unciae nostrates.

92* *Vectigalis stipendiariusque*] Sæ-
 pe hæ duæ voces eodem sensu usur-
 pantur, ut infra XXXVII. 55. Tamen
 si accuratam proprietatem quærimus,
 eo differunt, quod *stipendiarii* sunt ii
 qui certum pecuniæ frumentive aut
 cujuslibet rei modum pendere de-
 bent; *vectigales* qui incertum, v. g.
 decumas fructuum.

sidium deduxit ab Eryce: qui graves inpositas victis Karthagi- U. C. 534.
niensibus leges fremens mærensque accepit: qui decedere Sicilia, A. C. 218.
qui stipendium populo Romano dare pactus est. Itaque vos
ego, milites, non eo solum animo, quo adversus alios hostes sole-
tis, pugnare velim; sed cum indignatione quadam atque ira:
velut si servos videntis vestros arma repente contra vos feren-
tes. ⁹³ Licuit¹ ad Erycem clausos, ultimo supplicio humano-
rum, fame interficere: licuit victricem classem in Africam tra-
jicere, atque intra paucos dies sine ullo certamine Karthaginem
delere. Veniam dedimus precantibus: emisimus ex obsidione:
pacem cum victis fecimus: ⁹⁴ *tutela deinde nostræ*² duxi-
mus, quum Africo bello urguerentur. Pro his inpartitis, furio-
sum juvenem sequentes, obpugnatum patriam nostram veniunt.
Atque utinam ⁹⁵ pro decore tantum hoc vobis, et non pro salute,
esset certamen. non de possessione Siciliae ac Sardiniae, de qui-
bus quondam agebatur, sed pro Italia vobis³ est pugnandum:
nec est alius ab tergo exercitus, qui, nisi nos vincimus, hosti
obsistat; nec Alpes aliae sunt, quas dum superant⁴ comparari
nova possint praesidia. hic est obstandum, milites, velut si ante
Romana mania pugnemus. Unusquisque se non corpus suum,
sed conjugem ac liberos parvos armis protegere putet: nec do-
mesticas solum agitet curas, sed identidem hoc animo reputet,
nostras nunc intueri manus senatum populumque Romanum.
qualis nostra vis virtusque fuerit, talem deinde fortunam ⁹⁶ il-
lius urbis ac Romani imperii fore.

XLII. Hæc apud Romanos consul. Hannibal, rebus Hannibal
prius, quam verbis, adhortandos milites ratus, circumdato rebus prius
ad spectaculum exercitu, captivos montanos victos in me- quam verbis
dio statuit; armisque Gallicis ante eorum pedes projectis, milites hor-
interrogare interpretem jussit, ecquis, si vinculis levaretur, tatur.
armaque et equum victor acciperet, decertare ferro vellet?
Quum ad unum omnes ferrum pugnamque poscerent, et de-
jecta in id sors esset, se quisque eum optabat, quem fortuna
in id certamen legeret. Ut cujusque sors exciderat, alacer,
inter gratulantes gaudio exsultans, cum sui moris tripudiis
arma raptim capiebat. ubi vero dimicarent, is habitus ani-
morum non inter ejusdem modo conditionis homines erat,

¹ Licuit si voluissemus Gron.
bi Crev.

² tutela nostræ deinde Gron. Crev.

³ no-

⁴ superat Ead.

⁹³ Licuit ad Erycem clausos] De-
levimus, volentibus scriptis, inutilem
verborum sarcinam, si voluissemus.

⁹⁴ * Tutela nostræ deinde duximus] Ad tutelam nostram pertinere existi-
mavimus. Sic fere l. XXIV. c. 22.
que suæ fidei tutelæque essent. † Dum
Africo bello urgebantur Carthaginien-
ses, Romani, teste Polyb. l. I. fœderis
leges servantes, nulla in re iis defue-

runt. At finito eo bello, invasere Sar-
diniam.

⁹⁵ Pro decore tantum hoc nobis] Hic et paulo infra nobis est pugnand-
um, quædam editiones utrobique ha-
bent vobis. At vetustiores id tenent
quod edidimus. Et magis convenire
visum est *et nobis*.

⁹⁶ Illius urbis] Vel delenda est vox
illius, vel mutanda in ipsius.

U. C. 534. sed etiam inter spectantes vulgo, ut non vincentium magis
A. C. 218. quam bene morientium, fortuna laudaretur.

Ejus oratio.

XLIII. ⁹⁷ Dum sic aliquot spectatis paribus adfectos dimisisset, concione inde advocata, ita apud eos locutus fertur: ⁹⁸ Si, quem animum in alienæ sortis exemplo paullo ante habuistis, eundem mox in æstimanda fortuna vestra habueritis, vicinus, milites. neque enim spectaculum modo illud, sed quædam veluti imago vestræ conditionis erat. Ac ⁹⁹ nescio, an majora vincula majoresque necessitates vobis, quam captivis vestris, fortuna circumdederit. ¹ Dextra lævaque duo maria claudunt, nullam, ne ad effugium quidem, navem habentibus. circa Padus amnis, major Padus² ac violentior Rhodano; ab tergo Alpes urgent, vix integris vobis ac vigentibus transitæ. Hic vincendum aut moriendum, milites, est, ubi primum hosti obcurristis. et eadem fortuna, quæ necessitatem pugnandi inposuit, præmia vobis ea victoribus proponit, quibus ampliora homines ne ab Diis quidem immortalibus optare solent. Si Siciliam tantum ac Sardiniam, parentibus nostris ereptas, nostra virtute recuperaturi essemus, satis tamen ampla pretia essent. quidquid Romani tot triumphis partum congestumque possident, id omne vestrum cum ipsis dominis futurum est. In hanc tam opimam mercedem, agite, cum Diis bene juvantibus arma capite. Satis adhuc in ²vastis Lusitaniæ Celtiberiæque montibus, pecora consectando, nullum emolumentum tot laborum periculorumque vestrorum vidistis: tempus est jam, opulenta vos ac ditia stipendia facere, et magna operæ pretia mereri, tantum itineris per tot montes fluminaque et tot armatas gentes emensos. Hic vobis terminum laborum fortuna dedit: hic dignam mercedem emeritis stipendiis dabit. Nec, quam magni nominis bellum est, tam difficilem existimaritis victoriam fore. sæpe et contemptus hostis cruentum certamen edidit, et incliti populi regesque

² Padus del. Gron. Crev.

⁹⁷ Dum sic] Lege Quum.

⁹⁸ * Si, quem animum] Si, quo animo spectavistis alienæ sortis exemplum, sive sortem captivorum vestrorum, quæ vobis in exemplum proponebatur, eodem animo judicaveritis de fortuna vestra, et sic statueritis, vincendum vobis esse, aut bene moriendum, vicinus, milites.

⁹⁹ * Nescio an] Supple, non.

¹ Dextra lævaque] Hic sunt aliqua, quæ paululum conturbent. Duo maria claudunt, nullam navem habentibus. Hoc omnino inconcinnum. Jam vero quæ sequuntur, non sibi accurate respondent, circa et ab tergo: nec magis Padus circa eos fuit, quam

Alpes et maria. Jac. Gronovius resecat omnino verbum claudunt. Nimis fortasse audacter, et cum aliquo sententiæ detrimento. Suspiciamus potius residere vitium in voce habentibus, eamque pervulgato ac pene solenni librariorum errore scriptam esse pro habentis, sive habentes. Assentimur eidem Gronovio pro circa repONENTI contra, id est, ex adverso. Sic exurgit integra et omnibus numeris suis absoluta oratio: dextra lævaque duo maria claudunt, nullam ne ad effugium quidem navem habentes. Contra Padus amnis, major ac violentior Rhodano. Ab tergo Alpes urgent.

² * Vastis] Desertis et inopibus.

³ *perlevi momento victi sunt. Nam, demto hoc uno fulgore* U. C. 534.
nominis Romani, quid est, cur illi vobis comparandi sint? A. C. 218.
Ut viginti unorum militiam vestram cum illa virtute, cum
illa fortuna taceam; ab Herculis columnis, ab oceano ter-
minisque ultimis terrarum, per tot ferocissimos Hispaniæ
et Galliæ populos vincentes huc pervenistis: pugnabitis cum
exercitu tirone, hac ipsa æstate caso, victo, circumsseso
a Gallis, ignoto adhuc duci suo, ignorantique ducem. An me,
in prætorio patris, clarissimi imperatoris, prope natum, cer-
te eductum, domitorem Hispaniæ Galliæque, victorem eum-
dem non Alpinarum modo gentium, sed ipsarum, quod multo
majus est, Alpium, cum semestri hoc conferam duce, desertore
exercitus sui? Cui si quis, demtis signis, Pænos Romanosque
hodie ostendat, ignoraturum certum habeo, utrius exercitus sit
consul. Non ego illud parvi æstimo, milites, quod nemo ves-
trûm est, cujus non ante oculos ipse sæpe militare aliquod edi-
derim facinus; cui non idem ego, virtutis spectator ac testis,
notata temporibus locisque referre sua possim decora. Cum
laudatis a me millies donatisque, alumnus prius omnium ves-
trûm, quam imperator, procedam acie adversus ignotos inter se
ignorantesque.

XLIV. Quocumque circumtuli oculos, plena omnia video
 animorum ac roboris; veteranum peditem, generosissimarum
 gentium ³ equites frenatos et infrenatos, vos socios fidelissimos
 fortissimosque, vos Karthaginienses, ⁴ quum ⁵ ob patriam, tum ob
 iram justissimam, pugnatueros. Inferimus bellum, infestisque
 signis descendimus in Italiam, tanto audacius fortiusque pug-
 naturi, quanto major spes, major est animus inferentis vim,
 quam arcentis. Accendit præterea animos et stimulat dolor,
 injuria, indignitas. ad supplicium depoposcerunt me ducem pri-
 mum, deinde ⁷ vos omnes, qui Saguntum obpugnassetis: deditos
 ultimis cruciatibus adfecturi fuerunt. Crudelissima ac super-
 bissima gens sua omnia suique arbitrii facit. cum quibus bel-
 lum, cum quibus pacem habeamus, se modum inponere æquum
 censet: circumscribit includitque nos terminis montium flumi-
 numque, quos ne excedamus: neque eos, quos statuit, terminos
 observat. Ne transieris Iberum: ne quid rei tibi sit cum Sa-

⁴ tum Gron.

³ * *Perlevi momento*] Levissima im-
 pulsione, parvo molimine, facile.

⁴ *Cum laudatis a me millies dona-*
tisque] Hanc elegantissimam lectio-
 nem formavit Rubenii conjectura,
 quum olim legeretur, *Tum laudastis*
me milites donatisque. Liber optimus,
 teste Gronovio, habet *tum laudatis*
me miliens donatisque. Atque hac lec-
 tione ducem Rubenius pervenit ad ve-

rum.

⁵ * *Equites frenatos et infrenatos*] Numidæ, qui plurimi in equitatu An-
 nibalis erant, equis infrenatis uteban-
 tur. Hinc apud Virgilium, *Numidæ*
infreni.

⁶ *Quum ob patriam*] Vulgo *tum ob*.
 Mutavimus ex cod. Puteanæo.

⁷ * *Vos omnes, qui Saguntum oppug-*
nassetis] Vid. not. 24. ad c. 30. supra.

U. C. 534. *guntinis.* ⁸ *Ad Iberum est Saguntum: nusquam te vestigio mo-*
 A. C. 218. *veris. Parum est, quod veterrimas provincias meas Siciliam et*
Sardiniam adimis. etiam Hispanias? et ⁹ *inde cessero, in Afri-*
cam transcendes. Transcendes autem, dico? duos consules hu-
jus anni, unum in Africam, alterum in Hispaniam miserunt.
nihil usquam nobis relictum est, nisi quod armis vindicarimus.
Illis timidis et ignavis licet esse, ¹⁰ *qui respectum habent, quos*
suus ager, sua terra, per tuta ac pacata itinera fugientes, acci-
pient: vobis necesse est fortibus viris esse, et, ¹¹ *omnibus inter*
victoriam mortemve certa desperatione abruptis, aut vincere,
aut, si fortuna dubitabit, in prælio potius, quam in fuga, mor-
tem obpetere. Si hoc bene fixum omnibus destinatumque in
animo est, iterum dicam, vicistis: ¹² *nullum momentum ad vin-*
cendum homini ab Diis immortalibus acrius datum est.

XLV. His adhortationibus quum utrimque ad certamen accensi militum animi essent, Romani ponte Ticinum jungunt, tutandique pontis causa castellum insuper inponunt. Pœnus, opere occupatis hostibus, Maharbalem cum ala Numidarum, equitibus quingentis, ad depopulandos sociorum populi Romani agros mittit. Gallis parci quam maxime jubet, principumque animos sollicitari ad defectionem. Ponte perfecto, traductus Romanus exercitus in agrum Insubrium, quinque millia passuum ¹³ a Victumviis consedit.

⁸ *Ad Iberum est Saguntum]* Saguntum, ipso teste Livio, supra c. 7. ultra Iberum situm est, a cujus amnis ostio distat 90. fere pasuum millibus. Libenter legeremus, *cis Iberum est Saguntum*, ut hæc intelligerentur dicta ex persona Pœnorum. Romanus vetuit transiri Iberum. Respondet Pœnus: at eum amnem non trans eo, dum Saguntum oppugno. Etenim *cis Iberum* (si spectes ulteriorem Hispaniam et Pœnos) *est Saguntum*. Romanus in respondendo voluntatem affert pro ratione: *nusquam te vestigio moveris*: * id est, sta in vestigio, neque ex eo loco, in quo te consistere jubeo, pedem efferas. † Illud quoque ex hac levi mutatione sequetur commodi, quod sic intelligetur quomodo Romani eos quos statuunt terminos non observent, id quod illis paulo ante ab Annibale objectum est. Terminum statuunt Iberum, et tamen illum transcendunt, dum nos ventant Saguntum, urbem sitam cis Iberum respectu nostri, oppugnare.

⁹ * *Inde cessero]* Si inde cessero. Supprimitur particula *si* ad majorem vim.

¹⁰ * *Qui respectum habent]* Qui ha-

bent quo respiciant, quum illis a tergo sit Roma et Italia.

¹¹ * *Omnes inter victoriam mortemve certa desperatione abruptis]* Quum inter victoriam mortemve nihil sit vobis medium, sed omnia certa desperatione, velut profunda quadam voragine, abrupta.

¹² *Nullum momentum]* Hoc loco omnes MSS. vitiati sunt. Optimi habent loco ultimæ vocis *contemptum*: nec abludunt ceteri. Inde Gronovius finxit *momentum*, quod verissimum putavit, atque adeo non dubitavit in textum immittere. Prius editi ex Vallæ conjectura habebant *incitamentum*, quod aptius congruit cum adjectivo *acrius*. Jac. Gronovius propius insistens ipsis apicibus literarum scriptæ lectionis suspicatur *nullum eo telum*.

¹³ *A Victumviis]* Scripti, tum Gronoviani, tum nostri, *a vico tumultis*: unde Gronovius legendum putat *ab Ictimulis*, qui locus commemoratus est Straboni l. V. p. 218. et Plinio, l. XXXIII. c. 4. Similiterque c. 57. hujus libri, ubi et scripti et editi habent *ad Victumvias* .. *oppugnandas*, emendat idem Gronovius *ad Ictimulos*... *oppugnandos*.

Ibi Hannibal castra habebat: revocatoque propere Mahar- U. C. 534.
 bale atque equitibus, quum instare certamen cerneret, nihil A. C. 218.
 umquam satis dictum præmonitumque ad cohortandos mili- Præmia suis
 tes ratus, vocatis ad concionem certa præmia pronunciat, in pronunciat
 quorum spem pugnarent. *Agrum sese daturum esse in Ita- Hannibal.*
 lia, Africa, Hispania, ubi quisque velit, immunem ipsi, qui ac-
 cepisset, liberisque; qui pecuniam, quam agrum, maluisset, ei
 se argento satisfacturum: qui sociorum cives Karthaginienses
 fieri vellent, potestatem facturum: qui domos redire mallet,
 daturum se operam, ne cuius suorum popularium mutatam se-
cum fortunam esse vellent. Servis quoque dominos prosecutis
 libertatem proponit, binaque pro his mancipia dominis se
 redditurum. Eaque ut rata scirent fore, agnum læva manu,
 dextera silicem retinens, si falleret, Jovem ceterosque pre-
 catus Deos, ita se mactarent, quemadmodum ipse agnum
 mactasset, secundum precationem caput pecudis saxo elisit.
 Tum vero omnes, velut Diis auctoribus in spem suam quis-
 que acceptis, ¹⁴ id moræ, quod nondum pugnarent, ad poti-
 enda sperata rati, prælium uno animo et voce una poscunt.

XLVI. Apud Romanos haudquaquam tanta alacritas
 erat, super cetera recentibus etiam territis prodigiis. nam et Prodigia in
 lupus intraverat castra, laniatisque obviis ipse intactus eva- castris Ro-
 serat; et examen apum in arbore prætorio imminente manis.
 consederat. Quibus procuratis, Scipio, cum equitatu ja-
 culatoribusque expeditis profectus ¹⁵ ad castra hostium, *hinc ad castra hostium*
 exque propinquo copias, quantæ, et cujus generis es- *5-7-8-9-10-11-12-13*
 sent, speculandas, obviis fit Hannibali, et ipsi cum equiti-
 bus ad exploranda circa loca progresso. neutri alteros primo
 cernebant: densior deinde incessu tot hominum equorum-
 que oriens pulvis signum propinquantium hostium fuit.
 Constitit utrumque agmen, et prælio sese expediebant. Sci-
 pio jaculatores et Gallos equites in fronte locat; Romanos,
 sociorumque quod roboris fuit, in subsidiis. Hannibal fre-
 natos equites in medium accipit, cornua Numidis firmat.
 Vixdum clamore sublato, jaculatores fugerunt ¹⁶ inter subsidia Pugna
 ad secundam aciem. inde equitum certamen erat aliquamdiu equestris ad
 anceps. dein, quia turbabant equos pedites intermixti, mul- Ticinum.
 tis labentibus ex equis, aut desilientibus, ubi suos premi cir-
 cumventos vidissent, jam magna ex parte ad pedes pugna

¹⁴ * *Id moræ*] Id tantum sibi esse moræ rati, quominus speratis poti-
 rentur, quod nondum pugnarent; at-
 que adeo sese, statim atque pugnare
 daretur, compotes votorum fore.

¹⁵ *Ad castra hostium, exque pro-*
pinquo copias] Male collocata est par-
 ticula *que*. Scripti fere omnes *ex quo*
propinquo, unus e regiis *ex propinquo*.

Lege cum Gronovio *ad castra hostium*
ex propinquo, copiasque.

¹⁶ *Inter subsidia ad secundam*
aciem] Subsidia sunt hic ipsa secunda
 acies. Itaque recte observat Jac. Gro-
 novius has voces *inter subsidia* prorsus
 supervacaneas esse. Quum igitur in
 uno MS. desint, eas videmur posse re-
 cidere.

U. C. 534.
A. C. 218.
Vincit Hannibal.
Cos. a filio servatus.

ierat: donec Numidæ, qui in cornibus erant, circumvecti paullulum, ab tergo se ostenderunt. Is pavor perculit Romanos, auxitque pavorem consulis vulnus, periculumque inter cursu tum primum pubescentis filii propulsatum. Hic erit juvenis, penes quem perfecti hujusce belli laus est, Africanus ob egregiam victoriam de Hannibale Poenisque appellatus. Fuga tamen effusa jaculatorum maxime fuit, quos primos Numidæ invaserunt. Alius confertus equitatus consulem in medium acceptum, non armis modo, sed etiam corporibus suis, protegens, in castra, nusquam trepide neque effuse cedendo, reduxit. Servati consulis decus Coelius ad servum natione Ligurem delegat. malim equidem de filio verum esse, quod et plures tradidere auctores, et ¹⁷ fama obtinuit.

Ultra Padum recedunt Romani.

XLVII. Hoc primum cum Hannibale proelium fuit; quo facile adparuit, et equitatu meliorem Poenum esse, et ob id campos patentes, quales sunt inter Padum Alpesque, bello gerendo Romanis aptos non esse. Itaque proxima nocte, jussis militibus vasa silentio conligere, castra ab Ticino mota, festinatumque ad Padum est; ut ratibus, quibus junxerat flumen, nondum resolutis, sine tumultu atque insectatione hostis, copias trajiceret. Prius Placentiam pervenere, quam satis sciret Hannibal ab Ticino profectos: tamen ¹⁸ ad sexcentos moratorum in citeriore ripa, segniter ratem solventes, cepit. transire non potuit pontem, ¹⁹ ut extrema resoluta erant, tota rate in secundam aquam labente. Coelius auctor est, Magonem cum equitatu et Hispanis peditibus flumen extemplo transnasse; ipsum Hannibalem per superiora Padi vada exercitum traduxisse, elephantis in ordinem ad sustinendum inpetum fluminis obpositis. Ea peritis amnis ejus vix fidem fecerint. nam neque equites, armis equisque salvus, tantam vim fluminis superasse verisimile est, ²⁰ ut jam Hispanos omnes inflati transvexerint utres. et multorum dierum circuitu ²¹ Padi vada petenda fuerant, qua exercitus

^c fuerint Crev.

17* *Fama obtinuit*] Fama tenet: vulgo creditur.

18 *Ad sexcentos moratorum*] Numerum apposuit e Polybio Gronovius. Vulgati præferebant *aliquot*: scripti *adhæc*. Nimirum Livius scripserat *ad DC*.

19 *Ut extrema*] Toto illo ponte, qui e ratibus junctus erat, labente secundum cursum fluminis, simul atque extrema resoluta fuere.

20 *Ut jam Hispanos omnes*] Etiam si id quoque ponatur, credatur, Hispanos ope utrius inflatorum amnem transisse. Vox *omnes* vacare videtur,

et mutanda esse in *pedites*, vel omnino ableganda.

21 *Padi vada petenda fuerint*] Sic scripti aliquot Gronoviani, omnes nostri. Editi vulgo, *fuerant*. Sed in ea re quæ non ponatur pro vera, sed ex qua concessa et data aliquid inferatur absurdi, modus potentialis eleganter et proprie usurpatur. Si id quod Coelius narrat, verum esse existimetur, inquit Livius, necesse fuerit ut Annibal multorum dierum circuitu petierit Padi vada. Cetera hujus periodi nequicquam sollicitat Gronovius.

gravis impedimentis traduci posset. Potiores apud me auc- U. C. 534.
tores sunt, qui biduo vix locum rate jungendo flumini in- A. C. 218.
ventum tradunt; ea cum Magone equites Hispanorum ex-
peditos præmissos. dum Hannibal, circa^d flumen legationi- Sequitur
bus Gallorum audiendis moratus, trajicit gravius peditum eos Hanni-
agmen, interim Mago equitesque ab transitu fluminis diei bal.
unius itinere Placentiam ad hostes contendunt. Hannibal
paucis post diebus sex millia a Placentia castra communi-
vit, et postero die, in conspectu hostium acie directa, potes-
tatem pugnae fecit.

XLVIII. Insequenti nocte caedes in castris Romanis, tu-
multu tamen quam re major, ab auxiliaribus Gallis facta Galli 2200.
est. ad duo millia peditum et ducenti equites, vigilibus ad transfugi-
portas trucidatis, ad Hannibalem transfugiunt: quos Pœ- unt ad Han-
nus benigne adlocutus, et spe ingentium donorum accen- nibalem.
sos, in civitates quemque suas, ad sollicitandos popularium
animos dimisit. Scipio, caedem eam signum defectionis
omnium Gallorum esse ratus, coactosque eo scelere, velut
injecta rabie, ad arma ituros; quamquam gravis adhuc vul-
nere erat, tamen quarta vigilia noctis insequentis tacito ag- Scipio ad
mine profectus ad Trebiam fluvium, in loca altiora colles- Trebiam
que impeditiores equiti castra movet. Minus, quam ad Ti- recedit.
cinum, fefellit: missisque Hannibal primum Numidis, dein-
de omni equitatu, turbasset utique novissimum agmen, ni
aviditate prædæ in vacua Romana castra Numidæ devertis-
sent^e. Ibi dum, perscrutantes loca omnia castrorum, nullo
satis digno moræ pretio tempus terunt, emissus hostis de
manibus est: et quum jam transgressos Trebiam Romanos,
metantesque castra conspexissent, paucos moratorum occi-
derunt, citra flumen interceptos. Scipio, nec vexationem
vulneris²² in via jactanti ultra patiens, et collegam (jam
enim et revocatum ex Sicilia audierat) ratus expectandum,
locum, qui prope flumen tutissimus stativis est visus, delec-
tum communiit^f. Nec procul inde Hannibal quum conse-
disset, quantum victoria equestri elatus, tantum anxius in-
opia, quæ per hostium agros euntem, nusquam præparatis
commeatibus, major in dies excipiebat, ad Clastidium vi- Clastidium
cum, quo magnum frumenti numerum congesserant Roma- Pœnis pro-
ni, mittit. ibi quum vim pararent, spes facta proditi- ditum.
onis: nec sane magno pretio, ²³ nummis aureis quadringentis, Da-
sio Brundusino præfecto præsidii corrupto, traditur Hanni-

^d citra Gron. Crev.^e divertissent Eæd.^f communivit Eæd.

²² *In via jactanti*] Olim, *jactantis*: quibus hic sermo est nummi aurei male. Mutavit Gronovius; et potes- suere pares Atticis, id est, didrachma-
tuncunque exponere: in via quæ vexa- les, quadringenti tales nummi æqua-
bat vulnus jactando et agitando. bunt pondere 12. marcas nostrates

²³ *Nummis aureis*] Romæ nondum cum quatuor unciiis.
signari ceptum erat aurum. Si hi de

U. C. 534. A. C. 218. bali Clastidium. id horreum fuit Pœnis sedentibus ad Trebiam. In captivos ex tradito præsidio, ut fama clementiæ in principio rerum conligeretur, nihil sævitum est.

Res circa
Siciliam
terra mari-
que gestæ.

XLIX. Quum ad Trebiam terrestre constitisset bellum, interim circa Siciliam insulasque Italiæ imminentes, et a Sempronio consule, et ante adventum ejus, terra marique res gestæ. viginti quinqueres cum mille armatis ad depulandam oram Italiæ a Karthaginiensibus missæ, novem Liparas, octo insulam Vulcani tenuerunt, tres in fretum avertit æstus. Ad eas conspectas a Messana duodecim naves ab Hierone rege Syracusanorum missæ, qui tum forte Messanæ erat, consulem Romanum opperiens, nullo repugnante captas naves Messanam in portum deduxerunt. Cognitum ex captivis, præter viginti naves, cujus ipsi classis essent, in Italiam missas, quinque et triginta alias quinqueres Siciliam petere ad sollicitandos veteres socios. Lilybæi occupandi præcipuam curam esse: credere eadem tempestate, qua ipsi disjecti forent eam quoque classem ad Ægates insulas dejectam. Hæc sicut audita erant, ²⁴ rex M. Æmilio prætori, cujus Sicilia erat provincia, perscribit, monetque, Lilybæum firmo teneret præsidio. ²⁵ Extemplo et circa prætorem ad civitates missi legati tribunique, qui suos ad curam custodiæ intenderent; ²⁶ ante omnia Lilybæum teneri: ad adparatum belli, edicto proposito, ut ²⁷ so-

²⁴ rex Messana M. Gron.

²⁴ *Rex M. Æmilio*] Editi hactenus adjiciebant vocem *Messana* vel *Messanæ*: quam, ut otiosam, et a compluribus scriptis ignoratam, delevimus.

²⁵ *Extemplo et circa prætorem*] Extemplo etiam legati tribunique circa prætorem, sive, qui circa prætorem erant, missi sunt ad civitates.

²⁶ *Ante omnia Lilybæum teneri: ad adparatum belli*] Primo supple ex sensu, *jussit prætor*. Deinde, quum uno tenore legeretur *teneri ad adparatum belli*, mutavimus distinctionem, et *ad* intelligimus *præter*: ut sensus sit, præter apparatus belli collatum jam, aut etiam conferendum in urbem Lilybæum, puta arma, tela, frumentum, &c. propositum fuisse edictum prætoris, quo socii navales juberentur decem dierum cocta cibaria ad naves deferre. Ad non raro sumitur apud Livium eo sensu quem volumus, ut infra XXVI. 5. *Ad alium virorum, equorum, armorumque sonum Campanorum imbellis multitudo tantum edidit clamorem.*

²⁷ *Socii navales*] *Sociorum navium* nomine interdum intelliguntur soli remiges ac nautæ; interdum et ipsi milites, non quidem ii qui aut ad navales pugnas in naves imponuntur, aut ut transvehantur in aliquam oram, ubi pedestri Marte pugnent; sed ii quorum proprium officium ac munus est tueri naves, iisque præsidio esse. Priore sensu sumpsit Livius, dum l. XXIV. c. 11. quos primo *nautas* nominaverat, et l. XXVI. c. 35. quos *remiges* dixerat, eosdem utrobique *socios* deinde *navales* appellat: posteriore sensu, tum c. 28. l. XXVI. ubi jubetur Sulpicius omnem exercitum, præter socios navales, dimittere, ut legionariis militibus abductis, classe sola arceat ab Italia Philippum; (quod certe facere nequivisset si naves remige quidem instructas, at sine ullo milite habuisset) tum c. 48. ejusdem libri: ubi primo Sex. Digitius socius navalis muralem coronam postulat et aufert, unde patet eum pugnasse; secundo, qui *socii navales*, iidem et *classici mi-*

cii. navales decem dierum cocta cibaria ad naves deferrent; U. C. 534. ubi signum datum esset, ne quis moram conscendendi faceret: ²⁸ perque omnem oram qui erant, ex speculis prospicerent adventantem hostium classem. Simul itaque (quamquam de industria morati cursum navium erant Karthaginienses, ut ²⁹ ante lucem accederent Lilybæum) præsensum tamen est, quia et luna pernox erat, et sublatis armamentis veniebant; extemplo datum e speculis signum, et in oppido ad arma conclamatum est, et in naves conscensum: ³⁰ pars militum in muris portarumque in stationibus, pars in navibus erant. Et Karthaginienses, quia rem fore haud cum imparatis cernebant, usque ad lucem portu se abstinerunt, demendis armamentis eo tempore aptandaque ad pugnam classe absumto. Ubi inluxit, recepere classem in altum, ut spatium pugnae esset, exitumque liberum e portu naves hostium haberent. Nec Romani detrectavere pugnam, et memoria ³¹ circa ea ipsa loca gestarum rerum freti, et militum multitudine ac virtute.

L. Ubi in altum evecti sunt, Romanus conserere pugnam, et ex propinquo vires conferre velle: contra eludere Pœnus, et arte, non vi, rem gerere, naviumque, quam virorum aut armorum, malle certamen facere. nam ut sociis navalibus adfatim instructam classem, ita ³² inopem milite habebant^a: et, sicubi conserta navis esset, haudquaquam par numerus armatorum ex ea pugnabat. Quod ubi animadversum est, et Romanis multitudo sua auxit animum, et paucitas illis minuit. Extemplo septem naves Punicæ circumventæ; fu- gam ceteræ ceperunt. mille et septingenti fuere ³³ in navibus capti, milites nautæque; in his¹ tres nobiles Karthaginiensium. Classis Romana incolumis, una tantum perfora-

Pugna na-
valis ad
Lilybæum.

Victi Pœni.

^a habebat Gron. Crev.

¹ iis Crev.

lites nuncupantur. Hic et cap. sequenti videtur Livius *socios navales* intellexisse eos solummodo, qui nautica ministeria obibant.

²⁸ *Perque omnem oram qui erant ex speculis*] Verbum *erant* in pluribus MSS. non reperitur. Lege itaque cum Gronovio, *perque omnem oram uti ex speculis prospicerent*.

²⁹ *Ante lucem*] Antelucano tempore. Potuissent Carthaginienses accedere Lilybæum sub vespere diei præcedentis, aut etiam fortasse media luce. Sed de industria morati erant cursum, atque ita temperaverant, ut horis noctis antelucanis accederent, quibus maxime opportunus est hostis ad insidias et improvisum impetum. Præsensum tamen est il-

los adventare.

³⁰ *Pars militum in muris portarumque stationibus*] Gronovianæ editiones iterant præpositionem *in* ante *stationibus*, præter necessitatem, et per operarum, ut videtur, errorem. Abest enim illa a vetustioribus.

³¹ *Circa ea ipsa loca*] Ægates insulæ, ad quas celebris illa pugna pugната est, qua victi Carthaginienses pacem petiere, non longe absunt a Lilybæo.

³² *Inopem milite habebat*] Magis placeret *habebant*, quod exstat in tribus nostris codicibus, tribus Hearnii, Andrea, et Campano.

³³ *In navibus capti*] Nec minus bene *captis*: quod habet Put. codex.

U. C. 534. ta navi, sed ea quoque ipsa reduce, in portum rediit. Se-
 A. C. 218. cundum hanc pugnam, nondum gnaris ejus, qui Messanæ
 erant, Ti. Sempronius consul Messanam venit. ³⁴ Ei^{*} fretum
 intranti rex Hiero classem ornatam obviam duxit: trans-
 gressusque ex regia in prætoriam navem, gratulatus sospi-
 tem cum exercitu et navibus advenisse, precatusque prospere
 ac felicem in Siciliam transitum; statum deinde insulæ
 et Karthaginiensium conata exposuit: pollicitusque est, quo
 animo priore bello populum Romanum juvenis adjuvisset, eo
 senem adjuturum. Frumentum vestimenta que sese legioni-
 bus consulis sociisque navalibus gratis præbiturum. grande
 periculum Lilybæo maritimisque civitatibus esse, et ³⁵ qui-
 busdam volentibus novas res fore. Ob hæc consuli nihil
 cunctandum visum, quin Lilybæum classe peteret; et rex
 regiaeque classis una profecti. navigantes inde, pugnatum
 ad Lilybæum, fusasque et captas hostium naves, accepere.

Sempronius
 Melitam
 capit.

LI. A Lilybæo consul, Hierone cum classe regia dimisso,
 relictoque prætore ad tuendam Siciliæ oram, ipse in insulam
 Melitam, quæ a Karthaginiensibus tenebatur, trajecit. Ad-
 venienti Hamilcar, Gisgonis filius, præfectus præsidii, cum
 paullo minus duobus millibus militum, oppidumque cum in-
 sula traditur: inde post paucos dies reditum Lilybæum, cap-
 tivique et a consule et a prætore, præter insignes nobilitate
 viros, ³⁶ sub corona venierunt. Postquam ab ea parte satis tu-
 tam Siciliam censebat consul, ad insulas Vulcani (quia fama
 erat, stare ibi Punicam classem) trajecit. nec quisquam hos-
 tium circa eas insulas inventus. Jam forte transmiserant ad
 vastandam Italiæ oram; depopulatoque Vibonensi agro,
³⁷ urbem etiam terrebant. Repetenti Siciliam consuli exscen-
 sio hostium in agrum Vibonensem facta nunciatur: literæ-
 que ab senatu de transitu in Italiam Hannibalis, et, ut pri-
 mo quoque tempore collegæ ferret auxilium, missæ tradun-
 tur. Multis simul anxius curis, exercitum, extemplo in na-
 ves inpositum, Ariminum supero mari misit: Sex. Pompo-
 nio legato cum viginti quinque longis navibus Vibonensem
 agrum maritimamque oram Italiæ tuendam adtribuit; M.
 Emilio prætori quinquaginta navium classem explevit; ip-
 se, compositis Siciliæ rebus, decem navibus oram Italiæ le-
 gens, Ariminum pervenit: inde cum exercitu suo profectus,
 ad Trebiam flumen, collegæ conjungitur.

Revocatur
 in Italiam.

Ad colle-
 gam venit.

LII. Jam ambo consules, et quidquid Romanarum vi-

^{*} Et Gron.

34 *Ei fretum intranti*] Sic legen-
 dum esse jamdiu monuit Sigonius;
 cui assentiuntur nostri codices, et in
 primis Put. Vulgo *et fretum*.

35 ^{*} *Quibusdam volentibus novas res*

fore] Quibusdam placituras novas res,
 et mutationem imperii.

36 *Sub corona*] Vid. not. 98. ad c.
 17. l. II.

37 ^{*} *Urbem*] Vibonem.

rium erat, Hannibali obpositum, aut illis copiis defendi posse U. C. 534. Romanum imperium, aut spem nullam aliam esse, satis declarabat. Tamen consul alter, ³⁸ equestri praelio uno et vulnere suo ³⁹ minutus, trahi rem malebat: recentis animi alter, eoque ferocior, nullam dilationem patiebatur. Quod inter Trebiam Padumque agri est, Galli tum incolebant; in duorum præpotentium populorum certamine, per ambiguum favorem, haud dubie gratiam victoris spectantes. Id Romani, ne quid modo moverent, æquo satis, Poenus periniquo animo ferebat, ab Gallis aditum se venisse ad liberandos eos, dictitans. Ob eam iram, simul ut præda militem aleret, duo millia peditum et mille equites, Numidas plerosque, mixtos quosdam et Gallos, populari omnem ⁴⁰ deinceps agrum usque ad Padi ripas jussit. Egentes ope Galli, quum ad id dubios servassent animos, coacti ab auctoribus injuriæ ad vindices futuros declinant: legatisque ad consulem missis, auxilium Romanorum terræ, ob nimiam cultorum fidem in Romanos laboranti, orant. Cornelio nec caussa, nec tempus agendæ rei placebat: suspectaque ei gens erat, quum! ob infida multa facinora, tum, ut alia vestutate obsolevissent, ob recentem Boiorum perfidiam. Sempronius contra, continendis in fide sociis maximum vinculum esse ⁴¹ primos, qui eguissent ope, defensos, censebat. Tum, collega cunctante, ⁴² equitatum suum, mille peditum jaculatoribus ferme admixtis, ad defendendum Gallicum agrum trans Trebiam mittit. Ii, sparsos et incompósitos, ad hoc graves præda plerosque, quum inopinatos invasissent, ingentem terrorem cædemque ac fugam usque ad castra stationesque hostium fecere: unde multitudine effusa pulsi, rursus subsidio suorum prælium restituere. ⁴³ Varia inde pugna sequentes, quamquam ad extremum æquassent certamen, ⁴⁴ major tamen hostium Romanis fama victoriæ fuit.

Prælium
equestre
dubium.

LIII. Ceterum nemini omnium major justiorque, quam

! tum Gron.

= hæc Gron. Crev.

38 *Equestri prælio uno*] Vacat ultima vox, aut celat aliquod vitium.

39 *Minutus*] Minus spei et fiducia habens.

40 *Deinceps*] Ex ordine, uno tenore.

41 *Primos qui eguissent*] Certissima Gronovii conjectura. Antea qui coissent.

42 *Equitatum suum, mille peditum*] Equitatum suum, cui admisti, adjuncti erant mille pedites, qui plerique jaculatores erant, Forsitan Livius scripserat *mille peditibus*.

43 *Varia inde pugna sequentes*]

Suspiciatur Gronovius: *varia inde pugna cedentes sequentesque*. Sana vulgata lectio parum liquidum legenti sensum offert: et Put. liber clare, *sequentesque*. Et suspicari possis majus hic vitium latere. Etenim idem codex habet *cumque ad extremum*.

44 *Major tamen hostium*] Hunc locum varii varie tentant. Clericus non immerito fortasse integrum putat, et exponit hoc modo: major tamen fama victoriæ fuit Romanis, quam fama victoriæ hostium: * magis pro victoribus vulgo habiti sunt Romani, quam hostes.

U. C. 534. ipsi consuli, videri ; gaudio efferri, qua parte copiarum alter
 A. C. 218. consul victus foret, ea se vicisse. restitutos ac refectos militibus
 Sempronius animos : nec quemquam esse, præter collegam, qui dilatam dimi-
 pugnae cu- cationem vellet : eum, animo magis, quam corpore, ægrum, me-
 pidus. moria vulneris aciem ac tela horrere. Sed non esse cum ægro se-
 nescendum. Quid enim ultra differri aut teri tempus ? Quem ter-
 tium consulem, quem alium exercitum expectari ? Castra Kar-
 thaginiensium in Italia, ac prope in conspectu urbis esse. ⁴⁵ non Si-
 ciliam ac Sardiniam victis ademptas, nec cis Iberum Hispaniam
 peti, sed solo patrio terraque, in qua geniti forent, pelli Romanos.
 Quantum ingemiscant, inquit, patres nostri, circa mania Kartha-
 ginis bellare soliti, si videant nos, progeniem suam, duos consules
 consularesque exercitus, in media Italia paventes intra castra ?
 Pœnum, quod inter Alpes Apenninumque agri sit, suæ ditionis
 fecisse ? Hæc adsidens ægro collegæ, hæc in prætorio prope
 concionabundus agere. Stimulabat et tempus propinquum
 comitiorum, ne in novos consules bellum differretur, et oc-
 casio in se unum vertendæ gloriæ, dum æger collega erat.
 Itaque, nequidquam dissentiente Cornelio, parari ad propin-
 quum certamen milites jubet. Hannibal, quum, quid opti-
 mum foret hosti, cerneret, vix ullam spem habebat, temere
 atque inprovide quidquam consules acturos. quum alterius
 ingenium, fama prius, deinde re cognitum, percitum ac fe-
 rox sciret esse, ferociusque factum prospero cum prædatori-
 bus suis certamine crederet ; adesse gerendæ rei fortunam
 hand diffidebat. cujus ne quod prætermitteret tempus, sol-
 licitus intentusque erat, dum tiro hostium esset miles, dum
 meliorem ex ducibus inutilem vulnus faceret, dum Gallorum
 animi vigerent : quorum ingentem multitudinem sciebat seg-
 nius secuturam, quanto longius ab domo traherentur. Quum
 ob hæc taliaque speraret propinquum certamen, et facere, si
 cessaretur, cuperet ; speculatoresque Galli, ad ea exploran-
 da, quæ vellet, tutiores, quia in utrisque castris militabant,
 paratos pugnae esse Romanos retulissent ; locum insidiis cir-
 cumspectare Pœnus cœpit.

Locum in-
 sidiis Han-
 nibal cir-
 cumspectat.

LIV. Erat in medio rivus, præaltis utrimque clausus ripis,
 et circa obsitus palustribus herbis et, quibus inculta ferme
 vestiuntur, virgultis vepribusque. quem ubi ⁴⁶ ad equites
 quoque tegendos satis latebrosum locum circumvectus ipse.
 oculis perlustravit ; *Hic erit locus*, Magoni fratri ait, *quem*
teneas. Delige centenos viros ex omni pedite atque equite ; cum

⁴⁵ * *Non Siciliam . . . peti*] Non id
 agi a Carthaginiensibus, ut repete-
 rent armis Siciliam ac Sardiniam,
 quæ victis ademptæ fuerant.

⁴⁶ *Ad equites quoque tegendos satis*
latebrosum] Longe id elegantius est

quod a Gronovio e codicibus non sper-
 nendis allatum firmat unus e regiis,
equiti quoque tegendo. Puteaneus ig-
 norat quoque *ad* : in ceteris nihil
 mutat de vulgata lectione.

quibus ad me vigilia prima venias. Nunc corpora curare tempus est. Ita ⁴⁷ prætorium missum. mox cum delectis Mago aderat. Robora virorum cerno, inquit Hannibal. sed, ut et numero etiam, non animis modo, valeatis, singulis vobis novenos ex turmis manipulisque vestri similes eligite: Mago locum monstrabit, quem insideatis. ⁴⁸ Hostem cæcum ad has belli artes habebitis. Ita mille equitibus Magoni, mille peditibus dimissis, Hannibal prima luce Numidas equites, transgressos Trebiam flumen, obequitare jubet hostium portis, jaculandoque in stationes elicere ad pugnam hostem: injecto deinde certamine, cedendo sensim citra flumen pertrahere. Hæc mandata Numidis. ceteris ducibus peditum equitumque præceptum, ut prandere omnes juberent: armatos deinde, instratisque equis, signum exspectare. Sempronius, ad tumultum Numidarum primum omnem equitatum, ferox ea parte virium, deinde sex millia peditum, postremo omnes copias ⁴⁹ ad destinatum ^a jam ante consilio, avidus certaminis, eduxit. Erat forte brumæ tempus et nivalis dies in locis Alpibus Apenninoque interjectis, propinquitatem etiam fluminum ac paludum prægelidis. ad hoc raptim eductis hominibus atque equis, non capto ante cibo, non ope ulla ad arcendum frigus adhibita, nihil caloris inerat: et quidquid auræ fluminis adpropinquabant, adflabat acrior frigoris vis. Ut vero refugientes Numidas insequentes aquam ingressi sunt, (et erat pectoribus tenuis aucta nocturno imbri) tum utique egressis rigere omnibus corpora, ut vix armorum tenendorum potentia essent, et ⁵⁰ simul lassitudine procedente jam die, fame etiam deficere.

Numidæ
obequitant
castris Ro-
manis.

Sempronius
educit eo-
pias.

Cedunt Nu-
midæ.

Hannibal
aciem in-
struit.

LV. Hannibalis interim miles, ignibus ante tentoria factis, oleoque per manipulos, ut mollirent artus, misso, et cibo per otium capto, ubi transgressos flumen hostes nunciatum est, alacer animis corporibusque arma capit, atque in aciem procedit. Baliares locat ante signa, levem armaturam, octo ferme millia hominum; dein graviores armis peditum, quod virium, quod roboris erat: in cornibus circumfudit decem millia equitum; et ab cornibus in utramque partem divisos

^a add. locum Gron. Crev.

^o et simul lassitudine l. simul jejuni Eæd.

⁴⁷ *Prætorium missum*] Dimissi præcipui ducum, qui in prætorium, sive tabernaculum imperatoris, conveniebant. Vid. Lips. l. V. de Mil. Rom. dial. 2.

⁴⁸ *Hostem . . . habebitis*] Put. liber habetis: quod fortasse magis placebit.

⁴⁹ *Ad destinatum locum*] Ultimam vocem non agnoscunt scripti a Gronovio excussi. Unus tantummodo

e nostris illam adjicit a secunda manu. Abfuerat quoque a Vallæ codice, ut apparet ex ejus nota ad hunc locum. Nec fortasse necessaria est. Sic absolute dicitur *ad constitutum*, *ad condictum*: et infra l. XXXVIII. c. 26. *destinatum petentibus*.

⁵⁰ *Simul jejuni*] Pro his scripti habent *et similitudine*. Emendavit Gronovius ex Polybio.

U. C. 534. ipsi consuli, videri; gaudio efferri, qua part
 A. C. 218. consul victus foret, ea se vicisse. restitutos ac
 Sempronius animos: nec quemquam esse, præter collegam,
 pugnae cu- cationem vellet: eum, animo magis, quam co
 pidus. moria vulneris aciem ac tela horrere. Sed no
 nescendum. Quid enim ultra differri aut teri
 tium consulem, quem alium exercitum exspe
 thaginiensium in Italia, ac prope in conspectu
 ciliam ac Sardiniam victis ademptas, nec co
 peti, sed solo patrio terraque, in qua geniti
 Quantum ingemiscant, inquit, patres nostri
 ginis bellare soliti, si videant nos, progen
 consularesque exercitus, in media Italia
 Pœnum, quod inter Alpes Apenninum
 fecisse? Hæc adsidens ægro collegæ
 concionabundus agere. Stimulabat
 comitiorum, ne in novos consules
 casio in se unum vertendæ gloriæ,
 Itaque, nequidquam dissentiente
 quum certamen milites jubet. H
 mum foret hosti, cerneret, vix ul
 atque inprovidè quidquam consu
 ingenium, fama prius, deinde re
 rox sciret esse, ferociusque facti
 bus suis certamine crederet; a
 haud diffidebat. ejus ne quoc
 licitus intentusque erat, dum
 meliorem ex ducibus inutilen
 animi vigerent: quorum inge
 nius secuturam, quanto long
 ob hæc taliaque speraret pro
 cessaretur, cuperet; specul
 da, quæ vellet, tutiores, qui
 paratos pugnae esse Roma
 cumspectare Pœnus cœpit
 LIV. Erat in medio ri
 et circa obsitus palustri
 vestiuntur, virgultis
 quoque tegendos sati
 oculis perlustravit; /
 teneas. Delige centen

Locum in
 sidiis Han
 nibal cir
 cumspectat.

45* Non Siciliam
 agi a Carthagini

... cum
 ... signo
 ... Dode
 ... vigin
 ... manse
 ... a Ba
 ... regiones
 ... sunt.
 ... videtur:
 ... equi
 ... sunt
 ... ad hoc
 ... maxime
 ... facie
 ... viridis, erat;
 ... in
 ... Roma
 ... animis, si
 ... pæno
 ... in mediam
 ... simul
 ... exortu ad ter
 ... Tamen in tot
 ... acies,
 ... eos
 ... et
 ... curre videra

... suos conspectos
 ... adversus Gallos
 ... fecere
 ... auxi
 ... pugnant,
 ... evadere dequis
 ... erat,
 ... deinde in
 ... sa

... et re
 ... Trep
 ... ut
 ... suos,
 ... non
 ... de tota
 ... prae
 ... legi jus

... scrip

his opem ferrent, Placentiam D. C. 531.
 ares deinde in omnes partes A. C. 218.
 non petiere, aut gurgitibus ab-
 onem ingrediendi ab hostibus
 fuga sparsi erant, vestigia ce-
 centiam contendere: aliis timor Placentiam
 di flumen fecit, transgressique in fugiunt.
 r nive mixtus, et intoleranda vis
 , et jumenta, et elephantos prope
 quendi hostis Pœnis flumen Tre-
 gelu in castra rediere, ut vix læti-
 itaque nocte insequenti, quum præ-
 quod reliquum ex magna parte mili-
 m trajicerent, aut nihil sentire, ob-
 ua jam moveri præ lassitudine ne-
 sentire sese dissimularunt: quietis-
 one ab Scipione consule exercitus Pla-
 s: inde Pado trajectus Cremonam, ne
 hibernis una colonia premeretur.

tantus terror ex hac clade perlatus est, ut Roman tre-
 derent infestis signis hostem venturum; pidatio,
 aut auxilii esse, quo portis mœnibusque
 no consule ad Ticinum victo, altero ex Sici-
 us consulibus, duobus consularibus exercitibus
 duces, quas alias legiones esse, quæ arcessantur?
 pronius consul advenit, ingenti periculo per ef-
 d prædandum hostium equites (audacia magis,
 aut spe fallendi resistendive, si non falleret)

Id quod unum maxime in præsentia desidera- Comitia
 his consularibus habitis, in hiberna rediit. creati consularia.
 1. Servilius et C. Flaminius. Ceterum ne hiberna
 manis quieta erant, vagantibus passim Numidis
 26 et, qua his inpeditiona erant, Celtiberis Lusita-
 Omnes igitur clausi undique commeatus erant,
 105 Pado naves subveherent. Emporium prope Pla-
 1 fuit, et opere magno munitum, et valido firmatum
 110. 58 ejus castelli obpugnandi spe cum equitibus ac

Romanorum Gron. Crev.

* add. Pœni Ead.

* quod Gron.

vide pervagari pos-
 i laus Hispanorum
 occurrandum inter
 ni ac leves essent.
 . c. 18. Quæ est a
 vii. Antea quæ.
 Sic Put. et Victor.
 quam, ut vulgati,

li oppugnandi spe]
 censere videt

U. C. 534. elephantos statuit. Consul effusos sequentes equites, quum
 A. C. 212. ab resistentibus subito Numidis incauti exciperentur, signo
 receptui dato, revocatos ⁵¹ circumdedit peditibus. Duode-
 viginti millia Romani erant, socium nominis^p Latini vigin-
 ti; auxilia præterea Cenomanorum. ea sola in fide manse-
 rat Gallica gens. his copiis concursus est. Proelium a Ba-
 liaribus ortum est; quibus quum majore robore legiones
 obsisterent, deductæ propere in cornua leves armaturæ sunt.
 quæ res effecit; ut equitatus Romanus extemplo urgueretur:
 nam quum vix jam per se resisterent decem millibus equi-
 tum quatuor millia, et fessi plerisque integris, obruti sunt
 insuper velut nube jaculorum a Baliaribus conjecta. ad hoc
 elephantum, eminentes ab extremis cornibus, (equis maxime
 non visu modo, sed odore insolito territis) fugam late facie-
 bant. Pedestris pugna par animis magis quam viribus, erat;
 quas recentes Pœnus, paullo ante curatis corporibus, in
 proelium adtulerat: contra, jejuna fessaque corpora Roma-
 nis et rigentia gelu torpebant. restitissent tamen animis, si
 cum peditum solum foret pugnatum. Sed et Baliares, pulso
 equite, jaculabantur in latera, et elephantum jam in mediam
 peditum aciem sese tulerant: et Mago Numidæque, simul
 latebras eorum improvida præterlata acies est, exorti ab ter-
 go ingentem tumultum ac terrorem fecere. Tamen in tot
 circumstantibus malis mansit aliquamdiu inmota acies,
⁵² maxime præter spem omnium adversus elephantos. eos
 velites, ad id ipsum locati, verutis conjectis et avertere, et
 insecuti aversos sub caudis, qua maxime molli cute vulnera
 accipiunt, fodiebant.

Proelium
 committi-
 tur.

Vincuntur
 Romani.

LVI. ⁵³ Trepidantesque prope^a jam in suos consternatos
 media acie in extremam, ad sinistrum cornu, adversus Gallos
 auxiliares agi jussit Hannibal. Extemplo haud dubiam fecere
 fugam. additus quoque novus terror Romanis, ut fusa auxi-
 lia sua viderunt. Itaque, quum jam in orbem pugnarent,
 decem millia ferme hominum, ⁵⁴ quum alii^r evadere nequis-
 sent, media Afrorum acie, quæ Gallicis auxiliis firmata erat,
 cum ingenti cæde hostium perrupere. et, quum neque in
 castra reditus esset flumine interclusis, neque præ imbri sa-

^p nominisque Gron. Crev.

^a *trepidantes propeque* Crev.

^r *alia* Gron. Crev.

51 * *Circumdedit peditibus*] Locavit
 a dextra lævaque peditum.

52 * *Maxime præter spem omnium
 adversus elephantos*] In quo id maxi-
 me præter spem omnium accidit, quod
 etiam adversus elephantos aliquam-
 diu resistere.

53 *Trepidantes propeque jam in
 suos consternatos*] In Gronovianis edi-
 tionibus legitur *Trepidantesque prope
 jam*. Particulam que male trajectam,

in suum ordinem revocavimus ex ve-
 rustiorum fide. Sensus est: Trep-
 dantes elephantos, et ita efferatos ut
 prope jam ruituri viderentur in suos,
 i. e. in Pœnos. Vox *consternatus*, non
 tam *pavidum*, quam *furentem* denotat.
 Mox legendum videtur, adjecta præ-
 positione, *e media acie*.

54 *Quum alia evadere*] Sic legi jus-
 sit Gronovius. Vulgati, *alias*: scrip-
 ti, *alii*.

tis decernere possent, qua suis opem ferrent, Placentiam J. C. 534.
recto itinere perrexere. Plures deinde in omnes partes A. C. 218.
eruptiones factæ: et, qui flumen petiere, aut gurgitibus ab-
sumti sunt, aut inter cunctationem ingrediendi ab hostibus
obpressi. qui passim per agros fuga sparsi erant, vestigia ce-
dentis sequentes agminis, Placentiam contendere: aliis timor Placentiam
hostium audaciam ingrediendi flumen fecit, transgressique in fugiant.
castra pervenerant. Imber nive mixtus, et intoleranda vis
frigoris, et homines multos, et jumenta, et elephantos prope
omnes, absumsit. Finis insequendi hostis Pœnis flumen Tre-
bia fuit: et ita torpentes gelu in castra rediere, ut vix læti-
tiam victoriæ sentirent. Itaque nocte insequenti, quum præ-
sidium* castrorum, ⁵⁵ et quod reliquum ex magna parte mili-
tum erat, ratibus Trebiam trajicerent, aut nihil sentire^t, ob-
strepente pluvia; aut, quia jam moveri præ lassitudine ne-
quibant ac vulneribus, sentire sese dissimularunt: quietis-
que Pœnis, tacito agmine ab Scipione consule exercitus Pla-
centiam est perductus: inde Pado trajectus Cremonam, ne
duorum exercituum hibernis una colonia premeretur.

LVII. Romam tantus terror ex hac clade perlatus est, ut Romæ tre-
fam ad urbem crederent infestis signis hostem venturum; pidatio.
nec quidquam spei aut auxilii esse, quo portis mœnibusque
vim arcerent. *Uno consule ad Ticinum victo, altero ex Sici-*
lia revocato, duobus consulibus, duobus consularibus exercitibus
victis, quos alios duces, quas alias legiones esse, quæ arcessantur?
Ita territis Sempronius consul advenit, ingenti periculo per ef-
fusus passim ad prædandum hostium equites (audacia magis,
quam consilio aut spe fallendi resistendive, si non falleret)
transgressus. Id quod unum maxime in præsentia desidera- Comitia
batur, comitiis consularibus habitis, in hiberna rediit. Creati consularia.
consules Cn. Servilius et C. Flaminius. Ceterum ne hiberna
quidem Romanis quieti erant, vagantibus passim Numidis
equitibus, ⁵⁶ et, qua his impeditiora erant, Celtiberis Lusita-
nisque. Omnes igitur clausi undique commeatus erant,
⁵⁷ nisi quos Pado naves subveherent. Emporium prope Pla-
centiam fuit, et opere magno munitum, et valido firmatum
præsidio. ⁵⁸ ejus castelli obpugnandi spe cum equitibus ac

* add. *Romanorum* Gron. Crev.

^t add. *Pœni* Ead.

^u quod Gron.

⁵⁵ *Et quod reliquum ex magna parte militum erat*] Et quod reliquum militum erat, saltem magna ex parte, plerique certe, trajicerent flumen Trebiam. Dicit Livius plerosque Trebiam trajecisse, non omnes, quia aliqua pars profecto Sempronium ad urbem Romam comitata est.

⁵⁶ *Et, qua his impeditiora erant*] Celtiberis Lusitanisque vagantibus, qua parte loca impeditiora erant,

quam ut ea Numidæ pervagari possent. Ea propria laus Hispanorum erat, quod ad concursandum inter saxa rupesque apti ac leves essent. Vid. infra l. XXII. c. 18. *Qui est a conjectura Gronovii. Antea quæ.*

⁵⁷ *Nisi quos*] Sic Put. et Victor. codices: melius quam, ut vulgati, nisi quod.

⁵⁸ *Ejus castelli oppugnandi spe*] Recte Perizonius censere videtur le-

U. C. 534. A. C. 218. levi armatura profectus Hannibal, ⁵⁹ quum plurimum in celando incepto ad effectum spei habuisset, nocte adortus, non fefellit vigiles. Tanta repente clamor est sublatus, ut Placentiæ quoque audiretur. Itaque sub lucem cum equitatu consul aderat, jussis quadrato agmine legionibus sequi. Equestre prælium interim commissum : in quo, quia saucius Hannibal pugna excessit, pavore hostibus injecto, defensum egregie præsidium est. Paucorum inde dierum quiete sumpta, et vixdum satis percurato vulnere, ad Victumvias ire pergit obpugnandas. Id emporium a Romanis Gallico bello fuerat munitum. inde ⁶⁰ locum frequentaverant adcolæ mixti undique ex finitimis populis ; et tum terror populationum eo plerosque ex agris compulerat. Hujus generis multitudo, fama inpigre defensi ad Placentiam præsidii accensa, armis adreptis obviam Hannibali procedit. ⁶¹ Magis agmina, quam acies, in via concurrerunt ; et, quum ex altera parte nihil, præter inconditam turbam, esset, in altera et dux militi, et duci fidens miles, ad triginta quinque millia hominum a paucis fusa. Postero die, deditione facta, præsidium intra mœnia acceperunt : jussique arma tradere quum dicto parvisent, signum repente victoribus datur, ut tamquam vi captam urbem diriperent. neque ulla, quæ in tali re memorabilis scribentibus videri solet, prætermissa clades est : adeo omnis libidinis, crudelitatisque, et inhumanæ superbæ editum in miseros est exemplum. Hæ fuere hibernæ expeditiones Hannibalis.

Transitum
Apennini
tentat Han-
nibal.

LVIII. ⁶² Haud longis inde temporibus, dum intolerabilia frigora erant, quies militi data est : et ad prima ac dubia signa veris profectus ex hibernis, in Etruriam ducit, eam quoque gentem, sicut Gallos Liguresque, aut vi aut voluntate adjuncturus. Transeuntem Apenninum adeo atrox adorta tempestas est, ut Alpium fœditatem prope superaverit. Vento mixtus imber quum ferretur in ipsa ora, primo, quia aut arma omittenda erant, aut contra ententes vortice intorti adfligebantur, constitere : dein, quum jam ⁶³ spiritum

gendum esse *expugnandi*. Oppugnare voluntatis est : at expugnatio speratur.

⁵⁹ * *Quum plurimum*] Quum maximam spem efficiendi id quod destinarat in eo collocasset, si celare posset inceptum suum.

⁶⁰ * *Locum frequentaverant accolæ*] Loco frequentiam addiderant adjunctes se ad emporii mœnia multi habitatores.

⁶¹ *Magis agmina, quam acies*] Agmen est exercitus eo ordine compositus, qui ad iter faciendum accommo-

datus est : *acies*, exercitus aptatus ad pugnam. Vult igitur Livius hos exercitus eo ordine instructos concurrisse, qui itineri magis aptus esset, quam prælio.

⁶² *Haud longis inde temporibus . . . quies*] Gronovio magis placeret, *Haud longi inde temporis . . . quies* : nec immerito. Sic c. præc. *Paucorum dierum quiete sumpta*. Et displicet *et temporibus*.

⁶³ *Spiritum intercluderet*] Puteanus liber *includeret*.

includeret*, nec ⁶⁴reciprocare animam sineret, aversi a U. C. 534.
 vento parumper consedere. Tum vero ingenti sono ecœlum A. C. 218.
 strepere, et inter horrendos fragores micare ignes. capti auri-
 bus et oculis metu omnes torpere. Tandem, effuso imbre,
 quum eo magis accensa vis venti esset, ipso illo, quo depre-
 hensi erant, loco castra ponere necessarium visum est. Id
 vero laboris velut de integro initium fuit. nam neo explicare
 quidquam, nec statuere poterant: nec, quod statutum esset,
 manebat, omnia perscindente vento et rapiente. et mox
⁶⁵aqua levata vento, quum super gelida montium juga con-
 creta esset, tantum nivosæ grandinis dejecit, ut, omnibus
 omissis, procumberent homines, tegminibus suis magis ob-
 ruti, quam tecti. tantaque vis frigoris insecuta est, ut, ex
 illa miserabili hominum jumentorumque ⁶⁶strage quum se
 quisque adtollere ac levare vellet, diu nequiret, quia, torpen-
 tibus rigore nervis, vix flectere artus poterant. deinde, ut
 tandem agitando sese movere ac recepere animos, et raris
 locis ignis fieri est cœptus, ad alienam opem quisque inops
 tendere. Biduum eo loco, velut obsessi, mansere. multi ho-
 mines, multa jumenta, elephantum quoque ex his, qui proelio
 ad Trebiam facto superfuerant, septem absumti.

LIX. Degressus Apennino retro ad Placentiam castra Regreditur.
 movit, et ad decem millia progressus consedit. postero die
 duodecim millia peditum, quinque equitum adversus hostem
 ducit. Nec Sempronius consul (jam enim redierat ab Ro-
 ma) detrectavit certamen: atque eo die tria millia passuum
 inter bina castra fuere. Postero die ingentibus animis, va-
 rio eventu, pugnatum est. primo concursu adeo res Romana ^{Pugna inter}
 superior fuit, ut non acie vincerent solum, sed pulsos hostes ^{Sempro-}
 in castra persequerentur; mox castra quoque obpugnarent. ^{nium et}
 Hannibal, paucis propugnatoribus in vallo portisque positus, ^{Hanniba-}
 ceteros confertos in media castra recepit, intentosque sig-
 num ad erumpendum spectare jubet. Jam nona ferme diei
 hora erat, quum Romanus, nequidquam fatigato milite,
 postquam nulla spes erat potiundi castris, signum receptui
 dedit. Quod ubi Hannibal accepit, laxatamque pugnam et
 recessum a castris vidit, extemplo equitibus dextra lævaque
 emissis in hostem, ipse cum peditum robore ⁶⁷medius castris
 erupit. pugna raro ulla magis sæva, et cum utriusque partis
 perniciæ clarior fuisset, si extendi eam dies in longum spa-

* intercluderet Gron. Crev.

⁶⁴ * *Reciprocare animam*] Aërem
 excipere primo, dein efflare, reciproco
 illo halitu, unde vita pendet.

⁶⁵ *Aqua*] Aqua sublata ac suspen-
 sa viventi, quum in aëre concreta es-
 set.

⁶⁶ *Strage*] *Strages* est stratorum
 et jacentium corporum multitudo.

⁶⁷ *Medius castris erupit. Pugna*
raro ulla magis sæva] Hæc in scriptis
 corrupta erant. *Medius* Gronovio de-
 betur: *sæva* Vallæ.

U. C. 534. tium sivillet. Nox accensum ingentibus animis prælium
 A. C. 218. diremit. itaque acrior concursus fuit, quam cædes; et, sicut
 æquata ferme pugna erat, ita clade pari discessum est. ab
 neutra parte sexcentis plus peditibus, et dimidium ejus equi-
 tum cecidit. Sed major Romanis, quam pro numero, jac-
 tura fuit: quia equestris ordinis aliquot, et tribuni militum
 quinque, et ⁶⁸ præfecti sociorum tres, sunt interfecti. Secun-
 dum eam pugnam Hannibal in Ligures, Sempronius Lucam
 concessit. Venienti in Ligures Hannibali per insidias inter-
 cepti duo quæstores Romani, C. Fulvius et L. Lucretius,
 cum duobus tribunis militum, et quinque equestris ordinis
 ✕ senatorum ferme liberis, quo magis ratam fore cum his pa-
 cem societatemque crederet, traduntur.

Res gestæ a
 Cn. Scipio-
 ne in His-
 pania.

Hanno vic-
 tus.

LX. Dum hæc in Italia geruntur, Cn. Cornelius Scipio,
 in Hispaniam cum classe et exercitu missus, quum, ab ostio
 Rhodani profectus, Pyrenæosque montes circumvectus, Em-
 porii adpulisset classem, exposito ibi exercitu, orsus a La-
 cetanis, omnem oram usque ad Iberum flumen, partim re-
 novandis societatibus, partim novis instituendis, Romanæ
 ditionis fecit. Inde conciliata clementiæ fama, non ad ma-
 ritimos modo populos, sed, in mediterraneis quoque ac mon-
 tanis, ad ferociiores jam gentes valuit: nec pax modo apud
 eos, sed societas etiam armorum, parata est: validæque ali-
 quot auxiliorum cohortes ex iis conscriptæ sunt. Hannonis
 cis Iberum provincia erat: eum reliquerat Hannibal ad re-
 gionis ejus præsidium. itaque prius, quam alienarentur om-
 nia, obviam eundum ratus, castris in conspectu hostium po-
 sitis, in aciem eduxit. nec Romano differendum certamen
 visum: quippe qui sciret, cum Hannone et Hasdrubale sibi
 dimicandum esse; malletque adversus singulos separatim,
 quam adversus duos simul, rem gerere. Nec magni certa-
 minis ea dimicatio fuit. sex millia hostium cæsa, duo capta
 cum præsidio castrorum. nam et castra expugnata sunt,
 atque ipse dux cum aliquot principibus capiuntur: et
 Scissis, propinquum castris oppidum, expugnatur. Ce-
 terum ⁶⁹ præda oppidi parvi pretii rerum fuit; supellex
 barbarica, ac vilium mancipiorum. castra militem dita-
 vere; ⁷⁰ non ejus modo exercitus, qui victus erat, sed et
 ejus, qui cum Hannibale in Italia militabat, omnibus fere

⁶⁸ *Præfecti sociorum*] Vid not. 89.
 ad c. 36. l. VIII.

⁶⁹ * *Præda oppidi*] Præda oppidi
 fuit rerum parvi pretii; nihil habuit
 nisi res parvi pretii.

⁷⁰ *Non ejus modo exercitus*] Hic
 aliquid ex sensu supplendum est.

Castra militem ditavere, qui in iis re-
 perit non modo ejus exercitus opes,
 qui victus erat, sed etiam omnes fere
 caras res ejus qui cum Annibale mili-
 tabat, relictas citra Pyrenæum, ne
 gravia impedimenta ferentibus essent.

caris rebus (ne gravia impedimenta ferentibus essent) citra U. C. 594. A. C. 218.
Pyrenæum relictis.

LXI. Priusquam certa hujus cladis fama accideret, trans- Hasdrubal
gressus Iberum Hasdrubal cum octo millibus peditum, mil- seru adve-
le equitum, tamquam ad primum adventum Romanorum nit.
obcursurus, postquam perditas res ad Scissim amissaque cas-
tra accepit, iter ad mare convertit. Haud procul Tarracone
classicos milites navalesque socios, vagos palantesque per
agros, (quod ferme fit, ut secundæ res neglegentiam creent)
equite passim dimisso, cum magna cæde, majore fuga ad
naves compellit. nec diutius circa ea loca morari ausus, ne a
Scipione obprimeretur, trans Iberum sese recepit. Et Scipio,
raptim ad famam novorum hostium agmine acto, quum
in paucos ⁷¹ præfectos navium animadvertisset, præsidio
Tarracone modico relictis, Emporias cum classe rediit.
Vixdum digresso eo, Hasdrubal aderat: et, Ilergetum po- Vastat soci-
pulo, qui obsides Scipioni dederat, ad defectionem impulso, orum P. R.
cum eorum ipsorum juventute agros fidelium Romanis so- agros.
ciorum vastat. Excito deinde Scipione hibernis, toto cis
Iberum rursus cedit agro. Scipio, relictam ab auctore de- Scipio Iler-
fectionis Ilergetum gentem quum infesto exercitu invasis- getes inva-
set, compulsis omnibus Athanagiam, urbem (quæ caput ejus dit.
populi erat) circumscivit: intraque dies paucos, pluribus
quam ante obsidibus imperatis, Ilergetes, pecunia etiam
multatos, in jus ditionemque recepit. Inde in Ausetanos
prope Iberum, socios et ipsos Pœnorum, procedit: atque,
urbe eorum obsessa, Lacetanos auxilium finitimis ferentes
nocte, haud procul jam urbe, quum intrare vellent, excepit
insidiis. Cæsa ad duodecim millia: exuti pene omnes ar-
mis, domos passim palantes per agros diffugere; nec obses-
sos alia ulla res, quam iniqua obpugnantibus hiems, tutaba-
tur. triginta dies obsidio fuit: per quos raro umquam nix
minus quatuor pedes alta jacuit: adeoque ⁷² pluteos ac vi-
neas Romanorum operuerat, ut ea sola, ignibus aliquoties
conjectis ab hoste, etiam tutamentum fuerit. Postremo
quum Amusitus princeps eorum ad Hasdrubalem profugis-
set, ⁷³ viginti argenti talentis pacti deduntur. Tarraconem
in hiberna reductum est.

LXII. Romæ aut circa urbem multa ea hieme prodigia Prodigia.
facta: aut (quod evenire solet, motis semel in religionem
animis) multa nunciata, et temere credita sunt: in quâs in-
genium infantem semestrem in foro olitorio triumphum
clamasse: et foro boario bovem in tertiam contignationem

⁷¹ *Præfectos navium*] Scriptus op-
timus *pavium*: unde Gronovius effe-
cit *navium*. Vulgo *paululum*.

differebant a vineis, et ad similes fer-
me usus adhibebantur.

⁷³ *Viginti argenti talentis*] Marcia
argenti nostratibus 1875.

⁷² *Pluteos*] *Plutei* non multum

U. C. 534. sua sponte escendisse, atque inde tumultu habitatorum ter-
 A. C. 213. ritum sese dejecisse: et navium speciem de coelo adfulsisse,
 et ædem Spei, quæ est in foro olitorio¹, fulmine ictam: et
⁷⁴ Lanuvii hastam se commovisse: et corvum in ædem Ju-
 nonis devolasse, atque in ipso pulvinario consedis-
 se: et in agro Amiternino multis locis hominum specie procul candi-
 da veste visos, nec cum ullo congressos: et in Piceno lapi-
 dibus pluuisse; et Cære ⁷⁵ sortes extenuatas: et in Gallia lu-
 pum vigili gladium e vagina raptum abstulisse. Ob cetera
 prodigia libros adire decemviri jussi. quod autem lapidibus
 pluisset in Piceno, novemdiale sacrum edictum, et subinde
 aliis procurandis prope tota civitas operata fuit. Jam pri-
 mum omnium ⁷⁶ urbs lustrata est, ⁷⁷ hostiæque majores, qui-
 bus editum est, Diis cæsæ; et donum ⁷⁸ ex auri pondo qua-
 draginta Lanuvium ad Junonis portatum est; et signum æ-
 neum matronæ Junoni in Aventino dedicaverunt; et ⁷⁹ lec-
 tisternium Cære, ubi sortes adtenuatæ erant, imperatum; et
 supplicatio Fortunæ in Algido; Romæ quoque et lectister-
 nium Juventati, et supplicatio ad ædem Herculis nomina-
 tim; deinde universo populo circa omnia pulvinaria, indic-
 ta; et Genio majores hostiæ cæsæ quinque; et C. Atilius
 Serranus prætor vota suscipere jussus, si in decem annos
 respublica eodem stetisset statu. Hæc procurata vota-
 que ex libris Sibyllinis, magna ex parte levaverant religione
 animos².

LXIII. Consulum designatorum alter Flaminius, cui eæ

¹ quæ in foro olitorio est Gron. Crev.

² animos religione Emd.

⁷⁴ *Lanuvii hastam se commovisse*] Intelligenda videtur hasta Junonis Sospitæ, cujus fortasse etiam nomen excidit. Justus Ryequius lib. de Capitol. c. 19. observat solitum antiquis hastas diis atque etiam deabus addere ad manum, quæ iis essent pro sceptris. Sic infra l. XXIV. c. 10. refertur inter prodigia, *hastam Martis Præneste sua sponte promotam*.

⁷⁵ *Sortes extenuatas*] Sortes Prænestinæ, teste Cic. l. II. de Div. n. 85. erant insculptæ in robore prisca- rum litterarum notæ. Idem l. II. in Verr. n. 127. *sortes* usurpat pro schedulis, quæ nomina in urnam conjicienda et sorte educenda præferrent. Itaque *sortes* hoc loco intelligi pos- sunt vel tabulæ lignæ, vel membra- nulæ, quæ inscriptas haberent ali- quas vel litteras, vel voces, vel versi- culos. Igitur ubi hic sortes extenuatæ dicuntur, intelligendum est eas vel tabellas, vel membranulas v

esse coarctari et in angustius spa- tium redigi; sive potius sacerdotum fraude subjectas quasdam minores in locum earum, quæ vulgo educaban- tur, et majores erant. Porro Salma- sius observat, in ostentis, ut et in somniis, omnia majora et auctiora vi- dere lætum ac prosperum judicari so- litum fuisse: contra, triste omen fu- isse, si qua res solito minor, tenua- tior, defectiorque appareret.

⁷⁶ *Urbs lustrata est*] Designatur Amburbium, sive Amburbale sacrum; quod sic dicebatur, quia urbem cir- cuibat et ambibat victima. Vid. Ser- vium ad Eclog. III. Virgilii, v. 77.

⁷⁷ *Hostiæ . . . majores*] Hostiæ ma- jores opponuntur lactentibus, ut ap- paret ex c. 1. libri seq.

⁷⁸ *Ex auri pondo quadraginta*] Selibris, seu marcis nostratibus 62. cum quatuor uncias.

⁷⁹ *Lectisternium*] Vid. lib. V. c. 13.

legiones, quæ Placentiæ hibernabant, sorte evenerant, edic- U. C. 534.
tum et literas ad consulem misit, ut is exercitus Idibus A. C. 218.
Martis Arimini adesset in castris. Huic in provincia con- Temeritas
sulatum inire consilium erat, memori ⁸⁰ veterum certaminum et arrogan-
cum Patribus; quæ tribunus plebis, et quæ postea consul, tia Flami-
prius de consulatu, qui abrogabatur, dein de triumpho ha- nil.
buerat; invisus etiam Patribus ob novam legem, quam Q.
Claudius tribunus plebis adversus senatum, uno Patrum ad- X
juvante C. Flaminio, tulerat; ne quis senator, quive senato-
ris pater fuisset, maritimam navem, ⁸¹ quæ plus quam tre-
centarum amphorarum esset, haberet. Id satis habitum ad
fructus ex agris vectandos. ⁸² quæstus omnis Patribus inde-
corus visus. Res, per summam contentionem acta, invidiam
apud nobilitatem suasori legis Flaminio, favorem apud ple-
bem alterumque inde consulatum, peperit. Ob hæc ratus
auspiciis eimentiendis, Latinarumque feriarum mora, et con-
sularibus aliis impedimentis retenturos se in urbe, simulato
itinere privatus clam in provinciam abiit. Ea res, ubi palam Clam in
facta est, novam insuper iram infestis jam ante Patribus mo- provinciam
vit: *Non cum senatu modo, sed jam cum Diis immortalibus,* abit.
C. Flaminium bellum gerere. consulem ante inauspicato factum
revocantibus ex ipsa acie Diis atque hominibus non paruisse;
et nunc ⁸³ conscientia spreto et Capitolium et sollemnem vo-
torum nuncupationem fugisse: ne die initi magistratus Jovis
optimi maximi templum adiret: ne senatum, incensus ipse, et sibi
uni invisum, videret consuleretque: ne ⁸⁴ Latinas indiceret, Jo-
vique Latiari sollemne sacrum ⁸⁵ in monte faceret: ne, auspica-
to profectus in Capitolium ad vota nuncupanda, paludatus inde
cum lictoribus ad provinciam iret. lixæ modo sine insignibus,
sine lictoribus, profectum clam, furtim, haud aliter quam si ex-
silii causa solum vertisset. ⁸⁶ magis pro majestate videlicet im-
perii Arimini, quam Romæ, magistratum initurum, et in de-
versorio hospitali, quam apud penates suos, prætextam sumtu-*
rum. Revocandum universi retrahendumque censuerunt;
et cogendum omnibus prius præsentem in Deos hominesque

* *diversorio* Gron. Crev.

⁸⁰ *Veterum certaminum cum Pa-*
tribus] De his certaminibus Flaminii
cum Patribus * operæ pretium est
consulere l. X. Suppl. Freinsheimii,
qui respondet vicesimo Livii, primo
c. 19. tum c. 47. et seqq. vel Histo-
riam Romanam Clar. Rollini, l. XII.

⁸¹ *Quæ plusquam trecentarum am-*
phorarum esset] Quæ plus ferre pos-
set, quam quantum trecentæ ampho-
ræ caperent: id est, libras pondo
Romanas aquæ vel vini 20000. Pari-
sienses 15625.

⁸² * *Quæstus omnis]* Visum est in-
decorum esse ordini senatorio, quem-
quam senatorem quæstum facere: ac
proinde senatoribus sufficere debere
navem ejus magnitudinis, quæ ad
fructus ex agris vectandos satis esset.

⁸³ * *Conscientia spreto]* Quum
sibi conscius esset spreto a se deos.

⁸⁴ *Latinas]* Vid. lib. V. c. 17.

⁸⁵ * *In monte]* Albano.

⁸⁶ * *Magis pro majestate im-*
perii] Dignius majestate imperii con-
sularis.

U. C. 534. fungi officiis, quam ad exercitum et in provinciam iret. In
 A. C. 218. eam legationem (legatos enim mitti placuit) Q. Terentius
 Frustra re- et M. Antistius profecti, nihilo magis eum moverunt⁷, quam
 vocatur. priori consulatu literæ moverant ab senatu missæ. Paucos
 U. C. 535. post dies magistratum iniit, inmolantique ei vitulus jam ic-
 A. C. 217. tus e manibus sacrificantium sese quum proripuisset, multos
 Cn. Servi- circumstantes cruore respersit. Fuga procul etiam major
 lio, C. Fla- apud ignaros, quid trepidaretur, et concursatio fuit. id a ple-
 minio II. risque in omen magni terroris acceptum. Legionibus inde
 Coss. duabus a Sempronio prioris anni consule, duabus a C. Ati-
 lio prætore acceptis, in Etruriam per Apennini tramites ex-
 ercitus duci est coeptus.

⁷ *movere* Gron. Crev.

EPITOME LIBRI XXII.

HANNIBAL, per continuas vigilias in paludibus oculo amisso, venit in Etruriam: per quas paludes quatriduo et tribus noctibus sine ulla requie iter fecit. C. Flaminius consul, homo temerarius, contra auspicia profectus, signis militaribus effossis, quæ tolli non poterant, et ab equo, quem conscenderat, per caput devolutus, insidiis ab Hannibule circumventus, ad Trasimenum lacum cum exercitu casus est. Sex millia, quæ eruperant, fide ab Maharbale data, perfidia Hannibalis vincta sunt. Quum ad nuncium cladis Romæ luctus esset, duæ matres, ex insperato receptis filiis, gaudio mortuæ sunt. Ob hanc cladem ex Sibyllinis libris ver sacrum votum. Quum deinde Q. Fabius Maximus dictator, adversus Hannibalem missus, nollet acie cum eo configere, ne, contra ferocem tot victoriis hostem, territum adversis præliis militem pugnae committeret, et, obponendo se tantummodo, conatus Hannibalis impediret: M. Minucius magister equitum, ferox et temerarius, criminando dictatorem tamquam segnem et timidum, effecit, ut populi jussu æquaretur ei cum dictatore imperium; divisoque exercitu, ¹ quum iniquo loco conflixisset, et in maximo discrimine legiones ejus essent, superveniente cum exercitu Fabio Maximo discrimine liberatus est. quo beneficio victus castra cum eo junxit, et patrem eum salutavit; idemque facere milites jussit. Hannibal, vastata Campania, inter Casilinum oppidum et Calliculam montem a Fabio clausus, sarmentis ad cornua bouum adligatis et incensis, præsidium Romanorum, quod Calliculam insidebat, fugavit: et sic transgressus est saltum. idemque Q. Fabii Maximi dictatoris, quum circumposita ureret, agro pepercit, ut illum tamquam proditorem suspectum faceret. Emilio deinde Paulo et Terentio Varrone consulibus et ducibus, cum maxima clude adversus Hannibalem ad Cannas pugnatum est: cæsaque eo prælio Romanorum quadraginta quinque millia, cum Paulo consule et senatoribus octoginta, consularibus atque prætoriis aut ediliciis triginta. Post quam cladem quum a nobilibus adolescentibus propter desperationem consilium de relinquenda Italia iniretur, P. Cornelius Scipio tribunus militum, qui postea Africanus nuncupatus est, stricto super capita deliberantium ferro, juravit, se pro hoste habiturum eum, qui in verba sua non

¹ Quum iniquo loco] Vulgati habent quum in iniquo. Inutilem et ingratam hic voculam, quam a vett. libb.

abesse. Sigonius et Sanctius testantur, sustulimus.

jurasset; effecitque, ut omnes minime relictum iri a se Italiam jurejurando adstringerentur. Præterea trepidationem urbis et luctum, et res in Hispania meliore eventu gestas continet. Opimia et Floronia, Vestales virgines, incesti damnatae sunt. Propter paucitatem vero militum servorum octo millia armata sunt. captivi, quum potestas esset redimendi, redempti non sunt. Varro obviatum est, et gratiæ actæ, quod de republica non desperasset.

T. LIVII PATAVINI

LIBER XXII.

JAM ver adpetebat, quum Hannibal ex hibernis movit, et U. C. 535. nequidquam ante conatus transcendere Apenninum intole- A. C. 217. randis frigoribus, et cum ingenti periculo moratus ac metu. Galli, quos prædæ populationumque conciverat spes, post- Galli infensi quam pro eo, ut ipsi ex alieno agro raperent agerentque, Hannibali. suas terras sedem belli esse, premique utriusque partis exercituum hibernis viderunt; verterunt retro ad Hannibalem ab Romanis odia: petitusque sæpe principum insidiis, ¹ ipsorum ² inter se fraude, ³ eadem levitate, qua consenserant, consensum indicantium, servatus erat; et, mutando nunc vestem, nunc ⁴ tegumenta capitis, ⁵ errore etiam sese ab insidiis munierat. Ceterum hic quoque ei timor causa fuit maturius movendi ex hibernis. Per idem tempus ⁶ Cn. Servilius consul Romæ Idibus Martiis magistratum iniit. Ibi quum de republica retulisset, redintegrata in C. Flaminium invidia est. *Duos se consules creasse, unum habere. quod enim illi ⁷ justum imperium, quod auspiciū esse? Magistratus id a domo, publicis privatisque penatibus, Latinis feriis actis, sacrificio ⁸ in monte perfecto, votis rite in Capitolio nuncupatis, secum ferre: ⁹ nec privatum auspicia sequi, nec sine auspiciis*

Querelæ
Romano-
rum de
Flaminio.

¹ ipsorumque Gron.

¹ *Ipsorum inter se fraude*] Particulam *que*, quam hic inserunt vulgati post *et ipsorum*, rosecuimus ex auctoritate omnium nostrorum codicum, et plurimorum e Gronovianis.

² *Eadem levitate*] Quia sicut levitate ac mobilitate ingenii præcipites ad consentiendum et conspirandum in Annibalis necem fuerant, ita eadem levitate consensum et conspirationem indicabant.

³ *Tegumenta capitis*] Capillamenta, comas adscititias, *perruques*, quas quidem, teste Polybio, ad omnia statum discrimina formatas subinde mutabat.

⁴ *Erroris etiam*] Sic habitum corporis immutando, ut insidiatores er-

rarent, nec ipsum possent agnoscere. Addit vocem *etiam*, quia aliquoties servatum eum esse dixerat Gallorum ipsorum indicio.

⁵ *Cn. Servilius consul*] Omisit præter morem Livius eorum nomina, qui præturam hoc anno gesserunt. Ea hic reddemus. M. Æmilius Regillus urbanam jurisdictionem obtinuit: M. Pomponius Matho peregrinam: T. Otacilius Crassus Siciliam: A. Cornelius Mammula Sardiniam.

⁶ *Justum*] Verum ac legitimum.

⁷ *In monte*] Albano.

⁸ *Nec privatum auspiciis sequi*] Levis ambiguitas in verbis, non in sensu. Privatum, inquiunt, auspicia non sequuntur.

U. C. 535.
A. C. 217.
Prodigia.

Procurata.

profectum in externo ea solo ⁹ *nova atque integra concipere posse.* Augebant metum prodigiā ex pluribus simul locis nunciata: in Sicilia militibus aliquot spicula, ¹⁰ in Sardinia autem in muro circumeunti vigilias equiti scipionem, quem manu tenuerat, arsisse, et litora crebris ignibus fulsisse, et scuta duo sanguine ^b sudasse, et milites quosdam ictos fulminibus, et ¹¹ solis orbem minui visum: et Præneste ardentis lapides cœlo cecidisse: et Arpis parmas in cœlo visas, pugnantesque cum luna solem: et Capenæ duas interdiu lunas ortas: et aquas Cæretes sanguine mixtas fluxisse; fontemque ipsum Herculis cruentis manasse sparsum maculis: et ¹² in Antiati metentibus cruentas in corbem spicas cecidisse: et Faleriis cœlum findi velut magno hiatu visum; quaque patuerit, ingens lumen effulsisse: ¹³ sortes sua sponte adtenuatas, unamque excidisse, ita scriptam: MAVORS TELUM SUUM CONCUTIT: et per idem tempus Romæ signum Martis Appia via ¹⁴ ad simulacra luporum sudasse: et Capuæ speciem cœli ardentis fuisse, lunæque inter imbrem cadentis. Inde minoribus etiam dictu prodigiis fides habitata: capras lanatas quibusdam factas, et gallinam in marem, gallum in feminam sese vertisse. His, sicut erant nunciata, expositis, auctoribusque in curiam introductis, consul de religione Patres consuluit. Decretum, ut ea prodigia, partim majoribus hostiis, partim lactentibus, procurarentur: et uti supplicatio per triduum ad omnia pulvinaria haberetur. Cetera, quum decemviri libros inspexissent, ut ita fierent, quemadmodum cordi esse ¹⁵ Divi carminibus ¹⁶ præfarentur. Decemvirorum monitu decretum est, Jovi primum donum ¹⁷ fulmen aureum pondo quinquaginta fieret; Junoni Minervæque ex argento dona darentur; et Junoni Reginae in Aventino, Junonique Sospitæ Lanuvii majoribus hostiis

^b sanguinem Gron. Crev.

⁹ * *Nova atque integra concipere*] Semel enim cum auspiciis profectus domo, poterat in externo solo ea iterumque iterumque rite capere. At ea nova et non ante quæsitæ sibi acquirere in externo solo non posse contendunt Patres eum qui sine iis profectus esset.

¹⁰ *In Sardinia autem in muro*] Recte videtur observare Jac. Gronovius hic deesse nomen ejus urbis, cuius in muro id prodigium, de quo agitur, factum est. Quumque aliquot libri optimi habeant *Sudes* pro *autem*, inde ille suspicatur legendum, *Sulcis*. Sulci nobilis et antiqua Sardiniae civitas fuit.

¹¹ * *Solis orbem minui visum*] In-

tellige eclipsin, per quam solaris orbis pars obscurata est.

¹² *In Antiati*] Conjectura Gronovii. Olim *Antii*. Sigonius legi jusserrat in *Antii agro*. Sed vocem *agro* non agnoscunt scripti.

¹³ *Sortes sua sponte attenuatas*] Vid. supra XXI. 62.

¹⁴ *Ad simulacra luporum*] Alias et fortasse melius, *ac simulacra*.

¹⁵ *Divi carminibus*] Scripti, *divinis*: unde Jac. Gronovius legendum putat *divi suis carminibus*.

¹⁶ *Præfarentur*] Lege cum Gron. *profarentur*.

¹⁷ *Fulmen aureum pondo quinquaginta*] Marcarum nostratium 78. cum una uncia.

sacrificaretur; matronæque, pecunia conlata, quantum con- U. C. 595.
ferre cuique commodum esset, donum Junoni Reginae in A. C. 517.
Aventinum ferrent, lectisterniumque fieret; quin et liberti-
næ ut ipsæ, unde Feroniæ donum daretur, pecuniam pro
facultatibus suis conferrent. Hæc ubi facta, decemviri
Ardeæ in foro majoribus hostiis sacrificarunt. postremo
¹⁸ Decembri jam mense ad ædem Saturni Romæ immolatum
est, lectisterniumque imperatum, (et eum lectum senatores
straverunt) et convivium publicum; ac per urbem ¹⁹ Satur-
nalia diem ac noctem clamatum, ²⁰ populusque eum diem
festum habere ac servare in perpetuum jussus.

II. Dum consul placandis Romæ Diis ²¹ trahendoque* de- Hannibal
lectu dat operam, Hannibal, profectus ex hibernis, quia jam Etruriam
Flaminium consulem Arretium pervenisse fama erat, quum petit.
aliud longius, ceterum commodius, ostenderetur iter, pro-
piorem viam per paludem petit, qua fluvius Arnus per eos
dies solito magis inundaverat. Hispanos et Afros, (id omne
veterani erat robur exercitus) admixtis ipsorum inpedimen-
tis, necubi consistere coactis necessaria ad usus deessent,
primos ire jussit: sequi Gallos, ut id agminis medium esset;
novissimos ire equites: Magonem inde cum expeditis Nu-
midis cogere agmen, maxime Gallos, si tædio laboris lon-
gæque viæ (ut est mollis ad talia gens) dilaberentur aut sub-
sisterent, cohibentem. Primi, qua modo præirent duces^{Molestum}
per præaltas fluvii ac profundas voragines, hausti pene limo iter per pa-
inmergentesque se, tamen signa sequebantur. Galli ²² ne- ludes.

* *habendoque* Crev.

²¹ add. *qui* Gron.

18 *Decembri jam mense*] Intellige
mensem Decembrem hujus ipsius an-
ni, qui consules habuit Flaminium et
Servilium. Nimirum hic Livius in
unum colligit quidquid hoc anno pro-
curandis hisce prodigiis factum est.

19 *Saturnalia... clamatum*] Imo *cla-
mata*, quod voluit Gronovius. Codex
Puteanus habet *clamatam*: sed in
eo peræpe litteram *m* in fine vocum
redundare observavimus.

20 *Populusque eum diem festum
habere*] Hic Saturnalia novo edicto
sancita, non tum primum instituta
intelligi debent. Siquidem supra II.
21. trecentos fere ante annos institu-
tum esse diem festum Saturnalia Li-
vius jam memoravit. Vide hæc de re
Lips. Saturnal. l. I. c. 2.

21 *Habendoque delectu*] Sic pleræ-
que editiones: at non vetustissimæ,
nec scripti, in quibus legitur *trahen-
doque delectu*. Hanc ultimam lectio-
nem Gronovius expressit, et interpre-

tatur *producendo delectu, morando per
delectum*. Sed cur delectum in lon-
gum extraheret consul, cur sedulo et
data opera delectum produceret et ei
moram quæreret, causa nulla affertur
a Livio: et nullam esse potuisse res
ipsa clamat. Nobis non tam sancta
est scriptorum auctoritas, ut eam
semper editis anteferamus, quum ab
his stare ratio nobis videtur. Possu-
mus quippe suspicari editores copiam
habuisse librorum, qui diversi sint ab
illis qui in manus nostras venerunt.
Præterea maxima est litterarum affi-
nitas et similitudo in vocibus *habendo*
et *trahendo*. Et eo facilius lapsus li-
brariis fuit, quod hæc vox coaluerat
cum præcedente. Scripti enim exhi-
bent, tanquam unum vocabulum, *dis-
trahendo*: male natum scilicet, si
quid videmus, ex *dis-habendo*.

22 *Neque sustinere se prolapsi, ne-
que assurgere . . . poterant*] Qui pro-
lapsi sunt, his jam non est opus ut

U. C. 535. que sustinere se prolapsi, neque adsurgere ex voraginibus
 A. C. 217. poterant; ²³ aut corpora animis, aut animos spe sustinebant:
 alii fessa ægre trahentes membra; alii, ubi semel victis tæ-
 dio animis procubuissent, inter jumenta, et ipsa jacentia
 passim, morientes. maximeque omnium vigiliæ conficiebant,
 per quatrimum jam et tres noctes toleratæ. Quum, omnia
 obtinentibus aquis, nihil, ubi in sicco fessa sternerent cor-
 pora, inveniri posset, cumlatis in aquas sarcinis insuper in-
 cumbebant. jumentorum itinere toto prostratorum passim
 acervi tantum, quod exstaret aqua, quærentibus ad quietem
 parvi temporis necessarium cubile dabant. Ipse Hannibal,
 æger oculis ex verna primum intemperie variante calores fri-
 goraque, elephanto, qui unus superfuerat, ²⁴ quo^c altius ab
 aqua exstaret, vectus; vigiliis tandem et nocturno humore
 palustrique cœlo gravante caput, et quia medendi nec locus
 nec tempus erat, altero oculo capitur.

Hannibal
 oculum
 amittit.

III. Multis hominibus jumentisque foede amissis, quum
 tandem de paludibus emersisset, ubi primum in sicco potuit,
 castra locat: certumque per præmissos exploratores habuit,
 exercitum Romanum circa Arretii mœnia esse. consulis de-
 inde consilia atque animum, et situm regionum, itineraque,
²⁵ et copias ad commeatus expediendos, et cetera, quæ cog-
 nosse in rem erat, summa omnia cum cura inquirendo exse-
 quebatur. Regio erat in primis Italiæ fertilis, Etrusci cam-
 pi, qui Fæsulas inter Arretiumque jacent, frumenti ac peco-
 ris et omnium copia rerum opulenti. Consul ferox ab con-
 sulatu priore, et ²⁶ non modo legum ac Patrum majestatis,
 sed ne Deorum quidem satis metuens. Hanc insitam inge-
 nio ejus temeritatem fortuna prospero civilibus bellicisque
 rebus successu aluerat. Itaque satis adparebat, nec Deos
 nec homines consulentem, ferociter omnia ac præpropere
 acturum. quoque pronior esset in vitia sua, agitare eum at-
 que irritare Pœnus parat: et, læva relicto hoste, Fæsulas
 petens, medio Etruriæ agro prædatum profectus, quantam
 maximam vastitatem potest, cædibus incendiisque consuli

Flaminii
 Cos. ferocia.

^c quod Gron.

sustineant se, sed ut erigant. Itaque legendum censuerimus: *neque sustinere se, neque prolapsi adsurgere . . . poterant.* Similem medicinam adhibuimus simili vitio c. 35. l. XXI.

²³ *Aut corpora animis*] Huc revocare opus est particulam negantem, quæ in præcedentibus exprimitur. Itaque sic exponenda sunt hæc verba, quasi legeretur: Neque corpora animis, neque animos spe sustinebant.

²⁴ *Quo altius ab aqua exstaret*]

Hactenus edebatur *quod altius*. Sed Put. codex, et alius item e regiis habent *quo*: idque profecto anteponendum est.

²⁵ *Et copias*] Abundantiam. Inquirebat Annibal, quæ pars regionis dives esset rerum necessariorum copiis, opulentia, ubertate; idque, ad commeatus expediendos.

²⁶ *Non modo*] Non modo non. Vid. not. 62. ad l. V. c. 42.

procul ostendit. Flaminius, qui ne quieto quidem hoste ip- U. C. 535.
se quieturus erat, tum vero, postquam res sociorum ante A. C. 217.
oculos prope suos ²⁷ ferri agique vidit, suum id dedecus ratus,
per mediam jam Italiam vagari Pœnum, atque, obsistente
nullo, ad ipsa Romana mœnia ire obpugnanda; ceteris om-
nibus in consilio salutaria magis, quam speciosa, suadenti-
bus, collegam exspectandum, ut conjunctis exercitibus, commu-
ni animo consilioque rem gererent; interim equitatu auxiliis-
que levium armorum ab effusa prædandi licentia hostem cohi-
bendum; iratus se ex consilio proripuit, signumque simul
itineris-pugnæque proposuit. Quin immo Arretii ante mœnia
sedeamus, inquit, hic enim patria et penates sunt. Hannibal
emissus e manibus perpopuletur Italiam, vastandoque et urendo
omnia ad Romana mœnia perveniat; nec ante nos hinc moveri-
mus, quam, sicut olim Camillum ab Veiiis, C. Flaminium ab
Arretio Patres advoverint. Hæc simul increpans, quum
ocius signa convelli juberet, et ipse in equum insilisset, Ex equo
equus repente corruit, consulemque lapsum super caput ef- prolabitur.
fudit. Territis omnibus, qui circa erant, velut fœdo omine
incipiendæ rei, insuper nunciatur, signum, omni vi moliente Signum
signifero, convelli nequire. Conversus ad nuncium, ²⁸ Num convelli
litteras quoque, inquit, ab senatu adfers, quæ me rem gerere ve- nequit.
tent? Abi, nuncia, signum effodiant, si ad convellendum manus
pra metu obtorpuerint. Incedere inde agmen cœpit; primo-
ribus, super quam quod dissenserant a consilio, territis
etiam duplici prodigio; milite in vulgus læto ferocia ducis,
quum spem magis ipsam, quam causam spei, intueretur.

IV. Hannibal, quod agri est inter Cortonam urbem Tra-
simumque lacum, omni clade belli pervastat, quo magis
iram hosti ad vindicandas sociorum injurias acuat. Et jam
pervenerant ad loca insidiis nata, ubi maxime ²⁹ montes
Cortonenses Trasimenos subit. via tantum interest peran-
gusta, velut ad id ipsum de industria relicto spatio: deinde
paullo latior patescit campus, inde colles adsurgunt. Ibi
castra in aperto locat, ubi ipse cum Afris modo Hispanis-
que consideret. Baliares ceteramque levem armaturam post

²⁷ * Ferri agique] Diripi. Latini dixerunt *ferre*, *agere* pro *diripere*, exemplo sumpto a Græcis, qui eodem sensu usurpant *ἄγυρ καὶ φέρειν*. Origo autem hujus locutionis inde est, quod in præda alia sunt vita prædita, homines, pecora, jumenta, adeoque *aguntur*; alia inanima, et quum agi non possint *feruntur*.

²⁸ * Num litteras . . . ad senatu adfers] In hoc dicto respicit Flaminius id quod ipse primo suo consulatu acciderat, ut quem jam in conspectu hos-

tiæ emet, litteræ a senatu afferrentur, quibus vetabatur certamen committere, jubebaturque, quasi vitio creatus, redire Romam ut consulatum abdicaret.

²⁹ Montes Cortonenses Trasimenos subit] Omnes scripti in *Thrasimenum*: quidam etiam *subeunt*. Gronovius L. IV. Observ. c. 17. emendat in *Trasimenum* *subiunt*, id est, in Trasimeni alveum molliter sese demittunt, ac desinunt.

U. C. 535.
A. C. 217.

Flaminius
in insidias
præcipitat.

Undequa-
que eum
Pœni inva-
dunt.

montes circumducit : equites ad ipsas fauces saltus, tumulis apte tegentibus, locat ; ut, ubi intrassent Romani, objecto equitatu, clausa omnia lacu ac montibus essent. Flaminius quum pridie solis occasu ad lacum pervenisset, inexplorato, postero die, vix dum satis certa luce, angustiis superatis, postquam in patientiorem campum pandi agmen cœpit, id tantum hostium, quod ex adverso erat, conspexit^f : ab tergo et^g super caput³⁰ decipere insidiæ. Pœnus ubi, id quod petierat, clausum lacu ac montibus et circumfusus suis copiis habuit hostem, signum omnibus dat simul invadendi. qui ubi, qua cuique proximum fuit, decucurrere, eo magis Romanis subita atque improvisa res fuit, quod orta ex lacu nebula campo, quam montibus, densior sederat, agminaque hostium³¹ ex pluribus vallibus ipsa inter se satis conspecta, eoque magis pariter decucurrerunt. Romanus clamore prius undique orto, quam satis cerneret, se circumventum esse sensit ; et ante in frontem lateraque pugnari cœptum est, quam satis instrueretur acies, aut expediri arma, stringique gladii possent.

V. Consul, percussis omnibus, ipse satis, ut in trepida re, inpavidus, turbatos ordines, vertente se quoque ad dissonos clamores, instruit, ut tempus locusque patitur ; et, quacumque adire audirique potest, adhortatur, ac stare et pugnare jubet ; *nec enim inde votis aut inploratione Deum, sed vi ac virtute, evadendum esse. Per medias acies ferro viam fieri : et, quo timoris minus sit, eo minus ferme periculi esse.* Ceterum præ strepitu ac tumultu nec consilium nec imperium accipi poterat. tantumque aberat, ut sua signa atque ordinem et locum nosceret miles, ut³² vix ad arma capienda aptandaque pugnae competeret animus : ³³ obprimerenturque quidam, onerati magis his, quam tecti : et erat in tanta caligine major usus aurium, quam oculorum. Ad gemitus vulnerum ictusque corporum aut armorum, et mixtos strepentium paventiumque clamores, circumferebant ora oculosque. Alii fugientes pignantium globo inlati hærebant : alios redeuntes in pugnam avertebat fugientium agmen. Deinde,

^f *adspexit* Gron. Crev.

^g *ac* Ead.

30 *Decipere insidiæ*] Fefellere insidiæ : a Flaminio non sunt animadvertæ. Olim editi habent *detectæ* : scripti, *deceptæ*. Inde Gronovius non dubitavit admittere in textum *decipere*, quod et pridem conjecerat Lipsius.

31 *Ex pluribus vallibus*] Res ipsa clamat, et tota narratio Liviana, legendum esse *collibus*, non vallibus.

Lipsius, referente Fran. Modio.

32 * *Vix competeret animus*] Vix animus sui compos esset. Alia forma, sed eodem sensu, dixit Sallustius : *neque animo, neque auribus, aut lingua competere.*

33 * *Opprimerenturque quidam*] Et quidam opprimerentur ab hostibus, dum arma nondum aptata oneri magis ipsis erant quam usui.

ubi in omnes partes nequidquam ³⁴ inpetus capti^h, et ab lateri- U. C. 535.
bus montes ac lacus, a fronte et ab tergo hostium acies clau- A. C. 217.
debat, adparuitque, nullam, nisi in dextra ferroque, salutis
spem esse; ³⁵ tum sibi quisque dux adhortatorque factus ad
rem gerendam, et nova de integro pugna exorta est;
non illa ³⁶ ordinata per principes hastatosque ac triarios, nec
ut ³⁷ pro signis antesignaniⁱ, post signa alia pugnaret acies;
³⁸ nec^k ut in sua legione miles, aut cohorte, aut manipulo es-
set. Fors conglobat, et animus suus cuique ante aut^l post
pugnandi ordinem dabat: tantusque fuit ardor armorum,
adeo intentus pugnae animus, ut eum motum terrae, qui Terrae mo-
multarum urbium Italiae magnas partes prostravit, ³⁹ aver- tum nemo
titque cursu rapido amnes, mare fluminibus invexit, montes pugnan-
lapse ingenti proruit, nemo pugnantium senserit. tium sentit.

VI. Tres ferme horas pugnatum est, et ubique atrociter.
circa consulem tamen acrior infestiorque pugna est. Eum
et robora virorum sequebantur, et ipse, quacumque in parte
premi ac laborare senserat suos, inpigre ferebat opem; in-
signemque armis et hostes summa vi petebant, et tuebantur
cives: donec ⁴⁰ Insuber eques (Ducario nomen erat) facie
quoque noscitans, Consul, en, inquit, hic est, popularibus
suis; qui legiones nostras cecidit, agrosque et urbem est depo- More Fla-
pulus. Jam ego hanc victimam manibus peremtorum fæde minii.
civium dabo: subditisque calcaribus equo, per confertissi-
mam hostium turbam inpetum facit: obtruncatoque prius
armigero, qui se infesto venienti obviam objecerat, consu-
lem lancea transfixit, spoliare cupientem triarii objectis
scutis arcuere. Magnae partis fuga inde primum coepit: et Fugiant
jam nec lacus, nec montes obstabant pavori. per omnia arta Romani.

^h facti Gron.
Gron. Crev.

ⁱ antesignanus Gron. Crev.

^k nec del. Gron.

^l et

³⁴ *Impetus capti*] Sic l. II. c. 65.
rursus impetu capto enituntur. Vulgo
facti. Sed Put. codex habet quomodo
edidimus. Tamen supra primam lit-
teram *f*, supra tertiam, *c*: atque inde
propagata est ea lectio quæ hactenus
editos occupavit. Put. libro assentiun-
tur et alii scripti optimi, teste Grono-
vio, qui præter id exemplum, quod in
initio hujus notæ allegavimus, et aliud
quoque non absimile affert e l. IX. c.
4. *quam frustra multi conatus ad
erumpendum capti essent*.

³⁵ *Tum sibi quisque dux .. captus*] Hic contra in Put. legitur *factus*: et sic Livium stripsisse crediderimus, ne idem verbum tam in propinquo itera-
ret.

³⁶ *Ordinata per Principes, Hasta-*

tosque, ac Triarios] Ita ordinata, ut
seorsim Principes, seorsim Hastati,
&c. pugnarent. Non enim hæc ita ac-
cipienda sunt, quasi Livius ordinem
horum inter se corporum repræsenta-
re voluisset, quum constet Hastatos
in fronte solitos locari, deinde Princi-
pes, postremo Triarios. Vid. VIII. 8.

³⁷ *Pro signis antesignanus*] Vid.
not. 17. ad II. 20. et not. 42. ad VIII.
8. Vid. et VIII. 11.

³⁸ *Nec ut in sua*] Particulam *nec*,
omissam in editionibus Gronovianis,
tenent scripti et vett. editi.

³⁹ *Avertitque cursu rapido amnes*] Put. codex, *rapidos*.

⁴⁰ * *Insuber eques*] Adversus Insu-
bres Gallos in priore consulatu Flami-
nius bellum gesserat.

U. C. 535. præruptaque velut cæci evadunt: armaque et viri super
 A. C. 217. alium alii præcipitantur. Pars magna, ubi locus fugæ de-
 est, per prima vada paludis in aquam progressi, quoad ca-
 pitibus humerisque exstare possunt, sese inmergunt. fuere,
 quos inconsultus pavor nando etiam capessere fugam inpu-
 lerit. Quæ ubi immensa ac sine spe erat, aut deficientibus
 animis hauriebantur gurgitibus, aut nequidquam fessi vada
 retro ægerrime repetebant, atque ibi ab ingressis aquam
 hostium equitibus passim trucidabantur. Sex millia ferme
 primi agminis, per adversos hostes eruptione inpigre facta
 ignari omnium, quæ post se agerentur, ex saltu evasere. et,
 quum in tumultu quodam constitissent, clamorem modo ac
 sonum armorum audientes, quæ fortuna pugnae esset, neque
 scire, nec perspicere præ caligine poterant. Inclinata de-
 nique re, quum incalescente sole dispulsa nebula aperuisset
 diem, tum liquida jam luce montes campique perditas res
 stratamque ostendere fœde Romanam aciem. itaque, ne in
 conspectos procul inmitteretur eques, sublati raptim signis,
 quam citatissimo poterant agmine, sese abripuerunt. Pos-
 tero die, quum super cetera extrema fames etiam instaret,
 fidem dante Maharbale, qui cum omnibus equestribus co-
 piis nocte consecutus erat, si arma tradidissent, abire cum
 singulis vestimentis passurum, sese dediderunt. quæ Punica
 religione servata fides ab Hannibale est, ⁴¹ atque in vincula
 omnes conjecit.

Numerus
 caesorum
 utrimque.

VII. Hæc est nobilis ad Trasimenum pugna, atque inter
 paucas memorata populi Romani clades. Quindecim millia
 Romanorum in acie cæsa sunt; decem millia, sparsa fuga
 per omnem Etruriam, diversis itineribus urbem petiere.
 Mille ⁴² quingenti hostium in acie, ⁴³ multi postea utrimque
 ex vulneribus periere. ⁴⁴ Multiplex cædes utrimque facta
 traditur ab aliis. Ego, præterquam quod nihil haustum ex
 vano velim, quo nimis inclinant ferme scribentium animi,
⁴⁵ Fabium æqualem temporibus hujusce belli potissimum
 auctorem habui. Hannibal, captivorum qui Latini nominis
 essent, sine pretio dimissis, Romanis in vincula datis, segre-

⁴¹ Mille et Gron. Crev.

⁴¹ *Atque in vincula omnes conjecit*] Hæc est scriptorum nostrorum, ut et Gronovianorum lectio. At editi ante Gronovium præferebant *conjecti*. Atque hic quoque, ut supra c. 2. horum eadem potius sequeretur.

⁴² *Multi postea utrimque ex vulneribus periere*] Assentimur Perizonio delenti hic vocem *utrimque*, ut male repetitam ex versu sequenti. Hic de solis Pœnis agit Livius. Et sane, qui

Romani letalia vulnera acceperant, eos verisimile non est, lacu, montibus clausos, nullum propinquum receptum habentes, effugere potuisse.

⁴³ *Multiplex cædes utrimque facta*] Multo plures ex utraque acie cecidisse dicuntur ab aliis, supple, quam modo a me memoratum fuit.

⁴⁴ *Fabium*] Q. Fabium Pictorem, historiæ Romanæ scriptorem. Vid. in-
 sta, l. XXIII, c. 11.

gata ex hostium coacervatorum cumulis corpora suorum U. C. 535. quum sepeliri jussisset, Flamini quoque corpus, funeris A. C. 517. causa magna cum cura inquisitum, non invenit. Romæ, Romæ magnus terror. ad primum nuncium cladis ejus, cum ingenti terrore ac tumultu concursus in forum populi est factus. Matronæ vagæ per vias, quæ repens clades adlata, quæve fortuna exercitus esset, obvios percunctantur. et quum frequentis concionis modo turba in ⁴⁵ comitium et curiam versa magistratus vocaret; tandem haud multo ante solis occasum M. Pomponius prætor, *Pugna*, inquit, *magna victi sumus*: et, quamquam nihil certius ex eo auditum est, tamen alius ab alio impleti rumoribus domos referunt, *consulem cum magna parte copiarum cæsum: superesse paucos, aut fuga passim per Etruriam sparsos, aut captos ab hoste.* ⁴⁶ Quot casus exercitus victi fuerant, tot in curas dispertiti eorum animi erant, quorum propinqui sub C. Flaminio consule meruerant, ignorantium, quæ cujusque suorum fortuna esset. nec quisquam satis certum habet, quid aut speret, aut timeat. Postero, ac deinceps aliquot diebus, ad portas major prope mulierum, quam virorum, multitudo stetit, aut suorum aliquem, aut nuncios de his opperiens: circumfundebanturque obviis sciscitantes; neque avelli, utique ab notis, prius, quam ordine omnia inquisissent, poterant. Inde varios vultus digredientium ab nunciis cerneret, ut cuique aut læta aut tristia nunciabantur: gratulantesque aut consolantes redeuntibus domos circumfusos. Feminarum præcipue et gaudia insignia erant, et luctus. Unam in ipsa porta, sospiti filio repente oblatam, Matres receptis filiis gaudio exanimatæ. in conspectu ejus exspirasse ferunt; alteram, cui mors filii falso nunciata erat, inæstam sedentem domi, ad primum conspectum redeuntis filii gaudio nimio exanimatam. Senatui prætores per dies aliquot ab orto usque ad occidentem solem in curia retinent, consultantes, quonam duce, aut quibus copiis, resisti victoribus Pœnis posset.

VIII. Priusquam satis certa consilia essent, repens alia nunciatur clades: quatuor millia equitum, cum C. Centenio pro prætore missa ad collegam ab Servilio consule, in Umbria, quo post pugnam ad Trasimenum auditam averterant iter, ab Hannibale circumventa. Ejus rei fama varie homines adfecit. pars, occupatis majore ægritudine animis, levem, ex comparatione priorum, ducere recentem equitum jacturam: pars non id, quod acciderat, per se æstimare, sed, ut in adfecto corpore quamvis levis causa magis, quam valido gravior, sentiretur; ita tum ægræ et adfectæ civitati quodcum-

⁴⁵ Comitium] Vid. infra l. XXVII. c. 36.

⁴⁶ * Quot casus] Varii casus exercitus victi fuerant: alii cæsi, alii

capti erant, quidam vulnerati, quidam integri ex prælio effugerant. Totidem igitur in curas dispertiti erant animi propinquorum.

U. C. 535.. que adversi inciderit, non rerum magnitudine, sed viribus
 A. C. 217. extenuatis, quæ nihil, quod adgravaret, pati possent, æsti-
 mandum esse. Itaque ⁴⁷ ad remedium; jam diu neque desi-
 deratum nec adhibitum, dictatorem dicendum, civitas con-
 fugit: et quia et consul aberat, a quo uno dici posse vide-
 batur; nec per occupatam armis Punicis Italiam facile erat
 aut nuncium, aut literas mitti; nec dictatorem populus cre-
 are poterat, quod numquam ante eam diem factum erat:
 Fabius pro- predictatorem populus creavit Q. Fabium Maximum, et
 dictator. magistrum equitum M. Minucium Rufum. Hisque nego-
 tium ab senatu datum, ut muros turresque urbis firmarent,
 et præsidia disponderent, quibus locis videretur, pontesque
 rescinderent fluminum: ⁴⁸ ad penates pro urbe dimicandum
 esse, quando Italiam tueri nequissent.

Hannibal
 Spoletum
 frustra
 tentat.

Vastat Ita-
 liam.

IX. Hannibal recto itinere per Umbriam usque ad Spo-
 letum venit. inde, quum perpopulato agro urbem obpugnare
 adortus esset, cum magna cæde suorum repulsus, conjectans
 ex unius coloniae haud nimis prospere tentatæ viribus,
 quanta moles Romanæ urbis esset; in agrum Picenum aver-
 tit iter, non copia solum omnis generis frugum abundan-
 tem, sed refertum præda, quam effuse avidi atque egentes
 rapiebant. Ibi per dies aliquot stativa habita: refectusque
 miles, hibernis itineribus ac palustri via prælioque, magis ad
 eventum secundo, quam levi aut facili, adfectus. ⁴⁹ Ubi sa-
 tis quieti datum, præda ac populationibus magis, quam otio
 aut requie, gaudentibus profectus, Prætutianum Hadria-
 numque agrum, Marsos inde Marrucinosque et Pelignos
 devastat, circaque Arpos et Luceriam proximam Apuliæ re-
 gionem. Cn. Servilius consul, levibus præliis cum Gallis
 actis, et uno oppido ignobili expugnato, postquam de colle-
 gæ exercitusque cæde audivit, jam incenibus patriæ me-
 tuens, ne abesset in discrimine extremo, ad urbem iter in-
 tendit. ⁵⁰ Q. Fabius Maximus dictator iterum, quo die ma-

⁴⁷ *Ad remedium jamdiu neque de-
 sideratum*] Hæc intelligenda sunt de
 dictatore rei gerundæ causa creato,
 qui nullus post Atilium Calatinum
 per tres et triginta annos creatus fue-
 rat. Aliquot fuere per hoc temporis
 intervallum dictatores, inter quos ip-
 se Fabius, sed comitiorum habendo-
 rum causa creati.

⁴⁸ *Ad penates pro urbe*] Varie hic
 locus legebatur in variis editionibus.
 Vetustiores habuerant *ac tum pro pe-
 natibus, pro urbe*. Sigonius dederat
cum Pænis pro urbe. Gronovius quum
 reperiret in optimo codice, cui assen-
 titur unus e nostris, *ac penatibus*, ve-

ram lectionem videtur restituisse *ad
 penatis*, sive *penates*. Nimirum *pena-
 tis* vetusto more scriptum pro *pena-
 tes*, facili et pervulgato errore abierat
 in *penatibus*: ac deinde *ad* mutatum
 fuerat in *ac*, ne videlicet solæca esset
 oratio.

⁴⁹ *Ubi satis quieti datum . . gau-
 dentibus*] Lege cum Gron. *quietis*.

⁵⁰ *Q. Fabius Maximus dictator ite-
 rum*] Dictator primum fuerat Fabius
 cum C. Flamini magistro equitum,
 auctore Val. Maximo, qui lib. I. c. I.
 narrat occentum soricis auditum Fa-
 bio ademisse dictaturam, C. Flamini
 magisterium equitum. Ad quem au-

gistratum iniit, vocato senatu, ab Diis orsus, quum edocuis- U. C. 535.
set Patres, plus negligentia ceremoniarum auspicio- A. C. 217.
rumque, quam temeritate atque inscitia, peccatum a C. Flaminio
consule esse, quæque piacula iræ Deum essent, ipsos Deos
consulendos esse; pervicit, ut, quod non ferme decernitur,
nisi quum tetra prodigia nunciata sunt, decemviri libros Si- Libri Sibyl-
byllinos adire juberentur. qui, inspectis fatalibus libris, re- lini inspec-
tulerunt Patribus, ⁵¹ *quod ejus belli causa votum Marti foret,* ti.
id non rite factum, de integro atque amplius faciendum esse: et
Jovi ⁵² *ludos magnos, et ædes Veneri Erycinæ ac Menti voven-*
das esse, et supplicationem lectisterniumque habendum, et ver-
sacrum vovendum, si bellatum prospere esset, resque publica in
eodem, quo ante bellum fuisset, statu permansisset. Senatus,
quoniam Fabium belli cura occupatura esset, M. Æmiliū
præto-rem, ex collegii pontificum sententia, ⁵³ omnia ea ut
mature fiant, curare jubet.

X. His senatusconsultis perfectis, L. Cornelius Lentulus
pontifex maximus, ⁵⁴ consulente collegio prætorum⁼, om-
nium primum populum consulendum de vere sacro censet:
injussu populi voveri non posse. Rogatus in hæc verba po-
pulus, *Velitis jubeatisne hoc sic fieri? si res publica populi*
Romani Quiritium ad quinquennium proximum, ⁵⁵ *sicut velim*
eam, salva servata erit ⁵⁶ *hisce duellis; 57 datum donum duit*
populus Romanus Quiritium, (quod duellum populo Romano
cum Karthaginensi est, quæque duella cum Gallis sunt, qui cis

⁼ collegium prætorum Gron.

tem annum illa prior Fabii dictatura
referenda sit, valde in ambiguo est.
De ea agunt Sigonius et Pighius ad
annum ante hunc quintum, P. Cor-
nelio, M. Minucio consulibus.

⁵¹ *Quod ejus belli causa votum*
Marti foret] Hoc tangit procul dubio
ea vota, quæ libro superiore, c. 62.
dicitur C. Atilius prætor suscipere
jussus, si in decem annos respublica
eodem stetisset statu. Ex hoc loco
discimus, quod prius observare neg-
lexerat Livius, id votum Marti factum
fuisse.

⁵² *Ludos Magnos]* Vid. IV. 27.

⁵³ *Omnia ea ut mature fiant cura-*
re] Non jubetur M. Æmilius ea om-
nia per se ipse peragere, sed curare
ut mature fiant. Itaque nihil repug-
nat huic loco, quod l. XXXIII. c. 44.
A. Cornelius Mammula ver sacrum
vovisse dicitur. Sic et infra c. 10.
ædes Veneri Erycinæ vovetur a Fabio
dictatore, Menti, a T. Otacilio præ-
tore.

⁵⁴ *Consulente collegio prætorum]*

Hæc est MSS. lectio, testata tum a
Gronovio, tum ab ipso Lipsio, qui ta-
men eam mutavit, quomodo nunc
vulgo editur, *consulente collegium*
prætorum. Sed nobis hæc mutatio ne-
cessaria visa non est. Quamvis enim
M. Æmilio potissimum hæc cura de-
mandata esset, nihil tamen vetat cre-
dere, eum communi cum collegis
consilio totum negotium adminis-
trasse.

⁵⁵ *Sicut velim]* Unus e regiis codd.
velint: unde efficiendum *velitis.*

⁵⁶ *Hisce duellis]* De hac tota for-
mula vid. Gron. l. IV. Observ. c. 14.
Ei videtur hoc loco traiectione pecca-
tum esse. Repone . . . *hisce duellis*
(quod duellum populo Romano cum
Carthaginensi est, quæque duella cum
Gallis sunt, qui cis Alpes sunt) datum
donum duit populus Romanus Quiri-
tium, quod ver attulerit . . .

⁵⁷ *Datum donum]* Hic agnosci-
mus verbosam talium formularum di-
ligentiam: *donum* vere et plane *da-*
tum. *Duit* antique pro *det.*

U. C. 535. *Alpes sunt) quod ver attulerit ex ovillo, ovillo, caprino, bovillo*
 A. C. 217. *grege, ⁵⁸ quæque profana erunt, Jovi ⁵⁹ fieri, ⁶⁰ ex qua die senatus*
populusque jussit. Qui faciet, quando volet, quaque lege vo-
let, facito: quo modo faxit, probe factum esto. Si id moritur,
quod fieri oportebit, profanum esto, neque scelus esto. si quis
rumpet occidetve insciens, ne fraus esto. si quis ⁶¹ clepsit, ne
populo scelus esto, neve cui cleptum erit. si ⁶² atro die faxit in-
sciens, probe factum esto. si nocte sive luce, si ⁶³ servus sive liber
faxit, probe factum esto. ⁶⁴ si anteidea senatus populusque jus-
serit fieri, ac faxit, eo populus solutus, liber esto. Ejusdem rei
 Ludi mag- *caussa ludi magni voti ⁶⁵ æris trecentis triginta tribus milli-*
 ni. *bus, trecentis triginta tribus, triente: præterea bubus Jovi*
trecentis, multis aliis Divis bubus albis, atque ceteris hos-
tiis. Votis rite nuncupatis, supplicatio edicta: ⁶⁶ supplica-
 Lectister- *tumque iere cum conjugibus ac liberis non urbana multitu-*
 nium. *do tantum, sed agrestium etiam, quos in aliqua sua fortuna*
publicæ quoque contingebat cura. Tum lectisternium per
triduum habitum, decemviris sacrorum curantibus. sex pul-
 Aedes Ve- *vinaria in conspectu fuere: Jovi ac^p Junoni unum; alte-*
 neri et *rum Neptuno ac Minervæ; tertium Marti ac^p Veneri;*
 Menti votæ. *quartum Apollini ac Dianæ; quintum Vulcano ac Vestæ;*
sextum Mercurio ac Cereri. Tum aedes votæ. Veneri Ery-
cinæ aedem Q. Fabius Maximus dictator vovit; quia ita ex
fatalibus libris editum erat, ut is voveret, cujus maximum
imperium in civitate esset. Menti aedem T. Otacilius præ-
tor vovit.

⁵⁸ sive Gron. Crev.

⁵⁹ ante id ea Gron.

⁶⁰ Jovi ac Jun.—Mercurio ac C. utrobique pro ac l. et Gron. Crev.

⁵⁸ *Quæque profana erunt]* Quæ non sacrata jam erunt alii cuiquam divo. Itaque, si quæ antea consecrata fuissent, ea hoc voto non continebantur.

⁵⁹ *Fieri]* Immolari.

⁶⁰ *Ex qua die senatus populusque jussit]* Nimirum ad arbitrium senatus populi que reservabatur, quo die ver sacrum incipere deberet. Unde lib. XXXIV. c. 44. ubi hoc veris sacri votum persolvitur, decernitur *ver sacrum videri pecus, quod natum esset inter Kalendas Martias, et pridie Kalendas Maïas.*

⁶¹ *Clepsit]* Furatus fuerit: *cleptum*, furto subductum: a Græco *κλέπτειν*.

⁶² *Atro die]* *Atri* dies iidem erant, qui religiosi, quibus nempe vel rem divinam facere, vel rem novam quampiam exordiri religioni erat.

⁶³ *Si anteidea]* Si senatus populusque jussit fieri, sive immolari, *anteidea ac faxit*, id est, priusquam privatus quispiam faxit, sive immolaverit: si privatus aliquis immolaverit pecus

votum post diem a senatu populoque præfinitam, id ne fraudi sit populo. *Anteidea ac antique pro priusquam.*

⁶⁴ *Æris trecentis]* 333333¹/₂ assibus: qui aestimari possunt marcis argenti Parisiensibus 520, cum uncis 6. granis 384. Ceterum olim editi habebant tantummodo, *æris trecentis triginta tribus millibus triente*. Summa amplificata est et ad numeri ternarii religionem magis exacta, ex Budei et Senligeri sententia. Vide hæc de re Gronov. de Pecun. vetere, l. IV. c. 2.

⁶⁵ *Supplicatumque iere cum conjugibus]* Hæc refinxit Gronovius ex conjectura scriptis adjuta: ut et infra *publicæ quoque contingebat cura. Tum lectisternium per triduum habitum: et rursus sex pulvinaria*. Prius editi habebant primo loco *supplicatumque iit*: secundo, *publica quoque contingebat*. *Curatum lectisternium, et per triduum habitum*: tertio denique, *et pulvinaria*.

XI. Ita rebus divinis peractis, tum de bello reque de U. C. 535. publica dictator retulit, quibus quotve legionibus victori A. C. 217. hosti obviam eundum esse Patres censerent. Decretum, ut ab Cn. Servilio consule exercitum acciperet: scriberet præterea ex civibus sociisque, quantum equitum ac peditum videretur: cetera omnia ageret faceretque, ut e re publica duceret. Fa- Fabii consi-
 bius duas se legiones adjecturum ad Servilianum exercitum lia de bello
 dixit. his, per magistrum equitum scriptis, Tibur diem ad gerendo.
 conveniendum edixit. edictoquoque proposito, ⁶⁶ ut, quibus oppida castellaque immunita essent, uti⁴ in loca tuta commigrarent; ex agris quoque demigrarent omnes regionis ejus, qua iturus Hannibal esset: tectis prius incensis ac frugibus corruptis, ne cujus rei copia esset; ipse, ⁶⁷ via Flaminia profectus. obviam consuli exercituique, quum ad Tiberim circa Otriculum prospexisset agmen, consulemque cum equitibus ad se prodeuntem, viatorem misit, qui consuli nunciaret, ut sine lictoribus ad dictatorem veniret. Qui quum dicto paruisset, congressusque eorum ingentem speciem dictaturæ apud cives sociosque, ⁶⁸ vetustate jam prope oblitos ejus imperii, fecisset; literæ ab urbe adlatæ sunt, naves onerarias, commeatum ab Ostia in Hispaniam ad exercitum portantes, a classe Punica circa portum Cosanum⁷ captas esse. Itaque extemplo consul Ostiam proficisci jussus, navibusque⁹, quæ ad urbem Romanam aut Ostiæ essent, completis milite ac navalibus sociis, persequi hostium classem, ac litora Italiæ tutari. Magna vis hominum conscripta Romæ erat: libertini etiam, quibus liberi essent, et ætas militaris, in verba juraverant. Ex hoc urbano exercitu, qui minores quinque et triginta annis erant, in naves inpositi: alii, ut urbi præsiderent, relictæ.

XII. Dictator, exercitu consulis accepto a Fulvio Flacco legato, per agrum Sabinum Tibur, quo die ad conveniendum edixerat novis militibus, venit: inde ⁶⁹ Præneste, ⁷⁰ ac¹ transversis limitibus in viam Latinam est egressus²: unde, itineribus summa cum cura exploratis, ad hostem ducit; nullo loco, nisi quantum necessitas cogeret, fortunæ se com-

⁴ ut hi Gron. Crev.
 Gron.

⁷ Cosanum Ead.

⁹ navibus Ead.

¹ ac del.

² regressus Gron. Crev.

⁶⁶ Ut quibus oppida. . . . ut hi] Non raro geminat hanc particulam Livius. Exempla pete ex XXVIII. 9. XXXVI. 1. et 3.

⁶⁷ * Via Flaminia] Via munita ab hoc ipso Flaminio, qui modo ad Trasimenum lacum perisse memoratus est. Muoverat illam ab Roma Ariminum usque, quum esset censor, quarto ante hunc anno.

⁶⁸ Vetustate jam prope oblitos] Vid. annotata ad c. 8. supra.

⁶⁹ Præneste] Regressus est ad oppidum Præneste, atque inde in viam Latinam.

⁷⁰ Ac transversis limitibus] Particulam ac, quam omittunt vulgo editi, addidimus ex Put. codice et omnibus nostris. Et sine ea sensus subobscurus est.

U. C. 535. missurus. Quo primum die ⁷¹ haud procul Arpis in con-
 A. C. 217. spectu hostium posuit castra, nulla mora facta, quin Pœ-
 Fabius pug- nus educeret in aciem, copiamque pugnandi faceret: sed ubi
 nam detrec- queta omnia apud hostes, nec castra ullo tumultu mota vi-
 tat. det; increpans quidem, victos tandem quoque ⁷² Martios ani-
 mos Romanis⁷³, debellatumque, et ⁷⁴ concessum⁷⁵ propalam
 de virtute ac gloria esse, in castra rediit: ceterum tacita cu-
 ra animum incensus, quod cum duce, haudquaquam Flami-
 nio Sempronioque simili, futura sibi res esset; ac tum de-
 inum edocti malis Romani parem Hannibali ducem quæsis-
 sent. et prudentiam quidem, non ⁷⁶ vim, dictatoris extem-
 plo timuit. constantiam haud dum expertus, agitare ac ten-
 tare animum movendo crebro castra, populandoque in ocu-
 lis ejus agros sociorum, cœpit. et modo citato agmine e
 conspectu abibat, modo repente in aliquo flexu viæ, si ex-
 cipere degressum in æquum posset, occultus subsistebat.
 Fabii artes. Fabius per loca alta agmen ducebat, modico ab hoste inter-
 vallo, ut neque omitteret eum, neque congrediretur. Cas-
 tris, nisi quantum usus necessario cogeret, tenebatur miles.
 pabulum et ligna nec pauci petebant, nec passim. Equitum
 levisque armaturæ statio, composita instructaque in subitos
 tumultus, et suo militi tuta omnia, et infesta effusis hostium
 populatoribus præbebat. neque universo periculo summa re-
 rum committebatur: et ⁷⁷ parva momenta levium certami-
 num ex tuto cœptorum, finitimo receptu, adsuefaciebant
 territum pristinis cladibus militem, ⁷⁸ minus jam tandem
 aut virtutis, aut fortunæ poenitere suæ. Sed non Hanniba-
 lem magis infestum tam sanis consiliis habebat, quam ma-
 gistrum equitum: qui nihil aliud, quam quod ⁷⁹ impar erat⁸⁰
 imperio, moræ ad rempublicam præcipitandam habebat, fe-
 rox rapidusque in consiliis, ac ⁸¹ lingua⁸² inmodicus; primo

Mag. equi-
tum inpru-
dentia.

⁷¹ quoque del Gron. Crev.

⁷² Romanorum Eæd.

⁷³ add. eis Gron.

⁷⁴ impar erat l. parebat Gron. Crev.

⁷⁵ linguis Gron.

⁷¹ *Haud procul Arpis*] Polybius circa Æcas, urbem Apuliæ itidem Dauniæ, Fabio obvium fuisse Annibalem scribit.

⁷² *Concessum propalam*] Editi habebant *concessum eis*. Sed vox *eis*, quæ hic odiosam ambiguitatem affert, abest a duobus MSS. Gronovianis, et ab uno e nostris. Ideo illam rejecimus.

⁷³ *Vim*] Acrem ac ferocem animum. Intellexit statim Annibal sibi rem esse cum prudenti hoste, non, quales fuerant alii duces Romani, acri ac servido.

⁷⁴ *Parva momenta levium certaminum*] Levia certamina, quæ haud

magni per se momenti erant.

⁷⁵ *Minus poenitere*] Minus damnare aut virtutem, aut fortunam suam; minus diffidere aut virtuti, aut fortunæ suæ.

⁷⁶ *Parebat in imperio*] Conjectura J. Frid. Gronovii, quam ipse hoc modo exponit: ita erat in imperio, ut tamen pareret. Omnes scripti habent *imperabat imperio*: unde rectius videtur emendare Jac. Gronovius, *impar erat imperio*: id est, impar erat dictatori quoad imperium.

⁷⁷ *Lingua inmodicus*] Sic plurimi scripti e Gronovianis, et omnes nostri, cum vett. editis: melius sane, quam, quomodo recentiores, *linguis*.

inter paucos, dein propalam in vulgus, pro cunctatore seg- U. C. 536.
nem, ⁷⁸ pro cauto timidum, adfingens vicina virtutibus vi- A. C. 217.
tia, compellabat: premendorumque superiorum arte (quæ
pessima ars nimis prosperis multorum successibus crevit)
sese extollebat.

XIII. Hannibal ex Hirpinis in Samnium transit: Bene- X
ventanum depopulatur agrum: Telesiam urbem capit: irri-
tat etiam de industria ducem, si forte accensum tot indig-
nitatibus cladibusque sociorum detrahere ad æquum certa-
men possit. Inter multitudinem sociorum Italici generis, Hannibal
qui ad Trasimenum capti ab Hannibale dimissique fuerant, Campaniam
tres Campani equites erant, multis jam tum inlecti donis petit.
promissisque Hannibalis ad conciliandos popularium ani-
mos. hi nunciantes, si in Campaniam exercitum admovisset,
Capuæ potiendæ copiam fore, ⁷⁹ quum res major, quam auc-
tores, esset, dubium Hannibalem, alternisque fidentem ac
diffidentem, tamen, ut Campanos ex Samnio peteret, move-
runt: ⁸⁰ monitos ^d, ut etiam atque etiam promissa rebus ad-
firmarent, jussosque, cum pluribus et aliquibus principum.
redire ad se, dimisit. ipse imperat duci, ut se in agrum Ca- Imperat
sinatem ducat: edoctus a peritis regionum, si eum saltum duci ut se
occupasset, exitum Romano ad opem ferendam sociis inter- Casinum
clusurum. Sed ⁸¹ Punicum abhorrens os ab Latinorum no- ducat.
minum prolatione, pro Casino Casilinum dux ut acciperet,
fecit; aversusque ab suo itinere, per Allifanum, Calatinum-
que, et Calenum agrum, in campum Stellatem descendit:
ubi quum montibus fluminibusque clausam regionem cir-
cumspexisset, vocatum ducem percunctatur, ubi terrarum
esset? Quum is Casilini eo die ⁸² mansurum eum dixisset, Casilinum
tum demum cognitus est error, et Casinum longe inde alia deducitur.
regione esse: virgisque cæso duce, et ad reliquorum terro-
rem in crucem sublato, castris communitis, Maharbalem
cum equitibus in agrum Falernum prædatum dimisit. Us-
que ad ⁸³ aquas Sinuessanas populatio ea pervenit. ingentem

^c et Crev.

^d monitosque Gron. Crev.

⁷⁸ *Pro cauto*] Gronovius dedit *et cauto*. Nos revocavimus vet. edito-
rum lectionem, quæ elegantior visa
est, ex auctoritate duorum e nostris
codd.

⁷⁹ * *Quum res major quam auctores*
asset] Quum res major esset, quam
quanta erat auctoritas et potentia eo-
rum qui ad eam aggrediendam horta-
bantur.

⁸⁰ *Monitosque ut etiam atque etiam*
promissa] Recte monet Gronovius le-
gendum videri: *monitosque etiam at-*
que etiam ut promissa.

⁸¹ *Punicum abhorrens os*] Ultima
vox adjecta est a Gronovio.

⁸² * *Mansurum*] Pernoctaturum.
Verbo *manere* designatum id quod
dicimus in itinere *la couchée*. Hor.
Sat. I. 6. *In Mamurrarum lassi deinde*
urbe manemus.

⁸³ *Aguas Sinuessanas*] Prope Sinu-
essam aquæ fuere celebres apud anti-
quos, ut apparet ex Plinio, l. XXXI.
c. 2. et Tacito, Ann. XII. 66. et Hist.
I. 72. Eas calidas fuisse demonstrat
Silius, a quo dicitur *Sinuessa tepens*,
l. VIII. v. 528.

U. C. 535. cladem, fugam tamen terroremque latius, Numidas fecerunt.
 A. C. 217. Nec tamen is terror, quum omnia bello flagrarent, fide socios dimovit: videlicet quia justo et moderato regebantur imperio; nec abnuebant, quod unum vinculum fidei est, melioribus parere.

Seditio in
castris Fa-
bii.

Minucii se-
ditiosa ora-
tio.

XIV. Ut vero ad Vulturum flumen castra sunt posita, exurebaturque amœnissimus Italiae ager, villaeque passim incendiis fumabant, per juga Massici montis Fabio ducente, ⁸⁴ tum prope de integro seditio accensa. quieverant enim per paucos dies; quia, quum celerius solito ductum agmen fuisset, festinari ad prohibendam populationibus Campaniam crediderant. Ut vero in extrema juga Massici montis ventum est, hostesque sub oculis erant, Falerni agri colonorumque Sinuessae tecta urentes, nec ulla erat mentio pugnae, *Spectatumne huc*, inquit Minucius, ⁸⁵ *ut rem fruendam oculis, sociorum caedes et incendia venimus? nec si nullius alterius nos, ne civium quidem horum pudet, quos Sinuessam colonos patres nostri miserunt, ut ab Samnite hoste tuta haec ora esset: quam nunc non vicinus Samnis urit, sed Pœnus advena, ab extremis orbis terrarum terminis, nostra cunctatione et socordia, jam huc progressus. Tantum (pro!) degeneramus a parentibus nostris, ut, præter quam oram illi Punicas vagari classes, dedecus esse imperii sui duxerint, eam nos nunc plenam hostium Numidarumque ac Maurorum jam factam videamus? Qui modo, Saguntum obpugnari indignando, non homines tantum, sed fœdera et Deos, ciebamus, ⁸⁶ *scandentem* mœnia Romanæ coloniae Hannibalem lenti spectamus. Fœmus ex incendiis villarum agrorumque in oculos atque ora venit; strepunt aures clamoribus plorantium sociorum, sæpius nos, quam Deorum invocantium opem. nos hæc pecorum modo per æstivos saltus ⁸⁷ *deviasque calles exercitum ducimus, conditi nubibus silvisque. Si hoc modo peragrando cacumina saltusque M. Furius recipere a Gallis urbem voluisset, quo hic novus Camillus (nobis dictator unicus in rebus adfectis quæsitus) Italiam ab Hannibale recuperare parat, Gallorum Roma esset: quam vereor, ne, sic cunctantibus nobis, Hannibali ac Pœnis toties servaverint majores***

* *tendentem ad Gron.*

⁸⁴ *Tum prope de integro seditio accensa. Quieverant enim]* Hæc deformata erant in scriptis, qui habuere: *tum prope de integro seditio ac de seditione accensi quidam fuerant enim.* Correxere Lipsius et Gronovius.

⁸⁵ *Ut rem fruendam]* Vulgo *ad rem.* Gronovius ex ingenio substituit *ut*, quod sane elegantius est.

⁸⁶ *Scandentem mœnia]* Hoc animosius est et vividius, quam id quod hactenus editos occupavit, *tendentem ad*

mania. Nondum quidem scandebat mœnia Sinuessae Annibal: sed oratorie rem auget Minucius. Nititur hæc emendatio auctoritate codicis Put. qui habet *sciebamur candente mœnia.* Unam tantum litteram antiquæ scripturæ addidimus, sive potius ex alieno loco in suum revocavimus.

⁸⁷ *Deviasque calles]* Sic scripti optimi, quorum fides firmatur testimonio Nonii Marcelli. Olim editi: *deviosque colles.*

*nostri. sed vir, ac vere Romanus,*⁸⁸ *quo die, dictatorem eum ex* U. C. 535. *auctoritate Patrum jussuque populi dictum, Veios adlatum est,* A. C. 217. *quum esset satis altum Janiculum, ubi sedens prospectaret hostem, descendit in æquum: atque illo ipso die media in urbe, qua nunc busta Gallica sunt, et postero die citra Gabios cecidit Gallorum legiones. Quid? post multos annos, quum ad Furculas Caudinas ab Samnite hoste sub jugum missi sumus, utrum tandem L. Papirius Cursor juga Sumnii perlustrando, an Luceriam premendo obsidendoque, et lacescendo victorem hostem, depulsum ab Romanis cervicibus jugum superbo Samniti inposuit? Modo C. Lutatio quæ alia res, quam celeritas, victoriam dedit? quod postero die, quam hostem vidit, classem gravem com meatibus, inpeditam suomet ipsam instrumento atque adparatu, obpressit. Stultitia est, sedendo aut votis debellari credere posse. armari copias oportet, deducendas in æquum, ut vir cum viro congrediari. Audendo atque agendo res Romana crevit,*⁸⁹ *non his segnibus consiliis, quæ timidi cauta vocant. Hæc velut concionanti Minucio circumfundebatur tribunorum equitumque Romanorum multitudo, et ad aures quoque militum dicta ferocia volvebantur: ac, si militaris suffragii res esset, haud dubie ferebant, Minucium Fabio duci prælaturos.*

XV. ⁹⁰ *Fabius pariter, in suos haud minus quam in hos-* Fabius in
tes intentus, ⁹¹ *prius ab illis invictum animum præstat.* cunctatione
quamquam probe scit, non in castris modo suis, sed jam perstat.
etiam Romæ infamem suam cunctationem esse, obstinatus tamen eodem consiliorum tenore æstatis reliquum extraxit: ut Hannibal, destitutus ab spe summopere petiti certaminis, jam libernis locum circumspectaret: quia ⁹² ea regio

[†] *præstat* Gron. Crev.

⁸⁸ * *Quo die . . . illo ipso die]* Ex rei veritate aliquot dies intercesserunt inter commissam Camillo dictatorem potestatem, et pugnam adversus Gallos. Sed præproperi ingenii concionator celeritatem Camilli supra verum exauget, ut majore invidia oneret Fabii cunctationem.

⁸⁹ *Non his segnibus consiliis]* Hoc protulit Lipsius e suo codice, cui secundas facit unus e nostris. Nec dubitari potest quin verum sit præ illo antea vulgato, *non his sensibus consiliisque.*

⁹⁰ *Fabius pariter in suos non minus quam in hostes]* Necessarium quidem non est *et pariter*: non tamen fortasse recidendum. Non magis nos offendit *pariter*, sequente *haud minus*, quam *potius . . . libentius* in. Præfat.

Livii, quam *potius* iteratum infra XXXII. 21. et apud Cic. de Orat. I. II. n. 300. *optabilius . . . potius*, apud Justin. III. 2. *magis . . . clarior*. Vid. et not. 19. ad IX. 7. supra. Omnino hi pleonasmii apud optimos scriptores non raro occurrunt. Si cui tamen hic illud supervacaneum vocabulum displicet, loco *et pariter*, legat cum Jac. Gron. *acriter*.

⁹¹ *Prius ab illis]* Primum certamen erat Fabio cum suis; et, quo se invictum præstaret ab hostibus, prius necesse erat ut se invictum præstaret a suis. Olim editi *ab aliis* pro *ab illis*: quomodo et legebat Gronovius, ut apparet ex ejus nota ad hunc locum. Quisquis legi jussit *ab illis*, is bonam operam navavit Livio.

⁹² * *Ea regio præsentis erat copia,*

U. C. 535. *præsentis erat copiae, non perpetuæ, arbusta vineæque, et*
 A. C. 217. *consita omnia magis amœnis, quam necessariis fructibus.*
Hæc per exploratores relata Fabio. Quum satis sciret, per
easdem angustias, quibus intraverat Falernum agrum, redi-
turum, Calliculam montem et Casilinum occupat modicis
præsiidiis; quæ urbs, Vulturno flumine diremta, Falernum
ac Campanum agros dividit: ipse jugis iisdem exercitum
reducit, misso exploratum cum quadringentis equitibus so-
giorum L. Hostilio Mancino: qui ex turba juvenum audi-
entium sæpe ferociter concionantem magistrum equitum,
progressus primo exploratoris modo, ut ex tuto speculareretur
hostem, ubi vagos passim per vicos Numidas vidit, per
occasionem etiam paucos occidit: extemplo occupatus cer-
tamine est animus, excideruntque præcepta dictatoris; qui,
quantum tuto posset, progressum prius recipere sese juss-
erat, quam in conspectum hostium veniret. Numidæ, alii
atque alii obcursantes refugientesque, ad castra prope ip-
sum cum fatigatione equorum atque hominum pertraxere.
inde Karthalo, penes quem summa equestris imperii erat,
concitatis equis invectus, quum prius, quam ad conjectum
teli veniret, avertisset hostem, quinque millia ferme conti-
nenti cursu secutus est fugientes. Mancinus, postquam nec
hostem desistere sequi, nec spem vidit effugiendi esse, co-
hortatus sbos in prælium rediit, omni parte virium impar.
Itaque ipse, et delecti equitum, circumventi occiduntur. ce-
teri effuso rursus cursu Cales primum, inde prope inviis cal-
libus ad dictatorem perfugerunt. Eo forte die Minucius se
conjunxerat Fabio, missus ad firmandum præsidio saltum,
qui super Tarracinam, in artas coactus fauces, imminet mari,
ne ⁹³ immunito Appiæ limite Pœnus pervenire in agrum Ro-
manum posset. Coniunctis exercitibus dictator ac magister
equitum castra in viam deferunt, qua Hannibal ducturus
erat. duo inde millia hostes aberant.

Mancinus
cæsus.

Equestre
certamen.

XVI. Postero die Pœni, quod viæ inter bina castra erat, agmîne complevere. Quum Romani sub ipso constitissent vallo, haud dubie æquiore loco, successit tamen Pœnus cum expeditis equitibus, atque ad laccessendum hostem carptim et procursando recipiendoque sese pugnare. restitit suo loco Romana acies. lenta pugna et ex dictatoris magis, quam Hannibalis, fuit voluntate. ducenti ab Romanis, octingenti hostium cecidere. Inclusus inde videri Hannibal, via ad Casilinum obsessa: quum Capua et Samnium, et tantum ab tergo divitum sociorum Romanis commeatus subveheret;

non perpetua] Ea regio in præsens æstatis tempus, non in totum annum subministrare poterat ea quæ alendo exercitui necessaria erant.

93 Immunito Appiæ limite] Si limites Appiæ viæ, ferens ab Tarracina in Romanum agrum, munitus præsidio non esset.

Pœnus contra ⁹⁴inter⁵ Formiana saxa ac Literni⁶ arenas U. C. 555. stagnaque perhorrida situ hibernaturus esset. Nec Hanni- A. C. 217. balcm fefellit, suis se artibus peti. itaque, quum per Casili- ^{Inclusus Hannibal eq- explicat ar-} num evadere non posset, petendique montes et jugum Calli- ^{te.} culæ superandum esset, necubi Romanus inclusum vallibus agmen adgrederetur; ludibrium oculorum, specie terribile, ad frustrandum hostem commentus, principio noctis furtim succedere ad montes statuit. Fallacis consilii talis adparatus fuit. Faces undique ex agris conlectæ, fascesque virgarum, atque arida sarmenta præligantur cornibus boum, quos do- ^{Boves ac-} mitos indomitosque multos inter ceteram agrestem prædam ^{censis cor-} agebat. ad duo millia ferme boum effecta: Hasdrubalique ^{nibus.} negotium datum, ut primis tenebris noctis id armentum accensis cornibus ad montes ageret; maxime, si posset, super saltus ab hoste insessos.

XVII. Primis tenebris silentio mota castra; boves aliquanto ante signa acti. ubi ad radices montium viasque angustas ventum est, signum extemplo datur, ut accensis cornibus armenta in adversos concitentur montes. et metus ipse relucens flammæ ex capite, calorque, jam ad vivum, ad imaque cornuum adveniens, velut stimulatos furore agebat boves. quo repente discursu, haud secus quam silvis montibusque accensis, omnia circum virgulta ardere: ⁹⁵ capitumque irrita quassatio, excitans flammam, hominum passim discurrentium speciem præbebat. Qui ad transitum saltus insidendum locati erant, ubi in summis montibus ac super se quosdam ignes conspexerunt, circumventos se esse rati, præsidio excessere; qua minime densæ micabant flammæ, velut tutissimum iter, petentes summa montium juga, tamen in quosdam boves palatos ab suis gregibus inciderunt. Et primo, quum procul cernerent, veluti flammam spirantium miraculo adtoniti constiterunt: deinde, ut humana adparuit fraus, tum vero insidias rati esse, dum¹ majore metu concitant se in fugam, levi quoque armaturæ hostium incurrere. ceterum nox æquato timore neutros pugnam incipientes ad lucem tenuit. Interea, toto agmine Hannibal transducto per saltum, et quibusdam in ipso saltu hostium obpressis, in agro Allifano posuit castra.

XVIII. Hunc tumultum sensit Fabius. ceterum et insidias esse ratus, et ab nocturno utique abhorrens certamine, suos munimentis tenuit. Luce prima sub jugo montis præ-

⁵ intra Gron. Crev.

⁶ Linterni Eæd.

¹ cum Eæd.

⁹⁴ Intra Formiana] Optaremus inter.

⁹⁵ Capitumque irrita quassatio] Hæc proxime ad optimiorum MSS. fidem emendavit Gronovius; ut et in-

fra, qua minime densæ micabant flammæ. Antea editi præferebant capitumque inquietatio; et, qua ingens emicabat flamma.

U. C. 535.
A. C. 217.
Leve præ-
lium.

Dictator it
Romam.

Res gestæ
in Hispa-
nia.

lium fuit; quo interclusam ab suis levem armaturam facile (etenim numero aliquantum præstabant) Romani superas- sent, nisi Hispanorum cohors, ad id ipsum ⁹⁶ remissa ab Hannibale, pervenisset. ea adsuetior montibus, et ad concursandum inter saxa rupesque aptior ac levior, cum velocitate corporum, tum armorum habitu, campestem hostem, gravem armis statariumque, pugnae genere facile elusit. Ita haudquaquam pari certamine digressi, Hispani fere omnes incolumes, Romani, aliquot suis amissis, in castra contenderunt. Fabius quoque movit castra: transgressusque saltum super Allifas, loco alto ac munito consedit. Tum, per Samnium Romam se petere simulans, Hannibal usque in Pelignos populabundus rediit. Fabius medius^k inter hostium agmen urbemque Romam jugis ducebat; nec absistens^l, nec congrediens. Ex Pelignis Poenus flexit iter, retroque Apuliam repetens, Geronium^m pervenit; urbem metu, quia conlapsa ruinis pars mœnium erat, ab suis desertam. Dictator in Larinate agro castra communiit. inde sacrorum causa Romam revocatus, non imperio modo, sed consilio etiam, ⁹⁷ ac prope precibus agens cum magistro equitum, *ut plus consilio, quam fortunæ, confidat: et se potius ducem, quam Sempronium, Flaminiumque, imitetur. ne nihil actum censeret, ⁹⁸ extractaⁿ prope æstate per ludificationem hostis. medicos quoque plus interdum quiete, quam movendo atque agendo, proficere. Haud parvam rem esse, ab toties victore hoste vinci desisse, et ab continuis cladibus respirasse.* Hæc nequidquam præmonito magistro equitum, Romam est profectus.

XIX. Principio æstatis, qua hæc gerebantur, in Hispania quoque terra marique cœptum bellum est. Hasdrubal ad eum navium numerum, quem a fratre instructum paratumque acceperat, decem adjecit: quadraginta navium classem Himilconi tradidit: atque ita Karthagine profectus navibus prope terram, exercitum in litore ducebat, paratus configere, quacumque parte copiarum hostis obcurrisset. Cn. Scipioni, postquam movisse ex hibernis hostem audivit, primo idem consilii fuit: deinde, minus terra, propter ingentem famam novo-

^k *mediis* Gron. Crev. ^l *abstinens* Gron. ^m *Gerunium* Crev. ⁿ *exacta* Gron.

⁹⁶ *Remissa ab Annibale pervenisset]* Forte *supervenisset.* GRONOV.

⁹⁷ *Ac prope precibus agens]* Pendet oratio, nec concluditur nisi post absolutam totam Fabii oratiunculam, his nempe verbis *Romam est profectus.* Vide similiter interpositam duobus unius periodi membris orationem, lib. V. c. 24.

⁹⁸ *Extracta prope æstate per ludificationem hostis]* Sigonius maluerat *exacta*, et ei obtemperaverant editores. Sed pro ea lectione quam revocamus, stat sermonis elegantia et proprietas: stant quoque plurimi et optimi codices Gronovio inspecti, et unus e nostris.

rum auxiliorum, concurrere ausus, ⁹⁹ delecto milite ad naves U. C. 585. imposito, quinque et triginta navium classe ire obviam hosti A. C. 217. pergit. Altero ab Tarracone die ad stationem, decem millia passuum distantem ab ostio Iberi amnis, pervenit. inde duas Massiliensium speculatoriae praemissae retulerunt, classem Punicam stare in ostio fluminis, castraque in ripa posita. Itaque, ut improvidos incautosque universo simul effuso terrore obprimeret, sublatis ancoris ad hostem vadit. Multas et locis altis positas turres Hispania habet, quibus et speculis et propugnaculis adversus latrones utuntur. inde primo, conspectis hostium navibus, datum signum Hasdrubali est; tumultusque prius in terra et castris, quam ad mare et ad naves, est ortus, nondum aut pulsu remorum strepituque alio nautico exaudito, aut aperientibus classem promontoriis: quum repente eques, alius super alium ab Hasdrubale missus, vagos in litore quietosque in tentoriis suis, nihil minus quam hostem aut proelium eo die expectantes, conscendere naves propere atque arma capere jubet. classem Romanam jam haud procul portu esse. Haec equites dimissi passim imperabant. mox Hasdrubal ipse cum omni exercitu aderat: varioque omnia tumultu strepunt, ruentibus in naves simul remigibus militibusque, ¹ fugientium magis e^o terra, quam in pugnam euntium modo. Vixdum omnes conscenderant, quum alii ² resolutis oris in ancoras evehuntur; alii, ne quid teneat, ³ ~~ancoralia~~ *incidunt*: raptimque omnia praepere agendo, militum adparatu nautica ministeria impediuntur, trepidatione nautarum capere et aptare arma miles prohibetur. Et jam Romanus non adpropinquabat modo, Classis Punicam in fugam versa. sed direxerat etiam in pugnam naves. itaque non ab hoste et proelio. magis Poeni, quam suomet ipsi tumultu turbati, tentata verius pugna, quam inita, in fugam averterunt clas-

• e leg. a Gron.

⁹⁹ * *Delecto milite ad naves imposito*] Delecto e pedestribus copiis milite ad naves imposito, praeter classicos milites. Nempe auget numerum militum Scipio, quia pugnam navalem meditabatur.

¹ *Fugientium... e terra*] Sic optimi scripti, teste Gronovio: sic et HeARNII codd. et nostri, et Campanus, et Andreas. Vulgo *in terra*.

² *Resolutis oris in ancoras evehuntur*] Hanc lectionem Gronovius allatam ab se ex aliquot MSS. sic interpretatur ipse l. IV. Observ. c. 26. Quia missae de proris ancora, funes ex puppi, statuebant naves; quidam funibus solutis, obliti ancoras vellere praefestinatione nimia, provecti contra an-

coras adhuc tenentes, propellunt easdem naves. At profecto retenti ab ancoris, haud multum progredi poterant. Itaque facile quis credat Gronovium non fecisse hic operae pretium, dum hanc nobis lectionem invexit pro vulgata, quae nihil obscuri continebat: *alii resolvunt oras, aut ancoram vellunt*. Utcunque legatur, *orae* hic intelligendae sunt retinacula quibus puppis littori alligabatur. Sic apud Quintilianum in praefatione ad Tryphonem, *oram solventibus bene prece-mur*. Sic et infra, l. XXVIII. c. 26. *trahunt scalas orasque, et ancoras... praecidunt*.

³ *Ancoralia*] Funes quibus capita ancorarum annexa sunt.

U. C. 535. sem. et quum adversi amnis os lato agmine ac tam multis
A. C. 217. simul venientibus haud sane intrabile esset, in litus passim
naves egerunt: atque alii vadis, alii sicco litore excepti,
partim armati, partim inermes, ad instructam per litus aciem
suorum perfugere. Duæ tamen primo concursu captæ erant
Punicæ naves, quatuor subpressæ.

XX. Romani, quamquam terra hostium erat, armatam-
que aciem toto prætentam in litore cernebant, haud cunc-
tanter insecuti trepidam hostium classem, ⁴naves omnes,
quæ non aut perfregerant proras ⁵litore inlitas, aut carinas
fixerant vadis, religatas puppibus in altum extraxere. ad
quinque et viginti naves ⁶ex quadraginta cepere. Neque id
pulcherrimum ejus victoriæ fuit, sed quod una levi pugna
toto ejus oræ mari potiti erant. itaque ⁷ad Honoscam classe
provecti, exscensione ab navibus in terram facta, quum ur-
bem vi cepissent, captamque diripuissent, Karthaginem inde
petunt: atque, omnem agrum circa depopulati, postremo
tectæ quoque conjuncta ⁸muro portisque incenderunt. Inde
jam præda gravis ad Longunticam pervenit classis: ubi vis
magna sparti ad rem nauticam congesta ab Hasdrubale.
quod satis in usum fuit, sublato, ceterum omne incensum
est. Nec continentis modo projectas oras prætervecta, sed
in Ebusum insulam transmissum. ubi urbe, quæ caput insu-
læ est, biduum nequidquam summo labore obpugnata, ubi
in spem irritam frustra teri tempus animadversum est, ad
populationem agri versis, direptis aliquot incensisque vicis,
majore, quam ex continenti, præda parta, quum in naves se
recepissent, ex Baliaribus insulis legati pacem petentes ad
Scipionem venerunt. Inde flexa retro classis, reditumque
in citeriora provinciæ; quo omnium populorum, ⁹qui Ibe-
rum incolunt, multorum et ultimæ Hispaniæ legati concur-
rerunt. Sed, ⁹qui vere ditionis imperiique Romani facti
sunt, obsidibus datis, populi amplius fuerunt centum viginti.
Igitur terrestribus quoque copiis satis fidens Romanus us-

Ebusus in-
sula direp-
ta. ⁷

⁸ *in juncta* Gron. Crev.

⁹ *sese* Eæd.

⁴ *Naves omnes quæ non aut perfregerant*] Recte monet Perizonius particulam negativam hinc ablegandam esse. Nempe intelligendum est aliquot naves Pœnorum intrasse os amnis, atque hoc modo evasisse. Eas autem quæ quum illud intrare non potuissent, aut perfregerant proras in littore, aut hæserant in vadis, a Romanis captas esse.

⁵ *Littore illitis*] Quidam codices, *littoreis*. An *littoribus*? Certe hic magis placeret dandi casus, quam au-

ferendi.

⁶ *Ex quadraginta*] Olim *ex triginta*. Sigonius jure mutavit, ut constat ex c. 19. supra, et Polybio.

⁷ *Ad Honoscam*] Hoc nomen nullis in scriptis exstat. Jac. Gronovius conjicit, *Etoviscam*.

⁸ *Qui Iberum incolunt*] Lege cum Gronovio, vel *qui cis Iberum colunt*, vel *qui Iberum accolunt*.

⁹ *Qui ... facti sunt*] Codex Put. *sint*: et placet magis.

que ad saltum Castulonensem est progressus. Hasdrubal in U. C. 555.
Lusitaniam ac propius oceanum concessit. A. C. 217.

XXI. Quietum inde fore videbatur reliquum æstatis tempus, fuissetque per Pœnum hostem; sed, præterquam quod ipsorum Hispanorum inquieta avidaque in novas res sunt ingenia, Mandonius Indibilisque, qui ¹⁰ antea Ilergetum regulus fuerat, postquam Romani ab saltu recessere ad maritimam oram, concitis popularibus, in agrum pacatum sociorum Romanorum ad populandum venerunt. Adversus eos ¹¹ tribunus militum cum expeditis ¹² auxiliis, a Scipione missi, levi certamine, ut tumultuariam manum, fudere omnes; occisis quibusdam captisque, magna pars⁷ armis exuta. Hic tamen tumultus cedentem ad oceanum Hasdrubalem cis Iberum ad socios tutandos retraxit. Castra Punica in agro Ilercaonensium, ¹³ castra Romana ad novam classem erant, quum fama repens ¹⁴ alio avertit⁸ bellum. Celtiberi, ⁹ Celtiberi arma adversus Pœnos capiunt. qui principes regionis suæ legatos miserant, obsidesque derant Romanis, nuncio misso a Scipione exciti, arma capiunt, provinciamque Karthaginiensium valido exercitu invadunt: tria oppida vi expugnant. inde, cum ipso Hasdrubale duobus præliis ¹⁵ egregie pugnantes, quindecim millia hostium occiderunt, quatuor millia cum multis militaribus signis capiunt.

XXII. Hoc statu rerum in Hispania, P. Scipio in provinciā venit, prorogato post consulatum imperio ab senatu missus, cum triginta longis navibus, et octo millibus militum, magnoque comœatu advecto. Ea classis ingens agmine onerariarum procul visa, cum magna lætitia civium sociorumque, portum Tarraconis ex alto tenuit. ibi milite exposito, profectus Scipio ¹⁶ fratri se⁹ conjungit: ac deinde communi animo consilioque gerebant bellum. Occupatis igitur Karthaginiensibus Celtiberico bello, haud cunctanter Iberum transgrediuntur; nec ullo viso hoste, Saguntum

⁷ *magnaue parte* Gron. Crev. ⁸ *vertit* Gron. ⁹ *se del.* Gron. Crev. ⁹ *conjungitur* Eæd.

¹⁰ *Antea*] Antequam Ilergetum gens sub jus ditionemque Romanorum redigeretur a Cn. Scipione, quod memoratum est l. XXI. c. 61.

¹¹ *Tribunus militum*] Hoc a Gronovio est. Vulgati, *tribus millibus*: scripti, *tribus militibus*.

¹² *Auxiliis*] Copiis auxiliaribus, quæ non Romanæ nec Latinæ essent, sed ex aliis gentibus quæ se adjunxerant Romanis.

¹³ *Castra Romana ad novam classem erant*] Hæ voces *Ad novam classem* accipiendæ videntur pro loci no-

mine. In itinerario Antonini memoratur locus inter Ilerdam et Tarraconem, *Ad Novas*.

¹⁴ *Alio avertit bellum*] Sic edi-ssimus, auctoribus tribus vel optimis codicibus. Vulgo *alio vertit*.

¹⁵ *Egregie pugnantes quindecim*] Placet id quod Put. liber exhibet, *egregie pugnant ac quindecim*: modo in iis quæ sequuntur legas occidunt.

¹⁶ *Fratri conjungitur*] Put. liber: *fratris conjungit*. Unde videtur legendum *fratri se conjungit*.

U. C. 585. A. C. 217. Obsides Hispanorum Saguntii. Eos Abelux tradit Romanis.

pergunt ire, quod ibi obsides totius Hispaniæ custodiæ traditos ab Hannibale fama erat modico in arce custodiri præsidio. id unum pignus inclinatos ad Romanam societatem omnium Hispaniæ populorum animos morabatur, ne sanguine liberum suorum culpa defectionis lueretur. Eo vinculo Hispaniam vir unus, solerti magis quam fideli consilio, exsolvit. Abelux erat Sagunti nobilis Hispanus, fidus ante Poenis: tum (qualia plerumque¹⁷ sunt barbarorum ingenia) cum fortuna mutaverat fidem. ceterum, transfugam, sine magnæ rei proditione venientem ad hostes, nihil aliud quam unum vile atque infame corpus esse ratus, ¹⁷ id agebat, ut quam maximum emolumentum novis sociis esset. Circumspectis igitur omnibus, quæ fortuna potestatis ejus poterat facere, obsidibus potissimum tradendis animum adjecit: eam unam rem maxime ratus conciliaturam Romanis principum Hispaniæ amicitiam. Sed quum, injussu Bostaris præfecti, satis sciret, nihil obsidum custodes facturos esse, Bostarem ipsum arte adgreditur. Castra extra urbem in ipso litore habebat Bostar, ut ¹⁸ aditum ex portu intercluderet Romanis. ibi eum in secretum abductum, velut ignorantem, monet, quo statu sit res. *Metum continuisse ad eam diem Hispanorum animos, quia procul Romani abessent: nunc cis Iberum castra Romana esse, arcem tutam perfugiumque novas volentibus res. itaque, quos metus non teneat, beneficio et gratia devinciendos esse.* Miranti Bostari percunctantique, quodnam id subitum tantæ rei donum possit esse? *Obsides, inquit, in civitates remitte. ¹⁹ id et privatim parentibus, quorum maximum nomen in civitatibus est suis, et publice populis gratum erit. Vult sibi quisque credi, et habita fides ipsam plerumque obligat fidem. Ministerium restituendorum domos obsidum milimet deponco ipse, ut opera quoque inpena consilium adjuvem meum, et rei suapte natura gratæ, quantam insuper gratiam possim, adjiciam.* ²⁰ Homini, non ad cetera Punica ingenia callido, ut persuasit, nocte clam progressus ad hostium stationes, conventis

¹⁷ pleraque Gron. Crev.

¹⁷ et del. Eæd.

¹⁷ *Id agebat ut]* Hoc propositum animo habebat, eo nitendum sibi putabat ut

¹⁸ *Aditum ex portu]* Aditum ad urbem ex ea parte qua portus est. Saguntus mille circiter passus distabat a mari, testibus Livio XXI. 7. et Polybio, III. 19. vel tria millia passuum, ex Plinio, III. 3. et inter maritimas urbes censeri solitam Cellarius docet, Geogr. Ant. I. II. c. 1. Itaque licet nusquam alias Saguntini portus fiat mentio, non est cur suspecta sit nobis hujus loci scriptura, et

eum Jac. Gronovio legamus *ut aditum ea parte.* Nihil mirum est portum alicujus urbis distare ab ea vel tribus passuum millibus. Inter Piræum et Athenas quadraginta stadia, sive quinque millia passuum interfuisse colligitur ex Thucydide, I. II.

¹⁹ *Id privatim]* Scripti *inde privatim.* Lege *id et privatim:* sequitur enim *noct et publice.*

²⁰ *Homini non ad cetera Punica ingenia callido]* Homini non tam callido quam solent esse Punica ingenia.

quibusdam auxiliaribus Hispanis, et ab iis ad Scipionem U. C. 535. perductus, quid adferret, expromit. Fide accepta dataque, A. C. 217. ac loco et tempore constituto ad obsides tradendos, Saguntum redit; diem insequentem absumsit cum Bostare, mandatis ad rem agendam accipiendis. dimissus, quum se nocte iturum, ut custodias hostium falleret, constituisset, ad compositam cum iis horam excitatis custodibus puerorum profectus, veluti ignarus in præparatas sua fraude insidias ducit. In castra Romana perducti. cetera omnia de reddendis obsi- In castra Romana perductos suis reddit Scipio. dibus, sicut cum Bostare constitutum erat, acta per eundem ordinem, ²¹ quo si Karthaginiensium nomine ²² sic ageretur. Major aliquanto Romanorum gratia fuit in re pari, quam quanta futura Karthaginiensium fuerat. illos enim, graves superbosque in rebus secundis expertos, fortuna et timor mitigasse videri poterat. Romanus primo adventu, incognitus ante, ab re clementi liberalique initium fecerat: et Abelux, vir prudens, haud frustra videbatur socios mutasse. itaque ingenti consensu defectionem omnes spectare: armaque extemplo mota forent, ni hiems, quæ Romanos quoque et Karthaginienses concedere in tecta coëgit, intervenisset.

XXIII. Hæc in Hispania quoque secunda æstate Punici belli gesta, quum in Italia ²³ paululum^a intervalli cladibus Romanis solers cunctatio Fabii fecisset: quæ ut Hannibalem non mediocri sollicitum cura habebat, tandem eum militiæ magistrum delegisse Romanos cernentem, qui bellum Fabii cunctatio Romæ invisa. ratione, non fortuna, gereret; ita contempta erat inter cives, armatos pariter togatosque; utique postquam, absente eo, temeritate magistri equitum, læto verius dixerim, quam prospero eventu, pugnatum fuerat. Accesserant duæ res ad augendam invidiam dictatoris: una fraude ac dolo Hanni- Hannibalis dolus ad augendam invidiam dictatoris. balis, quod, quum a perfugis ei monstratus ager dictatoris esset, omnibus circa solo æquatis, ab uno eo ferrum ignemque et ²⁴ vim omnem hostium abstineri jussit, ut occulti alicujus pacti ea merces videri posset: altera ipsius facto, primo forsitan dubio, quia non exspectata in eo senatus auctoritas est; ad extremum haud ambigue in maximam laudem verso, in permutandis captivis: quod, sicut primo Punico bello factum erat, convenerat ²⁵ inter duces Romanum^b Poenum-

²¹ *quo si* l. *quasi* Gron.

^a *paululum* Gron. Crev.

^b *Romanos* Gron.

²¹ *Quo si*] Hoc nobis elegantius visum est, quam, ut vulgo, *quasi*. Itaque incunctanter ex auctoritate Put. codicis admisimus.

²² *Sic ageretur*] Mallemus *res ageretur*.

²³ *Paululum intervalli*] Put. *paulum*.

²⁴ *Vim omnem hostium*] Lege *hostilem*.

²⁵ *Inter duces Romanum Poenumque*] Hactenus legebatur hoc loco *Romanos*: manifesto errore, quem coarguit Jac. Perizonius. Unius enim Fabii id factum erat, non plurium Romanorum. Put. codex habet *Roma-*

U. C. 535.
A. C. 217.
Fabius pecunia sua captivos redimit.

que, ut, quæ pars plus reciperet, quam daret, ²⁶ argenti pondo bina et selibras in militem præstaret. Ducentos quadraginta septem quum plures Romanus, quam Poenus, recepisset, argentumque pro eis debitum, sæpe jactata in senatu re, quoniam non consulisset Patres, ²⁷ tardius erogaretur^c: inviolatum ab hoste agrum, misso Roman Quinto filio, vendidit, ²⁸ fidemque publicam inpendio privato exsolvit. Hannibal pro Geronii mœnibus, cujus urbis, captæ atque incensæ ab se, in usum horreorum pauca reliquerat tecta, in stativis erat. inde frumentatum duas exercitus partes mittebat: cum tertia ipse expedita in statione erat, simul castris præsidio, et circumspectans, necunde inpetus in frumentatores fieret.

Ho absente
Minucius
rem non
inprospere
gerit.

XXIV. Romanus tunc exercitus in agro Larinati erat. præerat Minucius magister equitum, profecto, sicut ante dictum est, ad urbem dictatore. Ceterum castra, quæ in monte alto ac tuto loco posita fuerant, jam in planum deferuntur: agitabanturque pro ingenio ducis consilia calidiora, ut inpetus aut in frumentatores palatos, aut in castra, relicta cum levi præsidio, fieret. Nec Hannibalem fefellit, cum duce mutatam esse belli rationem, et ferocius, quam consultius, rem hostes gesturos. Ipse autem, (²⁹ quod minime

^c rogaretur Gron. Crev.

notum, dubitante scilicet librario, Romanos ne scribendum esset, an Romanum: Tellerianus plane Romanum.

26 *Argenti pondo bina et selibras*] Duas libras Romanas et semissem argenti, qui sunt mille sestertii, sive unum sestertium: id est, mærcæ nostrates argenti tres cum septem unciiis, et granis 144.

27 *Tardius rogaretur*] Verbum rogaretur hic obscurum est. Videtur potius legendum, ut nonnulli, teste Gronovio, libri habent, erogaretur, id est, impenderetur, daretur ex ærario.

28 **Fidemque publicam*] Quod rei publicæ nomine debebatur hostibus, privata sua pecunia exsolvit.

29 *Quod minime quis crederet*] Cur autem quisquam ægre credat eum ducem qui, hoste procul dissito, duas militum partes frumentatum mittebat, postquam propius accessit hostis, jam solummodo tertiam partem militum misisse. Omnino hæc parenthesis parum digna Livio videtur, et aut corrupta, aut etiam penitus tollenda. Neque enim simile quidquam reperitur apud Polybium, quem hic sequitur Livius. Ceterum de toto hoc ne-

gotio operæ pretium est accuratissimum illum scriptorem consulere, qui rem distinctius et apertius narrat, in hunc fere modum. Postquam Minucius in tumultum illum unde Numidas deiecerat, castra transtulit, Annibal aliquamdiu maximam partem militum in castris tenuit. Verum post aliquot dies coactus est partim frumentatum, partim ad pecora pascenda quamplurimos dimittere. Quod quum sensisset Minucius, ipse ad castra hostium cum legionibus successit: equitatum et levem armaturam in pabulatores emisit. Annibali neque ad certandum acie satis virium erat, neque ad opem palatis per agros suis ferendam. Jamque vellebant vallum hostium Romani, quum Asdrubal, collectis frumentatoribus qui Geronium refugerant ad quatuor milia, auxilium Annibali jam prope obsessio in castris tulit. Tum Romani abscedere coacti sunt, multis tamen hostium ad castra cæsis. Frumentatorum major etiam cædes fuit. Postero die Annibal in priora castra, quæ pro Geronii mœnibus erant, recepit suos: ac postea parcius et cautius pabulati

quis crederet) quum hostis propius esset, tertiam partem U. C. 535. militum frumentatum; duabus in castris retentis, dimisit: A. C. 217. dein^d castra ipsa propius hostem movit, duo ferme a^e Geronio millia, in tumultum hosti conspectum; ut intentum sciret esse ad frumentatores, si qua vis fieret, tutandos. Propior inde ei, atque ipsis imminens Romanorum castris tumulus adparuit: ad quem capiendum si luce palam iretur, quia haud dubie hostis breviora via praeveniret, nocte clam missi Numidae ceperunt. quos tenentes locum, contempta paucitate, Romani postero die quum ejecissent, ipsi eo transferunt castra. Tum itaque, ut exiguum spatii vallum a vallo aberat, et id ipsum totum prope compleverat Romana acies, simul et³⁰ per aversa castra a castris Hannibalis equitatus, cum levi armatura emissus in frumentatores, late cædem fugamque hostium palatorum fecit. nec acie certare Hannibal ausus; quia³¹ tanta paucitate vix castra, si obpugnarentur, tutari poterat. Jamque artibus Fabii, (pars exercitus aberat) jam ferme sedendo et cunctando bellum gerebat, receperatque suos in priora castra, quæ pro Geronii mœnibus erant. Justa quoque acie et conlatis signis dimicatum, quidam auctores sunt. primo concursu Poenum usque ad castra fustum, inde eruptione facta repente versum terrorem in Romanos: Num. Decimii Samnitis deinde interventu prælium restitutum. Hunc, principem genere ac divitiis non Boviani modo, unde erat, sed toto Samnio, jussu dictatoris octo millia peditum, et equites^f quingentos ducentem in castra, ab tergo quum adparuisset Hannibali, speciem

^d *deinde Gron. Crev.*

^e *a l. e Gron.*

^f *add. ad Gron. Crev.*

sunt Carthaginienses. Hæc ideo attexuimus; quia Liviana narratio paulo obscurior est, nec parum ei lucis ex his videtur afferri.

30 *Per aversa castra a castris Annibalis*] Per portam castrorum Romanorum, quæ erat aversissima a castris Annibalis. Postrema hæc verba *a castris Annibalis* non sine causa videntur Gronovio recidenda, tanquam supervacanea.

31 *Tanta paucitate*] Hæc vix intelligi in Livio possunt. Undenam enim judicabimus, quanta Carthaginensium in castris paucitas fuerit? At apud Polybium nihil clarius: ut apparebit relegenti paulo attentius not. 29. supra. Possumus tamen huic apud nostrum obscuritati aliquatenus mederi, si huc retrahamus ex sequentibus illam parenthesis, *pars exercitus aberat*, legamusque: *quia tanta paucitate (pars exercitus aberat) vix cas-*

tra tutari poterat. Pars illa exercitus erit tertia militum pars, quæ supra dicitur missa frumentatum. Quo facilius credatur huc revocanda esse illa parenthesis, accedit illud etiam, quod ubi collocata vulgo legitur, turbat sensum et vitiat. Jamque artibus Fabii, (pars exercitus aberat) jam ferme sedendo et cunctando bellum gerebat. Annibal profecto non uno die, sed per aliquantum temporis Fabianam illam cunctationem imitatus est. Nemo autem crediderit partem exercitus ab Annibale tunc quum a Minucio valde premeretur, in longum temporis spatium alio fuisse ablegatam. Ceterum, dum consideramus sive tria hæc vulnera, quod minime quis crederet, et aversa castra a castris Annibalis, et pars exercitus aberat; sive hærentem et impeditum totius narrationis cursum, facile nobis persuademus Livium hic male habitum esse a librariis.

U. C. 535. parti utrique præbuisse ³² novi præsidii ^a, cum ^b Q. Fabio ab
A. C. 217. Roma venientis ⁱ: Hannibalem insidiarum quoque aliquid
timentem recepisse suos: Romanum insecutum, adjuvante
Samnite, duo castella eo die expugnasse: sex millia hostium
cæsa, quinque admodum Romanorum. tamen in tam pari
prope clade famam egregiæ victoriæ cum vanioribus literis
magistri equitum Romam perlatam.

Oratio Me-
tilii Trib.
Pl. in Fa-
bium.

XXV. De his rebus persæpe et ^k in senatu et in concio-
ne actum est. Quum, læta civitate, dictator unus nihil nec
famæ, nec literis crederet; ut vera omnia essent, secunda
se magis, quam adversa, timere diceret: tum M. Metilius
tribunus plebis, id enim ferendum esse negat. Non præsentem
solum dictatorem obstitisse rei bene gerendæ, sed absentem etiam
gestæ obstare: et in ducendo bello sedulo tempus terere, quo
diutius in magistratu sit, solusque et Romæ et in exercitu impe-
rium habeat. Quippe consulum alterum in acie cecidisse; al-
terum, specie classis Punicæ persequendæ, procul ab Italia ab-
legatum. Duos prætores Sicilia atque Sardinia occupatos,
³³ quorum neutra hoc tempore provincia prætore egeat. M.
Minucium magistrum equitum, ne hostem videret, ne quid rei
bellicæ gereret, prope in custodiam habitum. Itaque, Hercule,
non Samnium modo, quo jam, tamquam trans Iberum agro,
Pænis concessum sit, et ¹ ³⁴ Campanum, Calenumque, et Faler-
num agros ^m pervastatos esse, sedente Casilini dictatore, et legio-
nibus populi Romani agrum suum tutante. exercitum cupien-
tem pugnare, et magistrum equitum, clausos prope intra val-
lum retentos; tamquam hostibus captivis arma ademta. tandem,
ut abscesserit inde dictator; ut obsidione liberatos, extra vallum
egressos fuisse ac fugasse hostes. Quas ob res, si antiquus
animus plebi Romanæ esset, audaciter se laturum fuisse de
abrogando Q. Fabii imperio: nunc modicam rogationem pro-
mulgaturum de æquando magistri equitum et dictatoris jure:

^a subsidii Gron.
Gron. Crev.

^b tanquam Ead.
¹ sed Ead.

ⁱ veniente Ead.
^m agrum Ead.

^k et del.

32 Novi præsidii cum Q. Fabio ab
Roma venientis] Omnes nostri codices,
quemadmodum et Gronoviani, habent
præsidii, non subsidii, quomodo vul-
gati. Præsidium nihil aliud est, quam
militum manus, ut alibi notatum. Ce-
tera hujus loci sic formantur in edi-
tis: tanquam Fabio ab Roma veniente.
Nos repræsentamus ipsissimam Pu-
teanæi et Victorini codicum scriptu-
ram, nisi quod Put. frequenti, etiam
in optimis libris, errore, habet cumque
Fabio: que scilicet pro Q. Et eodem
affundunt ceteri omnes nostri.

33 Quorum neutra hoc tempore pro-

vincia prætore egeat] Hic facile est
agnoscere intolerandum structuræ vi-
tium, quod tollere licet deleta voce
prætorum. Quorum, nempe prætorum,
neutra hoc tempore provincia egeat.
Tam dicitur egere alienius rei, quam
egere aliqua re.

34 Campanum, Calenumque, et Fa-
lernum agrum pervastatos] Vel lege
agros, quomodo habet unus Hearnii
codex: vel dele omnino ^{vi} agrum,
quod ignorant Andreas et Campanus.
Potest enim hic suppleri, quum ex-
stet agro in superiore versu.

nec tamen ³⁵ *ne ita quidem prius mittendum ad exercitum Q. U. C. 535.*
Fabium, quam consulem in locum C. Flamini subfecisset. ^{A. C. 217.}
 Dictator concionibus se abstinent, ³⁶ in actione minime po- ^{Fabius se defendit}
 pularis. ne in senatu quidem satis æquis auribus audiebatur, ^{apud senatum.}
 tunc quum hostem verbis extolleret, biennique clades per-
 temeritatem atque inscientiam ducum acceptas referret: ma-
 gistroque equitum, quod contra dictum suum pugnasset, ratio-
 nem diceret reddendum esse. Si penes se summa imperii con-
 siliique sit, propediem effecturum, ut sciant homines, bono im-
 peratori haud magni fortunam momenti esse: mentem ratio-
 nemque dominari. Se ³⁷ in tempore et sine ignominia servasse
 exercitum, quam multa millia hostium occidisse^a, majorem glo-
 riam esse. Hujus generis orationibus frustra habitis, et
 consule creato M. Atilio Regulo, ne præsens de jure impe- ^{M. Atilius}
 rii dimicaret, pridie quam rogationis ferendæ dies adesset, ^{subfectus}
 nocte ad exercitum abiit. Luce orta, quum plebis conci- ^{Cos.}
 lium esset, magis tacita invidia dictatoris favorque magistri
 equitum animos versabat, quam satis audebant homines ad
 suadendum, quod vulgo placebat, prodire: et, ³⁸ favore su-
 perante, auctoritas tamen rogationi deerat. Unus inventus
 est suasor legis C. Terentius Varro, qui priore anno prætor ^{C. Teren-}
 fuerat, loco non humili solum, sed etiam sordido, ortus. ^{tius Varro.}
 patrem lanium fuisse ferunt, ipsum institorem mercis, filio-
 que hoc ipso in servilia ejus artis ministeria usum.

XXVI. Is juvenis, ubi ex eo genere quæstus pecunia a
 patre relictâ animos ad spem liberalioris fortunæ fecit, ³⁹ to-
 gaque et forum placuere, proclamando pro sordidis homini-
 bus caussisque adversus rem et famam bonorum, primum in
 notitiam populi, deinde ad honores pervenit. ⁴⁰ quæstura
 quoque et duabus ædilitatibus, plebeia et curuli, postremo
 et prætura perfunctus, jam ad consulatus spem quum adtol-
 leret animos, haud parum callide auram favoris popularis
 ex dictatoria invidia petiit, scitique plebis unus gratiam tulit.

^a add. ducere Gron. Crev.

35 *Ne ita quidem*] Ne ita quidem decreta re, ne æquato quidem dicta-
 toris et magistri equitum imperio. Quo pluribus velut frænis coerceat
 infinitam dictatoris potestatem, tribu-
 nus non æquari modo illi vult magis-
 trum equitum, sed et cogi eum suffi-
 cere consulem in locum C. Flamini,
 qui Romæ præsistat dum dictator ad
 exercitum erit.

36 *In actione*] In agendo, quum
 oratio illi habenda esset ad populum.

37 *In tempore*] Tempestive, ubi
 ratio temporum id postularet: ubi
 opus esset eo intendi curam, ut ser-

varetur exercitus, non ut periculis
 pugnarum objiceretur.

38 * *Favore superante auctoritas ta-*
men] Quamvis favor esset immodicus,
 quamvis faverent impense et ultra
 modum rogationi homines, deerat ta-
 men qui se auctorem suasoremque ei
 rogationi præberet.

39 * *Toga*] Vulgus enim et sordi-
 dus popellus, quo ex genere ortus e-
 rat Varro, in tunica incedebat: toga,
 aut nunquam, aut perraro utebatur.

40 *Quæstura quoque*] Magis place-
 ret quæsturaque.

U. C. 535.
A. C. 217.
Æquatur
dictatori
Mag. Equi-
tum.

Omnes eam rogationem, quique Romæ, quique in exercitu erant, æqui atque iniqui, præter ipsum dictatorem, in contumeliam ejus latam acceperunt. ipse, qua gravitate animi criminantes se ad multitudinem inimicos tulerat, eadem et populi in se sævientis injuriam tulit: acceptisque in ipso itinere ⁴¹litteris senatusconsulti de æquato imperio, satis fidens, haudquaquam cum imperii jure artem imperandi æquatam, ⁴²cumque invicto a civibus hostibusque animo ad exercitum rediit.

XXVII. Minucius vero, quum jam ante vix tolerabilis fuisset secundis rebus ac favore vulgi, tum utique inmodice inmodesteque, non Hannibale magis victo ab se, quam Q. Fabio, gloriari: *Illum in rebus asperis unicum ducem ac parem quæsitum Hannibali, majorem minori, dictatorem magistro equitum, quod nulla memoria habeat annalium, jussu populi æquatum in eadem civitate, in qua magistri equitum virgas ac secures dictatoris tremere atque horrere soliti sint. In tantum suam felicitatem virtutemque enituisse. Ergo secuturum se fortunam suam, ⁴³si dictator in cunctatione ac segnitie, ⁴⁴Deorum hominumque judicio damnata, perstaret. Itaque, quo die primum congressus est cum Q. Fabio, statuendum omnium primum, ait, esse, quemadmodum imperio æquato utantur. Se optimum ducere, aut diebus alternis, aut, si majora intervalla placerent, partitis temporibus, alterius summum jus imperiumque esse: ut par hosti non solum consilio, sed viribus etiam esset, si quam occasionem rei gerendæ habuisset. Q. Fabio haudquaquam id placere: omnia enim fortunam habituram, quæcumque temeritas collegæ habuisset. Sibi communicatum cum illo, non ademptum, imperium esse. Itaque ⁴⁵se nunquam volentem parte, qua posset, rerum consilio gerendarum cessurum: nec se tempora aut dies imperii cum eo, exercitus divisurum, suisque consiliis, quoniam omnia non liceret, quæ*

* sed exercitus Gron. Crev.

41 *Litteris senatusconsulti*] Hæc locutio neo satis clara est, nec usitata. Lege vel *litteris consulis*, quomodo habet unus codex, teste Gronovio, vel *litteris senatusque consulto*. Nec mirere senatusconsulti mentionem fieri in re per plebem transacta. Quum enim post leges Horatiam et Hortensiam plebiscita populum tenerent, Patres, inquit Gronovius, ut eluderent plebis auctoritatem, plebiscita senatusconsultis confirmare soliti erant.

42 *Cumque invicto*] Erade incommodam particulam *que*, quam respuunt duo scripti.

43 *Si dictator in cunctatione ac segnitie*] Sic emendavit Gronovius ex vestigiis MSS. qui exhibent *si dictatoris cunctationi ac segnitie*. Vulgo *si dictatoris cunctatio in segnitie*.

44 * *Deorum hominumque judicio*] *Deorum* qui sibi egregiam de Annibale victoriam concessissent; *hominum*, qui sibi par cum dictatore imperium esse voluissent.

45 * *Se nunquam*] Se nunquam sponte cessurum parte rerum consilio gerendarum, qua posset non cedere; se semper retenturum quam posset partem rerum viriumque, quas consilio et ratione gubernaret.

posset, servaturum. Ita obtinuit, uti legiones, sicut consu-
libus mos esset, inter se dividerent. prima et quarta Minu-
cio, secunda et tertia Fabio evenerunt. Item equites pari
numero, sociūque et Latini nominis auxilia diviserunt :
castris se quoque separari magister equitum valuit.

U. C. 535.
A. C. 217.
Exercitus
inter eos
dividuntur.

XXVIII. Duplex inde Hannibali gaudium fuit : neque
enim quidquam eorum, quæ apud hostes agerentur, eum
fallebat, et perfugis multa indicantibus, et per suos explo-
rantem. nam et liberam Minucii temeritatem se ⁴⁶ suo modo
captaturum, et solertiæ Fabii dimidium virium decessisse.
Tumulus erat inter castra Minucii Pœnorumque. eum qui
occupasset, haud dubie iniquiorem erat hosti locum factu-
rus. eum non tam capere sine certamine volebat Hannibal,
(quamquam id operæ pretium erat) quam causam certami-
nis cum Minucio, quem semper obcursurum ad obsistendum
satis sciebat, contrahere. Ager omnis medius erat prima
specie inutilis insidiatori, quia non modo silvestre quid-
quam, sed ne vepribus quidem vestitum habebat : re ipsa
natus tegendis insidiis, eo magis quod in nuda valle nulla
talis fraus timeri poterat. et erant in amfractibus cavæ ru-
pes, ut quædam earum ducenos armatos possent capere. In
has latebras, quot quemque locum apte insidere poterant,
quinque millia conduntur peditum equitumque. necubi ta-
men aut motus alicujus temere egressi, aut fulgor armorum
fraudem in valle tam aperta detegeret ; missis paucis prima
luce ad capiendum, quem ante diximus, tumulum, avertit
oculos hostium. Primo statim conspectu contempta pauci-
tas : ac sibi quisque deprecere pellendos inde hostes. ⁴⁷ ad
locum capiendum dux ipse inter stolidissimos ferocissimos-
que ad arma vocat ; et vanis animis et minis increpat hos-
tem. Principio ⁴⁸ levem armaturam dimittit, deinde con-
fero agmine mittit equites : postremo, quum hostibus quo-
que subsidia mitti videret, instructis legionibus procedit. Et
Hannibal, laborantibus suis alia atque alia, crescente certa-
mine, mittens auxilia peditum equitumque, jam justam ex-
pleverat aciem, ac totis utrimque viribus certabatur. Pri-
ma levis armatura Romanorum, præoccupatum inferiore
loco subcedens tumulum, pulsa detrusaque terrorem in sub-
cedentem intulit equitem, et ad signa legionum refugit. pe-
ditum acies inter percussos inpavida sola erat, videbaturque,
si ⁴⁹ justā aut si rectā pugna esset, haudquaquam impar fu-

Duplex in-
de Hanni-
bali gau-
dium.

Insidia.

Pugna inter
Hanniba-
lem et Mi-
nucium.

demittit Gron. Crev.

46 * *Suo modo*] Quocunque modo
ipse vellet : ad suum arbitrium.

47 *Ad locum capiendum*] In Mo-
guntina editione distinguitur ante
dux : et recte modo *ad* mutas in *ac*,
legasque, *ut sibi quisque deprecere, pel-*

lendos inde hostes ac locum capiendum.
Dux ipse. JAC. PERIZON.

48 *Levem armaturam demittit*] Vel
lege *emittit*, vel potius dele redundans
verbum. GRONOV.

49 * *Justa aut si recta pugna*] De
H 4

U. C. 535. tura. tantum animorum fecerat prospere ante paucos dies
 A. C. 217. res gesta. Sed exorti repente insidiatores eum tumultum
 Laborat terroremque, in latera utrimque ab tergoque incursantes,
 Minucius. fecerunt, ut neque animus ad pugnam, neque ad fugam spes
 cuiquam superesset.

XXIX. Tunc Fabius, primo clamore paventium audito, dein conspecta procul turbata acie, *Ita est, inquit, non celerius, quam timui, deprehendit fortuna temeritatem. Fabio æquatus imperio Hanibalem et virtute et fortuna superiorem videt. Sed aliud jurgandi succensendique tempus erit. nunc signa extra vallum proferte. Victoriæ hosti extorqueamus, confessionem erroris civibus.* ⁵⁰ Jam magna ex parte cæsis aliis, aliis circumspectantibus fugam, Fabiana se acies repente, velut cœlo demissa, ad auxilium ostendit. Itaque, priusquam ad conjectum teli veniret, aut manum consereret, et suos a fuga effusa, et ab nimis feroci pugna hostes continuit. qui solutis ordinibus vage dissipati erant, undique confugerunt ad integram aciem; qui plures simul terga dederant, conversi in hostem, ⁵¹ volventesque orbem, nunc sensim referre pedem, nunc conglobati restare. ac jam prope una acies facta erat victi atque integri exercitus, inferbantque signa in hostem; quum Pœnus receptui cecinit, palam ferente Hannibale, ab se Minucium, se a Fabio victum. Ita per variam fortunam diei majore parte exacta, quum in castra reditum esset, Minucius, convocatis militibus, *Sæpe ego, inquit, audiui, milites, eum primum esse virum, qui ipse consulat, quid in rem sit; secundum eum, qui bene monenti obediat: qui nec ipse consulere, nec alteri parere sciat, eum extremi ingenii esse. Nobis quoniam prima animi ingeniique negata sors est, secundam ac mediam teneamus: et, dum imperare discimus, parere prudenti in animum inducamus. Castra cum Fabio jungamus: ad prætorium ejus signum quum tulerimus, ubi ego eum parentem adpellavero, quod* ⁵² *beneficio ejus erga nos ac majestate ejus dignum est; vos, milites, eos, quorum vos modo arma dexteræque texerunt, patronos salutabitis, et, si nihil aliud, gratorum certe nobis animorum gloriam dies hæc dederit.*

Minucius
 errorem
 suum ag-
 noscit.

voce *justa* vid. not. 40. ad IV. 27. *Recta pugna* est itidem vera, legitima pugna, quum frontibus adversis inter se pugnant, non per insidias, quæ in terga incurrant aut latera.

⁵⁰ *Jam magna ex parte cæsis aliis, aliis circumspectantibus fugam*] Prius illud *aliis* omnino otiosum est post *magna ex parte*. Itaque quum illud omittant tres scripti Jac. Gronovio inspecti, quatuor e nostris, et unus Hearnii, recidendum videtur.

⁵¹ *Volventesque orbem*] Hoc non sic dictum videtur quemadmodum alibi, (l. II. c. 50. l. IV. c. 28.) de iis qui circumventi ab hostibus, coguntur parere in omnes partes pugnam intendere. Ii de quibus hoc loco agitur, conglobant sese, simul convertentes se in hostem, cui prius terga præbuerant.

⁵² *Beneficio ejus .. ac majestate ejus*] Posterius *ejus* fortasse ejiciendum.

XXX. Signo dato, conclamatur inde, ut conligantur va- U. C. 535.
 sa: profecti et agmine incedentes ad dictatoris castra in ad- A. C. 217.
 mirationem et ipsum, et omnes, qui circa erant, converte- Castra cum
 runt. Ut constituta sunt ante tribunal signa, progressus Fabio
 ante alios magister equitum, quum patrem Fabium adpel- jungit.
 lasset, circumfususque militum ejus totum agmen patronos
 consalutasset, *Parentibus, inquit, meis, dictator, (quibus te*
modo nomine, quo fando possum, æquavi) vitam tantum debeo:
tibi quum meam salutem, tum omnium horum. Itaque plebei-
scitum, quo oneratus magis, quam honoratus sum, primus an-
tiquo abrogoque: et, quod tibi mihiq̃ue, quod exercitibusque
his tuis, servato ac conservatori, sit felix, sub imperium auspi-
ciumque tuum redeo, et signa hæc legionesque restituo. Tu,
quæso, placatus ⁵³ *me magisterium equitum, hos ordines suos*
quemque tenere jubeas. Tum dextræ interjunctæ, militesque,
 concione dimissa, a notis ignotisque benigne atque hospita-
 liter invitati: lætusque dies, ex admodum tristi paullo ante
 ac prope execrabili, factus. Romæ, ut est perlata fama rei
 gestæ, dein literis non magis ipsorum imperatorum, ⁵⁴ quam
 vulgo^a militum ex utroque exercitu adfirmata, pro se quis-
 que Maximum laudibus ad cœlum ferre. Par gloria apud
 Hannibalem hostesque Pœnos erat: ac tum demum sentire,
 cum Romanis atque in Italia bellum esse. Nam biennio
 ante adeo et duces Romanos et milites spreverant, ut vix
 cum eadem gente bellum esse crederent, cujus terribilem
 eam famam a patribus accepissent. Hannibalem quoque
 ex acie redeuntem dixisse ferunt, *tandem eam nubem, quæ*
sedere in jugis montium solita sit, cum procella imbrem dedisse.

XXXI. Dum hæc geruntur in Italia, Cn. Servilius Gemi- Servilius
 nus consul ⁵⁵ cum classe centum viginti navium, circumvec- Cos. male
 tus Sardiniaë et Corsicaë oram, et obsidibus utrinque accep- rem gerit in
 tis, in Africam transmisit: et, priusquam in continentem Africa.
 exscensiones faceret, Menige^r insula vastata, et ab inco-
 lentibus Cercinam, ne et ipsorum ureretur diripereturque
 ager, ⁵⁶ decem talentis argenti acceptis, ad litora Africaë, ac-
 cessit, copiasque exposuit. Inde ad populandum agrum
 ducti milites, navalesque socii juxta effusi, ac si insulis cul-
 torum egentibus prædarentur. itaque in insidias temere inla-

^a vulgi Gron.^r Meninge Gron. Crev.

⁵³ *Me magisterium equitum, hos ordines suos quemque tenere]* Hanc lectionem formavit Gronovius a scriptis adjutus. Antea: *me magistrum equitum, hos ordinibus suis quemque teneri.*

⁵⁴ *Quam vulgo militum]* Gronovius maluit vulgi, nulla satis probabili de causa. Nos antiquum revocavi-

mus.

⁵⁵ *Cum classe centum viginti navium]* Addidit numerum Lipsius ex Polybio. Idem, eodem auctore, in iis quæ sequuntur, emendavit incolentibus Cercinam pro incolentibus circa eam.

⁵⁶ *Decem argenti talentis]* Marcis nostratibus 937. unciiis 4.

U. C. 535. ti, quum a frequentibus palantes, ab locorum gnaris ignari
 A. C. 217. circumvenirentur, cum multa cæde ac foeda fuga retro ad
 naves compulsi sunt. Ad mille hominum, ⁵⁷ cum his Sem-
 pronio Blæso quæstore, amissum: classis, a litoribus hos-
 tium plenis trepide soluta, in Siciliam cursum tenuit: tradi-
 taque Lilybæi ⁵⁸ T. Otacilio prætori, ut ab legato ejus P.
 Sura Romam reduceretur. ipse, per Siciliam pedibus profec-
 tus, freto in Italiam trajecit, ⁵⁹ litteris Q. Fabii^{*} aditus et
 ipse, et collega ejus M. Atilius, ⁶⁰ ut exercitus[†] ab se, exacto
 jam prope semestri imperio, acciperent. Omnium prope an-
 nales Fabium dictatorem adversus Hannibalem rem gessisse
 tradunt, Cælius etiam eum ⁶¹ primum a populo creatum
 dictatorem scribit. Sed et Cælium et ceteros fugit, uni
 consuli Cn. Servilio, qui tum procul in Gallia provincia
 aberat, jus fuisse dicendi dictatoris; quam moram quia ex-
 spectare territa jam clade civitas non poterat, eo decursum
 esse, ut a populo crearetur, qui pro dictatore esset: res inde
 gestas gloriamque insignem ducis, et augentes titulum ima-
 ginis posteros, ⁶² ut, qui pro dictatore, dictator[‡] diceretur,
 facile obtinuisse.

Utrum Fa-
 bius dicta-
 tor, an pro-
 dictatore
 fuerit.

Coss. arti-
 hus Fabii
 bellum ge-
 runt.

XXXII. Consules, Atilius^{*} Fabiano, Geminus Servilius
 Minuciano exercitu accepto, hibernaculis mature communi-
 tis, (⁶³ extremum autumnus erat[§]) Fabii artibus cum summa
 inter se concordia bellum gesserunt. Frumentatum exeunti
 Hannibali diversis locis opportuni aderant, carpentes ag-
 men, palatosque excipientes. in casum universæ dimicatio-
 nis, quam omnibus artibus petebat hostis, non veniebant.
⁶⁴ adeoque inopia est coactus Hannibal, ut, nisi tum fugæ

^{*} litterisque Fabii Gron.

[†] exercitum Gron. Crev.

[‡] dictator pro

dictatore Ead.

^{*} M. Atilius Ead.

[§] (tum enim autumnus erat tempus)

Gron.

⁵⁷ Cum his Sempronio Blæso quæ-
 store] Potest quidem tolerari, et ex-
 poni Blæso quæstore amisso. Sed ma-
 gis placeret recidere voculam his.

⁵⁸ T. Otacilio] Proba Sigonii emen-
 datio, quam firmat unus e nostris
 eodd. Olim editi tota Atilio.

⁵⁹ Litteris Q. Fabii] Sic monuit
 legendum Sigonius, et tuetur Put.
 codex. Vulgo litterisque Fabii: quo
 de genere mendi jam diximus in not.
 32. ad c. 24. supra.

⁶⁰ Ut exercitus] Fabianum Minu-
 cianumque, ut mox appellantur. Edi-
 ti habent exercitum. Sed optimi MSS.
 stant pro ea lectione quam sequimur.

⁶¹ * Primum a populo creatum dic-
 tatorem] Primum numerari, qui a po-
 pulo creatus sit dictator. Secundum
 numerabat Cælius Syllam, qui haud
 dubie a populo dictator creatus est.

⁶² Ut dictator prodictatore dicere-
 tur] Quidam volunt pro prodictatore,
 et sic edidit Dujatius. Scripti optimi:
 ut qui prodictatore cederetur, vel cre-
 deretur. Unde Perizonius, Animadv.
 Histor. c. 1. legendum putat, ut qui
 prodictatore, supple erat, dictator cre-
 deretur.

⁶³ Extremum autumnus erat] Vul-
 go hic editur, jam enim autumnus erat
 tempus. Sed omnes scripti ignorant
 vocem tempus, et pro jam enim ha-
 bent tum vel quum. Unus probæ no-
 tæ codex nobis visus est servasse ve-
 ram Livii scripturam, eam ipsam
 quam expressimus. Et congruunt
 tempora, si cogites Fabium per totos
 sex menses dictaturam tenuisse.

⁶⁴ Adeoque inopia est coactus Hanni-
 bal] Non immerito hoc carpit Grono-
 vius, tanquam vix Latinum: tentat-

speciem abeundo timuisset, Galliam repetiturus fuerit, nulla U. C. 535.
 relictâ spe alendi exercitus in eis locis, si insequentes consu- A. C. 217.
 les eisdem artibus bellum gererent. Quum ad Geronium
 jam hieme inpediente constitisset bellum, Neapolitani legati
 Romam venire. ab iis quadraginta pateræ aureæ magni
 ponderis in curiam inlatæ, atque ita verba facta, ut dice-
 rent: *Scire sese, Romani populi ærarium bello exhauriri: ⁶⁵ et,* Neapolitani
quum juxta pro urbibus agrisque sociorum, ac pro capite at- aurum obfe-
que arce Italiæ, urbe Romana atque imperio geratur, æquum runt Roma-
censuisse Neapolitanos, quod auri sibi quum ad templorum or- nis.
natum, tum ad subsidium fortunæ a majoribus relictum foret,
eo juvare populum Romanum. Si quam opem in sese crederent,
eodem studio fuisse oblaturus. gratum sibi Patres Romanos po-
pulumque facturum, si omnes res Neapolitanorum suas duxis- X
sent; dignosque judicaverint, ab quibus donum, animo ac vo-
luntate eorum, qui libentes darent, quam re, majus ampliusque,
acciperent. Legatis gratiæ actæ pro munificentia curaque.
patera, quæ ponderis minimi fuit, accepta.

XXXIII. Per eosdem dies speculator Karthaginiensis, Speculator
 qui per biennium fefellerat, Romæ deprehensus, præcisique Pænus.
 manibus dimissus: et servi quinque et viginti in crucem acti,
 quod in campo Martio conjurassent. indici data libertas et
⁶⁶ æris gravis viginti millia. Legati et ad Philippum Macedo- Legati in
 num regem missi ad deprecandum ⁶⁷ Demetrium Pharium, qui, varia loca
 bello victus, ad eum fugisset: et alii in Ligures ad expos- missi.
 tulandum, quod Pœnum opibus auxiliisque suis juvissent:
 simul ad visendum ex propinquo, quæ in Boiis atque Insu-
 bribus gererentur. Ad Pineum quoque regem in Illyrios
 legati missi ad stipendium, cujus dies exierat, poscendum;
 aut, si diem proferre vellet, obsides accipiendos. adeo, etsi
 bellum ingens in cervicibus erat, nullius usquam terrarum
 rei cura Romanos, ne longinqua quidem, effugiebat. In
 religionem etiam venit, ædem Concordiæ, quam per seditio-

que et ad id inopiæ est redactus Annibal.

⁶⁵ *Et quum .. geratur]* Lege cum eodem Gronovio: id, nempe bellum quum .. geratur.

⁶⁶ *Æris gravis viginti millia]* Sub hæc tempora, assibus uncialibus factis, mutata est æris ad argentum ratio, ita ut non jam bini asses cum semisse in sestertium, deni in denarium, sed quaterni in sestertium, senideni in denarium contribuerentur. Testis est Plinius, l. XXXIII. c. 3. Hinc nobis, auctore et faciem præferente Perizonio, æs grave haberi incipit, non nummus, aut pondus quod-

dam verum æris, sed merum nomen, ad usurpandam vetustatis imaginem retentum, cum eadem ad argentum ratione, quam olim habuerant asses librales: ita ut decem æris gravis pro uno denario ambulare intelligantur. Vid. Appendicem de ære gravi, hujus Liviani operis tom. IV. *Æris gravis viginti millia* erunt igitur denarii 2000. marcæ argenti Parisienses 31. cum duabus uncis.

⁶⁷ **Demetrium Pharium]* Demetrium e Pharo, sive Pharia, Adriatici maris insula, qui cum Illyriis rebellantibus a Romanis victus fuerat.

U. C. 535. nem militarem biennio ante L. Manlius prætor in Gallia
 A. C. 217. vovisset, locatam ad id tempus non esse. itaque duumviri ad eam rem creati a M. Æmilio prætore urbis, Cn. Pupius et K. Quinctius Flaminius, ædem in arce faciendam locaverunt. Ab eodem prætore ex senatusconsulto literæ ad consules missæ, ut, si iis videretur, alter eorum ad consules creandos Romam veniret: se in eam diem, quam jussissent, comitia edicturum. Ad hæc a consulibus rescriptum, *Sine detrimento reipublicæ abscedi non posse ab hoste. itaque per interregem comitia habenda esse potius, quam consulum alter a bello advocaretur.* Patribus rectius visum est, dictatorem a consule dici comitiorum habendorum causa. dictus L. Veturius Philo, M. Pomponium Mathonem magistrum equitum dixit. His vitio creatis, jussisque die quartodecimo se magistratu abdicare, ad interregnum res rediit.

U. C. 536.
 A. C. 216.
 Interreges.
 C. Terentius Varro
 consulatus
 candidatus.

Bæbii Trib.
 Pl. oratio in
 nobiles.

XXXIV. Consulibus prorogatum in annum imperium. interreges proditi a Patribus C. Claudius, Ap. filius, Centho, inde P. Cornelius Asina. In ejus interregno comitia habita magno certamine Patrum ac plebis. C. Terentio Varroni, quem, sui generis hominem, plebei insectatione principum popularibusque artibus conciliatum, ab Q. Fabii opibus et dictatorio imperio concussis aliena invidia splendentem, vulgus et⁶⁸ extrahere ad consulatum nitebatur, Patres summa ope obstabant, ne se insectando sibi æquari adsucescerent homines. Q. Bæbii Herennius tribunus plebis, cognatus C. Terentii, criminando non senatum modo, sed etiam augures, quod dictatorem prohibuissent comitia perficere, per invidiam eorum favorem candidato suo conciliabat. *Ab hominibus nobilibus, per multos annos bellum querentibus, Hannibalem in Italiam adductum: ab iisdem, quum debellari possit, fraude id bellum trahi. ⁶⁸ cum quatuor militum legionibus universis pugnari posse adparuisse eo, quod M. Minucius, absente Fabio, prospere pugnasset; duas legiones hosti ad cædem objectas, deinde ex ipsa cæde ereptas, ut pater patronusque adpellaretur; qui prius vincere prohibuisset Romanos, quam vinci. Consules deinde Fabianis artibus, quum debellare possent, bellum traxisse. Id fædus inter omnes nobiles ictum: nec finem ante belli habituros, quam consulem vere plebeium, id est, ⁶⁹ hominem novum, fecissent. nam plebeios*

⁶⁸ etiam Gron. Crev.

⁶⁸ Cum quatuor militum legionibus] Plane hic otiosa est vox militum. Put. codex habet cum quatuor millia legionibus. Suspiciamus rē millia ab imprudente librario additum esse: inde aliquem correxisse militum, quum potius eradere debuisset.

⁶⁹ Hominem novum] Qui nullas

haberet majorum imagines, cujus majores nunquam curulem magistratum gessissent. Inde enim apud Romanos nobilitas. Hinc mox mentio fit plebeiorum nobilium, id est, hominum ex familiis plebeiis, quorum majores curuli sella sederant.

nobiles jam eisdem initiatos esse sacris, et contemnere ple- U. C. 536.
bem, ex quo contemni desierint a Patribus, capisse. ⁷⁰ Cui A. C. 216.
non id adparere, id actum et quæsitum esse, ut interregnum
iniretur, ut in Patrum potestate comitia essent? Id consules
ambos ad exercitum morando quæsisse: id postea, quia invitis
iis dictator esset dictus comitiorum causa, expugnatum esse, ut
vitiosus dictator per augures fieret. Habere igitur interregnum
eos. consulatum unum certe plebis Romana esse: populum libe-
rum habiturum ac daturum ei, qui magis vere vincere, quam
diu imperare, malit.

XXXV: Quum his orationibus accensa plebs esset, tri-
bus patriciis petentibus, P. Cornelio Merenda, L. Manlio
Vulsone*, M. Æmilio Lepido, ⁷¹ duobus nobilibus jam fa-
miliarum plebei, C. Atilio Serrano et Q. Ælio Pæto, quo-
rum alter pontifex, alter augur erat, C. Terentius consul
unus creatur, ut in manu ejus essent comitia rogando colle-
gæ. Tum experta nobilitas, parum fuisse virium in compe-
titoribus, ⁷² L. Æmiliū Paullum, qui cum M. Livio consul
fuerat, et ⁷³ damnatione collegæ, et sua prope, ambustus
evaserat, infestum plebei, diu ac multum recusantem, ad
petitionem compellit. is proximo comitali die, concedenti-
bus omnibus, qui cum Varrone certaverant, par magis in
adversandum, quam collega, datur consuli. Inde prætor
comitia habita. Creati M'. Pomponius Matho et P. Furius C. Terentio,
Philus. Romæ juri dicundo ⁷⁴ urbana sors Pomponio, inter L. Æmilio
cives Romanos et peregrinos P. Furio Philo evenit. Additi II. Coss.
duo prætores, M. Claudius Marcellus in Siciliam, L. Pos- Prætores.
tunius Albinus in Galliam. Omnes absentes creati sunt;
nec cuiquam eorum, præter Terentium consulem, manda-

* Vulsone Gron. Crev.

⁷⁰ Cui non id apparere] Recidenda videtur vocula id: quæ quidem abest ab uno Hearnii codice.

⁷¹ Duobus nobilibus jam familiarum plebei] Magis placeret nobilitum.

⁷² L. Æmiliū Paullum, qui cum M. Livio consul fuerat] Hi consulatum gesserant proximo ante hoc bellum anno.

⁷³ Damnatione collegæ, et sua prope ambustus evaserat] Jungi debent hæc duæ voces sua prope, supple, damnatione. Non enim Paullus damnatus est, ut ex eo patet, quod evasisse dicitur: sed accusatus, ac prope damnatus fuerat. Atque hæc vis est horum verborum, ambustus, semustus.

⁷⁴ Urbana sors] Primo unus prætor creatus fuerat, qui jus in urbe diceret. Vid. supra VI. 42. Postea con-

fluente in urbem multa peregrinorum turba, additus est et alius prætor, partitæque inter ambos jurisdictio, ita ut unus jus civibus diceret, alter inter cives et peregrinos. Ille urbanus prætor dicebatur, hic peregrinus. Urbani prætoris major dignitas erat: is absentibus consulibus senatui præerat, cetera consularia munia obibat. Duos prætores primum Romæ creatos statuunt Pighius et Freinshemius anno ultimo primi Punici belli. Post aliquot annos, id est, secundum eorundem doctissimorum virorum sententiam, anno post decimo sexto, P. Valerio, et M. Regulo consulibus rursus adjecti sunt duo prætores, qui novas provincias populi Romani, Siciliam ac Sardiniam, regerent. Vid. Pomponium de Orig. Juris.

U. C. 536. tus^b honos, quem jam non antea gessisset; præteritis aliquot
A. C. 316. fortibus ac strenuis viris; quia in tali tempore nulli novus
magistratus videbatur mandandus.

XXXVI. Exercitus quoque multiplicati sunt. Quantæ autem peditum equitumque additæ sint copiæ, adeo et numero et genere copiarum variant auctores, ut vix quidquam satis certum adfirmare ausim: Decem millia novorum militum alii scripta in supplementum; alii novas quatuor legiones, ut octo legionibus rem gererent: numero quoque peditum equitumque legiones auctas, millibus peditum et⁷⁵ centenis equitibus in singulas adjectis; ut quina millia peditum, trecenti equites essent; socii duplicem numerum equitum darent, pedites æquarent. Septem et octoginta millia armatorum et ducentos in castris Romanis, quum pugnatum ad Cannas est, ⁷⁶ quidam auctores sunt. Illud haudquaquam discrepat, majore conatu atque inpetu rem actam, quam prioribus annis; quia spem, posse vinci hostem dictator præbuerat. Ceterum, priusquam signa ab urbe novæ legiones moverent, decemviri libros adire atque inspicere jussi propter territos vulgo homines novis prodigiis. nam, et Romæ in Aventino et Ariciæ, nunciatum erat, sub idem tempus lapidibus pluisse: et multo cruore ⁷⁷ signa in Sabinis cædis, aquas e fonte calidas manasse. Id quidem etiam, quod sæpius acciderat, magis terrebat: et in via

^b erat mandatus Gron.

⁷⁵* *Centenis equitibus ... adjectis, ut ... trecenti equites essent*] Hic requirimus Livii diligentiam. † Nihil enim opus fuit adjectione centenarum equitum in singulas legiones, ut trecenti essent. Nam hic sollemnis est numerus, et notatus supra, l. XXI. c. 17. Nisi quis credat in ipso ardore belli, et periculo augescente, imminutum esse superiore anno copiarum numerum: quod sane non est verisimile. Tamen hoc loco Polybium intueri videtur Livius. Necesse est igitur ut ambo aut erraverint, aut male tractati fuerint a librariis.

⁷⁶ *Quidam auctores sunt*] Qui 87200. armatos in castris Romanorum fuisse scribunt, nihil differunt ab iis qui tradiderunt eos octo legionibus rem gessisse, ita auctis, ut essent singulæ 5000. peditum, 300. equitum, cum pari numero sociorum peditum, duplici equitum. Etenim octies quinque millia efficiunt 40000. et adjecto altero tanto sociorum, 80000. peditum. Similiter trecepti equites per octo legiones sunt 2400.

quibus si addas duplicem numerum ab sociis, nempe 4800. erunt 7200. equites. Igitur ableganda est vox *quidam*, et ejus loco reponendum *fuisse*; ita ut una eademque et sententia exponi, et periodus continuari intelligatur ab his usque verbis *alii novas quatuor legiones, ad hæc fuisse auctores sunt*. PERIZONIUS.

⁷⁷ *Signa in Sabinis cædis*] *Loctus* corruptus. Vocem *cædis*, quæ procul dubio vitiosa est, alii alio modo mutant. Jac. Gronovius vult legi *Cereris* nempe *signa*, statuas. J. Frid. Gron. suspicabatur *Cerites*, et referebat ad *aquas*. Hoc fortasse verius. Sed quum aquæ *Cerites* calidæ essent, teste Strabone l. V. non potest haberi pro prodigio eas calidas manasse. Fortasse legendum: *et multo cruore signa in Sabinis, Cerites aquas e fonte cruentas manasse*. Hoc firmari videtur ex eo quod subjicitur: *id quidem etiam, quod sæpius acciderat, magis terrebat*. Supra enim, c. 1. memoratur inter prodigia, *Cerites aquas sanguine mistas fluxisse*.

Fornicata, quæ ⁷⁸ ad Campum erat, aliquot homines de cœlo U. C. 536. tacti exanimatique fuerant. Ea prodigia ex libris procu² A. C. 210. rata. Legati a Pæsto pateras aureas Romam attulerunt. iis, sicut Neapolitanis, gratiæ actæ, aurum non acceptum.

XXXVII. Per eosdem dies ab Hierone classis ⁷⁹ Ostiam cum magno commeatu accessit. Legati Syracusani in se- ^{Legati cum} natum introducti nunciarunt: Cædem C. Flamini consulis ^{donis ab} exercitusque adlatam adeo ægre tulisse regem Hieronem, ut ^{Hierone} nulla sua propria regnique sui clade moveri magis potuerit. ^{Romam} Itaque, quamquam probe sciat, magnitudinem populi Romani ^{missi.} admirabiliorem prope adversis rebus, quam secundis, esse; tamen se omnia, quibus a bonis fidelibusque sociis bella juvare soleant, misisse: quæ ne accipere abnuant, magno opere se Patres conscriptos orare. Jam omnium primum ominis causa ⁸⁰ Victoriæ auream pondo trecentum viginti adferre sese. acciperent eam, tenerentque, et haberent propriam et perpetuam. Adverisse etiam ⁸¹ trecenta millia modium tritici, ducenta hordei, ne commeatus deessent: et, quantum præterea opus esset, quo jussissent, subvecturos. ⁸² Milite atque equite scire, nisi Romano Latinique nominis, non uti populum Romanum: ⁸³ levium armatorum auxilia etiam externa vidisse in castris Romanis. Itaque misisse mille sagittariorum ac funditorum, aptam manum adversus Baliares ac Mauros, pugnacesque alias missili telo gentes. Ad ea dona consilium quoque addebant, Ut prætor, cui provincia Sicilia evenisset, classem in Africam trajiceret; ut et hostes in terra sua bellum haberent, minusque laxamenti daretur iis ad auxilia Hannibali submittenda. Absenatu ita responsum regi est: Virum bonum egregiumque socium Hieronem esse, atque uno tenore, ex quo in amicitiam populi Romani venerit, fidem coluisse, ac rem Romanam omni tempore ac loco munifice adjuvisse. id, perinde ac deberet, gratum populo Romano esse. Aurum et a civitatibus quibusdam adlatum, gratia rei accepta, non accepisse populum Romanum. Victoriæ omenque accipere; sedemque ei se Divæ dare, dicare Capitolium, templum Jovis Optimi Maximi. in ea arce urbis Romanæ sacratam, volentem propitiâque, firmam ac stabilem fore populo Romano. Funditores, sagittarii, et frumen-

78 Ad campum] Martium.

79 Ostiam] Put. et alii codices non spernendi Ostia. Et constat nomen hujus urbis duplici modo efferri, Ostia, æ, et Ostia, orum.

80 Victoriæ auream pondo trecentum viginti] Marcarum nostratium 500.

81 Trecenta millia modium] Modius Romanus minor erat nostro, et

dodrantem ejus paulo plus capiebat. Trecenta millia modium Romanorum æquiparantur modis nostratibus 231250. ducenta millia, nostratibus amplius 154166.

82 * Milite] Pedite: ut supra IV. 59.

83 Levium armatorum] Lege cum Gronovio levium armorum.

U. C. 536. tum traditum consulibus. Quinqueremes ⁸⁴ ad navium
A. C. 216. classem, quæ cum T. Otacilio proprætore ⁸⁵ in Sicilia erant,
Classis auc- quinque et viginti additæ, permissumque est, ut, si e repub-
ta. lica censeret esse, in Africam trajiceret.

Milites ju-
rejurando
adacti.

XXXVIII. Delectu perfecto, consules paucos morati
dies, dum socii ab nomine Latino venirent. ⁸⁶ Milites tunc,
quod numquam antea factum erat, jurejurando ab tribunis
militum adacti, jussu consulum conventuros, neque injussu
abitueros. nam ad eam diem nihil præter sacramentum fue-
rat; et, ubi ad decuriatum aut centuriatum convenissent,
sua voluntate ipsi inter se equites decuriati, centuriati pedi-
tes conjurabant, sese fugæ atque formidinis ergo non abitu-
ros, neque ex ordine recessuros, nisi ⁸⁷ teli sumendi, aut pe-
tendi, et ⁸⁸ aut hostis ferendi, aut civis servandi causa. id
ex voluntario inter ipsos foedere ⁸⁹ a tribunis ad legitimam

⁸⁴ *Ad navium classem*] Videtur ex-
cidisse numeralis nota, quæ indica-
ret, quot navium illa classis esset.

⁸⁵ *In Sicilia erat*] Vulgo *erant*.
Sed verbum melius refertur ad *clas-*
sem. Et *erant* exhibent Andreas et
Campanus, et duo MSS. Hearnii, duo
e nostris.

⁸⁶ *Milites tunc*] Locus intricatus.
Primo enim sacramentum illud *jussu*
consulum conventuros, neque injussu
abitueros, antiquissimum est, nedum
hocce primum tempore institutum
sit; ejusque exstat formula ipsissimis
his verbis concepta l. III. supra, c.
20. Secundo non intelligitur quid sibi
velint hæc verba: *nam ad eam di-*
em nil præter sacramentum fuerat.
Quodnam erit hoc sacramentum, ab
antiqua illa formula diversum? Deni-
que, quum primo dicantur milites ju-
rejurando ab tribunis militum adacti,
jussu consulum conventuros, neque in-
jussu abitueros; postea, ubi res expli-
catur, aliud jusjurandum huic subji-
citur, nempe *fugæ et formidinis ergo*
non abitueros, &c. His tot incommodis
videmur mederi posse, si verba male
trajecta in suum revocaverimus lo-
cum, hoc modo. *Milites tunc, quod*
numquam antea factum fuerat, jure-
jurando ab tribunis militum adacti.
Nam ad eam diem nil præter sacra-
mentum fuerat, jussu consulum con-
venturos, neque injussu abitueros. Et,
sive potius, *At ubi ad decuriatum, &c.*
Vult igitur Livius tum primum mili-
tes a tribunis jurejurando adactos.
Quod autem fuerit illud jusjurandum,
infra exponitur. Nam ad eam diem,
inquit, nil fuerat, nil exigebatur a

militibus, præter solenne illud mili-
tiæ sacramentum, *jussu consulum con-*
venturos, neque injussu abitueros. At
ipsi, ubi pedites in centurias, equites
in decurias ordinati fuerant, sua vo-
luntate inter se jurabant, se fugæ et
formidinis ergo non abitueros, &c.
Hoc igitur illud est jusjurandum, quo
nunc primum a tribunis militum adi-
guntur: quum antea *sacramento tan-*
tummodo, prisco illo et solenni, a tri-
bunis rogarentur, ut ait Frontinus
Strateg. l. IV. c. 1. Ceterum quod
suspiciamus hic luxatum esse duorum
orationis membrorum ordinem inter
se, id mirum iis non accidet qui scient
hujusmodi depravationes, et graviores
etiam, in compluribus scriptis, et in
optimo quoque illo Puteansæ, reperi-
ri: v. g. totam Sucronensis seditionis
narrationem et plurima quæ sequun-
tur, e XXVIII. libro in XXIX. male
translata.

⁸⁷ *Teli sumendi aut petendi*] Quod-
nam inter hæc duo discrimen sit, pla-
ne nos fugit. Legemusne *repetendi*?
nempe ex hostium acie, si in eorum
potestatem venerit, si gladio militis
Romani, aut pilo, aut hasta potiti
sint hostes. An suspicabimur voces
sumendi aut, quas ignorat Frontinus,
spurias esse?

⁸⁸ *Aut hostis*] Put. liber auctior est
una vocula, et *aut hostis*: bene.

⁸⁹ *Ad tribunos et ad legitimam*] Sic
plane habet unus codex Gronovio in-
spectus. Et omnes nostri consentiunt,
nisi quod carent particula *et*. Vulgata
lectio, *a tribunis ad legitimam*, minus
elegans nobis visa est.

jurisjurandi adactionem translatum. Conciones, priusquam U. C. 336. ab urbe signa moverentur, consulis Varronis multas ac fero- A. C. 916. ces fuere, ⁹⁰ denunciantes, bellum arcessitum in Italiam ab nobilibus, mansurumque in visceribus reipublicæ, si plures Fabios imperatores haberet; se, quo die hostem vidiſſet, perfecturum. Collegæ ejus Paulli una, pridie quam ex urbe proficiscerentur, concio fuit verior, quam gravior populo, qua nihil inclementer in Varronem dictum, nisi id modo; *Mirari se, quomodo quis dix, priusquam aut suum, aut hostium exercitum, locorum situm, naturam regionis nosset, ⁹¹ jam nunc locatus in urbe sciret, quæ sibi agenda armato forent; et diem quoque prædicere posset, qua cum hoste signis conlatis esset dimicaturus.* ⁹² *Se, quæ consilia magis res dent hominibus, quam homines rebus, ea ante tempus immatura non præcepturum. optare, ut, quæ caute atque consulte gesta essent, satis prospere evenirent. Temeritatem, præterquam quod stulta sit, infelicem etiam ad id locorum fuisse.* ⁹³ *Id sua sponte adparebat, tanta ceteribus consiliis præpositurum: et, quo id constantius perseveraret, Q. Fabius Maximus sic cum proficiscentem adlocutus fertur:*

XXXIX. *Si aut collegam (id quod mallet) tui similem, Monet Fabius Paul-
L. Æmili, haberes, aut tu collegæ tui similis esses, supervaca- lum.
ma esset oratio mea. nam et duo boni consules, etiam ⁹⁴ me in-
dicente, omnia ⁹⁵ e republica fide vestra faceretis: et mali nec
mea verba auribus vestris, nec consilia animis acciperetis. nunc
et collegam tuum et te talem virum intuenti mihi tecum omnis
oratio est: quem video nequidquam et virum. bonum et civem
fore, si altero parte claudicat respublica. malis consiliis idem
ac bonis juris et potestatis erit. Erras enim, L. Paulle,
si tibi minus certaminis cum C. Terentio, quam cum Hanniba-
le, futurum censes. nescio, an infestior hic adversarius, quam
ille hostis, maneat: cum illo in acie tantum, cum hoc omnibus*

⁹⁰ *Denunciantes]* Unus Hearnii codex, *denunciantis*: quod anteponendum.

⁹¹ *Jam nunc locatus in urbe]* Primo, pro *locatus* legendum videtur *togatus*, quod placuit Mureto. *Togatus* enim apte omnino opponetur *armato*. Quod si admittatur, jam dux illas voces in urbe gloriæ sapient, ac delende erunt.

⁹² *Se, quæ consilia]* Se non prope-
raturum ante tempus immatura ca-
pere consilia, quum ex rebus capienda
hominibus consilia sint, neque illi
tantum sibi arrogare debeant, ut res
ad consiliorum suorum normam et le-
gem componere ac velut per vim tra-

here aggrediantur.

⁹³ *Id sua sponte]* Magis placeret,
et sua sponte, ut respondeat alteri par-
ticulæ et, quas sequitur: et quo id con-
stantius perseveraret.

⁹⁴ *Me indicente]* Me non dicente,
tacente. Verbum *indicente* rarissi-
mum est: eo tamen usus est Teren-
tius in Adelph. Act. III. Sc. 5. *Non
me indicente hæc sunt.* Olim editi:
me tacente. Gronovius quum reperiret
in optimis scriptis *me indigentes*, non
dubitavit rescribere et edere id quod
et nos sequuti sumus.

⁹⁵ *E republica fide vestra]* Legit
Perizonius *fideque vestra*. Et sic so-
let Livius.

U. C. 536. *locis ac temporibus certaturus es: et adversus^c Hannibalem legionesque ejus tuis equitibus ac peditibus pugnandum tibi est: Varro dux tuis militibus te est obpugnaturus.* ⁹⁶ *Ominis etiam tibi causa absit C. Flamini memoria. tamen ille consul demum, et in provincia, et ad exercitum, cepit furere: hic, priusquam peteret consulatum, deinde in petendo consulatu; nunc quoque consul, priusquam castra videat aut hostem, insanit. et, qui tantas jam nunc procellas, praelia atque acies jactando, inter togatos ciet, quid inter armatam juventutem censes facturum, et ubi extemplo verba res sequitur? Atqui si hic, quod facturum se denunciat, extemplo pugnaverit; aut ego rem militarem, belli hoc genus, hostem hunc ignoro, aut nobilior alius Trasimeno locus nostris cladibus erit.* ⁹⁷ *Nec gloriandi tempus adversus unum est; ut ego, contemnendo potius, quam adpetendo, gloriam, modum excesserim. Sed ita res habet. una ratio belli gerendi adversus Hannibalem est, qua ego gessi. nec eventus modo hoc docet, (stultorum iste magister est) sed eadem ratio, quæ fuit, futuraque, donec res eadem^d manebunt, immutabilis est. In Italia bellum gerimus, in sede ac solo nostro. omnia circa plena civium ac sociorum sunt. armis, viris, equis, com meatibus juvant, jurabuntque.* ⁹⁸ *Id jam fidei documentum in adversis rebus nostris dederunt. meliores, prudentiores, constan- tiores nos tempus diesque facit. Hannibal contra in aliena, in hostili est terra, inter omnia inimica infestaque, procul ab domo, procul ab patria. neque illi terra, neque mari est pax: nulla eum urbes accipiunt, nulla mœnia: nihil usquam sui videt: in diem rapto vivit. Partem vix tertiam exercitus ejus habet, quem Iberum amnem trajecit. plures fames, quam ferrum, absumsit: nec his paucis jam victus suppeditat. Dubitas ergo, quin sedendo superaturi simus eum, qui senescat in dies? non commeatus^e, non pecuniam habeat?* ⁹⁹ *Quamdiu pro Geronii, castelli Apuliæ in- opis, tamquam pro Karthaginis mœnibus? Sed ne adversus te quidem ego gloriabor. Cn. Servilius¹ atque Atilius, proximi*

^c *adversum* Gron. Crev. Eæd.

^d *eadem res* Eæd.

^e *non supplementum*

⁹⁶ *Ominis etiam tibi causa]* Quia de Flaminio dicturus est, cujus mentio ominosa videri poterat, prius, ex familiari antiquis more, infaustum illud omen deprecatur.

⁹⁷ *Nec gloriandi tempus adversus unum est, ut]* *Adversus unum*, coram uno, uno teste. Deinde *ut* mutandum est in *et*. Duplici ex capite suspicionem arrogantiae a se amolitur Fabius, quod nec coram uno gloriandi tempus sit, et ipse eo sit animo, qui gloriam parvi pendat.

⁹⁸ *Id jam fidei documentum .. de-*

derunt] *Id* intellige per epiphonema. Dubitare non possumus quin socii nos adjuturi sint, post talia ab iis fidei documenta data.

⁹⁹ *Quamdiu pro Geronii ... mœnibus]* Supple, sedet, consenescit; vel, si mavis, eum detinui. Fortasse melius esset admittere conjecturam Vallæ et Gronovii: *Quamdiu pro Geronii ... mœnibus sedet? Ne adversus te quidem.*

¹ *Atque Atilius]* Forte et M. Atilius.

consules, vide, quemadmodum eum ludificati sint. Hæc una U. C. 536. salutis est via, L. Paulle, quam difficilem infestamque cives A. C. 216. sibi magis, quam hostes, facient. Idem enim tui, quod hostium milites, volent: idem Varro, consul Romanus, quod Hannibal, Pænus imperator, cupiet. duobus ducibus unus resistas, oportet: resistes autem, adversus famam rumoresque hominum si satis firmus steteris: si te neque collegæ vana gloria, neque tua falsa infamia moverit. Veritatem ² laborare nimis sæpe, aiunt, extinguere numquam. Gloriam qui spreverit, veram habebit. Sine, timidum pro cauto, tardum pro considerato, inbellem pro perito belli vocent. malo te sapiens hostis metuat, quam stulti cives laudent. Omnia audentem contemnet Hannibal; nil temere agentem metuet. Nec ego, ut nihil agatur, moneo; sed ut agentem te ratio ducat, non fortuna: tuæ potestatis semper, tuæque omnia sint. armatus intentusque sis, neque occasione tuæ desis, neque suam occasionem hosti des. Omnia non properanti clara certaque erunt. festinatio improvida est et cæca.

XL. Adversus ea oratio consulis haud sane læta fuit, magis fatentis, ea, quæ diceret, vera, quam facilia factu, esse. Dictatori magistrum equitum intolerabilem fuisse; ³ quid consuli Paulli res- adversus collegam seditiosum ac temerarium virium atque sponsum. auctoritatis fore? ⁴ Se populare incendium priore consulatu semiustum effugisse: optare, ut omnia prospere evenirent. at, si quid adversi caderet, hostium se telis potius, quam suffragiis iratorum civium, caput objecturum. Ab hoc sermone profectum Paullum tradunt, prosequentibus primoribus Patrum. Plebeium consulem sua plebes prosecuta, turba, quam dignitate, conspectior. Ut in castra venerunt, permixto novo exercitu ac vetere, castris bifariam factis, ut nova minora essent propius Hannibalem, in veteribus major pars et omne robur virium esset; ⁵ tum consulum anni prioris M. Atilium, ætatem excusantem, Romam miserunt; Geminum Servilium in minoribus castris legioni Romanæ et socium peditem equitumque duobus millibus præficiunt. Hannibal, Hannibalis quamquam parte dimidia auctas hostium copias cernebat, angustiae. tamen adventu consulum mire gaudere. non solum enim nihil ex raptis in diem com meatibus superabat, sed ne, unde raperet, quidem quidquam reliqui erat, omni undique frumento, postquam ager parum tutus erat, in urbes munitas

² Laborare] Defectum, vel deliquium pati. Notum est illud Virgilii, *Lunæque labores*. Hunc esse hoc loco sensum verbi laborare, probat id quod sequitur, *extinguere nunquam*.

³ Quid consuli .. virium] Sigonio et Florebello debetur hujus loci emendatio. Antea legebatur: *quid consilii adversus collegam seditiosum*

ac temerarium virum. Sigonius protulit *et virium* ex vet. libro. Consuli est a Florebello conjectura.

⁴ *Se populare incendium] Sub hac metaphora designat populi iudicium, quo pene damnatus fuerat.

⁵ Tum consulum] Put. codex omittit *tum*. Et sane quid ea voce hic opus?

U. C. 536. convecto: ut vix decem dierum (quod compertum postea
A. C. 216. est) frumentum superesset, Hispanorumque ob inopiam
transitio parata fuerit, si maturitas temporum expectata fo-
ret.

Pabulatores
Pœnos cœ-
dunt Roma-
ni.

Hannibalis
insidiæ.

XLI. Ceterum temeritati consulis ac præpropere ingenio materiam etiam fortuna dedit: quod in prohibendis præda- toribus tumultuario proelio, ac procursu magis militum, quam ex præparato aut jussu imperatorum, orto, haudqua- quam par Pœnis dimicatio fuit. ad mille et septingenti¹ cæ- si, non plus centum Romanorum sociorumque occisis. cete- rum victoribus effuse sequentibus metu insidiarum obstitit Paullus consul; cujus ea die (nam alternis imperitabant) imperium erat, Varrone indignante ac vociferante, emissum hostem e manibus; debellarique, ni cessatum foret, potuis- se. Hannibal id damnum haud ægerrime pati: quin potius credere, velut inescatam temeritatem ferocioris consulis ac novorum maxime militum esse. et omnia ei hostium, haud secus quam sua, nota erant: dissimiles discordesque impe- ritare, duas prope partes tironum militum in exercitu esse. Itaque, locum et tempus insidiis aptum se habere ratus, nocte proxima nihil præter arripa ferentes secum milites du- cens, castra plena⁶ omnis fortunæ publicæ privatæque re- linquit; transque proximos montes læva pedites instructos condit, dextra equites,⁷ impedimenta per convallem, medium agmen, traducit: ut diripiendis velut desertis fuga domino- rum castris occupatum inpeditumque hostem obprimeret. Crebri relictis in castris ignes, ut fides fieret, dum ipse lon- gius spatium fuga præciperet, falsa imagine castrorum (sicut Fabium priore anno frustratus esset) tenere in locis consules voluisse.

XLII. Ubi inluxit, subductæ primo stationes, deinde propius adeuntibus insolitum silentium admirationem fecit. Jam satis comperta solitudine, in castris concursus fit ad prætoria consulum, nunciantium fugam hostium adeo tre- pidam, ut, tabernaculis stantibus, castra reliquerint: quoque fuga obscurior esset, crebros etiam relictos ignes. Clamor inde ortus, ut signa proferri juberent, ducerentque ad per- sequendos hostes, ac protinus castra diripienda. Et consul alter velut unus turbæ militaris erat. Paullus etiam atque etiam dicere, providendum præcavendumque esse. postremo,

¹ septingentos Gron. Crev.

6 * *Omnis fortuna, publicæ privatæ- que*] Intelligit omnia cara, ut infra loquitur Livius, sive quæ reipublicæ Carthaginensium essent, sive quæ singulorum militum ac ducum.

7. *Inpedimenta per convallem, me- dium agmen, traducit*] Traducit per

convallem impedimenta, quod erat medium agmen. Videtur innuere Livius equitatum ac peditatum ipsos superasse montes: sola impedimen- ta, ut quæ gravioris sunt moliminis, traducta per convallem, longiore cir- cuitu.

quum aliter neque seditiōnem neque ducem seditiōnis susti-^{U. C. 536.}
nere posset, Marium Statillum præfectum cum turma Lu-^{A. C. 216.}
cana exploratum mittit. qui, ubi adequitavit portis, sub-
sistere extra munimenta ceteris jussis, ipse cum duobus
equitibus vallum intravit: speculatusque omnia cum cura
renunciat, insidias profecto esse: ignes in parte castrorum,
quæ vergat in hostem; relictos: tabernacula aperta, et om-
nia cata in promptu relicta: argentum quibusdam locis te-
mere per vias, velut objectum ad prædam, vidisse. Quæ ad
deterrendos à cupiditate animos nunciata erant; ea accende-
runt; et, clamore orto a militibus, *ni signum datur, sine du-*
cibus ituros, haudquaquam dux defuit. nam extemplo Varro
signum dedit proficiscendi. Paullus, quum ei sua sponte
cunctanti ⁸ pulsi quoque auspicio non addixissent, ⁹ obnun-
ciari jam efferenti porta signa collegæ jussit. quod quam-
quam Varro segrè est passus, Flamini tamen recens casus,
¹⁰ Claudique consulis primo Punico bello memorata navalis
clades, religionem animo incussit. Di prope ipsi eo die
magis distulere, quam prohibere, imminentem pestem Ro-
manis. nam forte ita evenit, ut, quum referri signa in castra
jubenti consuli milites non parerent: servi duo, Formiani ^{Deprehen-}
unus, alter Sidicini equitis, qui, Servilio atque Atilio consu-^{duntur.}
libus, inter pabulatores excepti a Numidis fuerant; profuge-
rent eo die ad dominos: qui deducti ad consules ¹¹ nun-
ciant; omnem exercitum Hannibalis trans proximos mon-
tes sedere in insidiis. Horum opportunitas adventus consules
imperii potentes fecit, quum ¹² ambitio alterius suam pri-
mum apud eos prava indulgentia majestatem solvisset.

XLIII. Hannibal, postquam motos magis inconsulte
Romanos, quam ad ultimum temere evectos, vidit; ¹³ ne-
quidquam, detecta fraude, in castra rediit. Ibi plures dies
propter inopiam frumenti manere nequibat; novaque con-
silia in dies non apud milites solum, mixtos ex conluvione
omnium gentium, sed etiam apud ipsum ducem, oriebantur.
nam quum initio fremitus, deinde aperta vociferatio ^{Hannibalis}
fuisset exposcentium stipendium debitum, querentiumque ^{inopia et}
annonam primo, postremo famem; et mercenarios milites, ^{anxietas.}

⁸ denunciant Gron.

⁸ Pulsi] Vid. not. 63. ad c. 40. l. X.

⁹ Obnunciari] Nunciari, auspicia infusta esse, nec proinde licere quidquam rei novæ aggredi.

¹⁰ Claudii .. consulis .. navalis clades] Ejus qui pullos, quoniam non pascabantur, in mare præcipitari jussit, ut *hiberent, quando esse nollent.*

¹¹ Nunciant] Vulgo *denunciant*:

quod verbum est potestatis aut minarum. Correximus ex auctoritate complurium scriptorum.

¹² Ambitio] Cura ambiendi et aucupandi militum favoris per assentationem et indecorum obsequium.

¹³ Nequidquam rediit] Re infecta rediit. Sic apud Sall. in bello Jugurth. c. 25. *Legati frustra discessere.*

U. C. 536. maxime Hispani generis, de transitione cepisse consilium
 A. C. 216. fama esset: ipse etiam interdum Hannibal de fuga in Gal-
 liam dicitur agitasse, ita ut, relicto peditatu omni, cum
 equitibus se proriperet. Quum hæc consilia atque hic ha-
 bitus animorum esset in castris, movere inde statuit, in ca-
 lidiora atque eo maturiora messibus Apuliæ loca: simul ut,
 quo longius ab hoste recessisset, transfugia inpeditiora levi-
 bus ingeniis essent. Profectus est nocte, ignibus similiter
 factis, tabernaculisque paucis in speciem relictis, ut insidia-
 rum par priori metus contineret Romanos. Sed, per eum-
 dem Lucanum Statilium, omnibus ultra castra transque
 montes exploratis, quum relatum esset, visum procul hos-
 tium agmen; tum de insequendo eo consilia agitari cœpta.
 Quum utriusque consulis eadem, quæ semper ante, fuisset
 sententia; ceterum Varroni fere omnes, Paulo nemo, præ-
 ter Servilium prioris anni consulem, adsentiretur; majoris
 partis sententia ad nobilitandas clade Romana Cannas, ur-
 guente fato, profecti sunt. Prope eum vicum Hannibal cas-
 tra posuerat aversa a Vulturno vento, qui campis torridis
 siccitate nubes pulveris vehit. id quum ipsis castris percom-
 modum fuit, tum salutare præcipue futurum erat, quum
 aciem dirigerent, ipsi aversi, terga tantum adflante vento,
 in obcæcatum pulvere effuso hostem pugnaturi.

Castra mo-
vet.

Ad Cannas
castra po-
nit.

Romani bi-
na castra
muniunt.

Discordia
Coss.

XLIV. Consules, satis exploratis itineribus, sequentes
 Pœnum, ut ventum ad Cannas est, ¹⁴ ubi in conspectu Pœ-
 num habebant, bina castra communiunt, eodem ferme in-
 tervallo, quo ad Geronium, sicut ante, copiis divisus. ¹⁵ Au-
 fidus amnis, utrisque castris adfluens, aditum aquatoribus
 ex sua cujusque opportunitate haud sine certamine dabat.
 ex minoribus tamen castris, ¹⁶ quæ posita trans Aufidum
 erant, liberius aquabantur Romani, quia ripa ulterior nul-
 lum habebat hostium præsidium. Hannibal spem nactus,
 locis natis ad equestrem pugnam, qua parte virium invictus
 erat, facturos copiam pugnandi consules, dirigit aciem, la-
 cessitque Numidarum procursatione hostes. Inde rursus
 sollicitari seditione militari ac discordia consulum Romana
 castra: quum Paullus Sempronique et Flamini temerita-
 tem Varroni, Varro ¹⁷ speciosum timidis ac segnibus duci-

¹⁴ *Ubi in conspectu*] Plurimi MSS. *ut in conspectu. Lege et in conspec-
tu.*

¹⁵ *Aufidus amnis utrisque castris
affluens*] Utrisque castris Romano-
rum, quæ hoc flumine interjecto di-
videbantur.

¹⁶ *Quæ posita trans Aufidum erant*] In ripa ad Ortum spectante, ac pro-
inde trans Aufidum, si ratio habeatur

Pœnorum, qui in ripa ad Occasum
vergente erant, ut et majora castra
Romanorum.

¹⁷ *Speciosum .. exemplum Fabium
objiceret*] Elegans appositio, quam
firmat unius vel optimi codicis a Jac.
Gronovio inspecti, et Puteanæi quo-
que, duorumque e regiis auctoritas.
Vulgo legitur *Fabii*, quod præ illo al-
tero sordet.

bus exemplum Fabium^a objiceret: testareturque Deos hominesque hic, nullam penes se culpam esse, quod Hannibal jam velut usucepisset Italiam; se constrictum a collega teneri; ferrum atque arma iratis et pugnare cupientibus adinui militibus: ille, si quid projectis ac proditis ad inconsultam atque improvidam pugnam legionibus accideret, se omnis culpæ exsertem, omnis eventus participem fore diceret. videret, ut, quibus lingua tam prompta ac temeraria, æque in pugna vigerent manus.

XLV. Dum altercationibus magis, quam consiliis, tempus teritur, Hannibal ex acie, quam ad multum diei tenerat instructam, quum in castra ceteras reciperet copias, Numidas ad invadendos ex minoribus castris Romanorum aquatores trans flumen mittit. quam inconditam turbam quum vixdum in ripam egressi clamore ac tumultu fugassent, in stationem quoque pro vallo locatam atque ipsas prope portas evecti sunt. Id vero indignum visum, ab tumultuario¹⁸ auxilio jam etiam castra Romana terreri: ut ea modo una causa, ne extemplo transirent flumen, dirigerentque aciem, tenerit Romanos, quod summa imperii eo die penes Paullum fuerit. Itaque Varro postero die, cui sors ejus diei imperii erat, nihil consulto collega,¹⁹ signum pugnae proposuit, instructasque copias²⁰ flumen traduxit, sequente Paulo; quia magis non probare, quam non adjuvare, consilium poterat. Transgressi flumen eas quoque, quas in castris minoribus habuerant, copias suis adjungunt: atque ita instructa acie, in dextro cornu (id erat flumini propius) Romanos equites locant, deinde pedites: lævum cornu extremi equites sociorum, intra pedites, ad medium juncti legionibus Romanis²¹ tenuerunt jaculatores. ex ceteris levium armorum auxiliis prima acies facta. Consules cornua tenuerunt; Terentius lævum, Æmilius dextrum. Geminio Servilio media pugna tuenda data.

XLVI. Hannibal luce prima, Baliaribus levique alia armatura præmissa, transgressus flumen, ut quosque traduxerat, ita in acie locabat. Gallos Hispanosque equites prope ripam lævo in cornu adversus Romanum equitatum: dex-

^a Fabii Gron.

18 *Auxilio*] Numidis auxiliaribus.

19 *Signum pugnae proposuit*] Sagum purpureum, quod super prætorium expanderetur. Plut. in Fab.

20 *Flumen traduxit*] Uterque exercitus fluvium trajecit, quod commodior esset illic campus ad instruendam aciem. CLERICUS.

21 *Tenuerunt jaculatores*] Omnino interpungendum est post verbum tenuerunt, ut Gronovio placuit. In dextro cornu erant Romani equites, de-

inde pedites Romani. Lævum cornu: extremum tenebant equites sociorum: intra, sive interius, erant pedites sociorum, qui ad medium attingebant pedites Romanos. Quæ sequuntur, sic format Gronovius: *jaculatores, et cetera levium armorum auxilia, prima acies facta*. Nimirum in fronte, modico intervallo a gravi armatura, locatum est quidquid levis armaturæ erat. Atque ita narrat Polyb.

U. C. 536. **trum cornu Numidis equitibus datum, media acie peditibus**
 A. C. 216. **firmata;** ²² ita, ut Afrorum utraque cornua essent, interpo-
 nerentur his medii Galli atque Hispani. Afros Romanam
 magna ex parte crederes aciem: ita armati erant, armis et
 ad Trebiam, ceterum magna ex parte ad Trasimenum cap-
 tis. Gallis Hispanisque scuta ejusdem formæ fere erant:
 dispares ac dissimiles gladii: Gallis prælongi ac sine mu-
 cronibus: Hispano, punctim magis, quam cæsim, adsueto
 petere hostem, brevitare habiles et cum mucronibus. ²³ ante
 ceteros habitus gentium harum tum magnitudine corporum,
 tum specie terribilis erat. Galli super umbilicum erant nu-
 di: Hispani linteis prætextis purpura tunicis, candore miro
 fulgentibus, constiterant. Numerus omnium peditum, qui
 tum steterunt in acie, millium fuit quadraginta, decem equi-
 tum. Duces cornibus præerant: sinistro Hasdrubal, dex-
 tro Maharbal: mediam aciem Hannibal ipse cum fratre
 Magone tenuit. ²⁴ Sol, seu de industria ita locatis, seu quod
 forte ita starent, peropportune utrique parti obliquus erat,
 Romanis in meridiem, Poenis in septentrionem versis.
²⁵ ventus, (Vulturum incolæ regionis vocant) adversus
 Romanis coortus, multo pulvere in ipsa ora volvendo pro-
 spectum ademit.

Prælium
 committi-
 tur.

XLVII. Clamore sublato, procursum ab auxiliis, et pug-
 na levibus primum armis commissa: deinde equitum Gal-
 lorum Hispanorumque lævum cornu cum dextro Romano
 concurrat, minime equestri more pugnae: frontibus enim
 adversis concurrendum erat, quia, nullo circa ad evagan-
 dum relicto spatio, hinc amnis, hinc peditum acies ²⁶ clau-
 debant in directum utrimque nitentes. Stantibus ac con-
 fertis postremo turba equis, vir virum amplexus detrahebat
 equo. pedestre magna jam ex parte certamen factum erat:
 acrius tamen, quam diutius, pugnatum est; pulsique Ro-
 mani equites terga vertunt. Sub equestri finem certami-

¹ ventus, quem Vulturum vocant, Gron.

²² Ita ut Afrorum utraque cornua
 essent] Ita ut utraque cornua, media
 aciei Afri pedites tenerent, cingentes
 hinc et inde latera Gallorum Hispano-
 rumque peditum.

²³ Ante ceteros habitus harum gen-
 tium] Hoc ab Grutero esse docet Gron-
 ovius. Sensus non ineptus, Ceterum
 hæc non videtur esse vera Livii scrip-
 tura. MSS. enim in alia omnia abe-
 unt. Sed quum hic omnes deformati
 sint, ante talia Hannibalis, vel Han-
 nimæ, aut eum similibus ludibriis,
 quod editum reperimus, manere si-
 vivimus. Larent. Valla conjiciebat,
 Ante alia habitus, vel Inter alia ipse

habitus. Lipsius: Ante alia ornatus,
 vel adpectus. Gronovius, propius ad
 scriptæ lectionis vestigia: sane et a-
 lius habitus.

²⁴ Sol, , utrique parti obliquus erat]
 Sol exorians: quod diserte expressit
 Polybius.

²⁵ Ventus, Vulturum incolæ vo-
 cant] Vulgo quem Vulturum. Sed eò
 quem ignorant tres optimi codices:
 et sic sæpe amat loqui Livius.

²⁶ Claudabant . . . nitentes] Clau-
 debant hinc Romanos, inde Gallos
 Hispanosque equites, qui proinde co-
 gebantur in directum frontibus ad-
 versis niti.

nis coorta est peditum pugna. primo et viribus et animis U. C. 536. pares constabant ordines Gallis Hispanisque: tandem Ro. A. C. 216. mani, ²⁷ diu ac sæpe connisi, æqua fronte acieque densa impulere hostium cuneum nimis tenuem, eoque parum validum, a cetera prominentem acie. impulsis deinde ac trepide referentibus pedem insistere: ac tenore uno per præceptum pavore fugientium agmen in mediam primum aciem inlati, postremo, nullo resistente, ad subsidia Afrorum pervenerunt; ²⁸ qui utrimque reductis alis constiterant, media, qua Galli Hispanique steterant^k, aliquantum prominente acie: ²⁹ qui cuneus ut pulsus æquavit frontem primum, deinde nitendo etiam sinum in medio dedit, Afri circa jam cornua fecerant; inruentibusque incaute in medium Romanis, circumdedere alas: mox, cornua extendendo, clausere et ab tergo hostes. Hinc Romani, defuncti nequidquam proelio uno, omissis Gallis Hispanisque, quorum terga ceciderant, ³⁰ etiam adversus Afros integram pugnam ineunt, non tantum eo iniquam, quod inclusi adversus circumfusus, sed etiam quod fessi cum recentibus ac vegetis pugnabant.

XLVIII. ³¹ Jam et in sinistro cornu Romano^l, ubi sociorum equites adversus Numidas steterant, consertum proelium erat, segne primo, et a Punica coeptum fraude. Quingenti ferme Numidæ, ³² præter solita^m arma telaque, gladios occultos sub loriceis habentes, specie transfugarum quam ab suis, parmas post terga habentes, adequitassent, repente ex equis desiliunt; parmisque et jaculis ante pedes hostium projectis, in mediam aciem accepti, ductique ad ultimos, considerare ab tergo jubentur; ac, dum proelium ab omni parte conseritur, quieti manserunt. postquam omnium animos oculosque occupaverat certamen, tum, adreptis scu-

^k steterunt Gron. Crev.

^l Romanis Crev.

^m justa Gron. Crev.

²⁷ *Diu ac sæpe connisi*] Hunc locum feliciter emendavere partim ex scriptis, partim ex conjectura, Lipsius et Gronovius. Olim editi: *diu ac sæpe consilio agitabant, qua fronte acieque densa impellerent hostem, cuneum . . a ceteris prominentem acie.*

²⁸ *Qui utrimque reductis alis constiterant*] Qui ita constiterant, ut efficerent utrimque alas introrsum reductas ac velut retractas, Gallorum Hispanorumque acie ultra illas alas non parum prominente. Quæ prius vocavit Livius *cornua*, dum dicit utraque cornua Afrorum fuisse, hic *alas* vocat. In iis quæ sequuntur hæ eadem voces rursus promiscue usurpantur.

²⁹ *Qui cuneus*] Cuneo illo, qui a cetera prominebat acie, pulsus a Romanis, æquatus primum est fronte aciei Punice:

deinde, quum niterentur ulterius Romani, etiam sinuata ac velut excavata in medio est Punica acies.

³⁰ *Etiam adversus Afros*] Plerique ex scriptis nostris et adversis. Nos suspicamur potius *et* et superesse, legendumque *jam adversus Afros.*

³¹ *Jam et in sinistro cornu Romano*] Jam Romanis et in suo quoque sinistro cornu consertum prælium erat. Hic vulgo editur, *Romano*. Sed nulli scripti sic habent; plerique, *Romani*; nonnulli, Gronovio teste, quibus accedit unus ex nostris, quem admodum edidimus, *Romanis.*

³² *Præter justa arma*] Hoc debetur Gronovio. Vulgati habent *præter consueti arma*: scripti *præterita arma.*

U. C. 536. tis, quæ passim inter acervos cæsorū corporum strata
A. C. 216. erant, aversam adoriuntur Romanam aciem; tergaque ferientes, ac poplites cædentes, stragem ingentem, ac majorem aliquanto pavorem ac tumultum, fecerunt. Quum alibi terror ac fuga, alibi pertinax in mala jam spe prælium esset; ³³ Hasdrubal, qui ea parte præerat, subductos ex media acie Numidas, quia segnis eorum cum adversis pugna erat, ad persequendos passim fugientes mittit: Hispanos et Gallos pedites, jam Afris prope fessis, cæde magis quam pugna, adjungit.

Vincit Hannibal. XLIX. Parte altera pugnae Paullus, quamquam primo statim prælio funda graviter ictus fuerat, tamen et obcurrit sæpe cum confertis Hannibali, et aliquot locis prælium restituit, ³⁴ protegentibus eum equitibus Romanis; omissis postremo equis, quia consulem et ad regendum equum vires deficiebant. tum ³⁵ denunciante cuidam, jussisse consulem ad pedes descendere equites, dixisse Hannibalem ferunt: ³⁶ *Quam mallem, victos mihi traderet!* ³⁷ Equitum pedestre prælium, quale jam haud dubia hostium victoria, fuit; quum victi mori in vestigio mallent, quam fugere; victores, morantibus victoriam irati, trucidarent, quos pellere non poterant. pepulerunt tamen jam paucos superantes, et labore ac vulneribus fessos. Inde dissipati omnes sunt, equosque ad fugam, qui poterant, repetebant. Cn. Lentulus tribunus militum, quum, prætervehens equo, sedentem in saxo cruore oppletum consulem vidisset: L. Æmili, inquit, ³⁸ *quem unum insontem culpæ cladis hodiernæ Diī respicere debent, cape hunc equum. dum et tibi virium aliquid superest, comes ego te tollere possum ac protegere. ne funestam*

³³ *Asdrubal, qui ea parte præerat]* Hæc et quæ sequuntur omnino corrupta sunt, et pro deploratis habenda. Primo enim Asdrubal non hac parte, sed læva præerat. Deinde quonam modo subduci possunt ex media acie Numidæ, qui in dextro cornu locati fuerant? Postremo quid necesse est adjungi Afris in media acie Gallos Hispanosque pedites, qui in ea semper fuere? Rem clare ex Polybio discimus. Asdrubal, qui in lævo cornu Hispanis Gallisque equitibus præerat, quum occisione occidisset Romanum equitatum, transiit in dextrum cornu, et conjunctus Numidis sociorum equites in fugam vertit. Eos deinde persequendos cædendosque permittit Numidis. Ipse cum suis Gallis Hispanisque equitibus Romanos pedites cum Afris tum maxime pugnantes a tergo invadit. Hoc procul dubio voluerat Livius. Sed ad hunc sensum

ejus verba refingere sine librorum ope frustra tentaverimus.

³⁴ *Protegentibus eum equitibus Romanis, omissis postremo equis]* Protegentibus eum equitibus: qui quidem postremo omisere equos.

³⁵ *Denunciante]* Magis placeret denunciante. Vid. not. 11. ad c. 42. supra.

³⁶ *Quam mallem victos mihi traderet]* Hæc ironice accipienda, quasi diceret Annibal: Mallem enim vero eos mihi victos traderet: cur non eos mihi victos tradit? Hoc unum superest, quo victoriam meam adjuvare possit.

³⁷ *Equitum pedestre prælium]* Equitum, qui ad pedes descenderant, pugna talis fuit, qualis esse poterat, quum haud dubia jam esset hostium victoria.

³⁸ *Quem unum insontem . . . diī respicere debent]* Quem unum diī propitio vultu intueri debent, quia unus es insons culpæ cladis hodiernæ.

hanc pugnam morte consulis feceris. Etiam sine hoc lacrima- U. C. 586.
rum satis luctusque est. Ad ea consul: Tu quidem, Cn. Cor- A. C. 216.
neli, macte virtute esto! Sed cave, frustra miserando exiguum L. Æmilii
tempus e manibus hostium evadendi absumus. Abi, nuncia Cos. postre-
ma verba.
publice Patribus, urbem Romanam^a muniant, ac³⁹ prius,
quam hostis victor adveniat, præsidiis firment: privatimque
Q. Fabio, L. Æmilium præceptorum ejus memorem et virisse,
et adhuc mori, ⁴⁰ Me^o in hac strage militum meorum patere
expirare, ne aut reus iterum e consulatu sim, aut accusator
collegæ exsistam, ut alieno crimine innocentiam meam prote-
gam. Hæc exigentes prius turba fugientium civium, dein-
de hostes, obpressere: consulem, ignorantes quis esset, ob-
ruere telis: Lentulum inter tumultum abripuit equus. tum
inde effuse fugiunt. Septem millia hominum in minora
castra, decem in majora, duo ferme in vicum ipsum Cannas
perfugerunt: qui extemplo a Karthalone atque equitibus,
nullo munimento tegente vicum, circumventi sunt. Con-
sul alter, seu forte, seu consilio, ⁴¹ nulli fugientium infestus
agmini, cum septuaginta fere equitibus ⁴² Venusiam perfugit^p. Clades
⁴³ *Quadraginta millia peditum, duo millia septingenti equi-* quanta fu-
tes, ⁴⁴ et tanta prope civium sociorumque pars, cæsi dicun- erit.
tur; in his ambo consulum quæstores L. Atilius et L. Fu-
rius Bibaculus: unus et viginti tribuni militum; consulares
quidam prætoriique et ædilicii: ⁴⁵ inter eos Cn. Servilium
Geminum^q et M. Minucium numerant, qui magister equi-
tum priore anno, aliquot ante consul fuerat^r: octoginta
præterea aut senatores, ⁴⁶ aut qui eos magistratus gessissent,

^a *Romam* Gron. Crev. ^o *Tu me* Eæd. ^p *profugit* Gron. ^q *Geminum*
 del. Gron. ^r *consul aliquot annis ante fuerat* Gron. Crev.

39 *Priusquam hostis adveniat*] Put. liber *advenit*: elegantius.

40 *Me in hac strage*] Turba editorum, *Tu me*, contra scriptorum, sive Gronovianorum, sive nostrorum fidem. Et vero illud *tu* respuit bene intellecta hujus oratiunculæ mens, quæ tribus partibus constat, quarum prima ad Lentulum dirigitur, secunda ad publicas de Roma et imperio curas, in tertia se ipse respicit Æmilii: unde consequens est, ut postremæ hujus partis prima vox sit *Me*, quæ statim admoneat jam de se consulem loqui incipere.

41 *Nulli fugientium infestus agmini*] Vitium est in voce *infestus*. Nihil melius occurrit, quam quod conjicit Gronovius, *immistus*.

42 *Venusiam perfugit*] Vulgo *profugit*. Illud alterum, quod tenent optimi codices, magis proprium visum est.

43 *Quadraginta millia peditum*] Quamplurimi scripti habent *XLV*. Put. vero *XXXXV*. *D.* id est, quadraginta quinque millia quingentos, *pedites*. Hoc amplectimur. Passim enim ubi de Cannensi pugna agitur, quinquaginta Romanorum millia cæsa dicuntur.

44 *Et tanta prope*] Si hæc sana sunt, *tanta* hic sumitur pro *æque magna, æqualis*: ut sensus sit, parem civium sociorumque numerum cecidisse.

45 *Inter eos Cn. Servilium Geminum et M. Minucium numerant, qui magister equitum priore anno, consul aliquot annis ante fuerat*] Totam hanc periodum misere deformatam refinxit Gronovius. Adjecit vocem *consul*, idque ratione evidentissima. Cetera sunt e scriptis. M. Minutius consul fuerat sexto ante anno.

46 *Aut qui eos magistratus gessissent*]

U. C. 536. unde in senatum legi deberent, quum sua voluntate milites
A. C. 216. in legionibus facti essent. Capta eo proello tria millia ped-
ditum et equiles trecenti dicuntur.

Canusium
multi Ro-
manorum
fugiant.

L. Hæc est pugna Cannensis, Alliensis cladis nobilitate
par: ceterum ut illis, quæ post pugnam accideret, levior,
quia ad hoste cessatum est; sic strage exercitus gravior fœ-
diorque. fuga namque ad Alliam sicut urbem prodidit, ita
exercitum servavit: ad Cannas fugientem consulem vix
septuaginta secuti sunt: ⁴⁷ alterius morientis prope totus
exercitus fuit. Binis in castris quum multitudo semiermis
sine ducibus esset, ⁴⁸ nuncium, qui in majoribus erat, mit-
tunt; *dum prælio, deinde ex lætitiâ epulis fatigatus quies noc-
turna hostes premeret, ut ad se transirent: uno agmine Canu-
sium abituros esse.* Eam sententiam alii totam adspernari:
*Cur enim illos, qui se accessant, ipsos non venire, quum æque
conjugi possent? quia videlicet plena hostium omnia in me-
dio essent: et aliorum, quam sua, corpora tanto periculo mal-
lent objicere.* Aliis non tam sententiâ displicere, quam ani-
mus deesse. P. Sempronius Tuditanus tribunus militum,
*Capi ergo mavultis, inquit, ab avarissimo et crudelissimo hos-
te, æstimarique capita vestra, et exquiri pretiâ ab interrogan-
tibus, Romanus civis sis, an Latinus socius, ⁴⁹ ut ex tua con-
tumeliâ et miseriâ alteri honos quaeratur? ⁵⁰ Non tu: si qui-
dem L. Æmilii consulis, qui se bene mori, quam turpiter vive-
re, maluit, et tot fortissimorum virorum, qui circa eum cumu-
lati jacent, cives estis. Sed ante, quam obprimat lux, majora-
que hostium agmina obsepunt iter, per hos, qui inordinati at-
que incompositi obstrepunt portis, erumpamus. Ferro atque
audacia via fit, quamvis per confertos hostes, cuneo quidem hoc
laxum atque solutum agmen, ut si nihil obstat, transibimus.
Itaque ite mecum, qui et vosmetipsos et rempublicam salvam
vultis.* Hæc ubi dicta dedit, stringit gladium, cuneoque

Qui magistratus curules gesserant, illis hoc jus erat, ut a proximis post ges-
tum magistratum suum censoribus in
senatum legi deberent. Atque etiam,
antequam in senatum legerentur et
senatores essent, curiam tamen in-
gredi poterant, et in senatu senten-
tiam dicere. Hinc illa veteris edicti
formula, qua consules utebantur,
quum senatum in curiam convoca-
rent: *senatores, quibusque in senatu
sententiam dicere licet.* Vid. A. Gell.
l. III. c. 18.

⁴⁷ *Alterius morientis prope totus ex-
ercitus fuit*] Alterum morientem pro-
pe totus exercitus secutus est, comita-
tus est: id est, cum eo periiit.

⁴⁸ *Nuncium... mittunt*] Supple, ad

eos qui in minoribus castris erant.

⁴⁹ *Ut ex tua... miseriâ*] Ut
ex miseriâ et contumeliâ, quæ tibi
Romano perpetienda indicetur, honos
alteri, cuilibet nempe Latino, quaera-
tur. Annibal hoc institutum hæte-
nus servaverat, ut & captivis eos qui
erant Latini nominis sine pretio di-
mitteret, Romanos in vincula daret.
Vid. supra, c. 7. infra, c. 58.

⁵⁰ *Non tu*] Illud tu pungit et ad-
monet singulorum animos: ut acius
ferre movent, quæ statim singulos fe-
riunt, quam quæ in communi dicta
unusquisque demum applicat sibi.
Ita censet et exponit Gronovius, l. IV.
Observ. c. 20.

facto per medios vadit hostes. et, quum in latus dextrum, U. C. 539.
quod patebat, Numidæ jaçularentur, translatis in dextrum A. C. 216.
scutis, in majora castra ad sexcentos evaserunt: atque inde
protinus, alio magno agmine adjuncto, Canusium incolu-
mes perveniunt. ⁵¹ Hæc apud victos magis impetu animorum,
quod ingenium suum cuique aut fors dabat, quam ex con-
silio ipsorum, aut imperio cujusquam, agebantur.

LI. Hannibali victori quum ceteri circumfusi gratularen- Hannibal
tur, suaderentque, ⁵² ut, tanto perfunctus bello, diei quod victoria uti
reliquum esset, noctisque insequentis, quietem et ipse sibi nescit.
sumeret, et fessis daret militibus; Maharbal, præfectus
equitum, minime cessandum ratus, *Immo, ut, quid hæc pug-*
na sit actum, scias, die quinto, inquit, victor in Capitolio epu-
laberis. ⁵³ *Sequere: cum equite, ut prius venisse, quam ventu-*
rum, sciant, præcedam. Hannibali nimis læta res est visa,
majorque, quam ut eam statim capere animo posset. Ita-
que, voluntatem se laudare Maharbalis, ait: *ad consilium per-*
sandum temporis opus esse. Tum Maharbal, *Non omnia, ni-*
mirum, eidem Dii dedere. vincere scis, Hannibal; victoria uti
nescis. Mora ejus diei satis creditur salutis fuisse urbi atque
imperio. Postero die ubi primum inluxit, ad spolia legen-
da foedamque etiam hostibus spectandam stragem insistunt. Strages
iacebant tot Romanorum millia, pedites passim equitesque, etiam hos-
⁵⁴ ut quem cuique fors aut pugna junxerat aut fuga, adsur- tibus mise-
gentes quidam ex strage media cruenti, quos stricta matu- rabilis.
tino frigore excitaverant vulnera, ab hoste obpressi sunt.
Quosdam et jacentes vivos succisis feminibus poplitibus-
que invenerunt, nudantes cervicem jugulumque, et reliquum
sanguinem jubentes haurire. Inventi sunt quidam mersis
in effossam terram capitibus, quos sibi ipsos fecisse foveas,
obruentesque ora ⁵⁵ superjecta humo interclusisse spiritum
adparebat. Præcipue convertit omnes substratus Numida
mortuo superincubanti Romano vivus, naso auribusque la-

quas Gron. Crev.

⁵¹ *Hæc . . . magis impetu animo-*
rum, quem] Gronovius ex aliquot
scriptis dederat quod. Nos veterem
lectionem, quam tuetur Victor. co-
dex, et sensus ratio postulat, revoca-
vimus.

⁵² *Ut. . . . diei, quod reliquum esset]*
Ut sumeret sibi quietem diei hujus,
per id spatium quod, reliquum esset;
et quietem noctis insequentis.

⁵³ *Sequere. Cum equite]* Hic egre-
giam operam navavit Livio Gronovius,
corruptissimumque prius hunc locum,
perpaucis de scripta lectione mutatis;

perpurgavit. Antea editi habebant:
sequere cum equite, ut prius te venisse
quam venturum sciant. Præcedant,
Annibal inquit, nuncii: læta res est:
sed via major, quam ut eam statim ca-
pere animo possim.

⁵⁴ *Ut quem cuique fors]* Ut quem
cuique casus adjunxerat, aut in pug-
na, aut in fuga.

⁵⁵ *Superjecta humo]* Sic plane unus
e nostris scriptis non spernendus, ut
jam Gronovius conjecerat, quum ple-
rique libri haberent *subjecta super*
humo.

U. C. 536. ceratis : quum, manibus ad capiendum telum inutilibus, in
A. C. 216. rabiem ira versus, laniando dentibus hostem exspirasset.

Bina Ro-
manorum
castra se
dedunt vic-
tori.

LII. Spoliis ad multum diei lectis, Hannibal ad minora ducit castra obpugnanda, et omnium primum, ⁵⁶ brachio ² objecto, flumine eos excludit. Ceterum ⁵⁷ ab omnibus, labore, vigiliis, vulneribus etiam fessis, maturior ipsius spe deditio est facta. ⁵⁸ pacti, ut arma atque equos traderent, in capita Romana trecenis ⁵⁹ nummis quadrigatis, in socios ducenis, in servos centenis, et ut, eo pretio persoluto, cum singulis abirent vestimentis, in castra hostes acceperunt; traditique in custodiam omnes sunt, seorsum ¹ cives sociique. Dum ibi tempus teritur, interea quum ex majoribus castris, quibus satis virium aut animi fuit, ad quatuor millia hominum et ducenti equites, alii agmine, alii palati passim per agros, quod haud minus tutum erat, Canusium perfugissent, castra ipsa ab sauciis timidisque eadem conditione, qua altera, tradita hosti. Præda ingens parta est: et, præter equos virosque, et si quid argenti, (quod plurimum in phaleris equorum erat; ⁶⁰ nam ad vescendum facto perexiguo, utique militantes, utebantur) omnis cetera præda diripenda data est. Tum sepeliendi causa conferri in unum

Pæni 8000. corpora suorum jussit. Ad octo millia fuisse dicuntur fortissimorum virorum. Consulem quoque Romanum conquisitum sepultumque, quidam auctores sunt. Eos, qui Canusium perfugerant, ⁶¹ mulier Apula, nomine Busa, genere clara ac divitiis, mœnibus tantum tectisque a Canusinis acceptos, frumento, veste, viatico etiam juvit; pro qua ei munificentia postea, bello perfecto, ab senatu honores habiti sunt.

LIII. Ceterum, quum ibi tribuni militum quatuor essent, Fabius Maximus de legione prima, cujus pater priore anno dictator fuerat, et de legione secunda L. Publicius Bibulus et P. Cornelius Scipio, et de legione tertia Ap. Claudius Pulcher, qui proxime ædilis fuerat; omnium consensu ad P. Scipionem, admodum adolescentem, et ad Ap. Claudium

¹ sed seorsum Gron. Crev.

⁵⁶ *Brachio objecto*] Ducta fossa inter castra flumenque.

⁵⁷ *Ab omnibus*] Legendum putaverimus ab hominibus. De crebra harum inter se vocum permutatione vid. not. 48. ad l. V. c. 38.

⁵⁸ *Pacti, ut arma*] Pacti trecenis nummis, i. e. pacti pretium fore in capita Romana trecenos nummos quadrigatos, cum eo, sive ea lege ut arma atque equos traderent.

⁵⁹ *Nummis quadrigatis*] Denariis, qui quadrigæ figuram insculptam ge-

rebant. Trecenti denarii efficiunt marcas argenti nostrates 4. cum unciis quinque et dimidia unciae parte: ducenti, marcas tres cum una uncia: centum, marcā unam cum quatuor unciis et semuncia.

⁶⁰ *Nam ad vescendum facto perexiguo... utebantur*] Parum enim habebant argenti facti, argenti elaborati, quo ad vescendum uterentur.

⁶¹ *Mulier Apula*] Olim *Paula*. Emendavit ingeniose Lipsius.

summa imperii delata est. quibus consultantibus inter pau- U. C. 536.
cos de summa rerum nunciat P. Furius Philus, consularis A. C. 216.
viri filius, *Nequidquam eos perditam spem fovere: desperatam* Conjuratio
comploratamque rem esse publicam. Nobiles juvenes quosdam, deserendam
quorum principem L. Cæcilium Metellum, mare ac naves spec- Italiam cons-
tare, ut, *deserta Italia, ad regem⁶², aliquem transfugiant.* sa.

Quod malum, præterquam atrox, super tot clades etiam no-
vam, quum stupore ac miraculo torpidos defixisset, et, qui
aderant, ⁶³ *consilium⁶³ advocandum de eo censerent; negat*
consilii⁶⁴ rem esse Scipio juvenis, ⁶⁵ fatalis dux hujusce bel-
li. Audendum atque agendum, ⁶⁶ non consultandum, ait, in
tanto malo esse. Irent secum extemplo armati, qui rempubli-
cam salvam vellent. ⁶⁷ nullo⁶⁷ verius, quam ubi ea cogitentur,
hostium castra esse. Pergit ire, sequentibus paucis, in hos- A Scipione
pitium Metelli. et, quum concilium ibi juvenum, de quibus obprimatur.
adlatum erat, invenisset, stricto super capita consultantium
gladio, ⁶⁸ *Ex mei animi sententia, inquit, ut ego rempublicam*
populi Romani non deseram, neque alium civem Romanum de-
serere patiar. Si sciens fallo, tum me, Jupiter optime ma-
xime, domum, familiam, remque meam pessimo leto adfacias!
In hæc verba, L. Cæcili, jures, postulo, ceterique, qui adestis:
qui non juraverit, in se hunc gladium strictum esse sciat. Haud
secus pavidum, quam si victorem Hannibalem cernerent, ju-
rant omnes: custodiendosque semet ipsos Scipioni tradunt.

LIV. Eo tempore, quo hæc Canusii agebantur, Venu- Venusiam
siam ad consulem ⁶⁹ ad quatuor millia peditum equitumque, ex fuga
qui sparsi fuga per agros fuerant, pervenere. Eos omnes coeunt ad
quatuor ho-
minum mil-
lia.

⁶² regum Gron. Crev.
quam Crev.

⁶³ concilium Gron.

⁶⁴ concilii Ead.

⁶⁵ nus-

⁶² *Consilium*] Edidimus *consilium*,
et mox *consilii*, pro *concilium*, et *con-*
cilii, ita postulante Latini sermonis
proprietas. At paulo infra recte
scribitur *concilium juvenum* de dese-
renda Italia consultantium. Quid
hæc inter se differant, fuse docet ex
Livio Gronovius in not. ad XLIV. 9.
probatque *consilium* dici de senatu,
quod est *consilium publicum*; de *con-*
silio militari, quale est illud de quo
agitur hoc loco; de iudicibus asses-
soribusque, qui in *consilio* erant præ-
toribus; de consiliariis regum, aut
imperatorum. Rursus *concilium* est
conventus populi ac multitudinis, vel
communis respublica conjunctorum
populorum, vel conventus legatorum
ab diversis populis sociis, vel denique
coitio et congressus clam conspiran-
tium. Operæ pretium est consulere
ipsam Gronovii notam.

⁶³ *Fatalis dux*] Fato destinatus

dux ad hoc bellum egregie conficien-
dum.

⁶⁴ *Non consultandum ait*] Super-
vacaneum est *ait*, nec solet apponi
a Livio: ut recte admonet Jac. Gro-
novius.

⁶⁵ *Nusquam verius*] Omnes scripti,
nullo verius: et sic edidit Gronovius.
Unus e nostris additam habet a secun-
da manu vocem *loco*. Nobis optima
visa est editorum vulgo lectio.

⁶⁶ *Ex mei animi sententia... ut ego*] Formula
jurisjurandi, quæ, ut evenit
fere in illis pervulgati usus formulis,
nonnulla supplenda relinquit. *Ex*
mei animi sententia, i. e. vere et ex
animo precor ita me dii juvent,
ament, *ut ego rempublicam non dese-*
ram.

⁶⁷ *Ad quatuor millia peditum equi-*
tumque] Put. codex: *ad quatuor mil-*
lia et D. pedites equitesque. Nec lon-
ge ab Victorinus.

U. C. 536. Venusini per familias benigne accipiendos curandosque
 A. C. 316. quum divisissent, ⁶⁸ in singulos equites togas et tunicas et
⁶⁹ quadrigatos nummos quinos vicanos, et peditibus denos,
 et arma, quibus deerant, dederunt. ceteraque publice ac pri-
 vatim hospitaliter facta: certatumque, ne a muliere Cann-
 sina populus Venusinus officiis vinceretur. Sed gravius
 onus Busæ multitudo faciebat, et jam ad decem millia ho-
 minum erant. Appiusque et Scipio, postquam incolumem
 esse alterum consulem acceperunt, nuncium extemplo mit-
 tunt, quantæ secum peditum equitumque copiae essent:
 sciscitatumque simul, utrum Venusiam adduci exercitum,
 an manere juberet Canusii? Varro ipse Canusium copias
 traduxit. et jam aliqua species consularis exercitus erat;
 moribusque se certe, ⁷⁰ si non armis, ab hoste videbantur
 defensuri. Romam, ne has quidem reliquias superesse
 civium sociarumque, sed ⁷¹ occidione occisos cum duobus
 exercitibus consules, deletasque omnes copias, adlatam
 fuerat. Numquam, salva urbe, tantum pavoris tumultus-
 que intra moenia Romana fuit. itaque subcumbam oneri,
 neque adgrediar narrare, quæ edisserendo minora vero
 fecero. Consule exercituque ad Trasimenum priore anno
 amisso, ⁷² non vulnus super vulnus, sed multiplex clades,
⁷³ cum duobus consulibus duo* consulares exercitus amis-
 si nunciabantur: nec ulla jam castra Romana, nec ducem,
 nec militem esse: Hannibalis Apuliam, Samnium, ac
 jam prope totam Italiam factam. Nulla profecto alia
 gens tanta mole cladis non obruta esset. ⁷⁴ Comparens cla-

Pavor Ro-
 mæ maxi-
 mus.

* duo del. Gron. Crev.

68 *In singulos equites togas et tu-
 nicas*] Hinc, et ex aliis item Livii
 locis, XXIX. 3. et 36. XLIV. 16. patet
 togas etiam a militibus gestatas.
 At primo intelligendum est eos togis
 uti, non in acie, sed in hibernis
 aut in otio castrorum. Deinde ex eo
 quod hic solum equitum fit mentio,
 et in duobus ultimis locis supra me-
 moratis. numerus togarum quæ mit-
 tuntur ad exercitus, longe minor sit
 tunicarum numero, nec sufficiens pro-
 fecto ad totum exercitum vestiien-
 dum, colligit Aldus Man. l. III. de
 Quæstis, per epistolam, Ep. l. togas
 honestioribus tantum id. usu fuisse,
 puta equitibus, centurionibus, &c.

69 *Quadrigatos nummos quinos vi-
 canos*] Uncias. argenti Paris. tres,
 cum una octava unciae parte: denos,
 unciam unam cum uno unciae qua-
 drante.

70 *Si non armis*] Lege ex Put. co-
 dice *etsi non armis*.

71 *Occidione occisos cum duobus ex-
 ercibus consules*] Sigonii conjectura.
Antea occisos consules. Nobis
 magis placeret cum Gronovio legere:
*Occidione occisum cum duobus consuli-
 bus exercitus*. Hæc forma loquendi
occidione occidi aptius cadit in multi-
 tudinem, quam in duos homines: et
 firmat Gronovianam lectionem Li-
 vium, infra hæc ipso capite: *cum duo-
 bus consulibus duo consulares exercitus
 amissi*.

72 *Non vulnus super vulnus*] Nunc,
 non vulnus super vulnus, id est, pro-
 pter par aditum priori malum, sed
 clades multis partibus major .. nun-
 ciatur.

73 *Cum duobus consulibus consule-
 nes exercitus*] Omnes scripti ante
ampulanes interjiciunt *cum*. Quis du-
 bitet legendum? *cum duobus consuli-
 bus duo consules exercitus amissi*.

74 *Comparens cladem*] Put. liber,
comparasset cladem. Unus e regis

dem ad *Ægates* insulas *Karthaginiensium* proelio nāvali acceptam, qua fracti *Sicilia* ac *Sardinia* cessere, hinc vectigales ac stipendiarios fieri se passi sunt? aut pugnam adversam in *Africa*, cui postea hic ipse *Hannibal* subcubuit? nulla ex parte comparandæ sunt, nisi quod minore animo latæ sunt.

LV. P. Furius Philus et M.^b Pomponius prætores senatum in curiam *Hostiliam* vocaverunt, ut de urbis custodia consulere-
U. C. 536.
A. C. 216.
 neque enim dubitabant, deletis exercitibus, hostem ad obpugnandam *Romam*, quod unum opus belli restaret, venturum. Quum in malis, sicut ingentibus, ita ignotis, ne consilium quidem satis expedirent, obstreperetque clamor lamentantium mulierum, ⁷⁵ et, nondum palam facto, vivi mortuique per omnes pene domos promiscue complorarentur; tum Q. Fabius Maximus censuit, equites expeditos et *Appia* et *Latina* via mittendos, ⁷⁶ qui, obvios per-
Senatus
consultitur
de urbis
custodia.
cunctando aliquos profectos ex fuga, passim dissipatos, forte referant, quæ fortuna consulum atque exercituum sit; et si quid Dii immortales, miseriti imperii, reliquum Romano nomini fecerint: ubi eæ copiæ sint: quo se Hannibal post prælium contulerit: quid paret, quid agat, acturusque sit. Hæc exploranda noscendaque per impigros juvenes esse. illud per Patres ipsos agendum, quoniam magistratum parum sit, ut tumultum ac trepidationem in urbe tollant, matronas publico arceant, continerique intra suam quamque limen cogant: comploratus familiarum coërceant: silentium per urbem faciant: nuncios rerum omnium ad prætores deducendos curent: suæ ⁷⁷ quisque fortunæ domi auctorem expectent: custodesque^c præterea ad portas ponant, qui prohibeant, quemquam egredi urbem; cogantque homines nullam, nisi urbe ac mœnibus salvis, salutem sperare. Ubi conticuerit tumultus, rectè tum in curiam Patres revocandos, consulendumque de urbis custodia esse.

LVI. ⁷⁸ Quum in hanc sententiam pedibus omnes issent, submotaque foro per magistratus turba, Patres diversi ad se-

^b M. Gron. Crev.

^c custodes Gron.

clare, compares cladem: quæ vera videtur *Livii* manus. Sensus patet: Num tibi sit animus comparare cum *Cannensi* clade, &c.

⁷⁵ *Et, nondum palam facto, vivi mortuique*] Et vivi mortuique pariter complorarentur, quia nondum palam factum erat, supple, quinam viverent, quinam cecidissent.

⁷⁶ *Qui obvios percunctando aliquos profectos ex fuga*] Hic aliquid est redundans et inconcinnum, nec satis *Liviana* elegantia dignum. Vera procul dubio est *Jac. Gronovii* emendatio: *Qui obvios percunctando, (aliquos profecto ex fuga passim dissipatos fore)*

referant.

⁷⁷ *Quisque ... expectent*] *Andreas* et *Campanus*, *expectet*: quod hic placet magis. Hoc enim verbum, non ad Patres, ut reliqua, sed ad quemque civem refertur.

⁷⁸ * *Quum in hanc sententiam pedibus omnes issent*] Quum hanc sententiam omnes probassent. Tunc dicebantur senatores *pedibus ire* in aliquam sententiam, quum eam, non voce et verbis, sed solo pedum motu, probabant; transeundo scilicet in hanc illamve partem, prout huic vel illi sententiæ assentiebantur.

U. C. 536. dando tumultus discessissent; tum demum literæ a Terentio consule adlatæ sunt; *L. Æmilium consulem exercitumque cæsum; sese Canusii esse, reliquias tantæ cladis velut ex naufragio conligentem.*⁷⁹ *ad decem millia militum ferme esse incompeditorum inordinatorumque.*⁸⁰ *Pænum sedere ad Cannas,*⁸¹ *in captivorum pretiis prædaque alia, nec victoris animo, nec magni ducis more, nundinantem.* Tum privatæ quoque per domos clades vulgatæ sunt; adeoque totam urbem opplevit luctus, ut sacrum anniversarium Cereris intermissum sit; quia nec lugentibus id facere est fas, nec ulla in illa tempestate matrona expers luctus fuerat. Itaque, ne ob eandem causam alia quoque sacra publica aut privata desererentur, senatusconsulto diebus triginta luctus est finitus. Ceterum quum, sedato urbis tumultu, revocati in curiam Patres essent, aliæ insuper ex Sicilia literæ adlatæ sunt ab T. Otacilio pro prætore, *Regnum Hieronis classe Punica vastari: cui quum opem imploranti ferre vellet, nunciatum sibi esse, aliam classem*⁸² *ad Ægates insulas stare, paratam instructamque; ut, ubi se versum ad tuendam Syracusanam oram Pæni sensissent, Lilybæum extemplo provinciamque aliam Romanam adgrederentur. itaque classe opus esse, si regem socium Siciliamque tueri vellent.*

Cereris sacrum intermissum.

Vestales stupri compertæ.

LVII. Literis consulis proprætorisque lectis,⁸³ M. Claudium, qui classi ad Ostiam stanti præesset, Canusium ad exercitum mittendum, scribendumque consuli, ut, quum prætori exercitum tradidisset, primo quoque tempore, quantum per commodum reipublicæ fieri posset, Romam veniret. Territi etiam super tantas clades, quum ceteris prodigiis, tum quod duæ Vestales eo anno, Opimia atque Floronia, stupri compertæ, et altera sub terra, ut mos est, ad portam Collinam necata fuerat, altera sibimet ipsa mortem consciverat. L. Cantilius,⁸⁴ scriba pontificis, quos nunc

⁷⁹ *Ad decem millia militum]* Forte ad quatuordecim millia. Nam decem millia jam Canusii erant, antequam Varro eo cum quatuor millibus venit. GRONOVIVS.

⁸⁰ *Pænum sedere . . . nundinantem]* Hanc elegantissimam lectionem eruit Gronovius e scriptis, qui habent *menum*, vel *me nunc*, vel *se nunc sedere . . . nuntiantem*.

⁸¹ ** In captivorum pretiis prædaque alia . . nundinantem]* In statuendis captivorum pretiis, prædaque reliqua vendenda, mercatoris in lucrum intenti more, versantem.

⁸² *Ad Ægates insulas]* Sic ubique Livius, et hoc quoque loco unus e MSS. Hearnii. Vulgati *insulam*.

⁸³ *M. Claudium . . . ad exercitum*

mittendum] Omnino desideratur hic verbum aliquod, quale esset *censuerunt*, *decreverunt*.

⁸⁴ *Scriba pontificis, quos nunc]* Scriba pontificis, ex eorum scribarum numero, quos nunc minores pontifices appellant. Aliis magis placet, referre vocem *quos*, non ad *scribam*, sed ad *pontificem*: scriba pontificis, qui quidem pontifex esset ex eorum numero, quos nunc minores pontifices appellant. De hoc additamento, *quos nunc minores pontifices appellant*, scrupulum nobis movet locus plane geminus ex vita Macrini apud Capitolinum, sive Spartianum: *cum (Macrinus) scriba pontificum esset, quos nunc pontifices minores vocant.* Ut enim loquitur posterior hic scrip-

minores pontifices adpellant, qui cum Floronia stuprum fe- U. C. 536.
cerat, a pontifice maximo eo usque virgis in comitio cæ- A. C. 216.
sus erat, ut inter verbera exspiraret. Hoc nefas quum in-
ter tot, ut fit, clades in prodigium versum esset, decemviri
libros adire jussi sunt. Et Q. Fabius Pictor Delphos ad
oraculum missus est sciscitatum, quibus precibus ⁸⁵ suppli-
ciisque Deos possent placare, et quænam futura finis tantis
cladibus foret. Interim ex fatalibus libris sacrificia aliquot
extraordinaria facta; inter quæ Gallus et Galla, Græcus et Hostiæ hu-
Græca, in foro boario sub terra vivi demissi sunt in locum manæ in-
saxo conseptum, ⁸⁶ jam ^d ante hostiis humanis, minime Ro- molatæ.
mano sacro, imbutum. Placatis satis, ut rebantur, Deis, M.
Claudius Marcellus ab Ostia mille et quingentos milites,
quos in classem scriptos habebat, Romam, ut urbi præsidio
essent, mittit; ipse, legione classis (ea tertia legio erat)
cum tribunis militum Teanum Sidicinum præmissa, classe
tradita P. Furio Philo collegæ, paucos post dies Canusium
magnis itineribus contendit. ⁸⁷ Dictator ex auctoritate Pa-
trum dictus M. Junius, et Ti. Sempronius magister equi-
tum, delectu edicto, juniores ab annis septemdecim, ⁸⁸ et
quosdam prætextatos, scribunt. quatuor ex his legiones et
mille equites effecti. Item ad socios Latinumque nomen,
ad milites ⁸⁹ ex formula accipiendos, mittunt. arma, tela,
alia parari jubent: et vetera hostium spolia detrahunt tem-
plis porticibusque. Et aliam formam novi delectus inopia
liberorum capitum ac necessitas dedit: octo millia juvenum Octo millia
validorum ex servitiis, prius ⁹⁰ sciscitantes singulos, vellent- servorum
ne militare, emta publice armaverunt. Hic miles magis armantur.

^d jam l. ibi Gron.

tor, illa *pontificum minorum* appella-
tio post Macrinum demum invaluit.
Quod si verum est, certe Livii ævo
nota esse non poterat. Inde nobis
oritur suspicio, hoc additamentum
ex altero scriptore in alterum esse
translatum. Utri autem affictum sit
a librariis, dijudicandum aliis relin-
quimus.

85 *Supplicis*] Supplicationibus:
quæ quidem vox sese huc olim obtru-
serat. Emendavit Lipsius ex suo li-
bro, cui assentiuntur nostri.

86 *Jam ante*] Reposuimus *jam* pro
ibi, secuti auctoritatem Gronovii ex
Put. codice sic legendum docentis.
* Anno ante hunc undecimo ad idem
scelus, quo jam imbutum hunc lo-
cum scribit Livius, prava religio Ro-
manos impulerat. † Aliquam multa ad
hanc abominandam religionem spec-
tantia collegit Hugo Grotius, de Ve-

ritate Relig. Christ. l. II. c. 11.

87 *Dictator*] Put. liber *indictator*.
Lege *inde dictator*.

88 *Et quosdam prætextatos*] Qui
nondum prætextam deposuerant, ut
virilem togam sumerent. Pueri in-
genui prætextam togam gerebant ad
annum ætatis fere decimum-septi-
mum.

89* *Ex formula*] Qua descriptum
erat, quantum numerum militum
quæque civitas Latini nominis dare
populo Romano deberet. Simile ex-
emplum vid. infra XXVII. 10. ubi de
coloniis agitur.

90* *Sciscitantes singulos vellentne
militare*] Id observat Livius, quia
non illo modo agebatur cum civibus,
qui non interrogabantur vellentne mi-
litare, sed citati ad nomina respon-
dere debebant.

U. C. 336. placuit, quam pretio minore redimendi captivos copia fieret.
A. C. 216.

Hannibalis
oratio ad
captivos
Rom.

Legati cap-
tivorum.

Eorum
principis
oratio in se-
nato.

LVIII. Namque Hannibal, secundum tam prosperam ad Cannas pugnam, victoris magis, quam bellum gerentis, intentus curis, quam, captivis productis segregatisque, socios*, sicut ante ad Trebiam Trasimenumque lacum, benigne adlocutus, sine pretio dimisisset; Romanos quoque vocatos (quod numquam alias antea) satis miti sermone adloquitur: *Non internecinum sibi esse cum Romanis bellum: de dignitate atque imperio certare. Et patres virtuti Romanae cessisse: et se id admitti, ut suae in vicem simul felicitati et virtuti cedatur. Itaque redimendi se captivis copiam facere. pretium fore in capita, equiti*⁹¹ *quingenos quadrigatos nummos, trecenos pediti, servo centum.* Quamquam aliquantum adjiciebatur equitibus ad id pretium, quod pepigerant dedentes se; laeti tamen quamcumque conditionem paciscendi acceperunt. Placuit suffragio ipsorum decem deligi, qui Romam ad senatum irent. nec pignus aliud fidei, quam ut jurarent se redituros, acceptum. Missus cum his Karthalo nobilis Karthaginiensis: qui, si forte ad pacem inclinarent animos, condiciones ferret. Quum egressi castris essent, unus ex iis, minime Romani ingenii homo,⁹² velut aliquid oblitus,⁹³ jurisjurandi solvendi causa quum in castra redisset, ante noctem comites adsequitur. Ubi eos Romam venire nunciatum est, Karthaloni obviam lictor missus, qui dictatoris verbis nunciaret, ut ante noctem excederet finibus Romanis.

LIX. Legatis captivorum senatus ab dictatore datus est. Quorum princeps M. Junius, *Patres conscripti, inquit, nemo*⁹⁴ *nostrum ignorat, nulli umquam civitati viliores fuisse captivos, quam nostrae. Ceterum, nisi nobis plus justo nostra placet causa, non alii umquam minus neglegendi vobis, quam nos, in hostium potestatem venerunt. non enim in acie per timorem arma tradidimus; sed, quum prope ad noctem superstantes cumulis caesorum corporum praedium extraxissemus, in castra recepimus nos. Diei reliquum ac noctem insequentem, fessi labore ac vulneribus, vallum sumus tutati. Postero die, quum circumsessi ab exercitu victore aqua arceremur, nec ulla jam per confertos hostes erumpendi spes esset, nec esse nefas ducermus, quinquaginta millibus hominum ex acie nostra trucidatis,*

* sociis, eos Gron. Crev.

⁹¹ *Quingenos quadrigatos nummos]* Marcas nostrates 7. cum sex unciiis et semuncia.

⁹² *Velut aliquid]* Put. *velut illud aliquid.* Consonat fidissimus e regis. Lege cum Gronovio: *velut illic aliquid oblitus.*

⁹³ * *Jurisjurandi solvendi causa*

quum in castra redisset] Quia juraverat se in castra Annibalis redituum, interpretabatur se fraudulento illo reditu jurisjurandi fidem exsolvisse.

⁹⁴ *Nostrum]* Vulgo *vestrum.* Mutavit merito Gronovius: et firmat unus e nostris eod.

aliquem ex Cannensi pugna Romanum militem restare; tum U. C. 536. demum pacti sumus pretium, quo redempti dimitteremur: arma, A. C. 216. in quibus nihil jam auxilii erat, hosti tradidimus. Majores quoque acceperamus se a Gallis auro redemisse: et ⁹⁵ patres vestros¹, asperrimos illos ad conditionem pacis, ⁹⁶ legatos tamen captivorum redimendorum gratia Tarentum misisse. atqui, et ad Alliam cum Gallis, et ⁹⁷ ad Heracleam cum Pyrrho, utraque non tam clade infamis, quam pavore ac fuga, pugna fuit. Cannenses campos acervi Romanorum corporum tegunt: nec supersumus pugna, nisi in quibus trucidandis et ferrum et vires hostem defecerunt. Sunt etiam de nostris quidam, qui ne in acie quidem refugerunt: sed, praesidio castris relictis, quum castra traderentur, in potestatem hostium venerunt. Haud equidem ullius civis et commilitonis fortunæ aut conditioni invideo, nec premendo alium me extulisse velim: ne illi quidem, (nisi periculis pedum et eurus aliquod præmium est) qui plerique inermes ex acie fugientes non prius, quam Venusiæ aut Canusii, constiterunt, se nobis merito prætulere, gloriatique sint, in se plus, quam in nobis, praesidii reipublicæ esse. ⁹⁸ Sed illis et bonis ac fortibus militibus utemini: et nobis etiam promptioribus pro patria, quod beneficio vestro redempti atque in patriam restituti fuerimus. Delectum ex omni ætate et fortuna habetis: octo millia servorum audio armari. non minor numerus noster est, nec majore pretio redimi possumus, quam hi emuntur. nam si conferam nos cum illis, injuriam nomini Romano faciam. Illud etiam in tali consilio animadvertendum vobis censeam, Patres conscripti, (si tamen duriores esse velitis, quod nullo nostro merito faciatis) cui nos hosti relicturi sitis. ⁹⁹ Pyrrho videlicet, qui nos hospitum numero habuit captivos, an barbara ac Pæno; qui utrum avarior, an crudelior, sit, vix existimari potest. Si videatis ¹ catenas, squalorem, deformitatem² civium vestrorum, non minus profecto vos ea species moveat, quam si ex altera parte cernatis stratas Cannensibus campis legiones vestras. Intueri potestis sollicitudinem et lacrimas in vestibulo curiæ stantium cognas-

¹ nostros Cres.² deformitatemque Gen.

⁹⁵ Patres nostros] Sic olim editi, et tres e scriptis nostris. Nec aliter loqui possunt hi captivi, nisi se ipsi Romano jam nomine abdicare velint. Non bene ergo Gronovius ediderat patres vestros.

⁹⁶ Legatos . . . Tarentum misisse] Ad Pyrrhum, qui a Tarentinis in Italiam accitus, illorum urbem tenebat.

⁹⁷ Ad Heracleam cum Pyrrho. . . pugna] Qua Lævinus consul Romanus victus est, quum elephantum maxime odore et visu insolito equos Romanorum turbasset.

⁹⁸ Sed illis et] Lege: Sed et illis.

⁹⁹ Pyrrho . . . qui nos hospitum numero habuit captivos] Potest quidem exponi nos, id est, captivos Romanos, quales nos sumus. Sed hoc durius. Quum igitur Put. codex habeat vos, libenter legeremus suos.

¹ Catenas, squalorem, deformitatem civium vestrorum] Hoc vividius videtur sic prolatum per asyndeton, quam, ut vulgo, deformitatemque. Rescui-mus copulativam ex auctoritate trium vel optimorum MSS.

U. C. 536. *torum nostrorum, expectantiumque responsum vestrum. quum*
 A. C. 216. *ii pro nobis proque iis, qui absunt, ita suspensi ac solliciti sint; quem censetis animum ipsorum esse, quorum in discrimine vita libertasque est? Si, me Dius fidius, ipse in nos mitis Hannibal contra naturam suam esse velit, nihil tamen nobis vita opus esse censeamus, quum indigni, ut a vobis redimeremur, ² visi sumus. Rediere Romam quondam remissi a Pyrrho sine pretio capti: sed rediere cum legatis, primoribus civitatis, ad redimendos sese missis. Redeam ego in patriam, trecentis nummis non aestimatus civis? Suum quisque habet animum, Patres conscripti. Scio in discrimine esse vitam corpusque meum. Magis me jam periculum movet, ne a vobis damnati ac ³ repulsi abeamus⁴. neque enim vos pretio pepercisse homines credent.*

Manlius
suadet ne
captivi re-
dimantur.

LX. Ubi is finem fecit, extemplo ab ea turba, quæ in comitio erat, clamor flebilis est sublatus, manusque ad curiam tendebant orantes, ut sibi liberos, fratres, cognatos redderent. Feminas quoque metus ac necessitas in foro turbæ huic virorum immiscuerat. Senatus, submotis arbitris, consuli cœptus. Ibi quum sententiis variaretur, et alii redimendos de publico, alii nullam publice inpensam faciendam, nec prohibendos ex privato redimi; si quibus argentum in præsentia deesset, dandam ex ærario pecuniam mutuum, ⁴ prædibusque ac prædiis cavendum populo, censerent; tum T. Manlius Torquatus, priscæ ac nimis duræ, ut plerisque videbatur, severitatis, interrogatus sententiam, ita locutus fertur: *Si tantummodo postulassent legati pro iis, qui in hostium potestate sunt, ut redimerentur, ⁵ sine ullius insectatione eorum, brevi sententiam peregissem. ⁶ Quid enim aliud quam admonendi essetis, ut morem traditum a patribus, necessario ad rem militarem exemplo, servaretis? Nunc autem quum prope gloriati sint, quod se hostibus dediderint, præferrique non captis modo in acie ab hostibus, sed etiam iis, qui Venusiam Canusiumque pervenerunt, atque ipsi C. Terentio consuli, æquum censuerint; nihil vos eorum, Patres conscripti, quæ illic acta sunt, ignorare patiar. Atque utinam hæc, quæ apud vos acturus sum, Canusii apud ipsum exercitum agerem, optimum testem ignaviæ cujusque et virtutis: aut unus hic saltem adesset*

⁴ habeamur Gron.

² *Visi sumus*] Muretus censet legendum *simus*. * Non enim rem affirmat orator; sed, si ea contingat, quid sibi animi futurum sit, testatur.

³ *Repulsi abeamus*] Sic aliquot scripti, et principes editiones. Eodem alludunt plerique codices, in quibus Puteanæus, exhibentque *abeamus*. Quod editos nunc obtinebat, *habeamur*, nullo in scripto nobis occurrit, et minoris est elegantie.

⁴ *Prædibus . . . ac prædiis cavendum populo*] Prædes dandos et prædia obliganda populo, quibus caveretur redditum iri eas pecuniæ summas quæ ex ærario mutue darentur.

⁵ *Sine ullius insectatione eorum*] Redundat vel *ullius*, vel *eorum*. Posteriolem vocem libentius deleverimus.

⁶ *Quid enim aliud quam admonendi essetis*] Quid aliud mihi faciendum esset, quam ut vos admonerem.

P. Sempronius, quem si isti ducem secuti essent, milites 7 hodie in castris Romanis, non captivi in hostium potestate essent ? Sed quum, fessis pugnando hostibus, tum victoria latis, et ipsis plerisque regressis in castra sua, noctem ad erumpendum liberam habuissent, 8 et septem armatorum hominum millia perrumpere etiam confertos hostes potuissent ; neque per se ipsi id facere conati sunt, neque alium sequi voluerunt. Nocte prope tota P. Sempronius Tuditanus non destitit 9 monere, adhortari 1 eos, dum paucitas hostium circa castra, dum quies ac silentium esset, dum nox inceptum tegeret, se ducem sequerentur : ante lucem pervenire in tuto loca, in sociorum urbes posse. 10 Sicut avorum memoria P. Decius tribunus militum in Samnio ; sicut, nobis adolescentibus, priore Punico bello Calpurnius Flaminius trecentis voluntariis, quum ad tumultum eos capiendum, situm tueret medios hostes, duceret, dixit : Moriamur, milites, et morte nostra eripiamus ex obsidione circumventus legiones. Si hoc P. Sempronius diceret ; nec viros quidem, nec Romanos vos duceret, si nemo tantæ virtutis exstisset comes. Viam non ad gloriam magis, quam ad salutem, ferentem demonstrat ; reduces in patriam, ad parentes, ad conjuges ac liberos facit. Ut servemini, deest vobis animus ? quid, si moriendum pro patria esset, faceretis ? Quinquaginta milia civium sociorumque circa vos eo ipso die cæsa jacent. si tot exempla virtutis non movent, nihil unquam movebit : si tanta clades vilem vitam non fecit, nulla faciet. Liberè atque incolumès desiderate patriam : immo desiderate, dum patria est, dum cives ejus estis. sero nunc desideratis, 11 deminuti capite, abalienati jure civium, servi Karthaginensium facti. Pretio redituri estis eo, unde ignavia ac nequitia abistis ? P. Sempronium, civem vestrum, non audistis, arma capere ac sequi se jubentem : Hannibalem post paullo audistis, castra prodi et arma tradi jubentem. Quam ego ignaviam istorum accuso, quum scelus possim accusare ?

¹ adhortarique Gron.

⁷ *Hodie in castris Romanis*] Jac. Gronovius legi jubet : *Hodie in castris Romani, non captivi in hostium potestate essent.* Quod quidem longe elegantius est ac vividius. Nimirum pro Romanis jam eos non agnoscit Manlius, servos Carthaginensium factos, ut infra dicturus est.

⁸ *Et septem . . . millia perrumpere etiam confertos hostes potuissent*] Ante Gronovium editi habebant : *et septena . . . millia erumpere etiam inter confertos hostes potuissent.* Quod septena mutavit, probamus. Cetera, quæ servant plerique e nostris MSS. non videmus cur non intacta remanere possent.

⁹ *Monere, adhortari eos*] Vulgo *adhortarique.* Sed scripti quam plurimi abjiciunt copulativam.

¹⁰ *Sicut avorum memoria . . si hoc Sempronius diceret*] Si, quemadmodum P. Decius, quemadmodum Calpurnius Flaminius . . dixit : *Moriamur milites . . . sic et P. Sempronius hoc idem vobis diceret.*

¹¹ *Deminuti capite*] Sic Regulus apud Horat. dicitur *Capitis minor.* Capitis deminutio est prioris status mutatio. Hæc triplex est. At ea de qua hic agitur, quæ maxima dicitur, est, quum aliquis simul et civitatem et libertatem amittit. Vid. L. I. Instit. Justin. Tit. 16.

U. C. 536. Non enim modo sequi recusarunt bene monentem, sed obsistere
 A. C. 216. ac retinere conati sunt, ni strictis gladiis viri fortissimi inertes
 submovissent. prius, inquam, P. Sempronio per civium agmen,
 quam per hostium, fuit erumpendum. Hos cives patria deside-
 ret? quorum si ceteri similes fuissent, neminem hodie ex iis, qui
 ad Cannas pugnaverunt, civem haberet. Ex millibus septem
 armatorum sexcenti exstiterunt, qui erumpere auderent, qui in
 patriam liberi atque armati redirent: neque iis quadraginta
 millia hostium obstitere. Quam tutum iter duarum prope legio-
 num agmini futurum censetis fuisse? Haberetis hodie viginti
 millia armatorum Capusii, fortia, fidelia, Patres conscripti.
 nunc autem quemadmodum hi boni fidelesque (nam fortes ne
 ipsi quidem dixerint) cives esse possunt? ¹² nisi quis credere pot-
 est fuisse, ut erumpentibus, quin erumperent, obsistere conati
 sunt: aut non invidere eos, quum incolumitati, tum gloria illo-
 rum per virtutem parta, quum sibi timorem ignaviamque ser-
 vitutis ignominiosae causam esse sciant. Matuerunt in tento-
 riis latentes simul lucem atque hostem expectare, quum silentio
 noctis erumpendi occasio esset. At enim ad erumpendum e cas-
 tris defuit animus; ad tutanda fortiter castra animum habu-
 erunt. Dies noctesque aliquot obsessi, vallum armis, se ipsi tu-
 tati vallo sunt: tandem ultima ausi passique, quum omnia sub-
 sidia vitæ abessent, adfectisque fame viribus, arma jam sustine-
 re nequirent, necessitatibus magis humanis, quam armis, victi
 sunt. Orto sole hostis ad vallum accessit: ante secundam ho-
 ram, nullam fortunam certaminis experti, tradiderunt ar-
 ma ac se ipsos. Hæc vobis ipsorum per biduum militia fuit.
 quum in acie stare ac pugnare decuerat, tum in castra refuge-
 runt: quum pro vallo pugnandum erat, castra tradiderunt, ne-
 que in acie neque in castris utiles. Vos redimam? quum erum-
 pere castris oportet, cunctamini ac manetis: ¹³ quum manere,
 castra^h tutari armis necesse est; et castra et arma et vos ipsos
 traditis hosti. Ego non magis istos redimendos, Patres con-
 scripti, censeo, quam illos dedendos Hannibali, qui per medios
 hostes e castris eruperunt, ac per summam virtutem se patriæ
 restituerunt.

Senatus
 censet cap-
 tivos non
 esse redi-
 mēdos.

LXI. Postquam Manlius dixit, quamquam Patrum quo-
 que plerosque captivi cognatione adtingebant, præter exem-
 plum civitatis minime in captivos jam inde antiquitus indul-
 gentis, pecuniæ quoque summa homines movit: quia nec
 ærarium exhaurire, magna jam summa erogata in servos ad

^h et castra Gron.

¹² Nisi quis credere potest fuisse, ut} Hæc paulo intricatiora sunt. Si nihil mendi subest, expone cum Gronovio: Nisi quis credere potest fuisse eos bonos fidelesque cives, ut, id est,

postquam obsistere conati sunt erum-
 pentibus civibus suis, quin erumperent.

¹³ Quum manere, castra tutari} Hinc quoque eiecimus particulam et, auctore Put. codice.

militiam emendos armandosque, nec Hannibalem maxime U. C. 336. hujusce rei, ut fama erat, egentem locupletari volebant. A. C. 216. Quum triste responsum, *non redimi captivos*, redditum esset, novusque super veterem luctus tot jactura civium adjectus esset, cum magnis fletibus questibusque legatos ad portam prosecuti sunt. Unus ex iis domum abiit, quod fallaci re- Nimis calli-
da jurisju-
randi inter-
pretatio. ditu in castra jurejurando se exsolvisset. Quod ubi inno-
tuit, ¹⁴ relatumque ad senatum est, omnes censuerunt, com-
prehendendum et custodibus publice datis deducendum ad
Hannibalem esse. ¹⁵ Est et alia de captivis fama, decem
primos venisse. de eis quum dubitatum in senatu esset, ad-
mitterentur in urbem, nec ne; ita admissos esse, ne tamen
iis senatus daretur. Morantibus deinde longius omnium
spe, alios tres insuper legatos venisse, L. Scribonium, et C.
Calpurnium, et L. Manlium. tum demum ab cognato Scri-
bonii tribuno plebis de redimendis captivis relatum esse,
nec censuisse redimendos senatum: et novos legatos tres ad
Hannibalem revertisse, decem veteres remansisse; quod,
per causam recognoscendi nomina captivorum ad Hanni-
balem ex itinere regressi, religione sese exsolvisset. de iis
dedendis magna contentione actum in senatu esse: victos-
que paucis sententiis, qui dedendos censuerint. ceterum
proximis censoribus adeo omnibus notis ignominiisque con-
fectos esse, ut quidam eorum mortem sibi ipsi extemplo
consciverint: ceteri non foro solum omni deinde vita, sed
prope luce ac publico, caruerint. Mirari magis, adeo dis-
crepare inter auctores, quam, quid veri sit, discernere
queas. Quanto autem major ea¹ clades superioribus cla-
dibus fuerit, vel ea res indicio est, quod, qui sociorum ad
eam diem firmi steterant, tum labare coeperunt, nulla pro-
fecto alia de re, quam quod desperaverant de imperio.
¹⁶ Defecere autem ad Pœnos hi populi: Atellani, Calatini, Defectio so-
ciorum. Hirpini, Apulorum pars, Samnites præter Pentros, Bruttii
omnes, Lucani. præter hos ¹⁷ Surrentini, et Græcorum omnis
ferme ora, Tarentini, Metapontini, Crotonienses, Locrique,
et Cisalpini omnes Galli. Nec tamen hæ clades defectio- Pacis tamen
mentio nul-
la. nesque sociorum moverunt, ut pacis umquam mentio apud

¹ hæc Gron. Crev.

¹⁴ *Relatumque ad senatum est*] Hic contra adjecimus *re que*, volentibus scriptis nostris omnibus, et uno Hearnii, Andreæque et Campani editionibus. Et sic melius procedit oratio.

¹⁵ *Est et alia de captivis fama*] Vid. quæ de hac re habent Cic. l. III. de Off. n. 113. et A. Gell. l. VII. c. 12.

¹⁶ *Defecere... hi populi*] Non simul omnes hi populi defecere, sed quidam statim, quidam post annum, quidam tertio aut quarto post anno. GLAREANUS.

¹⁷ *Surrentini*] Lege cum Gronovio *Sallentini*. Nam Surrentini, qui sunt in Campaniæ ora, debuissent poni post Calatinos. At Sallentini ad Græcorum oram pertinent.

U. C. 536. Romanos fieret ; neque ¹⁸ ante consulis Romam adventum,
 A. C. 216. nec postquam is rediit, renovavitque memoriam acceptæ
 cladis. quo in tempore ipso adeo magno animo civitas fuit,
 ut consuli, ex tanta clade, cujus ipse causa maxima fuisset,
 Varroni ob- redeunti, et obviam itum frequenter ab omnibus ordinibus
 viam itum, sit, et gratiæ actæ, quod de republica non desperasset : cui,
 et gratiæ ¹⁹ si Karthaginensium ductor fuisset, nihil recusandum sup-
 plicii foret.

¹⁸ *Ante consulis Romam adventum]*
 Olim *Romani*. Correxerit Sigonius ; et
 firmat unus e regis codd.

¹⁹ * *Si Carthaginensium duotor*
fuisset] Mira fuit Carthaginensium

in duces suos acerbitas, quos in cru-
 cem tollere soliti erant, non modo si
 culpa sua victi fuissent, sed etiam si
 prospero eventu, pravo consilio, rem
 gessissent.

EPITOME LIBRI XXIII.

CAMPANI ad Hannibalem defecerunt. Nuncius Cannensis victoriae Mago Karthaginem missus annulos aureos, a digitis occisorum Romanorum detractos, in vestibulo curiae effudit: quos excessisse modii mensuram traditur. Post quem nuncium Hanno, vir ex Pænis nobilissimus, suadebat senatui Karthaginensium, ut pacem a populo Romano peterent: nec tenuit, obstrepente Barcina factione. Claudius Marcellus prætor ad Nolam, eruptione adversus Hannibalem ex oppido facta, prospere pugnavit. Exercitus Hannibalis per hiberna Capuæ ita luxuriatus est, ut corporum viribus atque animorum enervaretur. Casilinum, a Pænis obsessum, ita fame vexatum est, ut lora et pelles scutis detractas, item mures, essent; et nucibus, per Vulturum amnem a Romanis missis, vixerint. Senatus ex equestri ordine hominibus centum nonaginta septem suppletus est. L. Postumius prætor a Gallis cum exercitu casus est. Cn. et P. Scipiones in Hispania Hasdrubalem vicerunt, et Hispaniam suam fecerunt. Reliquiæ Cannensis exercitus in Siciliam relegatæ sunt; ¹ ne recederent inde, nisi finito bello. Inter Philipppum Macedonum regem et Hannibalem societas juncta est. Sempronius Gracchus consul Campanos cecidit. Præterea in Sardinia feliciter a T. Munlio prætore adversus Pænos Sardosque res gestas continet: a quo Hasdrubal dux, et Mago, et Hanno capti. ² Claudius Marcellus prætor Hannibalis exercitum ad Nolam prælio fudit et vicit: primusque tot cladibus fessis Romanis meliorem spem belli dedit.

¹ Ne recederent inde] Melius decederent: quod monet Pithæus apud Hearnium.

² Claudius Marcellus prætor Annibalis exercitum] Hæc secunda memoratur in hac epitome Marcelli adversus Annibalem ad Nolam pugna, de qua agit Livius c. 44. et seqq. Eo autem tempore non jam prætor erat Marcellus, sed proconsul, ut constat

ex capp. 30. et 32. Præterea in priorem potius Marcelli de Annibale victoriam, quam in hanc, cadere debet id quod additur in fine hujus epitomes, primum Marcellum Romanis meliorem spem belli dedisse. Confer Liv. infra, c. 16. Itaque hic aliquid vel ab ipso epitomarum concinnatore, vel a librariis peccatum esse videtur.

T. LIVII PATAVINI

LIBER XXIII.

U. C. 536.
A. C. 216.
Hannibali
Compsa tra-
ditur.

Neapolim
petit.

Conspec-
tam obpug-
nare non
audet.

¹ **HANNIBAL**, post Cannensem pugnam, castra capta ac direpta; confestim ex Apulia in Samnium moverat: ² adci- tus in Hirpinos a Statio, pollicente se Compsam traditurum. Compsanus erat Trebius nobilis inter suos: sed premebat eum Mopsiorum factio, familiæ per gratiam Romanorum potentis. Post famam Cannensis pugnae, vulgatumque Tre- bii sermonibus adventum Hannibalis, quum ³ Mopsiani ur- bem ⁴ excessissent; sine certamine tradita urbs Pœno, præ- sidiumque acceptum est. Ibi præda omni atque inpedi- mentis relictis, exercitu partito, Magonem regionis ejus ur- bes, aut deficientes ab Romanis accipere, aut detrectantes cogere ad defectionem jubet. ipse per agrum Campanum mare inferum petit, obpugnaturus Neapolim, ut urbem ma- ritimam haberet. Ubi fines Neapolitanorum intravit, Nu- midas partim in insidiis, (et pleræque cavæ sunt viæ, sinus- que occulti) quacumque apte poterat, disposuit: alios, præ se actam prædam ex agris ostentantes, obequitare portis jussit. in quos, quia nec multi, et incompositi videbantur, quum turma equitum erupisset, ab cedentibus consulto trac- ta in insidias, circumventa est: nec evasisset quisquam, ni mare propinquum, et haud procul litore naves piscatoriæ pleræque conspectæ peritis nandi dedissent effugium. Ali- quot tamen eo prælio nobiles juvenes capti cæsique sunt: inter quos et Hegeas præfectus equitum; intemperantius ce- dentes secutus, cecidit. Ab urbe obpugnanda Pœnum ab-

⁴ urbe Gron, Crev.

1 *Annibal post Cannensem pugnam, castra capta ac direpta*] Omnes scrip- ti, tam Gronoviani, quam nostri, *Hæc Annibal*. Idem ignorant vocem *cas- tra*, præter unum Victorinum, qui eam exhibet loco *et capta*. Gronovius, scriptæ lectionis vestigiis insistens, legendum censet: *Æcis Annibal post Cannensem pugnam captis ac direptis*. *Æcæ* Apulorum est oppidum, quod oppugnatur, et capitur a Fabio con- sule, infra l. XXIV. c. 20.

2 *Accitus in Hirpinos a Statio*] Idem infra *Trebius* vocatur, ut nomen

integrum fuerit *Stattus Trebius*. Et hic facile crediderimus cum Gronovio, scripsisse Livium a *Statio Trebio*. Est enim *Stattus* prænomen Itali- cum.

3 *Mopsiani*] Olim *Compsani*. Quod quum evidenter vitiosum sit, (utraque enim factio Compsani erant) subjecit Gronovius *Mopsiani*, id est, Mopsio- rum factio. Sed et mox omnes nostri libri præferunt *urbem excessissent*, non *urbe*, ut in editis vulgo legitur. Et sæpe illud maluit Livius.

sterruere conspecta mœnia, haudquaquam prompta obpug- U. C. 536.
nanti. A. C. 216.

II. Inde Capuam flectit iter, ⁴luxuriantem longe felicitate It Capuam.
atque indulgentia fortunæ, maxime tamen, inter corrupta
omnia, licentia plebis sine modo libertatem exercentis. Se-
natum et sibi et plebi obnoxium Pacuvius Calavius fecerat; Pacuvii Ca-
nobilis idem ac popularis homo, ceterum malis artibus nanc- lavii fraus.
tus opes. is quum eo forte anno, quo res male gesta ad Tra-
simenum est, in summo magistratu esset, jam diu infestam
senatui plebem, ratus, per occasionem novandi res, magnum
ausuram facinus, ut, si in ea loca Hannibal cum victore ex-
ercitu venisset, trucidato senatu traderet Capuam Pœnis;
inprobus homo, sed non ad extremum perditus, quum mal-
let incolumi, quam eversa, republica dominari; nullam au-
tem incolumem esse orbatam publico consilio crederet, ratio-
nem iniit, qua et senatum servaret, et obnoxium sibi ac plebi
faceret. ⁵Vocato senatu, quum, sibi defectionis ab Roma-
nis consilium placitum nullo modo, nisi necessarium fuis-
set, præfatus esset; quippe qui liberos ex Ap. Claudii filia Senatum
haberet, filiamque Romam nuptum Livio dedisset; ceterum claudit in
majorem multo rem magisque timendam instare. Non enim curia.
per defectionem ad tollendum ex civitate senatum plebem spec-
tare, sed per cædem senatus vacuum rempublicam tradere Han-
nibali ac Pœnis velle. Eo se periculo posse liberare eos, si se
permittant sibi, et, certaminum in republica obliti, credant.
Quum omnes victi metu permitterent; Claudam in curia
ros, inquit, et, tamquam et ipse cogitati facinoris particeps, ad-
probando consilia, quibus nequidquam adversarer, viam saluti
vestræ inveniam. In hoc fidem, quam vultis ipsi, accipite. Fi-
de data egressus, claudi curiam, jubet, præsidiumque in
vestibulo reliquit; ne quis adire curiam injussu suo, neve in-
de egredi possit.

III. Tunc vocato ad concionem populo, ⁶Quod sæpe, in- Populo tol-
quit, optastis, Campani, ut supplicii sumendi vobis ex inprobo lendi sena-
ac detestabili senatu potestas esset; eam nunc, non per tumul- tus potesta-
tum expugnantes domos singulorum, quas præidiis clientium tem facit.
servorumque tuentur, cum summo vestro periculo, sed tutam ha-
betis ac liberam. Clausos omnes in curiam accipite, solos, iner-

⁴ *Luxuriantem*] Verbo *luxuriari* exprimuntur omnia vitia quæ ex otio nimiaque copia nascuntur, deliciae, superbia, contemptus legum, &c.

⁵ *Vocato senatu, quam .. præfatus esset*] Transilienda est tota Pacuvii orationuncula, quæ sequitur, ut inveniatur verbum finiti modi, nempe, inquit, in quo quiescat oratio, quæ hic incipit. Vid. supra l. XXII. c. 18.

⁶ *Quod sæpe optastis .. ut .. vobis .. potestas esset, eam nunc*] Eam potestatem. Hic, ut sæpe alias, attendit magis ad sensum, quam ad verba Livius. Quum enim in priore orationis membro reperitur *quod*, consequens videretur, ut alteri membro præfigeretur *id*, non *eam*. Non absimile exemplum vid. supra l. IV. c. 4.

U. C. 536. *mes: nec quidquam raptim; aut forte temere egeritis. de singu-*

A. C. 216. *lorum capite vobis jus sententiæ dicendæ faciam, ut, quas quisque meritus est, pœnas pendat. Sed ante omnia ita vos iræ indulgere oportet, ut potio-rem ira salutem atque utilitatem vestram habeatis. etenim hos (ut opinor) odistis senatores; non senatum omnino habere non vultis. quippe aut rex, (quod abominandum) aut, quod unum liberæ civitatis consilium est, senatus habendus est. Itaque duæ res simul agendæ sunt vobis, ut et veterem senatum tollatis, et novum cooptetis. Citari singulos senatores jubebo, de quorum capite vos consulam. quod de quoque censue-ritis, fiet. Sed prius in ejus locum virum fortem ac strenuum novum senatorem cooptabitis, quam de noxio supplicium sumatur.*

Dummodo
novus sena-
tus coopte-
tur.

Hæret po-
pulus in
novis eli-
gendis sena-
toribus.

Senatus li-
beratur.

*natum tollatis, et novum cooptetis. Citari singulos senatores jubebo, de quorum capite vos consulam. quod de quoque censue-ritis, fiet. Sed prius in ejus locum virum fortem ac strenuum novum senatorem cooptabitis, quam de noxio supplicium sumatur. Inde consedit, et, nominibus in urnam conjectis, citari, quod primum sorte nomen excidit, ipsumque e curia produci jussit. Ubi auditum est nomen, malum et improbum pro se quisque clamare, et supplicio dignum. Tum Pacuvius, *Video, quæ de hoc sententia sit data*^b. ⁷ *Eligite pro malo atque improbo bonum senatorem et justum*^c. Primo silentium erat inopia potioris subjiciundi; deinde, quum aliquis, omissa verecundia, quempiam nominasset, multo major extemplo clamor oriebatur, quum alii negarent nosse; alii nunc probra, nunc humilitatem sordidamque inopiam, et pudendæ artis aut quæstus genus, objicerent. Hoc multo magis in secundo ac tertio citato senatore est factum^d: ut ipsius pœnitere homines adpareret; quem autem in ejus substituerent locum, deesse. quia nec eosdem nominari adtinebat, nihil aliud quam ad audienda probra nominatos, et multo humiliores obscurioresque ceteri erant eis, qui primi memoriæ obcurrerant. Ita dilabi homines, notissimum quodque malum maxime tolerabile dicentes esse, jubentesque senatum ex custodia dimitti.*

IV. Hoc modo Pacuvius quum obnoxium vitæ beneficio senatum multo sibi magis, quam plebi, fecisset, sine armis, jam omnibus concedentibus, dominabatur. Hinc senatores, omissa dignitatis libertatisque memoria, ⁸ plebem adulari, salutare, benigne invitare, adparatis accipere epulis, eas caussas suscipere, ei semper parti adesse, ⁹ secundum eam,

^b *quæ sententia de hoc sit data. Ejicitur—improbo. Bonum—eligite. Gron.*
^c *quæ sententia de hoc sit data. Ejicitur. Pro—justum eligite. Crev.* ^d *factum est Gron. Crev.*

⁷ *Ejicitur. Pro malo atque improbo bonum .. eligite]* Hic magna est in scriptis varietas, quæ aliquid mendii arguere videatur. Sententia tamen clara est. Gronovio multa molienti hactenus obsecuti sumus ut interpunctionem mutaremus: quum vulgati sic distinguant, *ejicitur pro malo atque improbo. Bonum . . .*

⁸ *Plebem adulari]* Vulgo *adfari*. Optimus codex *aduari*. Hinc factum est *adulari*.

⁹ *Secundum eam litem judices dare]* Dabant, assignabant judices pronos ad favendum ei litigatori, qui magis acceptus populo esset. Apud Campanos nimirum, quemadmodum et apud Romanos, magistratus judicem li-

litem judices dare, quæ magis popularis aptiorque in vulgus U. C. 526.
favori conciliando esset. Jam vero nihil in senatu actum A. C. 216.
aliter, quam si plebis ibi esset concilium. Prona semper
civitas in luxuriam, non ingeniorum modo vitio, sed adflu-
enti copia voluptatum, et inlecebris omnis amœnitatis ma-
ritimæ terrestisque; tum vero ita obsequio principum et
licentia plebei lascivire, ut nec libidini nec sumtibus modus
esset. ad contemptum legum, magistratum, senatus, acces-
sit tum, post Cannensem cladem, ut, cujus aliqua erat vere-
cundia, Romanum quoque imperium spernerent. id modo
erat in mora, ne extemplo deficerent, quod connubium ve-
tustum multas familias claras ac potentes Romanis miscu-
erat: ¹⁰ et quod, quum militarent aliquot apud Romanos
maximum vinculum erant trecenti equites, nobilissimus
quisque Campanorum, in præsidia Sicularum urbium delec-
ti ab Romanis ac missi.

V. Horum parentes cognatique ægre pervicerunt, ut le- Legati
Campano-
rum ad
Cos. Rom.
gati ad consulem Romanum mitterentur. Ii, nondum Ca-
nusium profectum, sed Venusiæ cum paucis ac semiermibus
consulem invenerunt, quam poterat maxime miserabilem
bonis sociis; superbis atque infidelibus, ut erant Campani,
spernendum. Et auxit rerum suarum suique contemptum
consul nimis detegendo cladem nudandoque. Nam quum
legati, ægre ferre senatum populumque Campanum, adversi
quidquam evenisse Romanis, nunciassent, pollicerenturque
omnia, quæ ad bellum opus essent; *Morem magis*, inquit, Responsum
consulis.
loquendi cum sociis servastis, Campani, jubentes, quæ opus essent
ad bellum, imperare, quam convenienter ad præsentem fortu-
næ nostræ statum locuti estis. Quid enim nobis ad Cannas re-
lictum est, ut, quasi aliquid habeamus, id, quod deest, expleri
ab sociis velimus? Pedites vobis imperemus, tamquam equites
habeamus? pecuniam deesse dicamus, tamquam ea tantum de-
sit? ¹¹ *Nihil, ne quod suppleremus quidem, nobis reliquit for-*
tuna: legiones, equitatus, arma, signa, equi virique, pecunia,
commeatus, aut in acie, aut binis postero die amissis castris pe-
rierunt. Itaque non juvetis nos in bello oportet, Campani, sed
pene bellum pro nobis suscipiatis. Veniat in mentem, ut tre-

• *Morem*, inquit, *magis* Gron. Crev.

tigantibus dabat, non ipse per se con-
troversias, saltem plerasque, cognos-
cebat. Hinc illæ loquendi formulæ,
ferre judicem, dicere judicem, de qui-
bus vid. not. 4. ad c. 24. l. III. Aliter
tamen Gronovius hunc locum expo-
nit: *judices*, qui scilicet erant e se-
natoribus, *dabant litem secundum eam*
partem, id est, litis victoriam ei parti
dabant, *quæ magis popularis . . esset.*

¹⁰ *Et quod . . maximum vinculum*
erant] Supervacaneum omnino vide-
tur illud *quod*, et inelegans.

¹¹ *Nihil, ne quod suppleremus qui-*
dem] Nihil nobis reliquit fortuna, ne
quod expleremus quidem et absolve-
remus. Id enim solum expleri potest,
cujus saltem aliquod habetur initium.
At nihil omnino Romanis superesse
affirmit Varro.

U. C. 536. A. C. 216. *pidos quondam majores vestros intra mœnia compulsas, nec Samnitē modo hostem, sed etiam Sidicinū paventes, receptos in fidem* ¹² *apud Saticulam defenderimus, cœptumque propter vos cum Samnitibus bellum* ¹³ *per centum prope annos, variante fortuna eventum, tulerimus. Adjicite ad hæc, quod fœdus æquum* ¹⁴ *deditis, quod leges vestras, quod ad extremum (id quod ante Cannensem certe cladem maximum fuit) civitatem nostram magnæ parti vestrūm dedimus, communicavimusque vobiscum. Itaque communem vos hanc cladem, quæ accepta est, credere, Campani, oportet, communem patriam tuendam arbitrari esse. Non cum Samnite aut Etrusco res est, ut, quod a nobis ablatum sit, in Italia tamen imperium maneat. Pœnus hostis, ne Africæ quidem indigenam, ab ultimis terrarum oris, freto Oceani Herculisque columnis,* ¹⁵ *expertem omnis juris et conditionis et linguæ prope humanæ, militem trahit. Hunc, natura et moribus inmitem ferumque, insuper dux ipse efferavit,* ¹⁶ *pontibus ac molibus ex humanorum corporum strue faciendis, et (quod proloqui etiam piget)* ¹⁷ *vesci humanis corporibus docendo. Hos, infandis pastos epulis, quos contingere etiam nefas sit, videre atque habere dominos, et ex Africa et a Karthagine jura petere, et Italiam Numidarum ac Maurorum pati provinciam esse, cui non, genito modo in Italia, detestabile sit? Pulchrum erit, Campani, prolapsū clade Romanum imperium vestra fide, vestris viribus retentum ac recuperatum esse. Trīginta millia peditum, quatuor equitum arbitror ex Campania* ¹⁸ *scribi posse. jam pecuniæ adfatim est frumentique. Si parem*

¹² * *Apud Saticulam defenderimus]* Hoc narratum a Livio est, VII. 34—36.

¹³ *Per centum prope annos]* Sic et infra c. 42. Samnites Annibali dicunt se per centum prope annos cum populo Romano bellum gessisse. Verius tamen est, quod XXXI. 31. ab legato Romano dicitur, id bellum per septuaginta prope annos gestum esse. Cœptum enim est anno u. c. 412. peractum anno 480. Itaque per novem et sexaginta annos gestum est.

¹⁴ *Deditis]* Vobis qui in ditionem nostram vestra omnia vosque ipsos dedideratis; ac proinde non tam socii, quam subjecti imperio nostro haberi poteratis. Vid. supra VII. 31. Ceterum olim hic editi præferebant *dedimus*. Scripti *dedistis*: unde Gronovius emendavit *dedistis*. Recte omnino.

¹⁵ * *Expertem omnis juris et conditionis et linguæ prope humanæ]* Qui nec jura gentium novit, nec pacta

naturalia, quibus humana societas continetur; vix humanæ linguæ particeps est.

¹⁶ *Pontibus ac molibus ex humanorum corporum strue faciendis]* Val. Max. l. IX. c. 2. memorat Annibalem in Vergello corporibus Romanis ponte facto exercitum traduxisse. Vergellus torrens est, sive amniculus prope Cannas, solo illo cadaverum ponte memorabilis.

¹⁷ *Vesci humanis corporibus]* Huic criminationi ansam dedit Annibal Monomachus, unus ex amicis Annibalis, qui ambigenti duci, quonam modo commeatus expediret per longum et infestum ab Hispania in Italiam iter, suasit ut milites doceret humanis corporibus vesci. Ceterum Annibal id consilium ad animum admittere non potuit. Vid. Polyb. in Excerptis de virtutibus et vitiis, l. IX.

¹⁸ *Scribi posse]* Sic merito Lipsius pro scripsisse.

fortune vestrae fidem habetis, nec Hannibal se vicisse sentiet, nec Romani victos esse. U. C. 586.
A. C. 216.

VI. ¹⁹ Hac oratione consulis dimissis redeuntibusque domum legatis, unus ex iis, Vibius Virrius¹, Tempus venisse, ait, quo Campani non agrum solum, ab Romanis quondam per injuriam ademptum, recuperare, sed imperio etiam Italia potiri possint. Fœdus enim cum Hannibale, quibus velint legibus, facturos. neque controversiam fore, quin, quum ipse confecto bello Hannibal victor in Africam decedat, exercitumque deportet, Italiae imperium Campanis relinquatur. Hæc Virrius loquenti adsensi omnes, ita renunciant legationem, uti deletum omnibus videretur nomen Romanum. Extemplo Campani ad plebes ad defectionem ac pars major senatus spectare. extracta tamen, auctoritatibus seniorum, per paucos dies est spectant.
res: postremo vicit sententia plurium, ut iidem legati, qui ad consulem Romanum ierant, ad Hannibalem mitterentur. Quo priusquam iretur, certumque defectionis consilium esset, Romam legatos missos a Campanis, in quibusdam annalibus invenio, postulantes, ut alter consul Campanus fieret, si rem Romanam adjuvari vellent. indignatione orta, submoveri a curia jussos esse: missumque lictorem, qui ex urbe educeret eos, atque eo die manere extra fines Romanos juberet. Quia nimis compar ²⁰ Latinorum quondam postulatio erat, Cœliusque et alii id haud sine causa prætermiserant scriptores, ²¹ ponere pro certo sum veritus.

VII. Legati ad Hannibalem venerunt, pacemque cum eo ²² conditionibus fecerunt: *Ne quis imperator magistratusve* Deficiunt ad Hannibalem.
Pænorum jus ullum in civem Campanum haberet, neve civis Campanus invitus militaret, munusve faceret. ut suæ leges, sui magistratus Capuæ essent. ut trecentos ex Romanis captivis Pænus daret Campanis, quos ipsi elegissent; cum quibus equitum Campanorum, qui in Sicilia stipendia facerent, permutatio fieret. Hæc pacta: illa insuper, quam quæ pacta erant, facinora Campani ediderunt. nam ²³ præfectos socium civesque Romanos alios, partim aliquo militiæ munere occupatos, partim privatis negotiis implicitos,

¹ Virius Gron. Crev.

¹⁹ *Hac oratione .. dimissis]* Lege ab hac.

²⁰ *Latinorum... postulatio]* Vid. supra l. VII. capp. 4. et 5.

²¹ *Ponere pro certo sum veritus]* Cicero tamen rem affirmat, Agr. II. n. 95.

²² *Conditionibus]* Hæc vox sic nude posita exprimit fœdus certis legibus factum, non ita ut hi se permittant illius arbitrio.

²³ *Præfectos socium, civesque Ra-*

manos alios] Hinc patet præfectos socium, qui in sociali exercitu eundem honoris ac potestatis gradum tenebant, quem in legione tribuni militum, cives Romanos fuisse. Hoc idem probare videntur nomina præfectorum, quæ interdum occurrunt apud Livium, quæ quidem plane sunt Romana. Sic l. XXVII. c. 26. nominantur duo præfecti socium, L. A. rennius, et M. Aulus: et eodem l. c. 41. P. Claudius.

U. C. 536. plebs repente omnes comprehensos, velut custodiæ causa,
 A. C. 216. balneis includi jussit: ubi, fervore atque æstu anima inter-
 clusa, foedum in modum exspirarent. Ea ne fierent, neu
 Decius Ma- legatio mitteretur ad Pœnum, summa ope Decius Magius,
 gius adver- vir cui ad summam auctoritatem nihil, præter sanam civium
 satur Pœ- mentem, defuit, restiterat. ut vero præsidium mitti ab Han-
 nis. nibale audivit, ²⁴ Pyrrhi superbam dominationem, miserabi-
 lemque Tarentinorum servitutem, exempla referens, primò,
 ne reciperetur præsidium, palam vociferatus est: deinde, ut
 receptum aut ejiceretur, aut, si malum facinus, quod a ve-
 rustissimis sociis consanguineisque defecissent, forti ac me-
 morabili facinore purgare vellent, ut, interfecto Punico
 præsidio, restituerent se Romanis. Hæc (neque enim oc-
 culte agebantur) quum relata Hannibali essent, primo misit,
 Vocatus ab Hannibale qui vocarent Magium ad sese in castra: deinde, quum is
 negat se iturum. ferociter negasset se iturum, (nec enim Hannibali jus esse
 in civem Campanum) concitatus ira Pœnus, comprehendi
 hominem, vinctumque adtrahi ad se jussit. veritus deinde,
 ne quid inter vim tumultus, atque ex concitatione animo-
 rum inconsulti certaminis oriretur, ipse, præmisso nuncio
 ad Marium Blossium prætorem Campanum, postero die se
 Capuæ futurum, proficiscitur e castris cum modico præsi-
 dio. Marius concione advocata edicit, ut frequentes cum
 conjugibus ac liberis obviam irent Hannibali. Ab universis
 id non obedienter modo, sed enise, favore etiam vulgi, et
 studio visendi tot jam victoriis clarum imperatorem, factum
 Decii Magii est. Decius Magius nec obviam egressus est, nec, quo timo-
 constantia. rem aliquem ex conscientia significare posset, privatim se
 tenuit: in foro cum filio clientibusque paucis otiose inam-
 bulavit, trepidante tota civitate ad excipiendum Pœnum
 visendumque. Hannibal, ingressus urbem, senatum exem-
 plo postulat, precantibusque inde primoribus Campanorum,
 ne quid eo die seriæ rei gereret, diemque ut ipse adventu
 suo festum lætus ac libens celebraret; quamquam præ-
 ceptis ingenio in iram erat, tamen, ne quid in princi-
 pio negaret, visenda urbe magnam diei partem consum-
 sit.

VIII. Deversatus est apud ²⁵ Ninnios et Celeres, Stenium
 Pacuviumque, inclitos nobilitate ac divitiis. Eo Pacuvius
 Calavius, de quo ante dictum est, princeps factionis ejus,

* *Diversatus* Gron. Crev.

^b *Minios* Ead.

²⁴ * *Pyrrhi superbam dominationem*] Pyrrhus a Tarentinis accitus in Italiam, illorum licentiam severa disciplina coercuit, atque etiam dominum potius quam socium egit. † Vide Plut. in Pyrrho.

²⁵ *Minios Celeres*] Legit Gronovius

e scriptis *Ninnios*. Ceteram de toto hoc loco qui Perollam spectat, operæ pretium est legere c. 4. l. IV. Observ. Gronovii, ubi mirari licebit acutissimi hominis sagacitatem in eruenda e MSS. multum sæpe deformatis vera Livii scriptura.

quæ traxerat rem ad Poenos, filium juvenem adduxit, abs- U. C. 586.
tractum abs Decii Magii latere, cum quo ferocissime pro A. C. 216.
Romana societate adversus Punicum foedus steterat; nec
eum aut inclinata in partem alteram civitas, aut patria ma-
jestas sententia depulerat. Huic tum pater juveni Hanni- Pacuvius
balem deprecando magis, quam purgando, placavit, victus- veniam im-
que patris precibus lacrimisque etiam ad coenam eum cum petrat filio
patre vocari jussit: cui convivio neminem Campanum, suo Perollæ.
præterquam hospites, Jubelliumque Tauream, insignem bel-
lo virum, adhibiturus erat. ²⁶ Cœperunt epulari de die, et
convivium non ex more Punico, aut militari disciplina esse;
sed, ut in civitate atque etiam domo luxuriosa, omnibus vo-
luptatum inlecebris instructum. Unus nec dominorum in-
vitatione, nec ipsius interdum Hannibalis, Calavii filius Pe-
rolla ²⁷ vinci potuit; ipse valetudinem excusans, patre ani-
mi quoque ejus ²⁸ haud mirabilem interturbationem caussan-
te. Solis ferme occasu patrem Calavium, ex convivio egres-
sum, secutus filius, ubi in secretum (hortus erat posticis
ædium partibus) pervenerunt, *Consilium*, inquit, *adfero, pa-* Perolla oc-
ter, quo non veniam solum ²⁹ *peccati, quod defecimus ad Han-* cisurus
nibalem, impetraturi ab Romanis, sed in multo majore dignitate Hannibae-
et gratia simus Campani, quam umquam fuimus. Quum mi- lem, rem
rabundus pater, *quidnam id esset consilii*, quæreretur; toga re- significat
jecta ab humero, latus subcinctum gladio nudat: *Jam ego,* patri.
inquit, sanguine Hannibalis sanciam Romanum foedus. te id
prius scire volui, si forte abesse, dum facinus patratur, mallet.

IX. Quæ ubi vidit audivitque senex; velut si jam agen- Dehortatur
dis, quæ audiebat, interesset, amens metu, *Per ego te, in-* cum pater.
quit, fili, quæcumque jura liberos jungunt parentibus, precor
quæsoque, ne ante oculos patris ³⁰ *facere et pati omnia infanda*
velis. Paucae horæ sunt, intra quas jurantes per quidquid De-
orum est, dextræ dextras jungentes, fidem obstrinximus, ³¹ *ut sa-*

¹ quo Gron. Crev.

²⁶ *Cœperunt epulari de die*] Quam multum adhuc diei superesset. Hoc notat Livius, tanquam parum severum et sobrium. Legitima enim convivii hora apud veteres erat solis occasus, aut certe decima diei hora. Itaque *partem solido demere de die*, ut loquitur Horatius, luxuriæ esse videbatur. Vid. Lips. ad c. 2. l. XIV. Annal. Taciti.

²⁷ *Vinci potuit*] Adduci, ut se lætitiæ convivali permitteret.

²⁸ *Haud mirabilem interturbationem*] Ortam scilicet ab Annibalis conspectu, cui se paucas ante horas infensissimum hostem professus erat.

²⁹ *Peccati, quo defecimus ad Anni-*

balem] Unus e nostris codd. plane; ut volebat Gron. *quod defecimus.* Et firmat Liv. supra, c. 7. *Si malum facinus, quod. . defecissent.*

³⁰ **Facere et pati omnia infanda*] Id facere, quo omnia scelera continentur; pati crudelissima supplicia. Ceterum hujus omnibus numeris absolutæ orationis vim et pulchritudinem singularem egregie exponit, et intuendam ac pene pertractandam præbet Clar. Rollinus, *Traité des Études*, T. II. c. 3. §. II. art. 1.

³¹ *Ut sacratas fide manus. . arma-*
remus] Sic habent optimi MSS. complures, nisi quod præferunt *mansis*, quod mutavit Jac. Gronovius in *ma-*

U. C. 536. *cratas fide manus^k, digressi ab colloquio, extemplo in eum armaremus?* Ab hospitali mensa surgis^l, ad quam tertius Campanorum adhibitus es ab Hannibale, ut eam ipsam mensam cruentares hospitis sanguine? Hannibalem pater filio meo potui placare, filium Hannibali non possum? Sed sit nihil sancti, non fides, non religio, non pietas: audeantur infanda, si non perniciem nobis cum scelere adferunt. Unus adgressurus es Hannibalem? quid illa turba tot liberorum servorumque? quid in unum intenti omnium oculi? quid tot dextræ? torpescentne in amentia illa? Vultum ipsius Hannibalis, quem armati exercitus sustinere nequeunt, quem horret populus Romanus, tu sustinebis? et, alia auxilia desint, me ipsum ferire, corpus meum obponentem pro corpore Hannibalis, sustinebis? Atqui per meum pectus petendus ille tibi transfigendusque est. deterreri hic sine te potius, quam illic vinci. Valeant preces apud te meæ, sicut pro te hodie valuerunt. Lacrimantem inde juvenem cernens, medium complectitur, atque, osculo hærens, non ante precibus abstitit, quam pervicit, ut gladium poneret, fidemque daret, nihil facturum tale. Tum juvenis, Ego quidem, inquit, quam patriæ debeo, pietatem exsolvam patri. tuam doleo vicem, cui ter prodita patriæ sustinendum est crimen; semel, quum defectionis ab Romanis; iterum, quum pacis cum Hannibale fuisti auctor; tertio hodie, quum restituendæ Romanis Capuæ mora atque impedimentum es. Tu, patria, ferrum, quo pro te armatus³² hanc arcem defendere volebam, hosti minime parcens, quando parens extorquet, recipe. Hæc quum dixisset, gladium in publicum trans maceriam horti abiecit: et, quo minus res suspecta esset, se ipse convivio reddidit.

Patri cedit
Perolla.

Hannibal
Dec. Magium sibi
dedi postulat.

X. Postero die senatus frequens datus Hannibali. ubi prima ejus oratio perblanda ac benigna fuit; qua gratias

^k ut sacratis de mensis essemus: — — — armaremur? Gron.
ab h. m. Gron. Crev. paullo post: adhibitus ab H. ex Eæd.

^l Surgis

aus. Hæc certissima est ac verissima hujus loci lectio, quam quo attentius perpenderis, eo profecto comprobabis magis. Vulgo legitur, ut *sacratīs de mensis essemus: digressi q̄ colloquio. . armaremur?* nulla satis firma librorum auctoritate, et præterea ineleganter et inconcinne. Infra enim *hospitalis mensæ* fit mentio: quæ repetitio frigida esset, si jam de *sacratīs mensis* actum foret. Non est, nec ullo pacto esse debet in eo loco quem perpendimus de *mensa hospitali* sermo, sed tantum de eo colloquio quo Annibalem pater filio placavit: sicque a minoribus ad majora procedit oratio; quod artificium summa

cura Livius in tota hac oratione observavit. * Sensus est: Num ideo fidem dedimus Annibali, ut jurisjurandi religione consecratas manus in eum armaremus?

³² *Hanc arcem defendere volebam, hosti minime parcens*] Hæc inquinata sunt, et male assutis centonibus deformata. Unus e nostris codd. *defendere volebam* et *parcens* exhibet supra lineam ab aliena procul dubio manu adjecta. Pnt. liber, *hanc arcem hostrimini*: unde Rubenius efficit, *hanc arcem hostium ini*. Nimirum Perolla non incommode vocat domum eam, in qua diversabatur Annibal, *arcem hostium*.

egit Campanis, quod amicitiam suam Romanæ societati U. C. 536. præposuissent; et inter cetera magnifica promissa pollicitus, A. C. 216. brevi caput Italiæ omni Capuam fore, juraque inde cum ceteris populis Romanum etiam petiturum. Unum esse exsortem Punicæ amicitiae foederisque secum facti, quem neque esse Campanum, neque dici debere, Magium Decium. eum postulare, ut sibi dedatur, ac se præsentem de eo referatur, senatusque consultum fiat. Omnes in eam sententiam ierunt: quamquam magnæ parti et vir indigna ea calamitate, et haud parvo initio minui videbatur jus libertatis. Egressus curia, ³³ in templo magistratus consedit; comprehendique Decium Magium, atque ante pedes destitutum caussam dicere jussit. Qui quum, manente ferocia animi, negaret lege foederis id cogi posse, tum injectæ catenæ, ducique ante lictorem in castra est jussus. Quoad capite aperto Magius obducitur in castra Hannib. est ductus, concionabundus incessit, ad circumfusam undique multitudinem vociferans; *Habetis libertatem, Campani, quam petistis. foro medio, luce clara, videntibus vobis, nulli Campanorum secundus, vinctus ad mortem rapior. Quid violentius Capua capta fieret? Ite obviam Hannibali, exornate urbem, diemque adventus ejus consecrate, ut hunc triumphum de cive vestro spectetis.* Hæc vociferanti, quum moveri vulgus videretur, obvolutum caput est, ocusque rapi extra portam jussus, ita in castra perducitur: extemploque inpositus in navim, et Karthaginem missus; ne, motu aliquo Capuæ ex indignitate rei orto, senatum quoque poeniteret dediti ³⁴ principis: et, ³⁵ legatione missa ad repetendum eum, ne aut negando rem, ³⁶ quam primum peterent, offendendi sibi novi socii; aut tribuendo, habendus Capuæ esset seditionis ac turbarum auctor. Navem Cyrenas detulit tempestas, ³⁷ quæ tum in dititione regum erant. ibi quum Magius ad statuum ³⁸ Ptolemæi regis confugisset, deportatus a custodibus Alexandriam ad Ptolemæum, ³⁹ quum eum docuisset, contra jus foederis vinctum se ab Hannibale esse, vinculis liberatur; permissumque, ut rediret, seu Romam, seu Capuam mallet. *Nec Magius Capuam sibi tutam dicere; et Romam eo tempore, quo inter Romanos Campanosque bel-*

33 *In templo magistratus consedit]* In loco, qui juri dicundo destinatus erat, quique ideo *templum* hic vocatur, quod nimirum auguriis consecratus esset. Templum enim est omnis locus auguriis consecratus. Vid. not. 45. ad c. 6. l. I. et not. 19. ad c. 56. l. II.

34 * *Principis]* Unius e principibus Capuæ viris.

35 *Legatione missa]* Si legatio mitteretur ad repetendum eum.

36 *Quam primum peterent]* Malit

Gronovius primam.

37 * *Quæ tum in dititione regum erant]* Quum hæc scriberet Livius, Cyrenæ jamdiu erant in dititione populi Romani.

38 * *Ptolemæi Regis]* Regnabat tunc in Ægypto Ptolemæus Philopator, a Ptolemæo Lagi filio quartus.

39 *Cum eum docuisset]* Cu legi jussit Gronovius pro *dum*, ita postulante recta loquendi ratione. Et favet Victor. codex.

U. C. 536. *lum sit, transfugæ magis, quam hospitis, fore domicilium.*
 A. C. 216. *nusquam malle, quam in regno ejus, vivere, quem vindicem
 atque auctorem habeat libertatis.*

Redit a Del-
 phis legatus
 Romanus.

XI. Dum hæc geruntur, ⁴⁰ Q. Fabius Pictor legatus a Delphis Romam rediit, responsumque ex scripto recitavit: ⁴¹ Divi quoque in eo erant, quibus quoque modo supplicaretur. tum, *Si ita faritis, Romani, vestræ res meliores* ⁴² *facilioresque erunt: magisque ex sententia respublica vestra vobis procedet, victoriaque duelli populi Romani erit. Pythio Apollini, respublica vestra bene gesta servataque,* ⁴³ *lucris meritis donum mittitote, deque præda, manubiis, spoliisque honorem habetote,* ⁴⁴ *lasciviam a vobis prohibetote.* Hæc ubi ex Græco carmine interpretata recitavit, tum dixit, se oraculo egressum extemplo his omnibus Divis rem divinam ture ac vino fecisse: jussumque ab templi antistite, sicut ⁴⁵ *coronatus laurea corona et oraculum adisset, et rem divinam fecisset; ita coronatum navim adscendere, nec ante deponere eam, quam Romam pervenisset. Se, quæcumque imperata sint, cum summa religione ac diligentia exsecutum; coronam Romæ* ⁴⁶ *in aram* ^m *Apollinis deposuisse.* Senatus decrevit, ut eæ res divinæ supplicationesque primo quoque tempore cum cura fierent. Dum hæc Romæ atque in Italia geruntur, nuncius victoriæ ad Cannas Karthaginem venerat Mago Hamilcaris filius: non ex ipsa acie a fratre missus, sed retentus aliquot dies in recipiendis civitatibus Bruttiorum, ⁴⁷ quæque deficiebant. Is, quum ei senatus datus esset, res gestas in Italia a fratre exponit: ⁴⁸ *Cum*

Mago Kar-
 thaginem a
 fratre mis-
 sus.

^m ara Gron. Crev.

⁴⁰ Q. Fabius Pictor] Is ipse qui horum temporum scripsit historiam, teste Appiano in bello Annibalico: scriptorum historiæ Romanæ antiquissimus, ut docet Livius, l. I. c. 44. Nec bellum hoc solummodo, sed res gestas populi Romani universas scribendo complexus fuerat.

⁴¹ Divi quoque in eo erant] Recidenda videtur particula quoque, quæ nihil huc pertinet, et facile immigrare potuit ex vicino orationis membro quibus quoque modo supplicaretur. Nisi quis malit, quia plerique scripti habent divinique, legere divi quique, id est, singuli divi.

⁴² Faciliores] Commodiores, fortunatiores. Sic Ter. Adelph. Act. III. Sc. 5. *Quam vos facillime agitis, quam estis maximo potentes, dites, fortunati, nobiles.* Et Plautus Epidico, Act. II. Sc. 2. *Quam facile et quam fortunate evenit illi, obsecro, mulieri!*

⁴³ Lucris meritis] Ex læris, quæ

promeriti laboribus et certaminibus fueritis.

⁴⁴ Lasciviam a vobis prohibetote] Cavete irreligiosam exultationem in rebus secundis, atque ex ea deum incuriam et contemptum. GRON.

⁴⁵ Coronatus laurea corona] Jac. Gronovius observat vocem corona abesse ab uno MS. et recte suspicatur eam additam esse interpretamenti loco. Firmatur hæc conjectura ex hoc loco l. XXVII. c. 37. *Virginum ordinem sequebantur decemviri coronati laurea prætextatique.*

⁴⁶ In aram Apollinis deposuisse] Vulgo in ara. Sed omnes scripti habent in aram: quemadmodum l. I. c. 18. *dextra in caput Numæ imposita.*

⁴⁷ Quæ deficiebant] Optimi et complures scripti habent, teste Gronovio, quæque. Quod si admittendum sit, legendum videtur, ut quæque deficiebant.

⁴⁸ Cum sex imperatoribus] Lino

sex imperatoribus eum, quorum quatuor consules, duo dictator ac magister equitum fuerint, cum sex consularibus exercitibus acie conflixisse: occidisse supra ducenta millia hostium: supra quinquaginta millia cepisse. Ex quatuor consulibus duos occidisse; ex duobus saucium alterum, alterum, toto exercitu amisso, vix cum quinquaginta hominibus effugisse. ⁴⁹ *Magistrum equitum, quæ consularis potestas sit, fusum fugatumque: dictatorem, quia se in aciem numquam commiserit,* ⁵⁰ *unicum haberi imperatorem, Bruttios Apulosque,* ⁵¹ *partim Samnitium ac Lucanorum defecisse ad Pænos. Capuam, quod caput, non Campaniæ modo, sed, post adflictam rem Romanam Cannensi pugna, Italiæ sit, Hannibali se tradidisse. Pro his tantis totque victoriis, verum esse, grates Deis immortalibus agi haberique.*

U. C. 536.
A. C. 216.
Exponit res
gestas Han-
nibalis.

XII. Ad fidem deinde tam lætarum rerum, effundi in vestibulo curiæ jussit annulos aureos, qui tantus acervus fuit, ut, metientibus ⁵² dimidium super tres modios explesse, sint quidam auctores. Fama tenuit, quæ propior vero est, haud plus fuisse modio. Adjecit deinde verbis, quo majoris cladis indicium esset, ⁵³ neminem, nisi equitem, atque eorum ipsorum primores, id gerere insigne. Summa fuit orationis, *Quo propius spem belli perficiendi sit, eo magis omni ope juvandum Hannibalem esse. procul enim ab domo militiam esse, in media hostium terra. magnam vim frumenti, pecuniæ, absumi: et tot acies, ut hostium exercitus delesse, ita victoris etiam copias parte aliqua minuisse. Mittendum igitur supplementum esse, mittendam in stipendium pecuniam frumentumque tam bene meritis de nomine Punico militibus.* Secundum hæc dicta Magonis lætis omnibus, Himilco, vir factionis Barcinæ, locum Hannonis increpandi esse ratus, *Quid est, Hanno? inquit. etiam nunc pœnitet belli suscepti adversus*

Annuli au-
rei ad mo-
dii mensu-
ram.

Hannonem
increpat
Himilco.

septem. Ex sequentibus patet Ti. Sempronium hic omitti: quæ sane mirari videri debet scriptoris nostri indiligentia.

⁴⁹ * *Magistrum equitum, quæ consularis potestas sit*] Observa relativum, quod, duobus nominibus interpositum, sequenti conjungitur: cujus loquendi figuræ et aliud nox exemplum sequetur. *Capuam quod caput .. Campaniæ .. sit.*

⁵⁰ * *Unicum imperatorem haberi*] Eximium et excellentem imperatorem existimari. Sic l. VII. c. 1. *vir unicus in omni fortuna*: et c. 12. *unicum ducem*: et VIII. 32. *unico juveni.*

⁵¹ *Partim Samnitium*] Antiquæ pro partem. Hunc archaismum e tri-

bus scriptis arripuit Gronovius: et aliquot exemplis tuetur l. III. Observ. c. 2.

⁵² *Dimidium super tres modios*] Paulo minus tribus modis Parisiensibus.

⁵³ *Neminem, nisi equitem, atque eorum ipsorum primores*] Neminem id insigne gerere, nisi qui equo militaret, et eorum ipsorum primores, eos nempe qui publico equo merebant, ac proprie equites Romani dicebantur. Quum Pœnus homo hic Pœnos senatores alloquatur, mirum videri non debet, quod equites Romanos describebat ambitu verborum potius, quam signet nomine.

U. C. 536.
A. C. 216.
Oratio
Hannonis
de Hanni-
bale.

Romanos? Jube dedi Hannibalem: veta in tam prosperis rebus grates Diis immortalibus agi. audiamus Romanum senatorem in Karthaginensium curia. Tum Hanno: Tacuissem hodie, Patres conscripti, ne quid in communi omnium gaudio, minus lætum quod esset vobis, loquerer. nunc interroganti senatori, pœniteatne me adhuc suscepti adversus Romanos belli, si reticeam, aut superbus, aut ⁵⁴ obnoxius videar: quorum alterum est hominis alienæ libertatis obliti; alterum suæ. Respondeam igitur Himilconi, non desisse pœnitere me belli, neque desitutum ante ⁵⁵ invictum vestrum^a imperatorem incusare, quam finitum aliqua tolerabili conditione bellum videro: nec mihi pacis antiquæ desiderium ulla alia res, quam pax nova, finiet. Itaque ista, quæ modo Mago jactavit, Himilconi ceterisque Hannibalis satellitibus jam læta sunt. mihi possunt læta esse, quia res bello bene gestæ, si volumus fortuna uti, pacem nobis æquiores dabunt. nam si prætermittimus hoc tempus, quo magis dare, quam accipere, possumus videri pacem, vereor, ne hæc quoque lætitia ⁵⁶ luxuriet nobis, ac vana evadat. Quæ tamen nunc quoque qualis est? Occidi exercitus hostium: mittite milites mihi. quid aliud rogares, si esses victus? Hostium cepi bina castra, prædæ videlicet plena et commeatum; frumentum et pecuniam date. quid aliud, si spoliatus, si exutus castris esses, peteres? Et, ne omnia ipse mirer, (mihi quoque enim, quoniam respondi Himilconi, interrogare jus fasque est) velim seu Himilco, seu Mago respondeat; quum ad internecionem Romani imperii pugnatum ad Cannas sit, constetque in defectione totam Italiam esse; primum ecquis Latini nominis populus defecerit ad nos? deinde ecquis homo, ex quinque et triginta tribubus, ad Hannibalem transfugerit? Quum utrumque Mago negasset: Hostium quidem ergo, inquit, adhuc nimis multum superest. sed, multitudo ea quid animorum, quidve spei habeat, scire velim.

Disceptatio
cum Mago-
ne.

XIII. Quum, id nescire, Mago diceret; Nihil facilius scitu est, inquit. Ecquos legatos ad Hannibalem Romani miserunt de pace? ecquam denique mentionem pacis Romæ factam esse, adlatum ad vos est? Quum id quoque negasset, Bellum igitur, inquit, tam integrum habemus, quam habuimus, qua die Hannibal in Italiam est transgressus. Quam varia victoria ⁵⁷ priore Punico bello fuerit, plerique, qui me-

^a nostrum Gron.

⁵⁴ * Obnoxius] Ignobiliter pavens, ut servus nutum domini horret. Sic l. III. c. 39. Obnoxie dictas sententias.

⁵⁵ Invictum vestrum imperatorem] In voce vestrum sese prodit indignatio et contemptus. Ideo illam auctore Put. libro admisimus. Vulgo nos-

trum.

⁵⁶ * Luxuriet nobis] Nos vana spe lactatos destituat.

⁵⁷ Priore Punico bello] Si hæc sunt a manu Livii, imprudens more Romano Pœnum hominem loquentem facit. CLARRICUS.

minerimus, supersumus. numquam terra marique magis pro- U. C. 536.
speræ res nostræ visæ sunt, quam ante consules C. Lutatium et A. C. 216.
A. Postumium fuerunt. Lutatio et Postumio consulibus, de-
victi ad Ægates insulas sumus. Quod si (id quod Dii omen
avertant) nunc quoque fortuna aliquid variaverit; tum pacem
speratis, quum vincemur, quam nunc, quum vincimus, dat ne-
mo? Ego, si quis de pace consulat, seu deferenda hostibus, seu
accipienda, habeo, quid sententiæ dicam: si de iis, quæ Mago
postulat, refertis, nec victoribus mitti adtinere puto, et frus-
trantibus nos ⁵⁸ *falsa atque inani spe multo minus censeo mit-*
tenda esse. Haud multos movit Hannonis oratio. nam et
simultas cum familia Barcina leviolem auctorem faciebat,
et occupati animi præsentis lætitia nihil, quo vanius fieret
gaudium suum, auribus admittebant: debellatumque mox
fore, si adniti paullulum voluissent, rebantur. Itaque in-
genti consensu fit senatusconsultum, ut Hannibali quatuor
Namidarum millia in supplementum mitterentur, et qua-
draginta elephantis, et ⁵⁹ *argenti multa talenta.* ⁶⁰ *Dictator-*
que cum Magone in Hispaniam præmissus est, ad condu-
cenda viginti millia peditum, quatuor equitum, quibus ex-
ercitus, qui in Italia, quique in Hispania erant, suppleren-
tur.

XIV. Ceterum hæc, ut in secundis rebus, segniter otio- Romani in-
 seque gesta. Romanos, præter insitam industriam animis, pigro bel-
 fortuna etiam cunctari prohibebat. nam nec consul ulli rei, lum adpe-
 quæ per eum agenda esset, deerat: et dictator M. Junius sant.
 Pera, rebus divinis perfectis, latoque, ut solet, ad populum,
⁶¹ ut equum ascendere liceret, præter duas urbanas legiones,
 quæ principio anni a consulibus conscriptæ fuerant, et ser-
 vorum delectum, cohortesque ⁶² ex agro Piceno et Gallico
 conlectas, ad ultimum prope desperatæ reipublicæ auxi-
 lium, quum honesta utilibus cedunt, descendit, edixitque:
Qui capitalem fraudem ausi, quique ⁶³ *pecuniæ judicati in vin-*
culis essent, qui eorum apud se milites fierent, eos noxa pecunia-
que sese exsolvi jussurum. Ea sex millia hominum Gallicis
spoliis, quæ triumpho C. Flamini translatæ erant, armavit.

⁵⁸ *Falsa atque inani spe]* Sic Gronovius edidit, proxime ad scriptam lectionem. Vulgati olim *falsa atque inani victoria.*

⁵⁹ *Argenti multa talenta]* Videtur legendum *mille talenta* ex c. 32. infra.

⁶⁰ *Dictatorque]* Pænus: sic solent loqui Romani scriptores, *nomina magistratum et imperiorum apud se usitata ad externos quoque populos transferentes.

⁶¹ * *Ut equum ascendere liceret]* Vatabatur prisca lege dictator equum conscendere. Cujus prohibitionis originem et causas inquit Plut. in Fab.

⁶² * *Ex agro... Gallico]* Sic dicebatur ager inter Æsim et Rubiconem fluvios, qui quum olim Gallorum Senonum fuisset, postea iis expulsis, populo viritim distributus fuerat.

⁶³ *Pecuniæ judicati]* Vid. not. 55. ad VI. 14.

U. C. 536.
A. C. 216.
Hannibal
Neapolim
frustra ten-
tat.

Nolæ dis-
cordia.

Senatus
Nolanus
vocat Mar-
cellum.

itaque cum viginti quinque millibus armatorum ab urbe proficiscitur. Hannibal, Capua recepta, quum iterum Neapolitanorum animos, partim spe, partim metu, nequidquam tentasset, in agrum Nolanum exercitum traducit: ⁶⁴ et ut non hostiliter statim, quia non desperabat voluntariam deditionem; ita, si morarentur spem, nihil eorum, quæ pati apti timere possent, prætermisurus. Senatus, ac maxime primores ejus, in societate Romana cum fide perstare; plebs novarum, ut solet, rerum atque Hannibalis tota esse; metumque agrorum populationis, et patienda in obsidione multa gravia indignaque proponere animo. neque auctores defectionis deerant. Itaque ubi senatum metus cepit, si propalam tenderent, resisti multitudini concitatæ non posse; ⁶⁵ clam simulando dilationem mali inveniunt. placere enim sibi defectionem ad Hannibalem simulant: quibus autem conditionibus in foedus amicitiamque novam trans-eant, parum constare. Ita spatio sumto, legatos propere ad prætorem Romanum Marcellum Claudium, qui Casilini cum exercitu erat, mittunt, docentque, quanto in discrimine sit Nolana res, agrum Hannibalis esse et Pœnorum, urbem extemplo futuram, ni subveniatur. concedendo plebei senatum, ubi velint, defecturos se, ne deficere præfestinarent, effecisse. Marcellus, conlaudatis Nolanis, eadem simulatione extrahi rem in suum adventum jussit: interim celari, quæ secum acta essent, spemque omnem auxilii Romani. Ipse a Casilino Calatiam petit: atque inde, Vulturno am-
ni^o trajecto, perque agrum Saticulanum ⁶⁶ Trebullanumque, super Suessulam per montes Nola pervenit.

XV. Sub adventum prætoris Romani Pœnus agro Nolano excessit, et ad mare proxime Neapolim descendit, cupidus maritimi oppidi potiundi, quo cursus navibus tutus ex Africa esset. Ceterum, postquam Neapolim a præfecto Romano teneri accepit, (M. Junius Silanus erat, ab ipsis Neapolitanis aditus) ⁶⁷ Neapoli quoque, sicut Nola, omis-

^o *anne Gron. Crev.*

^p *Trebianumque Crev.*

⁶⁴ *Et, ut non hostiliter statim]* Dele supervacaneam voculam *et*. Favet Victorinus codex, qui omittit *ut*.

⁶⁵ *Clam simulando]* Simulare est ostentare aliud quid, quam apud animum tuum sentias. Itaque non *clam*, sed palam et aperte peragitur id quod simulatur. Hic igitur videtur esse aliquid vitii, præsertim quum MSS. plurimum et a vulgata lectione, et a se invicem dissentiant. Suggestit Gronovius *obsecundando*, quomodo supra, l. III. c. 35. *obsecundando mollire*

impetum aggrediuntur.

⁶⁶ *Trebianumque]* Gronovianæ editiones habent *Trebulanumque* ex Cluverii emendatione. Nos veterum editorum et scriptorum lectionem retulimus, quam approbat Holstenius apud Cellar. Geogr. Ant. l. II. c. 9.

⁶⁷ *Neapoli quoque, sicut Nola, omissa]* Hanc scripturam (quam tenent duo e nostris codicibus, parum admodum abludentibus ceteris, sive quos Gronovius, sive quos ipsi inspeximus) non dubitavimus antepo-

sa⁹, petit Nuceriam. eam quum aliquamdiu circumsedisset, U. C. 536. sæpe vi, sæpe sollicitandis nequidquam nunc plebe nunc A. C. 216. principibus, fame demum in deditiōem accepit, pactus, ut Hannibal Nuceriam inermes cum singulis abirent vestimentis. deinde, ut qui a capit. principio mitis omnibus Italicis, præter Romanos, videri vellet, præmia atque ⁶⁸ honores, qui remanerent, ac militare secum voluissent, proposuit. Nec ea spe quemquam tenuit. dilapsi omnes, ⁶⁹ quocumque hospitia aut fortuitus animi inpetus tulit, per Campaniæ urbes, maxime Nola Neapolimque. Quum ferme triginta senatores, ac forte primus quisque, Capuam petissent, exclusi inde, quod portas Hannibali clausissent, Cumas se contulerunt. Nuceriæ præda militi data est, urbs direpta atque incensa. Nola Marcellus non sui magis fiducia præsidii, quam voluntate principum, habebat. plebes timebatur, et ante omnes L. Bantius, quem ⁷⁰ consensus adtentatæ defectionis, ac metus a Bantius Nolanus prætores Romano, nunc ad proditiōem patriæ, nunc, si ad propensus in Hannibalem id fortuna defuisset, ad transfugiendum stimulabat. Erat juvenis acer, et sociorum ea tempestate prope nobilissimus eques, seminecem eum ad Cannas in acervo cæsorū corporum inventum, curatumque benigne, etiam cum donis Hannibal domum remiserat. ob ejus gratiam meriti rem Nolanam in jus ditionemque dare voluerat Pœno: anxiumque eum et sollicitum cura novandi res prætor cernebat. Ceterum, quum aut poena cohibendus esset, aut beneficio conciliandus, sibi adsumsisse, quam hosti ademisse, fortem ac strenuum maluit socium, adcitumque ad se benigne appellat: *Multos eum invidos inter populares habere, inde existimatu facile esse, quod nemo civis Nolanus sibi indicaverit, quam multa ejus egregia facinora militaria essent. Sed, qui in Romanis militaverit castris, non posse obscuram ejus virtutem esse. multos sibi, qui cum eo stipendia fecerint, referre,*

⁹ Neapolim quoque sicut Nola non admissus Gron.

nere vulgatæ, Neapolim quoque, sicut Nola, non admissus. Melius enim et aptius cohæret hæc nostra cum iis quæ præcedunt, posteaquam Neapolim a præfecto Romano teneri accepit.

⁶⁸ Honores, qui remanerent ac militare secum voluissent, proposuit] Sic scripti, nisi quod habent remanserant: quod manifesto vitiosum est, debetque mutari in remanerent, vel remanere. Antea legebatur: Honores iis qui remansissent ac militare vellent secum, proposuit. Non raro supprimit in hunc modum pronomina Livius. Sic l. IV. c. 3. Civis Romanus si sit ex plebe, præcisa (ei) consulatus

spes erit? et X. 25. Hodierno et crastino die qui nomina dederitis, (eos) mecum ducam. Et durius longe Plautus, Men. Act. V. Sc. 8. Eripui, homines qui te ferebant sublimem quatuor: id est, qui te homines quatuor sublimem ferebant, iis te eripui. GRONOVIVS.

⁶⁹ Quocumque hospitia] Magis Livianum videretur, quo quemque hospitia, quod recte observat Gronovius. Sic infra, c. 17. qua quemque aut consilium, aut error tulit.

⁷⁰ Consensus attentatæ defectionis] Lege cum Gronovio: conscientia tentatæ defectionis.

U. C. 536. *qui vir esset ille, quæque et quoties pericula pro salute ac dig-*
 A. C. 216. *nitare populi Romani adisset: utique Cannensi prælio non*
prius pugna abstiterit, quam prope exsanguis ruina superinci-
dentium virorum, equorum, armorumque sit obpressus. Ita-
que macte virtute esto, inquit. apud me tibi omnis honos atque
omne præmium erit: et, quo frequentior mecum fueris, senties
eam rem tibi dignitati atque emolumento esse. lætoque juveni
promissis equum eximium dono dat, ⁷¹ bigatosque quingen-
tos quæstorem numerare jubet: lictoribus imperat, ut eum
se adire, quoties velit, patiantur.

Hannibal
ad Nolam.

XVI. Hac comitate Marcelli ferocis juvenis animus adeo
 est mollitus, ut nemo inde sociorum rem Romanam fortius
 ac fidelius juverit. Quum Hannibal ad portas esset, (Nolam
 enim rursus a Nuceria ⁷² moverat castra) plebesque Nolana
 de integro ad defectionem spectaret, Marcellus sub adven-
 tum hostium intra muros se recepit; non castris metuens,
 sed ne prodendæ urbis occasionem nimis multis in eam in-
 minentibus daret. Instrui deinde utrimque acies cœptæ,
 Romanorum pro mœnibus Nolæ, Pœnorum ante castra sua.
 prælia hinc parva inter urbem castraque, et vario eventu
 fiebant: quia duces nec prohibere paucos ⁷³ temere provo-
 cantes, nec dare signum universæ pugnae volebant. ⁷⁴ In
 hac cotidiana duorum exercituum statione principes Nola-
 norum nunciant Marcello, *Nocturna colloquia inter plebem ac*
Pœnos fieri; statutumque esse, ut, quum Romana acies ⁷⁵ egres-
sa portis iret, impedimenta eorum ac sarcinas diriperent, clau-
derent deinde portas, murosque occuparent, ut, potentes rerum
suarum atque urbis, Pœnum inde pro Romano acciperent.
 Hæc ubi nunciata sunt Marcello, conlaudatis senatoribus
 Nolanis, priusquam aliquis motus intus oriretur, fortunam
 pugnae experiri statuit. Ad tres portas in hostes versas tri-
 partito exercitum instruxit: impedimenta subsequi jussit;

Marcellus
se prælio
parat.

⁷¹ *rogantes* Gron. Crev.

⁷⁵ *foret* Gron.

⁷¹ *Bigatos quingentos*] Vertit
 Plut. in Marc. *πεντακοσίας δραχμας*.
 Drachma autem æquiparatur denario.
 Itaque bigati quingenti efficiunt sep-
 tem marcas nostrates, cum sex unciiis
 et semuncia una. Bigati nimirum
 nihil differebant a quadrigatis, de qui-
 bus supra, XXII. 52. nisi quod hi
 quadrigarum, illi bigarum effigiem
 insculptam gerebant.

⁷² *Moverat castra*] Scripti omnes
 movit.

⁷³ *Temere rogantes*] Hoc parum
 clarum est. Cur enim duces non de-
 negarent id quod temere rogarentur?
 In Put. libro invenimus *procantis*: un-
 de videndum est an effici debeat *pro-*

vocantis, sive provocantes. Quum utrim-
 que acies starent in conspectu, pauci
 injussu imperatorum temere interdum
 oppositos sibi hostes provocabant:
 quos prohibere duces non tanti esse
 ducebant.

⁷⁴ *In hac cotidiana*] Optimus co-
 dex *coditia jam*. Inde Gronovius fe-
 cit *cotidiana*. Sigonius dederat *conti-*
nua. Olim *comitiaria*.

⁷⁵ *Egressa portis iret*] Vulgo *egres-*
sa portis foret. Sed hoc quod edidi-
 mus, repertum in Put. et Victor. co-
 dicibus, Livianum esse facile persua-
 debimus iis qui vulgarem et plebeium
 sermonem eleganti et exquisito sciunt
 seponere,

calones lixasque et invalidos milites ⁷⁶ vallum ferre. media U. C. 536. porta robor legionum et Romanos equites, duabus circa A. C. 216. portis novos milites levemque armaturam ac sociorum equites statuit. Nolani muros portasque adire vetiti; ⁷⁷ subsidiaque destinata impedimentis data, ne, occupatis prælio legionibus, in ea inpetus fieret. ita instructi intra portas stabant. Hannibali, sub signis (id quod per aliquot dies fecerat) ad multum diei in acie stanti, primo miraculo esse, quod nec exercitus Romanus porta egrederetur, nec armatus quisquam in muris esset. ratus deinde prodita conloquia esse, metuque resides factos, partem militum in castra remittit, jussos propere adparatum omnem obpugnandæ urbis in primam aciem adferre; satis fidens, si cunctantibus instaret, tumultum aliquem in urbe plebem moturam. Dum in sua quisque ministeria discursu trepidat ad prima signa, succeditque ad muros acies, patefacta repente porta, Marcellus signa canere, clamoremque tolli, ac pedites primum, deinde equites, quanto maximo possent inpetu, in hostem erumpere jubet. Satis terroris tumultusque in aciem mediam intulerant, quum duabus circa portis P. Valerius Flaccus et C. Aurelius legati in cornua hostium erupere. Addidere clamorem lixæ calonesque, et alia turba custodiæ impedimentorum adposita, ut paucitatem maxime spernentibus Pœnis ingentis repente exercitus speciem fecerint. Vix equidem ausim adfirmare, quod quidam auctores sunt, duo millia et octingentos¹ hostium cæsos; ⁷⁸ non plus quingentos Romanum² amisisse. Sive tanta, sive minor victoria fuit, ingens eo die res, ac nescio, an maxima illo bello gesta sit. ⁷⁹ non vinci enim ab Hannibale vincentibus difficilius fuit, quam postea vincere.

Hannibalem adgre-
ditur.

Bene reu-
gerit.

X

XVII. Hannibal, spe potiundæ Nolæ adempta, quum Acerras recessisset, Marcellus extemplo, clausis portis custodibusque dispositis, ne quis egrederetur, quæstionem in

¹ trecentos Gron. Crev.

² plus uno Romanos Gron.

⁷⁶ *Vallum ferre*] Ferre plures vallos, quibus si opus esset vallum strui posset. Milites Romani senos septenosque vallos, interdum etiam duodecos tulisse leguntur. Vid. supra III. 27.

⁷⁷ *Subsidiaque destinata impedimentis data*] Data sunt impedimentis subsidia quæ iis erant destinata. Ceterum facile pateremur alterutram harum vocum, sive *data*, sive *destinata*, eliminari.

⁷⁸ *Non plus D.*] Sic clare Put. Et assentitur Plut. in Marcello. Auget quoque idem codex numerum occisorum ex Annibalis exercitu ad duo mil-

lia et DCCC. Sed et, quum scripti habeant mox *Romanorum*, recte videtur Gronovius emendare *Romanum*. Vulgo editi *duo millia et trecentos hostium cæsos: non plus uno Romanos amisisse*.

⁷⁹ *Non vinci enim ab Annibale vincentibus*] Hæc si sana sunt, sic exponi debent. Difficilius enim fuit vincentibus, id est, iis qui tunc vicere Marcello duce, non vinci ab Annibale, quam postea vincere. Olim legabatur *vincere solitis*, ubi nunc *vincentibus*. Inde Valla efficiebat vel *vincere solito*, nempe Annibale; vel, *vinci solitis Romanis*.

U. C. 536. foro de iis, qui clam in conloquiis hostium fuerant, habuit:
 A. C. 216. supra septuaginta damnatos proditionis securi percussit, bonaque eorum iussit publica populi Romani esse: et, summa rerum senatui tradita, cum exercitu omni profectus, supra Suessulam castris positis consedit. Pœnus, Acerras primum ad voluntariam deditionem conatus perlicere, postquam obstinatos vidit, obsidere inde atque obpugnare parat. ceterum Acerranis plus animi, quam virium, erat. itaque, desperata tutela urbis, ut circumvallari mœnia viderunt, priusquam⁸⁰ continuarentur hostium opera, per intermissa munimenta neglectasque custodias silentio noctis dilapsi, per vias inviaque,⁸¹ qua quemque aut consilium aut error^{*} tulit, in urbes Campaniæ, quas satis certum erat non mutasse fidem, perfugerunt. Hannibal, Acerris direptis atque incensis, quum a Casilino dictatorem Romanum⁸² legionesque novas acciri[†] nunciassent,⁸³ ne quis tam propinquis hostium castris Capuam quoque recurrat, exercitum ad Casilinum ducit. Casilinum eo tempore⁸⁴ quingenti Prænestini habebant, cum paucis Romanis Latinique nominis, quos eodem audita Cannensis clades contulerat. hi, non confecto Præneste ad diem delectu, serius profecti domo, quum Casilinum ante adversæ pugnae famam venissent,⁸⁵ et aliis adgregarent sese Romanis sociisque, profecti a Casilino cum satis magno agmine irent; avertit eos retro Casilinum nuncius Cannensis pugnae. ibi quum dies aliquot, suspecti Campanis timentesque, cavendis ac struendis in vicem insidiis traduxissent,⁸⁶ jamque de Capuæ defectione agi, accipique Hannibalem satis pro certo habuere,⁸⁷ interfectis nocte oppidanis, partem ur-

^{*} terror Gron.

[†] legionesque eminus adspici Crev.

80 * *Continuarentur*] Jungerentur inter se, ita ut nullum jam inter ea spatium pateret ad fugam.

81 *Qua quemque aut consilium, aut error tulit*] Sic suprâ, 13. *quo quemque hospitia, aut fortuitus animi impetus tulit*. Quod hactenus legebatur, *terror*, minime huc quadrat. Etenim eos etiam *terror* agitabat, qui certo *consilio* sedem sibi legere. Id sensit Gronovius. Sed non satis diligenter inspexerat codicem Put. qui veram lectionem servavit.

82 *Legionesque eminus adspici*] Lipsii conjectura, a Dujatio admissa; quæ quidem non longe abit a scripta lectione quorundam librorum, *minus accipi*. Gronovius ex uno codice affert *legionesque novas acciri*. Sed hoc minus clarum, minusque aptum huic loco visum est, quam Lipsiana emendatio.

83 *Ne quis . . . Capuam quoque re-*

currat] Gronovius emendat ex vestigiis MSS. *Ne quid . . . Capuæ quoque moveretur*.

84 *Quingenti Prænestini*] Notam numeri, quæ in plerisque libris deest, tenet unus e regiis. Ceterum infra c. 19. dicuntur fuisse *quingenti septuaginta*.

85 *Et aliis aggregarent sese*] Put. *adgregantur*. Unde proclive est efficere, *et aliis adgregantibus sese*: quod verum putamus.

86 *Jamque de Capuæ*] Libri magno consensu: *ita de Capuæ*. Lege ut, id est, postquam *de Capuæ defectione agi*. Hanc emendationem postulat verbum quod sequitur, *habuere*.

87 *Interfectis . . . oppidanis*] Ne intellige interfectos oppidanos omnes, sed eos videlicet, qui Pœnis favebant; cum ceteris communi animo consilioque Prænestinos urbem defendisse, ut constat ex c. 19. infra.

bis, quæ cis Vulturnum est, (eo enim dividitur amni) occupare. idque præsidium² Casilini habebant Romani. Ad- U. C. 536.
ditur et Perusina cohors, homines quadringenti sexaginta, A. C. 216.
eodem nuncio, quo Prænestini paucos ante dies, Casilinum compulsi. et satis ferme armatorum ad tam exigua mœnia, et flumine altera parte cincta, tuenda erat. penuria frumenti, nimium etiam ut videretur hominum, efficiebat.

XVIII. Hannibal quum jam inde haud procul esset, Gætulos cum præfecto, nomine Isalca, præmittit: ac primo, si fiat colloquii copia, verbis benignis ad portas aperiendas præsidiumque accipiendum perlicere jubet: si in pertinacia perstent, rem gerere ac tentare, si qua parte invadere urbem possit. Ubi ad mœnia accessere, quia silentium erat, solitudo visa; metuque concessum barbarus ratus, moliri portas et claustra refringere parat. quum, patefactis repente portis, cohortes duæ,⁸⁸ ad id² ipsum instructæ intus, ingenti cum tumultu erumpunt, stragemque hostium faciunt. Ita primis repulsis, Maharbal, cum majore robore virorum missus, nec ipse eruptionem cohortium sustinuit. postremo Hannibal, castris ante ipsa mœnia obpositis, parvam urbem parvumque præsidium summa vi atque omnibus copiis obpugnare parat. ac, dum instat lacessitque, corona undique circumdatis mœnibus, aliquot milites et promptissimum quemque, e muro turribusque ictos, amisit. Semel⁸⁹ ultro erumpentes agmine elephantorum obposito prope interclusit, trepidosque compulit in urbem, satis multis, ut ex tanta paucitate, interfectis. plures cecidissent, ni nox prælio intervenisset. Postero die omnium animi ad obpugnandum accenduntur; utique postquam corona aurea muralis proposita est, atque ipse dux castelli, plano loco positi, segnem obpugnationem Sagunti expugnatoribus exprobrabat, Cannarum Trasimenique et Trebiæ singulos admonens universosque. Inde vineæ quoque coeptæ agi cuniculique: nec ad varios conatus hostium⁹⁰ aut vis ulla, aut ars deerat. Socii Romanorum propugnacula adversus vineas statuere, transversis cuniculis hostium cuniculos excipere, et palam et clam coeptis obviam ire; donec pudor etiam Hannibalem ab incepto avertit: castrisque communitis, ac præsidio modico inposito, ne omissa res videretur, in hiberna Capuam concessit.

Casilinum
Hannibal
obpugnat.

Hannibal it
Capuam in
hiberna.

² *præsidii* Gron.

² *id* del. Ead.

⁸⁸ *Ad id ipsum*] Admisimus *ad id*, quod et fecerat Clericus, volentibus membranis nostris omnibus, et quibusdam Gronovii.

⁸⁹ *Utro erumpentes*] Quum etiam non lacessiti erumpere ausi essent.

⁹⁰ *Aut vis ulla, aut ars deerat. Socii Romanorum*] Placeret magis cum Gronovio legere: *aut vis ulla, aut ars deerat sociis Romanorum. Propugnacula . . .*

U. C. 536. Ibi partem majorem hiemis exercitum in tectis habuit, ad-
 A. C. 216. versus omnia humana mala sæpe ac diu duratum^b, bonis
 inexpertum atque insuetum. itaque, quos nulla mali vice-
 rat vis, perdidere nimia bona ac voluptates inmodicæ; ⁹¹ et
 eo impensius, quo avidius ex insolentia in eas se merserant.
 Somnus enim, et vinum, et epulæ, et scorta, balineaque,
 et otium, consuetudine in dies blandius, ita enervaverunt
 corpora animosque, ut magis deinde præteritæ victoriæ
 eos^c, quam præsentis tutarentur vires; majusque id pecca-
 tum ducis apud peritos artium militarium haberetur, quam
 quod non ex Cannensi acie protinus ad urbem Romanam
 duxisset. illa enim cunctatio distulisse modo victoriam vi-
 deri potuit; hic error vires ademisse ad vincendum. Ita-
 que, Hercule, velut si cum alio exercitu a Capua exiret,
 nihil usquam pristinæ disciplinæ tenuit. nam et redierunt
 plerique scortis impliciti: et, ubi primum sub pellibus ha-
 beri cœpti sunt, viaque et alius militaris labor excepit, ti-
 ronum modo corporibus animisque deficiebant: et deinde
 per omne æstivorum tempus magna pars sine commeati-
 bus ab signis dilabebantur: neque aliæ latebræ, quam
 Capua, desertoribus erant.

Conrumpi-
 tur illic ejus
 exercitus.

XIX. Ceterum, mitescente jam hieme, educto ex hiber-
 nis milite, Casilinum redit. ubi, quamquam ab obpugna-
 tione cessatum erat, obsidio tamen continuata oppidanos
 præsidiumque ad ultimum inopiæ adduxerat. Castris Ro-
 manis Ti. Sempronius præerat, dictatore auspiciis re-
 petendorum causa profecto Romam. Marcellum, et ip-
 sum cupientem ferre auxilium obsessis, et Vulturnus amnis
 inflatus aquis, et ⁹² preces Nolanorum atque Acerranorum,
 tenebant, Campanos timentium, si præsidium Romanum
 abscessisset. Gracchus, adsidens tantum Casilino, quia præ-
 dictum erat dictatoris, ne quid absente eo rei gereret, ni-
 hil movebat: quamquam, quæ facile omnem patientiam
 vincerent, nunciabantur a Casilino. nam et, præcipitasse
 se quosdam non tolerantes famem, constabat; et stare in-
 ermes in muris, nuda corpora ad missilium telorum ictus
 præbentes. Ea ægre patiens Gracchus, quum neque pug-
 nam conserere dictatoris injussu auderet, (pugnandum au-
 tem esse, si palam frumentum inportaret, videbat) neque

^b *durantem* Gron. Crev,

^c *eos victoriæ* Ead.

⁹¹ * *Et eo impensius*] Et quidem de-
 licis eo impensius perdidere Pœnos,
 eo graviore exitio evertere Pœnorum
 vires, quo avidius in eas se merserant,
 propterea quod hactenus erant illa-
 rum insueti.

⁹² *Preces . . Acerranorum*] Supra,

c. 17. Livius memoravit Acerranos
 passim diffugisse, urbem direptam at-
 que incensam fuisse. Itaque merito
 Gronovius hic legendum putat *Avella-*
norum, quæ civitas erat Campaniæ
 vicina Casilino.

clam inportandi spes esset, farre, ex agris circa undique U. C. 536. convecto, quum complura dolia complexset, nuncium ad A. C. 216. magistratum Casilinum misit, ut exciperent dolia, quæ Casilinum amnis deferret. Insequenti nocte, intentis omnibus in flu- in dolia per amnem frumentum mittitur. men ac spem ab nuncio Romano factam, dolia medio missa amni defluerunt: æqualiter inter omnes frumentum divisum. Id postero quoque die ac tertio factum est. nocte et mittebantur et perveniebant: eo custodias hostium fallebant. Imbribus deinde continuis citatior solito amnis, transverso vortice dolia inpulit ad ripam, quam hostes servabant. ibi hærentia inter obnata ripis salicta conspiciuntur: nunciatumque Hannibali est, et deinde intentione^d custodia cautum, ne quid falleret Vulturno ad urbem missum. Noces tamen fusæ ab Romanis castris, quum Noces mittuntur. medio amni ad Casilinum defluerent, cratibus excipiebantur. Postremo ad id ventum inopiæ est, ut lora detractasque scutis pelles, ubi fervida mollissent aqua, mandere conarentur, nec muribus aliove animali abstinerent, et omne herbarum radicumque genus aggeribus infimis muri eruerent; ⁹³ et, quum hostes obarassent, quidquid herbidi terreni extra murum erat, raporum semen injecerunt, ut Hannibal, *Eone usque, dum ea nascantur, ad Casilinum sessurus sum?* exclamaret: et, qui nullam antea pactionem auribus admiserat, tum demum agi secum est passus de redemptione liberorum capitum. ⁹⁴ Septunces auri in singulos pretium convenit. Fide accepta, sese tradiderunt: donec omne Hannibali aurum persolutum est, in vinculis habiti: tum remissi Cumas cum fide. Id verius est, quam ab equite in abeuntes deditur Casilinum. inmisso interfectos. Prænestini maxima pars fuere. ex quingentis septuaginta, qui in præsidio fuerunt, minus dimidium ferrum famesque absumsit: ceteri incolumes Præneste cum prætore suo Manicio (scriba is antea fuerat) redierunt. Statua ejus indicio fuit, Præneste in foro statuta, loricata, amicta toga, velato capite; et tria signa cum titulo lamnæ æneæ inscripto, *Manicium pro militibus, qui Casilini in præsidio fuerint, votum vovisse*. Idem titulus tribus signis in æde Fortunæ positus fuit subjectus.

XX. Casilinum oppidum redditum Campanis est, firmatum septingentorum militum de exercitu Hannibalis præsidio; ne, ubi Pœnus inde abscessisset, Romani obpugnant. Prænestinis militibus senatus Romanus duplex stipendium et quinquennii militiæ vacationem decrevit. civita-

^d interiore Gron.

⁹³ *Et, quum hostes*] Quum Pœni jecerunt.

obarassent quidquid soli herbidi circa murum erat, Prænestini qui Casilinum tuebantur raporum semen eo in-

⁹⁴ *Septunces auri*] Septenæ auri unciae in singulos: unciae nostrates septem cum granis 168.

U. C. 536. te quum donarentur ob virtutem, non mutaverunt. Perusi-
 A. C. 216. norum casus obscurior fama est; quia nec ipsorum monu-
 mento ullo est inlustratus, nec decreto Romanorum. Eo-
 dem tempore ⁹⁵ Petelinos*, qui uni ex Brutiis manserant in
 Petelini amicitia Romana, non Karthaginienses modo, qui regionem
 Romanis fi- obtinebant, sed Bruttii quoque ceteri, ob separata ab se
 di. consilia, obpugnabant. ⁹⁶ Quibus^f quum obsistere malis ne-
 quirent Petelini, legatos Romam ad praesidium petendum
 miserunt. quorum preces lacrimaeque (in questus enim fle-
 biles, quum sibi met ipsi consulere jussi sunt, sese in vesti-
 bulo curiae profuderunt) ingentem misericordiam Patribus
 ac populo moverunt. consultique iterum ⁹⁷ a M'. Pomponio
 praetore Patres, circumspectis omnibus imperii viribus, fate-
 ri coacti, nihil jam longinquis sociis in se praesidii esse, re-
 dire domum, fideque ad ultimum expleta, ⁹⁸ consulere sibi-
 met ipsos in reliquum^g praesenti fortuna jusserunt. Hæc
 postquam renunciata legatio Petelinis est, tantus repente
 moror pavorque senatum eorum cepit, ut pars profugiendi,
 qua quisque posset, ac deserendae urbis auctores essent;
 pars, quando deserti a veteribus sociis essent, adjungendi se
 ceteris Brutiis, ac per eos dedendi Hannibali. Vicit tamen
 ea pars, quæ nihil raptim nec temere agendum, consulen-
 dumque de integro censuit. Re ⁹⁹ laxata^h postero die per mi-
 norem trepidationem tenueruntⁱ optimates, ut, convectis
 omnibus ex agris, urbem ac muros firmarent.

Statue re-
rum in Si-
cilia.

XXI. Per idem fere tempus literæ ex Sicilia Sardinia-
 que Romam adlatæ. Priores ex Sicilia T. Otacilii propræ-
 toris in senatu recitatæ sunt: *L. Furium prætorem cum
 classe ex Africa Lilybæum venisse: ipsum graviter saucium
 in discrimine ultima vita esse. militi et navalibus sociis neque*

* *Petellinos*. Sic semper. Gron. Crev.
 del. Crev.

^f *Quibus* del. Gron.

^g *reliquum*

^h *Relata p. d. p. m. t. re Ead.*

ⁱ *retinuerunt* Gron.

⁹⁵ *Petellinos, qui uni ex Brutiis]*
 Consentia quoque, quæ Bruttiorum
 erat metropolis, in fide manserat, ut
 constat ex c. 30. infra.

⁹⁶ *Quibus quum obsistere malis]*
 Vulgo editi omittunt *quibus*. Illud
 addidimus ex scriptis.

⁹⁷ *A Manio Pomponio]* Emendatio
 Sigonil. Antea *M. Emilio*: male.

⁹⁸ *Consulere sibi met ipsos in præsen-
 ti fortuna jusserunt]* Gronovius ex op-
 timis, ut ipse vult, MSS. edidit, *in re-
 liquum præsentis fortuna*: id est, inquit,
 in futurum, dum præsens fortuna du-
 raret. Nobis vulgata lectio, quam
 tuentur vett. editi, et tres e nostra
 scriptis, multo expeditior et clarior
 visa est.

⁹⁹ *Relata . . re tenuerunt optimates]*

Vulgo *Re laxata . . retinuerunt*. Sed
 vix videtur ullus sensus hoc loco erui
 posse ex his vocibus *re laxata*. Jam
 verq verbum *retinuerunt* haud satis
 hic proprium est: cuius loco vetus
 Sigonii liber, unus Hearnii codex,
 Andreas, Campanus habent *re tene-
 runt*. Put. codex pro *re laxata* ha-
 bet *relata*. Quis dubitet scripsisse
 Livium, quomodo edidimus, *Relata
 postero die per minorem trepidationem
 re, tenuerunt optimates?* Quum rela-
 tum de ea re esset postero die, quo
 minor jam erat trepidatio, optimates
 evicere ut decretum fieret de urbe ad-
 versus Pœnos animose defendenda.

¹ *L. Furium prætorem]* Loge *P.
 Furium*. Sic enim supra, XXII. 55
 et 57. a Livio nominatur.

stipendium, neque frumentum ad diem dari; neque, unde de- U. C. 536.
tur, esse. Magnopere suadere, ut quam primum ea mittan- A. C. 216.
tur; sibi que, si ita videatur, ex novis prætoribus successorem
mittant. Eademque ferme de stipendio frumentoque ab
 A. Cornelio Mammula proprætoris ex Sardinia scripta.
 Responsum utrisque, non esse, unde mitteretur. jussique
 ipsi classibus atque exercitibus suis ² consulere. T. Otaci-
 lius, ad unicum subsidium populi Romani Hieronem lega- Hiero adju-
 tos quam misisset, in stipendium, quanti argenti opus fuit, vat Roma-
 et sex mensium frumentum accepit. Cornelio in Sardinia nos.
 civitates sociæ benigne contulerunt. Et Romæ quoque
 propter penuriam argenti ³ triumviri mensarii, rogatione M. Triumviri
 Minucii tribuni plebis, facti, L. Æmilius Papus, qui consul mensarii.
 censorque fuerat, et M. Atilius Regulus, qui bis consul
 fuerat, et L. Scribonius Libo, qui tum tribunus plebis erat.
 Et dumviri creati, M. et C. Atilii, ædem Concordiæ,
 quam L. Manlius prætor voverat, dedicaverunt. Et tres
 pontifices creati, Q. Cæcilius Metellus, et Q. Fabius Ma-
 ximus, et Q. Fulvius Flaccus, in locum P. Scantini de-
 mortui, et L. Æmilii Paulli consulis, et Q. Ælii Pæti, qui
 ceciderant pugna Cannensi.

XXII. Quum cetera, quæ continuis cladibus fortuna
 minuerat, quantum consiliis humanis adsequi poterant, Pa-
 tres explessent; tandem se quoque et solitudinem curiæ,
 paucitatemque convenientium ad publicum consilium re-
 spexerunt. neque enim post L. Æmilium et C. Flaminium
 censores senatus lectus fuerat, quum tantum senatorum ad-
 versæ pugnae, ad hoc sui quemque casus per quinquennium
 absumsissent. Quum de ea re ⁴ M'. Pomponius prætor, Deliberatur
 dictatore post Casilinum amissum profecto jam ad exerci- de explendo
 tum, exposcentibus cunctis retulisset; tum Sp. Carvilius, senatu.
 quum longa oratione ⁵ non solum inopiam, sed paucitatem

² Consulere. T. Otacilius] Sic pla-
 ne Put. liber a prima manu. Postea in-
 ter consulere et litteram t adjectum
 est supra lineam n: unde propagatum
 est id quod ante Gronovium editos
 obtinebat, consulerent. Otacilius.

³ Triumviri mensarii] Vid. supra
 VII. 21.

⁴ Manius Pomponius] Idem men-
 dam, quod c. 20. supra, reperiebatur
 hoc loco in prætoris nomine. Correxerit
 Sigonius.

⁵ Non solum inopiam, sed paucita-
 tem] Omnino hic aliquid mendii esse
 videtur. Neque enim satis commode
 inopiam hic interpretari liceat pau-
 peritatem, cujus mentio prorsus hoc
 loco inexpectata et intempestiva est.

Unus ex MSS. Hearnii habet inopiam
 senatus: unde hic sensus effici posse
 videretur: non solum inopiam, id est,
 penuriam, infrequentiam senatorum
 ipsorum, (quod Gallice diceremus le
 manque de sénateurs) sed paucitatem
 civium quibus allectis senatus sup-
 pleretur. Inopiam senatus hic dixe-
 rit nempe Livius, quemadmodum
 fere supra c. 3. inopia potioris subji-
 ciundi. Fortasse placeret magis, mu-
 tato duorum vocum ordine, legere:
 non solum paucitatem, sed inopiam
 etiam civium: ut Carvilius queratur,
 non, paucos superesse cives, sed plane
 nullos, qui in senatum legi possint.
 Idque omnino verum putamus.

U. C. 536. etiam civium, e^k quibus in Patres legerentur, conquestus
 A. C. 216. esset, explendi senatus caussa, et jungendi artius Latini no-
 minis, ⁶ pro magna re se^l suadere dixit, ut ex singulis po-
 pulis Latinorum, binis senatoribus, si Patres Romani cen-
 suissent, civitas daretur, atque in demortuorum locum in
 senatum legerentur. Eam sententiam haud æquioribus
 animis, quam ipsorum quondam postulatum Latinorum,
 Patres audierunt: et, quum fremitus indignantium tota cu-
 ria esset, et præcipue ⁷ Manlius^m, esse etiam nunc stirpis ejus
 virum, diceret, ⁸ ex qua quondam in Capitolio consul minatus
 esset, quem Latinum in curia vidisset, eum sua manu se inter-
 fecturum; Q. Fabius Maximus, Numquam rei ullius alienio-
 re tempore mentionem factam in senatu, dixit, quam inter tam
 suspensos sociorum animos incertamque fidem id tactum, quod
 insuper sollicitaret eos. eam unius hominis temerariam vocem
 silentio omnium extinguendam esse: et, si quid umquam arca-
 ni sanctive ad silendum in curia fuerit, id omnium maxime te-
 gendum, occulendum, obliviscendum, pro non dicto habendum
 esse. ita ejus rei obpressa mentio est. Dictatorem, qui
 censor ante fuisset, vetustissimusque ex eis, qui viverent,
 censoriis esset, creari placuit, qui senatum legeret: adcir-
 que C. Terentium consulem ad dictatorem dicendum jusse-
 runt. qui, quum ex Apulia, relicto ibi præsidio, magnis iti-
 neribus Romam redisset, ⁹ nocte proxima, ut mos erat, M.
 Fabium Buteonem ex senatusconsulto sine magistro equi-
 tum dictatorem in sex menses dixit.

Fabius Bu-
 teo dictator
 legendi se-
 natus caus-
 sa.

Dictatoris
 oratio.

XXIII. Is ubi cum lictoribus in Rostra escendit, neque
 duos dictatores tempore uno, quod numquam antea factum es-
 set, probare se, dixit: neque dictatorem se sine magistro equi-
 tum: nec ¹⁰ censoriam vim uni permissamⁿ, et eidem iterum:

^k ex Gron. Crev.
 sam uni Gron.

^l se del. Eæd.

^m T. Manlius Crev.

ⁿ permis-

⁶ Pro magna re suadere dixit] Dixit suadere se tanquam rem magni momenti. Atque in eo acquiescere-
 mus, nisi nos alio vocarent scripti.
 Victor. præfert cum magna re: Put.
 cum pro magno re se suadere. Viden-
 dum an legi debeat: explendi senatus
 causa, et jungendi artius Latini no-
 minis cum p. ro. id est, cum populo
 Romano, magnopere se suadere.

⁷ T. Manlius] Addidimus præno-
 men ex Put. codice, monente Grono-
 vio.

⁸ Ex qua quondam.... consul] Ex
 qua oriundus consul quondam in Ca-
 pitolio minatus esset.... Designatur
 T. Manlius Torquatus, cujus verba
 vid. l. VIII. c. 5.

⁹ Nocte.... ut mos erat] Nocte
 dictatorem dici a consule mos erat,
 ut constat ex plurimis antiquorum
 scriptorum testimoniis. Vid. supra
 VIII. 23.

¹⁰ Censoriam vim uni permissam,
 et eidem iterum] Vulgo permissam
 uni. Mutavimus harum vocum or-
 dinem, obsecuti libro Puteaneo, ut
 clarior sensus elucesceret. Nempe
 duplex vitium a Buteone notatur:
 primum, quod censoria vis permissa
 sit uni sibi, quum juxta leges duobus
 permitti deberet: secundum, quod
 eidem iterum permittatur, quum lege
 cautum esset, ne bis censorem fieri
 liceret. Hanc legem C. Marcius ite-
 rum censor tulerat.

nec dictatori, nisi rei gerendæ causa creato, in sex menses da- U. C. 536.
tum imperium. ¹¹ *Quæ immoderata fors, tempus ac necessitas* A. C. 216.
fecerint, iis se modum inpositurum. nam neque senatu quem-
quam moturum ex iis, quos C. Flaminius, L. Æmilius censo-
res in senatum legissent: transcribi tantum recitarique eos jus-
surum; ne penes unum hominem iudicium arbitriumque de
fama ac moribus senatoris fuerit; et ita in demortuorum locum
sublecturum, ut ordo ordini, non homo homini prælatus videre-
tur. Recitato vetere senatu, inde primos in demortuorum
 locum legit, ¹² qui post L. Æmilium et C. Flaminium cen-
 sores curulem magistratum cepissent, necdum in senatum
 lecti essent; ¹³ ut quisque eorum primus creatus erat: tum
 legit, qui ædiles, tribuni plebei, quæstoresve fuerant: tum
 ex iis, qui magistratus non cepissent, ¹⁴ qui spolia ex hoste
 fixa domi haberent, aut civicam coronam accepissent. Ita,
 centum septuaginta septem cum ingenti adprobatione ho-
 minum in senatum lectis, extemplo se magistratu abdicavit,
 privatusque de Rostris descendit, lictoribus abire ius-
 sis. turbæque se immiscuit privatas agentium res, tempus
 hoc sedulo terens, ne deducendi sui causa populum de foro
 abduceret: neque tamen elanguit cura hominum ea mora,
 frequentesque eum domum deduxerunt. Consul nocte
 insequenti ad exercitum rediit, non facto certiore senatu,
 ne comitiorum causa in urbe retineretur.

XXIV. Postero die consultus a M'. Pomponio prætore
 senatus decrevit, dictatori scribendum, uti, si e republica
 censeret esse, ad consules subrogandos veniret cum magistro
 equitum et prætore M. Marcello, ut ex iis præsentibus
 noscere Patres possent, quo statu respublica esset, consilia-
 que ex rebus caperent. Qui adciti erant, omnes venerunt,
 relictis legatis, qui legionibus præessent. Dictator, de se
 pauca ac modice locutus, in magistrum equitum, Ti. Sempronium
 Gracchum, magnam partem gloriæ vertit; comitiaque edixit,
 quibus L. Postumius tertium absens, qui tum Galliam provinciam
 obtinebat, et Ti. Sempronius Gracchus, qui tum magister equitum ¹⁵ et ædilis curulis erat*,

* *et ædilis curulis erat leg. co accumerat Gron.*

¹¹ *Quæ immoderata*] Quæ ultra modum, ultra præscriptum legum fieri cõgissent fors, tempus, ac necessitas.

¹² *Qui. . curulem*] Vid. not. 46. ad XXII. 49.

¹³ *Ut quisque eorum primus creatus erat*] Olim ut quisque eorum primus senator creatus erat. Resecuit Sigonius vocem *senator*, quæ sensum turbabat. Idem in iis quæ sequuntur

pro tribuni prætores legi jussit tribuni plebei: qua in re assentientes habet nostros codices. Denique inseruit particulam negantem huic membro, *ex iis qui magistratus non cepissent.* Omnia optime.

¹⁴ *Qui spolia ex hoste fixa domi haberent*] Vid. not. 29. ad l. X. c. 7.

¹⁵ *Et ædilis curulis erat*] Restituimus germanam Livii scripturam, auctore Put. et altero itidem ex re-

U. C. 536. consules crearentur. Prætores inde creati, M. Valerius A. C. 216. Lævinus, Ap. Claudius Pulcher, Q. Fulvius Flaccus, Q. Mucius Scævola. Dictator, creatis magistratibus, Teanum in hiberna ad exercitum rediit, relicto magistro equitum Romæ: qui, quum post paucos dies magistratum initurus esset, de exercitibus scribendis comparandisque in annum Patres consuleret. Quum eas res maxime agerentur, nova clades nunciata, aliam super aliam cumulante in eum annum fortuna; L. Postumium, consulem designatum, in Gallia ipsum atque exercitum deletos. Silva erat vasta, (Litaneam Gallia vocabant) qua exercitum traducturus erat. ejus silvæ dextra lævaque circa viam Galli arbores ita inciderant, ut inmotæ starent, ¹⁶ momento levi impulsæ occiderent. Legiones duas Romanas habebat Postumius, sociūque ab supero mari tantum conscripserat, ut viginti quinque millia armatorum in agros hostium induxerit. Galli oram extremæ silvæ quam circumsedissent, ubi intrauit agmen saltum, tum extremas arborum succisarum inpellunt. quæ, alia in aliam, instabilem per se ac male hærentem, incidentes, ¹⁷ ancipiti strage arma viros, equos obruerunt, ut vix decem homines effugerent. Nam quum exanimati plerique essent arborum truncis fragmentisque ramorum, ceteram quoque multitudinem, inopinato malo trepidam, Galli, saltum omnem armati circumsedentes^p, interfecerunt; paucis e tanto numero captis, ¹⁸ qui, fluminis pontem petentes, obsesso ante ab hostibus ponte interclusi sunt. Ibi Postumius, omni vi, ne caperetur, dimicans, obcubuit. spolia corporis caputque ducis præcisum Boii ovantes templo, quod sanctissimum est apud eos, intulere: purgato inde capite, ut mos iis est, calviam auro cælavere. idque sacrum vas iis erat, quo sollemnibus libarent: poculumque idem ¹⁹ sacerdoti esse, ac templi antistitibus. Præda quoque haud minor Gallis, quam victoria, fuit. nam etsi magna pars animalium strage silvæ obpressa erat, tamen

L. Postumius Cos. des. in Gallia cum exercitu deletus.

^p *circumsidentes* Gron. Crev.

giis optimo. Ti. Sempronium tum ædilem fuisse rursus monet Livius infra c. 30. Plerique libri et editi hic mendosi erant, habebantque *et ea, vel eo accurrerat*. Nimirum fraudi librariis fuit paululum vitiata, nec omnibus expressa litteris, antiqua scriptura. Put. exhibet *et ead. cur erat*: alter a nobis allegatus, *et edit. curul erat*.

¹⁶ * *Momento levi*] *Momentum* est id quod movet. Itaque *momento levi* hic idem est ac *levi ictu, levi tactu*.

¹⁷ * *Ancipiti strage*] Quum sternu-

rentur, sive ruerent arbores in quamcunque partem, in directum a dextra, a læva.

¹⁸ *Qui fluminis pontem petentes, obsesso ante ab hostibus ponte, interclusi sunt*] Displicet *et ante* tam ex propinquo subsequens *pontem*. Facilius et liberius fluere oratio, si legeremus, *qui fluminis pontem petentes, obsesso ante ab hostibus, interclusi sunt*.

¹⁹ * *Sacerdoti. . . ac templi antistitibus*] Et qui sacra fecisset, et toti collegio antistitem templi.

ceteræ res, quia nihil dissipatum fuga est, strætæ per omnem jacentis agminis ordinem inventæ sunt. U. C. 536.
A. C. 216.

XXV. Hac nunciata clade, quum per dies multos in tanto pavore fuisset civitas, ut, tabernis clausis, velut nocturna solitudine per urbem acta, senatus ædilibus negotium daret, ut urbem circumirent, aperiri que tabernas, et mœstitiæ publicæ speciem urbi demi juberent; tum Ti. Sempronius senatum habuit, consolatusque Patres est, et adhortatus, *ne, qui Cannensi ruinæ non subcubuissent, ad minores calamitates animos submitterent.* ²⁰ *quod ad Karthaginienses hostes Hannibalemque adtinet, prospera modo essent, sicut speraret futura, Gallicum bellum et omitti tuto et differri posse: ultionemque eam fraudis in Deorum ac populi Romani potestate fore. De hoste Pæno exercitibusque, per quos id bellum gereretur, consultandum atque agitandum.* Ipse primum, quid peditum equitumque, quid civium, quid sociorum in exercitu esset dictatoris, disseruit. Tum Marcellus suarum copiarum summam exposuit. Quid in Apulia cum C. Terentio consule esset, a peritis quæsitum est. nec, unde consulares exercitus satis firmi ad tantum bellum efficerentur, inibatur ratio. itaque Galliam, quamquam stimulabat justa ira, omitti eo anno placuit. Exercitus dictatoris consuli decretus est. De exercitu Marcelli, qui eorum ex fuga Cannensi essent, in Siciliam eos traduci, atque ibi militare, donec in Italia bellum esset, placuit. eodem ex dictatoris legionibus rejici militem minimi quemque roboris, nullo præstituto militiæ tempore, ²¹ nisi qui stipendiorum legitimorum esset. Duæ legiones urbanæ alteri consuli, qui in locum L. Postumii subfectus esset, decretæ sunt: eumque, quum primum salvis auspiciis posset, creari placuit. legiones præterea duas primo quoque tempore ex Sicilia adiri: ²² atque inde consul, cui legiones urbanæ evenissent, militum sumeret quantum opus esset. C. Terentio consuli propagari in annum imperium: neque de eo exercitu, quem ad præsidium Apuliæ haberet, quidquam minui.

XXVI. Dum hæc in Italia geruntur adparanturque, nihil segnus in Hispania bellum erat: sed ad eam diem ^{Res gestas in Hispania.}

¹ quod Crev.

²⁰ * *Quod . . . attinet*] Forte attineret. Indirecta enim est oratio.

²¹ *Nisi quod stipendiorum*] Gronovius dedit nisi qui. Sed *et quod* tenent veteres editi, et Victor. codex: nec erat cur quidquam mutaretur. Hi milites minimi quisque roboris, eo meliore conditione erant, quam ii qui a Cannis fugerant, quod exacto stipendiorum legitimorum numero in

patriam redire poterant. At militi Cannensi non ante finis militiæ ostendebatur, quam hostes Italia pulsi essent.

²² *Atque inde consul . . . sumeret*] Mellius videretur, *consulem . . . sumere*: ut idem servetur orationis tenor. Et favet Put. codex, qui a prima manu habuit *sumere*, littera *t* postmodum allita.

U. C. 536. magis prosperum Romanis. P. et Cn. Scipionibus inter se
 A. C. 216. partitis copias, ut Cnæus terra, Publius navibus rem gere-
 ret; Hasdrubal Pœnorum imperator, neutri parti virium
 satis fidens, procul ab hoste, intervallo ac locis tutus, tene-
 bat se: ²³ quoad¹ multum ac diu obtestanti quatuor millia
 peditum, et quingenti equites in supplementum missi ex
 Africa sunt. Tum, resecta tandem spe, castra propius hos-
 tem movit: classemque et ipse instrui pararique jubet, ad
 insulas maritimamque oram tutandam. In ipso inpetu mo-
 vendarum de integro rerum, perculit eum præfectorum na-
 vium transitio: qui, post classem ad Iberum per pavorem
 desertam graviter increpiti, numquam deinde satis fidi aut
 duci, aut Karthaginensium rebus fuerant. Fecerant hi²
 transfugæ motum ²⁴ in Carpesiorum³ gente, desciverantque
 iis auctoribus urbes aliquot: una etiam ab ipsis vi capta
 fuerat. In eam gentem versum ²⁵ ab Romanis bellum
 est; infestoque exercitu Hasdrubal ingressus agrum hos-
 tium, pro captæ ante dies paucos urbis mœnibus, Gal-
 bum, nobilem Carpesiorum ducem, cum valido exercitu
 castris sese tenentem, adgredi statuit. Præmissa igitur le-
 vi armatura, quæ eliceret hostes ad certamen, peditum par-
 tem ad depopulandum per agros passim dimisit, ut palantes
 exciperent. Simul et ad castra tumultus erat, et per agros
 fugaque et cædes; deinde undique diversis itineribus quum
 in castra se recepissent, adeo repente decessit animis pavor,
 ut non ad munimenta modo defendenda satis animorum es-
 set, sed etiam ad lacessendum hostem prælio. Erumpunt
 igitur agmine e castris, tripudiantes more suo; repentina-
 que eorum audacia terrorem hosti, paullo ante ultro laces-
 senti, incussit. itaque et ipse Hasdrubal in collem satis ar-
 duum, ²⁶ tutum⁴ flumine etiam objecto, ²⁷ tum copias sub-
 ducit, et præmissam levem armaturam equitesque palatos
 eodem recipit: nec aut colli aut flumini satis fidens, vallo
 castra permunit. In hoc alterno pavore certamina aliquot
 sunt contracta. nec Numida Hispano eques par fuit; nec

Hasdrubal
adversus
Carpesios
ducit exer-
citum.

Carpesii
terrorem
hostibus
injiciunt.

¹ quoad l. cui Gron.
Crev.

² ii Ead.
⁴ tutumque Gron.

³ Tartessiorum. Sic et in sqq.

²³ Quoad multum] Quoad hoc loco est usque eo donec, usque ad id tempus quo. Vulgo editi habent cui. Sed rē quoad nititur auctoritate optimorum codicum: et sic melius connexa est oratio.

²⁴ In Tartessiorum gente] Sic habere plurimos eisdemque optimos scriptos testatur Gronovius. Nec dissentiunt nostri. Sane Carpesii, quod nomen hic legebatur, ignoti Livio,

qui eos quos Polybius Καρπεσιος vocat, ipse Carpetanos nominavit supra l. XXI. c. 5.

²⁵ Ab Romanis] Omissis Romanis, Asdrubal in eam gentem vertit bellum.

²⁶ Tutum flumine] Sic scripti. Vulgati tutumque.

²⁷ Tum copias] Redundat particula tum.

jaculator Maurus castrato, velocitate pari, robore animi vi- U. C. 536.
riumque aliquantum præstanti. A. C. 216.

XXVII. Postquam neque elicere Pœnum ad certamen obversati castris poterant, neque castrorum obpugnatio facilis erat; urbem ²⁸ Ascuam², quo fines hostium ingrediens, Hasdrubal frumentum commeatusque alios convexerat, vi capiunt, omnique circa agro potiuntur. nec jam, aut in agmine, aut in castris, ullo imperio contineri. Quam ubi negligentiam ex re (ut fit) bene gesta oriri senserat Hasdrubal, cohortatus milites, ut palatos sine signis hostes adgrederentur, degressus colle, pergit ire acie instructa ad castra. quem ut adesse tumultuose nunciavere fugientes⁷ ex speculis stationibusque⁸, ad arma conclamatum est. Ut quisque arma ceperat, sine imperio, sine signo, incompositi, inordinati in prælium ruunt. Jam primi conseruerant⁹ manus, quum alii catervatim currerent, alii nondum e castris exissent. tamen primo ipsa audacia terruere hostem. deinde, rari in confertos inlati, quum paucitas parum tuta esset, respicere alii alios, et undique pulsi coire in orbem; ³⁰ et dum corporibus adplicantur, armaque armis jungunt, in artum compulsi, quum vix movendis armis satis spatii esset, corona hostium cincti, ad multum diei cæduntur. Exigua pars, eruptione facta, silvas ac montes petit: parique terrore et castra sunt deserta, et universa gens postero die in deditio- nem venit. ³⁰ Nec diu in pacato mansit. nam subinde ab Karthagine adlatum est, ut Hasdrubal primo quoque tem-
pore in Italiam exercitum duceret. quæ vulgata res perjubetur du-
Hispaniam omnium ferme animos ad Romanos avertit. cere exerci-
Itaque Hasdrubal extemplo literas Karthaginem mittit, in- tum in Ita-
dicans, quanto fama profectionis suæ damno fuisset. ³¹ Si
vero inde pergeret, priusquam Iberum transiret, Romanorum
Hispaniam fore. Nam, præterquam quod nec præsidium, nec
ducem haberet, quem relinqueret pro se; eos imperatores esse
Romanos, quibus vix æquis viribus resisti possit. Itaque si
ulla Hispaniæ cura esset, successorem sibi cum valido exerci-
tu mitterent: ³² cui, ut omnia prospere evenirent, non tamen
otiosam provinciam fore.

² Asenam Gron. Crev.
lere Ead.

⁷ nuncii refugientes Ead.

⁸ add. attu-

⁹ conseruerunt Gron.

²⁸ Asenam] Nomen ignotum omnibus Geographis. Scripti et veteres editi habent Ascuam.

²⁹ Et dum corporibus] Multum placet allata ab Hearnio ex uno e suis codd. lectio: et dum corpora corporibus applicantur.

³⁰ Nec diu in pacato mansit] Probabilis est Gronovii conjectura: nec diu pacata mansit, supple, gena.

³¹ Si vero inde pergeret] Nobis suspecta est hæc loquendi forma. Possis legere: si movere inde pergeret.

³² Cui ut omnia] Ante Gronovium editi, cui si omnia. Scripti carent particula si. Ille inseruit ut, quod facile perire potuit, absorptum ab duabus ultimis litteris vocis cui.

É. C. 536. XXVIII. Hæ literæ quamquam primo admodum move-
A. C. 216. runt senatum ; tamen, quia Italiæ cura prior potiorque erat,
nihil de Hasdrubale, neque de copiis ejus mutatum est^b.

Himilco³³ cum exercitu justo et aucta classe, ad retinen-
dam terra marique ac tuendam Hispaniam, est missus ; qui,
mittitur in Hispaniam. nt pedestres navalesque copias trajecit, castris communitis,
navibusque subductis et vallo circumdatis, cum equitibus
delectis ipse, quantum maxime adcelerare poterat, per du-
bios infestosque populos³⁴ juxta intentus ad Hasdrubalem
pervenit. Quum decreta senatus mandataque exposuisset,

Hasdrubal
in Italiam
ire parat.

Scipiones ei
obviam
eunt.

atque edidicisset ipse in vicem, quemadmodum tractandum
bellum in Hispania foret, retro in sua castra rediit ; nulla
re, quam celeritate, tutior, quod³⁵ undique abierat, ante-
quam consentirent. Hasdrubal, priusquam moveret castra,
pecunias imperat populis omnibus suæ ditionis, satis gna-
rus, Hannibalem transitus quosdam pretio mercatum : nec
auxilia Gallica aliter, quam conducta, habuisse ; inopem,
tantum iter ingressum, vix penetraturum ad Alpes fuisse.
pecuniis igitur raptim exactis, ad Iberum descendit. De-
creta Karthaginiensium et Hasdrubalis iter ubi ad Roma-
nos sunt perlata, omnibus omissis rebus, ambo duces, junc-
tis copiis, ire obviam cœptis atque obsistere parant ; rati si
Hannibali, vix per se ipsi tolerando Italiæ hosti, Hasdru-
bal dux atque Hispaniensis exercitus esset junctus, illum
Romani finem imperii fore. His anxii curis ad Iberum
contrahunt copias ; et, transito amne, quum diu consultas-
sent, utrum castra castris conferrent, an satis haberent, so-
ciis Karthaginiensium obpugnandis, morari ab itinere pro-
posito hostem, urbem a propinquo flumine Iberam adpella-
tam, opulentissimam ea tempestate regionis ejus, obpugna-
re parant. quod ubi sensit Hasdrubal, pro ope ferenda so-
ciis, pergit ipse ire ad urbem, deditam nuper³⁶ in fidem
Romanorum^c, obpugnandam. ita jam cœpta obsidio omissa
ab Romanis est, et in ipsum Hasdrubalem versum bellum.

XXIX. Quinque millium intervallo castra distantia ha-
buere paucos dies : nec sine levibus præliis, nec ut in aciem
exirent. tandem uno eodemque die velut ex composito u-
trimque signum pugnae propositum est, atque omnibus co-
Pugna inter Scipiones et Hasdrubalem.

^b est del. Gron. Crev.

^c Romanam Gron.

³³ Cum exercitu justo] Vid. not. 27. ad l. 4.

³⁴ Juxta] Pariter. Non minus intentus quum per dubiæ fidei populos, quam quum per aperte infestos transiret.

³⁵ Undique abierat, ante quam consentirent] Nulla fuit regio ex qua non prius abiisset, quam ejus regionis

populi satis spatii ad consentiendum haberent.

³⁶ In fidem Romanorum] Sic dedit Andreas. Sic et habent duo MSS. Hearnii, tres e nostris. Idque magis est ex solito more loquendi, quam quomodo vulgus editorum, in fidem Romanam.

piis in campum descensum. ³⁷ Triplex stetit Romana acies. U. C. 536. velitum pars inter antesignanos locata, pars post signa ac- A. C. 216. cepta, equites cornua cinxere. Hasdrubal mediam aciem Hispanis firmat: in cornibus, dextro Poenos locat, lævo Afros mercenariorumque auxilia: ³⁸ equitum Numidas Pœnorum peditibus, ceteros Afris pro cornibus obponit^d: nec omnes Numidæ in dextro locati cornu, sed quibus, desultorum in modum, binos trahentibus equos inter acerrimam sæpe pugnam in recentem equum ex fesso armatis transsultare mos erat: tanta velocitas ipsis, tamque docile equorum genus est. Quum hoc modo instructi starent, imperatorum utriusque partis haud ferme dispares spes erant. nam ne multum quidem, aut numero, aut genere militum, hi aut illi præstabant. Militibus longe dispar animus erat. Romanis enim, quamquam procul a patria pugnarent, facile persuaserant duces, pro Italia atque urbe Romana eos pugnare. itaque, velut quibus reditus in patriam eo discrimine pugnae verteretur, obstinaverant animis, vincere aut mori. Minus pertinaces viros habebat altera acies. nam maxima pars Hispani erant: qui vinci in Hispania, quam victores in Italiam trahi, malebant. Primo igitur concursu, quum vix pila conjecta essent, retulit pedem media acies, inferentibusque sese magno inpetu Romanis terga vertit. Nihilo segnius in cornibus prælium fuit. hinc Pœnus, hinc Afer arguet: et velut in circumventos prælio ancipiti pugnant. Sed quum in medium tota jam coisset Romana acies, satis virium ad dimovenda hostium cornua habuit. itaque duo diversa prælia erant: utroque Romani, ³⁹ ut Vincunt qui, pulsus tandem mediis, et numero et robore virorum Romanis. præstarent, haud dubie superarunt. Magna vis hominum ibi occisa. et, nisi Hispani vixdum conserto prælio tam effuse fugissent, perpauci ex tota superfuissent acie. Eques-

^d apponit Crev.

37 *Triplex stetit Romana acies*] Romana acies in tria de more corpora divisa est, Hastatos, Principes, Triarios. Levis armaturæ milites partim locati sunt inter Antesignanos, quo nomine designantur Hastati, atque etiam fortasse Principes: partim in ultimam aciem, ac post Triarios reiecti. De Antesignanis vid. not. 17. ad II. 20. et not. 83. ad VIII. 11.

38 *Equitum, Numidas*] Quæ præcessere pertinent ad pedites. Equitatum pro cornibus locatum ita dividit, ut Numidas adjungat Pœnorum peditibus, ceteros Afris. *Equitum* hic partitive sumitur, quasi ex equi-

tibus. Hic locus prava interpunctione laborabat, quam correximus, monente apud Gronovium Rubenio. Idem Rubenius ex conjectura suaserat legendum *apponit*, non *opponit*: quod quum unus e nostris MSS. clare exhibeat, et sensus ratio omnino efflagitet, sine cunctatione admisimus.

39 *Ut qui pulsus tandem mediis*] Gronovius legi jubet, *pulsus jam tum*, vel *jam ante mediis*. Particula *tandem* hic locum habere posse non videtur, quum media acies supra dicatur primo statim concursu retulisse pedem, et paulo post tergavertisse.

U. C. 536. A. C. 216. *tris pugna nulla admodum fuit. quia, simul inclinatum median aciem Mauri Numidaeque viderunt, extemplo fuga effusa nuda cornua, elephantis quoque prae se actis, deseruere. Et Hasdrubal, usque ad ultimum eventum pugnae moratus, e media caede cum paucis effugit. Castra Romani cepere, atque diripere. Ea pugna, "si qua dubia in Hispania erant, Romanis adjunxit: Hasdrubalique non modo in Italiam traducendi exercitus, sed ne manendi quidem satis tuto in Hispania, spem reliquit. Quae postquam literis Scipionum Romae vulgata sunt, non tam victoria, quam prohibito Hasdrubalis in Italiam transitu, laetabantur.*

Petelia in Bruttis ab Himilcone capta.

Cento capitur a Bruttis.

XXX. Dum haec in Hispania geruntur, Petelia^a in Bruttis, aliquot post mensibus, quam coepta obpugnari erat, ab Himilcone, praefecto Mannibalis, expugnata est. ⁴¹ Multo^b sanguine ac vulneribus ea Poenis victoria stetit: nec ulla magis vis obsessos, quam fames, expugnavit. absumtis enim frugum alimentis, carnisque omnis generis quadrupedum; ⁴² sutrinae postremo coriis, herbisque et radicibus, et corticibus teneris, ⁴³ strictisque rubis vivere; nec, antequam vires ad standum in muris ferendaque arma deerant, expugnati sunt. Recepta Petelia, Poenus ad Consentiam copias traducit: quam, minus pertinaciter defensam, intra paucos dies in deditionem accepit. Iisdem ferme diebus et Bruttiorum exercitus Crotonem, Graecam urbem, circumsedet, opulentam quondam armis virisque, tum jam adeo multis magnisque cladibus afflictam, ut omnis aetatis minus viginti millia civium superessent. itaque ⁴⁴ urbe a defensoribus vasta facile potiti sunt hostes: arx tantum retenta, in quam inter tumultum captae urbis e media caede quidam effugere. Et Locrenses descivere ad Bruttios Pœnosque, prodita multitudine a principibus. Rhegini tan-

^a *Petellia.* Sic semper. Gron. Crev.

^b *est; multoque* Gron.

⁴⁰ *Si qua dubia in Hispania erant]* Put. codex omittit prepositionem. Fortitan legendum si qua dubia Hispaniae erant.

⁴¹ *Multo sanguine]* Hoc, quod optimi preferunt, melius visum est, quam multoque sanguine, ut prius volebantur.

⁴² *Sutrinae postremo coriis]* Vix dubitari potest, quin legendum sit, quoniammodum edidit Campanus, ~~postremo coriis~~, nisi quod ~~et per aliam~~ potest. Sic supra c. 19. in ~~habitu~~ ~~Castellum~~ ~~detrahetur~~ ~~scutis~~ ~~propter~~ ~~in~~ ~~nam~~ ~~illi~~ ~~veritas~~ ~~fuisse~~ ~~narratum~~ ~~est~~.

⁴³ *strictisque rubis]* Rubis quoniam stratis adhibebant, l. e. decerp-

serant. Hos ruborum fructus appellat Ovidius *mora*, l. I. Metam. v. 105. *et in duris haerentis mora rubetis.*

⁴⁴ *Urbe a defensoribus vasta]* Urbe vacua defensoribus, quae non idoneum defensorum numerum haberet. *Vastus* est desertus, incultus, vacuus. Livius supra l. V. c. 53. *vastam incendis urbem.* Et Sallust. Jugurth. c. 48. *Afens . . vastus ab natura et humano cultu.* Addidimus voculam *a*, volentibus scriptis. Put. memorante Gronovio in not. ad l. V. c. 54. (nos enim nihil ex illo codice ad hunc locum enotavimus) a prima manu habet *vasta*. Ceteri, et plerique editi *vastata*.

tummodo regionis ejus, et in fide erga Romanos, et potes- U. C. 536.
tatis suæ ad ultimum manserunt. In Siciliam quoque ea- A. C. 216.
dem inclinatio animorum pervenit: et ne domus quidem
Hieronis tota ab defectione abstinuit. namque Gelo maxi- Gelo filius
mus stripis, contempta simul senectute patris, simul post Hieronis
Cannensem cladem Romana societate, ad Pœnos defecit: deficit ad
movissetque in Sicilia res, nisi mors adeo opportuna, ut Pœnos.
patrem quoque suspicione adaspergeret, armantem eum mul- Moritar.
titudinem, sollicitantemque socios absumsisset. Hæc eo
anno in Italia, in Africa, in Sicilia, in Hispania vario even-
tu acta. Exitu anni Q. Fabius Maximus a senatu postu-
lavit, ut ædem Veneris Erycinæ, quam dictator vovisset,
dedicare liceret. Senatus decrevit, ut Ti. Sempronius con-
sul designatus, ⁴⁵ quum primum ^a honorem ^b inisset, ad po-
pulum ferret, ut Q. Fabium duumvirum esse juberent ædis
dedicandæ causa. Et ⁴⁶ M. Æmilio Lepido, qui bis con- M. Æmili
sul augurque fuerat, filii tres, Lucius, Marcus, Quintus, ludi fune-
⁴⁷ ludos funebres per triduum, et gladiatorum paria duo et bres.
viginti per triduum in foro dederunt. Ædiles curules C.
Lætorius, et Ti. Sempronius Gracchus, consul designatus,
qui in ædilitate magister equitum fuerat, ludos Romanos
fecerunt, qui per triduum instaurati sunt. Plebei ludæ æ-
diliæ M. Aurelii Cottæ et M. Claudii Marcelli ter instau-
rati. Circumacto tertio anno Punici belli, Ti. Sempronius U. C. 537.
consul Idibus Martiis magistratum iniit. Prætores ⁴⁸ Q. A. C. 215.
Fulvius Flaccus, qui antea consul censorque fuerat, urba- Ti. Sem-
nam; M. Valerius Lævinus peregrinam sortem in jurisdic- pronio Cos.
tione habuit. Ap. Claudius Pulcher Siciliam, Q. Mucius
Scævola Sardiniam sortiti sunt. M. Marcello pro consule
imperium esse populus jussit, quod post Cannensem cladem
unus Romanorum imperatorum in Italia prospere rem ges-
sisset.

XXXI. Senatus, quo die primum est in Capitolio con- Duplex tri-
sultus, decrevit, ⁴⁹ ut, quo ^c eo anno duplex tributum impe-
bitum im-
peratum.

^a primum del. Crev.

^b honorem l. magistratum Gron.

^c quo del. Crev.

45 *Quum honorem inisset*] Solus Victorinus codex hic fidus est. Reliqui corrupti, ita tamen ut ad verum alludent: cum ibono, vel cum bono inisset. Vulgatæ lectionis auctor attigerat sensum, Fecerat enim: quum primum magistratum inisset.

46 *M. Æmilio Lepido, qui bis consul fuerat*] Hunc Lepidum observat Sigonius semel tantum in Fastis consulem reperiri, anno ante hunc decimo septimo. Quo igitur anno alterum consulatum gesserit, incertum est.

47 *Ludos funebres per triduum, et gladiatorum paria duo et viginti per triduum*] Manifestum est duas postremas voces per triduum male huc inculcatas esse ex versu præcedente.

48 *Q. Fulvius, qui antea consul*] Lege cum Perizonio: qui ante II. id est, bis, consul . . . fuerat: plane ut de eo rursus agens habet Livius, infra XXV. 5. Consul primum fuerat anno u. c. 515. secundum, anno 528.

49 *Ut eo anno*] Gronovius ex aliquot scriptis ediderat ut quo eo anno. Sed illud quo turbat magis, quam ju-

mano defecisset. Maxime, ut hoc ferretur, moverat, quod, U. C. 537.
 quorum hominum essent, scire se ipsi negabant; veterem pa- A. C. 215.
 tria relicta, in eam, in quam redierant, nondum adsciti.
 Postquam Marcellus ab exercitu rediit, comitia uni consuli
 rogando in locum L. Postumii edicuntur. Creatur ingenti
 consensu Marcellus, qui extemplo magistratum occiperet.
 cui ineunti consulatum quum tenuisset, vocati augures vi- Marcellus
 tio creatum videri pronuntiaverunt; vulgoque Patres ita in locum
 fama ferebant, quod tum primum duo plebei consules fac- Postumii
 ti essent, id Deis cordi non esse. In locum Marcelli, ubi Cos. creatur.
 is se magistratu abdicavit, subfectus Fabius Maximus ter- Se abdicat.
 tium. Mare arsit eo anno: ad Sinuessam bos equuleum Eisubficatur
 peperit: signa Lanuvii ad Junonis Sospitæ cruore mana- Fabius Ma-
 vere, lapidibusque circa id templum pluit. ob quem im- ximus III.
 brem novendiale, ut adsolet, sacrum fuit: ceteraque prodi- Cos.
 gia cum cura expiata. Prodigia.

XXXII. Consules exercitus inter sese^k diviserunt. Fa-
 bio exercitus, cui M. Junius dictator præfuerat, evenit;
 Sempronio⁵⁵ volones, qui fierent^l, et sociorum viginti
 quinque millia; M. Valerio prætori legiones, quæ ex Sici-
 lia redissent, decretæ; M. Claudius proconsul ad eum ex-
 exercitum, qui supra Suessulam Nolæ præsideret, missus.
 Prætores in Siciliam ac Sardiniam profecti. Consules e-
 dixerant, quoties in senatum vocassent, uti senatores, ⁵⁶qui- X
 busque in senatu dicere sententiam^l liceret, ad portam Ca-
 penam convenirent. Prætores, quorum jurisdictio erat,
 tribunalia ad Piscinam publicam posuerunt. eo vadimonia
 fieri jusserunt: ibique eo anno jus dictum est. Interim

^k se Gron. Crev.

^l volonum quod fuerat Crev.

id est, ex ante diem. Ex ante diem
 pridie, idem est quod, ex illo die qui
 est pridie.

⁵⁵ Volonum quod fuerat] Plerique
 scripti volonesque fuerunt. Ideo Gro-
 novius dederat volones qui fierent. Sed
 nobis non fit verisimile, hoc rursus
 anno servos a Romanis armatos fuisse,
 silente Livio. Neque enim rem
 ejusmodi verbo tantum tetigisset.
 Præterea si legamus volones qui fie-
 rent, duplex volonum ordo agnoscen-
 dus erit: veteres nempe, a M. Junio
 lecti post Cannensem cladem, quique
 hoc anno in Fabii exercitu fuerint;
 et novi, a Graccho scripti. Atque ita
 censet Gronovius. At in tota tempo-
 rum sequentium historia nusquam
 volonum fit mentio, nisi de Gracchi
 exercitu: ita ut omnibus quotquot
 fuerunt volonibus præfuisse Gracchus
 intelligatur. Vid. infra, c. 35. et l.

XXIV. capp. 11. 14. 15. 16. 18. et l.
 XXV. c. 20. His de causis reposui-
 mus plerorumque editorum lectio-
 nem, cui etsi scripti nostri non fa-
 vent, non continuo existimandum est
 ab ingenio emendatorum eam ortam
 esse, quum non omnes MSS. in Gro-
 novii aut nostras manus venerint.
 Adde quæ disputamus de MSS. auc-
 toritate in not. ad l. XXVII. c. 28.
 Volones dicti sunt milites, inquit
 Festus, qui post Cannensem cladem
 usque ad octo millia, quum essent ser-
 vi, voluntarie se ad militiam obtu-
 lerunt. Rem narravit Livius supra
 XXII. 57. Hi igitur volones eximun-
 tur de exercitu cui Fabius præfutura
 erat, et traduntur Sempronio.

⁵⁶ Quibusque in senatu dicere sen-
 tentiam liceret] Vid. not. 46. ad XXII.
 49.

U. C. 537.

A. C. 215.

Vocantur
Pœni in
Sardiniam
ab Hampsi-
cora.

Karthaginem, unde Mago frater Hannibalis duodecim milia peditum, et mille quingentos equites, viginti elephantos, ⁵⁷ mille argenti talenta in Italiam transmissurus erat, cum præsidio sexaginta navium longarum, nuncius adfertur, in Hispania rem male gestam, omnesque ferme ejus provinciæ populos ad Romanos defecisse. Erant, qui Magonem cum classe ea copiisque, omissa Italia, in Hispaniam averterent; quum Sardinia recipiendæ repentina spes adfulsit. *Parvum ibi exercitum Romanum esse: veterem prætorem inde A. Cornelium provinciæ peritum decedere, novum expectari. Ad hoc, fessos jam animos Sardorum esse diuturnitate imperii: et proximo iis anno acerbè atque avare imperatum. Gravi tributo et conlatione iniqua frumenti pressos. nihil deesse aliud, quam auctorem, ad quem deficerent.* Hæc clandestina legatio per principes missa erat; maxime eam rem moliente Hampsicora, qui tum auctoritate atque opibus longe primus erat. His nunciis prope uno tempore turbati, erectique, Magonem cum classe sua copiisque in Hispaniam mittunt. in Sardiniam Hasdrubalem ^m deligunt ducem: et tantum ferme copiarum, quantum Magoni, decernunt. Et Romæ consules, transactis rebus, quæ in urbe agenda erant, movebant jam sese ad bellum. Ti. Sempronius militibus Sinuessam diem ad conveniendum edixit; ⁵⁸ et Q. Fabius, consulto prius senatu, ut frumenta omnes ex agris, ⁵⁹ ante Kalendas Junias primas, in urbes munitas conveherent. *Qui non invexisset, ejus se agrum populaturum, servos sub hasta venditurum, villas incensurum.* Ne prætoribus quidem, qui ad jus dicendum creati erant, vacatio ab belli administratione data est. Valerium prætorem in Apuliam ire placuit, ad exercitum a Terentio accipiendum: quum ex Sicilia legiones venissent, iis potissimum uti ad regionis ejus præsidium: ⁶⁰ Terentianum mitti cum aliquo legatorum. Et viginti quinque naves ⁶¹ M. Valerio datae sunt, quibus oram maritimam inter Brundisium ac Tarentum tutari posset. Par navium numerus Q. Fulvio prætori urbano decretus ad suburbana litora tutanda. C. Terentio proconsuli negotium datum, ut in Piceno agro conquisitionem militum ha-

^m add. cognomento Calvum Gron. Crev.

⁵⁷ *Mille argenti talenta*] Marcas nostrates 93750.

⁵⁸ * *Et Q. Fabius*] Repete ex antecedentibus verbum *edixit*.

⁵⁹ *Ante Kalendas Junias primas*] Kalendas Junias præsentis anni. Additur *primas* ex consuetudine formulæ hujusmodi, in quibus verborum apices religiose perpenduntur. Vid. et infra l. XLII. c. 21.

⁶⁰ *Terentianum mitti*] Exercitum Terentii Varronis mitti in Siciliam.

⁶¹ *M. Valerio*] Hoc nomen nusquam in scriptis occurrit, et facile intelligitur ex præcedentibus, adeoque odiosa ejus iteratio est. Si aliquod nomen exprimi debuit, videtur potius legendum *P. Valerio* ex capp. 34. et 38. infra.

beret, locisque iis præsidio esset. Et T. Otacilius Cras- U. C. 537.
sus, postquam ædem Mentis in Capitolio dedicavit, in Si- A. C. 215.
ciliam cum imperio, qui classi præesset, missus.

XXXIII. In hanc dimicationem duorum opulentissimo-
rum in terris populorum omnes reges gentesque animos in-
tenderant. inter quos Philippus Macedonum rex, eo magis,
⁶²quod propior Italiæ, ac mari tantum Ionio discretus
erat. Is ubi primum fama accepit, Hannibalem Alpes
transgressum, ut bello inter Romanos Pœnumque orto læ-
tatus erat, ita, utrius populi mallet victoriam esse, incertis
adhuc viribus, fluctuatus animo fuerat. ⁶³Postquam ter- Philippus
tia jam pugna, tertia victoria cum Pœnis erat, ad fortunam rex Maced.
inclinavit, legatosque ad Hannibalem misit: qui, vitantes legatos
portus Brundisium Tarentinumque, quia custodiis navium mittit ad
Romanarum tenebantur, ad Laciniæ Junonis templum in Hanniba-
lem.
terram egressi sunt. Inde per Apuliam petentes Capuam,
media in præsidia Romana inlati sunt: deductique ad M.
Valerium Lævinum prætorem, ⁶⁴circa Nuceriam castra ha-
bentem. Ibi intrepide Xenophanes legationis princeps, a
Philippo rege se missum, ait, ad amicitiam societatemque
jungendam cum populo Romano; mandata habere ad con-
sules ac senatum populumque Romanum. Inter defectio-
nes veterum sociorum, Valerius, nova societate tam clari
regis lætus admodum, hostes pro hospitibus comiter acce-
pit. dat, qui prosequantur, itinera cum cura demonstrent,
quæ loca, quosque saltus, aut Romanus, aut hostes teneant.
Xenophanes per præsidia Romana in Campaniam, inde, qua
proximum fuit, in castra Hannibalis pervenit, foedusque
cum eo atque amicitiam junxit legibus his: *ut Philippus* Foedus in-
rex quam maxima classe (ducentas autem naves videbatur effec- ter Philip-
turus) in Italiam trujiceret, et vastaret maritimam oram: bel- pum et
lum pro parte sua terra marique gereret. ubi debellatum esset, Hanniba-
Italia omnis cum ipsa urbe Roma Karthaginensium atque lem.
Hannibalis esset, prædaque omnis Hannibali cederet. Perdo-
mita Italia, navigarent in Græciam, bellumque, ⁶⁵cum quibus
regibus placeret, gererent. quæ civitates continentis, quæ insu-
le ad Macedoniam vergunt, eæ Philippi regnique ejus essent.

XXXIV. In has ferme leges inter Pœnum ducem lega-

^m quo Crev.

⁶² Quo propior Italiæ] Sic unus
Hearnii codex, Andreas, et Campa-
nus. Vulgo quod.

⁶³ Posteaquam tertia jam pugna]
Quum videret Philippus tertiam jam
pugnam, tertiam fuisse victoriam ab
Pœnorum parte; sive, Pœnos ter pug-
nasse cum Romanis, ter vicisse.

⁶⁴ Circa Nuceriam] Sigonius mo-

net legendum *Luceriam*. M. enim
Valerius in Apulia erat, cujus una e
præcipuis civitatibus *Luceria*. At
Nuceria urbs est Campaniæ. Scripti
fere *Numeriam*, vel *Numiam*.

⁶⁵ Cum quibus regibus placeret]
Lege cum Gronovio, cum quibus regi,
nempe Philippo, placeret.

U. C. 537.
A. C. 215.
Legati Pœ-
norum ad
Philippum.

Sardinia
status.

67. 68. 69.

tosque Macedonum ictum foedus, missique cum iis ⁶⁶ ad re-
gis ipsius firmandam fidem legati, Gisgo, et Bostaret, Ma-
go, eodem ad Junonis Laciniæ, ubi navis occulta in statio-
ne erat, perveniunt: inde profecti, quum jam altum tene-
rent, conspecti a classe Romana sunt, quæ præsidio erat Ca-
labriæ litoribus. P. Valerius Flaccus ⁶⁷ cercuros ad perse-
quendam retrahendamque navem quum misisset, primo fu-
gere regii conati: deinde, ubi celeritate vinci senserunt,
tradunt se Romanis, et ad præfectum classis adducti: quum
quæreret, *qui, et unde, et quo tenderent cursum?* Xenopha-
nes primo, satis jam semel felix, mendacium struere, *a Phi-
lippo se ad Romanos missum, ad M. Valerium, ad quem unum
iter tutum fuerit, pervenisse. Campaniam superare nequisse,
septam hostium prædiis.* Deinde, ut Punicus cultus habi-
tusque suspectos legatos fecit Hannibalis, interrogatosque
sermo prodidit: tum, comitibus eorum seductis, ac metu
territis, literæ quoque ab Hannibale ad Philippum inventæ,
⁶⁸ *et pacta* ⁶⁹ inter regem Macedonum Pœnumque ducem.
Quibus satis cognitis, optimum visum est, captivos comi-
tesque eorum Romam ad senatum, aut ad consules, ubicum-
que essent, quam primum deportare. ad id celerrimæ quinque
naves delectæ, ac L. Valerius Antias, qui præesset, missus:
eique mandatum, ut in omnes naves legatos separatim custo-
diendos divideret, daretque operam, ne quod iis colloquium
inter se, neve quæ communicatio consilii esset. Per idem
tempus Romæ quum A. Cornelius Mammula, ex Sardinia
provincia decedens, retulisset, qui status rerum in insula es-
set, bellum ac defectionem omnes spectare; Q. Mucium,
qui successisset sibi, gravitate cœli aquarumque advenien-
tem exceptum, non tam in periculosum, quam longum,
morbum implicitum, diu ad belli vim sustinendam inutilem
fore, ⁶⁹ exercitumque ibi ut satis firmum pacatæ provinciæ
præsidio^o esse, ita parum bello, quod motum iri videretur:
decreverunt Patres, ut Q. Fulvius Flaccus quinque millia
peditum, quadringentos equites scriberet, eamque legionem
primo quoque tempore in Sardiniam trajiciendam curaret,

⁶⁶ add. *pacis* Gron. Crev.

⁶⁷ *præsidio* l. *præsident* Ead.

⁶⁶ * *Ad regis ipsius firmandam fi-
dem*] Ad firmandam societatem fide,
seu, juramento ipsius regis. Eodem
fere modo infra XXXII. 40. *firmato
præsidio*, id est, quum firmasset urbem
præsidio.

⁶⁷ *Cercuros*] Cercurus erat genus na-
vigii velocis et brevis cum longa pup-
pi. Nomen ei videtur inditum a Cor-
cyra insula, quæ Græcis *Καρύρα*, ubi
fortasse illa navigii forma inventa est.

Vid. Martinii Lexic.

⁶⁸ *Et pacta pacis inter*] Sic dedit
Gronovius, quum Put. codex habeat
et pactæ et pactis inter. Nobis place-
ret magis cum ceteris plerisque scrip-
tis legere *et pacta inter*, vel, quomodo
unus e nostris, *et pacta leges inter*.

⁶⁹ *Exercitum* . . . *provincia præ-
dem*] Eodem modo loquitur Livius,
infra c. 48. *præsides provinciarum ex-
ercitus*.

mitteretque cum imperio, quem ipsi videretur, qui rem ge- U. C. 537.
reret, quoad Mucius convaluisset. Ad eam rem missus est A. C. 215.
T. Manlius Torquatus, qui bis consul censorque fuerat, sub-
egeratque in consulatu Sardos. Sub idem fere tempus et a
Karthagine in Sardiniam classis missa, duce Hasdrubale,
cui Calvo cognomen erat, fœda tempestate vexata, ⁷⁰ ad
Baliares insulas dejicitur^p. ibique (adeo non armamenta
modo, sed etiam alvei navium quassati erant) subductæ na-
ves dum reficiuntur, aliquantum temporis triverunt.

XXXV. In Italia quum post Cannensem pugnam, frac-
tis partis alterius viribus, alterius mollitis animis, segnius
bellum esset: Campani per se adorti sunt rem Cumanam
sue ditionis facere; primo sollicitantes, ut ab Romanis de-
ficerent. ubi id parum processit, dolum ad capiendos eos
comparant. Campanis omnibus statum sacrificium ad Ha- Campano-
rum moli-
tiones in
Cumanos.
mas. eo senatum Campanum venturum certiores Cumanos
fecerunt: petieruntque, ut et Cumanus eo senatus veniret
ad consultandum communiter, ut eisdem uterque populus
socios hostesque haberet: præsidium ibi armatum sese ha-
bituros, ne quid ⁷¹ ab Romano Pœnove periculi esset. Cu-
mani (quamquam suspecta fraus erat) nihil abnuere; ita te-
gi ⁷² fallax consilium posse rati. Interim Ti. Sempro-
nius consul Romanus Sinuessæ, quo ad conveniendum diem
edixerat, exercitu lustrato, transgressus Vulturum flumen,
circa Liternum castra posuit. Ibi, quia otiosa stativa erant,
crebro decurrere milites cogebat, ut tirones (ea maxima
pars volonum erat) adsuescerent signa sequi, et in acie ag-
noscere ordines suos. ⁷³ inter quæ maxima inerat^q cura duci,
itaque legatis tribunisque præceperat, *ne qua exprobratio
cuiquam veteris fortunæ discordiam inter ordines sereret: ve-
tus miles tironi, liber voloni sese exæquari sineret. omnes satis*

^p ejicitur Gron.

^q add. tum Gron. Crev.

⁷⁰ *Ad Baleares insulas dejicitur*] Hanc scripturam solus servavit Vic-
torinus codex: sed eodem alludunt
ceteri, qui præferunt *dicitur* vel *ducit*-
tur: et idem verbum eadem de re et-
iam in editis retentum est infra c. 40.
*Classis Punica . . . quæ tempestate de-
jecta ad Baleares erat.* Vulgati habent
hoc loco *ejicitur*. Sed *ejici* naufrago-
rum est, ut in decantato illo orationis
pro Roscio loco: *Quid tam commune,
quam . . . littus ejectis.* *Dejici* dicun-
tur ii qui vi tempestatis vertuntur a
cursu, aut ad terram inviti impellun-
tur, summa tamen re salva. Sic su-
pra l. XXI. 49. *eam quoque classem
ad Ægates insulas dejectam.*

⁷¹ *Ab Romano Pœnove*] Emendatio
Gronovii, educta ex scriptura paulu-
lum deformata Put. codicis *ab Roma-
no venove*. Editi antea *ab Romano
novi*.

⁷² *Fallax consilium*] Fraudem
quam et ipsi meditabantur adversus
fraudentos.

⁷³ *Inter quæ maxima inerat tum
cura duci*] Hoc eruit Gronovius ex
Put. qui præfert: *inter quæ maxemam-
erat cura cura duci*. Interea id ma-
xime curabat dux, et ita legatis tribu-
nisque præceperat, ne qua exprobra-
tio veteris fortunæ cuiquam facta dis-
cordiam . . . sereret.

U. C. 537. *honestos generososque ducerent, quibus arma sua signaque populus Romanus commisisset. quæ fortuna cōgisset ita fieri, eandem cogere tueri factum.* Ea non majore cura præcepta ab ducibus sunt, quam a militibus observata; brevique tanta concordia coaluerant omnium animi; ut prope in oblivionem veniret, qua ex conditione quisque esset miles factus. Hæc agenti Graccho legati Cumani nuntiârunt, quæ a Campanis legatio paucos ante dies venisset, et quid iis ipsi respondissent. Triduum post eum diem festum esse: non senatum solum omnem ibi futurum, sed castra etiam et exercitum Campanum. Gracchus, jussis Cumanis omnia ex agris in urbem convehere, et manere intra muros, ipse pridie, quam statum sacrificium Campanis esset, Cumas movet castra. Hamæ inde tria millia passuum absunt. Jam Campani eo frequentes ex composito conveniant, nec procul inde in occulto Marius Alfius Medixtuticus (summus magistratus erat Campanis) cum quatuordecim millibus armatorum habebat castra; sacrificio adparando, et inter id instruendæ fraudi aliquanto intentior, quam muniendis castris, aut ulli militari operi. ⁷⁴ Triduum sacrificatum ad Hamas. Nocturnum erat sacrum, ita ut ante mediam noctem compleretur. Huic Gracchus insidiandum tempori ratus, custodibus ad portas positis, ne quis enunciare posset cœpta, et ab decima diei hora coactis militibus corpora curare, somnoque operam dare, ut primis tenebris convenire ad signum possent, vigilia ferme prima tolli jussit signa; silentique profectus agmine, quum ad Hamas media nocte pervenisset, castra Campana, ut in pervigilio neglecta, simul omnibus portis invadit: alios somno stratos, alios perpetrato sacro inermes redeuntes obtruncat. hominum eo tumultu nocturno cæsa plus duo millia, cum ipso duce Mario Alfio. capta sunt signa militaria quatuor et triginta.

Castra
Campana
invadit
Gracchus.

XXXVI. Gracchus, minus centum militum jactura castris hostium potitus, Cumas se propere recepit, ab Hannibale metuens, qui super Capuam in Tifatis habebat castra. Nec eum provida futuri fefellit opinio. nam simul Capuam ea clades est nunciata, ratus Hannibal, ab re bene gesta insolenter lætum exercitum tironum, magna ex parte, servorumque, spoliantem victos, prædasque agentem, ad Hamas

⁷⁴ *Triduum sacrificatum ad Hamas*] Recte observat Perizonius verisimile non esse, Gracchum, qui pridie istius sacrificii jam moverat Cumas, post triduum demum oppressisse Campanos: imo debuisse eum rem aggredi primo quoque tempore, ne insidiæ

detegerentur. Ideo ille legendum existimat *sacrificandum*: bene, si sensum solum spectes. At lenius procedet oratio, si legas *sacrificatur*, id est, sacrificari mos est: ut significet Livius istud sacrificium suo adhuc ævo celebrari.

se inventurum; citatum agmen præter Capuam rapit, ob- U. C. 537.
 viosque ex fuga Campanorum ⁷⁵ dato præsidio Capuam du- A. C. 215.
 ci, saucios vehiculis portari jubet. ipse Hamis vacua ab hos-
 tibus castra, nec quidquam præter recentis vestigia cædis,
 strataque passim corpora sociorum invenit. Auctores erant
 quidam, ut protinus inde Cumas duceret, urbemque obpug-
 naret. Id quamquam haud modice Hannibal cupiebat, ut,
 quia Neapolim non potuerat, Cumas saltem, maritimam
 urbem, haberet; tamen, quia præter arma nihil secum mi-
 les, raptim acto agmine, extulerat, retro in castra supra Ti-
 fata se recepit. inde, fatigatus Campanorum precibus, se-
 quenti die cum omni adparatu obpugnandæ urbis Cumas
 redit: perpopulatoque agro Cumano, mille passus ab urbe
 castra locat; ⁷⁶ quum ⁷ Gracchus magis verecundia in tali
 necessitate deserendi socios, inplorantes fidem suam popu-
 lique Romani, substitisset, quam satis fidens exercitui. Defendit.
 Nec alter consul Fabius, qui ad Cales castra habebat, Vul- Cumas
 turnum flumen traducere audebat exercitum; occupatus. Gracchus.
 primo ⁷⁷ auspiciis repetendis, dein prodigiis, quæ alia super
 alia nunciabantur, expiantique ea haud facile litari aruspi-
 ces respondebant.

XXXVII. Hæ causæ quum Fabium tenerent, Sempro-
 nius in obsidione erat; et jam operibus obpugnabatur. ad-
 versus ligneam ingentem admotam urbi, aliam turrem ex
 ipso muro excitavit consul Romanus, aliquanto altiore: *Jules*
 quia muro satis per se alto subjectis validis sublicis pro so-
 lo usus erat. inde primum saxis, sudibusque, et ceteris mis-
 silibus propugnatores mœnia atque urbem tuebantur: pos-
 tremo, ubi ⁷⁸ promovendo adjunctam muro viderunt turrem,
 facibus ardentibus plurimum simul ignem conjecerunt. quo
 incendio trepida armatorum multitudo quum de turre ⁷ sese
 præcipitaret, ⁷⁹ eruptio ex oppido simul duabus portis ⁸ sta- Eruptio
 tiones hostium fudit, fugavitque in castra; ut eo die ob- Gracchi.
 sesso, quam obsidenti, similior esset Poenus. Ad mille tre-
 centi ⁹ Karthaginensium cæsi, et undesexaginta vivi capti;

⁷ quum l. tum Gron.
⁸ add. facta Eæd.

⁹ substitit Eæd.
⁹ trecentos Eæd.

⁷ turri Gron. Crev.

⁷⁵ Dato præsidio] Hoc a Lipsio est. Scripti duo præsidio. Vulgati per duo præsidia.

⁷⁶ Quum Gracchus . . . substitisset] Hæc est Put. et Vict. codicum scrip-
 tura: quam mutarunt editores, jus-
 seruntque legi Tum Gracchus . . . sub-
 stitit, quia scilicet non intellexerunt
 hic non incipere novam periodum,
 sed hoc esse membrum orationis cum
 iis quæ præcedunt connectendum.

⁷⁷ Auspiciis repetendis] Qua de

causa enim Romam proficisci necesse
 erat. Vid. supra c. 19. et l. VIII. c.
 30.

⁷⁸ Promovendo adjunctam] Gerun-
 dium hic passive sumitur: ut l. V. c.
 26. differendo deinde elanguit res.

⁷⁹ Eruptio . . . simul duabus portis
 facta] Omnes scripti nostri, ut et
 Gronoviani, ignorant vocem facta.
 Et, licet non expressa, facile intelli-
 gitur: ut supra c. 35. ne qua exprobra-
 tio cuiquam.

U. C. 537.
A. C. 215.

Cumas de-
serit Han-
nibal.

*is this the
man who
was killed
here -*

Legati Phi-
lippi et
Hanniba-
lis Romam
ducuntur.

qui, circa muros et in stationibus solute ac neglegenter agentes, quum nihil minus, quam eruptionem, timuissent, ex improvise obpressi fuerant. Gracchus, priusquam se hostes ab repentino pavore conligerent, receptui signum dedit ac suos intra muros recepit. Postero die Hannibal, lætum⁷ secunda re consulem justo prælio ratus certaturum, aciem inter castra atque urbem instruxit. ceterum postquam neminem moveri ab solita custodia urbis vidit, nec committi quidquam temerariæ spei, ad Tifata redit infecta re. Quibus diebus Cumæ liberatæ sunt obsidione, iisdem diebus et in Lucanis ad Grumentum Ti. Sempronius, cui Longo cognomen erat, cum Hannone Pœno prospere pugnat. Supra duo millia hostium occidit, et ducentos octoginta milites amisit: signa militaria ad quadraginta unum cepit. Pulsus finibus Lucanis Hanno retro in Bruttios sese recepit. Et ex Hirpinis oppida tria, quæ a populo Romano defecerant, vi recepta per M. Valerium prætorem. ⁸⁰ Vercellius Siciliusque, auctores defectionis, securi percussi. supra mille captivorum sub hasta venierunt: præda alia militi concessa, exercitus Luceriam reductus.

XXXVIII. Dum hæc in Lucanis atque in Hirpinis geruntur, quinque naves, quæ Macedonum atque Pœnorum captos legatos Romam portabant, ab supero mari ad inferum circumvectæ prope omnem Italiæ oram, quum præter Cumas velis ferrentur, neque, hostium an sociorum essent, satis sciretur, Gracchus obviam ex classe sua naves misit. Quum percunctando in vicem cognitum esset, consulem Cumis esse; naves Cumas adpul sæ, captivique ad consulem deducti, et literæ datæ. Consul, literis Philippi atque Hannibalis perlectis, consignata omnia ad senatum itinere terrestri misit: navibus devehi legatos iussit. Quum eodem fere die literæ legatique Romam venissent, et, percunctatione facta, dicta cum scriptis congruerent, primo gravis cura Patres incessit, cernentes, quanta vix tolerantibus Punicum bellum Macedonici belli moles instaret. cui tamen adeo non subcubuerunt, ut extemplo agitaretur, quemadmodum ultro inferendo bello averterent ab Italia hostem. Captivis in vincula condi jussis, comitibusque eorum sub hasta venditis, ⁸¹ ad naves viginti quinque, quibus

⁷ elatum Gron. Crev.

⁸⁰ *Vercellius Siciliusque*] Si fides optimis libris, ex oppidis tribus duos homines fecerunt editores. Ita enim fere habent optimi MSS. *vi recepta*.. *Vercellium, Vercellium, Siciliumque, et auctores defectionis securi percussi.* GRONOVIVS.

⁸¹ *Ad naves viginti quinque, quibus .. præerat, viginti paratas alias*] Gronovius censet vocem *paratas* aut mutandam in *parari*, aut omnino delendam. Sed satius est cum Perizonio legere *viginti quinque alias*, quæ iunctæ cum quinque illis navibus quas ad

P. Valerius Flaccus præfectus præerat, viginti paratas alias U. C. 537. decernunt. His comparatis deductisque, et additis quin- A. C. 215. que navibus, quæ advexerant captivos legatos, triginta^a naves ab Ostia Tarentum profectæ: jussusque P. Valerius, militibus Varronianis, quibus L. Apustius legatus Tarenti præerat, in naves inpositis, quinquaginta navium classe non tueri modo Italiæ oram, sed explorare de Macedonico bello. si congruentia literis legatorumque indicibus Philippi consilia essent, ut M. Valerium prætorem literis certiores faceret: isque, L. Apustio legato exercitui præposito, Tarentum ad classem profectus, primo quoque tempore in Macedoniam transmitteret: daretque operam, ut Philippum in regno contineret. Pecunia ad classem tuendam bellumque Macedonicum ea decreta est, quæ Ap. Claudio in Siciliam missa erat, ut redderetur Hieroni regi: ea per L. Apustium legatum Tarentum est devecta. simul ab Hierone missa⁸² ducenta millia modium tritici, et hordei centum.

XXXIX. Dum hæc Romani parant aguntque, ad Philippum captiva navis, una ex iis, quæ Romam missæ erant, Alteram le- ex cursu refugit: inde scitum, legatos cum literis captos. gationem itaque⁸³ ignarus de iis, quæ cum Hannibale legatis suis mittit Phil. ad Hanni- convenissent, quæque legati ejus ad se adlaturi fuissent, le- balem. gationem aliam cum eisdem mandatis mittit. Legati ad Hannibalem missi, Heraclitus, cui Scotino cognomen erat, et⁸⁴ Crito Berræus^a, et Sositheus Magnes. Hi prospere tulerunt ac retulerunt mandata. sed prius se æstas circum- git, quam movere ac moliri quidquam rex posset: tantum navis una capta cum legatis momenti fecit, ad dilationem imminentis Romanis belli. Et circa Capuam, transgresso Vulturum Fabio post expiata tandem prodigia, ambo consules rem gerebant. Compulteriam, et Trebulam, et Saticulam, urbes, quæ ad Poenum defecerant, Fabius vi cepit; præsidiaque in iis Hannibalis, Campanique permulti capti.

^a *quinquaginta* Gron.

^a *Berræus* Gron. Crev.

captivos deportandos Romam P. Valerius e classe sua miserat, efficiunt numerum triginta navium, quæ mox dicuntur ab Ostia Tarentum profectæ. Porro quod edidimus *triginta naves*, quum vulgati habeant *quinquaginta naves*, dedimus id non solum certissimæ ejusdem Perizonii conjecturæ, sed et auctoritati unius e regis codicibus. * Vocem *quinque* transponit Jac. Gron. legitque, *ad naves viginti*, quibus . . . præerat, *viginti quinque paratas alias decernunt.*

⁸² *Ducenta millia modium*] Modii

Parisienses 154166. Centum millia, 77083.

⁸³ *Ignarus de iis quæ*] Bene Gronovius ex vestigiis scriptæ lectionis emendat: *ignarus rex ecquæ cum Annibale legatis suis convenissent.*

⁸⁴ *Crito Berræus*] In posteriore voce variant multum scripti et editi: nec ulli fere antiquiores habent quomodo nunc legitur. Jac. Gronovius ex vestigiis MSS. suspicatur, *Crito Bottiæus*. Bottiæa est regio Macedoniæ.

U. C. 537. Et Nolæ, sicut priore anno, senatus Romanorum, plebs
A. C. 215. Hannibalis erat: consiliaque occulta de cæde principum et
Nolanorum discordiæ. proditione urbis inibantur. Quibus ne incepta procederent,
inter Capuam castraque Hannibalis, quæ in Tifatis erant,
traducto exercitu, Fabius ⁸⁵ super Vesuvium in castris Clau-
dianis consedit; inde M. Marcellum proconsulem cum iis
copiis, quas habebat, Nola in præsidium misit.

Res in Sar-
dinia ges-
tæ.

XL. Et in Sardinia res ⁸⁶ per T. Manlium prætorem ad-
ministrari cœptæ, quæ omissæ erant, postquam Q. Mucius
prætor gravi morbo est implicatus. Manlius, navibus longis
ad Carales subductis, navalibusque sociis armatis, ut terra
rem gereret, et a prætore exercitu accepto, duo et viginti
millia peditum, mille et ducentos equites confecit. Cum
his equitum peditumque copiis profectus in agrum hos-
tium, haud procul ab Hampsicoræ castris castra posuit.
Hampsicora tum forte profectus erat in ⁸⁷ Pellitos^b Sardos,
ad juventutem armandam, qua copias augeret. Filius ejus,
nomine Hiostus, castris præerat: is, adolescentia ferox, te-
mere prælio inito fusus fugatusque. ad tria millia Sardo-
rum eo prælio cæsa, ⁸⁸ octingenti ferme vivi capti. Alius
exercitus primo per agros silvasque fuga palatus; dein, quo
ducem fugisse fama erat, ad urbem nomine Cornum, caput
ejus regionis, confugit. debellatumque eo prælio in Sardinia
esset, ni classis Punica cum duce Hasdrubale, quæ tempe-
state dejecta ad Baliæres erat, in tempore ad spem rebellandi
advenisset. Manlius post famam adpulsæ Punicæ classis,
Carales se recepit. ea occasio Hampsicoræ data Pœno se
jungendi. Hasdrubal, copiis in terram expositis, et classe
remissa Karthaginem, duce Hampsicora ad sociorum populi
Romani agrum populandum profectus, Carales perventurus
erat, ni Manlius obvio exercitu ab effusa eum populatione
continuisset. Primo castra castris modico intervallo sunt
objecta, deinde procursationes levique certamina vario
eventu inita: postremo descensum in aciem, signisque con-
latis, justo prælio per quatuor horas pugnatum. Diu

Prælium,
quo supe-
riores Ro-
mani.

^b *Pellidos* Gron.

⁸⁵ *Super Vesuvium in castris Clau-
dianis*] Lege cum Cluverio *super Sues-
sulam*, ex capp. 17. et 32. supra, et
46. 48. infra.

⁸⁶ *Per T. Manlium prætorem*] Vel legendum est *proprætorem*, vel
prætor hic sumitur pro eo qui cum
prætorio imperio est, quamvis prætu-
ram non gerat. T. enim Manlius
non fuit prætor hoc anno, ut constat
ex capp. 30. et 34. Nisi forte vox ea
delenda est, quæ quidem abest ab
uno e nostris codd.

⁸⁷ *Pellitos Sardos*] Sic optimi,
teste Gronovio. Vulgo *Pellidos*. *Pel-
liti Sardiniae populus, qui quia in
montibus habitabant, ideo ad arcen-
dum frigus mastrucis et pellibus ute-
bantur: unde illis nomen Pelliti.
† Vid. tertiam Epistolam nostram ad
R. P. Harduinum, de Plinii editione
ab eo adornata.

⁸⁸ *Octingenti ferme*] Hunc nume-
rum habent melioris notæ scripti.
Editorum turba, *trecenti*.

pugnam ancipitem Pœni, Sardis facile vinci adsuētis, fecerunt: postremo et ipsi, quum omnia circa strage ac fuga Sardorum repleta essent, fusi. ceterum terga dantes, circumducto cornu, quo pepulerat Sardos, inclusit Romanus. cædes inde magis, quam pugna, fuit. Duodecim millia hostium cæsa Sardorum simul Pœnorumque, ferme tria millia et septingenti^c capti, et signa militaria septem et viginti.

XLI, Ante omnia claram et memorabilem pugnam fecit Hasdrubal imperator captus, et Hanno, et Mago, nobiles Karthaginienses. Mago ex gente Barcina, propinqua cognatione Hannibali junctus; Hanno auctor rebellionis Sardis; bellicæ ejus haud dubie concitor. Nec Sardorum duces minus nobilem eam pugnam cladibus suis fecerunt. nam et filius Hampsicoræ Hiostus in acie cecidit: et Hampsicora, cum paucis equitibus fugiens, ut super adflictas res necem quoque filii audivit, nocte, ne cujus interventus cœpta impediret, mortem sibi conscivit. Ceteris urbs Cornus eadem, quæ ante, fugæ receptaculum fuit. quam Manlius, victore exercitu adgressus, intra paucos dies recepit. Deinde aliæ quoque civitates, quæ ad Hampsicoram Pœnosque defecerant, obsidibus datis, dediderunt sese. quibus stipendio frumentoque imperato, pro cujusque aut viribus aut delicto, Carales exercitum reduxit. Ibi navibus longis deductis, inpositoque, quem secum advexerat, milite, Romam navigat, Sardiniamque perdomitam nunciat Patribus: et stipendium quæstoribus, frumentum ædilibus, ⁸⁹ captivosque Fulvio prætori tradidit. Per idem tempus ⁹⁰ T. Otacilius prætor, quinquaginta navium ab Lilybæo classe in Africam transvectus, depopulatusque agrum Karthaginiensem, quum Sardiniam inde peteret, quo fama erat Hasdrubalem a Baliaribus nuper trajecisse, classi Africam repetenti obcurrit, levique certamine in alto commisso, septem inde naves cum sociis navalibus cepit: ceteras metus haud secus, quam tempestas, passim disjecit. Per eosdem forte dies et Bomilcar ⁹¹ cum militibus, ad supplementum Karthagine missis, elephantisque^d, et comœatu, Locros accessit. quem ut incautum obprimeret Ap. Claudius, per simulationem pro-

Perdomita
Sardinia.

^c sexcenti Gron. Crev.

^d quadragintaque elephantis Eæd.

⁸⁹ Captivos Q. Fulvio] Vulgo captivosque Fulvio: quo genere mendi nullum est frequentius in scriptis et editis. Unus tamem e regis verum servavit, quod admisimus.

⁹⁰ T. Otacilius prætor] Otacilius non hoc anno, sed superiore prætor

fuit. Vid. not. 86. ad c. proxime præcedens.

⁹¹ Cum militibus] Deest numerus, qui, ut apparet ex c. 13. supra, est 4000. Mox omnes scripti omittunt quadragintaque: tres nostri habent elephantisque.

U. C. 537. vinciæ circumeundæ Messanam raptim exercitu ducto, A. C. 215. ⁹² æstu secundo Locros trajecit. Jam inde Bomilcar ad Hannonem in Bruttios profectus erat, et Locrenses portas Romanis clausurunt. Appius magno conatu nulla re gesta, Messanam repetit. Eadem æstate Marcellus ab Nola, quam præsidio obtinebat, crebras excursions in agrum Hirpinum et Samnites Caudinos fecit. adeoque omnia ferro atque igni vastavit, ut antiquarum cladum Samnio memoriam renovaret.

Oratio
Samnitum
ad Hanni-
balem.

XLII. Itaque extemplo legati, ad Hannibalem missi simul ex utraque gente, ita Pœnum adlocuti sunt: *Hostes populi Romani, Hannibal, fuimus primum per nos ipsi, quoad nostra arma, nostræ vires nos tutari poterant. postquam iis parum fidebamus, Pyrrho regi nos adjunximus: a quo relictæ pacem necessariam accepimus, fuimusque in ea ⁹³ per annos prope quinquaginta, ad id tempus, quo in Italiam venisti. Tua nos non magis virtus fortunaque, quam unica comitas ac benignitas erga cives nostros, quos captos nobis remisisti, ita conciliavit tibi, ut, te salvo atque incolumi amico, non modo populum Romanum, sed ne Deos quidem iratos (si dici fas est) timereamus. At, Hercule, non solum incolumi et victore, sed præsentē te, (comploratum prope conjugum ac liberorum nostrorum exaudire, et flagrantia tecta posses conspicere) ita sumus aliquoties hac æstate devastati, ut M. Marcellus, non Hannibal, vicisse ad Cannas videatur; glorienturque Romani, te, ad unum modo ictum vigentem, velut aculeo emisso, torpere. ⁹⁴ Per centum prope annos cum populo Romano bellum gessimus, nullo externo adjuti nec duce, nec exercitu: nisi quod per biennium Pyrrhus nostro magis milite suas auxit vires, quam suis viribus nos defendit. Non ego secundis rebus nostris gloriabor, duos consules, ac duos consulares exercitus a nobis sub jugum missos, et si qua alia aut læta aut gloriosa nobis evenerunt. quæ aspera adversaque tunc acciderunt, minore indignatione referre possumus, quam quæ hodie eveniunt. Magni dictatores cum magistris equitum, bini consules cum binis consularibus exercitibus ingrediebantur fines nostros; ante explorato, et subsidiis positis, et sub signis ad populandum ducebant. ⁹⁵ nunc*

⁹² *Æstu secundo*] Scita et elegans locutio, qua usus est Sallust. l. l. Histor. *Itaque Sertorius... æstu secundo furtivæque celeritate.* Exhibent tamen hoc Livii loco scripti codices *æstuque suo.* Sed hic potior nobis est editorum auctoritas, cui sensus ratio et sermonis elegantia favet.

⁹³ *Per annos prope quinquaginta*] Sigonius legi jubet *prope sexaginta.* Ab anno enim 480. quo pax cum

Samnitibus eorumque sociis facta fuerat, ad annum 534. quo Annibal in Italiam venit, anni sunt quatuor et quinquaginta.

⁹⁴ *Per centum prope annos*] Vid. not. 13. ad c. 5. supra.

⁹⁵ *Nunc prope unius*] Nunc prope præda sumus unius præsidii. Nisi forte legendum: *nunc unius, et parvi prope ad tuendam Nolam præsidii.*

proprii unius et parvi ad tuendam Nolam praesidii praeda sumus. Jam ne manipulatim quidem, sed latronum modo, percursant totis finibus nostris neglegentius, quam si in Romano vagarentur agro. Causa autem haec est, quod neque tu defendis, et nostra juventus, quæ, si domi esset, tutaretur, omnis sub signis militat tuis. Nec te, nec exercitum tuum norim, nisi, a quo tot Romanas acies fusas stratasque esse sciam, ei facile esse ducam obprimere populatores nostros vagos, sine signis, palatos, quo quemque trahit, quamvis vana, praeda spes. Numidarum paucorum illi quidem praeda erunt,⁹⁶ praesidiumque missum nobis[†] et Nolæ ademerit[‡]: si modo, quos, ut socios haberes, dignos duxisti, haud indignos judicas, quos in fidem receptos tuearis.*

XLIII. Ad ea Hannibal respondit: Omnia simul facere Hirpinos Samnitesque: et indicare clades suas, et petere praesidium, et queri indefensos se neglectosque. Indicandum autem fuisse primum, dein[§] petendum praesidium: postremo, ni impetraretur, tum denique querendum, frustra opem imploratam. Exercitum sese[†] non in agrum Hirpinum Samnitemve, ne et ipse oneri esset, sed in proxima loca sociorum populi Romani adducturum. iis populandis et militem suum repleturum se, et metu procul ab iis submoturum hostes. Quod ad bellum Romanum adtineret, si Trasimeni quam Trebiæ, si Cannarum quam Trasimeni pugna nobilior esset; Cannarum se quoque memoriam obscuram majore et clariore victoria facturum. Cum hoc responso muneribusque amplis legatos dimisit. ipse, praesidio modico relicto in Tifatis,⁹⁷ profectus cetero exercitu ire Nolam pergit. Eodem Hanno ex Bruttiis, cum supplemento Karthagine advecto atque elephantis, venit. castris haud procul positis, longe alia omnia inquirenti comperta sunt, quam quæ a legatis sociorum audierat. nihil enim Marcellus ita gerebat, ut aut fortunæ, aut temere hosti commissum dici posset. explorato, cum firmisque praesidiis, tuto receptu praedatum ierat: ⁹⁸omniaque, velut adversus praesentem Hannibalem, cauta provisaeque fuerunt. Tum, ubi sensit hostem adventare, copias intra mœnia tenuit: per muros inambulare senatores Nolanos jussit, et omnia circa explorare, quæ apud hostes fierent. Ex iis Hanno, quum ad murum subcessisset, Herennium Bassum

U. C. 537.
A. C. 215.

Responsum
Hannibalis.

Animos No-
lanorum
tentat Han-
nibal.

* prope Gron. Crev. † add. erit Eæd. ‡ ademeris Eæd. § de-
inde Eæd. † se Eæd.

⁹⁶ *Praesidiumque missum nobis erit, et Nolæ ademeris]* Non modo miseris praesidium nobis, sed etiam eadem opera praesidium Nolæ ademeris. Modo dixit Romanos, qui Nolam tuebantur, paucorum Numidarum praedam fore.

⁹⁷ *Profectus cetero exercitu]* Sic edidit Gronovius: et assentitur Vict. codex. Vulgo cum cetero. Sed Livius non raro praepositionem suppressere amat.

⁹⁸ *Omnia cauta provisaeque fuerunt]* Fortasse: fuerant.

U. C. 537. et Herium ⁹⁹ Petrium^k, ad colloquium evocatos, permissu-
 A. C. 215. que Marcelli egressos, per interpretem adloquitur. Hanni-
 balis virtutem fortunamque extollit: populi Romani obterit -
 senescentem cum viribus majestatem. *Quæ si paria essent,*
ut quondam fuissent, tamen expertis, quam grate Romanum
imperium sociis, quanta indulgentia Hannibalis etiam in cap-
tivos omnes Italici nominis fuisset, Punicam Romanæ societa-
tem atque amicitiam præoptandam esse. Si ambo consules cum
suis exercitibus ad Nolam essent, tamen non magis pares Han-
nibali futuros, quam ad Cannas fuissent: nedum prætor unus,
*cum paucis et novis militibus, Nolam tutari possit.*¹ *ipsorum,*
quam Hannibalis, interesse, capta an tradita Nola potiretur.
potiturum enim, ut Capua Nuceriaque potitus esset: sed, quid
inter Capuæ Nuceriæque fortunam interesset, ipsos prope in
medio sitos Nolanos scire. Nolle ominari, quæ captæ urbi ces-
sura forent: sed potius spondere, si Marcellum cum præsidio
ac Nolam tradidissent, neminem alium, quam ipsos, legem,
qua in societatem amicitiamque Hannibalis venirent, dictu-
rum.

Obpugnat
Nolam.

XLIV. Ad ea Herennius Bassus respondit: *Multos an-*
nos jam inter Romanum Nolanumque populum amicitiam esse,
cujus neutros ad eam diem pænitere; et sibi si cum fortuna
*mutanda fides fuerat,*² *sero jam esse mutare eam. dedituris se*
Hannibali non fuisse arcessendum Romanum præsidium: cum
iis, qui ad se tuendos venissent, omnia sibi et esse consociata, et
ad ultimum fore. Hoc colloquium abstulit spem Hannibali
per prodicionem recipiendæ Nolæ. itaque oppidum corona
circumdedit, ut simul ab omni parte mœnia adgrederetur.
Quem ut subcessisse muris Marcellus vidit, instructa intra
portam acie, cum magno tumultu erupit. aliquot primo in-
petu perculsi cæsique sunt; dein, concursu ad pugnantes
facto, æquatisque viribus, atrox cœpit esse pugna. memo-
rabilisque inter paucas fuisset, ni ingentibus procellis effu-
sus imber diremisset pugnantes. Eo die commisso modico
certamine, atque irritatis animis, in urbem Romani, Pœni
*in castra sese receperunt. tamen*³ *Pœnorum prima eruptio-*
ne perculsi ceciderunt haud plus quam triginta, Romano-

^k *Pettium Crev.*

⁹⁹ *Pettium]* Sic nomen hoc scribitur in plurimis codd. Vulgo *Petrium*.

¹ ** Ipsorum quam Annibalis]* Supprimatur *magis* ex more optimis scriptoribus interdum usitato.

² *Sero jam esse]* Melius fortasse: *serum*. GRONOVIVS.

³ *Pœnorum ceciderunt haud plusquam triginta: Romanorum nul-*

lus. Imber] Put. *Romani liber*: supra secundam litteram adscriptum est *n*. Inde ingeniose conjicit Gronovius *Romani I.* sive quinquaginta. *Imber*. Favet illi emendationi unus e nostris vel optimæ notæ, qui habet *Romani Imber*. Numerum quoque *triginta* falsum putat Gronovius, et pro eo legi posse *trecenti*.

rum nullus. Imber continens per noctem totam usque ad horam tertiam diei insequentis tenuit: itaque, quamquam utraque pars avidi certaminis erant, eo die tenuerunt sese tamen munimentis. tertio die Hannibal partem copiarum prædatum in agrum Nolanum misit. Quod ubi animadvertit Marcellus, extemplo in aciem copias educit¹: neque Hannibal detrectavit. Mille fere passuum inter urbem erant castraque. eo spatio (et sunt omnia campi circa Nolanum) concurrerunt. Clamor, ex parte utraque sublatus, proximos ex cohortibus iis, quæ in agros prædatum exierant, ad prælium jam commissum revocavit. Et Nolani aciem Romanam auxerunt: quos conlaudatos Marcellus in subsidiis stare, et saucios ex acie efferre jussit; pugna abstinere, nisi ab se signum accepissent.

Prælium ad Nolanum.

XLV. Prælium erat anceps: summa vi et duces hortabantur, et milites pugnabant. Marcellus victis ante diem tertium, ⁴ fugatis ante paucos dies a Cumis, pulsus priore anno ab Nola ab eodem se duce, milite alio, instare jubet. *Non omnes esse in acie: prædantes vagari in agro. sed, qui pugnent, marcere Campana luxuria, vino et scortis, omnibusque lustris per totam hiemem confectos. Abisse illam vim vigoremque, dilapsa esse robora corporum animorumque, quibus Pyrenæi Alpiumque superata sint juga. reliquias illorum virorum, vix arma membraque sustinentes, pugnare. Capuam Hannibali Cannas fuisse. ibi virtutem bellicam, ibi militarem disciplinam, ibi præteriti temporis famam, ibi spem futuri extinctam.* Quum hæc exprobrando hosti Marcellus suorum militum animos erigeret, Hannibal multo gravioribus probris increpabat: *Arma signaque eadem se noscere, quæ ad Trebiam Trasimenumque, postremo ad Cannas viderit habueritque. militem alium profecto se in hiberna Capuam duxisse, alium inde eduxisse. Legatumne Romanum et legionis unius atque ⁵ alæ magno certamine vix toleratis pugnam, quos binæ acies consulares numquam sustinuerunt? Marcellus, tirone milite ac ⁶ Nolanis subsidiis, inultus nos jam iterum lacescit? Ubi ille meus miles est, qui erepto ex equo C. Flaminio consuli caput abstulit? ubi, qui L. Paullum ad Cannas occidit? Ferrum nunc hebet? an dextræ torpent? an quid prodigii est aliud? Qui pauci plures vincere soliti estis, nunc paucis plures vix restatis. Romam vos expugnatuuros, si quis duceret, fortes lingua, jactabatis. ⁷ En nunc minor est res. hic experiri*

¹ eduxit Gron. Crev.

² En nunc l. Enim Crev.

⁴ Fugatis .. a Cumis] Sempronii ductu. Vid. supra c. 35.

⁶ Nolanis subsidiis] Nolano milite, qui in subsidiis erat.

⁵ Alæ] Intellige socialium copiarum corpus numero fere par legioni. Vid. not. 64. ad X. 40. et ad XXV. 21.

⁷ Enim minor est res] Sic habebant editi ante Vallam: sic habent scripti optimi. Et firmat Livius infra,

U. C. 537. *vim virtutemque volo. Expugnate Nolam, campestram urbem,*
 A. C. 215. *non flumine, non mari septam. hinc vos ex tam opulenta urbe*
præda spoliisque onustos vel ducam, quo voletis, vel sequar.

Pœni in
 castra com-
 pelluntur.

Q. Fabii
 res gestæ.

Jubellius
 Taurea.

XLVI. Nec bene, nec male dicta profuerunt ad confir-
 mandos animos. Quum omni parte pellerentur, Romanis-
 que crescerent animi, non duce solum adhortante, sed No-
 lanis etiam per clamorem, favoris indicem, accendentibus
 ardorem pugnae, terga Pœni dederunt, atque in castra com-
 pulsi sunt. quæ obpugnare cupientes milites Romanos Mar-
 cellus Nolam reduxit⁸, cum magno gaudio et gratulatione
 etiam plebis, quæ ante inclinatio ad Pœnos fuerat. ⁹ Hos-
 tium plus quinque millia cæsa eo die, vivi capti sexcenti,
 et signa militaria undeviginti, et duo elephantum. quatuor in
 acie occisi. Romanorum minus mille interfecti. posterum
 diem induciis tacitis, sepeliendo utrumque cæsos in acie,
 consumserunt. Spolia hostium Marcellus, Vulcano votum,
 cremavit. Tertio post die (ob iram credo aliquam, aut
 spem liberalioris militiæ) mille ducenti septuaginta duo
 equites, mixti Numidæ Hispanique, ad Marcellum transfu-
 gerunt. eorum forti fidelique opera in eo bello usi sunt sæ-
 pe Romani. Ager Hispanis in Hispania, Numidis in Afri-
 ca post bellum, virtutis causa, ⁹ latus datus est. Hanni-
 bal, ab Nola remisso in Bruttios Hannone, cum quibus ve-
 nerat copiis, ipse Apuliæ hiberna petit, circaque Arpos
 consedit. Q. Fabius, ut profectum in Apuliam Hanniba-
 lem audivit, frumento ab Nola Neapolique in ea castra con-
 vecto, quæ super Suessulam erant, munimentisque firmatis,
 et præsidio, quod per hiberna ¹⁰ ad tutandum locum satis
 esset, relicto, ipse Capuam propius movit castra, agrum-
 que Campanum ferro ignique est depopulatus. donec coac-
 ti sunt Campani, nihil admodum viribus suis fidentes, egre-
 di portis, et castra ante urbem in aperto communire. Sex
 millia armatorum habebant, peditem inbellem: equitatu
 plus poterant. itaque equestribus præliis lacescebant hos-
 tem. Inter multos nobiles equites Campanos Cerrinus Ju-
 bellius erat, cognomine Taurea. civis indidem erat, longe
 omnium Campanorum fortissimus eques: adeo ut, quum

⁸ *reducit* Gron. Crev.

XXXIV. 32. *Enim, ut jam ita sint*
hæc: quem ad locum notat Gron. ob-
 servasse eruditos ex Plauto, particu-
 lam enim interdum a fronte orationis
 induere vim adversativæ, et eadem
 vi poni, qua junctim alias *atenim, sed-*
enim. Vid. Plaut. Epidico, Act. V. Sc.
 2. v. 36. et Persa, Act. II. Sc. 2. v. 54.

⁹ *Hostium plus quinque millia cæsa*
... vivi capti sexcenti] Hos numeros
 eruit ex deformata aliquantum optimi

codicis scriptura Gronovius. Et ad-
 stipulatur Plut. in Marc.

⁹ *Latus datus est]* Dele vocem *la-*
tus, quæ nihil aliud esse videtur,
 quam vitiosa repetitio *vñ datus*. Nec
 eam habet Put. codex a manu prima.

¹⁰ *Ad tutandum locum]* Plerique
 scripti *ad petendum*. Unus e nostris
ad tenendum: quod verum est: et
 præceperat jam conjectura Gronovius.

apud Romanos militaret, unus eum Romanus Claudius U. C. 537. Asellus gloria equestri æquaret. ¹¹ Hunc Taurea quum diu A. C. 215. perlustrans oculis obequitasset hostium turmis, tandem facto silentio, ubi esset Claudius Asellus? quæsit. et, quoniam verbis secum de virtute ambigere solitus esset, cur non ferro decerneret; daretque opima spolia victus, aut victor caperet?

XLVII. Hæc ubi Asello nunciata sunt in castra, id modo moratus, ut consulem percunctaretur, liceretne extra ordinem in provocantem hostem pugnare? permissu ejus arma extemplo cepit: proventusque ante stationes equo, Tauream nomine compellavit, congregique, ubi vellet, jussit. Jam Romani ad spectaculum pugnae ejus frequentes exierant: et Campani, non vallum modo castrorum, sed mœnia etiam urbis prospectantes repleverant. ¹² Quum jam ante ferocibus dictis rem nobilitassent, infestis hastis concitarunt equos. dein libero spatio inter se ludificantes, sine vulnere pugnam extrahabant. Tum Campanus Romano, *Equorum*, inquit, *hoc, non equitum, erit certamen, nisi e campo in cavam hanc viam demittimus equos. ibi nullo ad evagandum spatio cominus conserentur manus.* Dicto prope citius equum in viam Claudius dejecit. Taurea, verbis ferocior, quam re, ¹³ *Minime sis*, inquit, *cantherium in fossa.* ¹⁴ quæ vox in rusticum inde proverbium prodita. ¹⁵ Clau-

¹¹ *Hunc Taurea . . . ubi esset Claudius Asellus, quæsit*] *Quæsit hunc, ubi esset*, id est, quæsit, ubi hic esset. Ideo autem post hæc verba *ubi esset* addit nomen *Claudius Asellus*, quod interposita duo orationis membra inter *hunc* et *quæsit*, aliquid obscuritatis parere potuissent. Ceterum expeditior est quatuor nostrorum codicum scriptura, *Hic Taurea*.

¹² *Quum jam ante ferocibus dictis rem nobilitassent*] Quum initio celebritatem quamdam fastumque certamini mox futuro per ferocia dicta addidissent.

¹³ *Minime sis . . . cantherium in fossa*] *Κανθήλιος* Græcis *asinus*, et *Κανθήλια* *clitellæ*. Latinis *cantherius* equus castratus, et *cantherius* vel *cantherium* adminiculum et pedamentum vitium instar furcæ, vel jugi. Fodiebantur vineæ: in fossa figebantur cantherii, quibus applicabantur et imponebantur teneræ vites. Igitur proprie *cantherium in fossa* est, ubi cantheriata vitis est. Sed quia *cantherius* etiam genus equi est, via autem cava propter altiore utrimque campum, instar fossæ; illudens Tau-

rea, postquam Claudius equum egerat in viam cavam, Quid te esse vis, inquit, cantherium in fossa? Cave te esse patiari cantherium in fossa. Hoc equidem me esse nolo. Quod quidem dictum nullam aliam tunc temporis vim habebat, quam ut invidiam ignavi turpisque discessus dicenti minueret. Hæc Gronov. Potuit quoque ludere Taurea in cognomen adversarii, quod *Κανθήλιος* apud Græcos, ut jam observavimus, *asinus*, Romanus autem *Asellus* cognominabatur. Observat idem Gronovius hoc proverbium aliam vim habuisse, sed quæ nihil ad hunc locum pertinere videatur. *Minime sis cantherium in fossa*: id est, ne sinas alios de te crescere, ut vitis crescit stante et adminiculante cantherio.

¹⁴ *Quæ vox in rusticum*] Merito videtur Gronovio hoc proverbium jam antiquitus receptum fuisse, neque huic Taureæ dicto debere originem suam.

¹⁵ *Claudius quum ex via*] Claudius quum ex via in campum rursum evector longe perequasset.

U. C. 537. dius, quum ex via longe perequitasset, nullo obvio hoste in
A. C. 215. campum rursum evectus, increpans ignaviam hostis, cum magno gaudio et gratulatione victor in castra redit. Huic pugnae equestri rem (¹⁶ quam satis certam, communis existimatio est) mirabilem certe, adjiciunt quidam annales: quum refugientem ad urbem Tauream Claudius sequeretur, patenti hostium portae invectum, per alteram, stupentibus miraculo hostibus, intactum evasisse.

XLVIII. Quieta inde stativa fuere, ac retro etiam consul movit castra, ut sementem Campani facerent: nec ante violavit agrum Campanum, quam jam altae in segetibus herbae pabulum praebere poterant. id convexit in Claudiana castra super Suessulam; ibique hiberna aedificavit. M. Claudio proconsuli imperavit, ut, retento Nolae necessario ad tuendam urbem praesidio, ceteros milites dimitteret Roman, ne oneri sociis, et sumtui reipublicae essent. Et Ti. Gracchus a Cumis Luceriam in Apuliam legiones ¹⁷ quum duxisset, M. Valerium inde praetorem Brundisium, cum eo, quem Luceriae habuerat, exercitu misit, tuerique oram agri Sallentini¹⁸, et providere, quod ad Philippum bellumque Macedonicum adtineret, jussit. Exitu aestatis ejus, qua haec gesta perscripsimus, literae a P. et Cn. Scipionibus venerunt, quantas, quamque prosperas in Hispania res gessissent. sed pecuniam in stipendium, vestimentaue, et frumentum exercitui, et sociis navalibus omnia deesse. Quod ad stipendium adtineat, si aerarium inops esset, se aliquam rationem inituros, quo modo ab Hispanis sumant. cetera utique ab Roma mittenda esse: nec aliter aut exercitum aut provinciam ¹⁸ retineri posse. Literis recitatis, nemo omnium erat, quin, et vera scribi, et postulari aequa, fateretur: sed obcurrerat animis, quantos exercitus terrestres navalesque tuerentur, quantaue nova classis mox paranda esset, si bellum Macedonicum moveretur. Siciliam ac¹⁹ Sardiniam, quae ante bellum vectigales fuissent, vix praesides provinciarum exercitus alere: ¹⁹ tributo sumtus subpeditari. ²⁰ quum²⁰ ipsum tributum conferentium numerum

Literae ex
Hispania.

Romano-
rum inopia.

¹⁶ *dum* Gron. ¹⁸ *Sallentini* Ead. ¹⁹ *et* Gron. Crev. ²⁰ *quum*
I. *verum cum ipsum* Gron. *verum quum* Crev.

¹⁶ *Quam satis certam*] Gronovius ex vestigiis MSS. aliam format lectionem, quae haud patulo melior videtur: *Quam vera sit, communis existimatio est*: id est, quam vera sit, quilibet per se judicare potest. Eodem sensu l. IV. c. 20. scripsit Livius: *existimatio communis omnibus est*.

¹⁷ *Cum duxisset*] Reposuimus cum pro *dum*, auctoribus scriptis nostris omnibus, et principibus editionibus.

¹⁸ *Retineri posse*] Hic variant scripti. Plerique habent *attineri*. Victorinus veram exhibere videtur Livii manum, *obtineri*.

¹⁹ *Tributo*] A civibus collato, quum jam vectigalia ex provinciis defecissent.

²⁰ *Quum ipsum tributum conferentium numerum .. imminutum, tum qui superessent*] Repraesentamus hic veterum editorum lectionem, quam

tantis exercituum stragibus, et ad Trasimenum lacum, et U. C. 537. ad Cannas, imminutum; tum, qui superessent pauci, si A. C. 215. multipliei gravarentur stipendio, alia perituros peste. Itaque, ²¹ nisi fide staret respublica, opibus non staturam. Prodeundum in concionem Fulvio prætori esse, indicandas populo publicas necessitates, cohortandosque, qui ²² redempturis auxissent patrimonia, ²³ ut reipublicæ, ex qua crevis- sent, ad tempus commodarent; conducereque ²⁴ ea lege præbenda, quæ ad exercitum Hispaniensem opus essent, ut, quum pecunia in ærario esset, iis primis solveretur. ²⁵ Hæc prætor in concione edixit, qua die vestimenta, frumentum, Hispaniensi exercitui præbenda, quæque alia opus essent navalibus sociis, esset locaturus.

XLIX. Ubi ea dies venit, ad conducendum tres societa- Privata pecunia respublica administratur. tes aderant hominum undeviginti, quorum duo postalata fuere: unum, ²⁶ ut militia vacarent, dum in eo publico es- sent: alterum, ²⁷ ut, quæ in naves imposuissent, ab hostium tempestatisque vi publico periculo essent. Utroque impe- trato, conduxerunt, privataque pecunia respublica adminis- trata est. Hi mores, eaque caritas patriæ per omnes ordi-

² tum del. Gron.

firmant codices nostri plerique, nisi quod omittunt *tum*, quod facile absorberi potuit ab ultima syllaba vocis *imminutum*. Gronovius ex quibusdam scriptis, quibus unus e nostris assentitur, legit *eum ipsum*. Sed vox *eum* stare posse non videtur, quum antea sermo fuerit de tributo, non de numero conferentium tributum.

²¹ *Nisi fide staret respublica*] *Fides* hic pro eo quod Gallice dicitur *crédit*. Nisi sustentaretur respublica pecuniis mutuatis, quarum solutio in multum tempus differretur.

²² *Redempturis*] *Redimere* est conducere aliquid faciendum, vel præbendum. Hinc *redemptor*, qui conducit: *redemptura*, conductio. *Qui redempturis auxissent patrimonia*, sunt hoc loco publicani, qui conducendo publica ditati fuerant.

²³ *Ut reipublicæ . . tempus commodarent*] Ut commodis reipublicæ hactenus inservirent, ut non pecuniæ tamen, sed temporis gratiam facerent. Male olim edebatur *ad tempus*: præpositionem abjiciunt omnes scripti.

²⁴ *Ea lege*] Sic bene Sigonius. Antea *ex lege*.

²⁵ *Hæc prætor in concione edixit, qua die*] Placet Gronovii conjectura: *Hæc prætor in concione*, supple, pronuntiavit: *edixitque qua die*.

²⁶ *Ut militia vacarent, dum in eo publico essent*] Hæc Gronovii emendatio non multum abit ab optimi codicis scriptura. Longe aliam Valla finxerat lectionem, quam prius editi præferebant, *ne alii triennio eo publicani essent*. *Publica* dicuntur, sive vectigalia et redditus populi Romani, quæ inferenda ærario locantur a magistratibus, fruenda conducuntur a locupletibus et idoneis hominibus, qui, inde *publicani* appellantur; ita ut definitum sit, quid pro iis pendere illi debeant ærario: sive munera operave aut functiones ac necessitates reipublicæ, puta templi alicujus aut pontis exædificatio, frumenta ac vestimenta exercitui, quæ facienda vel præbenda locantur itidem a magistratibus, conducuntur a publicanis; ita ut definitum sit, quid hi pretii loco accipere debeant ex ærario. Posteriore hoc sensu *publicum* hic intellige. *Dum in eo publico essent*: quamdiu illam curationem, tanquam conductores et publicani, gererent. Hæc fere Gronovius, Observ. l. IV. c. 23.

²⁷ *Ut, quæ in naves imposuissent*] Ut, quæ in naves imposuissent, si aut propter hostilem vim, aut per tempestatem interiissent, hoc damnum respublica sustineret, non ipsi.

U. C. 537. nes velut tenore uno pertinebat. Quemadmodum conducta
 A. C. 215. omnia magno animo sunt, sic summa fide præbita,²⁸ nec
 secus quam si ex opulento ærario, ut quondam, aleren-
 tur. Quum hi commeatus venerunt, Illiturgi oppidum
 ab Hasdrubale, ac Magone, et Hamilcare Bomilcaris filio,
 ob defectionem ad Romanos obpugnabatur. Inter hæc
 trina castra hostium Scipiones, quum in urbem sociorum
 magno certamine ac strage obsistentium pervenissent, fru-
 mentum, cujus inopia erat, advexerunt: cohortatique oppi-
 danos, ut eodem animo mœnia tutarentur, quo pro se pug-
 nantem Romanum exercitum vidissent, ad castra maxima
 obpugnanda, quibus Hasdrubal præerat, ducunt. Eodem et
 duo duces, et duo exercitus Karthaginiensium, ibi rem
 summam agi cernentes, convenerunt. Itaque eruptione e
 castris pugnatum est. sexaginta hostium millia eo die in
 pugna fuerunt, sexdecim circiter Romanis. tamen adeo
 haud dubia victoria fuit, ut plures numero, quam ipsi erant,
 Romani hostium occiderint: ²⁹ ceperint amplius tria millia
 hominum, paullo minus mille equorum, undesexaginta mi-
 litaria signa, elephantis quinque in prælio occisis. trinisque
 castris eo die potiti sunt. Illiturgi obsidione liberato, ad
 Intibili obpugnandum Punici exercitus traducti, suppletis
 copiis ³⁰ ex provincia, ut quæ maxime omnium belli avida,
 modo præda aut merces esset, et tum juventute abundante.
 Iterum signis conlatis, eadem fortuna utriusque partis
 pugnatum. supra tredecim millia hostium cæsa, supra duo
 capta, cum signis duobus et quadraginta, et novem ele-
 phantis. Tum vero omnes prope Hispaniæ populi ad Ro-
 manos defecerunt: multoque majores ea æstate in Hispa-
 nia, quam in Italia, res gestæ.

Illiturgi
 obsessa a
 tribus Pœ-
 norum du-
 cibus.

Romani tri-
 na castra
 Pœnorum
 capiunt.

²⁸ *Nec secus quam si*] Hoc Vallæ debetur. Scripti, *nec quicquam si*.

²⁹ *Ceperint .. undesexaginta militaria signa, elephantis quinque in prælio occisis*] Put. codex *signa vir elephantis*: alius, itidem Gronovio inspectus, *signavit elephantis*. Inde ille legendum suadet: *militaria signa*,

VII. elephantos, quinque in prælio occisis.

³⁰ *Ex provincia, ut quæ*] Ex provincia, quæ et belli, quantum quæ maxime, avida erat, si modo præda aut merces ostenderetur; et tum abundabat juventute.

EPITOME LIBRI XXIV.

HIERONYMUS, Syracusanorum rex, cujus avus Hiero amicus populi Romani fuerat, ad Karthaginienses defecit; et propter crudelitatem superbiamque a suis interfectus est. Ti. Sempronius Gracchus proconsul prospere adversus Pœnos et Hannonem ducem ad Beneventum pugnavit, servorum maxime operu, quos liberos esse jussit. Claudius Marcellus consul, in Sicilia, quæ prope tota ad Pœnos defecerat, Syracusas obsedit. Philippo Macedonum regi bellum indictum est; qui, ad Apolloniam nocturno prælio oppressus fugatusque, in Macedoniam cum prope inermi exercitu perfugit. ad id bellum gerendum Valerius prætor missus est. Res præterea in Hispania a P. et Cn. Scipionibus adversus Karthaginienses gestas continet. Syphax, rex Numidarum, in amicitiam adscitus,¹ et a Masinissa, rege Massylorum, pro Karthaginiensibus pugnante, victus,² in Maurusios cum magna manu transiit contra Gades; ubi angusto freto Africa et Hispania dirimuntur. Celtiberi quoque in amicitiam recepti sunt: quorum auxiliis adscitis,³ tunc primum mercenarium militem Romana castra habuerunt.

¹ Et a Masinissa, rege Massylorum, pro Carthaginiensibus pugnante, victus] Sic dedit ex vet. libb. Sigonius, quum prius hic legeretur: contra Masinissam regem Masasulorum, pro Carthaginiensibus pugnans: quod quidem et absurdum erat; et Livianæ narrationi (infra capp. 48. et 49.) repugnabat. Porro Masinissa hic vocatur rex Massylorum, non quod ipse tum regnaret, sed quia filius Galæ regis Massylorum erat. Denique nomen ejus sic, quemadmodum edidimus, scribi semper in libris suis Gro-

novius testatur in nota ad l. XXV. c. 34. Masinissa, non Masanissa, aut Massanissa.

² In Maurusios] Pro his verbis reperimus in vet. editis in Hispaniam ad Scipionem. Quis mutaverit, incertum. Sed hæc emendatio desumpta est procul dubio ex c. 49. hujus libri. Forsitan hic aliquod gravius mendum latebat: aliquot verba intercidisse suspicamur.

³ Tunc primum mercenarium militem] Vid. not. 62. ad c. 49. hujus libri.

T. LIVII PATAVINI

LIBER XXIV.

U. C. 537.
A. C. 215.
Res a Pœ-
nis apud
Bruttios
gestæ.
Rhegium
frustra ten-
tatum.

Locrenses se
dedunt Pœ-
nia.

UT ex Campania in Bruttios reditum est, Hanno, adjuto-
ribus et ducibus Bruttiis, Græcas urbes tentavit, eo facilius
in societate manentes Romana, quod Bruttios, quos et ode-
rant, et metuebant, Karthaginensium partis factos cerne-
bant. Rhegium primum tentatum est, diesque aliquot ibi
nequidquam absumti. ¹ Interim Locrenses frumentum, lig-
naque, et cetera necessaria usibus ex agris in urbem rapere,
etiam ne quid relictum prædæ hostibus esset: et in dies
major omnibus portis multitudo effundi. postremo ii modo
relicti in urbe erant, qui reficere muros ac portas, telaque in
propugnacula congerere cogebantur. In permixtam omni-
um ætatum ordinumque multitudinem, et vagantem in
agris magna ex parte inermem, Hamilcar Pœnus equites
emisit; qui, violare quemquam vetiti, tantum, ut exclude-
rent ab urbe fuga dissipatos, turmas objecere. Dux ipse,
loco superiore capto, unde agros urbemque posset conspi-
cere, Bruttiorum cohortem adire muros, atque evocare
principes Locrensiū ad colloquium jussit, et, pollicentes
amicitiam Hannibalis, adhortari ad urbem tradendam.
Bruttiis in colloquio nullius rei primo fides est²: deinde ut
Pœnus adparuit in collibus, et refugientes pauci aliam om-
nem multitudinem in potestate hostium esse adferebant;
tum, metu victi, consulturos se populum responderunt. ad-
vocataque extemplo concione, quum et levissimus quisque
novas res novamque societatem mallent, et, quorum propin-
qui extra urbem interclusi ab hostibus erant, velut obsidibus
dati, ³ pigneratos haberent animos, pauci magis taciti pro-
barent constantem fidem, quam probatam tueri auderent;

¹ est del. Gron. Crev.

¹ *Interim Locrenses*] Libro supe-
riore, c. 30. Locrenses descivisse me-
morantur ad Bruttios Pœnosque, anno
ipso Cannensis cladis, antequam Tib.
Sempronius consulatum inisset. Hic
iidem defecisse dicuntur, postquam
ex Campania in Bruttios rediit Han-
no, qui lib. superiore, c. 46. sub exi-
tum hujus ipsius anni, cujus nunc

eventus describit Livius, ab Annibale
remissus dicitur ab Nola in Bruttios.
Hæc inter se pugnare cuius patet:
idque pridem admonuit Glareanus.

³ *Pigneratos*] Quorum propinqui
in potestate hostium erant, ii illis
velut pignoribus obstricti et obligati
erant erga Pœnos.

haud dubio in speciem consensu sit ad Pœnos deditio: L. U. C. 337. Atilio præfecto præsidii, quique cum eo milites Romani A. C. 215. erant, clam in portum deductis, atque inpositis in naves, ut Rhegium deveherentur, Hamilcarem Pœnosque ea conditio-
 ne, ut foedus extemplo æquis legibus fieret, in urbem acce-
 perunt. cuius rei prope non servata fides deditis est, quum
 Pœnus dolo dimissum Romanum inousaret; Locrenses pro-
 fugisse ipsum causarentur. Insecuti etiam equites sunt, si
 quo casu in freto æstus morari, aut deferre naves in terram
 posset. et eos quidem, quos sequebantur, non sunt adepti:
 alias a Messana trajicientes freto Rhegium naves conspex-
 erunt. Milites erant Romani, a Claudio prætore missi ad
 obtinendam urbem præsidio. itaque Rhegio extemplo abs-
 cessum est. Locrensibus jussu Hannibalis data pax, ut li-
 beri suis legibus viverent: urbs pateret Pœnis, portus³ in potes-
 tatem⁴ Locrensiū esset: societas eo jure staret, ut Pœnus
 Locrensem, Locrensisque Pœnum pace ac bello juvaret.

Præsidio
Romano di-
miso.

Leges so-
cietatis in-
ter Pœnos
et Locren-
ses.

II. Sic a freto Pœni reducti, frementibus Bruttiiis, quod
 Rhegium ac Locros, quas urbes direpturos se destinaverant,
 intactas reliquissent. Itaque per se ipsi, conscriptis arma-
 tisque juventutis suæ quindecim millibus, ⁵ ad Crotonem
 obpugnandum pergunt ire; Græcam et ipsam urbem, et
 maritimam: plurimum accessurum opibus, si in ora maris
⁶ urbem portu ac mœnibus validam tenuissent, credentes.
 Ea cura angebat, quod neque non arcessere ad auxilium
 Pœnos satis audebant, ne quid non pro sociis egisse viderentur:
 et, si Pœnus rursus magis arbiter pacis, quam ad-
 jutor belli, fuisset, ne in libertatem Crotonis, sicut ante Locro-
 rum, frustra pugnaretur. Itaque optimum visum est, ad Han-
 nibalem mitti legatos, caverique ab eo, ut receptus Croto
 Bruttiorum esset. Hannibal quum præsentium eam con-
 sultationem esse respondisset, et ad Hannonem eos rejecis-

Bruttii
Crotonem
obpugnant.

³ potestate Gron.

⁴ portum ac urbem mœnibus validam Gron. Crev.

³ In potestatem Locrensiū esset] Similem loquendi formam jam obser-
 vavimus supra l. II. c. 14. Sic et Ci-
 cero pro lege Man. n. 33. in prædonum
 fuisse potestatem. Terent. Eun. Act.
 II. Sc. 2. Ille ubi miser, famelicus,
 videt me esse in tantum honorem. Su-
 pra l. XXIII. c. 13. ubi editi habent
 in defectione totam Italiam esse, Put.
 codex in defectionem. Facile esset nu-
 merosam simillium exemplorum seriem
 texere. Itaque non dubitavimus hanc
 scripturam, quam tenent plerique li-
 bri, tum Gronovio tum nobis inspecti,
 anteponeere vulgatæ hujus loci lectioni,
 in potestate.

⁴ Ad Crotonem oppugnandum] Vid.
 lib. sup. c. 30. et junge ea, quæ modo
 annotavimus de Locrensibus.

⁵ Portum ac urbem mœnibus vali-
 dam] Raro apud illos optimæ notæ
 scriptores particulam ac reperias præ-
 fixam voci, quæ a vocali incipitur:
 ut monuimus in not. 73. ad l. III. c. 16.
 Jam Put. codex et quidam alii præfa-
 runt urbem ac portum. Itaque reci-
 pienda videtur, quæ a Mureto allata
 est et a Gronovio comprobata emen-
 datio, quam etiam firmat unus Hear-
 nli codex: si in ora maris urbem portu
 ac mœnibus validam tenuissent.

U. C. 537. set, ⁶ ab Hannone nihil certi ablatum ⁴. Nec enim diripi
 A. C. 215. volebant nobilem atque opulentam urbem: et sperabant,
 quum Bruttius obpugnaret, Pœnos nec probare, nec juvare
 eam obpugnationem adpareret, eo maturius ad se defecturos.
 Crotoniatarum discordia. Crotone nec consilium unum inter populares, nec voluntas
 erat. unus velut morbus invaserat omnes Italiæ civitates,
 ut ⁷ plebes ab optimatibus dissentirent⁸: senatus Romanis
 faveret, plebs ad Pœnos rem traheret. Eam dissensionem
 in urbe perfuga nunciat Bruttiis; Aristomachum esse prin-
 cipem plebis, tradendæque auctorem urbis: ⁹ et in vasta
 urbe lateque ⁹ omnibus disiectis mœnibus raras et stationes¹
 custodiasque senatorum⁸ esse. quacumque custodiant plebis
 homines, ea patere aditum. Auctore ac duce perfuga,
 Urbis capitur a Brut-
 tiis, præter
 arcem. Bruttii corona cinxerunt urbem: acceptique a plebe primo
 inpetu ¹⁰ locos omnes, præter arcem, cepere. Arcem opti-
 mates tenebant, præparato jam ante ad talem casum perfu-
 gio. Eodem Aristomachus perfugit; tamquam Pœnis,
 non Bruttiis, auctor urbis tradendæ fuisset.

III. Urbs Croto murum in circuitu patentem duodecim
 millia passuum habuit, ante Pyrrhi in Italiam adventum.
 post vastitatem eo bello factam vix pars dimidia habitaba-
 tur: flumen, quod medio oppido fluxerat, extra frequentia
 tectis loca præterfluebat: ¹¹ et arx procul iis, quæ habita-
 bantur. ¹² Sex millia aberat ab urbe nobili¹² templum (ipsa
 urbe erat¹ nobilius) Laciniae Junonis, sanctum omnibus cir-
 ca populis. Lucus ibi, frequenti silva et proceris abietis

Laciniae
 Junonis
 templum.

⁴ allatum Gron. ⁵ dissentiret Ead. ⁶ partitas stationes Gron. Crev.
⁷ add. ac plebis Gron. Crev. ⁸ nobile Ead. ⁹ erat del. Ead.

6 *Ab Hannone nihil certi ablatum*] Bruttii nullum certum responsum ab-
 stulerunt ab Hannone. Cic. ad Plan-
 cum, l. XVI. ad Att. *Adimus od Cæ-
 sarem, verba fecimus pro Buthrotiis,
 liberalissimum decretum abstulimus.*
 Hactenus edebatur *allatum*. Sed illud
 alterum, quod magis proprium est,
 jamdiu a Sigonio monstratum, firmant
 duo optimæ notæ codices, Puteanæus,
 et teste Jac. Gronovio, Cantabrigien-
 sis.

7 *Plebes . . . dissentirent*] Sic magna
 scriptorum manus: melius quam, ut
 vulgo, *dissentiret*.

8 *Et in vasta urbe lateque omnibus
 disiectis mœnibus partitas stationes cus-
 todiasque senatorum ac plebis esse*] Hic
 scripti multum abeunt ab editis. Put.
 et alter itidem ex regiis habent *lata-
 que non lateque*: pro *partitas*, Put.
paraset, alii *parasset*, vel *parasse*:
 omnes ignorant *ac plebis*. Probabilis
 est Gronovii conjectura: *Et in vasta*

*urbe lateque, omnibus disiectis mœni-
 bus, raras stationes custodiasque sena-
 torum esse.*

9 *Omnibus disiectis mœnibus*] Quum
 muri in diversa hac illac abirent.

10 *Locos omnes*] Scripti omittunt
locos. Unus e codd. Gronovianis habet
omnia, quod expeditissimum est: ali-
 us *omnem*, ubi intelligere licet *urbem*.
 Eligat lector, utrum malit.

11 *Et arx procul iis quæ habita-
 bantur*] Et arx procul erat dissita ab
 iis locis quæ habitabantur.

12 *Sex millia aberat ab urbe nobile
 templum*] Strabo, l. VI. p. 262. Laci-
 niæ Junonis templum distare ait ab
 Crotone centum quinquaginta stadiis,
 hoc est, novemdecim prope millibus.
 An aliquid corrigendum apud alteru-
 trum scriptorem? An potius ita
 conciliabimus, ut Strabonem mariti-
 mum iter, quod circumvectio reddit
 longius; Livium terrestre designasse
 dicamus? GRONOVIVS.

arboribus septus, læta in medio pascua habuit, ubi omnis U. C. 537.
generis sacrum Dæe pascebatur pecus sine ullo pastore: A. C. 215.

¹³ separatimque egressi cujusque generis greges nocte reme-
abant ad stabula, numquam insidiis ferarum, non fraude
violati hominum. Magni igitur fructus ex eo pecore capti,
columnaque inde aurea solida facta, et sacrata est: incli-
tumque templum, divitiis etiam, non tantum sanctitate, fuit.

¹⁴ Ac miracula aliqua adfinguntur plerumque tam insig-
nibus locis. Fama est, aram esse in vestibulo templi, ¹⁵ cu-
jus cinerem nullo umquam moveri vento. Sed arx Croto- Arx Croto-
nis, ¹⁶ una parte imminens mari ^k, altera, vergente in agrum, nis.

situ tantum naturali quondam munita, postea et muro cinc-
ta est, qua per aversas rupes ab Dionysio Siciliæ tyranno
per dolum fuerat capta. Eam tum arcem, satis, ut videba-
tur, tutam, Crotoniatum optimates tenebant, circumsedente
cum Brutiis eos etiam plebe sua. Postremo Brutii, quum
suis viribus inexpugnabilem viderent arcem, coacti necessi-
tate, Hannonis auxilium implorant. Is conditionibus ad
deditionem compellere Crotoniatas conatus, ut coloniam
Bruttiorum eo deduci, ¹⁷ antiquamque frequentiam eorum
recipere vastam ac desertam bellis urbem paterentur, omni-
um neminem, præter Aristomachum, movit. morituros se
adfirmabant citius, quam, innixti Brutiis, in alienos ritus,
mores, legesque, ac mox linguam etiam verterentur. Aris-
tomachus unus, quando nec suadendo ad deditionem satis
valebat, nec, sicut urbem prodiderat, locum prodendæ arcis
inveniebat, transfugit ad Hannonem. Locrenses brevi post
legati, quum permissu Hannonis arcem intrassent, persua-
dent, ut traduci se ¹⁸ in Locros paterentur, nec ultima expe-
riri vellent. Jam hoc ut sibi liceret, impetraverant et ab
Hannibale, missis ad ipsum legatis. ita ¹⁹ Crotone excessum Crotoniatas
est, deductique Crotoniatæ ad mare naves conscendunt. Locros
abeunt.

^k imminet Gron.

¹³ Separatimque egressi cujusque
generis greges] Non Put. modo, sed
et omnes nostri codices carent voce
greges. Put. vero habet etiam egressui.
Hinc Gronovius legendum putat: se-
paratimque greges sui quique generis.
Sed parum scilicet interest.

¹⁴ Ac miracula aliqua affinguntur]
Bene Jac. Gronovius: Ac miracula
aliqua affingunt, ut plerumque tam
insignibus locis.

¹⁵ Cujus cinerem nullo unquam mo-
verivo. Sed arx] Hæc lectio elegan-
tissima debetur Gronovio. Put. liber,
nullo unquam move ventos et arns.
Olim editi nullus unquam moveat
ventus. Et arx.

¹⁶ Una parte imminens mari] Vul-
go imminet. Sed id quod edidimus,
plerique scripti tenent, inter quos
Put. et sic melius cohæret oratio.

¹⁷ Antiquamque frequentiam eorum]
Vel lege cum Gronovio suam, vel dele
vocem eorum, quæ quidem ab uno
Hearnii codice abest.

¹⁸ In Locros] Intellige populum,
regionem Locrensem; aut eradenda
est præpositio, quæ jungi non potest
cum urbis nomine.

¹⁹ Crotone excessum est] Libri opti-
mi: Crotone excessum est. Et sic in-
terdum maluit Livius, ut jam annota-
tum est:

U. C. 537. A. C. 215. Locros omnis multitudo abeunt. In Apulia ne hiems quidem quieta inter Romanos atque Hannibalem erat. Luceriae Sempronius consul, Hannibal haud procul Arpis hibernabat. Inter eos levia praelia ex occasione, aut opportunitate hujus aut illius partis, oriebantur: meliorque eis Romanus, et in dies cautior tutiorque ab insidiis fiebat.

Hieronius
succedit
Hieronymus
Syracusae.

IV. In Sicilia Romanis omnia mutaverat mors Hieronis, regnumque ad Hieronymum nepotem ejus translatus: puerum, vixdum libertatem, nedum dominationem, modice latitum. ²⁰ Laete id ingenium tutores atque amici ad praecipitandum in omnia vitia acceperunt: quae ita futura cernens Hiero, ultima senecta voluisse dicitur liberas Syracusas relinquere, ne sub dominatu puerili, ²¹ per ludibrium, bonis artibus partum firmatumque interiret regnum. Huic consilio ejus summa ope obstitere filiae, nomen regium penes puerum futurum ratae, regimen rerum omnium penes se virosque suos, Andranodorum et Zoippum: ²² nam ii tutorum primi relinquebantur. Non facile erat nonagesimum jam agenti annum, circum sesso dies noctesque muliebribus blanditiis, liberare animum, et ²³ convertere ad publicam privata curam. Itaque ²⁴ tutores modo quindecim puero reliquit: quos precatus est moriens, ut fidem erga populum Romanum, quinquaginta annos ab se cultam, inviolatam servarent, juvenemque suis potissimum vestigiis insistere vellent ²⁵ disciplinaeque, in qua edoctus esset. ²⁶ Haec mandata. Quum ²⁷ exspirasset, per tutores testamento prolato,

¹ modo l. numero Gron.

²⁷ Haec mandata. Quum l. Post h. m. quum exspirasset, tutores prodeunt. Testamento prolato etc. Gron. Crev.

²⁰ Laete id ingenium tutores atque amici ad praecipitandum] Pro prima voce scripti et vett. editi exhibent *etatis* vel *etatis*. Laur. Valla conjecturavit *lati*. Nobis magis placeret *lati*. Sed et in iis quae mox sequuntur, unus e nostris codd. omittit *et ad*. Sic igitur non omnino male, nostro judicio, formaretur haec periodus: *Laeti id ingenium tutores atque amici praecipitandum in omnia vitia acceperunt*.

²¹ Per ludibrium .. interiret] Interiret per lasciviam pueri Hieronymi, cujus levitas regno velut illuderet.

²² Nam ii tutorum] Hae voces desunt in scriptis, et adjectae sunt a Val. la. Andreas et Campanus dedere qui tutorum.

²³ Convertere ad publicam privata curam] Ita statuere de domo sua, ut praecipue reipublicae consuleret, et illius statum hujus commodo attemperaret.

²⁴ Tutores modo quindecim] Hoc solum dedit suo in cives amori, ut non aut plenam rerum omnium licentiam puero relinqueret, aut Andranodorum tantum et Zoippum ei tutores daret, sed quindecim tutores nominaret. Vulgo hic legitur *numero quindecim*. Sed id quod edipus, tenent Put. et Victor. codices.

²⁵ Disciplinaeque in qua edoctus esset] Melius fortasse, *eductus*, quod placuit Gronovio et Tan. Fabro: et sic Campanus. Non enim hic agitur, ut idem Gronovius observat, de doctrina litterarum et artium, sed de patrio et antiquo more ac cultu, qui in domo Hieronis semper vigerat.

²⁶ Post haec mandata quum exspirasset, tutores prodeunt] Primam et ultimam vocem ignorant nostri, ut et Gronoviani, libri. Possis cum Jac. Gronovio legere. *Haec mandata. Quum exspirasset, per tutores testamento prolato*.

pueroque in concionem producto, (erat autem quindecim U. C. 537. tunc ferme annorum) paucis, qui per concionem ad excoi- A. C. 215. tandos clamores dispositi erant, adprobantibus testamen- tum, ceteris velut patre amisso in orba civitate omnia ti- mentibus, funus fit regium, magis amore civium et caritate, quam cura suorum, ²⁷ celebre. Deinde ceteros tutores sub- movet Andranodorus, juvenem jam esse dictitans Hierony- mum, ac regni potentem: ²⁸ deponendoque tutelam ipse, quæ cum pluribus communis erat, in se unum omnium vi- res convertit.

V. Vix quidem ulli bono moderatoque regi facilis erat favor apud Syracusanos, ²⁹ succedenti tantæ caritati Hiero- nis. verum enim vero Hieronymus, velut suis vitiis deside- Hieronymi vitia. rabilem efficere vellet avum, primo statim conspectu, om- nia quam disparia essent, ostendit. nam qui per tot annos Hieronem filiumque ejus Gelonem, nec vestis habitu, nec alio ullo insigni differentes a ceteris civibus vidissent, con- spexere purpuram, ac diadema, ac satellites armatos; qua- drigisque etiam alborum equorum interdum ex regia proce- dentem, more Dionysii tyranni. Hunc tam superbum ad- paratum habitumque ³⁰ convenientes sequebantur contem- tus omnium hominum, superbæ aures, ³¹ contumeliosa dic- ta, rari aditus, non alienis modo, sed tutoribus etiam, libi- dines novæ, inhumana crudelitas. Itaque tantus omnes terror invaserat, ut quidam ex tutoribus aut morte volunta- ria, aut fuga præverterent metum suppliciorum. Tres ex iis, quibus solis aditus in domum familiarior erat, Andra- nodorus et Zoïppus, generi Hieronis, et Thraso quidam, de aliis quidem rebus haud magnopere audiebantur: tendendo autem duo ad Karthaginienses, Thraso ad societatem Ro- manam, certamine ac studiis interdum in se convertebant animum adolescentis: cum conjuratio, in tyranni caput Conspiratio in ejus ca- put.

²⁷ *Celebre deinde*] Put. liber habet *celebre* *deinde*: unde proclive est efficere: *celebre*. *Brevi deinde*.

²⁸ *Deponendoque tutelam ipse, quæ cum pluribus communis erat*] Hæc est scriptorum omnium lectio: quæ nobis elegantior visa est, quam vulgata, *deponendoque tutelam, quæ ipse cum plu- ribus*.

²⁹ *Succedenti tantæ caritati Hiero- nis*] Hieroni, qui tam carus fuerat civibus. Sic l. IV. c. 11. *quo majori gloriæ rerum domi forisque gestarum succedere se cernebant*. Libri habue- rant *caritate*, quod evidenti ratione mutavit Gronovius in *caritati*.

³⁰ *Convenientes sequebantur con-*

temptus] Vulgati auctiores una voce habent *sequebantur mores*. Nec male, si MSS. assentirentur. Non tamen omnino necessaria est vox *mores*. Ad- jectivum enim *convenientes* potest re- ferri ad ea omnia quæ sequuntur, *contemptus, superba aures, &c.*

³¹ *Contumeliosa dicta, rari aditus, non alienis modo, sed tutoribus etiam*] Olim editi: *contumeliosa dicta, aditus non alienis modo, sed tutoribus etiam difficiles*. Sed nomen *difficiles* nullo in scripto exstat. Quum igitur Grono- vius reperiret in Put. codice *diotari aditus*, inde ille effecit id quod habes in contextu.

U. C. 537. A. C. 215. **facta, indicatur per calonem quemdam, æqualem Hieronymi, et jam inde a puero in omnia familiaria jura aduetum. Index unum ex conjuratis Theodotum, a quo ipse adpellatus erat, nominare potuit. qui comprehensus extemplo, traditusque Andranodoro torquendus, de se ipse haud cunctanter fassus, conscios celabat. Postremo, quum omnibus intolerandis patientiæ humanæ cruciatibus laceraretur, victum malis se simulans, avertit ab consciis in insontes indicium (Thrasonem esse auctorem consilii mentitus, nec, nisi tam potenti duce confisos, rem tantam ausuros) ³² ab latere tyranni, quorum capita vilissima fingenti inter dolores gemitusque obcurrere. Maxime animo tyranni credibile indicium Thraso nominatus fecit. Itaque extemplo traditur ad supplicium: adjectique pœnæ ceteri juxta insontes. Consociorum nemo, quum diu socius consilii torqueretur, aut latuit, aut fugit. tantum illis in virtute ac fide Theodoti fiduciæ fuit: tantumque ipsi Theodoto virium ad arcana occultanda.**

Ad Hannibalem inclinat.

Legati Rom. per ludibrium ab eo auditi.

VI. ³³ Ita*, quod unum • vinculum cum Romanis societatis erat, Thrasone sublato e medio, extemplo haud dubie ad defectionem respectabat; legatique ad Hannibalem missi, ac remissi ab eo cum Hannibale nobili adolescente Hippocrates et Epicydes, nati Karthagine, sed oriundi ab Syracusis exsule avo, Pœni ipsi materno genere. Per hos juncta societas Hannibali ac Syracusano tyranno: nec invito Hannibale apud tyrannum manserunt. Ap. Claudius prætor, cujus Sicilia provincia erat, ubi ea accepit, extemplo legatos ad Hieronymum misit: qui, quum sese ad renovandam societatem, quæ cum avo fuisset, venisse dicerent, per ludibrium auditi dimissique sunt ab quærente per jocum Hieronymo, *quæ fortuna eis pugnae ad Cannas fuisset? vix credibilia enim legatos Hannibalis narrare. Velle, quid veri sit, scire, ut ex*

* Itaque Gron.

• omne Gron.

32 *Ab latere tyranni*] Hæc est scripta lectio, quam sic explicat Gronovius. *Avertit in insontes indicium ab latere tyranni*, id est, accusavit insontes, qui essent ab latere tyranni, quorum capita vilissima obcurrere fingenti, quos facillime passurus erat morti ac suppliciis objici. *Ab latere* alicujus esse dicuntur, qui sunt ejus familiares, et ejus plerumque tegunt latera. Sed placere non potest interposita illa longissima parenthesis inter voces *indicium* et *ab latere*, quæ duriores profecto orationem facit. Longe expeditior erat vulgata lectio: *ab latere inde eos nominat tyranni*:

nec dubitarem eam antepone, si certa ejus origo reperiretur.

33 *Ita, quod unum vinculum*] Pro itaque legi jussimus ita ex Put. libro: quod hæc particula melius ea quæ præcedunt cum sequentibus connecere visa est. Quod autem Gronovius affirmat in eodem codice legi *omne vinculum*, in eo desideramus solitam viri diligentiam. Etenim optimus liber habet *onum*, sed ita ut littera o virgula transfixa sit, et supra eam scriptum u. Itaque reposuimus *unum*, quam in lectionem consentiunt omnes et scripti, et editi.

eo, *ultram spem sequatur, consilium capiat*. Romani, quum U. C. 537. serio legationes audire cœpisset, redituros se ad eum di- A. C. 215. centes esse, monito magis eo, quam rogato, ne fidem temere mutaret, proficiscuntur. Hieronymus legatos Karthaginiem misit ³⁴ ad fœdus ex societate cum Hannibale faciendum. Pacto convenit, ut, quum Romanos Sicilia expulis- Fœdus ejus sent, (id autem brevi fore, si naves atque exercitum misis- cum Pœnis. sent) Himera amnis, qui ferme insulam dividit, finis regni Syracusani ac Punici imperii esset. Aliam deinde, inflatus adsentationibus eorum, qui eum non Hieronis tantum, sed ³⁵ Pyrrhi etiam regis, materni avi, jubebant meminisse, legationem misit, ³⁶ qua æquum censebat, Sicilia sibi omni cedi: Italiae imperium proprium quæri Karthaginiensi populo. Hanc levitatem ac ³⁷ jactationem animi neque mirabantur in juvene furioso, neque arguebant, dummodo averterent eum ab Romanis.

VII. ³⁸ Sed omnia in eo præcipitia ad exitium fuerunt. nam quum, præmissis Hippocrate atque Epicyde cum binis millibus armatorum ad tentandas urbes, quæ præsidiis tenebantur Romanis, et ipse in Leontinos cum cetero omni exercitu (erant autem ad quindecim millia peditum equitumque) profectus esset; ³⁹ liberas ædes conjurati (⁴⁰ et omnes forte militabant) imminentes viæ angustæ, qua descendere ad forum rex solebat, sumserunt. ibi, quum instructi armatique ceteri transitum expectantes starent, uni ex eis, (Dinomeni fuit nomen) quia custos corporis erat, partes datæ sunt, ut, quum adpropinquaret januæ rex, per causam aliquam in angustis sustineret ab tergo agmen. Ita, ut convenerat, factum est. tamquam laxaret elatum pedem. A conjuratis occiditur. ab stricto nodo, moratus turbam Dinomenes, tantum intervalli fecit, ut, quum in prætereuntem sine armatis regem inpetus fieret, confoderetur aliquot prius vulneribus, quam subcurri posset. Clamore et tumultu audito, in Dinomenem, jam haud dubie obstantem, tela conjiciuntur: inter⁹

³⁴ quia Gron.

³⁹ per Gron. Crev.

³⁴ *Ad fœdus ex societate*] Societas juncta erat inter Annibalem et Hieronymum. At vult Hieronymus etiam fœdus facere cum Carthaginiensi populo.

³⁵ *Pyrrhi . . regis, materni avi*] Gelo Hieronymi pater Nereidem filiam Pyrrhi regis uxorem duxerat.

³⁶ *Qua æquum censebat*] Sic habent tres e scriptis nostris, Andreas, et Campanus. Vulgo quia: minus eleganter.

³⁷ *Jactationem animi*] Inconstan-

tiam animi, nunc huc, nunc illuc sese vertentis.

³⁸ *Sed omnia in eo præcipitia ad exitium fuerunt*] Sed omnia ita evenere, ut præceps ille in exitum rueret.

³⁹ *Liberas ædes*] Ædes vacuas, in quibus ipsi soli hospitarentur.

⁴⁰ *Et omnes forte militabant*] Hoc ideo observat Livius, ut indicet conjuratos potuisse ita regem in Leontinos sequi, ut nulla inde in eos suspicio oriretur.

U. C. 557. quæ tamen, duobus acceptis vulneribus, evasit. Fuga sa-
 A. C. 215. tellitum, ut jacentem videre regem, facta est. interfectores
 pars in forum ad multitudinem lætam libertate, pars Syra-
 eusas pergunt, ad præoccupanda Andranodori regionumque
 aliorum consilia. Incerto rerum statu, Ap. Claudius, bel-
 lum oriens ex propinquo quum cerneret, senatum literis
 eertiores fecit, Siciliam Karthaginiensi populo et Hanni-
 bali conciliari. ipse adversus Syracusana consilia, ⁴¹ provin-
 ciam, regnique fines omnia convertit præsidia. Exitu an-
 ni ejus, Q. Fabius ex auctoritate senatus Puteolos, per bel-
 lum coeptum frequentari emporium, communiit, præsi-
 diumque inposuit. inde Romam comitiorum causa veniens,
 in eum, quem primum diem comitiale habuit, comitia
 edixit; atque ex itinere præter urbem in campum descen-
 dit. ^X Eo die ⁴² quum sors prærogativæ Aniensi juniorum
 exisset, eaque T. Otacilium, M. Æmilium Regillum consu-
 les diceret, tum Q. Fabius, silentio facto, tali oratione est
 usus :

Comitia
 consularia.

Fabii Cos.
 oratio de
 deligendis
 magna cu-
 ra Cos.

VIII. Si aut pacem in Italia, aut bellum cum eo hoste ha-
 beremus, in quo negligentia laxior locus esset, qui vestris stu-
 diis, quæ in campum ad mandandos, quibus velitis, honores
 adfertis, moram ullam obferret, is mihi parum meminisse vide-
 retur vestrae libertatis. sed quum in hoc bello, in hoc hoste,
 numquam ab ullo duce sine ingenti nostra clade erratum sit,
 eadem vos cura, qua in aciem armati descenditis, inire suffra-
 gium ad creando consules decet, et sibi sic quemque dicere;
 Hannibali imperatori parem consulem nomino. Hoc anno ad
 Capuam Jubellio Taurea Campano summo equiti provocanti
 summus Romanus eques Asellus Claudius est obpositus. Adver-
 sus Gallum, quondam provocantem in ponte Anienis, T. Man-
 lium, fidentem et animo et viribus, misere majores nostri. ⁴³ Ob
 eandem causam haud multis annis post fuisse non negaverim,
 cur M. Valerio non diffideretur, adversus similiter provocan-

⁴¹ Provinciam, regnique fines] Hæc lectio stare nequit. Pighius emendat : ad provinciae regnique fines : id est, versus eam partem, ubi provincia regnum contingebat. Pulsis Sicilia primo Punico bello Carthaginiensibus, tota insula duas in partes divisa erat, quarum altera erat ditionis Romanorum, et ideo vocatur hic provincia ; altera regnum Hieronis fuerat.

⁴² Quum sors prærogativæ Aniensi juniorum exisset] Quum sorte obtigisset centuriæ juniorum, quæ Aniensis nominabatur, ut prima omnium suffragium ferret. * Ceterum hoc notatu dignum est, omnes centurias quæ

a Livio peculiari nomine designantur, tribus esse cognomines, hic Aniensem, XXVI. 22. Veturiam, XXVII. 6. Galeriam : unde apparet, quod et aliunde constat, centurias, quæ initio ad tribuum divisionem nihil pertinuerant, postea in iis inclusas fuisse. Igitur hoc loco Aniensis juniorum est centuria juniorum ex Aniensi tribueducta. † Vid. not. 32. ad I. 43. et not. 67. ad V. 18. Ceterum hujus loci emendatio Gronovio debetur. Ad doctissimi viri Observ. l. IV. c. 1.

⁴³ Ob eandem causam .. fuisse non negaverim] Tolle otiosam et inelegantem particulam ob.

tem arma capienti Gallum ad certamen. Quemadmodum pe- U. C. 537.
dites equitesque optamus, ut validiores, si minus, ut pares hosti A. C. 215.
habeamus; ita duci hostium parem imperatorem quaramus.
Quum, qui est summus in civitate dux, eum legerimus; tamen
repente lectus, in annum creatus, adversus veterem ac perpe-
tuum imperatorem comparabitur, nullis neque temporis, neque
juris inclusum angustiis, quo minus ita omnia gerat administret-
que, ut tempora postulabunt belli. nobis autem in adparatu ipso,
ac tantum inchoantibus res, annus circumagitur. Quoniam,
quales viros creare vos consules deceat, satis est dictum; restat,
ut pauca de eis, in quos prerogativa favor inclinavit, dicam.
M. Aemilius Regillus flamen est Quirinalis, quem neque mit-
tere ab sacris, neque retinere possumus, ut non Deum aut bel-
li deseramus curam. Otacilius sororis meae filiam uxorem, at-
que ex ea liberos, habet. ceterum non ego vestra in me majores-
que meos merita sunt, ut non potius privatis necessitudinibus
republicam habeam. Quilibet nautarum vectorumque tran-
quillo mari gubernare potest: ubi saeva orta tempestas est, ac tur-
bato mari rapitur vento navis, tum viro et gubernatore opus est.
Non tranquillo navigamus, sed jam aliquot procellis submergi
pene sumus. itaque, quis ad gubernacula sedeat, summa cura
providendum hic praecavendum vobis est. In minore te experti,
T. Otacili, re sumus. haud sane, cur ad majora tibi fidamus,
documenti quidquam dedisti. Classem hoc anno, cui tu praefuisti, triumphum rerum causa paravimus: ut Africae oram popu-
laretur; ut tuta nobis Italiae litora essent; ante omnia ne sup-
plementum cum stipendio comaeque ab Karthagine Hanni-
bali transportaretur. Create consulem T. Otacilium, non dico,
si omnia haec, sed si aliquid eorum reipublicae praestitit. Sin
autem, te classem obtinente, ⁴⁴ etiam, velut pacato mari, quolibet
Hannibali tuta atque integra ab domo venerunt; si ora
Italiae infestior hoc anno, quam Africae, fuit; quid dicere po-
tes, cur te potissimum ducem ⁴⁵ Hannibali hosti obponant? Si
consul esses, ⁴⁶ dictatorem dicendum exemplo majorum nostrorum
censeremus. nec tu id indignari posses, aliquem in civitate Ro-
mana meliorem bello haberi, quam te. magis nullius interest,
quam tua, T. Otacili, non imponi cervicibus tuis onus, sub quo
~~etiam~~ ⁴⁷ Ego magnopere suadeo, eodem animo, quo, si stan-
tibus vobis in aciem armatis repente deligendi duo imperatores
essent, quorum ductu atque auspicio dimicaretis, hodie quoque
consules creetis: quibus sacramento liberi vestri dicant, ad

⁴⁴ a Gron. Crev.

⁴⁵ opponamus Gron.

⁴⁴ Etiam velut pacato mari] Su-
pervacaneum est et etiam.

mus. Nos servavimus veterem lectio-
nem.

⁴⁵ Hannibali hosti opponant] Grono-
vius nulla, ut nobis visum est, satis
necessaria causa edi jusserat oppona-

⁴⁶ Dictatorem dicendum ... cense-
remus] Fortasse censerem. GRONOV.

⁴⁷ Quibus sacramento liberi vestri

U. C. 537. *quorum edictum convenient, sub quorum tutela atque cura mi-*
 A. C. 215. *litent. Lacus Trasimenus et Cannæ* ⁴⁸ *tristia ad recordatio-*
nem exempla, sed ad præcavendum simile ⁴⁹ *utili documento*
sunt. Præco, Aniensem juniorum in suffragium revoca.

IX. Quum T. Otacilius ferociter, eum continuare consulatum velle, vociferaretur atque obstreperet, lictores ad eum accedere consul jussit. et, quia in urbem non inierat, protinus in campum ex itinere profectus, admonuit, ⁵⁰ cum securibus sibi fasces præferri. Iterum prærogativa suffragium init⁵¹; creatique in ea consules Q. Fabius Maximus quartum, M. Marcellus tertium. Eosdem consules ceteræ centuriæ sine variatione ulla dixerunt. Et prætor unusre-
 fectus Q. Fulvius Flaccus: ⁵¹ *novi* ⁵² *alii creati*, T. Otacilius Crassus iterum, Q. Fabius consulis filius, qui tum ædilis curulis erat, P. Cornelius Lentulus. Comitibus prætorum perfectis, senatusconsultum factum est, *ut Q. Fulvio extra ordinem urbana provincia esset: isque potissimum, consulibus ad bellum profectis, urbi præesset.* Aquæ magnæ bis eo anno fuerunt: Tiberisque agros inundavit cum magna strage tec-

U. C. 538.
 A. C. 214.
 Q. Fabio
 IV. M.
 Marcello
 III. Coss.

Fabio laudi
 est conti-
 nuatus con-
 sulatus.

torum, pecorumque et hominum pernicie. Quinto anno secundi Punici belli, Q. Fabius Maximus quartum, M. Claudius Marcellus tertium, consulatum ineuntes, plus solito converterant in se civitatis animos. multis enim annis tale consulum par non fuerat. Referebant senes, sic Maximum Rullum cum P. Decio ad bellum Gallicum, sic postea Papirium Carviliūque adversus Samnites, Bruttiosque, et Lucanum cum Tarentino populum, consules declaratos. Absens Marcellus consul creatus, quum ad exercitum esset; præsentī Fabio, atque ipso comitia habente, consulatus continuatus. Tempus ac necessitas belli, ac discrimen summæ rerum faciebant, ⁵² *ne quis aut in exemplum exqui-*

⁴⁸ *utiles Gron. utilia documenta Crev.*

⁵¹ *init Crev.*

⁵² *ins. tres Gron. Crev.*

dicant] Quorum in verba liberi vestri jurent, solenni militiæ sacramento se obstringentes. Notæ phrases, *sacramento dicere, rogari, adigi.*

⁴⁸ *Tristia ad recordationem exempla*] Olim editi: *triste .. exemplar.* Correxerit Gronovius e melioribus scriptis, ut ipse testatur l. IV. Observat. c. 1.

⁴⁹ *Utilia documenta*] Sic dedimus pro *utiles documento*, moniti a Sigonio, qui hanc lectionem profert e vet. lib. Adstipulantur duo Hearnji codices. Nec longe abit noster Victor, qui exhibet *utilia documento*: unde possis quoque legere *utili documento.*

⁵⁰ *Cum securibus sibi fasces præferri*] Intra urbem secures non præ-

ferebantur consulibus ex instituto Valerii Publicolæ. At Fabius, qui urbem non inierat, eas etiamnum fascibus illigatas habebat. Itaque admonet Otaciliū, se in eum statim animadvertere posse, si in contumacia ac ferocia perseveret.

⁵¹ *Novi tres alii creati*] Hoc a Gronovio est, qui corruptos hoc loco scriptos plerosque id velle existimavit. Sed Put. exhibet *novi alii sine rō tres*: Tellerianus, *novi tres sine rō alii*. Utrolibet modo legendum videtur: vel *novi alii creati*, quod voluit Sigonius; vel *novi tres creati*.

⁵² *Ne quis .. in exemplum exquireret*] Ne quis rem argueret, tanquam quæ esset mali exempli.

reret, aut suspectum cupiditatis imperii consulem haberet. U. C. 538. quin laudabant potius magnitudinem animi, quod, quum A. C. 214. summo imperatore esse opus reipublicæ sciret, seque eum haud dubie esse, minoris invidiam suam, si qua ex re oriretur, quam utilitatem reipublicæ, fecisset.

X. Quo die magistratum inierunt consules, senatus in Capitolio est habitus: decretumque omnium prium, ut consules sortirentur, compararentve inter se, uter censoribus creandis comitia haberet, priusquam ad exercitum proficisceretur. Prorogatum deinde imperium omnibus, qui ad exercitus erant, jussique in provinciis manere, Ti. Gracchus Luceriæ, ubi cum volonum exercitu erat, C. Terentius Varro in agro Piceno, ⁵³ M'. Pomponius in Gallico. ex prætoribus prioris anni pro prætore Q. Mucius obtineret Sardiniam, M. Valerius ad Brundisium oræ maritimæ, intentus adversus omnes motus Philippi Macedonum regis, præesset. P. Cornelio Lentulo prætori Sicilia decreta provincia; T. Otacilio classis eadem, quam adversus Karthaginienses priore anno habuisset. Prodigia eo anno multa Prodigia. nunciata sunt, quæ quo magis credebant simplices ac religiosi homines, eo plura nunciabantur: Lanuvii in æde intus Sospitæ Junonis corvos nidum fecisse: in Apulia palmam viridem arsisse: Mantuæ ⁵⁴ stagnum effusum Mincio anni cruentum visum: et Calibus creta, et Romæ in foro boario sanguine pluisse: et ⁵⁵ in vico Istrico fontem sub terra tanta vi aquarum fluxisse, ut series doliaque, quæ in eo loco erant, provoluta ⁵⁶ velut impetus torrentis tulerit: taq̃ta de cœlo atrium publicum in Capitolio, ædem in campo Vulcani, nucem in Sabinis publicamque viam, murum ac portam Gæbiis. Jam alia vulgata miracula erant: ⁵⁷ hastam Martis Præneste sua sponte promotam: boyem in Sicilia locutum: infantem in utero matris in Marrucinis, *Io triumphæ!* clamasse: ex muliere Spoleti virum factum: Hadriæ aram in cœlo, speciesque hominum circum eam, cum candida veste, visas esse. Quin Romæ quoque in ipsa

⁵³ *Manius Pomponius in Gallico*] Hic M'. Pomponius jubetur in agro Gallico manere, quem eo missum esse nusquam scriptum est. Quin contra c. 25. l. XXIII. narratur placuisse senatui, ut Gallia eo anno omitteretur. Rursus idem ille Pomponius, qui hic Galliam obtinere dicitur, infra c. 17. in Campania præsidet castris super Suessulam.

⁵⁴ *Stagnum effusum Mincio anni*] Stagnantes aquas, e Mincio anni exundanti effusas.

⁵⁵ *In vico Istrico*] Scriptum est, in

vico Insteio. Alterutrum nomen potest verum esse: nec opus est rescribere cum Jac. Gronovio in *vico Tusco*. Neque enim, si nulla illorum nominum occurrit alibi mentio, ideo sequitur illa mendosa esse: nec scire fas est omnia.

⁵⁶ *Velut impetus torrentis*] Placeat magis cum Gronovio, *impetu*: quod et habet unus ex Hearnii MSS.

⁵⁷ *Hastam Martis*] Hastam quam Martis effigies manu gereret. Vid. not. 74. ad XXI. 62.

U. C. 538. urbe, ⁵⁸ secundum apum examen in foro visum, adfirmantes
A. C. 214. quidam, legiones se armatas in Janiculo videre, concitave-
runt civitatem ad arma: qui tum in Janiculo essent, nega-
runt, quemquam ibi, præter adsuetos collis ejus cultores,
adparuisse. Hæc prodigia hostiis majoribus procurata sunt
ex aruspicum responso: et supplicatio omnibus Deis, quo-
rum pulvinaria Romæ essent, indicta est.

18. Legio-
nes.

Censores
M. Atilius,
P. Furius.

Nautæ pri-
vatis impe-
rati.

XI. Perpetratis, quæ ⁵⁹ ad pacem Deum pertinebant, de
republica belloque gerendo, et quantum copiarum, et ubi
quæque essent, consules ad senatum retulerunt. Duodevi-
ginti legionibus bellum geri placuit: binas consules sibi
sumere: binis Galliam, Siciliamque, ac Sardiniam obtine-
ri: ⁶⁰ duabusque Q. Fabium prætorem Apuliæ, duabus vo-
lonum Ti. Gracchum circa Luceriam præesse: singulas C.
Terentio proconsuli ad Picenum, et M. Valerio ad classem
circa Brundisium relinqui, et duas urbi præsidio esse. Hic
ut numerus legionum expleretur, sex novæ legiones erant
scribendæ. eas primo quoque tempore consules scribere
jassi, et classem parare: ut cum eis navibus, quæ pro Ca-
labriæ litoribus in statione essent, centum ⁶¹ quinquaginta
longarum navium classis eo anno expleretur. Delectu ha-
bito, ⁶² et centum navibus novis deductis, Q. Fabius comi-
tia censoribus creandis habuit. creati M. Atilius Regulus
et P. Furius Philus. Quum increbresceret ⁶³ rumor, bellum
in Sicilia esse, T. Otacilius eo cum classe proficisci jussus
est. Quum deessent nautæ, consules ex senatusconsulto e-
dixerunt, ut, qui, L. Emilio, C. Flaminio censoribus, ⁶⁴ mil-
libus æris quinquaginta ipse aut pater ejus census fuisset, us-
que ad centum millia, aut cui postea res tanta esset facta, nau-
tam unum cum sex mensium stipendio daret: qui supra centum
millia, usque ad trecenta millia, tres nautas cum stipendio an-
nuo: qui supra trecenta millia, usque ad decies æris, quinque

⁶¹ centum dol. Gron. Crav.

⁶² increbresceret Gron.

⁵⁸ *Secundum apum examen]* Se-
cundum, id est, post. Postquam a-
pum examen in foro visum esset.

⁵⁹ *Ad pacem Deum]* Ad placan-
dos propitiandosque deos. Vid. not.
8. ad l. 16.

⁶⁰ *Duabusque Q. Fabium]* Cum
duabus legionibus Q. Fabium præto-
rem præesse Apuliæ: cum duabus
volonum Ti. Gracchum præesse re-
gioni quæ esset circa Luceriam.

⁶¹ *Longarum navium]* Vid. not.
18. ad c. 28. l. V.

⁶² *Et navibus novis]* Adjicit nume-
rum Put. liber: et C. navibus.

⁶³ *Millibus æris quinquaginta]* Hic

intelligimus æs grave, ob rationes
quas attulimus in Appendice de ære
gravi: æs autem grave æstimamus, ut
diximus in not. 66. ad c. 33. l. XXII.
ex vetusto more, ita ut decem æris
gravis in unum denarium impoten-
tar. Itaque quinquaginta millia æris
censemus paria esse denariis 5000.
marcis argenti nostratibus 78. cum
una uncia: centum millia æris, de-
nariis 10000. marcis argenti 156. cum
duabus uncis: trecenta millia æris,
denariis 30000. marcis argenti 468.
cum sex uncis: decies centena mil-
lia æris, denariis 100000. marcis ar-
genti 1562. cum uncis quatuor.

nautas : qui supra decies, septem : senatores octo nautas cum U. C. 538.
annuo stipendio darent. Ex hoc edicto ⁶⁴ dati nautæ, armati A. C. 214.
 instructique ab dominis, cum triginta dierum coctis cibariis naves conscenderunt. Tum primum est factum, ut classis Romana sociis navalibus privata impensa paratis compleretur.

XII. Hic major solito adparatus præcipue conterruit ^{Territur} Campanos, ne ab obsidione Capuæ bellum ejus anni Ro- ^{Campani.} mani inciperent. itaque legatos ad Hannibalem oratum miserunt, ut Capuam exercitum admoveret. *ad eam obpugnandam novos exercitus scribi Romæ; nec ullius urbis defectioni magis infensos eorum animos esse.* Id quia tam trepidi nunciabant, maturandum Hannibal ratus, ne prævenirent Romani, profectus Arpis, ad Tifata in veteribus castris super Capuam consedit. inde, Numidis Hispanisque ad præsidium simul castrorum simul Capuæ relictis, cum cetero exercitu ad lacum Averni per speciem sacrificandi, re ipsa ut tentaret Puteolos, quodque ibi præsidii erat, descendit. Maximus, postquam Hannibalem Arpis profectum, et regredi in Campaniam, adlatum est, nec die nec nocte intermisso itinere, ad exercitum redit : et Ti. Gracchum ab Luceria Beneventum copias admovere, Q. Fabium prætorem (is filius consulis erat) Luceriam Graccho succedere jubet. In Siciliam eodem tempore duo prætores profecti, P. Cornelius ad exercitum, Otacilius, qui maritimæ oræ rei que navali præesset; et ceteri in suas quisque provincias profecti. et, quibus prorogatum imperium erat, easdem, quas priore anno, regiones obtinuerunt.

XIII. Ad Hannibalem, quum ad lacum Averni esset, ^{Legati Tarentini ad Hannibalem.} quinque nobiles juvenes ab Tarento venerunt, partim ad Trasimenum lacum, partim ad Cannas capti, dimissique domos cum eadem comitate, qua usus adversus omnes Romanorum socios Pœnus fuerat. *Ii, memores beneficiorum ejus perpulisse magnam partem se juventutis Tarentinæ, referunt, ut Hannibalis amicitiam ac societatem, quam populi Romani, mallent; ⁶⁵ legatosque ab suis missos rogare Hannibalem, ut exercitum propius Tarentum admoveat. Si signa ejus, si castra conspecta a Tarento sint, haud ullam intercessuram moram, quin urbs dedatur. In potestate juniorum plebem, in manu plebis rem Tarentinam esse. Hannibal conlaudatos eos, oneratosque ingentibus promissis, domum ad coëpta maturanda redire jubet: se in tempore adfuturum esse.*

64 * *Dati nautæ .. ab dominis*] Ac proinde nautæ illi erant servi, ut clare exprimitur infra XXVI. 36. et XXXIV. 6.

65 * *Legatosque*] Seque legatos ab suis missos esse rogaturos Annibalem.

U. C. 538. Hac cum spe dimissi Tarentini. Ipsum ingens cupido incesserat Tarenti potiundi. Urbem esse videbat, quum opulentam nobilemque, tum maritimam, et in Macedoniam opportune versam: regemque Philippum hunc portum, si transiret in Italiam, quum Brundisium Romani haberent, petiturum. Sacro inde perpetrato, ad quod venerat, et, dum ibi moratur, pervastato agro Cumano usque ad Miseni promontorium, Puteolos repente agmen convertit, ad obprimendum praesidium Romanum. Sex millia hominum erant, et locus munimento quoque, non natura modo, tutus. Triduum ibi moratus Poenus, ab omni parte tentato praesidio, deinde, ut nihil procedebat, ad populandum agrum Neapolitanum, magis ira quam potiundae urbis spe, processit. Adventu ejus in propinquum agrum Nolana mota est plebs, jam diu aversa ab Romanis et infesta senatui suo. itaque legati ad arcessendum Hannibalem, cum haud dubio promisso tradendae urbis, venerunt. Praevenit inceptum eorum Marcellus consul, a primoribus aditus. Die uno Suessulam ab Calibus, quum Vulturis annis trajicientem moratus esset, contenderat. inde proxima nocte sex millia peditum, equitesque trecentos, qui praesidio senatui essent, Nola intromisit: et, uti a consule omnia inpigre facta sunt ad praecipuendam Nola, ita Hannibal tempus terebat; bis jam ante nequidquam tentata re, segnior ad credendum Nolanis factus.

Puteolos frustra tentat.

A Nolanis vocatur.

Praevenit eum Marcellus.

Hannonis et Gracchi exercitus ad Beneventum.

Volones.

XIV. Iisdem diebus et Q. Fabius consul ad Casilinum tentandum, quod praesidio Punico tenebatur, venit; et ad Beneventum, velut ex composito, parte altera Hanno ex Bruttis cum magna peditum equitumque manu, altera Ti. Gracchus ab Luceria accessit: qui primo oppidum intravit. Deinde, ut Hannonem tria millia ferme ab urbe ad Calorem fluvium castra posuisse, et inde agrum populari audivit, et ipse, egressus moenibus, mille ferme passus ab hoste castra locat, ibique concionem militum habuit. Legiones magna ex parte volonum habebat; qui jam alterum annum libertatem tacite mereri, quam postulare palam, maluerant. Senserat tamen hibernis egrediens murmur in agmine esse quaerentium, ⁶⁶ *en umquam liberi militaturi essent?* scripseratque senatui, non tam quid desiderarent, quam quid meruissent: *bona fortique opera eorum se ad eam diem usum: neque* ⁶⁷ *ad exemplum justi militis quidquam eis, praeter libertatem, deesse.* De eo permissum ipsi erat, faceret, quod e republica duceret esse. Itaque prius, quam cum hoste ma-

⁶⁶ *En umquam*] Nunquamne. Exempla passim occurrunt, IV. 3. X. 8. et infra XXX. 21.

⁶⁷ *Ad exemplum justi militis*] Ut

similes plane sint vero et suis omnibus numeris absoluto militi. *Justo militi, quemadmodum justa arma*, l. XXII. c. 48. *justi armis*, l. l. c. 4.

nam consereret, pronunciat; *tempus venisse eis⁶⁸ libertatis, quam diu sperassent, potiunda. postero die signis conlatis dimicaturum puro ac patenti campo, ubi sine ullo insidiarum metu vera virtute geri res posset. Qui caput hostis retulisset, eum se extemplo liberum jussurum esse: qui loco cessisset, in eum servili supplicio animadversurum. Suam cuique fortunam in manu esse: libertatis auctorem eis non se fore solum, sed consulem M. Marcellum, sed universos Patres; quos, consultos ab se de libertate eorum, sibi permisisse. Literas inde consulis ac senatusconsultum recitavit. Ad quæ clamor cum ingenti adsensu est sublatus. pugnam poscebant, signumque ut daret extemplo, ferociter instabant. Gracchus, proelio in posterum diem pronunciato, concionem dimisit. Milites læti, præcipue⁶⁹ quibus merces navatæ in unum diem operæ libertas futura erat, armis expediendis quod⁷⁰ reliquum consumunt.*

U. C. 538.
A. C. 214.
Gracchus iis
libertatem
promittit,
qui capita
hostium re-
tulissent.

XV. Postero die, ubi signa cœperunt canere, primi omnium parati instructique ad prætorium conveniunt. Sole orto, Gracchus in aciem copias educit. nec hostes moram⁷¹ dimicandi fecerunt. Decem et septem millia peditum erant, maxima ex parte Bruttii ac Lucani. equites mille ducenti; inter quos pauci admodum Italici, ceteri Numidæ fere omnes Maurique. Pugnatum est et acriter, et diu. quatuor horis neutro inclinata est pugna: nec alia magis Romanam inpediebat res, quam capita hostium pretia libertati facta. Nam ut quisque hostem inpigre occiderat, primum⁶⁹ capite ægre inter turbam tumultumque abscidendo⁷⁰ tempus terebat: deinde, occupata dextra tenendo caput, fortissimus quisque pugnator esse desierat: signibus ac timidis tradita pugna erat. Quod ubi tribuni militum Graccho nunciaverunt, *neminem stantem jam vulnerari hostem, carnificari jacentes, et in dextris militum pro gladiis humana capita esse: 70 signum dari propere jussit, projicerent capita, invaderentque hostem. Claram satis et insignem virtutem esse: nec dubiam libertatem futuram strenuis viris. Tum redintegrata pugna est, et eques etiam in hostem e-*

Acris pug-
na.

⁶⁸ ejus Gron. Crev.

⁶⁹ quod l. dici Ead.

⁷⁰ abscidendo Ead.

⁶⁸ Quibus merces navatæ in unum diem operæ libertas futura erat] Gronovius affirmat scriptos magno consensu habere *libertatis*. Nos tamen in Put. codice, et in alio item non spernendo legimus *libertas*. Quod monemus, ne quis summi viri auctoritate inductus, hunc locum suspectum habent.

⁶⁹ Capite ægre. . abscidendo] Nostri omnes codices *abscidendo*: et similem scripturam sæpe in MSS. obser-

vavit Gronovius, ut ipse testatur in not. ad l. XLIV. c. 5. Omnino duplex verbum agnoscendum videtur, *abscindo* ex *ab* et *scindo*, et *abscido* ex *abs* et *cido*. Hic posterius magis proprium videtur. Notum est illud Martialis. *Abscidit vultus ensis uterque sacros.*

⁷⁰ Signum dare] Jussum per ordines perferre. Vid. not. 42, ad c. 36. l. V.

U. C. 532. missus. ⁷¹ Quibus quum impigre Numidæ concurrissent, nec
 A. C. 214. segnior equitum, quam peditum, pugna esset, iterum in
 dubium adducta res. Quum utrimque duces, Romanus
 Bruttium Lucanumque, toties a majoribus suis victos sub-
 actosque; Pœnus mancipia Romana et ex ergastulo mili-
 tem, verbis obtereret; postremo pronunciat Gracchus, esse
*nihil, quod de libertate sperarent, nisi eo die fusi fugatique
 hostes essent.*

Romani
 vincunt.

Volonibus
 libertas da-
 tur.

XVI. Ea demum vox ita animos accendit, atque, reno-
 vato clamore, velut alii repente facti, tanta vi se in hostem
 intulerunt, ut sustineri ultra non possent. Primo antesig-
 nani Pœnorum, deinde signa perturbata, postremo tota in-
 pulsa acies; inde haud dubie terga data, ruuntque fugien-
 tes in castra, adeo pavidum trepidumque, ut ne in portis quidem
 aut vallo quisquam restiterit, ac prope continenti agmine
 Romani insecuti, novum de integro proelium inclusi hos-
 tium vallo ediderint. Ibi sicut ⁷² pugna inpeditor in an-
 gustiis, ita cædes atrocior fuit: et adjuvare captivi, qui,
 rapto inter tumultum ferro, conglobati et ab tergo cecide-
 runt Pœnos, et fugam inpedierunt. Itaque minus duo mil-
 lia hominum ex tanto exercitu, et ea major pars equitum,
 cum ipso duce effugerunt: alii omnes cæsi aut capti. cap-
 ta et signa duodequadragenta. Ex victoribus duo millia
 ferme cecidere. præda omnis (præterquam hominum cap-
 torum) militi concessa est: et pecus exceptum est, quod
 intra dies triginta domini cognovissent. Quum præda
 onusti in castra redissent, quatuor millia ferme volonum
 militum, qui pugnaverant segnius, nec in castra iruperant
 simul, metu pœnæ collem haud procul castris ceperunt.
 postero die ⁷³ per tribunos² militum inde deducti, concione
 militum advocata a Graccho, superveniunt. Ubi quum
 proconsul veteres milites primum, prout cujusque virtus at-
 que opera in ea pugna fuerat, militaribus donis donasset,
 tunc quod ad volones adtineret, omnes, ait, *mulle laudatos a
 se, dignos indignosque, quam quemquam eo die castigatum es-
 se. Quod bonum, faustum, felixque reipublicæ ipsisque esset,
 omnes eos liberos, esse jubere.* Ad quam vocem quum clamor
 ingenti alacritate sublatus esset, ac nunc complexi inter se

² *tribunum* Gron. Crev.

⁷¹ *Quibus quum impigre Numidæ concurrissent*] Andreas et Campanus, *occurrissent*: quod magis placet.

⁷² *Pugna inpeditor*] Quam pluri-
 mi codd. tum Gronoviani, tum nos-
 tri, habent *inexpeditor*: quod voca-
 bulum, tametsi sequiori magis ætati,
 quam aureæ notum, non abit tamen
 ab analogia sermonis Latini.

⁷³ *Per tribunum militum inde de-
 ducti, concione advocata*] Vulgo *concio-
 ne militum advocata*. Sed vox mili-
 tum abest ab aliquot scriptis, tum
 Gronovianis, tum nostris, et hic odio-
 se repetitur, quum in propinquo præ-
 cesserit *per tribunum militum*. Ergo
 eam delevimus.

gratulantesque, nunc manus ad cœlum tollentes, bona omnia populo Romano Gracchoque ipsi precarentur; tum Gracchus: *Priusquam omnes jure libertatis æquassem*, inquit, *neminem nota strenui aut ignavi militis notasse volui. Nunc, exsoluta jam fide publica, ne discrimen omne virtutis ignaviæque pereat, nomina eorum, qui, detrectatæ pugnae memores, secessionem paullo ante fecerunt, referri ad me jubebo: citatosque singulos jurejurando adigam, nisi quis morbus caussa erit, non aliter, quam stantes, cibum potionemque, quoad stipendia facient, capturos esse. Hanc multam ita æquo animo feretis, si reputabitis, nulla ignaviæ nota levior vos designari potuisse.* Signum deinde conligendi vasa dedit: militesque prædam portantes agentesque, per lasciviam ac jocum, ita ludibundi Beneventum rediere, ut ab epulis per celebrem festumque diem actis, non ex acie, reverti viderentur. Beneventani omnes turba effusa quum obviam ad portas exissent, complecti milites, gratulari, vocare in hospitium. Adparata convivia omnibus ⁷⁴ in propatulo ædium fuerant: ad ea invitabant, Gracchumque orabant, ut epulari permetteret militibus. ⁷⁵ Et Gracchus ita permisit, in publico epularentur omnes. Ante suas quibusque fores prolata omnia. ⁷⁶ pileati, aut lana alba velatis capitibus volones epulati sunt; alii adcubantes, alii stantes, qui simul ministrabant vescebanturque. Digna res visa, ut simulacrum celebrati ejus diei Gracchus, postquam Romam rediit, pingi juberet in æde Libertatis, quam pater ejus in Aventino ex multatitia pecunia faciendam curavit dedicavitque.

XVII. Dum hæc ad Beneventum geruntur, Hannibal, Marcellus depopulatus agrum Neapolitanum, ad Nolam castra movet. quem ubi adventare consul sensit, ⁷⁷ Pomponio proprætore cum eo exercitu, qui super Suessulam in castris erat, adcito, ire obviam hosti parat, nec moram dimicandi facere. ⁷⁸ C. Claudium Neronem cum robore equitum silentio noctis per aversam maxime ab hoste portam emittit: circumvectumque occulte subsequi sensim agmen hostium jubet, et, quum coortum proelium videret, ab tergo se objicere. Id errore viarum, an exiguitate temporis, Nero ex-

• C. del. Gron.

⁷⁴ *In propatulo ædium*] Id est, ut recte explicat Dujatius, intra ædes quidem, sed loco aperto, nudoque sub ætheris axe. At *in publico* est extra ædes, in ipsa via publica. Itaque, quum Gracchus non permisisset militibus epulari, nisi ea lege ut in publico vescerentur, Beneventani ante fores quisque protulisse sua omnia dicuntur.

⁷⁵ *Et Gracchus ita permisit, in publico*] Vocula ita videtur postulare, si *in publico*: quod monet Sigonius.

⁷⁶ *Pileati*] Pileum erat insigne receptæ libertatis.

⁷⁷ *Pomponio proprætore*] Vid. not. 53. ad c. 10. supra.

⁷⁸ *C. Claudium Neronem*] Adjecimus prænomen ex Put. libro.

U. C. 538. sequi non potuerit, incertum est. Absente eo quam prob-
 A. C. 214. lium commissum esset, superior quidem haud dubie Roma-
 Romani nus erat: sed, quia equites non adfuere in tempore, ratio
 vincunt. compositæ rei turbata est. non ausus insequi cedentes Mar-
 cellus, vincentibus suis signum receptui dedit. Plus tamen
 duo millia hostium eo die cæsa traduntur: Romani minus
 quadringentis. Solis fere obcasu Nero, diem noctemque
 nequidquam fatigatis equis hominibusque, ne viso quidem
 hoste rediens, adeo graviter est ab consule increpitus, ut
 per eum stetisse diceret, quo minus accepta ad Cannas red-
 deretur hosti clades. Postero die Romanus in aciem de-
 scendit: Pœnus, tacita etiam confessione victus, castris se
 tenuit. Tertio die silentio noctis, omissa spe Nolæ potius
 dæ, rei numquam prospere tentatæ, Tarentum ad certio-
 rem spem prodicionis proficiscitur.

Censura
 Romæ seve-
 re exercita.

XVIII. Nec minore animo res Romana domi, quam mi-
 litia, gerebatur. Censores, vacui ab operum locandorum
 cura, propter inopiam ærarii, ad mores hominum regendos
 animum adverterunt, castigandaque vitia; ⁷⁹ quæ, velut
 diutinis morbis ægra corpora ex se gignunt, nata bello
 erant. Primum eos citaverunt, qui post Cannensem pug-
 nam rempublicam deseruisse, Italiaque excessisse velle di-
 cebantur. ⁸⁰ princeps eorum L. Cæcilius Metellus ^b quæstor
 tum forte erat. Jusso deinde eo ceterisque ejusdem noxæ
 reis causam dicere, quum purgari nequissent, pronuncia-
 runt, verba orationemque eos adversus rempublicam habu-
 isse, quo conjuratio deserendæ Italiae causa fieret. Secun-
 dum eos citati nimis callidi exsolvendi jurisjurandi inter-
 pretes: qui captivorum, ex itinere regressi clam in castra
 Hannibalis, solutum, quod juraverant redituros, rebantur.
⁸¹ His superioribusque illis equi adempti, qui publicum equum
 habebant: ⁸² tribuque moti, ærarii omnes facti. Neque se-
 natu modo aut equestri ordine regendo cura se censorum
 tenuit. nomina omnium ex juniorum tabulis excerpserunt,
 qui quadriennio non militassent, quibus neque vacatio justa
 militiæ, neque morbus causa fuisset. Et ea supra duo
 millia nominum in ærarios relata, tribuque omnes moti.
⁸³ Additumque inertis censoriæ notæ triste senatusconsul-

^b add. qui Gron. Crev.

⁷⁹ *Quæ velut diutinis*] Quæ veluti
 diutinis morbis ægra corpora ex se
 gignunt, ita bellis affecta respublica
 ex se protulerat. Claudicat hic quo-
 dammodo oratio, quod vocula *quæ*
 quum regatur a verbo *gignunt*, jun-
 gatur quoque in recto casu cum verbo
erant.

⁸⁰ *Princeps eorum L. Cæcilius Me-*

tellus, qui] Jac. Gronovius delet *et*
qui, auctoribus optimis MSS.

⁸¹ **His . . . equi adempti, qui publi-*
cum equum habebant] Intellige eos
 equestri dignitate et ordine privatos
 esse.

⁸² *Tribuque moti, ærarii omnes*
facti] Vid. not. 23. ad c. 24. l. IV.

⁸³ *Additumque inertis censoriæ notæ*]

temp: ut ii omnes, quos censores notassent, pedibus mere-
 rent, mitterenturque in Siciliam ad Cannensis exercitus re-
 liquias, cui militum generi non prius, quam ⁸⁴ pulsus Italia
 hostis esset, finitum stipendiorum tempus erat. Quum
 censores, ob inopiam ærarii, se jam locationibus abstine-
 rent ædium sacrarum tuendarum, ⁸⁵ curuliumque equorum
 præbendorum, ac similium his rerum; convenere ad eos
 frequentes, qui ⁸⁶ hastæ hujus generis adsueverant: hortati-
 que censores, ut omnia perinde agerent, locarent, ac si pe-
 cunia in ærario esset. Neminem, nisi bello confecto, pe-
 cuniam ab ærario petiturum esse. Convenere deinde do-
 mini eorum, quos Ti. Sempronius ad Beneventum manu
 emiserat: arcessitosque se ab ⁸⁷ triumviris mensariis esse
 dixerunt, ut pretia servorum acciperent. ceterum non ante,
 quam bello confecto, accepturos esse. Quum hæc inclina-
 tio animorum plebis ad sustinendam inopiam ærarii fieret;
 pecuniæ quoque pupillares primo, deinde viduarum, coeptæ
 conferri: nusquam eas tutius sanctiusque deponere creden-
 tibus, qui deferebant, quam in publica fide. inde, si quid
 emptum paratumque pupillis ac viduis foret, ⁸⁸ a quæstore
 perscribebatur. Manavit ea privatorum benignitas ex urbe
 etiam in castra, ut non eques, non centurio stipendium ac-
 ciperent, mercenariumque increpantes vocarent, qui acce-
 pisset.

Liberalitas
 privatorum
 erga Remp.

XIX. Q. Fabius consul ad Casilinum castra habebat, quod duum millium Campanorum, et septingentorum mili-
 tum Hannibalis tenebatur præsidio. Præerat Staius Me-
 dius, missus ab Cn. Magio Atellano: qui eo anno ⁸⁹ Medix-

Fabius Ca-
 silinum ob-
 sidet.

Vox *inerti* parum hic convenit. Jac. Gronovius e MSS. eruit, *tam truci*: quæ lectio videtur admitti posse.

⁸⁴ *Pulsus Italia hostis*] Plerique scripti, *Italia omnis hostis*: unus e nostris *Italia omni*: plane quomodo voluit Gronovius.

⁸⁵ *Curulium . . equorum*] *Curules equi quadrigales*, inquit Festus: id est, ex interpretatione Dacerii, equi qui currum, ubi esset sella curulis, trahebant. Magistratibus nempe curulibus equi ex publico præbebantur.

⁸⁶ *Hastæ hujus generis*] Hastæ sub-
 jiciebantur, id est, hasta posita veni-
 bant, quæcunque publice venunda-
 bant Romani; more inde deducto, quod primis temporibus ea tantum publice veniebant, quæ bello capta fue-
 rant. Ad hastam quoque fiebant lo-
 cationes publicorum operum. Itaque
 qui *hastæ hujus generis adsueverant* ii
 sunt, qui similibus rebus conducendis

assueverant.

⁸⁷ * *Triumviris mensariis*] Vid. su-
 pra XXIII. 21.

⁸⁸ *A quæstore perscribebatur*] *Perscribi* pecunia dicitur, quam non præ-
 sentibus nummis numeramus, sed per
 scripturam de mensa solvimus, id est,
 solvi jubemus ab eo apud quem ar-
 gentum depositum habeamus. Vid.
 Donat. in Terent. Phorm. Act. V. Sc.
 7. Hic ergo hujus loci sensus est. Ex
 illa pecunia in ærarium collata si quid
 pupillis viduisve emptum aut para-
 tum foret, id emptor non præsentem
 pecunia solvebat, sed jubebat solvi a
 quæstore, et chirographo dato, remit-
 tebat venditorem ad quæstorem, a
 quo pretium rei emptæ solveretur.

⁸⁹ *Medixtuticus*] Summus magis-
 tratus Capuæ. Vid. l. XXIII. c. 35.
Medix apud Oscos nomen magistratus
 est. FESTUS.

U. C. 538. tuticus erat, servitiaque et plebem promiscue armabat, ut
 A. C. 214. castra Romana invaderet, intento consule ad Casilinum ob-
 pugnandum. Nihil eorum Fabium fefellit. Itaque Nolam
⁹⁰ ad collegam mittit, *altero exercitu, dum Casilinum obpug-*
natur, opus esse, qui Campanis obponatur. Vel ipse, relicto
Nolæ præsidio modico, veniret: vel, si eum Nola teneret, et
necdum securæ res ab Hannibale essent, se Ti. Gracchum pro-
consulem a Benevento adciturum. Hoc nuncio Marcellus,
 Marcellus eodem cum exercitu ve-
 nit. duobus militum millibus Nolæ in præsidio relictis, cum
 cetero exercitu Casilinum venit, adventuque ejus Cam-
 pani, jam moventes sese, quieverunt. Ita a duobus con-
 sulibus Casilinum obpugnari coeptum. ubi quum mul-
 ta, succedentes temere mœnibus, Romani milites acci-
 perent vulnera, neque satis inceptis succederet, Fabius,
 omittendam rem parvam ac ⁹¹ juxta magnis difficilem, abs-
 cedendumque inde censebat, quum res majores instarent.
 Marcellus, multa magnis ducibus sicut non adgredienda,
 ita semel adgressis non dimittenda esse, dicendo, ⁹² quia
 magna famæ momenta in utramque partem fierent, tenuit,
 ne irritò incepto abiretur. Vineæ inde omniaque alia ope-
 rum machinationumque genera quum admoverentur, Cam-
 panique Fabium orarent, ut abire Capuam tuto liceret;
 paucis egressis, Marcellus portam, qua egrediebantur, oc-
 cupavit, cædesque promiscue omnium circa portam primo,
 deinde, inruptione facta, etiam in urbe fieri coëpta est.
 Quinquaginta fere primo egressi Campanorum, quum ad
 Fabium confugissent, præsidio ejus Capuam pervenerunt.
 Casilinum captum. Casilinum, inter colloquia cunctationemque petentium fi-
 dem, per occasionem captum est. captivi, quique Campa-
 norum, quique Hannibalis militum erant, Romam missi, at-
 que ibi in carcere inclusi sunt: oppidanorum turba per fi-
 nitimos populos in custodiam divisa.

XX. Quibus diebus a Casilino, re bene gesta, recessum
 est, eis Gracchus in Lucanis aliquot cohortes, in ea regione
 conscriptas, cum præfecto sociorum in agros hostium præ-
 datum misit. eos effuse palatos Hanno adortus, haud multo
 In Lucanis accepta cla-
 des. minorem, quam ad Beneventum acceperat, reddidit hosti
 cladem, atque in Bruttios raptim, ne Gracchus adsequere-
 tur, concessit. Consules, Marcellus retro, unde venerat,

⁹⁰ *Ad collegam mittit, altero exer-*
citu .. opus esse] Mittit litteras, qui-
 bus monebat altero exercitu opus esse.
 Vid. similem loquendi modum, l.
 VIII. c. 23.

⁹¹ *Juxta magnis]* Æque ac mag-
 nas.

⁹² * *Quia magna famæ momenta in*
utramque partem fierent] Quia inde

magnum famæ discrimen sequeretur,
 multumque valiturum in bonam pari-
 ter malamque partem; id est, effec-
 turum ut magnopere timearis ab hos-
 tibus, si nullum alium incepti finem,
 quam victoriam noveris; ut contem-
 naris ab iisdem, si irritò incepto
 abstiteris,

Nolam redit; Fabius in Samnium ad populandos agros recipiendasque armis, quæ defecerant, urbes processit. U. C. 538: A. C. 214. Caudinus Samnis gravius devastatus; perusti late agri, prædæ Fabius Samnium vastat. pecudum hominumque actæ. oppida vi capta, Compulteria, Telesia, Compsa, Melæ, Fulfulæ et Orbitanium. ex Lucanis Blandæ: Apulorum ⁹³ Æcæ obpugnatae. Millia hostium in his urbibus viginti quinque capta, aut occisa: et recepti perfugæ trecenti septuaginta; quos quum Romam Perfugæ virgis cæsi et de saxo dejecti. misisset consul, virgis in comitio cæsi omnes, ac de saxo dejecti. Hæc a Q. Fabio intra paucos dies gesta. Marcellum ab gerundis rebus valetudo adversa Nolæ tenuit. Et a prætore Q. Fabio, cui circa Luceriam provincia erat, Acua oppidum per eos dies vi captum: stativaque ad Ardoneas communita. Dum hæc aliis locis ab Romanis geruntur, jam Tarentum pervenerat Hannibal, cum maxima omnium, quacumque ierat, clade. In Tarentino demum agro pacatum incedere agmen cœpit. nihil ibi violatum, neque usquam via excessum est; adparebatque, non id modestia militum aut ducis, nisi ad conciliandos Tarentinorum animos, fieri. Ceterum ⁹⁴ quum propemodo muris accessisset, Ad Tarentum castra ponit Hannibal. nullo ad conspectum primi agminis, ut rebatur, motu facto, castra ab urbe ferme passus mille locat. Tarenti, triduo ante, quam Hannibal ad mœnia accederet, a M. Valerio M. Livius Tarentum tuctur. proprætore, qui classi ad Brundisium præerat, ⁹⁵ missus M. Livius, primore juventute conscripta, dispositisque ad omnes portas, circaque muros, qua res postulabat, stationibus, ⁹⁶ die ac nocte plurimum intentus, neque hostibus, neque dubiis sociis loci quidquam præbuit ad tentandum. Quare diebus aliquot frustra ibi absumtis, Hannibal, quum eorum nemo, qui ad lacum Averni adissent, aut ipsi venirent, aut nuncium literasve mitterent, vana promissa se temere secutum cernens, castra inde movit. Tum quoque, intacto Hannibal Salapiam se confert. agro Tarentino, (quamquam simulata lenitas nihildum profuerat, tamen spe labefactandæ fidei haud absistens) Salapiam ut venit, frumentum ex agris Metapontino atque Heracliensi (jam media æstas exacta erat, et hibernis placebat locus) comportat. Prædatum inde Numidæ Maurique per

⁹³ *Æcæ obpugnatae*] Non impetu, sed oppugnando captæ.

⁹⁴ *Quum propemodo muris accessisset*] Placeret magis *successisset*: cuius verbi major vis est: unde et molitur addito *propemodo*.

⁹⁵ *Murus M. Livius*] Hoc nomen addidit ex Sigonii conjectura Gronovius. Et quidem sic vocatur hic Tarenti præfectus infra l. XXVI. c. 39. et l. XXVII. c. 25. Polybius l. VIII. in prænomine dissentit, eumque appel-

lat *C. Livium*. Vulgati habebant hoc loco *T. Valerius*. In scriptis nomen omnino deest.

⁹⁶ *Die ac nocte plurimum intentus*] Pro *plurimum* Put. liber habet a prima manu *puuia*: postea superscripta est littera *l*, ut efficeretur *pluvia*. Inde quidam scripti *plurima*: vulgati *plurimum*. Sed vetus scriptura monstrabat legendum *juxta*. *Die ac nocte juxta*, id est, die pariter ac nocte, *intentus*.

U. C. 538. Sallentinum agrum proximosque Apuliæ saltus dimissi. un-
A. C. 214. de ceteræ prædæ haud multum, equorum greges maxime
abacti: e quibus ad quatuor millia domanda equitibus di-
visa.

Rerum sta-
tus in Sici-
lia.

Andranodo-
rus arcem
Syracusis
occupat.

XXI. Romani, quum bellum nequaquam contemnen-
dum in Sicilia oriretur, morsque tyranni duces magis inpi-
gnos dedisset Syracusanis, quam ⁹⁷ causam aut animos mu-
tasset, M. Marcello alteri consulum eam provinciam decer-
nunt. Secundum Hieronymi cædem primo tumultuatum
in Leontinis apud milites fuerat, vociferatumque ferociter,
⁹⁸ parentandam regi sanguine conjuratorum esse. Deinde
libertatis restitutæ ⁹⁹ dulce auditu nomen crebro usurpatum,
spes facta ex pecunia regia largitionis, ¹ militiæque fungen-
dæ potioris ducibus, et relata tyranni fœda scelera fœdio-
resque libidines, adeo mutavere animos, ut insepultum ja-
cere corpus paullo ante desiderati regis paterentur. Quum
ceteri ex conjuratis ² ad exercitum obtinendum remansis-
sent, Theodotus et Sosis regiis equis, quanto maximo cursu
poterant, ut ignaros omnium regiones obprimerent, Syracusas
contendunt. ceterum prævenerat non fama solum, (qua ni-
hil in talibus rebus est celerius) sed nuncius etiam ex regiis
servis. Itaque Andranodorus et ³ Insulam, et arcem, et
alia, quæ poterat, quæque opportuna erant, præsidiis firma-
rat. Hexapylo Theodotus ac Sosis post solis obcasum jam
obscura luce invecti, quum cruentam regiam vestem atque
insigne capitis ostentarent, travecti per Tycham, simul ad
libertatem, simul ad arma vocantes, in Achradinam conve-
nire jubent. Multitudo pars procurrit in vias, ⁴ pars in-
vestibulis stat, pars ex tectis fenestrisque prospectant, et,
quid rei sit, rogitant. Omnia luminibus conlucent, strepi-
tuque vario complentur. armati locis patentibus congregan-
tur. inermes ex Olympii Jovis templo spolia Gallorum Il-

^c add. ædium Gron. Crev.

97 * *Causam*] *Causa* hic est id quod
Gallice dicimus *parti*: quemadmodum
sæpe Cicero eadem voce utitur ad de-
signandas partes Cæsarianas Pompei-
anasve. Sic pro Marc. n. 2. *quum vi-*
derem virum talem, qui in eadem cau-
sa esset, in qua ego fuisset, non in ea-
dem esse fortuna. Et rursus n. 31.
qui in acie cecidit, qui in causa ani-
mam profundit.

98 * *Parentandum*] Expiandam re-
gis mortem, Manes regis placandos.

99 *Dulce auditu nomen*] Olim *au-*
ditum. Mutavit merito Gronovius: et
hanc ejus conjecturam firmat margo
Victor. codicis.

¹ *Militiæque fungendæ potioribus*

ducibus] Militandi sub potioribus du-
cibus, quam erant illi tyranni assen-
tatores, quibus imperia Hieronymus
demandabat. Gronovius recte emen-
davit *militiæque*, pro *militi atque*. At
quod idem jussit legi *potioris*, in eo
illi assentiri non potuimus.

2 * *Ad exercitum obtinendum*] Ut
exercitum in potestate haberent.

3 * *Insulam*] Pars est Syracusanæ
urbis, ut Tycha, Achradinaque, quæ
infra nominantur. Neapolis quarta
fuit pars ejusdem urbis: atque in
hæ parte fuit Hexapylum.

4 *Pars in ædium vestibulis*] Com-
plures scripti omittunt *ædium*.

lyriorumque, dono data Hieroni a populo Romano, fixaque U. C. 538.
ab eo, detrahunt, precantes Jovem, ut volens propitius præ- A. C. 914.
beat sacra arma, pro patria, pro Deum delubris, pro liber-
tate sese armantibus. Hæc quoque multitudo, stationibus
per principes regionum urbis dispositis, adjungitur. In
Insula inter cetera Andranodorus præsidii⁶ firmat horrea
publica. Locus, saxo quadrato septus, atque arcis in mo-
dum emunitus, capitur ab juventute, quæ præsidio ejus lo-
ci adtributa erat, mittuntque nuncios in Achradinam, hor-
rea frumentumque in senatus potestate esse.

XXII. Luce prima populus omnis armatus inermisque
in Achradinam ad curiam convenit. ibi pro Concordiæ ara,
quæ in eo sita loco erat, ex principibus unus nomine Po- Polyeni
lyænus concionem et liberam et moderatam habuit: ⁷ Ser- oratio libe-
vitudinis indignitatisque homines expertos, adversus notum ma- ra et mode-
lum irritatos esse. Discordia civilis quas inportet clades, au- rata.
disque magis a patribus Syracusanos, quam ipsos vidisse. Ar-
ma quod impigre ceperint, laudare: magis laudaturum, si non
ulantur, nisi ultima necessitate coacti. In præsentia legatos
ad Andranodorum mitti placere, qui denuncient, ut in potes-
tate senatus ac populi sit: portæ Insulæ pateant; ⁸ recedat
præsidium. Si tutelam alieni regni suum regnum velit facere,
eundem se censere, multo acrius ab Andranodoro, quam ab
Hieronymo, repeti libertatem. Ab hac concione legati missi Legati mit-
sunt. Senatus inde haberi coëptus est. quod sicut, regnan- tuntur ad
te Hierone, manserat publicum consilium, ita post mortem Andranode-
ejus, ante eam diem, nulla de re neque convocati, neque rum.
consulti fuerant. Ut ventum ad Andranodorum est, ipsum
quidem movebat et civium consensus, et quum aliæ occu-
patæ urbis partes, tum ⁹ pars Insulæ, velut munitissima,
prodita atque alienata. Sed evocatum eum ab legatis Da-
marata^d uxor, filia Hieronis, inflata adhuc regiis animis ac

^d Demarata Gron. Crev.

⁵ Per principes regionum urbis] Per præcipuas urbis regiones.

⁶ Firmat horrea publica] Series narrationis videtur poscere firmarat.

⁷ Servitudinis .. expertos] Hic offendere potest et rarissima vox servitudinis, et insolens verborum structura expertos servitudinis. Lipsius conjicit, servitii tedium: Gronovius, servitii penas indignitatesque.

⁸ Recedat præsidium] Sic edidit ex conjectura Gronovius. Prius reddat: quod quidem mendosum esse nondum satis persuasum nobis est. Etenim in iis quæ præcedunt pro portæ insulæ

pateant, Put. codex, eodem Gronovio teste, præfert, portas insulæ apeat, id est profecto, aperiat. Igitur optime legere posse videmur, portas Insulæ aperiat, reddat præsidium. Præsidium autem hic intelligimus locum ipsum, non milites loco tutando addictos. Sic dicitur præsidium relinquere miles, qui e loco sibi assignato discedit. Sic Cic. de Orat. l. II. n. 303. versanturque in hostium castris, ac sua præsidia dimittunt.

⁹ Pars Insulæ, velut munitissima] Lege cum Gronovio, pars Insulæ vel munitissima.

U. C. 538. muliebri ¹⁰ spiritu, admonet sæpe usurpatæ Dionysii tyranni vocis: qua, pedibus tractum, non insidentem equo, relinquere tyrannidem, dixerit, debere. Facile esse momento, quo quis velit, cedere possessione magnæ fortunæ: facere et parare eam, difficile atque arduum ¹¹ esse. Paullum* sumeret spatii ad consultandum ab legatis, eo uteretur ad arcessendos ex Leontinis milites: quibus si pecuniam regiam pollicitus esset, omnia in potestate ejus futura. Hæc muliebria consilia Andranodorus neque tota adspersatus est, neque extemplo accepit: tutiorem ad opes adfectandas ratus esse viam, si in præsentia temporis cessisset. Itaque legatos renunciare jussit, futurum se in senatus ac populi potestate. Postero die luce prima, patefactis Insulæ portis, in forum Achradinæ venit. ibi in aram Concordiæ, ex qua pridie Polyænus concionatus erat, escendit: orationemque eam orsus est, qua primum cunctationis suæ veniam petivit. *Se enim clausas habuisse portas, non separantem suas res a publicis, sed strictis semel gladiis timentem, qui finis cædibus esset futurus: utrum, quod satis libertati foret, contenti nece tyranni essent, an, quicumque aut propinquitate, aut adfinitate, aut aliquibus ministeriis regiam contigissent, alienæ culpæ rei trucidarentur.* ¹² Postquam animadvertit, eos, qui liberassent patriam, seroare etiam liberatam velle, atque ¹³ undique consuli in medium; non dubitasse, quin et corpus suum, et cetera omnia, ¹⁴ quæ suæ fidei tutelæque essent, quoniam eum, qui mundasset, suus furor absumsisset, patriæ restitueret. Conversus deinde ad interfectores tyranni, ac nomine adpellans Theodotum ac Sosim: *Facinus, inquit, memorabile fecistis. Sed, mihi credite, inchoata vestra gloria, nondum perfecta, est; periculumque ingens manet, nisi paci et concordia consulitis,* ¹⁵ *ne libera efferatur respublica.*

Oratio ejus
ad Syracusanos.

* *Paullulum* Gron. Crev.

¹⁰ * *Spiritu*] Superbia, tumore animi.

¹¹ *Esse. Paullulum sumeret spatii*] Omnes MSS. ignorant ultimam vocem. Vere omnino Jac. Gronovius suspicatur ~~et paullulum~~ sive *paullum* mutari debere in *spatium*. Et favet Put. liber, qui habet *esses paullum*: ubi vides primam litteram vocis *spatium* adhæsisse verbo *esse*, quod præcedit. Legamus ergo sine ulla dubitatione ... *esse. Spatium sumeret ad consultandum.*

¹² *Postquam animadvertit*] Lege cum Gronovio *animadverterit*.

¹³ * *Undique consuli in medium*]

Neminem sibi proprias opes querere, sed undique conspirari in communem salutem.

¹⁴ * *Quæ suæ fidei tutelæque essent*] Quæ ad suam fidem tutelamque pertinerent, quæ suæ fidei tuenda commissa essent.

¹⁵ *Ne libera efferatur respublica*] Exponit Sigonius: ne libera intereat respublica; ne id unum ex morte tyranni fructus capiat, ut libera intereat. Interpretationem suam firmat consimili exemplo ex l. XXVIII. c. 28. *Meo unius funere elata esset respublica.* Aliter intelligit Gronovius, nempe, ne respublica libertati recens

XXIII. Post hanc orationem claves portarum pecuniæ- U. C. 538.
 que regiæ ante pedes eorum posuit. atque illo quidem die A. C. 214.
 dimissi ex concione læti, circa omnia fana Deum supplica-
 verunt cum conjugibus ac liberis: postero die comitia præ- Prætores
 toribus creandis habita. Creatus in primis Andranodorus; Syracusis
 ceteri magna ex parte interfectores tyranni. duos etiam ab- creantur.
 sentes, Sopatrum ac Dinomenem, fecerunt. ¹⁶ Qui, auditis,
 quæ Syracusis acta erant, pecuniam regiam, quæ in Leon-
 tinis erat, Syracusas devectam, quæstoribus ad id ipsam
 creatis tradiderunt: ¹⁷ et ea, quæ in Insula erat et Achradi-
 na, tradita est; murique ea pars, quæ ab cetera urbe nimis
 firmo munimento intersepiebat Insulam, consensu omnium
 dejecta est. secutæ et ceteræ res hanc inclinationem ani-
 morum ad libertatem. Hippocrates atque Epicydes, audita Hippocra-
 morte tyranni, quam Hippocrates, etiam nuncio interfecto, tes et Epi-
 celare voluerat, deserti a militibus, quia ¹⁸ id tutissimum ex cydes redire
 præsentibus videbatur, Syracusas rediere. ¹⁹ ubi ne suspecti velle se ad
 obversarentur^f, tamquam novandi res aliquam occasionem Hanniba-
 lem simu-
 lant.

*Ab Hannibale se missos prædicant ad Hieronymum, tamquam
 amicum ac socium. paruisse imperio ejus, cujus imperator suus
 voluerit. velle ad Hannibalem redire. ceterum, quum iter tu-
 tum non sit, vagantibus passim per totam Siciliam Romanis
 armis, petere, ut præsidii dent aliquid, quo Locros in Italiam
 perducantur. gratiam magnam eos parva opera apud Hanni-
 balem inituros.* Facile res impetrata: abire enim duces re-
 gios, quum peritos militiæ, tum egentes eosdem atque au-
 daces, cupiebant: sed, quod volebant, non, quam maturato
 opus erat, ²⁰ naviter expediebant. Interim juvenes milita-
 res et adsueti militibus, nunc apud eos ipsos, nunc apud
 transfugas, quorum maxima pars ex navalibus sociis Ro-
 manorum erat, nunc etiam apud infimæ plebis homines,
 crimina serebant in senatum optimatesque: *id moliri clam eos*

^f observarentur Gron.

^g deinde Gron. Crev.

partæ moderari nequeat, et eam in lasciviam vertat. Nobis potior videtur Sigonii interpretatio.

¹⁶ *Qui auditis iis*] Resecuit Gronovius voculam *iis*, quam retinet, a secunda tamen manu, codex Put. Nec nihil illa confert ad majorem orationis integritatem et claritatem.

¹⁷ *Et ea quæ in Insula erat et Achradina, tradita est*] Campanus, Andreas, duo MSS. a Gronovio memorati, et omnes nostri, carent particula *et*: plerique autem ex his MSS. habent *Achradinam*; quidam etiam *translata est*. Atque hoc modo le-

gendum videtur: *Et ea (pecunia) quæ in Insula erat, Achradinam translata est.*

¹⁸ *Id*] Nempe, ut Syracusas redirent.

¹⁹ *Ubi ne suspecti obversarentur*] Hic mendum editos omnes et plerosque scriptos obtinebat, *observarentur*. Duo e nostris, inter quos Putreanus, verum servavere.

²⁰ *Naviter*] Supplenda est ex sensu particula *tam*, quæ respondeat præcedenti *quam*. Non tam naviter, quam maturato opus erat.

U. C. 538. *atque struere, ut Syracusæ per speciem reconciliatæ societatis*
 A. C. 214. *in ditione Romanorum sint; dein factio et pauci auctores fæ-*
deris renovati dominantur.

Andrano-
dorus ty-
rannidem
adfectat.

Occiditur
cum The-
misto.

XXIV. His audiendis credendisque opportuna multitu-
do, major in dies, Syracusas confuebat: ²¹ nec²² Epicydi
solum spem novandarum rerum, sed Andranodoro etiam,
præbebat. Qui, fessus tandem uxoris vocibus, moventis,
Nunc illud esse tempus occupandi res, dum turbata omnia
nova atque incondita libertate essent, dum regiis stipendiis
pastus obversaretur miles, dum ab Hannibale missi duces
adsueti militibus juvare possent incepta, cum Themisto, cui
Gelonis filia nupta, rem consociatam paucos post dies Aris-
toni cuidam tragico actori, cui et alia arcana committere
adsuerat, incaute aperit. Huic et genus et fortuna honesta
erant, nec ars, quia nihil tale apud Græcos pudori est, ea de-
formabat. itaque, fidem potiore ratum, quam patriæ debe-
bat, indicium ad prætores defert. Qui, ubi rem haud va-
nam esse certis indiciis compererunt, consultis senioribus,
et auctoritate eorum præsidio ad fores posito, ingressos cu-
riam Themistum atque Andranodorum interfecerunt: et,
quum tumultus ab re in speciem atrocior, causam aliis
ignorantibus, ortus esset, silentio tandem facto, indicem in
curiam introduxerunt. Qui quum ordine omnia edocuisset,
et principium conjurationis factum ab Harmoniæ Gelonis
filiae nuptiis, quibus Themisto juncta esset; Afrorum His-
panorumque auxiliares instructos ad cædem prætorum
principumque aliorum; bonaque eorum prædæ futura in-
terfectoribus pronunciatum; jam mercenariorum manum ad-
suetam imperiis Andranodori paratam fuisse ad Insulam
rursus occupandam; singula deinde, quæ per quosque age-
rentur, totamque viris armisque instructam conjurationem
ante oculos posuisset; senatui quidem tam jure cæsi, quam
Hieronimus, videbantur. Ante curiam variæ atque incer-
tæ rerum multitudinis clamor erat. quam, ferociter mini-
tantem in vestibulo curiæ, ²³ corpora conjuratorum eo metu
compresserunt, ut silentes ²⁴ integram plebem in concionem
sequerentur. Sopatro mandatum ab senatu et ab collegis,
ut verba faceret.

XXV. ²⁴ Is, tamquam reos ageret¹, ab anteacta vita or-

¹ add. Hippocrati et Gron.

¹ agebat Gron. Crev.

²¹ *Nec Epicydi solum*] Vulgo editi: *nec Hippocrati et Epicydi solum.* Sed illud additamentum, *Hippocrati et*, respuunt scripti et ipsa orationis structura. Nimirum Epicydes hic pro utroque nominatur, ut vicissim Hippocrates infra, c. 35. *Postquam ab Hippocrate occupatæ Syracusæ erant:*

quum palam sit ab Hippocrate simul et Epicyde hoc factum. Hæc fere Jac. Gronovius.

²² *Corpora conjuratorum*] Intelligi, projecta ante vestibulum curiæ.

²³ *Integram plebem*] Saniores plebis partem.

²⁴ *Is, tamquam reos ageret*] Sic.

sus, quascumque post Hieronis mortem sceleste atque inpie U. C. 538. facta essent, Andranodorum ac Themistum arguit fecisse. A. C. 214.

²⁵ *Quid enim sua sponte fecisse Hieronymum puerum, ac vix-* Sopatri
dum pubescentem facere potuisse? Tutores ac ²⁶ *magistros ejus* prætoris
sub aliena invidia regnasse. itaque aut ante Hieronymum, aut oratio in
certe cum Hieronymo perire eos debuisse. At illos, debitos jam tyrannos.
morti destinatosque, alia nova scelera post mortem tyranni
molitos; ²⁷ palam primo, cum clausis Andranodorus Insula
portis ²⁸ hæreditatem regni creverit, quæque procurator tenue-
rat, ²⁹ pro domino possederit; proditus deinde ab eis, qui in
Insula erant, circumsessus ab universa civitate, quæ Achradi-
nam tenuerit, nequidquam palam atque aperte petitum regnum,
clam et dolo adfectare conatus sit, et ne beneficio quidem atque
honore potuerit ³⁰ vinci, quum inter liberatores patriæ insidia-
tor ipse libertatis creatus esset prætor. Sed ³¹ animos eis re-
gios conjuges regias ^k fecisse, alteri Hieronīs, alteri Gelonis,
filiis nuptas. Sub hanc vocem ex omnibus partibus concio-
nis clamor oritur, nullam earum vivere debere, nec quem-
quam superesse tyrannorum stirpis. Hæc natura multitu-
dinis est; aut servit humiliter, aut superbe dominatur:
³² libertatem, quæ media est, nec spernere modice, nec ha-
bere sciunt: et non ferme desunt irarum indulgentes minis-
tri, qui avidos atque ³³ intemperantes plebeiorum animos ad
sanguinem et cædes irritent. Sicut tum extemplo præto-
res rogationem promulgarunt: acceptaque pene prius,
quam promulgata, est, ut omnis regia stirps interficeretur. Stirps regia
missique a prætoribus Damaratam ^l Hieronis, et Harmo- interficitur.

^k *regias conjuges* Gron. Crev.

^l *Demaratam* Ead.

due scripti a Gronovio memorati. * Is ita in eos dicebat, quasi eos coram iudicibus accusaret.

²⁵ *Quid enim sua sponte fecisse Hieronymum]* Dele supervacaneam vocem, fecisse.

²⁶ *Magistros ejus]* Sic dedit, et merito, idem Gronovius. Libri: magistratus, vel magistratos ejus.

²⁷ *Palam primo]* Si quis ea quæ sequuntur attente legerit, animadvertet ita hanc periodum esse structam, ut nihil sit, quod accurate et ad amussim ex vi verborum respondeat *vñ primo*. Quæcunque enim adduntur, pendent ex particula *quum*, quæ post vocem *primo* locatur. Nimirum respexit sensum Livius, accuratam verborum structuram neglexit.

²⁸ * *Hæreditatem regni creverit]* Cernere hæreditatem in jure dicitur is qui se hæredem gerit.

²⁹ * *Pro domino]* Tanquam domi-

nus.

³⁰ * *Vinci]* Flecti ad respectum libertatis amoremque patriæ, et deterreri a tyrannicis consiliis.

³¹ * *Animos ... regias]* Animos regnandi avidos.

³² *Libertatem ... spernere modice]* Libertatem is modice spernit, qui ita se subjectum esse patitur alterius imperio, ut tamen non descendat ad humile ac deforme obsequium.

³³ *Intemperantes plebeiorum animos]* Vox *plebeiorum* est ab ingenio emendatorum. Scripti hic omnes corrupti; sed ita ut a sese invicem non multum discedant: *publiciorum*, vel *plubiciorum*, vel aliud quid simile præferunt. Solus Victor. codex id habet quod sanum videri possit, *intemperantes suppliciorum*: qui semel accensi ad sævitiam, nullum supplicii modum facere sciant.

U. C. 538. niam Gelonis filias, conjuges Andranodori et Themisti, in-
A. C. 214. terfecerunt.

Preces He-
racleæ Hier.
F.

XXVI. Heraclea erat filia Hieronis, uxor Zoïppi; qui, legatus ab Hieronymo ad regem Ptolemæum missus, voluntarium consciverat exsilium. ³⁴ Ea quum ad se quoque venire præscisset, in sacrarium ad penates confugit, cum duabus filiabus virginibus, resolutis crinibus, miserabilique alio habitu: et ad ea addidit preces, ³⁵ *nunc per memoriam Hieronis patris, Gelonisque fratris, ne se innoxiam invidia Hieronymi conflagrare sinerent. Nihil se ex regno illius, præter exsilium viri, habere: neque fortunam suam eandem viro Hieronymo fuisse, quam sororis; neque interfecto eo causam eandem esse. Quid? quod, si Andranodoro consilia processissent, illa cum viro fuerit regnatura; sibi cum ceteris serviendum. Si quis Zoïppo nunciet, interfectum Hieronymum, ac liberatas Syracusas, cui dubium esse, quin extemplo conscensurus sit navim, atque in patriam rediturus?* ³⁶ *Quantum spes hominum fallit! In liberata patria conjugem ejus ac liberos de vita dimicare; quid obstantes libertati, aut legibus? Quod ab se cuiquam periculum, a sola ac prope vidua, et puellis in orbitate degentibus, esse? At enim periculi quidem nihil ab se timeri: invisam tamen regiam stirpem esse. Ablegarent ergo procul ab Syracusis Siciliaque, et asportari Alexandriam juberent, ad virum uxorem, ad patrem filias.* ³⁷ *Aversis auribus animisque, casse ne tempus tereretur, ferrum quosdam expedientes cernebat* ³⁸ *: tum, omissis pro se precibus, puellis ut saltem parcerent, orare institit: a qua ælute etiam hostes iratos abstinere. ne, tyrannos ulciscendo, quæ odissent, scelera ipsi imitarentur. Inter hæc abstractam a penetralibus jugulant: in virgines deinde, respersas matris cruore, inpetum faciunt. quæ, alienata mente simul luctu metuque, velut captæ furore,* ³⁸ *eo cursu se ex sacrario proripuerunt, ut, si effugium patuisset in publicum, impleturæ urbem tumultu fuerint.* ³⁹ *Tum quoque haud magno ædium spatio,*

³⁸ (*ferrum enim quosdam exp. cernebat* Gron. Crev.)

³⁴ *Ea quum ad se quoque venire præscisset]* Lege *veniri*. GRON.

³⁵ *Nunc per memoriam]* Delenda videtur particula *nunc*, cui alia compar, et ex adverso opposita nulla est.

³⁶ *Quantum spes hominum fallit!]* Melius esset *falli*. Nam tota obliqua oratio est.

³⁷ *Aversis auribus animisque]* Possis quidem utcunque exponere: Quum aures animique omnium aversi essent ab Heracleæ precibus, illa, ne tempus tereretur casse, id est, incassum.. Sed non placet primum illud membrum, *aversis auribus animisque*, pen-

dulum quodammodo et abruptum: jam adverbium *casse* admodum suspectum est. Præterea scripti omnes habent *ferrum quosdam expedientes* sine *et* enim. Itaque hunc locum pro deplorato habemus, nisi meliorum librorum copia fiat.

³⁸ *Eo cursu]* Certissima Florebelli emendatio, quum prius legeretur *oc-cursu*.

³⁹ *Tum quoque]* Quamvis effugere non potuerint in publicum, et haud magno ædium spatio incluse remanserint.

inter medios tot armatos, aliquoties integro corpore evaserunt: tenentibusque, quum tot ac tam validæ eluctandæ manus essent, sese eripuerunt: tandem, vulneribus confectæ, quum omnia replerent sanguine, exanimes conruerunt; cædemque per se miserabilem miserabiliorem casus fecit, quod paullo post nuncius venit, mutatis repente ad misericordiam animis, ne interficerentur. Ira deinde ex misericordia orta, quod adeo festinatum ad supplicium, neque locus poenitendi, aut regressus ab ira relictus esset. itaque fremere multitudo, et in locum Andranodori ac Themisti (nam ambo prætores fuerant) comitia poscere: quæ nequaquam ex sententia prætorum futura essent.

XXVII. Statutus est comitiis dies: quo, necopinantibus omnibus, unus ex ultima turba Epicydem nominavit, tum inde alius Hippocratem. crebriores deinde eæ voces, et cum haud dubio adsensu multitudinis esse. Et erat confusa concio, non populari modo, sed militari quoque turba, magna ex parte etiam perfugis, qui omnia novare cupiebant, permixtis. Prætores dissimulare primo, ⁴⁰ et trabenda re esse: postremo victi consensu, et seditionem metuentes, pronunciant eos prætores. Nec illi primo statim creati nudare, quid vellent: quamquam ægre ferebant, et de induciis dierum decem legatos isse ad Ap. Claudium, et, impetratis eia, alioa, qui de foedere antiquo renovando agerent, missos. Ad Murgantiam tum classem navium centum Romanus habebat, quoniam evaderent motus ex cædibus tyrannorum orti Syracusis, quove eos ageret nova atque insolita libertas, opperiens. Per eosdem dies quum ad Marcellum, venientem in Siciliam, legati Syracusani missi ab Appio essent, auditis conditionibus pacis, Marcellus, posse rem convenire ratus, et ipse legatos Syracusas, qui coram cum prætoribus de renovando foedere agerent, misit. Et jam ibi nequaquam eadem quies et tranquillitas erat. postquam Punicam classem accessisse Pachynum adlatum est, demto timore Hippocrates et Epicydes, nunc apud mercenarios milites, nunc apud transfugas, prodi Romano Syracusas, criminabantur. Ut vero Appius naves ad ostium portus, quo ⁴¹ aliæ partis hominibus animus accederet, in statione habere cœpit, ingens in speciem criminibus vanis accesserat fides. ac primo etiam tumultuose decurrerat multitudo ad prohibendos, si in terram egrederentur.

Epicydes et Hippocrates prætores fiunt.

Legati ad Appium missi.

Turbæ Syracusis.

40 *Et trahenda re esse*] In eo esse, id agere, ut rem traherent.

41 *Aliæ partis hominibus*] Iis qui alia sentirent ac vellent, quam Hippocrates et Epicydes; qui partis Ro-

manorum essent. *Aliæ* antique pro *altus*. Ea voce bis usus est Cic. l. H. de Divin. n. 30. Sic et *tam nulli consilii*, apud Terent.

U. C. 532. XXVIII. In hac turbatione rerum, in concionem vocari placuit. ubi quum alii alio tenderent, nec procul seditione res esset, Apollonides principum unus orationem salutarem, ut in tali tempore, habuit; *nec spem salutis, nec perniciem propiorem umquam civitati ulli fuisse. Si enim uno animo omnes vel ad Romanos, vel ad¹ Karthaginienses inclinent, nullius civitatis statum fortunatiorem beatioremve fore. si alii alio trahant res, non inter Pænos Romanosque bellum atrocius fore, quam inter ipsos Syracusanos; quum intra eosdem muros pars utraque suos exercitus, sua arma, suos habitura sit duces. Itaque, ut omnes idem sentiant, summa vi agendum esse: utra societas sit utilior, eam longe minorem ac levioris momenti consultationem esse. sed tamen Hieronis potius, quam Hieronymi, auctoritatem sequendam in sociis legendis, ⁴² vel quinquaginta annis feliciter expertam amicitiam ⁴³ nunc incognitæ, quondam infideli, præferendam. ⁴⁴ Esse etiam momenti aliquid ad consilium, quod Karthaginiensibus ita pax negari possit, ut non utique in præsentia bellum cum eis geratur: cum Romanis extemplo aut pacem, aut bellum habendum. Quo minus ⁴⁵ cupiditatis ac studii visa est oratio habere, eo plus auctoritatis habuit. Adjectum est prætoribus ac delectis senatorum militare etiam consilium. jussi et duces ordinum præfectique auxiliorum simul consulere. Quum sæpe acta res esset magnis certaminibus, postremo, quia belli cum Romanis gerendi ratio nulla adparebat, pacem fieri placuit, ⁴⁶ mittique cum eis legatos ad rem confirmandam.*

Apollonidæ
salutaris
oratio.

Pax cum
Rom. de-
cernitur.

Præsidium
mittitur in
Leontinos.

XXIX. Dies haud ita multi intercesserunt, quum ex Leontinis legati, præsidium finibus suis orantes, venerunt; quæ legatio peropportuna visa ad multitudinem inconditam ac tumultuosam exonerandam, ducesque ejus ablegandos. Hippocrates prætor ducere eo transfugas jussus: secuti multi ex mercenariis auxiliis^m, quatuor millia armatorum

¹ ad del. Gron.

^m ex auxiliis mercenariis Gron. Crev.

⁴² *Vel quinquaginta annis*] Gronovius censet legendum: et quinquaginta annis.

⁴³ * *Nunc incognitæ, quondam infideli*] Amicitie Carthaginiensium, nunc incognitæ, quia nova sit, et diu jam non experta; quondam infideli, quia olim, quum ante amicitiam cum Romanis initam Syracusani socios Carthaginienses habuissent, eos infideles senserant.

⁴⁴ * *Esse etiam momenti aliquid ad consilium*] Ad consilium captandum, in eo quoque aliquid momenti esse, id quoque valere aliquantum debere,

quod. . .

⁴⁵ *Cupiditatis*] Studii partium, quod Gallice dicimus *partialité*. Hoc sensu sæpe usurpat Cicero vocem *cupidus*. Pro Rosc. Com. n. 47. *Nimis cupidus videretur, qui, qua de re judex fuisset, testis esset.* Pro Cæc. n. 8. *cupidior, quam sapientem judicem esse æquum est.* Pro Font. n. 11. *Cupidis testibus.*

⁴⁶ *Mittique cum eis*] Cum Romanis: et intellige legatos Romanos a Marcello missos, de quibus mentio facta est c. præcedente.

effecerunt. Et mittentibus et missis ea læta expeditio fuit. U. C. 538, nam et illis, quod jam diu cupiebant, novandi res occasio A. C. 214 data est; et hi, sentinam quamdam urbis rati exhaustam, lætabantur. ceterum levaverunt modo in præsentia velut corpus ægrum, quo mox in graviores morbum reideret. Hippocrates enim finitima provinciæ Romanæ primo furti-
vis excursionibus vastare cœpit: deinde, quum ad tuendos sociorum agros missum ab Appio præsidium esset, omnibus copiis inpetum in obpositam stationem cum cæde multorum fecit. Quæ quum essent nunciata Marcello, legatos exemplo Syracusas misit, qui pacis fidem ruptam esse dicerent: nec belli defuturam umquam causam, nisi Hippocrates atque Epicydes non ab Syracusis modo, sed tota procul Sicilia, ablegarentur. Epicydes, ne aut reus criminis absentia fratris præsens esset, aut deesset pro parte sua concitando bello, profectus et ipse in Leontinos, quia satis eos adversus populum Romanum concitados cernebat, ⁴⁷ avertere etiam ab Syracusis cœpit. *Nam ita eos pacem pepigisse cum Romanis, ut, quicumque populi sub regibus fuissent, et suæ ditionis essent; nec jam libertate contentos esse, nisi etiam ⁴⁸ regnent ac dominantur. Renunciandum igitur eis esse, Leontinos quoque æquum censere liberos esse; vel quod in solo urbis suæ tyrannus ceciderit, vel quod ibi primum conclamatum ad libertatem, relictisque regiis ducibus Syracusas sit concursus. Itaque aut eximendum id de fœdere esse, aut ⁴⁹ legem eam fœderis non accipiendam.* Facile multitudini persuasum: legatisque Syracusanorum, et de cæde stationis Romanæ querentibus, et Hippocratem atque Epicydem abire seu Locros, seu quo alio mallent, dummodo Sicilia cederent, jubentibus, ferociter responsum est: *Neque mandasse sese Syracusanis, ut pacem pro se cum Romanis facerent: neque teneri alienis fœderibus.* Hæc ad Romanos Syracusani detulerunt, abnuentes Leontinos in sua potestate esse. itaque ⁵⁰ integro secum fœdere bellum Romanos cum iis gesturos. neque sese defuturos ei bello; ⁵¹ ita ut in potestatem redacti suæ rursus ditionis essent, sicut pax concenisset.

Hippocrates
provincia
Rom. invadit.

Epicydes et
ipse in Le-
ontinos pro-
fectus.

Leontino-
rum urbs
ab Syracu-
sanis.

XXX. Marcellus cum omni exercitu profectus in Leontinos, Appio quoque adcito, ut altera parte adgrederetur,

Leontino-
rum urbs
Marcello
capta.

⁴⁸ regant Gron.

⁴⁷ *Avertere etiam ab Syracusis]* Put. liber ab Syracusas. Videtur scripsisse Livius, ab Syracusanis.

⁴⁸ *Regnent]* Hæc est complurimum codicum scriptura, quibus consentiunt veteres editi. Vulgo nunc legitur *regant*. Sed *regnare* verbum invidiosum est apud liberas civitates, non *regere*.

⁴⁹ *Legem eam fœderis]* Id fœdus,

tali lege ictum.

⁵⁰ ** Integro secum fœdere]* Ita ut fœdus secum integrum intactumque maneat. Non credituros Syracusanos fœdus quod Romani secum habeant, bello adversus Leontinos gerendo ulli parte lædi.

⁵¹ ** Ita ut]* Ea lege ut.

U. C. 538. tanto ardore militum est usus ab ira inter conditiones paciæ
 A. C. 214. interfectæ stationis, ut primo inpetu urbem expugnarent. Hippocrates atque Epicydes, postquam capi muros refringique portas videre*, in arcem sese cum paucis recepere. inde clam nocte Herbessum perfugiant. Syracusanis, octo millium armatorum agmine profectis domo, ad Mylam flumen nuncius obcurrit, captam urbem esse; cetera falsa mixta veris ferens: cædem promiscuam militum atque oppidanorum factam, nec quemquam puberem arbitrari superesse: direptam urbem: bona locupletium donata. Ad nuncium tam atrocem constitit agmen; concitatisque omnibus, duces, (erant autem Sosis ac Dinomenes) quid agerent, consultabant. ⁵² Terroris speciem haud vanam mendacio præbuerant verberati ac securi percussi transfugæ ad duo milia hominum. ceterum Leontinorum militumque aliorum nemo, post captam urbem, violatus fuerat: suaque omnia eis, nisi quæ primus tumultus captæ urbis absumserat, restituebantur. Nec ut Leonfinos irent, proditos ad cædem commilitones querentes, perpelli potuere, nec ut eodem loco certiores nuncium expectarent. Quum ad defectionem inclinatos animos cernerent prætores, sed eum motum haud diuturnum fore, si duces amentia sublati essent; exercitum ducunt Megaram. ipsi cum paucis equitibus Herbessum proficiscuntur, spe, territis omnibus, per prodicionem urbis potiundæ. quod ubi frustra eis fuit inceptum, vi agendum rati, postero die Megaris castra movent, ut Herbessum omnibus copiis obpugnarent. Hippocrates et Epicydes, non tam tutum prima specie, quam unum, ⁵³ spe undique abscissa consilium, esse rati, ut se militibus permitterent, et ad-suetis magna ex parte sibi, et tum fama cædis commilitonum accensis, obviam agmini procedunt. Prima forte signa sexcentorum Cretensium erant, qui apud Hieronymum meruerant sub eis, et Hannibalis beneficium habebant, capti ad Trasimenum inter Romanorum auxilia, dimissique. quos ubi ex signis ⁵⁴ armorumque habitu cognovere Hippocrates atque Epicydes, ramos oleæ ac ⁵⁵ velamenta alia supplicum porrigentes, orare, ut *reciperent sese, receptosque tatarentur, neu proderent Syracusanis, a quibus mox ⁵⁶ ipsi trucidandi populo Romano dederentur.*

Atrox nuncius de cæde in Leontinis facta.

Syracusano-
rum exerci-
tus concita-
tur.

Hippocrates et Epicydes se ei permittunt.

* viderunt Gron. Crev.

⁵² * *Terroris speciem haud vanam*] Speciosam aliquam materiem terroris; vim terrendi, quæ aliquo colore niteretur.

⁵³ *Spe undique abscissa*] Et hic quoque Put. *abscissa*. Vid. not. 69. ad c. 15. supra.

⁵⁴ *Armatorumque habitu*] Magis placeret armorum.

⁵⁵ * *Velamenta alia supplicum*] Infulas, et quæ alia a supplicibus porrigi et prætendi solent.

⁵⁶ * *Ipsi*] Intellige ipsos Cretenses, ad quos hic sermo dirigitur.

XXXI. *Enimvero, conclamant, bonum ut animum habe-* U. C. 538.
rent: omnem se cum illis fortunam subituros. Inter hoc A. C. 214.
 colloquium signa constiterant, tenebaturque agmen: pec-
 dum, quæ moræ causa foret, pervenerat ad duces. ⁵⁷ post-
 quam Hippocraten atque Epicyden adesse pervasit rumor,
 fremitusque toto agmine erat haud dubie adprobantium
 adventum eorum; extemplo prætores citatis equis ad
 prima signa perrexerunt, *Qui mos ille, quæ licentia Cre-*
tensium esset, rogantes, colloquia serendi cum hoste, in-
jussuque prætorum miscendi eos agmini suo? Comprehendi
 injicique catenas jusserunt Hippocrati. ad quam vocem tan-
 tus extemplo primum a Cretibus clamor est ortus, deinde
 exceptus ab aliis, ut facile, si ultra tenderent, adpareret, eis
 timendum esse. Solliciti incertique rerum suarum Mega-
 ram, unde profecti erant, referri signa jubent, nunciosque
 de statu præsentis Syracusas mittunt. Fraudem quoque ^{Fraus Hip-}
 Hippocrates addit, inclinatis ad omnem suspicionem ani- ^{pocratis.}
 mis; et, Cretensium quibusdam ad itinera insidenda missis,
 velut interceptas literas, quas ipse composuerat, recitat:
Prætores Syracusani consuli Marcello. ⁵⁸ *secundum salutem,*
ut adsolet, scriptum erat: Recte eum atque ordine fecisse,
quod in Leontinis nulli pepercisset. Sed omnium mercenario-
rum militum eandem esse causam, nec umquam Syracusas
quieturas, donec quidquam externorum auxiliorum, aut in ur-
be, aut in exercitu suo, esset. itaque daret operam, ut eos, qui
cum suis prætoribus castra ad Megaram haberent, in suam
potestatem redigeret, ac supplicio eorum liberaret tandem Sy-
racusas. Hæc quum recitata essent, cum tanto clamore ad
 arma discursus est, ut prætores inter tumultum pavidum
⁵⁹ *adequitaverint* Syracusas: et ne fuga quidem eorum se-
 ditio compressa est, inpetusque in Syracusanos milites fie-
 bant. nec ab ullo temperatum foret, ni Epicydes atque Hip-
 pocrates iræ multitudinis obviam issent: non a misericor-
 dia aut humano consilio, sed ne spem reditus præciderent
 sibi, et quum ipsos simul milites fidos haberent, simul ob-
 sides; tum cognatos quoque eorum atque amicos tanto
⁶⁰ *merito primum, dein pignore sibi conciliarent: expertique,*

⁵⁷ *comprehendi* Gron. Crev.

⁵⁹ *adequitaverint* Crev.

⁵⁷ *Postquam Hippocratem atque Epicydem pervasit rumor*] Supple, causas moræ esse. Erasmus verbum adesse, quod huc invitis MSS. immigrat.

⁵⁸ *Secundum salutem, ut assolet*] Post salutem, ut mos est, initio epistolæ datam.

⁵⁹ *Abequitaverint Syracusas*] Olim *obequitaverint*: non recte. Gronovius dedit *adequitaverint*: sed verbum *ab-*

equitaverint melius huc quadrat. Itaque admisimus, ex Put. et Victor. codicibus.

⁶⁰ *Merito primum, dein pignore*] *Merito*, quod iis militibus vitam servassent; *pignore*, quod eosdem secum haberent tanquam totidem pignora benevolentis ac fidei eorum qui cognitione illos amicitiae Syracusis contingebant.

U. C. 538. quam vana aut levi aura mobile vulgus esset, militem nunti
A. C. 214. ex eo numero, qui in Leontinis circumsessi erant, subor-
nant, ut Syracusas perferret nuncium convenientem eis,
quæ ad Mylam falso nunciata erant; auctoremque se exhi-
bendo, ac velut visa, quæ dubia erant, narrando, concitaret
iras hominum.

Syracusani
in Romanos
accendun-
tur,

editiosi
Syracusas
ingrediun-
tur,

XXXII. Huic non apud vulgum modo fides fuit, sed
senatum quoque in curiam introductus movit. ⁶¹ haud vani
quidam homines palam ferre, *perbene detectam in Leontinis*
esse avaritiam et crudelitatem Romanorum. eadem, si intras-
sent Syracusas, aut fædiora etiam, quo majus ibi avaritiæ
præmium esset, facturos fuisse. Itaque claudendas cuncti
portas, et custodiendam urbem censere. sed non ab eisdem
omnes timere, nec eosdem odisse. ⁶² ad militare genus omne
partemque magnam plebis invisum esse nomen Romanum.
Prætores optimatumque pauci, quamquam ⁶³ inflammati
vano nuncio erant, tamen ad propius præsentiusque malum
cautiores esse. Et jam ad Hexapylum erant Hippocrates
atque Epicydes: serebanturque colloquia per propinquos
popularium, qui in exercitu erant, ut portas aperirent, sine-
rentque communem patriam defendi ab inpetu Romano-
rum. Jam, ⁶⁴ unis foribus Hexapyli apertis, cœpti erant
recipi, quum prætores intervenerunt. et primo imperio mi-
nisque, deinde ⁶⁵ auctoritate, deterrendo, postremo, ut om-
nia vana erant, obliti majestatis, precibus agebant, ne pro-
derent patriam tyranni ante satellitibus, et tum corrupto-
ribus exercitus. ⁶⁶ Sed surdæ ad hæc omnia aures concita-
tæ multitudinis erant, nec minore intus vi, quam foris, por-
tæ effrangebantur; effractisque omnibus, ⁶⁷ tuto in Hexa-
pylo agmen receptum est. Prætores in Achradinam cum
juventute popularium confugiunt. mercenarii milites perfu-
gæque, et quidquid regionum militum Syracusis erat, ag-
men hostium augent. Ita Achradina quoque primo inpe-
tu capitur, prætorumque (nisi qui inter tumultum effuge-

⁷ inflati Gron. Crev.

⁸ prætoresque Ead.

⁶¹ *Haud vani*] Non leves; quidam
etiam prudentum.

⁶² *Ad militare genus omne*] Hoc
debetur Gronovio. Prius editi *apud*
militares pæne omnes. Put. codex *ad*
militare senus omnem. Sed et alii
quoque MSS. tenent *ad*, non *apud*,
In ceteris variant.

⁶³ *Inflati vano nuncio*] Vitium est
in voce *inflati*. Gronovius legit vel
adflati, vel *inflammati*. Prius placeret
magis. *Adflati vano nuncio*, id est,
icti, paulum commoti falso illo nuncio.

⁶⁴ *Unis foribus Hexapyli*] Una e

sex portis, quæ erant in Hexapylo.
Huic enim urbis Syracusanæ parti
nomen, si vim verbi attendamus, in-
ditum ex eo fuit, quod sex haberet
portas.

⁶⁵ *Auctoritate*] Consiliiis monitis-
que. Vid. not. 49. ad l. 7.

⁶⁶ *Sed surdæ ad hæc omnia*] Hunc
quoque totum locum refinxit Grono-
vius ex scriptis, a quibus hoc in uno
abit, quod dedit *omnia* ubi illi *omnium*.

⁶⁷ *Tuto in Hexapylo agmen*] For-
tasse, *totum Hexapylo agmen recep-*
tum est.

runt) omnes interficiuntur. nox cædibus finem fecit. Pos- U. C. 538.
tero die sèrvi ⁶⁸ ad pileum vocati, et carcere vincti emissi: A. C. 214.
confusaque hæc omnis multitudo Hippocratem atque Epi-
cydem creant prætores: Syracusæque, quum breve tempus
libertas adfulsisset, in antiquam servitutem ⁶⁹ reciderunt¹.

XXXIII. Hæc nunciata quum essent Romanis, ex ^{Romani ad}
Leontinis mota sunt extemplo castra ad Syracusas. Et ab ^{Syracusas}
Appio legati per portum missi forte in quinqueremi erant. ^{castra mo-}
præmissa quadriremis, quum intrasset fauces portus, capi-
tur: legati ægre effugerunt. Et jam non modo pacis, sed
ne belli quidem jura relictæ erant: quum Romanus exerci-
tus ad Olympium (Jovis id templum est) ⁷⁰ mille et quin-
gentis passibus² ab urbe castra posuit. Inde quoque lega- ^{Mittunt le-}
tos præmitti placuit: quibus, ne intrarent urbem, extra ^{gatos Syra-}
portam Hippocrates atque Epicydes obviam cum suis pro-
cesserunt. Romanus orator non bellum se Syracusanis, sed
opem auxiliumque adferre, ait, et eis, qui, ex media cæde elap-
si, perfugerint ad se, et eis, qui, metu obpressi, fædiorem, non
exsilio solum, sed etiam morte, servitutem patiantur. Nec
cædem nefandam sociorum inultam Romanos passuros. Ita-
que ⁷¹ si eis, qui ad se perfugerunt, tutus in patriam reditus
pateret, cædis³ auctores dedantur, et libertas legesque Syracu-
sanis restituantur, nihil armis opus esse. si ea non fiunt, qui-
cumque in mora sit, bello persecuturos. Ad ea Epicydes, Si ^{Superbum}
qua⁴ ad se mandata haberent, responsum eis, ait, se daturus ^{Epicydis re-}
fuisse: quum in eorum, ad quos venerint, manu res Syracusa-
na esset, tum reverterentur. Si bello lacescant, ipsa re intel-
lecturos, nequaquam idem esse Syracusas ac Leontinos obpug-
nare. Ita legatis relictis, portas clausit. Inde terra mari- ^{Obpugnab-}
que simul cœptæ obpugnari Syracusæ: terra ab Hexapylo, ^{tur Syracu-}
mari ab Achradina, cujus murus fluctu adluitur. et, quia, ^{sa.}
sicut Leontinos terrore ac primo inpetu ceperant, non diffi-
debant, vastam disjectamque spatio urbem parte aliqua se
invasuros, omnem adparatum obpugnandarum urbium mu-
ris admoverunt.

XXXIV. Et habuisset tanto inpetu cœpta res fortu-
nam, nisi unus homo Syracusis ea tempestate fuisset. Ar- ^{Archime-}
chimedes is erat, ^{des conatus}
unicus spectator cæli siderumque; mi- ^{Romano-}
¹ reciderant Crev. ² quingentos passus Rad. ³ ac cædis Gron. Crev. rum Indifi-
⁴ quæ Rad. ^{catur.}

68 Ad pileum] Ad libertatem. Vid. supra, c. 16.

69 Reciderant] Vulgo reciderunt. Sed illud alterum, in quo inest hoc loco major vis et elegantia, habent Put. et Victor. codices.

70 Mille et quingentos passus] Sic amat loqui Livius. Itaque, auctoribus iisdem scriptis, id prætulimus vulgatæ

lectioni mille et quingentis passibus.

71 Si . . . reditus pateret, ac cædis auctores dedantur] Complures codices omittunt voculam ac. Sed in ea potius latere putamus vestigium veræ scripturæ, ac libenter legeremus: Si . . . reditus pateat, cædis auctores dedantur.

72 Unicus spectator cæli siderum.

U. C. 538. A. C. 214. **rabilior tamen inventor ac machinator bellicorum tormentorum operumque, quibus ea, quæ hostes ingenti mole agerent, ipse ⁷³ perlevi momento ludificaretur. Murum per inæquales ductum colles, (pleraque alta et difficilia aditu, submissa quædam, et quæ planis vallibus adiri possent) ut cuique aptum visum est loco, ita omni genere tormentorum instruxit. Achradinæ murum, qui, ut ante dictum est, mari adluitur, ex quinqueremibus Marcellus obpugnabat. Ex ceteris navibus sagittarii funditoresque, et ⁷⁴ velites etiam, quorum telum inhabile ad remittendum imperitis est, vix quemquam sine vulnere consistere in muro patiebantur. Hi, quia spatio missilibus opus est, procul muro tenebant naves. ⁷⁵ junctæ aliæ binæ ad quinqueremes, demtis ⁷⁶ interioribus remis, ut latus lateri adplicaretur, ⁷⁷ quum exteriori ordine remorum velut naves agerentur, turres contabulatas machinamenta que alia quatiendis muris portabant. Adversus hunc navalem adparatum Archimedes variæ magnitudinis tormenta in muris disposuit. in eas, quæ procul erant, naves saxa ingenti pondere emittebat: propiores levioribus, eoque magis crebris, petebat telis: postremo, ut sui vulnere intacti tela in hostem ingererent, murum ab imo ad sum-**

que] Cœli siderumque spectandorum arte supra omnes excellens. Ceterum ita describit Archimedem Livius, ut se ipse parum omnino peritum rerum mathematicarum exhibeat, quarum sane studia nunquam apud Romanos magnopere viguere. Non astrorum cognitione præcipue claruit Archimedes: sed matheseos, quam puram vocant, quæ a rebus corporeis sese omnino sejungit, reconditam altitudinem scrutari, ditare inventis, hic illi labor, hæc gloria. Quin et parum decorum artis suæ dignitati rebatur, eam ad res corporeas convertere: et machinas illas, quas Livius maxime miratur, inventor ipse haud magni faciebat, et pro quodam lascivientis Geometriæ lusu habebat. Vid. Plut. in Marcello.

⁷³ * *Perlevi momento]* Vid. not. 3. ad XXI. 43.

⁷⁴ *Velites .. quorum telum]* Levis armaturæ milites, quorum telum ejusmodi est, ut remitti non possit ab imperitis. Polyb. l. VI. illud telum omnino remitti posse negat, et causam affert. *Ferrum, inquit, teli velitaris adeo extenuatum est, et in aciem productum, ut necessario statim a primo jactu inflectatur, nec possint hostes retorquere.* Quod si ejusmodi est, profecto illud telum non imperitis tantum, sed et peritis inhabile fuit

ad remittendum. Lipsius, l. III. *de Mil. Rom. Dial. 1.* suspicatur aut vocem *imperitis*, in hoc Livii loco redundare; aut mutandam in *impeditis*, ut, nisi quis otiose mucronem refingat et erigat, neget Livius remitti posse; aut denique ideo etiam *imperitis* inhabile, quia amento emittebatur, et certo motu.

⁷⁵ *Junctæ aliæ binæ ad quinqueremes]* Polybius, l. VIII. scribit octo quinqueremes fuisse simul junctas, binas et binas. Plut. in Marcello eundem numerum octo quinqueremium habet. Inde Sigonius recte conjicit legendum: *junctæ aliæ binæ ad octo quinqueremes*: id est, aliæ quinqueremes ad octo, ad numerum octo, junctæ, binæ et binæ.

⁷⁶ * *Interioribus remis]* Remis eorum laterum quæ ad sese mutuo applicabantur. *Exterior* ordo remorum est is qui alterum navis latus, quod liberum relinquebatur, instruebat.

⁷⁷ *Quum exteriori ordine remorum velut naves agerentur]* Legendum videtur, *velut una navis*: eoque nos ducit Put. codicis scriptura, *velut una- ves*. Quum illæ octo naves simul junctæ, exteriori ordine remorum, velut una navis, tanquam si essent una navis, agerentur.

mem⁷⁸ crebris cubitalibus fere cavis aperuit; per quæ cava J. C. 532.
 pars sagittis, pars⁷⁹ scorpionibus modicis ex occulto pete- A. C. 214.
 bant hostem.⁸⁰ Quæ propius quædam subibant naves, quo
⁸¹interiores ictibus tormentorum essent, ⁸²in eas tollenone
 super murum eminente ferrea manus firmæ catenæ inligata
 quam injecta proræ esset, gravi libramento plumbi recel-
 lente ad solum, suspensa prora, navim in puppim statuebat;
 dein, remissa subito, velut ex mûro cadentem navim cum
 ingenti trépitatione nautarum ita undæ adfligebat, ut,
 etiamsi recta reciderat, aliquantum aquæ acciperet. ita ma-
 ritima obpugnatio est elusa,⁸³ omnisque vis est eo versa, ut
 totis viribus terra adgrederentur. Sed ea quoque pars eo-
 dem omni adparatu tormentorum instructa erat, Hieronis
 inpensis curaque per multos annos, Archimedis unica arte.
 natura etiam juvabat loci, quod saxum, cui inposita muri
 fundamenta sunt, magna ex parte ita proclive est, ut non
 solum missa tormento, sed etiam quæ pondere suo provo-
 luta essent, graviter in hostem inciderent. eadem caussa ad
 subeundum arduum aditum instabilemque ingressum præ-

78 *Crebris cubitalibus fere cavis*] Crebris foraminibus, quorum magni-
 tudo, sive diameter esset unius cubi-
 ti: per quæ foramina alii sagittis ...
 Ceterum hæc cava, si credimus Poly-
 bio, quem hic vertit Livius, unius
 tantum palmi fuere. Quæ quidem
 multum discrepant. Cubitus enim
 habet pedem unum et dimidium:
 palmus quatuor tantum digitos, et
 est sexta pars cubiti.

79 *Scorpionibus*] *Scorpiones* sunt
 machinæ bellicæ ad vibranda missilia.
 De iis sic habet Vegetius: *Scorpiones*
dicebant, quas nunc Manuballistas
videant. Ideo sic nuncupati, quod par-
vis subtilibusque spiculis mortem infe-
rant. Vir unus eos dirigere, iis uti
 poterat. Duplicis generis fuere, ma-
 jores minoresque. Vid. Lips. l. III.
 Poliorc. Dial. 4.

80 *Quæ propius quædam*] Sic Gronovius dedit ex tribus MSS. quibus
 assentiuntur duo Hearnio inspecti:
 quum vulgati haberent, *quæ propius*
quidem. Displicet tamen *quædam*:
 et ipse Gronovius illud mutandum
 censet in *maenia*. Nos illud omnino
 delere satius esse ducimus, eo qui-
 dem magis, quod abest a codice Vic-
 tor.

81 * *Interiores ictibus tormentorum*] Propiores, quam ut ictibus tormento-
 rum, quæ in longinquum jaculaban-
 tur, feriri possent; tam propinquæ,

ut tela e tormentis emissa ultra eas
 ferrentur. Sic l. VII. supra c. 10. T.
 Manlius dicitur *interior periculo vul-*
neris factus.

82 *In eas tollenone*] *Tolleno* est
 machinæ genus, quum trabi in ter-
 ram præalte defixæ in summo vertice
 alia transversa longior dimensa me-
 dietate connectitur eo libramento,
 ut, si unum caput depresseris, alte-
 rum erigatur, idque ad onera tollenda.
 Igitur machina hujus generis super
 murum eminente, ferrea manus firmæ
 catenæ inligata, quæ quidem cate-
 na pendeat ex uno brachio tolleno-
 nis, injiciebatur proræ alicujus navis.
 Tum gravi libramento plumbi, quod
 alteri tollenonis brachio connexum
 erat, recellente, seu recidente ad so-
 lum, necesse erat catenam, et fer-
 ream manum, et proram navis sur-
 sum erigi, et, suspensa prora, navim
 in puppim statui. Dein eadem fer-
 rea manus remissa, et exempta machi-
 næ *diá τινος ἑξαργίου*, ut habet Poly-
 bius, sinebat navem recidere, et eam
 ita affligebat undis, ut Ceterum
 libri habuere *gravique libramento*
plumbi recelleret ad solum. Quod
 quum absurdum esset, mutavit Gronovius.

83 *Omnisque vis est eo versa*] Sic bene Gronovius. Prius edebatur *est*
aversa.

U. C. 133.

A. C. 214.

Ab obpugnatione ab-
dantur Ro-
mani.Marcellus
alias urbes
cepit.Himilco
cum exerci-
tu in Sici-
liam venit.Hippocra-
tes cum ex-
ercitu Syra-
cusis egre-
ditur.Vincitur a
Marcello.

bebat. Ita, consilio habito, quum omnis conatus ludibrio esset, absistere obpugnatione, atque obsidendo tantum arcere terra marique com meatibus hostem placuit.

XXXV. Interim Marcellus, cum tertia fere parte exercitus ad recipiendas urbes profectus, quæ in motu rerum ad Karthaginienses defecerant, Helorum atque Herbessum, dedentibus ipsis, recipit. Megara vi capta diruit ac diripuit ad reliquorum, ac maxime Syracusanorum, terrorem. Per idem fere tempus et Himilco, qui ad Pachyni promontorium classem diu tinnerat, ad Heracleam, quam vocant Minoam, quinque et viginti millia peditum, tria equitum, duodecim elephantos exposuit: "nequaquam cum quantis copiis ante tinnerat ad Pachynum classem. Sed, postquam ab Hippocrate occupatæ Syracusæ erant, profectus Karthaginem, adjutusque ibi et ab legatis Hippocratis, literisque Hannibalis, qui venisse tempus aiebat Siciliæ per summum decus repetendæ, "et ipse haud vanus præsens monitor facile perpulerat, ut, quantæ maximæ possent, peditum equitumque copiæ in Siciliam trajicerentur. Adveniens Heracleam, intra paucos dies inde Agrigentum recipit: aliarumque civitatum, quæ partis Karthaginensium erant, adeo accensæ sunt spes ad pellendos Sicilia Romanos, ut postremo etiam, qui obsidebantur Syracusis, animos sustulerint; et, parte copiarum satis defendi urbem posse rati, ita inter se munera belli partiti sint, ut Epicydes præesset custodiæ urbis, Hippocrates, Himilconi conjunctus, bellum adversus consulem Romanum gereret. Cum decem millibus peditum, quingentis equitibus nocte per intermissa custodiis loca profectus, castra circa Acrillas urbem ponebat. Munientibus supervenit Marcellus, ab Agrigento jam occupato, quum frustra eo prævenire hostem festinans tetendisset, rediens; nihil minus ratus, quam illo tempore ac loco Syracusanum sibi exercitum obviam fore; sed tamen metu Himilconis Pœnorumque (ut quibus nequaquam eis copiis, quas habebat, par esset) quam poterat maxime intentus, atque agmine ad omnes casus composito ibat.

XXXVI. Forte ea cura, quæ erat adversus Pœnos præparata, adversus Siculos usui fuit. Castris ponendis incompositos ac dispersos nactus eos et plerosque inermes, quod peditum fuit, circumvenit: eques, levi certamine inito, cum Hippocrate Acras perfugit. Ea pugna deficientes ab

84 *Nequaquam cum quantis copiis]* Cum copiis, quæ tantæ erant, quantæ non fuerant illæ, cum quibus prius tinnerat ad Pachynum classem: sive, cum copiis majoribus, quam quantæ fuerant illæ, cum quibus,

&c.

85 * *Et ipse haud vanus præsens monitor]* Quum et ipse aliquid momenti faceret, præsens monitor, firmansque dictis litteras et nuncios ceterarum.

Romanis quum cohibuisset Siculos, Marcellus Syracusas re- U. C. 528.
diit: et post paucos dies Himilco, adjuncto Hippocrate, ad A. C. 214.
flumen Anapum, octo ferme inde millia, castra posuit. Sub
idem fere tempus et naves longae quinque et quinquaginta Auxilia Ro-
Karthaginiensium cum Bomilcare classis praefecto in mag- ma et Kar-
num portum Syracusas ex alto decurrere; et Romana item thegias
classis, triginta quidqueremes, legionem primam Panormi micas.
exposuere; versumque ab Italia bellum, adeo uterque popu-
lus in Siciliam intentus, fuisse videri poterat. Legionem Ro-
manam, quae exposita Panormi erat, venientem Syracusas,
praedae haud dubie sibi futuram Himilco ratus, vis decipi-
tur. mediterraneo namque Poenus itinere duxit; legio ma-
ritimis locis, classe prosequente, ad Ap. Claudium, Pachy-
num cum parte copiarum obviam progressum, pervenit.
86 Nec diutius Poeni ad Syracusas morati sunt. et Bomil-
car, simul parum fidens navibus suis, duplici facile numero
classem habentibus Romanis, 87 simul inutili mora cernens
nihil aliud ab suis quam inopia adgravari socios, velis in
altum datis, in Africam transmisit. Et Himilco, secutus
nequidquam Marcellum Syracusas, si qua, priusquam mayo-
ribus copiis jungeretur, occasio pugnandi esset, postquam
ea nulla contigerat, tutumque ad Syracusas et munimento
et viribus hostem cernebat, ne frustra adsidendo spectando-
que obsidionem sociorum tempus tereret, castra inde mo-
vit: ut, quocumque vocasset defectionis ab Romanis spes,
admoveret exercitum, ac praesens suas res foventibus ad-
deret animos. Murgantium primum, prodito ab ipsis praes-
sidio Romano, recepit: 88 ubi frumenti magna vis commea-
tusque omnis generis convecti erant. Romanis.

XXXVII. Ad hanc defectionem erecti sunt et aliarum Aliquot ur-
civitatum animi: praesidiaque Romana aut pellebantur ar- bes ad Po-
cibus, aut prodita per fraudem obprimebantur. Henna, nos defici-
excelso loco ac praerupto undique sita, quum loco inexpug- unt.
nabilis erat, tum praesidium in arce validum, praefectumque Hennen-
sium molli-
tiones.

^a sociorum Crev.

^a add. a Gron.

^b Enna: Sic semper: Gron. Crev.

86 *Nec diutius Poeni ad Syracusas morati sunt*] Editi ante Gronovium et plerique MSS. *Syracusas*, sine praepositione. Put. et alter itidem bonae notae, *ad Syracusas*. Inde recte iudicavit Gronovius legi debere *ad Syracusas*.

87 *Simul inutili mora cernens nihil aliud ab suis quam inopiam adgravari sociorum*] Hanc lectionem concinnavimus partim ex editis, partim ex scriptis. Editi habent: *simul inutili mora cernens nihil aliud ab suis quam*

inopia adgravari socios. Scripti: *simul inutilem moram cernens, nihil aliud ab suis quam inopiam adgravari sociorum*.

88 *Ubi .. commeatus .. convecti erant Romanis*] Vulgo a Romanis. Scripti fere omnes omittunt praepositionem. Et sic minus offendet *ubi*, quod se concoquere non posse hic testatur Tan. Faber. *Ubi commeatus convecti erant Romanis*, idem est atque, ubi habebant commeatus convectos Romani.

U. C. 532. ⁸⁹præsidii hæud sane opportunum insidiantibus habebat. L. A. C. 214. Pinarius erat vir acer, et qui plus in eo, ne posset decipi, quam in fide Siculorum, reponeret. et tum intenderant eum ad cavendi omnia curam tot auditas proditioes defectionesque urbium, et clades præsidiorum. Itaque nocte dieque juxta parata instructaque omnia custodiis ac vigiliis erant: nec ab armis aut loco suo miles abscedebat. Quod ubi Hennensium principes, jam pacti cum Himilcone de proditione præsidii, animadverterunt, nulli occasione fraudis Romanum patere, ⁹⁰palam rentur^c agendum. Urbem arcemque suæ potestatis, aiunt, debere esse, si liberi in societatem, non servi in custodiam, traditi essent Romanis. itaque claves portarum reddi sibi æquum censent. Bonis sociis fidem suam maximum vinculum esse: et ita sibi populum Romanum senatumque gratias habiturum, si volentes, ac non coacti, mansissent in amicitia. Ad ea Romanus, Se in præsidio inpositum esse, dicere, ab imperatore suo: clavesque portarum et custodiam arcis ab eo accepisse, quæ nec suo nec Hennensium arbitrio haberet, sed ejus, qui commisisset. præsidio decedere apud Romanos capital esse: et nece liberorum etiam suorum ⁹¹eam legem parentes sanxisse. Consulem Marcellum hæud procul esse: ad eum mitterent legatos, ⁹²cujus juris atque arbitrii esset. Se vero negare illi missuros: testarique, si verbis nihil agerent, vindictam aliquam libertatis suæ quæsituros. Tum Pinarius: at illi, si ad consulem gravarentur mittere, sibi saltem darent populi concilium: ut sciretur, utrum paucorum ea denunciata, an universæ civitatis, essent. ⁹³Consensu in posterum diem concio edicitur.

Pinarii
Hennæ
præfecti
oratio ad
milites.

XXXVIII. Postquam ab eo colloquio in arcem sese recepit, ⁹⁴convocatis militibus, Credo ego vos audisse, milites, inquit, quemadmodum præsidia Romana ab Siculis circumventa et obpressa sint per hos dies. Eam vos fraudem,

^c rentur l. erat Gron. Crev.

⁸⁹*Hæud. . . . opportunum insidiantibus] Qui se non facile captandum præberet insidiantibus. Sic supra VI. 24. Opportunus eruptioni.

⁹⁰Palam erat agendum] Conjectura Lipsii. Unius MS. margo habet, teste Gronovio, palam rentur agendum. Sed parum interest.

⁹¹Eam legem parentes] Vox legem adjecta est ab editoribus. Sed quum sine ea sensus stare non possit, intactam relinquamus. Campanus edidit: hoc liberorum etiam suorum cruore parentes sanxisse.

⁹²Cujus juris atque arbitrii esset] Supple, res.

⁹³Consensu in posterum diem con-

cio edicitur] Omnes scripti carent ultima voce. Unde Gronovius legendum putat: consensa in posterum diem concio. Quomodo supra l. l. c. 32. Bellum erat consensum.

⁹⁴Convocatis militibus] Vox militibus hic displicet tam vicina rō milites, quod sequitur. Magna scriptorum manus præfert convocatio quibus: Victor. convocatis sociis: Crediderimus eum Gronovio legi posse convocatis suis. rō suis facile mutari potuit in sociis: nec difficilius in quibus, si forte prima littera male efformata visa est imperito librario offerre quis, unde pronum est efficere quibus.

Deum primo benignitate, dein vestra ipsi virtute, dies noctes- U. C. 538.
que perstundo ac pervigilando in armis, vitastis. utinam reli- A. C. 914.
quum tempus nec patiando infanda, nec faciendo, traduci pos-
sit! ⁹⁵ *Hæc occulta in fraude cautio est, qua usi adhuc sumus:*
cui quoniam parum succedit, aperte ac propalam claves porta-
rum repossunt; quas simul tradiderimus, Karthaginensium
extemplo Henna erit, fœdusque hic trucidabimur, quam
Murgantiæ præsidium interfectum est. Noctem unam ægre
ad consultandum sumsi, qua vos certiores periculi instantis fa-
cerem. Orta luce concionem habituri sunt, ad criminandum
me concitandumque in vos populum. itaque crastino die, aut
vestro, aut Hennensium sanguine Henna inundabitur. ⁹⁶ *nec*
præoccupati spem ullam^d, nec occupantes periculi quidquam X
habebitis. qui prior strinxerit ferrum, ejus victoria erit. In-
tenti ergo omnes armatique signum expectabitis. ego in con-
cione ero: et tempus, quoad omnia instructa sint, loquendo
altercandoque traham. Quum toga signum dederò, tum mihi
undique clamore sublato turbam invadite, ac sternite omnia
ferro: et cavete, quisquam supersit, a quibus aut vis, aut
fraus timeri possit. ⁹⁷ *Vos, Ceres mater ac Proserpina, precor,*
ceteri superi inferique Dii, qui hanc urbem, hos sacros la-
cus lucosque colitis, ut ita nobis volentes propitii adsitis, si vi-
tandæ, non ferendæ, fraudis causa hoc consilii capimus. Plu-
ribus vos, milites, hortarer, si cum armatis dimicatio futura
esset. inermes, incautos ad satietatem trucidabitis. Et consulis
castra in propinquo sunt, ne quid ab Himilcone et Karthagi-
niensibus timeri possit.

XXXIX. Ab hac adhortatione dimissi corpora curant. Postero die alii aliis locis, ad obsidenda itinera claudendosque ⁹⁸ oppidanis exitus, pars maxima super theatrum circaque, adsueta et ante spectaculis concionum, consistunt. Productus ad populum a magistratibus præfectus Romanus, quum consulis ea de re jus ac potestatem esse, non suam, et pleraque eadem, quæ pridie, dixisset; ⁹⁹ primo sensim, ac plures, reddere claves, dein jam una voce ¹ id

^d *spem ullam* l. *peculii* Gron. Crev.

⁹⁵ *Hæc occulta in fraude cautio est]* Hæc est cautio in occulta fraude, seu, hæc est cautio adversus occultam fraudem idonea ac sufficiens, qua usi lucusque sumus. Cui fraudi quoniam parum succedere Ennenses vident....

⁹⁶ *Nec præoccupati peculii]* *Peculii* procul dubio vitiosum. Non enim hic peculium, sed caput agebatur. Gronovius suggerit ex quibusdam libris, *spem ullam*. Campanus habet *præsidii*. Propius ad vulgatam scrip-

turam accederet *perfugii*. Nec *præoccupati habebitis quidquam perfugii, nec occupantes, periculi*.

⁹⁷ *Vos, Ceres mater ac Proserpina]* De religione Cereris Ennensis vide Cic. IV. in Verr. n. 106, et seq.

⁹⁸ *Oppidanis]* Scripti fere *oppositi*: ^e ut apud Virg. l. II. *Æn.* *Obsederq alii telis angusta viarum Oppositi*.

⁹⁹ *Primo sensim]* Libenter præstiteremus huic membro particulam et.

¹ *Id omnes juberent]* Vacat et id.

U. C. 338. omnes juberent, cunctantique ac differenti ferociter minita-
 A. C. 214. rentur, neq̃ viderentur ultra vim ultimam dilaturi; tum
 præfectus toga signum, ut convenerat, dedit. militesque in-
 tenti dudum ac paratī, alii superne ² in aversam concionem
 clamore sublato decurrunt, alii ad exitus theatri conferti
 obsistunt. Cæduntur Hennenses cavea inclusi, coacervan-
 Cæduntur
 Hennenses. turque, non cæde solum, sed etiam fuga; quum alii super
 aliorum capita ruerent, atque integri sauciis, vivi mortuis
 incidentes, cumularentur. Inde passim discurretur, et urbis
 captæ modo fugaque et cædes omnia tenet: nihilo remis-
 siore militum ira, ³ quod turbam inermem cædebant, quam
 si periculum par et ardor certaminis eos irritaret. Ita Hen-
 na, ⁴ aut malo, aut necessario facinore retenta. Marcellus
 nec factum inprobavit, et prædam Hennensium militibus
 concessit, ratus, timore deterritos temperaturos proditioni-
 bus præsidiorum Siculos. Atque ea clades, ut urbis in me-
 dia Sicilia sitæ, claræque vel ob insignem munimento na-
 turali locum, vel ob sacrata omnia vestigiis raptæ quondam
 Proserpinæ, prope uno die omnem Siciliam pervasit. Et
 quia cæde infanda rebantur, non hominum tantum, sed
 etiam Deorum sedem violatam esse, tum vero, qui etiam
 ante dubii fuerant, defecere ad Pœnos. Hippocrates indē
 Murgantiam, Himilco Agrigentum sese recepit: quum ad-
 citi a proditoribus nequidquam ad Hennam exercitum ad-
 movissent. Marcellus retro in Leontinos redit: frumento-
 que et com meatibus aliis in castra convectis, præsidio mo-
 dico ibi relicto, ad Syracusas obsidendas venit, inde Ap.
 Claudio Romam ad consulatum petendum misso, T. Quinc-
 tium Crispinum in ejus locum classi castrisque præficit
 veteribus. ipse hibernacula quinque millia passuum ⁵ Hexa-
 pylo (Leonta vocant locum) communiit, ædificavitque.
² Hæc in Sicilia usque ad principium hiemis gesta.

² præficit Gron. Crév.

⁵ add. ab Eæd.

² In aversam concionem] Scripti et editi in *adversam*. Corripit ex evi-
 denti ratione Gronovius. Scilicet
 concio procul dubio erat a militibus
 in concionantem præfectum Roma-
 num aversa.

³ Quod turbam inermem] Ante
 Gronovium editi *quod jure turbam*.
 Sed vocem *jure* insititiam esse tum
 sensus docet, tum optimus codex sa-
 tis indicare videtur, qui habet *jure*
eam. Nam *jure eam* corruptum est
 ex unica voce *turbam*.

⁴ Aut malo, aut necessario facinore]
 Aut malo facinore, aut eo quod neces-
 sitas colore aliquo defendat, ac pro-
 inde pro malo damnari vetet. Hanc
 elegantissimam sententiam non vide-

mus cur viri docti variis conjecturis
 sollicitent. Nihil enim clarins: nec
 æquitas probabilis abest.

⁵ Hæc in Sicilia usque ad princi-
 pium hiemis gesta] Suspiciamus hic
 Livium duorum annorum res gestas
 in unum miscuisse: idque, duabus
 maxime adducti rationibus. Una,
 quod nihil omnino sequente anno,
 quo Ti. Sempronius II. Q. Fabius con-
 sules fuere, in Sicilia gestum memo-
 ratur a Livio: quod sane verisimile
 non est, quum tanti exercitus in in-
 sula essent. Solas Cannensis exerci-
 tus ad Marcellum preces, hujusque
 litteras de iis ad senatum retulit eo
 anno noster. Deinde, Polybius, I.
 VIII. testis est Marcellum per octo

XL. Eadem æstate et cum Philippo rege, quod jam an- U. C. 538.
 te suspectum fuerat, motum bellum est. Legati ab Orico A. C. 814.
 ad ⁶ M. Valerium prætorem venerunt, ⁷ præidentem classi Bellum
 Brundisio Calabriæque circa litoribus, nunciantes, Philip- cum Philip-
 po.
 pum prium Apolloniam tentasse, lembis biremibus cen-
 tum viginti flumine adverso subvectum: deinde, ut ea res
 tardior spe fuerit, ad Oricum clam nocte exercitum admo- Oricum a
 visse: eamque urbem, sitam in plano, ⁸ neque mœnibus, Philippo
 neque viris atque armis validam, primo inpetu obpressam captum.
 esse. Hæc nunciantes orabant, ut opem ferret, hostemque
 haud dubium Romanis ⁹ terra aut maritimis viribus arceret;
 qui ob nullam aliam causam, nisi quod inminerent Italiæ,
 peterentur. ¹⁰ M. Valerius, præsidio loci ejus relicto P.
 Valerio legato, cum classe instructa parataque, et, quod
 longæ naves militum capere non poterant, in onerarias in-
 positis, altero die Oricum pervenit: urbemque eam, levi te-
 nente præsidio, quod recedens inde reliquerat Philippus,
 haud magno certamine recepit. Legati eo ab Apollonia Apollonia
 venerunt, nunciantes, in obsidione sese, quod deficere ab obsessa a
 Romanis nollent, esse: neque sustinere ultra vim Macedo- Philippo.
 num posse, nisi præsidium mittatur Romanum. Facturum
 se, quæ vellent, pollicitus, duo millia delectorum militum

• P. l. T. Gron. Crev.

menses cum Appio assedisse Syracu-
 sis, antequam ab eo discederet ad
 prohibendas per Siciliam defectiones
 urbium, et obviam eundem Cartha-
 ginensibus. Octo autem illi menses
 facile profecto reliquum consulatus
 Marcelli tempus consumpserunt. Un-
 de sequitur expeditiones Marcelli ad-
 versus Siculos, Himilconemque et
 Hippocratem, in eum annum excur-
 risse, quo Ti. Sempronius alterum
 consulatum cum Q. Fabio gessit.

⁶ M. Valerium prætorem] Id est,
 proprætores, ut dicitur supra c. 20.
 Præturam gesserat anno superiore.
 Vid. XXIII. 24.

⁷ Præidentem classi Brundisio]
 Cum classe præidentem Brundisio:
 ita ut classi accipiatur in auferendi
 casu, quemadmodum apud Virgilium,
 Æn. VIII. Advectum Ænean classi.

⁸ Neque mœnibus] Put. codex mœ-
 nis. Sunt et aliæ quoque voces, quæ
 identidem in optimo libro non per-
 vulgata forma scriptæ reperiuntur:
 ut obsidium pro obsidum, bis c. 22. l.
 XXII. et contra mensum pro mensum,
 l. XXIII. c. 21. et XXIV. 11. et pas-
 sum pro passum, XXVI. 13. et pote-
 retur pro potiretur, l. XXIII. c. 43.

Oreretur quidem semper exhibet idem
 liber, ut alibi notamus. Adde traicia-
 tur, l. XXIX. c. 24. et traiceret, l.
 XXX. c. 24. pro trajiciatur et trajice-
 ret. Hæc observare nobis operæ pre-
 tium esse visum est, ob eximiam ve-
 tustissimi codicis auctoritatem.

⁹ Terra, aut maritimis viribus]
 Hæc procul dubio vitiosa sunt. Gro-
 novius e MSS. qui tamen hic corrup-
 tissimi sunt, suspicatur: Hostemque
 haud dubium Romanis Macedonem
 Epiri maritimis urbibus arceret, quæ
 Sed hæc etsi aptissime omnino
 congruunt ad sensum, longius abeunt
 tum a vulgata lectione, tum etiam a
 MSS. quam ut admittere audeamus.

¹⁰ M. Valerius præsidio loci ejus]
 Cujus loci? Nullus enim speciatim
 definitus est in iis quæ præcedunt.
 Sed et scripti in aliis omnia abeunt.
 Plerique enim, sique optimi, habent:
 M. Valerius MM præsidioque eis T.
 Valerio legato cum classe. Hæc man-
 ca sunt, sed ita ut sensus appareat:
 M. Valerium reliquisse duo millia
 militum tutandæ Superi maris oræ,
 quibus præfecerit T. Valerium lega-
 tum. Ipsa autem Livii verba assequi
 non nostrum est.

U. C. 538. navibus longis mittit ad ostium fluminis, cum ¹¹ præsfecto
 A. C. 214. socium, Q. Nævio Crista, viro inpigro et perito militiæ.
 Is, expositis in terram militibus, navibusque Oricum retro,
 unde venerat, ad ceteram classem remissis, milites procul a
 flumine per viam minime ab regis obsessam duxit, et noc-
 te, ita ut nemo hostium sentiret, urbem est ^b ingressus. Die
 insequenti quievere, dum præsfectus juventutem Apollonia-
 tium, armaque et urbis vires inspiceret. ubi ea visa inspec-
 taque satis animorum fecere, simulque ab exploratoribus
 comperit, quanta socordia ac negligentia apud hostes esset;
 silentio noctis ab urbe sine ullo tumultu egressus, castra
 hostium adeo neglecta atque aperta intravit, ut satis con-
 staret, prius mille hominum vallum intrasse, quam quis-
 quam sentiret: ac, si cæde abstinuissent, pervenire ad ta-
 bernaculum regium potuisse. Cædes proximorum portæ
 excitavit hostes. inde tantus terror pavorque omnes occupa-
 vit, ut ¹² non modo alius quisquam arma caperet, aut castris
 pellere hostem cōnaretur; sed etiam ipse rex, sicut somno
 excitus erat, prope seminudus fugiens, militi quoque, ne-
 dum regi, vix decoro habitu, ad flumen navesque profuge-
 rit. eodem et alia turba effusa est. Paulo minus tria millia
 militum in castris aut capta, aut occisa. plus tamen homi-
 num aliquanto captum, quam cæsum, est. Castris direptis,
 Apolloniatae catapultas, ballistas, tormentaque alia, quæ ob-
 pugnandæ urbi comparata erant, ad tuenda mœnia, si quando
 similis fortuna venisset, Apolloniam devexere: cetera omnis
 præda castrorum Romanis concessa est. Hæc quum Oricum
 essent nunciata, M. Valerius classem extemplo ad ostium
 fluminis duxit, ne navibus capessere fugam rex posset. Ita-
 que Philippus, neque terrestri, neque navali certamine satis
 fore parem se fidens, subductis aut incensis navibus, terra
 Macedoniam petiit, magna ex parte inermi exercitu spolia-
 toque. Romana classis cum M. Valerio Orici hibernavit.

**Castra Ma-
cedonum
invaduntur.**

**Philippi fu-
ga.**

**Res in His-
pania ges-
ta.**

XLI. Eodem anno in Hispania varie res gestæ. nam, pri-
 usquam Romani amnem Iberum transirent, ingentes copias
 Hispanorum Mago et Hasdrubal fuderunt. defecissetque
 ab Romanis ulterior Hispania, ni P. Cornelius, raptim tra-
 ducto exercitu Iberum, dubiis sociorum animis in tempore
 advenisset. Primo ad castrum Altum (locus est insignis
¹³ cæde magni Hamilcaris) castra Romani habuere. Arx

^b est del. Gron. Crev.

¹¹ Præsfecto socium] Vid. not. 23. ad l. XXIII. c. 7. Ceterum magna pars scriptorum non agnoscit ultimam vocem: ut Nævius præsfectus dicitur huc copias, quocunque gradu militis fuerit.

¹² Non modo] Non modo non. Hic

suppressum est ~~et~~ non, licet max se-
 quatur, non ~~ne~~ .. quidem, (qua de re
 vid. not. 31. ad l. II. c. 23.) verum
 sed etiam: quod notandum.

¹³ Cæde magni Amilcaris] Ejus ni-
 mirum, qui pater Annibalis fuit.

erat munita, et convexerant ante frumentum. tamen, quia U. C. 538: omnia circa hostium plena erant, agmenque Romanum in- A. C. 214. pune ¹⁴ incursatum ab equitibus hostium fuerat, et ad duo millia, aut moratorum aut palantium per agros, interfecta, cessere inde Romani propius pacata loca, et ad montem Victoriæ castra communivere. Eo Cn. Scipio cum omnibus copiis, et Hasdrubal Gisgonis filius, tertius Karthaginien- sium dux, cum exercitu justo advenit: contraque castra Ro- mana trans fluvium omnes consedere. P. Scipio, cum ex- peditis clam profectus ad loca circa visenda, haud fefellit hostes: oppressissentque eum in patentibus campis, ni tu- mulum in propinquo cepisset. ibi quoque circumsessus ad- venta fratris obsidione eximitur. Castulo urbs Hispaniæ valida ac nobilis, et adeo conjuncta societate Pœnis, ut uxor inde Hannibali esset, ad Romanos defecit. Kartha- ginenses Illiturgin obpugnare adorti, quia præsidium ibi ^{Illiturgin obpugnant Pœni.} Romanum erat: videbanturque inopia eum locum maxime expugnaturi. Cn. Scipio, ut sociis præsidioque ferret opem, cum legione expedita profectus, ¹⁵ inter ¹ bina castra cum magna cæde hostium urbem est ingressus, et postero die eruptione æque felici pugnavit. Supra duodecim millia hominum cæsa duobus præliis: ¹⁶ plus mille ^k capti, cum sex et triginta militaribus signis. ita ab Illiturgi recessum est. Bigerra inde urbs (socia et hæc Romanorum erat) a Karthaginensibus obpugnari cœpta est. Eam obsidionem sine certamine adveniens Cn. Scipio solvit.

XLII. Ad Mundam exinde castra Punica mota: et Ro- ^{Prælium ad Mundam.} mani eo confestim secuti sunt. Ibi signis conlatis pugna- tum per quatuor ferme horas: egregieque vincentibus Ro- manis. signum receptui est datum, quod Cn. Scipionis femur ¹⁷ tragula confixum erat: pavorque circa eum cepe- rat milites, ne mortiferum esset vulnus. Ceterum haud du- bium fuit, quin, nisi ea mora intervenisset, castra eo die Punica capi potuerint. jam non milites solum, sed elephantum etiam usque ad vallum acti erant, superque ipso novem et triginta elephantum pilis confixi. Hoc quoque prælio ad duodecim millia hominum dicuntur cæsa, prope tria capta,

ⁱ intra Gron.

^k plus decem millibus captum Gron. Crev.

¹⁴ *Incursatum*] Dubitamus an non hoc verbum sit ab conjectura edito- rum. Scripti enim et Gronoviani, et nostri, *inversatum*. Non tamen no- bis improbatur vulgata lectio. Tan- tum admonemus, certam ejus origi- nem non reperiri.

¹⁵ *Inter bina castra*] Vulgo *intra*: quod mendum corrigendum monuit Gronovius ex aliquot scriptis, quibus

assentiuntur nostri. *Nimirum Car- thaginienses binis castris circumside- bant urbem. Per spatium inter bina illa castra interjectum ingressus est urbem Scipio.

¹⁶ *Plus decem millibus captum*] Lege ex optimis codd. *plus mille cap- tum*.

¹⁷ **Tragula*] Vid. not. 35. ad XXI. 7.

R

U. C. 538. cum signis militaribus septem et quinquaginta. Ad Aurin-
 A. C. 214. gen inde urbem Poeni recessere; et, ut territis instaret, se-
 Altera cutus Romanus. Ibi iterum Scipio lecticula in aciem inla-
 Rom. victo- tus conflixit: nec dubia victoria fuit: minus tamen dimidio
 ria. hostium, quam antea, quia pauciores superfuerant, qui pug-
 narent, occisum. Sed gens nata instaurandis-reparandisque
 bellis, ¹⁸ Magone ad conquisitionem militum fratre misso,
 brevi replevit exercitum, animosque ad tentandum de inte-
 Tertia vic- gro certamen fecit. ¹⁹ Alii plerique milites, sicut pro parte
 toria. toties intra paucos dies victa, iisdem animis, quibus prius,
 eodemque eventu pugnare. plus octo millia hominum cæ-
 sa: ²⁰ haud multo minus quam mille captum, et signa mi-
 litaria quinquaginta octo^m; et ²¹ spolia plurima Gallica fu-
 ere, aurei torquesⁿ, armillæque, magnus numerus. duo etiam
 insignes reguli Gallorum (Mœnicapto et Civismaro nomina
 erant) eo prælio ceciderunt. octo elephantis capti, tres occi-
 si. ²² Quum jam res prosperæ in Hispania essent, verecun-
 dia Romanos tandem cepit, ²³ Saguntum oppidum, quæ^o
 Saguntum caussa belli esset, ²⁴ octavum jam annum sub hostium potes-
 receptum a Rom. tate esse. Itaque id oppidum, vi pulso præsidio Punico,

¹ *capta* Gron. ^m *et signa militaria quinquaginta octo*; del. Ead. ⁿ *au-*
rei torques l. *annuli aurei, torques armillæque* Ead. ^o *quod* Ead.

18 *Magone .. fratre misso*] Lege, a fratre, nempe ab Asdrubale, Amilcaris filio, fratre Annibalis et Magonis.

19^{*} *Alii plerique milites*] Licet plerique milites, conquisiti et adducti recens a Magone, alii essent quam qui prioribus præliis pugnaverant, tamen iisdem animis quibus prius, ut qui pugnarent pro parte toties intra paucos dies victa, eodemque eventu pugnare. Videtur opponere inter se voluisse Livius, hinc alios milites, illinc eosdem animos eundemque eventum. † Recte tamen videtur Vallæ emendare: *Galli plerique milites*, id est, milites, qui magna ex parte Galli erant. Vox *alii* parum clari hic sensus est: et Vallæ conjecturam firmare videntur ea, quæ de spoliis Gallicis et regulis Gallorum infra memorantur. Emendationem Vallæ expressit Campanus.

20 *Haud multo minus quam mille captum*] Hactenus edebatur *capta*: vitiose omnino. Nihil est enim cum quo consentire possit *capta*, non *minus*, non *mille*, non *hominum*. Ideo admissimus *captum* ex Put. libro. Mox revocavimus totum hoc membrum, et *signa militaria LVIII*. quod in editioni-

bus Gronovianis prætermisum est, incuria, ut videtur, operarum, quum reperiatur non in scriptis solum, sed in vetustioribus paulo editis.

21 *Spolia Gallica plurima fuere: aurei torques armillæque*] Resecimus vocem *annuli*, volentibus scriptis optimis. Et vero annuli aurei non possunt videri Gallorum proprii, ut torques armillæque.

22 *Quum jam res prosperæ*] Non tum primum, sed ab ipso statim ingressu Scipionum in Hispaniam res prosperæ Romanis fuere. Lege igitur cum Perizonio: *Quum tam res prosperæ*.

23 *Saguntum oppidum, quæ causa belli esset*] Hic restituimus Livio amatam loquendi figuram, ut relativum inter duo nomina positum ad posterius referatur. Id monuerat Jac. Gronovius, auctore optimæ fidei scripto, cui consentit Put. cum fidissimo e reglis. Vulgo *quod*.

24 *Octavum jam annum*] Imo quintum, si Livius secum ipse consentiat. Hic enim quintus Punici belli annus agitur. Anno autem huius belli primo captum esse Saguntum contendit Livius, l. XXI. c. 15.

recepérunt, cultoribusque antiquis, quos vis reliquerat belli, U. C. 538. restituerunt: et Turdetanos, qui contraxerant eis cum Kar-A. C. 214. thaginiensibus bellum, in potestatem redactos ²⁵ sub corona vendiderunt, urbemque eorum delevere.

XLIII. Hæc in Hispania, Q. Fabio, M. Claudio consu-
libus, gesta. Romæ quum tribuni plebis novi magistratum ^{Censoribus}
inissent^p, extemplo censorsibus, P. Furio et M. Atilio, a L. ^{dies dicta}
Metello tribuno plebis dies dicta ad populum est. quæsto- ^{ad popu-}
rem eum proximo anno, adempto equo, tribu moverant, at-
que ærarium fecerant, propter conjurationem deserendæ
Italiæ ad Cannas factam. sed novem tribunorum auxilio
vetiti caussam in magistratu dicere, ²⁶ dimissique fuerant.
Ne lustrum perficerent, mors prohibuit P. Furii. ²⁷ M. A-
tilius magistratu se abdicavit. Consularia comitia habita a
Q. Fabio Maximo consule. creati consules ambo absentes,
Q. Fabius Maximus consulis filius, et Ti. Sempronius
Gracchus iterum. Prætores fiunt M. Atilius, et, qui tum
ædiles curules erant, P. Sempronius Tuditanus, et Cn. Ful-
vius Centumalus, et M. Æmilius Lepidus. Ludos scenicos
per quatrimum eo anno primum factos ab curulibus ædili-
bus, memoriæproditur. Ædilis Tuditanus hic erat, qui ad
Cannas, pavore aliis in tanta clade torpentibus, per medios
hostes evasit. Comitiiis perfectis, auctore Q. Fabio consule, U. C. 539.
designati consules Romam arcessiti magistratum inierunt: A. C. 213.
senatumque de bello ac provinciis suis prætorumque, et ^{Q. Fabio,}
de exercitibus, quibus quique præessent, consuluerunt. ^{Ti. Sempro-}
^{nio II. Coss.}

XLIV. ²⁸ Itaque provinciæ atque exercitus divisi. Bel- ^{Provincia-}
lum cum Hannibale consulibus mandatum, ²⁹ et exercituum ^{rum divisio.}
unus, quem ipse Sempronius habuerat; alter, quem Fabius
consul. ³⁰ eæ binæ erant legiones. M. Æmilius prætor, cu-
jus peregrina sors erat, jurisdictione M. Atilio collegæ
prætori urbano mandata, Luceriam provinciam haberet,
legionesque duas, quibus Q. Fabius, qui tum consul erat,
prætor præfuerat. ³¹ P. Sempronio provincia Ariminum,
Cn. Fulvio Suessula, cum binis item legionibus, evenerunt:

^p iniissent Crev.

^q P. l. Prætori Gron.

²⁵ *Sub corona] Vid. not. 98. ad II. 17.

²⁶ Dimissique fuerant] Melius vi-
deretur fuerunt.

²⁷ M. Atilius magistratu se abdicavit] In censoris demortui locum,
aliud subrogari fas non erat. Vid.
supra l. V. c. 31. et l. IX. c. 34.

²⁸ Itaque provinciæ] Itaque hic in-
telligimus, et ita, atque hoc modo: eo
nempe, quo statim narrabitur.

²⁹ Et exercituum] Sic dedit Gro-
novius, quum editi haberent exerci-
tus, scripti fere exercitum. Supra c.
40. annotavimus e Put. passum pro pas-

sum. Simili modo credi potest ex-
ercitum in scriptis idem esse atque
exercituum.

³⁰ *Eæ binæ erant legiones] Hi duo
exercitus erant singuli duarum legio-
num.

³¹ P. Sempronio] Merito displicuit
Jac. Gronovio vulgata lectio, prætori
Sempronio. Quid enim attinet mo-
nere Sempronium prætorem fuisse,
quum ipse contextus palam faciat hic
agi de prætorum provinciis? Quod
malebat ille P. Sempronio, id nobis
exhibuit Put. codex.

U. C. 539. ut Fulvius urbanas legiones duceret, Tuditanus a M'.
 A. C. 213. Pomponio acciperet. Prorogata imperia provinciæque, M. Claudio Sicilia finibus eis, quibus regnum Hieronis fuisset: Lentulo proprætori ³² provincia vetus: T. Otacilio classis. exercitus nulli additi novi. M. Valerio Græcia Macedoniaque cum legione et classe, quam haberet: Q. Mucio cum vetere exercitu (duæ autem legiones erant) Sardinia: C. Terentio legio una, cui jam præerat, et Picenum. Scribi præterea duæ legiones urbanæ jussæ, et viginti millia sociorum. His ducibus, his copiis, adversus multa simul, aut mota aut suspecta bella, munierunt Romanum imperium. Consules, duabus urbanis legionibus scriptis, supplementoque in alias lecto, priusquam ab urbe moverent, prodigia procurarunt, quæ nunciata erant. Murus ac portæ tactæ, et Ariciæ etiam Jovis ædes de cœlo tacta fuerat. Et alia ludibria oculorum auriumque credita pro veris. navium longarum species in flumine Tarracinæ, quæ nullæ erant, visæ; et in Jovis Vicilini templo, quod in Compsano agro est, arma concrepuisse: et flumen Amiterni cruentum fluxisse. His procuratis ex decreto pontificum, profecti consules, Sempronius in Lucanos, in Apuliâ Fabius. Pater filio legatus ad Suessulam in castra venit. quum obviam filius progredieretur, lictoresque verecundia majestatis ejus taciti anteirent; ³³ præter undecim fasces equo prævectus senex, ut consul ³⁴ animadvertere ³⁵ proximum lictorem jussit, et is, ut descenderet ex equo, inclamavit; tum demum desiliens, *Experiri, inquit, volui, fili, satin' scires, consulem te esse.*

Prodigia.

Fabius pater a filio descendere equo jussus.

Altinius Arpinus venit ad Cos.

XLV. In ea castra Dasius Altinius Arpinus clam nocte cum tribus servis venit, promittens, si sibi præmio foret, se Arpos proditurum esse. Quum eam^{*} rem ad consilium retulisset Fabius, aliis *pro transfuga verberandus necandusque videri, ³⁶ ancipitis animi communis hostis. qui post Cannensem cladem, tamquam cum fortuna fidem stare oporteret, ad Hannibalem ³⁷ discessisset, traxissetque ad defectionem Arpos; quumque[†] res Romana contra spem votaue ejus velut resurge-*

* M'. l. M. Gron.

* add. tunc Gron. Crev.

* quumque leg. tum

posteaquam Eæd.

³² *Provincia vetus*] Vid. not. 41, ad c. 7. supra.

³³ *Præter undecim fasces*] Hinc apparet, quod et aliunde constat, lictores ire solitos ante magistratum, non gregatim, non binos ternosve, sed singulos, et in lineam.

³⁴ *Animadvertere*] Verbum proprium de lictoris officio. Videntur hoc verbo comprehendisse quidquid honoris lictor venienti magistratui exhibendum curaret, ut assurgere,

via decedere, equo aut curru descendere.

³⁵ *Proximum lictorem*] *Proximus* lictor is erat, qui proxime aberat a magistratu. *Primus*, is qui anteibat, et quasi ducebat agmen.

³⁶ *Ancipitis animi communis hostis*] Communis hostis et Romanorum et Pœnorum, cujus animus inter utroque anceps fluctuaret.

³⁷ *Discessisset*] Lege, ut est in Mureli libris, *descisset*. GRONOVIVS.

ret, turpius videatur novam ³⁸ referre proditorem proditis U. C. 539. olim; ³⁹ qui aliunde stet semper, aliunde sentiat, infidus A. C. 213. socius, ⁴⁰ vanus hostis; ad ⁴¹ Faleriorum Pyrrhive proditorem tertium transfugis documentum esset. Contra ea consulis pater Fabius, temporum oblitos homines, in medio ardore belli, tamquam in pace, liberu de quoque arbitria agere, aiebat: Qui^a, ⁴² quum illud potius agendum atque eis cogitandum sit, si quo modo fieri possit, ne qui socii a populo Romano desciscant, id non cogitent^a; documentum autem dicant^c statui oportere, si quis resipiscat, et antiquam societatem respiciat. Quod si abire ab Romanis liceat, redire ad eos non liceat: cui dubium esse, quin brevi deserta ab sociis Romana res, fœderibus Punicis omnia in Italia juncta visura sit? Se tamen non eum esse, qui Altinio fidei quidquam censeat habendum, sed mediam consecuturum consilii viam. neque eum pro hoste, neque pro socio in præsentia habitum, libera custodia haud procul a castris placere in aliqua fida civitate servoari per belli tempus: perpetrato bello, tum consultandum, utrum defectio prior plus merita sit pœnæ, an hic reditus veniæ. Fabio adsensum est. catenisque ligatus, traditur et ipse et comites: et auri satis magnum pondus, quod secum tum adtulerat, ei servari jussum. Calibus eum interdum solum custodes sequebantur: nocte clausum adservabant. Arpis domi primum desiderari quærique est cœptus: dein fama, per totam urbem vulgata, tumultum, ut principe amisso, fecit: metuque rerum novarum extemplo nuncii ad Hannibalem missi. Quibus nequaquam obfensus Pœnus, quia et ipsum, ut ambiguae fidei virum, suspectum jam pridem habebat, et caussam nactus erat tam ditis hominis bona possidendi vendendique; ceterum ut iræ magis, quam avaritiæ, datum crederent homines, ⁴³ crudelitati quoque gravitatem

^a Qui del. Gron. Crev. ^a id non cogitent l. et non vocitent Ead. ^c ducant Ead.

38 *Referre proditorem proditis olim*] De hac palmaria Gronovii correctione vide ipsum disserentem l. IV. Observ. c. 11.

39* *Qui aliunde stet semper, aliunde sentiat*] Qui semper alii faveat, quam cujus in partibus stet ejus corpus. Nempe ille, dum numerabatur in sociis Romanorum, faverat Pœnis; nunc quum habetur socius Pœnorum, favet Romanis.

40* *Vanus hostis*] Levis, inconstans hostis, et facile transitorius in ejus partes, cujus se hostem ferat.

41 *Faleriorum Pyrrhive proditorem*] Faliscum ludimagistrum, de quo vid. supra l. V. c. 27. Niciam, vel Timocharem Pyrrhi medicum, *de

quo vid. Cic. l. III. de Off. n. 86.

42 *Quum illud potius .. et non vocitent*] Locus corruptus, quem partim ex MSS. partim ex conjectura sic restituit Gronovius, l. IV. Observ. c. 11. *Qui, quod illis potius agendum atque cogitandum sit ... ne qui socii a populo Romano desciscant, id non cogitent: documentum autem ducant*

43 *Crudelitati quoque gravitatem*] Haud sane satis intelligitur, quid sit gravitatem addere crudelitati. Gronovius ibid. testatur in quibusdam scriptis reperiri, crudelitatem quoque gravitati: unde efficit, crudelitatem quoque rapacitati addidit: bono sensu, et ad rem præsentem accommodato.

U. C. 539. addidit : conjugemque ejus ac liberos in castra aditos,
 A. C. 213. quæstione prius habita, primum de fuga Altinii, dein quan-
 Conjux ejus tum auri argentique domi relictum esset, satis cognitis om-
 et liberi nibus, vivos combussit.

Hannibale.

Arpos ad-
 greditur
 Fabina.

XLVI. Fabius, ab Suessula profectus, Arpos primum institit obpugnare. ubi quum a quingentis fere passibus castra posuisset, contemplatus ex propinquo situm urbis mœniæque, quæ pars tutissima mœnibus erat, ⁴⁴ qua maxime neglectam custodiam vidit, ea potissimum adgredi statuit. Comparatis omnibus, quæ ad urbes obpugnandas usui sunt, centurionum robora ex toto exercitu delegit, tribunosque viros fortes eis præfecit, et milites sexcentos, quantum satis visum est, adtribuit : eosque, ubi quartæ vigiliæ signum cecinisset, ad eum locum scalas jussit ferre. Porta ibi humilis et angusta erat, via infrequenti per desertam partem urbis : ⁴⁵ eam portam scalis prius transgressos ad murum pergere, et ex interiore parte vi claustra refringere jubet, et tenentes partem urbis cornu signum dare, ut ceteræ copiæ admoverentur : parata omnia atque instructa sese habiturum. Ea inpigre facta : et, quod impedimentum agentibus fore videbatur, id maxime ad fallendum adjuvit. imber, ab nocte media coortus, custodes vigilesque, dilapsos e stationibus, subfugere in tecta coëgit. sonituque primo largioris procellæ strepitum molientium portam exaudiri prohibuit; lentior deinde æqualiorque accidens auribus magnam partem hominum sopivit. ⁴⁶ Postquam portam tenuerunt, cornicines in via paribus intervallis dispositos canere jubent, ut consulem excirent. Id ubi factum ex composito est, signa efferri consul jubet, ac paullo ante lucem per effractam portam urbem ingreditur.

Et capit.

XLVII. Tum demum hostes excitati sunt, jam et imbræ conquiescente, et propinqua luce. Præsidium in urbe erat Hannibalis, quinque millia ferme armatorum : et ipsi Arpini tria millia hominum armabant. eos primos Pœni, ne quid ab tergo fraudis esset, hosti obposuerunt. Pugnatum primo in tenebris angustisque viis est : quum Romani non vias tantum, sed tecta etiam proxima portæ, occupassent, ne peti superne ac vulnerari

⁴⁴ *Qua maxime neglectam custodiam vidit*] Vulgo *custodia* : quam lectionem prorsus inconcinnam ferre non debuimus, quum in Victor. codice reperiremus *custodiam*. Idem liber præfert quoque *videt*, quod merito quis anteponeere queat *et vidit*.

⁴⁵ *Eam portam . . transgressos, ad murum pergere*] Qui portam scalis transgressi sunt, eos necesse non est ad murum pergere, quum in ipso

muro sint. Put. liber habet *amurum perire*. Secunda manus superscripsit ultimæ voci *ge* : atque inde propagatum est id quod vulgo legitur. Nobis antiquam scripturam diligenter intuentibus veniebat in mentem : *eam portam, scalis prius transgressos murum, aperire*.

⁴⁶ *Postquam portam tenuerunt*] Quidam scripti tenebant.

possent. Cogniti inter se quidam Arpinique et Romani; atque inde colloquia coepta fieri, percunctantibus Romanis, quid sibi vellent Arpini? quam ob noxam Romanorum, quod aut meritum Poenorum, pro alienigenis ac barbaris, Italici adversus veteres socios Romanos bellum gererent, et ⁴⁷ vectigalem ac stipendiariam Italiam Africae facerent? Arpinis ⁴⁸ purgantibus, ignaros omnium se venum a principibus datos Poeno, captos obpressosque a paucis esse. Initio orto, plures cum pluribus conloqui, postremo praetor Arpinus ab suis ad consulem deductus; fideque data inter signa aciesque, Arpini repente pro Romanis ⁴⁹ adversus Karthaginiensem ⁵ arma verterunt. Hispani quoque, paullo minus mille homines, nihil praeterea cum consule pacti, quam ut sine fraude Punicum emitteretur praesidium, ad consulem transtulerunt signa. Karthaginiensibus portae patefactae, emissique cum fide incolumes ad Hannibalem Salapiam venerunt. Arpi sine clade ullius, praeterquam unius veteris proditoris, novi perfugae, restituti ad Romanos. Hispanis duplicia cibaria dari iussa: operaque eorum forti ac fideli persaepe respublica usa est. Quum ⁵⁰ consul alter in Apulia, alter in Lucanis esset; equites centum duodecim nobiles Campani, per speciem praedandi ex hostium agro, permissu magistratum ab Capua profecti, ad castra Romana, quae super Suesulam erant, venerunt. stationi militum, qui essent, dixerunt; conloqui sese: cum praetore velle. Cn. Fulvius castris praerat: cui ubi nunciatum est, decem ex eo numero jussis inimicibus deduci ad se, ubi, quae postularent, audivit, (nihil autem aliud petebant, quam ut, Capua recepta, bona sibi restituerentur) in fidem omnes accepti. Et ab altero praetore Sempronio Tuditano oppidum Aternum expugnatum. amplius septem milia hominum capta, et aeris argentique signati aliquantum. Romae foedum incendium per duas noctes ac diem unum tenuit: solo aequata omnia inter Salinas ac portam Carmentalem, cum ⁵¹ Aequimaelio Jugarioque vico. in templis Fortunae ac matris Matutae et Spei extra portam, late vagatus ignis sacra profanaque multa absumsit.

XLVIII. Eodem anno P. et Cn. Cornelii, quum in Hispania res prosperae essent, multosque et veteres reciperent socios, et novos adjicerent, in Africam quoque spem extenderunt. Syphax erat rex Numidarum, subito Karthaginiensibus hostis factus: ad eum centuriones tres legatos miserunt, qui cum eo a-

⁵ Karthaginienses Gron. Crev.

⁵ se Ead.

Pionibus.

⁴⁷ * Vectigalem ac stipendiariam] Vid. not. 92. ad XXI. 41.

⁴⁸ * Purgantibus] Hanc excusationem afferentibus, nempe se ignaros omnium venundatos esse Poeno a principibus civitatis suae.

⁴⁹ Adversus Karthaginienses] Op-

timi codd. Carthaginiensem: ut paulo ante venum a principibus datos Poeno.

⁵⁰ Consul alter] Magna scriptorum manus, consul alter. Et sic interdum maluit Livius.

⁵¹ Aequimaelio] Vid. l. IV. c. 16.

U. C. 539. micitiam societatemque facerent; et pollicerentur, si perse-
 A. C. 213. veraret urguere bello Karthaginienses, gratam eam rem fore
 senatui populoque Romano, et adnisiuros, ut in tempore, et
 bene cumulatam gratiam referant. Grata ea legatio barbaro
 fuit: conlocutusque cum legatis de ratione belli gerundi, ut
 veterum militum verba audivit, quam multarum rerum ipse
 ignarus esset, ex comparatione tam ordinatæ disciplinæ, ⁵² a-
 nimum advertit. ⁵³ Tum, primum ut pro bonis ac fidelibus
 sociis facerent, oravit, ut duo legationem referrent ad impe-
 ratores suos; unus apud sese magister rei militaris remane-
 ret. rudem ad pedestria bella Numidarum gentem esse, equis
 tantum habilem. Ita jam inde a principiis gentis majores
 suos bella gessisse, ita se a pueris insuetos. Sed habere hostem
 pedestri fidentem Marte: cui si æquari robore virium velit,
 et sibi pedites comparandos esse; et ad id multitudine homi-
 num regnum abundare: sed armandi, ornandique et instru-
 endi eos artem ignorare. omnia, velut forte congregata tur-
 ba, ⁵⁴ vasta ac temeraria esse. Facturos se in præsentia,
 quod vellet, legati responderunt: fide accepta, ut remitteret
 extemplo eum, si imperatores sui non comprobassent factum.
 Q. Statorio nomen fuit, qui ad regem remansit. ⁵⁵ Cum duobus
 Romanis reliquis Numida legatos ^b in Hispaniam misit ad acci-
 piendam fidem ab imperatoribus Romanis. iisdem mandavit, ut
 protinus Numidas, qui intra præsidia Karthaginiensium auxilia-
 res essent, ad transitionem perlicerent. Et Statorius ex multa
 juventute regi pedites conscripsit: ordinatosque proxime mo-
 rem Romanum, ⁵⁶ instruendo et decurrendo signa sequi, et ser-
 vare ordines docuit: et operi aliisque ⁵⁷ justis militaribus ita ad-
 suefecit, ut brevi rex non equiti magis fideret, quam pediti;
 conlatisque æquo campo signis, justo prælio Karthaginiensem
 hostem superaret. Romanis quoque in Hispania legatorum re-

Unus apud
 eum rema-
 net militiæ
 magister.

^b reliquis Numida legatos l. relata; Numidasque legatos Gron. Crev.

⁵² Animum advertit] Sic sæpe antiqui, quod postea per elisionem frequentius pronunciatum est anim-advertit. Pauca e multis quæ hic collegit Gronovius exempla reddemus in not. ad l. XXVIII. c. 14.

⁵³ Tum primum, ut pro bonis] Hic videtur inserenda ante primum vocula hoc, vel id, ex qua pendeant hæc verba, ut duo legationem referrent. Tum oravit, hoc seu id primum ut pro bonis ac fidelibus sociis facerent, hoc ut primum sibi fidæ societatis munus et officium præstarent, nempe ut duo legationem referrent ad imperatores suos, unus.. Sic infra l. XXXV. c. 46. Id primum eos pro amicis fac-turos, si insula excedant.

⁵⁴ Vasta] Incondita, incomposita.

Emendatio Rubenii. Olim editi sua inscia: scripti suasica, vel suasca.

⁵⁵ Cum duobus Romanis relata Numidasque legatos] Admittenda vi-detur ea lectio, quam præfert, teste Gronovio, editio Juntina: Cum duo-bus Romanis legatis Numida legatos in Hispaniam misit.

⁵⁶ Instruendo] Dum instruuntur. Notum est illud Virgiliî, Uritque vi-dendo Femina. Et eodem modo Li-vius, supra l. XXIII. 37. promovendo adjunctam .. turrem.

⁵⁷ Justis militaribus] Muniis mili-taribus. Sic dicuntur justa funebria. Justa sunt quodvis pensum, officium, munus. Sic l. IX. supra, c. 8. quam omnia justa in deditionem nostram perfecta erunt.

gis adventus magno emolumento fuit. namque ad famam eo- U. C. 539.
rum transitiones crebræ ab Numidis cœptæ fieri. Ita cum A. C. 213.
Syphace Romanis ⁵⁸ juncta amicitia est. Quod ubi Karthagini-
enses acceperunt, extemplo ad Galam, in parte altera Numi-
diæ (⁵⁹ Massyli * ea gens vocatur) regnantem, legatos mittunt.

XLIX. Filium Gala Masinissam habebat, septem et decem ^{Karthagin.}
annos natum, ceterum juvenem ea indole, ut jam tum adpare- ^{cum Gala}
ret, latius regnum opulentiussque, quam accepisset, facturum. ^{foedus fa-}
Legati, *quoniam Syphax se Romanis junxisset, ut potentior* ^{ciunt.}
societate eorum adversus reges populosque Africæ esset, do-
cent; melius fore Galæ quoque, Karthaginiensibus jungi
quam primum, antequam Syphax in Hispaniam, aut Roma-
ni in Africam transeant; obprimi Syphacem, nihilum præ-
ter nomen ex foedere Romano habentem, posse. Facile per-
suasum Galæ, filio deposcente id bellum, ut exercitum mitte- ^{Masinissa}
ret: qui, Karthaginensium legionibus conjunctis, magno præ- ^{Gala F. Sy-}
lio Syphacem devicit. Triginta millia eo proelio hominum cæsa ^{phacem vin-}
dicuntur. Syphax cum paucis equitibus ⁶⁰ in Maurusios ex ^{cit.}
acie Numidas (extremi prope oceanum adversus Gades. colunt)
refugit: adfluentibusque ad famam ejus undique barbaris, ingen-
tes brevi copias armavit. cum quibus antequam in Hispaniam
angusto diremtam freto trajiceret, Masinissa cum victore exer-
citu advenit: isque ibi cum Syphace ingenti gloria per se, sine
ullis Karthaginensium opibus, gessit bellum. In Hispania ni-
hil memorabile gestum, præterquam quod Celtiberum juventu-
tem eadem mercede, ⁶¹ qua pacta cum Karthaginiensibus erat,
imperatores Romani ad se perduxerunt: et nobilissimos Hispa-
nos supra trecentos in Italiam ad sollicitandos populares, qui
inter auxilia Hannibalis erant, miserunt. Id modo ejus anni ^{Celtiberi}
in Hispania ad memoriam insigne est, quod ⁶² mercenarium ^{primi mer-}
militem in castris neminem ante, quam tum Celtiberos, Roma- ^{cede mili-}
ni habuerunt. ^{tant apud}
^{Rom.}

* *Massyla* Gron.

58 *Juncta amicitia est*] Pro *juncta*
optimi scripti habent *capta*: et pla-
ceret magis, si non eadem vox paulo
ante reperiretur *transitiones capta*
fieri.

59 *Massyli ea gens vocatur*] Hoc de-
betur Jac. Gronovio. Vulgo *Massy-*
la: Put. *mævuli*.

60 *In Maurusios ex acie Numidas*]
Dele vocem *Numidas*.

61 *Quæ pacta erat*] Gronovius

ediderat *quæ* ex duobus scriptis. No-
bis potior fuit communis editorum
lectio, quæ longe clarior et expedi-
tior est.

62 *Mercenarium militem in cas-*
tris neminem ante] Gallos transfugas
primo Punico bello a Romanis in
commilitium adscitos esse referunt
Polybius et Zonaras. Quod si ita est,
non primi Celtiberi in Romanis cas-
tris mercede militarunt.

EPITOME LIBRI XXV.

P. CORNELIUS Scipio, postea Africanus, ¹ ante annos ædilis factus est. Hannibal urbem Tarentum, præter ar-
cem, ² in quam præsidium Romanorum fugerat, per Taren-
tinos juvenes, qui se noctu venatum ire simulaverant, cepit.
Ludi Apollinares ex Marcii carminibus, quibus Cannen-
sis clades prædicta fuerat, instituti sunt. A Q. Fulvio et
Ap. Claudio consulibus adversus Hannonem Pœnorum du-
cem prospere pugnatum est. Ti. Sempronius Gracchus pro-
consul, ab hospite suo Lucano in insidias deductus, a Ma-
gone interfectus est. Centenius Penula, qui centurio mili-
taverat, quum petisset a senatu, ut sibi exercitus daretur,
pollicitusque esset, si hoc impetrasset, de Hannibale victo-
riam, octo millibus acceptis, militum dux factus, confligit
acie cum Hannibale, et cum exercitu cæsus est. Cn. Fulvius
prætor male adversus Hannibalem pugnavit, in quo prælio
hominum sexdecim millia ceciderunt; ipse cum equitibus
ducentis effugit. Capua obsessa est a Q. Fulvio et Ap.
Claudio consulibus. Claudius Marcellus Syracusas expug-
navit anno tertio, et ingentem se virum gessit. in eo tumultu
urbis captæ Archimedes, intentus formis, quas in pulvere
descripserat, interfectus est. P. et Cn. Scipiones in Hispa-
nia tot tantarumque rerum feliciter gestarum tristem exitum
tulerunt: prope cum totis exercitibus cæsi ³ anno octavo,
quam in Hispaniam iverant. amissaque ejus provinciæ pos-
sessio foret, nisi L. Marcii equitis Romani virtute et indus-
tria, contractis exercituum reliquiis, ejusdem hortatu, bina
castra hostium expugnata essent. ⁴ Ad triginta septem mil-
lia cæsa, ad mille octingentos triginta capti, præda ingens
parta. ⁵ Dux Marcius appellatus est.

¹ Ante legitimos annos] Vocem le-
gitimos omittunt Gronovianæ editio-
nes, sed reliquæ agnoscunt: et Livius
ipse infra c. 2. quod nondum .. legiti-
ma ætas esset.

² In quam præsidium Romanorum
fugerat] Hoc totum orationis mem-
brum, quod et in vet. lib. exstare Si-
gonius testatur, et Campanus quo-
que, licet luxatis et in alienum lo-
cum trajectis vocibus, exhibet, ad-
dendum censuimus.

³ Octavo anno] Imo septimo, si
Cn. Scipionem respicias; sexto, si

Publium.

⁴ Ad triginta septem millia cæsi]
Olim legebatur cæsa. Quis mutave-
rit, ignoramus. Sed et cæsi elegantius
est, et magis ad Livii gustum.

⁵ Dux Marcius appellatus est]
Marcius dux electus fuerat a reliquiis
exercituum, antequam confingeretur
cum Pœnis, memorante Livio, hujus
libri c. 37. Post victoriam eum du-
cem honoris causa appellatum esse
nusquam scribit Livius. Itaque non
satis constat, quid velit hoc loco auc-
tor epitomes.

T. LIVII PATAVINI

LIBER XXV,

U. C. 539.
A. C. 213.
Hannibal
ad Taren-
tum.

Superstitio-
nes Romæ
exortæ.

DUM hæc in Africa atque in Hispania geruntur, Hannibal in agro Tarentino æstatem consumsit, spe per prodicionem urbis Tarentinorum potiundæ. ¹ ipsorum interim Sallentinorum ignobiles urbes ad eum defecerunt. Eodem tempore in Bruttis ex duodecim populis, qui ² anno priore ad Pœnos desciverant, Consentini et Thurini in fidem populi Romani redierunt. Et plures rediissent, ni T. ³ Pomponius Veientanus præfectus socium, prosperis aliquot populationibus in agro Bruttio iusti ducis speciem nactus, tumultuario exercitu coacto, cum Hannone conflixisset. Magna ibi vis hominum, sed inconditæ turbæ agrestium servorumque, cæsa aut capta est: minimumque iacturæ fuit, quod præfectus inter ceteros est captus, et tum temerariæ pugnæ auctor, et ante publicanus, omnibus malis artibus et reipublicæ et societatibus infidus damnosusque. Sempronius consul in Lucanis multa prælia parva, haud ullum dignum memoratu, fecit: et ignobilia oppida Lucanorum aliquot expugnavit. Quo diutius trahebatur bellum, et variabant secundæ adversæque res non fortunam magis, quam animos, hominum; tanta religio, et ea magna ex parte externa, civitatem incessit, ut aut hominēs, aut Dii repente alii viderentur facti. nec jam in secreto modo atque intra parietes abolebantur Romani ritus; sed in publico etiam ac foro Capitolioque mulierum turba erat, nec sacrificantium, nec precantium Deos patrio more. Sacrificuli ac vates ceperant hominum mentes: quorum numerum auxit rustica plebs, ex incultis diutino bello infestisque agris egestate et metu in urbem compulsæ; et quæstus ex alieno errore facilis, quem velut ex concessæ artis usu exercebant. Primo secretæ bonorum indignationes exaudiebantur, deinde ⁴ ad Patres etiam et ad publicam querimoniam excessit res. Incusati

• T. 1. L. Gron. Cræv.

¹ *Ipsorum interim Sallentinorum]* Lege cum Alb. Rubenio: *Ipsorum interim et Sallentinorum. Ipsos intellige Tarentinos. GRONOVIVS.*

² *Anno priore]* Duobus ante annis, aut etiam amplius. Vid. supra l. XXIV. c. 1. et l. XXIII. c. 30. Sed hæc minuta negligit fere Livius.

³ *Societatibus]* Publicanorum.

⁴ *Ad Patres .. et ad publicam querimoniam, excessit res]* Eo excessit res, ut jam Patres in eam inquirere se debere existimarent, quererenturque de ea tanquam ad rempublicam pertinente. Hæc querimonia vocatur *publica*, tum quia non jam a privatis, sed a toto senatu proficiscebatur; tum quia ad reipublicæ decus tranquill-

graviter ab senatu ædiles ⁵ triumvirique capitales, quod non pro- U. C. 539.
hiberent, quum emovere eam multitudinem e foro, ac disjicere A. C. 213.
adparatus sacrorum conati essent, haud procul afuit, quin vio-
larentur. Ubi potentius jam esse id malum adparuit, quam ut
minores per magistratus sedaretur, ⁶ M. Atilio prætori urbis ne-
gotium ab senatu datum est, ut his religionibus populum libe-
raret. Is et in concione senatusconsultum recitavit, et edixit,
Ut, quicumque libros vaticinos precesationesve, aut artem sa-
cificandi conscriptum haberet, eos libros omnes literasque Coërcitæ a
ad se ante Kalendas Apriles deferret: neu quis, in publico senatu.
sacrove loco, novo aut externo ritu sacrificaret.

II. Et aliquot publici sacerdotes mortui eo anno sunt: L. Sacerdotes
Cornelius Lentulus pontifex maximus, et C. Papirius C. F. mortui et
Maso pontifex, et P. Furius Philus augur, et C. Papirius L. F. subjecti.
Maso decemvir sacrorum. In Lentuli locum M. Cornelius Ce-
thegus, in Papirii Cn. Servilius Cæpio, pontifices subfecti sunt.
augur creatus L. Quinctius Flaminius, decemvir sacrorum L.
Cornelius Lentulus. Comitiorum consularium jam adpetebat
tempus; sed, quia consules a bello intentos avocare non place-
bat, Ti. Sempronius consul comitiorum causa dictatorem dixit Dictator co-
C. Claudium Centhonem. ab eo magister equitum est dictus mitiorum
Q. Fulvius Flaccus. Dictator primo comitiali die creavit con- causa.
sules Q. Fulvium Flaccum, magistrum equitum, et Ap. Clau-
dium Pulchrum, cui Sicilia provincia in prætura fuerat. Tum
prætores creati Cn. Fulvius Flaccus, C. Claudius Nero, M. Ju-
nius Silanus, P. Cornelius Sulla. Comitibus perfectis, dictator
magistratu abiit. ⁷ Ædilis curulis fuit eo anno cum M. Corne- P. Corne-
lio Cethego P. Cornelius Scipio, cui post Africano fuit cogno- lius Scipio
men. huic petenti ædilitatem quum obsisterent tribuni plebis, ædilis.
negantes rationem ejus habendam esse, ⁸ quod nondum ad pe-

tatemque spectabat. Confer locum
plane geminum, l. IV. c. 30.

⁵ *Triumviri . . . capitales*] Hi ma-
gistratus erant suffragiis populi creati,
qui de maleficiis et sceleribus cognos-
cerent. Multum de eorum potestate
detractum est, constitutis circa an-
num urbis conditæ 608. quæstionibus
perpetuis. Tum enim de vilissimis
sepe hominibus, furibus servisque, ju-
dicavere ad columnam Mæniæ, de
qua frequens occurrit apud scriptores
mentio. Idem carceri præerant, et
supplicia de noxiis sumenda curabant.
Vid. Ascon. Pæd. in Divinat. et Pom-
pon. de Orig. Juris.

⁶ *M. Atilio prætori urbis*] Hic et
infra c. 3. legebatur *M. Æmilio*, et c.
12. *M. Æmilii*. Tribus his in locis
nomen M. Atilii reponendum curavit
Sigonius ex c. 41. l. XXIV. supra.

⁷ *Ædilis curulis fuit . . . cum M.
Cornelio Cethego P. Cornelius Scipio*
Aliter Polybius, qui l. X. scribit Sci-
pionem ædilem curulem fuisse cum
L. fratre majore.

⁸ *Quod nondum ad petendum legiti-
ma ætas esset*] Nondum quidem leges
Annales latæ erant. Sed nimirum jam
tum sancitum fuerat, ne quis ullum
urbanum magistratum caperet, ante-
quam dena stipendia emerita haberet:
quod suo ævo servari docet Polybius,
l. VI. n. 17. Porro decimo-septimo de-
cimo ætatis anno militiæ nomen da-
bant Romani. Itaque nullum pot-
erant magistratum urbanum gerere
ante annum ætatis vigesimum-septi-
mum. At Scipio tertio abhinc anno
quatuor et viginti tantum annos na-
tus esse dicetur, l. XXVI. c. 18.

U. C. 539. tendum legitima ætas esset: *Si me, inquit, omnes Quirites æ-*
 A. C. 213. *dilem facere volunt; satis annorum habeo.* Tanto inde fa-
 vore ad suffragium ferendum in tribus discursum est, ut tribuni
 repente incepto destiterint. Ædilitia largitio hæc fuit. Ludi
 Romani pro temporis illius copiis magnifice facti, et diem unum
 instaurati; et ⁹ congii olei in vicos singulos dati. L. Villius
 Tappulus^b et M. Fundanius Fundulus, ædiles plebei, aliquot
 matronas apud populum probri accusarunt: quasdam ex eis
 damnatas in exilium egerunt. Ludi plebei per biduum instau-
 rati; et ¹⁰ Jovis epulum fuit ludorum causa.

U. C. 540.
 A. C. 212.
 Q. Fulvio
 III. Ap.
 Claudio
 Coss.
 Provinciæ
 et exercitus
 divisi.

23. legioni-
 bus bellum
 gestum.

III. Q. Fulvius Flaccus tertium, Ap. Claudius consulatum
 ineunt. Et prætores provincias sortiti sunt; P. Cornelius Sulla
 urbanam et peregrinam, quæ duorum ante sors fuerat, Cn. Ful-
 vius Flaccus Apuliam, C. Claudius Nero Suessulam, ¹¹ M. Ju-
 nius Silanus Tuscos. Consulibus bellum cum Hannibale et
 binæ legiones decretæ: alter a Q. Fabio superioris anni consule,
 alter a Fulvio Centumalo acciperet. Prætorum, Fulvii Flacci,
 quæ Luceriæ sub Æmilio prætore; Neronis Claudii, quæ in
 Piceno sub C. Terentio fuissent, legiones essent. ¹² supplemen-
 tum in eas quisque scriberet sibi^c. M. Junio in Tuscos legio-
 nes urbanæ prioris anni datæ. Ti. Sempronio Graccho et P.
 Sempronio Tuditano imperium provinciæque ¹³ Lucani et Gal-
 liæ cum suis exercitibus prorogatæ: item P. Lentulo, qua vetus
 provincia in Sicilia esset; M. Marcello Syracusæ, et qua Hie-
 ronis regnum fuisset: T. Otacilio classis: Græcia M. Valerio:
 Sardinia Q. Mucio Scævola: Hispaniæ P. et Cn. Corneliis.
 Ad veteres exercitus duæ urbanæ legiones a consulibus scriptæ,
 summaque trium et viginti legionum eo anno effecta est. De-
 lectum consulum M. Postumii Pyrgensis cum magno pro-
 pe motu rerum factum impediit. Publicanus erat Postumius,
 qui multis annis parem fraude avaritiæque neminem in civitate
 habuerat, præter T. ^d Pomponium Veientanum, quem, populati-
 tem temere agros in Lucanis, ductu Hannonis prioris anno ce-

^b *Tapulus Crev.*

^d *T. l. L. Gron. Crev.*

^c *quisque scriberet sibi leg. ipsi scriberent sibi Ead.*

⁹ *Congii olei]* Quinæ libræ olei Pa-
 risienses cum unciis fere 14.

¹⁰ *Jovis epulum]* Epulum Jovi in
 Capitolio instructum et apparatus,
 quo scilicet sacerdotes vescerentur.

¹¹ *M. Junius Silanus Tuscos]* Egre-
 gia Sigonii emendatio. Scripti et editi
 ante eum, tum hoc loco, tum paulo
 infra, ubi legitur *M. Junio in Tuscos*,
 pro *Tuscos*, vel in *Tuscos* præferebant
inter consules vel *inter consuli*, vel
 aliud quid simile. Vidit ille hanc
 lectionem ex errore librariorum na-
 tam, qui scripserant *intus cos*. Quod
 qui omnibus litteris explicare volue-

runt, scripserunt *intus consules*, vel
consuli, et deinde *inter consules*.

¹² *Supplementum in eas ipsi scribe-
 rent sibi]* *Ipsi* intelligendi sunt præ-
 tores modo appellati: quorum in le-
 giones supplementum, non consules,
 ut mos erat, sed *ipsi* prætores scribere
 jubentur. Quod editi exhibent, *quis-
 que scriberet sibi*, nullus e MSS. tenet.
 Quamplurimi *ipse scriberet sibi*. Unus
 a Jac. Gronovio memoratus, et noster
 Victor. id habent quod edidimus.

¹³ *Lucani et Galliæ]* *Lege Gallia*,
 et intellige Cisalpinam. In alteram
 nondum Romani transcenderant.

perant Karthaginienses. Hi, ¹⁴ quia publicum periculum erat U. C. 540.
a vi tempestatis in iis, quæ portarentur ad exercitus, et ementiti A. C. 212.
erant falsa naufragia, et ea ipsa, quæ vera renunciaverant, ^{Postumii}
fraude ipsorum facta erant, non casu. in veteres quassasque na- ^{publicani,}
ves paucis et parvi pretii rebus inpositis, quum mersissent eas ^{fraus.}
in alto, exceptis in præparatas scaphas nautis, ¹⁵ multiplices
fuisse merces ementiebantur. Ea fraus indicata M. Atilio præ-
tori priore anno fuerat, ac per eum ad senatum delata, nec ta-
men ullo senatusconsulto notata: quia Patres ordinem publica-
norum in tali tempore offensum nolebant. Populus severior
vindex fraudis erat; excitatique tandem duo tribuni plebis Sp.
et L. Carvili, quum rem invisam infamemque cernerent, ¹⁶ du-
centum millium æris multam M. Postumio dixerunt. ¹⁷ cui cer-
tandæ quum dies advenisset, conciliumque tam frequens plebis ^{Multam ei}
adesset, ut multitudinem area Capitolii vix caperet; perorata ^{dicunt duo}
caussa, spes una videbatur esse, si C. Servilius Casca tribunus ^{Tr. Pl.}
plebis, qui propinquus cognatusque Postumio erat, prius, quam
ad suffragium tribus vocarentur, intercessisset. Testibus datis,
tribuni populum submoverunt; sitellaque adlata est, ¹⁸ ut sorti-
rentur, ubi Latini suffragium ferrent. Interim publicani Cas-
cæ instare, ¹⁹ ut concilio diem eximeret. populus reclamare: et
forte ²⁰ in cornu primus sedebat Casca, cui simul metus pudor-
que animum versabat. Quum in eo parum præsidii esset, tur- ^{Publicano-}
bandæ rei causa ²¹ publicani per vacuum in submoto locum ^{rum auda-}
cuneo iruperunt, iurgantes simul cum populo tribunisque. ^{cia.}
Nec procul dimicatione res erat, quum Fulvius consul tribunis,

¹⁴ *Quia publicum periculum erat a vi tempestatis*] Vid. not. 26. ad l. XXIII. c. 49. supra.

¹⁵ **Multiplices*] Multo ampliores, et majoris pretii rerum.

¹⁶ *Ducentum millium æris*] Si intelligamus æs grave, ut fieri debere credimus, ducenta millia æris æstimanda sunt marcis argenti Paris. 312. cum uncis 4.

¹⁷ *Cui certandæ*] Tum multa certabatur, quum disceptabatur apud populum, jurene an injuria multa dicta esset a magistratu. Magistratus enim multare non poterat quemquam, sed multam pronunciare, quam deinde populus vel juberet, vel remitteret.

¹⁸ *Ut sortirentur, ubi Latini*] Campanus edidit, *ubi laturi*. Locus est corruptus. Nulli nisi cives Romani ferebant suffragium in comitiis. Nullus civis Romanus non ad unam e quinque et triginta tribubus pertinebat. Itaque qui Latini cives Romani erant, quum suam haberent certam tribum, nihil opus erat sortiri, qua in

tribu suffragium laturi essent. Hinc recte videtur Gronovius emendare, *ut sortirentur tribus*, nempe, quæ esset prærogativa, ac dein suffragium ferrent. Gruchius tamen vulgatam lectionem utcunque tueri et exponere conatur l. II. de Com. Rom. c. 3. extremo: at nobis quidem certe non probat.

¹⁹ *Ut concilio diem eximeret*] Ut hunc diem concilio, sive comitiis impendi vetaret, nempe intercedendo. *Diem* quoque sæpe aliquis dicendo *eximebat*, sive *tollebat*, (utroque enim verbo utebantur) si perpetua oratione diem consumeret.

²⁰ **In cornu*] In extremo et maxime prominente Rostrorum angulo.

²¹ *Publicani per vacuum*] Publicani conglobati et cuneo facto iruperunt per locum, in ea parte unde populus summotus erat, vacuum. Tribuni populum summovent, ut supra memoratum est. Itaque aliquid erat vacui intervalli tribunos inter et plebem. Eo publicani iruperunt.

U. C. 540. *Nonne videtis, inquit, ²² vos in ordinem coactos esse, et rem*
 A. C. 212. *ad seditionem spectare, ni propere dimittitis plebis concilium?*

IV. Plebe dimissa, senatus vocatur, et consules referunt de concilio plebis turbato vi atque audacia publicanorum. *M. Furium Camillum, cujus exsilium ruina urbis secuta fuerit, damnari se ab iratis civibus passum esse. Decemviros ante eum, quorum legibus ad eam diem viverent, multos postea principes civitatis, judicium de se populi passos. Postumium Pyrgensem ²³ suffragium populo Romano^{*} extorsisse, concilium plebis sustulisse, tribunos in ordinem coëgisse, contra populum Romanum ²⁴ aciem instruxisse[†], locum occupasse, ut tribunos a plebe intercluderet, tribus in suffragium vocari prohiberet. Nihil aliud a cæde ac dimicatione continuisse homines, nisi patientiam magistratuum, quod cesserint in præsentia furori atque audaciæ paucorum, vincique se ac populum Romanum passi sint: et comitia, quæ reus vi atque armis prohibiturus erat, ne causa quærentibus dimicationem daretur, voluntate ipsius sustulerint.*

²⁵ *Hæc quum ab optimo quoque pro atrocitate rei acta^{*} essent, vimque eam contra rempublicam et pernicioso exemplo factam, senatus decreset; confestim Carvili tribuni plebis, omissa multæ certatione, rei capitalis diem Postumio dixerunt: ac, ni vades daret, prehendi a viatore, atque in carcerem duci jusserunt. Postumius, vadibus datis, non adfuit. Tribuni plebem rogaverunt, plebesque ita scivit: Si M. Postumius ante Kalendas Maias non prodisset, citatusque eo die non respondisset, neque excusatus esset, ²⁶ videri eum in exilio esse: bonaque ejus venire, ²⁷ ipsi aqua et igni placere interdici. Singulis deinde eorum, qui turbæ ac tumultus concitatores fuerant, rei capitalis diem dicere, ac vades poscere cœperunt. Primo non dantes,*

Rei capitalis dies Postumio dicitur a Tr. Pl.

In exilium ipse et alii aliquot abeunt.

^{*} Romano l. per vim Gron. Crev.
^{*} jacta Gron.

[†] instruxisse l. introduxisse Gron.

²² *Vos in ordinem coactos esse]* Vid. not. 52. ad c. 35. l. III.

²³ *Suffragium populo per vim extorsisse]* Scripti omittunt *et per vim*. Duo vel optimi habent *populo R.* id est, Romano: quæ vera lectio videtur: et eodem alludunt ceteri, qui fere habent *populorum*. Legamus ergo: *suffragium populo Romano extorsisse*. Est aliqua emphasis in nomine populi Romani hic expresso. Sic paulo infra, *contra populum Romanum aciem instruxisse*.

²⁴ *Aciem instruxisse]* Sic plane Vict. codex. Et firmannt optimi e Gronovianis, qui una tantum littera decurtati præferunt *intruxisse*. Vulgatum *introduxisse* minus hoc loco proprium est.

²⁵ *Hæc quum .. acta essent]* Gronovius contra scriptos et editos legi jussit *jacta*. Nobis hæc mutatio necessaria non visa est.

²⁶ *Videri]* Hæc erat apud Romanos formula ferendæ in reum sententiæ. Cic. l. V. in Verr. n. 14. *Fecisse videri pronuntiavit*. Vid. et not. 48. ad XXXIV. 44. infra.

²⁷ *Ipsi aqua et igni interdici]* Nulla lege apud Romanos maleficium exilio multabatur. Vid. Cic. pro A. Cæcina, n. 100. At mos erat aqua et igni interdiciere sontibus, ut earum rerum usu interdicto, sine quibus vita hominum constare non potest, damnati exulare cogerentur. Quibus igitur aqua et igni interdictum erat, ii exules erant, et civitatem amittebant.

deinde etiam eos, qui dare possent, in carcerem conjiciebant: U. C. 540; cujus rei periculum vitantes plerique in exsilium abierunt. A. C. 212.

V. Hunc fraus publicanorum, deinde fraudem audacia protegens, exitum habuit. ²⁸ Comitia inde pontifici maximo creando sunt habita. ²⁹ Ea comitia novus pontifex M. Cornelius Cethegus habuit. Tres ingenti certamine petierunt: Q. Fulvius Flaccus consul, qui et ante bis consul et censor fuerat: et T. Manlius Torquatus, et ipse duobus consulatibus et censura insignis: et P. Licinius Crassus, qui et ædilitatem curulem petiturus erat. hic senes honoratosque juvenis in eo certamine vicit ^b. Ante hunc, intra centum annos et ⁱ viginti, nemo præter P. Cornelium Calussam, pontifex maximus creatus fuerat, qui sella curuli non sedisset. Consules quum ægre delectum conficerent, quod inopia juniorum non facile in utrumque, ut et novæ urbanæ legiones, et supplementum veteribus scriberetur, ^{Delectuum} sufficiebat; senatus *absistere eos incepto* vetuit, et ^{difficultas.} ³⁰ *triumviros binos creari jussit: alteros, qui citra, alteros, qui ultra* ³¹ *quingagesimum lapidem in pagis, ³² forisque, et conciliabulis omnem copiam ingenuorum inspicerent: et, si qui roboris satis ad ferenda arma habere viderentur, etiamsi nondum militari ætate essent, milites facerent. Tribuni plebis, si iis videretur, ad populum ferrent, ut, qui minores septem et decem annis sacramento dixissent, iis perinde stipendia procederent, ac si septem et decem annorum, aut majores, milites facti essent.* Ex hoc senatusconsulto creati triumviri bini conquisitionem ingenuorum per agros habuerunt. Eodem tempore ex Sicilia literæ M. Marcelli de postulatis militum, qui cum P. Lentulo militabant, in senatu recitatæ sunt. Can- ^{Legati Can-} nensis reliquæ cladis hic exercitus erat, relegatus in Siciliam, ^{nensis exer-} ^{citus ad} ^{Marcellum.}

^b devicit Gron. Crev.

ⁱ et del. Gron.

²⁸ *Comitia . . pontifici maximo creando]* L. Lentulus duobus sacerdotibus præditus fuerat, pontificatu, et pontificatu maximo. In ejus mortui locum Cethegus pontifex factus fuerat: hic pontifex maximus ipsi sufficitur. SIGON.

²⁹ *Ea comitia novus pontifex]* Grævius horum Livii verborum hunc esse sensum putat, Proleg. ad Tom. V. Thes. Ant. Rom. ut Cethegus collegi pontificum nomine petierit, ut comitia haberentur. Etenim, inquit, nusquam alibi, quam hic, legitur a pontifice habita fuisse comitia pontifici maximo creando, quum tot in aliis locis commemoretur comitia illa habuisse consules. Doctissimo viro eatenus assentiendum putamus, ut hæc comitia a consulibus, si quis vere

ac proprie loquatur, habita fuisse judicemus. Sed verba Livii aliquid amplius postulant, quam id quod eis ille tribuit. Fortasse in illis comitiis quæ pontifici maximo creando habebantur, fuit aliquod pontificum munus, aliquid ab ipsis peragendum; ut, etiam si minus proprie, aliquo tamen modo comitia illa habuisse dici possent.

³⁰ *Triumviros binos]* Duplex collegium triumvirorum.

³¹ *Quingagesimum lapidem]* Quingagesimum ab urbe milliarium.

³² *Forisque et conciliabulis]* Fora sunt oppidula, in quibus conventus negotiandi et nundinandi causa habebantur, ubi etiam jus dicebatur. In *conciliabulis* quoque jus dicebatur; at ea tamen *foris* inferiora erant. Vid. Turn. l. 1. Advers. c. 11.

U. C. 540. sicut ante dictum est, ne ante Punici belli finem in Italiam re-
A. C. 212. portaretur.

Eorum ora-
tio.

VI. Hi permissu Lentuli primores equitum centurionumque, et robora ex legionibus peditum, legatos in hiberna ad M. Marcellum miserunt, e quibus unus, potestate dicendi facta, Consullem, inquit, te, M. Marcellè, in Italiam adissemus, quum primum de nobis, etsi non iniquum, certe triste senatusconsultum factum est: nisi hoc sperassemus, in provinciam nos morte regum turbatam ad grave bellum adversus Siculos simul Pænosque mitti: et sanguine nostro ³³ vulneribusque nos ^k ³⁴ senatui^l satisfacturos esse: sicut patrum memoria, ³⁵ qui capti a Pyrrho ad Heracleam erant, adversus Pyrrhum ipsum pugnantes satisfecerunt. Quamquam quod ob meritum nostrum succensuistis, Patres conscripti, nobis, aut succensetis? Ambo mihi consules et universum senatum intueri videor, quum te, M. Marcellè, intueor: quem si ad Cannas consulem habuissemus, melior et reipublicæ et nostra fortuna esset. Sine, quæso, priusquam de conditione nostra queror, noxam, cujus arguimur, nos pargare. Si non Deum ira, nec fato, cujus lege immobilis rerum humanarum ordo ³⁶ seritur, sed culpa perimus ad Cannas, cujus tandem ea culpa fuit? militum, an imperatorum? Equidem miles nihil unquam dicam de imperatore meo, cui præsertim gratias sciam ab senatu actas, quod non desperaverit de re publica; cui post fugam ab Cannis per omnes annos prorogatum imperium. Ceteros item ex reliquiis cladis ejus, quos tribunos militum habuimus, honores petere et gerere, et provincias obtinere audivimus. An vobis vestrisque liberis ignoscitis facile, Patres conscripti, in hæc vilia capita sævi? et consuli primoribusque aliis civitatis fugere, quum spes alia nulla esset, turpe non fuit; milites utique morituros in aciem misistis? Ad Alliam prope omnis exercitus fugit: ad Furculas Caudinas, ne

^k nos l. nostris nos Crev.

^l senatui l. patriæ Gron.

33 *Vulneribusque nostris senatui satisfacturos esse*] Hæc est ipsissima scriptura codicis Teller. in qua hoc unum minus placet quod *et nostris* necessarium non est, et melius abesset. De voce *senatui* minime dubitare nos sinit tota orationis mens, quæ ad Patres dirigitur, Patres implorat, apud Patres purgare crimina nititur, tanquam eos solos cum quibus sibi rem esse milites existiment. Hanc emendationem Bentleius conjectura præceperat, ad Horat. Od. III. 6. Gronovius, quia aliquot scripti præferunt *nostratui*, inde effecerat *nos patriæ*. Sed conjecturæ, etsi non improbabilis, scriptam lectionem, et auctoritatem, et sensum potiore, anteponendam

duximus. Jac. Gronovius emendabat parum feliciter *nos reatui*.

34 * *Senatui*] A quo scilicet damnati et relegati in Siciliam sumus.

35 * *Qui capti a Pyrrho ad Heracleam erant*] Vid. supra XXII. 59. et ibi not. 97.

36 * *Seritur*] Connectitur, catenam quandam efficiens a principiis rerum causisque ad exitus pertinentem. Verbum *sero* duplex est, ut jam observavimus in not. 15. ad VII. 2. unum, a quo fluunt *sevi*, *satum*, quod nihil hoc pertinet: alterum quod flectitur per *serui*, *sertum*, et idem fere est, quod *jungo*, *necto*. Ab hoc posteriore pendet hoc loco *et seritur*.

expertus quidem certamen, arma tradidit hosti, ut alias pudenda clades exercituum taceam: tamen tantum affuit ab eo, ut ulla ignominia iis exercitibus quaereretur, ut et urbs Roma per eum exercitum, qui ab Allia Veios transfugerat, reciperaretur; et Caudinae legiones, quæ sine armis redierant Romam, armata remissa in Samnium, eundem illum hostem sub jugum miserint, qui hac sua ignominia lætatus fuerat. Cannensem vero quisquam exercitum fugæ aut pavoris insimulare potest, ubi plus quinquaginta millia hominum ceciderunt? unde consul cum equitibus septuaginta fugit? unde nemo superest, nisi quem hostis cædendo fessus reliquit? Quum captivis redemptio negabatur, nos vulgo homines laudabant, quod reipublicæ nos reservassemus: quod ad consulem Venusiam redissemus, et speciem iusti exercitus fecissemus. Nunc deteriore conditione sumus, quam apud patres nostros fuerant captivi.³⁷ quippe illis arma tantum atque ordo militandi, locusque, in quo tenderent in castris, est mutatus: quæ tamen, semel navata reipublicæ opera, et uno felici prælio, recuperarunt. Nemo eorum relegatus in exilium est: nemini spes emerendi stipeudia adempta: hostis denique est datus, cum quo dimicantes, aut vitam semel, aut ignominiam finirent. Nos, quibus (nisi quod commisimus, ut quisquam ex Cannensi acie miles Romanus superesset) nihil obijci potest, non solum a patria procul Italiæque, sed ab hoste etiam, relegati sumus. ubi senescamus in exilio, ne qua opes^m, ne qua occasio abolendæ ignominia, ne qua placandæ civium iræ, ne qua denique bene moriendi sit. Neque ignominia finem, nec virtutis præmium petimus; modo experiri animum, et virtutem exercere liceat. laborem et periculum petimus, ut virorum, ut militum officio fungamur. Bellum in Sicilia jam alterum annum ingenti dimicatione geritur: urbes alias Pænus, alias Romanus expugnat: ³⁸ peditum, equitum acies concurrunt: ad Syracusas terra marique res geritur: clamorem pugnantium crepitumque armorum exaudimus resides ipsi ac segnes, tamquam nec manus, nec arma habeamus. Servorum legionibus Ti. Sempronius consul toties jam cum hoste signis conlatis pugnavit. Operæ pretium habent, libertatem civitatemque. ³⁹ Pro servis saltem ad hoc bellum emtis vobis simus. congregari cum hoste liceat, et pugnando quaerere libertatem. Vis tu mari, vis terra, vis acie, vis

^m opes l. spes Gron. Crev.

37 * Quippe illis arma tantum] Hic designatur poena iis captivis quos Pyrrhus reddiderat a senatu injuncta. Decreverunt, inquit Val. Max. l. II. c. 7. ut . . . qui equo meruerant, peditum numero militarent; qui pedites fuerant, in funditorum auxilia transcriberentur. Sic arma illis, et ordo militandi mutatus. Locum in quo tenderent,

non mutatum in castris scribit Valerius, sed assignatum extra castra.

38 Peditum, equitum acies concurrunt] Vulgo peditum et equitum. Put. liber ignorat copulativam: qua detracta vividior fit oratio.

39 Pro servis . . . emptis vobis simus] Sic vere Salmasius. Antea: pro servis . . . emptis nobis simul.

U. C. 540. *urbibus obpugnandis experiri virtutem? asperrima quæque*
 A. C. 212. *ad laborem periculumque deposcimus, ut, quod ad Cannas faciundum fuit, quamprimum fiat; quoniam, quidquid postea viximus, id omne destinatum ignominia est.*

Ad senatum rejiciuntur.

Senatus se-
 veritas.

Obsides Ta-
 rentini Ro-
 ma fugiunt.

VII. Sub hæc dicta ad genua Marcelli procubuerunt. Marcellus id nec juris, nec potestatis suæ esse dixit. senatui scripturum se, omniaque de sententia Patrum facturum esse. Hæc litteræ ad novos consules adlatæ, ac per eos in senatu recitatæ sunt: consultusque de his literis ita decrevit senatus: *Militibus, qui ad Cannas commilitones suos pugnantes deseruissent, senatum nihil videre, cur respublica committenda sit. Si M. Claudio proconsuli aliter videretur, faceret, quod e republica fideque sua duceret: ⁴⁰ dum ne quis eorum munere vacaret, neu dono militari virtutis ergo donaretur, neu in Italiam reportaretur, donec hostis in terra Italia esset.* Comitia deinde a prætore urbano de senatus sententia plebisque scitu sunt habita: quibus creati sunt quinqueviri muris turribusque reficiendis: et triumviri bini; uni ⁴¹ sacris conquirendis, donisque persignandis; alteri reficiendis ædibus Fortunæ et matris Matutæ intra portam Carmentalem, sed et Spei extra portam, quæ priore anno incendio consumptæ fuerant. Tempestates foedæ fuere. In Albano monte biduum continenter lapidibus pluit, tacta de cælo multa: duæ in Capitolio ædes: vallum in castris multis locis supra Suessulam, et duo vigiles exanimati. murus turresque quædam Cumis non ictæ modo fulminibus, sed etiam decussæ. Reate saxum ingens visum volitare: sol rubere solito magis, sanguineoque similis. Horum prodigiorum causa diem unum supplicatio fuit, et per aliquot dies consules rebus divinis operam dederunt: et per eosdem dies sacrum novemdiale fuit. Quum Tarentinorum defectio jam diu et in spe Hannibali, et in suspitione Romanis esset, causa forte extrinsecus maturandæ ejus intervenit. Phileas Tarentinus, diu jam per speciem legationis Romæ quum esset, vir inquieti animi, et minime otium, quo tum diutino senescere videbatur, patientis, aditum sibi ad obsides Tarentinos invenit. Custodiebantur in atrio Libertatis minore cura, quia nec ipsis, nec civitati eorum fallere Romanos expediebat. Hos, crebris colloquiis sollicitatos, corruptis ædituis duobus, quum primis tenebris custodia eduxisset, ipse comes occulti itineris factus profugit. Luce prima vulgata per urbem fuga est: mis-

⁴⁰ *Dum ne quis eorum munere vacaret*] *Munus* hic est onus militare, quale est, lignum, fœnum, stramen, aquam in castra portare, &c. . Iis autem oneribus vacare quibusdam militibus virtutis ergo dabatur. Has etiam vacationes interdum pecunia a centurionibus redimere solitos esse milites docet Tac. l. I. Ann. c. 17. et

alibi sæpius.

⁴¹ *Sacris conquirendis, donisque persignandis*] Conquirendis sacris, quæ fuerant in ædibus de quibus infra, priore anno incendio absumptis. *Donis persignandis*, id est, recognoscendis et in tabulas publicas referendis donis, quæ eorundem templorum forent.

sique, qui sequerentur, ab Tarracina comprehensos omnes re- U. C. 540.
traxerunt. ⁴² deducti in comitio, virisque, adprobante populo, A. C. 212.
cæsi de saxo dejiciuntur.

VIII. Hujus atrocitas. poenæ ⁴³ duarum nobilissimarum in Italia Græcarum civitatum animos irritavit, ⁴⁴ quum publice, tum etiam singulos privatim, ut quisque tam foede interemtus aut propinquitatem, aut amicitia contingebat. Ex iis tredecim fere nobiles juvenes Tarentini conjuraverunt, quorum principes Nico et Philemenus erant. Hi, prius, quam aliquid moverent, ^{Conjuratio Tarenti.} conloquendum cum Hannibale rati, nocte per speciem venandi urbem * egressi, ad eum proficiscuntur. et, quum haud procul castris abessent, ceteri silva prope viam sese occuluerunt: Nico et Philemenus, progressi ad stationes comprehensique, ultro id petentes, ad Hannibalem deducti sunt. Qui quum et causas consilii sui, et quid pararent, exposuissent; conlaudati, oneratique promissis, jubentur, ut fidem popularibus facerent, ⁴⁵ prædandi causa se urbe egressos, pecora Karthaginensium, quæ pastum propulsa essent, ad urbem agere. tuto ac sine certamine id facturos, promissum est. Conspecta ea præda juvenum est: minusque, iterum ac sæpius id eos audere, miraculo fuit. Congressi cum Hannibale rursus, fide sanxerunt, liberos Tarentinos leges suaque omnia habituros, neque ullum vectigal Pœno pensuros, præsidiumve invito recepturos: prodita præsidia Karthaginensium fore. Hæc ubi convenerunt, tunc vero Philemenus consuetudinem nocte egrediendi redeundique in urbem frequentiore facere: (et erat venandi studio insignis) canesque et alius adparatus sequebatur; captumque ferme aliquid, aut ab hoste ex præparato ablatum reportando, donabat aut præfecto, aut custodibus portarum. nocte maxime commeari propter metum hostium, credebant. Ubi jam eo consuetudinis adducta res est, ut, quocumque noctis tempore sibilo dedisset signum, porta aperiretur, tempus agendæ rei Hannibali visum est. Tridui viam aberat: ubi, quo minus mirum esset, uno eodemque loco stativa eum tamdiu habere, ægrum simulabat. Romanis quoque, qui in præsidio Tarenti erant, suspecta esse jam segnis mora ejus desierat.

* tum Gron.

* urbe Gron. Crev.

⁴² *Deducti in comitio*] Legendum videtur: *reducti, virisque in comitio, populo approbante, cæsi.*

⁴³ *Duarum . . Græcarum civitatum*] Tarentinorum, de quorum defectione statim agitur: Thurinorum, de quibus infra, c. 15.

⁴⁴ *Cum publice*] Levicula res est. Sed tamen quum, Gronovio teste, tres bonæ notæ scripti habeant *cum*, illis obtemperandum esse duximus,

potius quam vulgatis, in quibus legitur *tum publice.*

⁴⁵ *Prædandi causa se urbe egressos*] Supra dicuntur hi juvenes *nocte per speciem venandi egressi.* Infra de venatione iterum sermo est. Itaque intelligendum est eos significasse portarum custodibus se in utrumque paratos exire, ut et venarentur, et, si daretur occasio, ex hoste prædas agerent.

U. C. 540.
A. C. 212.
Hannibal it
Tarentum
versus.

IX. Ceterum postquam Tarentum ire constituit, decem milibus peditum atque equitum, quos ⁴⁶ in expeditione velocitate corporum ac levitate armorum aptissimos esse ratus est, electis, quarta vigilia noctis signa movit. præmissisque octoginta fere Numidis equitibus præcepit, ut discurrerent circa vias, perlustrarentque omnia oculis, ne quis agrestium p̄tocol spectator agminis falleret; prægressos retraherent, obvios occiderent, ut prædonum magis, quam exercitus, adcolis species esset. ipse, ⁴⁷ raptim agmine acto, quindecim ferme millium spatio castra ab Tarento posuit: et, ne ibi quidem ⁴⁸ nunciato, quæ pergerent, tantum convocatos milites monuit, via omnes irent; nec diverti quemquam, aut excedere ordinem agminis paterentur, et in primis intenti ad imperia accipienda essent; neu quid nisi ducum jussu facerent: se in tempore editurum, quæ vellet agi. Eadem ferme hora Tarentum fama pervenerat, Numidas equites paucos populari agros, terroremque late agrestibus injecisse. Ad quem nuncium nihil ultra motus præfectus Romanus, quam ut partem equitum postero die luce prima juberet exire ad arandum populationibus hostem. ⁴⁹ in cetera adeo nihil ob id intenta cura est, ut contra pro argumento fuerit illa procursatio Numidarum, Hannibalem exercitumque castris non movisse. Hannibal ⁵⁰ concubia nocte movit. dux Philemenus erat, cum solito captæ venationis onere. ceteri proditores ea, quæ composita erant, exspectabant. Convenerat autem, ut Philemenus, portula adsueta venationem inferens, armatos induceret: parte alia portam Temenida adiret Hannibal. ⁵¹ Ea mediterranea regione orientem spectabat. aliquantum intra mœnia includun-

⁴⁶ *In expeditione*] Magis placeret, in expeditionem . . aptissimos.

⁴⁷ *Raptim agmine acto*] Olim facto. Sigonius correxit.

⁴⁸ *Nunciato, quo pergerent*] Primo melius videretur *pergeret*. Deinde nunciamus ea fere quæ vidimus, audivimus, aut aliunde didicimus. Enunciamus quum cetera arcana, tum animi nostri consilia. Videtur igitur legendum, *enunciato quo pergeret*. Plancus apud Cic. ep. 8. l. X. ad Fam. *Optimæ mentis cogitata jampridem, maturo tempore enunciare*. Hæc fere Perizonius. Vid. et not. 53. ad l. IX. c. 16. supra.

⁴⁹ *In cetera adeo nihil ob id intenta cura est*] Locus hic pridem corruptus erat. Sic enim legebatur: *Interea adeo nihil obedienter curatum est. In cetera et cura est sunt a scriptis; reliqua emendatio, a sagaci Lipsii conjectura.*

⁵⁰ *Concubia nocte*] *Concubium*, sive

concubia nox, est illud noctis tempus, quum primum omnes fere cubile ac somnus habet. Vid. Macrobi. l. I. Sat. c. 3. Polybius, cujus e libro VIII. totam hanc Tarentinæ defectionis narrationem sumpsit Livius, Annibalem movisse dicit *νύκτας ἀπὸ τοῦ πρῶτου*, quod quidem potuisset verti, *primis intenditibus se tenebris*.

⁵¹ *Ea mediterranea . . . aliquantum*] Locus corruptus. Polybius auctor est, ad eam portam de qua hic agitur, intra mœnia fuisse sepulcra Tarentinorum, ad quæ Nico sedere debebat Annibalem expectans. De iis sepulcris hic mentionem fecisse Livium, probabiliter omnino suspicantur Sigonius et uterque Gronovius, qui varie hunc locum reflexerunt. Nihil melius videtur, quam si legas: *Ea mediterranea regione Orientem spectat, ad busta quæ intra mœnia includuntur.*

tur^P. Quum portæ adpropinquaret, editus ex composito ignis ab Hannibale est, refulsitque. idem redditum ab Nicone signum: extinctæ deinde utrimque flammæ sunt. Hannibal silentio ducebat ad portam. Nico ex improviso⁵² adortus sopitos vigiles in cubilibus suis obtruncat, portamque aperit. Hannibal cum peditum agmine ingreditur, equites subsistere jubet: ut, quo res postulet, obcurrere libero campo possent. Et Philemenus portulæ parte alia, qua commeare adsuerat, adpropinquabat. nota vox ejus et familiare jam signum quum excitasset vigilem, dicentis, vix sustinere grandis bestię onus, portula aperitur. inferentes aprum duos juvenes secutus ipse cum expedito venatore, vigilem, incautius miraculo magnitudinis in eos, qui ferebant, versum, venabulo trajicit. ingressi deinde triginta fere armati, ceteros vigiles obtruncant, refringuntque portam proximam: et agmen sub signis confestim inrupit. inde cum silentio in forum ducti, Hannibali sese conjunxerunt,⁵³ Cum duobus millibus Gallorum Pœnus, in tres divisas partes, per urbem dimittit⁵⁴ Tarentinos, et itinera quam maxime frequentia occupare jubet: tumultu orto, Romanos passim cœdi, oppidanis parci. sed, ut fieri id posset, præcipit juvenibus Tarentinis, ut, ubi quem suorum procul vidissent, quiescere et silere, ac bono animo esse juberent.

X. Jam tumultus erat clamorque, qualis esse in capta urbe solet: sed, quid rei esset, nemo satis pro certo scire. Tarentini Romanos ad diripiendam urbem credere coortos: Romanis seditio aliqua cum fraude videri ab oppidanis mota.⁵⁵ Præfectus primo excitatus tumultu, in portum effugit: inde, acceptus scapha, in arcem circumvehitur. Terrorem et tuba audita ex theatro faciebat. nam et Romana erat, a proditoribus ad hoc ipsum præparata: et inscienter a Græco inflata, quis, aut quibus signum daret, incertum efficiebat. Ubi inluxit, et Romanis Punica et Gallica arma cognita,⁵⁶ tum dubitationem emerunt: et Græci, Romanos passim cæde stratos cernentes, ab Hannibale captam urbem senserunt. Postquam lux certior erat, et Romani, qui cœdibus superfuerant, in arcem confugerant, conticescebatque paullatim tumultus, tum Hannibal Tarentum

Tarentum
ingreditur
Hannibal.

Romani in
arcem con-
fugiunt.

^P includitur Gron.

⁵² *Adortus sopitos*] Pro *adortus*, vulgo editi habebant *ad portas*. Mutavit Gronovius ex optimo codice, qui præfert *adportus*.

⁵³ *Cum duobus millibus*] Hunc locum correxit partim ex libris, partim ex conjectura Gronovius. MSS. habent: *Tum duo millia Gallorum in tres divisas* (quidam *divisas*) *partes per urbem dimittit Tarentinos et infra quam maxime frequentia*.

⁵⁴ *Tarentinos*] Intellige quosdam ex conjuratis, ut disertis verbis docet Polybius.

⁵⁵ *Præfectus primo excitatus tumultu*] Polybius narrat eum hesterno gravatum mero tum maxime crapulam edormisse. De nomine ejus vid. not. 95. ad l. XXIV. c. 20. supra.

⁵⁶ *Tum dubitationem*] Vacat particula *tum*.

U. C. 540. A. C. 212. Hannibal benigne Tarentinos adloquitur. Tarentinos sine armis ⁵⁷ convocare jubet. Convenere omnes, præterquam qui, cedentes in arcem, Romanos ad omnem adeundam simul fortunam prosecuti fuerant. Ibi Hannibal, benigne adlocutus Tarentinos, testatusque, quæ præstitisset civibus eorum, quos ad Trasimenum aut ad Cannas cepisset, simul in dominationem superbam Romanorum invectus, recipere se in domos suas quemque jussit, et foribus nomen suum inseribere: se domos eas, quæ inscriptæ non essent, signo extemplo dato, diripi jussurum. Si quis in hospitio civis Romani (⁵⁸ vacuas autem tenebant domos) nomen inscripsisset, eum se pro hoste habiturum. Concione dimissa, quum titulis notatæ fores discrimen pacatæ ab hostili domo fecissent, signo dato, ad diripienda hospitia Romana passim discursum est. et fuit prædæ aliquantum.

Arx ab urbe vallo intersepitur. XI. Postero die ad obpugnandam arcem ducit: ⁵⁹ quam quum et mari, quo in peninsulæ modum pars major circumluitur, præaltis rupibus, et ab ipsa urbe muro et fossa ingenti septam videret, eoque nec vi, nec operibus expugnabilem esse; ne aut se ipsum cura tuendi Tarentinos a majoribus rebus moraretur; aut in relictos sine valido præsidio Tarentinos inpetum ex arce, quum vellet, Romani facerent, vallo urbem ab arce intersepi-
re statuit: non sine illa etiam spe, cum prohibentibus opus Romanis manum posse conseri; et, si ferocius procucurrissent, magna cæde ita adtenuari præsidii vires, ut facile per se ipsi Tarentini urbem ab iis tueri possent. Ubi cœptum opus est, patefacta repente porta, in munientes inpetum fecerunt Romani: pellicue se statio passa est, quæ pro opere erat, ut successu cresceret audacia, ⁶⁰ pluresque et longius pulsos persequerentur. Tum signo dato coorti undique Pœni sunt, quos instructos ad hoc Hannibal temperat; nec sustinere inpetum Romani, sed ab effusa fuga loci angustiae eos, inpeditaque alia opere jam cœpto, alia adparatu operis, morabantur. plurimi in fossam præcipitavere, occisique sunt plures in fuga, quam in pugna. Inde et opus nullo prohibente fieri cœptum. Fossa ingens ducta, et vallum intra eam erigitur: modicoque post intervallo murum etiam eadem regione addere parat, ut vel sine præsidio tueri se adversus Romanos possent. Reliquit tamen modicum præsidium, ⁶¹ ut simul in faciendo muro adjuvaret. ipse, pro-

⁵⁹ *prosequerentur* Gron. Crev.

⁵⁷ *Convocare jubet*] Lege ex vetere Mureti libro *convocari*.

⁵⁸ *Vacuas autem tenebant domos*] *Vacuas domos*, id est, proprias, in quibus soli habitarent, non permisti cum Tarentinis civibus. Ceterum scripti habuere *tenebat*. Emendavit Lipsius.

⁵⁹ *Quam quum et mari*] Lege cum Gronovio *et a mari*. Intelligendum

est, arcem ab ea parte qua mari aluebatur, rupibus septam fuisse; ab urbe, muro et fossa.

⁶⁰ *Pluresque et longius pulsos persequerentur*] Majorque numerus Romanorum persequerentur pulsos Pœnos, et longius ab arce excurrerent.

⁶¹ *Ut simul in faciendo*] Reliquit Annibal modicam militum manum,

fectus cum ceteris copiis, ad Galsesum • flumen (quinque millia U. C. 540. ab urbe abest) posuit castra. Ex iis stativis regressus ad inspi- A. C. 212. ciendum opus (quod aliquantum opinione ejus celerius creverat) spem cepit, etiam arcem expugnari posse. ⁶² Et est non al- Hannibal titudine, ut cetera, tuta, sed loco plano posita, et ab urbe muro arcem ob- tantum ac fossa divisa. Quum jam machinationum omni ge- pugnatur. nere et operibus obpugnaretur, missum a Metaponto praesidium Romanis fecit animum, ut nocte ex improviso opera hostium invaderent. Alia disjecerunt, alia igni conruperunt. isque finis Hannibali fuit ea parte arcem obpugnandi. Reliqua erat in obsidione spes, nec ea satis efficax, quia arcem tenentes, quae in peninsula posita imminet faucibus portus, mare liberum habebant: urbs contra exclusa maritimis com meatibus, propiusque inopiam erant obsidentes, quam obsessi. Hannibal, convocatis principibus Tarentinorum, omnes praesentes difficultates exposuit: *neque arcis tam munitae expugnandae viam cernere, neque in obsidione quidquam habere spei, donec mari portiantur hostes. Quod si naves sint, quibus commeatus invehi prohibeant, extemplo aut abscessuros, aut dedituros se hostes.* Adsentiebantur Tarentini; ceterum ei, qui consilium adferret, opem quoque in eam rem adferendam esse, censebant. *Punicas enim naves ex Sicilia ad citas id posse facere: suas, quae sinu exiguo intus inclusae essent, quum claustra portus hostis haberet, ocquem ad modum inde in apertum mare evasuras? Evadent,* inquit Hannibal. *Multa, quae impedita natura sunt, consilio expediuntur. Urbem in campo sitam habetis. planae et satis latae viae patent in omnes partes.* ⁶³ *Via, quae in portum per mediam urbem ad* Plaustris *mare transmissa est, plaustris transveham naves haud* naves trans- *magna mole. et mare nostrum erit, quo nunc hostes potiun-* feruntur in *tur: et illinc mari, hinc terra circumsidebimus arcem. immo* mare. *brevi, aut relictum ab hostibus, aut cum ipsis hostibus capi-* ⁶⁴ *emus.* Haec oratio non spem modo effectus, sed ingentem etiam ducis admirationem fecit. Contracta extemplo undique plaustra, junctaque inter se: et machinae ad subducendas naves

⁶² *Galsesum* Gron. Crev.

⁶⁴ *ipsis* del. Gron.

quae et praesidio esset urbi, et simul adjuvaret in faciendo muro. Ceterum, quia in scriptis plerisque legitur *praesidium simul interfaciendo*: recte videtur Perizonius conjicere, *simul ut in perficiendo*. Atque hic ordo nobis magis arridet, quam ut *simul*.

⁶² *Et est non altitudine, ut cetera, tuta*] Placeret magis, ut *ceterae*, nempe arces, quae fere in locis editis, et urbi imminentibus muniuntur.

⁶³ *Via, quae in portum ... ad mare transmissa est*] Scripti fere in *portu*.

Recte Sigonius legi jubet *ex portu*. Id enim agebatur, ut naves Tarentinorum, quae in portu erant, at eum egredi nequibant, quod claustra portus hostis haberet, ex eo in apertum mare transmitterentur. Et ita habet Polybius, *ἐκ τοῦ λιμένος εἰς τὴν ἕξω θάλασσαν*.

⁶⁴ *Aut cum ipsis hostibus capiemus*] Addidimus vocem *ipsis*, quam in bonae fidei libris exstare testatur Jac. Gronovius, et nos in Put. aliisque reperimus.

U. C. 540. admotæ, munitumque iter, quo faciliora plaustra minorque moles in transitu esset. Jumenta inde et homines contracti, et opus inpigre cœptum: paucosque post dies classis instructa ac parata circumvehitur arcem, et ante os ipsum portus anchoras jacet. Hunc statum rerum Hannibal Tarenti reliquit, regressus ipse in hiberna. Ceterum, defectio Tarentinorum utrum priore anno, an hoc, facta sit, in diversum auctores trahunt. plures propioresque ætate memoriæ rerum hoc anno ⁶⁵ tradunt factum.

XII. Romæ consules prætoresque usque ante diem quintum Kalendas Maias ⁶⁶ Latinæ tenuerunt. eo die perpetrato sacro ⁶⁷ in monte, in suas quisque provincias proficiscuntur. Religio deinde nova objecta est ex carminibus Marcianis. Vates hic Marcius inlustris fuerat, et quum conquisitio priore anno ex senatusconsulto talium librorum fieret, in M. Atilii prætoris urbani, qui eam rem agebat, manus ⁶⁸ venerant. is protinus ⁶⁹ novo prætori Sullæ tradiderat. Ex hujus Marcii duobus carminibus, ⁷⁰ alterius post rem actam editi cum rato auctoritas eventu, alteri quoque, cujus nondum tempus venerat, adferebat fidem. Priore carmine Cannensis prædicta clades in hæc ferme verba erat: ⁷¹ *Amnem Trojugena Cannam Romane fuge: ne te alienigenæ cogant* ⁷² *in campo Diomedis conserere manus. Sed neque credes tu mihi, donec compleris sanguine campum; multaque millia occisa tua deferat annis in pontum magnum ex terra frugifera; piscibus atque avibus ferisque, quæ incolunt terras, iis* ⁷³ *fuat esca curo tua. nam mihi ita Jupiter fatus est.* Et Diomedis Argivi campos et Cannam flumen, qui militaverant in iis locis, juxta atque ipsam cladem agnoscebant. Tum alterum carmen recitatum, non eo tantum obscurius, quia incertiora futura præteritis sunt, sed ⁷⁴ per-

Marcius vates.

Cannensem cladem prædixerat.

⁶ deferet Gron. Crev.

⁶⁵ *Tradunt factam*] Sic habent priores editi, et unus e nostris MSS. Vulgo *factum*: omnino male et contra ipsas Grammaticæ leges. Clericus jam revocaverat probam lectionem.

⁶⁶ *Latinæ*] Feriæ: de quibus vid. not. 62. ad l. V. c. 17. supra.

⁶⁷ *In monte*] Albano.

⁶⁸ *Venerant*] Libri, vel carmina Marcii vatis. Jam monuerat Gronovius hoc ita legendum esse, non *venerat*; eique obsecutus erat Clericus: et consonant scripti omnes nostri.

⁶⁹ *Novo prætori Sullæ*] Is, teste Macrobio, l. I. Sat. c. 17. quod eo suadente ludi Apollinares ex libris Sibyllinis sunt instituti, *Sibylla* cognominatus est: et postea corrupto nomine *Sylla* cœpit vocitari.

⁷⁰ *Alterius post rem actam*] Alterius carminis post rem actam editi

auctoritas, quam ratam fecerat et comprobat eventus. *Cum rato eventu*, est, cum eventu congruente, vero.

⁷¹ *Amnem .. Cannam*] Quis sit iste amnis Canna, parum liquet. Alii Aufidum ipsum esse volunt; alii aliquem ignobilem rivulum, qui Cannas præterfluat.

⁷² *In campo Diomedis*] *Diomedis campi in Apulia appellantur, qui ei in divisione regni, quam cum Danno fecit, cesserant.* FESTUS. Hic designantur Cannenses campi.

⁷³ *Fuat*] Antiquè, pro *sit*. *Tros Rutulusve fuat* apud Virgilium.

⁷⁴ *Perplexius .. scripturæ genere*] Nihil magnopere perplexum occurrit in sequenti carmine, quale a Livio editur. Si hæc Græco sermone a Marcio scripta fuerant, ut sane ambo hæc carmina, quæ hic recitantur,

plexius etiam scripturae genere. *Hostem, Romani, si expel-* U. C. 540.
lere vultis, 75 vomicamque, quæ gentium venit longe, Apollini A. C. 212.
vovendos censeo ludos, qui quotannis comiter Apollini fi- Alterum
ant: quum populus dederit ex publico partem, privati uti ejus vatici-
conferant pro se suisque. Iis ludis faciendis præerit præ- nium.
tor is, qui jus populo plebeique dabit summum. Decemviri
Græco ritu hostiis sacra faciant. Hæc si recte faxitis, gaude-
bitis semper, fietque res vestra melior. nam is Divus exstinguet
penduelles vestros, qui vestros campos pascunt placide. Ad id
carmen explanandum diem unum sumserunt. postero die sena-
tusconsultum factum est, ut 76 decemviri libros, de ludis Apol-
lini reque divina faciunda, inspicerent. Ea quum inspecta re-
lataque ad senatum essent, consuerunt Patres: Apollini ludos
vovendos faciundosque: et, quando ludi facti essent, 77 duode-
cim millia æris prætori ad rem divinam et duas hostias mayo-
res dandas. Alterum senatusconsultum factum est, Ut decem-
viri sacra Græco ritu facerent, 78 iisque 79 hostiis. 79 Apollini
bove aurato et capris duabus albis auratis, Latonæ bove femi-
na aurata. Ludos prætor in circo maximo quum facturum es-
set, edixit, ut populus per eos ludos stipem Apollini, quantam
commodum esset, conferret. Hæc est origo ludorum Apolli- Origo Apol-
narium, victoriæ, non valetudinis, ergo, ut plerique rentur, linarium
80 votorum factorumque. populus coronatus spectavit: matrones ludorum.
supplicavere: vulgo apertis januis in propatulis epulati sunt,
celeberque dies omni ceremoniarum genere fuit.

XIII. Quum Hannibal circa Tarentum, consules ambo

* *Atque Crev.* * post votorum interpunctio major, sequentisque periodi initium hoc: *Factosque populus etc. Gron.*

videntur redolere Græcos versus in Latinum sermonem translato, possumus suspicari illam obscuritatem in eo positam fuisse, quod hujus secundi carminis Græca verba aliquid intortum magis perplexumque haberent.

75 *Vomicamque, quæ gentium venit longe*] *Vomicamque*, quæ vomica gentium e longinquis regionibus venit. *Longe*, μακρόν, e longinquo. Sunt qui malint interpretari, *vomicamque, quæ venit longe gentium*. Sed *longe gentium* minus sapit Græcam phrasin.

76 *Decemviri libros, de ludis... inspicerent*] Scripti carent voce *libros*. Sed illa omnino necessaria videtur. Quid est enim *inspicere de ludis*? At *inspicere libros* solennis locutio est, ubi de Sibyllinis libris agitur. Credamus ergo Macrobio auctori, Patres Romanos non tantum tribuisse auctoritati Marci vatis, ut non etiam Sibyllinos libros adire et consulere vellent, utrum ea quæ novus ille va-

tes præcipiebat, rite agi possent aut deberent.

77 *Duodecim millia æris*] Id est, marcas argenti nostrates 18. cum sex unciiis. Vid. not. 63. ad l. XXIV. c. 11. supra.

78 *Hisque hostiis*] Quæ mox nominabuntur. Editi habent *iis*: minus proprie. Scripti, quibus consentit Macrobius, *his*, vel, quod idem esse facile intelligitur, *hiis*.

79 *Apollini bove aurato et capris duabus*] Recte suspicatur Jac. Gronovius excidisse hic nomen Dianæ. Quid enim capræ ad Apollinem? Et Dianam cum fratre jungi solenne erat. * Bos auratus est bos cujus cornua aurata fuere.

80 *Votorum factorumque. Populus coronatus spectavit*] Vulgo... *votorum: factosque populos*. Nemo non statim videt, quantum ea scriptura quam ex Puteanæo codice expressam secuti sumus, anteponenda sit vulgatæ.

U. C. 340.
A. C. 212.
Capuæ ino-
pia.

Hanno in
Campaniam
cum exerci-
tu venit.

in Samnio essent, sed circumsessuri Capuam viderentur; quod malum diuturnæ obsidionis esse solet, jam famem Campani sentiebant; quia sementem facere prohibuerant eos Romani exercitus. Itaque legatos ad Hannibalem miserunt, orantes, ut prius, quam consules in agros suos educerent legiones, viæque omnes hostium præsiidiis insiderentur, frumentum ex propinquis locis convehi juberet Capuam. Hannibal, Hannonem ex Bruttiiis cum exercitu in Campaniam transire, et dare operam, ut frumenti copia fieret Campanis, jussit. Hanno, ex Bruttiiis profectus cum exercitu, vitabundus castra hostium consulesque, qui in Samnio erant, quum Benevento jam adpropinquaret, tria passuum millia ab ipsa urbe loco edito castra posuit. inde ex sociis circa populis, quo sæstate comportatum erat, devehi frumentum in castra jussit; præsiidiis datis, quæ commeatus eos prosequerentur. Capuam inde nuncium iniecit, qua die in castris ad accipiendum frumentum præsto essent, omni undique genere vehiculorum jumentorumque ex agris contracto. Id pro cetera socordia negligentiaque a Campanis actum. paullo plus quadringenta vehicula missa, et pauca præterea jumenta. ob id castigatis ab Hannone, quod ne fames quidem, quæ mutas accenderet bestias, curam eorum stimulare posset, ⁸¹ alia prodita dies ad frumentum majore adparatu petendum. Ea omnia, sicut acta erant, quum enunciata Beneventanis essent, legatos decem extemplo ad consules (circa Bovianum castra Romanorum erant) miserunt. Qui quum, auditis, quæ ad Capuam agerentur, inter se comparassent, ut alter in Campaniam exercitum duceret; Fulvius, cui ea provincia obvenerat, ⁸² profectus, nocte Beneventi^{*} moenia est ingressus. Ex propinquo cognoscit, Hannonem cum exercitus parte profectum frumentatum: per quæstorem Campanis datum frumentum: duo millia plaustrorum, inconditam inermemque aliam turbam, advenisse: per tumultum ac trepidationem omnia agi, castrorumque formam et militarem ordinem, inmixtis agrestibus iis ex terris, sublatum. His satis compertis, consul militibus edicit, signa tantum armaque in proximam noctem expedirent: castra Punica obpugnanda esse. Quarta vigilia profecti, sarcinis omnibus impedimentisque Beneventi relictis, paullo ante lucem quum ad castra pervenissent, tantum pavoris injecerunt, ut, si in plano castra

* Beneventum Gron.

81 *Alia prodita dies*] Unus e nostris codd. *predicta*: quod verum putamus. Verbum enim hoc proprium est de die longiore dicta. Vid. supra l. III. c. 37.

82 *Profectus nocte, Beneventi moenia est ingressus*] Sic habent tres e scriptis nostris, duo *Benevento*: nullus *Beneventum*, quomodo in editis legitur.

posita essent, haud dubie primo impetu capi potuerint: al- U. C. 540.
tudo loci et munimenta defenderunt, quæ nulla ex parte A. C. 318.
adiri, nisi arduo ac difficili adscensu, poterant. Luce pri-
ma prælium ingens accensum est: nec vallum modo tutan-
tur Pœni, sed, ut quibus locus æquior esset, deturbant ni-
tentes per ardua hostes.

XIV. Vicit tamen omnia pertinax virtus, et aliquot si- Hannonis
mul partibus ad vallum ac fossas parventum est; sed cum castra ca-
multis vulneribus ac militum pernicio. Itaque convocatis piuntur a
tribunis militum consul, *absistendum temerario incepto, ait:* Romanis.
tutius sibi videri, reduci eo die exercitum Beneventum: 83 *dein*
postero castris se hostium jungi, ne exire inde Campani, neve
Hanno regredi posset. Id quo facilius obtineatur, collegam
quoque et exercitum ejus se adciturum, tatumque eo versuros
bellum. hæc consilia ducis, quum jam receptui caneret, cla-
mor militum adspersantium tam segne imperium disjecit.
Proxima portæ hostium erat cohors Peligna: cujus præ-
fectus Vibius Accusæus adreptum vexillum trans vallum hos-
tium trajecit. Exsecratus inde seque et cohortem, si ejus
vexilli hostes potiti essent, princeps ipse per fossam val-
lumque in castra inrumpit. Jamque intra vallum Peligni
pugnabant, quum altera parte, Valerio Flacco tribuno mili-
tum tertiæ legionis exprobrante Romanis ignaviam, qui
sociis captorum castrorum concederent decus, 84 T. Peda-
nius, princeps primus centurio, quum signifero signum
ademisset, *Jam hoc signum, et hic centurio,* inquit, *intra*
vallum hostium erit. Sequantur, qui capi signum ab hoste
prohibituri sunt. Manipulares sui primum transcendentem
fossam, dein legio tota secuta est. Jam et consul, ad con-
spectum transgredientium vallum mutato consilio, ab revo-

83 *Dein postero, castris]* Hæc pa-
rum clara sunt. Romano enim ex-
ercitu Beneventum reducto, quis ve-
tare poterat, aut Campanos exire,
aut Hannonem regredi. Adde quod in
his vocibus *castris se hostium jungi*
aliquid est inconcinnum, quod vix a
manu Livii proficisci potuisse videat-
ur. * Huic posteriori incommodo me-
deri aliquatenus possumus, si detracta
una voce, adjecta alia, rescribamus:
castra castris hostium jungi. † Put. li-
ber ignorat *et se.*

84 *T. Pedanius, princeps primus*
centurio] Hic idem infra vocatur
Princeps tertiæ legionis, id est, secun-
dum interpretationem Lipsii, l. II. de
Milit. Rom. Dial. 8. primus Princeps,
sive is qui primum ordinem Principum
tertiæ legionis ducebat. Ubi

enim sine nota numeri *Princeps*,
Hastatus, apud scriptores nominati
reperiuntur, intelligendus est *primus*.
At observat idem Lipsius hoc in loco,
de quo nunc agimus, aliquid videri
corruptum. Si enim hoc modo dis-
tinxeris, *Princeps primus, centurio;*
vox *centurio* vacat. Si *Princeps, pri-*
mus centurio; falsum est. *Primus*
enim *centurio* est centurio primipili.
Itaque ille emendat: *Princeps primæ*,
sive *prioris centuriæ*. In unoquoque
enim manipulo duo erant ordines,
sive centuriæ. Ordo autem dexter
sinistro dignitate præstabat. Sic apud
Cæsarem l. III. Civil. præter *Princi-*
pem priorem. * *Princeps* igitur *prior*,
sive, *prioris centuriæ*, est is centurio
qui in primo manipulo Principum
priorem ordinem ducit.

U. C. 540. cando ad incitandos hortandosque versus milites, ostendere,
 A. C. 212. in quanto discrimine ac periculo fortissima cohors socio-
 rum et civium legio esset. Itaque pro se quisque omnes
 per æqua atque iniqua loca, quum undique tela conjiceren-
 tur, arinaque et corpora hostes objicerent, pervadunt; in-
 rumpuntque. multi vulnerati, etiam quos vires sanguisque
 desereret, ut intra vallum hostium caderent, nitebantur.
 Capta itaque momento temporis, ⁸⁵ velut in plano sita, nec
 permunita castra. Cædes inde, non jam pugna erat, om-
 nibus intra vallum permixtis. supra sex millia hostium oc-
 cisa, supra septem millia capitum, cum frumentatoribus
 Campanis omnique plaustorum et jumentorum adparatu,
 capta. et alia ingens præda fuit, quam Hanno, populabun-
 dus passim quum isset, ex sociorum populi Romani agris
 traxerat. Inde, dejectis hostium castris, Beneventum re-
 ditum est, prædamque ibi ambo consules (nam et Ap.
 Claudius eo post paucos dies venit) vendiderunt, diviserunt-
 que. et donati, quorum opera castra hostium capta erant:
 ante alios Accuæus Pelignus, et T. Pedanius princeps tertiæ
 legionis. Hanno ab Cominio Cerito, quo nunciata cas-
 trorum clades est, cum paucis frumentatoribus, quos forte
 secum habuerat, fugæ magis, quam itineris, modo in Brut-
 tios rediit.

Hanno red-
 it in Brut-
 tios.

Campani
 Hanniba-
 lem vocant.

Arcem Ta-
 rentinam
 frumento et
 milite in-
 struunt Ro-
 mani.

XV. Et Campani, audita sua pariter sociorumque clade,
 legatos ad Hannibalem miserunt, qui nunciarent, *duos con-
 sules ad Beneventum esse, diei iter a Capua; tantum non ad
 portas et muros bellum esse. ni propere subveniat, celerius Ca-
 puam, quam Arpos, in potestatem hostium venturam. Ne Ta-
 rentum quidem, non modo arcem, tanti debere esse, ut Capuam,
 quam Karthagini æquare sit solitus, desertam indefensamque
 populo Romano tradat.* Hannibal, curæ sibi fore rem Cam-
 panam pollicitus, in præsentia duo millia equitum cum le-
 gatis mittit, quo præsidio agros populationibus possent
 prohibere. Romanis interim, sicut aliarum rerum, arcis Ta-
 rentinæ, præsidiique, quod ibi obsideretur, cura esse. C.
 Servilius legatus, ex auctoritate Patrum a P. Cornelio præ-
 tore in Etruriam ad frumentum coëmendum missus, cum
 aliquot navibus onustis in portum Tarentinum inter hos-
 tium custodias pervenit. Cujus adventu, qui ante, in exi-
 gua spe, vocati sæpe ad transitionem ab hostibus per con-
 loquia erant, ultro ad transeundum hostes vocabant sollici-
 tabantque. et erat satis validum præsidium, traductis ad
 arcem Tarenti tuendam, quæ Metaponti erant, militibus.

⁸⁵ *Velut in plano sita*] Velut si in
 plano sita fuissent, nec permunita.
 Supra c. 14. observavit Livius castra

Punica altitudine loci et munimentis
 firmata fuisse.

Itaque Metapontini extemplo, metu, quo tenebantur, liberati, ad Hannibalem defecere. Hoc idem eadem ora maris et Thurini fecerunt. movit eos non Tarentinorum magis defectio Metapontinorumque, quibus, ⁸⁶ indidem ex Achaia oriundi, etiam cognatione juncti erant, quam ira in Romanos propter obsides nuper interfectos. Eorum amici cognatique literas ac nuncios ad Hannonem Magonemque, qui in propinquo in Brutiis erant, miserunt, si exercitum ad mania admovissent, se in potestatem eorum urbem tradituros esse. M. Atinius Thuriis cum modico praesidio praerat, quem facile elici ad certamen temere ineundum rebantur posse; non militum, quos perpaucos habebat, fiducia, quam juventutis Thurinae. eam ex industria centuriaverat armaveratque ad tales casus. Divisis copiis inter se, duces Poeni quum agrum Thurinum ingressi essent, Hanno cum peditum agmine infestis signis ire ad urbem pergit. Mago cum equitatu, tectus collibus, ⁸⁷ ad tegendas insidias obpositis, subsistit. Atinius, peditum tantum agmine per exploratores comperto, in aciem copias educit, ⁸⁸ et fraudis intestinæ, et hostium insidiarum ignarus. Pedestre proelium fuit persegne, paucis in prima acie pugnantibus Romanis; Thurinis expectantibus magis, quam adjuvantibus, eventum: et Karthaginensium acies de industria pedem referebat, ut ad terga collis ab equite suo insessi hostem incautum pertraheret. Quo ubi ventum est, coorti cum clamore equites, ⁸⁹ propere inconditam Thurinorum turbam, nec satis fido animo, unde pugnabat, stantem, extemplo in fugam averterunt. Romani, quamquam circumventos hinc pedes, hinc eques urgebat, tamen aliquamdiu pugnam traxere. postremo et ipsi terga vertunt, atque ad urbem fugiunt. Ibi proditores conglobati, quum popularium agmen patentibus portis accepissent, ubi Romanos fusos ad urbem ferri viderunt, conclamant, instare Pænum, ⁹⁰ permixtosque et hostes urbem invasuros, ni propere portas claudant. Ita exclusos

U. C. 540.
A. C. 212.
Metaponti-
ni Thurini-
que ad
Hanniba-
lam defi-
ciunt.

⁸⁶ *Indidem ex Achaia*] Ex eadem regione, nempe ex Achaia. Unus ex Hearnii codd. et noster Victorinus pro *indidem* habent *itidem*, quod fortasse erunt qui malint. Ceterum de cognatione inter Thurinos et Metapontinos vid. Strabonem, l. VI. p. 264. Quod ad Tarentinos attinet, ex eodem Strabonis loco apparet Thurinis adversus eos similitudinem potius quam cognationem fuisse.

⁸⁷ *Ad tegendas insidias obpositis*] Tan. Faber legit *appositis*, id est, aptis.

⁸⁸ *Et fraudis intestinæ, et hostium*

insidiarum] Emenda cum Gronovio *hostilium*.

⁸⁹ *Prope inconditam*] Non omnino inconditam quidem, quippe centuriatam armatamque, ut supra dictum est, ab Atinio, sed parum exercitatum, parum assuefactam disciplinæ militari. Legi jussimus *prope*, non *propere*, ex duobus scriptis, quia *et propere* omnino hic supervacuum et otiosum erat, quum sequatur *extemplo*.

⁹⁰ *Permistosque et hostes*] Permistosque cum Romanis etiam hostes.

U. C. 540. A. C. 212. Romanos præbuere hosti ad cædem. Atinius tamen cum paucis receptus. Seditio inde paullisper tenuit; quum ⁹¹alii urbem tuendam, ⁹²inde alii cedendum fortunæ, et tradendam urbem victoribus censerent. ceterum, ut plerumque, fortuna et consilia mala vicerunt: Atinio cum suis ad mare ac naves deducto, magis quia ipsi, ob imperium in se mite ac justum, consultum volebant, quam respectu Romanorum, Karthagīnienses in urbem accipiunt. Consules a Benevento in Campanum agrum legiones ducunt, non ad ⁹³frumenta modo, quæ jam in hibernis erant, conrumpenda, sed ad Capuam obpugnandam; nobilem se consulatum tam opulentæ urbis excidio rati facturos, simul et ingens flagitium imperio denturos, quod urbi tam propinquæ ⁹⁴tertium annum impunita defectio esset. Ceterum, ne Beneventum sine præsidio esset, et ⁹⁵ut ad subita belli, si Hannibal (quod facturum haud dubitabant) ad opem ferendam sociis Capuam venisset, equites vim sustinere possent, Ti. Gracchum ex Lucanis cum equitatu ac levi armatura Beneventum venire jubent: legionibus stativisque ⁹⁶ad obtinendas res in Lucanis aliquem præficeret.

Coss. in Campanum agrum legiones ducunt.

Prodigium Graccho factum.

XVI. Graccho, priusquam ex Lucanis moveret, sacrificanti triste prodigium factum est. ad exta, sacrificio perpetrato, angues duo ex occulto adlapsi, ⁹⁷edēre jecur, conspectique repente ex oculis abierunt. ⁹⁸id quum aruspicum monitu sacrificium instauraretur, atque intentius ⁹⁹exta reserata servarentur: iterum ac tertium venisse tradunt, libatoque jocinore intactos angues abiisse. Quum aruspices,

extares ollæ servarentur Gron. Crev.

⁹¹ *Alii urbem tuendam*] Hæc verba ab omnibus scriptis abesse Gronovius affirmat. Sed nobis sensus non videtur sine iis constare posse.

⁹² *Inde alii cedendum*] Suspectum est *inde*, quod et redundat, et ex superiore versu temere huc immigrasse potuit.

⁹³ *Frumenta . . quæ jam in hibernis erant*] Vere omnino Jac. Gronovius emendat: *quæ jam in herbis erant*.

⁹⁴ *Tertium annum*] Capua defecit anno ipso Cannensis cladis. Ex quo apparet Livium, quum *tertium annum* dixit, annos medios intelligere, imperfectos non numerare. Alioquin *quintum* erat scribendum. SIGON.

⁹⁵ * *Ut . . equites vim sustinere possent*] Ut equitatu possent sustinere vim Annibalis, qui equestribus copiis præcellebat.

⁹⁶ * *Ad obtinendas res*] Ad tuendas res, ad tenendos in officio Lucanos.

⁹⁷ *Edēre jecur*] Scripti *anaere*, vel *ademere*, vel aliud quid simile. Inde Gronovius judicat legendum *adedēre*, vel *ambedēre jecur*.

⁹⁸ *Id quum . . . sacrificium instauraretur*] Magis placeret *Et quum*.

⁹⁹ *Extares ollæ servarentur*] Conjectura Salmasii, quæ sensum procul dubio attingit. Sed nullum vestigium vocis *ollæ* neque in scriptis, neque in editis reperitur. Editi habebant *exta reserata servarentur*. Put. codex *exta resereservarentur*. Alius e regiis *exta reservarentur*. Rubenius videtur veram Livii manum deprehendisse: *Extar*, sive ut quam proxime ad veterem scripturam accedamus, *extare servaretur*. Glossarium: *Extar*, *olla* ubi *exta* coquebantur. Quamplurima autem nomina utroque modo, scilicet in *ar* vel *arc*, desinunt: ut *laqueare*, *laquear*; *pulvinare*, *pulvinar*, et similia.

ad imperatorem id pertinere prodigium, præmonuissent, et U. C. 540.
 ab occultis cavendum hominibus consultisque; nulla tamen A. C. 212.
 providentia fatum imminens moveri potuit. Flavius Lu- Flavius Lu-
 canus fuit, caput partis ejus Lucanorum, quum pars ad canus pro-
 Hannibalem defecisset, quæ cum Romanis stabat: ¹ et
 jam anno in magistratu erat; ab eisdem illis creatus præ-
 tor. Is, mutata repente voluntate, locum gratiæ apud Pœ-
 num quærens, neque transire ipse, neque trahere ad defec-
 tionem Lucanos satis habuit, nisi imperatoris et ejusdem
 hospitis proditi capite ac sanguine foedus cum hostibus
 sanxisset. ad Magonem, qui in Brutiis præerat, clam in
 colloquium venit: fideque ab eo accepta, ² si Romanum
 iis ³ imperatorem tradidisset, liberos cum suis legibus ven-
 turos in amicitiam Lucanos; ⁴ deducit Pœnum, in locum X
 pacis Gracchum adducturus. Magonem ibi pedites equites-
 que armare, et capere eas latebras, ubi ingentem numerum
 occuleret, jubet. Loco satis inspecto atque undique explo-
 rato, dies composita gerendæ rei est. Flavius ad Roma-
 num imperatorem venit: *Rem se, ait, magnam inchoasse, ad
 quam perficiendam ipsius Gracchi opera opus esse. ⁵ omnium
 populorum prætoribus, qui ad Pœnum in illo communi Ita-
 liæ motu descissent, persuasisse, ut redirent in amicitiam Ro-
 manorum: quando res quoque Romana, quæ prope exitium
 clade Cannensi venisset, in dies melior atque auctior fieret;
 Hannibalis vis senesceret, ac prope ad nihilum venisset. Ve-
 teri delicto haud inplacabiles fore Romanos: nullam umquam
 gentem magis exorabilem, promptioremque veniæ dandæ fuisse.
 quoties rebellionem etiam majorum suorum ignotum? ⁶ Hæc ab
 se, ait, dicta: ceterum ab ipso Graccho eadem hæc audire malle
 eos, præsentisque contingere dextram: id pignus fidei secum
 ferre. ⁷ Locum se consciis dirisse a conspectu amotum, haud
 procul a castris Romanis. Ibi paucis verbis transigi rem*

² iis del. Grón. Sed post imperatorem habet sibi.

¹ *Et jam anno*] Et jam annus erat ex quo magistratum Flavius gerebat. Expeditior est Vict. codicis scriptura, et eo anno. Sustulimus hinc mendum Gronovianarum editionum annuo, volentibus scriptis et vet. editis.

² *Si Romanum iis imperatorem*] Sic scripti: nisi quod quidam pro iis habent is, quod idem est. Sigonius dederat ex conjectura parum prospera sibi. Is, nempe Carthaginiensis, qui facile ex sensu intelliguntur.

³ *Deducit Pœnum, in locum pacis*] Hunc locum plane vitiatum sic refingit adjutus optimo codice Gronovius: *deducit Pœnum, quo cum paucis Gracchum ait ducturum. Mago ubi pedi-*

tes equitesque armasset, caperet eas latebras, quæ ingentem numerum occulerent. Loco ... Ipsa Put. codicis scriptura, ex qua hæc eruta est emendatio, talis est: Deducit Pœnum in locum paucis Gracchum adducturum mago ibi pedites equitesque armasset et capere eos latebras ubi ingentem numerum occuleret.

⁴ *Omnium populorum*] Lucanæ gentis.

⁵ *Hæc ab se ait dicta*] Scripti fere ab se sint dicta. Put. sindicta. Legamus *Hæc ab sese dicta.*

⁶ *Locum se consciis*] Gronovii conjectura verissima. Olim consiliis vel conciliis.

U. C. 540. *posse, ut omne nomen Lucanum in fide ac societate Romana*
 A. C. 212. *sit.* Gracchus, fraudem et sermoni et rei abesse ratus, ac
 similitudine veri captus, cum lictoribus ac turma equitum e
 castris profectus, duce hospite in insidias ⁷ præcipitatur.
 Hostes subito exorti: et, ne dubia proditio esset, Flavius
 his se adjungit. tela undique in Gracchum atque equites
 conjiciuntur. Gracchus ex equo desilit. idem ceteros fa-
 cere jubet, hortaturque, *Ut, quod unum reliquum fortuna fe-*
cerit, id cohonestent virtute. Reliquum autem quid esse pau-
cis, a multitudine in valle silva ac montibus septa circumven-
tis, præter mortem? ⁸ *id referre, utrum præbentes corpora pe-*
corum modo inulti trucidentur, ⁹ *an, toto animo a patiendo ex-*
spectandoque eventu in inpetum atque iram verso, agentes au-
dentesque, perfusi hostium cruore, inter expirantium inimico-
rum cumulata armaque et corpora cadant. *Lucanum prodito-*
rem ac transfugam omnes peterent. qui eam victimam præ se
ad inferos misisset, eum decus eximium egregiumque solatium
sua mortis inventurum. Inter hæc dicta, paludamento cir-
 cum lævum brachium intorto, (nam ne scuta quidem se-
 cum extulerant) in hostes inpetum fecit. Major, quam pro
 numero hominum, editur pugna. jaculis maxime aperta
 corpora Romanorum, et quum undique ex altioribus locis
 in cavam vallem conjectus esset, transfiguntur. Gracchum,
 jam nudatum præsidio, vivum capere Pœni nituntur. cete-
 rum ille, conspicatus Lucanum hospitem inter hostes, adeo
 infestus confertos invasit, ut parci ei sine multorum perni-
 cie non posset. Exanimem eum Mago extemplo ad Han-
 nibalem misit, ponique cum captis simul fascibus ante tri-
 bunal imperatoris jussit. Hæc vera fama est. Gracchus
 in Lucanis ad campos, qui Veteres vocantur, periit.

Gracchus
proditione
circumven-
tus.

XVII. Sunt, qui in agro Beneventano, prope Calorem
 fluvium, ostendant a castris cum lictoribus ac tribus servis
 lavandi causa progressum, quum forte inter salicta innata
 ripis laterent hostes, nudum atque inermem, saxisque, quæ
 volvit annis, propugnantem, interfectum. Sunt, qui arus-
 picum monitu quingentos passus a castris progressum, uti
 loco puro ea, quæ ante dicta prodigia sunt, procuraret, ab
 insidentibus forte locum duabus turmis Numidarum cir-
 cumventum scribant. ¹⁰ adeo nec locus, nec ratio mortis in

⁷ *Præcipitatur*] Vulgo *præcipitatus*.
 Mutavit idem Gronovius: et firmant
 duo e nostris codd.

⁸ *Id referre*] Id unum interesse.
 Vid. not. ad XXVIII. 19. qua simi-
 lis plane locus paulo fusius explicatur.

⁹ *An toto animo . . in impetum atque*
iram verso] Omnes scripti nostri, ut

et Gronoviani, ignorant vocem *animo*:
 unus etiam e nostris habet *toti*. Unde
 nova accedit auctoritas Gronovio e-
 mendanti: *An toti a patiendo expec-*
tandoque eventu in impetum atque
iram versi.

¹⁰ *Adeo nec locus, nec ratio mortis*
. . constat] Adeo non convenit inter

viro tam clare et insigni constat. Funeris quoque Gracchi U. C. 540. varia est fama. Alii in castris Romanis sepultum ab suis, A. C. 219. alii ab Hannibale (et ea vulgatio fama est) tradunt in vestibulo Punicorum castrorum rogi exstructum esse. armatum exercitum decucurrisse^a cum tripudiis Hispanorum, ¹¹ motibusque armorum et corporum suæ cuique genti adsueta, ipso Hannibale omni rerum verborumque honore exsequias celebrante. Hæc tradunt, qui in Lucanis rei gestæ auctores sunt. Si illis, qui ad Calorem fluvium interfectum memorant, credere velis, capitis tantum Gracchi hostes potiti sunt. eo delato ad Hannibalem, missus ab eo confestim Karthalo, qui in castra Romana ad Cn. Corneliū quæstorem deferret. is funus imperatoris in castris, celebrantibus cum exercitu Beneventanis, fecit.

XVIII. Consules, agrum Campanum ingressi, quum ^{Coss. ad Capuam fusi.} passim popularentur, eruptione oppidanorum et Magonis cum equitatu territi et^b trepidi, ad signa milites palatos passim revocarunt: et, vixdum instructa acie fusi, supra mille et quingentos milites amiserunt. Inde ingens ferocia superbæ suopte ingenio genti crevit, multisque præliis lacescebant Romanos: sed intentiores ad cavendum consules una pugna fecerat, incaute atque inconsulte inita. Restituit tamen his animos, et illis minuit audaciam, parva una res. sed in bello nihil tam leve est, quod non magnæ interdum rei momentum faciat. T. Quinctio Crispino Badius Campanus hospes erat, perfamiliari hospitio junctus. ^{Badius Camp. provocat ad pugnam Rom. Crispinum.} creverat consuetudo, quod æger Romæ apud Crispinum Badius ante defectionem Campanam liberaliter comiterque curatus fuerat. ¹² Tum Badius, progressus ante stationes, quæ pro porta stabant, vocari Crispinum jussit. quod ubi est Crispino nunciatum, ratus colloquium amicum ac familiare quæri, manente memoria, etiam in discidio publicorum foederum, privati juris, paullum a ceteris processit. Postquam in conspectum venere, *Provoco te, inquit, ad pugnam, Crispine, Badius: conscendamus equos, submotisque aliis, uter bello melior sit, decernamus.* Ad ea Crispinus, *nec sibi, nec illi, ait, hostes deesse, in quibus virtutem ostendant:*

^a decucurrisse Gron.

^b ac Gron. Crev.

scriptores neque de loco, neque de ratione mortis. *Hoc vult Livius; non, incertum esse, quo loco, qua ratione perierit Gracchus. Dixit enim sine ulla dubitatione, eam veram famam esse quam primo exsecutus est.

¹¹ *Motibus ... suæ cuique genti assuetis*] Legi jubet Gronovius: *motibus ... unicuique genti assuetis*. Nobis, quia Put. codex habet *suæ quique*, ce-

teri *suæ quique*, magis placeret, *motibus suæ quibusque genti assuetis*. Peræpe occurrit in MSS. depravatum *et ibus in is*, vel contra. Nisi forte *quisque* accipiendum erit pro *quibusque*. Vid. not. 95. ad l. III. c. 22.

¹² *Tum Badius*] Fut. liber, *Stum Badius*. Vult nempe *Is tum Badius*. Et sic melius connexa est oratio.

U. C. 540. ¹³ *Se^c, etiamsi in acie obcurrat, declinaturum, ne hospitali cæ-*
 A. C. 212. *de dextram violet. conversusque abibat. Enimvero ferocius*
 tum Campanus increpare mollitiem ignaviamque, et ¹⁴ *se*
 digna probra in insontem jacere, *hospitalem hostem* adpel-
 lans, *simulantemque parcere, cui sciat parem se non esse. si pa-*
rum publicis fœderibus ruptis diremta simul et privata jura es-
se putet, Badium Campanum T. Quinctio Crispino Romano
¹⁵ *palam^d, duobus exercitibus audientibus, ¹⁶renunciare hospi-*
tium. Nihil sibi cum eo consociatum, nihil fœderatum hosti
cum hoste, cujus patriam ac penates publicos privatosque
obpugnatum venisset. Si vir esset, congredetur. Diu
 cunctantem Crispinum perpulere turmales, ne inpune in-
 sultare Campanum pateretur. itaque tantum moratus, dum
 imperatores consuleret, permitterentne sibi extra ordinem
 in provocantem hostem pugnare, permissu eorum arma
 cepit, equumque conscendit, et Badium, nomine compel-
 lans, ad pugnam evocavit. Nulla mora a Campano facta
 est. infestis equis concurrerunt^e. Crispinus supra scutum
 sinistrum humerum Badio hasta transfixit, superque delap-
 sum cum vulnere ex equo desiluit, ut pedes jacentum^f con-
 ficeret. Badius, priusquam obprimeretur, parma atque
 equo relicto, ad suos aufugit. Crispinus, equum, armaque
 capta, et cruentam cuspidem insignis spoliis ostentans, cum
 magna laude et gratulatione militum, ad consules est de-
 ductus, laudatusque ibi magnifice, et donis donatus.

Singulare
eorum cer-
tamen.

Coss. pug-
nant cum
Hannibale,
æquo Mar-
te.

XIX. Hannibal ex agro Beneventano castra ad Capuam
 quum movisset, tertio post die, quam venit, copias in
 aciem eduxit: haudquaquam dubius, quod Campanis, ab-
 sente se, paucos ante dies secunda fuisset pugna, quin mul-
 to minus se suumque toties victorem exercitum sustinere
 Romani possent. Ceterum, postquam pugnari coeptum est,
 equitum maxime incursu, quum jaculis obrueretur, labora-
 bat Romana acies: donec signum equitibus datum est, ut
 in hostem admitterent equos. ita equestre prælium erat;
 quum procul visus Sempronianus exercitus, cui Cn. Corne-
 lius quæstor præerat, utrique parti parem metum præbuit,
 ne hostes novi adventarent. Velut ex composito utrimque
 signum receptui datum: reductique in castra prope æquo

^c *Se l. Se ab eo Gron. Crev.*
 Eæd. ^f *jacentem Eæd.*

^d *add. omnibus Eæd.*

^e *concurrere*

¹³ *Se ab eo, etiamsi in acie occur-*
rat, declinaturum] In plurimis scrip-
 tis non conspiciuntur *ab eo*: quæ,
 ut minime vitiant orationem, si ad-
 sint, ita et abesse possunt sine sensus
 dispendio.

¹⁴ *Se digna probra]* Probra qui-
 bus ipse dignus erat.

¹⁵ *Palam omnibus]* Sic l. VI. c. 14.

supra, palam populo. Tamen hoc loco
 plurimi scripti, neque optimi, omit-
 tunt vocem *omnibus*.

¹⁶ *Renunciare hospitium]* Decla-
 rare nullum jam esse hospitium; ir-
 ritum facere et rescindere hospitii jus.
 Eodem modo et sensu dicitur *renun-*
ciare societatem, renunciare amicit-
tiam.

Marte discesserunt. plures tamen ab Romanis primo incur- U. C. 540.
su equitum ceciderunt. Inde ¹⁷ consules, ut averterent Ca- A. C. 412.
pua Hannibalem, nocte, quæ secuta est, diversi, Fulvius in
agrum Cumanum, Claudius in Lucanos abiit. Postero
die, quum vacua castra esse Romanorum nunciatum Han-
nibali esset, et duobus agminibus diversos abisse; incertus
primo, utrum sequeretur, Appium institit sequi. Ille, circum-
ducto hoste, qua voluit, alio itinere ad Capuam rediit.
Hannibali alia in his locis bene gerendæ rei fortuna oblata
est. M. Centenius fuit cognomine Penula, insignis inter M. Cente-
¹⁸ primipili centuriones et magnitudine corporis et animo. ^{nus.}
is, perfunctus militia, per P. Cornelium Sullam prætorem
in senatum introductus, petit a Patribus, uti sibi quinque
millia militum darentur. *Se, peritum et hostis et regionum,
brevis operæ pretium facturum; et, quibus artibus ad id loco-
rum nostri et duces et exercitus capti forent, iis adversus inven-
torem usurum.* Id non promissum magis stolide quam stolide
creditum: tamquam eadem militares et imperatoris artes
essent. data, pro quinque, octo millia militum; pars dimidia
cives, pars socii: et ipse aliquantum voluntariorum itinere in
agris concivit, ac, prope duplicato exercitu, in Lucanos per-
venit; ubi Hannibal, nequidquam secutus Claudium, substi-
terat. Haud dubia res est, quippe inter Hannibalem ducem
et centurionem, exercitusque, alterum vincendo veteranum,
alterum novum totum, magna ex parte etiam tumultua-
rium ac semiermem. Ut conspecta inter se agmina sunt,
et neutra pars detrectavit pugnam, extemplo instructæ
acies. pugnatum tamen, ¹⁹ ut in nulla pari re, duas amplius
horas, concitata et¹, donec dux stetisset, Romana acie.
Postquam is, non pro vetere fama solum, sed etiam metu
futuri dedecoris, si sua temeritate contractæ cladi superes-
set, objectans se hostium telis, cecidit, fusa extemplo est
Romana acies. sed adeo ne fugæ quidem iter patuit, omni-
bus viis ab equite insessis, ut ex tanta multitudine vix mille
evaserint; ceteri passim, alii alia peste, absumti sint.

XX. Capua a consulibus iterum summa vi obsideri coep- Capua ob-
ta est: quæque in eam rem opus erant, comportabantur ^{scissa.}
parabanturque. Casilinum frumentum convectum: ad
Vulturni ostium, ubi punc urbs est, castellum communi-

¹ abierunt Gron. Crev.

² et magna Eæd.

³ et del. Eæd.

¹⁷ Consules .. diversi, Fulvius in
agrum Cumanum, Claudius in Luca-
nos, abierunt] Put. codex abit: Vic-
tor. abiit: ut verbum ad ultimum
duntaxat nomen referatur. Et sic
interdum Livius. Ut c. 21. infra, ubi
vulgo legitur circa Herdoneam Roma-
ne legiones, et prætor Fulvius erant,

Put. erat. Vid. et not. 38. ad l. I. c.
58.

¹⁸ Primipili centuriones] Vid. not.
45. ad II. 27.

¹⁹ Ut in nulla pari re] Ut pugnari
potuit, ubi nulla res erat par; ubi
neque dux duci, neque exercitus ex-
ercitui ullo modo comparandus.

U. C. 540. tum : (²⁰ ante Fabius Maximus munierat) præsidium inpo-
 A. C. 212. situm, ut^k mare proximum et flumen in potestate essent. In ea duo maritima castella frumentum, quod ex Sardinia nuper missum erat, quodque M. Junius prætor ex Etruria coëmerat, ab Ostia convectum est, ut exercitui per hiemem copia esset. Ceterum super eam cladem, quæ in Lucanis accepta erat, volonum quoque exercitus, qui, vivo Graccho, summa fide stipendia fecerat, velut exauctoratus morte ducis, ab signis discessit. Hannibal non Capuam neglectam, neque, ut^l tanto discrimine, desertos volebat socios : sed, prospero ex temeritate unius Romani ducis successu, in alterius ducis exercitusque obprimendi occasionem imminabat. Cn. Fulvium prætorem Apuli legati nunciabant, primo, dum urbes quasdam Apulorum, quæ ad Hannibalem descivissent, obpugnaret, intentius rem egisse : postea nimio successu et ipsum et milites, præda impletos, in tantam licentiam socordiamque effusos, ut nulla disciplina militiæ esset. Quum sæpe alias, tum paucis diebus ante expertus, qualis sub incerto duce exercitus esset, in Apuliam castra movit.

Cn. Fulvius in Apulia.

Ab Hannibale vincitur.

XXI. Circa Herdoneam Romanæ legiones et prætor Fulvius erant. quo ubi adlatum est, hostes adventare, prope est factum, ut injussu prætoris ²¹signis convulsis in aciem exirent. nec res ulla magis tenuit, quam spes haud dubia, suo id^m arbitrio, ubi vellent, acturos. Nocte insequenti Hannibal, quum tumultuatum in castris, et plerosque ferociter, signum ut daret, instituisse duci ad arma vocantes sciret, haud dubius prosperæ pugnae occasionem dari, tria millia expeditorum militum in villis circa, vepribusque, et silvis disponit ; qui, signo dato, simul omnes e latibus exsisterent : et Magonem ac duo ferme millia equitum, qua fugam inclinaturam credebat, omnia itinera insidere jubet. his nocte præparatis, prima luce in aciem copias educit. Nec Fulvius est cunctatus, non tam sua ulla spe, quam militum inpetu fortuito tractus. itaque eadem temeritate, qua processum in aciem est, instruitur ipsa acies ad libidinem militum forte procurrentium consisten-

^k ut et Gron. Crev.

^l ut l. in Ead.

^m id del. Ead.

²⁰ Ante Fabius Maximus munierat] Non castellum ad Vulturum ostium, sed Puteolos Fabius munierat. Vid. l. XXIV. c. 7. Ac de Puteolis mentionem hoc loco fecisse Livium patet, tum ex eo quod infra *duo maritima castella* appellat, tum ex c. 22. hujus libri, in quo Puteoli diserte nominantur. App. Claudius consul, D. Junio ad ostium Vulturum, M. Aurelio Cotta Puteolis præposito, qui &c.

Vult igitur Livius, præter Puteolos, quos aliquanto ante Fabius munierat, etiam aliud castellum in eadem ora maris ad Vulturum ostium hoc anno fuisse communitum. Unde legendum videtur : *ad Vulturum ostium . . . castellum communitum : Puteolis (ante Fabius Maximus munierat) præsidium impositum : ut, &c.*

²¹ Signis convulsis] Vid. not. 38. ad III. 54.

tiumque, quo loco ipsorum tulisset animus, deinde per libi- U. C. 540.
dinem aut metum deserentium locum. prima legio et ²² si- A. C. 212.
nistra ala in primo instructæ, et in longitudinem porrecta
acies. clamantibus tribunis, *nihil introrsus roboris ac virium
esse, et, quacumque inpetum fecisset hostis*, perrupturos: ni-
hil²³, quod salutare esset, non modo ad animum, sed ne ad
aures quidem admittebant. Et Hannibal, haudquaquam
similis dux, neque simili exercitu, neque ita instructo ade-
rat. ergo ne clamorem quidem atque inpetum primum eo-
rum Romani sustinere. Dux, stultitia et temeritate Cen-
tenio par, animo nequaquam comparandus, ubi rem incli-
natam ac trepidantes suos vidit, equo adrepto cum ducen-
tis ferme equitibus effugit: cetera a fronte pulsa, ²⁴ a ²⁵ ter-
go atque alis circumventa acies, eo usque est cæsa, ut ex
duodeviginti millibus hominum, duo millia haud amplius
evaserint. castris hostes potiti sunt.

XXII. Hæ clades, super aliam alia, Romam quum essent
nunciatae, ingens quidem et luctus et pavor civitatem cepit.
sed tamen, quia consules, ubi summa rerum esset, ad id lo-
corum ²⁴ prospere rem gererent, minus his cladibus commo-
vebantur. Legatos ad consules mittunt C. Lætorium, M.
Metilium, qui nunciarent, ut reliquias duorum exercituum
cum cura conlegerent: darentque operam, ne per metum
ac desperationem hosti se dederent, (id quod post Cannen-
sem accidisset cladem) et ut desertores de exercitu volonum
conquirerent. Idem negotii P. Cornelio datum, cui et de-
lectus mandatus erat: isque per fora conciliabulaque edixit,
ut conquisitio volonum fieret, iique ad signa reducerentur.
Hæc omnia intentissima cura acta. Ap. Claudius consul,
D. Junio ad ostium Vulturni, M. Aurelio Cotta Puteolis
præposito, qui, ut quæque naves ex Etruria ac Sardinia ac-
cessissent, extemplo in castra mitterent frumentum; ipse
ad Capuam regressus, Q. Fulvium collegam invenit ²⁵ Casi-
lini²⁵, omnia inde²⁵ portantem²⁵ molientemque ad obpugnan-

²² *fecissent hostes* Gron. Crev.

²³ *nil* Eæd.

²⁴ *a del.* Gron.

²⁵ *Casilino* Gron. Crev.

²⁶ *inde del.* Eæd.

²⁷ *importantem* Eæd.

²² *Sinistra ala*] Socialis exercitus
a Romanis dividebatur in duo cor-
pora: alterum appellabant *dexterum
alam*, alterum *sinistram*. Itaque id
fere erat *ala* in sociali exercitu, quod
legio in Romano. Hinc prima legio
et sinistra ala hoc loco junguntur,
tanquam corpora ejusdem generis at-
que ordinis. Cave igitur hic equites
intelligas. Fuere pedites socii. Vid.
Lips. l. II. de Milit. Rom. Dial. 7.

²³ *A tergo atque alis*] *Alæ* hic sunt
latera aciei. Ceterum scripti habent

in tergo.

²⁴ *Prospere rem gererent*] Olim
prospere gererent. Gronovius quum
reperiret in duobus MSS. vel optimis
prosperem gererent, fecit id quod ha-
bes in contextu.

²⁵ *Casilino omnia importantem*] Quum
MSS. habeant *omnia inde por-
tantem*, vix videtur dubitari posse,
quin legendum sit: *collegam invenit
Casilini, omnia inde portantem*. Et
sic plane Victor. codex.

U. C. 540. dam Capuam. ²⁶ Tum ambo ¹ circumsederunt urbem, et
 A. C. 212. Claudium Neronem prætorem ab Suesula ex ²⁷ Claudianis
 castris exciverunt. Is quoque, modico ibi præsidio ad te-
 nendum locum relicto, ceteris omnibus copiis ad Capuam
 descendit. ita tria prætoria circa Capuam erecta, tres et
 exercitus diversis partibus opus adgressi, fossa valloque
 circumdare urbem parant, et castella excitant modicis in-
 intervallis: multisque simul locis cum prohibentibus opera
 Campanis eo eventu pugnant, ut postremo portis muro-
 que se contineret Campanus. Prius tamen, quam hæc con-
 tinuarentur opera, legati ad Hannibalem missi, qui que-
 rerentur, desertam ab eo Capuam, ac prope ²⁸ redditam
 Romanis: obtestarenturque, ut tunc saltem opem non cir-
 cumsessis modo, sed etiam circumvallatis, ferret. Consuli-
 bus literæ a P. Cornelio prætore missæ, *Ut priusquam clau-
 derent Capuam operibus, potestatem Campanis facerent, ut,
 qui eorum vellent, exirent ab Capua, suasque res secum aufer-
 rent. Liberos fore suaque omnia habituros, qui ante Idus Mar-
 tias exissent. post eam diem quique exissent, quique ibi mansis-
 sent, hostium futuros numero.* ea pronunciata Campanis, atque
 ita spreta, ut ultro dicerent contumelias, minarenturque.
 Hannibal ab Herdonea Tarentum duxerat legiones; spe,
 aut vi, aut dolo, arcis Tarentinæ potiundæ. Quod ubi pa-
 rum processit, ad Brundisium flexit iter, prodi id oppidum
 ratus. ibi quoque quum frustra tereret tempus, legati Cam-
 pani ad eum venerunt, querentes simul, orantesque. quibus
 Hannibal magnifice respondit, et antea solvisse obsidionem,
 et nunc adventum suum consules non laturos. Cum hac spe
 dimissi legati, vix regredi Capuam, jam duplici fossa vallo-
 que cinctam, potuerunt.

Capua ope-
 ribus cingi-
 tur.

Hannibal
 auxilium
 promittit
 Campanis.

XXIII. Quum maxime Capua circumvallaretur, Syra-
 cusarum obpugnatio ad finem venit, præterquam vi ac vir-
 tute ducis exercitusque, intestina etiam proditione adjuta.
 Namque Marcellus initio veris incertus, utrum Agrigentum
 ad Himilconem et Hippocraten verteret bellum, ²⁹ an obsi-
 dione Syracusas premeret, quamquam nec vi capi videbat

¹ ambo l. ambo consules Gron.

²⁶ Tum ambo circumsederunt ur-
 bem] Erasimus vocem consules, quam
 nostri libri, ut et optimi e Gronovia-
 nis, omittunt.

²⁷ Claudianis castris] Castris a
 Claudio Marcello primum comuni-
 tis, quæque, quum per aliquot jam
 annos starent, auctoris semper no-
 men servabant. Vid. l. XXIII. capp.
 17. et 31.

²⁸ * Redditam] Melius traditam.

²⁹ An obsidione Syracusas premeret]

Priore anno assederat Syracusis solus
 Appius, (eum enim sub finem demum
 ejusdem anni dimissum Romam esse
 credimus) dum Marcellus arma per
 Siciliam circumferebat, et adversus
 Himilconem et Hippocratem res gere-
 bat. (Vid. not. 5. ad XXIV. 39. supra.)
 Hic igitur dubitat Marcellus, utrum
 ad Himilconem et Hippocratem ver-
 surus sit, quemadmodum priore anno,
 bellum, an remansurus ad premendas
 obsidione Syracusas.

posse inexpugnabilem terrestri ac maritimo situ urbem, U. C. 540.
³⁰ nec fame, quam prope liberi ab Karthagine commeatus A. C. 212.
 alerent, tamen, ne quid inexpertum relinqueret, transfugas
 Syracusanos (erant autem apud Romanos aliqui nobilissimi
 viri, inter defectionem ab Romanis, quia ab novis consiliis
 abhorrebant, pulsi) conloquiis suæ partis tentare hominum Conloquia
 animos jussit, et fidem dare, si traditæ forent Syracusæ, li- de proden-
 beros eos ac suis legibus victuros esse. Non erat conloqui diis Marcel-
 copia, quia multorum animi suspecti omnium curam ocu- lo Syracu-
 sis.
 losque converterant, ne quid falleret tale admissum. Servus
 unus exsulum, pro transfuga intronissus in urbem, conven-
 tis paucis, initium conloquendi de tali re fecit. ³¹ deinde in
 piscatoria quidam navi, retibus operti, circumvectique ita
 ad castra Romana, conlocutique cum transfugis: et idem
 sæpius eodem modo alii atque alii. postremo ad octoginta fac-
 ti. Et, quum jam composita omnia ad proditionem essent, in- Res defer-
 dicio delato ad Epicyden per Attalum quemdam, indignantem tur ad Epi-
 sibi rem creditam non esse, necati omnes cum cruciatu sunt. cyden.

Alia subinde spes, postquam hæc vana evaserat, excepit.
 Damippus quidam Lacedæmonius, missus ab Syracusis ad
 Philippum regem, captus ab Romanis navibus erat. hujus
 utique redimendi et Epicydæ cura erat ingens; nec abnuit
 Marcellus, jam tum ³² Ætolorum, cujus gentis socii Lacedæ-
 monii erant, amicitiam adfectantibus Romanis. Ad con-
 loquium de redemptione ejus missis, medius maxime atque
 utrisque opportunus locus, ad portum Trogiliorum, propter
 turrim, quam vocant Galeagram, est visus. quo quum sæ-
 pius commearent, unus ex Romanis, ex propinquo murum
 contemplatus, numerando lapides, æstimandoque ipse se-
 cum, ³³ quid in fronte paterent singuli, altitudinem * muri,
 quantum proxime conjectura poterat, permensus, humilio-
 remque aliquanto pristina opinione sua et ceterorum omnium
 ratus esse, et vel mediocribus scalis superabilem, ad Mar-
 cellum rem defert. Haud spernenda visa. sed, quum adiri
 locus, qui ob id ipsum intentius custodiebatur, non posset,
 occasio quærebatur: quam obtulit transfuga, nuncians,

^u qui omissa paullo post voce *singuli* Gron.
itudinem Ead.

^{*} *altitudinem* l. *simul alti-*

30 *Nec fame, quam*] Optimi MSS.
 duo, *nec fame unquam*. Lege, *ut*
quam. GRON. * utpote quam.

31 *Deinde in piscatoria quidam*
navi] Omnes scripti respuunt *in*.

32 *Ætolorum, cujus gentis socii*] Vocem *gentis* ignorant MSS. tum Gronoviani, tum nostri. Gronovius legendum suspicatur *quibus*, vel *queis socii*.

33 *Quid in fronte paterent singuli*]

Vulgo hic habetur *qui . . . simul*: at pro *simul* legendum esse *singuli*, MSS. docent. Mutamus *qui* in *quid* ex proba Gronovii conjectura. Nimirum ille Romanus numerat, quot lapides ab imo muro ad summum essent: æstimat ipse secum, quid in fronte, id est, in altitudine paterent singuli: inde colligit, quæ sit altitudo muri ipsius.

U. C. 540. ³⁴ diem festum Dianæ per triduum agi, et, quia alia in obsi-
 A. C. 212. dione desint, vino largius epulas celebrari, et ab Epicycle
 præbito universæ plebei, et per tribus a principibus diviso.
 Id ubi accepit Marcellus, cum paucis tribunorum militum
 conlocutus, electisque per eos ad rem tantam agendam au-
 dendamque idoneis centurionibus militibusque, et scalis in
 occulto comparatis, ceteris ³⁵ signum dari jubet; ut mature
 corpora curarent, quietique darent. nocte in expeditionem
 eundum esse. Inde ubi id temporis visum, quo ³⁶ de die
 epulatis jam vini satias principiumque somni esset, ³⁷ signi
 unius milites ferre scalas jussit; et ad mille fere armati te-
 nui agmine per silentium eo deducti. Ubi sine strepitu ac
 tumultu primi evaserunt in murum, secuti ordine alii;
 quum priorum audacia dubiis etiam animum faceret.

Murum ur-
 bis superant
 scalis Ro-
 mani.

XXIV. ³⁸ Jam mille armatorum ceperant partem, quum
 ceteræ admotæ, pluribusque scalis in murum evadebant,
 signo ab Hexapylo dato; quo per ingentem solitudinem
 erat perventum, quia magna pars, in turribus epulati, aut
 sopiti vino erant, aut semigraves potabant. paucos tamen
 eorum ³⁹ obpressos in cubilibus interfecerunt. Prope Hexa-
 pylon est portula magna vi refringi cœpta; et e muro ex
 composito tuba datum signum erat. Et jam undique, non
 furtim, sed vi aperta, gerebatur res. quippe ad Epipolas,
 frequentem custodiis locum, perventum erat, terrendique
 magis hostes erant, quam fallendi; sicut territi sunt. nam
 simul ac tubarum est auditus cantus, clamorque tenentium
 muros partemque urbis; ⁴⁰ omnia teneri custodes rati, alii
 per murum fugere, alii salire de muro, præcipitarique turba
 paventium. Magna pars tamen ignara tanti mali erat, et
 gravatis omnibus vino somnoque, ⁴¹ et, in vastæ magnitudi-

³⁴ *Diem festum Dianæ per tri-
 duum agi]* Ferre non possumus *diem
 festum per triduum*. Expunge *et
 diem*. Ovidius non semel *festum* sic
 nude et absolute usurpavit. Lib. I.
 Fast. v. 190. *Pars mihi de festo ne
 labet ulla tuo*. Et l. III. v. 199. *Festa
 para Conso*. Et alibi sæpius.

³⁵ *Signum dari]* Nempe per tes-
 seram. Vid. not. 61. ad l. VII. c. 35.

³⁶ *De die epulatis]* Vid. not. 26. ad l.
 XXIII. c. 8. supra. Debetur particula
de conjecturæ Lipsii.

³⁷ *Signi unius]* Unius manipuli.
 Vid. not. 2. ad l. XXXIII. c. 1. infra.

³⁸ *Jam mille armatorum]* Jam
 mille armati transcenderant murum,
 et ceperant partem urbis, quum ce-
 teræ scalæ admotæ. Clarius foret,
 quod suggerit Muretus: *quum ceteri*

*admotis pluribus scalis in murum eva-
 debant*. Sane unus e nostris codd.
præfert pluribus scalis sine et que.

³⁹ *Oppressos]* Unus e nostris codd.
 hoc plane exhibet, atque adeo tollit
 omnem dubitationem de hac Grono-
 vii emendatione, qui repererat in suis
inpressos vel *impressos*, quum vulgati
 haberent *comprehensos*.

⁴⁰ *Omnia teneri custodes rati, alii]*
 Quamplurimi scripti carent voce *rati*,
 quæ tamen necessaria est. Recte sus-
 picatur Jac. Gronovius delendum *et
 alii*, male additum ut respondeat al-
 teri quod sequitur, quum sæpe soleat
 Livius in partitionibus alterum sup-
 primere. Sic l. III. c. 37. *virgis cædi,
 alii securi subjici*. Vid. et not. 25. ad
 l. V. c. 8.

⁴¹ *Et, in vastæ magnitudinis urbe]*

nis urbe, partium sensu non satis pertinente in omnia. Sub U. C. 540. luce, Hexapylo effracto, Marcellus, omnibus copiis urbem A. C. 212. ingressus, excitavit convertitque omnes ad arma capienda, opemque, si quam possent, jam captæ prope urbi ferendam. Epicydes, ⁴² ab Insula, quam ipsi Nason vocant, citato profectus agmine, haud dubius, quin paucos, per negligentiam custodum transgressos murum, expulsurus foret, obcurrentibus pavidis, tumultum augere eos, dictitans, et majora ac terribiliora vero adferre, postquam conspexit omnia circa Epipolas armis completa, laccessito tantum hoste paucis missilibus, retro in Achradinam agmen convertit, non tam vim multitudinemque hostium metuens, quam ne qua intestina fraus per occasionem oriretur, clausasque inter tumultum Achradinæ atque Insulæ inveniret portas. Marcellus, ut, mœnia ingressus, ex superioribus locis urbem, omnium ferme illa tempestate pulcherrimam, subjectam oculis vidit, inlacrimasse dicitur, partim gaudio tantæ perpetratæ rei, Marcelli lacrimæ. partim vetusta gloria urbis. Atheniensium classes demersæ, et duo ingentes exercitus ⁴³ cum duobus clarissimis ducibus deleti, obcurrabant, et tot bella cum Karthaginiensibus tanto cum discrimine gesta; tot tam opulenti tyranni regesque; præter ceteros Hiero, quum recentissimæ memoriæ rex, tum ante omnia, quæ virtus ei fortunaque sua dederat, beneficiis in populum Romanum insignis. ea quum universa obcurrerent animo, subiretque cogitatio, jam illa momento horæ arsura omnia, et ad cineres reditura: priusquam ⁴⁴ signa Achradinam' admoveret, præmittit Syracusanos, ⁴⁵ qui intra præsidia Romana, ut ante dictum est, fuerant, ut adloquio leni perlicerent hostes ad dedendam urbem.

XXV. Tenebant Achradinæ portas murosque maxime transfugæ, quibus nulla erat per conditiones veniæ spes: ii nec adire muros, nec adloqui quemquam passi. itaque Mar-

7 Achradinæ Gron.

Et, quod in vastæ magnitudinis urbe sensus earum rerum, quæ in parte quapiam urbis gererentur, non satis pervadebat in ceteras omnes urbis partes.

42 *Ab Insula, quam ipsi Nason vocant*] Græce insula est νῆσος. At Diores, quorum dialectus in Sicilia vigeat, dicunt νῆσος, mutata pro suo more littera η in α.

43 *Cum duobus clarissimis ducibus*] Duo duces, quos hic indicat Livius, sunt Nicias et Demosthenes, qui in miserabili Atheniensium ab Syracusis fuga interierunt. Durante Syracusarum obsidione, duo jam alii Atheniensium duces occiderant, Lama-

chus et Eurymedon. Vid. Thucyd. l. VII. et Plut. in Nicia.

44 *Signa Achradinam admoveret*] Sic habet Pnt. codex et ceteri omnes nostri. Et tuetur ipse Livius, l. XXVII. c. 25. *Lacinium Annibal admoverat copias*: et l. XXVIII. c. 46. *M. Livium . . ex Etruria volonum exercitum admovere Ariminum jussurunt*. Victorinus tamen liber hoc loco addit præpositionem *ad*. Vulgo *Achradinæ*.

45 * *Qui intra præsidia Romana . . . fuerant*] Qui in exercitibus Romanis, in castris Romanis fuerant. *Præsidia* hic nihil aliud sunt, quam copiæ, vires, castra.

U. C. 540.
A. C. 212.

Neapolis et
Tyche de-
duntur.

Tumulum
Euryalum
recipit Mar-
cellus.

cellus, postquam id inceptum irritum fuit, ad Euryalum signa referri jussit. tumulus est in extrema parte urbis ⁴⁶ versus a mari, viæque imminens ferenti in agros mediterraneaue insulæ, percommode situs ad commeatus excipiendos. Præerat huic arci Philodemus Argivus, ab Epicyde inpositus, ad quem missus a Marcello Sosis, unus ex interfectoribus tyranni, quum, longo sermone habito, dilatus per frustrationem esset, retulit Marcello, tempus eum ad deliberandum sumsisse. Quum is diem de die differret, dum Hippocrates atque Himilco admoverent castra legionesque, haud dubius, si in arcem accepisset eos, deleri Romanum exercitum inclusum muris posse; Marcellus, ut Euryalum neque tradi, neque capi vidit posse, ⁴⁷ inter Neapolim et Tychem (⁴⁸ nomina partium urbis, et instar urbium sunt) posuit castra, timens, ne, si frequentia intrasset loca, contineri ab discursu miles avidus prædæ non posset. Legati eo ab Tyche et Neapoli ⁴⁹ cum infulis et velamentis venerunt, precantes, ut a cædibus et ab incendiis parceretur. De quorum precibus, quam postulatis, magis consilio habito, Marcellus ex omnium sententia edixit militibus, *ne quis liberum corpus violaret. cetera prædæ futura.* ⁵⁰ castraque tectis parietum pro muro septa. ⁵¹ portis regione platearum patentibus stationes præsidiaque disposuit, ne quis in discursu militum inpetus in castra fieri posset. Inde, signo dato, milites discurrerunt; refractisque foribus, quum omnia terrore ac tumultu streperent, a cædibus tamen temperatum est. rapinis nullus ante modus fuit, quam omnia diuturna felicitate cumulata bona egressere. Inter hæc et Philodemus, quum spes auxilii nulla esset, fide accepta, ut inviolatus ad Epicyden rediret, deducto præsidio, tradidit tumulum Romanis. Aversis omnibus ad tumultum ex parte captæ urbis, Bomilcar, noctem eam nactus, qua propter vim tempestatis stare ad anchoram

46 *Versus a mari*] A mari longius discedens, ac versus in mediterranea insulæ.

47 *Inter Neapolim et Tychem*] *Neapolis* sic dicta est, quia postrema ædificata fuerat: *Tyche*, quod in ea esset antiquissimum Fortunæ fanum. Testis est Cic. l. IV. in Verr. n. 119.

48 *Nomina partium*] Put. *nomine a partium*. Alius item probæ notæ *nomine apertium*. Scribe *nomina ea partium*. Gronov.

49 *Cum infulis ac velamentis*] Supplicum more. Infulis velati sacerdotes sacra faciebant. Hinc assumptæ sunt a supplicibus, ut religiosæ vestis objectu ira mitesceret. *Velamenta* proprii et signate dicebantur, quæcun-

que supplices misericordiæ movendæ causa præferebant, ut ramos oleæ vittis obvolutos, etc.

50 *Castraque tectis parietum pro muro septa*] Hæc sana esse vix quisquam nobis persuaserit. Quid enim sunt *tecta parietum*? Jam vero, quis sensus hic esse potest harum vocum, *pro muro*? quasi vero castra muris sepi soleant. Hic locus sine libris curari posse non videtur.

51 *Portis regione platearum patentibus*] Portis castrorum apertis e regione laterum utriusque urbis viarum. Si quis tamen velit intelligere ipsarum urbium portas, non magno opere repugnabimus.

in salo Romana classis non posset, cum triginta quinque navibus ex portu Syracusano profectus, libero mari vela in altum dedit, quinque et quinquaginta navibus Epicydæ et Syracusanis relictis: edoctisque Karthaginiensibus, in quanto res Syracusana discrimine esset, cum centum navibus post paucos dies redit, multis (ut fama est) donis ex Hieronis gaza ab Epicyde donatus. U. C. 540.
A. C. 212.

XXVI. Marcellus, Euryalo recepto præsidioque addito, una cura erat liber, ne qua ab tergo vis hostium in arcem accepta inclusos inpeditosque mœnibus suos turbaret. Achradinam inde, trinis castris per idonea dispositis loca, spe ad inopiam omnium rerum inclusos redacturum, circumcumsedit. Achradi-
nam obsi-
det. Quum per aliquot dies quietæ stationes utrimque fuissent, repente adventus Hippocratis et Himilconis, ut ultro undique obpugnarentur Romani, fecit. Hippocra-
tes et Hi-
milco ve-
niunt Syra-
cusas. nam et Hippocrates, castris ⁵² ad magnum portum communis, signoque iis dato, qui Achradinam tenebant, castra vetera Romanorum adortus est, quibus Crispinus præerat; et Epicydes eruptionem in stationes Marcelli fecit: et classis Punica litori, quod inter urbem et castra Romana erat, adpulsa est; ne quid præsidii Crispino submitti a Marcello posset. Tumultum tamen majorem hostes præbuerunt, quam certamen. nam et Crispinus Hippocraten non repulit tantum munimentis, sed insecutus etiam est trepide fugientem: et Epicyden Marcellus in urbem compulit. satisque jam etiam in posterum videbatur provisum, ne quid ab repentinis eorum excursionibus periculi foret. Accessit et pestilentia, commune malum, quod facile utrorumque animos averteret a belli consiliis. Pestilentia. nam tempore autumnii, et locis natura gravibus, multo tamen magis extra urbem, quam in urbe, intoleranda vis æstus per utraque castra omnium ferme corpora movit. Et primo temporis ac loci vitio et ægri erant, et moriebantur: postea curatio ipsa et contactus ægrorum vulgabat morbos: ut aut neglecti desertique, qui incidissent, morerentur, aut adsidentes curantesque eadem vi morbi repletos secum traherent: quotidianaque funera et mors ob oculos esset, et undique dies noctesque ploratus audirentur. Postremo ita adsuetudine mali efferverant animos, ut ⁵³ non modo lacrimis justoque comploratu prosequerentur mortuos, sed ne efferrent quidem, aut sepelirent, jacerentque strata exanima corpora in conspectu similem mortem expectantium; mortuique ægros, ægri validos, cum metu, tum tabe ac pestifero odore corporum,

⁵² *Ad magnum portum*] Duos portus Syracusæ habent, quos Insula dividit eadem et efficit, alterum altero majorem.

⁵³ *Non modo*] Non modo non, ut jam aliquoties annotavimus.

U. C. 540. conficerent. et, ut ferro potius morerentur, quidam invade-
 A. C. 212. bant soli hostium stationes. Multo tamen vis major² pes-
 tis Pœnorum castra, quam Romana, (diu circumsedendo
 Quæ absumitur exercitus Punicus. Syracusas, cœlo aquisque adsuerant magis) adfecerat. Ex
 hostium exercitu Siculi, ut primum videre ex gravitate loci
 vulgari morbos, in suas quisque propinquas urbes dilapsi
 sunt. at Karthaginienses, quibus nusquam receptus erat,
 cum ipsis ducibus Hippocrate atque Himilcone, ad inter-
 necionem omnes perierunt. Marcellus, ut tanta vis ingru-
 bat mali, traduxerat in urbem suos: infirmæque corpora
 tecta et umbræ recreaverant. Multi tamen ex Romano ex-
 exercitu eadem peste absumti sunt.

Classis Pu-
 nica.

XXVII. Deleto terrestri Punico exercitu, Siculi, qui
 Hippocratis milites fuerant,⁵⁴ in haud magna oppida, cete-
 rum et situ et munimentis tuta, (tria millia alterum ab Sy-
 racusis, alterum quindecim abest) eo et commeatus e civi-
 tatibus suis comportabant, et auxilia arcessebant. Interea
 Bomilcar, iterum cum classe profectus Karthaginem, ita
 exposita fortuna sociorum, ut spem faceret, non ipsis modo
 salutarem opem ferri posse, sed Romanos quoque in capta
 quodammodo urbe capi, perpulit, ut onerarias naves quam
 plurimas omni copia rerum onustas secum mitterent, clas-
 semque suam augerent. igitur, centum triginta navibus lon-
 gis et septingentis onerariis profectus a Karthagine, satis
 prosperos⁵ ventos ad trajiciendum in Siciliam habuit.⁵⁵ sed
 iidem venti superare eum Pachynum prohibebant. Bomil-
 caris adventus, fama primo, dein præter spem mora, quum
 gaudium et metum in vicem Romanis Syracusanisque præ-
 buisset; Epicydes metuens, ne, si pergerent⁵⁶ iidem, qui
 tum tenebant, ab ortu solis flare per dies plures venti, clas-
 sis Punica Africam repeteret, tradita Achradina mercena-
 riorum militum ducibus, ad Bomilcatem navigat.⁵⁷ classem
 in statione versa in Africam habentem, atque timentem na-
 vale prælium, non tam quod impar viribus aut numero na-
 vium esset, (quippe etiam plures habebat) quam quod venti
 aptiores Romanæ, quam suæ, classi flarent, perpulit tan-

² major vis Gron. Crev.

⁵ prosperos satis Eed.

⁵⁴ In haud magna oppida .. eo] Supervacua videtur particula eo. At nonnunquam amat Livius ita loqui, ut claritati serviat. Vid. l. I. capp. 19. et 58. et alibi sæpius.

⁵⁵ Sed iidem venti] Carthagine Pachynum petentes ventus ab occasu ferme flans vexerat. Auster necessarius erat navigaturis ab Pachyno Syracusas.

⁵⁶ Iidem qui tum tenebant ab ortu solis .. venti] Venti ergo mutati fue-

rant ex quo Bomilcar ad Pachynum pervenerat: sed ita ut non minus, quam prius, prohiberent superari promontorium, et jam Carthaginem versus classem impellerent.

⁵⁷ * Classem in statione versa in Africam habentem] Bomilcarem, qui habebat classem in statione versa in Africam; classem stantem proris in Africam versis, tanquam eo brevi trajecturam.

dem, ut fortunam navalis certaminis experiri vellet. Et U. C. 540. Marcellus, quum et Siculum exercitum ex tota insula con- A. C. 212. ciri videret, et cum ingenti comineatu classem Punicam adventare, ne simul terra marique inclusus urbe hostium urgueretur, quamquam impar numero navium erat, prohibere aditu Syracusarum Bomilcarem constituit. Duæ classes infestæ circa promontorium Pachynum stabant, ubi prima tranquillitas maris ⁵⁸ in altum evexisset, concursuræ. Itaque, cadente jam Euro, qui per dies aliquot sævierat, prior Bomilcar movit: cujus prima classis petere altum visa est, quo facilius superaret promontorium. ceterum, postquam tendere ad se Romanas naves vidit, incertum quæ subita territus re, Bomilcar vela in altum dedit, missisque nunciis Heracleam, qui onerarias ⁵⁹ retro in Africam repetere juberent, ipse, Siciliam prætervectus, Tarentum petit. Epicydes, a tanta repente destitutus spe, ne in obsidionem magna ex parte captæ urbis rediret, Agrigentum navigat, exspectaturus magis eventum, quam inde quidquam moturus.

Prælium
navale de-
trectat.

Epicydes
Agrigen-
tum abit.

XXVIII. Quæ ubi in castra Siculorum sunt nunciata, Epicyden Syracusis excessisse, a Karthaginiensibus relictam insulam, et prope ⁶⁰ iterum Romanis traditam; legatos de conditionibus dedendæ urbis, explorata prius per conloquia voluntate eorum, qui obsidebantur, ad Marcellum mittunt. Quum haud ferme discreparet, quin, quæ ubique regum fuissent, Romanorum essent; Siculis cetera cum libertate ac legibus suis servarentur; evocatis ad colloquium his, quibus ab Epicyde creditæ res erant, *missos se simul ad Marcellum, ⁶¹ simul ad eos^b ab exercitu Siculorum*, aiunt, *ut una omnium, qui obsiderentur, quique extra obsidionem essent, fortuna esset; neve alteri proprie sibi paciscerentur quidquam.* Recepti deinde ab iis, ut necessarios hospitesque adloquerentur, expositis, quæ pacta jam cum Marcello haberent, oblata spe salutis perpulere eos, ut secum præfectos Epicydis, Polyclitum, et Philistionem, et Epicyden, cui Sindon. cognomen erat, adgrederentur. interfectis iis, et multitudo ad concionem vocata, et ⁶² inopiam, qua ipsi

Legati ex-
ercitus Si-
culorum ad
Marcellum.

Intrant Sy-
racusæ.

Præfecti
Epicydis in-
terficiun-
tur.

^b ad eos l. ab eo Gron.

^c Sidon Ead.

58* *In altum evexisset*] Sivisset in altum evehi.

59 *Retro in Africam repetere*] Magis usitatum foret *retro Africam repetere*, sine præpositione. Si quis tamen vulgatam tueri velit, potest intelligere, *repetere* iter, vel cursum in Africam.

60 *Iterum Romanis traditam*] *Iterum*, quia foedere ad Ægates insulas icto jam tradita fuerat Romanis.

61 *Simul ad eos ab exercitu Siculo-*

rum] Hæc est ipsa scriptura cod. Put. nisi quod pro *eos* habet *eo*. Nihil ergo attinebat pati vitiosam lectionem, quæ hunc locum insederat, diutius in ejus possessione remanere: *simul ab eo ad exercitum Siculorum*. Mendum coarguerat jam egregie acutissimus Perizonius, et veram lectionem conjectura præceperat.

62 *Inopiam, qua ipsi*] Viot. codex, *quam ipsi*: Put. *quæ ipri*. Lege *qua et ipsi*.

U. C. 540. inter se fremere occulte soliti erant, conquesti, *quamquam*
 A. C. 212. tot mala urguerent, negarunt, *fortunam accusandam esse, quod*
in ipsorum esset potestate, quamdiu ea paterentur. Romanis
causam obpugnandi Syracusas fuisse caritatem Syracusanorum,
non odium: nam, ut occupatas res ab satellitibus Hanni-
balis, deinde Hieronymi, Hippocrate atque Epicyde audierint,
tum bellum movisse, et obsidere urbem cepisse, ut crudeles ty-
rannos ejus, non ut ipsam urbem, expugnarent. Hippocrate
 vero interemto, Epicyde intercluso ab Syracusis, et praefectis
 ejus occisis, Karthaginensibus omni possessione Siciliae terra
 marique pulsas, quam superesse causam Romanis, cur non,
 perinde ac si Hiero ipse viveret, unicus Romanae amicitiae cul-
 tor, incolumes Syracusas esse velint? Itaque nec urbi nec ho-
 minibus ⁶³ aliud periculum ^a, quam ab semet ipsis, esse, si occa-
 sionem reconciliandi se Romanis ⁴ praetermisissent. ⁶⁴ eam au-
 tem, qualis illo momento horae sit, nullam deinde fore, ⁶⁵ simul
 liberatos ab impotentibus tyrannis adparuisset.

Legatorum
 Syracusanorum ad
 Marcellum
 oratio.

XXIX. Omnium ingenti adsensu audita ea oratio est.
 Praetores tamen prius creari, quam legatos nominari, pla-
 cuit. ex ipsorum deinde praetorum numero missi oratores
 ad Marcellum. quorum princeps, Neque primo, inquit, Sy-
 racusani a vobis defecimus, sed Hieronymus, nequaquam tam
 in vos inpius, quam in nos: nec postea pacem, tyranni caede
 compositam, Syracusanus quisquam, sed satellites regii Hippo-
 crates atque Epicydes, obpressis nobis hinc metu, hinc fraude,
 turbaverunt. nec quisquam dicere potest, aliquando nobis liber-
 tatis tempus fuisse, quod pacis vobiscum non fuerit. Nunc
 certe caede eorum, qui obpressas tenebant Syracusas, quum pri-
 mum nostri arbitrii esse cepimus, extemplo venimus ad traden-
 da arma; dedendos nos, urbem, mania: nullam recusandam
 fortunam, quae inposita a vobis fuerit. Gloriam captae nobi-
 lissimae pulcherrimaeque urbis Graecarum Dei tibi dederunt,
 Marcelle. quidquid umquam terra marique memorandum ges-
 sinus, id tui triumphi titulo accedit. ⁶⁶ Famæne credi velis,

^a periculi Gron.

⁴ Romano Ead.

⁶³ Aliud periculum ... reconciliandi se Romanis] Sic MSS. omnes, et antiquiores editi. Recentiores periculi et Romano: non male. Sed veterum auctoritas nobis potior fuit.

⁶⁴ Eam autem, qualis illo momento] Nullam deinde talem occasionem reconciliandi se Romanis fore, qualis illo momento horae sit, nimirum, simul liberatos ab impotentibus tyrannis adparuisset.

⁶⁵ Simul liberatos ... apparuisset] Hic MSS. variant, et aliquid vitii ha-

bent. Quod auctore Gronovio edidimus, id verum videtur.

⁶⁶ Famæne credi velis] Gronovius conjecturis sollicitat hunc locum, qui tamen integer ac sanus videtur. Ne vellis famæ potius credere posteros, quanta urbs Syracusae fuerint, quam illius pulcherrimae urbis per te salvæ et incolumis spectaculo frui ... eamque servatam tradas familiae vestrae habendam sub clientela tutelaque nominis Marcellorum. Velis et tradas inter se connectuntur, ut ipse obser-

quanta urbs a te capta sit, quam posteris quoque eam spectacu- U. C. 540.
lo esse, (⁶⁷ quo quisque terra, quibusque mari venerit, nunc nostra A. C. 213.
de Atheniensibus Karthaginensibusque tropæa, nunc tua de no-
bis ostendat) incolunesque Syracusas familiæ vestræ sub clientela
nominis Marcellorum tutelaque habendas tradas? Ne plus apud
vos Hieronymi, quam Hieronis, memoria momenti faciat. diu-
tius ille multo amicus fuit, quam hic hostis: et illius etiam be-
nefacta persensistis; hujus amentia ad perniciem tantum ipsius
valuit. Omnia et inpetrabilia et tuta erant apud Romanos.
inter ipsos plus belli ac periculi erat. Namque transfugæ, Transfuga-
tradi se Romanis rati, mercenariorum quoque militum au- rum et mer-
xilia in eundem compulere metum: adreptisque armis præ- cenariorum
tores primum obtruncant, inde ad cædem Syracusanorum tumultus
discurrunt: quosque fors obtulit, irati interfecere^s, atque
omnia, quæ in promptu erant, diripuerunt^t. tum, ne sine
ducibus essent, sex præfectos creavere, ut terni Achradinæ
ac Naso præessent. Sedato tandem tumultu, ⁶⁸ exsequentibus
sciscitando mercenariis, quæ acta cum Romanis essent,
dilucere, id quod erat, cæpit; aliam suam ac perfugarum
causam esse.

XXX. In tempore legati a Marcello redierunt, falsa eos
suspicionem incitatos memorantes, nec causam expetendæ
pœnæ eorum ullam Romanis esse. Erat ex tribus Achra-
dinæ præfectis Hispanus, Mericus nomine. ad eum inter
comites legatorum de industria unus ex Hispanorum auxili-
aribus est missus: qui, sine arbitris Mericum nactus, pri-
mum, quo in statu reliquisset Hispaniam, (et nuper inde
venerat) exponit. Omnia Romanis ibi obtineri armis. posse
eum, ⁶⁹ si operæ pretium faciat, principem popularium esse: seu
militare cum Romanis, seu in patriam reverti libeat. Contra,
si malle obsideri pergat, quam spem esse terra marique clauso?
Motus his Mericus, quum legatos ad Marcellum mitti pla-
cuisset, fratrem inter eos mittit: qui, per eundem illum
Hispanum ⁷⁰ secretus ab aliis ad Marcellum deductus, quum

quisque — quisque l. quisquis — quisquis Gron. Crev.
Ead. ^t diripere Ead.

^s interfecerunt

vat Gronovius. Quam hic pro magis
quam, ut sæpe alias, quum apud nos-
trum, tum apud ceteros scriptores.

⁶⁷ Quo quisquis terra, quisquis mari
venerit . . . ostendat] Magis placet in-
telligere verbum ostendat de urbe,
quam de iis qui in eam venerint.
Credimus igitur sensum esse: ita ut,
quicumque in eam terra, quicumque
mari venerint, eis illa ostendat, nunc
nostra de Atheniensibus Carthagini-
ensibusque tropæa, nunc tua de nobis.

⁶⁸ Exsequentibus sciscitando mer-

cenariis] Vox ultima non comparet in
scriptis: sed necessaria videtur.

⁶⁹ Si operæ pretium faciat] Si ali-
quid magnum faciat; si præstet Ro-
manis officium, quod sit magni mo-
menti.

⁷⁰ Secretus ab aliis] Omnes MSS.
tam nostri, quam Gronoviani, secre-
tum. Unde legendum videtur, ut
visum Gronovio, in secretum: id est,
in locum a ceterorum conscientia
remotum.

U. C. 540. fidem accepisset, composuissetque agendæ rei ordinem,
 A. C. 212. Achradinam redit. Tum Mericus, ut ab suspitione proditi-
 tionis averteret omnium animos, negat *sibi placere, legatos
 commeare ultro citroque, neque recipiendum quemquam, neque
 mittendum: et, quo intentius custodiæ servoentur, ⁷¹ opportuna
 loca dividenda præfectis esse, ut suæ quisque partis tutandæ*
 Achradina ⁷² *reus sit.* Omnes adsensi sunt partibus dividundis: ipsi
 proditur regio evenit ⁷³ ab Arethusa fonte usque ad ostium magni
 Romanis a portus. id ut scirent Romani, fecit. Itaque Marcellus noc-
 Merico His- te ⁷⁴ navem onerariam cum armatis remulco quadriremis tra-
 pano, hi ad Achradinam jussit, ⁷⁵ exponiqueⁱ milites regione por-
 tæ, quæ prope fontem Arethusam est. Hoc quum quarta
 vigilia factum esset, expositosque milites porta, ut conve-
 nerat, recepisset Mericus; luce prima Marcellus omnibus
 copiis mœnia Achradinæ adgreditur: ita ut non eos solum,
 qui Achradinam tenebant, in se converteret, sed ab Naso
 etiam agmina armatorum concurrerent, relictis stationibus
 suis, ad vim et inpetum Romanorum arcendum. In hoc
 tumultu actuariae naves, instructæ jam ante circumvectæ-
 que, ad Nasum armatos exponunt, qui, inproviso adorti se-
 miplenas stationes et adaperatas fores portæ, qua paullo
 ante excurrerant armati, haud magno certamine Nasum ce-
 pere, desertam trepidatione et fuga custodum. neque ullis
 minus præsidii aut pertinaciæ ad manendum, quam trans-
 fugis, fuit: quia, ne suis quidem satis credentes se, medio
 certamine effugerunt. Marcellus ut captam esse Nasum
 didicit, et Achradinæ regionem unam teneri, Mericumque
 cum præsidio suis adjunctum, receptui cecinit: ne regiæ
 opes, quarum fama major, quam res, erat, diriperentur.

XXXI. Subpresso inpetu militum, et iis, qui in Achra-

ⁱ *exponitque* Gron.

⁷¹ *Opportuna loca]* Consentunt hic quoque scripti in omittendo *et loca*. Judicet lector utrum *opportuna* sic nude dici possit. Nobis id durius sonat.

⁷² * *Reus]* *Reus* hoc loco debet intelligi *responsable*. Vid. not. 32. ad IX. 9.

⁷³ *Ab Arethusa fonte usque ad ostium magni portus]* Hic videtur dormitasse Livius. Arethusa enim fons nihil ad Achradinam pertinuit, sed est in extrema Insula, teste Cicerone, l. IV. in Verr. n. 118. et Strabone, l. VI. p. 270. et Virgil. *Æn.* l. III. et mille aliis. Et vero Mericus dicitur infra l. XXVI. c. 21. non Achradinam, quomodo hic narratur, sed Nasum, sive Insulam, prodidisse. Unde non injuria arguit Livium Perizonius, Animadv. Hist. c.

8. tanquam parum constantem sibi. Sed veremur, ne majoris culpæ ille hoc loco reus agi possit, et totam hanc de Merici proditione narrationem valde turbaverit. In talibus locis multum nobis opus esset Polybio incolumi. Ita sentire nos non magnopere mirabitur, qui legerit Præf. nostræ p. xxiv. et seqq.

⁷⁴ *Navem onerariam .. remulco quadriremis trahi]* Recte observat Sigonius onerarias velis agi, non remis, solitas. Itaque, ubi venti usus non erat, alligatæ ad naves quæ agerentur remis, ab iis trahebantur.

⁷⁵ *Exponique milites]* Hactenus editi præferebant *exponitque*: male. Neque enim Marcellus rei gerendæ interfuit. Quod dedimus, tenent complures scripti, Andreas et Campanus.

dina erant, transfugis spatium locusque fugæ datus est; et U. C. 540. Syracusani, tandem liberi metu, portis Achradinæ apertis, A. C. 212. oratores ad Marcellum mittunt, nihil petentes aliud, quam incolumitatem sibi liberisque suis. Marcellus, consilio ad-Syracusani vocato, et adhibitis etiam Syracusanis, qui per seditiones ^{se Marcello.} permittunt pulsi ab domo ⁷⁶ intra^k præsidia Romana erant, respondit: *non plura per annos quinquaginta benefacta Hieronis, quam paucis his annis maleficia eorum, qui Syracusas tenuerint, erga populum Romanum esse. sed plerique eorum, quo debuerint, recidis; fœderumque ruptorum ipsos ab se graviores multo, quam populus Romanus voluerit, pœnas exegisse. Se quidem tertium annum circumsedere Syracusas: non ut populus Romanus servam civitatem haberet, sed ne transfugarum duces captam et obpressam tenerent. Quid potuerint Syracusani facere, exemplo vel eos Syracusanorum esse, qui intra præsidia Romana fuerint, vel Hispanum ducem Mericum, qui ⁷⁷ præsidium tradiderit, vel ipsorum Syracusanorum postremo, serum quidem, sed forte consilium. Omnium sibi laborum periculorumque, circa mania Syracusana terra marique tam diu exhaustorum, ⁷⁸ nequaquam tantum fructum esse, quam capere Syracusas potuisse. Inde quæstor cum præsidio ad Nasum ad accipiendam pecuniam regiam custodiendamque missus. urbs diripienda militi data est, custodi-*

Urbs diripienda militi datur.

Archimedis mors.

^k inter Gron.

⁷⁶ *Intra præsidia Romana erant*] Editi vulgo, *inter præsidia*. Emendavimus ex MSS. Hearnii et nostris, Andrea et Campano. Et tuetur hanc emendationem Livius ipse, supra c. 24. et infra bis hoc ipso cap.

⁷⁷ * *Præsidium*] Locum quem tuendum acceperat.

⁷⁸ *Nequaquam tantum fructum esse, quam capere*] Locus deploratus. Gronovius suspicatur, *quam si parcere Syracusis potuisset*. Alb. Rubenius vulgatam interpretatur hoc modo: *nequaquam ex omnibus laboribus periculisque tantum esse fructum sibi, quantum capere Syracusæ potuissent, si in amicitiam Romanorum mature et volentes rediissent. Sed hæc omnia parum faciunt ad mentem Marcelli, qui exaggerare vult labores sibi in ob-*

sidione Syracusarum exhaustos, ut ex eo Syracusani intelligant, qua pœna digni sint. Tota enim oratio spirat severitatem. Si et conjecturis nostris hic detur locus, placeret magis legere: Omnium sibi laborum .. nequaquam dignum fructum esse, quod capere Syracusas potuisset. Quod .. potuisset exhibent scripti, et vetustissimi editi. Hæc igitur foret hujus loci sententia: tantos a Marcello in obsidione Syracusarum exhaustos labores, ut vel ipsæ Syracusæ captæ exigua sit eorum merces.

⁷⁹ *Archimedes memoria proditum est*] De Archimedis casu fusius agunt Plut. in Marcello, et Val. Max. l. VIII. c. 7. De ejus sepulcro vide Cic. l. V. Tuscul. Quæst. n. 64. et seqq.

U. C. 540. in quibus prædæ tantum fuit, quantum vix capta Kartha-
 A. C. 212. gine tum fuisset, cum qua viribus æquis certabatur. Paucis
 T. Otacilius ante diebus, quam Syracusæ caperentur, T. Otacilius cum
 Uticam quinquere-
 cum classe mibus octoginta Uticam ab Lilybæo transmisit:
 trajicit. et, quum ante lucem portum intrasset, onerarias frumento
 onustas cepit: egressusque in terram, depopulatus est ali-
 quantum agri circa Uticam, prædamque omnis generis re-
 tro ad naves egit. Lilybæum tertio die, quam inde profec-
 tus erat, cum centum triginta onerariis navibus frumento
 prædaque onustis rediit: idque frumentum extemplo Syra-
 cusas misit. quod ni tam in tempore subvenisset, victoribus
 victisque pariter perniciofa fames instabat.

Res in His-
 pania ges-
 ta.

Vires Pæ-
 norum.

Scipiones
 exercitum
 partiuntur.

XXXII. Eadem æstate in Hispania, cum biennio ferme
 nihil admodum memorabile factum esset, consiliisque ma-
 gis, quam armis, bellum gereretur, Romani imperatores e-
 gressi hibernis copias conjunxerunt. ibi consilium advoca-
 tum, omniumque in unum congruerunt sententiæ; quando
 ad id locorum id modo actum esset, ut Hasdrubalem ten-
 dentem in Italiam retinerent; tempus esse id jam agi, ut
 bellum in Hispania finiretur: et satis ad id virium crede-
 bant accessisse, viginti¹ millia Celtiberorum ea hieme ad
 arma⁸⁰ excitata. Tres exercitus erant. Hasdrubal Gisgo-
 nis filius et Mago, conjunctis castris, quinque ferme die-
 rum iter ab Romanis aberant. Propior erat Hamilcaris fi-
 lius Hasdrubal, vetus in Hispania imperator. ad urbem no-
 mine Anitorgin exercitum habebat. Eum volebant prius
 obprimi duces Romani: et spes erat satis superque ad id
 virium esse. illa restabat cura, ne, fuso eo percussi, alter
 Hasdrubal et Mago, in avios saltus montesque recipientes
 sese, bellum extraherent. Optimum igitur rati, divisis bifa-
 riam copiis, totius simul Hispaniæ amplecti bellum, ita inter
 se diviserunt, ut P. Cornelius duas partes exercitus Roma-
 norum sociorumque adversus Magonem duceret atque Has-
 drubalem; Cn. Cornelius cum tertia parte veteris exercitus,
 Celtiberis adjunctis, cum Hasdrubale⁸¹ Barcino bellum ge-
 reret. Una profecti ambo duces exercitusque, Celtiberis
 prægredientibus, ad urbem Anitorgin in conspectu hos-
 tium, ⁸²dirimente anni⁸², ponunt castra. Ibi Cn. Scipio,
 cum quibus ante dictum est copiis, substitit, et P. Scipio
 profectus ad destinatam belli partem.

¹ *triginta* Gron. Crev.

⁸² *amne* Ead.

⁸⁰ *Excitata*] Hoc displicet, vicinum
arma. Quidam scripti præferunt
excitati; optimi, *excitatum*: unde
 efficit Gronovius *excitorum*: quod ve-
 rum videtur.

⁸¹ *Barcino*] Filio Amilcaris Barcæ.

Vid. supra not. 10. ad XXI. 2.

⁸² *Dirimente amne*] Nomen hujus
 amnis, quod Livius apponere neglexit,
 non facile est supplere, quod urbis
 Anitorgis situs admodum incertus sit.

XXXIII. Hasdrubal postquam animadvertit, exiguum U. C. 540.
Romanum exercitum in castris, et spem omnem in Celtibe- A. C. 212.
rorum auxiliis esse; ⁸³ peritus omnis barbaricæ, et præcipue
omnium earum gentium, in quibus per tot annos militabat,
perfidis, ⁸⁴ facili linguæ commercio, quum utraque castra
plena Hispanorum essent, per occulta colloquia paciscitur
magna mercede cum Celtiberorum principibus, ut copias
inde abducant. Nec atrox visum facinus. non enim, ut in
Romanos verterent arma, agebatur: et merces, quanta vel
pro bello satis esset, dabatur, ne bellum gererent: et quum
quies ipsa, tum reditus domum fructusque videndi suos
suaque, grata vulgo erant. Itaque non ducibus facilius,
quam multitudini, persuasum est: simul ne metus quidem
ab Romanis erat, quippe tam paucis, ⁸⁵ si vi retinerent. Id
quidem cavendum semper Romanis ducibus erit, exempla-
que hæc vere pro documentis habenda, ne ita externis cre-
dant auxiliis, ut non plus sui roboris suarumque proprie vi-
rium in castris habeant. Signis repente sublati, Celtiberi
abeunt, nihil aliud quærentibus causam obtestantibusque,
ut manerent, Romanis respondentes, quam domestico se
avocari bello. Scipio, postquam socii nec precibus, nec vi
retineri poterant, nec se aut parem sine illis hosti esse, aut
fratri rursus conjungi vidit posse, nec ullum aliud salutare
consilium in promptu esse, retro, quantum posset, cedere
statuit; in id omni cura intentus, necubi hosti æquo se
committeret loco; qui, transgressus flumen, prope vestigiis
abeuntium insistebat.

Celtiberi
deserunt
Cn. Scipio-
nem.

Cn. Scipio-
nis pericu-
lum.

XXXIV. Per eodem dies P. Scipionem par terror, pe- Item P.
riculum majus ab novo hoste, urgebat. Masinissa erat ju- Scipionis
venis, eo tempore socius Karthaginensium, quem deinde a Masinis-
clarum potentemque Romana fecit amicitia. is tum cum e-
quitatu Numidarum et advenienti P. Scipioni obcurrit, et
deinde assidue dies noctesque infestus aderat, ut non vagos
tantum, procul a castris lignatum pabulatumque progres-
sos, exciperet, sed ipsis obequitaret castris, invectusque in
medias sæpe stationes, omnia ingenti tamulta turbaret.
noctibus quoque sæpe incursu repentino in portis valloque

⁸³ *Peritus omnis barbaricæ, et præcipue omnium*] Dele eum Gronovio ultimam vocem. * Sensus est: gnarus quam perfidi essent omnes barbari, ac præcipue peritus perfidiæ earum gentium, in quibus per tot annos militabat.

⁸⁴ *Facili linguæ commercio*] Omnes scripti, tum Gronoviani, tum nostri, ignorant *et commercio*, quod tamen sensus omnino requirit. Hoc exemplum iis annumeramus, ex quibus

colligi potest non usquequaque ita fidem habendam scriptis, vel compluribus et optimis, ut omnis editis dissentientibus detrahatur auctoritas. Vid. supra not. ad XXV. 15. et 29. XXIV. 37. XXIII. 32. etc.

⁸⁵ *Si vi retinerent*] Si vi retinere conarentur Romani. Vulgo *se ne retinerent*. Correxerit feliciter Gronovius ex MSS. qui præferunt *aibi*. Nota est elementorum *b* et *v* frequens inter se mutatio.

D. C. 540. trepidatum est: nec aut locus, aut tempus ullum vacuum
 A. C. 212. a metu ac sollicitudine erat Romanis: compulsisque intra
 vallum, adempto rerum omnium usu, quum prope justa ob-
 sidio esset, futuramque artiozem eam adpareret, si se Indi-
 bilis, quem cum septem millibus et quingentis Suesetano-
 rum adventare fama erat, Poenis conjunxisset; dux cantus
 et providens Scipio, victus necessitatibus, temerarium capit
 consilium, ut nocte Indibili obviam iret: et, quocumque
 obcurriisset loco, proelium consereret. Relicto igitur mo-
 dico praesidio in castris, praepositoque T. Fonteio legato,
 media nocte profectus, cum obviis hostibus manus conse-
 ruit.⁸⁶ Agmina magis, quam acies, pugnabant: superior ta-
 men, ut in tumultuaria pugna, Romanus erat. ceterum et
 equites Numidae repente, quos fefellisse se dux ratus erat,
 ab lateribus circumfusi, magnum terrorem intulere.⁸⁷ Con-
 tracto adversus Numidas certamine novo, tertius insuper
 advenit hostis, duces Poeni adsecuti ab tergo jam pugnan-
 tes: ancepsque proelium Romanos circumsteterat, incertos
 in quem potissimum hostem, quamve in partem conferti
 eruptionem facerent. Pugnantem hortantique imperatori et
 obferenti se, ubi plurimus labor erat, latus dextrum lancea
 trajicitur: caneusque is hostium, qui in confertos circa du-
 cem inpetum fecerat, ut exanimem labentem ex equo Sci-
 pionem vidit, alacres gaudia cum clamore per totam aciem
 nunciantes discurrent, imperatorem Romanum cecidisse.
 Haec pervagata passim vox, ut et hostes haud dubie pro
 victoribus, et Romani pro victis essent, fecit. Fuga con-
 festim ex acie, duce amisso, fieri coepta est. ceterum ut ad
 erumpendum inter Numidas⁸⁸ leviumque armorum alia⁸⁹
 auxilia⁹⁰ haud difficilis res^{*} erat; ita effugere tantum equi-
 tum, aequantiumque equos velocitate peditum, vix pote-
 rant: caesique prope plures in fuga, quam in pugna, sunt.
 nec superfuisset quisquam, ni praecipiti jam ad vesperum
 die nox intervenisset.

XXXV. Haud segniter inde duces Poeni fortuna usi,
 confestim e proelio, vix necessaria quiete data militibus,
 ad Hasdrubalem Hamilcaris citatum agmen rapiunt, non
 dubia spe,⁹⁰ quum juncti essent, debellari posse. Quo ubi

* *alia* del. Gron.

* *res* del. Crev.

⁸⁶ * *Agmina magis, quam acies pug-*
nabant] Vid. not. 61. ad XXI. 57.

⁸⁷ * *Contracto*] *Lege et contracto.*
Præcessit enim et equites.

⁸⁸ *Leviumque armorum alia auxi-*
lia] Vocem *alia* omissam a Gronovio
 retinent Pnt. et Vict. codices.

⁸⁹ *Haud difficilis erat*] Supple ex
 praecedentibus, *fuga*. Expunximus

vocem *res*, quæ et ab optimis MSS.
 abest, et omnino hic supervacua et
 inelegans erat.

⁹⁰ *Quum juncti essent*] Ante Gro-
 novium editi habebant *quum copias*
conjunxissent. Sed omnes scripti
 omittunt *et copias*; optimi vero etiam
quum, eodem teste Gronovio. Itaque
 ex *conjunxissent* ille effecit *quum*

P. Scipionis
 temerarium
 consilium.

P. Scipio
 occisus, et
 exercitus
 caesus.

est ventum, inter exercitus ducesque, victoria recenti lætos, U. C. 540. gratulatio ingens facta, imperatore tanto cum omni exerci- A. C. 212. tu deleto, et alteram ⁹¹ pro haud dubia parem victoriam ex- Tres Pœni spectantes. Ad Romanos nondum quidem fama tantæ cla- duces con- dis pervenerat, sed moestum quoddam silentium erat, et ta- jungunt sē adversus cita divinatio; qualis jam præsagientibus animis imminen- Cn. Scipio- tis mali esse solet. Imperator ipse, præterquam quod ab nem. sociis se desertum, hostium tantum auctas copias sentiebat, conjectura etiam et ratione ad suspicionem acceptæ cladis, quam ad ullam bonam spem, pronior erat. *Quoniam modo enim Hasdrubalem ac Magonem, nisi defunctos suo bello, sine certamine adducere exercitum potuisse? Quomodo autem non obstitisse, aut ab tergo secutum fratrem? ut, si prohibere, quominus in unum coirent et duces et exercitus hostium, non posset, ipse certe cum fratre conjungeret copias.* His anxius curis id modo esse salutare in præsens credebat, ⁹² cedere inde, quantum posset: et inde una nocte, ignaris hostibus, et ob id quietis, aliquantum emensus est iter. Luce, ut senserunt profectos hostes, præmissis Numidis, quam poterant maxime citato agmine sequi cœperunt: ante noctem adsecuti Numidæ, nunc ab tergo, nunc in latera incursantes. Consistere cœperunt, ac tutari agmen, quantum possent; ⁹³ tamen, tuto ut simul pugnarent procederentque, Scipio hortabatur, priusquam pedestres copiæ adsequerentur.

XXXVI. Ceterum nunc agendo, nunc ⁹⁴ sustinendo agmen, quum aliquamdiu haud multum procederetur, et nox ^{Tumulum occupat.} jam instaret, revocat e prælio suos Scipio: et conlectos in tumulum quemdam, non quidem satis tutum, (præsertim agmini perculso) editiorem tamen, quam cetera circa erant, subducit. Ibi primo, impedimentis et equitatu in medium receptis, ⁹⁵ circumdati pedites haud difficulter inpetus incurantium Numidarum arcebant: dein, postquam toto agmine tres imperatores cum tribus justis exercitibus aderant, adparebatque, parum armis ad tuendum locum sine muni-

juncti essent. Nobis placeret magis illibatam servare quorundam codicum scripturam, *quum conjunxissent*, vel *si conjunxissent*. Neque enim difficile est ex sensu supplere *copias*, vel *exercitus*, præsertim quum in propinquo reperiatur vox affinis, nempe *agmen*: *ad Asdrubalem Amilcaris citatum agmen rapiunt.*

⁹¹ *Pro haud dubia*] Sic edidit Gronovii. Sed affirmat Hearnius omnes MSS. et vetustius editos habere *pro haud dubio*. Sic l. I. c. 3. consentiunt libri, præter unum ab Hearnio memoratum in hanc lectionem.

Quis enim rem tam veterem pro certo affirmet?

⁹² *Cedere inde . . . et inde una nocte*] Alterutrum inde vacat. Possis legere ex Victor. codice: *cedere in quantum passet.*

⁹³ *Tamen tuto ut simul*] Nihil hue opus est adverbio *tuto*, quod quidem nasci potuit ex verbo *tutari*, quod præcedit.

⁹⁴ ** Sustinendo*] Morando et consistere per aliquod tempus jubendo.

⁹⁵ ** Circumdatis pedites*] Pedites Romanicircumimpedimenta equitatumque locati.

U. C. 540. A. C. 212. **mento valituros esse; circumspectare atque agitare dux cō-**
pit, si quo modo posset vallum ⁹⁶ circuminijicere. sed erat
adeo nudus tumulus et asperi soli, ut nec virgulta vallo cō-
dendo, nec terra cespiti faciendo, aut ducendæ fossæ, aliive
ulli operi apta inveniri posset: nec natura quidquam satis
arduum aut ⁹⁷ abscisum⁹ erat, quod hosti aditam adseñ-
sumve difficilem præberet; omnia ⁹⁸ fastigio leni subvexa.
Ut tamen aliquam imaginem valli objicerent, clitellas inli-
gatas oneribus, velut struentes ad altitudinem solitam, cir-
cumdabant; cumulo sarcinarum omnis generis objecto, ubi
ad moliendum clitellæ defuerant. Punici exercitus post-
quam advenere, in tumulum quidem perfacile agmen etaxe-
re, ⁹⁹ munitionis vero facies nova primo eos velut miraculū
quodam tenuit, quum duces undique vociferarentur, *Quid sta-*
rent? et non ludibrium illud, vix feminis puerive morandis sa-
tis vultum, distraherent diriperentque? Captum hostem teneri,
***latentem post sarcinas.* Hæc contemti duces increpabant.**
peterum, neque transilire, neque moliri onera objecta, nec
cædere stipatas clitellas, ipsisque obrutas sarcinis, facile
erat. ¹ Tardatis diu quum amolita objecta onera armatis de-
dissent viam, pluribusque idem partibus fieret, capta jam
undique castra erant: pauci ab multis, perculsi a victo-
ribus passim cædebantur. Magna pars tamen militum,
quum in propinquas refugisset silvas, in castra P. Scipio-
nis, quibus T. Fonteius legatus præerat, perfugerunt. Cn.
Scipionem alii in tumulo primo inpetu hostium cæsam tra-
dunt: alii eum paucis in propinquam castris turrim perfa-
gisse. hanc igni circumdatam, atque ita exstis foribus,
quas nulla moliri potuerunt vi, captam; omnesque intus
cum ipso imperatore occisos. ² Anno octavo³, postquam in

Eum adgre-
diuntur
Pœni.

Cn. Scipio
occisus, ex-
ercitusque
cæsus.

⁹⁶ *abscissum* Gron. Crev.

⁹ *septimo* Bad.

⁹⁶ *Circuminijicere*] *Circumijicere*
dixit libh. XXXV. c. 4. et XXXVIII.
19. JAC. PERIZONIUS.

⁹⁷ *Abscissum*] Et hic quoque Put.
codex, et alii duo e nostris, *abscissum*,
sive *apscisum*. Vid. not. 69. ad l.
XXIV. cap. 15. et not. 53. ad c. 30.

⁹⁸ *Fastigio leni subvexa*] Leni cli-
vo modice inclinata.

⁹⁹ *Munitionis vero facies nova*] In
Put. non apparet particula *vero*: quæ
sane videtur hic addita ab iis qui ta-
lia fulcra passim orationi Livianæ sub-
jecerunt. Ea enim omissa, non modo
belle procedit, sed et vividior est
oratio.

¹ *Tardatis diu*] Postquam illa mora
aliquamdiu tardati fuere, quum tan-
dem amota onera quæ objecta fuerant,

armatis dedissent viam. . . . Ceterum
hic nostri codices corrupti sunt, et
multum a vulgata lectione abeunt.
Plerique *traditis diu*: unus etiam
tribus: alium, *traducti diu*. Denique
nullus exhibet *amolita*, sed plerique
habent *amoliti*, unus *amolitis*. Cogi-
tent sagaciores. Nos vulnus tantum
indicare possumus, non sanare.

² *Anno septimo*] Libri habent oc-
tavo. Sed hic est septimus annus
ab initio hujus belli. Primo autem
belli Annibatici anno venerat Cn.
Scipio in Hispaniam. Vid. supra l.
XXI. c. 32. Tamen infra Marcius in
oratione eundem numerum, quem
hic coarguimus, habet: *Inviolos per*
octo annos milites suos: ut possis sus-
picari errorem fuisse ipsius Livii.

Hispaniam venerat, Cn. Scipio, undetrigesimo die post U. C. 540.
fratris mortem, est interfectus. Luctus ex morte eorum A. C. 212.
non Romæ major, quam per totam Hispaniam, fuit. Quin
spud cives partem doloris et exercitus amissi, et alienata
provincia, et publica trahebat elades. Hispaniæ ipsos luge-
bant desiderabantque duces: Cnæum tamen magis, quo
diutius præsuerat iis, ³ priorque et favorem occupaverat,
et specimen justitiæ temperantiæque Romanæ primus dede-
rat.

XXXVII. Quum deletus exercitus amissæque Hispa- L. Marcius
niæ viderentur, vir unus res perditas restituit. Erat in ex- res afflictas
ercitu L. Marcius Septimi filius, eques Romanus, inpiger restituit.
juvenis, animique et ingenii aliquanto, quam pro fortuna,
in qua erat natus, majoris. ad summam indolem accesserat
Cn. Scipionis disciplina: sub qua per tot annos omnes mi-
litis artes edoctus fuerat. Hic, et ex fuga conlectis militi-
bus, et quibusdam de præsiidiis deductis, haud contemnen-
dum exercitum fecerat, junxeratque cum T. Fonteio P.
Scipionis legato. Sed tantum præstitit eques Romanus
⁴ auctoritate inter milites atque honore, ut, castris citra
Iberum communitis, quum ducem exercituum comitiis mili-
taribus creari placuisset, subeuntes alii aliis in custodiam
valli stationesque, donec per omnes suffragium iret, ad L.
Marcium cuncti summam imperii detulerint. Omne inde
tempus (exiguum id fuit) muniendis castris convehendisquo
somnatiis consumptum: et omnia imperia milites, quum
inpigre, tum haudquaquam abjecto animo, exsequebantur.
Ceterum postquam Hasdrubalem Gisgonis, venientem ad Reliquias
reliquias belli delendas, transisse Iberum, et adpropinquare Rom. perse-
adlatum est, signumque pugnae propositum ab novo duce quitur Has-
milites viderunt; recordati, quos paullo ante imperatores drubal Gis-
habuissent, quibusque et ducibus et copiis freti prodire ad gonis F.
pugnam soliti essent, fieri omnes repente et offensare capi- Luctus mil.
ta: et alii manus ad coelum tendere, Deos incusantes: alii, Romanor.
strati humi, suum quisque nominatim ducem inplorare. ne-
que sedari lamentatio poterat, excitantibus centurionibus
manipulares, et ipso mulcente et increpante Marcio, *quid in*
muliebres et inutiles se projecissent fletus potius, quam ad
tutandos semet ipsos et rempublicam secum acuerent animos,
et ne inultos imperatores suos jacere sinerent? Quum subito Arma ta-
clamor tubarumque sonus (jam enim prope vallum hostes men capi-
unt.

3 Prior ., favorem occupaverat, et
specimen ., primus dederat] Prior re-
fertur ad fratrem; primus ad omnes.
Primus enim omnium Romanorum
in Hispaniam cum imperio et exer-

ctu venit Cn. Scipio. Suetonius.

4* Auctoritate inter milites atque
honore] Fama, veneratione, honore,
ac pretio apud milites.

U. C. 540.
A. C. 212.

Pœnos re-
pellunt.

Marcus
statuit ob-
pugnare
castra hos-
tium.

Ejus oratio
ad milites.

erant) exauditur. inde, verso repente in iram luctu, ⁵ discurrere ad arma: ac, velut accensi rabie, discurrunt ad portas, et in hostem, neglegenter atque incomposite venientem, incurrunt. Extemplo improvisa res pavorem incutit Pœnis: mirabundique unde tot hostes tam subito exorti prope deleto exercitu forent, unde tanta audacia, tanta fiducia sui victis ac fugatis, quis imperator duobus Scipionibus cœsis exstisset, quis castris præses, quis signum dedisset pugnae, ad hæc tot tam necopinata, primo omnium incerti stupentesque referunt pedem: dein, valida inpressione puls, terga vertunt. Et aut fugientium cædes fœda fuisset, aut temerarius periculosusque sequentium inpetus, ni Marcus propere receptui dedisset signum, obsistensque ad prima signa, quosdam et ipse retinens, concitatam repressisset aciem. inde in castra avidos adhuc cædisque et sanguinis reduxit. Karthaginienses, trepide primo ab hostium vallo acti, postquam neminem insequi viderunt, metu subtitisse rati, contemptim rursus et sedato gradu in castra abeunt. Par neglegentia in castris custodiendis fuit. nam, etsi propinquus hostis erat, tamen reliquias eum esse duorum exercituum. ante paucos dies deletorum subcurrebat. Ob hoc quum omnia neglecta apud hostes essent, exploratis iis, Marcus ad consilium, prima specie temerarium magis, quam audax, animum adjecit, ut ultro castra hostium obpugnaret: *facilius* ⁶ esse ratus, unius Hasdrubalis expugnari castra, quam, si se rursus tres exercitus ac tres duces junxissent, sua defendi: simul aut, si successisset coeptis, recepturum se afflictas res: aut, si pulsus esset, tamen ultro inferendo arma, contemptum sui demturum.

XXXVIII. Ne tamen subita res et nocturnus terror ⁶ etiam non suæ fortunæ consilium perturbaret, adloquendos adhortandosque sibi milites ratus, concione advocata ita disseruit: *Vel mea erga imperatores nostros vivos mortuosque pietas, vel præsens omnium nostrum, milites, fortuna fidem cuius facere potest, mihi hoc imperium, ut* ⁷ *amplum iudicio vestro, ita re ipsa grave ac sollicitum esse. Quo enim tempore, nisi metus maiorem obstupefaceret, vix ita compos mei essem, ut* ⁸ *aliqua sola-*

⁵ *simul facilius* Gron. Crev.

⁵ *Discurrere ad arma*] Observat Jacob. Gronovius abesse verbum *discurrere* ab uno MS. et has voces sic solitarias, *ad arma*, interpretatur, *conclamare ad arma*. Sic et apud Florum, l. II. c. 6. ubi vulgo habetur, *non statim ad arma procurrunt*, contendit ex auctoritate nuius MS. legendum esse, *non statim ad arma*, reciso verbo *procurrunt*. Sane in hoc nostro Livii loco odiosa est repetitio: *discurrere ad arma . . . discurrunt ad portas, et in hostem . . . incurrunt*.

⁶ *Etiam non suæ fortunæ consilium perturbaret*] Impedimentum et perturbationem afferret consilio, † quod per se ipsum parum convenire videretur afflictæ tunc ac prope desperatæ Romanorum fortunæ.

⁷ *Amplum iudicio vestro*] Honorificum, si quis illud spectat tanquam delatum suffragio vestro.

⁸ *Aliqua solatia*] Mendum hic insederat plerasque recentiorum editionum, *alia*. Vetustiores et MSS. id tenent quod edidimus.

tia invenire ægro animo possem; cogor vestram omnium vicem U. C. 540.
 (quod difficillimum in luctu est) unus consulere. et ne tum qui- A. C. 212.
 dem, ubi, quonam modo has reliquias duorum exercituum pa-
 triæ conservare possim, cogitandum est, avertere animum ab
 assiduo maerore libet. Præsto est enim acerba memoria, et
 Scipiones me ambo dies noctesque curis insomniisque agitant,
 et excitant sæpe somno; neu se, neu invictos ⁹ per octo annos
 in his terris milites suos, commilitones vestros, neu rempubli-
 cam patiar inultam, et suam disciplinam suaque instituta
¹⁰ sequi jubent: et, ut imperiis vivorum nemo obedientior me
 uno fuerit, ita post mortem suam, quod quaque in re facturos
 illos fuisse maxime censeam, ¹¹ id optimum ducere. Vos quo-
 que velim, milites, non lamentis lacrimisque tamquam extinc-
 tos prosequi, (vivunt vigentque fama rerum gestarum) sed,
 quotiescumque obcurreret memoria illorum, velut si adhortantes
 signumque dantes videatis eos, ita prælia inire. Nec alia pro-
 fecto species, hesterno die oculis animisque vestris oblata, me-
 morabile illud edidit prælium: quo documentum dedistis hos-
 tibus, non cum Scipionibus extinctum esse nomen Romanum:
 et, cujus populi vis atque virtus non obruta sit Cannensi clade,
 ex omni profecto sævitia fortunæ emersuram esse. Nunc, quia
 tantum ausi estis sponte vestra, experiri libet, quantum audea-
 tis duce vestro auctore. non enim hesterno die, quum signum
 receptui dedi sequentibus effuse vobis turbatum hostem, frange-
 re audaciam vestram, sed differre in majorem gloriam atque
 opportunitatem, volui: ut postmodo præparati incautos, arma-
 ti inermes, atque etiam sopitos, per occasionem adgredi posse-
 tis. Nec hujus occasionis spem, milites, forte temere, sed ex re
 ipsa conceptam habeo. A vobis quoque profecto si quis qua-
 rat, quonam modo pauci a multis, victi a victoribus castra tu-
 lati sitis; nihil aliud respondeatis, quam id ipsum timentes vos
 omnia et operibus firmata habuisse, et ipsos paratos instructos-
 que fuisse. Et ita se res habet. ¹² ad id, quod, ne timeatur,
 fortuna facit, minime tuti sunt homines: quia, quod neglexeris,
 incautum atque apertum habeas. Nihil omnium nunc minus
 metuunt hostes, quam ne obsessi modo ipsi atque obpugnati cas-
 tra sua ultro obpugnemus. Audeamus, quod credi non potest
 ausuros nos. eo ipso, quod difficillimum videtur, facillimum

* qui Gron. Crev.

9 Per octo annos] Imo septem. Vid. not. 2. ad c. 36. supra.

10 Sequi jubent, et ut imperiis] Totius hujus loci alia habetur. In vulgatis libris interpunctio. Ea quæ hic apponitur, a Perizonio monstrata, multo elegantior visa est.

11 * Id optimum ducere] Supple ex præcedentibus, jubent. Vitiosa in-

terpunctio hunc locum deformat in vulgatis libris.

12 Ad id quod ne timeatur] Nihil minus tutum est hominibus, quam quod præsens fortuna vetat timeri: quoniam id plerumque ab iis negligitur; quod autem neglexeris, incautum atque apertum est, ac facillime hosti patet.

U. C. 540. *erit. Tertia vigilia noctis silenti agmine ducam vos. explora-*
 A. C. 212. *tum habeo, non vigiliarum ordinem, non stationes justas esse.*
Clamor in portis auditus et prius inpetus castra ceperit. tum
inter torpidos somno, paventesque ad necopinatum tumultum,
et inermes in cubilibus suis obpressos, illa cædes edatur, a qua
vos hesterno die revocatos ægre ferebatis. Scio, audax videri
consilium: sed in rebus asperis et tenui spe fortissima quæque
consilia tutissima sunt. quia, si in occasionis momento, cuius
prætervolat opportunitas, cunctatus paulum fueris, nequid-
quam mor omissam¹ quæras. Unus exercitus in propinquo
est: duo haud procul absunt. nunc adgredientibus spes aliqua²
est: et jam tentastis vestras atque illorum vires. Si diem profe-
rimus, et hesternæ eruptionis fama contemni desierimus, pericu-
lum est, ne¹³ omnes duces, omnes² copiarum convenient. Tres dein-
de duces, tres exercitus sustinabimus hostium, quos Cn. Scipio
incolumi exercitu non sustinuit? Ut dividendo copias perire
duces nostri, ita separati ac divisi obprimi possunt hostes. alia
belli gerendi via nulla est. proinde nihil, præter noctis proxi-
mæ opportunitatem, expectemus. Ite, Deis³ bene iuvantibus,
corpora curate, ut integri vigentesque eodem animo in castra
hostium iurumpatis, quo vestra tutati estis. Laeti et audire
ab novo duce novum consilium, et, quo audacius erat, magis
placebat. reliquum diei expediendis armis et curatione corpo-
rum consumtum: et major pars noctis quieti data est. ¹⁴ quarta
vigilia movere.

Castra Has-
drubalis ca-
piuntur.

XXXIX. Erant ultra proxima castra sex milium intervallo
 distantes aliæ copiarum Poenorum. Vallis cava intererat, condensa
 arboribus, in hujus silvæ medio ferme spatii cohors Romana
 arte Punica abditur, et equites. Ita medio itinere intercepto,
 ceteræ copiarum silenti agmine ad proximos hostes ductæ. et, quum
 statio nulla pro portis, neque in vallo custodiæ essent, velut in
 sua castra, nullo usquam obsistente, penetravere. Inde signa
 canunt, et tollitur clamor. Pars semisemnos hostes cædunt:
 pars ignes casis, stramento arido tectis, injiciunt: pars portas
 occupant, ut fugam intercludant. Hostes simul ignis, clamor,
 cædes, velut alienatos sensibus, nec audire, nec providere quid-
 quam sinunt. incidunt inermes inter catervas armatorum; alii ru-
 unt ad portas, alii obseptis itineribus super vallum saliant: et, ut
 quisque evaserat, protinus ad castra altera fugiunt: ubi ab cohorte
 et equitibus ex occulto procurrentibus circumventi, cæsique ad
 unum omnes sunt. quamquam, etiam si quis ex ea cæde effugisset,

¹ *amissam* Gron. Crev.
² *Diis* Gron. Crev.

³ *aliqua spes* Ead.

⁴ *omnesque* Gron.

¹³ *Omnes duces, omnes copiarum* Ser-
vant asyndeton optimi MSS. quibus
obsecuti sumus. Vulgo *omnesque*
copiarum.

¹⁴ *Quarta vigilia* Marcius in ora-
tione dixit se *tertia vigilia* moturum:
sed parum scilicet interest.

¹⁵ adeo raptim captis propioribus castris in altera transcursum U. C. 540. castra ab Romanis est, ut praevenire nuncius cladis non posset. A. C. 212. Ibi vero, quo longius ab hoste aberant, et quia sub lucum* pabulatum, lignatum, et praedatum quidam dilapsi fuerant, neglecta magis omnia ac soluta invenere: arma tantum in stationibus posita: milites inermes, aut humi sedentes adcubantesque, aut obambulantes ante vallum portasque. Cum his tam securis solutisque Romani, calentes adhuc ab recenti pugna, ferocesque victoria, proelium ineunt. Itaque nequaquam resisti in portis potuit. intra portas, concursu ex totis castris ad primum clamorem et tumultum facto, atrox proelium oritur: diuque tenuisset, ni cruenta scuta Romanorum visa, indicium alterius cladis Poenis, atque inde pavorem iniecissent. Hic* terror in fugam avertit omnes: effusique, ¹⁶ qua iter est, nisi quos caedes obpresit, exuuntur castris. Ita nocte ac die bina castra hostium expugnata ductu L. Marcii. Ad triginta septem millia hostium caesa, auctor est ¹⁷ Claudius, qui annales Acilianos ex Graeco in Latinum sermonem vertit: captos ad mille octingentos triginta: praedam ingentem partam. in ea fuisse clipeum argenteum ¹⁸ pondo centum triginta octo, cum imagine Barcini Hasdrubalis. Valerius Antias una castra Magonis capta tradit, septem millia caesa hostium: altero proelio, eruptione pugnatum cum Hasdrubale: decem millia occisa, quatuor millia trecentos triginta captos. Piso quinque millia hominum, quum Mago cedentes nostros effuse sequeretur, caesa ex insidiis scribit. Apud omnes magnum nomen Marcii ducis est. et verae gloriae ejus etiam miracula addunt: flammam ei concionanti fusam e capite, sine ipsius sensu, cum magno pavore circumstantium militum. monumentumque victoriae ejus de Poenis, ¹⁹ usque ad incensum Capitolium, fuisse in templo clipeum, Marcium adpellatum, cum imagine Hasdrubalis. Quietæ deinde aliquamdiu

Altera etiam castra capta.

Flamma e capite Marcii emicavit.

* lucem Gron. Crev.

* Hinc Gron.

¹⁵ Adeo raptim captis] Non male Gronovius, innuentibus scriptis, legi jubet adeo raptim a captis.

¹⁶ Qua iter est] Qua patuit fuga.

¹⁷ Claudius, qui annales Acilianos ex Graeco in Latinum sermonem vertit] Annales ab Acilio, Romano, Graeco scripti fuerant. Testis est, praeter nostrum, Cicero, l. III. de Off. n. 115. Quis ille fuerit Acilius, non liquet. Dionys. l. III. nominat Γάιος 'Ακίλιος. Plut. in Romulo, Γάιος 'Ακίλιος Ἰταλός. Praenomen igitur illi scriptori fuit Caius. Sed et quum Plut. in Cat. majore meminerit C. Acilii, clari hominis, qui laudi sibi duxerit Carneadis et sociorum legationis philosophorum orationes apud senatum

interpretari, hunc tam cupidum Graecarum litterarum virum non inepte suspicabimur Graece quoque scripsisse historiam. Legatio illa cadit in annum u. c. 597. Claudium, qui annales Acilianos in Latinum sermonem convertit, dicamusne Clodium Licinium, de quo infra l. XXIX. c. 82. an Claudium Quadrigarium, de quo supra l. VIII. c. 19, an alium aliquem Claudium, discernere non possumus.

¹⁸ Pondo centum triginta octo] Marcarum nostratum 215. cum uncis 5.

¹⁹ Usque ad incensum Capitolium] Anno u. c. 669. * Scipione et Nerbone consulibus.

U. C. 540. in Hispania res fuere, utrisque, post tantas acceptas in vicem
A. C. 212. inlatasque clades, cunctantibus periculum summæ rerum fa-
eere.

Spolia Syra-
cusis Ro-
mam devec-
ta.

X

Marcellus
res Siculo-
rum compo-
nit.

Mutines no-
vus Pæno-
rum in Si-
cilia dux.

XL. Dum hæc in Hispania geruntur, Marcellus captis Syra-
cusis, quum cetera in Sicilia tanta fide atque integritate compo-
suisset, ut non modo suam gloriam, sed etiam majestatem populi
Romani, augeret; ornamenta urbis, signa, tabulasque, quibus
abundabant Syracusæ, Romam devexit. Hostium quidem illa
spolia, et parta belli jure: ceterum inde primum initium ²⁰ mi-
randi Græcarum artium opera, ²¹ licentiæque huic * sacra profa-
naque omnia vulgo spoliandi factum est: quæ postremo in Ro-
manos Deos, templum id ipsum primum, quod a Marcello exi-
mie ornatum est, vertit. Visebantur enim ab externis ad por-
tam Capenam dedicata a Marcello templa, propter excellentia
ejus generis ornamenta, quorum perexigua pars comparet. Le-
gationes omnium ferme civitatum Siciliæ ad eum convenie-
bant. Dispar ut caussa earum, ita conditio erat. qui ante captas
Syracusas aut non desciverant, aut redierant in amicitiam, ut
socii fideles accepti cultique: ²² quos metus post captas Syracu-
sas dediderat, ut victi a victore leges acceperunt. Erant tamen
haud parvæ reliquæ belli circa Agrigentum Romanis: Epicy-
des et Hanno duces reliqui prioris belli, et tertius novus ab
Hannibale in locum Hippocratis missus, ²³ Libyphœnicum ge-
neris ²⁴ Hipponiates, (Mutinem populares vocabant) vir inpi-

* huic l. hinc Crev.

²⁰ *Mirandi Græcarum artium ope-
ra*] Nihil variant hoc loco scripti et
editi. Tamen suspicamur vocem o-
pera a mala esse manu. Etenim mi-
randi Græcarum artium proba lo-
cutio est, ut *vestri adhortandi*, supra
l. XXI. c. 41. ut *agrorum suis latro-
nibus condonandi*, apud Cic. Phil. V.
n. 6. ut multis in aliis veterum locis.
Jam vero *artes* eleganter dicuntur
pro *artefectis*. Virgil. l. V. *Æneid.* v.
359. *Et clypeum efferrî jussit, Didy-
maeis artes.* Hor. l. IV. Od. 8. *ar-
tium, Quas aut Parrhasius protulit,
aut Scopas.* Hinc apparet vocem ope-
ra prorsus inutilem esse hoc loco, et
merito suspectam esse posse, tan-
quam ab iis additam quos fugeret
hæc paulo reconditior sermonis ele-
gantia.

²¹ *Licentiæque hinc*] Et ortæ ex-
inde licentiæ. Gronovius contra om-
nes editiones, quibus consentit Vic-
tor. codex, dederat *licentiæque huic*,
et interpretabatur *licentiæ hujus ævi*.
Sed præterquam quod optimus vul-
gatus lectionis sensus est, in hac
emendatione eâ mirandi et licentiæ

huic inconcinnam structuram oratio-
nis efficiunt.

²² * *Quos metus . . . dediderat*] Quos
metus impulerat ut se dederent.

²³ *Libyphœnicum generis*] Supra,
l. XXI. c. 22. *Libyphœnices, mixtum
Punicum Afris genus.* Hinc infra
Hanno vocat Mutinem *degenerem
Afrum*.

²⁴ *Hipponiates: Mutinem populares
vocabant*] In nomine *Hipponiates* va-
riant scripti et editi. Jac. Gronovius,
quum aliquot scripti vel optimi præ-
ferant *Hippacimates*, alii *Hippaciates*,
emendat *Hippacrites*: id est, ex urbe
quæ dicitur *Ἰππᾶκρα*, *Hippu acra*:
cujus cives *Hippacritæ* sæpius a Poly-
bio in fine l. I. memorantur. Nec dif-
fitemur veram hanc Livii scripturam
esse posse, qui hoc loco Polybium
exscripserit. Sed magna nobis sus-
picio oritur, parum interesse utro
modo legatur hoc nomen, *Hipponia-
tes*, an *Hippacrites*; et eandem utro-
que nomine patriam Mutini assignari,
nempe *Hipponem Diarrhytum*. Du-
plex enim fuit Hippo, Regius nempe
et Diarrhytus. At quum Mutines

ger, et sub Hannibale magistro omnes belli artes edoctus. Huic U. C. 540. ab Epicyde et Hannone Numidæ dati auxiliares: cum quibus A. C. 212. ita pervagatus est hostium agros, ita socios ad retinendos in fide animos eorum, ferendoque in tempore cuique auxilium, adiit, ut brevi tempore totam Siciliam impleret nominis sui, nec spes alia major apud faventes rebus Karthaginiensium esset. Itaque inclusi ²⁵ ad tempus mœnibus Agrigenti dux Pœnus Syracusanusque, non consilio Mutinis, quam fiducia, magis ausi egredi extra muros, ad Himeram amnem posuerunt castra. Quod ubi perlatum ad Marcellum est, extemplo copias movit; et ab hoste quatuor ferme millium intervallo consedit, quid agerent parentve expectaturus. Sed nullum neque locum, neque tempus cunctationi consiliove dedit Mutines, transgressus amnem, ac Terret Ro- stationibus hostium cum ingenti terrore ac tumultu invectus. ^{manos.} Postero die prope justo proelio compulit hostem intra munimenta. inde revocatus seditione Numidarum in castris facta, quum trecenti ferme eorum Heracleam Minoam concessissent, ad mitigandos revocandosque eos profectus, magnopere monuisse duces dicitur, ne absente se cum hoste manus consererent. Id ambo ægre passi duces, magis Hanno, jam ante anxius gloria ejus: *Mutinem sibi modum facere, degenerem Afrum imperatori Karthaginiensi, misso ab senatu populoque.* Is perpulit cunctantem Epicyden, ut, transgressi flumen, in aciem exirent. nam si Mutinem opperirentur, et secunda pugnae fortuna evenisset, haud dubie Mutinis gloriam fore.

XLI. Enimvero indignum ratus Marcellus se, qui Hanniba- ^{Eo absente,} lem subnisum victoria Cannensi ab Nola repulisset, his terra ^{proelium} marique victis ab se hostibus cedere, arma propere capere mili- ^{committi-} tur.

^b *ferendumque Gron. Crev.*

dicatur *Libyphœnicum generis*, qui circa Carthaginem incolebant, non potest intelligi Hippone Regio natus, quæ urbs in Numidia erat, procul distans ab Carthagine. Hippo autem Diarrhytus non longe ab Utica, nec proinde a Carthagine, aberat. Verum quonam modo probare poterimus *Hipponiatis* et *Hippacritas* eosdem esse, ac promiscue sumi et intelligi debere? Id nobis in mentem venit suspicari ex Diodoro, qui l. XX. mentionem facit duarum urbium, quam utramque *Hippu acram* nominat, alterius prope Uticam ab Agathocle expugnatae, alterius in Numidia ab Archagathi ejus filii legato Eumacho captæ. Idem autem plane situs est amborum Hipponum, ut jam diximus. Unde consequens videtur, ut *Hippu acra*, et *Hippon* idem sint nomen, aut certe eorundem locorum

nomina, ac proinde *Hipponiatis* et *Hippacrites* eodem plane modo et sensu intelligi debeant. Præterea probabimus in nota ad l. L. c. 26. infra, *Hippagreta* urbem ab Appiano memoratam, eandem esse quæ a Diodoro *Hippu acra* dicitur. At quam urbem Appianus Hippagreta, eam Zonaras Hipponem nominat. Unde novum accedit nostræ conjecturæ de Hippone ab *Hippu acra* non distinguendo robur et firmamentum. Quæ si vera sunt, non bene Jac. Gronovius *Hippu acram* locat ad latus Tunetis, quum Hippo Diarrhytus prope Uticam sit, quam inter et Tuneta Carthago sita est: nosque nimium facile ei credidimus in nota his Livii verbis, de quibus nunc agimus, subjecta.

²⁵ *Ad tempus*] Mallemus *ad id tempus.*

U. C. 540. A. C. 212. **tes, et efferri signa jubet. Instruenti exercitum decem effusis equis advolant ex hostium acie Numidae, nunciantes, populares suos, primum ea seditione motos, qua trecenti ex numero suo concesserint Heracleam, dein quod praefectum suum ab obtrecantibus ducibus gloriæ ejus, sub ipsam certaminis diem, ablegatum videant, quieturos in pugna. Gens fallax promissi fidem præstitit. itaque et Romanis crevit animus, nuncio celeri²⁶ per ordines^c misso, destitutum ab equite hostem esse, quem maxime timerant: et territi hostes, præterquam quod maxima parte virium suarum non juvabantur, timore etiam incusso, ne ab suo et ipsi equite obpugnarentur. Itaque haud magni certaminis fuit. primus clamor atque impetus rem decrevit. Numidæ, quum in concursu quieti stetissent in cornibus, ut terga dantes suos viderunt, fugæ tantum parumper comites facti, postquam omnes Agrigentum trepido agmine petentes viderunt, ipsi metu obsidionis passim in civitates proximas dilapsi. Multa millia hominum cæsa captaque, et octo elephanti. Hæc ultima in Sicilia Marelli pugna fuit. victor inde Syracusas rediit. Jam ferme in exitu annus erat. itaque senatus Romæ decrevit, ut P. Cornelius prætor literas Capuam ad consules mitteret; dum Hannibal procul abesset, nec ulla magni discriminis res ad Capuam gereretur, alter eorum, si ita videretur, ad magistratus subrogandos Romam veniret. Literis acceptis, inter se consules comparant, ut Claudius comitia perficeret, Fulvius ad Capuam maneret. Consules Claudius creavit Cn. Fulvium Centumalum et P. Sulpicium Servii filium Galbam, qui nullum antea curulem magistratum gessisset. Prætores deinde creati, L. Cornelius Lentulus, M. Cornelius Cethegus, C. Sulpicius, C. Calpurnius Piso. Pisoni jurisdictio urbana,²⁷ Sulpicio Sicilia,²⁸ Cethego Apulia, Lentulo Sardinia evenit. Consulibus prorogatum in annum imperium est.**

Vincuntur
Pœni.

^c ordinem Gron. Crev.

²⁶ *Per ordinem misso*] Recte Gronovius legi jubet *per ordines*.

²⁷ *Sulpicio Sicilia*] Nempe vetus provincia, quæ Caunensi exercitu obtinebatur. Id apparet ex cap. 1. l. seq.

²⁸ *Cethego Apulia*] Is postea, commutata sorte, Marcello decedenti e

Sicilia successit, ut patet ex capp. 21. et 28. l. XXVI. Apuliam consules obtinuerunt, ex e. 22. ejusdem libri. De his magistratuum anni sequentis provinciis fuse disseruit accuratissimus Perizonius in nota ad hunc locum. Ex ea, quæ maxime necessaria sunt, hic excerpta habes.

EPITOME LIBRI XXVI.

HANNIBAL ad tertium ab urbe Roma lapidem super Anienem castra posuit. ipse vero cum duobus millibus equitum ¹ usque ad ipsam Capenam portam, ut urbis situm exploraret, obequitavit. et quum ² per triduum in aciem utrimque exercitus omnis descendisset, certamen tempestas diremit : ³ nam quum in castra rediissent, statim serenitas erat. Capua capta est ⁴ a Q. Fulvio et Ap. Claudio consulibus. Principes Campanorum veneno sibi consciverunt mortem. Quum senatus Campanorum deligatus esset ad palos, ut securi feriretur; literas a senatu missas Q. Fulvius consul, quibus jubebatur parcere, antequam legeret, in sinu posuit, et lege agi jussit, et supplicium peregit. Quum in comitiis apud populum quaeretur, cui mandaretur Hispaniarum imperium; nullo id volente suscipere, P. Scipio, P. filius, qui in Hispania ceciderat, professus est se iturum : et, suffragio populi consensuque omnium missus, Novam Karthaginem uno die expugnavit, quum ageret vigesimum quartum annum, videreturque divina stirpe creatus : quoniam et ipse, postquam togam acceperat, quotidie in Capitolio erat ; et in cubiculo matris ejus ⁵ anguis saepenumero videbatur. Res praeterea in Sicilia gestas continet, et amicitiam cum Aetolis junctam, bellumque gestum adversus Acarnanas et Philipppum Macedoniæ regem.

¹ *Usque ad ipsam Capenam portam*] Ita quidem Val. Maximus, l. III. c. 7. n. 10. *Capenam portam armis Annibale pulsante.* Sed Livius infra, c. 10. habet portam Collinam : cui assentiuntur Plin. XV. 18. et Serv. ad VIII. Æn. v. 110. Hæc fere Perizonius in nota ad hunc locum. Idem Animadv. Hist. c. 9. observat, non uno hoc loco a Livio dissentire harum epitomarum concinnatorem.

² *Per triduum*] Imo *biduum*, ex Liv. infra c. 11.

³ *Nam quum in castra rediissent*]

Particula nam huc minime convenit : nisi forte aliquid ante eam intercidit, quale reperimus apud ipsum Livium, infra c. 11. *In religionem ea res apud Pœnos versa est. Nam, &c.*

⁴ *A Q. Fulvio et Ap. Claudio consulibus*] Imo *proconsulibus* : ut et infra scribi debuit *Q. Fulvius proconsul*, vel *proconsule*.

⁵ *Anguis saepenumero videbatur*] Unus ex MSS. Hearnii, *visus erat* : Andreas, *visus est*. Certe *ei* videbatur hic parum accurate dictum est.

T. LIVII PATAVINI

LIBER XXVI.

U. C. 541.
A. C. 211.
Cn. Fulvio,
P. Sulpicio
Coss.
Provinciae
et exerci-
tus.

CN. Fulvius Centumalus, **P.** Sulpicius Galba consules, quum idibus Martiis magistratum inissent, senatu in Capitolium vocato, de republica, de administratione belli, de provinciis exercitibusque Patres consuluerunt. **Q.** Fulvio, **Ap.** Claudio, prioris anni consulibus, prorogatum imperium est; atque exercitus, quos habebant, decreti. adjectumque, ne a Capua, quam obsidebant, abscederent, priusquam expugnassent. Ea tum cura maxime intentos habebat Romanos: ¹ non ab ira tantum, quae in nullam umquam civitatem justior fuit, quam quod urbs tam nobilis ac potens, sicut defectione sua traxerat aliquot populos, ita recepta inclinatura rursus animos videbatur ad veteris imperii respectum. Et ² praetoribus prioris anni, **M.** Junio in Etruria, **P.** Sempronio in Gallia, cum binis legionibus, quas habuerant, prorogatum est imperium. prorogatum et **M.** Marcello, ut pro consule in Sicilia ³ reliqua^a belli perficeret eo exercitu, quem haberet. si supplemento opus esset, suppleret de legionibus, quibus **P.** Cornelius propraetor in Sicilia praesset: dum ne quem militem legeret ex eo numero, quibus senatus missionem reditumque in patriam negasset ante belli finem. **C.** Sulpicio, cui Sicilia evenerat, duae legiones, quas **P.** Cornelius habuisset, decretae: et supplementum de exercitu **Cn.** Fulvii, qui priore anno in Apulia foede caesus fugatusque erat. Huic generi militum senatus eundem, quem Cannensibus, finem statuerat militiae: additum etiam utrorumque ignominiae est, ne in oppidis

^a reliquias Gron. Crev.

¹ *Non ab ira tantum .. quam*] Non tam propter iram, quam quod... Non raro *quam* et *tantum* sibi invicem respondent. Terentius, Hec. Act. III. Sc. 4. *Non hercle verbis dici potest tantum, quam reipsa navigare incommodum est.* Et eodem fere modo idem, Phorm. Act. II. Sc. 1. *Quo magis novi, tanto saepius.*

² *Praetoribus prioris anni, M. Junio .. P. Sempronio*] **M.** Junio praetori prioris anni, **P.** Sempronio, qui quum biennio ante praeturam gessis-

set, priore anno Galliam, prorogato imperio, propraetor obtinuerat. Jam observavimus ad l. XXIII. c. 40. interdum a Livio dici *praetorem* cum qui cum praetorio imperio est; quamvis praeturam non gerat.

³ *Reliquias belli*] Haud magni momenti res est. Sed tamen legendum putamus *reliqua belli*: quod et Gronovius testatur in Put. legi: et favet optimus e regiis, in quo littera *i* a secunda mann superscripta est: quum prima dedisset *reliquas*.

hibernarent, neve hiberna propius ullam urbem decem millibus U. C. 541. passuum ædificarent. L. Cornelio in Sardinia duæ legiones A. C. 211. datæ, quibus Q. Mucius præfuerat. supplementum, si opus esset, consules scribere jussi. T. Otacilio et M. Valerio Siciliæ Græciæque ora cum legionibus classibusque, quibus præerant, decretæ. ⁴ Quinquaginta Græci cum legione una, centum Siculi cum duabus legionibus habebant naves. Tribus et viginti ^{53.} Legionibus Romanis eo anno bellum terra marique est gestum. ^{nes.}

II. Principio ejus anni quum de literis L. Marcii referretur, ^{Literæ L.} res gestæ magnificæ senatui visæ: titulus honoris (quod, impe- ^{Marcii.} rio non populi jussu, non ex auctoritate Patrum dato, *Proprætor senatui*, scripserat) magnam partem hominum offendebat. Rem mali exempli esse, imperatores legi ab exercitibus: et ⁵sollemne auspicatorum comitiorum in castra et provincias, procul ab legibus magistratibusque, ad militarem temeritatem transferri. et, quum quidam referendum ad senatum censerent, melius visum differri eam consultationem, donec proficiscerentur equites, qui ab Marcio literas adtulerant. Rescribi de frumento et vestimentis exercitus placuit: *eam utramque rem curæ fore senatui*. adscribi autem, *Proprætori L. Marcio*, non placuit: ⁶ ne id ipsum, quod consultationi reliquerant, pro præjudicato ferret. Dimissis equitibus, de nulla re prius consules retulerunt, omniumque in unum sententiæ congruebant, agendum cum tribunis plebis esse, primo quoque tempore ad plebem ferrent, quem cum imperio mitti placeret in Hispaniam ad eum exercitum, cui Cn. Scipio imperator præfuisset. Ea res cum tribunis acta promulgataque est. Sed aliud certamen occupaverat animos. C. Sempronius Blæsus die dicta Cn. ^{Cn. Fulvius} Fulvium, ob exercitum in Apulia amissum, in concionibus ve- ^{accusatur.} xabat: *multos imperatores temeritate atque inscientia exercitum in locum præcipitem perdurisse* dictitans: *neminem, præter Cn. Fulvium, ante corrupisse omnibus vitiis legiones suas, quam proderet. itaque vere dici posse, prius eos perisse, quam viderent hostem; nec ab Hannibale, sed ab imperatore suo, victos esse. Neminem, quum suffragium ineat, satis cernere, cui imperium, cui exercitum permittat.* ⁷ *Quid interfuisse in-*

⁴ *Quinquaginta Græci]* Tuendæ Græcorum oræ quinquaginta naves; Siculorum, centum præerant.

⁵ *Solenne auspicatorum comitiorum]* Solenne institutum, quo comitia auspicato Romæ habebantur.

⁶ *Ne id ipsum ..ferret]* Ne Marcus auferret, id est, assequeretur, tanquam aliquo jam præjudicio, sive priore quodam judicio in antecessum lato, sibi attributum eum ipsum honoris titulum, quem utrum ei concedere deberent, consultationi relique-

rant. Hic *et ferret* eodem sensu a Livio usurpatum est, quo supra l. III. c. 45. *ut tacitum feras quod celari vis.*

⁷ *Quid interfuisse inter Ti. Sempronium]* Hoc mancum esse, nemo non videt. Codex unus, teste Gronovio, habet *inter hunc et Ti. Sempronium*. Atque hoc modo legendum est, nisi cum eodem Gronovio malis: *Quid interfuisse hunc et Ti. Sempronium?* ut apud Ter. Adelph. Act. I. Sc. 1. *Hoc pater ac dominus interest,*

U. C. 541. *ter Ti. Sempronium? Quum ei servorum exercitus datus esset,*
 A. C. 211. *brevi effecisse disciplina atque imperio, ut nemo eorum generis ac sanguinis sui memor in acie esset, prasidio sociis, hostibus terrori essent: Cumas, Beneventum, aliasque urbes eos velut e faucibus Hannibalis ereptas populo Romano restituisse. Cn. Fulvium Quiritium Romanorum exercitum, honeste genitos, liberaliter educatos, servilibus vitiis imbuisse. ergo effecisse, ut feroces et inquieti inter socios, ignavi et inbelles inter hostes essent, ⁸ nec inpetum modo Pænorum, sed ne clamorem quidem sustinere possent. Nec, Hercule, mirum esse, ⁹ milites in acie non stetisse, quum primus omnium imperator fugeret. magis mirari se, aliquos stantes cecidisse, et non omnes comites Cn. Fulvii fuisse pavoris ac fugæ. C. Flaminium, L. Paullum, L. Postumium, Cn. ac P. Scipiones cadere in acie maluisse, quam deserere circumventos exercitus. Cn. Fulvium prope unum nuncium deleti exercitus Romam redisse. Facinus indignum esse, Cannensem exercitum, quod ex acie fugerit, in Siciliam deportatum, ne prius inde dimittatur, quam hostis ex Italia decesserit, et hoc idem in Cn. Fulvii legionibus nuper decretum: Cn. Fulvio fugam ex prælio, ipsius temeritate commisso, impunitam esse: et eum in ganea lustrisque, ubi juventam egerit, senectutem acturum: milites, qui nihil aliud peccaverint, quam quod imperatoris similes fuerint, relegatos prope in exsilium, ignominiosam pati militiam. adeo inparem libertatem Romæ diti ac pauperi, honorato atque inhonorato esse.*

Se defendit. III. Reus ab se culpam in milites transferebat: Eos ferociter pugnam poscentes productos in aciem, non eo, quo voluerint, (quia serum diei fuerit) sed postero die, et tempore et loco æquo instructos, seu famam, seu vim hostium non sustinuisse. Quum effuse omnes fugerent, se quoque turba ablatum; ut Varronem Cannensi pugna, ut multos alios imperatores. Quî autem solum se restantem prodesse reipublicæ, nisi si mors sua remedio publicis cladibus futura esset, potuisse? Non se inopia com meatus, non in loca iniqua incaute deductum, non agmine inexplorato euntem insidiis circumcentum. vi aperta, armis, acie victum: nec suorum animos, nec hostium, in potestate habuisse. suum cuique ingenium audaciam aut patorem facere. Bis est accusatus, ¹⁰ pecuniaque anquisitum. tertio, testibus datis, quum,

⁸ *Nec inpetum modo]* Et inpetum Pænorum non modo sustinere non possent. Plerumque Livius post has voces non modo suppressit non, ubi in sequenti membro reperitur ne .. quidem. Exempla alibi collegimus.

⁹ *Milites in acie non stetisse]* Omnes MSS. nostri, ut et aliquot e Gronovianis, mutantur duas postremas voces: sive quibus tamen sensus con-

stare non potest.

¹⁰ *Pecuniaque anquisitum]* Anquirere proprie idem est ac querere, sive inquirere. Hic de eo dicitur qui accusat. Anquisit igitur pecunia is qui postulat, ut reus pecunie damnetur. Capite anquisit is qui postulat, ut reus damnetur capitis. Sed observandum cupit non semper designari vitam, sed interdum statum tantummodo

præterquam quod omnibus probris onerabatur, jurati permulti U. C. 541. dicerent, fugæ pavorisque initium a prætore ortum; ab eo de- A. C. 211. sertos milites, quum haud vanum timorem ducis crederent, terga dedisse; tanta ira accensa est, ut capite anquirendum concilio subclamaret. De eo quoque novum certamen ortum. nam, quum tribunus bis pecunia anquisisset, tertio capitis se anquirere diceret; tribuni plebis adpellati, ¹¹ *collegæ*, negarunt, *se in mora esse, quo minus, quod ei more majorum permissum esset, ¹² seu legibus, seu moribus mallet, anquireret, ¹³ quoad vel capitis, vel pecuniæ judicasset privato.* Tum Sempronius, ¹⁴ *perduellionis se judicare* Cn. Fulvio, dixit, ¹⁵ diemque comitiis ab C. Calpurnio prætore urbis petit. Inde alia spes ab reo tentata est: si adesse in judicio Q. Fulvius frater posset, florens tum et fama rerum gestarum, et propinqua spe Capuæ potiundæ. Id quum per literas miserabiliter pro fratris capite scriptas petisset Fulvius, negassentque Patres e republica esse, abscedi a Capua; ¹⁶ postquam ^b dies comitiorum aderat, Cn. Fulvius exsulatum Tarquinius abiit. id ei ¹⁷ justum exsilium esse, scivit plebs.

IV. Inter hæc vis omnis belli versa in Capuam erat. obside- Capuæ ar-
tior obsidio.

^b *priusquam* Gron.

eius qui in discrimen vocatur. Sic hoc loco dum tribunus *capite anquirerit*, hoc tantum postulat, ut Fulvius exilio mulctetur, quam poenam sequebatur *capitis diminutio*.

¹¹ *Collegæ negarunt se in mora esse*] Negarunt se impedimento esse collegæ suo.

¹² *Seu legibus, seu moribus mallet, anquireret*] Sæpe in jure *mores* opponuntur *legibus*: quia nimirum usu derogatum aliquando legibus fuerat, ac plerumque in mitiorem partem: isque usus, ubi diuturnitate temporis comprobatus fuerat, pene in legis vim evaluerat. Hic illa distributio, *seu legibus, seu moribus*, evidenter respicit hanc quæ sequitur, *vel capitis, vel pecuniæ*. Scilicet leges, ut videtur, capite damnaverant eum imperatorem qui sua culpa exercitum anisisset. Moribus institutum fuerat, ut pecunia lueret. Fabius Ambustus apud nostrum l. VIII. c. 33. magna asseveratione testatur, capite anquisitum de imperatore nullo esse ob rem bello male gestam.

¹³ *Quoad vel capitis, vel pecuniæ judicasset privato*] Donec id assecutus esset ut populus judicaret Fulvium, qui tunc privatus erat, vel capite, vel pecunia mulctandum. Videtur Livius

retulisse ipsa verba decreti tribunorum, et propterea apposuisse ex formula vocem *privato*, quæ alioquin necessaria non erat. Similiter plane, l. XLIII. c. 16. *Censores .. mulctam pro concione privato dixerunt*.

¹⁴ *Perduellionis se judicare*] *Perduellionis*, sive *perduellionem judicare* dicitur reo et judex qui damnat, tanquam perduellionis manifestum, ut l. l. c. 26. ubi Duumviri damnant Horatium his verbis, *P. Horati, tibi perduellionem judico*: et accusator, qui postulat ut reus perduellionis damnetur, ut hoc loco, et itidem l. XLIII. c. 16. Sic et accusator passim dicitur condemnare reum, id est, dare operam ut condemnetur. De perduellione egimus ad l. l. c. 26.

¹⁵ *Diemque comitiis*] Perduellio judicabatur comitiis centuriatis, quæ tribunus habere non poterat. Ideo a prætore urbano diem comitiis petit. Idem reperies factum in simili causa, l. XLIII. c. 16.

¹⁶ *Postquam dies .. aderat*] Quum jam adesset, adventaret judicii dies. Vulgo *priusquam*. Sed optimi scripti id servant quod edidimus.

¹⁷ *Justum exilium*] Verum exilium ac legitimum, tanquam si judicio populi indictum esset.

U. C. 541. batur tamen acrius, quam obpugnabatur: nec aut famem to-
 A. C. 311. lerare servitia ac plebs poterant, aut mittere nuncios ad Han-
 nibalem per custodias tam artas. Inventus est Numida, qui,
 acceptis literis, evasurum se professus, ut promissum præstaret,
 per media Romana castra nocte egressus, spem accendit Cam-
 panis, dum aliquid virium superesset, ab omni parte eruptionem
 tentandi. Ceterum in multis certaminibus equestria prælia fer-
 me prospera faciebant: pedites superabantur. sed nequaquam
 tam lætum vincere, quam triste vinci ulla parte erat ab obses-
 so et prope expugnato hoste. Inita tandem ratio est, ut, quod
 viribus deerat, arte æquaretur. ex omnibus legionibus electi
 sunt juvenes, maxime vigore ac levitate corporum veloces: eis
 parmæ breviores, quam equestres, et septena jacula quaternos
 longa pedes data, præfixa ¹⁸ ferro, quale hastis velitaribus inest.
 eos singulos in equos suos accipientes equites adsuefecerunt, et
 vehi post sese, et desilire perneciter, ubi signum datum esset.
 Postquam adsuetudine quotidiana satis intrepide visum est fieri,
 in campum, qui medius inter castra murumque erat, adversus
 instructos Campanorum equites processerunt. et, ubi ad con-
 jectum teli ventum est, signo dato velites desiliunt. pedestris in-
 de acies ex equitatu repente in hostium equites incurrit: jacula-
 que cum inpetu alia super alia emittunt. Quibus plurimis in
 equos virosque passim conjectis permultos vulteraverunt: pavo-
 ris tamen plus ex re nova atque inopinata injectum est, et in
 perculsum hostem equites invecti, fugam stragemque eorum us-
 que ad portas fecerunt. Inde equitatu quoque superior ¹⁹ Ro-
 mana res ⁴ fuit. ²⁰ Institutum, ut velites in legionibus essent.
 Auctorem peditum equiti inmiscendorum centurionem Q. Na-
 vium ferunt, honorique id ei apud imperatorem fuisse.

Equestria
 prælia pro-
 spera Cam-
 panis.

Velites in
 legionibus.

¹⁸ et del. Gron. Crev.

⁴ acies Fæd.

¹⁸ Ferro, quale hastis velitaribus inest] De velitum institutione hic agitur. Quid ergo opus est observa- re velites armatos esse hastis velitari- bus? Nimirum hasta velitaris sumi- tur universe pro hasta missili: quæ quidem in usu fuit et ante institutos velites, ut constat ex l. XXIV. c. 34. et post extinctos. Nullos enim fuisse Cæsaris ævo proprie dictos velites conjicit Lipsius non improbabilibus rationum momentis: et tamen post Cæsaris tempus mentio fit velitarium hastarum ab antiquis scriptoribus. Vid. Lips. l. III. de Milit. Rom. Dial. l. De ferro velitaris hastæ egimus in nota 74. ad l. XXIV. c. 34.

¹⁹ Romana acies] Melius Put. et alius quoque probæ notæ codex: Ro- mana res.

²⁰ Institutum, ut velites in legioni-

bus essent] Antea jam in exercitiis Romanis levis armaturæ milites erant. Sed levis armatura commune nomen est, cujus plura sunt genera sive par- tes, ut rorarii, accensi, de quibus Li- vivius egit, l. VIII. c. 8. et ii qui hoc locodicuntur velites. Vetus ergo il- la levis armatura habuit sagittarios, funditores, jaculatores, qui videntur comprehensi fuisse duplici nomine rorariorum et accensorum; at non velites proprie dictos. Si quando igitur mentio fit velitum prioribus tem- poribus, ut l. XXIV. c. 34. intellige veteribus illis levis armaturæ militi- bus accommodatum esse illud nomen, quod tamen iis proprio sensu non compete- bat. Hæc fusius explicata habes apud Lipsium, l. III. de Mil. Rom. Dial. l.

V. Quum in hoc statu ad Capuam res essent, Haunibalem ^{U. C. 541.}
²¹ diversum Tarentinæ arcis potiundæ Capuæque retinendæ tra- ^{A. C. 211.}
 hebant curæ. vicit tamen respectus Capuæ, in quam omnium ^{Hannibal}
 sociorum hostiumque conversos videbat animos; ²² documento ^{in Campa-}
 futuræ, qualemcumque eventum defectio ab Romanis habuisset. ^{niam redit.}
 Igitur, magna parte impedimentorum relictâ in Bruttiis, et omni
 graviore armatu, cum delectis peditum equitumque, quam pot-
 erat aptissimis ad maturandum iter, in Campaniam contendit.
 secuti tamen tam raptim euntem tres et triginta elephantî. In
 valle occulta post Tifata montem imminentem Capuæ consedit.
 Adveniens quum castellum Galatiam, ²³ præsidio ^{vi pulso,} ce-
 pisset, in circumsedentes Capuam se vertit. ²⁴ præmissis ante
 nunciis Capuam, quo tempore castra Romana adgressurus esset,
 ut eodem et illi, ad eruptionem parati, portis omnibus sese ef-
 funderent¹, ingentem præbuit terrorem. nam alia parte ipse
 adortus est; alia Campani omnes, pedites equitesque, et cum iis ^{Castra Ro-}
 Punicum præsidium, cui Bostar et Hanno præerant, erupit. ^{mana ad-}
 Romani, ut in re trepida, ne ad unam concurrento partem ali- ^{greditur.}
 quid indefensi relinquerent, ita inter se copias partiti sunt. Ap. ^{Campani}
 Claudius Campanis, Fulvius Hannibali est obpositus. ²⁵ C. ^{quoque}
 Nero proprætor cum equitibus sextæ legionis via, quæ Suessu- ^{erumpunt.}
 lam fert; C. Fulvius Flaccus legatus cum sociali equitatu con-
 stitit e regione Vulturni amnis. Proelium non solito modo cla-
 more ac tumultu est cœptum, sed, ad alium virorum, equorum,
 armorumque sonum, disposita in muris Campanorum inbellis
 multitudo tantum cum æris crepitu, qualis in defectu lunæ silen-
 ti nocte cieri solet, edidit clamorem, ut averteret etiam pugnan-
 tium animos. Campanos facile a vallo Appius arcebat. Major
 vis ab altera parte Fulvium, Hannibal et Poeni, urgebant. le-
 gio ibi sexta loco cessit: qua pulsa, cohors Hispanorum cum
 tribus elephantis usque ad vallum pervasit: ruperatque mediam
 aciem Romanorum, et in ancipiti spe ac^h periculo erat, utrum

^{*} add. *inde* Gron. ¹ *effunderent*, add. *res nec explorata Romanis ingentem*
 etc. Ead. ² C. 1. *Claudius* Ead. ^h et Gron. Crev.

²¹ * *Diversum . . . trahant*] In di-
 versa trahabant, modo huc, modo il-
 luc inclinabant.

²² * *Documento futuræ, qualemcum-
 que eventum*] Propositæ in exemplum
 ac documentum, ut ex eventu quem
 Campanorum ab Romanis defectio
 habuisset, ceteri omnes populi judica-
 rent utra societas, Romanorumne an
 Annibalis, potior esset.

²³ *Præsidio vi pulso*] Hinc elimi-
 navimus superfluam particulam *inde*,
 quam scriptis ignoratam nimium dili-
 gentes editores inseruerant.

²⁴ *Præmissis ante nunciis Capuam*
 . . ut . . sese effunderent, ingentem præ-

buit terrorem] Hæc est MSS. lectio,
 in qua certe nihil desideret erudita
 auris. Nempe Annibal ita rebus
 compositis, ut simul ipse, simul Cam-
 pani invaderent Romanos, ingentem
 hostibus præbuit terrorem. Temere
 ergo et sine ulla causa ille pannus
 ante *ingentem* assutus erat, *res nec*
explorata Romanis. Optaremus tan-
 tum ut ex Victorino codice legeretur
præmissisque nunciis: quo melius con-
 necteretur narratio.

²⁵ C. *Nero*] Sic habent Put. et
 Vict. codices, quomodo volebat Sigo-
 nius ex vet. lib. Vulgo editi: *Claudius*
Nero.

U. C. 541. tit. nam quum fame ferroque urguerentur, nec spes ulla su-
A. C. 211. peresset, iis, qui nati in spem honorum erant, honores de-
trectantibus; Lesius, querendo desertam ac proditam a pri-
moribus Capuam, summum magistratum ultimus omnium
Campanorum cepit.

VII. Ceterum Hannibal, ut nec hostes elici amplius ad
pugnam vidit, nec per castra eorum perrumpi ad Capuam
posse, ne suos quoque^o commeatus intercluderent novi con-
sules, abscedere irritum incepto, et movere a Capua statuit
castra. Multa secum, quonam^p inde ire pergeret, volventi
subiit animum inpetus, caput ipsum belli Romam petendi:
cujus rei semper cupitæ prætermisam occasionem post
Cannensem pugnam et alii vulgo fremebant, et ipse non
dissimulabat. *necopinato pavore ac tumultu, non esse desperan-*
*dum, aliquam partem urbis occupari posse;*³⁸ *et*^q, *si Roma in*
discrimine esset, Capuam extemplo omissuros aut ambo^r *impe-*
ratores Romanos, aut alterum ex iis: et, si divisissent copias,
utrumque infirmiores factum aut sibi, aut Campanis, bene ge-
rendæ rei fortunam daturus esse. Una ea^r cura angebat, ne,
ubi abscessisset, extemplo dederentur Campani. Numidam
promptum ad omnia audenda donis perlicit, ut, literis accep-
tis, specie transfugæ castra Romana ingressus, altera parte
Capuam clam pervadat. Literæ autem erant adhortatione
plenæ. *Profectionem suam, quæ salutaris illis foret, abstrac-*
turam ad defendendam Romam ab obpugnanda Capua duces
atque exercitus Romanos. Ne desponderent animos: toleran-
do paucos dies, totam soluturos obsidionem. Inde naves in
flumine Vulturno comprehensas³⁹ subigi ad id, quod jam
ante præsidii causa fecerat, castellum jussit. Quarum ubi
tantam copiam esse, ut una nocte trajici posset exercitus,
adlatum est, cibariis decem dierum præparatis, deductas
nocte ad fluvium legiones ante lucem trajecit.

VIII. ⁴⁰ Id priusquam fieret, ita futurum compertum ex

^o quoque del. Gron.

^p quo jam Gron. Crev.

^q et, si l. eo si Gron.

^r ambos Crev.

^r ea del. Rad.

mum Capuæ magistratum evectus
est, quum perditæ et deploratæ res
Campanorum erant.

38 *Et si Roma in discrimine esset*] Hæc est altera spes Annibalis; altera, eaque præcipua causa, cur Romam sibi petendam putet. Hic igitur perbene locum habet particula *et*, quam exhibet Put. codex, aliis alludentibus, qui præferunt *ei*. Sigonius jusserat legi *eo*, parum utile additamentum. Hoc autem semel statuto, malleus in iis quæ sequuntur restitui edito- rum ante Gronovium lectionem, qui

si divisissent copias.

39 *Subigi ad id quod*] Ingeniosa admodum Gronovii emendatio. Liber optimus habuit *ubi gladio quod*.

40 *Id ... compertum ex transfugis Fulvius Flaccus senatui ... quum scrip- sisset*] Polybius in tota hac narratio- ne, quæ libro ejus IX. habetur, mul- tum a Livio discrepat. Neque enim Romanos ante comperisse consilium Annibalis scribit, quam Pœnus tra- jecto Anienem exercitu quadraginta stadiis ab urbe castra posuerit. Tum nihil omnino dicit de Fulvio a Capua

transfugis, Fulvius Flaccus senatui Romam quum scripsisset, varie hominum animi pro cujusque ingenio adfecti sunt. Ut in re tam trepida, senatu extemplo vocato, P. Cornelius, cui Asinæ cognomen erat, omnes duces exercitusque ex tota Italia, neque Capuæ, neque ullius alterius rei memor, ad urbis præsidium revocabat. Fabius Maximus, abscedi a Capua, terrerique et circummagi ad nutus comminationesque Hannibalis, flagitiosum ducebat. *Qui ad Cannas victor ire tamen ad urbem ausus non esset, eum, a Capua repulsum, spem potiundæ urbis Romæ cepisse? Non ad Romam obsidendam, sed ⁴¹ ad Capuæ liberandam obsidionem¹, ire. Romam cum eo exercitu, qui ad urbem esset, Jovem, fœderum ruptorum ab Hannibale testem, Deosque alios defensuros esse.* Has diversas sententias media sententia P. Valerii Flacci vicit: qui, utriusque rei memor, imperatoribus, qui ad Capuam essent, scribendum censuit, *Quid ad urbem præsidii esset, quantas autem Hannibal copias duceret, aut quanto exercitu ad Capuam obsidendam opus esset, ipsos scire. Si et Romam e ducibus alter, et exercitus pars mitti posset, ut ab reliquo et duce et exercitu Capua recte obsideretur; inter se compararent Claudius Fulviusque, utri obsidenda Capua, utri, ad prohibendam obsidione patriam, Romam veniundum esset.* Hoc senatusconsulto Capuam perlato, Q. Fulvius proconsul, cui, collega ex vulnere ægro, eundem Romam erat, e tribus exercitibus milite electo, ad quindecim millia peditum, mille equites, Vulturnum traducit. inde quum Hannibalem Latina via iturum satis comperisset, ipse per Appiæ municipia, quæque propter eam viam sunt, Setiam, Coram, Lanuvium præmisit, ut commeatus paratos et in urbibus haberent, et ex agris deviis in viam proferrent, præsidiaque in urbes contraherent, ⁴² ut sua cuique respublica in manu esset.

U. C. 541.
A. C. 211.
Varie in senatu sententiam.

Fulvius a Capua Romam evocatur.

IX. Hannibal, quo die Vulturnum est transgressus, haud procul a flumine castra posuit. Postero die præter Cales in agrum Sidicinum pervenit. ibi diem unum populando moratus, ⁴³ per Suessulam Alifanumque et Casinatem a-

¹ *ad Capuam liberandam obsidione* Gron. Crev.

revocato. Romam denique a consulibus eo solo exercitu, qui ad urbem esset, defensam fuisse memorat. Utrius potior sit fides, Polybii an Livii, non decernimus. Sed eos in re tam clara tamque illustri tantopere dissentire vehementer miramur.

⁴¹ *Ad Capuam liberandam obsidionem*] Hic nostri codices, quemadmodum et optimi e Gronovianis, notabile loquendi genus exhibent, *ad Capuæ liberandam obsidionem*. Et aliud

simile exemplum advocat Gronovius ex l. XXXVI, c. 25. *suamque gratiam consul in obsidione liberanda facturum esset.*

⁴² *Ut sua cuique respublica in manu esset*] Ut uniuscujusque urbis cives suam reipublicam per se ipsi tenerent ac tutari possent.

⁴³ *Per Suessulam*] Suessula Annibali in Sidicinum agrum ingresso et Romam petenti a tergo erat, quum sit inter Capuam et Nolam sita. Lege

V. C. 541. A. C. 211. **Tumultus Romæ.** grum via Latina ducit. sub Casinum biduo stativa habita et passim populationes factæ. Inde, præter Interamnam Aquinumque, in Fregellanum agrum ad Lirim fluvium ventum. ubi interclusum pontem a Fregellanis morandi itineris causa invenit. Et Fulvium Vulturum tenuerat annis, 44 navibus ab Hannibale incensis, rates ad trajiciendum exercitum, in magna inopia materiæ, ægre comparantem. Trajecto ratibus exercitu, reliquum Fulvio expeditum iter, non per urbes modo, sed circa viam, expositis benigne commeatibus, erat: alacresque milites alius alium, ut adderet gradum, memor ad defendendam ire patriam, hortabantur. Romam Fregellanus nuncius, diem noctemque itinere continuato, ingentem adtulit terrorem. tumultuosius, quam adlatum erat, cursus hominum, adfingentium vana auditis, totam urbem conciverat. ploratus mulierum non ex privatis solum domibus exaudiebatur; sed undique matronæ, in publicum effusæ, circa Deum delubra discurrunt, crinibus passis aras verrentes, nixæ genibus, supinas manus ad cælum ac Deos tendentes, orantesque, ut urbem Romanam e manibus hostium eriperent; matresque Romanas et liberos parvos inviolatos servarent. Senatus magistratibus in foro præsto est, si quid consulere velint. Alii accipiant imperia, disceduntque ad suas quisque officiorum partes: alii obferunt se, si quo usus operæ sit. præsidia in arce, in Capitolio, in muris, circa urbem, in monte etiam Albano atque arce Æsulana ponuntur. Inter hunc tumultum, Q. Fulvium proconsulem profectum cum exercitu a Capua adfertur; 45 cui ne minueretur imperium, si in urbem venisset, decernit senatus, ut Q. Fulvio par cum consulibus imperium esset. Hannibal, infestius perpopulato agro Fregellano propter interclusos pontes, per Frusinatem Ferentinatēque et Anagninum agrum in Lavicanum venit. 46 inde Algidum Tusculum petiit: nec receptus moenibus, infra Tusculum

igitur cum Cluverio per *Suessanum* agrum. Suessa Aurunca est juxta Latinam viam, paulum ultra oppidum Cales Romam versus. Allifæ erant quidem ad lævam Vulturum: sed fortasse ager Allifanus ad dextram quoque ripam pertendebat.

44 *Navibus ... incensis, rates ... ægre comparantem*] *Ratis* vel est scapha subitaria et tumultuaria, vel tignorum series doliorum inter se consertis ordinibus sustentata, quam Gallice vocamus *un radeau*. Prior sensus hic magis conveniat. Ceterum *ratis* pro *nave* etiam non raro apud poetas præsertim usurpatur.

45 *Cui ne minueretur imperium, si in urbem venisset*] In urbe enim proconsule nemo habebat imperium, sed tantum extra urbem.

46 *Inde Algidum*] Inde transeundo per Algidum petit Tusculum. Ceterum de hoc loco magna lis exorta est inter celeberrimos viros, Jac. Gronovium, et Raph. Fabrettum. Consule, si vacat et libet, Jac. Gronovii tertiam Dissert. Epistolicam, Fabretti Dissert. tertiam de Aquis et Aquæductibus, Respons. Gronovii ad Cavillationes Raph. Fabretti, et Fabretti Apolog. ad Gronovium.

dextrorsus Gabios descendit. inde ⁴⁷ in Pupiniam exercitu U. C. 541, demisso, octo millia passuum ab Roma posuit castra. Quo A. C. 211. propius hostis accedebat, eo major cædes fiebat fugientium, præcedentibus Numidis: pluresque omnium generum atque ætatum capiebantur.

X. In hoc tumultu Fulvius Flæcus, porta Capena cum ex- Fulvius cum exercitu Romam ingreditur. ercitu Romam ingressus, media urbe ⁴⁸ per Carinas Esquilias contendit. inde egressus, inter Esquilinam Collinamque portam posuit castra. Ædiles plebis commeatum eo comportarunt. Consules senatusque in castra venerunt. ibi de summa republica consultatum. ⁴⁹ Placuit, consules circa portas Collinam Esquilinamque ponere castra: C. Calpurnium prætorem urbanum Capitolio atque arci præesse: et senatum frequentem in foro contineri, si quid in tam subitis rebus consulto opus esset. Inter hæc Hannibal ad Anienem fluvium, tria millia passuum Hannibal tria millia passuum ab urbe castra locat. ab urbe, castra admovit. ibi stativis positus, ipse cum duobus millibus equitum a porta Collina usque ad Herculis templum est progressus; atque, unde proxime poterat, moenia situmque Urbem obequitans contemplatur. urbis obequitans contemplabatur. Id cum tam licenter atque otiose facere, Flacco indignum visum est. itaque inmisit equites, submoverique atque in castra redigi hostium equitatum jussit. Quum commissum prælium esset, consules transfugas Numidarum, qui tum in Aventino ad mille et ducentos erant, media urbe transire Esquilias jusserunt: nullos aptiores, inter convalles tectaque hortorum et sepulera aut cavas undique vias, ad pugnandum futuros rati. quos ⁵⁰ quum ex arce Capitolioque clivo publico in equis decurrentes quidam vidissent, captum Aven-

* *Placuit Consulibus Gron.*

⁴⁷ *In Pupiniam]* Supple, tribum. In agrum Pupiniæ tribus, sive Pupiniensem. Eodem plane modo Val. Max. l. IV. c. 4. *In agello, quem in Pupinia habebat.*

⁴⁸ * *Per Carinas Esquilias contendit]* Per eam regionem urbis quæ dicitur *Carinæ*, perrexit ad Esquilias. De Esquilis vid. not. 38. ad l. 44.

⁴⁹ *Placuit consules ..ponere castra]* Gronovianæ editiones præferunt *consulibus*: quædam paulo vetustiores, *cons.* Andreas et Campanus discrete *consules*, quemadmodum et in tribus scriptis reperisse se Hearnius testatur, et nos in Put. tribusque aliis legimus. Fidenter ergo reposuimus *consules*, quod et sensus ratio, et membrorum sequentium textura postulare visa est.

⁵⁰ *Quum ex arce Capitolioque]* Horum verborum hunc sensum esse Hearnius contendit: quum spectan-

tes ex arce Capitolioque quidam vidissent Numidas clivo Publico in equis decurrentes ex Aventino. Id, inquit, ipsa probant historici verba, *quum ex arce Capitolioque quidam vidissent*: id est, Romani spectabant ex utraque montis parte, altera, quæ arx dicitur, altera, quæ Capitolium. Neque vero potest uno eodemque clivo *ex arce* simul *Capitolioque* descendendi. Quomodo enim unus idemque clivus ad utramque montis partem pertinebat? Deinde ipsa mentio clivi Publici, qui ad Aventinum ducebat, clare probat non ex Capitolio decurrisse Numidas. Ceterum hunc clivum *Publicium* dictum esse, non *Publicum*, constat ex Varrone, et Festo, et ipso Livio, infra XXVII. 37. et XXX. 26. Et favet Put. codex, in quo littera *t* inter *c* et *o* altera manu superscripta est.

U. C. 541. A. C. 211. **tinum conclamaverunt. Ea res tantum tumultum ac fugam præbuit, ut, nisi castra Punica extra urbem fuissent, effusura se omnis pavida multitudo fuerit. tunc in domos atque in tecta refugiebant: vagosque in viis suos pro hostibus lapidibus telisque incessebant. Nec comprimi tumultus aperiri que error poterat, refertis itineribus agrestium turba pecorumque, quæ repentinus pavor in urbem compulerat. Equestre proellum secundum fuit, submotique hostes sunt: et, quia multis locis comprimendi tumultus erant, qui temere oriebantur, placuit, omnes, qui dictatores, consules, censoresve fuissent, cum imperio esse, donec recessisset a muris hostis. Et diei quod reliquum fuit, et nocte insequenti, multi temere excitati tumultus sunt, compressique.**

Submotus
Hannibal.

Instructas
utrimque a-
cies tempe-
tas dirimit.

Supplemen-
tum in His-
paniam.
Ager, in
quo Hanni-
bal castra
habebat,
venit Ro-
mæ.
Recedit
Hannibal.

XI. Postero die transgressus Anienem Hannibal in aciem omnes copias eduxit: nec Flaccus consulesque certamen detrectare. Instructis utrimque exercitibus in ejus pugnae casum, in qua urbs Roma victori præmium esset, imber ingens grandine mixtus ita utramque aciem turbavit, ut vix armis retentis in castra sese receperint, nullius rei minore, quam hostium, metu. Et postero die eodem loco acies instructas eadem tempestas dirimit. ubi recepissent se in castra, mira serenitas cum tranquillitate oriebatur. In religionem ea res apud Pœnos versa est: auditaque vox Hannibalis fertur, *Potiundæ sibi urbis Romæ modo mentem non dari, modo fortunam.* Minuere etiam spem ejus et aliæ, parva magna que, res: magna illa, quod, quum ipse ad mœnia urbis Romæ armatus sederet, milites sub vexillis in supplementum Hispaniæ profectos audivit: parva autem, quod per eos dies eum forte agrum, in quo ipse castra haberet, venisse, nihil ob id deminutò pretio, cognitum ex quodam captivo est. Id vero adeo superbum atque indignum visum, ejus soli, quod ipse bello captum possideret haberetque, inventum Romæ emtorem; ut, extemplo vocato præcone, tabernas argentarias, quæ circa forum Romanum tunc essent, jussu venire. His motus ad Tutiam fluvium castra retulit, sex millia passuum ab urbe. inde ad lucum Feroniæ pergit ire, templum ea tempestate inclitum divitiis. ⁵¹ Capenates aliqui adcolæ ejus erant; primitias frugum eo donaque alia pro copia portantes, multo auro argentoque id exornatum habebant. His omnibus donis tum spoliatum templum. æris acervi, quum ⁵² rudera milites religione inducti jacerent, post profectionem Hannibalis magni inventi. Hujus populatio templi haud dubia inter scriptores est.

⁵¹ *Capenates aliqui*] Haud placet hic vox *aliqui*. Gronovius suspicatur, vel *Capenates aliqui qui adcolæ ejus erant*; vel, resectis vocibus *ejus erant*, et nonnullis leviter mutatis, *Capenates Faliscique adcolæ*. Standum vide-

tur priori emendatione, quæ ab uno e Colbertinis codicibus firmatur, teste Dujatio.

⁵² *Rudera*] *Rudus* hoc loco accipiendum est pro ære infecto ac rudi.

Cœlius, Romam euntem ab Ereto divertisse eo Hannibalem, U. C. 541. tradit: ⁵³ iterque ejus ab Reate, Cutiliisque, et ab Amiterno ordi- A. C. 211. tur. ex Campania in Sannium, inde in Pelignos pervenisse; Hannibalis abeuntis iter. præterque oppidum Sulmonem in Marrucinos transisse; inde Albensi agro in Marsos, hinc Amiternum, Forulosque vicum venisse. Neque ibi error est, quod tanti exercitus vestigia intra tam brevis ævi memoriam potuerint confundi. isse enim ea constat. Tantum id interest, veneritne eo itinere ad urbem, an ab urbe in Campaniam redierit.

XII. Ceterum non quantum pertinaciæ ad premendam obsi- It Rhegi- dione Capuam Romanis fuit, tantum ad defendendam Hanni- nm. bali. namque ex Lucanis in Bruttium agrum, ad fretum vero ac Rhegium eo cursu contendit, ut prope repentino adventu incautos obpresserit. Capua etsi ⁵⁴ nihilo^{*} segnius obsessa per eos dies fuerat, tamen adventum Flacci sensit: et admiratio orta est, non simul regressum Hannibalem. Inde per colloquia intellexerunt, relictos se desertosque, et spem Capuæ retinendæ deploratam. apud Pœnos esse. Accessit edictum proconsulis ex senatusconsulto propositum, vulgatumque apud hostes: *ut, qui civis Campanus ante certam diem transisset, ⁵⁵ sine fraude esset.* Campano- Nec ulla facta est transitio, metu magis eos, quam fide, conti- rum torpor- nente; quia majora in defectione deliquerant, quam quibus igr- et despera- tio. nosci posset. Ceterum quemadmodum nemo privato consilio ad hostem transibat, ita nihil salutare in medium consulebatur. Nobilitas rempublicam deseruerat, neque in senatum cogi poterant. in magistratu autem erat, qui non sibi honorem adjecisset, sed indignitate sua vim ac jus magistratui, quem gerebat, demsisset. Jam ne in foro quidem, aut publico loco, principum quisquam adparebat: domibus inclusi patriæ occasum cum suo exitio in dies expectabant. summa curæ omnis in Bostarem Hannonemque præfectos præsidii Punici versa erat, suo, non sociorum, periculo sollicitos. ⁵⁶ Hi, conscriptis ad Hannibalem lite- Literæ Bostaris et Hannonis ad Hannibalem. ris, non libere modo, sed etiam aspere, quibus, *non Capuam so-*

^{*} nihil Gron.

⁷ poterat Gron. Crev.

⁵³ *Iterque ejus ab Reate, Cutiliisque, et ab Amiterno orditur*] Hæc oppida nominantur non eo ordine, quo Annibal ea transisse a Cœlio dicebatur, sed plane inverso. Scripserat nempe Cœlius Annibalem Romam euntem ab Amiterno Cutilias, dein Reate, postea Eretum venisse; inde ad lucum Feroniæ, qui est ultra Tiberim in Etruria, divertisse. Quanam autem via Amiternum a Capua venisset ex mente Cœlii, exponit deinde Livius, dum eum ex Campania dicit in Sannium, inde per Pelignos, Marrucinos, Marsos, ad oppidum

Amiternum postremo Forulosque vicum pervenisse. De Cœlio vid. not. 71. ad l. XXI. c. 38.

⁵⁴ *Nihilo segnius*] Vulgo *nihil*. Hoc mendum, quod plurimas editiones insederat, correximus moniti a Jac. Gronovio, volente Put. codice et omnibus nostris.

⁵⁵ *Sine fraude esset*] Ei ne fraudi esset defectio Campanorum; is immunis esset ab omni et noxa et poena.

⁵⁶ *Hi conscriptis*] Pendula quodammodo remanet vox *hi*, cui nullum subest verbum finiti modi. Simile exemplum observavimus l. VIII. c. 11.

U. C. 541. *lam² traditam in manum hostibus, sed se quoque et præsidium*
 A. C. 211. *in omnes cruciatus proditos, incusabant: abiisse eum in Brut-*
tios, velut avertentem sese, ne Capua in oculis ejus caperetur. at,
Hercule, Romanos ne obpugnatione quidem urbis Romanæ abs-
trahi ab Capua obsidenda potuisse. tanto constantiorem inimi-
cum Romanum, quam amicum Pænum esse. Si redeat Capu-
am, bellumque omne eo vertat, et se et Campanos paratos erup-
tionis fore. Non cum Rheginis, neque Tarentinis bellum gestu-
ros transisse Alpes. ubi Romanæ legiones sint, ibi et Karthagi-
niensium exercitus debere esse. Sic ad Cannas, sic ad Trasime-
num rem bene gestam; cœundo, conferendo cum hoste castra,
fortunam tentando. In hanc sententiam literæ conscriptæ
Numidis, proposita mercede jam professis operam, dantur.
Hi specie transfugarum quum ad Flaccum in castra venis-
sent, ut inde tempore capto abirent; famesque, quæ tam
diu Capuæ erat, nulli non probabilem causam transitionis
faceret, mulier repente Campana in castra venit, scortum trans-
fugarum unius; indicatque imperatori Romano, Numidas fraude
composita transisse, literasque ad Hannibalem ferre.⁵⁷ id unum
ex iis, qui sibi rem aperuisset, arguere sese paratam esse. Pro-
ductus primo satis constanter ignorare se mulierem simulabat:
paullatim dein convictus veris, quum tormenta posci et parari
videret, fassus id ita esse. literæque prolatae;⁵⁸ et additum etiam
indicio, quod celabatur, et alios specie transfugarum Numidas
vagari in castris Romanis. hi supra septuaginta comprehensi, et
cum transfugis novis mulcati^a virgis, manibusque præcisis, Ca-
puam rediguntur. Conspectum tam triste supplicium fregit
animos Campanorum.

Senatus
Campanus
convocatur.

Vibii Virrii
oratio.

XIII. Concursus ad curiam populi factus cœgit Lesium se-
 natum vocare: et primoribus, qui jam diu publicis consiliis abe-
 rant, propalam minabantur, nisi venirent in senatum, circa do-
 mos eorum ituros se, et in publicum omnes vi extracturos esse.
 Is timor frequentem senatum magistratui præbuit. Ibi quum
 ceteri de legatis mittendis ad imperatores Romanos agerent,
 Vibius Virrius^b, qui defectionis ab Romanis auctor fuerat, in-
 terrogatus sententiam, negat, eos, qui de legatis et de pace ac
 deditione loquantur, meminisse, nec quid facturi fuerint, si
 Romanos in potestate habuissent; nec quid ipsis patiendum
 sit.⁵⁹ Quid? vos, inquit, eam deditionem fore censetis, qua
 quondam, ut adversus Samnites auxilium impetraremus, nos

² solum Gron. Crev. ^a multati Gron. mulcati Crev. ^b Virius Gron. Crev.

57* *Id unum ex iis arguere se-*
se paratam esse] Se paratam esse de
 ea re convincere unum ex illis Numi-
 dis.

58* *Et additum]* Et indicio ac con-
 fessioni. de litteris id etiam additum
 quod primo celatum fuerat, nempe

alios quoque Numidas

59 *Quid? vos.. eam deditionem fore*
censetis, qua] Talemne fore censetis
 deditionem quam suadetis nunc fieri,
 qualis fuit illa, qua quondam. . . . De
 illa veteri Campanorum deditione
 vid. nostrum, l. VII. capp. 30. et 31.

nostraque omnia Romanis dedidimus? Jam e memoria exces- U. C. 541.
sit, quo tempore, et in qua fortuna a populo Romano defeceri- A. C. 811.
mus? jam, quemadmodum in defectione præsidium, quod pot-
erat emitti, per cruciatum et ad contumeliam necarimus? quo-
ties in obsidentes, quam inimice eruperimus, castra obpugnari-
mus? Hannibalem vocaverimus ad obprimendos eos? hoc
quod recentissimum est, ad obpugnandam Romam hinc eum
miserimus? Age contra, quæ illi infeste in nos fecerint, repe-
tite: ut ex eo, quid speretis, habeatis. Quum hostis alienigena
in Italia esset, et Hannibal hostis, et cuncta bello arderent,
omissis omnibus, omisso ipso Hannibale, ambo consules et duo
consulares exercitus ad Capuam obpugnandam miserunt. Al-
terum annum circumvallatos inclusosque nos fame macerant, et
ipsi nobiscum ultima pericula ac gravissimos labores perpessi,
circa vallum ac fossas sæpe trucidati, et prope ad extremum
castris exuti. Sed omitto hæc. vetus atque usitata res est, in
obpugnanda hostium urbe labores ac pericula pati. illud iræ
atque odii execrabilis indicium est. Hannibal ingentibus co-
piis peditum equitumque castra obpugnavit, et ex parte cepit:
tanto periculo nihil moti sunt ab obsidione. Profectus trans
Vulturum, perussit Calenum agrum: nihil tanta sociorum
clade advocati sunt. Ad ipsam urbem Romam infesta signa
ferri jussit. eam quoque tempestatem inminentem spreverunt.
Transgressus Anienem, tria millia passuum ab urbe castra po-
suit: postremo ad mœnia ipsa et ad portas accessit. Romam
se ademturum eis, nisi omitterent Capuam, ostendit. non omise-
runt. Feras bestias, cæco inpetu ac rabie concitatas, si ad cu-
bilia et catulos earum ire pergas, ad opem suis ferendam aver-
tas. Romanos Roma circumsessæ, conjuges, liberi, quorum
ploratus ⁶⁰ hinc ^a prope exaudiebantur, aræ, foci, Deum delu-
bra, sepulcra majorum temerata ac violata, a Capua non aver-
terunt: tanta aviditas supplicii expetendi, tanta sanguinis nos-
tri hauriendi est sitis. Nec injuria forsitan. nos quoque idem
fecissemus, si data fortuna esset. Itaque quando aliter Diis
inmortalibus visum est, quum mortem ne recusare quidem de-
beam; cruciatus contumeliasque, quas sperat hostis, dum li-
ber, dum mei potens sum, effugere morte, præterquam honesta,
etiam leni, possum. Non videbo Ap. Claudium et Q. Ful-
vium, victoria insolenti subnisos, neque vinctus per urbem Ro-
manam triumphî spectaculum trahar, ut deinde in carcere, aut
ad palum deligatus, lacerato virgis tergo, cervicem securi Ro-
manæ subjiciam: nec dirui incendique patriam videbo: nec
rapi ad stuprum matres Campanas, virginesque, et ingenuos

^a ins. quoque Gron.

⁶⁰ Hinc prope exaudiebantur] Si- res e Gronovianis codd. et omnes nos-
gonius addiderat quoque: sed redun- tri.
dantem particulam respuunt melio-

U. C. 541. *pueros. Albam, unde ipsi oriundi erant, a fundamentis prorue-*
 A. C. 211. *runt, ⁶¹ ne stirpis, ne memoria originum suarum exstaret: ne-*
dum eos Capuæ parsuros credam, cui infestiores, quam Kar-
thagini, sunt. Itaque quibus vestrum ante fato cedere, quam
hæc tot tam acerba videant, in animo est; iis apud me hodie
epulæ instructæ paratæque sunt. Satiatis vino ciboque pocu-
lum idem, quod mihi datum fuerit, circumferetur: ea potio cor-
pus ab cruciatu, animum a contumeliis, oculos, aures, a viden-
dis audiendisque omnibus acerbis indignisque, quæ manent
victos, vindicabit. parati erunt, qui magno rogo in propatulo
ædium accenso corpora exanima injiciant. Hæc una via et
honestæ et libera ad mortem. et ipsi virtutem mirabuntur hos-
tes, et Hannibal fortes socios sciet ab se desertos ac proditos
esse.

XIV. Hanc orationem Virrii plures audierunt cum ad-
 sensu, quam forti animo id, quod probabant, exsequi potue-
 runt. Major pars senatus, multis sæpe bellis expertam po-
 puli Romani clementiam haud diffidentes sibi quoque pla-
 cabilem fore, legatos ad dedendam Romanis Capuam decre-
 verunt, miseruntque. Vibium Virrium septem et viginti
 ferme senatores domum secuti sunt, epulatique cum eo; et,
 quantum facere potuerant, alienatis mentibus vino ab inmi-
 nentis sensu mali, venenum omnes sumserunt: inde misso
 convivio, dextris inter se datis, ultimoque complexu, con-
 lacrimantes suum patriæque casum, alii, ut eodem rogo
 cremarentur, manserunt; alii domos digressi sunt. Imple-
 tæ cibus vinoque venæ minus efficacem in maturanda morte
 vim veneni fecerunt. itaque noctem totam plerique eorum,
 et diei insequentis partem quum animam egissent; omnes
 tamen, priusquam aperirentur hostibus portæ, exspirarunt.
 Postero die porta Jovis, quæ adversus castra Romana erat,
 jussu proconsulis aperta est. ea intromissa legio una et
⁶² duæ alæ, cum C. Fulvio legato. Is, quum omnium pri-
 mum arma telaque, quæ Capuæ erant, ad se conferenda cu-
 rasset, custodiis ad omnes portas dispositis, ne quis exire
 aut emitti posset, præsidium Punicum comprehendit, sena-

Legati ad
Rom. missi.

Virrius cum
27. senato-
ribus vene-
num sumit.

Capuam in-
grediuntur
Romani.

⁶¹ *Ne stirpis]* Non minus placeret
ne stirps, quomodo habent vetustæ
 editiones, et duo MSS. unus Grono-
 vio, alter nobis inspectus. Nisi forte
 legendum est *stirpes*, ut l. XLI. infra,
 c. 8. antique pro *stirps*.

⁶² *Duæ alæ]* Observavimus ad l.
 XXV. c. 21. *alas* dici a Romanis duo
 illa peditum corpora, in quæ socialem
 exercitum dividebant. Sed non vide-
 tur verisimile tantum numerum pe-
 destrium copiarum intromissum Ca-
 puam sine ullis equitibus. Itaque

reetius duæ *alæ*, de quibus hoc loco
 mentio est, accipientur de equitibus
 sociis. Equitatus enim socialis et ipse
 dividebatur a Romanis in duo corpo-
 ra, quæ itidem vocabantur *alæ*, et
 erant fere quadringenorum equitum.
 atque ea vox propria erat sociorum,
 nec nisi raro admodum de Romanis
 equitibus usurpatur. Itaque opponi
 videas legionarios equites, qui Roma-
 ni, et *alares* sive *alaris*, qui sociales.
 Hæc fusius disserit Lipsius, l. II. de
 Mil. Rom. Dial. 7.

tum Campanum ire in castra ad imperatores Romanos jus- U. C. 541.
sit. quo quum venissent, extemplo his omnibus catenæ in- A. C. 211.
jectæ, jussique ad quæstores deferre, quod auri argentique
haberent. ⁶³ auri pondo septuaginta fuit, argenti tria millia
pondo et ducenta. senatores quinque et viginti Cales in
custodiam, duodetriginta Teanum missi: quorum de sen-
tentia maxime descitum ab Romanis constabat.

XV. De supplicio Campani senatus haudquaquam inter
Fulvium Claudiumque conveniebat. Facilis impetrandæ
veniæ Claudius, ⁶⁴ Fulvio* durior sententia erat. Itaque
Appius Romam ad senatum arbitrium ejus rei totum reji-
ciebat: percunctandi etiam æquum esse potestatem fieri
Patribus, num communicassent consilia cum aliquibus ⁶⁵ so-
ciorum Latini nominis municipiorum: et num ope eorum in
bello forent et municipiorum adjuti. *Id vero minime com-
mittendum esse, Fulvius dicere, ut sollicitarentur criminibus
dubiis sociorum fidelium animi: et subjicerentur indicibus,*
⁶⁶ *queis, neque quid facerent, neque quid dicerent, quidquam um-
quam pensi fuisset. itaque se eam quæstionem obpressurum ex-
stincturumque.* Ab hoc sermone quum digressi essent, et Ap-
pius, quamvis ferociter loquentem, collegam, non dubitaret,
tamen literas super tanta re ab Roma expectaturum; Ful-
vius, ne id ipsum impedimentum incepto foret, ⁶⁷ dimittens Senatores
Campani
securi per-
cutiuntur.
prætorium, tribunis militum ac præfectis socium imperavit,
ut duobus millibus equitum delectis denunciarent, ut ⁶⁸ ad
tertiam buccinam præsto essent. Cum hoc equitatu nocte
Teanum profectus, prima luce portam intravit, atque in fo-
rum perrexit: concursuque ad primum equitum ingressum
facto, magistratum Sidicinum citari jussit, imperavitque, ut
produceret Campanos, quos in custodia haberet. Producti
omnes, virgisque cæsi, ac securi percussi. Inde citato equo
Cales percurrit: ubi quum in tribunali consedisset, produc-

* Fulvii Gron. Crev.

⁶³ *Auri pondo septuaginta ... ar-
genti tria millia pondo, et ducenta]*
Id est, nostrates marcæ 109. auri,
cum tribus uncis; argenti, 5000.

⁶⁴ *Fulvii durior sententia erat]*
Put. liber et optimus e regiis Fulvio.

⁶⁵ *Sociorum Latini nominis muni-
cipiorum]* Hic ante ultimam vocem
credimus cum Gronovio adjiciendam
esse particulam *et*. Siquidem ii qui
ex municipiis erant, non socii Roma-
norum fuere, sed cives Romani. In
sequenti versa inutiliter et odiose
rursus inculcatur eadem vox *muni-
cipiorum*. Itaque eam delendam cen-
suerimus cum vocula quæ ei præfigi-

tur. Et vero utraque abest ab uno
ex Hearnii codd.

⁶⁶ * *Queis neque ... quicquam un-
quam pensi fuisset]* Qui nunquam per-
pendissent, neque quid facerent, ne-
que quid dicerent; qui in omnibus
dictis factisque nunquam spectassent
quid verum aut æquum esset, sed
quid liberet. Infra XXXIV. 31. *vobis
quid faceretis minus pensi esse.* Vid.
et c. 49. ejusdem l. XXXIV.

⁶⁷ *Dimittens prætorium]* Vid. not.
47. ad l. XXI. c. 54.

⁶⁸ *Ad tertiam buccinam]* Ad ter-
tiam vigiliam. Vigiliarum enim sig-
num buccina dabatur.

U. C. 541. tique Campani deligarentur ad palum, eques citus ab Roma
 A. C. 211. venit, literasque a C. Calpurnio prætore Fulvio et senatus-
 consultum tradidit. murmur ab tribunali totam concionem
 pervasit, differri rem integram ad Patres de Campanis. et
 Fulvius, id ita esse ratus, ⁶⁹ acceptas literas, neque resolutas,
 quum in gremio reposuisset, præconi imperavit, ut lictorem
⁷⁰ legē agere juberet. Ita de iis quoque, qui Calibus erant,
 sumtum supplicium. Tum literæ lectæ senatusque consul-
 tum, serum ad impediendam rem actam; quæ summa ope
 adproperata erat, ne impediiri posset. Consurgentem jam
 Fulvium Taurea Jubellius Campanus, per mediam vadens
 urbem turbamque, nomine inclamavit: et, quum, mirabun-
 dus quidnam sese vellet, resedisset Flaccus, *Me quoque, in-*
quit, jube occidi, ut gloriari possis, multo fortiozem, quam ipse
es, virum abs te occisum esse. Quum Flaccus negaret, pro-
 fecto satis compotem mentis esse: modo, prohiberi etiam se, si
 id vellet, senatusconsulto, diceret: tum Jubellius, *Quandoqui-*
dem, inquit, capta patria, propinquis amicisque amissis, quum
ipse manu mea conjugem liberosque interfecerim, ne quid
indigni paterentur, mihi ne mortis quidem copia eadem est, quæ
his civibus meis; petatur a virtute invisæ hujus vitæ vindicta.
 atque ita gladio, quem veste texerat, per adversum pectus
 transfixus, ante pedes imperatoris moribundus procubuit.

Jubellii
 mors.

XVI. Quia, et quod ad supplicium adtinet Campanorum,
 et pleraque alia, de Flacci unius sententia acta erant; mor-
 tuum Ap. Claudium sub deditionem Capuæ, quidam tra-
 dunt. hunc quoque ipsum Tauream neque sua sponte ve-
 nisse Cales, neque sua manu interfectum: sed, dum inter
 ceteros ad palum deligatur, quia parum inter strepitus exau-
 diri possent, quæ vociferabatur, silentium fieri Flaccum jus-
 sisse: tum Tauream illa, quæ ante memorata sunt, dixisse,
virum se fortissimum ab nequaquam pari ad virtutem occidi.
 Sub hæc dicta, jussu proconsulis præconem ita pronuncias-
 se: *Lictor, viro forti adde virgas, et in eum primum lege age.*
 Lectum quoque senatusconsultum, priusquam securi feriret,
 quidam auctores sunt. sed, quia adscriptum in senatuscon-
 sulto fuerit, *si ei videretur, integram rem ad senatum rejiceret,*
 interpretatum esse, quid magis e republica duceret, æstima-
 tionem sibi permissam. Capuam a Calibus reditum est,
 Atellaque et Calatia in deditionem acceptæ. ibi quoque in
 eos, qui capita rerum erant, animadversum. Ita ⁷¹ ad sep-
 tuaginta¹ principes senatus interfecti; trecenti ferme nobi-

¹ octoginta Gron. Crev.

⁶⁹ *Acceptas litteras, neque resolu-*
tas] Vinculis quibusdam literæ apud
 antiquos nectebantur.

⁷⁰ *Lege agere]* Ex lege officii sui

in damnatos animadvertere.

⁷¹ *Ad octoginta principes senatus]*
 Tum ex Capua, tum ex Atella Cala-
 tiaque.

les Campani in carcerem conditi: alii, per sociorum Latini U. C. 541. nominis urbes in custodias dati, variis casibus interierunt: A. C. 211. ⁷² multitudo alia civium Campanorum venundata. De urbe ^{Cives Cam-} agroque reliqua consultatio fuit, quibusdam delendam cen- ^{pani vendi-} sentibus urbem prævalidam, propinquam, inimicam. Cete- ^{ti.} rum præsens utilitas vicit. nam propter agrum, quem omni ^{Urbs serva-} fertilitate terræ satis constabat primum in Italia esse, urbs ^{ta.} servata est, ut esset aliqua aratorum sedes. urbi frequentan- ⁷³ dae multitudo ^{incolarum libertinorumque et institorum} opificumque retenta: ager omnis et tecta publica populi Ro- ^{mani facta.} Ceterum habitari tantum, tamquam urbem, Ca- ^{Sed ita ut} puam, frequentarique placuit: corpus nullum civitatis, nec ^{nullum in} senatus, nec plebis concilium, nec magistratus esse. sine ^{ea sit cor-} consilio publico, sine imperio multitudinem, nullius rei inter ^{pus civita-} tis. se sociam, ad consensum inhabilem fore. ⁷⁴ præfectum ad jura reddenda ab Roma quotannis missuros. Ita ad Capuam res compositæ, consilio ab omni parte laudabili. severe et celeriter in maxime noxios animadversum: multitudo civium dissipata in nullam spem reditus: non sævitum incendiis ruinisque in tecta innoxia murosque: et cum emolumento quæsitæ etiam apud socios lenitatis ⁷⁵ species, incolumitate urbis nobilissimæ opulentissimæque, cujus ruinis omnis Campania, omnes, qui Campaniam circa adcolunt, populi ingemuissent: confessio expressa hosti, quanta vis in Romanis ad expetendas pœnas ab infidelibus sociis, et quam nihil in Hannibale auxilii ad receptos in fidem tuendos esset.

XVII. Romani Patres, perfuncti, quod ad Capuam adtinebat, cura, ⁷⁶ C. Neroni ex iis duabus legionibus, quas ad Capuam habuerat, sex millia peditum, et trecentos equites, quos ipse legisset, et socium Latini nominis peditum numerum parem, et octingentos equites decernunt. eum exercitum Puteolis in naves inpositum Nero in Hispaniam trans- ^{Nero it in} portavit. Quum Tarraconem navibus venisset, expositisque ^{Hispaniam.} ibi copiis, et navibus subductis, socios quoque navales multitudinis augendæ causa armasset; profectus ad Iberum flumen, exercitum ab T. Fonteio et L. Marcio accepit. inde pergit ad hostes ire. Hasdrubal Hamilcaris ad Lapides ^{Hasdrubal} ^{circumven-} ^{tus fraude} ^{elabatur.}

⁷² *Multitudo alia civium Campanorum venundata*] Vid. not. 81. ad c. 34. infra.

⁷³ *Incolarum*] Eorum qui Capuam ex alia aliqua urbe vel regione immigrassent, et proinde cives Campani non essent. Vid. not. 21. ad l. IV. c. 3.

⁷⁴ *Præfectum ad jura reddenda*] Vid. l. IX. c. 20.

⁷⁵ * *Species*] Gloria blande alliciens animos. *Species* sæpe sumitur pro splendore, decore, dignitate. Sic infra XXXII. 36. *ut speciem legationi adjiceret.*

⁷⁶ *C. Neroni*] Sic iterum Put. et Vict. codices, non *Claudio Neroni*. Vid. not. 26. ad c. 5. supra.

U. C. 541. atros castra habebat in Ausetanis. is locus est inter oppida A. C. 211. Illiturgin et Mentissam. ⁷⁷ Hujus saltus fauces Nero occupavit. Hasdrubal, ne in arto res esset, ⁷⁸ caduceatorem misit, qui promitteret, si inde missus foret, se omnem exercitum ex Hispania deportaturum. Quam rem quum læto animo Romanus accepisset, diem posterum Hasdrubal conloquio petivit, ut Romani leges conscriberent de tradendis arcibus urbium, dieque statuenda, ad quam præsidia deducerentur, suaque omnia sine fraude Pœni deportarent. Quod ubi impetravit, extemplo primis tenebris, atque inde tota nocte, quod gravissimum exercitus erat, Hasdrubal, quacumque posset, evadere e saltu jussit. data sedulo opera est, ne multi ea nocte exirent, ut ipsa paucitas, quum ad hostem silentio fallendum aptior, tum ad evadendum per artas semitas ac difficiles esset. Ventum insequenti die ad conloquium est: sed loquendo plura scribendoque, dedita opera, quæ in rem non essent, die consumto, in posterum dilatum est. Addita insequens nox spatium dedit et alios emittendi: nec postero die res finem invenit. ita aliquot dies disceptando palam de legibus, noctesque emittendis clam e castris Karthaginiensibus, absumtæ: et, postquam major pars emissa exercitus erat, ⁷⁹ jam ne iis quidem, quæ ultro dicta erant, stabatur: minusque ac minus (cum timore simul fide decrescente) conveniebat. Jam ferme pedestres omnes copiæ evaserant e saltu: quum prima luce densa nebula saltum omnem camposque circa intexit, quod ubi sensit Hasdrubal, mittit ad Neronem, qui in posterum diem conloquium differret. illum diem religiosum Karthaginiensibus ad agendum quidquam rei seriæ esse. Ne tum quidem suspecta fraus. quum data esset venia ejus diei, extemplo Hasdrubal, cum equitatu elephantisque castris egressus, sine ullo tumultu in tutum evasit. Hora ferme quarta dispulsa sole nebula aperuit diem, vacuaque hostium castra conspexerunt Romani. Tum demum Claudius, Punicam fraudem agno-

⁷⁷ *Hujus saltus fauces Nero occupavit. Asdrubal, ne in arcto res esset*] Hic locus varie in variis MSS. legitur, in omnibus corrupte. Vulgata lectio parum comoda videtur. Non enim *ne in arcto res esset*, sed ut rem, quæ in arcto erat, expediret et extricaret, Asdrubal Neronem dolo aggressus est. Gronovius ex vestigiis MSS. in quibus desunt voces *occupavit Asdrubal*, suspicatur: *Hujus saltus fauces Nero quum arcte sepsisset, caduceatorem misit*, nempe Asdrubal, cujus nomen in membro præcedenti exprimitur.

⁷⁸ *Caduceatorem*] Legatum cum

caduceo, qui pacem peteret. Caduceum est virga duorum serpentum implexa imagine, qui media corporis parte nodo alligati, primisque partibus inflexi in modum circuli, oscula jungunt. Hæc est symbolum pacis. Hanc Græci aliæque gentes legatis suis dabant, quum eos mitterent pacem oraturos. Eam fabulantur ab Apolline Mercurio dono datam, in mercedem lyræ ab eo acceptæ. De caduceo vid. Serv. ad IV. Æn. v. 242.

⁷⁹ * *Jam ne iis quidem*] Jam Asdrubal ne iis quidem acquiescebat, quæ ultro obtulerat.

scens, ut se dolo captum sensit, proficiscentem institit sequi, U. C. 541. paratus configere acie: sed hostis detrectabat pugnam, le- A. C. 211. via tamen prœlia inter extremum Punicum agmen præcursoribusque Romanorum fiebant.

XVIII. Inter hæc Hispaniæ populi, ⁸⁰ nec qui post cladem acceptam defecerant, redibant ad Romanos, nec ulli novi deficiebant. Et Romæ senatui populoque, post receptam Capuam, non Italiæ jam major, quam Hispaniæ, cura erat: et exercitum augeri, et imperatorem mitti placebat. ⁸¹ nec tamen, quem mitterent, satis constabat; quam illud, ubi duo summi imperatores intra dies triginta cecidissent, qui in locum duorum succederet, extraordinaria cura deligendum esse. Quum alii alium nomi- Comitia
proconsuli
creando in
Hispaniam. narent, postremum eo decursum est, ut populus proconsuli creando in Hispaniam comitia haberet: diemque comitiis consules edixerunt. Primo exspectaverant, ut, qui se tanto imperio dignos crederent, ⁸² nomina profiterentur. quæ ut destituta exspectatio est, redintegratus luctus acceptæ cladis, desideriumque imperatorum amissorum. Mœsta itaque civitas, prope inops consilii, comitiorum die tamen in campum descendit: atque in magistratus versi circumspectant ora principum, aliorum alios intuentium, fremuntque, adeo perditas res desperatumque de republica esse, ut nemo audeat in Hispaniam imperium accipere. Quum subito ⁸³ P. Cornelius, Publii, qui Hispania ceciderat, filius, quatuor et viginti ferme annos natus, professus se petere, in superiore, unde conspici posset, loco constitit. In quem postquam omnium ora conversa sunt, clamore ac favore ominati extemplo sunt felix faustumque imperium. jussi deinde inire ⁸⁴ suffragium, ad unum ⁸⁵ omnes non centuriæ modo, sed etiam

⁸⁵ add. *confusum* Gron. Crev.

⁸⁰ *Nec qui post cladem acceptam defecerant*] Nempe a Romanis, redibant ad eos; nec ulli novi deficiebant a Pœnis.

⁸¹ *Nec tamen, quem mitterent, satis constabat, quam illud*] Supplenda est in primo orationis membro particula *tam*, ut *et* magis intelligendum esse diximus supra l. XXV. c. 29.

⁸² *Nomina profiterentur*] Id est, publice declararent voluntatem suam de imperio in Hispaniam, si ita populo visum esset, accipiendo. Qui enim imperium aliquod vel magistratum a populo petere in animo habebant, eos oportebat primo notam facere populo hanc suam voluntatem: quod qui faciebant, *profiteri nomen*, seu simpliciter *profiteri* dicebantur. Tum necesse erat, ut eorum nomina reciperet, et rationem ipsorum haberet magistratus is, qui comitiis præfaturus

erat: quod si ille magistratus facere recusaret, spes honoris adipiscendi abscissa erat candidato. De iis omnibus fuse disserentem vide Nic. Græchium l. I. de Comit. Rom. c. 3.

⁸³ *P. Cornelius, Publii . . . filius*] Vox *Publii* est a Gronovio. Vulgati ejus loco habent *illius*. In scriptis neutrum comparet.

⁸⁴ *Confusum suffragium*] Possis intelligere suffragium per clamorem universæ concionis unanimi voce voluntatem suam testantis latum. Sed repugnare videtur id quod infra legitur, *omnes centurias* imperium Scipioni dedisse: unde liquet suffragia centuriatum data. Gronovius conjicit *confusum suffragium* esse comitiorum non centuriatorum. Quod itidem refellere videtur illa centuriarum in hisce comitiis facta mentio: præterquam quod hæc expositio nulla niti-

U. C. 541. homines, P. Scipioni imperium esse in Hispania jusserunt. Ce-
 A. C. 211. terum post rem actam, ut jam resederat inpetus animorum ar-
 Deligitur P. dorque, silentium subito ortum et tacita cogitatio, ⁸⁶ quidnam
 Scipio an- egissent^b, numⁱ favor plus valuisset, quam ratio? ætatis maxi-
 mos 24. na- me poenitebat: quidam fortunam etiam domus horrebant no-
 tus. menque, ex funestis duabus familiis, in eas provincias, ubi inter
 sepulcra patris patruique res gerendæ essent, proficiscentis.

Scipionis
 artes apud
 multitudi-
 nem.

XIX. Quam ubi ab re tanto inpetu acta sollicitudinem cu-
 ramque hominum ⁸⁷ animadvertit, advocata concione, ita de æ-
 tate sua imperioque mandato, et bello, quod gerundum esset,
 magno elatoque animo disseruit, ut ardorem eum, qui resederat,
 excitaret rursus novaretque: et impleret homines certioris spei,
 quam quantam fides promissi humani, aut ⁸⁸ ratio ex fiducia re-
 rum subjicere solet. Fuit enim Scipio non veris tantum virtu-
 tibus mirabilis, sed arte quoque quadam ab juvena in ostenta-
 tionem earum compositus: pleraque apud multitudinem ⁸⁹ aut
 per nocturnas visa species, aut velut divinitus mente monita,
 agens: ⁹⁰ sive et ipse capti quadam superstitione animi, sive ut

^b add. novi? Gron. Crev.

ⁱ num l. quod Eæd.

tur veterum auctoritate. Suspicietur fortasse aliquis *confusa suffragia* fuisse centuriatim quidem data, sed non centuriatim numerata: ita ut non numerarentur centuriæ, sed omnia omnium centuriarum in unum confunderentur suffragia, eaque ita numerarentur, ut perpenderetur quot homines, non quot centuriæ in hanc aut in illam partem inclinassent. Hoc modo P. Manncius exponit *confusionem suffragiorum* apud Cic. in Orat. pro Mur. n. 47. Sed nullum hujus quoque sententiæ affertur ex veteribus scriptoribus testimonium. Si igitur nihil horum placuerit, restat ut, vel deleatur vox *confusum*, quæ quidem neque in Put. codice, neque in regio optimo, neque in editis quamplurimis comparet; vel legatur, *jussi deinde inire confestim suffragium*, quomodo edidit Campanus.

85 *Omnes . . . centuriæ*] Proconsules vulgo creatos tributis comitiis probat Nic. Gruchius, l. II. de Com. Rom. c. 2. Sola excipit hæc nostra Scipionis comitia. Gronovius putat hic, et c. 41. hujus libri *centurias* pro *tributis* a Livio nominatas, quemadmodum alibi sæpius *tribus* pro *centuriis*. Nos rem in medio relinquimus.

86 *Quidnam egissent novi, quod*] Gronovius l. IV. Obs. c. 11. recte videtur annotare nihil fieri novi, quum in Campo plus valet gratia, quam

meritum. Idem testatur ab optimis MSS. quibus consentiunt nostri, abesse voculam *quod*. Itaque sic locum hunc emendat: *Quidnam egissent? Num favor plus valuisset, quam ratio?* Et sic plane Victor. codex.

87 *Animadvertit*] Codex Cantabrigiensis a Jac. Gronovio excussus, et Puteanæus, *animam advertit*. Unde efficiendum est *animum advertit*. Vid. not. ad l. XXVIII. c. 14.

88 *Ratio ex fiducia rerum*] Ratio nixa fiducia rerum ipsarum, fiducia quæ nascitur ex perspecto rerum ipsarum statu. Hic nempe Livius aliquid pene divinum agnoscit, et quod consuetas rerum humanarum leges excedat.

89 * *Aut per nocturnas*] Tanquam aut per noctem in somnis ea vidisset, aut instinctu divino moneretur quid esset diis cordi.

90 *Sive et ipse capti*] Sive ipse esset superstitiosi animi, sive ut homines imperiis consiliisque suis dociles ac sine cunctatione parentes haberet. Si quis tamen putet durius dici aliquem *assequi imperia consiliaque*, dum efficit ut iis pareatur, legat cum Gronovio *ut imperia consiliaque . . . exsequerentur*, nempe homines. Ceterum, quod ad rem ipsam attinet, Polybius l. X. probat Scipionem nullo modo superstitione laborasse, sed commentum esse illa somnia et colloquia cum

imperia consiliaque, velut sorte oraculi missa, sine cunctatione U. C. 541.
exsequerentur*. Ad hoc jam inde ab initio præparans animos, A. C. 211.
ex quo togam virilem sumsit, nullo die prius ullam publicam
privatamque rem egit, quam in Capitolium iret, ingressusque
ædem consideret; et plerumque solus in secreto ibi tempus te-
reret¹. ⁹¹ Hic mos, qui per omnem vitam servabatur, ⁹² seu
consulto, seu temere, vulgatæ opinioni fidem apud quosdam fe-
cit, stirpis eum divinæ virum esse; retulitque famam, in Alex-
andro Magno prius vulgatam, ⁹³ et vanitate et fabula parem, ^{pe satus}
anguis inmanis concubitu conceptum, et in cubiculo matris ejus ^{creditur.}
persæpe visam prodigii ejus speciem, interventuque hominum
evolutam repente, atque ex oculis elapsam. His miraculis num-
quam ab ipso elusa fides est: quin potius aucta arte quadam,
nec abnuendi tale quidquam, nec palam adfirmandi. Multa
alia ejusdem generis, alia vera, alia adsimulata, admirationis hu-
manæ in eo juvene excesserant modum: quibus freta tunc civi-
tas, ætati haudquaquam maturæ tantam molem ferum, tantum-
que imperium permisit. Ad eas copias, quas ex vetere exercitu
Hispania habebat, quæque a Puteolis cum C. = Nerone trajectæ
erant, ⁹⁴ decem millia militum et mille equites adduntur. et M.
Junius Silanus proprætor adjutor ad res gerendas datus est. Ita
cum triginta navium classe (omnes autem quinqueremes erant)
ostiis Tiberinis profectus præter oram Tusci maris, Alpes atque
Gallicum sinum, et deinde Pyrenæi² circumvectus promonto-
rium, Emporiis urbe Græca (⁹⁵ oriundi et ipsi a Phocæa sunt)
copias exposuit: inde sequi navibus jussis, Tarraconem pedibus ^{Venit in}
profectus, conventum omnium sociorum (etenim legationes ad ^{Hispaniam.}
famam adventus ejus ex omni se provincia effuderant) habuit.

* assequeretur Gron. Crev.
reret Eæd.

= C. l. Claudio Eæd.

¹ et plerumque tempus solus in secreto ibi te-
² Pyrenæ Eæd.

diis, ut ad exequenda jussa promptio-
res, et ad quidlibet audendum alacrio-
res milites efficeret.

⁹¹ *Hic mos, qui per omnem vitam servabatur*] Omnes libri nostri aut et Gronoviani, carent *qui*: ut vera videatur ea scriptura quæ marginem unius codicis, teste Gronovio, occupat: *Hic mos per omnem vitam servatus*.

⁹² * *Seu consulto, seu temere vulgatæ opinioni*] Opinioni quæ in vulgus, seu consilio et voluntate Scipionis, sive fortuito et sine auctore, sparsa erat.

⁹³ * *Et vanitate et fabula parem*] *Parem vanitate*, quia æque vana, æque falsa: *parem fabula*, quia eadem prorsus de ortu Scipionis, quæ olim de ortu Alexandri Magni, vulgaban-

tur, nempe anguis immanis concubitu conceptum.

⁹⁴ *Decem millia militum, et mille equites*] *Militum* hic pro *peditum*. Hoc jam observavimus ad l. IV. c. 59.

⁹⁵ *Oriundi et ipsi a Phocæa*] Huic loco notulam hanc apposuit Clericus. Ita loquitur Livius, quod Gallicum sinum memorans cogitasset de Massilia illic sita, et a Phocæis, ut notum est, olim condita. Itaque voces hæ *et ipsi* potius cum cogitatione Livii, quam cum ejus oratione connexæ sunt. Nobis suspicio oritur ex eo quod infra mentio fit de triremibus Massiliensium Scipionem officii causa ab domo persecutis, in narratione navigationis ejus aliquot excidisse voces, in quibus de Massilia scriptor egisset.

U. C. 541. naves ibi subduci jussit, remissis quatuor triremibus Massilien-
A. C. 211. sium, quæ officii causa ab domo prosecutæ fuerant. Respou-
inde legationibus suspensis varietate tot casuum dare cœpit,
⁹⁶ ita elato ab ingenti virtutum suarum fiducia animo, ut nullum
ferox verbum excideret; ⁹⁷ ingensque omnibus, quæ diceret,
quum majestas inesset, tum fides.

XX. Profectus ab Tarracone, et civitates sociorum et
hiberna exercitus adiit: conlaudavitque milites, quod, dua-
bus tantis cladibus deinceps icti, ⁹⁸ provinciam obtinuissent:
nec fructum secundarum rerum sentire hostes passi, omni-
cis Iberum agro eos arcuissent, sociosque cum fide tutati
essent. Marcium secum habebat cum tanto honore, ut fa-
cile adpareret, nihil minus, quam vereri, ne quis obstaret
gloriæ suæ. Successit inde Neroni Silanus, et in hiberna
novi milites deducti. Scipio, omnibus, quæ adeunda agen-
daque erant, mature aditis peractisque, Tarraconem conces-
sit. Nihilo minor fama apud hostes Scipionis erat, quam apud
cives sociosque, et ⁹⁹ divinatio quædam futuri; quo minus ra-
tio timoris reddi poterat ¹ oborti temere, majorem inferens me-
tum. In hiberna diversi concesserant: Hasdrubal Gisgonis
usque ad oceanum et Gades: Mago in mediterranea, maxime
supra Castulonensem saltum: Hasdrubal Hamilcaris filius
proximus Ibero circa Saguntum hibernavit. ² Æstatis ejus ex-
tremo, quo capta est Capua, et Scipio in Hispaniam venit,
Punica clas-
sis ad Ta-
rentum. Punica classis, ex Sicilia Tarentum adita ad arcendos com-
meatus præsidii Romani, quod in arce Tarentina erat, clau-
serat quidem omnes ad arcem a mari aditus; sed adsidendo
diutius artiores annonam sociis, quam hosti, faciebat. non
enim tantum subvehi oppidanis per pacata litora apertosque
portus præsidio navium Punicarum poterat, quantum fru-
menti classis ipsa turba navali mixta ex omni genere homi-
num absumebat: ut arcis præsidium etiam sine invecto (quia

⁹⁶ *Ita elato animo, ut*] Elato
quidem animo, sed ita tamen ut
Sepe particula ita, non intendendi-
vim habet, sed restringendi.

⁹⁷ *Ingensque omnibus*] Et in omni-
bus quæ diceret, simul retineret dig-
nitatem, simul efficeret ut sibi fides
haberetur: quia nimirum dignitas il-
la majestasque dictorum non in tumi-
dam vaniloquentiam excedebat, quæ
fidem abrogaret.

⁹⁸ *Provinciam obtinuissent*] Reti-
nuissent, servassent.

⁹⁹ * *Divinatio quædam futuri*] Hic
rursum Livius aliquid divini in Scipio-
ne, iisque quæ ad eum pertinebant,

per ambages indicat.

[¹ *Oborti temere*] Ingeniosa Grono-
vii emendatio. Scripti fere *oportet te-
mere*.

² *Æstatis ejus extremo, quo*] Non
omnia hæc æstatis extremo potuerunt
esse acta, quum post captam Capuam
Nero in Hispaniam sit missus, et ali-
quandiu ibi manserit ac res gesserit,
et postea demum Scipio ac Silanus ei
successerint, ut verisimile valde sit
principio æstatis captam esse Capu-
am. Scribe omnino: *Æstatis ejus
extremo, qua capta est Capua*. JAC.
PERIZONIUS.

pauci erant) ex ante præparato sustentari posset; Tarenti- U. C. 541.
 nis classique ne invectum quidem subficeret. Tandem ³ ma- A. C. 211.
 jore gratia, quam venerat, classis dimissa est. annona haud
 multum laxaverat: quia, remoto maritimo præsidio, subvehi
 frumentum non poterat.

XXI. Ejusdem ætatis exitu, M. Marcellus ex Sicilia ^{Marcellus}
 provincia quum ad urbem venisset, a C. Calpurnio prætore ^{ovans ur-}
 senatus ei ad ædem Bellonæ datus est. ibi quum de rebus a ^{bem init.}
 se gestis disseruisset, questus leniter non suam magis, quam
 militum, vicem, quod ⁴ provincia confecta exercitum depor-
 tare non licuisset, postulavit, ut triumphanti urbem inire li-
 ceret. id non impetravit. Quum multis verbis actum esset,
 utrum minus conveniret, cujus nomine absentis, ob res prospe-
 re ductu ejus gestas, supplicatio decreta foret, et Diis immor-
 talibus habitus honos, ei præsentì negare triumphum: an,
 quem tradere exercitum successorì jussissent, (quod, nisi
 manente in provincia bello, non decerneretur) eum quasi
 debellato triumphare, quum exercitus, testis meriti atque in-
 meriti triumphì, abesset; medium visum, ut ovans urbem
 iniret. Tribuni plebis ex auctoritate senatus ad populum tu-
 lerunt, ⁵ ut M. Marcello, quo die urbem ovans iniret, im-
 perium esset. Pridie, quam urbem iniret, ⁶ in monte Al-
 bano triumphavit. inde ovans multam præ se prædam in
 urbem intulit. Cum simulacro captarum Syracusarum, ⁷ ca-
 tapultæ ballistæque, et alia omnia instrumenta belli lata, et
 pacis diuturnæ regiæque opulentiae ornamenta, argenti æris-
 que fabrefacti vis, alia supellex, pretiosaque vestis, et multa
 nobilia signa, quibus inter primas Græciæ urbes Syracusæ
 ornatae fuerant. Punicæ quoque victoriæ signum, octo
 ducti elephantì. Et non minimum fuit spectaculum cum
 coronis aureis præcedentes Sosis Syracusanus, et Mericus
 Hispanus, ⁸ quorum altero duce nocturno Syracusas in-
 troitum erat; alter Nasum, quodque ibi præsidii erat, pro-

³ *Majore gratia, quam venerat, classis dimissa est*] Advenientem clas-
 sem gratanter acceperant. Sed quum
 experti eam molestam essent, libenti-
 us eam dimiserunt, quam venientem
 acceperant.

⁴ *Provincia confecta*] Debellato,
 provincia omnino in ditionem populi
 Romani redacta.

⁵ *Ut M. Marcello, quo die urbem
 ovans iniret, imperium esset*] Trium-
 phantes ovantesve debebant esse eum
 imperio. Proconsule autem nemo ha-
 bebat imperium in urbe. Ideo mos
 erat, ut, qui post actum magistratum
 triumphans vel ovans urbem initurus
 esset, de eo tribuni ad populum fer-

rent, ut eo die esset illi imperium.

⁶ *In monte Albano triumphavit*] Hoc a nonnullis imperatoribus facti-
 tatum, ut, quum triumphantibus ur-
 bem inire non daretur, in monte Al-
 bano, ubi olim Alba urbs, triumphar-
 ent. Auctor hujus exempli C. Papi-
 rius Maso, anno n. c. 521.

⁷ *Catapulta ballistæque*] Vid. not.
 55. ad l. XXI. c. 11.

⁸ *Quorum altero duce nocturno*] Observat Glareanus, et post eum Pe-
 rizonius, de hoc Sosidis facto nihil
 habere Livium l. XXV. ubi expugna-
 tionem Syracusarum tradit. De Me-
 rico vid. not. 78. ad l. XXV. c. 30.

U. C. 541.
A. C. 211.
Sosidi et
Merico agri
dati.

Defectio ur-
bium ali-
quot Sicula-
rum.

diderat. His ambobus civitas data; et quingenta jugera agri. Sosidi in agro Syracusano, qui aut regius, aut hostium populi Romani fuisset, et ædes Syracusis cujus vellet eorum, in quos belli jure animadversum esset: Merico Hispanisque, qui cum eo transierant, urbs agerque in Sicilia ex iis, qui a populo Romano defecissent, jussa dari. Id M. Cornelio mandatum, ut, ubi ei videretur, urbem agrumque eis adsignaret. In eodem agro Belligeni, per quem inlectus ad transitionem Mericus erat, quādringenta jugera agri decreta. Post profectionem ex Sicilia Marcelli, Punica classis octo millia peditum, tria Numidarum equitum exposuit. ⁹ Ad eos Murgantinæ desciverunt terræ. secutæ defectionem earum Hybla et Macella sunt, et ignobiliores ¹⁰ quædam aliæ. Et Numidæ, præfecto Mutine, vagi per totam Siciliam, sociorum populi Romani agros urebant. Super hæc exercitus Romanus iratus, partim quod cum imperatore non devectus ex provincia esset, partim quod in oppidis hibernare vêtiti erant, segni fungebantur militia: magisque eis auctor ad seditionem, quam animus, decrat. inter has difficultates M. Cornelius prætor et militum animos, nunc consolando, nunc castigando, sedavit, et civitates omnes, quæ defecerant, ¹¹ in ditionem redegit: atque ex his Murgantiam Hispanis, quibus urbs agerque debebatur, ex senatusconsulto adtribuit.

Manlius
consulatum
recusat.

XXII. Consules, quum ambo Apuliam provinciam haberent, minusque jam terroris a Pœnis et Hannibale esset, sortiri jussi Apuliam Macedoniamque provincias. Sulpicio Macedonia evenit, isque Lævino successit. Fulvius, Romanam comitiorum causa arcessitus, quum comitia consuli- bus rogandis haberet, ¹² prærogativa Veturia juniorum declaravit T. Manlium Torquatum et T. Otacilium. Manlius, qui præsens erat, gratulandi causa quum turba coïret, nec dubius esset consensus populi, magna circumfusus turba ad tribunal consulis venit; petitque, ut pauca sua verba audiret, centuriamque, quæ tulisset suffragium, revocari juberet. Erectis omnibus expectatione, quidnam postulaturus esset, oculorum valetudinem excusavit. *Inpudentem et gubernatorem et imperatorem esse, qui, quum alienis oculis ei om-*

⁹ *Ad eos Murgantini descivere. Secutæ defectionem eorum]* Vulgo: *Ad eos Murgantinæ desciverunt terræ. Secutæ defectionem earum.* Scripti omnes ignorant verbum *desciverunt*: *et terre*, sic enim iidem scripti habent, suspicatus est Gronovius corruptum esse ex cauda alicujus verbi, cujus priorem partem ultima syllaba vocis præcedentis absorpserit: atque ita

formavit eam lectionem, quam Clericus jam ante nos in contextum admisserat.

¹⁰ * *Quædam aliæ]* Supple *urbes*.

¹¹ *In ditionem redegit]* Hic mendum insederat editos et plerosque MSS. in *deditionem*. Correximus ex Put. codice et optimo regio.

¹² *Prærogativa Veturia juniorum]* Vid. not. 18. ad l. 48. et not. 67. ad V. 18.

nia agenda sint, postulet sibi ¹³ aliorum capita ac fortunas U. C. 541. committi. proinde, si videretur, et redire in suffragium Veturiam juniorum juberet, ¹⁴ et meminisset in consulibus creandis belli, quod in Italia sit, temporumque reipublicæ. Vixdum requiescere aures a strepitu et tumultu hostili, ¹⁵ quo paucos ante menses adsederint prope mœnia Romana. Post hæc quum centuria frequens subclamasset, nihil se mutare sententiæ, eosdemque consules dicturos esse; tum Torquatus, Neque ego vestros, inquit, mores consul ferre potero, neque vos imperium meum. Redite in suffragium, et cogitate bellum Punicum in Italia, et hostium ducem Hannibalem esse. Tum centuria, et auctoritate mota viri, et admirantium circa fremitu, petit a consule, ut Veturiam seniorum citaret: Velle se cum majoribus natu conloqui, et ex auctoritate eorum consules dicere. Citatis Veturiae senioribus, datum secreto ¹⁶ in Ovili cum his conloquendi tempus. Seniores de tribus consulendum dixerunt esse, duobus jam plenis honorum, Q. Fabio et M. Marcello; et, si utique ¹⁷ novum aliquem adversus Pœnos consulem creari vellent, M. Valerium Lævinum egregie adversus Philippum regem terra marique res gessisse. Ita de tribus consultatione data, senioribus dimissis, juniores suffragium ineunt. M. Claudium Marcellum, fulgentem tum Sicilia domita, et M. Valerium ¹⁸ absentes consules dixerunt. auctoritatem prærogativæ omnes centuriæ secutæ sunt. ¹⁹ Eludant nunc antiqua mirantes. non equidem, si qua sit sapientium civitas, ²⁰ quam docti fingunt magis, quam norunt, aut principes graviore temperantioresque a cupidine imperii, aut multitudinem melius moratam cen-

Alii consules creantur.

¹³ *Aliorum*] Omnes scripti post aliorum: unde Gronovius suspicatur oculatorum.

¹⁴ *Et meminisset*] Recte Jac. Gronovius censet legendum meminisse, ut referatur ad centuriam.

¹⁵ *Quo assederint prope mœnia Romana*] Cum quo hostes ad ipsa prope mœnia Romana assederint. Ceterum id nobis durius videtur: et dubitationem nobis aliquam de verbo *assederint* movet Put. codex, qui præfert *asserint* vel *usserint*. An sonuerint, vel potius *circumsonuerint*? Certe cuperemus ita componi orationem, ut *mœnia Romana* in recto casu accipi possent.

¹⁶ *In Ovili*] Id est, in loco cancellis undique clauso, qui propter similitudinem cum ilis septis, in quibus stabulantur greges, *Ovile* dicebatur. Eum in locum singulæ centuriæ, prout citabantur, ingressæ, ita suf-

fragium ferebant, ut nemini interim liceret in Ovili esse. Ideo dimittuntur seniores, antequam juniores suffragium ineant.

¹⁷ *Novum aliquem adversus Pœnos consulem*] Aliquem qui nondum adversus Pœnos consul rem gessisset. M. Valerius Lævinus, de quo hæc intelliguntur, consul quidem jam fuerat, ut constat ex l. XXIX. c. 11. infra; at non hoc bello.

¹⁸ *Absentes*] Valerium absentem ab urbe, Marcellum a Campo. Eodem modo locutus est noster, l. X. c. 22.

¹⁹ *Eludant nunc*] Eant nunc illi amatores hodiernorum temporum atque morum, et irrideant eos qui antiqua mirantur.

²⁰ *Quam docti fingunt magis quam norunt*] Significat Platonis libros de Republica.

U. C. 541. *seam fieri posse.* Centuriam vero juniorum seniores con-
A. C. 211. sulere voluisse, quibus imperium suffragio mandaret, vix ut
verisimile sit, parentum quoque hoc seculo vilis levisque
apud liberos auctoritas fecit.

Ludi Apol-
linares voti
in perpetu-
um.

Sacerdotes
creati.

XXIII. Prætoria inde comitia habita. P. Manlius Vul-
so, et L. Manlius Acidinus, et C. Lætorius, et L. Cincius
Alimentus creati sunt. Forte ita incidit, ut comitiis per-
fectis nunciaretur, T. Otacilium, quem T. Manlio, nisi in-
terpellatus ordo comitiorum esset, collegam absentem datu-
rus fuisse videbatur populus, mortuum in Sicilia esse. ²¹ Lu-
di Apollinares et priore anno fuerant, et, eo anno ut fierent,
²² referente Calpurnio prætore, senatus decrevit, ut in per-
petuum voverentur. Eodem anno prodigia aliquot visa
nunciataque sunt. In æde Concordiæ Victoria, quæ in cul-
mine erat, fulmine icta decussaque, ²³ ad Victorias, quæ in
antefixis erant, hæsit, neque inde procidit. Et Anagnia et
Fregellis nunciatum est, murum portasque de coelo tactas:
et in foro Sudertano sanguinis rivos per diem totum fluxis-
se, et Ereti lapidibus pluisse, et Reate mulam peperisse.
Ea prodigia hostiis majoribus sunt procurata, et obsecratio
in unum diem populo indicta, et novemdiale sacrum. Sa-
cerdotes publici aliquot eo anno demortui sunt, novique
subfecti: in locum M'. Æmilii Numidæ decemviri sacro-
rum M. Æmilius Lepidus: in locum M'. Pomponii Matho-
nis pontificis C. Livius: in locum Sp. Carvili Maximi au-
guris M. Servilius. T. Otacilius Crassus pontifex quia ex-
acto anno mortuus erat, ideo nominatio in locum ejus non
est facta. C. Claudius flamen Dialis, ²⁴ quod exta perpe-
ram dederat, flaminio abiit.

XXIV. Per idem tempus M. Valerius Lævinus, tentatis
prius per secreta colloquia principum animis, ad indictum
ante ad id ipsum concilium Ætolorum classe expedita ve-
nit. ²⁵ Ubi quum Syracusas Capuamque captam^p, in fidem
²⁶ in Sicilia Italiaque rerum secundarum, ostentasset, adje-
cissetque, *jam inde a majoribus traditum morem Romanis co-*

Valerii ora-
tio apud Æ-
tolos.

* M. Gron. Crev.

^p captas Eæd.

²¹ *Ludi Apollinares]* De eorum
origine vid. supra l. XXV. c. 12.

²² *Referente Calpurnio]* Scripti re-
pente Calpurnio. Emendavit P. Ma-
nutius.

²³ *Ad Victorias quæ in antefixis
erant]* Ad statuas Victoriarum, quæ erant
inter antefixa. *Antefixa*, inquit Fes-
tus, *quæ ex opere figulina tectis adfi-
guntur sub stillicidio.* Et consonat
illud Livii l. XXXIV. c. 4. *Antefixa
fictilia decorum Romanorum.*

²⁴ *Quod exta perperam dederat]*

Quod in distribuendis victimæ extis
aliquid peccaverat.

²⁵ *Ubi quum Syracusas Capuam-
que]* Quæ hic incipit periodus, non
absolvitur, nisi post interpositam Læ-
vini orationem. Simile hyperbaton
occurrit infra, c. 32.

²⁶ *In Sicilia Italiaque]* Adjecit
Gronovius vocem *Sicilia* evidenter
necessariam. Idem in oratione Læ-
vini legi jussit, *et eo reducturum:*
quum vulgati haberent *redactus*, scrip-
ti *reductum.*

lendi socios, ex quibus alios in civitatem atque æquum secum U. C. 541.
 jus accepissent, alios in ea fortuna haberent, ut socii esse, A. C. 211.
 quam cives, mallent. Ætolos eo in majore futuros honore,
 quod gentium transmarinarum in amicitiam primi venissent.
 Philippum eis et Macedonas graves adcolas esse; quorum se
 vim ac spiritus et jam fregisse, et eo redacturum esse, ut non
 his modo urbibus, quas per vim ademissent Ætolis, excedant,
 sed ipsam Macedoniam infestam habeant. Et Acarnanas, quos
 agre ferrent Ætoli a corpore suo diremtos, restitutum se in
 antiquam formulam jurisque ac ditionis eorum. Hæc, dicta Fœdus cum
 promissaque ab Romano imperatore, Scopas, qui tum Ætolis.
 prætor gentis erat, et Dorymachus, princeps Ætolorum,
 adfirmaverunt auctoritate sua, minore cum verecundia et
²⁷ majore cum fide vim majestatemque populi Romani
 extollentes. maxime tamen spes potiundæ movebat Acar-
 naniæ. Igitur conscriptæ conditiones, quibus in amici-
 tiam societatemque populi Romani venirent: additum-
 que, ut, si placeret vellentque, eodem jure amicitia Elei,
 Lacedæmonique, et Attalus, et Pleuratus, et Scerdilædus es-
 sent. (Asiæ Attalus, hi Thracum et Illyriorum reges.) Bel-
 lum ut extemplo Ætoli cum Philippo terra gererent. Na-
 vibus ne minus viginti quinquerebus adjuvaret Romanus.
 Urbium Corcyræ tenus ab Ætolia incipienti solum tectaque, et
 muri cum agris, Ætolorum; alia omnis præda populi Romani
 esset. Darentque operam Romani, ut Acarnaniam Ætoli ha-
 berent. Si Ætoli pacem cum Philippo facerent, fœderi adscri-
 berent, ²⁸ ita ratam eorum pacem, si Philippus arma ab Ro-
 manis sociisque, quique eorum ditionis essent, abstinuisset. Item,
 si populus Romanus fœdere jungeretur regi, ut caveret, ne jus
 ei belli inferendi Ætolis sociisque eorum esset. Hæc convene-
 runt, conscriptaque biennio post Olympiæ ab Ætolis, in
 Capitolio ab Romanis, ut testata sacratis monumentis es-
 sent, sunt posita. Mors causa fuerant retenti Romæ diu-
 tius legati Ætolorum. Nec tamen impedimento id rebus
 gerendis fuit. et Ætoli extemplo moverunt adversus Philip-
 pum bellum, et ²⁹ Lævinus Zacynthum (parva insula est pro-
 pinqua Ætolia: urbem unam eodem, quo ipsa est, nomine Res gestæ
 habet; eam præter arcem vi cepit) et Cœniadas Nasumque ab Ætolis et
 Acarnanum captas Ætolis contribuit. Philippum quoque a Valerio.
 satis implicatum bello finitimo ratus, ne Italiam Pœnosque
 et pacta cum Hannibale posset respicere, Corcyram ipse se
 recepit.

²⁷ *Majore cum fide*] Ita ut facilius
 iis laudibus fides haberetur.

²⁸ *Ita ratam eorum pacem*] Lege
 cum Mureto fore pacem.

²⁹ *Lævinus Zacynthum* (parva in-

sula est ..) eam vi cepit] Sic l. l. c.
 19. Urbem novam conditam vi et
 armis, jure eam ... de integro condere
 parat.

U. C. 541.

A. C. 211.

Philippus
vicina pa-
tat.

XXV. Philippo Ætolorum defectio Pellæ hibernanti ad-
lata est. itaque, quia primo vere moturus exercitum in Græ-
ciam erat,³⁰ Illyrios finitimasque eis³¹ urbes³¹ alterno metu
quietas ut Macedonia haberet, expeditionem subitam in
Oriciorum atque Apolloniatum fines fecit: egressosque
Apolloniatas, cum magno terrore atque pavore, compulit in-
tra muros. Vastatis proximis Illyrici, in Pelagoniam ea-
dem celeritate vertit iter: inde³² Dardanorum urbem, si-
tam in Macedonia, transitum Dardanis facturam, cepit. His
raptim actis, memor Ætolici junctique cum eo Romani bel-
li, per Pelagoniam, et Lyncum³³, Bottiæam, in Thessaliam
descendit. Ad bellum æcum adversus Ætolos capessendum
incitari posse homines credebatur: et, relicto ad fauces Thes-
salicæ³⁴ Perseo cum quatuor millibus armatorum ad arcen-
dos aditu Ætolos, ipse, priusquam majoribus occuparetur
rebus, in Macedoniam, atque inde in Thraciam exercitum
³⁴ac Mædos duxit³⁴. Incurrere ea gens in Macedoniam so-
lita erat; ubi regem occupatum externo bello, ac sine præ-
sidio esse regnum sensisset. Ad Phragandas igitur vastare
agros, et urbem Jamphorinam, caput arcemque Mædicæ,
obpugnare cœpit. Scopas, ubi profectum in Thraciam re-
gem, occupatumque ibi bello audivit, armata omni juventu-
te Ætolorum, bellum inferre Acarnaniæ parat.³⁵ Adversus
quod³⁵ Acarnanum gens et viribus inpar, et jam³⁶ Cœniadas
Nasumque amissa³⁶ cernens, Romanaque insuper arma in-
gruere, ira magis instruit, quam consilio, bellum. Conjugi-
bus liberisque et senioribus supra sexaginta annos in propin-
quam Epirum missis, ab quindecim ad sexaginta annos con-
jurant, nisi victores, se non redituros. Qui victus acie exces-
sisset, eum ne quis urbe, tecto, mensa, lare reciperet,³⁷ di-

Acarnaniæ
bellum infe-
runt Æto-
li.Acarnanum
conjuratio.³⁰ ei Gron.³¹ add. et Gron. Crev.³² eduxit Eud.³³ quos Gron.³⁴ amissas Gron. Crev.

³⁰ *Illyrios finitimasque eis urbes*] Pro eis Gronovianæ editiones habent ei; scripti nostri ejus. Vetustius cusi id tenent quod edidimus, et firmat ratio.

³¹ *Alterno metu*] *Alternus metus* est, exponente Gronovio, Illyriorum a Macedonibus, ut prius Macedonum ab Illyriis. Salmasius suspicabatur ab tergo, quod rectissimum videretur, nisi vox metu interposita subsultantem orationem efficeret.

³² *Dardanorum urbem sitam in Macedonia*] Vere omnino Rubenius: *Dardanorum urbem Sintiam, in Macedonia transitum Dardanis facturam*. Optimi scripti, et editi, inter quos Andreas, præferunt *Macedoniam*.

³³ **Perseo*] Hic fuit e præfectis re-

gis unus; non Philippi filius, qui totis undecim post hunc annis, infra XXXI. 28. puer admodum fuisse dicitur.

³⁴ *Ac Mædos eduxit*] Magis placet duxit: quod habet codex Put.

³⁵ *Adversus quod*] Nempe bellum. Vulgo quos, ut referatur ad Ætolos. Sed Cantabrig. liber a Jac. Gronovio inspectus, et omnes nostri præferunt quod: idque melius videtur.

³⁶ *Cœniadas Nasumque amissas*] Scripti et editi ante Gronoviam *amissas*. Nempe intelligitur oppida. Itaque nihil necesse erat veterem scripturam mutari.

³⁷ *Diram execrationem in populares*] Execrationem in caput popularium, qui victos ac fugientes recepis-

ram execrationem in populares, obtestationem quam sanctis- U. C. 541.
simam potuerunt adversus hospites, composuerunt. precati- A. C. 211.
que simul Epirotas sunt, ut, qui suorum in acie cecidissent,
eos uno tumultu contegerent, ³⁸ adhiberentque humatis titu-
lum: HIC SITI SUNT ACARNANES, QUI, ADVERSUS VIM
ATQUE INJURIAM ÆTOLORUM PRO PATRIA PUGNANTES,
MORTEM OBCUBUERUNT. Per hæc incitatis animis, ³⁹ cas-
tra in extremis finibus suis obvia* hosti posuerunt. nunciis
ad Philippum missis, quanto res in discrimine esset, omittere
Philippum, id quod in manibus erat, coëgerunt bellum,
Jamphorina per deditionem recepta, et prospero alio suc-
cessu rerum. Ætolorum inpetum tardaverat primo conjura-
tionis fama Acarnanicæ: deinde auditus Philippi adventus,
regredi etiam in intimos coëgit fines. Nec Philippus,
quamquam, ne obprimerentur Acarnanes, itineribus magnis
ierat, ultra Diu est progressus. inde, quum audisset redi-
tum Ætolorum ex Acarnania, et ipse Pellam rediit.

XXVI. Lævinus, veris principio a Corcyra profectus na-
vibus, superato Leucata⁷ promontorio, quum venisset Nau-
pactum, Anticyram inde se petiturum edixit, ut præsto ibi Anticyram
Scopas Ætolique essent. Sita Anticyra est in Locride læva obpugnat
parte sinum Corinthiacum intrantibus. breve terra iter eo, Lævinus.
brevis navigatio ab Naupacto est. Tertio ferme post die
utrimque obpugnari cœpta est. Gravior a mari obpugnatio
erat; quia et tormenta machinæque omnis generis in navi-
bus erant, et Romani inde obpugnabant. Itaque intra pau-
cos dies recepta urbs per deditionem Ætolis traditur, præda
ex pacto Romanis cessit. Literæ Lævino redditæ, consulem
eum absentem declaratum, et successorem venire P. Sulpi-
cium. ceterum, diuturno ibi morbo implicitus, serius spe om-
nium Romam venit. M. Marcellus, quum Idibus Martiis U. C. 542.
consulatum inisset, senatum eo die, moris modo caussa, ha- A. C. 210.
buit: professus, *nihil se, absente collega, neque de republica, M. Claudio*
neque de provinciis, acturum. Scire se, frequentes Siculos IV. M. Va-
prope urbem in villis obtrectatorum suorum esse. quibus, tan- lerio II.
tum abesse, ut per se non liceat palam Romæ crimina edita Cons.
fictaque ab inimicis vulgare, ut, ni simularent, aliquem sibi
timorem, absente collega, dicendi de consule esse, ipse eis ex-^o
templo daturus senatum fuerit. Ubi quidem collega venis-
set, non passurum quidquam prius agi, quam ut Siculi in se-
natum introducantur. Delectum prope a M. Cornelio per
totam Siciliam habitum, ut quamplurimi questum de se Ro-
mam venirent. eundem literis falsis urbem implesse, bellum

* *obviam* Gron.7 *Leucate* Gron. Crev.38 *Adhiberentque titulum*] Le-
ge cum Gronovio, *adscriberent*.Sic vetus Sigonii liber, sic tres e nos-
tris: melius quam ut vulgo, *obviam*.39 *Castra . . obvia hosti posuerunt*]

U. C. 542. *in Sicilia esse, ut suam laudem minuat.* Moderati animi
A. C. 210. gloriam eo die adeptus consul, senatum dimisit; ac prope
⁴⁰ justitium omnium rerum futurum videbatur, donec alter
consul ad urbem venisset. Otium, ut solet, excitavit plebis
rumores: ⁴¹ *belli diuturnitate, et vastatos agros circa urbem,*
Querelæ P. *qua infesto agmine isset Hannibal, et exhaustam delectibus*
R. *Italiam, et* ⁴² *prope quotannis exercitus casus querebantur;*
et consules bellicosos ambo, viros acres nimis et feroces, crea-
tos, qui vel in pace tranquilla bellum excitare possent, nedum
in bello respirare civitatem forent passuri.

Incendium
Romæ.

XXVII. Interrupit hos sermones nocte, quæ pridie
⁴³ Quinquatrus fuit, pluribus simul locis circa forum incen-
dium ortum. eodem tempore septem tabernæ, quæ postea
quinque, et argentariæ; quæ nunc novæ adpellantur, arsere.
Comprehensa postea privata ædificia: ⁴⁴ neque enim tum
basilicæ erant: comprehensæ ⁴⁵ lautumiæ, forumque pisca-
torium, et ⁴⁶ atrium regium. Ædes Vestæ vix defensa est
tredecim maxime servorum opera, qui ⁴⁷ in publicum re-
dempti ac manumissi sunt. nocte ac die continuatum incen-
dium fuit. Nec ulli dubium erat, humana id fraude factum
esse, quod pluribus simul locis, et iis diversis, ignes coorti
essent. Itaque consul ex auctoritate senatus pro concione
edixit, qui, quorum opera id conflatum incendium, profite-
retur, præmium fore, libero pecuniam, servo libertatem.
Eo præmio inductus Campanorum Calaviorum servus

Campano-
rum fraude
ortum.

² et del. Gron. Crev.

⁴ plurimis Ead.

⁴⁰ *Justitium*] Vid. not. 7. ad l. III. c. 3.

⁴¹ *Belli diuturnitate, et vastatos agros circa urbem*] Parum commode videtur adscribi diuturnitati belli, agrorum qui circa urbem erant vastatio. Magis placeret: *Belli diuturnitatem, nempe querebantur.*

⁴² *Prope quotannis*] Egregia Gronovii emendatio, quum editi præferrent *pro republica annis*, scriptus optimus *pro re quod annis.*

⁴³ *Quinquatrus*] Ex Festi sententia, unicus fuit dies Minervæ sacer, sic dictus, quod esset post diem quintum Idus mensis Martii. Repugnat Livius, l. XLIV. c. 20. Et Ovid. III. Fast. vult illa sacra per quinque dies celebrata, et habere nomen a junctis quinque diebus. Fortasse primis temporibus unicus tantum dies festus fuerat; postea vero in plures prolatus. Vid. Festum in voce *Quinquatrus*, et ad eum Dacerii not.

⁴⁴ *Neque enim tum basilicæ erant*] Postea basilicam eo loco post Novas

argentarias exstructam esse a M. Fulvio censore memorat Livius l. XL. c. 51. *Basilicæ* sunt publica ædificia, in quibus senatores deliberare, iudices causas cognoscere, clientibus homines periti de jure respondere solebant. Mercatores ibidem et numularii sua tractabant negotia.

⁴⁵ *Lautumiæ*] Proprie loca, ex quibus excisi sunt lapides, a λαῖς lapis, et λίμνη cædo. Sic vocabatur unus ex carceribus urbis, quod in eo videlicet lapidicinæ fuerant. *Carceris lautumiarum* fit mentio infra, l. XXXII. c. 26.

⁴⁶ *Atrium regium*] Atrium regium Numæ Pompilii. Regia Numæ erat prope ædem Vestæ, cujus infra fit mentio. Sic quoque apud Horatium . . . *monumenta Regis, Templaque Væstæ.*

⁴⁷ *In publicum redempti*] Redempti, ut in potestate populi, non privatorum dominorum essent, ac postea manumissi.

(Mannus ei nomen erat) indicavit, dominos et quinque præter- U. C. 542.
 ea juvenes nobiles Campanos, quorum parentes a Q. Fulvio se- A. C. 210.
 curi percussi erant, id incendium fecisse; vulgoque facturos
 alia, ni comprehendantur. Comprehensi ipsi familiæque eo-
 rum. et primo elevabatur index indiciumque: pridie eum
 verberibus castigatum ab dominis discessisse, per iram ac levi-
 tatem ex re fortuita crimen commentum. ceterum ut coram
 coarguebantur, et quæstio ex ministris facinoris foro medio
 haberi cœpta est, fassi omnes, atque in dominos servosque
 conscios animadversum est. indici libertas data, et ⁴⁸ viginti
 millia æris. Consuli Lævino Capuam prætereunti circum-
 fusa multitudo Campanorum est, obsecrantium cum lacri- Campani
 mis, ut sibi Romam ad senatum ire liceret, oratum, si qua querelas de
 misericordia tandem flecti possent, ne se ad ultimum perdi- Fulvio defe-
 tum irent, nomenque Campanorum a Q. Flacco deleri sine- runt ad Va-
 rent. Flaccus, sibi privatam simultatem cum Campanis, ne- lerium Cos.
 gare, nullam^b esse: publicas inimicitias et hostiles esse; et fu-
 turas, quoad eo animo esse erga populum Romanum sciret^c.
 nullam enim in terris gentem esse, nullum infestio-
 rem populum
 nomini Romano. Ideo se mænibus inclusos tenere eos: ⁴⁹ quia,
 si qui evasissent aliqua, velut feras bestias per agros vagari, et
 laniare, et trucidare, quodcumque obvium detur. Alios ad
 Hannibalem transfugisse, alios ad Romam incendendam pro-
 fectos. inventurum in semiusto foro consulem vestigia sceleris
 Campanorum. Vestæ adem petitam, et æternos ignes, et condi-
 tum in penetrali ⁵⁰ fatale pignus imperii Romani. Se minime
 censere tutum esse, Campanis potestatem intrandi Romana
 mænia fieri. Lævinus Campanos, jurejurando a Flacco Romam
 adactos, quinto die, quam ab senatu responsum accepissent, eunt.
 Capuam redituros, sequi se Romam jussit. Hac circumfu-
 sus multitudine, simul Siculis obviam egressis ⁵¹ Ætolisque
 Romam præivit, clarissimarum urbium excidio celeberrimis
 viris victos bello accusatores in urbem adducens. De repub-
 licâ tamen primum ac de provinciis ambo consules ad sena-
 tum retulere.

XXVIII. Ibi Lævinus, quo statu Macedonia et Græcia,
 Ætoli, Acarnanes Locrique essent, quasque ibi res ipse egis-

^b nullam Gron. Crev.

^c animo erga pop. R. esse sciret Eæd.

⁴⁸ Viginti millia æris] Id est, mar-
 cæ argenti Parisienses 31. cum unciiis
 2. Vid. not. 63. ad c. 11. l. XXIV.

⁴⁹ Quia .. vagari] Hoc notandum.
 Non absimiliter l. IV. c. 3. supra:
 et, si non easdem opes habere.

⁵⁰ Fatale pignus] Palladium, quod
 ab Ænea advectum in Italiam, in æde
 Vestæ asservari jactitabant. Quale
 fuerit, nemo satis certo definire pot-
 est, quum summa religione abdere-

tur, nec qui illud tractabant fas esse
 putarent, quidquam de eo apud pro-
 fanos enunciare. Vid. Dion. Halic.
 l. I.

⁵¹ Ætolisque] De hac sua emen-
 datione disserit Grönovius, l. IV. Ob-
 serv. c. 16. * Ætoli illi videntur intel-
 ligendi legati Ætolorum, quos Romæ
 diutius fuisse retentos memoravit Li-
 vius supra c. 24.

U. C. 542. set terra marique, exposuit. *Philippum, inferentem bellum*
 A. C. 210. *Ætolis, in Macedoniam retro ab se compulsum, ad intima penitus regni abisse, legionemque inde deduci posse.* ⁵² *classem satis esse ad arcendum Italia regem.* Hæc de se deque provinciis, cui præfuerat. Consulum de provinciis communis relatio fuit. decrevere Patres, *Ut alteri consulum Italia bellumque cum Hannibale provincia esset : alter classem, cui T. Otacilius præfuisset, Siciliamque provinciam cum L. Cincio prætore obtineret.* ⁵³ Exercitus eis duo decreti, qui ^d in Etruria Galliaque essent. eæ quatuor erant legiones. urbanæ duæ superioris anni in Etruriam ; duæ, quibus Sulpicius consul præfuisset, in Galliam mitterentur. Galliae et legionibus præesset, quem consul, cujus Italia provincia esset, præfecisset. In Etruriam C. Calpurnius, post præturam prorogato in annum imperio, missus ; et Q. Fulvio Capua provincia decreta, prorogatumque in annum imperium. Exercitus civium sociorumque minui jussus, ut ex duabus legionibus una legio, quinque millia peditum et trecenti equites essent ; dimissis, qui plurima stipendia haberent : et sociorum septem millia peditum et trecenti equites relinquerentur, eadem ratione stipendiorum habita in veteribus militibus dimittendis. Cn. Fulvio consuli superioris anni, nec de provincia Apulia, nec de exercitu, quem habuerat, quidquam mutatum. tantum in annum prorogatum imperium est. P. Sulpicius collega ejus omnem exercitum, præter socios navales, jussus dimittere est. Item ex Sicilia exercitus, cui M. Cornelius præesset, ubi consul in provinciam venisset, dimitti jussus. L. Cincio prætori ad obtinendam Siciliam Cannenses milites dati, duarum instar legionum. Totidem legiones in Sardiniam P. Manlio Vulsoni prætori decretæ, quibus L. Cornelius in eadem provincia priore anno præfuerat. Urbanas legiones ita scribere consules jussi, ⁵⁴ ne quem militem facerent, qui in exercitu M. Claudii, M. Valerii, ⁵⁵ Q. Fulvii*, fuissent ;

^d *quæ Gron.*

* *Q. Fulvii l. Fulvique Eagl.*

⁵² *Classem satis esse*] Classem sine legionario milite, sociis tantum navalibus instructam. Socii enim navales, ut probavimus ad c. 49. l. XXI. non ii solum sunt, qui nautica ministeria obeunt, sed et milites tuendis navibus attributi.

⁵³ *Exercitus eis duo decreti, qui in Etruria Galliaque essent : eæ quatuor erant legiones*] Perizonium offenderat vulgata hactenus lectio, *quæ in Etruria Galliaque essent (eæ quatuor erant) legiones.* Revocabat ille ex vetusta editione hanc scripturam quam representamus. Eam nos admisimus

in contextum, auctoribus plerisque scriptis, tum nostris, tum Hearnii, et antiquissimis omnium editionibus Andreæ et Campani.

⁵⁴ *Ne quem militem facerent, qui ..fuissent*] Possis exponere, ex iis qui ..fuissent. Sed quum unus Hearnii codex habeat *fuisset*, expeditionem amplectamur.

⁵⁵ *Q. Fulvii*] Prænomen deerat, Illud addidimus ex uno non spernendæ notæ codice, et eodem auctore reseuimus particulam *que*, quam vulgati affigunt nomini.

neve eo anno plures, quam una et viginti, Romanæ legiones U. C. 542.
essent. A. C. 210.

XXIX. His senatusconsultis perfectis, sortiti provincias Legiones 21.
consules. Sicilia et classis Marcello, Italia cum bello ad- Marcello obvenit Sicilia.
versus Hannibalem Lævino evenit. Quæ sors, velut iterum Siculorum legatorum comploratio.
captis Syracusis, ita exanimavit Siculos, expectatione sor-
tis in consulum conspectu stantes, ut comploratio eorum
flebilesque voces et extemplo oculos hominum converte-
rent, et postmodo sermones præbuerint. Circumibant enim
senatum cum veste sordida, adfirmantes, ⁵⁶ *se non modo suam
quisque patriam, sed totam Siciliam, relicturos, si eo Marcellus
iterum cum imperio redisset. Nullo suo merito eum ante inpla-
cabilem in se fuisse: quid iratum, quod Romam de se questum
venisse Siculos sciat, facturum? Obrui Ætnæ ignibus, aut
mergi freto, satius illi insulæ esse, quam velut* ⁵⁷ *dedi noxæ ini-
mico.* Hæ Siculorum querelæ, domos primum nobilium cir-
cumlatæ, celebratæque sermonibus, quos partim misericor-
dia Siculorum, partim invidia Marcelli excitabat, in sena-
tum etiam pervenerunt. Postulatum a consulibus est, ut
de permutandis provinciis senatum consulerent. Marcellus, Mutantur provincie.
*si jam auditi ab senatu Siculi essent, aliam forsitan futuram
fuisse sententiam suam, dicere. nunc, ne quis timore frenari
eos dicere posset, quo minus de eo libere querantur, in cujus po-
testate mox futuri sint, si collegæ nihil intersit, mutare se pro-
vinciam paratum esse.* ⁵⁸ *deprecari senatus præjudicium; nam,
quum extra sortem collegæ optionem dari provinciæ iniquum
fuerit, quanto* ⁵⁹ *maiores injuriam, immo contumeliam esse,
sortem suam ad eum transferri? Ita senatus, quum, quid pla-
ceret, magis ostendisset, quam decresset, dimittitur. inter
ipsos consules permutatio provinciarum, rapiente fato Mar-
cellum ad Hannibalem, facta est: ut, ex quo primus adver-
sæ pugnae gloriam ceperat, in ejus laudem postremus Ro-
manorum imperatorum, prosperis tum maxime bellicis re-
bus, caderet.*

XXX. Permutatis provinciis, Siculi, in senatum intro-

¹ quantum Gron.

⁵⁶ *Se .. suam quisque patriam re-
licturos]* Gronovius dubitat, an non
legendum sit *quemque*, ne videlicet
solæca esse oratio videatur. Et sane
sic edidit Campanus: et postulat rec-
ta loquendi ratio. Nam quod Sallus-
tius in Bello Jugurth. c. 18. habet,
*multis sibi quisque imperium petenti-
bus*, id ita accipimus ut *quisque* sit in
auferendi casu pro *queisque*, vel *qui-
busque*. Vid. not. 11. ad l. XXV. c.
17. et not. 95. ad l. III. 22.

⁵⁷ * *Dedi noxæ]* Dedi, velut ob

noxam, ad supplicium. *Noxa* dicitur
et culpa, et pœna.

⁵⁸ *Deprecari senatus præjudicium]*
Precari ne decretum senatus interpo-
natur de permutandis provinciis, quo
decreto de sua jam causa querelisque
Siculorum præjudicium aliquod fieri
videretur. De voce *præjudicium* vid.
not. 80. ad l. III. c. 40.

⁵⁹ * *Injuriam, imo contumeliam]*
Injuria est id quod fit contra jus, in-
justice; *contumelia* denotat probrum,
affront.

U. C. 542. ducti, multa de Hieronis regis fide perpetua erga populum
 A. C. 210. Romanum verba fecerunt, ⁶⁰ in gratiam publicam averten-
 Siculorum tes, *Hieronimum ac postea Hippocraten et Epicyden tyrannos,*
 oratio in quum ob alia, tum propter defectionem ab Romanis ad Hanni-
 Marcellum. balem, invisos fuisse sibi. ob eam causam et Hieronimum a
 principibus juventutis prope publico consilio interfectum: et in
 Epicydis Hippocratisque cædem septuaginta nobilissimorum
 juvenum conjurationem factam; quos, Marcelli mora destitu-
 tos, quia ad prædictum tempus exercitum ad Syracusas non ad-
 movisset, indicio facto, omnes ab tyrannis interfectos. Eam
 quoque Hippocratis atque Epicydis tyrannidem Marcellum ex-
 citasse, Leontinis crudeliter direptis. Numquam deinde prin-
 cipes Syracusanorum desisse ad Marcellum transire, polliceri-
 que, se urbem, quum vellet, ei tradituros. sed eum primo vi ca-
 pere maluisse. dein, quum id neque terra, neque mari, omnia
 expertus, potuisset, auctores traditarum Syracusarum fabrum
 ærarium Sosim, et Mericum Hispanum, quam principes Syra-
 cusanorum habere, toties id nequidquam ultro obferentes, præ-
 optasse: quo scilicet justiore de causa vetustissimos socios po-
 puli Romani trucidaret, ac diriperet. Si non Hieronymus ad
 Hannibalem defecisset, sed populus Syracusanus et senatus, si
 portas Marcello Syracusani publice, et non, obpressis Syracusa-
 nis, tyranni eorum Hippocrates et Epicydes, clausissent, si
 Karthaginensium animis bellum cum populo Romano gessis-
 sent; quid ultra, quam quod fecerit, nisi ut deleret Syracusas,
 facere hostiliter Marcellum potuisse? Certe præter mœnia et
 tecta exhausta urbis, et refracta ac spoliata Deum delubra,
 Diis ipsis ornamentisque eorum ablatis, nihil relictum Syracu-
 sis esse. Bona quoque multis ademta, ⁶¹ ita ut ne nudo quidem
 solo, reliquiis direptæ fortunæ, alere sese ac suos possent. Orare
 se Patres conscriptos, ut, si nequeant omnia, saltem, quæ com-
 pareant cognoscique possint, restitui dominis jubeant. Talia
 conquestos quum excedere ex ⁶² templo, ut de postulatis
 eorum Patres consuli possent, Lævinus jussisset, ⁶³ *Maneant*
inmo, inquit Marcellus, ut coram his respondeam, quando ea

* ex del. Gron. Crev.

60 *In gratiam publicam avertentes*] Id agentes ut pro meritis Hieronis in populum Romanum gratia toti Syracusanorum civitati habenda videretur.

61 *Ita ut ne nudo quidem solo*] Hic locus, cujus Gronovius ullum esse negat sensum, sic tamen videtur exponi posse: ita ut nudo solo, quum nihil reliquerit Marcellus, præter mœnia et tecta urbis exhausta, et spoliata deum delubra, ne reliquiis quidem direptæ fortunæ, id est, privatis suis

bonis, puta agris, &c. alere sese ac suos possent. Conqueruntur nimirum Syracusani, post spoliata urbem ac domos, etiam reliquias direptæ fortunæ, id est, privata bona, agros, domos, &c. multis quoque ademta.

62 * *Templo*] In loco enim auguriis consecrato senatus semper habebatur. † Vid. not. 19. ad l. II. c. 56.

63 *Maneant imo*] Rhenanus ex suo codice inseruit vocem *imo*, qua ceteri scripti carent.

condicione pro vobis, Patres conscripti, bella gerimus, ut victos armis accusatores habeamus. Duæ captæ hoc anno urbes Capua Fulvium reum, Marcellum Syracusæ habeant. U. C. 542. A. C. 210.

XXXI. Reductis in curiam legatis, tum consul, Non ad-
eo majestatis, inquit, populi Romani ⁶⁴ imperiique hujus obli-
tus sum, Patres conscripti, ut, si de meo crimine ambigeretur, ^{Siculis re- spondet Marcellus.}
consul dicturus causam, accusantibus Græcis, fuerim. ⁶⁵ sed
non, quid ego fecerim, in disquisitionem venit, quam quid isti
pati debuerint. qui si non fuerunt hostes, nihil interest, nunc,
an vivo Hierone, Syracusas violaverim. ⁶⁶ Sin autem descive-
runt, legatos nostros ferro atque armis petierunt, urbem ac mæ-
nia cluserunt, exercituque Karthaginensium adversus nos tu-
tati sunt; quis passos esse hostilia, quum fecerint, indignatur?
Tradentes urbem principes Syracusanorum aversatus sum: So-
sim et Mericum Hispanum, quibus ⁶⁷ tantum crederem, potiores
habui. Non estis extremi Syracusanorum, quippe qui aliis hu-
militatem objiciatis. Quis est vestrum, qui se mihi portas
aperturum, qui armatos milites meos in urbem accepturum pro-
miserit? Odistis et execramini eos, qui fecerunt, et ne hic
quidem contumeliis in eos dicendis parcitis: tantum abest, ut
et ipsi tale quidquam facturi fueritis. Ipsa humilitas eorum,
Patres conscripti, quam isti objiciunt, maximo argumento est,
me neminem, qui navatum operam reipublicæ nostræ velit, aver-
satum esse. Et, antequam obsiderem Syracusas, nunc legatis
mittendis, nunc ad colloquium eundo, tentavi pacem: et, post-
quam neque legatos violandi verecundia erat, nec mihi ipsi con-
gresso ad portas cum principibus responsum dabatur, multis
terra marique exhaustis laboribus, tandem vi atque armis Syra-
cusas cepi. Quæ captis acciderint, apud ⁶⁸ Hannibalem et Kar-
thaginenses victosque justius, quam apud victoris populi sena-
tum, quererentur. Ego, Patres conscripti, Syracusas spoliatas
si negaturus essem, numquam spoliis earum urbem Romam ex-
ornarem. Quæ autem singulis victor vult adem, aut dedi; quum
belli jure, tum ex cujusque merito, satis scio me fecisse. ⁶⁹ Ea

⁶⁴ Imperiique hujus] Et imperii consularis, quod gero.

⁶⁵ Sed non, quid ego fecerim, in disquisitionem venit, quam] Particula tam in primo membro supplenda est, ut et supra, c. 18. Monebimus tamen vocem quam esse a Gronovio. Pro ea scripti habent nam: Andreas et Campanus sed.

⁶⁶ Sin autem desciverunt, legatos] Omnes MSS. inserunt portus post et desciverunt. Quid significant, haud facile est decernere.

⁶⁷ Tantum crederem] Emendatio Gronovii, quum editi passim habe-

rent tantam rem crederem; plerique scripti, tantam crederem; nonnulli, tanta.

⁶⁸ Annibalem, et Carthaginenses, victosque] Commodius videretur, quod subjicit Gronovius, victos secum. MSS. habent victos se.

⁶⁹ Ea vos rata habeatis] Intellige ut, ex more admodum usitato. Hac-
tenus edebatur: Ea vos rata habeatis, P. C. necne. Nos consensum scriptorum repudiare non sustinui-
mus, qui omnes ignorant nec, præser-
tim quum bonus sit scriptæ lectionis
sensus.

U. C. 542. *vos rata habeatis, Patres conscripti, nã^b magis reipublicæ in-*
 A. C. 210. *terest, quam meo. Mea quippe fides exsoluta est : ad rempub-*
licam pertinet, ne acta mea rescindendo, alios in posterum seg-
niores duces faciatis. Et quoniam coram et Siculorum et mea
verba audistis, Patres conscripti, simul templo excedemus, ut,
me absente, liberius consuli senatus possit. Ita dimissis Sicu-
lis, et ipse in Capitolium ad delectum discessit.

XXXII. Consul alter de postulatis Siculorum ad Patres retulit. Ibi ⁷⁰ quum diu de sententiis certatum esset, et magna pars senatus, principe ejus sententiæ T. Manlio Torquato, ⁷¹ cum tyrannis bellum gerendum fuisse, censerent, hostibus et Syracusanorum et populi Romani : et urbem recipi, non capi : et receptam legibus antiquis et libertate stabiliri, non fessam miseranda servitute bello adfligi. Inter tyrannorum et ducis Romani certamina, præmium victoris in medio positam urbem pulcherrimam ac nobilissimam perisse, horreum atque ærarium quondam populi Romani : cujus munificentia ac donis multis tempestatibus, hoc denique ipso Punico bello, adjuta ornataque respublica esset. Si ab inferis existat rex Hiero, fidissimus imperii Romani cultor, quo ore aut Syracusas, aut Romam ei ostendi posse ? quum, ubi semirutam ac spoliatam patriam resperisset, ingrediens Romam in vestibulo urbis, ⁷² prope in porta, spolia patriæ suæ visurus sit ? Hæc taliaque quum ad invidiam consulis miserationemque Siculorum dicerentur, mitius tamen decreverunt Patres caussa Marcelli : Quæ is gerens bellum victorque egisset, rata habenda esse. in reliquum curæ senatui fore rem Syracusanam, mandatuosque consuli Lævino, quod sine jactura reipublicæ fieri posset, fortunis ejus civitatis consuleret. Missis duobus senatoribus in Capitolium ad consulem, uti rediret in curiam, et introductis Siculis, senatusconsultum recitatum est : legatique, benigne adpellati ac dimissi, ad genua se Marcelli consulis projecerunt, obsecrantes, ut, quæ deplorandæ ac levandæ calamitatis caussa dirissent, veniam eis daret, et in fidem clientelamque se urbemque Syracusas acciperet. post hæc consul clementer adpellatos dimisit.

Senatus-
consultum
de Syracu-
sanorum
rebus.

Syracusæ in
clientela
Marcelli.

Campanis
datur sena-
tus.

XXXIII. Campanis deinde senatus datus est, quorum oratio miserabilior, caussa durior erat. neque enim meritas

^b nã l. nec ne Gron.

⁷⁰ Quum diu de sententiis] Expungit merito præpositionem Gronovius.

⁷¹ Cum tyrannis bellum gerendum fuisse .. et urbem recipi] Accuratius et magis exactum ad Grammaticam leges videretur : cum tyrannis oportuno bellum geri, et urbem recipi, non capi. Sed Livius vixit, ut jam aliquo-

ties monuimus, ad sensum magis quam ad verba attendit. * Vid. infra not. ad XXVII. 20.

⁷² * Prope in porta] Ad portam Capenam erant templa a Marcello dedicata, et spoliis Syracusarum exornata, ut memoravit Livius supra XXV. 40.

poenas negare poterant, nec tyranni erant, in quos culpam U. C. 542. conferrent: sed satis pensum poenarum, tot veneno ab- A. C. 310. sumtis, tot securi percussis senatoribus, credebant. *Paucos nobilium superstites esse, quos nec sua conscientia, ut quidquam de se gravius consulerent, inpulerit, nec victoris ira capitis damnaverit; eos libertatem sibi suisque, et bonorum aliquam partem orare, cives Romanos, adiunitatibus plerosque et propinquis jam cognationibus* ⁷³ *ex connubio vetusto junctos.* Submotis deinde e templo, paullisper dubitatum, an arcessendus a Capua Q. Fulvius esset, (mortuus enim post captam ⁷⁴ Claudius consul erat) ut coram imperatore, qui res gessisset, sicut inter Marcellum Siculosque disceptatum fuerat, disceptaretur: dein, quum ⁷⁵ M. Atilium, C. Fulvium fratrem Flacci, legatos ejus, ac Q. Minucium et L. Veturium Philonem, item Claudii legatos, qui omnibus gerendis rebus adfuerant, in senatu viderent, nec Fulvium avocari a Capua, nec differri Campanos vellent; interrogatus sententiam M. Atilius Regulus, cujus ex iis, qui ad Ca- M. Atilii puam fuerant, maxima auctoritas erat; *In consilio, inquit, sententia. arbitror me fuisse consulibus, Capua capta, quum quaeretur, ecquis Campanorum de republica nostra bene meritus esset; duas mulieres compertum est, Vestiam Oppiam Atellanam Capuae habitantem, et Fauculam Cluviam, quae quondam questum corpore fecisset; illam quotidie sacrificasse pro salute et victoria populi Romani; hanc captivis egentibus alimenta clam suppeditasse.* Ceterorum omnium Campanorum eundem erga nos animum, quem Karthaginensium, fuisse: securique percussos a Q. Fulvio esse magis, quorum dignitas inter alios, quam quorum culpa eminebat. Per senatum agi de Campanis, qui cives Romani sunt, injussu populi non video posse. idque et apud majores nostros ⁷⁶ in Satricanis factum est, quum defecissent, ut M. Antistius tribunus plebis prius rogationem ferret,

73 *Ex connubio vetusto*] Quod jam pridem Romani Campanique per connubia miscere invicem domos sanguinemque ceperint: unde factum erat ut affinitates ultro citroque inter eandem saepe domos iterumque iterumque jungerentur. Atque inde propinquitas cognationum. Alioquin vetustum connubium remotas, non propinquas cognationes argueret.

74 *Claudius consul*] Id est, proconsule: quemadmodum infra, hoc ipso capite: *In consilio arbitror me fuisse consulibus Capua capta.* Neque enim Capuam Fulvius et Claudius consules ceperunt, sed consulari imperio post exactum magistratum prorogato: quod Livio tam cito excidisse verisi-

mille non est. Nimirum hic ille eodem modo abutitur consulis appellatione, quo passim praetoris. Vid. not. 2. ad c. 1. hujus libri.

75 *M. Atilium, C. Fulvium fratrem Flacci, legatos ejus*] Put. liber, et tres alii e nostris, *fratres Flacci, legatos ejus.* Nec quidquam vetat M. Atilium fratrem esse Flacci, etsi diverso nomine sit, sive ex eadem tantum matre ortus, sive per adoptionem in Atiliorum familiam adscitus fuerit.

76 *In Satricanis*] De Satricanorum defectione ad Samnites egit Livius, l. IX. c. 16. Sed quum hic a M. Atilio memorantur, silentio tum tramisit.

U. C. 542. ⁷⁷ *sciretque plebs, uti senatui de Satricanis sententiæ dicendæ*
 A. C. 210. *jus esset. Itaque censeo, cum tribunis plebis agendum esse, ut*
eorum unus pluresve rogationem ferant ad plebem, qua nobis
statuendi de Campanis jus fiat. L. Atilius tribunus plebis ex
 auctoritate senatus plebem in hæc verba rogavit: ⁷⁸ *Omnes*
Campani, Atellani, Calatini, Sabatini, qui se dediderunt in ar-
bitrium ditionemque populi Romani Fulvio proconsuli¹, quæ-
que una secum dediderunt, agrum urbemque, divina, humana-
que, utensiliaque, sive quid aliud dediderunt; de iis rebus quid
fieri velitis, vos rogo, Quirites. Plebes sic jussit. ⁷⁹ *Quod se-*
natus juratus, maxima pars, censeat, qui adsidetis, id volumus
jubemusque.

Senatus-
consultum
de Campa-
nia.

XXXIV. Ex hoc plebeiscito senatus consultus, Oppiæ Clu-
 viæque primum bona ac libertatem restituit. si qua alia præ-
 mia petere ab senatu vellent, venire eas Romam. Campanis in
 familias singulas decreta facta, quæ non operæ pretium est om-
 nia enumerare. Aliorum bona publicanda: ipsos liberosque
 eorum et conjuges vendendus, extra filias, quæ enupsissent prius,
 quam in populi Romani potestatem venirent. Alios in vincula
 condendos, ac de his posterius consulendum. Aliorum Campa-
 norum ⁸⁰ summam etiam census distinxerunt, publicanda necne
 bona essent; pecna captiva, præter equos, et mancipia, præter
 puberes virilis sexus, et omnia, quæ solo non continerentur, re-
 stituenda, censuerunt, dominis. ⁸¹ Campanos omnes, Atellanos,
 Calutinos, Subatinos, extra quam, qui eorum, aut ipsi aut pa-
 rentes eorum, apud hostes essent, liberos esse, jusserunt, ita ut

¹ Proconsule Gron. Crev.

⁷⁷ *Sciretque plebs*] Dubitari potest, utrum mendum sit in verbo *sciret*, legendumque sit, *scisceret*; an vero hæc verba scio et scisco promiscui sint usus, et alterum alterius locum ac vi-ces obtinere possit. Quemadmodum enim hic *sciret* pro *scisceret*, sic apud Plautum in Amphitr. Act. V. Sc. 1. *ut sciscam quid velit*, id est, *ut sciam*; et apud nostrum infra l. XXVII. c. 33. *et præsciscere, quam quisque eorum provinciam . . haberet.*

⁷⁸ *Omnes Campani*] Hæc rogatio eam habet verborum comprehensio- nem, quæ planum omnino sensum offerat, at non accuratam loquendi figuram, ut fere sit in his verbosis, et horridioris vetustatis stylo conscriptis formulis.

⁷⁹ *Quod senatus juratus, maxima pars, censeat, qui adsidetis*] Libri om- nes habent, teste Gronovio, *qui adsi-*
dens: unde ille efficit, *qui adsederint*, quod quidem anteponendum videtur vulgatæ lectioni. Jam in his vocibus,

senatus juratus, maxima pars, qui as-
sederint, posterius semper membrum explicat, seu potius restringit sensum præcedentis. Senatus juratus, non quidem unanimiti consensu, sed ex maxima suffragiorum parte; nec suf-fragiorum quidem totius senatus, aut certi senatorum numeri, qui interdum præfiniebatur, sed eorum sena- torum qui assederint, quocunque sint numero.

⁸⁰ *Summam etiam census distinxe-*
runt] Supple, ut ex eo statuerent, *publicanda necne bona essent.*

⁸¹ *Campanos omnes . . . liberos esse*
jusserunt] Ex his verbis, et iis quæ se-
 quuntur, patet Livium, dum scripsit
 supra, c. 16. multitudinem civium
 Campanorum venundatam, magis os-
 tendisse, quid facere decreverit Flac-
 cus, quam quid fecerit. Nempe ille
 jusserat Campanos venundari. At,
 re in hoc tempus extracta, senatus
 ejus decretorum severitatem hac qui-
 dem in parte mitigavit.

nemo eorum civis Romanus, aut Latini nominis esset: neve U. C. 542. quis eorum, qui Capuæ fuissent, dum portæ clausæ essent, in A. C. 210. urbe agrove Campano intra certam diem maneret. Locus, ubi habitarent, trans Tiberim, qui non contingeret Tiberim, daretur. qui nec Capuæ, nec in urbe Campana, quæ a populo Romano defecisset, per bellum fuissent, eos cis Lirim amnem Romanam versus; qui ad Romanos transissent prius, quam Hannibal Capuam veniret, cis Vulturum emovendos, censuerunt. ne quis eorum propius mare quindecim millibus passuum agrum ædificiumve haberet. Qui eorum ⁸² trans Tiberim emoti essent, ne ipsi posterive eorum uspiam pararent haberentve, nisi in Veiente, aut Sutрино, Nepesinove agro: dum ne cui major, quam quinquaginta jugerum, agri modus esset. Senatorum omnium, quique magistratus Capuæ, Atellæ, Calatiæ gessissent, bona venire Capuæ, jusserunt. libera corpora, quæ venundari placuerat, Romam mitti, ac Romæ venire. Signa, statuas æneas, quæ capta de hostibus dicerentur, quæ eorum sacra ac profana essent, ad pontificum collegium rejecerunt. Ob hæc decreta moestiores aliquanto, quam Romam venerant, Campanos dimiserunt. nec jam Q. Fulvii sævitiam in sese, sed iniquitatem Deum atque execrabilem fortunam suam incusabant.

XXXV. Dimissis Siculis Campanisque, delectus habitus. scripto deinde exercitu, de remigum supplemento agi coeptum. in quam rem quum neque hominum satis, nec, ex qua pararentur, stipendiumque acciperent, pecuniæ quidquam ea tempestate in publico esset, edixerunt consules, ut privati ex censu ordinibusque, ⁸³ sicut antea, remiges darent cum stipendio cibariisque dierum triginta. Ad id edictum tantus fremitus hominum, ⁸⁴ tanta indignatio fuit, ut magis dux, quam materia, seditioni deesset. ⁸⁵ Secundum Siculos Campanosque plebem Romanam perdendam lacerandamque sibi consules sumsisse. per tot annos tributo exhaustos nil reliqui, præter terram nudam ac vastam, habere. Tecta hostes incendisse, servos agri cultores rempublicam abduxisse, nunc ad militiam parvo ære emendo, nunc remiges imperando. Si quid cui argenti ærisve fuerit, stipendio remigum et tributis annuis ablatum. Se, ut dent, quod non habeant, nulla vi, nullo imperio cogi posse. Bona sua venderent: in corpora, quæ reliqua essent, sævirent. Ne unde redimantur

Edictum
Coss. de
remigibus
dandis.

Querelas
excitat.

^k tantaque Grœc.

⁸² Trans Tiberim emoti] Solenne in hac re verbum. Paulo ante, cis Vulturum emovendos. XXXVII. 53. Ultra Tauri juga Antiochum emotis. XXXVIII. 53. Antiochum . . . ultra Tauri juga movit. Et alibi sæpius. Hoc loco verbum hoc decurtatum erat in vulgatis, trans Tiberim moti. Sed veram lectionem asserunt duo

Hearnii codices, tres e nostris, Andreas et Campanus.

⁸³ Sicut antea, Vid. supra l. XXIV. c. 11.

⁸⁴ Tanta indignatio] Hic male sedulus Sigonius adjecerat voculam que, quam respuit Put. liber et omnes nostri.

⁸⁵ Secundum] Post.

11. C. 349. *quidem, quidquam superesse.* Hæc non in occulto, sed propalam in foro atque oculis ipsorum consulum ingens turba circumfusi fremebant: nec eos sedare consules, nunc castigando, nunc consolando, poterant. Spatium deinde his tridui se dare ad cogitandum dixerunt: quo ipsi ad rem inspiciendam expediendumque usi sunt. Senatum postero die habuerunt de remigum supplemento: ubi quum multa disseruissent, cur æqua plebis recusatio esset, verterunt orationem eo, ut dicerent, *Privatis id, seu æquum, seu iniquum, onus injungendum esse. Nam unde, quum pecunia in ærario non esset, paraturos⁸⁶ navales socios? Quomodo autem sine classibus aut Siciliam obtineri, aut Italia Philippum arceri posse, aut tuta Italiæ litora esse?*

Consilia ea
de re.

Lævini Cœ
sententia.

XXXVI. Quum in hac difficultate rerum consilium hæreret, ac prope torpor quidam occupasset hominum mentes, tum Lævinus consul, *Magistratus senatui, et senatum populo,*⁸⁷ *sicut honore præstent, ita ad omnia, quæ dura atque aspera essent, subeunda duces¹ debere esse.* Si quid injungere inferiori velis, id prius in te ac tuos si ipse juris statueris, facilius omnes obediētes habeas. nec inpena gravis est, quum ex ea⁸⁸ plus quam pro virili parte sibi quemque capere principum vident. Itaque classes habere atque ornare volumus populum Romanum? privatos sine recusatione remiges dare? nobismet ipsis primum imperemus. Aurum, argentum, æs signatum omne senatores crastino die in publicum conferamus: ita ut annulos sibi quisque, et conjugi, et liberis,⁸⁹ et filio bullam, et, quibus uxor filioque sunt,⁹⁰ singulas uncias pondo auri relinquant; argenti, qui curuli sella sederunt, equi ornamenta et libras pondo, ut⁹¹ salinum patellamque Deorum causam habere possint. ceteri senatores libram argenti tantum, ⁹² æris signati quina nullas in

¹ duces Græc.

⁸⁶ *Navales socios*] Socii navales hoc loco sunt remiges, ut ex precedentibus constat. Vid. not. 87. ad l. XXI. c. 49.

⁸⁷ *Sicut honore præstent, ita ad omnia debere esse*] Olim editi præstent, et ducem. Reposuit Gronovius præstent, idemque testatur in optimis MSS. legi duces. Illo scemel admisso, nil dubium erat quin et hoc recipiendum esset.

⁸⁸ *Plus quam pro virili parte*] Plus quam pro portione ab ipsis exigi æquum sit.

⁸⁹ *Et filio bullam*] Pueri ingenui bullam auream in figuram cordis formatam e collo suspensam ante pectus gerebant: quam simul cum toga prætextâ, ubi in viros adhibebantur, deponebant. Libertinorum filii pro bulla aurea lorum in collo, sive bul-

lam sortem præferiebant. Vid. Macrobi. l. I. Saturn. c. 6. et Acon. in tertiam contra Verrem.

⁹⁰ *Singulas uncias pondo auri*] Ita ut uxor filioque singulas uncias auri habebant ad ornatum suum. Aliquid tamen more facere potest quod dicimus ex l. XXXIV. infra, c. I. eamdem fuisse legem Oppia, paucis ante hoc tempus annis lata, ut quæ mulier plus aurum auri haberet. Sed fieri potest ut hoc caput legis Oppiæ, quod perfacile posset ita negligi, ut trans ipsi facta aut detegi, non vindicari nequiret, locum non habuerit.

⁹¹ *Salinum patellamque Deorum causam*] Salinum, patella, in qua dîs apponebantur epule, nomen religio- ni apud antiquos erant.

⁹² *Æris signati quina nullas*] Aures unciales 3000. qui sunt æstetius

singulos patres familiæ relinquamus. Ceterum omne aurum, U. C. 542. argentum, æs signatum, ad ⁹³ triumviros mensarios extemplo A. C. 210. deferamus, nullo ante senatusconsulto facto: ut voluntaria conlatio et ⁹⁴ certamen adjuvandæ reipublicæ excitet ad æmulandum animos primum equestris ordinis, dein reliquæ plebis. hanc unam viam, multa inter nos conlocuti, consules invenimus. Ingređimini, Diis bene juvantibus. Respublica incolumis et privatas res facile salvas præstat. publica prodendo, tua nequidquam serves. In hæc tanto animo consensum est, ut gratiæ ultro consulibus agerentur. senatu inde misso, pro se quisque aurum, argentum et æs in publicum conferunt, tanto certamine injecto, ut prima inter primos nomina sua vellent in publicis tabulis esse; ut nec triumviri accipiundo, nec scribæ ⁹⁵ referendo subficerent. Hunc consensum senatus equester ordo est secutus: equestris ordinis, plebes. Ita sine edicto, sine coërcitione magistratus, nec remige in supplementum, nec stipendio respublica eguit: paratisque omnibus ad bellum, consules in provincias profecti sunt.

Magistr. et senatores pecuniam sponte conferunt.

Idem faciunt equester ordo et plebs.

XXXVII. ⁹⁶ Neque aliud magis tempus belli fuit, quo Karthaginienses Romanique pariter variis casibus inmixtis magis in ancipiti spe ac metu fuerint. Nam Romanis et in provinciis, hinc in Hispania adversæ res, hinc prosperæ in Sicilia, luctum et lætitiā miscuerant: et in Italia, quum Tarentum amissum damno et dolori, tum arx cum præsidio retenta præter spem gaudio fuit: et terrorem subitum pavoremque urbis Romæ obsessæ et obpugnatae Capua post dies paucos capta in lætitiā vertit. Transmarinæ quoque res ⁹⁷ quadam vice pensatæ. Philippus hostis tempore haud satis opportuno factus; Ætoli novi adsciti socii, Attalusque Asiæ rex, jam velut despondente fortuna Romanis imperium orientis. Karthaginienses quoque Capuam amissam et Tarentum captum æquabant: et, ut ad mœnia urbis Romanæ nullo prohibente se pervenisse in gloria ponebant, ita pigebat irriti incepti; pudebatque adeo se spretos, ut, sedentibus ipsis ad Romana mœnia, alia porta exercitus Romanus in Hispaniam duceretur. Ipsæ quoque ⁹⁸ Hispaniæ, quo propius spem venerant, tantis duobus ducibus ex-

Paria tum omnia inter Romanos Penosque.

1250. marcas argenti nostrates 4. cum unciiis 7. et decima-sexta uncia parte.

dum videtur. Nec vero illud agnoscit Victor. codex.

⁹³ * *Triumviros mensarios*] Vid. supra XXIV. 17. XXIII. 21.

⁹⁷ * *Quadam vice pensatæ*] Varietate eventuum ita mistæ, ut alternante fortuna adversa prosperis pensarentur.

⁹⁴ * *Certamen adjuvandæ reipublicæ*] Ardor ille quo certabimus inter nos de laude adjuvandæ reipublicæ.

⁹⁸ *Hispaniæ quo propius spem venerant debellatum ibi*] Quo propius Hispaniarum res abfuerant ab eo, ut spem facerent Carthaginensibus debellatum ibi esse.

⁹⁵ * *Referendo*] In tabulas.

⁹⁶ *Neque aliud magis tempus belli fuit, quo magis in ancipiti spe*] Prius illud magis vacat, et reciden-

U. C. 513. ercibusque cæsis, debellatum ibi, ac pulsos inde Romanos
A. C. 210. esse; eo plus, ab L. Marcio tumultuario duce ad vanum et irritum victoriam redactam esse, indignationis præbebant. Ita æquante fortuna, suspensa omnia utrimque erant, ⁹⁹ integra spe, integro metu, velut illo tempore primum bellum inciperent.

Hannibalis
anxietas.

Vastat quæ
tueri ne-
quit.

Blattius et
Dasius Sa-
lapiæ prin-
cipes.

Salapia tra-
dita Mar-
cello.

XXXVIII. Hannibalem ante omnia angebat, quod Capua, pertinacius obpugnata ab Romanis, quam defensa ab se, multorum Italiæ populorum animos averterat: quos neque omnes tenere præsidiis, nisi vellet in multas parvasque partes carpere exercitum, quod minime tum expediebat, poterat: nec, deductis præsidiis, ¹ spei liberam vel obnoxiam timori sociorum relinquere fidem. Præceps in avaritiam et crudelitatem animus ad spolianda, quæ tueri nequibat, ut vastata hosti relinquerentur, inclinavit. Id fœdum consilium, quum incepto, tum etiam exitu fuit. neque enim indigna patientium modo abalienabantur animi, sed ceterorum etiam. quippe ad plures exemplum, quam calamitas, pertinebat. Nec consul Romanus tentandis urbibus, sicunde spes aliqua se ostendisset, deerat. Salapiæ principes erant Dasius et Blattius^a: Dasius Hannibali amicus; Blattius, quantum ex tuto poterat, rem Romanam fovebat, et per occultos nuncios spem proditiōis fecerat Marcello; sed sine adiutore Dasio res transigi non poterat. Multum ac diu cunctatus, et tum quoque magis inopia consilii potioris, quam spe effectus, Dasium adpellabat. at ille, quum ab re aversus, tum æmulo potentatus inimicus, rem Hannibali aperit. Arcessito utroque, Hannibal quum pro tribunali quædam ageret, mox de Blattio cogniturus, starentque submoto populo accusator et reus: Blattius de proditiōe Dasium adpellabat. *Enimvero, ille, velut in manifesta re, exclamat, sub oculis Hannibalis secum de proditiōe agi.* Hannibali atque eis, qui aderant, quo audacior res erat, minus similis veri visa est. *æmulationem profecto atque odium esse: et id crimen adferri, quod, quia testem habere non posset^o, liberius fingenti sit.* Ita inde dimissi sunt. nec Blattius ante abstinit tamen tam audaci incepto, quam idem obtundendo, docendoque, quam ea res ipsis patriæque salutaris esset, pervicit, ut præsidium Punicum (² quingenti autem Numidæ erant) Salapiaque tradere-

^a præbebat Gron. Crev.

^a Blasius Ead.

^o potuisset Ead.

⁹⁹ * *Integra spe, integro metu*] Spe et metu nulla ex parte delibatis, nullam in partem inclinatis.

¹ *Spei liberam*] Relinquere socios in eo statu, ubi fides eorum vel spem veniæ felicioris conditionis ab Romanis ostentatam libere sequi, vel ti-

more concuti posset.

² *Quingenti autem Numidæ erant*] Repositus est numerus ab Sigonio et Gronovio ex Val. Maximo, qui hanc eandem rem memorans l. III. c. 8. quingentos Numidas cum Salapia Marcello traditos esse memorat. Vul-

tur Marcello. Nec sine cæde multa tradi potuit. longe fortissimi equitum toto Punico exercitu erant. Itaque, quamquam improvisa res fuit, nec usus equorum in urbe erat, tamen, armis inter tumultum captis, et eruptionem tentaverunt, et, quum evadere nequirent, pugnantes ad ultimum obcubuerunt. nec plus quinquaginta ex his in potestatem hostium vivi venerunt. plusque aliquanto damni hæc ala equitum amissa Hannibali, quam Salapia, fuit: nec deinde unquam Pœnus (quo longe plurimum valuerat) equitatu superior fuit.

XXXIX. Per idem tempus, quum in arce Tarentina vix inopia tolerabilis esset, spem omnem præsidium, quod ibi erat, Romanum præfectusque præsidii atque arcis M. Livius in com meatibus ab Sicilia missis habebant. qui ut tuto præterveherentur oram Italiæ, classis viginti ferme navium Rhegii stabat. Præerat classi com meatibusque D. Quinctius, obscuro genere ortus, ceterum multis fortibus factis gloria militari inlustris. Primo quinque naves, quarum maximæ duæ triremes a Marcello ei traditæ erant, habuit: postea rem impigre sæpe gerenti tres additæ quinqueres: postremo ipse a sociis, Rheginisque, et a Velia, et a Pæsto, debitas ex fœdere exigendo, classem viginti navium, sicut ante dictum est, effecit. Huic ab Rhegio profectæ classi Democrates, cum pari classe navium Tarentinarum numero, quindecim millia ferme ab urbe ad Sacriportum obvius fuit. Velis tum forte, improvidus futuri certaminis, Romanus veniebat. sed circa Crotonem Sybarinque suppleverat remigio naves, instructamque et armatam egregie pro magnitudine navium classem habebat: et tum forte sub idem fere tempus et venti vis omnis cecidit, et hostes in conspectu fuere, ut ad componenda arma menta, expediendumque remigem ac militem ad imminens certamen satis temporis esset. Raro alias tantis animis justæ concurrerunt classes: quippe quum in majoris discrimen rei, quam ipsæ erant, pugnarent. Tarentini, ut, recuperata urbe ab Romanis post centesimum prope annum, arcem etiam liberarent;

U. C. 542.
A. C. 210.

In Tarentina
na arce
inopia.

D. Quinctius
dux
Rom. classis.

Prælium
Rom. et
Tarentinæ
classis.

go hi autem Numidæ erant. Nimirum numerus expressus fuerat nota 12.

3 Cum pari classe navium Tarentinarum numero] Cuius vel leviter attendenti patet vocem classe hic superfluum, atque etiam odiosum esse.

4 Satis temporis esset] Quia ventus subito cadens moræ hostibus fuit. Cui tamen hoc non satisfaciet, is legat, contrario plane sensu, ex vet lib. Sigonii, vir satis.

5* Justæ . . . classes] Classes eo navium numero constantes, ut vere ac merito classes dici possent. Nempe viginti naves non erant justa classis, sed aliquod classis instar.

6* Quum in majoris] Quum in illarum pugna ageretur de rebus majoris momenti, quam quanti ipsæ classes erant. Quæ sint autem illæ res, mox explicat Livius.

7 Post centesimum prope annum] Hic sexagesimus tertius annus agitur

U. C. 542. ⁸ spe⁸ commeatus quoque hostibus, si navali praelio posses-
 A. C. 210. sionem maris ademissent, interclusuros⁹: Romani, ut, re-
 tenta possessione arcis, ostenderent, non vi aut virtute, sed
 proditiōe ac furto, Tarentum amissum. Itaque ex utraque
 parte signo dato quum rostris concurrissent, neque retro
 navem inhiherent, nec dirimi ab se hostem paterentur,
⁹ quam quis indeptus navem erat, ferrea injecta manu; ita
 conserebant¹⁰ ex propinquo pugnam, ut non missilibus tan-
 tum, sed gladiis etiam prope conlato pede gereretur res.
 Proræ inter se junctæ hærebant, puppes ¹⁰ alieno remigio
 circumagebantur. ita in arto stipatæ erant naves, ut vix ul-
 lum telum in mari vanum intercideret. frontibus velut pe-
 destris acies urgebant, ¹¹ perviæque naves pugnantibus
 erant. Insignis tamen inter ceteras pugna fuit duarum, quæ
 primæ agminis concurrerant inter se. In Romana nave ip-
 se Quinctius erat, in Tarentina Nico, cui Perconi fuit cog-
 nomen, non publico modo, sed privato etiam odio invisus
 atque infestus Romanis: quod ejus factionis erat, quæ Ta-
 rentum Hannibali prodiderat. Hic Quinctium, simul pug-
 nantem hortantemque suos, incautum hasta transfigit. ille
 atque præceps cum armis procidit ante proram. victor Ta-
 rentinus, in turbatam duce amisso navem impigre transgres-
 sus, quum submovisset hostes, et prora jam Tarentinorum
 esset, puppim male conglobati tuerentur Romani; repente
 et alia a puppi triremis hostium adparuit. Ita in medio cir-
 cumventa Romana navis capitur. hinc ceteris terror injec-
 tus, ut prætoriam navem captam videre: fugientesque pas-
 sim, aliæ in alto mersæ, aliæ in terram remis abreptæ, mox
 prædæ fuere Thurinis Metapontinisque. ex onerariis, quæ
 cum commeatu sequebantur, perpaucae in potestatem hos-
 tium venere: aliæ, ad incertos ventos hinc atque illinc obli-
 qua transferentes vela, in altum evectæ sunt. Nequaquam

Quinctii et
Niconis cer-
tamen.

Cadit
Quinctius.

Capta præ-
toria victi
Romani.

⁸ *specem* Crev.

⁹ *interclusuri* Ead.

¹⁰ *conferebant* Gron.

ab eo, quo captum est Tarentum, L. Papirio, Sp. Carvilio, utroque ite-
 rum Coss. quem nos numeramus ab
 u. c. 480.

8 *Specem commeatus quoque hostibus*
 .. *interclusuri*] Hæc est veterum edi-
 torum lectio, cujus sensus optimus
 nobis videtur. *Specem quoque* est *specem*
ipsam: non commeatum modo, sed
 et ipsam specem commeatus. Grono-
 vius, quia reperit in aliquot MSS. *in-*
terclusuros, legi jussit: *spe commeatus*
quoque hostibus .. *interclusuros*. *Spe*,
 id est, spe concepta. Sed tunc parti-
 cula *quoque* supervacanea est. Nobis
 igitur antiquorum editorum, quibus

accedit Victor. codex, potior fides fu-
 it.

9 *Quam quis indeptus navem erat,*
ferrea injecta manu] Ante posterius
 membrum supple in eam navem. Sic
 infra, l. XXVII. c. 42. *crebris ignibus*
tabernaculisque in ea parte castrorum,
quæ pars castrorum ad hostes verge-
bat .. *relictis*.

10 *Alieno remigio*] Aliorum navigio-
 rum, puppi pugnantis navis alligato-
 rum, remigio.

11 ^{*} *Perviæ* .. *naves pugnantibus*
erant] Erat facilis pugnantibus trans-
 itus ex una nave in aliam.

pari fortuna per eos dies Tarenti res gesta. nam ad quatuor U. C. 549.
millia hominum frumentatum egressa, quum in agris passim A. C. 210.
vagarentur; Livius, qui arcis praesidioque Romano praerat,
intentus in omnes occasiones gerendae rei, C. Persium, impi-
grum virum, cum duobus millibus armatorum ex arce emi-
sit. qui, vagæ effusos per agros palatosque adortus, quum
diu passim cecidisset, paucos ex multis, trepida fuga inci-
dentes ¹² semiapertis portarum foribus, in urbem compulit,
ne urbs eodem impetu caperetur. Ita æquatæ res ad Taren-
tum; Romanis victoribus terra, Tarentinis mari. frumenti
spes, quæ in oculis fuerat, utrosque frustrata pariter.

XL. Per idem tempus Lævinus consul, jam magna parte
anni circumacta, ¹³ in Siciliam, veteribus novisque sociis Res in Sici-
lia gestæ.
expectatus, quum venisset, primum ac potissimum omnium
ratus, Syracusis nova pacē inconditas componere res. Agri-
gentum inde (quod belli reliquum erat, tenebaturque a Kar-
thaginensium valido praesidio) duxit legiones. et adfuit
fortuna incepto. Hanno erat imperator Karthaginensium,
sed ¹⁴ omnem in Mutine Numidisque spem repositam habe-
bant. Per totam Siciliam vagus praedas agebat ex sociis
Romanorum: neque intercludi ab Agrigento vi aut arte ul-
la, nec, quin erumperet, ubi vellet, prohiberi poterat. Hæc
ejus gloria, quia jam imperatoris quoque famæ obficiebat,
postremo in invidiam vertit; ut ne bene gestæ quidem res jam
Hannoni propter auctorem satis lætæ essent. propter quæ
postremo praefecturam ejus filio suo dedit, ratus, ¹⁵ cum im-
perio auctoritatem quoque ei inter Numidas erepturum.
quod longe aliter evenit. Nam veterem favorem ejus sua
insuper invidia auxit. neque ille indignitatem injuriæ tulit,
confestimque ad Lævinum occultos nuncios misit de traden- Agrigen-
tum Rom.
traditum.
do Agrigento. Per quos ut est facta fides, compositusque
rei gerendæ modus, portam ad mare ferentem Numidæ
quum occupassent, pulsus inde custodibus, aut cæsis, ¹⁶ Ro-

• *Sicilia Gron.*

¹² *Semiapertis portarum foribus, in urbem compulit, ne urbs eodem impetu caperetur]* Hæc collocatio non videtur a Livio esse. Itaque legit Tan. Faber, *semiapertis, ne urbs eodem impetu caperetur, portarum foribus, in urbem compulit*: eodem plane ordine, quo infra, c. 46. *cadendo confractis, ne iter impediretur, foribus.* * Fores portarum urbis semiapertæ tantum erant, non plane patentes, ne urbs eodem impetu caperetur.

¹³ *In Siciliam]* In Gronovianis editionibus mendose legitur in *Sicilia*. Correximus ex vetustioribus, et libris

VOL. II.

MSS.

¹⁴ *Omnem in Mutine . . . spem repositam habebant]* Nempe Carthaginenses. Nam ipsum Hannonem Mutines invidia urebat, ut apparet ex iis quæ sequuntur. Hanc Gronovii emendationem firmat unus e Colb. MSS. teste Dujatio, et instar omnium Put. Vulgo habebat.

¹⁵ * *Cum imperio auctoritatem quoque]* De harum vocum discrimine vid. not. 49. ad l. 7.

¹⁶ *Romanos ad idipsum missos]* Quatuor vel optimi scripti a Jac. Gronovio allegati, quatuor nostri habent

A 2

U. C. 549.
A. C. 210.

Sicilia de-
serta a
Pœnis.

manos ad id ipsum missos in urbem acceperunt. Et quum agmine jam in media urbis ac forum magno tumultu iretur, ratus Hanno non aliud, quam tumultum ac secessionem (id quod et ante acciderat) Numidarum esse, ad comprimendam seditionem processit. atque ille, quum ei multitudo major, quam Numidarum, procul visa, et clamor Romanus haudquaquam ignotus ad aures accidisset, prius, quam ad ictum teli veniret, capessit fugam. per aversam portam emissus, adsumto comite Epicyde, cum paucis ad mare pervenit: nactique opportune parvum navigium, relicta hostibus Sicilia, de qua per tot annos certatum erat, in Africam traecerunt. alia multitudo Pœnorum Siculorumque, ne tentato quidem certamine, quum cæci in fugam ruerent, clausique exitus essent, circa portas cæsa. Oppido recepto Lævinus, qui capita rerum Agrigenti erant, virgis cæsos securi percussit: ceteros prædamque vendidit. omnem pecuniam Romanam misit. Fama Agrigentinorum cladis Siciliam quum pervasisset, omnia repente ad Romanos inclinaverunt. Pro dita brevi sunt viginti oppida: sex vi capta: voluntaria deditione in fidem venerunt ad quadraginta. quarum civitatum principibus quum pro cujusque merito consul pretia pœnasque exsolvisset, coëgissetque Siculos, positis tandem armis, ad agrum colendum animos convertere, ut esset non incolarum modo alimentis frugifera insula, sed urbis Romæ atque Italiæ (id quod multis sæpe tempestatibus fecerat) annonam levaret; ab Agathyrna inconditam multitudinem secum in Italiam transvexit. quatuor millia hominum erant, mixti ex omni conluvione exsules, obærat, capitalia ausi plerique; et quum in civitatibus suis ac sub legibus vixerant, et postquam eos ex variis caussis fortuna similis conglobaverat Agathyrnam, per latrocinia ac rapinam tolerantes vitam. hos neque relinquere Lævinus ¹⁷ in insula, tum primum nova pace coalescente, velut materiam novandis rebus, satis tutum ratus est: et Rheginis usui futuri erant ad populandum Bruttium agrum, adsuetam latrociniiis quærentibus manum. Et, quod ad Siciliam adtinet, eo anno debellatum est.

Hispaniæ
res.

XLI. In Hispania principio veris P. Scipio, ¹⁸ navibus deductis, evocatisque edicto Tarraconem sociorum auxiliis,

ad ipsum. Et consimilia exempla non pauca attulere idem Jac. Gronovius in nota ad l. XXI. c. 55. et Gronovius pater ad l. V. c. 43. ita ut quæri possit, an non interdum veteres Latini usurpaverint *ipse* pro *is ipse*.

17.* *In insula, tum primum nova pace coalescente]* In insula, quæ tum

primum ex bellorum dissidiis in consensionem animorum nova pace reduci inciperet.

18.* *Navibus deductis]* In mare. *Deducere* et *subducere* opponuntur. *Deducuntur* naves in mare, *subducuntur* in siccum.

classem onerariasque ostium inde Iberi fluminis petere ju- U. C. 543.
bet. Eodem legiones ex hibernis convenire quum jussisset : A. C. 210.
ipse cum quinque millibus sociorum ab Tarracone profectus
ad exercitum est. Quo quum venisset, adloquendos maxime
veteres milites, qui tantis superfuerant cladibus, ratus, con-
cione advocata, ita disseruit : *Nemo ante me novus imperator* Scipionis
militibus suis prius, quam opera eorum usus esset, gratias age- oratio ad
re jure ac merito potuit. Me vobis prius, quam provinciam milites.
aut castra viderem, obligavit fortuna : primum, quod ea pieta-
te erga patrem patruumque meum vivos mortuosque fuistis : de-
inde, quod amissam tanta clade provinciæ possessionem, inte-
gram, et populo Romano et successori mihi, virtute vestra obti-
nuistis. Sed quum jam benignitate Deum id paremus atque
agamus, non ut ipsi maneamus in Hispania, sed ne Pæni ma-
neant, nec ut pro ripa Iberi stantes ¹⁹ *arceamus transitu hostes*¹,
sed ut ultro transeamus, transferamusque bellum ; vereor, ne
cui vestrum majus id audaciusque consilium, quam aut pro me-
moria cladum nuper acceptarum, aut pro ætate mea, videat-
tur. Adversæ pugnae in Hispania nullius in animo, quam meo,
minus obliterari possunt. Quippe cui pater et patruus intra
triginta dierum spatium, ut aliud super aliud cumularetur fa-
miliæ nostræ funus, interfecti sunt. Sed ut familiaris pene
orbitas ac solitudo frangit animum ; ita publica quum fortuna
tum virtus desperare de summa rerum prohibet. Ea fato quo-
dam data nobis sors est, ut magnis omnibus bellis victi viceri-
mus. Vetera omitto, Porsenam, Gallos, Samnites : a Punicis
bellis incipiam. Quot classes, quot duces, quot exercitus priore
bello amissi sunt ? ²⁰ *Jam quid hoc* ²¹ *bello memorem ? Omnibus*
aut ipse adfui cladibus : aut, quibus afui, maxime unus omnium
eas sensi. Trebia, Trasimenus, Cannæ, quid aliud sunt, quam
monumenta occisorum exercituum consulumque Romanorum ?
Adde defectionem Italiæ, Siciliæ majoris partis, Sardinia.
Adde ultimum terrorem ac pavorem, castra Punica inter Ani-
enem et mœnia Romana posita, et visum prope in portis victo-
rem Hannibalem. In hac ruina rerum stetit una integra at-
que immobilis virtus populi Romani. Hæc omnia strata humi

¹ *transitum hostis* Gron.

²⁰ *add. de Ead.*

¹⁹ *Arceamus transitu hostes*] In hanc lectionem consentiunt duo vel fidissima Livii exemplaria, Put. et Cantabrigiense, quibus accedit Tellerianus codex. Itaque eam admittere non dubitavimus, rejecta illa multo minus eleganti scriptura quæ editos vulgo occupavit, *arceamus transitum hostis*.

²⁰ *Jam quid hoc bello memorem*] Supple, exercitus amissos. Male Si-

gonius inseruerat particulam *de*.

²¹ *Siciliæ majoris partis*] Nimirum, qua regnum Hieronis fuit. Nam vetus provincia semper Romanis in fide mansit. Ideo Sigonii monitu jungimus *majoris partis* cum nomine *Siciliæ*, non, ut vulgati, cum nomine *Sardinia*, in qua nulla talis divisio occurrit, qualem modo observavimus in Sicilia.

U. C. 542. *erexit ac sustulit. Vos omnium primi, milites, post Cannensem cladem, vadenti Hasdrubali ad Alpes Italiamque, qui si secum fratre conjunxisset, nullum jam nomen esset populi Romani, ductu auspicioque patris mei obstitistis.*²² *et hæ secundæ res illas adversas sustinuerunt. Nunc, benignitate Deum, omnia secundæ, prospera, in dies latiora ac meliora in Italia Siciliaque geruntur. In Sicilia Syracusæ, Agrigentum.* captum, pulsî tota insula hostes, receptaque provincia in ditione populi Romani est. In Italia Arpi recepti, Capua capta. Iter omne ab urbe Roma trepida fuga emensus Hannibal, in extremum angulum agri Bruttii compulsus, nihil jam majus precatur Deos, quam incolumi cedere atque abire ex hostium terra liceat. Quid igitur minus conveniat, milites, quam, quum aliæ super alias clades cumlarentur, ac Dii prope ipsi cum Hannibale starent, vos hic*²³ *cum parentibus meis (æquentur enim etiam honore nominis) sustinuisse labantem fortunam populi Romani; nunc eosdem, quia illic omnia secundæ lætaque sunt, animis deficere? Nuper quoque quæ acciderunt,*²⁴ *utinam tam sine meo luctu, quam vestro, transissent! Nunc Dii immortales imperii Romani præsidēs, qui*²⁵ *centuriis omnibus, ut mihi imperium juberent dari, fuere auctores, iidem auguriis auspiciisque, et per nocturnos etiam visus omnia læta ac prospera portendunt. Animus quoque meus, maximus mihi ad hoc tempus vates, præagit, nostram Hispaniam esse: brevi extorre hinc omne Punicum nomen, maria terrasque fœda fuga impleturum. Quod mens sua sponte divinat, idem subjicit ratio haud fallax. Vexati ab iis socii nostram fidem per legatos inplorant.*²⁶ *tres duces discrepantes, prope ut defecerint alii ab aliis, trifariam exercitum in*

* Agrigentumque Gron. Crev.

22* *Et hæ secundæ res illas adversas sustinuerunt]* Et harum in quibus sumus regionum res secundæ sustinuerunt adversas in Italia res, vetuerunt ne adversis in Italia rebus Roma succumberet.

23 *Cum parentibus meis, æquentur enim etiam honore nominis]* Cum patre et patruo meo, quos ambo appella- bo parentes, ut, qui virtute, fortuna, vita, morte pares fuerunt, ii etiam ejusdem nominis honore a me æquentur.

24 *Utinam tam sine meo luctu, quam vestro]* Non ea mens est Scipionis, ut contendat legiones suas omnino luctus exsortes fuisse. Sed quum victæ ab hostibus primo, eos deinde pepulerint, nec sentire fructum secundarum rerum passæ sint, ipse præcipuam sibi luctus partem vindicat, qui jacturam ejusmodi fecerat,

quæ nullo modo aut reparata esset, aut etiam reparabilis. Vult igitur elevare, quod ad milites attinet, cladem in Hispania acceptam. Utinam, inquit, ipsa illa clades non mihi magis, quam vobis, luctuosa fuisset! Cladis illius sensus ad me magis pertinet, qui in ea patrem patruumque amisi; quam ad vos, qui quod amiseratis primo, resarcistis.

25 *Centuriis]* Vid. not. 85. ad c. 18. supra.

26 *Tres duces discrepantes, prope ut defecerint alii ab aliis]* Quod Livius observare suo loco neglexit, Polybius sedulo notaverat. Carthaginensium, duces, inquit, qui hostibus superiores fuerant, sui ipsorum compotes esse non poterant: et rati se Romano bello defunctos esse, ipsi inter se hostiliter dissidebant. Lib. IX. in Excerpt. de Virt. et Vitiis.

diversissimas regiones distraxere. Eadem in illos ingruit fortuna, quæ nuper nos adflixit. nam et deseruntur ab sociis, ut prius ab Celtiberis nos: et diduxerunt exercitus; quæ patri patruoque meo causa exitii fuit. Nec discordia intestina coire eos in unum sinet, neque singuli nobis resistere poterunt. Vos modo, milites, favete nomini Scipionum, soboli imperatorum vestrorum, velut adcisæ recrescenti stirpibus. Agite, milites veteres, novam exercitum novumque ducem traducite Iberam; traducite in terras cum multis fortibus factis sæpe a vobis peragratis. Brevi faciam, ut, quemadmodum nunc noscitis in me patris patruique similitudinem oris vultusque, et lineamenta corporis; ita ingenii, filii, virtutisque exemplum expressam ad effigiem vobis reddam, ut revixisse, aut renatum sibi quisque Scipionem imperatorem dicat.

XLII. Hac oratione accensis militum animis, relicto ad præsidium regionis ejus M. Silano, cum tribus millibus peditum et trecentis equitibus, ceteras omnes copias (erant autem viginti quinque millia peditum, duo millia et quingenti equites) Iberum trajecit. Ibi quibusdam suadentibus, ut, quoniam in tres tam diversas regiones discessissent Punici exercitus, proximum adgrederetur, periculum esse ratus, ne eo facto in unum omnes contraheret, nec par esset unus tot exercitibus, Karthaginem Novam interim obpugnare statuit; urbem quam ipsam opulentam suis opibus, tum hostium omni bellico adparatu plenam; (ibi arma, ibi pecunia, ibi totius Hispaniæ obsides erant) sitam præterea quam opportune ad trajiciendum in Africam, tum super portum satis amplum quantævis classi, et nescio an tunc in Hispaniæ ora, quæ nostro adjacet mari. Nemo omnium, quo iretur, sciebat, præter C. Lælium. Is, classe circummissus, ita moderari cursum navium jussus erat, ut eodem tempore exercitus ostenderetur, et classis portum intraret. Septimo die ab Ibero Karthaginem ventum est simul terra marique. castra ab regione urbis, qua in septentrionem versa est, posita: ²⁷ his ab tergo (nam frons natura tuta erat) vallum objectum. Ceterum sita Karthago sic est. Sinus est maris media fere Hispaniæ ora, maxime Africo vento obpositus, et ²⁸ quingentos passus introrsus retractus, paullulo plus passuum in latitudinem patens: hujus in ostio sinus parva insula objecta

²⁷ *His ab tergo (nam frons)* Hunc locum, in scriptis corruptum, variis conjecturis sollicitant ambo Gronovii. Vulgata lectio, quæ ab Rhenano est, videtur retinenda. Hic scripti plerique nos deficiunt, nec ii vulgaris notæ, sed vel optimi, et ipse Puteanæus. In illis enim, ab his verbis c. 41. utinam tam sine meo luctu quam, transi-

litur statim ad initium c. 44. *terra marique instrui oppugnationem*, omnis mediis.

²⁸ *Quingentos passus* Ex Polybio, l. X. legendum est, *ad bis mille et quingentos passus*: ipse enim *ad viginti stadia* habet. Sed et ex eodem mox lege *paullulo plus mille et ducentorum passuum*.

U. C. 542. ab alto portum ab omnibus ventis, præterquam Africo, tum-
 A. C. 210. tum facit. ab intimo sinu peninsula excurrit, tumulus is ipse,
 in quo condita urbs est, ab ortu solis et a meridie cincta
 mari: ab occasu stagnum claudit, paullum et ad septentrio-
 nem fusum; incertæ altitudinis, ²⁹ utcumque exæstuat aut
 deficit mare. Continenti urbem jugum ducentos fere et
 quinquaginta passus patens conjungit. unde quum tam parvi
 operis munitio esset, non objecit vallum imperator Roma-
 nus: seu fiduciam hosti superbe ostentans, sive ut subeunti
 sæpe ad mœnia urbis recursus pateret.

Cohortatur
 milites Sci-
 pio.

XLIII. Cetera, quæ munienda erant, quum perfecisset,
 naves etiam in portu, velut maritimam quoque ostentans
 obsidionem, instruxit: circumvectusque classem, quum mo-
 nuisset præfectos navium, ut vigilias nocturnas intenti ser-
 varent, omnia ubique primo obsessum hostem conari: re-
 gressus in castra, ut consilii sui rationem, quod ab urbe po-
 tissimum obpugnanda bellum orsus esset, militibus ostende-
 ret, et spem potiundæ cohortando faceret, concione advo-
 cata ita disseruit: *Ad urbem unam obpugnandum si quis vos
 adductos credit, is magis operis vestri, quam emolumentum ³⁰ ra-
 tionem exactam, milites, habet. Obpugnabitis enim vere mœnia
 unius urbis, sed in una urbe universam ceperitis Hispaniam.
 Hic sunt obsides omnium nobilium regum populorumque: qui,
 simul in potestate vestra erunt, extemplo omnia, quæ nunc sub
 Karthaginiensibus sunt, in ditionem tradent. Hic pecunia om-
 nis hostium, sine qua neque illi gerere bellum possunt, quippe
 qui mercenarios exercitus alant; et quæ nobis maximo usui ad
 conciliandos animos barbarorum erit. Hic tormenta, arma,
 armamenta, et omnis adparatus belli est, qui simul et vos in-
 struet, et hostes nudabit. Potiemur præterea quum pulcherrima
 opulentissimaque urbe, tum opportunissima portu egregio, unde
 terra marique, quæ belli usus poscunt, suppeditentur. quæ quum
 magna ipsi habebimus, tum demserimus hostibus multo majora.
 Hæc illis arx, hoc horreum, ærarium, armamentarium, hoc om-
 nium rerum receptaculum est. Hinc rectus in Africam cursus
 est: hæc una inter Pyrenæum et Gades statio: ³¹ hinc omni
 Hispaniæ imminet Africa. Sed, quoniam vos instructos et or-
 dinatos cognosco, ad Karthaginem novam obpugnandam totis
 viribus et bono animo transeamus. Quumque omnes una voce,*

²⁹ alunt Gron. Crev.

²⁹ [Utcunque] Utcunque idem valet
 ac quomodocunque, vel quotiescunque:
 at non sumitur eodem sensu, quo
 prout. Ideo Jac. Gronovius suspica-
 tur legendum, utque exæstuat aut de-
 ficit mare.

³⁰ * Rationem exactam ... habet]
 Rationem exegit, calculos subduxit.

³¹ Hinc omni Hispaniæ imminet
 Africa] Elegans et audax loquendi fi-
 gura, quam sic fere exponit Grono-
 vius. Hinc, tanquam ex arce qua-
 dam, imminet Africa, id est Pœnus,
 toti Hispaniæ, cui jugum partim iui-
 posuit, partim minatur.

hoc faciendum, subclamarent, eos Karthaginem duxit. tum U. C. 542.
terra marique eam obpugnari jubet. A. C. 810.

XLIV. Contra Mago Pœnorum dux, quum terra mari-
que instrui obpugnationem videret, et ipse copias ita dispo-
nit. Oppidanorum duo millia ab ea parte, qua castra Ro-
mana erant, obponit: quingentis militibus arcem insedit:
quingentos tumulo urbis in orientem verso inponit: multi-
tudinem aliam, quo clamor, quo subita vocasset res, inten- *Erumpunt*
tam ad omnia obcurrere jubet. Patefacta deinde porta, eos, *Pœni.*
quos in via ferente ad castra hostium instruxerat, mittit.
Romani, duce ipso præcipiente, parumper cessere, ut propi-
ores subsidiis in certamine ipso submittendis essent. Et
primo haud impari² stetero acie: subsidia deinde, idemtidem
submissa e castris, non averterunt solum in fugam hostes, *Avertuntur*
sed adeo effusis institerunt, ut, nisi receptui cecinisset, per- *in fugam.*
mixti fugientibus inrupturi fuisse in urbem viderentur. Tre-
pidatio vero non in proelio major, quam tota urbe fuit. mul-
tæ stationes³² pavore atque fuga desertæ sunt, relictique
muri; quum, qua cuique erat proximum, desiluissent.
³³ Quod ubi egressus Scipio in tumultum, quem Mercurii vo-
cant, animadvertit, multis partibus nudata defensoribus
mœnia esse; omnes e castris excitos ire ad obpugnandam
urbem, et ferre scalas jubet. ipse, trium præ se juvenum va- *Scipio ad*
lidorum scutis obpositis, (ingens enim jam vis omnis gene- *urbem suc-*
ris telorum e muris volabat) ad urbem succedit, hortatur, *cedit.*
imperat, quæ in rem sunt: quodque plurimum ad accenden-
dos militum animos intererat, testis spectatorque virtutis
atque ignaviæ cujusque adest. Itaque in vulnera ac tela
ruunt; neque illos muri, neque superstantes armati arcere
queunt, quin certatim adscendant. Et ab navibus eodem
tempore ea, quæ mari adluitur, pars urbis obpugnari cœpta
est. Ceterum tumultus inde major, quam vis, adhiberi pot-
erat. dum adplicant,³⁴ dum partim exponunt scalas milites-
que, dum, qua cuique proximum est, in terram evadere pro-
perant, ipsa festinatione et³⁵ certamine alii alios inpediunt.

XLV. Inter hæc repleverat jam Pœnus armatis muros, et

² *imparis Gron.*

32 *Pavore atque fuga desertæ sunt*] Put. codex *atque oga*. Inde hanc nostram lectionem formavit Gronovius. Vulgati *atque loca deserta sunt*.

33 *Quod ubi egressus Scipio*] Totum hoc orationis membrum refinxit partim ex scriptis, partim ex conjectura Salmasius. Antea: *quod ubi versus Scipio in tumultum, quem Mercurium Teutatem appellant, advertit.*

34 *Dum partim exponunt scalas*] Hic nullum locum habet vox *partim*.

Legere possimus, inverso duarum litterarum ordine, *raptim*. Omnia hic festinationis plena: unde et in iis quæ sequuntur, *in terram evadere properant*. Sic et infra, l. XXIX. c. 28. ubi vulgati recte exhibent, *portæque raptim clausæ*, testatur Gronovius legi in tribus MSS. *partim*.

35^{*} *Certamine*] Dum certant inter se, quis majus studium majoremque celeritatem adhibeat.

U. C. 549. vis magna,³⁶ ex ingenti copia congesta, telorum suppeditabat. Sed
 A. C. 210. neque viri, nec tela, nec quidquam aliud æque, quam mœnia
 ipsa³⁷ sese, defendebant^a. raræ enim scalæ altitudini æquari
 poterant: et, quo quæque altiores, eo infirmiores erant. Itaque,
 quum summus quisque evadere non posset, subirent tamen alii,
 onere ipso frangebantur. quidam, stantibus scalis, quum altitudo
 caliginem oculis obfudisset, ad terram delati sunt. Et quum
 passim homines scalæque ruerent, et ipso successu audacia atque
 alacritas hostium cresceret, signum receptui datum est; quod
 spem non præsentis modo ab tanto certamine ac labore quietis
 obsessis, sed etiam in posterum dedit, scalis et coronâ capi urbem
 non posse. opera et difficilia esse, et tempus datura, ad ferendam
 opem, imperatoribus suis. Vix prior tumultus conticuerat, quum
 Scipio ab defessis jam vulneratisque recentes integrosque alios
 accipere scalas jubet, et vi majore adgredi urbem. Ipse, ut ei
 nunciatum est, æstum decedere, quod per piscatores Tarraco-
 nenses, nunc levibus cymbis, nunc, ubi eæ siderent, vadis per-
 vagatos stagnum, compertum habebat, facilem pedibus ad mu-
 rum transitum dari,³⁸ eo secum armatos duxit. Medium ferme
 diei erat: et ad id, quod sua sponte cedente in mare æstu trahe-
 batur aqua, acer etiam Septentrio ortus inclinatum stagnum eo-
 dem, quo æstus, ferebat, et adeo nudaverat vada, ut alibi umbi-
 lico tenus aqua esset, alibi genua vix superaret. Hoc, cura ac
 ratione compertum, in prodigium ac Deos vertens Scipio, qui
 ad transitum Romanis mare verterent,³⁹ et stagno auferrent, vi-
 asque ante numquam initas humano vestigio aperirent, Neptu-
 num jubebat ducem itineris sequi, ac medio stagno evadere ad
 mœnia.

Scale frus-
tra sumota.

Per vada
urbem Sci-
pio ingredi-
tar.

XLVI. Ab terra ingens labor succedentibus erat: nec altitu-
 dinē tantum mœnium impediabantur,⁴⁰ sed quod euntes ad an-
 cipites utrimque ictus subjectos habebant Romanos; ut latera
 infestiora subeuntibus, quam adversa corpora, essent. At parte in

^a defendebant Gron. Crev.

³⁶ *Ex ingenti copia*] Sic plane fi-
 dissimuse regiis. Itaque plena huic e-
 mendationi Gronovianæ auctoritas con-
 stat. Editi habebant *et ingens copia*.

³⁷ *Sese defendebant*] Haud scimus
 quis huc invexerit istuc verbi. Sed
 Put. et Viet. codices præferunt *sese*
defendebant.

³⁸ *Eo secum armatos duxit*] Vocem
secum adjecit Gronovius, quum in op-
 timo codice reperiret *seu*. Non ta-
 men videtur integram huic loco sani-
 tatem restituisse. Deest profecto nu-
 merus eorum quos Scipio *secum ar-*
matos duxit. Hic autem numerus
 notatur infra, c. seq. *Parte in alia*
quingentis... per stagnum facilis trans-

itus... fuit: quo loco quum solo nu-
 mero illi milites designentur, perspi-
 cuum est eum supra expressum fuisse.
 Legamus hic ergo, Polybio etiam
 auctore: *Eo D sive quingentos secum*
armatos duxit.

³⁹ *Et stagno auferrent*] Hæc est
 Put. codicis scriptura: quæ quidem
 majorem habet emphasin, adeoque
 hic aptior visa est, quam illa quæ pla-
 cuit Gronovio, *et stagno auferrent*.

⁴⁰ *Sed quod euntes*] Forsan men-
 dum latet in voce *euntes*. Potest ta-
 men hoc modo intelligi: *sed quod*
mœnia euntes sive succedentes *Roma-*
nos subjectos habebant ad ancipites
utrimque ictus.

alia quingentis et per stagnum facilis transitus, et in murum ad- U. C. 542.
scensus inde fuit. nam neque opere emunitus erat, ut ubi ipsius A. C. 210.
loci ac stagni præsidio satis creditum foret; nec ulla armatorum
statio aut custodia obposita, intentis omnibus ad opem eo feren-
dam, unde periculum ostendebatur. Ubi urbem sine certamine
intravere, pergunt inde, quanto maximo cursu poterant, ad eam
portam, circa quam omne contractum certamen erat. in quod
adeo intenti omnium non animi solum fuere, sed etiam oculi
auresque pugnantium spectantiumque et adhortantium pugnan-
tes, ut nemo ante ab tergo senserit captam urbem, quam tela in
aversos inciderunt, et utrimque ancipitem hostem habebant.
tunc, turbatis defensoribus metu, et moenia capta, et porta in- Urbs capta.
tus forisque pariter refringi coepta: et mox ⁴¹ cædendo confrac-
tis, ne iter impediretur, foribus, armati inpetum fecerunt. Mag-
na multitudo et muros transcendebat, sed hi passim ad cædem
oppidanorum versi. illa, quæ portam ingressa erat, iuxta acies,
cum ducibus, cum ordinibus, media urbe in forum processit.
Inde quum duobus itineribus ⁴² fugientes videret hostes, alios ad
tumulum in orientem versum, qui tenebatur quingentorum mi-
litum præsidio, alios in arcem, in quam et ipse Mago cum om-
nibus fere armatis, qui muris pulsi fuerant, refugerat ⁴³; partim
copiarum ad tumulum expugnandum mittit, partim ipse ad ar-
cem ducit. et tumulus primo inpetu est captus, et Mago, arcem
conatus defendere, quum omnia hostium plena videret, neque
spem ullam esse, se arcemque et præsidium dedit. ⁴³ Quoad
dedita arx est, cædes^o tota urbe passim facta; nec ulli pube-
rum, qui obviis fuit, parcebatur. tum, signo dato, cædibus finis
factus. ad prædam victores versi, quæ ingens omnis generis Præda in-
fuit. gena.

XLVII. ⁴¹ Liberorum capitum virile secus ad decem millia Captivi.
capta. inde, qui cives Novæ Karthaginis erant, dimisit: urbem-

⁴¹ refugerant Quon.

⁴² et cædes Ead.

⁴¹ Cædendo confractis] Optimi
MSS. habent: cædendo confectis ac
distractis.

⁴² Fugientes videret hostes] Nempe
Scipio. Hoc non ideo nupemus,
quod quidquam possit esse dubii, sed
ut observemus toto hoc capite nus-
quam Scipionis mentionem factam.
Unde necesse fuisset hic nomen ejus
exprimi, nisi styli calor Livium abs-
tulisset,

⁴³ Quoad dedita arx est, cædes]
Vulgo et cædes. Delevimus incom-
modam particulam, quam ignorant
omnes nostri codices, et duo Hearnio
inspecti, Andreas et Campanus,

⁴⁴ Liberorum capitum virile secus]
Sic edendum curavit Gronovius, quum
prius legeretur virilis sexus; et hanc

lectionem, quam unus MS. præfert,
duo alii suadere videntur, multis ex-
emplis firmat. Idemque observat
hanc esse proprietatem hujus locutio-
nis virile aut muliebre secus, ut nus-
quam fere ponatur, nisi pro eo quod
dicimus vulgo virilis aut muliebris
sexus; in accusandi nimirum casu,
quem regat intellecta præpositio *secus*,
vel *secundum*. Sic apud Sallust. Hist.
l. II. concurrentium undique virile ac
muliebre secus. Forsitan hæc loquen-
di forma restituenda foret supra c. 34.
ubi vulgo habetur præter puberes viri-
lis sexus, legendumque præter puberes
virile secus. Etenim eo loco Rut. et
proximus ei bonitate codex præferunt
viriles.

U. C. 542. que et sua omnia, quæ reliqua eis bellum fecerat, restituit. Opi-
 A. C. 210. fices ad duo millia hominum erant, eos publicos fore populi Ro-
 mani edixit, cum spe propinqua libertatis, si ad ministeria belli
 enise operam navassent. Ceteram multitudinem ⁴⁵ incolarum
 juvenum, ac validorum servorum, in classem ad supplementum
 remigum dedit. et auxerat navibus octo captivis classem. Extra
 hanc multitudinem Hispanorum obsides erant: quorum perinde,
 Adparatus ac si sociorum liberi essent, cura habita. Captus et adparatus
 belli captus. ingens belli; catapultæ maximæ formæ centum viginti, mino-
 res ducentæ octoginta et una: ballistæ majores viginti tres, mi-
 nores quinquaginta duæ: ⁴⁶ scorpionum majorum minorumque,
 et armorum telorumque, ingens numerus: signa militaria sep-
 tuaginta quatuor. Et auri argentique relata ad imperatorem
 Aurum et magna vis: pateræ aureæ fuerunt ducentæ septuaginta sex, li-
 argentum. bras ferme omnes pondo: ⁴⁷ argenti facti signatique decem et
 octo millia et trecenta pondo: vasorum argenteorum magnus
 numerus. Hæc omnia C. Flaminio quæstori adpensa adnume-
 rataque sunt. ⁴⁸ tritici quadraginta millia modium, hordei ducenta
 septuaginta. Naves onerariæ sexaginta tres ⁴ in portu expug-
 natæ captæque: quædam cum suis oneribus, frumento, armis,
 ære præterea, ferroque, et linteis, et ⁴⁹ sparto, et navali alia ma-
 teria ad classem ædificandam: ut minimum omnium, inter tan-
 tas opes belli captas, Karthago ipsa fuerit.

XLVIII. Eo die Scipio, C. Lælio cum sociis navalibus ur-
 bem custodire jusso, ipse in castra legiones reduxit: fessosque
 milites omnibus uno die belli operibus (quippe qui et acie di-
 micassent, et capienda urbe tantum laboris periculique adissent,
 et capta, cum iis, qui in arcem confugerant, iniquo etiam loco
 pugnassent) curare corpora jussit. Postero die, militibus nava-
 libusque sociis convocatis, primum Diis immortalibus laudesque
 et grates egit, qui se non urbis solum opulentissimæ omnium
 in Hispania uno die compotem fecissent, sed ante eo conguessis-
 sent omnis pene Africæ atque Hispaniæ opes: ut neque hosti-
 bus quidquam relinqueretur, et sibi ac suis omnia superessent.
 Scipio gra- Militum deinde virtutem conlaudavit, quod eos non eruptio hos-
 tium, non altitudo mœnium, non inexplorata stagni vada, non
 castellum in alto tumulto situm, non munitissima arx deterruis-
 set, quo minus transcenderent omnia perrumperentque. Itaque,
 Conlaudat milites.

⁴ sexaginta tres l. CXIII. Gron. Crev.

⁴⁵ * *Incolarum*] Qui Carthagine ha-
 bitarent, nec tamen cives essent.

⁴⁶ *Scorpionum*] Vid. not. 79. ad. l.
 XXIV. c. 34.

⁴⁷ *Argenti facti signatique decem et
 octo millia et CCC. pondo*] Argenti tum
 elaborati in vasa, tum signati in mo-
 netam, 12300. libræ Romanæ pondo:
 id est, ponderis nostratis marcæ
 28593. cum sex unciiis.

⁴⁸ *Tritici quadraginta millia mo-
 dium*] Modii nostrates paulo plus
 30833. *Hordei ducenta septuaginta
 millia*, 208125.

⁴⁹ *Sparto*] Spartum est herbæ
 sponte nascentis præsertim in Hispa-
 nia genus, quæ ad vincula ac retina-
 cula compingenda utilis est. Vid.
 Plin. l. XIX. c. 2.

quamquam omnibus omnia deberet, præcipuum * ⁵⁰ muralis co- U. C. 549.
ronæ decus ejus esse, qui primus murum adscendisset. profite- A. C. 210.
retur, qui se dignum eo duceret dono. Duo professi sunt: Q.
Trebellius centurio legionis quartæ, et Sex. Digitius ⁵¹ socius Certamen
navalis. nec ipsi tam inter se acriter contendebant, quam studia de murali
excitaverant uterque sui corporis hominum. Sociis C. Lælius corona.
præfectus classis; legionariis M. Sempronius Tuditanus aderat.
Ea contentio quum prope seditionem veniret, Scipio tres ⁵² re-
cuperatores quum se daturum pronunciasset, qui, cognita causa
testibusque auditis, judicarent, uter prior in oppidum transcen-
disset; C. Lælio et M. Sempronio advocatis partis utriusque P.
Cornelium Caudinum de medio adjecit; eosque tres recupera-
tores considerare, et causam cognoscere jussit. Quum res eo
majore ageretur certamine, ⁵³ quod amoti tantæ dignitatis non
tam advocati, quam moderatores studiorum fuerant; C. Lælius,
relicto consilio, ad tribunal ad Scipionem accedit, eumque do-
cet, *rem sine modo ac modestia agi: ac prope esse, ut manus
inter se conserant. Ceterum, etiamsi vis absit, nihilominus de-
testabili exemplo rem agi; quippe ubi fraude ac perjurio decus
petatur virtutis. Stare hinc legionarios milites, hinc classicos,
per omnes Deos paratos jurare, magis quæ velint, quam quæ
sciant, vera esse, et obstringere perjurio non se solum suumque
caput, sed signa militaria, et aquilas, ⁵⁴ sacramentique religio-
nem. Hæc se ad eum de sententia P. Cornelii et M. Sempro-
nii deferre.* Scipio, conlaudato Lælio, ad concionem advoca-
vit, pronunciavitque, *Se satis compertum habere, Q. Trebellium
et Sex. Digitium pariter in murum escendisse: seque eos am-
bos, virtutis causa, coronis muralibus donare.* Tum reliquos,

* add. tamen Gron. Crev.

⁵⁰ *Muralis coronæ*] Vid. not. 92. ad VL 20.

⁵¹ *Socius navalis*] E militibus clas-
siciis unus. In hoc toto capite *socii
nauales* non intelliguntur remiges, sed
milites tuendis navibus attributi, qui
infra *classici milites* vocantur: *stare
hinc legionarios milites, hinc classicos.*

⁵² *Recuperatores*] Ex Festo disci-
mus *recuperatores* primum dictos, qui
inter populum Romanum et civitates
peregrinas de privatis rebus reddendis
recipiendisque cognoscebant. Et inde
recuperatores dicti sunt judices qui a
præatore in privatis controversiis, qua-
cunque de re ageretur, dari consueve-
rant. Itaque *recuperatores* ii fere ap-
pellabantur, qui apud nos *judices de-
legati*: atque eo sensu illud nomen
hoc loco accipiendum est.

⁵³ *Quod amoti*] Prius illi adfuerant
certantibus, inquit Gronovius in nota

ad hunc locum, sed ita graviter, ut
potius regerent temperarentque stu-
dia utrimque faventium, quam accen-
derent: nunc ab illis abstracti, et ju-
dices dati, multitudinem effrenatio-
rem reliquerant. Res igitur eo majore
agebatur certamine, quod amoti fue-
rant tam illustres gravesque, non di-
cam advocati patronive, sed potius
moderatores studiorum multitudinis.
Intelligendum est enim hæc verba
tantæ dignitatis communiter regi a
nominibus *advocati* et *moderatores*.

⁵⁴ * *Sacramenti . . . religionem*] Re-
ligiosissimum illud sacramentum mili-
tare. Quod autem Lælius metuit ne,
perjurio obstringantur signa militaria
et aquilæ, et militare sacramentum,
id ita intelligendum est, ut periculum
esse putet, ne qui per ea pejeraverint,
eadem iræ deorum objiciant, et in
pœnæ partem secum trahant.

U. C. 542. prout cuique meritum virtusque erat, donavit. ante omnes C. A. C. 210. Laelium præfectum classis et omni genere laudis ⁵⁵ sibi ipse æquavit, et corona aurea ac triginta bubus donavit.

XLIX. Tum obsides civitatum Hispaniæ vocari jussit: quorum quantus numerus fuerit, piget scribere, quippe quum alibi trecentos ferme, alibi ⁵⁶ septingentos viginti quinque fuisse inveniam. Æque et alia inter auctores discrepant. Præsidium Punicum alius decem, alius septem, alius haud plus quam duum millium fuisse scribit. Capta alibi decem millia capitum, alibi supra quinque et viginti invenias. Scorpiones majores minoresque ad sexaginta captos scripserim, ⁵⁷ si auctorem Græcum sequar Silenum: si Valerium Antiatem, majorum scorpionum sex millia, minorum tredecim: adeo nullus mentiendi modus est. Ne de ducibus quidem convenit. plerique Laelium præfuisse classi; sunt, qui M. Junium Silanum dicant. Arinem¹ præfuisse Punico præsidio, deditumque Romanis, Antias Valerius; Magonem alii scriptores tradunt. Non de numero navium captarum, non de pondere auri atque argenti, et redactæ pecuniæ, convenit. Si aliquibus adsentiri necesse est, media simillima veris sunt. Ceterum Scipio, vocatis obsidibus, primum universos bonum animum habere jussit. *Venisse eos in populi Romani potestatem, qui beneficio, quam metu, obligare homines malit; exterisque gentes fide ac societate junctas habere, quam tristi subjectas servitio.* Deinde, acceptis nominibus civitatum, recensuit captivos, quot cujusque populi essent: et nuncios domum misit, ut ad suos quisque recipiendos veniret. Si quarum forte civitatum legati aderant, eis præsentibus suos restituit: ceterorum curam benigne tuendorum C. Flaminio quæstori adtribuit. Inter hæc e media turba obsidum mulier magno natu, Maudonii uxor, qui frater Indibilis Ilergetum reguli erat, flens ad pedes imperatoris procubuit, obtestarique cœpit, ut curam

Scipionis in
obsides hu-
manitas.

Curam mulie-
rum.

¹ sibi ipse Gron.

² Armen Gron. Crev.

⁵⁵ *Sibi ipse æquavit*] Sic solet loqui Livius, alique itidem optimi Latinitatis auctores, quod jam alibi monuimus. Put. codex habet quomodo edidimus. Vulgo *sibi ipse*.

⁵⁶ *Septingentos viginti quinque fuisse inveniam*] Multum auget Put. liber, *MMMDCCXXV*.

⁵⁷ *Si auctorem Græcum sequar Silenum: si Valerium Antiatem*] Quis non miretur diligentiam Livii in appellandis iis auctoribus quos refellit, quibus derogat fidem; dum Polybii nomen, cujus e libro X. totam hanc expugnata Carthaginiæ Novæ narra-

tionem pene ad verbum expressit, alto silentio premit? Idem et in aliis locis ab eo factitatum aliquoties jam monuimus, ut in transitu Alpium, Tarenti prodicione, expugnatione Syracusarum, etc. Ceterum de Sileno historico pauca nobis dicenda suppetunt. Scripserat res Romanas a primordio urbis, teste Dionys. l. I. Athenæus, l. XII. c. 11. mentionem facit Sileni Calactini, qui historiam Siculam condiderit: quem quidem eundem esse cum hoc rerum Romanarum scriptore nihil vetat. De Valerio Antiate optimus ad l. III. c. 5.

cultumque feminarum inpenius custodibus commendaret. U. C. 549.
 quum Scipio, *nihil profecto defuturum*, diceret; tum rursus A. C. 210.
 mulier, *Haud magni ista facinus*, inquit. *quid enim huic*
fortuna non satis est? ⁵⁸ *Alia me cura, ætatem harum in-*
tuentem, (nam ipsa jam extra periculum injuriæ muliebris
sum) stimulat. Ætate et forma florentes circa erant Indi-
 bilis filiæ, aliæque nobilitate pari, quæ omnes eam pro pa-
 rente colebant. Tum Scipio, ⁵⁹ *Meæ populique Romani dis-*
ciplinæ causa facerem, inquit, *ne quid, quod sanctum us-*
quam esset, apud nos violaretur. nunc, ut id curem inpenius,
vestra quoque virtus dignitasque facit: quæ ne in malis
quidem oblitæ decoris matronalis estis. Spectatæ deinde in-
 tegræ viro tradidit eas, tuerique haud secus verecunde ac
 modeste, quam hospitum conjuges ac matres, jussit.

L. Captiva deinde a militibus adducitur ad eum adulta Sponsa Al-
 virgo, adeo eximia forma, ut, quacumque incedebat, conver-^{lucii pudice}
 teret omnium oculos. Scipio, percunctatus patriam paren-^{servata.}
 tesque, inter cetera accepit, desponsam eam principi Celti-
 berorum adolescenti: Allucio nomen erat. Extemplo igitur
 parentibus sponsoque ab domo adcitis, quum interim audi-
 ret, deperire eum sponsæ amore, ubi primum venit, adcura-
 tiore eum sermone, quam parentes, adloquitur. *Juvenis*,^{Oratio ad}
 inquit, *juvenem adpello, quo minor sit inter nos hujus sermonis^{eum Scipio-}
verecundia. *Ego, quum sponsa tua capta a militibus nostris*^{nis.}
ad me ducta esset, audiremque, eam tibi cordi esse, et forma
faceret fidem, quia ipse, si frui liceret ludo ætatis, (præsertim
recto et legitimo amore) et non respublica animum nostrum oc-
cupasset, veniam mihi dari sponsam inpenius amanti vellem:
tuo, cujus possum, amori faveo. Fuit sponsa tua apud me ea-
 dem, qua apud soceros tuos parentesque suos, verecundia: ser-
 vata tibi est, ut inviolatum et dignum me teque dari tibi donum
 posset. Hanc mercedem unam pro eo munere paciscor: amicus
 populo Romano sis. et, si me virum bonum credis esse, quales
 patrem patruumque meum jam ante hæ gentes norant, scias mul-
 tos nostri similes in civitate Romana esse; nec ullum in terris
 populum hodie dici posse, quem minus tibi hostem tisque esse
 velis, aut amicum malis. Adolescens, simul pudore et gaudio^{Recipit}
 perfusus, dextram Scipionis tenens, Deos omnes invocare ad^{sponsam}
 gratiam illi pro se referendam, quoniam sibi nequaquam satis^{cum mune-}
 facultatis, pro suo animo atque ⁶⁰ illius erga se merito, esset,*

⁵⁸ *Alia me cura*] Huic loco sani-
 tatem restituit Gronovius, proxime
 ad Put. codicis fidem.

⁵⁹ *Meæ populique Romani discipli-*
næ] Vel sola cura tuendæ in exercitu
 meo ejusmodi disciplinæ quæ et me
 et populum Romanum deceat, me
 impelleret ad cavendum ne quid vio-

laretur apud nos, quod usquam gen-
 tium sanctum et inviolatum habea-
 tur.

⁶⁰ *Illius erga se merito*] Omnes
 scripti Gronoviani et nostri carent
 ultimæ voce. Rhenanus eam in suo
 exemplari exstare testatur: nec sine
 ea sensus constare potest.

U. C. 542. Parentes inde cognatique virginis adpellati. qui, quoniam
A. C. 210. gratis sibi redderetur virgo, ad quam redimendam satis magnum attulissent auri pondus, orare Scipionem, ut id ab se donum acciperet, coeperunt: haud minorem ejus rei apud se gratiam futuram esse, adfirmantes, quam redditæ inviolatæ foret virginis. Scipio, quando tanto opere peterent, accepturum se pollicitus, poni ante pedes jussit: vocatoque ad se Allucio, *Super dotem, inquit, quam accepturus a socero es, hæc tibi a me dotalia dona accedent*: aurumque tollere, ac sibi habere jussit. His lætus donis honoribusque dimissus domum, inplevit populares laudibus meritis Scipionis: *Venisse Diis simillimum juvenem, vincentem omnia, quum armis, tum benignitate ac beneficiis*. Itaque, delectu clientium habito, cum delectis mille et quadringentis equitibus intra paucos dies ad Scipionem revertit.

Lælius it
Romam.

Exercet co-
pias Scipio.

Ll. Scipio retentum secum Lælium, dum captivos obsidesque et prædam ex consilio ejus disposeret, satis omnibus compositis, data quinquereme, captivisque, Magone et⁶¹ quindecim fere senatoribus, qui simul cum eo capti erant, in navem inpositis, nuncium victoriæ Romam mittit. ipse paucos dies, quibus morari Karthagine statuerat, exercendis navalibus pedestribusque copiis absumsit. Primo die legiones in armis quatuor millium spatio decurrerunt: secundo die arma curare et tergere ante tentoria jussit: tertio die rudibus inter se in modum justæ pugnæ concurrerunt,⁶² præpilatisque missilibus jaculati sunt: quarto die quies data: quinto iterum in armis decursum est. Hunc ordinem laboris quietisque, quoad Karthagine morati sunt, servarunt. Remigium classicique milites, tranquillo in altum eVecti, agilitatem navium simulacris navalis pugnæ experiebantur. Hæc extra urbem terra marique corpora simul animosque ad bellum acuebant. urbs ipsa strepebat adparatu belli, fabris omnium generum in publica officina inclusis. dux cuncta pari cura obibat. nunc in classe ac navali erat: nunc cum legionibus decurrebat; nunc operibus adspiciendis tempus dabat, quæque in officinis, quæque in armamentario ac navalibus fabrorum multitudo plurima in singulos dies certamine ingenti faciebat. His ita inchoatis, reffectisque,⁶³ qua quassi erant, muris, dispo-

61 *Quindecim fere senatoribus*] Intellige ex Polybio senatores magnæ Carthaginis. Habet ille septemdecim, quorum duos ait fuisse e sanctiore consilio seniorum, *ἐκ τῆς γερουσίας*, quindecim e consilio publico, *ἐκ τῆς Συγκλήτου*.

62 *Præpilatis . . . missilibus*] Polybius, quem hic, ut modo monuimus, vertit Livius, habet *ἰσφαλαμένους γρίφοις*, id est, missilibus, quibus rotun-

da aliqua e ligno vel corio pila præfixa erat, ne pungerent ac vulnerarent: vel, quorum mucro a fabro rotundatus fuerat. Ut ut sit, hæc vox a pila originem ducit.

63 *Qua quassi erant*] Sic dedit Gronovius. Put. codex habet *quassaverant*. Ad hanc veterem scripturam propius accedes, si legas *qua quassati erant*.

sitisque præsidiis ad custodiam urbis, Tarraconem est profec- U. C. 549.
 tus, a multis legationibus protinus in via aditus. quas partim A. C. 210.
 dato responso ex itinere dimisit, partim distulit Tarraco- It Tarraco-
 nem, quo omnibus novis veteribusque sociis edixerat con- nem.
 ventum. Et cuncti fere, qui cis Iberum incolunt, populi,
 multi etiam ⁶⁴ ulterioris provinciæ convenerunt. Karthagi-
 niensium duces primo ex industria famam captæ Karthagi-
 nis compresserunt: deinde, ut clarior res erat, quam ut tegi
 ac dissimulari posset, elevabant verbis. *Necopinato adventu
 ac prope furto unius diei urbem unam Hispaniæ intercep-
 tam. cujus rei tam parvæ præmio elatum insolentem juve-
 nem, ⁶⁵ inmodico gaudio speciem magnæ victoriæ inposuisse.
 At, ubi adpropinquare tres duces, tres victores hostium exer-
 citus audisset, obcursuram ei extemplo domesticorum fune-
 rum memoriam.* Hæc in vulgus jactabant, haudquaquam
 ipsi ignari, quantum sibi ad omnia virium, Karthagine amis-
 sa, decessisset.

⁶⁴ *Ulterioris provinciæ*] Nondum
 Hispania ulterior inter provincias Ro-
 manas erat. Sed aut eo respicit Li-
 vivus, quod Publius Cnæusque pater
 et patruus Africani eam fere jam pro-
 vinciam fecerant, aut utitur phrasi
 suo tempori convenientiore. GRONO-
 VIUS. Poterat servari veterum edito-

rum lectio, *ulterioris Hispaniæ.*

⁶⁵ * *Inmodico gaudio*] Per immodi-
 cum gaudium, quo Carthaginiis expug-
 nationem celebrabat, effecisse ut res
 per se parva speciem magnæ victoriæ
 habere videretur: quia nempe id ne-
 cesse erat magnum videri, de quo tam
 immodicum gaudium esset.

EPITOME LIBRI XXVII.

CN. *Fulvius proconsul cum exercitu ab Hannibale ad Herdoneam cæsus est. Meliore eventu a Claudio Marcello consule adversus eundem ad Numistronem pugnatum est. inde Hannibal noctu recessit. Marcellus insecutus est, et subinde cedentem pressit, donec confligeret. priore pugna Hannibal superior fuit, Marcellus insequenti.* ¹ *Fabius Maximus pater consul Tarentinos per proditionem recepit. In Hispania ad Bæculam Scipio cum Hasdrubale Hamilcaris conflixit, et vicit. inter alia captum puerum regalem eximiæ formæ ad avunculum Masi- nissam cum donis dimisit.* ² *Claudius Marcellus, T. Quinctius Crispinus consules, speculandi causa progressi e castris, insidiis ab Hannibale circumventi sunt. Marcellus occisus fuit, Crispinus fugit. Res præterea a* ³ *P. Sulpicio prætore adversus Philippum et Achæos gestas continet. Lustrum a censoribus conditum est: censa sunt civium capita centum triginta septem millia centum et octo: ex quo numero adparuit, quantum hominum tot præliorum adversa fortuna populo Romano abstulisset. Hasdrubal, qui cum exercitu novo transcenderat Alpes, ut se Hannibali conjungeret, cum millibus hominum quinquaginta sex cæsus est, M. Livii consulis ductu, sed non minore opera Claudii Neronis consulis. qui, quum Hannibali obpositus esset, relictis castris, ita ut hostem falleret, cum electa manu profectus, Hasdrubalem circumvenit.*

¹ *Fabius Maximus pater consul*] Sic emendavit Sigonius, quum prius legeretur, *pater consulis*: quod manifeste vitiosum erat.

² *P. Sulpicio prætore*] Imo *proconsule*. Vid. supra l. XXVI. c. 22.

³ *Cum electa manu*] In vulgatis abest *cum*. Sed illam voculam in vet. lib. existare affirmat Sigonius, et servat Andreas. Campanus etiam habet *delicta*, id est, *delecta*: quod magis placet, atque usitatius est in hac re, quam *electa*.

T. LIVII PATAVINI

LIBER XXVII.

U. C. 542.
A. C. 210.
Quædam
Samnii ur-
bes captæ.

Hannibal
ad Herdo-
neam Cn.
Fulvium
vincit.

HIC status rerum Hispaniæ erat. In Italia consul Marcellus, Salapia per proditionem recepta, Maroneam et Meles de Samnitibus vi cepit. Ad tria millia militum ibi Hannibalis, quæ præsidii causa relictæ erant, obpressa. Præda (et aliquantum ejus fuit) militi concessa. tritici quoque ¹ ducenta quadraginta millia modium, et centum decem millia hordei inventa. Ceterum nequaquam inde tantum gaudium fuit, quanta clades intra paucos dies accepta est, haud procul ab Herdonea urbe. Castra ibi Cn. Fulvius proconsul habebat, spe recipiendæ Herdoneæ, quæ post Cannensem cladem ab Romanis defecerat, nec loco satis tuto posita, nec præsidiis firmata. Neglegentiam insitam ingenio ducis augebat spes ea, quod labare iis adversus Pœnum fidem senserat, postquam, Salapia amissa, excessisse his locis in Bruttios Hannibalem^a auditum est. Ea omnia, ab Herdonea^b per occultos nuncios delata Hannibali, simul curam sociæ retinendæ urbis, et spem fecere incautum hostem adgrediendi. exercitu expedito, ita ut famam prope præveniret, magnis itineribus ad Herdoneam contendit, et, quo plus terroris hosti objiceret, acie instructa accessit. Par audacia Romanus, consilio et viribus inpar, copiis raptim eductis, confligit. quinta legio et ² sinistra ala acriter pugnam inierunt. Ceterum Hannibal, signo equitibus dato, ut, quum pedestres acies occupassent præsentî certamine oculos animosque, circumvecti, pars castra hostium, pars ³ terga trepidantium^c invaderent, ipse in Fulvii similitudinem nominis, quod Cn. Fulvium prætorem biennio ante in iisdem device rat locis, increpans, similem eventum pugnæ fore adfirmabat. Neque ea spes vana fuit. nam, quum cominus acie et

^a Hannibalem in Bruttios Gron. Crev.
^c pugnantium Crev.

^b Ab Herdonea ea omnia Eæd.

¹ Ducenta quadraginta millia modium] Modii Parisienses 185000. Centum decem millia, sunt modii itidem nostrates paulo minus 84792.

² Sinistra ala] Intellige pedites socios. Vid. not. 22. ad l. XXV. c. 21.

³ Terga pugnantium] Sic editi ante

Gronovium. Scripti fere oppugnantium. Put. oppidantium. Inde Gronovius effecerat trepidantium. Sed ~~et~~ trepidare etsi non semper eorum est qui pavent, semper certe aliquid incompositi tumultus notat, cujus nulum hic vestigium. Itaque vulgatam lectionem revocavimus.

peditum certamine multi cecidissent Romanorum, starent U. C. 542.
 tamen ordines signaque, equestris a tergo tumultus, simul a A. C. 210.
 castris clamor hostilis auditus, sextam ante legionem, quæ,
 in secunda acie posita, prior ab Numidis turbata est; quin-
 tam deinde atque eos, qui ad prima signa erant, avertit.
 Pars in fugam effusi, pars in medio cæsi: ubi et ipse Cn.
 Fulvius cum undecim tribunis militum cecidit. Romanorum
 sociorumque quot cæsa in prælio millia sint, quis pro certo
 adfirmet? quum tredecim millia alibi, alibi haud plus, quam
 septem, inveniam. Castris prædaque victor potitur. Her- Herdoneam
 doneam, quia et defecturam fuisse ad Romanos comperit, delet, oppi-
 nec mansuram in fide, si inde abscessisset, multitudine omni danosque
 Metapontum ac Thurios traducta, incendit: 'occidit' prin- migrare ju-
 cipes, qui cum Fulvio colloquia occulta habuisse comperti bet.
 sunt. Romani, qui ex tanta clade evaserant, diversis itine-
 ribus semermes^c ad Marcellum consulem in Samnium per-
 fugerunt.

II. Marcellus, nihil admodum tanta clade territus, literas
 Romam ad senatum de duce et exercitu ad Herdoneam amis-
 so scribit. *ceterum, eundem se, qui post Cannensem pugnam*
ferocem victoria Hannibalem contudisset, ire adversus eum, bre-
vem illi lætitiā, qua exsultet, facturum. Et Romæ quidem
 quum luctus ingens ex præterito, tum timor in futurum erat.
 Consul, ex Samnio in Lucanos transgressus, ad Numistrone Marcellus
 in conspectu Hannibalis loco plano, quum Pœnus collem ad Hanni-
 teneret, posuit castra. ⁴ Addidit et aliam fidentis speciem, balem con-
 quod prior in aciem eduxit. nec detrectavit Hannibal, ut tendit.
 signa portis efferri vidit. Ita tamen aciem instruxerunt, ut
 Pœnus dextrum cornu in collem erigeret, Romani sinistrum
 ad oppidum adplicarent. ⁶ Ab hora tertia quum ad noctem

^d occiditque Gron.

^c semiermes Crev.

⁴ *Occidit principes*] Delevimus co-
 pulativam, auctoribus Put. et Vict. co-
 dicibus.

⁵ * *Addidit et aliam fidentis speciem*]
 Addidit et aliud, ex quo fiduciam itidem
 ostentare videretur: nempe, quod prior
 eduxit milites in aciem.

⁶ *Ab hora tertia*] In hac pugnae
 descriptione duo lectorem attentum
 morari queant. Primum, quod intel-
 ligi non potest, quæ in hoc prælio
 prima acies Romanorum fuerit. In
 eo enim primæ aciei successisse dici-
 tur prima legio et dextera ala; pri-
 mæ legioni et dexterae alæ, secunda
 legio et sinistra ala. Itaque hic prima
 acies omnino distincta apparet a dua-
 bus legionibus et duabus alis. Con-
 stat autem tum ex solenni et con-

stante Romanorum his temporibus
 more, tum ex c. 28. l. XXVI. Mar-
 cellum habuisse tantummodo duas le-
 giones, et parem numerum sociorum
 in duas divisum alas. Secunda diffi-
 cultas in eo posita est, quod quum pri-
 mæ acies ad noctem pugnam exten-
 disse dicantur, haud satis temporis ad
 pugnandum superesse potuisse videtur,
 ut et primæ legionis ac dexterae alæ
 pugna cum secunda acie Pœnorum
 diu steterit neutro inclinata; et post-
 ea altera legio et altera ala novum et
 atrox prælium inceperint cum aliis
 rursus hostibus, cui tandem nox fi-
 nem imposuerit. Verum duplex illa
 difficultas evanescet, si male collocata
 hujus narrationis membra in suum
 ordinem redegeris. Sic igitur hunc

U.C. 542.
A.C. 210.

Abit Hannibal noctu,
sequente Marcello.

Conjuratio Campanorum.

pugnam extendissent, fessæque pugnando primæ acies essent, ab Romanis prima legio et dextera ala, ab Hannibale Hispani milites et funditor Baliaris, elephanti quoque, commisso jam certamine in proelium acti. Diu pugna neutro inclinata stetit. Primæ legioni tertia, dexteræ alæ sinistra subiit, et apud hostes integri a fessis pugnam accipere. Novum atque atrox proelium ex tam segni repente exarsit, recentibus animis corporibusque: sed nox incerta victoria diremit pugnantes. Postero die Romani ab sole orto in multum diei steterunt in acie: ubi nemo hostium adversus prodiit, spolia per otium legere, et congestos in unum locum cremavere suos. Nocte insequenti Hannibal silentio movit castra, et in Apuliam abiit: Marcellus, ubi lux fugam hostium aperuit, sauciis cum præsidio modico Numistrone relictis, præpositoque his L. Furio Purpureone tribuno militum, vestigiis institit sequi. Ad Venusiam adeptus eum est. Ibi per dies aliquot quum ab stationibus procursaretur, mixta equitum peditumque tumultuosa magis prælia, quam magna, et ferme omnia Romanis secunda fuerunt. Inde per Apuliam ducti exercitus sine ullo memorando certamine; quum Hannibal nocte signa moveret, locum insidiis quærens; Marcellus, nisi certa luce, et explorato ante, non sequeretur.

III. Capuæ interim Flaccus dum bonis principum vendendis, agro, qui publicatus fuerat, locando (⁷ locavit autem omnem frumento) tempus terit; ne deesset materia in Campanos sæviendi, novum in occulto gliscens per indicium protractum est facinus. Milites ædificiis emotos, simul ut cum agro tecta urbis fruenda locarentur, simul metuens, ne suum quoque exercitum, sicut Hannibalis, nimia urbis amœnitas emolliret, in portis murisque sibimet ipsos tecta militariter coëgerat ædificare. erant autem pleraque ex cratibus aut tabulis facta, alia arundine texta, stramento intecta omnia, velut de industria, alimentis ignis. ⁸ Hæc noctis una hora ut omnia incenderent, centum septuaginta Campani, princi-

locum legere videmur posse *Romani sinistrum ad oppidum applicarent. Diu pugna neutro inclinata stetit. Ab hora tertia quum ad noctem pugnam extendissent fessæque pugnando primæ acies essent*, quæ quidem primæ acies erant *ab Romanis*, id est ab Romanorum parte, *prima legio et dextera ala*, ab *Annibale*, id est, ab Annibalis parte, *Hispani milites, et funditor Balaris, et elephanti quoque*, qui commisso jam certamine in prælium acti fuerant; *primæ legioni tertia, et dexteræ alæ sinistra subiit, et apud hostes integri a fessis pug-*

nam accipere. Jam duobus perobscuris locis l. XXII. c. 24. et c. 38. conatus sum mederi similiter revocando in ordinem membra orationis, quæ male trajecta videbantur. Vid. et infra c. 36. hujus libri.

⁷ *Locavit autem omnem frumento*] Hoc est, ut frumenti certum modum penderent coloni, non pecuniam. HENR. VALESII.

⁸ *Hæc noctis una hora ut omnia incenderent centum septuaginta Campani . . conjuraverant*] Victor. codex, ut et Gronoviani, omittit *ut*, et *incendere* habet, non *incenderent*. Veremur

pibus fratribus Blossiis, conjuraverant. indicio ejus rei ex U. C. 542. familia Blossiorum facto, portis repente jussu proconsulis A. C. 210. clausis, quum ad arma signo dato milites concurrissent; comprehensi omnes, qui in noxa erant, et, quæstione acriter habita, damnati neque: indicibus libertas, et ⁹ æris dena millia data. Nucerinos et Acerranos querentes, ubi habitarent, non esse, Acerris ex parte incensis, Nuceria deleta, Romam Fulvius ad senatum misit. Acerranis permissum, ut ædificarent, quæ incensa erant: Nucerini Atellam, quia id maluerant, (Atellanis Calatiam migrare jussis) traducti. Inter multas magnasque res, quæ, nunc secundæ, nunc adversæ, occupabant cogitationes hominum, ne Tarentinæ quidem arcis excidit memoria. M. Ogulnius et P. Aquilius^e in Etruriam legati ad frumentum cõmendum, quod Tarentum portaretur, profecti: et ¹⁰ mille milites de exercitu urbano, par numerus Romanorum sociorumque, eodem in præsidium cum frumento missi sunt.

IV. Jam æstas in exitu erat, comitiorumque consularium instabat tempus. sed literæ Marcelli, negantis e republica Marcellus esse, ¹¹ vestigium abscedi ab Hannibale, cui cedenti certa- instat Hannibali. menque abnuenti ¹² gravis^f ipse instaret, curam injecerant, ne aut consulem, tum maxime res agentem, a bello avocarent, aut in annum consules deessent. Optimum visum est, quamquam extra Italiam esset, Valerium potius consulem ex Sicilia revocari. Ad eum literæ jussu senatus ab L. Manlio prætore urbis missæ, cum literis consulis M. Marcelli: ut ex iis nosceret, quæ caussa Patribus eum potius, quam collegam, revocandi ex provincia esset. Eo fere tempore legati ab rege Syphace Romam venerunt, quæ is prospera prælia Syphacis cum Karthaginiensibus fecisset, memorantes. *Regem nec legati ad inimiciorem ulli populo, quam Karthaginensi, nec amicio- Rom. rem, quam Romano, adfirmabant esse. misisse eum antea legatos in Hispaniam ad Cn. et P. Cornelios, imperatores Romanos. nunc ab ipso velut fonte petere Romanam^g amicitiam voluisse.* Senatus non legatis modo benigne respondit, sed et ipse le-

^e Aquilius Gron. Crev.

^f gravior Gron.

^g Romanorum Gron. Crev.

Rom. legati ad Syphacem.

ne vulgata lectio sit ab ingenio correctorum, quibus non placuerit *conjuraverant incendere*. Sic tamen Horatius, *Conjurata tuas rumpere nuptias*: et Cato apud Plin. l. XXIX. c. 1. *jurarunt inter se barbaros necare omnes medicina*. Ceterum hic ingens defectus est in plerisque scriptis, atque in ipso Put. ab his verbis c. 2. *tumultuosa magis prælia*, ad hæc c. 3. *quia id maluerant*.

⁹ *Æris dena millia*] Hic grave æs intelligendum putamus. Itaque *æris dena millia* æstimamus marciis argenti

Parisiensibus 15. cum unciiis 5.

¹⁰ *Mille milites . . . par numerus Romanorum sociorumque*] Mille milites, quorum quingenti erant Romani, quingenti socii.

¹¹ * *Vestigium abscedi ab Annibale*] Nomen *vestigium* non jungi debet cum verbo *abscedi*, sed regitur a præpositione intellecta. *Abscedi ab Annibale* secundum *vestigium*, id est, abscedi a vestigiis Annibalis.

¹² *Gravis ipse instaret*] Sic optimi MSS. Vulgo *gravior*.

U. C. 542. A. C. 210. Legati Alexandriam missi. gatos cum donis ad regem misit, L. Genucium, P. Poetelium, P. Popillium^h. Dona tulere, togam, et tunicam purpuream, sellam eburneam, pateram¹³ ex quinque pondo auri factam. Protinusⁱ et alios Africae regulos jussi adire, iis quoque quae darentur, portata, togae praetextae, et¹⁴ terna^k pondo paterae aureae. Et Alexandriam ad¹⁵ Ptolemæum Cleopatramque reges M. Atilius et M'. Acilius legati, ad comineiorandam renovandamque amicitiam missi, dona tulere, regi togam et tunicam purpuream cum sella eburnea: reginae, ¹⁶pallam pictam cum amiculo purpureo. Multa ea æstate, qua hæc facta sunt, ex propinquis urbibus agrisque nunciata sunt prodigia; Tusculi agnum cum ubere lactenti natum: Jovis ædis culmen fulmine ictum, ac prope omni tecto nudatum: iisdem ferme diebus, ¹⁷Anagninae terram ante portam ictam, diem ac noctem sine ullo ignis alimento arsisse: et aves, ad ¹⁸compitum Anagninum, in luco Dianæ nidos in arboribus reliquisse: Tarracinae in mari haud procul portu angues magnitudinis miræ, lascivientium piscium modo exsultasse: Tarquiniis porcum cum ore humano genitum: et in agro Capenate, ad lucum Feroniæ, quatuor signa sanguine multo diem ac noctem sudasse. Hæc prodigia hostiis majoribus procurata decreto pontificum: et supplicatio diem unum Romæ ad omnia pulvinaria, alterum, in Capenate agro, ad Feroniæ lucum, indicta.

Valerius
Cos. Ro-
mam redit.

V. M. Valerius consul literis excitus, provincia exercituque mandato Cincio prætori, M. Valerio Messalla præfecto classis cum parte navium in Africam prædatum simul speculatumque, quæ populus Karthaginensis ageret pararetque, misso, ipse decem navibus Romam profectus quum prospere pervenisset, senatum extemplo habuit.

^h *Popilium* Gron. Crev.

ⁱ *Protinus* Ead.

^k *terna* Ead.

¹³ *Ex quinque pondo auri*] Id est, septem marcis nostratibus, cum sex unciiis et semuncia.

¹⁴ *Ternum pondo*] Quaternarum marcarum nostratium cum quinque unciiis et semuncia. Gronovius observat l. I. de Pec. vet. c. 6. scriptos omnes hic habere *terna pondo*, vel *terna*. Legebat quoque Glareanus *terna*. Et sane tam potest dici *paterae terna pondera librarum pondo*, quam *coronam . . libram pondo*, supra l. III. c. 29. et *paterae . . . libras ferme omnes pondo*, l. XXVI. c. 47.

¹⁵ *Ptolemæum*] Philopator regem Ægypti, qui paulo ante initium secundi Punici belli regnare occæperat. * Cum eo hic renovatur amicitia, inchoata ab avo ejus Philadelpho.

¹⁶ *Pallam*] Pallium ad usum feminarum, acu pictum. *Amicula*. *Amiculus*, inquit Festus, *genus est vestimenti a circumjectis dictum*. Nempe *amiculum* ab *amicio*, quod ab *am*, sive *ἀμψι*, circum, et *icio*, jacio.

¹⁷ *Anagninae terram*] Scripti fere *ternam* vel *turnam*. Hinc Rabenius conjicit *Hermam*. *Hermæ* enim sive Mercurii ante portas stantebantur. Vid. Juven. Sat. VIII. et ibi veterem scholiasten. Id si admittatur, max legendum erit *ictum*.

¹⁸ *Compitum Anagninum*] Hoc nomen loci, id est, vici alicujus, sive oppiduli, esse monet Dujatius. At quo auctore id affirmet, docere neglexit. Res per se ipsa admodum est verisimilis.

ibi de suis rebus gestis commemoravit. *Quum* ¹⁹ annos prope U. C. 542. sexaginta in Sicilia terra marique sæpe magnis cladibus bella- A. C. 210. tum esset, se eam ²⁰ provinciam confecisse. neminem Karthagi- Res a se in Sicilia ges- niensem in Sicilia esse: neminem Siculum, qui metu inde fugati- tas narrat. afuerint, non esse: omnes in urbes, in agros suos reductos, arare, serere: desertam recoli tandem terram, frugiferam ipsis cultoribus, populoque Romano pace ac bello fidissimum annonæ subsidium. Exin Mutine, et si quorum aliorum merita erga populum Romanum erant, in senatum introductis, honores omnibus, ad exsolvendam fidem a consule¹, habiti. Mutines etiam civis Romanus factus, rogatione ab tribuno plebis, ex auctoritate Patrum, ad plebem lata. Dum hæc Romæ geruntur, M. Valerius Messalla quinquaginta navibus quum Classis ante lucem ad Africam accessisset, improvise in agrum Uti- Rom. Afri- censem excensionem fecit: eumque late depopulatus, mul- cam popu- tis mortalibus cum alia omnis generis præda captis, ad na- latur. ves rediit, atque in Siciliam transmisit: tertiodécimo die, quam profectus inde erat, Lilybæum revectus. Ex captivis, quæstione habita, hæc comperta, consulique Lævino omnia ordine perscripta, ut sciret, quo in statu res Africæ essent, *Quinque millia Numidarum cum Masinissa, Galæ filio, acerrimo juvene, Karthagine esse; et alios per totam Africam milites mercede conduci, qui in Hispaniam ad Hasdrubalem trajicerentur: ut is, quam maximo exercitu primo quoque tempore in Italiam transgressus, jungeret se Hannibali. in eo positam victoriam credere Karthaginienses. Classem præterea ingentem adparari ad Siciliam repetendam, eamque se credere brevi trajetutam.* Hæc recitata a consule ita movere senatum, ut Concertatio non expectanda comitia consuli censerent, sed dictatorem de dictatore comitiorum habendorum caussa dici, et extemplo in provin- dicendo. ciam redeundum. Illa disceptatio tenebat, quod consul in Sicilia se M. Valerium Messallam^m, qui tum classi præesset, dictatorem dicturum esse aiebat: Patres extra Romanum agrum (eum autem inⁿ ²¹ Italia terminari) negabant dictatorem dici posse. M. Lucretius tribunus plebis quum de ea re consuleret, ita decrevit senatus, *Ut consul prius, quam ab urbe discederet, populum rogaret, quem dictatorem dici placeret; eumque, quem populus jussisset, diceret dictatorem. Si consul*

¹ consulis Gron. Crev.^m Messalam Eæd.ⁿ in del. Crev.

¹⁹ *Annos prope sexaginta*] Ab anno nimirum u. c. 488. a quo hic quinquagesimus quintus annus agitur.

²⁰ * *Provinciam confecisse*] Vid. not. 4. ad XXVI. 21.

²¹ *Italia terminari*] Vulgo in Italia. Delevimus voculam in, quam a codice regio abesse testatur Dujatius.

Ceterum hæc sic accipienda sunt, ut nullus extra Italiam ager pro Romano haberetur, non ut omnis Italiæ ager Romanus esset, ut colligitur ex c. 29. infra. Nimirum *ager Romanus* habitus fuisse videtur quilibet Italiæ ager, qui Romanorum ditionis esset.

U. C. 542. *noluisset, ²²prator^o populum rogaret: si ne is quidem vellet,*
 A. C. 210. *tum tribuni ad plebem ferrent.* Quum consul se populum rogaturum negasset, quod suæ potestatis esset, prætoremque vetuisset rogare; tribuni plebis rogarunt, plebesque scivit, ut Q. Fulvius, qui tum ad Capuam erat, dictator diceretur. sed, quo die id plebis concilium futurum erat, consul clam nocte in Siciliam abiit: destitutique Patres literas ad M. Claudium mittendas censuerunt, ut desertæ ab collega reipublicæ subveniret, diceretque, quem populus jussisset, dictatorem. Ita a M.^p Claudio consule Q. Fulvius dictator dictus, et ex eodem plebiscito et ab Q. Fulvio dictatore P. Licinius Crassus pontifex maximus magister equitum dictus.

Q. Fulvius
dictator.

Comitia.

Certamen
inter dicta-
torem et
tribunos
plebis.

VI. Dictator postquam Romam venit, Cn. Sempronium Blæsum legatum, quem ad Capuam habuerat, in Etruriam provinciam ad exercitum misit, in locum C. Calpurnii prætoris; quem, ut Capuæ exercituique suo præesset, literis excivit. Ipse comitia, in quem diem primum potuit, edixit: quæ, certamine inter tribunos dictatoremque injecto, ²³perfici non potuerunt⁹. ²⁴Galeria juniorum, quæ sorte prærogativa erat, Q. Fulvium et Q. Fabium consules dixerat, eodemque ²⁵jure vocatæ inclinassent, ni tribuni plebis C. et L. Arennii se interposuissent: qui, *neque ²⁶magistratum continuari satis ²⁷civile esse*, aiebant; *et multo foedioris exempli, eum ipsum creari, qui comitia haberet.* Itaque, ²⁸*si suum nomen dictator acciperet, se comitiis intercessuros: si aliorum, præterquam ipsius, ratio haberetur, comitiis se moram non facere.* Dictator causam comitiorum auctoritate senatus, plebiscito, exemplis tutabatur. Namque, Cn. Servilio consule, quum C. Flaminius alter consul ad Trasimenum cecidisset, ex auctoritate Patrum ad plebem latum, plebemque scivisse, ut, quoad bellum in Italia esset, ex iis, qui consules fuissent, quos et quoties vellet, reficiendi consules populo jus esset. exem-

^o add. urbanus Gron.

P M. del. Gron. Crev.

⁹ potuerant Gron.

²² *Prætor populum rogaret*] Editi post *et prætor* subjungunt vocem *urbanus*. Sed eam omnes scripti abdicant: atque illa satis ex sensu intelligitur.

²³ *Perfici non potuerunt*] Sive sic legas ex regio codice a Dujatio allegato, sive *poterant* ex Victorino, sese commode habebit oratio. At *potuerant*, quod vulgo editi habent, stare hic non potest.

²⁴ *Galeria juniorum*] Vid. not. 18. ad l. I. c. 43. et not. 67. ad V. 18.

²⁵ *Jure vocatæ*] Vid. not. 70. ad l. V. c. 18.

²⁶ *Magistratum continuari*] Tum dictator erat Fulvius. Itaque, si consul crearetur, continuabatur ei magistratus a dictatura ad consulatum transitorio.

²⁷ * *Civile*] Congruum æque inter cives libertati.

²⁸ *Si suum nomen . . . acciperet . . . si aliorum ratio haberetur*] Vid. not. 82. ad l. XXVI. c. 18.

plumque eam in rem se habere²⁹ *vetus L. Postumii Megelli*, U. C. 542. qui interrex iis comitiis, quæ ipse habuisset, consul cum C. Ju- A. C. 210. nio Bubulco creatus esset; recens Q. Fabii, qui sibi continuari consulatum, nisi id bono publico fieret, profecto numquam si- visset³¹. His orationibus quum diu certatum esset, postremo ita inter dictatorem ac tribunos convenit, ut eo, quod censuisset senatus, staretur. Patribus id tempus reipublicæ visum est, ut per veteres, et expertos, bellicque peritos imperatores respublica gereretur. itaque moram fieri comitiis non placere. Concedentibus tribunis, comitia habita. Declarati consules Q. Fabius Maximus quintum, Q. Fulvius Flaccus quartum. Prætores inde creati, L. Veturius Philo, T. Quinctius Crispinus, C. Hostilius Tubulus, C. Aurunculeius. Magistratibus in annum creatis, Q. Fulvius dictatura se abdicavit. Extremo æstatis hujus classis Punica navium quadraginta, cum præfecto Hamilcare in Sardiniam trajecta, Olbiensem primo, dein, postquam ibi P. Manlius Vulso prætor cum exercitu adparuit, circumacta inde ad alterum insulæ latus, Caralitanum agrum vastavit, et cum præda omnis generis in Africam rediit. Sacerdotes Romani eo anno mortui aliquot subfectique. C. Servilius Pontifex factus in locum T. Otacilii Crassi. Ti. Sempronius Ti. F. Longus augur factus in locum T. Otacilii Crassi. Decemvir item sacris faciundis in locum Ti. Sempronii C. F. Longi Ti. Sempronius Ti. F. Longus subfectus. M. Marcius rex sacrorum mortuus est, et M. Æmilius Papus³⁰ maximus curio. neque in eorum locum sacerdotes eo anno subfecti. Et censores hic annus habuit L. Veturium Philonem et P. Licinium Cras- Censores. sum, maximum pontificem. Crassus Licinius nec consul, nec prætor ante fuerat, quam censor est factus. ex ædilitate gradum ad censuram fecit. Sed hi censores neque senatum legerunt, nec quidquam publicæ rei egerunt: mors diremit L. Veturii. ³¹ inde et Licinius censura se abdicavit. Ædiles curules L. Veturius et P. Licinius Varus ludos Romanos diem unum instaurarunt. Ædiles plebis Q. Catus et L. Porcius Licinus ex multaticio argento signa ænea ad Cereris dedere: et ludos, pro temporis ejus copia, magnifici adparatus fecerunt.

VII. Exitu anni hujus, die quarto et tricesimo³, quam ab Lælius ex Tarracone profectus erat, C. Lælius legatus Scipionis Ro- Hispania mam venit: isque, cum agmine captivorum ingressus urbem, Romanam venit. magnum concursum hominum fecit. Postero die in senatum introductus, captam Karthaginem, caput Hispaniæ, uno die,

²⁹ *visset Gron.*

³⁰ *quarta et tricesima Gron. Crev.*

²⁹ *Vetus L. Postumii Megelli]* Anno u. c. 460.

³⁰ *Maximus curio]* Vid. not. 28. ad l. III. c. 7.

³¹ *Inde et Licinius censura se abdicavit]* Neque enim unquam in demortui locum censor sufficiebatur. Vid. l. V. c. 31.

U. C. 542. receptasque aliquot urbes, quæ defecissent, novasque in so-
 A. C. 210. cietatem adscitas, exposuit. Ex captivis comperta his fere congruentia, quæ in literis fuerant M. Valerii Messallæ. Maxime movit Patres Hasdrubalis transitus in Italiam, vix Haunibali atque ejus armis subsistentem. Productus et in concionem Lælius eadem edisseruit. Senatus ob res feliciter a P. Scipione gestas supplicationem in unum diem decrevit. C. Lælium primo quoque tempore, cum quibus venerat navibus, redire in Hispaniam jussit. Karthaginis expugnationem in hunc annum contuli, multis auctoribus; haud nescius, quosdam esse, qui anno insequenti captam tradiderint: quod mihi minus simile veri visum est, annum integrum Scipionem nihil gerundo in Hispania consumsisse. Q. Fabio Maximo quintum, Q. Fulvio Flacco quartum consulibus, Idibus Martiis, quo die magistratum inierunt, Italia ambobus provincia decreta; regionibus tamen partitum imperium: Fabius ad Tarentum, Fulvius in Lucanis ac Brutiis rem gereret. M. Claudio prorogatum in annum imperium. Prætores sortiti provincias: C. Hostilius Tubulus urbanam, L. Veturius Philo peregrinam cum Gallia, T. Quinctius Crispinus Capuam, C. Aurunculeius Sardiniam. Exercitus ita per provincias divisi. Fulvio duæ legiones, quas in Sicilia M. Valerius Lævinus haberet: Q. Fabio, quibus in Etruria C. Calpurnius præfuisset, decretæ. Exercitus urbanus ut in Etruriam succederet: C. Calpurnius eidem præesset provinciæ exercituique: Capuam exercitumque, quem Q. Fulvius habuisset, T. Quinctius obtineret. ³³ C. Hostilius ab C. Lætorio proprætores provinciam exercitumque, qui tum jam Arimini erat, acciperet. M. Marcello, quibus consul bene rem gesserat, legiones decretæ. M. Valerio cum L. Cincio (his quoque est enim prorogatum in Sicilia imperium) Cannensis exercitus datus: eumque supplere ex militibus, qui ex legionibus Cn. Fulvii superessent, jussi. Conquisitos eos consules in Siciliam miserunt: additaque eadem militiæ ignominia, sub qua Cannenses militabant, quique ex ³⁴ prætoris Cn. Fulvii exercitu, ob similis iram fugæ, missi eo ab senatu fuerant. C. Aurunculeio eadem in Sardinia legiones, quibus P. Manlius Vulso eam provinciam obtinuerat, decretæ. ³⁵ P. Sulpicio, eadem

³² *Vix Annibali . . . subsistentem*] Id est, vix parem: quemadmodum apud Cic. l. XI. Ep. Fam. 10. *subsistere sumptui*, quod ex optimis MSS. reposuerunt Victorius et Gebhardus.

³³ *C. Hostilius ab C. Lætorio*] Lege L. Veturius, qui Galliam provinciam sortitus fuerat, ut constat tum ex iis quæ supra habentur hoc ipso capite,

tum ex c. 10. et c. 22. infra.

³⁴ *Prætoris Cn. Fulvii*] Triennio ante circa Herdoneam ab Annibale victi. Vid. l. XXV. c. 21.

³⁵ *P. Sulpicio eadem legione eademque classe*] Supra, l. XXVI. c. 28. Sulpicius exercitum omnem præter socios navales jussus dimittere est, ex sententia Lævini, qui exposuerat in

legione eademque classe Macedoniam obtinere jusso, proro- U. C. 548.
gatum in annum imperium. triginta quinqueres ex Sici- A. C. 209.
lia Tarentum ad Q. Fabium consulem mitti jussæ: cetera
classe prædatum in Africam aut ipsum M. Valerium Lævi-
num trajicere; aut mittere, seu L. Cincium, seu M. Vale-
rium Messallam. Nec de Hispania quidquam mutatum,
nisi quod non in annum Scipioni Silanoque, sed donec re-
vocati ab senatu forent, prorogatum imperium est. Ita pro-
vinciæ exercituumque ³⁶ in eum annum⁴ partita imperia.

VIII. Inter majorum rerum curas comitia maximi curio-
nis, quum in locum M. Æmilii sacerdos crearetur, vetus ex-
citaverunt certamen; patriciis negantibus C. Mamili Vitu- C. Mami-
li, qui unus ex plebe petebat, habendam rationem esse, quia lius primus
nemo ante eum, nisi ex Patribus, id sacerdotium habuisset. ex plebe
Tribuni adpellati ad senatum rejecerunt. ³⁷ Senatus populi maximus
potestatem fecit. Ita primus ex plebe creatus maximus curio.
curio C. Mamilius Vitulus. Et flaminem Dialem invitum Flamen Di-
inaugurari coëgit P. Licinius pontifex maximus C. Vale- alis invitus
rium Flaccum. Decemvir sacris faciundis creatus in locum inauguratur
Q. Mucii Scævolæ demortui C. Lætorius. Caussam inau- C. Valerius,
gurari coacti flaminis libens reticuissem, ni ex mala fama in
bonam vertisset. Ob adolescentiam negligentem luxurio-
samque C. Flaccus ³⁸ flamen captus a P. Licinio pontifice
maximo erat, L. Flacco fratri germano cognatisque aliis ob
eadem vitia invisus. Is, ut animum ejus cura sacrorum et
ceremoniarum cepit, ita repente exiit antiquos mores, ut
nemo tota⁴ juventute haberetur prior, nec probatior primo-
ribus Patrum, suis pariter alienisque, esset. Hujus famæ

³⁶ locum Gron. Crev.

⁴ in tota Eæd.

senatu legionem ex Macedonia deduci
posse: classem satis esse ad arcendum
Italia regem. Cum his ea conciliare,
quæ hoc loco legimus, nec possumus,
nec conamur.

36 In eum locum] Sic edidit Grono-
vius ex plurimorum MSS. consensu,
contenditque locum hic posse intelli-
gi tempus. In exemplum affert vulgatas
illas locutiones ad id locorum, interea
loci. Nobis ut id persuaderetur, aliis
quibusdam exemplis opus esse videretur,
quæ magis rem tangerent. Itaque ute-
mur libentius eo quod antea edebatur:
in eum annum: et quidem eo magis,
quod unus probæ notæ codex a secunda
quidem manu, sed habet tamen in eum
annum; et Put. ex quo, si non omnia,
pleraque certe quæ supersunt Livii ex-
emplaria descripta sunt, in tota hac
provinciarum exercituumque descrip-
tione mendis scatet.

37 Senatus populi potestatem fecit]
Senatus censuit liberam hujusce rei
potestatem populo esse relinquendam.
Sic Sallust. Jug. c. 78. Græci optionem
Carthaginensium faciunt.

38 Flamen captus] Verbum in hac
re proprium. Dicebatur enim flamen
capi, vestalis capi, id est, eligi a pon-
tifice maximo. Vid. A. Gellium, l. I.
c. 12. Quod autem hic L. Flaccus
flamen captus memoratur a pontifice
maximo ob adolescentiam negligen-
tem luxuriosamque, nimirum vel
speravit pontifex maximus, id quod
evenit, fore ut animum ejus cura sa-
crorum et caerimoniarum occupatus
vitia exneret; vel, quia clarissimo ge-
nere ortus adolescens ob prava mo-
res nullum publicum munus adipisci
posse videretur, ideo solari cognatos
ejus voluit, hoc ei impertito sacer-
dotio.

U. C. 543. A. C. 209. **Jure sacerdotii senatum ingreditur.** consensu elatus ad justam fiduciam sui, rem intermissam per multos annos ob indignitatem flaminum priorum repetivit, ut in senatum introiret. Ingressum eum curiam quum ³⁹ L. Licinius prætor inde eduxisset, tribunos plebis adpellavit flamen. Vetusum jus sacerdotii repetebat: datum id cum toga prætexta, et sella curuli, ⁴⁰ et flaminio esse. Prætor, non exoletis vetustate annalium exemplis stare jus, sed recentissimæ cujusque consuetudinis usu, volebat: nec patrum, nec avorum memoria Dialem quemquam id jus usurpasse. Tribuni, rem inertia flaminum oblitteratam ipsis, non sacerdotio, damno fuisse, quum æquum censuissent, ne ipso quidem contra tendente prætore, magno adsensu Patrum plebisque, flaminem in senatum introduxerunt; omnibus ita existimantibus, magis sanctitate vitæ, quam sacerdotii jure, rem eam flaminem obtinuisse. Consules prius, quam in provincias irent, ⁴¹ duas urbanas legiones; in supplementum, quantum opus erat ceteris exercitibus militum, scripserunt. Urbanum veterem exercitum Fulvius consul C. Fulvio Flaccō legato (frater hic consulis erat) et Etruriam dedit ducendum, et legiones, quæ in Etruria erant, Romam deducendas. Et Fabius consul reliquias exercitus Fulviani conquisitas (fuere autem ad tria millia trecenti triginta sex) Q. Maximum filium ducere in Siciliam ad M. Valerium proconsulem jussit: atque ab eo duas legiones et triginta quinquere mes accipere. Nihil hæc eductæ ex insula legiones minuerunt nec viribus nec specie ejus provinciæ præsidium. nam quum, præter egregie suppletas duas veteres legiones, transfugarum etiam Numidarum equitum peditumque magnam vim haberet, Siculos quoque, qui in exercitu Epicydis aut Pœnorum fuerant, belli peritos viros, milites scripsit. Ea externa auxilia quum singulis Romanis legionibus adjunxisset, duorum speciem exercituum servavit: altero L. Cincium partem insulæ, qua regnum Hieronis fuerat, tueri jussit; altero ipse ⁴² ceteram insulam tuebatur, divisam quon-

Exercitus
in Sicilia.

³⁹ *L. Licinius*] Sigonius legi jubet *P. Licinius*: et merito, si res de qua hic agitur, insequente anno gesta est. Vid. infra, capp. 21. et 22. nomina prætorum illius anni.

⁴⁰ *Et flaminio*] Deleri jubet, ac merito, Gronovius voculam *et*. Contendebat Flaccus *datum id esse flaminio*, id est, sacerdotio quod gerebat, *cum toga prætexta et sella curuli*.

⁴¹ *Duas urbanas legiones; in supplementum*] Duas legiones scripserunt, quæ præsidio urbi essent: et præterea in supplementum ceterorum exercituum, scripserunt eum numerum mi-

litum qui illis exercitibus opus erat. In plerisque editis hic locus mala interpunctione laborat, quæ sensum omnem pervertit.

⁴² *Ceteram insulam divisam quondam Romani Punicique imperii finibus*] Quandonam? Etenim ante primum Punicum bellum initum nihil in Sicilia possidebant Romani; finito eodem, nihil jam in ea insula habuere Carthaginienses. Itaque hæc divisio, si locum habuit unquam, ad solum belli Punici primi tempus pertinere potuit.

dam Romani Punicique imperii finibus; classe quoque na- U. C. 548.
vium septuaginta partita, ut omni ambitu litorum præsidia A. C. 209.
oræ maritimæ essent. Ipse cum Mutinis equitatu provin-
ciam peragrabat, ut viseret agros, cultaque ab incultis nota-
ret, et perinde dominos laudaret castigaretque. Ita tantum
ea cura frumenti provenit, ut et Romam mitteret, et Cata-
nam conveheret, unde exercitui, qui ad Tarentum æstiva
acturus esset, posset præberi.

IX. Ceterum transportati milites in Siciliam (et erant
major pars Latini nominis sociorumque) prope magni motus
caussa fuere: adeo ex parvis sæpe magnarum momenta re-
rum pendent. Fremitus enim inter Latinos sociosque in Querelæ so-
ciorum et
Latini no-
minis.
conciliis ortus: *Decimum annum delectibus, stipendiis ex-
haustos esse. quotannis ferme clade magna pugnare. Alios
in acie occidi, alios morbo absumi: magis perire sibi civem,
qui ab Romano miles lectus sit, quam qui a Pæno captus.
quippe ab hoste gratis remitti in patriam; ab Romanis
extra Italiam in exilium verius, quam in militiam, able-
gari. Octavum jam ibi annum senescere Cannensem mili-
tem, moriturum ante, quam Italia hostis (quippe nunc quum
maxime florens viribus) excedat. Si veteres milites non re-
deant in patriam, novi legantur, brevi neminem superfutu-
rum. Itaque, quod propediem res ipsa negatura sit, prius-
quam ad ultimam solitudinem atque egestatem perveniant, ne-
gandum populo Romano esse. Si consentientes in hoc socios
videant Romani, profecto de pace cum Karthaginensibus jun-
genda cogitatu-ros. aliter numquam, vivo Hannibale, sine bello
Italiam fore.* Hæc acta in conciliis. ⁴³ Triginta tum coloniæ Coloniæ
duodecim
negant se
daturas mi-
lites Roma-
nis.
populi Romani erant. ex iis duodecim, quum omnium le-
gationes Romæ essent, negaverunt consulibus esse, unde mi-
lites pecuniamque darent. Eæ fuere Ardea, Nepete, Su-
trium, Alba, Carseoli, Cora, Suessa, Circeii, Setia, Cales,
Narnia, Interamna. Nova re consules icti, quum absterrere
eos a tam detestabili consilio vellent, castigando increpan- Castigantur
a Coss.
doque plus, quam leniter agendo, profecturos rati, eos ausos
esse consulibus dicere, aiebant, ⁴⁴ quod consules, in senatu ut
pronunciarent, in animum inducere non possent. non enim
detrectationem eam munerum militiæ, sed apertam defec-
tionem a populo Romano esse. Redirent itaque propere in co-
lonias, et, tamquam integra re, locuti magis, quam ausi,
tantum nefas, cum suis consulerent. admonerent, non Cam-

⁴³ *Triginta tum coloniæ*] Sigonius
enumerat tres et quinquaginta colo-
nias a Romanis ab u. c. ad hoc tem-
pus deductas. Sed Livius in suis
triginta coloniis non includit eas,
quas appellat infra, c. 38. Reliquæ
vel erant fortasse in potestate Anni-

balis, vel etiam aliquo casu interie-
rant, aut ita vacuæ erant cultoribus,
ut copiis juvare Romanos non pos-
sent.

⁴⁴ *Quod consules*] Quod consules
in senatu pronunciare non sustinerent,
non auderent.

U. C. 543. *panos, neque Tarentinos eos esse, sed Romanos; ⁴⁵ inde ori-*
 A. C. 209. *undos, inde in colonias atque in agrum bello captum stirpis*
augendæ causa missos: quæ liberi parentibus deberent, ea
illos Romanis debere, si ulla pietas, si memoria antiquæ pa-
triæ esset. Consulerent igitur de integro. nam, tum quidem
quæ temere agitassent, ea prodendi imperii Romani, tra-
dendæ Hannibali victoriæ esse. Quum alternis hæc con-
sules diu jactassent, nihil moti legati, neque se, quod domum
renunciarent, habere, dixerunt, neque senatum suum, quid novi
consuleret, ubi nec miles, qui legeretur, nec pecunia, quæ daretur
in stipendium, esset. Quum obstinatos eos viderent consules,
rem ad senatum detulerunt. ubi tantus pavor ⁴⁶ animis om-
nium est injectus, ut magna pars, actum de imperio, diceret.
idem alias colonias facturas; idem socios consensisse omnes,
ad prodendam Hannibali urbem Romanam.

X. Consules hortari et consolari senatum, et dicere, *Alias*
colonias in fide atque officio pristino fore, eas quoque ipsas, quæ
officio decessissent, si legati circa eas colonias mittantur, qui
castigent, non qui ⁴⁷ precentur, verecundiam imperii habituros
esse. Permissum ab senatu iis quum esset, agerent, facerent-
que, ut e republica ducerent; pertentatis prius aliarum co-
loniarum animis, citaverunt legatos, quæsiveruntque ab iis,
ecquid milites ⁴⁸ ex formula paratos haberent? Pro duode-
viginti coloniis M. Sextilius Fregellanus respondit: et mili-
tes ex formula paratos esse: et, si pluribus opus esset, plu-
res duros: et, quidquid aliud imperaret velletque popu-
lus Romanus, enise facturos. ad id sibi neque opes deesse, ani-
num etiam superesse. Consules, sibi parum videri, præfati,
pro merito eorum, sua voce conlaudari eos, nisi universi
Patres iis in curia gratias egissent, sequi in senatum jusse-
runt. Senatus, quam poterat honoratissimo decreto adlo-
cutus eos, mandat consulibus, ut ad populum quoque eos
producerent, et, inter multa alia præclara, quæ ipsis majori-
busque suis præstitissent, recens etiam meritum eorum in
republicam commemorarent. Ne nunc quidem ⁴⁹ post tot
secula sileantur, fraudenturve laude sua. Signini fuere, et
Norbani, Saticulanique, et Brundisini, et Fregellani, et
Lucerini, et Venusini, et Hadriani, et Firmani, et Arimi-
nenses: et ab altero mari, Pontiani, et Pæstani, et Cosa-

⁴⁵ qui non Gron. Crev.

45 * *Inde]* Ab Roma.

46 *Animis omnium]* Put. et Victor. codices, *animis hominum*, ut et ante Sigonium editi. Ille mutatum maluit, eique obsecuti sunt editores. Tamen et l. IX. c. 8. Livius itidem de senatu agens scripsit: *admiratio... incessit homines*. Ubi Gronovius quidem rescribi jubet *omnes*, sed ex mera conjectura.

47 *Ex formula]* Qua descriptum erat, quantum quæque colonia militum deberet. * Vid. supra not. 89. ad XXII. 57.

48 *Post tot secula]* Paulo plus ducenti anni effluxerant ab hoc tempore ad illud, quo Livius suam historiam scribebat. An et hic *γίνας* intelligi debent? Vid. not. 67. ad l. IX. c. 18.

ni: et mediterranei, Beneventani, et Æsernini, et Spoletini*, U. C. 543. et Placentini, et Cremonenses. Harum coloniarum subsidio tum imperium populi Romani stetit: iisque gratiæ et in senatu, et ad populum actæ. Duodecim aliarum coloniarum, quæ detrectaverunt imperium, mentionem fieri Patres vetuerunt, neque illos dimitti, neque retineri, neque appellari a consulibus. ea tacita castigatio maxime ex dignitate populi Romani visa est. Cetera expedientibus, quæ ad bellum opus erant, consulibus, ⁴⁹ aurum vicesimarium, quod ⁵⁰ in *Aurum vicesimarium.* sanctiore ærario ad ultimos casus servabatur, promi placuit. Promta ad ⁵¹ quatuor millia pondo auri. inde quingena pondo data consulibus, et M. Marcello, et P. Sulpicio proconsulibus, et L. Veturio prætori, qui Galliam provinciam sortitus erat; additumque Fabio consuli centum pondo auri præcipuum, quod in arcem Tarentinam portaretur. cetero usi sunt ⁵² ad vestimenta præsentī pecunia locanda exercitui, qui in Hispania bellum secunda sua fama ducisque gerebat.

XI. Prodigia quoque, priusquam ab urbe consules profiscerentur, procurari placuit. In Albano monte tacta de coelo erant signum Jovis, arborque templo propinqua, et ⁵³ Ostiæ lacus, et Capuæ murus, Fortunæque ædes, et Sinuessæ murus portaque. Hæc de coelo tacta. Cruentam etiam fluxisse aquam Albanam, quidam auctores erant. Et Romæ ⁵⁴ intus cellam ædis Fortis Fortunæ de capite ⁵⁵ signum, quod in corona erat, in manus sponte sua prolapsum. Et Priverni satis constabat bovem locutum, volturiumque frequenti foro in tabernam devolasse, et Sinuessæ natum ambiguo inter marem ac feminam sexu infantem: quos androgynos vulgus (⁵⁶ ut pleraque, faciliore ad duplicanda verba Græco sermone) adpellat: et lacte pluisse, et cum elephanti

* *Spoletani* Gron. Crev.

49 *Aurum vicesimarium*] Aurum congestum paulatim ex vicesima parte pretii eorum, qui manumittebantur; quæ quidem solvi cœpta fuerat anno u. c. 393. Vid. l. VII. c. 16. CLERICUS.

50 * *In sanctiore ærario*] Ærarium sanctius fuit pars ærarii reconditior, et in penitior recessu, quo certæ pecuniæ condebantur, non aliter inde, quam in gravissimis discriminibus, deprecandæ.

51 *Quatuor millia pondo*] Marcæ nostrates 6250. *Quingena*, 781. cum duabus unciiis. *Centum*, marcæ 156. cum duabus itidem unciiis.

52 * *Ad vestimenta præsentī pecunia locanda*] Ad faciendas præsentī pecunia vestimentorum exercitui Hispaniensi præbendorum locationes cum redemptoribus: unde id commodi

redibat, ut quum illi pecuniam præsentem acciperent pro iis quæ præbitori erant, minore pretio contenti esse deberent.

53 * *Ostiæ lacus*] Lacum de coelo tactum esse, haud alibi legisse nos meminimus; nec qui id dici possit, facile intelligitur. Fortasse Livius scripserat *lucus*.

54 *Intus cellam*] Quomodo apud Plautum in Milite, Act. II. Sc. 6. v. 55. *intus domum*. GRONOVIVS.

55 *Signum, quod in corona erat*] Fortasse hic desit nomen ejus divi, vel divæ, cujus hoc signum erat.

56 * *Ut pleraque, faciliore*] Quia, nempe facilior est sermo Græcus, quam Latinus, quum in plerisque, tum in *compositione* verborum, ut loquuntur Grammatici.

U. C. 548. capite puerum natum. Ea prodigia hostiis majoribus pro-
 A. C. 209. curata, et supplicatio circa omnia pulvinaria, et ⁵⁷ obsecratio
 in unum diem indicta: et decretum, ut C. Hostilius prætor
⁵⁸ ludos Apollini^y, sicut his annis voti factique erant, voveret
 Censores. faceretque. Per eos dies et censoribus creandis Q. Fulvius
 consul comitia habuit. Creati censores, ambo qui nondum
 consules fuerant, M. Cornelius Cethegus, P. Sempronius
 Tuditanus. ⁵⁹ Hi censores, ut agrum Campanum fruendum
 locarent, ex auctoritate Patrum ⁶⁰ latum in plebem est, ple-
 besque scivit. Senatus lectionem contentio inter censores
 De legendo principe
 senatus
 contentio. de principe legendo tenuit. Sempronii lectio erat: cete-
 rum Cornelius *morem traditum a patribus sequendum* aiebat.
ut, qui primus censor ex iis, qui viverent, fuisset, eum princi-
pem legerent: is T. Manlius Torquatus erat. Sempronius,
cui Dii sortem legendi dedissent, ei jus liberum eosdem dedisse
Déos. Se id suo arbitrio facturum: lecturumque Q. Fabium
Maximum, quem tum principem Romanæ civitatis esse, vel
Hannibale iudice, ⁶¹ *victurus esset.* Quum diu certatum ver-
 bis esset², concedente, collega, lectus a Sempronio prin-
 ceps in senatu Q. Fabius Maximus consul: inde alius lec-
 tus senatus, octo præteritis, inter quos L. Cæcilius Me-
 tellus erat, infamis auctor deserendæ Italiæ post Cannen-
 sem cladem. In equestribus quoque notis eadem servata
 caussa. sed erant perpauca, quos ea infamia adtingeret. ⁶² Il-
 lis omnibus (et multi erant) adempti equi, qui Cannensium
 Notati Can- legionum equites in Sicilia erant. addiderunt acerbitati
 nenses equi- etiam tempus, ⁶³ ne præterita stipendia procederent iis, quæ
 tes.

^y *Apollinis* Gron. Crev.

² *esset verbis* Eæd.

⁵⁷ *Obsecratio .. indicta]* Obsecratio sumitur hic specialiore sensu pro ritu quodam peculiari supplicandi diis, quemadmodum et l. IV. c. 21. *Obsecratio .. a populo duumviris præeuntibus est facta.*

⁵⁸ *Ludos Apollinis]* Magis placeret *Apollini*, quomodo Sigonius et unus ex Hearnii MSS.

⁵⁹ *Hi censores ut agrum Campanum fruendum locarent]* Supra, c. 3. memoravit Livius agrum Campanum a Fulvio locatum esse. Sed nimirum hic res solenniore ritu peragitur a censoribus, quorum proprium hoc munus erat, ex auctoritate Patrum plebisque jussu. Ceterum pro vocula *hi* quidam veteres editi præferebant *duo*. Correxerit Sigonius.

⁶⁰ *Latum in plebem est]* Sic quidem plurimi MSS. teste Gronovio. Dubitamus tamen an illorum auctoritas tantum valere debeat, ut inusitatam loquendi

formam admittamus, *ferre in plebem:* quum semper alias dixerint scripserintque antiqui scriptores *ferre ad populum, ferre ad plebem*. Hic quoque aliquot editi et regius codex habent: *latum ad plebem est.*

⁶¹ *Victurus esset]* Probaturus esset.

⁶² * *Illis omnibus .. qui]* Hæc junge sibi invicem.

⁶³ *Ne præterita stipendia procederent iis, quæ equo publico emeruerant]* Ne præteritorum stipendiorum, quæ equo publico emeruerant, ulla ratio haberetur. Hinc dena stipendia facere equis privatis jubentur. Tot enim annis, nempe decem, finiebatur equestris militiæ tempus, teste Polyb. l. VI. Ceterum hoc loco repræsentamus ipsam Put. codicis scripturam. Victor. quoque servat *emeruerant*. Hactenus editi habent .. *iis qui equo publico meruerant:* quo loquendi mo-

equo publico emeruerant^a, sed dena stipendia equis privatis U. C. 548. facerent. Magnum præterea numerum eorum conquisiverunt, qui equo merere deberent: atque ex iis, qui principio ejus belli septemdecim annos nati fuerant, neque militaverant, omnes⁶⁴ ærarios fecerunt. Locaverunt inde reficienda, quæ circa forum incendio consumpta erant, septem tabernas, macellum, ⁶⁵ atrium regium.

XII. Transactis omnibus, quæ Romæ agenda erant, consules ad bellum profecti. Prior Fulvius prægressus Capuam. Post paucos dies consecutus Fabius; qui et collegam coram obtestatus, et per literas Marcellum, ut quam acerrimo bello detineret Hannibalem, dum ipse Tarentum obpugnaret: Fabius statuit Tarentum obpugnare. ⁶⁶ nec quid fidum respiceret habenti, ne remorandi quidem causam in Italia fore. Rhegium etiam nuncium mittit ad præfectum præsidii, quod ab Lævino consule adversus Bruttios ibi locatum erat, ⁶⁷ octo millia hominum: pars maxima ab Agathyrna (sicut antea dictum est) ex Sicilia traducta, rapto vivere hominum adsuetorum. additi erant Bruttiorum ⁶⁸ indidem perfugæ, et audacia et audendi omnia necessitatibus pares. Hanc manum ad Bruttium primum agrum depopulandum duci jussit, inde ad Cauloniam urbem obpugnandam. Imperata non in pigre solum, sed etiam avide, exsecuti, direptis fugatisque cultoribus agri, summa vi urbem obpugnabant. Marcellus, et consulis literis excitus, Marcellus et quia ita in animum induxerat, neminem ducem Romanum tam parem Hannibali, quam se, esse, ubi primum in agris pabuli copia fuit, ex hibernis profectus, ad Canusium Hannibali obcurrit. Sollicitabat ad defectionem Canusinos Poenus. ceterum, ut adpropinquare Marcellum audivit, castra inde movit. Aperta erat regio, sine ullis ad insidias latebris; itaque in loca saltuosa cedere inde cœpit. Marcellus vestigiis instabat, castraque castris conferebat: et, opere perfecto, extemplo in aciem legiones educebat. Hannibal, turmatim per equites peditumque jaculatores levia certamina serens, casum universæ pugnæ non necessarium ducebat. tractus est tamen ad id, quod vitabat, certamen, ⁶⁹ Nocte

^a meruerant Gron.

do discrimen aliquod statui videretur inter eos qui equo publico, et qui equo privato militassent, quum de iis solis sit sermo qui equum publicum habuerant, et proprio nomine equites Romani vocitabantur.

⁶⁴ *Ærarios fecerunt*] Quid sit ærarium facere, exposuimus in nota 25. ad l. IV. c. 24.

⁶⁵ *Atrium regium*] Vid. not. 46. ad l. XXVI. c. 27.

VOL. II.

⁶⁶ * *Nec quid fidum respiceret habenti*] Nec fidum a tergo tutumve perfugium habenti, quo se reciperet.

⁶⁷ *Octo millia hominum . . . rapto vivere hominum assuetorum*] Posterius illud hominum vacat, ac delendum videtur.

⁶⁸ * *Indidem*] Ex hac ipsa regione, in qua Rhegium erat. Nempe Rhegium situm erat in agro Bruttiorum.

⁶⁹ *Nocte prægressum assequitur*]

C C

U. C. 548. A. C. 209. **Prægressum^b adsequitur locis planis ac patentibus Marcellus. castra inde ponentem, pugnando undique in munitores, operibus prohibet. Ita signa conlata, pugnatumque totis copiis: et, quum jam nox instaret, Marte æquo discessum est. castra, exiguo distantia spatio, raptim ante noctem permunita. Postero die luce prima Marcellus in aciem copias eduxit. nec Hannibal detrectavit certamen, multis verbis adhortatus milites, ut, *memores Trasimeni Cannarumque, contunderent ferociam hostis. urgere atque instare eum. non iter quietos facere, non castra ponere pati, non respirare aut circumspicere. quotidie simul orientem solem et Romanam aciem in campis videndam esse. Si uno prælio haud incruentus abeat, quietius deinde tranquilliusque eum bellaturum.* His irritati adhortationibus, simulque tædio ferociæ hostium quotidie instantium lacescentiumque, acriter prælium ineunt. Pugnatum amplius duabus horis est. cedere inde ab Romanis⁷⁰ dextra ala et extraordinarii cœpere. Quod ubi Marcellus vidit, duodevicesimam legionem in primam aciem inducit. Dum alii trepidi cedunt, alii segniter subeunt, turbata tota acies est, dein prorsus fusa; et, vincente pudorem metu, terga dabant. Cecidere in pugna fugaque ad duo millia et septingenti civium sociorumque: in his quatuor Romani centuriones, duo tribuni militum, M. Licinius et⁷¹ M. Helvius^c. Signa militaria quatuor⁷² de ala, prima quæ fugit; duo de legione, quæ cedentibus sociis successerat, amissa.**

Alterum prælium, in quo superior Pœnus.

Exercitus acriter a Marcello increpitus.

XIII. Marcellus, postquam in castra reditum est, concionem adeo sævam atque acerbam apud milites habuit, ut prælio, per diem totum^d infelicitè tolerato, tristior iis irati ducis oratio esset. *Diis immortalibus, ut in tali re, laudes gratesque, inquit, ago, quod victor hostis, cum tanto pavore incidentibus vobis in vallum portasque, non ipsa castra est aggressus. deseruissetis profecto eodem terrore castra, quo omistis pugnam. Qui pavor hic, qui terror, quæ repente, qui, et cum quibus pugnaretis, oblivio animos cepit? nempe iidem sunt hi hostes, quos vincendo et victos sequendo priorem æstatem absumsistis; quibus dies noctesque fugientibus per hos dies insti-*

^b add. cum Gron.

^c Fulvius Gron. Crev.

^d totam Eæd.

Sigonius inseruerat *eum*. Sed hoc additamentum optimi MSS. repudiant.

⁷⁰ *Dextra ala et extraordinarii*] Socii pars *alares* erant, pars *extraordinarii*. Ex omni enim sociali exercitu eligebantur appositissimi ad ea omnia quæ vera virtute egent, quos a ceteris abjungebant et vocabant *extraordinarios*. Ex equitibus pars tertia, ex peditibus quinta sumebatur. Reliquos in duas alas, dextram et si-

nistram, dividebant. Hæc fere Polyb. l. VI. quem interpretatur Lipsius, l. II. de Mil. Rom. c. 7. Erant igitur *alares et extraordinarii*, tum equites tum pedites. Hic de peditibus sermo est.

⁷¹ *M. Fulvius*] Put. liber, *M. Helvius*: et alludunt ceteri.

⁷² *De ala prima*] De ala, quæ in prima acie fuerat.

tistis; quos levibus praeliis fatigastis; quos hesterno die nec iter facere, nec castra ponere passi estis. ⁷³ Omitto ea, quibus gloriari potestis: cuius et ipsius pudere ac poenitere vos oportet, referam. nempe, æquis manibus hesterno die diremistis pugnam. Quid hæc nox, quid hic dies adtulit? vestræ his copiae inminutæ sunt, an illorum auctæ? Non equidem mihi cum exercitu meo loqui videor, nec cum Romanis militibus. corpora tantum atque arma eadem sunt. An, si eosdem animos habuissetis, terga vestra vidisset hostis? signa alicui manipulo aut cohorti abstulisset? ⁷⁴ Adhuc cæsis Romanis legionibus gloriabatur. vos illi hodierno die primum fugati exercitus dedistis decus. Clamor inde ortus, ut veniam ejus diei daret; ubi vellet, deinde experiretur militum suorum animos. Ego vero experiar, inquit, milites: et vos crastino die in aciem educam, ut victores potius, quam victi, veniam impetretis, quam petitis. Cohortibus, quæ signa amiserant, hordeum dari jussit: centurionesque manipulorum, quorum signa amissa fuerant, ⁷⁵ destrictis gladiis discinctos destituit; et, ut postero die ⁷⁶ omnes, equites, pedites, armati adessent, edixit. Ita concio dimissa fatentium, jure ac merito sese increpitos; neque illo die virum quemquam in acie Romana fuisse, præter unum ducem; cui aut morte satisfaciendum, aut egregia victoria esset. Postero die ornati armatique ad edictum aderant. Imperator eos conlaudat, pronunciatque, a quibus orta pridie fuga esset, cohortesque, quæ signa amisissent, se in primam aciem inducturum. edicere jam sese, omnibus pugnandum ac vincendum esse: et adnitendum singulis universisque, ne prius hesternæ fugæ, quam hodiernæ victoriæ, fama Romam perveniat. Inde cibo corpora firmare jussi, ut, si longior pugna esset, viribus subficerent. Ubi omnia dicta facta-

^c hesternæ Gron. ^f hæc Gron. Crev. ^g crastina Gron. ^h de-
strictis Gron. ⁱ pedites equitesque Gron. Crev. ^k armati ornatique Eæd.
^l esset pugna Eæd.

⁷³ Omitto ea] Hæc totius hujus loci mens est, qui ob brevitatem potest videri paulo obscurior. Omitto ea quibus gloriari potestis, victos, fatigatos, turbatos hostes. Non ii jam estis, a quibus postulandum sit, ut priorum recte factorum decus tueamini. Id referam, quod vobis ipsum pudori esse deberet, nempe æquatam vobis hesterno die cum hostibus pugnam: a quo tamen pudendo licet et poenitendo successu hodie degenerastis, ipsi fugati et in castra compulsi. Quid hæc nox, &c.

⁷⁴ Adhuc cæsis] Hactenus gloriabatur Annibal cæsas a se Romanas legiones: at nunquam integras fugaverat. Vos ei hoc decus hodie primum dedistis.

⁷⁵ Destrictis gladiis discinctos destituit] Vulgo districtis: quod verbum recte damnat Gronovius. Districtis enim est impeditis, occupatis varietate rerum. Scripti habent quod dedimus: sed et iidem destitui jussit. Ultima vox, jussit, necessaria non est, quum reperiatur in membro præcedenti. Legamus ergo cum eodem Gronovio: destrictis gladiis discinctos destitui. Stare eos Marcellus jussit per aliquantum temporis, discinctos, cum nudatis et evaginatis gladiis: quod erat poenæ militaris genus, memoratum Suetonio quoque in Augusti vita, c. 24.

⁷⁶ Omnes pedites equitesque armati] Lege ex scriptis, omnes, equites, pedites, armati.

U. C. 548. que sunt, quibus excitarentur animi militum, in aciem pro-
A. C. 209. cedunt.

Tertium
prælium.

Elephanti
aciem Rom.
turbant.

Fugantur.

XIV. Quod ubi Hannibali nunciatum est: *Cum eo nimis-
rum*, inquit, *hoste res est, qui nec bonam, nec malam ferre for-
tunam potest. Seu vicit, ferociter instat victis: seu victus est,
instaurat cum victoribus certamen.* Signa inde canere jussit,
copias educit. Pugnatum utrimque aliquanto, quam pridie,
acrius est: Pœnis ad ⁷⁷ obtinendum hesternum decus adni-
tentibus, Romanis ad demendam ignominiam. ⁷⁸ Sinistra ala
ab Romanis et cohortes, quæ amiserant signa, in prima acie
pugnabant, et legio vicesima ab dextro cornu instructa. L.
Cornelius Lentulus et C. Claudius Nero legati cornibus
præerant, Marcellus mediam aciem, hortator testisque præ-
sens, firmabat. Ab Hannibale Hispani primam obtinebant
frontem, et id roboris in omni exercitu erat. Quum anceps
diu pugna esset, Hannibal elephantos in primam aciem in-
duci jussit: si quem injicere ea res tumultum ac pavorem
posset. Et primo turbarunt signa ordinesque, et partim
occulcatis, partim dissipatis terrore, qui circa erant, nuda-
verant una parte aciem. latiusque fuga manasset, ni C. De-
cimus Flavus tribunus militum, ⁷⁹ signo adrepto primi hasta-
ti, manipulum ejus signi se sequi jussisset. duxit, ubi maxi-
me tumultum conglobatæ belluæ faciebant, pilaque in eas
conjici jussit. Hæsere omnia tela haud difficili ex propin-
quo in tanta corpora ictu, ⁸⁰ et tam conferta turba. sed ut
non omnes vulnerati sunt; ita, in quorum tergis infixæ ste-
tere pila, (⁸¹ ut est genus anceps) in fugam versi etiam inte-
gros avertere. Tum jam non unus manipulus, sed pro se
quisque miles, qui modo adsequi agmen fugientium ele-
phantorum poterat, pila conjicere. eo magis ruere in suos
belluæ; tantoque majorem stragem edere, quam inter hos-
tes ediderant, ⁸² quanto acrius pavor consternatam agit,
quam insidentis magistri imperio regitur. In perturbatam

⁷⁷ * *Obtinendum*] Retinendum, con-
servandum.

⁷⁸ *Sinistra ala . . . et legio vicesi-
ma*] Pronunciaverat Marcellus se in
primam aciem inducturum eos, a qui-
bus pridie fuga orta esset: in præce-
denti autem pugna fuga oritur a dextra
ala, ac deinde duodevicesima legione.
Itaque mirum videri debet, quod hic
sinistra ala et vicesima legio in prima
acie pugnent.

⁷⁹ *Signo . . . primi Hastati*] Signo
primi manipuli Hastatorum.

⁸⁰ *Et tam conferta turba*] Parvum
est: sed credimus scripsisse Livium,
ut in Put. libro est, *et tum conferta*

turba. Ipsa elephantorum corpora ob
molem patent ictibus: sed *tum* eo magis
quod conferta erat turba.

⁸¹ *Ut est genus anceps*] Ut bellus
illa ejusmodi est, quæ tam in suos quam
in hostes ruat.

⁸² *Quanto acrius pavor consterna-
tam agit*] Intellige belluam illam, il-
lam belluæ indolem et naturam. Hoc
ideo notamus, non quod aliquid ob-
scure sit, sed quia præcessit vox
belluæ numero plurali: unde offen-
dere posse videretur subsequens no-
men singulare *consternatam*. De re
magis quam de verbis laborat Li-
vius.

transcursu belluarum aciem signa inferunt Romani pedites : II. C. 543. A. C. 209. Vincit Marcellus.
et haud magno certamine dissipatos trepidantesque aver-
tunt. Tum in fugientes equitatum inmittit Marcellus, nec
ante finis sequendi est factus, quam in castra paventes
compulsi sunt. Nam super alia, quæ terrorem trepidatio-
nemque facerent, elephanti quoque duo in ipsa porta con-
ruerant, coactique erant milites per fossam vallumque ruere
in castra. ibi maxima hostium cædes facta : cæsa ad octo
millia hominum, quinque elephanti. Nec Romanis incruen-
ta victoria fuit. mille ferme et septingenti de duabus legio-
nibus, et sociorum supra mille et trecentos occisi : vulne-
rati permulti civium sociorumque. Hannibal nocte proxima Retrocedit Hannibal.
castra movit. Cupientem insequi Marcellum prohibuit
multitudo sauciorum.

XV. Speculatores, qui prosequerentur agmen, missi, pos-
tero die retulerunt, Bruttios Hannibalem petere. Iisdem Deseritur ab Hirpinis, aliisque.
fere diebus et ad Q. Fulvium consulem Hirpini, et Lucani,
et Volcentes ^m, traditis præsiidiis Hannibalis, quæ in urbibus
habebant, dediderunt sese, clementerque a consule, cum ver-
borum tantum castigatione ob errorem præteritum, accepti.
Et Bruttiis similis spes veniæ facta est : quum ab iis Vibius
et Pactius fratres, longe nobilissimi gentis ejus, eandem,
quæ data Lucanis erat, conditionem deditionis petentes ve-
nissent. Q. Fabius consul oppidum in Sallentinis ⁿ Mandu-
riam vi cepit. ibi ad quatuor millia hominum capta, et cete-
ræ prædæ aliquantum. Inde Tarentum profectus, in ipsis Fabius Ta-
rentum ob-
pugnat.
faucibus portus posuit castra. naves, quas Livius tutandis
commeatibus habuerat, partim machinationibus onerat ad-
paratuque mœnium obpugnandorum, partim tormentis et
saxis omnique missilium telorum genere instruit, onerarias
quoque, non eas solum, quæ remis agerentur ; ut alii machi-
nas scalasque ad muros ferrent, alii procul ex navibus vul-
nerarent mœnium propugnatores. Eæ naves, ab aperto
mari ut urbem adgrederentur, instructæ paratæque sunt.
Et erat liberum mare, classe Punica, quum Philippus ob-
pugnare Ætolos pararet, Corcyram transmissa. In Bruttiis
interim Caulonis obpugnatores, sub adventum Hannibalis,
ne obprimerentur, in tumultum, a præsentī inpetu tutum ^o,
se recepere. Fabium, Tarentum obsidentem, leve dictu mo-
mentum ad rem ingentem potiundam adjuvit. ⁸³ Præsidium
Bruttiorum datum ab Hannibale Tarentini habebant. ejus

^m *Volscentes* Gron. Crev.
inopem se recepere Gron. Crev.

ⁿ *Salentinis* Gron.

^o *tutum ad cetera*

83 * *Præsidium Bruttiorum*] Id est, cohortem Bruttiorum, quæ in partem veniret tuendæ urbis. Ita sese explicat ipse Livius, quum in tota narratione, tum versus hujus c. finem, his verbis : *eam partem muri, qua Bruttiorum cohortem præsidium agitare proditiōis conciliator nunciaverat.*

U. C. 548.
A. C. 209.
Tarentum
proditione
captum.

præsidiū præfectus deperibat amore mulierculæ, cujus frater in exercitu Fabii consulis erat. Is, certior literis sororis factus de nova consuetudine advenæ, locupletis atque inter populares tam honorati, spem nactus per sororem quolibet impelli amantem posse, quid speraret, ad consulem detulit. quæ quum haud vana cogitatio visa esset, pro perfuga jussus Tarentum transire, ac per sororem præfecto conciliatus, primo occulte animum ejus tentando, dein, satis explorata levitate, blanditiis muliebribus perpulit eum ad prodicionem custodiæ loci, cui præpositus erat. Ubi et ratio agendæ rei, et tempus convenit, miles, nocte per intervalla stationum clam ex urbe emissus, ea, quæ acta erant, ⁸⁴ quæque ut agerentur, convenerat, ad consulem refert. Fabius vigilia prima, dato signo iis, qui in arce erant, quique custodiam portus habebant, ipse circuito portu ab regione urbis in orientem versa occultus consedit. Canere inde tubæ simul ab arce, simul a portu et ab navibus, quæ ab aperto mari adpulsæ erant; clamorque undique cum ingenti tumultu, unde minimum periculi erat, de industria ortus. Consul interim silentio continebat suos. Igitur Democrates, qui præfectus antea classis fuerat, forte illo loco præpositus, postquam quieta omnia circa se vidit, alias partes eo tumultu personare, ut captæ urbis interdum excitaretur clamor, veritus ne inter cunctationem suam consul aliquam vim faceret, signaque inferret, ⁸⁵ præsidium ad arcem, unde maxime terribilis accidebat sonus, traducit. ⁸⁶ Fabius, quum et ^P ex temporis spatio et ex silentio ipso (quod ubi paullo ante strepebant excitantes vocantesque ad arma, inde nulla accidebat vox) deductas custodias sensisset; ferri scalas ad eam partem muri, qua Bruttiorum cohortem præsidium agitare prodicionis conciliator nunciaverat, jubet. Ea primum est captus murus, adjuvantibus recipientibusque Bruttiis: et transcensum in urbem est. inde et proxima refracta porta, ut frequenti agmine signa inferrentur. Tum, clamore sublato, sub ortum ferme lucis, nullo obvio armato, in forum perveniunt: omnesque undique, qui ad arcem portumque pugnabant, in se converterunt.

Pugna in
foro.

XVI. Proelium in aditu fori majore inpetu, quam perseverantia, commissum est. non animo, non armis, non arte belli, non vigore aut viribus corporis, par Romano Tarentinus erat. Igitur, pilis tantum conjectis, prius pene, quam consererent manus,

^P et del. Gron.

84 *Quæque ut agerentur convenerant*] Quæque agenda convenerant: ut paulo ante, *ubi et ratio agendæ rei et tempus convenit*. Gronovius edidit *convenerat*, obsecutus, ut ait, Gallicis codicibus. At tres e nostris, ut et olim editi, *convenerant*.

85 * *Præsidium*] Eam militum manum, cum qua locum sibi attributum tuebatur.

86 *Fabius quum et ex temporis spatio, et ex silentio*] Prius et neglectum a recentioribus editoribus, ex scriptorum codd. auctoritate revocavimus.

terga dederunt, dilapsique per nota urbis itinera in suas amicorumque domos. Duo ex ducibus Nico et Democrates fortiter pugnantes cecidere. ⁹⁷ Philomenus⁹, qui prodicionis ad Hannibalem auctor fuerat, quum citato equo ex proelio avectus esset; vagus paullo post equus errans per urbem cognitus; corpus nusquam inventum est. creditum vulgo est, in puteum apertum ex equo præcipitasse. Karthalonem autem, præfectum præsidii Punici, ⁹⁸ cum commemoratione paterni hospitii, positis armis, venientem ad consulem, miles obviis obtruncat. ⁹⁹ Alii alios passim sine discrimine armatos, inermes, cædunt, ^{Multi passim occisi.} Karthaginienses Tarentinosque pariter. ¹⁰⁰ Bruttii quoque multi^r interfecti, seu per errorem, seu vetere in eos insito odio, seu ad prodicionis famam (ut vi potius atque armis captum Tarentum videretur) extinguendam. Tum ab cæde ad diripiendam urbem discursum. millia triginta servilium capitum dicuntur capti: argenti vis ingens facti signatique: ¹⁰¹ auri octoginta tria^a millia pondo: signa tabulæque, prope ut Syracusarum ornamenta æquaverint. Sed majore animo generis ejus præda abstinuit Fabius, quam Marcellus; qui interroganti scribæ, ¹⁰² quid fieri signis vellet, (ingentis magnitudinis Dii sunt, ¹⁰³ suo quisque habitu in modum pugnantium formati) *Deos iratos Tarentinis relinqui* jussit. Murus inde, qui urbem ab arce dirimebat, dirutus est ac disiectus. Dum hæc Tarenti aguntur, Hannibal iis, qui Cauloniam obside-

⁹ *Philomenus* Gron. Crev.

^r add. *passim* Gron.

^a *septem* Gron. Crev.

87 *Philomenus*] Hic Tarenti proditor *Philomenus* vocatur supra, l. XXV. capp. 8. et 9. Scripti fere *Philemenes*: Polybius, Φιλήμενος.

88 * *Cum commemoratione paterni hospitii . . . venientem ad consulem*] Quum veniret ad consulem, commemorans sibi paternum esse cum eo hospitium. Intelligendus est autem Carthalo id commemorasse, non apud consulem, quem antequam adiret, occisus est; sed apud eos quos circa se habebat.

89 *Alii alios passim . . . cædunt*] Si nihil hic mendosum est, *alii alios* non, ut vulgo, exponetur, hi quidem hos cædunt, illi vero alios; sed, reliqua multitudo militum Romanorum cædunt passim alios quoslibet hostes. At potius suspicaremur vacare vocem *alii*, quæ obtrudi potuit ab aliquo emendatore, ne scilicet verbum *cædunt* suo careret nomine, quum optime suppleri possit ex sensu *Romani milites*.

90 *Bruttii quoque multi interfecti*] Sigonius adjecerat *passim*: quam vocem, ut ex tertio ante hunc versu

male repetitam, ejecimus, auctoribus tribus scriptis.

91 *Auri octoginta septem millia pondo*] Ponderis nostratis 135937. se-libræ, seu marcæ, cum unciiis 4.

92 *Quid fieri signis vellet, ingentis magnitudinis dii sunt*] An omnia Tarentina signa ingentis magnitudinis erant, nec quemquam deorum exhibebant, nisi in modum pugnantis formatum? Jam vero Plutarchus, qui in tota hac narratione Livium intuitus est, inque multis vertit, longe elegantius rem narrat. Facit enim scribam interrogantem, non quid de *signis*, sed quid de *diis* Tarentinorum fieri vellet Fabius. Unde optime quadrat Fabii responsum jubentis *deos iratos* Tarentinis relinqui. Omnino videtur esse aliquid in hisce Livii verbis depravatum aut omissum, quod tamen haud facile quis corrigat, supplæatve.

93 * *Suo quisque habitu in modum pugnantium formati*] Ita formati in pugnantium modum, ut tamen suum quisque habitum peculiarem et propria insignia retineret.

U. C. 548.
A. C. 209.
Adcurrit
Hannibal,
serum post
urbem cap-
tam auxi-
lium.

bant, in deditionem acceptis, audita obpugnatione Tarenti, dies noctesque cursim agmine acto, quum, festinans ad opem ferendam, captam urbem audisset; *Et Romani, inquit, suam Hannibalem habent. eadem, qua ceperamus, arte Tarentum amisimus.* Ne tamen fugientis modo convertisse agmen videretur, ⁹⁴quo constituerat loco, quinque millia ferme ab urbe posuit castra. ibi paucos moratus dies, Metapontum sese recepit. inde duos Metapontinos cum literis principum ejus civitatis ad Fabium Tarentum mittit, fidem ab consule accepturos, impunita iis priora fore, si Metapontum ei cum praesidio Purifico prodidissent. Fabius, vera, quae adferrent, esse ratus, diem, qua accessurus esset Metapontum, constituit: literasque ad principes dedit, quae ad Hannibalem delatae sunt. Enimvero laetus successu fraudis, si ne Fabius quidem dolo invictus fuisset, haud procul Metaponto insidias ponit. Fabio auspicianti prius, quam egrederetur ab Tarento, aves semel atque iterum non addixerunt. hostia quoque caesa consulenti Deos aruspex, cavendum a fraude hostili et ab insidiis, praedixit. Metapontini, postquam ad constitutam non venerat diem, remissi, ut cunctantem hortarentur, repente comprehensi, metu gravioris quaestionis, detegunt insidias.

Hispaniae
res, Roma-
nis secun-
dae.

XVII. Aestatis ejus principio, qua haec agebantur, P. Scipio in Hispania quum hiemem totam reconciliandis barbarorum animis, partim donis, partim remissione obsidum captivorumque, absumsisset; Edesco ad eum, clarus inter duces Hispanos, venit. Erant conjux liberique ejus apud Romanos. sed praeter eam causam etiam velut fortuita inclinatio animorum, quae Hispaniam omnem averterat ad Romanum a Punico imperio, traxit eum. Eadem causa Indibili Mandonioque fuit, haud dubie omnis Hispaniae principibus, cum omni popularium manu, relicto Hasdrubale, secedendi in imminentes castris ejus tumulos, unde per continentia juga tutus receptus ad Romanos esset. Hasdrubal, quum hostium res ⁹⁵tantis¹ augescere incrementis cerneret, suas imminui, ac fore, ut, nisi audendo aliquid moveret, qua coepissent, fluere, dimicare quam primum statuit. Scipio avidior etiam certaminis erat, quum a spe, quam successus rerum augebat; tum quod prius, quam jungerentur hostium exercitus, cum uno dimicare duce exercituque, quam simul cum universis, malebat. Ceterum, etiam, si cum pluribus pariter dimicandum foret, arte quadam copias auxerat. nam quum videret, nullum esse navium usum, quia vacua omnis Hispaniae ora

¹ *tacitis* Gron.

⁹⁴ *Quo constituerat loco*] Quo loco constituerat agmen, sive stare jusserat. Si quis malit *constiterat*, non magnopere repugnabimus, et habebit faventes duos e scriptis nostris.

⁹⁵ *Tantis augescere incrementis*] Vulgo *tacitis*: parum commodo sensu. Moniti a Gronovio reposuimus *tantis*, quae lectio est vett. editorum et optimorum MSS.

classibus Punicis erat, subductis navibus Tarracone, navales U. C. 548. socios terrestribus copiis addidit. et armorum adfatim erat A. C. 209. captorum Karthagine, et quæ post captam eam fecerat, tanto opificum numero incluso. Cum iis copiis Scipio; veris principio ab Tarracone egressus, (jam enim et Lælius redierat ab Roma, sine, quo nihil majoris rei motum volebat) ducere ad hostem pergit. Per omnia pacata eunti, ut cujusque populi fines transiret, prosequentibus excipientibusque sociis, Indibilis et Mandonius cum suis copiis occurrerunt. Indi- Indibilis et Mandonius ad Rom. deficiunt. bilis pro utroque locutus, haudquaquam ut barbarus stolide incauteque, sed potius cum verecunda gravitate: propiorque excusanti transitionem ut necessariam, quam glorianti eam^t velut primam^u occasionem raptam^x. *Scire enim se, transfugæ nomen execrabile veteribus sociis, novis suspectum esse. neque eum se reprehendere morem hominum, "si tamen anceps odium caussa, non nomen, faciat.* ⁷ Merita inde sua in duces Karthaginienses commemoravit, avaritiam contra eorum, superbiamque, et omnis generis injurias in se atque populares. *Itaque corpus dumtaxat suum ad id tempus, apud eos fuisse: animum jam pridem ibi esse, ubi "jus ac fas crederent coli. ad Deos quoque confugere supplices, qui nequeant hominum vim atque injurias pati. Se id Scipionem orare, ut transitio sibi nec fraudi apud eum, nec honori sit. quales ex hac die experiundo cognovit, perinde operæ eorum pretium faceret.* Ita prorsus respondet facturum Romanus: nec pro transfugis habiturum, qui non duxerint societatem ratam, ubi nec divini quidquam, nec humani sanctum esset. Productæ deinde in conspectum iis conjuges liberique lacrimantibus gaudio redduntur, atque eo die in hospitium abducti. Postero die fœdere accepta fides; dimissique ad copias adducendas. ⁹⁰ Iisdem deinde castris^y tendebant, donec ducibus iis ad hostem perventum est.

XVIII. Proximus Karthaginiensium exercitus Hasdrubalis prope urbem Bæculam erat. pro castris equitum stationes habebat. In eas velites¹ antesignanisque, et qui primi agminis

Ad Hasdrubalem contendit Scipio.

^t ea Gron. Crev. ^u ad primam Eæd. ^x rapta Eæd. ^y in castris Gron.

96 *Si tamen anceps odium*] Si tamen geminum illud odium tum a veteribus sociis, tum a novis, causa uniuscujusque inspecta, non nomen ipsum transfugæ faciat.

97 *Merita inde sua in . . Carthaginienses . . avaritiam contra eorum*] His dat lucem Polybius, l. IX. in Excerpt. de Virt. et Vitiis. *Post victos hostes, inquit, (id est, post cladem Scipionum) Asdrubal Gisgonis filius eo amentiae processit, ut ab uno e sociis tota Hispania fidelissimo Indibile, qui Carthaginiensium causa olim regno*

ejectus, et ob fidem in eos ac benevolentiam nuper in regnum restitutus fuerat, pecunias flagitare non dubitaverit. Quod quum ille facere neglexisset . . . Asdrubal conficta adversus eum calumnia, filias suas obsides dare ipsum coëgit.

98 * *Jus ac fas*] Vid. not. 38. ad l. 32.

99 *Iisdem deinde castris tendebant*] Resecuimus voculam in, quæ abest a scriptis omnibus.

¹ *Antesignani*] Vid. not. 17. ad l. II. c. 20.

U. C. 543. erant, advenientes ex itinere, priusquam castris locum cape-
 A. C. 209. rent, adeo contemtim inpetum fecerunt, ut facile adpareret,
 quid utrique parti animorum esset. In castra trepida fuga
 compulsi equites sunt: signaque Romana portis prope ipsis
 inlata. Atque illo quidem die, irritatis tantum ad certamen
 animis, castra Romani posuerunt. Nocte Hasdrubal in tu-
 mulum copias recipit, plano campo in summo patentem:
²fluvius ab tergo; ante circaque velut ripa præceps oram
 ejus omnem cingebat. Suberat et altera inferior ³submissa
 fastigio planities. eam quoque altera crepido haud facilius
 in adscensum ambibat. In hunc inferiorem campum pos-
 tero die Hasdrubal, postquam stantem pro castris hostium
 aciem vidit, equites Numidas, leviumque armorum Baliares,
 et Afros demisit. Scipio, circumvectus ordines signaque,
 ostendebat, *hostem, prædamnata spe æquo dimicandi campo,*
captantem tumulos, loci fiducia, non virtutis armorumque, stare
in conspectu. sed altiora moenia habuisse Karthaginem, quæ
transcendisset miles Romanus. Nec tumulos, nec arcem, ⁴ne²
mare quidem armis obstitisse suis. ⁵ad id fore altitudines, quas
cepissent hostes, ut per præcipitia et prærupta salientes fugerent.
eam quoque se illis fugam clausurum. Cohortesque duas, al-
 teram tenere fauces vallis, per quam deferretur amnis, ju-
 bet; alteram, viam insidere, quæ ab urbe per tumuli obli-
 qua in agros ferret. ipse expeditos, qui pridie stationes
 hostium pepulerant, ad levem armaturam, infimo stantem
 supercilio, ducit. Per aspreta primo, nihil aliud quam via
 impediti, iere. deinde, ut sub ictum venerunt, telorum primo
 omnis generis vis ingens effusa est in eos: ipsi contra, saxa,
 quæ locus strata passim, ⁶omnia ferme missilia, præbet, in-
 gerere, non milites solum, sed etiam turba calonum inmixta
 armatis. Ceterum, quamquam adscensus difficilis erat, et
 prope obruebantur telis saxisque, adsuetudine tamen succe-
 dendi muros, et pertinacia animi, subierunt primi. Qui, si-
 mul cepere aliquid æqui loci, ubi firmo consisterent gradu,
 levem et concursatorem hostem, atque intervallo tutum,
 quum procul missilibus pugna eluditur, instabilem eundem
 ad cominus conserendas manus, expulerunt loco, et cum
 cæde magna in aciem altiori superstantem tumulo inpegere.
 Inde Scipio, jussis adversus mediam evadere aciem victori-

Milites hor-
tatur.

Adgreditur
hostem.

² nec Gron.

² *Fluvius ab tergo*] Fluvius erat ab tergo castrorum et tumuli; in fronte ac lateribus velut quædam ripa præceps oram omnem campi illius, qui in summo tumulo erat, cingebat.

³ *Summissa fastigio*] In proclive incurvata. Vid. not. 90. ad l. I. c. 38. et ad l. XLV. c. 5.

⁴ *Ne mare quidem*] Sic habet Put.

codex, et postulat Latini sermonis consuetudo. Male legebatur *nec mare*.

⁵ *Ad id fore altitudines*] Nihil aliud profuturas hostibus altitudines quas cepissent, nisi ut fuga illis impeditior fieret, per præcipitia et prærupta salientibus.

⁶ *Omnia ferme missilia*] Quæ quidem saxa omnia ferme erant ejusmodi, ut manu capi et mitti possent.

bus, ceteras copias cum Lælio dividit; atque eum parte dex- U. C. 543.
tra tumuli circumire, donec mollioris adscensus viam inve- A. C. 209.
niret, jubet. ipse ab læva, circuitu haud magno, in trans-
versos hostes incurrit. Inde primo turbata acies est, dum
ad circumsonantem undique clamorem flectere cornua et
obvertere ordines volunt. Hoc tumultu et Lælius subiit;
et, dum pedem referunt, ne ab tergo vulnerarentur, 'laxata
prima acies, locusque ad evadendum et mediis datus est;
qui per tam iniquum locum, stantibus integris ordinibus,
elephantisque ante signa locatis, numquam evasisent.
Quum ab omni parte 'cædes fieret', Scipio, qui lævo cornu
in dextrum incucurrerat, maxime in nuda hostium latera
pugnabat. Et jam ne fugæ quidem patebat locus. nam et
stationes utrimque Romanæ dextra lævaque insederant vias:
et portam castrorum ducis principumque fuga clauserat;
addita trepidatione elephantorum, quos territos æque atque
hostes timebant. Cæsa igitur ad octo millia hominum.

XIX. 'Hasdrubal jam ante, quam dimicaret, pecunia
rapta, elephantisque præmissis, quam plurimos poterat,
de fuga excipiens, præter Tagum flumen ad Pyrenæum
tendit. Scipio, castris hostium potitus, quum præter li- Præda et
bera capita omnem prædam militibus concessisset, in re- captivi.
censendis captivis decem millia peditum, duo millia equi-
tum invenit. ex iis Hispanos sine pretio omnes domum
dimisit: Afros vendere quæstorem jussit. Circumfusa
inde multitudo Hispanorum, et ante deditorum, et pridie
captorum, regem eum ingenti consensu adpellavit. Tum
Scipio, silentio per præconem facto, *sibi maximum* ¹⁰ *nomen* Scipio vetat
imperatoris esse, dixit, quo se milites sui adpellassent. regium ^{se regem}
nomen alibi magnum, Romæ intolerabile esse. ^{adpellari.} *Regalem*

² *fierent* Gron.

7 *Laxata prima acies*] Laxata est
prima acies Pœnorum, locusque datus
est ad subeundum in altiorum tumulum
mediæ quoque Romanorum aciei: quæ
nunquam subiisset, si stetissent integri
hostium ordines, elephantique ante signa
locati mansissent.

8 *Cædes fieret*] Hanc lectionem fir-
mant duo Hearnii codices, quatuor
nostri, Sigonius, Andreas, Campanus.
Nec erat causa, cur recentioribus edito-
ribus placeret magis *fierent*.

9 *Asdrubal jam antequam*] Asdru-
bal, pecunia rapta jam antequam dimi-
caret; elephantisque præmissis, post-
quam fugæ initium fieri vidit. Non
enim elephantos dimisit ante pugnam,
ut patet ex iis quæ modo a Livio nar-
rata sunt.

10 *Nomen Imperatoris quo se
milites sui adpellassent*] Hic nomen

Imperatoris accipiendum est, non vul-
gari sensu pro duce tantum exercitus,
sed pro eo duce, qui hostibus magno
prælio fuis a militibus *Imperator* sa-
lutatus est: *prisco erga duces honore*,
inquit Tac. l. III. Ann. c. 74. *qui bene
gesta republica gaudio et impetu victo-
ris exercitus conclamabantur*. Addit
Appianus, l. II. Civil. hujus acclama-
tionis sensum ac mentem fuisse, ut mi-
lites dignum sibi imperatorem contigisse
testarentur: idemque docet illam appel-
lationem ei demum jure concedi, qui
decem millia hostium occiderit. Sed
Appiani ævo et diu ante nemini jam id
honoris deferrebat, nisi Principi, ut
colligitur ex Tac. ibid.

11 *Regalem animam in se esse . . .
tacite judicarent*] Permittit Hispanis
Scipio, velintne tacite judicare rega-
lem in se animum esse; non id ipse de

U. C. 543. *animum in se esse, si id in hominis ingenio amplissimum ducerent, tacite judicarent*; ¹² *vocis usurpatione abstinerent*. Senses etiam barbari magnitudinem animi; cujus miraculo nominis alii mortales stuperent, id ¹³ *ex tam alto fastigio adspernantis*. Dona inde regulis principibusque Hispanorum divisa, et ex magna copia captorum equorum trecentos, quos vellet, eligere Indibilem jussit. Quum Afros venderet jussu imperatoris quæstor, puerum adultum inter eos forma insigni, quum audisset regii generis esse, ad Scipionem misit. quem quum percunctaretur Scipio, *quis, et cujus, et cur id ætatis in castris fuisset?* Numidam esse, ait, Massivam populares vocare. ¹⁴ *orbum a patre relictum* ^b, *apud maternum avum Galam, regem Numidarum,* ¹⁵ *eductum* ^c, *cum avunculo Masinissa, qui nuper cum equitatu subsidio Karthaginensibus venisset, in Hispaniam trajecisse. Prohibitum propter ætatem a Masinissa, numquam ante prælium iniisse. Eo die, quo pugnatum cum Romanis esset, inscio avunculo, clam armis equoque sumto, in aciem exisse: ibi, prolapso equo effusum in præceps, captum ab Romanis esse.* Scipio, quum adservari Numidam jussisset, quæ pro tribunali agenda erant, peragit. inde, quum se in prætorium recepisset, vocatum eum interrogat, *velletne ad Masinissam reverti?* Quum, effusis gaudio lacrimis, *cupere vero*, diceret; tum puero anulum aureum, ¹⁶ *tunicam lato clavo, cum Hispano sagulo et aurea fibula, equumque ornatum donat, jussisque prosequi, quoad vellet, equitibus dimisit.*

Massiva
Numida.

Remittitur
a Scipione
ad avuncu-
lum Masi-
nissam.

XX. De bello inde consilium habitum. et, auctoribus quibusdam, ut ¹⁷ *confestim Hasdrubalem consequeretur* ^d, anceps id ratus, ne ¹⁸ *Mago atque Hasdrubal cum eo jungerent copias, præsidio tantum ad insidendum Pyrenæum misso, ipse reliquum æstatis recipiendis in fidem Hispaniæ populis absumsit.* Paucis post prælium factum ad Bæculam diebus,

^b *relictum* l. *factum* Gron.
Gron. Crev.

^c *educatum* Ead.

^d *persequeretur*

se affirmat, quod esset arrogantia. Ceterum Put. et Victor. codices pro *in se esse* habent *inesse*. Sed clarior est vulgata lectio.

¹² * *Vocis usurpatione abstinerent*] Nomen ipsum regis sibi deferre, se nomine regis compellare ne vellent.

¹³ *Ex tam alto fastigio*] Quasi ex alto despicientis hujus nominis magnitudinem, velut infra se positam. Hic quoque Put. et Victor. libri differunt a vulgatis, habentque *ex tam magno*.

¹⁴ *Orbum a patre relictum*] Omnes scripti fere et editi in hanc scripturam consentiunt. Itaque haud possumus divinare, undenam pro *relictum* huc se invexerit *re factum*, quod in Gro-

novianis editionibus comparet.

¹⁵ *Eductum*] Hoc admisimus ex compluribus MSS. sive Gronovianis, sive nostris. Editi vulgo *educatum*. Sed Livius supra l. XXI. c. 43. *An me, in prætorio patris . . . eductum*. Et Terentius Andr. Act. I. Sc. 5. *bene et pudice ejus doctum atque eductum . . . ingenium*. Et alibi sæpius.

¹⁶ *Tunicam lato clavo*] Vid. not. 20. ad l. IX. c. 7.

¹⁷ *Confestim Asdrubalem persequeretur*] Scripti, *consequeretur*. Sed parum interest.

¹⁸ *Mago atque Asdrubal*] Lege ex aliquot MSS. *atque alter Asdrubal*,

quum Scipio, rediens jam Tarraconem, saltu Castulonensi U. C. 543. excessisset, Hasdrubal Gisgonis filius et Mago imperatores A. C. 209. ex ulteriore Hispania ad Hasdrubalem venire, serum post Hasdrubali male gestam rem auxilium; consilio in cetera exsequenda H. F. se conjungunt belli haud parum opportuni. Ibi conferentibus, quid in cu- Hasdrubal G. F. et Mago. jusque provinciae regione animorum Hispanis esset, unus Hasdrubal Gisgonis, ultimam Hispaniae oram, quae ad Oce- anum et Gades vergit, ignaram adhuc Romanorum esse, eo- que Karthaginiensibus satis fidam, censebat. Inter Hasdru- Poenorum balem alterum et Magonem constabat, *beneficiis Scipionis oc- consilia.* cupatos omnium animos publice privatimque esse: nec transi- tionibus finem ante fore, quam omnes Hispani milites aut in ultima Hispaniae amoti, aut traducti in Galliam forent. Ita- que, etiamsi senatus Karthaginiensium non censuisset, eundum tamen Hasdrubali fuisse in Italiam, ubi belli caput rerumque summa esset; simul, ut Hispanos omnes procul ab nomine Sci- pionis ex Hispania abduceret. exercitum ejus, cum transitioni- bus, tum adverso praelio inminutum, ¹⁹ Hispanis repleri militibus. Et Magonem, Hasdrubali, Gisgonis filio tradito exercitu, ip- sum cum grandi pecunia ad conducenda mercede auxilia in Ba- liares trajicere. Hasdrubalem Gisgonis cum exercitu penitus in Lusitaniam abire, nec cum Romanis manus conserere. Ma- sinissae ex omni equitatu, quod reboris esset, tria millia equitum expleri; eumque vagum per ²⁰ citeriorem Hispaniam sociis opem ferre, hostium oppida atque agros populari. his decretis, ad ex- sequenda, quae statuerant, duces digressi. Haec eo anno in Hispania acta. Romae fama Scipionis in dies crescere. Fa- bio Tarentum captum astu magis, quam virtute, gloriae ta- men esse. Fulvii senescere fama. Marcellus etiam adverso rumore esse, super quam quod primo male pugnaverat, quia, vagante per Italiam Hannibale, media aestate Venusiam in tecta milites abduxisset. Inimicus erat ei C. Publicius Bibu- lus tribunus plebis. Is jam a prima pugna, quae adversa fue- rat, adsiduis concionibus infamem invisumque plebei Clau- dium fecerat, et jam de imperio abrogando ejus agebat: quum tamen necessarii Claudii obtinuerunt, ut, relicto Venusiae le- gato, Marcellus Romam rediret ²¹ ad purganda ea, quae inimici decernerent: nec de imperio ejus abrogando, absente ipso,

19 *Hispanis repleri militibus*] Sup- ple oportere: quae vox latet quodam- modo inclusa in *et eundum*, quod in praecedenti membro reperitur. Idem dictum puta de aliis omnibus verbis. infiniti modi, quae in hac eadem ora- tione deinceps occurrunt, in *Baleares trajicere . . . in Lusitaniam abire*, etc. Sic plane l. XXVI. c. 32. *Cum tyrannis bellum gerendum fuisse . . . et urbem recipi, non capi.*

20 * *Citeriorem Hispaniam*] Quum hic Poeni loquantur, ea quae dicitur hoc loco *citerior* Hispania intelligenda videtur quam Romani vocabant *ulterior*, nempe ab Ibero amne ad Oce- anum.

21 *Ad purganda ea quae inimici de- cernerent*] Ad purganda crimina, qui- bus freti inimici graves et atroces in eum sententias dicerent.

U. C. 548. ageretur. Forte sub idem tempus et Marcellus ad deprecandam ignominiam, et Q. Fulvius consul comitiorum causa Romam venit.

Accusatur Marcellus. XXI. Actum de imperio Marcelli in circo Flaminio est, ingenti concursu plebisque et omnium ordinum. Accusavitque tribunus plebis, non Marcellum modo, sed omnem nobilitatem.

Fraude eorum et cunctatione fieri, ut Hannibal decimum jam annum Italiam provinciam habeat: diutius ibi, quam Karthagine, vixerit. Habere fructum imperii prorogati Marcello populum Romanum: bis caesum exercitum ejus aestiva Venusiae sub tectis agere. Hanc tribuni orationem ita obruit

Absolvitur et Cos. creatur. Marcellus commemoratione rerum suarum, ut non rogatio solum de imperio ejus abrogando antiquaretur, sed postero die consulem eum ingenti consensu centuriae omnes crearent.

Additur collega T. Quinctius Crispinus, qui tum praetor erat. Postero die praetores creati P. Licinius Crassus Dives, pontifex maximus, P. Licinius Varus, Sex. Julius Caesar, Q. Claudius Flamen. Comitiorum ipsorum diebus sollicita civitas de Etruriae defectione fuit. Principium ejus rei ab Arretinis fieri, C. Calpurnius scripserat, qui eam provinciam ²²pro praetore^e obtinebat. ²³Itaque confestim eo missus Marcellus, consul designatus, qui rem inspiceret, ac, si digna videretur, exercitu adcito, bellum ex Apulia in Etruriam transferret. Eo metu compressi Etrusci quieverunt. Tarentinorum legatis pacem petentibus cum libertate ac legibus suis responsum ab senatu est, ut redirent, quum Fabius consul Romam venisset. Ludi et Romani et plebei eo anno in singulos dies instaurati. Aediles curules fuere L. Cornelius Caudinus et Ser. Sulpicius Galba: plebei C. Servilius et Q. Caelius Metellus. ²⁴Servilium negabant jure aut tribunum plebis fuisse, aut aedilem esse; quod patrem ejus, ²⁵quem triumvirum agrarium occisum a Boiis circa Mutinam esse opinio per decem annos fuerat, vivere, atque ²⁶in hostium potestate esse, satis constabat.

Aediles.

^e *propraetor* Gron. Crev.

²² *Propraetor*] Duo scripti, unus Gronovio, alter nobis inspectus, *propraetore*.

²³ *Itaque confestim*] Quatuor nostri codices, ut et Cantabrigiensis a Jac. Gronovio excussus, habent *Atque confestim*. Et observat J. Frid. Gronovius, supra ad l. XXVI. c. 39. usos esse veteres particula *atque* in re subita. Sic Virgil. Georg. l. I. v. 202. *Si brachia forte remisit, Atque illum in praecipiti pronos rapit alveus amne.*

²⁴ *Servilium negabant jure aut tribunum plebis fuisse, aut aedilem esse*] Quia nempe, ut discimus ex Livio,

XXX. 19. vetabant leges quemquam, patre qui curuli sella sedisset vivo, aut tribunum, aut aedilem plebis esse.

²⁵ *Quem triumvirum agrarium*] Vid. l. XXI. c. 25. supra.

²⁶ *In hostium potestate esse*] Captivi habebantur in servorum numero. Imo servitutem a captis bello hostibus initium duxisse inter omnes constat. Quum igitur Servilius captivus, ac proinde servus apud hostes esset, nullum magistratum jure capere poterat hic ejus filius. Neque enim licebat ejus qui servitutem serviret filium magistratum populi Romani fieri.

XXII. Undecimo anno Punici belli consulatum inierunt U. C. 544.
M. Marcellus quintum (ut numeretur consulatus, quem vi- A. C. 208.
tio creatus non gessit) et T. Quinctius Crispinus. ²⁷ Utris- M. Clau-
que consulibus^f Italia decreta provincia est, et duo consu- dio V.
lares^g prioris anni exercitus; tertius tum erat Venusiæ, cui T. Quinctio
M. Marcellus præfuerat. ita ut ex tribus eligerent duo^h, Coss.
quos vellent; tertius ei traderetur, cui Tarentum et Sal- Provincia-
lentini provincia evenisset. Ceteræ provinciæ ita divi- rum divisio.
sæ prætoribusⁱ. P. Licinio Varo urbana, P. Licinio
Crasso pontifici maximo peregrina, et quo senatus cen-
suisset: Sex. Julio Cæsari Sicilia, Q. Claudio Flamini Ta-
rentum. Prorogatum imperium in annum est Q. Fulvio
Flacco, ut provinciam Capuam, quæ T. Quinctii prætoris
fuerat, cum una legione obtineret. prorogatum et C. Hosti-
lio Tubulo est, ut pro prætore^k in Etruriam ad duas legio-
nes succederet C. Calpurnio: prorogatum et L. Veturio
Philoni est, ut pro prætore^k Galliam eandem provinciam
cum iisdem duabus legionibus obtineret, quibus prætor ob-
tinuisset. Quod in L. Veturio, idem in C. Aurunculeio de-
cretum ab senatu, latumque de prorogando imperio ad po-
pulum est, qui prætor Sardiniam provinciam cum duabus
legionibus obtinuerat. ²⁸ additæ ei ad præsidium provinciæ
quingenta naves^l, quas P. Scipio ex Hispania misisset.
²⁹ Et P. Scipioni, et M. Silano suæ Hispaniæ, suique exer-
citus in annum decreti. Scipio ex octoginta navibus, quas
aut secum ex Italia adductas aut captas Karthagine habe-
bat, quingenta in Sardiniam transmitters jussus: quia
fama erat, magnum navalem adparatum eo anno Karthagi-
ne esse; ducentis navibus omnem oram Italiæ, Siciliæque,
ac Sardiniae inpleturos. Et in Sicilia ita divisa res est. Sex.
Cæsari exercitus Cannensis est datus. M. Valerius Lævi-
nus (ei quoque enim prorogatum imperium est) classem,
quæ ad Siciliam erat, navium septuaginta obtineret. Ad-

^f *Utrique Consulum Gron. Crev.*^g *Consulum Eæd.*^h *duos Eæd.*ⁱ *divisæ prætoribus l. divisæ. Prætoribus etc. Crev.*^k *proprætor Gron.*^l *naves leg. longæ naves Eæd.*

²⁷ *Utrique consulum . . . duo consu-*
lum prioris anni exercitus] Tres scripti,
duo consulares. Et magis placet, ne tam
in propinquo iteretur vox *consulum*.
Sed et mox Put. codex, *eligerent duo*
quos vellent. Duo pro duos, ut sæpe:
quemadmodum et *ambo pro ambos.*

²⁸ *Additæ ei ad præsidium provin-*
ciæ quingenta longæ naves] Omnes
MSS. *additum*: omnes omittunt *longæ*.
Scribe cum Gronovio *Additum ei et præ-*

sidium provinciæ, quingenta naves.
Hæ naves per appositionem dicuntur
ipsæ *præsidium*, quod illi provinciæ
additum est.

²⁹ *Et P. Scipioni]* Supra, c. 7. Sci-
pioni Silanoque prorogatum imperium
dicitur, non in annum, sed donec re-
vocati ab senatu forent. Quod si ita
est, nihil opus fuit nunc eis in annum
suas Hispanias suosque exercitus de-
cerni.

U. C. 544. deret eo triginta naves, quæ ad Tarentum priore anno fue-
 A. C. 208. rant. cum ea centum navium classe, si videretur ei, præda-
 tum in Africam trajiceret. Et P. Sulpicio, ut eadem classe
 Macedoniam Græciamque provinciam haberet, prorogatum
 in annum imperium est. De duabus, quæ ad urbem Ro-
 mam fuerant, legionibus nihil mutatum. Supplementum,
 quo opus esset, scriberent consules, permissum. Una et vi-
 ginti legionibus eo anno defensum imperium Romanum est.
 Et P. Licinio Varo prætori urbis negotium datum, *ut naves
 longas triginta veteres reficeret, quæ Ostiæ erant, et viginti no-
 vas naves sociis navalibus inpleret: ut quinquaginta navium
 classe oram maris vicinam urbi Romanæ tueri posset.* C. Cal-
 purnius vetitus ab Arretio movere exercitum, nisi quum
 successor venisset. ³⁰ Idem et Tubulo imperatum, ut ³¹ inde
 præcipue caveret, ne qua nova consilia caperentur.

Legiones
21.

Prodigia.

Vix procu-
rata.

Pestilentia.

XXIII. Prætores in provincias profecti. Consules reli-
 gio tenebat, quod, prodigiis aliquot nunciatis, non facile li-
 tabant. Et ex Campania nunciata erant, Capuæ duas ædes,
 Fortunæ et Martis, et sepulchra aliquot de cœlo tacta.
 Cumis (adeo minimis etiam rebus prava religio inserit
 Deos) mures in æde Jovis aurum rosisse. Casini examen
 apium ingens in foro consedissee. Et Ostiæ murum portam-
 que de cœlo tactam. Cære vulturium volasse in ædem Jo-
 vis. Volsiniis sanguine lacum manasse. Horum prodigio-
 rum causa diem unum supplicatio fuit. Per dies aliquot
 hostiæ majores sine litatione cæsæ, diuque non impetrata
³² pax Deûm. In capita consulum, republica incolumi, exi-
 tiabilis prodigiorum eventus vertit. Ludi Apollinares, Q.
 Fulvio, Ap. Claudio consulibus, a P. Cornelio Sulla præto-
 re urbis primum facti erant. inde omnes deinceps prætores
 urbani fecerant: ³³ sed in unum annum vovebant, dieque in-
 certa faciebant. Eo anno pestilentia gravis incidit in ur-
 bem agrosque: quæ tamen magis in longos morbos, quam
 in perniciales, evasit. Ejus pestilentiae causa et supplica-
 tum per compita tota urbe est, et P. Licinius Varus prætor

³⁰ *Idem et Tubulo imperatum*] Lege cum Jac. Perizonio: *Eidem et Tubulo imperatum, ut* Neque enim Tubulo, qui nondum in provinciam venerat, imperatum esse verisimile est, ut in una urbe custodienda immoraretur, quoad successor venisset, qui nullus designatus erat, imo cujus designandi mentio tunc intempestiva et absurda foret. * Quod si ita est, lege mox caverent.

³¹ * *Inde*] Ab Arretio, quæ urbs tum

Romanis valde suspecta erat.

³² * *Pax Deûm*] Vid. not. 59. ad XXIV. 11.

³³ * *Sed in unum annum vovebant*] Quarto ante hunc anno jam senatus decreverat, ut ludi Apollinares in perpetuum voverentur, teste ipso Livio, XXVI. 28. Cur ei senatusconsulto obtemperatum non fuerit, statuere non possumus: nisi forte necessarius erat populi jussus, qui hoc demum anno accedit.

urbis legem ferre ad populum jussus, ut hi ludi in perpetuum in statam diem voverentur. ³⁴ Ipse ³⁵ primus ita vovit, fecitque ante diem tertium Nonas Quinctiles. Is dies deinde sollemnis servatus.

U. C. 544.
A. C. 208.
Ludi Apollinares in perpetuum voti.

XXIV. De Arretinis et fama in dies gravior, et cura crescere Patribus. Itaque C. Hostilio scriptum est, ne differret obsides ab Arretinis accipere: et, cui traderet Romanam deducendos, C. Terentius ³⁶ Varro cum imperio missus, qui ut advenit, extemplo Hostilius legionem unam, quas ante urbem castra habebat, signa in urbem ferre jussit, praesidiaque locis idoneis disposuit, tum in foro citatis senatoribus obsides imperavit. ³⁷ Quum senatus biduum ad considerandum peteret tempus, aut ipsos extemplo dare, aut se postero die senatorum omnes liberos sumtuum, edixit. inde portas ³⁸ custodire jussi tribuni militum, praefectique socium, et centuriones, ne quis nocte urbe exiret. Id segnius negligentiaeque factum. septem principes senatus, priusquam custodire in portis locarentur, ante noctem cum liberis evaserunt. Postero die luce prima, quum senatus in forum citari coeptus esset, desiderati, bonaque eorum venierunt. a ceteris senatoribus centum viginti obsides, liberi ipsorum, accepti, traditique C. Terentio Romanam deducendi. Is omnia suspectiora, quam ante fuerant, in senatu fecit. Itaque, ³⁹ tamquam imminente Etrusco tumultu, ⁴⁰ legionem alteram ex urbanis Arretium ducere jussus ipse C. Terentius, eamque habere in praesidio urbis. C. Hostilium cum cetero exercitu placet totam provinciam peragraré, et cavere, ne qua occasio novare cupientibus res daretur. C. Terentius, ut Arretium cum legione venit, claves portarum quum magistratus poposcisset, negantibus iis comparere, fraude amotas magis ratus, quam negligentia intercidiisse, ipse alias claves omnibus portis imposuit: cavitque cum cura, ut omnia in potestate sua essent. Hostilium intentius monuit, ut in eo

Arretini obsides dare coacti.

Suspecti Etrusci.

³⁴ Itaque ipse Gron.

³⁴ Ipse primus ita vovit] Haecenus edebatur: itaque ipse primus ita vovit: ubi itaque ita, ingrata repetitio. Put. liber cum nostris omnibus relegant particulam itaque. Ipse hic pro se ipse: qua de re vid. not. 16. ad l. XXVI. c. 40.

³⁵ Varro cum imperio missus] Adidit Sigonius et cum, quod quidem existat in Put.

³⁶ Quum senatus biduum peteret tempus] Vacat ultima vox.

³⁷ Custodire jussit tribuni militum, praefectique socium, et centuriones] Hanc lectionem hausit ex Put. Gron.

novius: una tantum littera decepta, quae in optimo codice supererat, ubi legitur jussit. Editi passim et ceteri scripti exhibent, jussit tribuni militum, praefectisque socium, et centurionibus: quam loquendi formam ab illis aureis Latinitatis scriptoribus usurpatam esse nondum nobis persuasimus.

³⁸ Legionem alteram ex urbanis] Una voce auctiores sunt Put. et Victor. codices, et, teste Jac. Gronovio ad l. XXVIII. c. 41. alii complures: legionem unam, nempe alteram ex urbanis.

U. C. 544. spem, non moturos quidquam Etruscos, poneret, ³⁹ si, ne
A. C. 208. quid moveri posset, cavisset.

De Tarentinis in senatu actum.

Tum de M. Livio Tarenti praefecto.

Aedes Honoris et Virtutis.

XXV. De Tarentinis inde magna contentione in senatu actum coram Fabio, defendente ipso, quos ceperat armis, aliis infensis, et plerisque æquantibus eos Campanorum noxæ poenæque. Senatusconsultum in sententiam M'. Acilii factum est, ut oppidum præsidio custodiretur: Tarentinique omnes intra moenia continerentur. ⁴⁰ res integra postea referretur, quum tranquillior status Italiæ esset. Et de M. Livio, præfecto arcis Tarentinæ, haud minore certamine actum est, aliis senatusconsulto notantibus præfectum, quod ejus socordia Tarentum proditum hosti esset; aliis præmia decernentibus, quod per quinquennium arcem tutatus esset, maximeque unius ejus opera receptum Tarentum foret; ⁴¹ mediis ad censores, non ad senatum, notionem de eo pertinere dicentibus. ⁴² cujus sententiæ et Fabius fuit. adjecit tamen, *fateri se, opera Livii Tarentum receptum, ⁴³ quod amici ejus^a vulgo in senatu jactassent; neque enim recipiundum fuisse, nisi amissum foret.* Consulum alter T. Quinctius Crispinus ad exercitum, quem Q. Fulvius Flaccus habuerat, cum supplemento in Lucanos est profectus. Marcelum aliæ atque aliæ objectæ animo religiones tenebant. in quibus, quod, quum ⁴⁴ bello Gallico ad Clastidium ædem Honori et Virtuti vovisset, dedicatio ejus a pontificibus impediabatur: quod ⁴⁵ negabant, unam cellam duobus recte dedicari^o: quia, si de coelo tacta, aut prodigii aliquid in ea factum esset, difficilis procuratio foret: quod, utri Deo res divina fieret, sciri non posset. ⁴⁶ neque enim duobus, nisi certis, Deis rite una hostia fieri. ita addita Virtutis ædes adproperato opere: neque tamen ab ipso sedes eæ dedicatæ sunt. Tum demum ad exercitum, quem priore anno Venusiæ reliquerat, cum supplemento proficiscitur. Locros in Brutiis Crispinus obpugnare conatus, quia magnam fa-

^a ejus del. Gron. ^o cellam amplius quam uni Deo rite dedicari. Gron. Crev.

³⁹ Si, ne quid moveri posset, cavisset] Parum interest: sed sic habent Put. et Vict. codices, non, quomodo edidit Gronovius, possit.

⁴⁰ * Res integra postea referretur] Res postea de integro expendenda senatus deliberationi subjiceretur.

⁴¹ * Mediis] Iis qui mediam sententiæ viam sequebantur.

⁴² * Cujus sententiæ et Fabius fuit] Vid. not. 56. ad I. 8.

⁴³ Quod amici ejus] Vox ejus deest in Gronovianis editionibus. Sed eam retinent scripti nostri.

⁴⁴ * Bello Gallico ad Clastidium]

Quum pugna equestri cecidit Gallos, et de Viridumaro occiso spolia opima cepit.

⁴⁵ Negabant unam cellam amplius quam uni deo rite dedicari] Omnes scripti, et Gronoviani et nostri, ut ante Rhenanum et Sigonium edebatur, unam cellam duobus recte dedicari.

⁴⁶ Neque enim duobus, nisi certis, deis] Neque enim duobus deis rite unam hostiam immolari, nisi certo constaret utrique eam deberi: ita ut dubium non relinqueretur, utrum huic, an illi sacrum fieret.

nam adtulisse Fabio Tarentum rebatur, omne genus tor- U. C. 544.
mentorū machinarumque ex Sicilia arcessierat: et naves A. C. 208.
indidem adcitæ erant, quæ vergentem ad mare partem ur-
bis obpugnarent. Ea omissa obpugnatio est, quia Lacinium
Hannibal admoverat copias: et collegam eduxisse jam ab
Venusia exercitum fama erat, cui conjungi volebat. Itaque
in Apuliam ex Brutiis reditum, et inter Venusiam Ban-
tiamque, minus trium millium passuum intervallo, consules
binis castris consederant. In eandem regionem et Hanni-
bal rediit, averso ab Locris bello. Ibi ambo consules, inge- Ambo Cons.
nio feroces, prope "quotidie in aciem exire^P; haud dubia obpositi
spe, si duobus exercitibus consularibus junctis commisisset Hannibali.
sese hostis, debellari posse.

XXVI. Hannibal quia quum Marcello bis priore anno
congressus vicerat victusque erat, ut, cum eodem si dimican-
dum foret, nec spem, nec metum ex vano haberet; ita duobus
consulibus haudquaquam sese parem futurum credebatur. ita-
que, totus in suas artes versus, insidiis locum quærebat.
Levia tamen prælia inter binæ castra vario eventu fiebant: Qui ad insi-
diis con-
vertitur.
quibus quum extrahi æstatem posse consules crederent, ni-
hilominus obpugnari Locros posse rati, L. Cincio, ut ex
Sicilia Locros cum classe trajiceret, scribunt. Et, ut ab terra
quoque obpugnari mœnia possent, ab Tarento "partem ex-
ercitus, qui in præsidio erat, duci eo jusserunt. "Ea ita
futura per quosdam Thurinos compertum Hannibali quum
esset, mittit ad insidendam ab Tarento viam. ibi sub tumultu
Peteliæ tria millia equitum, peditum duo in occulto locata:
in quæ inexplorato euntes Romani quum incidissent, ad duo
millia armatorum cæsa, et mille ducenti ferme vivi capti.
alii dissipati fuga per agros saltusque Tarentum rediere.
Tumulus erat silvestris inter Punica et Romana castra, ab
neutris primo occupatus: quia Romani, qualis pars ejus,
quæ vergeret ad hostium castra, esset, ignorabant; Hannibal
insidiis, quam castris, aptiorem eum crediderat. Itaque
nocte ad id missas aliquot Numidarum turmas medio in
saltu condiderat, quorum interdum nemo ab statione move-
batur, ne aut arma, aut ipsi procul conspicerentur. Freme-
bant vulgò in castris Romanis, occupandum eum tumulum

^P quotidie milites in aciem exire; Gron.

47 Quotidie in aciem exire] Sic plane
Vict. codex. Vulgo: *quotidie milites
in aciem exire*. Hujus loci emen-
dationem Gronovius jam conjectura
præceperat, quum in nullo scripto re-
periret vocem *milites*, quam et ignorant
omnes nostri.

48 Partem exercitus, qui in præsi-
dio erat] Videmur intelligere debere
dimidiam partem. Vid. supra not. 77.

ad VI. 42. et not. 81. ad II. 13.

49 Ea ita futura... comperta Anni-
bali quum esset] Sic fere supra c.
15. *quæ... ut agerentur convenerant*.
Elegans loquendi figura, quam tuentur
scripti nostri, Andreas, Campanus, et
reliqui vet. editi, contra imperitiam
correctorum, qui dederunt *compertum
Annibali quum esset*.

U. C. 544. *esse, et castello firmandum: ne, si occupatus ab Hannibale*
 A. C. 208. *foret, velat in cervicibus haberent hostem. Movit ea res*
 Exploratum *Marcellum, et collegæ, quin inus, inquit, ipsi cum equitibus*
 eunt Coss. *paucis exploratum? Subjecta res oculis nostris certius dabit*
consilium. Consentiente¹ Crispino, eum equitibus ducentis
et viginti, ex quibus quadraginta Fregellani, ceteri Etrusci
erant, profiscuntur. "Secuti M. Marcellus consulis filius,
et A. Manlius, tribuni militum: simul et duo "præfecti so-
ciûm, L. Arennius, et M'.² Aulius. Immolasse eo die quidam
memoriæ prodidere consulem Marcellum, et, prima hostia
cæsa, "jecur sine capite inventum; in secunda omnia com-
paruisse, quæ adsolent. "Auctum etiam visum in capite:
nec id sane aruspici placuisse, quod, secundum trunca et
turpia exta, nimis læta adparuissent.

Insidiis ex-
 cipiuntur
 Coss.

XXVII. Ceterum consulem Marcellum tanta cupiditas tenebat dimicandi cum Hannibale, ut nunquam satis "castra castris conlata crederet. tum quoque vallo egrediens signum dedit, ut "ad locum miles esset paratus: "ut³, si collis, in quem speculatum irent, placuisset, vasa conligerent, ac sequerentur. Exiguum campi ante castra erat: inde in collem aperta undique et conspecta ferebat via. Numidis speculator, nequaquam in spem tantæ rei positus, sed si quos vagos, pabuli aut lignorum causa longius a castris progressos, possent excipere, signum dat, ut pariter "ab suis quisque latebris exorirentur. Non ante adparuere, "quibus obviis ab jugo ipso consurgendum erat, quam circumiere, qui a tergo includerent viam. Tum undique omnes exorti, et clamore sublato inpetum fecere. Quum in ea valle consules essent, ut neque evadere possent in jugum occupatum ab hoste, nec receptum ab tergo circumventi haberent; extrahi tamen diutius certamen potuisset, ni cœpta ab Etruseis fuga pavorem ceteris injecisset. Non tamen omisere pug-

¹ *Adsentiente* Gron. Crev.
² *ut* del. Gron.

³ *M.* Sic semper. Eæd.

⁴ *duceret* Eæd.

50 *Secuti M. Marcellus consulis filius, et A. Manlius, tribuni militum: simul*] Omnes scripti nostri, et plurimi e Gronovianis aliter hunc locum exhibent: nempe, *secuti M. Marcellum tribunt militum, consulis filius, et A. Manlius: simul...*

51 * *Præfecti sociûm*] Vid. not. 23. ad XXIII. 7.

52 *Jecur sine capite*] Vid. not. 63. ad VIII. 9.

53 *Auctum*] Majorem solito molem. *Auctum* hic ab *auctus*, ub.

54 *Castra castris collata duceret*] Parum interest. Sed Pat. et Victor. codices pro ultimo verbo habent *crederet*.

55 *Ad locum*] An; statim, quanto-
 citius? ut idem sit atque *illico*, quod

corruptum est ex duabus vocibus in loco. Certe quoniam alio modo exponi possint illæ voces, haud facile reperimus.

56 *Ut si collis*] Omnes scripti servant *ut*, quod Rhenanus deleverat. Nec offendere debet repetitio hujus particulæ, quæ paulo ante præcessit. Hæc minuta non curavit Livius, nec optimi quique scriptores.

57 *Ab suis quisque latebris exorirentur*] Quamplurimi scripti, *ab utrisque lateribus exorirentur*. Sed et Pat. *exorirentur*, quæ forma semper hoc verbum effertur in optimo illo libro.

58 * *Quibus obviis ab jugo ipso consurgendum erat*] Qui consurrecturi erant ab jugo ipso obvii et oppositi Romanis adscendentibus.

nam deserti ab Etruscis Fregellani, donec integri consules U. C. 544.
hortando, ipsique ex parte pugnando rem sustinebant. Sed, A. C. 208.
postquam vulneratos ambo consules, Marcellum etiam trans-
fixum lancea prelabentem ex equo moribundum videre, tum Marcellus
et ipsi (perpauci autem supererant) cum Crispino consule occiditur.
duobus jaculis icto, et Marcello adolescente, saucio et ipso, Crispinus
effugerunt. Interfectus A. Manlius tribunus militum, et ex vulneratus
duobus praefectis socium M'. Aulius occisus, L. Arennius
captus. et lictores consulum quinque vivi in hostium potesta-
tem venerunt; ceteri aut interfecti, aut cum consule effu-
gerunt. equites tres et quadraginta, aut in proelio, aut in
fuga, ceciderunt, duodeviginti vivi capti. Tumultuatum et
in castris fuerat, ut consulibus irent subsidio; quum con-
sulem et filium alterius consulis saucios, exiguasque infelicias
expeditionis reliquias, ad castra venientes cernunt. Mons
Marcelli quum aliqui miserabilis fuit, tum quod nec pro
aetate, (major jam enim sexaginta annis erat) neque pro vete-
ris prudentia ducis, tam improvide se, collegamque, et prope
totam rempublicam, in praeceps dederat. Multos circa unam
rem ambitus fecerim, si, quae de Marcelli morte variant au-
tores, omnia exsequi velim. Ut omittam alios, L. Coelius Varia fama
⁶⁹triplicem rei gestae ordinem edit: unam traditam fama; alte- de morte
ram scriptam ⁶⁰laudatione filii, qui rei gestae interfuerit; ter- Marcelli.
tiam, quam ipse pro inquisita ac sibi comperta adfert. Cete-
rum ita fama variat, ut tamen plerique loci speculandi causa
castris egressum; omnes insidiis circumventum tradant.

XXVIII. Hannibal, magnum terrorem hostibus, morte
consulis unius, vulnere alterius, injectum esse ratus, ne cui
deesset occasione, castra in tumultum, in quo pugnatum erat,
extemplo transfert. ibi inventum Marcelli corpus sepelit.
Crispinus, et morte collegae, et suo vulnere territus, silentio
insequentis noctis profectus, ⁶¹quos proximos nactus est
montes, in iis loco alto et tuto undique castra posuit. Ibi
duo duces sagaciter moti sunt, alter ad inferendam, alter ad
cavendam fraudem. ⁶²Annulo Marcelli simul cum corpore

⁶⁹ *Triplicem rei gestae ordinem edit, unam traditam*] Hæc non conveniunt genero, ut debebant. Emendandum puto seriem. PEARSONUS. Possis tamen referre *re traditam* ad voces quæ præces-
sere, nempe *rei gestæ*: quæ etiam paulo durius videtur, haud improbabile tamen faciunt aliæ ejusdem fere generis ano-
malie aliquoties a nobis annotatæ, ut l. XXIII. c. 8. Nec sane hic placeret vox *seriem*.

⁶⁰ *Laudatione filii*] Mos erat apud Romanos, ut clari viri a propinquis et sanguine conjunctis publica oratione e
Rostris habitæ laudarentur. Hujus-
modi procul dubio fuit hæc laudatio

Marcello vel dicta a filio, vel scripta quasi dicta fuisset.

⁶¹ *Quos proximos*] Tres e nostris MSS. id tenent quod Gronovius ex op-
timis suis observavit, *quæque*. Sic Cic. ad Att. l. XVI. ep. 8. *Veteranos, quique Casilini et Calatiae sunt.*

⁶² *Annulo Marcelli*] Magna scrip-
torum manus, sive Gronovio, sive no-
bis inspectorum, et hoc loco habent
annulis Marcelli, et mox *annulique*
ejus. Et hoc contendit rectum esse
Gronovius, veteresque dixisse *annulos*
pro uno annulo, quemadmodum *liber-*
res de uno filio vel filia, et *hortos* de
uno horto,

U. C. 544. Hannibal potitus erat. ejus signi errore "ne cui" dolus
 A. C. 208. necteretur a Pœno, metuens Crispinus, circa civitates pro-
 ximas miserat nuncios: occisum collegam esse, annuloque
 ejus hostem potitum: ne quibus literis crederent nomine
 Marcelli compositis. Paulo ante hic nuncius consulis Sala-
 piam venerat, quum literæ ab Hannibale adlatæ sunt, Mar-
 celli nomine compositæ: *se nocte, quæ diem illum secutura
 esset, Salapiam venturum.* "parati milites essent, qui in præsidio
 erant, si quo opera eorum opus esset. Sensere Salapitani frau-
 dem: et "ab ira, non defectionis modo, sed etiam equitum
 interfectorum, rati occasionem supplicii peti, remisso retro
 nuncio, (perfuga autem Romanus erat) ut sine arbitro mi-
 lites, quæ vellent, agerent, oppidanos per muros urbisque
 opportuna loca in stationibus disponunt: custodias vigilas-
 que in eam noctem intentius instruunt. circa portam, qua
 venturum hostem rebantur, quod roboris in præsidio erat,
 obponunt. Hannibal quarta vigilia ferme ad urbem acces-
 sit. Primi agminis erant perfugæ Romanorum, et arma
 Romana habebant. ii, ubi ad portam est ventum, Latine
 omnes loquentes excitant vigiles, aperiri que portam jubent:
 consulem adesse. Vigiles, velut ad vocem eorum excitati,
 tumultuari, trepidare, moliri portam. "cataracta dejecta
 clausa erat. eam partim vectibus levant: partim funibus
 subducunt in tantum altitudinis, ut subire recti possent.
 Vixdum satis patebat iter, quum perfugæ certatim ruunt

Hannibal
 ad Salapiam
 suamet
 fraude cap-
 tus.

" qui Gron. Crev.

63 *Ne qui dolus*] Omnes *ne cui*, quod mutavit Rhenanus: non satis evidenti causa.

64 *Parati milites essent*] Carent prima voce scripti, tum Gronoviani, tum nostri. Sed nulli codici, ne eximio quidem illi Puteanæo, tantum tribuimus, ut ibi statim mendum esse existimemus, ubi illi dissident a vulgatis: præsertim si ratio evidens appareat cur eam quæ recepta est lectionem tueamur: ut hoc loco, ubi sensus omnino flagitat vocem *parati*. Gronovius ea omissa suspicatur legendum: *vigiles essent*, id est, vigilarent, intenti essent. Quanto simplicior, aptior, clarior sit vulgata lectio, quis non statim videt? In ea ergo acquiescamus, ne, si semel clara et aperta tentare conati fuerimus statim atque aliquot MSS. in alia abeunt, omnia jam incerta fiant. Sic hoc ipso capite, paulo superius, ubi vulgares libri habent *alter ad inferendam, alter ad cavendam fraudem*; Puteanæus, *alter ad inferendam fraudem*, omissis mediis.

Supra c. 14. mutilus quoque est idem codex, et in hac Annibalis notabili de Marcello voce, *seu vicit, ferociter instat victis; seu victus est, instaurat cum victoribus certamen*, transilit *ex victis seu*. Et alibi sæpius tales defectus in optimo libro annotavimus. Statuimus itaque multumtribuendum esse scriptis codicibus, præsertim si sint venerandæ antiquitatis: sed ita tamen, ut sensus quoque ratio habeatur. Et ubi proba lectio occurrit, cui nostri MSS. repugnent, credendum est priores editores aliorum codicum copiam habuisse, ex quibus eam hauserint.

65 *Ab ira . . equitum interfectorum*] Vid. supra, l. XXVI. c. 38.

66 * *Cataracta dejecta clausa erat*] Porta clausa erat per cataractam dejectam. Eam cataractam alii levant vectibus: alii etc. Cataracta est porta pensilis e transversis lignis ferroque in reticuli modum compacta, quæ addita principi portæ claudit aditum quum demissa est, in altum sublata aperit. Gallice dicitur *herse*.

per portam: et quum sexcenti ferme intrassent, remisso fu- U. C. 544.
ne, quo suspensa erat, cataracta magno sonitu cecidit. Sa- A. C. 208.
lapitani, alii perfugas neglegenter ex itinere suspensa hume-
ris, ut inter pacatos, gerentes arma, invadunt: alii e turri
ejus portæ murisque saxis, sudibus, pilis, absterrent hostem.
Ita inde Hannibal suamet ipse fraude captus abiit: profec-
tusque ad Locrorum solvendam obsidionem, quam Cincius Locrorum
summa vi, operibus tormentorumque omni genere ex Sicilia obsidionem
advecto, obpugnabat. Magoni, jam haud ferme fidenti re- solvit.
tenturum defensurumque se urbem, prima spes, morte nun-
ciata Marcelli, adfulsit. Secutus inde nuncius, Hannibalem,
Numidarum equitatu præmisso, ipsum, quantum adcelerare
posset, cum peditum agmine sequi. Itaque ubi primum
Numidas edito e speculis signo adventare sensit, et ipse, pa-
tesfacta repente porta, ferox in hostes erumpit. Et primo,
magis quia improviso id fecerat, quam quod par viribus es-
set, anceps certamen erat. deinde, ut supervenere Numidæ,
tantus pavor Romanis est injectus, ut passim ad mare ac
naves fugerent; relictis operibus machinisque, quibus mu-
ros quatiebant. Ita adventu Hannibalis soluta Locrorum
obsidio est.

XXIX. Crispinus, postquam in Bruttios profectum Han- Crispinus it
nibalem sensit, exercitum, cui collega præfuerat, M. Mar- Capuam.
cellum tribunum militum Venusiam abducere jussit. ipse,
cum legionibus suis ⁶⁷ Capuam profectus, vix lecticæ agita-
tionem præ gravitate vulnerum patiens, Romam literas de
morte collegæ scripsit, quantoque ipse in discrimine esset.
*Se comitiorum caussa non posse Romam venire: quia nec viæ
laborem passurus videretur, et de Tarento sollicitus esset, ne ex
Bruttiis Hannibal eo converteret agmen. Legatos opus esse ad
se mitti, viros prudentes: cum quibus, quæ vellet, de republica
loqueretur.* Hæ literæ recitatæ magnum et luctum morte
alterius consulis, et metum de altero fecerunt. Itaque et
Q. Fabium filium ad exercitum Venusiam miserunt: et ad
consulem tres legati missi, Sext. Julius Cæsar, L. Licinius
Pollio, L. Cincius Alimentus, quum paucis ante diebus ex
Sicilia redisset. Hi nunciare consuli jussi, ut, si ad comitia
ipse Romam venire non posset, dictatorem ⁶⁸ in agro Roma-
no diceret comitiorum caussa. Si consul Tarentum profec-
tus esset, Q. Claudium prætorem placere in eam regionem
inde abducere legiones, in qua plurimas sociorum urbes

67 * *Capuam profectus . . . Romam
litteras . . . scripsit*] Intelligo Crispinum
scripsisse, vel ex itinere, vel etiam
proficiscentem. Alioquin et negligen-
tia merito argueretur, et Patres Ro-
mani diu ante de Marcelli morte au-
dissent, quam Crispini litteras accipe-

rent: quem tamen nuncium eos ex illis
litteris primum accepisse narratio Livii
indicat.

68 *In agro Romano*] In agro qui
esset Romanæ ditionis. Vid. not. 91,
ad c. 5. supra.

U. C. 544.
A. C. 909.
Classis Ro-
mana Afri-
cam popu-
latur.

Vincit clas-
sem Puni-
cam.

Res Græciæ.

Ætoli a
Philippo
victi.

Legati con-
veniunt ad
bellum diri-
mendum.

tueri posset. Eadem æstate M. Valerius cum classe centum navium ex Sicilia in Africam transmisit: et, ad Clupeam urbem excensione facta, agrum late, nullo ferme obvio armato, vastabat. inde ad naves raptim prædatores recepti, quia repente fama accidit, classem Punicam adventare. octoginta erant et tres naves. Cum iis haud procul Clupea prospere pugnat Romanus. decem et octo navibus captis, fugatis aliis, cum magna terrestri navalique præda, Lilybæum rediit. Eadem æstate et Philippus implorantibus Achæis auxilium tulit. quos et ⁶⁸ Machanidas tyrannus Lacedæmoniorum finitimo bello urebat; et Ætoli, navibus per fretum, quod Naupactum et Patras interfluit, (Rhion incolæ vocant) exercitu trajecto, depopulati erant. Attalum quoque regem Asiæ, quia Ætoli summum gentis suæ magistratum ad eum ⁶⁹ proximo concilio detulerant, fama erat in Europam trajec-
turum.

XXX. Ob hæc Philippo in Græciam descendenti ad Lamiam urbem Ætoli, duce Pyrrhia, qui prætor in eum annum cum absente Attalo creatus erat, occurrerunt. Habebant et ab Attalo auxilia secum: et mille ferme ex Romana classe, a P. Sulpicio missos. Adversus hunc ducem atque has copias Philippus bis prospero eventu pugnavit: mille admodum hostium utraque pugna occidit. Inde quum Ætoli metu compulsi Lamiae urbis mœnibus tenerant sese, Philippus ad Phalara exercitum reduxit. ⁷⁰ in Maliaco sinu is locus est, quondam frequenter habitatus propter egregium portum, tutasque circa stationes, et aliam opportunitatem maritimam terrestremque. Eo legati ab rege Ægypti Ptolemæo, Rhodiisque, et Atheniensibus, et Chiis venerunt, ad dirimendum inter Philippum atque Ætolos bellum. Adhibitus ab Ætolis et ex finitimis pacificator Amynander, rex Athamanum. Omnium autem non tanta pro Ætolis cura erat, ⁷¹ ferocioribus quam pro ingeniis Græcorum gentis: quam ⁷² ne Phi-

⁶⁸ Machanidas tyrannus Lacedæmoniorum] Vid. not. 82. ad l. XXXIV. c. 26. infra.

⁶⁹ Proximo concilio detulerant] Put. et alii aliquot scripti, proximo anno concilio detulerunt. Sed rē detulerant probum videtur. Vox anno potuit addi primo tanquam interpretamentum rē concilio, inde in contextum irrepsisse. Itaque vulgatam lectionem amplectimur.

⁷⁰ * In Maliaco sinu] In ora adjacentē ad sinum Maliacum. Vid. infra not. 19. ad XXVIII. 5.

⁷¹ Ferocioribus quam pro ingeniis Græcorum gentis] Possis utcunque

exponere: ferocioribus quam pro ingeniis gentis alicujus Græcorum. Sed hoc illepidum est et inelegans. MSS. hactenus juvant, ut exhibeant omnes fere ferocioris. Libenter crederemus dedisse Livium: ferociori, quam pro ingeniis Græcorum, gente: * id est, cujus ferocia male conveniret cum humanissimis Græcorum moribus.

⁷² Ne Philippus regnumque ejus] Apparet ex orationibus Lycisci Acanthianis, et legatorum Ptolemæi, apud Polyb. libb. IX. et XI. majorem ab Romanis metum fuisse, quam a Philippo.

lippus regnumque ejus, grave libertati futurum, rebus Græ- U. C. 544.
 cæ immisceretur. De pace dilata consultatio est in conci- A. C. 202.
 liam Achæorum; concilioque ei et locus et dies certa indic- Induciæ 30.
 ta. interim triginta dierum induciæ impetratæ. Profectus diebus
 inde rex per Thessaliam Boeotiamque, Chalcidem Euboeæ
 venit, ut Attalum, quem classe Euboeam petiturum audi-
 erat, portibus et litorum adpulsu arceret. Inde, præsidio re-
 licto adversus Attalum, si forte interim trajecisset, profectus Philippus it
 ipse cum paucis equitum levisque armaturæ, Argos venit. in Pelopon-
 Ibi curatione ⁷³ Heræorum ⁷⁴ Nemeorumque suffragiis popu- nesum.
 li ad eum delata, quia se Macedonum reges ex ea civitate
 oriundos referunt, Heræis peractis, ab ipso ludicro extem-
 plo ⁷⁵ Rhium profectus est, ad indictum multo ante socio-
 rum concilium. Ibi de Ætolico finiendo bello actum, ne
 causa aut Romanis, aut Attalo intrandi Græciam esset.
 Sed ea omnia, vixdum induciarum tempore circumacto,
 Ætoli turbavere, postquam et Attalum Æginam venisse, et Ætoli spem
 Romanam classem stare ad Naupactum audivere. Vocati pacis tur-
 enim in concilium Achæorum, in quo eædem legationes
 erant, quæ ad Phalara egerant de pace, primum questi sunt
 quedam parva contra fidem conventionis tempore inducia-
 rum facta: postremo negarunt dirimi bellum posse, nisi
 Messeniis Achæi Pylum redderent, Romanis restitueretur
⁷⁶ Afintania, Scerdilædo et Pleurato Ardyæi. Enimvero
 indignum ratus Philippus, victos victori sibi ultro condi-
 tiones ferre: *ne antea quidem se aut de pace audisse, aut*
inducias pepigisse, dixit, spem ullam habentem quieturos Æto-
los; sed ut omnes socios testes haberet, se pacis, illos belli
causam quæsisse. ita infecta pace concilium dimisit, qua-
 tuor millibus armatorum relictis ad præsidium Achæorum,
 et quinque longis navibus acceptis. quas si adjecisset mis-
 sæ nuper ad se classi Karthaginensium, et ex Bithynia ab
 rege Prusia venientibus navibus, statuerat navali prælio
 lacescere Romanos, jam diu in ea regione potentes maris.
 ipse ab eo concilio Argos regressus: jam enim Nemeo-
 rum adpetebat tempus, ⁷⁷ quæ celebrari volebat præsentia
 sua.

73 *Heræorum*] Lædorum in honorem
 Junonis, quæ Græcis *Ἥρα* dicitur.

74 *Nemeorum*] Ludi quoque fuere,
 sic dicti a Nemea sylva; quos quidam
 in honorem Archemori, alii in Herculis
 institutos memorant.

75 *Rhium profectus est*] Scripti ha-
 bent *regium*, unde firmatur Glareani
 conjectura emendantis *Ægium*. Cer-
 te apud Polybium sæpe Achæorum
 concilia indicta leguntur *Ægium*,

nunquam *Rhium*.

76 *Afintania*] Regio Illyrici, a Ro-
 manis in deditionem accepta aliquot
 annis ante initium hujus secundi Pa-
 nici belli. Vid. supra l. XX. c. 50.
 Occupatis autem hoc bello Romanis,
 Philippus, ut apparet ex hoc loco, eam
 invaserat.

77 * *Quæ celebrari*] Quibus celebri-
 tatem addi et spectantium concursum
 augeri præsentia sua volebat.

U. C. 544.
A. C. 208.
Classis Ro-
mana Co-
rinthium
agrum vas-
tat.

Repelluntur
Romani a
Philippo.

Philippi
licentia.

X

XXXI. Occupato rege adparatu ludorum, et per dies festos licentius, quam inter belli tempora, remittente animum, P. Sulpicius, ab Naupacto profectus, classem adpulit inter Sicyonem et Corinthum, agrumque nobilissimæ fertilitatis effuse vastavit. Fama ejus rei Philippum ab ludis excivit: raptimque cum equitatu profectus, jussis subsequi peditibus, palatos passim per agros gravesque præda (ut qui nihil tale metuerent) adortus Romanos, compulit in naves. Classis Romana, haudquaquam læta præda, Naupactum rediit. "Philippo" quoque ludorum, qui reliqui erant, celebritatem quantæcumque, de Romanis tamen, victoriæ partæ fama auxerat; lætitiaque ingenti celebrati festi dies: eo magis etiam, quod, populariter demto capitis insigni, purpuraque^x, atque alio regio habitu, æquaverat ceteris se in speciem: quo nihil gratius est civitatibus liberis. Præbuissetque haud dubiam eo facto spem libertatis, nisi omnia intoleranda libidine foeda ac deformia effecisset. vagabatur enim cum uno aut altero comite^y per maritimas domos dies noctesque: et, "submittendo in^y privatum fastigium, quo minus conspectus, eo solutior erat: et libertatem quum aliis vanam ostendisset, totam in suam licentiam verterat. Neque enim omnia emebat aut eblandiebatur, sed vim etiam flagitiis adhibebat: periculosumque et viris et parentibus erat, moram incommoda severitate libidini regiæ fecisse. uni etiam principi Achæorum "Arato adempta uxor nomine Polycratia, ac spe regiarum nuptiarum in Macedoniam asportata fuerat. Per hæc flagitia sollemni Nemeorum peracto, paucisque additis diebus, Dymas est profectus, ad

^u *Philippus* Gron. Crev.

^x *purpura* Gron.

^y *se in* Gron. Crev.

78 *Philippus quoque*] Elegantius nobis videtur id quod se reperisse in aliquot vel optimis codicibus testatur Gronovius, *Philippo*. Sensus erit: Fama victoriæ, non quidem magnæ, tamen, quod de Romanis parta erat, satis elaræ, celebritatem dierum qui ludis supererant auxerat Philippo, qui majore ob novum hoc decus cum gloria illis præfuit.

79 *Per maritimas domos*] Id est, per domos in quibus vir cum uxore degeret: quod quidem facit ad augendam regiæ libidinis foeditatem, quæ ne conjugalis quidem tori sanctimoniam polluere vereretur. Polybius l. X. in Excerpt. de Virt. et Vitiis: *ὁ τὰς ἑσπέρους ἀπὸ τοῦ βασιλέως μολοῦντος*. Nec locutio ipsa magis aures offendere debet, quam illud Horatii *lege marita*. Ergo quum eam et antiqui editi habeant, et scripti nostri, princepsque omnium Puteanæus, ejecimus parum felicem Rhenani emendationem, quæ vulgatos libros inædit,

per maritimas domos. Et vero, cur per maritimas potissimum domos vagaretur Philippus? aut quem hic locum habet mentio maritimarum domorum, quum neque Argos ad mare situm sit, neque Nemea?

80 *Submittendo se in privatum fastigium*] *Privatum fastigium* ferri non videtur posse. Jam vero qui diceret *submittere se in fastigium*, pugnantly loqueretur. Victorinus codex omittit *se*, ut Gronovius voluerat: sicque non incommodus omnino sensus erit. *Submittendo in privatum fastigium*, id est, *submittendo fastigium suum*, sive regium, *in privatum*, in habitum hominis privati. Sed dura loquendi forma, nec satis Liviana.

81 *Arato adempta uxor*] Ex Plut. in Arato versus finem, colligere licet hunc Aratum, cui uxorem ademit Philippus, fuisse Aratum juniorem, filium ejus Arati, cujus consilio et opera res publica Achæorum coaluit.

præsidium Ætolorum, quod ab Eleis adcitum acceptumque U. C. 644.
in urbem erat, ejiciendum. Cycliadas (penes eum summa A. C. 208.
imperii erat) Achæique ad Dymas regi obcurrere: et Eleo- Adversus
rum accensi odio, quod a ceteris Achæis dissentirent: et Ætolos pro-
infensi Ætolis, quos Romanum quoque adversus se movisse ficiatur,
bellum credebant. Profecti ab Dymis, conjuncto exercitu in Elidem.
transeunt Larisum² amnem, qui Eleum agrum ab Dymæo
dirimit.

XXXII. Primum diem, quo fines hostium ingressi sunt, po-
pulando absumserunt. Postero die acie instructa ad urbem
accesserunt, præmissis equitibus; qui, obequitando portis,
promptum ad excursiones genus lacerarent Ætolorum. Igno-
rabant, Sulpicium cum quindecim navibus ab Naupacto Cyl- Sulpicius
lenen trajecisse, et, expositis in terram quatuor millibus ar- Cyllenen
matorum, silentio noctis, ne conspici agmen posset, intrasse trajicit.
Elim. Itaque improvisa res ingentem injecit terrorem, post-
quam inter Ætolos Eleosque Romana signa atque arma cog-
novere. Et primo recipere suos voluerat rex: dein, con- Rex vinci-
tracto jam inter Ætolos et Trallos (Illyriorum id est genus) tur.
certamine, quum urgueri videret suos, et ipse rex cum equi-
tatu in cohortem Romanam incurrit. Ibi equus pilo trajec-
tus quum prolapsus^a per caput regem effudisset, atrox pugna
utrimque accensa est, et ab Romanis inpetu in regem facto,
et protegentibus regiis. Insignis et ipsius pugna fuit, quum
pedes inter equites coactus esset proelium inire. dein^a, quum
jam impar certamen esset, caderentque circa eum multi, et
vulnerarentur, raptus ab suis, atque alteri equo injectus, fu-
git. Eo die castra quinque millia passuum ab urbe Eleorum
posuit. postero ad castellum (Pyrgum vocant) copias omnes
eduxit: quo agrestium multitudinem cum pecoribus metu
populationum compulsam audierat. eam inconditam iner-
memque multitudinem primo statim terrore adveniens cepit:
compensaveratque ea præda, quod ignominie ad Elim ac-
ceptum fuerat. Dividenti prædam captivosque (fuerant au- Redit in
tem quatuor millia hominum, pecoris omnis generis ad millia Macedoni-
viginti) nuncius ex Macedonia venit, Eropum quemdam, am.
conrupto arcis præsidiiisque præfecto, Lychnidum cepisse: te-
nere et Dassaretiorum quosdam vicos, et Dardanos etiam con-
cire. ^a Omisso igitur Achaico^b bello, relictis tamen duobus
millibus et quingentis omnis generis armatorum cum Menip-
po et Polyphanta ducibus ad præsidium sociorum, profectus

² Larisum Gron. Crev.
lico Eæd.

^a deinde Eæd.

^b add. atque Æto-

82 * Per caput] Intellige caput equi,
per quod, et ejusdem collum rex lapsus
est.

83 Omisso igitur Achaico atque Æ-
tolico bello] Complures scripti resecant

atque Ætolico.

84 Et Eubæam] Hæc est scriptura
vett. editorum et scriptorum. Recen-
tiores editi habent et Boëtidem. Sed
Geographiæ ratio repugnat. Boëbeis

U. C. 544. ab Dymis, per Achaïam Bœotianque^c et Eubœam^c, decimis
A. C. 298. castris Demetriadem in Thessaliam pervenit.

Dardani
Macedoni-
am popu-
lantur.

XXXIII. Ibi alii, majorem adferentes tumultum, nuncii obcurrunt: Dardanos, in Macedoniam effusos, Orestidem jam tenere, ac descendisse in⁸⁵ Argestæum campum: famamque inter barbaros celebrem esse, Philippum occisum. Expeditione ea, qua cum populatoribus agri ad Sicyonem pugnavit, in arborem inlatus inpetu equi, ad eminentem ramum cornu alterum galeæ præfregit. id inventam ab Ætolo quodam, perlatumque in Ætoliam ad Soerdilædum, cui notum erat insigne galeæ, famam interfecti regis divulgavit. Post profectionem ex Achaia regis, Sulpicius, Æginam

Achaï hanc
rem gerunt.

Crispini
Cos. mors.

Dictator
Torquatus.

classe profectus, cum Attalo sese conjunxit. Achæi cum Ætolis Eleisque haud procul Messene prosperam pugnam fecerunt. Attalus rex et P. Sulpicius Æginæ hibernarunt. Exitu hujus anni T. Quinctius Crispinus consul, dictatorem comitiorum ludorumque faciendorum causa dicto T. Manlio Torquato, ex vulnere moritur. alii Tarenti, alii in Campania mortuum tradunt. Id quod nullo ante bello acciderat, duo consules, sine memorando proelio interfecti, velut orbam rempublicam reliquerant. Dictator Manlius magistrum equitum C.^d Servilium (tum ædilis curulis erat) dixit.

Ludi magni.

Senatus, quo die primum est habitus, ludos magnos facere dictatorem jussit, quos M. Æmilius prætor urbis, C. Flaminio, Cn. Servilio consulibus, fecerat, et in quinquennium voverat. ⁸⁶ Tum dictator et ludos fecit, et in insequens lustrum vovit. Ceterum, quum duo consulares exercitus tam prope hostem sine ducibus essent, omnibus aliis omissis, una præcipua cura Patres populumque incessit, ⁸⁷ consules primo quoque tempore creandi; et ut eos potissimum crearent, ⁸⁸ quorum virtus satis tuta a fraude Punica esset; *quum toto eo bello damnosa præpropera ac fervida ingenia imperatorum fuissent, tum eo ipso anno consules, nimia cupiditate*

Cura de
Cos. crean-
dis.

^c Bæbeidem Gron.

^d C. l. Cn. Gron. Crev.

enim sive palus sive regioncula est ultra Demetriadem. Nihil absurdi habet vetus lectio, quam revocamus moniti a Jac. Gronovio. Potuit enim Philippus ob certas causas a Bœotia deflectere versus dextram in Eubœam, ut res insulæ inspiceret et constitueret.

⁸⁵ Argestæum] Vel corruptum est hoc nomen, vel parum notum. Glareanus legit Æstræum; Sigonius Ægestæum, id est, Thesprotium. Thesproti enim alio nomine Ægestæi quæque vocabantur, teste Stephano.

⁸⁶ Tum dictator et fecit] Nempe

ludos: quæ vox hic inserta fuerat sine ulla necessitate, quum facillime intelligatur. Nos eam, volentibus duobus scriptis optimæ fidei, erasimus.

⁸⁷ Consules . . . creandi: et ut eos potissimum crearent] Recte videtur Gronovius emendare: *Et eos potissimum quorum virtus; deletis supervacuis vocibus, ut . . . crearent.*

⁸⁸ Quorum virtus satis tuta] Quorum virtus et fortitudo bellica adhiberet tamen cautionem, ne fraude Punica caperetur.

conserendū cum hoste manum, in necopinatam fraudem lapsos U. C. 544.
esse. ceterum Deos immortales, miseros^c nominis Romani, A. C. 208.
pepercisse innoxiiis exercitiis: temeritatem consulum ipsorum
capitibus damnasse.

XXXIV. Quam circumspicerent Patres, quosnam consules facerent, longe ante alios eminebat C. Claudius Nero. ^{Claudius Nero.} Ei collega quærebatur, et virum quidem eum egregium dacebant, sed promptiorem acrioremque, quam tempora belli postularent, aut hostis Hannibal: temperandum acre ejus ingenium moderato et prudenti viro adjuncto collega censebant. M. Livius erat, ^{M. Livius,} multis ante annis ex consulatu populi judicio damnatus. quam ignominiam adeo ægre tulerat, ut et rus migraret, et per multos annos et urbe et omni cœtu careret hominum. octavo ferme post damnationem anno M. Claudius Marcellus et M. Valerius Lævinus consules reduxerant eum in urbem: sed erat veste obsoleta, capilloque et barba promissa, præferens in vultu habituque insignem memoriam ignominiae acceptae. L. Veturius et P. Licinius censores eum tonderi, et squalorem deponere, et in senatum venire, fungique aliis publicis muneribus coëgerunt. sed tum quoque aut verbo adsentiebatur, aut ⁹⁰ pedibus in sententiam ibat, donec cognati hominis eum caussa M. Livii Macati, quum fama ejus ageretur, ⁹¹ stantem coëgit in senatu sententiam dicere. Tum ex tanto intervallo auditus convertit ora hominum in se, causamque sermonibus præbuit, indigno injuriam a populo factam, magnoque id damno fuisse, quod tam gravi bello nec opera, nec consilio talis viri usa respublica esset. C. Neroni neque Q. Fabium, neque M. Valerium Lævinum dari collegas posse, quia duos patricios creari non liceret. eandem causam in T. Manlio esse, præterquam quod recusasset delatum consulatum, recusaturusque esset. Egregium par consulum fore, si M. Livium C. Claudio collegam adjunxissent. Nec populus mentionem ejus rei ortam a Patribus est adspersus. Unus eam rem in civitate is, cui deferebatur honos, abnuebat, levitatem civitatis accusans. Sordidati rei non miseros, candidam togam invito obferre: eodem honores pœnasque congeri. Si bonum virum ducerent, quid ita pro malo ac noxio damnassent? si noxium comperissent, quid ita, male credito priore consulatu,

^c miseros Crev.

⁸⁹ Multis ante annis] Primo hujus belli anno.

⁹⁰ Pedibus in sententiam ibat] Vid. not. 81. ad l. III. c. 41.

⁹¹ Stantem . . in senatu sententiam dicere] Sic Cicero pro Marc. n. 33. Non est stantibus omnibus necesse di-

cere. Nimirum, quum pluribus verbis sententiam suam explicarent ac tuerentur senatores, stantes dicebant; secus, si assentirentur verbo, id est, si breviter et uno verbo declararent se huic aut illi sententiae adhærere.

U. C. 544. *alterum crederent?* Hæc taliaque arguentem et querentem
A. C. 208. castigabant Patres, et *M. Furium*, memorantes, *revocatum de exilio, patriam pulsam sede sua restituisse. Ut parentum sævitiam, sic patriæ, patiendo ac ferendo leniendam esse.* ad-
Coss. crean- nisi omnes, cum C. Claudio M. Livium consulem fecerunt.
tur.

XXXV. Post diem tertium ejus diei prætorum comitia habita. Prætores creati L. Porcius Licinus, C. Mamilius, A. et C. Hostilii Catones. Comitibus perfectis, ludisque factis, dictator et magister equitum magistratu abierunt. C. Terentius Varro in Etruriam proprætor missus, ut ex ea provincia C. Hostilius Tarentum ad eum exercitum iret, ⁹²quem T. Quinctius consul habuerat. et ⁹³L. ^fManlius trans mare legatus iret, viseretque, quæ res ibi gererentur: simul, ⁹⁴quod Olympiæ ludicrum ea æstate futurum erat, quod maximo coetu Græciæ celebraretur, ut, si tuto per hostem posset, adiret id concilium: ut, qui Siculi bello ibi profugi, aut Tarentini cives relegati ab Hannibale essent, domos redirent, scirentque, sua omnia, quæ ante bellum habuissent, reddere populum Romanum. Quia periculosissimus annus imminere videbatur, neque consules in republica erant, in consules designatos omnes versi, quam primum eos sortiri provincias, et ⁹⁵præsciscere, quam quisque eorum provinciam, quem hostem haberet, volebant. De reconciliatione etiam gratiæ eorum in senatu actum est, principio facto a Q. Fabio Maximo. ⁹⁶Inimicitia autem nobiles inter eos erant, ⁹⁷et acerbiores eas indignioresque Livio sua calamitas fecerat, quod spretum se in ea fortuna credebat. itaque is magis inplacabilis erat: et, *nihil opus esse reconciliatione*, aiebat. *acrius et intentius omnia gesturos, timentes* ⁹⁸*ne crescendi ex se inimico collegæ potestas fieret.*

Coss. designati reconciliantur.

^f L. l. T. Crev.

⁹² *Quem T. Quinctius consul habuerat*] Hæc verba, quæ sibi nullo in scripto obvia fuisse Gronovius testatur, nos in Victorino codice reperimus, nisi quod mutatum ibi nomen consulis est, legiturque *T. Manlius consul*: facili errore, quod *T. Manlius* in sequenti versu nominetur. Nec vero assentimur Gronovio, eadem hæc verba inutilia esse. Sine iis enim nimis abrupta et obscura fieret oratio.

⁹³ *T. Manlius*] Sic habent scripti nostri. Editi vulgo *L. Manlius*.

⁹⁴ *Quod Olympiæ ludicrum ea æstate futurum erat*] Contendit Cl. Dodwellus, multisque probat, Dissert. X. de Cyclis Roman. Sect. 44. et 45. Olympicum ludicrum male a Livio commissum esse cum ea æstate, qua futuri

erant consules C. Claudius Nero, et M. Livius, quum illud ad præcedentem æstatem pertinuerit.

⁹⁵ * *Præsciscere*] Præscire. Vid. not. 77. ad XXVI. 33.

⁹⁶ *Inimicitia . . . nobiles inter eos erant*] Ortæ ex eo quod in judicio illo in quo Livius damnatus fuerat, Nero adversus eum testimonium dixisset. Vid. Val. Max. l. IV. c. 2. et nostrum infra, l. XXIX. c. 37.

⁹⁷ * *Et acerbiores eas*] Et calamitas Livii fecerat, ut acerbius in eo odium esset, et ex indignitate injuriæ acrius.

⁹⁸ * *Ne crescendi ex se*] Quum quisque timeret ne ex culpa aut negligentia sua daret occasionem inimico collegæ crescendi, et attolleret supra se inimicum collegam.

Vicit tamen auctoritas senatus, ut, positis simultatibus, com- U. C. 544.
muni animo consilioque administrarent reipublicam. Pro- A. C. 208.
vinciæ iis non permixtæ regionibus, sicut superioribus an- Provincie
nis, sed diversæ extremis Italiæ finibus, alteri adversus iis divisæ.
Hannibalem Bruttii, Lucani; alteri Gallia adversus Has-
drubalem (quem jam Alpibus adpropinquare fama erat) de-
creta. ⁹⁹Exercitum ex duobus, qui in Gallia, quique in
Etruria essent, addito urbano, eligeret, quem mallet, qui
Galliam esset sortitus. Cui Bruttii provincia evenisset, no-
vis legionibus urbanis scriptis, utrius mallet consulum prio-
ris anni, exercitum sumeret. Relictum a consule exercitum
Q. Fulvius proconsul acciperet; eique in annum imperium
esset. et C. Hostilio, cui pro Etruria Tarentum mutaverant
provinciam, pro Tarento Capuam mutaverunt. legio una
data, cui Fulvius proximo anno præfuerat.

XXXVI. De Hasdrubalis adventu in Italiam cura in Hasdrubal
dies crescebat. Massiliensium primum legati nunciave- in Galliam
rant, eum in Galliam transgressum: erectosque adventu transgres-
ejus, quia magnum pondus auri adtulisse diceretur ad mer- sus.
cede auxilia conducenda, Gallorum animos. missi deinde
cum iis legati ab Roma Sex. Antistius et M. Ræcius² ad
rem inspicendam retulerant, misisse se cum Massiliensibus
ducibus, qui per¹ hospites eorum, principes Gallorum, om-
nia explorata referrent. Pro comperto habere, Hasdruba-
lem ingenti jam coacto exercitu proximo vere Alpes trajec-
tuum: nec tum eum quidquam aliud morari, nisi quod
clausæ hieme Alpes essent. In locum M. Marcelli P.
Ælius Pætus augur creatus inauguratusque: et Cn. Corne-
lius Dolabella rex sacrorum inauguratus est in locum M.
Marcii, qui biennio ante mortuus erat. Hoc eodem anno et Lustrum
lustrum conditum est a censoribus P. Sempronio Tuditano conditum.
et M. Cornelio Cethego. Censa civium capita centum tri-
ginta septem millia, centum et octo. minor³ aliquanto nu-
merus, quam qui ante bellum fuerat. ⁴Eo anno primum, ex

² Retius Gron. Crev.

⁹⁹ *Exercitum ex duobus, qui in Gallia, quique in Etruria essent*] Put. et Victor. *esset*: ut priore in membro verbum intelligatur. Vid. not. 17. ad l. XXV. c. 19.

¹ *Hospites eorum*] Hospitio junctos cum Massiliensibus.

² *Aliquanto*] Prope dimidio.

³ *Eo anno primum . . . Comitium tectum esse*] Comitium fuit pars fori Romani, cui nomen ab eo, quod illuc primum populus Romanus comitiorum causa convenire coeperat. Unde et comitia Curiata, quæ omnium anti-

quissima sunt, in eo semper loco haberi solebant. Ad hoc usque tempus tecto caruerat. Ceterum haud facile intelligitur, quomodo dici possit Comitium tectum esse eo anno primum, ex quo Annibal in Italiam venisset: prorsus quasi Comitium identidem et per intervalla temporum tegi soleret, eaque res debuisset jam, ex quo Annibal in Italiam venisset, non semel contingere. At eadem illa verba, quæ hoc loco alienissima sunt, mire congruunt in id, quod modo narratum est de lustrum condito. Sic igitur per-

U. C. 544. quo Hannibal in Italiam venisset, comitium tectum esse,
A. C. 208. memoriae proditum est, et ludos Romanos semel instauratos
ab aedilibus curulibus Q. Metello et C. Servilio. et plebeis
ludis biduum instauratum ab Q. Mamilio et M. Cæcilio
Metello aedilibus plebis. et tria signa ad Cereris ⁴ *idem* ^a de-

U. C. 545. derunt: et Jovis epulum fuit ludorum causa. Consulatum
A. C. 207. inde ineunt C. Claudius Nero et M. Livius iterum qui,
C. Claudio,
M. Livio II. quia jam designati provincias sortiti erant, praetores sortiri
Coss. jusserant. C. Hostilio urbana evenit: addita et peregrina,
ut tres in provincias exire possent. A. Hostilio Sardinia,

Prætorum
provinciae.
Legiones
23.

C. Mamilio Sicilia, L. Porcio Gallia evenit. Summa legio-
num trium et viginti ita per provincias divisa, ut binæ
consulum essent; quatuor Hispania haberet; tres praetores
binas, in Sicilia, in Sardinia, et Gallia; duas C. Terentius
in Etruria; duas Q. Fulvius in Brutiis; duas Q. Claudius
circa Tarentum et Salentinis; unam C. Hostilius Tubulus
Capuae: duæ urbanae ut scriberentur. primis quatuor legioni-
bus populus tribunos creavit: in ceteras consules miserunt.

Prodigia.

XXXVII. Priusquam consules proficiscerentur, novem-
diale sacrum fuit, quia Veis de coelo lapidaverat. Sub annis
prodigii (ut fit) mentionem alia quoque nunciata; Minturnis
aedem Jovis et lucum Maricae; item Atellae murum et por-
tam de coelo tacta. Minturnenses, terribilius quod esset, ad-
jiciebant, sanguinis rivum in porta fluxisse. et Capuae lupo,

Procurata.

nocte portam ingressus, vigilem laniaverat. Haec procurata
hostiis majoribus prodigia, et supplicatio diem unum fuit ex
decreto pontificum. inde iterum novemdiale instauratum,
quod ^a in Armilustro lapidibus visum placere. Libcratas re-

^b *idem* Grou. Crev.

mutandus videtur male notatum loco
votum situs. *Eo anno primum, ex
quo Annibal in Italiam venisset, lus-
trum conditum est a censoribus... quam
qui ante bellum fuerat. Hoc eodem
anno et Comitium tectum esse memo-
riae proditum est, et ludos Romanos...
Omnia hoc modo apta omnino et clara
sunt. Constat quippe hoc primum
condi lustrum, ex quo Annibal in
Italiam venerit. Ter quidem censores
creati sunt: at hi soli, de quibus lo-
quitur nunc Livius, lustrum condidere.
Vid. supra XXIV. 11. et 48. XXVII.
6: Deinde ipsa particula et, quæ se-
quitur illas voces hoc eodem anno, in
eum locum quem volumus revocata,
habet aham comparem, quæ sibi re-
spondeat, et ludos Romanos. Nec
semel traiectione votum Livii sensum
a librariis corruptum et obscuratum*

esse, fortasse probare possunt ea quæ
annotavimus ad c. 2. hujus ipsius li-
bri.

4 *Eidem dederunt*] Id est *idem*
aediles plebis: duo e nostris codd.
idem, id est, *aedem*, ut Sigonius et
Hearnus edidere. Put. ad Cereris *fi-
dem*: et sic quoque Andreas et Cam-
panus.

5 *In Armilustro*] *Armilustrum*, sive
Armilustrum dies festus fuit apud
Romanos, qui in Calendario notatur
a. d. XIV. Kalendas Novembres. In
eo, testibus Varrone et Festo, armati
sacra faciebant. Ceterum et locum
dictum esse *Armilustrum*, in quo ni-
mirum sacra tum fiebant, colligitur ex
eodem Varrone, l. V. de L. Latina.
Atque hæc nostra Livii verba potius
captenda videntur de loco, quam de
die festo.

ligione mentes turbavit rursus ⁶ nunciatum, Frusinone infan- U. C. 545.
 tem natum esse quadrimo parem: nec magnitudine tam mi- A. C. 907.
 randum, quam quod is quoque, ut Sinuessæ biennio ante, Androgy-
 incertus, mas an femina esset, natus erat. Id vero aruspices, nus natus.
 ex Etruria adciti, foedum ac turpe prodigium dicere. extor-
 rem agro Romano, procul terræ contactu, alto mergendum.
 Vivum in arcam condidere, provectumque in mare projece-
 runt. Decrevere item pontifices, ut virgines ter novenæ,
 per urbem euntes, carmen canerent. Id quum in Jovis Sta-
 toris sede discerent, conditum ab ⁷ Livio poëta, carmen, tacta
 de cœlo sedes in Aventino Junonis Reginae. prodigiumque id
 ad matronas pertinere, aruspices quum respondissent, dono-
 que Divam placandam esse; ædiliū curulium edicto in
 Capitolium convocatæ, quibus in urbe Romana, intraque
 decimum lapidem ab urbe, domicilia essent, ipsæ inter se
 quinque et viginti delegerunt, ad quas ex dotibus stipem con-
 ferrent. Inde donum pelvis aurea facta, lataque in Aventi-
 num, pureque et caste a matronis sacrificatum. Confestim
 ad aliud sacrificium eidem Divæ ab decemviris edicta dies, Sacrificium
 cujus ordo talis fuit: ab æde Apollinis boves feminae albæ Junoni Re-
 duæ porta Carmentali in urbem ductæ. post eas duo signa ginæ, et
 cupressea Junonis Reginae portabantur. tum septem et viginti pompa.
 virgines, longam indutæ vestem, carmen in Junonem Regi-
 nam canentes ibant; illa tempestate forsitan laudabile rudi-
 bus ingeniis, nunc abhorrens et inconditum, si referatur.
 Virginum ordinem sequebantur decemviri coronati laurea,
 prætextatique. A porta Jugario vico in forum venere. in
 foro pompa constitit; et, per manus recte data, virgines
 sonum vocis pulsu pedum modulantes incesserunt. inde vico
 Tusco Velabroque, per Boarium forum, in clivum Publi-
 cium atque ædem Junonis Reginae perrectum. ibi duæ hostiæ
 ab decemviris inmolatæ, et simulacra cupressea in ædem in-
 lata.

XXXVIII. Diis rite placatis, delectum consules habebant Acriter ha-
 acrius intentiusque, quam prioribus annis quisquam memi- betur delec-
 nerat habitum. nam et belli terror duplicatus novi hostis in tus.
 Italiam adventu: et minus juventutis erat, unde scriberent
 milites. Itaque colonos etiam maritimos, qui ⁸ sacrosanctam
 vacationem dicebantur habere, dare milites cgebant. quibus
 recusantibus, edixere in diem certam, ut, quo quisque jure
 vacationem haberet, ad senatum deferret. Ea die hi populi

⁶ * *Nunciatum*] Hæc vox est in recto casu, et jungitur cum verbo *turbavit*, prorsus quasi Livius scripsisset, *allatus nuncius*.

⁷ *Livio poëta*] Livio Andronico, qui primus Romæ fabulam docuerat, anno u. c. 512. De hoc ejus carmine vid.

Festum in voce scribæ.

⁸ *Sacrosanctam vacationem*] Jurejurando interposito sancitam, ita ut sine magno scelere violari non posset. Eodem fere modo dicebantur *sacratæ leges*, de quibus ad l. II. c. 33.

U. C. 545. ad senatum venerunt: Ostiensis, Alsiensis, Antias, Anxuras,
 A. C. 207. Minturnensis, Sinuessanus, et ab supero mari Senensis.
 Quum vacationes suas quisque populus recitaret; nullius,
 quum in Italia hostis esset, præter Antiatem Ostiensemque,
 vacatio observata est: ⁹et earum coloniarum juniores jure-
 jurando adacti, supra dies triginta non pernoctaturos se esse
 extra moenia coloniae suae, donec hostis in Italia esset. Quum
 omnes censerent, primo quoque tempore consulibus eundum
 ad bellum, (nam et Hasdrubali obcurrendum esse descen-
 denti ab Alpibus, ne Gallos Cisalpinos, neve Etruriam, ¹⁰erec-
 tam in spem rerum novarum, sollicitaret: et Hannibalem
 suo proprio occupandum bello, ne emergere ex Bruttis atque
 obviam fratri ire posset) Livius cunctabatur, parum fidens
 suarum provinciarum exercitibus: collegam ex duobus con-
 sularibus egregiis exercitibus, ¹¹et tertio, cui Q. Claudius
 Tarenti præesset, electionem habere. intuleratque mentio-
 nem de volonibus revocandis ad signa. Senatus liberam
 potestatem consulibus fecit, et supplendi unde vellent, et eli-
 gendi de omnibus exercitibus, quos vellent, permutandique,
 et ex provinciis, quos e republica censerent esse, traducendi.
 Ea omnia cum summa concordia consulum acta. Volones
 in undevicesimam et vicesimam legiones scripti. Magni
 roboris auxilia ex Hispania quoque a P. Scipione M. Livio
 missa quidam ad id bellum auctores sunt: octo millia His-
 panorum Gallorumque, et duo millia ¹²de legione militum,
 equitum mille ¹, mixtos Numidas Hispanosque. M. Lucre-
 tium has copias navibus adduxisse: et sagittariorum fundi-
 torumque ad quatuor millia ex Sicilia C. Mamilium misisse.

Exercitus
 contra Has-
 drubalem et
 Hanniba-
 lem.

Hasdrubal
 transit Al-
 pes.

XXXIX. Auxerunt Romæ tumultum literæ ex Gallia ad-
 latae ab L. Porcio prætore: *Hasdrubalem movisse ex hibernis,
 et jam Alpes transire: octo millia Ligurum conscripta arma-
 taque, conjunctura se transgresso in Italiam esse, nisi mittere-
 tur in Ligures, qui eos bello occuparet. se cum invalido exerci-
 tu, quoad tutum putaret, progressurum.* Hæ literæ consules,
 raptim confecto delectu, maturius, quam constituerant, ex-
 ire in provincias coegerunt, ea mente, ut uterque hostem in
 sua provincia contineret, neque conjungi, aut conferre in

¹ ad mille octingentos Gron. Crev.

⁹ *Et earum coloniarum*] Nempe Antii et Ostiæ, quibus quum vacatio ideo daretur, ne defensoribus nudarentur oppida, quæ magnopere Romanorum intererat non intercipi ab hostibus, consentaneum erat, ut juniores ab his non discedere juberentur.

¹⁰ * *Erectam in spem rerum novarum*] Arrectam et suspensam in spem mutandi status, et, excusso imperii Romani jugo, socios Carthaginienses ad-
 sciscendi.

¹¹ *Et tertio, cui Q. Claudius præesset*] Duorum tantum exercituum electio datur consuli, cui Bruttii provincia evenisset, supra c. 35. Omiserat nempe Livius priore illo loco mentionem facere hujus exercitus Claudiani. Nunc aliud agendo reponit id quod tunc prætermiserat.

¹² *De legione militum*] Si hæc sana sunt, intellige *militum legionariorum*, qui opponuntur Hispanis et Gallis.

unum vires pateretur. Plurimum in eam rem adjuvit opinio U. C. 545.
 Hannibalis: quod, etsi ea æstate transiturum in Italiam A. C. 207.
 fratrem crediderat, recordando quæ ipse in transitu nunc
 Rhodani, nunc Alpium, cum hominibus locisque pugnando
 per quinque menses exhausisset, haudquaquam tam facilem
 maturumque transitum expectabat. ea tardius movendi ex
 hibernis caussa fuit. Ceterum Hasdrubali et sua et aliorum
 spe omnia celeriora atque expeditiora fuere. non enim re-
 ceperunt modo Arverni eum, deincepsque aliæ Gallicæ at- Gallis et
 que Alpinæ gentes; sed etiam secutæ sunt ad bellum. et Alpinis
 quum per munita pleraque transitu fratris, quæ antea invia gentibus fa-
 fuerant, ducebat; tum etiam, duodecim annorum adsuetu- ventibus.
 dine perviis Alpibus factis, inter mitiora jam hominum
 transibat ingenia. Invisitati namque antea alienigenis, nec
 videre ipsi advenam in sua terra adsueti, omni generi hu-
 mano insociabiles erant. et primo ignari, quo Pœnus per-
 geret, suas rupes suaque castella, et pecorum hominumque
 prædam peti crediderant: fama deinde Punici belli, quo
 duodecimum annum Italia urebatur, satis edocuerat, viam
 tantum Alpes esse: duas prævalidas urbes, magno inter se
 maris terrarumque spatio discretas, de imperio et opibus
 certare. hæ causæ aperuerant Alpes Hasdrubali. Ceterum
 quod celeritate itineris profectum erat, id mora ad Placen- Placentiam
 tiam, dum frustra obsidet magis, quam obpugnat, corripit. obsidet.
 Crediderat campestris oppidi facilem expugnationem esse:
 et nobilitas coloniæ induxerat eum, magnum se excidio ejus
 urbis terrorem ceteris raturum injecturum. Non ipsum so-
 lum ea obpugnatio inpediit; sed Hannibalem post famam
 transitus ejus, tanto spe sua celeriore, jam moventem ex
 hibernis, continuerat. quippe reputantem, non solum quam
 lenta urbium obpugnatio esset, sed etiam ¹³ quam ipse frus-
 tra eandem illam coloniam, ab Trebia victor regressus, ten-
 tasset.

XL. Consules, diversis itineribus profecti ab urbe, velut in ^{Anxietas}
 duo pariter bella distenderant curas hominum, simul recor- ^{Romano-}
 dantium, quas primus adventus Hannibalis intulisset Italiæ ^{rum.}
 clades; simul, quum illa angeret cura, *quos tam propitios urbi*
atque imperio fore Deos, ut eodem tempore utrobique respublica
prosperè gereretur? adhuc adversa secundis pensando rem ad id
tempus extractam esse. quum in Italia ad Trasimenum et Can-
nas præcipitasset Romana res, prospera bella in Hispania pro-

13 * *Quam ipse frustra eandem il-*
lam coloniam . . tentasset] Nusquam
 legitur Annibal tentasse Placentiam.
 Memoratur tantum l. XXI. c. 57.
 tentasse Emporium prope Placenti-
 am; mox, c. 59. pugnasse ad Placen-

tiam cum Sempronio consule. Utrum
 memoria fefellerit hoc loco Livium,
 an oppugnationem Emporii tentatio-
 nem fuisse Placentiæ interpretatus sit,
 in medio relinquimus.

U. C. 545. *lapsam eam erexisse. postea, quam^k in Hispania alia super*
 A. C. 207. *aliam clades, duobus egregiis ducibus amissis, duos exercitus ex*
parte delesset multa, secunda^l in Italia Siciliaque gesta¹⁴ quas-
satam rempublicam excepisse: et ipsum intervallum loci, quod
in ultimis terrarum oris alterum bellum gereretur, spatium de-
disse ad respirandum. Nunc duo bella in Italiam accepta,
duo celeberrimi nominis duces circumstare urbem Romanam,
et unum in locum totam periculi molem, omne onus incubu-
isse. qui eorum prior vicisset, intra paucos dies castra cum
altero juncturum. Terrebat et proximus annus lugubris duo-
rum consulum funeribus. His anxii curis homines digredien-
tes in provincias consules prosecuti sunt. Memoriam proditum
est, plenum adhuc irae in cives M. Livium, ad bellum profi-
ciscentem, monenti Q. Fabio, ne, priusquam genus hostium
 Livii vox *cognosset, temere manum consereret, respondisse: Ubi primum*
 plena irae in *hostium agmen conspexisset, pugnaturum. Quum quaereretur,*
 cives. *quae causa festinandi esset? Aut ex hoste egregiam gloriam,*
inquit, aut ex civibus victis gaudium, meritum certe, etsi non ho-
nestum, capiam. Priusquam Claudius consul in provinciam
perveniret, per extremum finem agri Larinatis ducentem in
Sallentinos exercitum Hannibalem¹⁵ cum expeditis cohorti-
bus adortus, C. Hostilius Tubulus in composito agmini terri-
bilem tumultum intulit. ad quatuor millia hominum occidit,
novem signa militaria cepit. Moverat ex hibernis ad famam
hostis Q. Claudius, qui per urbes agri Sallentini castra dis-
posita habebat. Itaque, ne cum duobus exercitibus simul
confligeret, Hannibal nocte castra ex agro Tarentino movit,
atque in Bruttios concessit. Claudius in Sallentinos agmen
convertit. Hostilius, Capuam petens, obviis ad Venusiam
fit consuli Claudio. Ibi ex utroque exercitu electa peditum
quadraginta millia, duo millia et quingenti equites, quibus
consul adversus Hannibalem rem^m gereret: reliquas copias
Hostilius Capuam ducere jussus, ut Q. Fulvio proconsuli
traderet.

Neronis et
Hannibalis
castra con-
lata.

XLI. Hannibal, undique contracto exercitu, quem in hibernis, aut in praesidiis agri Bruttii habuerat, in Lucanos ad Grumentum venit, spe recipiendi oppida, quae per metum ad Romanos defecissent. eodem a Venusia consul Romanus exploratis itineribus contendit, et mille fere et quingentos passus castra ab hoste locat. Grumentum moenibus prope injunctum videbatur Poenorum vallum. ¹⁶ quingenti passus

^k quum Gron. Crev.

^l delesset, multa secunda Ead.

^m res Ead.

¹⁴ * Quassatam rempublicam excepisse] Fuisse quasi portum quemdam, quo quassata reipublicae navis exciperetur.

¹⁵ Cum expeditis cohortibus] Put. non agnoscit praepositionem. Et sic

saepe amat loqui Livius.

¹⁶ Quingenti passus intererant] Vallum Poenorum Romanis ex intervallo spectantibus videbatur prope injunctum moenibus Grumentum. Revera quingenti passus intererant inter Gru-

intererant. Castraⁿ Punica ac Romana inter jacebat cam- U. C. 545.
pus, colles imminebant nudi sinistro lateri Karthaginien- A. C. 207.
sium, dextro Romanorum, neutris suspecti, quod nihil sil-
væ neque ad insidias latebrarum habebant. In medio cam-
po ab stationibus procursantes certamina, haud satis digna
dictu, serebant. Id modo Romanum quærere adparebat,
ne abire hostem pateretur. Hannibal, inde evadere cupiens,
totis viribus in aciem descendebat. Tum consul, ¹⁷ ingenio
hostis usus, quo minus in tam apertis collibus timeri insi-
diæ poterant, quinque cohortes, additis quinque manipulis, Insidiæ Ro-
nocte jugum superare, et in aversis vallibus considerare jubet. manorum.
tempus exsurgendi ex insidiis, et adgrediendi hostem, Ti.
Claudium Asellum tribunum militum et P. Claudium præ-
fectum sociûm edocet, quos cum iis mittebat. Ipse luce
prima copias omnes peditum equitumque in aciem eduxit.
Paullo post et ab Hannibale signum pugnae propositum est,
clamorque in castris ad arma discurrentium est sublatus.
inde eques pedesque certatim portis ruere, ac palati per
campum properare ad hostes. Quos ubi effusos consul vi-
det, tribuno militum tertiæ legionis C. Aurunculeio impe-
rat, ut equites legionis, quanto maximo inpetu possit, in
hostem emittat. ita pecorum modo incompositos toto pas-
sim campo se fudisse, ut sterni obterique, priusquam instru-
antur, possint.

XLII. Nondum Hannibal e castris exierat, quum pug- Pugna com-
nantium clamorem audivit. itaque, excitus tumultu, raptim mittitur.
ad hostem copias agit. Jam primos occupaverat ¹⁸ eques-
ter^o terror. peditum etiam prima legio et dextra ala præ-
lium inibant. incompositi hostes, ut quemque aut pediti,
aut equiti casus obtulit, ita conserunt manus. crescit pugna
subsidiis, ¹⁹ et procurrentium ad certamen numero augetur:
pugnantesque (quod nisi in vetere exercitu, et duci veteri
haud facile est) inter tumultum ac terrorem instruxisset
Hannibal, ni cohortium ac manipulorum decurrentium per

ⁿ passus erant inter castra P. Gron.

^o equestris Gron. Crev.

menti moenia et castra Pœnorum. In-
ter Punica et Romana castra jacebat
campus. Quam hic sequimur scrip-
turam, ea est omniû scriptorum et
vett. editorum. Vulgo nunc legitur
*quingenti passus erant inter castra
Punica ac Romana. Interjacebat cam-
pus.* Quæ lectio omnino stare non
poterat, quum supra dicatur consul
mille fere et quingentos passus castra
ab hoste locavisse.

¹⁷ * [Ingenio hostis usus] Ingenium
hostis imitatus, et adversus Pœnum
arte Punica utens.

¹⁸ *Equestris terror*] Optimi quique
scripti *eques terror*. Itaque admodum
probabilis est Salmasii conjectura:
equester terror.

¹⁹ *Et procurrentium ad certamen
numero augetur*] Facile pateremur to-
tum hoc additamentum abesse, cujus
idem plane sensus est, sed minus ele-
ganter expressus, ac membri præceden-
tis, *crescit pugna subsidiis*. Itaque
illud pro glossemate videmur habere
posse, quod ex ora libri in contextum
temere irrepserit.

U. C. 545. A. C. 207. colles clamor, ab tergo auditus, metum, ne intercladerentur a castris, iniecisset. Inde pavor incussus, et fuga passim fieri coepta est. minorque caedes fuit, quia propinquitas castrorum brevior fugam percussis fecit. ²⁰ Equites enim tergo inhærebant^p: in transversa latera invaserant cohortes, ²¹ secundis collibus via nuda ac facili decurrentes. tamen supra octo millia hominum occisa: ²² supra septingentos capti: signa militaria novem adempta: elephantum etiam, quorum nullus usus in repentina ac tumultuaria pugna fuerat, quatuor occisi, duo capti. ²³ Circa quingentos Romanorum sociorumque victores ceciderunt. postero die Poenus quievit. Romanus, in aciem copiis eductis, postquam neminem signa contra efferre vidit, spolia legi caesorum hostium, et suorum corpora conlata in unum sepeliri iussit. inde insequentibus continuis diebus aliquot ita institit portis, ut prope inferre signa videretur: donec Hannibal tertia vigilia, crebris ignibus tabernaculisque, ²⁴ quæ pars castrorum ad hostes vergebat, et Numidis paucis, qui in vallo portisque se ostenderent, relictis, profectus Apuliam petere intendit. Ubi inluxit, successit vallo Romana acies. et Numidæ ex composito paullisper in portis se valloque ostentavere: frustratique aliquamdiu hostes, citatis equis agmen suorum adsequuntur. Consul, ubi silentium in castris, et ne paucos quidem, qui prima luce obambulaverant, parte ulla cernebat, duobus equitibus speculatum in castra præmissis, postquam satis tuta omnia esse exploratum est, inferri signa iussit. tantumque ibi moratus, dum milites ad prædam discurrent, receptui deinde cecinit, multoque ante noctem copias reduxit. Postero die prima luce profectus, magnis itineribus famam et vestigia agminis sequens, haud procul Venusia hostem adsequitur. Ibi quoque tumultuaria pugna fuit. supra duo millia Pœnorum cæsa. Inde nocturnis montanisque itineribus Poenus, ne locum pugnandi daret, Metapontum petiit. Hanno inde (is enim præsidio ejus loci præfuerat) in Bruttios cum paucis ad exercitum novum

^p in tergo hærebant Gron. Crev.

²⁰ *Equites enim in tergo*] Ante hæc verba supple ex sensu: Quod si tam propinqua non fuissent castra, magna caedes facta esset. *Equites enim in tergo hærebant*

²¹ * *Secundis collibus*] Per pronos colles: ut dicitur *secundo flumine delabi*, aut contra, *adversum subire montem*.

²² *Supra septingentos capti*] Put. integre: *supra septingenti capti*. Hoc si verum et probum est, dictum erit

quemadmodum passim ad jungitur cum numerorum nominibus in recto casu. Vid. not. 77. ad l. XXVIII. c. 34.

²³ *Circa quingentos Romanorum sociorumque victores ceciderunt*] Vox *victores* hic omnino otiosa est. Olim expeditius multo legebatur: *Romanorum sociorumque ducenti ceciderunt*.

²⁴ *Quæ pars*] Id est, in ea parte *quæ pars*.

comparandum missus. Hannibal, copiis ejus ad suas addi- U. C. 545.
tis Venusiam retro, quibus venerat itineribus, repetit, atque A. C. 207.
inde Canusium procedit. Numquam Nero vestigiis hostis
abstiterat: et Q. Fulvium, quum Metapontum ipse profi-
cisceretur, in Lucanos, ne regio ea sine præsidio esset, ar-
cessierat.

XLIII. Inter hæc ab Hasdrubale, postquam a Placen- Interci-
tiæ obsidione abscessit, quatuor Galli equites, duo Nu- piantur
midæ, cum literis ad Hannibalem missi, quum per medios Hasdruba-
hostes totam ferme longitudinem Italiæ emensi essent, dum lis literæ.
Metapontum cedentem Hannibalem sequuntur, incertis
itineribus Tarentum delati, a vagis per agros pabulatoribus
Romanis ad Q. Claudium proprætorem deducuntur. Eum
primo incertis implicantes responsis, ut metus tormentorum
admotus fateri vera coëgit, edocuerunt, literas se ab Has-
drubale ad Hannibalem ferre. Cum iis literis, sicut erant,
signatis, L. Virginio tribuno militum ducendi ad Claudium
consulem traduntur. duæ simul turmae Samnitium præsidii
caussa missæ. qui ubi ad consulem pervenerunt, literæque
lectæ per interpretem sunt, et ex captivis percunctatio fac-
ta; tum Claudius, non id tempus esse reipublicæ ratus, quo
consiliis ordinariis provinciæ suæ quisque finibus per exer-
citus suos cum hoste destinato ab senatu bellum gereret,
"audendum" aliquid improvisum, inopinatum, quod cœptum
non minorem apud cives, quam hostes, terrorem faceret,
perpetratum in magnam lætitiâ ex magno metu verteret;
literis Hasdrubalis Romam ad senatum missis, simul et ip-
se Patres conscriptos, quid pararet, edocet, ut, quum in
Umbria se obscurum Hasdrubal fratri scribat, legionem
a Capua Romam arcessant; delectum Romæ habeant; ex-
ercitum urbanum ad Narniam hosti obponant. Hæc senatui
scripta. Præmissi item^r per agrum Larinatem, Marruci-
num, Frentanum, Prætutianum, qua exercitum ducturus
erat, ut omnes ex agris urbibusque commeatus paratos mi-
liti ad vescendum in viam deferrent, equos jumentaue alia
producerent, ut vehiculorum fessis copia esset. Ipse de to-
to exercitu civium sociorumque, quod roboris erat, delegit,
sex millia peditum, mille equites: pronunciat, occupare se
in Lucanis proximam urbem Punicumque in ea præsidium
velle; ut ad iter parati omnes essent. Profectus nocte flexit
in Picenum. Et consul quidem, quantis maximis itineribus

^q add. ac novandum Gron. Crev.

^r autem Ræd.

²⁵ Audendum ac novandum aliquid] Nostrum, ut et Gronoviani, codices ig-
norant medias duas voces ac novan-
dum, quæ tamen aliquid ad sententiæ
vim adjiciunt, et ad rem præsentem

accommodatissimæ sunt: ut hoc quo-
que possit esse documentum, ne ni-
mum scriptis, etiam numero et boni-
tate non contemnendis, credamus. Qua
de re egimus ad c. 28. supra.

U. C. 545. poterat^s, ad collegam ducebat, relicto Q. Catio legato, qui
A. C. 267. castris præesset.

Metus Ro-
manorum.

XLIV. Romæ haud minus terroris ac tumultus erat, quam fuerat ²⁶biennio ante, quam castra Punica objecta Romanis moenibus portisque fuerant. neque satis constabat animis, tam audax iter consulis laudarent vituperarentne. Adparebat (quo nihil iniquius est) ex eventu famam habiturum. *Castra prope Hannibalem hostem relicta sine duce cum exercitu, cui detractum foret omne, quod roboris, quod floris fuerit; et consulem in Lucanos ostendisse iter, quum Picenum et Galliam peteret, castra relinquentem nulla alia re tutiora, quam errore hostis, qui ducem inde atque exercitus partem abesse^t ignoraret. Quid futurum, si id palam fiat? et aut insequi Neronem, cum sex millibus armatorum profectum, Hannibal toto exercitu velit, aut castra invadere, prædæ relicta, sine viribus, sine imperio, sine auspicio? Veteres ejus belli clades, duo consules proximo anno interfecti terrebant. Et ea omnia accidisse, quum unus imperator, unus exercitus hostium in Italia esset: nunc duo bella Punica facta, duos ingentes exercitus, duos prope Hannibales in Italia esse. quippe et Hasdrubalem, patre eodem Hamilcare genitum, æque inpigrum ducem, per tot in Hispania annos ²⁷Romano exercitatum^u bello, gemina victoria insignem, duobus exercitibus cum clarissimis ducibus deletis. Nam itineris quidem celeritate ex Hispania et concitatis ad arma Gallicis gentibus multo magis, quam Hannibalem ipsum, gloriari posse. quippe in iis locis hunc coëgissee exercitum, quibus ille majorem partem militum fame ac frigore, quæ miserrima mortis genera sunt, amisisset. Adjiciebant etiam periti rerum Hispaniæ, ²⁸haud cum ignoto duce C. Nerone congressurum: ²⁹sed quem in saltu inpedito deprehensus forte, haud secus quam puerum, conscribendis fallacibus conditionibus pacis frustratus elusisset. ³⁰Omnia majora etiam vero præsidia hostium, minora sua, metu interprete, semper in deteriora inclinato, ducebant.*

Nero milites hortatur.

XLV. Nero, postquam jam tantum intervalli ab hoste fecerat, ut detegi consilium satis tutum esset, paucis milites adloquitur. Negat ullius consilium imperatoris in speciem

^s poterat itineribus Gron. Crev.

^t abisse Ead.

^u exercitum Gron.

²⁶ Biennio ante] Imo triennio, si non numerentur extrema; quinquennio, si eorum ratio habeatur. Atque hoc vitium potius esse librorum crediderimus, quam Livii in re tam clara tamque recenti incuriam.

²⁷ Romano exercitatum bello] Sic habere codicem Cantabrigiensem testatur Jac. Gronovius. Consentit Put. et omnes nostri. Vulgo exercitum.

²⁸ Haud cum ignoto duce] Put. auctior est: haud cum ignoto cum duce. Videtur legendum: haud cum ignoto cum duce.

²⁹ Sed quem in saltu] De ea re vid. l. XXVI. c. 17.

³⁰ Omnia majora] Quidquid virium haberent hostes, augebant Romani, metu interprete; quidquid haberent ipsi, minuebant.

audacius, re ipsa tutius fuisse, quam suum. Ad certam eos U. C. 545.
se victoriam ducere. quippe ad quod bellum collega non ante, A. C. 207.
quam ad satietatem ipsius peditum atque equitum datæ ab se-
natu copiae fuissent majores instructioresque, quam si adversus
ipsum Hannibalem iret, profectus sit, eo ipsos, quantumcumque
virium momentum addiderint, rem omnem inclinaturos. ¹ *Au-*
ditum modo in acie (nam, ne ante audiretur, daturum operam)
alterum consulem et alterum exercitum advenisse, haud dubiam
victoriam facturum. Famam bellum conficere, et parva momen-
ta in spem metumque impellere animos. Gloriæ quidem ex re
bene gesta partæ fructum prope omnem ipsas laturos. Semper,
quod postremum adjectum sit, id rem totam videri traxisse.
Cernere ipsos, quo concursu, qua admiratione, quo favore ho-
minum iter suum celebretur. Et, Hercule, per instructa om-
nia ordinibus virorum mulierumque, undique ex agris effu-
sorum, inter vota et ² *preces et laudes ibant: illos præsidia*
reipublicæ, vindices urbis Romæ imperiique adpellabant:
in illorum armis dextrisque suam liberumque ³ *suorum salu-*
tem ac libertatem repositam esse. Deos omnes Deasque
precabantur, ut illis faustum iter, felixque pugna, matura
ex hostibus victoria esset: ⁴ *dampnarenturque ipsi votorum,*
quæ pro iis suscepissent. Ut, quemadmodum nunc solliciti
prosequerentur eos, ita paucos post dies læti ovantibus vic-
toria obviam irent. Invitare inde pro se quisque, et obfer-
re, et fatigare precibus, ut, quæ ipsis jumentisque usui es-
sent, ab se potissimum sumerent. benigne omnia cumulata
dare. Modestia certare milites, ne quid ultra usum neces-
sarium sumerent: nihil morari, ⁵ *nec ab signis absistere ci-*
bum capientes: diem ac noctem ire: vix, quod satis ad na-
turale desiderium corporum esset, quieti dare. Et ad colle-

¹ ac Gron. Crev.

² liberorumque Eæd.

81 *Auditum modo in acie*] Haud dubiam fore victoriam eo ipso, quod in acie solummodo, non ante, nuncius ad hostes perventurus esset additi ad vires Romanas alterius consulis et alterius exercitus. * Ex participio *auditum* pendet tota oratio, eadem plane forma, quam exposuimus in not. 6. ad c. 37. supra.

82 *Dampnarenturque ipsi votorum*] Ut necesse haberent persolvere vota, quæ pro iis suscepissent; diis scilicet id tribuentibus, quod per illa vota ipsi ab iis exposcerent. Vota autem illa mox continentur his verbis, ut quemadmodum . . .

83 *Nec ab signis absistere*] Ingens scriptorum manus, nec ab signis nec subsistere. Unde suspicatur Gronovius

nec ab signis absistere, nec subsistere cibum capientes. Duo enim sunt diversa, excedere ex ordinibus et subsistere: utrumque autem de illis negatum mirificam diligentiam prodit. Unam autem vocem absorptam esse a vicina consimili minime mirum videri debet. Sic c. seq. ubi editi habent *deleri exercitum Asdrubalis posse redireque in Apuliam*, plurimi e acriptis Gronovianis, omnes nostri, præter unum Victorinum, exhibent *delerique in Apuliam*: cetera omittunt. Et paulo inferius in illo membro *abuten- dumque errore hostium absentium præsentiumque*, Put. et Victorin. . . . *hostium absentiumque*, omissa voce *præsentium*.

U. C. 545. gam præmissi erant, qui nunciarent adventum, percunctarenturque, clam an palam, interdiu an noctu, venire sese vellet, iisdem an aliis considerare castris. Nocte clam ingredi melius visum est.

XLVI. * Tessera per castra ab Livio consule data erat, ut tribunum tribunus, centurio centurionem, eques equitem, pedes peditem acciperet. neque enim dilatari castra opus esse, ne hostis adventum alterius consulis sentiret: et coartatio plurium in angusto tendentium faciliior futura erat, quod Claudianus exercitus nihil ferme, præter arma, secum in expeditionem tulerat. Ceterum in ipso itinere auctum voluntariis agmen erat; obferentibus sese ultro et veteribus militibus perfunctis jam militia, et juvenibus, quos certatim nomina dantes, si quorum corporis species roburque virium aptum militiæ videbatur, conscripserat. Ad Senam castra alterius consulis erant: et quingentos inde ferme passus Hasdrubal aberat. Itaque quum jam adpropinquaret, tectus montibus substitit Nero, ne ante noctem castra ingrederetur. Silentio ingressi, ab sui quisque ordinis hominibus in tentoria abducti, cum summa omnium lætitia hospitaliter excipiuntur. Postero die consilium habitum, cui et L. Porcius Licinus prætor adfuit. Castra juncta consulum castris habebat: et ante adventum eorum, per loca alta ducendo exercitum, quum modo insideret angustos saltus, ut transitum clauderet, modo ab latere aut ab tergo carperet agmen, ludificatus hostem omnibus artibus belli fuerat. is tum in consilio aderat. Multorum eo inclinant sententiæ, ut, dum fessum via ac vigiliis reficeret militem Nero, simul et ad noscendum hostem paucos sibi sumeret dies, tempus pugnae differretur. Nero non suadere modo, sed summa ope orare institit, *ne consilium suum, quod tutum celeritas fecisset, temerarium morando facerent.* * *Errore (qui non diuturnus futurus esset) velut torpentem Hannibalem, nec castra sua sine duce relictæ adgredi, nec ad sequendum se iter intendisse. antequam se moveat, deleri exercitum Hasdrubalis posse, redireque in Apuliam. Qui prolatando spatium hosti det, eum et illa castra prodere Hannibali, et aperire in Galliam*

Clam ingreditur castra Livii.

Consilium habitum.

Nero censet statim ex-eundum in aciem.

34 *Tessera . . data erat*] Diditum per omnes ordines imperium fuerat. Vid. not. 61. ad l. VII. c. 35.

35 *Errore qui non diuturnus futurus esset*] Sane mirum est, hoc errore Annibalem eo usque delusum, donec Nero victo Asdrubale in castra redierit. Profecto necesse est, ut dux callidissimus tamen parum curaret explorata sibi esse, quæ apud hostes agerentur, quum tamdiu ignoraverit rem ejusmodi, quæ et Romæ, et tota Ita-

lia percelebris foret. Neque vero suspicari quis possit speculatorum usum, quos Gallice vocamus *espions*, prorsus ei ignotum fuisse. Contrarium enim constat tum ex l. XXII. capp. 28. et 33. tum ex l. XXX. c. 29.

36 *Redireque in Apuliam*] Magis placeat legere cum Gronovio, *redireque*.

37 * *Illæ castra*] Castra quæ in Apulia sint, relictæ a Nerone.

iter, ut per otium, ubi velit, Hasdrubali conjungatur. Ex- U. C. 545.
templo signum dandum, et exeundum in aciem: ³⁸ abuten- A. C. 207.
dumque errore hostium absentium præsentiumque; dum ne-
que illi sciant cum paucioribus, nec hi cum pluribus et vali-
dioribus rem esse. Consilio dimisso, signum pugnae propo-
nitur, confestimque in aciem procedunt.

XLVII. Jam hostes ante castra instructi stabant. moram
pugnae attulit, quod Hasdrubal, proventus ante signa cum ^{Hasdruba-}
paucis equitibus, scuta vetera hostium notavit, quæ ante ^{lis pruden-}
non viderat, et strigosiores equos. multitudo quoque major ^{tia.}
solita visa est. Suspensus enim id, quod erat, receptui pro-
pere cecinit, ac misit ad flumen, unde aquabantur: ubi et
excipi aliqui possent, et notari oculis, si qui forte adustioris
coloris, ut ex recenti via, essent; simul circumvehi procul
castra jubet specularique, num auctum aliqua parte sit val-
lum: et ut attendant, semel bisne signum canat in castris.
Ea quum ordine omnia relata essent, castra nihil aucta erro-
rem faciebant. Bina erant, sicut ante adventum consulis
alterius fuerant: una M. Livii, altera L. Porcii: neutris
quidquam, ³⁹ quo latius tenderetur, ad munimenta adjectum.
Illud veterem ducem aduetumque Romano hosti movit,
quod semel in prætoriiis castris signum, bis in consularibus
referebant cecinisse. duos profecto consules esse, et, quonam
modo alter ab Hannibale abscessisset, cura angebat. Mini-
me id, quod erat, suspicari poterat, tantæ rei frustratione
Hannibalem elusum, ut, ubi dux, ubi exercitus esset, ⁴⁰ cum
quo castra collata haberet⁷, ignoraret. Profecto haud me-
diocri clade abstergitum insequi non ausum. magnopere ve-
reri, ne perditis rebus serum ipse auxilium venisset: Roma-
nisque eadem jam fortuna in Italia, quæ in Hispania, esset.
interdum, literas suas ad eum non pervenisse, credere: in-
terceptisque iis, consulem ad sese obprimendum adcelerasse.
His anxius curis, extinctis ignibus, vigilia prima dato sig- ^{Noctu cas-}
no, ut taciti vasa conligerent, signa ferri jussit. In trepi- ^{tra movet.}
datione et nocturno tumultu duces parum intente adservati,
alter in destinatis ⁴¹ jam ante² animo latebris subsedit, alter

⁷ habuerit Crev.

² jam inde ante Gron.

³⁸ * *Abutendumque errore*] Verbum
abuti sumitur quoque in bonam partem,
ita tamen ut res in usum et commodum
vertatur vel contra jus aut consuetudi-
nem, vel contra mentem alicujus: ut
hoc loco, ut apud Cic. pro Ligar. n. 1.
ut . . . *ignoracione tua ad hominis mi-
seri salutem abuterer.*

³⁹ * *Quo latius tenderetur*] Quo la-
tiora castra fierent. *Tendere* verbum
proprium est ubi de castrorum meto-

tionem agitur.

⁴⁰ *Cum quo castra collata habuerit*] Hæc scriptura est Put. et Victor. co-
dicum. Rhenanus jussit legi *habe-
ret*: eique paruerunt editores: minus
recte. Etenim hoc tempore quum As-
drubal hæc secum volutat, non habebat
Annibal castra collata cum Nerone, aut
cum eo exercitu quem Nero secum ab-
duxerat.

⁴¹ *Jam ante*] Valgo *jam inde ante*.

U. C. 545. per vada nota Metaurum flumen tranavit. ita desertum a
A. C. 207. ducibus agmen primo per agros palatur; ⁴² fessique aliquot
somno ac vigiliis sternunt corpora passim, atque infrequen-
tia relinquunt signa. Hasdrubal, dum lux viam ostenderet,
ripa fluminis signa ferri jubet; et per tortuosi amnis sinus
flexusque errorem volvens haud multum processit, ubi pri-
ma lux transitum opportunum ostendisset, transiturus. sed
quum, ⁴³ quantum mare abscedebat, tanto altioribus coërcen-
tibus amnem ripis, non inveniret vada, diem terendo spa-
tium dedit ad insequendum sese hosti.

Adsequun-
tur cum
Romani.

Instruitur
utrimque
acies.

Proelium
initur.

XLVIII. Nero primum cum omni equitatu advenit.
Porcius deinde adsecutus cum levi armatura, Qui quum
fessum agmen carperent ab omni parte incursarentque, et
jam, omisso itinere, quod fugæ simile erat, castra metari
Poenus in tumultu super fluminis ripam vellet; advenit Li-
vius peditum omnibus copiis, non itineris modo, sed ad
conserendum extemplo proelium instructis armatisque. Sed
ubi omnes copias conjunxerunt, directaque acies est, Clau-
dius dextro in cornu, Livius ab sinistro pugnam instruit:
media acies prætori tuenda datur. Hasdrubal, omissa mu-
nitione castrorum, postquam pugnandum vidit, in prima
acie ante signa elephantos conlocat. circa eos lævo in cornu
adversus Claudium Gallos obponit, haud tantum eis fidens,
quantum ab hoste timeri eos credebat. ipse dextrum cornu
adversus M. Livium sibi atque Hispanis (et ibi maxime in
vetere milite spem habebat) sumsit. Ligures in medio post
elephantos positi; sed longior, quam latior, acies erat. Gal-
los prominens collis tegebat. Ea frons, quam Hispani tene-
bant, cum sinistro Romanorum cornu concurrit. dextra om-
nis acies extra proelium eminens cessabat. collis obpositus
arcebat, ne aut a fronte, aut ab latere adgrederentur. Inter
Livium Hasdrubalemque ingens contractum certamen erat,
atroxque cædes utrimque edebatur. ibi duces ambo, ibi pars
major peditum equitumque Romanorum: ibi Hispani, vetus
miles peritusque Romanæ pugnae, et Ligures, durum in ar-
mis genus. eodem versi elephantis, qui primo inpetu turba-
verant antesignanos, et jam signa moverant loco: deinde,
crescente certamine et clamore, inpotentius jam regi, et in-
ter duas acies versari, velut incerti quorum essent: haud

Particulam *inde*, quæ a compluribus
MSS. abest, et prorsus redundat, de-
levimus, auctoribus Rhenano et Gro-
novio.

⁴² * *Fessi . . . somno ac vigiliis*] Fessi
vigiliis, ac propterea somno graves.

⁴³ *Quantum mare abscedebat*] Dic-

tum accipe, quemadmodum illud Vir-
gilii, *terraeque urbesque recedunt*. Ta-
men plerique editi, et Victorinus co-
dex, *quantum a mari abscedebat*: quod
quibusdam fortasse simplicius videbitur
et clarius.

dissimiliter navibus sine gubernaculo vagis. Claudius, *Quid* U. C. 545. *ergo præcipiti cursu tam longum iter emensi sumus?* clamitans A. C. 207. militibus; quum in adversum collem frustra signa erigere conatus esset, postquam ea regione penetrari ad hostem non videbat posse; cohortes aliquot subductas e dextro cornu, ubi stationem magis segnem, quam pugnam, futuram cernebat, post aciem circumducit. et, non hostibus modo, sed etiam suis inopinantibus, "in sinistrum hostium latus incurrit: tantaque celeritas fuit, ut, quum ostendissent se ab latere, mox in terga jam pugnarent. Ita ex omnibus partibus, ab fronte, ab latere, ab tergo, trucidantur Hispani Liguresque: et ad Gallos jam cædes pervenerat. Ibi minimum certaminis fuit. nam et pars magna ab signis aberant, nocte dilapsi, stratique somno passim per agros: et, qui aderant, itinere ac vigiliis fessi, intolerantissima laboris corpora, vix arma humeris gestabant. Et jam diei medium erat, sitisque et calor hiantes cædendos capiendosque adfatim præbebat.

XLIX. Elephanti plures ab ipsis rectoribus, quam ab Elephantis a hoste, interfecti. fabrilis scalprum cum malleo habebant: id, rectoribus interfecti. ubi sævire belluæ ac ruere in suos coeperant, magister inter aures positum, ipso in articulo, quo jungitur capiti cervix, quanto maximo poterat ictu, adigebat. Ea celerrima via mortis in tantæ molis bellua inventa erat, ubi regendi spem vicissent. primusque id Hasdrubal instituerat, dux quum Hasdrubalis fortitudo. sæpe alias memorabilis, tum illa præcipue pugna. Ille pugnantes hortando, pariterque obeundo pericula, sustinuit: ille fessos abnuentesque tædio et labore, nunc precando, nunc castigando, accendit: ille fugientes revocavit, omissamque pugnam aliquot locis restituit. postremo, quum haud dubie fortuna hostium esset, "ne superesset tanto exercitui suum Egregie pugnantis cecidit. nomen secuto, concitato equo se in cohortem Romanam inmisit. Ibi, ut patre Hamilcare et Hannibale fratre dignum erat, pugnantis cecidit. Numquam eo bello una acie tantum hostium interfectum est, redditaque æqua Cannensi clades, vel ducis, vel exercitus interitu, videbatur. "Quinquaginta sex millia hostium occisa: capta quinque millia et quadringenti: præda alia magna tum omnis generis, tum auri etiam argentique. Civium etiam Romanorum, qui capti apud hostes erant, supra quatuor millia capitem recep-

44 *In sinistrum hostium latus*] Lege omnino *in dextrum*. Claudius sinistro cornu hostium oppositus circumductas post suorum aciem cohortes in Hispanos agit, qui in dextro hostium cornu pugnabant. JAC. PERZONIUS.

45 *Ne superesset tanto exercitui*

suum nomen secuto] Parum interest. Sed tamen Put. liber: *Ne superstes tanto exercitui suum nomen secuto esset*.

46 *Quinquaginta sex millia*] Polybius, l. XI. decem tantummodo hostium millia, duo Romanorum in hac pugna interfecta esse memorat.

U. C. 545.
A. C. 207.
Remano-
rum 8000.

ta. id solatii fuit pro amissis eo proelio militibus. Nam haudquaquam incruenta victoria fuit? octo ferme millia Romanorum sociorumque occisa. Adeoque etiam victores sanguinis cædisque ceperat satietas^a, ⁴⁷ ut postero die, quum esset nunciatum Livio consuli, Gallos Cisalpinos Liguresque, qui aut proelio non adfuissent, aut inter cædem effugissent, uno agmine abire sine certo duce, sine signis, sine ordine ullo, aut imperio; posse, si ⁴⁸ una equitum ala mittatur, omnes deleri; *Supersint, inquit, aliqui nuncii, et hostium cladis, et nostræ virtutis.*

Nero ad ex-
ercitum re-
dit.

L. Nero ea nocte, quæ secuta est pugnam, citatiore, quam inde venerat, agmine, die sexto ad stativa sua, atque ad hostem pervenit. Iter ejus frequentia minore, quia nemo præcesserat nuncius, lætitia vero tanta, vix ut compotes mentium præ gaudio essent, celebratum est. Nam Romæ neuter animi habitus satis dici enarrarique potest; nec quo incerta expectatione eventus civitas fuerat, nec quo victoriæ famam accepit. Numquam per omnes dies, ex quo Claudium consulem profectum fama adtulit, ab orto sole ad occidentem, aut senator quisquam a curia atque ab magistratibus abscessit, aut populus e foro. Matronæ, quia nihil in ipsis opis erat, in preces obtestationesque versæ, per omnia delubra vagæ suppliciis votisque fatigare Deos. tam sollicitæ ac suspensæ civitati fama incerta primo accidit, duos Narnienses equites in castra, quæ in faucibus Umbriæ obposita erant, venisse ex proelio, nunciantes cæsos hostes. Et primo magis auribus, quam animis, id acceptum erat, ut majus lætiusque, quam quod mente capere, aut satis credere possent: et ipsa celeritas fidem inpediebat, quod bi-duo ante pugnatum dicebatur. Literæ deinde ab L. Manlio Acidino missæ ex castris adferuntur de Narniensium equitum adventu. Eæ^b literæ, per forum ad tribunal prætoris latæ, ⁴⁹ senatum curia exciverunt: tantoque certamine ac tumultu populi ad fores curiæ concursus est, ut adire nuncius non posset, trahereturque a percunctantibus vociferantibusque, ut in Rostris prius, quam in senatu, literæ recitarentur. tandem submoti et coërciti a magistratibus: ⁵⁰ dis-

^a *satias* Gron. Crev.

^b *Et* Gron.

⁴⁷ *Ut postero die . . Supersint, inquit*] Particula *ut* postularet verbum subjunctivi, ut vocant, modi, quale esset *dixerit, responderit*. At propter interpositam longam periodum, ejus rationem non habuit Livius. Simile fere exemplum reperies apud Cic. l. II. de Orat. n. 23.

⁴⁸ *Una equitum ala*] Ala equitum Romanorum decem turmas habebat; turma, triginta fere homines.

⁴⁹ *Senatum curia exciverunt*] Senatores ad primum nuncium allatarum litterarum, e curia ad tribunal prætoris concurrerunt. Sed statim intelligendi sunt rediisse in curiam, ut ibi litteræ legerentur.

⁵⁰ *Dispensarique lætitia*] Lætitia potuit modo quodam et ordine impertiri hominibus, qui vix eam capere animo poterant, atque adeo omnem ejus potiundæ moram ægre ferebant.

pensarique lætitia inter inpotentes ejus animos potuit. In U. C. 545. senatu primum, deinde in concione, literæ recitatæ sunt: et, A. C. 207. pro cujusque ingenio, aliis jam certum gaudium, aliis nulla ante futura fides erat, quam legatos consulumve literas audissent.

LI. Ipsos deinde adpropinquare legatos adlatum est. tum enimvero omnis ætas currere obvii, primus quisque oculis auribusque haurire tantum gaudium cupientes. ad Mulvium usque pontem continens agmen pervenit. Legati (erant L. Veturius Philo, P. Licinius Varus, Q. Cæcilius Metellus) ^{Gaudium Romanorum.} circumfusi^c omnis generis hominum frequentia in forum pervenerunt; quum alii ipsos, alii comites eorum, quæ acta essent, percunctarentur, et ut quisque audierat, exercitum hostium imperatoremque occisum, legiones Romanas incolumes, salvos consules esse, extemplo aliis porro inpertiebant gaudium suum. Quum ægre in curiam perventum esset, multo ægrius submotæ turba, ne Patribus misceretur, literæ in senatu recitatæ sunt. "inde producti in concionem legati. L. Veturius, literis recitatis, ipse planius omnia, quæ acta erant, exposuit cum ingenti adsensu, postremo etiam clamore universæ concionis, quum vix gaudium animis caperent. Discursum inde ab aliis circa templa Deûm, ut grates agerent; ab aliis domos, ut conjugibus liberisque tam lætum nuncium inpertirent. Senatus, quod M. Livius et C. Claudius consules, incolumi exercitu, ducem hostium legionesque occidissent, supplicationem in triduum decrevit. eam supplicationem C. Hostilius prætor pro concione edixit, celebrataque a viris feminisque est. Omnia templa per totum triduum æqualem turbam habuere: quum matronæ amplissima veste cum liberis, perinde ac si debellatum foret, omni solutæ metu, Deis immortalibus grates agerent. "Statum quoque civitatis ea victoria movit: ut jam inde, haud secus quam in pace, res inter se contrahere, vendendo, emendo, mutuum dando, argentum creditum solvendo, auderent. C. Claudius consul quum in castra redisset, caput Hasdrubalis, quod servatum cum cura adtulerat, projici ^{Caput Hasdrubalis projectum ante castra Hannibalis.} ante hostium stationes, captivosque Afros vinctos, ut erant, ostendi, duos etiam ex iis solutos ire ad Hannibalem, et expromere, quæ acta essent, jussit. Hannibal, tanto simul

^c Legati erant — Metellus. Circumfusi Gron. Crev.

Modus autem ille et ordo in eo positus est, quod in senatu primum, a quo principium duci par erat, deinde in concione litteræ recitatæ sunt.

51 *Inde producti*] Verbum hic proprium. *Introducebantur* in senatum a magistratibus legati, *producebantur* ad populum, sive in concionem. Bene

igitur Sigonius, quum reperisset in scriptis hoc loco *introduciti*, effecit *inde producti*.

52 * *Statum . . . civitatis . . . movit*] Mutavit pecuniariæ rei statum in civitate. † Hoc eodem anno nummus aureus primum Romæ percussus est, ut colligitur ex Plin. l. XXXIII. c. 3.

U. C. 545. publico familiarique ictus luctu, *agnoscere se fortunam Kartha-*
A. C. 207. *ginis*, fertur dixisse : castrisque inde motis, ut omnia auxilia,
Hannibalin quæ diffusa latius tueri non poterat, in extremum Italiæ an-
extremam gulum Bruttios contraheret, et Metapontinos, civitatem uni-
Italiam re- versam, excitos sedibus suis, et Lucanorum qui suæ ditionis
cedit, erant, in Bruttium agrum traduxit.

EPITOME LIBRI XXVIII.

RES in Hispania prospere gestæ a Silano, Scipionis legato, et ab L. Scipione fratre adversus Pœnos, a Sulpicio proconsule et ab Attalo rege Asiæ adversus Philippum regem Macedonum, pro Ætolis, referuntur. Quum M. Livio et Claudio Neroni consulibus triumphus decretus esset, Livius, qui in provincia sua rem gesserat, quadrigis invectus est; Nero, qui in collegæ provinciam, ut victoriam ejus adjuvaret, venerat, equo est secutus, et in hoc habitu plus gloriæ reverentiæque habuit: nam et plus in bello, quam collega, fecerat. Ignis in æde Vestæ negligentia virginis, quæ non custodierat, extinctus est: virgo cæsa est flagro. P. Scipio in Hispania cum Pœnis debellavit ¹ quarto decimo anno ejus belli, quinto post anno, quam ierat: exclusisque in totum possessione ejus hostibus, Hispaniam recepit. et a Tarracone in Africam ad Syphacem regem Numidarum duobus navigiis transvectus, fœdus junxit. Hasdrubal Gisgonis ibi cum eo in eodem lecto adcubuit. Munus gladiatorium in honorem patris patruique ² Karthagini novæ edidit, non ex gladiatoribus, sed ex iis, qui aut in honorem ducis, aut ex provocatione in certamen descendebant: in quo reguli fratres de regno ferro contenderunt. Quum Astapa urbs ab Romanis obpugnaretur, oppidani liberos et conjuges rogo extructo occiderunt, et se insuper præcipitaverunt. Ipse Scipio, dum gravi morbo implicatus est, seditionem, in parte exercitus motam, confirmatus discussit, rebellantesque Hispaniæ populos coëgit in deditionem venire; ³ et, amicitia facta cum Masinissa rege Numidarum, qui illi auxilium, si in Africam trajecisset, pollicebatur, cum Gaditanis quoque post discessum inde Magonis, cui ex Karthagine scriptum erat, ut in Italiam trajiceret, Romam reversus, consulque creatus. Africam provinciam petenti, contradicente Q. Fabio Maximo, Sicilia data est: permissumque, in Africam trajiceret, si ex republica esse censeret. Mago, Hamilcaris filius, a minore Baliari insula, ubi hiemarat, in Italiam trajecit.

¹ Decimo tertio anno ejus belli] Recentius editi habent decimo quinto: veteres XIV. quomodo et legebatur olim infra c. 16. hujus libri: ubi recte admonuit Glareanus emendandum esse decimo tertio. Glareano assensi sunt postea editores omnes: unde hic quoque non dubitavimus reponere eum numerum qui congrueret et veræ annorum

rationi, et contextui Liviano.

² Carthagine Nova] Sic legi jussit Sigonius. Olim: Carthagini Novæ.

³ Et amicitia facta cum Masinissa . . Romam reversus] Vulgo Et amicitia facta est. Delevimus vocem est, quam a vet. lib. abesse Sigonius testatur: et omittit quoque Campanus. Sic enim rotundior videtur oratio.

T. LIVII PATAVINI

LIBER XXVIII.

U. C. 545.
A. C. 207.
Res Hispaniæ.

Contra hostes mittit Silanum Scipio.

Castra Celtiberorum et Pœnorum.

QUUM transitu Hasdrubalis, quantum in Italiam declinaverat belli, tantum levatæ Hispaniæ viderentur; renatum ibi subito per priori bellum est. Hispanias ea tempestate sic habebant Romani Pœnique. Hasdrubal, Gisgonis filius, ad oceanum penitus Gadesque concesserat. Nostri maris ora omnisque ferme Hispania, qua in orientem vergit, Scipionis ac Romanæ ditionis erat. Novus imperator Hanno, in locum Barcini Hasdrubalis novo cum exercitu ex Africa transgressus, Magonique junctus, quum in Celtiberia, quæ media inter duo maria est, brevi magnum hominum numerum armasset; Scipio adversus eum M. Silanum cum ¹decem haud plus millibus militum, equitibus quingentis, misit. Silanus, quantis maximis potuit itineribus, (inpediebant autem et asperitates viarum, et angustiae saltibus crebris, ut pleraque Hispaniæ sunt, inclusæ) tamen non solum nuncios, sed etiam famam adventus sui prægressus, ducibus indidem ex Celtiberia transfugis, ad hostem pervenit. Eisdem auctoribus compertum est, quum decem circiter millia ab hoste abessent, bina castra circa viam, qua irent, esse: ²læva Celtiberos, novum exercitum, supra novem millia hominum, dextra Punica tenere castra. hæc stationibus, vigiliis, omni justa militari custodia tuta et firma esse: illa altera soluta neglectaque, ut barbarorum et tironum, et minus timentium, quod in sua terra essent. Ea prius adgredienda ratus Silanus, signa quam maxime ad lævam jubebat ferri, necunde ab stationibus Punicis conspiceretur. ipse, præmissis speculatoribus, citato agmine ad hostem pergit.

II. Tria millia ferme aberat, quum haudum quisquam hostium senserat. ³confragosa loca et obsita virgultis tenebant

¹ Decem millibus militum, equitibus quingentis] Vid. not. 94. ad l. XXVI. c. 19.

² Læva Celtiberos . . dextra Punica tenere castra] Ab læva parte Celtiberos, a dextra Pœnos, sive Punica castra tenere, supple, locum, regionem. Apud Livium interdum tenere absolute ponitur pro tenere locum. Sic XXXII. 5. Qua abscissæ rupes erant, statio paucorum armato-

rum tenebat.

³ Confragosa loca] Confragosa loca et virgultis obsita totam collium faciem vestiebant. Aptius tamen dici viderentur virgultis teneri colles, quam locis. Ceterum, quia Put. et optimus e regis præferunt *obsiti*, videndum an hic locus sic legi et exponi possit: *Confragosa loca et virgultis obsiti tenebant colles*: id est, confragosa loca et virgultis obsiti colles te-

colles. Ibi in cava valle, atque ob id occulta, considerare mili- U. C. 545.
tem, et pibum capere jubet. interim speculatores, transfuga- A. C. 207.
rum dicta adfirmantes, venerunt. Tum, sarcinis in medium
conjectis, arma Romani capiunt, acieque justa in pugnam
vadunt. Mille passuum aberant, quum ab hoste conspecti
sunt, trepidarique repente coeptum. et Mago ex castris citato
equo ad primum clamorem et tumultum advehitur. Erant
autem in Celtibero exercitu quatuor millia scutorum et
ducenti equites; hanc justam legionem (et id ferme roboris
erat) in prima acie locat: 'ceteros', levem armaturam, in
subsidiis posuit. Quum ita instructos educeret castris, vix-
dum in egressos vallo Romani pila conjecerunt. Subsidunt **Prælium.**
Hispani adversus emissa tela ab hoste, inde ad mittenda ipsi
consurgunt; quæ quum Romani conferti, ut solent, densatis
excepiissent scutis, tum pes cum pede conlatus, et gladiis geri
res coepta est. Ceterum asperitas locorum et Celtiberis,
quibus in prælio concursare mos est, velocitatem inutilem
faciebat; et haud iniqua eadem erat Romanis stabili pugnae
adsuetis; nisi quod angustiae et internata virgulta ordines
dirimebant, et singuli binique, velut cum paribus, conserere
pugnam cogeantur. Quod ad fugam impedimento hostibus **Vincunt**
erat, id ad cædem eos, velut vinctos, præbebat. Et jam, **Romani.**
ferme omnibus scutatis Celtiberorum interfectis, levis arma-
tura et Karthaginienses, qui ex alteris castris subsidio vene-
rant, perculsi cædebantur. duo haud amplius millia pedi-
tum et equitatus omnis, vix inito prælio, cum Magone effu-
gerunt. Hanno, alter imperator, cum eis, qui postremi,
jam profligato prælio, advenerant, vivus capitur. Magonem
fugientem equitatus ferme omnis, et quod veterum peditem
erat secuti, decimo die in Gaditanam provinciam ad Hasdru-
balem pervenerunt. Celtiberi, novus miles, in proximas
dilapsi silvas, inde domos diffugerunt. 'Peropportuna vic-
toria nequaquam tantum jam conflatum bellum, quanta fu-
turi materia belli (si licuisset eis, Celtiberorum gente excita,
et alios ad arma sollicitare populos) obpressa erat. Itaque,

^a ceteram Gron. Crev.

nebant regionem, hujus terræ faciem
obtinebant: prorsus ut c. præcedenti,
Punica tenere castra. Idque verum
putamus: et eo quidem magis, quod
solet Livius interdum, si quam locu-
tionem notabiliorem usurpavit aliquo
in loco, eam, si paulo post sub acu-
men styli subeat, non aspernari. Sic
l. II. c. 45. distributionem per parti-
culam *qua* geminam ter intra hujus
capitis spatium repetit: nec illa deinde
nisi longo post intervallo apparet. Et
l. III. c. 38. bis occurrit *imperium in-
hibere*. Et *sisti pass*, l. III. 9. 16. 29.

Hunc morem Livii inter legendum ob-
servavimus aliquamultis in locis.

4 *Ceteram levem armaturam*] Ma-
gis placet Put. codicis scriptura: *Cete-
ros, levem armaturam*: id est, ceteros
Celtiberos, qui leviter tantum armati
erant.

5 *Peropportuna victoria*] Hæc vic-
toria peropportuna oppresserat, non
quidem magnum jam conflatum bel-
lum, sed ingentem futuri belli mate-
riam, quod procul dubio exarsisset, si
licuisset eis . . .

U. C. 545. conlaudato benigne Silano, Scipio spem debellandi, si nihil
 A. C. 207. eam ipse cunctando moratus esset, nactus, ad id, quod reli-
 In Bæticam quum belli erat, in ultimam Hispaniam adversus Hasdruba-
 it Scipio. lem pergit. ⁶ Pœnus, quum castra tum forte ad sociorum
 animos in Bætica continendos in fide haberet, signis repente
 sublatis, fugæ magis, quam itineris modo, penitus ad oceanum
 et Gades ducit. Ceterum, quoad continuisset exercitum,
⁷propositum bello se fore ratus, antequam freto Gades traji-
 ceret, exercitum omnem passim ⁸in civitates divisit^b, ut et
 muris se ipsi, et armis muros tutarentur.

III. Scipio ubi animadvertit, dissipatum passim bellum, et
 circumferre ad singulas urbes arma diutini magis, quam
 Regreditur, magni, esse operis, retro vertit iter. Ne tamen hostibus eam
 relicto ibi relinqueret regionem, L. Scipionem fratrem cum decem mil-
 fratre. libus peditum, et mille equitum ad obpugnandam opulentis-
 simam in iis locis urbem, ⁹Oringin barbari adpellabant,
 mittit. Sita in ¹⁰Melessum finibus est Hispanæ gentis.
 ager frugifer. argentum etiam incolæ fodiunt. ea arx fuit
 Hasdrubali ad excursiones circa in mediterraneos populos
 faciendas. Scipio, castris prope urbem positis, priusquam
 circumvallaret urbem, misit ad portas, qui ex propinquo ad-
 loquio animos tentarent, suaderentque, ut amicitiam potius,
 quam vim, experirentur Romanorum. Ubi nihil pacati
 respondebatur, fossa duplicique vallo circumdata urbe, in
 tres partes exercitum dividit: ut una semper pars, quietis
 interim duabus, obpugnaret. Prima pars quum adorta ob-
 pugnare est, atrox sane et anceps prælium fuit: non subire,
 non scalas ferre ad muros præ incidentibus telis facile erat.
 et jam, qui erexerant ad murum scalas, alii furcis ad id ip-
 sum factis detrudebantur, in alios ¹¹lupi superne ferrei in-
 jecti, ut in periculo essent, ne suspensi in murum extrahe-
 rentur. quod ubi animadvertit Scipio, nimia paucitate suo-
 rum exæquatum certamen esse, ¹²et jam^c eo superare hos-
 tem, quod ex muro pugnaret; duabus simul partibus, pri-
 ma recepta, urbem est adgressus. Quæ res tantum pavoris

^b *dimisit* Gron. Crev.

^c *etiam* Crev.

6 *Pœnus quum . . . forte*] Quum forte Asdrubal castra in Bætica haberet ad continendos in fide sociorum animos.

7 *Propositum bello*] Propositum in-atar scopi, quem non desinat petere Scipio.

8 *In civitates dimisit*] Melius aliquot scripti, et in primis Put. *divisit*.

9 *Oringin*] Hæc urbs videtur eadem esse quæ l. XXIV. c. 42. dicta est *Auriar*, imo idem nomen diversi-
 mode scriptum. Non procul abfuisse eam a Munda, patet ex loco Livii

modo memorato.

10 *Melessum*] Hoc nomen variat in scriptis. Gronovius, monente Rubenio, legi posse putat *Massiensium*. *Massia* apud Stephanum regio est ad Tartessos pertinens.

11 *Lupi . . . ferrei*] Ferreæ quædam machinæ, unceæ, similes lupinorum dentium. Turn. XI. Advers. c. 28. Vide et Lips. l. V. Poliorc. Dial. 8.

12 *Etiam eo superare hostem*] Sic habent plerique editi, et duo e scriptis nostris. Sigonius divisim legi voluit et jam: minus commode.

injecit fessis jam cum primis pugnando, ut et oppidani U. C. 545.
 moenia repentina fuga desererent: et Punicum praesidium A. C. 907.
 metu, ne prodita urbs esset, relictis stationibus in unum se
 colligeret. Timor inde oppidanos incessit, ne, si hostis ur-
 bem intrasset, sine discrimine, Poenus an Hispanus esset,
 obvii passim cæderentur. ¹³ itaque, patefacta repente porta,
 frequentes ex oppido sese ejecerunt, scuta præ se tenentes,
 ne tela procul conjicerentur; dextras nudas ostentantes, ut
 gladios abjecisse adpareret. id utrum parum ex intervallo
 sit conspectum, an dolus aliquis suspectus fuerit, incomper-
 tum est. Inpetus hostilis in transfugas factus: ¹⁴ nec se-Oringis a
 cus, quam adversa acies, cæsi. Eademque porta signa in-L. Scipione
 festa in urbem inlata: et aliis partibus securibus dolabris-
 que cædebantur et refringebantur portæ, et, ut quisque in-
 traverat eques, ad forum occupandum (ita enim præceptum
 erat) citato equo pergebat. Additum erat et triariorum
 equiti praesidium. legionarii ceteras partes pervadunt: di-
 reptione et cæde obviorum, nisi qui armis se tuebantur, ab-
 stinuerunt. Karthaginienses omnes in custodiam dati sunt:
 oppidanorum quoque trecenti ferme, qui clauserant portas.
 ceteris traditum oppidum, suæ redditæ res. Cecidere in ur-
 bis ejus obpugnatione hostium duo millia ferme; Romano-
 rum haud amplius ^d nonaginta.

IV. Læta et ipsis, qui rem gessere, urbis ejus expugnatio
 fuit, et imperatori ceteroque exercitui; et speciosum adven-
 tum suum, ingentem turbam captivorum præ se agentes,
 fecerunt. Scipio, conlaudato fratre, quum, quanto poterat L. Scipio
 verborum honore, Karthagini ab se captæ captam ab eo-
 Oringin æquasset, quia et hiems instabat, ut nec tentare-
 Gades, nec disjectum passim per provinciam exercitum
 Hasdrubalis consecrari posset, in citeriorem Hispaniam
 omnes suas copias reduxit: dimissisque in hiberna legioni-
 bus, L. Scipione fratre Romam misso, et Hannone hostium
 imperatore, ceterisque nobilibus captivis, ipse Tarraconem
 concessit. Eodem anno classis Romana, cum M. Valerio
 Lævino proconsule ex Sicilia in Africam transmissa, in Uti-
 censi Karthaginiensique agro late populationes fecit. extre-
 mis finibus Karthaginiensium circa ipsa moenia Uticæ præ-
 dæ actæ sunt. Repetentibus Siciliam classis Punica (sep-
 tuaginta erant longæ naves) obcurrit. decem et septem

^d plus Gron. Crev.

¹³ *Itaque patefacta*] Pat. et Vic-
 tor. codices *atque*, id est, subito, con-
 festim. Vid. not. 23. ad l. XXVII.
 c. 21.

¹⁴ *Nec secus quam adversa acies,*
cæsi] Omnes scripti *cæsa*. Videndum
 an sic maluerit Livius, ut proximum

nomen *acies* attraxerit sequentem vo-
 cem. Majores hujus generis anoma-
 liæ nobis identidem occurrerunt, ut
 l. XXIII. c. 3. *Quod sæpe optastis,*
ut supplicii sumendi vobis ex improbo
ac detestabili senatu potestas esset, eam
nunc . . . habetis.

U. G. 546. **naves ex iis captæ sunt, quatuor in alto merseæ. cetera fuas**
 A. C. 207. **ac fugata classis. Terra marique victor Romanus cum**
magna omnis generis præda Lilybæum repetit. Toto inde
mari pulsis hostium navibus, magni commeatus frumenti
Romam subvecti.

V. Principio æstatis ejus, qua hæc sunt gesta, P. Sulpi-
 cius proconsul et Attalus rex quum Æginæ (sicut ante dic-
 tum est) hibernassent, Lemnum inde, classe juncta, Roma-
 næ quinque et viginti quinqueres, regiæ quinque et tri-
 ginta, transmiserunt. Et Philippus, ut, seu terra seu mari
 obviam eundum hosti foret, paratus ad omnes conatus es-
 set, ipse Demetriadem ad mare descendit: Larissam diem
 ad conveniendum exercitui edixit. Undique ab sociis lega-
 tiones Demetriadem ad famam regis convenerunt. Sustu-
 lerant enim animos Ætoli, quum ab Romana societate, tum
 post Attali adventum, finitimosque depopulabantur. nec
 Acarnanes solum Bœotique, et qui Eubœam incolunt, in
 magno metu erant: sed Achæi quoque, quos super Ætoli-
 cum bellum Machanidas etiam Lacedæmonius tyrannus,
 haud procul Argivorum fine positis castris, terrebat. hi
 omnes suis quisque urbibus, quæ pericula terra marique
 portendebantur^c, memorantes, auxilia regem orabant. Ne
 ex regno quidem ipsius tranquillæ nunciabantur res. et
 Scerdilædum Pleuratumque motos esse, et Thracum maxi-
 me Mædos, si quod longinquum bellum regem occupasset,
 proxima Macedoniæ incursuros. Bœoti quidem et interiores
 Græciæ populi, Thermopylarum saltum, ubi angustæ fauces
 coartant iter, fossa valloque intercludi ab Ætolis, nuncia-
 bant, ne transitum ad sociorum urbes tuendas Philippo da-
 rent. Vel segnem ducem tot excitare tumultus circumfusi
 poterant. Legationes dimittit, pollicitus, prout tempus ac
 res se daret, omnibus laturum se auxilium. in præsentia,
 quæ maxime urgebat res, ¹⁵ Peparethum præsidium urbi
 mittit; unde adlatum erat, Attalum, ab Lemno classe trans-
 missa, omnem circa urbem agrum depopulatum. Polyphan-
 tam cum modica manu in Bœotiam, Menippum item
 quemdam ex regiis ducibus cum mille peltastis (¹⁶ pelta

Philippus
 socios hor-
 tatur ac
 tuctur.

^c portenderentur Gron. Crev.

¹⁵ *Peparethum præsidium urbi mit-
 tit*] Mittit in insulam Peparethum præ-
 sidium urbi, quæ cognominis erat ipsi
 insulæ. Ceterum locus hic corruptissi-
 mus erat. Emendavere Sigon. et Gron.
 ex Polybio, l. X. c. 39.

¹⁶ *Pelta cetræ haud dissimilis est*] Clypeoli fuere leves, brevesque. Ce-
 tra e corio fere fuit, quod interdum
 nervis intertexebatur, et nihil habe-

bat ligni, neque ferri. Idem et de
 pelta suspicari licet. Quod ad formam
 spectat, plura de pelta habent scrip-
 tores, neque tamen quidquam satis
 certum, quia nempe pro diversis gen-
 tibus ejus forma variavit. Pelta dici-
 tur *lunata* apud Virgilium. Alii eam
 rotundam, alii vero quadrangulam fu-
 isse volunt. Cetra magis uti Hispa-
 ni, et Afri: pelta, Græci, Macedones,

cestræ hand dissimilis est) Chalcidem mittit. additi ¹⁷ quin- U. C. 545.
genti Agrianum, ut omnes ¹⁸ insulæ partes tueri possent. A. C. 207.
ipse Scotussam est profectus: eodemque ab Larissa Macedonum copias traduci jussit. Eo nunciatum est, concilium Ætolis Heracleam indictum, regemque Attalum, ad consultandum de summa belli, venturum. Hunc conventum ut turbaret subito adventu, magnis itineribus Heracleam duxit. et concilio quidem dimisso jam venit: segetibus tamen, quæ prope maturitatem erant, maxime ¹⁹ in sinu Ænianum vastatis, Scotussam copias reducit. Ibi exercitu omni relicto, cum cohorte regia Demetriadem sese recipit. Inde ut ad omnes hostium motus posset obcurrere, in Phocidem, atque Euboeam, et Peparethum mittit, qui loca alta eligerent, unde editi ignes adparerent. ipse in Tisæo (mons est in altitudinem ingentem cacuminis editi) speculam posuit: ut ignibus procul sublatis signum, ubi quid molirentur hostes, momento temporis acciperet. Romanus imperator et Attalus rex a Peparetho Nicæam trajecerunt. inde classem in Euboeam ad urbem Oreum transmittunt: quæ ab Demetriaco sinu Chalcidem et Euripum petenti ad lævam primæ urbium Eubœæ posita est. Ita inter Attalum ac Sulpicium convenit, ut Romani a mari, regii a terra obpugnant.

VI. Quatriduo post, quam adpulsa classis est, urbem aggressi sunt. id tempus occultis cum Platore, qui a Philippo præpositus urbi erat, colloquiis absumtum est. Duas arces urbs habet, unam imminentem mari, altera urbis media est. cuniculo inde via ad mare ducit, quam a mari turris quinque tabulatorum, egregium propugnaculum, claudebat. Ibi primo atrocissimum contractum est certamen, et turre instructa omni genere telorum, et tormentis machinisque ad obpugnandam eam ex navibus expositis. Quum omnium animos oculosque id certamen avertisset, porta maritimæ arcis Plator Romanos accepit, momentoque arx occupata est. Oppidani, pulsi inde in mediam urbem, ad alteram tendere arcem. Et ibi positi erant, qui fores portæ objicerent. ita exclusi in medio cæduntur capiunturque. Mace-

Thracæ. Interdum hæc nomina apud scriptores promiscue usurpantur. Vid. Lips. in *Analectis ad Militiam Romanam*.

¹⁷ *Quingenti Agrianum*] Olim Æniam. Correxerit Sigonius ex Polyb. l. X. c. 39.

¹⁸ *Insulæ*] Eubœæ, cujus urbs Chalcis est caput.

¹⁹ *In sinu Æniano*] Iste est sinus *Maliacæ*, qui etiam dicitur *Lamiae*.

cæ. Quod ei nomen hic tribuit Livius, id ortum habet ab Æniano gente vicina. Ceterum hic legebat in editis vulgo *in sinu Æniano*. At recte observat Gronovius vix Latine dici posse *Ænianus sinus*. Unde repetimus ut scripti habent, *in sinu Æniano*. Sinus autem hic dicitur pro terris circa sinum: ut et supra l. XXVII. c. 30.

U. C. 545. donum præsidium conglobatum sub arcis muro stetit; nec
 A. C. 207. fuga effuse petita, nec pertinaciter proelio inito. Eos Plator, venia a Sulpicio impetrata, in naves inpositos ad Demetrium Phthiotidis exposuit: ipse ad Attalum se recepit. Sulpicius, tam facili ad Oreum successu elatus, Chalcidem inde protinus victrici classe petit, ubi haudquaquam ad spem eventus respondit. ²⁰ Ex patenti utrimque coactum in angustias mare, speciem intuenti primo gemini portus in ora duo versi præbuerit: sed ²¹ haud facile alia infestior classi statio est. nam et venti ab utriusque terræ præaltis montibus subiti ac procellosi ²² se dejiciunt, et fretum ipsum Euripi non septies die, sicut fama fert, temporibus satis reciprocatur: sed temere ²³ in modum venti, nunc huc, nunc illuc verso mari, velut monte præcipiti devolutus torrens rapitur. ita nec nocte, nec die quies navibus datur. Quum classem tam infesta statio accepit, tum et oppidum, alia parte clausum mari, alia ab terra egregie munitum, præsidioque valido firmatum, et præcipue fide præfectorum principumque, quæ fluxa et vana apud Oreum fuerat, stabile atque inexpugnabile fuit. Id prudenter, ²⁴ ut in temere suscepta re, Romanus fecit, quod, circumspectis difficultatibus, ne frustra tempus tereret, celeriter abstitit incepto, classemque inde ad Cynum Locridis (emporium id est urbis Opuntiorum ^f mille passuum a mari sitæ) trajecit.

Chalcidem frustra tentant.

Euripus.

Chalcidis situs.

VII. Philippum et ignes ab Oreo editi monuerant, sed serius Platoris fraude e specula elati: et inpari maritimis viribus haud facilis erat in insulam classi accessus. ita res per cunctationem omissa. Ad Chalcidis auxilium, ubi signum accepit, inpigre est motus. nam et ipsa Chalcis, quam ejusdem insulæ urbs est, tamen adeo arto ²⁵ interscinditur freto, ut ponte continenti jungatur, terraque aditum faciliorem, quam mari, habeat. ²⁶ Igitur Philippus, dejecto

^f Opuntiorum urbis Gron. Crev.

²⁰ * *Ex patenti utrimque coactum in angustias mare*] Mare, quod utrimque, ad dextram et ad sinistram, patens et apertum est, eo loco coactum in angustias.

²¹ *Haud facile*] Haud fere.

²² *Se dejiciunt*] Adjecit pronomen *se* Gronovius. Quemadmodum hic venti dicuntur se dejicere, sic infra c. 15. *ni se . . . tanta vis aquæ deiecisset*.

²³ *In modum venti*] Quemadmodum ventus, cujus non ea est natura, ut statis recurrat vicibus, sed ut temere et nulla lege feratur.

²⁴ * *Ut in temere suscepta re*] Quantum prudentiæ laudi et titulo locus est in re temere suscepta.

²⁵ * *Interscinditur*] Dividitur a continente, a Bœotia.

²⁶ *Igitur Philippus*] Cuivis vel leviter attendenti patet hic aliquid obscurum et perplexum esse. Nimirum hic quoque videtur, ut alibi sæpius, traiectione vocum peccatum, quæ sic melius fortasse digerentur. *Igitur Philippus quum ab Demetria de Scotussam, inde de tertia vigilia profectus, dejecto præsidio, fusiisque Ætolis, qui saltum Thermopylarum insidebant, trepidos hostes Heracleam compulisset, ipse uno die . . . Philippus supra c. 5. dicitur exercitum omnem Scotussæ reliquisse, ipse cum cohorte regia Demetriadem se recepisse. Ita-*

præsidio, fuisque Ætolis, qui saltum Thermopylarum insi- U. C. 545.
debant, quum ab Demetriade Scotussam, inde de tertia vi- A. C. 207.
gilia profectus, trepidos hostes Heracleam compulisset, ip-
se uno die ²⁷ Phocidis Elatiam ²⁸ millia amplius sexaginta
contendit. Eodem ferme die ab Attalo rege Opuntiorum Opuntio-
urbs capta diripiebatur. concesserat eam prædam regi Sul- rum urbs
picius, quia Oreum paucos ante dies ab Romano milite, ex- capta ab
pertibus regiis, direptum fuerat. ²⁹ Quum Romana classis Attalo.
eo se recepisset, Attalus, ignarus adventus Philippi, pecu-
niis a principibus exigendis terebat tempus. adeoque impro-
visa res fuit, ut, nisi Cretensium quidam, forte pabulatum
ab urbe longius progressi, agmen hostium procul conspe-
xissent, obprimi potuerit. Attalus inermis atque incompo- Attalus fere
situs cursu effusus⁵ mare ac naves petit: et molientibus ab a Philippo
terra naves Philippus supervenit, tumultumque etiam ex obpressus.
terra nauticis præbuit. inde Opuntem rediit, Deos homines-
que accusans, quod tantæ rei fortunam ex oculis prope rap-
tam amisisset. Opuntii quoque ab eadem ira increpiti,
quod, quum trahere obsidionem in adventum suum potuis-
sent, viso statim hoste, prope in voluntariam deditionem
concessissent. Compositis circa Opuntem rebus, ³⁰ Toro-
nem est profectus. ³¹ Et Attalus primo Oreum se recepit.
inde, quum fama accidisset, Prusiam Bithyniæ regem in fi-
nes regni sui transgressum, omissis^h rebus atque Ætolico
bello, in Asiã trajecit. Et Sulpicius Æginam classem re-
cepitⁱ, unde initio veris profectus erat. Haud majore cer-
tamine, ³² quam Opuntem Attalus ceperat, Philippus Toro-

⁵ effuso del. Crev.

^h add. Romanis Gron. Crev.

ⁱ recipit Eæd.

que ut sociis opem ferat, primo ab Demetriade Scotussam ad exercitum proficiiscitur. Inde eum de tertia vi-
gilia profectum observat Livius, ut intelligatur Philippus nihil omnino moræ fecisse, sed quam celerrime li-
cuerit excivisse exercitum. Denique raptim actis militibus ad Thermopy-
larum saltum, dejicit præsidium, fun-
ditque Ætolos, id est, dejicit ac fun-
dit præsidium Ætolorum, quo saltus
ille insidebatur, trepidosque hostes
compellit Heracleam, quæ erat urbs
Ætolorum ditionis, haud procul ab
Thermopylarum saltu, versus Malia-
cum sinum. Hæc omnia clariora
erunt tabulam Geographicam inspi-
cientibus.

²⁷ * Phocidis Elatiam] Ad urbem Phocidis Elatiam.

²⁸ Millia amplius sexaginta] Vigi-
nti amplius leucas.

²⁹ Quum Romana classis eo se re-
cepisset] Sic optimi scripti. Vulgati

habent, Oreum se recepisset. Sed fa-
cile nomen illius urbis intelligitur ex
antedictis, etiamsi non repetatur hoc
loco.

³⁰ Toronem est profectus] Glarea-
nus, Sigonius, Gronovius merito legi
jubent *Thronium*, quod oppidum est
Locridis haud procul ab Opunte. At
Torone ad Toronæum sinum sita est,
Macedoniam versus. Bis et in iis quæ
sequuntur idem nomen emendandum
occurrit.

³¹ Et Attalus primo Oreum se rece-
pit] Omnes scripti Oreum est profec-
tus. Suspiciatur non improbabiler
Gronovius, utrumque, sive se recepit,
sive est profectus, spurium esse. Et
sane quid desideres in hac oratione?
Et Attalus primo Oreum: inde, quum
fama accidisset . . . in Asiã trajecit.

³² Quam Opuntem Attalus ceperat,
Philippus Toronen cepit] Verbum ce-
perat nullis in scriptis apparet. Præ
eo habent illi decertans vel decertat.

U. C. 545. nem cepit. Incolebant urbem eam profugi ab Thebis Phthi-
 A. C. 207. oticis. urbe sua capta a Philippo, quum in fidem Aetolo-
 rum perfugissent, ³³ sedem eis Aetoli eam dederant, urbis
 vastatae ac desertae priore ejusdem Philippi bello. Tum ab
 Torone, sicut paullo ante dictum est, recepta profectus, Tri-
 tonon et Drymas, Doridis parva atque ignobilia oppida, ce-
 pit. inde Elatiam, jussis ibi se opperiri Ptolemæi Rhodio-
 rumque legatis, venit. Ubi quum de finiendo Aetolico bel-
 lo ageretur, (³⁴ adfuerant enim legati nuper Heracleæ conci-
 lio Romanorum Aetolorumque) nuncius adfertur, Machani-
 das Olympiorum sollemne ludicrum parantes Eleos adgre-
 di statuisse. Prævertendum id ratus, legatis cum benigno
 responso dimissis, *se neque causam ejus belli fuisse, nec mo-
 ram (si modo æqua et honesta conditione liceat) paci facturum,*
 eum expedito agmine profectus per Boeotiam, Megara, at-
 que inde Corinthum descendit. unde, com meatibus sanctis,
 Philunta Pheneumque petit. Et jam, quum Herseam venis-
 set, audito, Machanidam, fama adventus sui territam, refu-
 gisse Lacedæmonem, Aegium se ad concilium Achæorum
 recepit: simul classem Punicam, ut mari quoque aliquid
 posset, adcitam, ibi ratus se inventurum. Paucis ante die-
 bus ³⁵ in Phocæas trajecerant Pœni: inde portus Acatnanum
 petierant, quum ab Oreo profectum Attalum Romanosque
 audissent, veriti ne ad se iretur, et intra Rhium (fauces eæ
 sunt Corinthii sinus) obprimerentur.

Philippi
 oratio in
 concilio
 Achæorum.

VIII. Philippus mœrebat quidem et angebatur, quum ad
 omnia ipse raptim isset, nulli tamen se rei in tempore ob-
 currisse, et rapientem omnia ex oculis elusisse celeritatem
 suam fortunam. In concilio autem, dissimulans ægritudi-
 nem, elato animo disseruit: testatus Deos hominesque, *se
 nullo loco, nec tempore defuisse, quin, ubi hostium arma con-
 crepuissent, eo, quanta maxima posset celeritate, tenderet: sed
 via rationem iniri posse, utrum ab se audacius, an fugacius ab
 hostibus geratur bellum. Sic ab Opunte Attalum, sic Sulpi-
 cium a Chalcide, sic eis ipsis diebus Machanidam e manibus
 suis elapsam. Sed non semper felicem esse fugam: nec pro dif-
 ficili id bellum habendum, in quo, si modo congressus cum hos-
 tibus sis, viceris. Quod primum esset, confessionem se hostium
 habere, nequaquam pares esse sibi: brevi et victoriam haud du-*

Nil sensui detrâheretur, etiamsi re-
 cisa penitus suspecta voce legeremus:
*Haud majore certamine, quam Opun-
 tem Attalus, Philippus Toronen, seu
 potius Thronium cepit.*

³³ *Sedem eis Aetoli eam dederant,*
 urbis] Nempe, sedem urbis.

³⁴ *Adfuerant enim*] Nam hi iidem
 legati Ptolemæi et Rhodiorum nuper

adfuerant concilio Romanorum Aetolo-
 rumque Heracleæ habitæ.

³⁵ *In Phocæas*] Phocææ nullæ sunt.
 Phocæa longe ab his locis abest. Sus-
 picamur dedisse Livium *in Oæas*: no-
 men parum notum, ideoque opportu-
 num corruptoribus, sed memoratam ta-
 men Strab. l. VIII. p. 851. Insula
 sunt ex Echinadam numero.

biam habituram nec meliore eventu eos secum, quam spe, pug- U. C. 345.
natos. Læti regem socii audierunt. Reddidit inde Achæis A. C. 307.
 Herseam et Triphyliam. Alipheram autem Megalopolitis,
 quod suorum fuisse finium satis probabant, restituit. inde, Classe in
 navibus acceptis ab Achæis, (erant autem tres quadriremes Ætoliam
 et biremes totidem) Anticyram trajecit. inde quinquerei- contendit.
 bus septem, et lembis viginti amplius, quos, ut adjungeret
 Karthaginensium classi, miserat in Corinthium sinum, pro-
 fectus ad Erythras Ætolorum, quæ prope Eupalium sunt,
 excensionem fecit. Haud fefellit Ætolos: nam, hominum
 quod aut in agris, aut in propinquis castellis Potidaniæ
 "atque Apolloniæ fuit, in silvas montesque refugit. Peco-
 ra, quæ inter festinationem abigi nequierant, sunt direpta
 et in naves compulsæ. Cum his ceteraque præda, Nicia
 prætore Achæorum Ægium misso, quum Corinthum petis-
 set, pedestres inde copias per Bœotiam terra duci jussit. ip-
 se, ab Cenchreis præter terram Atticam super Sunium na-
 vigans, inter medias prope hostium classes, Chalcidem per-
 venit. inde, conlaudata fide ac virtute, quod neque timor,
 neque spes flexissent eorum animos; hortatusque "in pos-
 terum, ut eadem constantia permanerent in societate, si
 suam, quam Oritanorum atque Opuntiorum, fortunam mal-
 lent; ab Chalcide Oreum navigat, principumque iis, qui fu-
 gere capta urbe, quam se Romanis tradere, maluerant, sum-
 ma rerum et custodia urbis permissa, ipse Demetriadem ab
 Eubœa, unde primo ad opem ferendam sociis profectus
 erat, trajecit. Cassandreæ deinde "centum navium longa-
 rum carinis positis, contractaque ad effectum ejus operis
 multitudine fabrorum navalium, quia res in Græcia tran-
 quillas et profectio Attali fecerat, et in tempore laboranti-
 bus sociis latum ab se auxilium, retro in regnum concessit, In regnum
 ut Dardanis bellum inferret. redit.

IX. Extremo ætatis ejus, qua hæc in Græcia gesta
 sunt, quum "Q. Fabius Maximi filius^k legatus ab M. Livio

^k *Maximus pater* Gron. Crev.

86 *At Apolloniæ*] Jam observavi-
 mus particulam ac non solitam esse a
 Cicerone et Livio locari ante vocalem.
 Legamus igitur ex Victor. codice *atque*
Apolloniæ.

87 *In posterum, ut eadem constan-*
tia permanerent in societate, si suam
quam Oritanorum atque] Hæc verba,
 quæ Gronovius apud Andreæ solum
 sibi occurrisset testatur, exstant in
 Victorino codice. Nec in iis quid-
 quam non dignum Livio deprehendi-
 mus. Quam igitur sine illis sensus
 constare non possit, sequatur cetera

legem de qua agimus in not. 64. ad
 l. XXVII. c. 28.

88 * *Centum navium longarum cari-*
nis positis] Suscipiebat nimirum ædifi-
 candas centum naves longas, sive belli-
 cas. A carina enim necessario sumitur
 initium struendæ navis.

89 *Q. Fabius Maximus pater*] Vix
 credibile est Fabium extrema ætate
 functum esse legati munere. Itaque
 quum unus MS. habeat, teste Grono-
 vio, *Q. Fabius Maximi filius*, hanc
 esse veram hujus loci lectionem ex-
 timamus.

U. C. 545. A. C. 207. Ambo Coss. veniunt Romam. consule Romam ad senatum nunciasset, consulem satis praesidii Galliae provinciae credere L. Porcium cum suis legionibus esse: decedere se inde, ac deduci exercitum consularem posse; Patres non M. Livium tantum redire ad urbem, sed collegam quoque ejus C. Claudium jusserunt. Id modo in decreto interfuit, quod ⁴⁰ M. Livii exercitum reduci¹, Neronis legiones Hannibali obpositas manere in provincia jusserunt. Inter consules ita per literas convenit, ut, quemadmodum uno animo rempublicam gessissent, ita, quamquam ex diversis regionibus convenirent, uno tempore ad urbem accederent. Praeneste qui prior venisset, collegam ibi operiri jussus. Forte ita evenit, ut eodem die ambo Praeneste venirent. inde praemisso edicto, ut triduo post frequens senatus ad aedem Bellonae adesset, omni multitudine obviam effusa, ad urbem accessere. Non salutabant modo universi circumfusi, sed, contingere pro se quisque victrices dextras consulum cupientes, alii gratulabantur, alii gratias agebant, quod eorum opera incolumis respublica esset. In senatu quum more omnium imperatorum, expositis rebus ab se gestis, postulassent, ut, ⁴¹ *pro republica fortiter feliciterque administrata, et Diis immortalibus haberetur honos, et ipsis triumphantibus urbem inire liceret*; Se vero ea, quae postularent, decernere, Patres, merito Deorum primum, dein, secundum Deos, consulum, responderunt; et supplicatione amborum nomine, et triumpho utrique decreto, inter ipsos, ne, quum bellum communi animo gessissent, triumphum separarent, ita convenit: ⁴² *ut, quoniam et in provincia M. Livii res gesta esset, et eo die, quo pugnatum foret, ejus forte auspiciu fuisset, et exercitus Livianus deductus Romam venisset, Neronis deduci non potuisset de provincia, ut M. Livium, quadrigis urbem ineuntem, milites sequerentur; C. Claudius equo sine militibus inveheretur*. Ita consociatus triumphus, quum utrique, tum magis ei, qui, quantum merito anteibat, tantum honore collegae cesserat, gloriam auxit: ⁴³ *illum equi-*

Consulum triumphus.

¹ deduci Crev.

⁴⁰ *M. Livii exercitum deduci*] Hic legitur vulgo *reduci*. At magis placuit solenne in ejusmodi negotio verbum *deduci*, quod duo scripti habent, alter Jac. Gronovio, alter nobis inspectus.

⁴¹ *Pro republica fortiter feliciterque administrata*] Recte observat Gronovius imperatorum, eorumve quorum auspicio et ductu res geritur, virtutem felicitatemque esse; sociorum, legatorum, militum virtutem et fidem. Itaque illorum *fortem et felicem*, horum *fortem et fidelem* operam dici solitam. Exempla in utramque

rem habes ex hoc uno capite. Hic consules dicunt a se *fortiter feliciterque administratam* esse rempublicam: at in fine hujus ipsius capitis commemorant, quam *forti fidelique* duorum legatorum opera usi essent.

⁴² *Ut, quoniam . . . ut M. Livium*] Redundat particula *ut*, at non ideo delenda. Simile exemplum observavimus ad l. XXII. c. 11. et reperimus quoque infra, l. XXXVI. capp. 1. et 3.

⁴³ ** Illum equitem*] Neronem, qui equo vehatur, dum collega ejus curru sublimis incedit.

tem aiebant sex dierum spatio transcurrisse longitudinem Italiae: et eo die cum Hasdrubale in Gallia signis conlatis pugnas-
se, quo eum castra adversus sese in Apulia posita habere Hannibal credidisset. Ita unum consulem pro utraque parte Italiae adversus duos duces, duos imperatores, hinc consilium suum, hinc corpus obposuisse. Nomen Neronis satis fuisse ad continendum castris Hannibalem: Hasdrubalem vero, qua alia re, quam adventu ejus, obrutum atque extinctum esse? Itaque iret alter consul sublimis curru multijugis, si vellet, equis. Uno equo per urbem verum triumphum vehi: Neronemque, etiam si pedes incedat, vel parta eo bello, vel spreta eo triumpho gloria, memorabilem fore. Hi sermones spectantium Neronem usque in Capitolium prosecuti sunt. Pecuniam^m in aerarium tulerunt "sestertium tricies, octoginta millia aeris. militibus M. Livius "quinguagenos senos asses divisit. tantumdem C. Claudius absentibus militibus suis est pollicitus, quum ad exercitum redisset. Notatum, eo die plura carmina "militaribus jocis in C. Claudium, quam in consulem suum, jactata. Equites L. Veturium et Q. Caelium legatos magnis tulisse laudibus, hortatosque esse plebem, ut eos consules in proximum annum crearent. adjecisse "equitum praerogativae auctoritatem consules, postero die in concione, quam forti fidelique duorum praecipue legatorum opera usi essent, commemorantes.

X. Quum comitiorum tempus adpeteret, et per dictatorem comitia haberi placuisset, C. Claudius consul M. Livium collegam dictatorem dixit: Livius Q. Caelium magistrum equitum. a M. Livio dictatore creati consules L. Veturius, Q. Caelius; is ipse, qui tum erat magister equitum. Inde praetorum comitia habita. creati C. Servilius, M. Caelius Metellus, Ti. Claudius Asellus, Q. Mamilius Turinus, qui tum aedilis plebis erat. Comitibus perfectis, dictator, magistratu abdicato, dimissoque exercitu, in Etruriam provinciam ex senatusconsulto est profectus ad quaestiones ha-

^m Pecuniae Gron. Crev.

44 *Sestertium tricies*] Haec forent 125. talenta, quae dant marcas argenti nostrates 11718. cum uncis sex: quibus si addas marcas 125. quae affluunt ex octoginta millibus aeris gravis, tota summa erit marcarum argenti nostratium 11843. cum sex uncis. At Polybius vult in aerarium illata esse talenta amplius trecenta, quae efficiunt marcas argenti Parisienses 28125. Suspiciatur Gronovius excidisse litteram L. quum notatum foret LXXX. quod est octogies. Ea enim essent talenta paulo amplius

380. Victorinus codex exhibet integre *sestertium centies*, id est, amplius 400. talenta.

45 *Quinguagenos senos asses*] Sestertios 14. non totam argenti semunciam.

46 * *Militaribus jocis*] Vid. supra III. 29. et IV. 53.

47 *Equitum praerogativae*] Illi equitum iudicio, qui videbantur populo praere et praemonstrare, quosnam consules facere deberet. Vid. not. 28. ad l. III. c. 51. et not. 12. ad l. XXI. c. 3.

U. C. 545. bendas; qui Etruscorum Umbrorumveⁿ populi defectionis
 A. C. 207. ab Romanis ad Hasdrubalem sub adventum ejus consilia
 agitassent, quique eum auxiliis, aut commeatu, aut ope ali-
 qua juvissent. Hæc eo anno domi militiæque gesta. Lu-
 di Romani ter toti instaurati ab ædilibus curulibus, Cn.
 Servilio Cæpione, Ser. Cornelio Lentulo. Item ludi ple-
 beii semel toti instaurati ab ædilibus plebis, M.^o Pomponio
 Mathone, et Q. Mamilio Turino. Tertiodecimo anno Pu-
 nici belli, L. Veturio Philone et Q. Cæcilio Metello consu-
 libus, Bruttii ambobus, ut cum Hannibale bellum gererent,
 provincia decreta. Prætores exinde sortiti sunt: M. Cæ-
 cilius Metellus urbanam, Q. Mamilius peregrinam, C. Ser-
 vilius Siciliam, Ti. Claudius Sardiniam. Exercitus ita di-
 visi: consulum alteri, quem C. Claudius prioris anni con-
 sul, alteri, quem Q. Claudius proprætor (eæ binæ legiones
 erant) habuissent^p exercitum: in Etruria duas volonum le-
 giones a C. Terentio propræto M. Livius proconsul, cui
 prorogatum in annum imperium erat, acciperet. et Q. Ma-
 milio, ut, collegæ jurisdictione tradita, Galliam cum exer-
 citu,⁴⁸ cui L. Porcius proprætor præfuerat, obtineret, de-
 cretum est: jussusque populari agros Gallorum, qui ad Pœ-
 nos sub adventum Hasdrubalis defecissent. C. Servilio cum
 Cannensibus duabus legionibus, sicut C. Mamilius tenuer-
 rat, Sicilia tuenda data. Ex Sardinia vetus exercitus, cui
 A. Hostilius præfuerat, deportatus, novam legionem, quam
 Ti. Claudius trajiceret secum, consules conscripserunt. Q.
 Claudio, ut Tarentum, C. Hostilio Tubulo, ut Capuam pro-
 vinciam haberet, prorogatum in annum imperium est. M.
 Valerius proconsul, qui tuendæ circa Siciliam maritimæ
 oræ præfuerat, triginta navibus C. Servilio præbitis, cum
 cetera omni classe redire ad urbem jussus.

XI. In civitate tanto discrimine belli sollicita, quum om-
 nium secundorum adversorumque causas in Deos verte-
 rent, multa prodigia nunciabantur; Tarracinae Jovis ædem,
 Satrici Matris Matutæ de coelo tactam. Satricanos haud
 minus terrebant in ædem Jovis foribus ipsis⁴⁹ duo perlapsi
 angues. Ab Antio nunciatum est, cruentas spicas metenti-
 bus visas esse. Cære porcus biceps, et agnus mas idemque
 femina natus erat. Et Albæ⁵⁰ duo soles visos referebant:

ⁿ Umbrorumque Gron. Crev.
⁹ prolapsi Gron.

^p M. Ead.

⁹ habuisset Crev.

48 Cui L. Porcius proprætor præ-
 fuerat] Imo prætor, ut constat ex c.
 35. l. XXVII. Ac verisimilius est hoc
 erratum esse librariorum.

49 Duo perlapsi angues] Pro hac
 lectione stant quamplurimi scripti, et
 sermonis proprietates. Rectius enim

dicuntur angues perlapsi in ædem,
 quam prolapsi, quomodo hactenus edi-
 tum fuerat.

50 Duo soles visos referebant] Non
 sollicitamur hanc scripturam. Tamen
 Pat. et Victorin. codices, ferebant.

et nocte Fregellis lucem obortam. Et bos in agro Romano U. C. 546.
locutus, et ara Neptuni multo sudore manasse in circo Fla- A. C. 206.
minio dicebatur: et ædes Cereris, Salutis, Quirini de cælo
tactæ. Prodigia consules hostiis majoribus procurare jussi,
et supplicationem unum diem habere. Ea ex senatuscon-
sulto facta. Plus omnibus aut nunciatis peregre, aut visis
domi prodigiis, terruit animos hominum ignis in æde Ves- Ignis in æde
tæ extinctus. cæsaque flagro est Vestalis, cujus custodia Vestæ ex-
noctis ejus fuerat, jussu P.^r Licinii pontificis. Id quam- stinctus.
quam, nihil portendentibus Deis, ceterum neglegentia hu-
mana acciderat, tamen et hostiis majoribus procurari, et
supplicationem ad Vestæ haberi placuit. Priusquam profi-
ciscerentur consules ad bellum, moniti ab senatu sunt, ut in
agros reducendæ plebis curam haberent. Deum benignitate Plebs in
submotum bellum ab urbe Romana et Latio esse, et posse sine agros reda-
metu in agris habitari. Minime convenire, ⁵¹ *Siciliæ, quam cendæ cura.*
Italiæ, colendæ majorem curam esse. Sed res haudquaquam
erat populo facilis, et liberis cultoribus bello absumtis, et
inopia servitorum, et pecore direpto, villisque dirutis aut
incensis. magna tamen pars auctoritate consulum compul-
sa in agros remigravit. Moverant autem hujusce rei men-
tionem Placentinorum et Cremonensium legati, querentes,
agrum suum ab adcolis Gallis incursari ac vastari, magnam-
que partem colonorum suorum dilapsam esse, ⁵² et infrequen-
tes se urbes, agrum vastum ac desertum habere. Mamilius
prætori mandatum, ut colonias ab hoste tueretur. Consules
ex senatusconsulto edixerunt, ut, qui cives Cremonenses at-
que Placentini essent, ante certam diem in colonias reverte-
rentur. principio deinde veris et ipsi ad bellum profecti sunt.
Q. Cæcilius consul exercitum ab C. Nerone, L. Veturius ab
Q. Claudio proprætore accepit, novisque militibus, quos ip- Coss. in
se conscripserat, supplevit. In Consentinum agrum consu- Bruttios
les exercitum duxerunt, passimque depopulati, quum ag- eunt.
men jam grave præda esset, in saltu angusto a Bruttiis ja-
culatoribusque Numidis turbati sunt; ita ut ⁵³ non præda,
sed armati quoque in periculo fuerint. major tamen tumultus,
quam pugna, fuit: et præmissa præda, incolumes et

^r L. Gron.

51 *Siciliæ, quam Italiæ colendæ*] Nimirum Lævinus sedulo operam dederat, ut vastata bellis Sicilia recole- retur, cogerenturque Siculi ad aran- dum ac serendum animos rursus con- vertere. (Vid. supra l. XXVI. c. 41. et l. XXVII. c. 5.) Eadem profecto cura debebatur Italiæ.

52 *Et infrequentes*] Put. et jam in-

frequentes. Nec aspernamur hanc vo- culam.

53 *Non præda, sed armati quoque*] Non præda tantum. Atque in editis exstabat *et tantum*. Resecuit Grono- vius, quia non reperit in tribus scrip- tis: brevitatis, etiam cum aliqua in- terdum obscuritate, captator.

U. C. 546. legiones in loca tuta evasere. Inde in Lucanos profecti. ea
A. C. 206. sine certamine tota gens in ditionem populi Romani rediit.

Laus Hanni-
balis.

XII. Cum Hannibale nihil eo anno rei gestum est. nam neque ipse se obtulit in tam recenti vulnere publico privatoque, neque lacesierunt quietum^r Romani. tantam inesse vim, etsi omnia alia circa eum ruerent, in uno illo duce censebant. ⁵⁴ Ac nescio, an mirabilior adversis, quam secundis rebus, fuerit. ⁵⁵ quippe qui, quum et in hostium terrâ per annos tredecim, tam procul ab domo, varia fortuna bellum gereret exercitu non suo civili, sed mixto ex confusione omnium gentium, quibus non lex, non mos, non lingua communis; ⁵⁶ alius habitus, alia vestis, alia arma, alii ritus, alia sacra, alii prope Dei essent; ita quodam uno vinculo copulaverit eos, ut nulla nec inter ipsos, nec adversus duces seditio exstiterit; quum et pecunia sæpe in stipendium, et commeatus in hostium agro deessent: quorum inopia priore Punico bello multa infanda inter duces militesque commissa fuerant. ⁵⁷ Post Hasdrubalis vero exercitum cum duce, in quibus spes omnis reposita victoriæ fuerat, deletum, cedendoque in angulum Bruttium cetera Italia concessum, cui non videatur mirabile, nullum motum in castris factum? nam ad cetera id quoque accesserat, ut ne alendi quidem exercitus, nisi ex Bruttio agro, spes esset; qui, ut omnis coleretur, exiguus tamen tanto alendo exercitui erat: tum magnam partem juventutis abstractam a cultu agrorum bellum occupaverat, et ⁵⁸ mos vitio etiam insitus genti per latrocinia militiam exercendi. nec ab domo quidquam mittebatur, de Hispania ⁵⁹ retinenda sollicitis, tamquam omnia prospera in Italia essent. In Hispania res quadam ex parte eandem fortunam, quadam longe dispa-

Res Hispaniæ.

^r quietem Gron.

⁵⁴ *Ac nescio an mirabilior*] Et hoc e Polybio sumpsit Livius, suppresso pro more suo auctoris nomine. Vid. Pol. I. XI.

⁵⁵ *Quippe qui quum et in hostium terra*] Vacat particula *et*. E contrario *et quum*, quod necessarium est, nullo in scripto exstat.

⁵⁶ **Alius habitus*] Alia species totius corporis cultusque.

⁵⁷ *Post Asdrubalis . . exercitum deletum, cedendoque . . concessum*] Postquam et Asdrubalis exercitus deletus fuit, et ipse Annibal cedendo in Bruttium agrum, reliquit Romanis liberam ceteræ Italiæ possessionem.

⁵⁸ **Mos vitio etiam insitus genti*] *Vitio*, id est, malo studio, mala libidine, vitio ingeniorum, ut loquitur supra Livius, XXIII. 4. † Horatius, *Et*

hoc vitio pravus facis. Nihil ergo opus esse videtur emendatione Gronovii, qui rescribit *ultro*.

⁵⁹ *Retinenda sollicitis, tamquam omnia prospera in Italia essent. In Hispania*] Hæc nobis Liviana admodum videntur, quæ tamen in nullo e Gronovianis codicibus, uno e nostris Victorino comparent. Nimirum hujus defectus causa videtur esse nomen Hispaniæ in proximo repetitum: *de Hispania retinenda . . . in Hispania res*: unde festinantis librarii oculus falli facile potuit. Adde et hoc exemplum ad ea quæ memorata sunt in not. 37. ad c. 8. supra, et ad 28. 35. et 43. libri XXVII. Vid. et not. 55. ad XXIII. 32. XXV. 15. XXVI. 2.

rem habebant: eandem, quod praelio victi Karthaginien- U. C. 546.
ses, duce amisso, in ultimam Hispaniæ oram usque ad A. C. 206.
Oceanum compulsi erant: disparem autem, quod Hispania,
non quam Italia modo, sed quam ulla pars terrarum, bello
reperando aptior erat, locorum hominumque ingeniis. ita-
que ergo prima Romanis inita provinciarum, quæ quidem
continentis sint, postrema omnium, nostra demum ætate,
ductu auspicioque Augusti Cæsaris, perdomita est. Ibi
tum Hasdrubal Gisgonis, "maximus clarissimusque eo bello Hasdrubal
secundum Barcinos dux, regressus ab Gadibus, rebellandi cum Mago-
spem adjuvante Magone Hamilcaris filio, delectibus per ul- ne bellum
teriore Hispaniam habitis, ad quinquaginta millia pedi- instaurant.
tum, et quatuor millia et quingentos equites armavit. De
equestribus copiis ferme inter auctores convenit: "peditum
septuaginta millia quidam adducta ad Silpiam urbem scri-
bunt. Ibi super campos patentes duo duces Poeni ea mente,
ne detrectarent certamen, consederunt.

XIII. Scipio, quum ad eum fama tanti comparati exerci- Scipio auxi-
tus perlata esset, neque Romanis legionibus tantæ se parem lia ab sociis
fore multitudini ratus, ut non in speciem saltem obponeren- contrahit.
tur barbarorum auxilia, neque in iis tamen tantum virium
ponendum, ut mutando fidem, quæ cladis causa fuisset pa-
tri patruoque, "magnum momentum facerent, præmisso Si-
lano ad Colcham¹, duodetriginta oppidis regnantem, ut equi-
tes peditesque ab eo, quos se per hiemem conscripturum pol-
licitus erat, acciperet, ipse ab Tarracone profectus, "proti-
nus ab sociis, qui adcolunt viam, modica contrahendo aux-
ilia, Castulonem pervenit. Eo adducta ab Silano auxilia,
tria millia peditum et quingenti equites. inde ad Bæculam
urbem progressus omni exercitu civium, sociorum, peditum
equitumque quinque et quadraginta millibus. Castra po-
nentes eos Mago et Masinissa cum omni equitatu adgressi
sunt. turbassentque munientes, ni abditi post tumulum, "op-
portune ad id positum, ab Scipione equites inproviso in ef-
fusos incurrissent. Hi promptissimum quemque, et proxime
vallum, atque in ipsos munitores "primum invectum, vixdum

¹ Colcam Gron. Crev.

60 *Maximus clarissimusque*] Omnes
scripti *maximusque* omissa voce *cla-*
rissimus. Unde Perizonius in nota ad
hunc locum iudicat legendum esse *mar-*
imus qui eo bello secundum Barcinos
dux: et ad eandem formulam refingit
aliquot alia Livii loca. Vid. not. 89.
ad l. IV. c. 17. supra.

61 *Peditum septuaginta millia qui-*
dam] Intelligit Polybium, qui hunc nu-
merum edit pedestrium copiarum As-
drubalis, libro XI. unde totam hujus
prælii narrationem exscripsit Livius.

62 * *Magnum momentum facerent*] Rem magnopere inclinarent, facerent.
ut magna inde status rerum mutatio
sequeretur.

63 * *Protinus*] Ordine, prout ad
quosque veniebat.

64 *Opportune ad id positum*] Unus
Hearnii codex, *opportune oppositum*:
quod magis placet.

65 *Primum invectum*] Ut quisque
primus invectus fuerat. Cave hic su-
mas *et primum* pro adverbio.

U. C. 546.
A. C. 206.

proelio inito, fuderunt: cum ceteris, qui sub signis atque ordine agminis incesserant, longior et diu ambigua pugna fuit: sed quum ab stationibus primum expeditæ cohortes, deinde ex opere deducti milites, ⁶⁶ atque arma capere jussi plures et integri fessis, magnumque jam agmen armatorum a castris in proelium rueret, terga haud dubie vertunt Poeni Numidæque. Et primo turmatim abibant, nihil propter pavorem festinationemve confusis ordinibus: dein, postquam acrius ultimis incidebat Romanus, neque sustineri inpetus poterat, nihil jam ordinum memores, passim, qua cuique proximum fuit, in fugam effunduntur. Et quamquam eo proelio aliquantum et Romanis aucti et deminuti hostibus animi erant, ⁶⁷ tamen numquam aliquot^t insequentes dies ab excursionibus equitum levisque armaturæ cessatum est.

Pro vallo
ostentatæ
utrimque
acies.

XIV. Ubi satis tentatæ per hæc levia certamina vires sunt, prior Hasdrubal in aciem copias eduxit: deinde et Romani processere. sed utraque acies pro vallo stetit instructa: et quum ab neutris pugna cœpta esset, jam die ad occasum inclinante, a Poeno prius, deinde ab Romano in castra copiae reductæ. Hoc idem per dies aliquot factum. prior semper Poenus copias castris educebat. prior fessis stando signum receptui dabat. ab neutra parte procursum, telumve missum, aut vox ulla orta. mediam aciem hinc Romani, illinc Karthaginienses mixti Afris, cornua socii tenebant: erant autem utrimque Hispani pro cornibus. ante Punicam aciem ⁶⁸ elephantum castellorum procul speciem præbebant. Jam hoc in utrisque castris sermonis erat, ita, ut instructi stetissent, pugnatuuros. medias acies Romanum Pœnumque, quos inter belli caussa esset, pari robore animorum armorumque concursuros. Scipio ubi hæc obstinate credita ⁶⁹ animadvertit, omnia de industria in eum diem, quo pugna-

^t per aliquot Gron. Crev.

66 *Atque arma capere jussi plures et integri fessis subirent*] Revocavimus verbum *subirent*, quod Gronovius nimium obsecutus aliquot MSS. auctoritati sustulerat, quum sine eo oratio curta et abrupta videatur. Vid. not. 64. ad l. XXVII. c. 28. Sensus omnino clarus est. Quumque plures jam, iique integri, arma capere jussi, succederent in eorum locum, qui fessi pugnando erant.

67 *Tamen nunquam per aliquot insequentes dies*] Hoc Rhenano debetur, cujus codex quum haberet *nunquam proelio quod insequentes dies*, inde ille effinxit, perlevi mutatione, hanc lectionem, quam editores omnes postea admiserunt. Scripti omnes, tam nostri, quam Gronoviani, carent *nunquam*, quod tamen sensus ne-

cessario flagitat.

68 *Elephantum castellorum procul speciem præbebant*] Olim editi et scripti fere omnes una voce auctiores sunt: *visu præbebant*. Put. pro *visu* habet *vi*: quod Gronovius interpretatur *sex*. Sed hanc conjecturam refellit Polybius, qui l. XI. n. 18. duo supra triginta elephantos Asdrubali fuisse docet. Rhenanus totam vocem delendam judicavit: eique nos assentimur. *vi vi* nobis videtur esse nihil aliud quam vitiosa repetitio ultimæ litteræ præcedentis vocis *speciem*. Ex primo autem illo mendo propagatum est *vi visu*: dum scilicet librarii pro capta suo vitium corrigere volunt.

69 *Animadvertit*] Afferit Gronovius ex Put. libro *animoadvertit*: videlicet pro *animom*, seu *animum advertit*. Et

lurus erat, mutavit. Tesseram vesperi per castra dedit, ut ante lucem viri equique curati et pransi essent: armatus eques frenatos instratosque teneret equos. Vixdum satis certa luce, equitatum omnem cum levi armatura in stationes Punicas inmisit: inde confestim ipse cum gravi agmine legionum procedit, præter opinionem destinatam suorum hostiumque, Romano milite cornibus firmatis, sociis in mediam aciem acceptis. Hasdrubal, clamore equitum excitatus, ut ex tabernaculo prosiluit, tumultumque ante vallum et trepidationem suorum, et procul signa legionum fulgentia, plenosque hostium campos vidit, equitatum omnem extemplo in equites emittit. ipse cum peditum agmine ⁷⁰ castris egreditur: nec ex ordine solito quidquam acie instruenda mutat. Equitum jam diu anceps pugna erat: nec ipsa per se discerni poterat, quia pulsus (quod prope ⁷¹ in vicem fiebat) in aciem peditum tutus receptus erat. sed ubi jam haud plus quingentos passus acies inter sese aberant, signo receptui dato, Scipio, patefactisque ordinibus, equitatum omnem levemque armaturam, in medium acceptam divisamque in partes duas, in subsidiis post cornua locat. Inde, ubi incipiendæ jam pugnae tempus erat, Hispanos (ea media acies fuit) presso gradu incedere jubet. ipse e dextro cornu (ibi namque præerat) nuncium ad Silanum et Marcium mittit, ut cornu extenderent ⁷² in sinistra parte, quemadmodum se tendentem a dextra vidissent: et cum expeditis peditum equitumque prius pugnam conscrerent cum hoste, quam coire inter se mediæ acies possent. Ita diductis cornibus, cum ternis peditum cohortibus, ternisque equitum turmis, ad hoc velitibus, citato gradu in hostem ducebant, sequentibus ⁷³ in obliquum aliis. ⁷⁴ Sinus in medio erat, quia ^u segnius Hispa-

U. C. 546.
A. C. 206.
Hostes ad-
greditur
Scipio.

Equitatus
in subsidiis
locatus.

Proelium
initur.

^u qua Crev.

hujus antiquæ lectionis vestigia, sed in pravam correctæ et interpolatæ, exhibet Vict. codex, *animis animadvertit*. Sic et l. XXVI. c. 19. duo vel optimi codices præferunt *animam advertit*, id est, *animum*, ut ibi observamus in not. 87. Multis et in aliis veterum locis corrupta est ab editoribus hæc scribendi ratio, ut apud Cæsarem, l. I. de B. Gall. versus finem, *quod eam partem minime firmam hostium esse animadvertat*: scripta lectio, teste Gronovio in not. ad l. XXIV. c. 48. *animum advertat*: apud Sallust. in B. Jugurth. c. 69. *Vaccenses ubi animadvertere ad se vorum exercitum pergere*: MSS. incorruptiores, observante Grutero, *animum advertere*. Remansit illa integra etiam in editis apud Cic. l. IX. ad Fam. ep. 9. *quid aut ille sperare possit aut tu, animum adverte pro tua prudentia*.

70 *Castris egreditur*] Victor. codex: *castra egreditur*: idque verum putamus. Neque enim scita hæc loquendi forma imperitum librarium sapit. Et sic infra, l. XXIX. c. 6. *egreset quidam urbem*.

71 * *Invicem*] Alternis vicibus.

72 *In sinistram partem, quemadmodum se tendentem ad dextram vidissent*] Hæc est vet. editorum et scriptorum lectio, quam Rhenanus temere mutaverat, jusserratque legi *in sinistra parte, et a dextra*.

73 * *In obliquum*] Ita ut non æqua fronte procederetur, sed in lineam obliquam, quæ ab extremis ducta cornibus oblique incideret in mediam aciem.

74 *Sinus in medio erat, qua*] Longe elegantius id nobis et expressius visum est, quam *quia*. Itaque admisimus, auctoribus Put. et Victor. codicibus.

U. C. 546. A. C. 206. norum signa incedebant. et jam conflixerant cornua, quum, quod roboris in acie hostium erat, Poeni veterani Afrique nondum ad teli conjectum venissent, neque in cornua, ut adjuvarent pugnantes, discurrere auderent, ne aperirent mediam aciem venienti ex adverso hosti. Cornua ancipiti praelio urgebantur: eques, ⁷⁶ levisque armatura, velites^u, circumductis alis in latera incurrebant; cohortes a fronte urgebant, ut abrumperent cornua a cetera acie.

XV. ⁷⁶ Et quum^x ab omni parte haudquaquam par pugna erat, tum quod turba Baliarium tironumque Hispanorum Romano Latinoque militi objecta erat, et, procedente jam die, vires etiam deficere Hasdrubalis exercitum coeperant, obpressos matutino tumultu coactosque, priusquam cibo corpora firmarent, raptim in aciem exire. Ad id sedulo diem extraxerat Scipio, ut sera pugna esset. nam ab septima demum hora peditum signa cornibus incucurrerunt. ad medias acies aliquanto serius pervenit pugna: ita ut prius aestus a meridiano sole, laborque standi sub armis, et simul fames sitisque corpora adficerent^y, quam manus cum hoste conserebant. Itaque steterunt scutis innisi. nam super cetera elephantum etiam, tumultuoso genere pugnae equitum velitumque et levis armaturae consternati, e cornibus in mediam aciem sese intulerant. Fessi igitur corporibus animisque retulere pedem, ordines tamen servantes, ⁷⁷ haud secus, quam si imperio ducis cederent integra acies. Sed quum eo ipso acrius, ubi inclinatam sensere rem, victores se undique inveherent, nec facile inpetus sustineri posset; quamquam retinebat, obstebatque cedentibus Hasdrubal, *ab tergo esse colles tutumque receptum, si modice se reciperent*, clamitans, tamen, vincente verecundiam metu, (⁷⁸ quum proximus quisque hostem cederet) terga extemplo data, atque in fugam sese omnes effuderunt. Ac primo consistere signa in radicibus collium, ac revocare in ordines militem coeperant; cunctantibus in adversum collem erigere aciem Romanis. inde^z ut inferri in-

Vincuntur
Poeni.

Et in castra
compelluntur.

^u et velites Gron. Crøv.

^x tum Gron.

^y afficeret Gron. Crøv.

^z deinde Eæd.

⁷⁵ *Levisque armatura et velites*] Vid. not. 20. ad l. XXVI. c. 4.

⁷⁶ *Et quum ab omni parte*] Et haudquaquam par pugna erat, tum omnibus de causis, tum ideo vel maxime, quod turba incondita Baliarium tironumque Hispanorum Romano Latinoque militi objecta erat, et quod procedente jam die . . . Ceterum vulgo editi habent *Et tum*: scripti, ut dedimus.

⁷⁷ *Haud secus quam si imperio ducis cederent integra acies*] Velut si cederent integri, non victi, non pulsi:

ea praelii conditione et fortuna, ut essent integra acies. Servarunt nobis Put. et Victor. codices *et cederent*, quod male mutatum erat ab editoribus in *cederet*.

⁷⁸ *Quum proximus quisque hostem cederet*] Quum ii qui proximi erant hosti retrocederent. *Proximus hostem*, quomodo l. II. c. 48. *Proxime formam latrocinii*: et supra, 13. *Proxime vallum*. Vid. et not. 1. ad l. XXI. c. 1.

⁷⁹ *Integrata fuga*] Scripti omnes nostri, ut et optimi e Gronovianis,

pelluntur. Nec procul vallo Romanus aberat: cepissetque U. C. 546.
tanto inpetu castra, ni se ex vehementi sole, qualis inter A. C. 206.
graves imbre nubes effulget, tanta vis aquæ deiecisset, ut vix
in castra sua receperint se victores; quosdam etiam religio
ceperit ulterius quidquam eo die conandi. Karthaginienses,
quamquam fessos labore ac vulneribus nox imberque ad ne-
cessariam quietem vocabat, tamen, quia metus et periculum
cessandi non dabat tempus, prima luce obpugnaturis hosti-
bus castra, saxis undique circa ex propinquis vallibus con-
gestis augment vallum, munimento sese, quando in armis pa-
rum præsidii foret, defensuri. Sed transitio sociorum, fuga
ut tutior mora videretur, fecit. Principium defectionis ab
Attane regulo Turdetanorum factum est. is cum magna po-
pularium manu transfugit. inde duo munita oppida cum
præsiidiis tradita a præfectis Romano. Et ne latius, incli-
natis semel ad defectionem animis, serperet res, silentio
proximæ noctis Hasdrubal castra movet.

XVI. Scipio, ut prima luce, qui in stationibus erant, re-
tulerunt, profectos hostes, præmisso equitatu signa ferri ju-
bet. adeoque citato agmine ducti sunt, ut, si via recta ves- *Sequitur*
tigia sequentes issent, haud dubie adsecuturi fuerint. ducibus *eos Scipio.*
est creditum, brevius aliud esse iter ad Bætım fluvium, ut
transeuntes adgrederentur. Hasdrubal, clauso transitu flu-
minis, ad oceanum flectit. et jam inde fugientium modo effusi
abibant; idque ab legionibus Romanis aliquantum intervalli
fecit. Eques levisque armatura, nunc ab tergo, nunc ab la-
teribus obcurrendo, fatigabat morabaturque: sed quum ad *Et adsecu-*
crebros tumultus signa consisterent, et nunc equestria, nunc *tus credit.*
cum velitibus ⁸⁰ auxiliisque peditum prælia consererent, su-
pervenerunt legiones. Inde non jam pugna, sed trucidatio
velut pecorum fieri; donec ipse dux fugæ auctor in proxi-
mos colles cum sex millibus ferme semiermum evasit. ceteri
cæsi captique: castra tumultuaria raptim Pœni tumulto edi-
tissimo communierunt: atque inde, cum hostis nequidquam
subire iniquo adscensu conatus esset, haud difficulter sese
tutati sunt. Sed obsidio in loco nudo atque inopi vix in
paucos dies tolerabilis erat. itaque ⁸¹ transitiones ad hostem ^a
fiebant. Postremo dux ipse, navibus acceptis, (nec pro-
cul inde aberat mare) nocte relicto exercitu, Gades perfugit. *Hasdrubal*
Gades fugit.

^a *hostes* Gron.

integra fuga. Gronovius subjicit *ite-
rata*: sed haud magni momenti res est.

⁸⁰ *Auxiliisque peditum*] Peditibus
auxiliaribus, Hispanis nempe, qui apud
Romanos militabant, quique quum es-
sent leviores agilioresque peditum Romano
legionum agmen præcesserant, et una
cum velitibus equitibusque carpebant
fugientes Pœnos. Observare non inu-

tile est *auxilia* proprie et signate dici
adjunctas Romanis exercitibus copias
ex gentibus exteris, non vero ex Italicis
populis, qui *socii* dicebantur, non *aux-
ilia, auxiliaresve.*

⁸¹ *Transitiones ad hostem fiebant*] *Jamdudum* Rhenanus ita legi jusse-
rat, non *ad hostes*: eique obtemperatum
oportuit. Nam consentiunt scripti.

II. C. 546.
A. C. 206.
Scipio Tarraconem redit.

Masinissa conciliatur Romanis.

Pulsi Hispania Pœni.

Scipio jam Africam et Karthaginem spectat.

Scipio, fuga ducis hostium audita, decem millia peditum, mille equites relinquit Silano ad castrorum obsidionem. ipse cum ceteris copiis, septuagesimis castris,⁸² protinus caussis regulorum civitatumque cognoscendis, ut præmia ad veram meritorum æstimationem tribui possent, Tarraconem rediit. Post profectionem ejus Masinissa, cum Silano clam congressus, ut⁸³ ad nova consilia gentem quoque suam obedientem haberet, cum paucis popularibus in Africam trajecit; ⁸⁴ non tam evidenti eo tempore subitæ mutationis caussa, quam documento post id tempus constantissimæ ad ultimam senectam fidei, ne tum quidem eum sine probabili caussa fecisse. Mago inde, remissis ab Hasdrubale navibus, Gades petit. Ceteri, deserti ab ducibus, pars transitione, pars fuga, dissipati per proximas civitates sunt. nulla manus numero aut viribus insignis. Hoc maxime modo, ductu atque auspicio P. Scipionis, pulsi Hispania Karthaginienses sunt; ⁸⁵ tertio decimo anno, post bellum initum; quinto, quam P. Scipio provinciam et exercitum accepit. Haud multo post Silanus, debellatum referens, Tarraconem ad Scipionem rediit.

XVII. L. Scipio cum multis nobilibus captivis nuncius receptæ Hispaniæ Romam est missus. et quum ceteri lætitia gloriaque ingenti eam rem vulgo ferrent, unus, qui gesserat, inexplabilis virtutis veræque laudis, ⁸⁶ parvum instar eorum, quæ spe ac magnitudine animi concepisset, receptas Hispanias ducebat. jam Africam magnamque Karthaginem, et in suum decus nomenque ⁸⁷ velut consummatam ejus belli glo-

82 * *Protinus causis . . cognoscendis*] Cognoscendo et disceptando causas regulorum civitatumque, prout ad quasque veniebat.

83 * *Ad nova consilia*] Ad consilium suum de mutandis sociis.

84 *Non tam evidenti*] Non tam evidens fuit eo tempore mutationis Masinissæ causa, quam constantissima post id tempus ejus fides docuit, ne tum quidem . . . *Documento fidei*, pro fide docente. Ceterum, quod ad rem ipsam attinet, Appianus, libro de bellis Punicis hanc fuisse scribit Masinissæ transitionis causam, quod quum ei Asdrubal Gisgonis Sophonisben filiam suam despondisset, Carthaginenses eam, inscio utroque, Syphacilocaverunt, ut pacem ab eo redimerent. Sed junctas hoc tempore Sophonisbæ cum Syphace nuptias refellit iter Scipionis ad Syphacem, de quo mox c. 17. et tota sequentis historiæ ratio. De causa transitionis Masinissæ ad Romanos, vid. not. 46. ad l. XXIX. c. 29.

85 *Tertio decimo anno post bellum initum*] Sic recte Glareanus ex Livio ipso, supra, c. 10. Olim *quartodecimo*. Ceterum hic annus *scxtus*, non *quintus* numerari deberet, ex quo Scipio provinciam et exercitum accepit. Nisi dicamus ideo quintum annum nondum expletum esse, quod Scipio sub finem ætatis primo in Hispaniam venerit; initio ætatis hoc anno pepulerit Hispania Pœnos. Porro pro eo quod prius legebatur *quinto postquam*, dedimus *quinto quam*, subnixi auctoritatibus optimorum codicum, Put. Cantabrig. aliorumque; et præterea aliis consimilibus apud nostrum exemplis: ut l. XXVIII. c. 45. *Die quadragesimo quinto, quam ex sylvis detracta materia erat*: et l. III. c. 38. *Anno trecentesimo altero, quam condita Roma erat*: et alibi sæpius.

86 * *Parvum instar*] Parvam imaginem. Ex receptis ac domitis Hispaniis vix parvam speciem capi posse putabat eorum quæ animo destinasset.

87 *Velut consummatam*] Hæc pro-

riam spectabat. Itaque, præmoliendas sibi^b ratus jam res U. C. 546.
 conciliandosque regum gentiumque animos, Syphacem pri- A. C. 206.
 mum regem statuit tentare. Masæsylium is rex erat. Ma- Syphacem
 sæsyli, gens adfinis Mauris, in regionem Hispaniæ, maxime sibi concili-
 qua sita Nova Karthago est, spectant. Foedus ea tempore liare statuit.
 regi cum Karthaginensibus erat, quod haud gravius ei
 sanctiusque, quam vulgo barbaris, quibus ex fortuna pendet
 fides, ratus fore, oratorem ad eum C. Lælium cum donis
 mittit. Quibus barbarus lætus, et quia res tum prosperæ
 ubique Romanis, Pœnis in Italia adversæ, in Hispania nul-
 læ jam erant, amicitiam se Romanorum accipere adnuit.
 firmandæ ejus fidem nec dare, nec accipere, nisi cum ipso
 coram duce Romano. Ita Lælius, in id modo fide ab rege
 accepta, tutum adventum fore, ad Scipionem rediit. Mag-
 num in omnia momentum Syphax adfectanti res Africæ erat,
 opulentissimus ejus terræ rex, bello jam expertus ipsos Kar-
 thaginienses, finibus etiam regni apte ad Hispaniam, quod
 freto exiguo dirimuntur, positus. Dignam itaque rem Scipio In Africam
 ratus, quæ, quoniam non aliter posset, magno periculo pete- trajicit.
 retur, L. Marcio Tarracone, M. Silano Karthagine Nova,
 quo pedibus ab Tarracone itineribus magnis ierat, ad præ-
 sidium Hispaniæ relictis, ipse cum C. Lælio duabus quin-
 queremibus ab Karthagine profectus tranquillo mari pluri-
 mum remis, interdum et leni adjuvante vento, in Africam
 trajecit. Forte ita incidit, ut eo ipso tempore Hasdrubal
 pulsus Hispania, septem triremibus portum invectus, an-
 choris positus terræ adplicaret naves; quum⁸⁸ conspectæ duæ
 quinqueremes haud cuiquam dubio, quin hostium essent, ob-
 primique a pluribus, priusquam portum intrarent, possent,
 nihil aliud, quam tumultum ac trepidationem simul militum
 ac nautarum, nequidquam armaque et naves expedientium,
 fecerunt. percussa enim⁸⁹ ex alto vela paullo acriori vento
 prius in portum intulerunt quinqueremes, quam Pœni an-
 choras molirentur. nec ultra tumultum ciere quisquam in
 regio portu audebat. Itaque prior in terram Hasdrubal,
 mox Scipio et Lælius egressi, ad regem pergunt.

XVIII. Magnificumque id Syphaci (nec erat aliter) visum, Hasdrubal
 et Scipio
 eodem toto

^b ibi Gron. Crev.

cul dubio vitiosa sunt. Conjicit Gronovius, *olim consummandi ejus belli gloriam*: quod admittere possumus, donec vel liber aliquis, vel conjectura felicior veram huic loco sanitatem afferat. Codex unus e nostris, *velut consummaturam*. * Sensus patet: in suum decus nomenque ituram consummandi ejus belli gloriam,

88 * *Conspectæ duæ quinqueremes . . . nihil aliud quam tumultum*] Ad

conspectum duarum quinqueremium Romanarum moti quidem sunt Pœni, sed nihil aliud effectum est quam tumultus, et trepidatio militum simul et nautarum. Quinqueremes ea dicuntur fecisse, quibus causa et occasioem præbuerunt. Sic l. V. c. 39. *Complorati omnes pariter vivi mortuique, totam prope urbem lamentis impleverant.*

89 * *Ex alto*] Mari.

U. C. 546.
A. C. 206.

Scipionis
comitas et
dexteritas.

Hasdruba-
lis de eo ju-
diciū.

duorum opulentissimorum ea tempestate duces populorum uno die suam pacem amicitiamque petentes venisse. Utrumque in hospitium invitat; et, quoniam fors eos sub uno tecto esse, atque ad eosdem penates, voluisset: contrahere ad conloquium dirimendarum simultatum causa est conatus; Scipione abnuente, aut privatim sibi ullum cum Pœno odium esse, quod conloquendo finiret, aut de republica se cum hoste agere quidquam injussu senatus posse. Illud magno opere tendente rege, ne alter hospitem exclusus mensa videretur, ut in animum induceret ad easdem venire epulas, haud abnuit. Cœnatumque simul apud regem est: et eodem etiam lecto Scipio atque Hasdrubal (quia ita cordi erat regi) adcubuerunt. Tanta autem inerat comitas Scipioni, atque ad omnia naturalis ingenii dexteritas, ut non Syphacem modo, barbarum insuetumque moribus Romanis, sed hostem etiam infestissimum, facunde adloquendo sibi conciliaret^c, ⁹⁰ *mirabilioremque sibi eum virum^d congresso coram visum præ se ferebat, quam bello rebus gestis. Nec dubitare, ⁹¹ quin Syphax regnumque ejus jam in Romanorum essent^e potestate. eam artem illi viro ad conciliandos animos esse. Itaque non, quo modo Hispaniæ amissæ sint, quærendum magis Karthaginiensibus esse, quam, quo modo Africam retineant, cogitandum. Non peregrinabundum, neque circa amœnas oras vagantem tantum ducem Romanum, relictâ provincia novæ ditionis, ⁹² relictis exercitibus, duabus navibus in Africam trajecisse sese^f in hostilem terram, regiam^g in fidem ineptam: ⁹³ sed potiundæ Africæ spem adfectantem. Hoc eum jam pridem volutare in animo, hoc palam fremere, quod non, quemadmodum Hannibal in Italia, sic Scipio in Africa bellum gereret. Sci-*

^c conciliarit Gron. Crev. ^d virum del. Eæd. ^e esset Eæd. ^f trajecisse et commisisse sese Eæd.

^g in potestatem regiam Eæd.

⁹⁰ *Mirabilioremque sibi eum]* Omnes scripti addunt *virum*. Rescuerunt editores, quia sequitur *illi viro*. Perizonius legit *mirabiliorem qui*. Vid. not. 89. ad l. IV. c. 17. supra.

⁹¹ *Quin Syphax regnumque ejus jam in Romanorum esset potestate]* Put. et Victor. codices, *essent*.

⁹² *Relictis exercitibus]* Hic plerique scripti multum dissident a vulgatis. Habent enim fere: *relictis exercitibus duobus trajecisse sese in hostilem terram regiam in fidem ineptam*. At editi: *relictis exercitibus, duabus navibus trajecisse et commisisse sese in hostilem terram, in potestatem regiam, in fidem ineptam*. Quod scripti omittunt *et commisisse*, id amplectimur. Brevior enim fit oratio sine ullo dispendio sensus: et sic Valer. Maximus, qui profecto hæc Livii verba intuebatur, l. IX. c. 8. *Quam temere*

se Africanus superior ex Hispania duabus quinquereimis ad Syphacem trajecit? *et duabus navibus*, vel *duabus quinquereimis*, ut exhibet regius codex, omnino retinendam nobis videtur, tum quia eodem modo Valerius Maximus, tum quia id facit ad augendam Scipionis audaciam. Unde et Fabius infra c. 42. ut temeritatis arguat Scipionem, hoc ipsum urget quod *duabus navibus populi Romani imperator fortunam publicam et majestatem imperii commisisset*. Finem hujus periodi sic concinnat ex scriptis Gronovius, *in hostilem terram, regiam, infidam, ineptam*. Utatur cui libuerit. Nobis vulgata lectio, quam tuetur Victorinus codex, arridet magis.

⁹³ *Sed potiundæ Africæ spem adfectantem]* Tendentem ad spem potiundæ Africæ. Sic Ovid. l. V. Metam. v. 377. *nam spes affectat easdem*.

pio, foedere icto cum Syphace, profectus ex Africa, dubiis- U. C. 546.
que et plerumque sævis in alto jactatus ventis, die quarto A. C. 206.
Novæ Karthaginis portum tenuit. Redit in
Hispaniam.

XIX. Hispaniæ sicut a bello Punico quietæ erant, ita quasdam civitates, propter conscientiam culpæ, metu magis, quam fide, quietas esse adparebat: quarum maxime insignes et magnitudine et noxa Illiturgi et Castulo erant. ⁹⁴ Castulo, quum prosperis rebus socii fuissent, post cæsos cum exercitibus Scipiones defecerant ad Pœnos. Illiturgitani prodendis, qui ex illa clade ad eos perfugerant, interficiendisque scelus etiam defectioni addiderant. In eos populos primo adventu, quum dubiæ Hispaniæ essent, merito magis, quam utiliter, sævitum foret. Tunc, jam tranquillis rebus, quia tempus expetendæ pœnæ videbatur venisse, adcitum ab Tarracone L. Marcium cum tertia parte copiarum ad Castulonem obpugnandum mittit: ipse cum cetero exercitu quintis ferme ad Illiturgin castris pervenit. Clausæ erant portæ, omniaque instructa et parata ad obpugnationem arcendam: adeo conscientia, quid se meritos scirent, pro indicto eis bello fuerat. ⁹⁵ Hinc et hortari ^h milites Scipio orsus est. *Ipsos ⁹⁶ claudendis portis ^l indicasse Hispanos, quid, ut timerent, meriti essent. itaque multo infestioribus animis cum iis, quam cum Karthaginiensibus, bellum gerendum esse. Quippe cum illis prope sine ira de imperio et gloria certari; ⁹⁷ ab his ^k perfidiæ et crudelitatis et sceleris pœnas expetendas esse. Venisse tempus, quo et nefandam commilitonum necem, et in semet ipsos, si eodem fuga delati forent, instructam fraudem ulciscerentur: et in omne tempus gravi documento sancirent, ne quis umquam Romanum civem militemve in ulla fortuna ⁹⁸ opportunum injuriæ duceret.* Ab hac cohortatione ducis incitati, scalas electis per manipulos viris dividunt: partitoque exercitu, ita ut parti alteri Lælius præesset legatus, duobus simul locis ancipiti terrore urbem adgrediuntur. Non dux

^h et hortari leg. exhortari Gron.

^l claudendo portas Ead.

^k iis Ead.

⁹⁴ Castulo quum socii fuissent] Aptius legi videretur Castulonenses, quod præferunt vulgati libri; eo quidem magis, quod in iis quæ sequuntur, opponuntur Illiturgitani. At quum Gronovius testetur in duodecim minimum MSS. quibus assentiuntur nostri quoque et Hearnii codices, et in antiquissimis editis reperiri Castulo, tanta auctoritate nixam lectionem rejicere ausi non sumus.

⁹⁵ Hinc et hortari] Sic habet Put. codex: sic et editi ante Sigonium: elegantius profecto, quam quod ille substituit, hinc exhortari.

⁹⁶ Claudendis portis] Tres e nostris scriptis, multi e Gronovianis stant pro hac lectione, quam et vett. editi tuentur. Quin et eam sua commendare debet elegantia. Itaque non fecerat operæ pretium Rhenanus, dum jusserat legi claudendo portas.

⁹⁷ Ab his] Vulgo ab iis. Sed his magis accurate respondet et illis, quod præcedit. Unde, auctoribus compluribus scriptis, illud admisimus.

⁹⁸ Opportunum injuriæ] Talem, qui impune injuria affici et male mulcari posset.

U. C. 546. A. C. 206. **unus, aut plures principes oppidanos, sed suos ipsorum ex conscientia culpæ metus ad defendendam inpigre urbem hortatur. ⁹⁹ et meminerant, et admonebant alii ¹ alios, supplicium ex se, non victoriam, peti. ¹ Ubi quisque mortem obpeteret, id referre; utrum in pugna et in acie, ubi Mars communis et victum sæpe erigeret, et adfligeret victorem; an postmodo, cremata et diruta urbe, ante ora captarum conjugum liberorumque, inter verbera et vincula, omnia fœda atque indigna passi, exspirarent.** Igitur non militaris modo setas, aut viri tantum, sed feminæ puerique supra animi corporisque vires adsunt: propugnantibus tela ministrant, saxa in muros munientibus gerunt. Non libertas solum agebatur, ² quæ virorum fortium tantum pectora acuit; sed ultima omnium supplicia, et fœda mors ob oculos erat. Accendebantur animi et ³ certamine laboris ac periculi, atque ipso inter se conspectu. Itaque tanto ardore certamen initum est, ut dormitor ille totius Hispaniæ exercitus, ab unius oppidi juventute sæpe repulsus a muris, ⁴ haud satis decoro prælio trepidaret^m. Id ubi vidit Scipio, veritus, ne vanis conatibus suorum ⁵ et ⁿ hostibus cresceret animus, et segnior miles fieret, sibimet conandum ac partem periculi capessendam esse ratus, increpita ignavia militum, ferri scalas jubet: se ipsum, si ceteri cunctentur, escensurum minatur. Jam subiebat haud mediocri periculo mœnia, quum clamor undique ab ⁶ sollicitis vicem imperatoris militibus sublatus, scalæque multis simul partibus erigi cœptæ. Et ex altera parte Lælius instat. Tum victa oppidanorum vis, dejectisque pro-

Oppidani
acriter re-
sistunt.

Urbs capi-
tur.

¹ alii del. Crev.

^m trepidarit Gron. Crev.

ⁿ et del. Gron.

⁹⁹ *Et meminerant, et admonebant alios*] Et ipsi apud animum suum meminerant, et alios quoque admonebant. Sigonius hic inseruerat vocem *alii*, quam respuunt et scripti, et ipsa, nisi fallimur, Latinitatis ratio. Etenim quod Gallice diceremus *ils s'avertissoient les uns les autres*, id Latine efferendum est, *admonebant sese invicem*. Sensus autem hujus orationis, *admonebant alii alios*, esset, *admonebant alii quidem hos, alii vero illos*.

¹ *Ubi quisque mortem oppeteret, id referre; utrum*] Supra admonuerunt sese invicem, *supplicium ex se, non victoriam, peti*. Unde sequitur eos qui in acie vitam non amisissent, postea inter supplicia cruciatusque exspiraturos. Quum igitur mors omnibus certa et destinata sit, adjiciunt id unum referre, seu id unum superesse discrimen, quo quisque loco et modo mortem oppeteret; utrum in pugna

et in acie, an postmodo inter verbera et vincula contumeliasque exspirarent.

² *Quæ virorum fortium tantum*] Minime hic opus est voce *tantum*, cujus etiam ingrata repetitio est, quum et in versu præcedenti reperiatur *solum*, et in iis quæ præcedunt, *modo, tantum*.

³ *Certamine*] Æmulatione. Vid. not. 35. ad XXVI. 44. Infra c. 21. conjunguntur *certamen* et *æmulatio*.

⁴ *Haud satis decoro prælio trepidarit*] Put. et Victor. codices, *trepidaret*.

⁵ *Et hostibus cresceret animus*] Adjecimus particulam *et*, ex auctoritate trium optimorum codicum, Put. Cantabrig. et regii.

⁶ *Sollicitis vicem imperatoris*] Sollicitis de vice, de sorte, de periculo imperatoris.

pugnatoribus occupantur muri. arx etiam ab ea parte, qua inexpugnabilis videbatur, inter tumultum capta est.

U. C. 546.
A. C. 206.
Tum etiam
arx.

XX. Transfugæ Afri, qui tum inter auxilia Romana erant, et oppidanis in ea tuenda, unde periculum videbatur, versis, et Romanis subeuntibus, qua adire poterant, conspexerunt ⁷ editissimam urbis partem, ⁸ quia rupe præalta tegebatur, neque opere ullo munitam, et ab defensoribus vacuum. levium corporum homines, et multa exercitatione pernecium, clavos secum ferreos portantes, qua per inæqualiter eminentia rupis poterant, scandunt. sicubi nimis arduum et leve saxum obcurabat, clavos per modica intervalla figentes, quum velut gradus fecissent, primi sequentes extrahentes manu, postremi sublevantes eos, qui præirent, in summum evadunt. inde decurrunt cum clamore in urbem jam captam ab Romanis. Tum vero adparuit, ab ira et ab odio urbem obpugnatam esse. nemo capiendi vivos, nemo, patentibus ad direptionem omnibus, prædæ memor est. Trucidant inermes juxta atque armatos, feminas pariter ac viros: usque ad infantium cædem ira crudelis pervenit. Ignem deinde tectis injiciunt, ac diruunt, quæ incendio absummi nequeunt: adeo vestigia quoque urbis extinguere, ac delere memoriæ hostium sedis, cordi est. Castulonem inde Scipio exercitum ducit: quam urbem non Hispani modo ⁹ convenæ, sed Punici etiam exercitus ex ^o dissipata passim fuga reliquiæ tutabantur. sed adventum Scipionis prævenerat fama cladis Illiturgitanorum, terrorque inde ac desperatio invaserat; et ¹⁰ in diversis caussis, quum sibi quisque consultum sine alterius respectu vellet, primo tacita suspicio, deinde aperta discordia secessionem inter Karthaginienses atque Hispanos fecit. His Cerdubellus propalam deditionis auctor. Himilco Punicis auxiliaribus præerat: quos urbemque, clam fide accepta, Cerdubellus Romano prodit. Mitior ea victoria fuit. nec tantumdem noxæ admissum erat, et aliquantum iræ lenierat voluntaria deditio.

Oppidani
ad interne-
cionem de-
luntur.

Urbs incen-
ditur.

Castulonem
deditione
recipit.

XXI. ¹¹ Marcius inde in barbaros, si qui nondum perdo-

^o e Gron. Crev.

⁷ *Editissimam urbis partem*] Vix dubitaverimus legendum hic esse *arcis*, non *urbis*. Si quis accurate totam hanc narrationem perpenderit, animadvertet profecto hic explicari et fusius narrari, quod primo Livius uno verbo indicaverat de arce etiam inter tumultum capta, ab ea parte qua inexpugnabilis videbatur.

⁸ *Quia rupe*] Nostri, ut et Gronoviani libri, *quæ*. Rhenanus legi jubet *qua*, id est, procul dubio, qua parte. Nobis, ut in re parvi momenti, incli-

nat tamen sententia, ut ultimum hoc, nempe *qua*, magis Livianum esse putemus. Sic supra c. 14. ubi vulgo edebatur *quia segnius*, reposuimus ex MSS. *qua segnius*.

⁹ *Convenæ*] Huc variis e locis congregati.

¹⁰ *In diversis causis*] Quum causa Hispanorum, et causa Carthaginensium, diversæ essent.

¹¹ *Marcius inde ... missus*] Vocem ultimam eliminaverat Gronovius, quia scilicet eam et Put. et quidquid est

U. C. 546.
A. C. 206.
Gladiatorium spectaculum edit Scipio.

Corbis et Orsua.

Marcus Astapam obpugnat.

miti erant, sub jus ditionemque redigendos missus. Scipio Karthaginem, ad vota solvenda Diis, munusque gladiatorium, quod mortis causa patris patruique paraverat, edendum, rediit. Gladiatorium spectaculum fuit non ex eo genere hominum, ex quo lanistis comparare mos est, ¹² servorum, quive^p venalem sanguinem habent. Voluntaria omnis et gratuita opera pugnantium fuit. nam alii missi ab regulis sunt ad specimen insitæ genti virtutis ostendendum: alii ipsi professi, se pugnatuos in gratiam ducis: alios æmulatione et certamen, ut provocarent, provocatique haud absteruerent, traxit. quidam, quas disceptando controversias finire nequiverant^q, aut noluerant, pacto inter se, ¹³ ut victorem res sequeretur, ferro decreverunt. Neque obscuri generis homines, sed clari inlustresque, Corbis et Orsua patrueles fratres, de principatu civitatis, quam Ibem vocabant, ambigentes, ferro se certatuos professi sunt. Corbis major erat ætate. Orsue pater princeps proxime fuerat, a fratre majore post mortem ejus principatu accepto. Quum verbis disceptare Scipio vellet, ac sedare iras; negatum id ambo dicere communibus cognatis, nec alium Deorum hominumve, quam Martem, se judicem habituros esse. Robore major, minor flore ætatis ferox, mortem in certamine, quam ut alter alterius imperio subjiceretur, præoptantes, ¹⁴ quum dirimi ab tanta rabie nequiverant^r, insigne spectaculum exercitui præbuere documentumque, quantum cupiditas imperii malum inter mortales esset. Major usu armorum et astu facile stolidas vires minoris superavit. Huic gladiatorum spectaculo ludi funebres additi ¹⁵ pro copia, et provinciali et castrensi adparatu.

XXII. Res interim nihilominus ab legatis gerebantur.

^p servorum delectu ac liberorum, qui Gron. ^q nequiverant Gron. Crev.
^r quod ab tanta rabie dirimi nequiverant Gron. quum ab etc. Crev.

aliorum codicum ignorarent. At nos eam et in Put. et in ceteris omnibus nostris exstare testamur, nisi quod quidam missos.

¹² * *Servorum, quive venalem sanguinem habent*] Servorum, vel liberorum hominum qui mercede accepta sanguinem et vitam impendunt spectantium oblectationi. † Secuti sumus cum Clerico certissimam emendationem Gronovii, qui, quum optimi MSS. habeant *servorum qui venalem sanguinem habent*, addita vocula *ve* post *qui*, huic loco sanitatem restituit. Qui venalem sanguinem habet, is necessario liber est. Neque enim servi possunt venalem habere sanguinem, qui in dominorum potestate est. Vulgo legitur *servorum delectu ac libero-*

rum, qui venalem sanguinem habent: oratio inutili sarcina verborum onerata.

¹³ * *Ut victorem res sequeretur*] Ut victor id auferret, de quo lis esset.

¹⁴ *Quum ab tanta rabie*] Rhenanus pro *quum* reposuerat *quod*. Sed prius illud magis placet, et nititur scriptis.

¹⁵ *Pro copia, et provinciali et castrensi apparatu*] Vacat vox *apparatu*, et videtur in contextum irrepsisse e margine, ubi ad interpretandam vocem *copia* a nescio quo poni potuit. *Pro copia et provinciali et castrensi*: id est, non magnifico apparatu, qualis erat ludorum qui in urbe edebantur, sed pro ea copia, qua instrui poterant in provincia et in castris.

Marcius, superato Bæte amni, quem incolæ Certim adpel- U. C. 546.
 lant, duas opulentas civitates sine certamine in deditionem A. C. 906.
 accipit. Astapa urbs erat, Karthaginensium semper par-
 tis: neque id tam dignum ira erat, quam quod, "extra ne-
 cessitates belli, præcipuum in Romanos gerebant odium.
 nec urbem aut situ aut munimento tutam habebant, quæ
 ferociore iis animos faceret: sed ingenia incolarum latroci-
 nio læta, ut excursions in finitimum agrum sociorum po-
 puli Romani facerent, inpulerant, et vagos milites Romanos
 lixasque et mercatores exciperent. magnum etiam comita-
 tum, quia paucis parum tutum fuerat, transgredientem fines,
 positis insidiis circumventum, iniquo loco interfecerunt. Ad
 hanc urbem obpugnandam quum admotus exercitus esset,
 oppidani conscientia scelerum, quia nec deditio tuta ad tam
 infestos videbatur, nec spes mœnibus aut armis tuendæ sa-
 lutis erat, facinus in se ac suos fœdum ac ferum conscis-
 cunt. Locum in foro destinant, quo pretiosissima rerum
 suarum congererent. super eum cumulum conjuges ac libe- Astapen-
 ros considerare quum jussissent, ligna circa exstruunt, fasces- sium furor.
 que virgultorum conjiciunt. Quinquaginta deinde armatis
 juvenibus præcipiunt, ut, donec incertus eventus pugnae esset,
 præsidium eo loco fortunarum suarum corporumque, quæ cari-
 era fortunis essent, servarent. Si rem inclinatham viderent, at-
 que in eo jam esse, ut urbs caperetur; scirent omnes, quos eun-
 tes in prælium cernerent, mortem in ipsa pugna obituros. Illos
 se per Deos superos inferosque orare, ut memores libertatis, quæ
 illo die aut morte honesta, aut servitute infamæ finienda esset,
 nihil relinquerent; in quod sævire iratus hostis posset. Ferrum
 ignemque in manibus esse. Amicæ ac fideles potius ea, quæ per-
 itura essent, absumerent manus, quam insultarent superbo ludi-
 brio hostes. His adhortationibus execratio dira adjecta, si
 quem a proposito spes mollitiave animi flexisset. inde con-
 citato agmine patentibus portis ingenti tumultu erumpunt.
 Neque erat ulla satis firma statio obposita; quia nihil mi-
 nus, quam ut egredi mœnibus auderent, timeri poterat. per-
 paucæ equitum turmae, levisque armatura repente e castris
 ad id ipsum emissa obcurrit. Acrior inpetu atque animis,
 quam compositior ullo ordine*, pugna fuit. Itaque pulsus
 eques, qui primus hosti se obtulerat, terrorem intulit levi
 armaturæ. pugnatumque sub ipso vallo foret, ni robur legio-
 num, perexiguo ad instruendum dato tempore, aciem di-
 rexisset. Ibi quoque trepidatum parumper circa signa est,
 quum cæci furore in vulnera ac ferrum vecordi audacia rue-
 rent. dein vetus miles, adversus temerarios inpetus pertinax,

* ordine ullo Gron. Crev.

16 *Extra necessitates belli* Extra necessitas coëgerat hostilem adversus eas etiam occasiones, in quibus belli Romanos animum ostendere.

U. C. 546. **cæde primorum insequentes subpressit. conatus paullo post**
 A. C. 206. **ultr¹ inferre pedem, ut neminem cedere, atque obstinatos**
mori in vestigio quemque suo vidit; patefacta acie. (quod
ut facere posset, multitudo armatorum facile suppeditabat)
 Ad unum **cornua hostium amplexus, in orbem pugnantes ad unum**
 occiduntur. **omnes occidit.**

Pueri et fe-
 minæ a suis
 in urbe tru-
 cidati.

Gaditani
 perfugæ.

Scipionis
 morbus.

XXIII. ¹⁷ Atque hæc tamen hostium iratorum, ac tum maxime dimicantium, ¹⁸ jure belli in armatos repugnantesque edebantur. foedior alia in urbe trucidatio erat, quum turbam feminarum puerorumque inbellem inermemque cives sui cæderent, et in succensum rogam semianima pleraque injicerent corpora, rivi que sanguinis flammam orientem restinguerent: postremo ipsi, cæde miseranda suorum fatigati, cum armis medio se incendio injecerunt. Jam cædi perpetratae victores Romani supervenerunt. ac primo conspectu tam foedæ rei mirabundi parumper obstupuerunt. dein quum aurum argentumque, cumulo rerum aliarum interfulgens, aviditate ingenii humani, rapere ex igne vellent, correpti alii flamma sunt, alii ambusti adflatu vaporis: quum receptus primis, urgente ingenti turba, non esset. Ita Astapa, sine præda militum, ferro ignique absumta est. Marcius, ceteris ejus regionis metu in deditionem acceptis, victorem exercitum Karthaginem ad Scipionem reduxit. Per eos ipsos dies perfugæ a Gadibus venerunt, pollicentes, urbem Punicumque præsidium, quod in ea urbe esset, et imperatorem ¹⁹ præsidii cum classe prodituros esse. Mago ibi ex fuga substiterat, navibusque in oceano conlectis, aliquantum auxiliorum et trans fretum ex Africa ora, et ex proximis Hispaniæ locis per Hannonem præfectum coëgerat. Fide accepta dataque perfugis, et Marcius eo cum expeditis cohortibus, et Lælius cum septem triremibus, quinquoremi una, est missus, ut terra marique communi consilio rem gererent.

XXIV. Scipio ipse gravi morbo implicatus, graviore tamen fama, quum ad id quisque, quod audierat, (insita hominum libidine alendi de industria rumores) adjiceret aliquid, provinciam omnem ac maxime longinqua ejus turbavit: adparuitque, quantam excitatura molem vera fuisset clades, quum varius rumor tantas procellas excivisset. non

¹ *ultra Gron. Crev.*

¹⁷ *Atque hæc tamen*] Atque hæc hostium erant iratorum ac tum maxime dimicantium facta, atrocia quidem, sed tamen jure belli edita in armatos repugnantesque.

¹⁸ *Jure belli in armatos*] Hæc verba a scriptis quamplurimis absunt, teste Gronovio; nec in ullo nobis occurrerunt. Vix dubitamus tamen ea Livii esse, quum et exangeant senten-

tiam, nec quidquam peregrinum aut pingue redoleant. Nec mirum videri debet hic aliquid perturbatum et mancum reperiri in scriptis, in quibus tanta fuit hoc loco librariorum temeritas et protervia, ut magnam hujus libri partem in librum sequentem transferrent.

¹⁹ *Præsidii*] Dele supervacuum vocem.

socii in fide, non exercitus in officio mansit. Mandonius et U. C. 546.
 Indibilis, quibus (quia regnum sibi Hispaniæ, pulsus inde A. C. 206.
 Karthaginiensibus, destinarant animis) ²⁰ nihil pro spe con-
 tingerat, concitatis popularibus (²¹ Lacetani autem erant) et
 juventute Celtiberorum excita, agrum Suessetanum Sedeta-
 numque sociorum populi Romani hostiliter depopulati sunt.
 Civilis alius furor in castris ad Sucronem ortus. Octo ibi ^{Seditio ex-}
 millia militum erant; ^{exercitus ad} ^{Sucronem.} ²² præsidium gentibus, quæ cis Ibe-
 rum incolunt, inpositum. Motæ autem eorum mentes sunt
 non tum primum, quum de vita imperatoris ²³ dubii rumores
 adlati sunt; sed jam ante, licentia ex diutino, ut fit, otio
 conlecta, ²⁴ et nonnihil, quod in hostico laxius raptis suetis
 vivere artiores in pace res erant. ²⁵ Ac primo sermones tan-
 tum occulti serebantur, *si bellum in provincia esset, quid sese*
inter pacatos facere? si debellatum jam et confecta provincia
esset, cur in Italiam non revehi? Flagitatum quoque stipen-
 dium procacius, quam ex more et modestia militari erat: et
 ab custodibus probra in circumeuntes vigilas tribunos jac-
 ta: et noctu quidam prædatum in agrum circa pacatum
 ierant: postremo interdium ac propalam sine com meatu ab
 signis abibant. omnia libidine ac licentia militum, nihil in-
 stituto ac disciplina militiæ, aut imperio eorum, qui præerant,
 gerebatur. forma tamen Romanorum castrorum constabat
 una ea spe, quod tribunos ex contagione furoris haud ex-
 pertes seditionis defectionisque rati fore, et jura reddere
²⁶ in principiis sinebant, et signum ab eis petebant, et in sta-
 tiones ac vigilas in ordinem ibant: et, ut vim imperii abs-

²⁰ * *Nihil pro spe contigerat*] Nihil tale contigerat, quale speraverant.

²¹ *Lacetani autem erant*] Mirum quod hic soli Lacetani nominentur tanquam populares Mandonii et Indibilis, quum et supra l. XXVI. c. 49. Indibilis dicatur regulus Illergetum, et infra l. XXIX. c. 2. etiam Illergetem eum vocet Livius, passim denique Illergetes videantur proprius fuisse Indibilis et Mandonii miles. Fortasse nominis eorum deformata quædam remanent vestigia in voce autem, quæ nullo modo hic necessaria est; ac scripserit Livius *Lacetani et Illergetes erant*. Certe conjunguntur infra hi populi, capp. 27. et 34.

²² * *Præsidium gentibus, quæ cis Iberum incolunt*] Sucro oppidum et fluvius ultra Iberum est, sed eo intervallo, ut facile inde in citeriora revocari potuerint copiæ, si quo earum operæ usus esset. Tum autem non ita fortasse urgenda est rigida verborum Livianorum proprietas, ut gentes

quæ cis Iberum incolunt intelligi non possint laxiore sensu gentes Ibero vicinæ; cum respectu ad regiones Hispaniæ longinquas et in Oceanum vergentes, in quibus hac æstate bellum Romani gessere. Possis legere circa *Iberum*.

²³ *Dubii rumores allati sunt*] Scripti ignorant vocem *rumores*. Victor. codex: *dubie allatum sit*. Legere videmur posse cum Gronovio: *dubie allatum est*.

²⁴ * *Et nonnihil, quod*] Aliqua etiam ex parte id valuerat ad movendas et deflectendas a sanitate illorum mentes, quod in hostili agro prius assueti laxius et liberius vivere ex iis quæ rapiabant, tum, quum in sociorum agro essent, minus commode, minus laxo vivebant.

²⁵ *Ac primo sermones*] Quisquis hoc dedit, non male consuluit sensui. Sed scripti, *primores*, vel *primo res*.

²⁶ *In principiis*] Vid. not. 65. ad l. VII. c. 12.

U. C. 546. tulerant, ita speciem dicto parentium, ²⁷ ultro sibi imperantes, servabant. Erupit deinde seditio, postquam reprehendere atque improbare tribunos ea, quæ fierent, et conari obviam ire, et propalam abnuere, furoris eorum se futuros socios, senserunt. Fugatis itaque ex principiis, ²⁸ ac post paullo e castris tribunis, ad principes seditionis, gregarios milites, C. Albium Calenum et C. Atrium Umbrum, delatum omnium consensu imperium est: qui, nequaquam tribuniciis contenti ornamentis, insignia etiam summi imperii, fascas securesque, adrectare ausi: neque venit in mentem, suis tergis suisque cervicibus virgas illas securesque imminere, quas ad metum aliorum præferrent. Mors Scipionis falso credita occæcabat animos: sub cuius vulgatam mox famam non dubitabant totam Hispaniam arsuram bello. in eo tumultu et sociis pecunias imperari, et diripi propinquas urbes posse. et, turbatis rebus, quum omnia omnes audent, minus insignia fore, quæ ipsi fecissent.

XXV. Quum alios subinde recentes nuncios, non mortis modo, sed etiam funeris, expectarent, neque superveniret quisquam, evanesceretque temere ortus rumor; tum primi auctores requiri cæpti. et, subtrahente se quoque, ut credidisse potius temere, quam finxisse, rem talem videri posset, destituti duces jam sua ipsi insignia, et pro vana imagine imperii, quod gererent, veram justamque mox in se veruram potestatem horrebant. ²⁹ Stupente ita seditione, quum vivere primo, mox etiam valere Scipionem, certi auctores adferrent, tribuni militum septem ab ipso Scipione missi sunt. Ad quorum primum adventum exasperati animi; mox, ipsis placido sermone permulcentibus notos, cum quibus congressi erant, leniti sunt. circumeuntes enim tentoria primo, deinde in principiis prætorioque, ubi sermones inter se serentium circulos vidissent, adloquebantur, percunctantes magis, quæ causa iræ ³⁰ consternationisque subitæ foret, quam factum accusantes. Vulgo *stipendium*

Tribuni militum a Scipione ad seditiones missi.

Permulent eos placido sermone.

²⁷ Stupenti ita seditioni Gron. Crev.

²⁹ supervenerunt Ead.

²⁷ *Ultrō sibi imperantes*] Hoc debetur Gronovio, quum antea editi haberent *ultro ipsi*, scripti, *ultro ei*, vel *ultro se*.

²⁸ *Ac post paulo*] Sic ordinant has voces scripti. Ut et l. XXII. c. 60. *Annibalem post paulo audistis*: et l. V. c. 55. *quum senatus post paulo . . . haberetur*.

²⁹ *Stupenti . . . seditioni . . . supervenerunt*] Scripti, et Gronoviani, et nostri, *stupente . . . seditione*. Tum nullus agnoscit ultimum verbum sui

pervenerunt. Vix tamen quisquam nobis eripiat, quin credamus germanam hanc esse Livii scripturam, quæ et clara, et scita atque elegans est. Si quis tamen nihil omisso, nisi sub certorum testium fide, admissum velit, legat cum regio et Victor. eodd. *stupente ita*, vel *jam seditione*. *7. tribuni militum septem missi ab ipso Scipione sunt*.

³⁰ *Consternationis*] Tumultus, motus animorum.

non datum ad diem iactabatur: et, quum eodem tempore, quo U. C. 546:
 scelus Illiturgitanorum exstiteret, post duorum imperatorum A. C. 206:
 duorumque exercituum stragem, sua virtute defensum nomen
 Romanum ac retenta provincia esset: Illiturgitanos poenam
 nonne meritum habere; vasis recte factis gratiam quæ exsolvat,
 non esse. Talia quærentes æqua orare, seque ea relatores ad
 imperatorem, respondebant. Lætari, quod nihil tristius, nec in-
 sanabilius esset: et P. Scipionem Deum benignitate, et rem-
 publicam³¹ esse gratiæ referendæ. Scipionem bellis adstrictum,
 ad seditionum procellas rudem, sollicitum habebat res,³² ne
 aut exercitus peccando, aut ipse puniendo, modum excede-
 ret. in presentia, ut cœpisset, leniter agi placuit,³³ et, mis-
 sis circa stipendiarias civitates exactoribus*, stipendii spem
 propinquam facere. Edictum subinde propositum, ut ad Seditiosi ju-
 stipendium petendam convenirent Karthaginem; seu carp- bentur ve-
 tim partes, seu universi mallet. Tranquillam seditionem, nire Kar-
 jam per se languescentem, repentina quies rebellantium His- thaginem.
 panorum fecit. redierant enim in fines, omisso incepto,
 Mandonius et Indibilis, postquam vivere Scipionem adla-
 tum est. nec jam erat aut civis, aut externus, cum quo fu-
 rorem suum consociarent. Omnia circumspectantes consi-
 lia nihil reliqui habebant, præter non tutissimum a malis
 consiliis receptum, ut imperatoris vel justæ iræ, vel non de-
 sperandæ clementiæ sese committerent. etiam hostibus eam
 ignovisse, cum quibus ferro dimicasset. Suam seditionem
 sine vulnere, sine sanguine fuisse: nec ipsam atrocem, nec
 atroci poena dignam: ut ingenia humana sunt ad suam cui-
 que levandam culpam nimio plus facunda. Illa dubitatio
 erat, singulane cohortes, an universi, ad stipendium peten-
 dum irent. inclinavit sententia, quod tutius censebam, uni-
 versos ire.

XXVI. Per eosdem dies, quibus hæc illi consultabant,
 consilium de iis Karthagini erat: certabaturque^γ sententiis,
 utrum in auctores tantum seditionis (erant autem hi numero
 haud plus, quam quinque et triginta) animadverteretur, an
 plurium supplicio vindicanda tam foedi exempli defectio
 magis, quam seditio, esset. Vicit sententia lenior, ut, unde
 orta culpa esset, ibi poena consisteret. ad multitudinem cas-

* *missi—exactores* Gron. Orev.

^γ *certabantque* Ecd.

31. * *Esse gratiæ referendæ*] Esse in
 ejusmodi statu, ut gratiam illis referre
 possint.

32. * *Ne . . exercitus peccando . . mo-
 dum excederet*] Atque adeo omnem sibi
 ipse ad poenitentiam absunderet regres-
 sum, et imperatoris clementiæ nullum
 locum relinqueret.

33. *Et missi . . exactores . . facere*]

VOL. II.

Duo e nostris codd. tuentur eam lec-
 tionem, quam loco movit Gronovius:
*et missis circa stipendiarias civitates
 exactoribus stipendii spem propinquam
 facere.* Quam quidem facile amplexi-
 teremur; et eo quidem magis, quod
 omnes scripti, ipso teste Gronovio, re-
 tinent *exactoribus*. Ille ex conjectura
 rescripsit *exactores*.

H h

U. C. 546.
A. C. 206.
Expedi-
tio in Laceta-
nos edici-
tur.

Compre-
henduntur
seditionis
auctores.

Oratio Sci-
pionis ad
seditiones.

igationem satis esse. Consilio dimisso, ³⁴ ut id actum videretur, expeditio adversus Mandonium Indibilemque edicitur exercitui, qui Karthagine erat, et cibaria dierum aliquot parare jubentur. tribunis septem, qui et antea Sucronem ad leniendam seditionem ierant, obviam exercitui missis, quina nomina principum seditionis edita sunt; ut eos, per idoneos homines benigno vultu ac sermone in hospitium invitatos sopitosque vino, vincirent. Haud procul jam Karthagine aberant, quum ex obviis ³⁵ auditum, postero die omnem exercitum cum M. Silano in Lacetanos proficisci, ³⁶ non metu modo omni, qui tacitus insidebat animis, liberavit eos, sed lætitiā ingentem fecit: quod magis habituri solum imperatorem, quam ipsi futuri in potestate ejus essent. Sub occasum solis urbem ingressi sunt, exercitumque alterum parantem omnia ad iter viderunt. Excepti sermonibus de industria compositis, *lætum opportunumque adventum eorum imperatori esse, quod sub ipsam profectionem alterius exercitus venissent*, corpora curant. A tribunis sine ullo tumultu auctores seditionis, per idoneos homines perducti in hospitia, comprehensi ac vincti sunt. Vigilia quarta impedimenta exercitus, cujus simulabatur iter, proficisci cœpere. sub lucem signa mota, et ad portam retentum agmen, custodesque circa omnes portas missi, ne quis ³⁷ urbe egrederetur. Vocati deinde ad concionem, qui pridie venerant, ferociter in forum ad tribunal imperatoris, ut ultro territuri subclamentibus, concurrunt. Simul et imperator in tribunal escendit, et reducti armati a portis inermi se concioni ab tergo circumfuderunt. tum omnis ferocia concidit, et, ut postea fātebantur, nihil æque eos terruit, quam præter spem robur et color imperatoris, quem adfectum visuros crediderant, vultusque, qualem ne in acie quidem aiebant meminisse. Sedit tacitus paullisper, donec nunciatum est, deductos in forum auctores seditionis, et parata jam omnia esse.

XXVII. Tum, silentio per præconem facto, ita cœpit: *Numquam mihi defuturam orationem, qua exercitum meum adloquerer, credidi. non quo verba umquam potius, quam res, exercuerim; sed quia prope a pueritia in castris habitus, ³⁸ ad-*

³⁴ *Ut id actum videretur, expeditio*] Edicitur expeditio adversus Mandonium et Indibilem, ut de ea re actum esse videretur in consilio, non de seditione Sucronensi.

³⁵ *Auditum . . . liberavit . . . fecit*] *Auditum* est in recto casu, et refertur ad verba sequentia *liberavit . . . fecit*. Nuncius ex obviis acceptus, nempe, exercitum omnem postero die proficisci, non liberavit modo eos omni metu, sed et lætitiā ingentem fecit.

Hanc loquendi formam videtur admasse Livius. Vid. supra I. 53, et XXVII. 45.

³⁶ *Non metu modo omni*] Omnes scripti, et Gronoviani, et nostri, carent particula *modo*, quæ tamen necessaria est.

³⁷ *Urbe egrederetur*] Et hic quoque Vict. codex præfert *urbem*: ut supra, c. 14. *castra egreditur*.

³⁸ *Assueram*] Sic dedimus, auctoribus regio, Put. et Cantabrig. codi-

*suam militariis ingeniis. Ad vos quemadmodum loquar, U. C. 546.
 nec consilium, nec oratio suppetat: quos ne quo nomine qui- A. C. 206.
 dem adpellare debeam, scio. Cives? qui a patria vestra de-
 scistis: an milites? qui imperium auspiciūque abnuistis, sa-
 cramenti religionem rupistis. hostes? corpora, ora, vestitum,
 habitum civium agnosco: facta, dicta, consilia, animos hostium
 video. Quid enim vos, nisi quod Ilergetes et Lacetani, aut
 optastis aliud, aut sperastis? Et illi tamen Mandonium atque
 Indibilem, regiæ nobilitatis viros, duces furoris secuti sunt:
 vos auspiciū et imperium ad Umbrum Atrium et Calenum
 Albium detulistis. Negate, vos id omnes fecisse, aut factum
 voluisse, milites: paucorum eum furorem atque amentiam esse,
 libenter credam negantibus. nec enim ea sunt commissa, quæ
 vulgata in omnem exercitum sine piaculis ingentibus expiari
 possint. Invitus ea, tamquam vulnera, adtingo. sed nisi tacta
 tractataque sanari non possunt. Equidem, pulsus Hispania
 Karthaginensibus, nullum locum tota provincia, nullos homi-
 nes credebam esse, ubi vita invisæ esset mea. sic me non solum
 adversus socios gesseram, sed etiam adversus hostes. In castris
 en meis (quantum me opinio fefellit?) fama mortis meæ non
 accepta solum, sed etiam expectata est. Non quod ego vulga-
 ri facinus per omnes velim, (equidem si totum exercitum meum
 mortem mihi optasse crederem, hic statim ante oculos vestros
 morerer; nec me vita juvaret, invisæ civibus et militibus meis)
 sed ⁴⁰ multitudo omnis, sicut natura maris, per se immobilis est,
 venti et auræ ciant; ita aut tranquillum, aut procellæ in vobis
 sunt: et causa atque origo omnis furoris penes auctores est;
 vos contagione insanistis. ⁴¹ Qui mihi ne hodie quidem scire*

cibus. Vulgo assueveram. Horatius, *Pluribus assuerit mentem corpusque superbum.*

39* *Nec consilium, nec oratio suppetat*] Nec sententiæ nec verba mihi suppetant.

40 *Multitudo omnis*] Possis distinguere *Multitudo omnis sicut natura maris: per se immobilis est, nempe natura maris, venti et auræ ciant; ita aut tranquillum, aut procellæ in vobis sunt.* Hoc expeditius quidem est; sed redolet pingue quiddam quod erudito palato vix sapiat. Magis inclinât sententiâ audacem hic agnoscere loquendi figuram, quæ, spretis vulgaribus Grammaticæ legibus, sensum ex ipsa illa abrupti sermonis anomalia vividiorē et splendidiorē efficiat. Videntur igitur illæ voces *multitudo omnis* pendulæ quodammodo remanere; ita ut ob interpositam similitudinem neglectæ a Livio fuerint,

et absoluta comparatione nova incipiat periodus, prorsus quasi nihil præcesserit. Ut ut sit, hic est hujus loci sensus. Eadem est ratio multitudinis cujuslibet, ac maris. Mare per se ipsum et natura sua immobile est, nec agitur, nisi quum venti illud et auræ ciant. Ita aut tranquillum in vobis est, si vobis ipsis permissi fueritis; aut procellæ, si seditiosi homines, velut venti quidam, vos commoverint. Ceterum hic olim legebatur, *ut venti et auræ ciant.* Delevit Gronovius particulam *ut.* Scripti duo e nostris, *si et venti; unus etsi venti.* Fortasse legendum est *sed venti.*

41* *Qui mihi*] Insanisse vos dico: nec inclementius justo hoc verbum est, quum hodie quoque ignorare mihi videamini, quo amentie progressi sitis.

U. C. 546. *videmini, quo amentiae progressi sitis; quid facinoris in me,*
 A. C. 296: *quid in patriam parentesque ac liberos vestros, quid in Deos,*
sacramenti testes, quid adversus auspicia, sub quibus militatis,
quid adversus morem militiae disciplinamque majorum, quid
adversus summi imperii majestatem ausi sitis. De me ipso
taceo. temere potius, quam avide, credideritis. denique ego sim,
cujus imperii tædere exercitum minime mirandum sit. patria
quid de vobis meruerat, quam cum Mandonio et Indibili conso-
ciando consilia prodebatis? Quid populus Romanus, quam im-
*perium, ablatum*⁴² *ab tribunis suffragio populi creatis, ad ho-*
mines privatos detulistis? quum, eo ipso non contenti, si pro tri-
bunis illos haberetis, fasces imperatoris vestri ad eos, quibus
servus, cui imperarent, numquam fuerat, Romanus exercitus
detulistis. In prætorio tetenderunt Albius et Atrius: classi-
cum apud eos cecinit: signum ab iis petatum est: sederunt in
tribunali P. Scipionis: lictor apparuit: submoto incesserunt:
fasces cum securibus prælati sunt. Lapidēs pluere, et
fulmina jaci de cælo, et insuetos foetus animalia edere, vos
portenta esse putatis: hoc est portentum, quod nullis hostiis,
nullis supplicationibus, sine sanguine eorum, qui tantum faci-
nus ausi sunt, expiari possit.

XXVIII. *Atque ego (quamquam nullum scelus rationem*
habet) tamen, ut in re nefaria, quæ mens, quod consilium
vestrum fuerit, scire velim. Rhegium quondam in præsidium
missa legio, interfectis per scelus principibus civitatis, urbem
*opulentam per decem annos tenuit. propter quod, facinus*⁴³ *tota*
legio, millia hominum quatuor, in foro Romæ securi percussi
sunt. Sed illi primum, non Atrium Umbrum semilixam,

⁴² *Ab tribunis suffragio populi creatis]* Cave inde inferas tribunos militum omnes per hæc tempora a populo creatos. Contrarium enim constat ex l. XXVII. c. 86. Sed Livius oratorie rem anget, ut atrocius videatur militum facinus, si tribunis eam potestatem ademerint, quam populus eis mandarat.

⁴³ *Lictor apparuit]* Lictor illis minister imperii fuit. Vid. l. II. c. 55. supra.

⁴⁴ *Submoto incesserunt]* *Submoto* *incedere* dicebantur magistratus Romani, quum inter frequentiam hominum, lictorum ministerio et animadversione cedere locumque dare jussam, progrediebantur.

⁴⁵ *Fulmina jaci de cælo]* In templa et ædea. Hinc toties in prodigiorum enumeratione mentio fit sedium de cælo tactarum.

⁴⁶ * *Nullum scelus rationem habet]*

Nullum scelus non cum amentia conjunctum est.

⁴⁷ * *Ut in re nefaria]* Quantum in re nefaria locus consilio est.

⁴⁸ *Tota legio, millia hominum quatuor]* Haud paulo verisimilius est quod Polybius scribit l. I. plurimos ex illa legione caesos in expugnatione urbis, quam eo pertinacius propugnabant, quod imminens sibi infortunium præviderent; vivos in potestatem reductos amplius trecentos, qui in foro Romæ virgis cæsi ac securi percussi sint.

⁴⁹ *Atrium Umbrum . . . nominis etiam abominandi ducem]* An, quia nomen ejus ductum videtur ab *atre*, qui color funestus ac lugubris? Notum est autem, quænam fuerit Romanorum circa res omnes, ac nomina ipsa superstitio. An, quia ipse Atrius ignobilis ac semilix?

nominis, etiam abominandi ducem, sed Decium Iubellium tri- U. C. 546.
 bunum militum secuti sunt: nec cum Pyrrho, nec cum Sam- A. C. 206.
 nitibus aut Lucanis, hostibus populi Romani, se conjunxe-
 runt. vos cum Mandonio et Indibili consilia communicastis, et
 arma consociaturi fuistis. Illi, ⁵⁰ sicut Campani Capuam,
 Tuscis veteribus cultoribus ademptam, ⁵¹ Mamertini in Sicilia
 Messanam, sic Rhegium habituri perpetuam sedem erant: nec
 populum Romanum, nec socios populi Romani ultro lacessi-
 turi bello. Sucronemne vos domicilium habituri eratis? ubi
 si vos decedens confecta provincia imperator relinquerem, Deum
 hominumque fidem inplorare debebatis, quod non rediretis ad
 conjuges liberosque vestros. Sed horum quoque memoriam, sic-
 ut patriæ meique, ejeceritis ex animis vestris. ⁵² Viam consilii
 scelerati, sed non ad ultimum dementis, exsequi volo. Mene
 vivo, et cetero incolumi exercitu, cum quo ego die uno Kartha-
 ginem cepi, cum quo ⁵³ quatuor imperatores, quatuor exercitus
 Karthaginensium fudi, fugavi, Hispania expuli, vos octo mil-
 lia hominum, minoris certe omnes pretiâ, quam Albius et Atrius
 sunt, quibus vos subjecistis, Hispaniam provinciam populo Ro-
 mano erepturi eratis? Amolior et amoveo nomen meum. ⁵⁴ ni-
 hil ultra facile creditam mortem meam a vobis violatus sim.
 Quid? si ego morerer, mecum exspiratura respublica, mecum
 casurum imperium populi Romani erat? ne istuc Jupiter opti-
 mus maximus sirit, urbem, auspicato Diis auctoribus in æter-
 num conditam, fragili huic et mortali corpori æqualem esse.
 Flaminio, Paullo, Graccho, Postumio Albino, M. Marcello,
 T. Quinctio Crispino, Cn. Fulvio, Scipionibus meis, ⁵⁵ tot tam
 præclaris imperatoribus uno bello absumtis, superstes est popu-
 lus Romanus, eritque, mille aliis nunc ferro, nunc morbo mo-
 rientibus, ⁵⁶ meo unius funere elata populi Romani esset res-

⁷ Messanen Crev.

50 Sicut Campani Capuam] Vid. nostrum, l. IV. c. 37.

51 * Mamertini in Sicilia Messanen] Mamertini e Campania oriundi fuere, ab Agathocle Syracusanorum rege in auxilium evocati. Ii quum a Messanensibus pro amicis excepti fuissent, civibus trucidatis aut ejectis, urbem occupaverunt, atque ejus postea possessionem semper tenuerunt: nec urbis nomine mutato, quæ Messana vocari non desit, suum et ipsi nomen servaverunt, semperque dicti fuere Mamertini. † Vid. Polyb. initio lib. I.

52 Viam consilii . . . exsequi] Viam exsequi est rationem expendere. Hæc est mens Scipionis. Expendendo consilium vestrum, velim illud reperire ejusmodi, ut, etsi sceleratum et nefarium, non tamen sit ad ultimum dementis.

53 Quatuor imperatores] Asdrubales duos, Amilcaris et Gisgonis filios, Magonem Amilcaris, et Hannonem, qui Asdrubali in Italiam profecto suffectus erat. SIGONIUS.

54 Nihil ultra facile creditam] Esto: nulla alia in re a vobis violatus sim, quam quod facile mortem meam credidistis; nec deliberatum habueritis arma adversus me imperatorem vestrum ferre. Hæc velut quædam correctio est, quia supra Scipio dixerat, Mene vivo.

55 Tot tam præclaris imperatoribus] Hæc est scriptorum omnium lectio, quam Rhenanus sine causa mutaverat, jusserratque legi tam clariis.

56 Meo unius funere elata] Mecum sepulta. Efferrî est verbum proprium

U. C. 546. A. C. 206. *publica? Vos ipsi hic in Hispania, patre et patruo meo, duobus imperatoribus, interfectis, ⁵⁷ Septimum Marcium ducem vobis adversus exsultantes recenti victoria Pœnos delegistis. et sic loquor, tamquam sine duce Hispaniæ futuræ fuerint. M. Silanus, eodem jure, eodem imperio mecum in provinciam missus, L. Scipio frater meus, et ² C. Lælius, legati, vindices majestatis imperii deessent? Utrum exercitus exercitui, an duces ducibus, an dignitas, an causa comparari poterat? quibus si omnibus superiores essetis, ⁵⁸ arma cum Pœnis contra patriam, contra cives vestros ferretis? Africam Italiæ, Karthaginem urbi Romanæ^a imperare velletis? Quam ob noxam patriæ?*

XXIX. Coriolanum quondam damnatio injusta, miserum et indignum exsilium, ut iret ad obpugnandam patriam, impulit: revocavit tamen a publico parricidio privata pietas. Vos qui dolor, quæ ira incitavit? Stipendiumne diebus paucis imperatore ægro serius numeratum satis digna causa fuit, cur patriæ indiceretis bellum? cur ad Ilergetes descisceretis a populo Romano? cur nihil divinarum humanarumve rerum inviolatum vobis esset? Insanistis profecto, milites: nec major in corpus meum vis morbi, quam in vestras mentes, invasit. Horret animus referre, quid crediderint homines, quid speraverint, quid optaverint. Auferat omnia irrita oblivio, si potest: si non, utcumque silentium tegat. Non negaverim, tristem atrocemque vobis ⁵⁹ visam orationem meam^b; quanto creditis facta vestra atrociora esse, quam dicta mea? et me ea, quæ fecistis, pati æquum censetis: vos ne dici quidem omnia æquo animo ferretis? Sed ne ea quidem ipsa ultra exprobrabuntur. utinam tam facile vos obliviscamini eorum, quam ego obliviscar. Itaque, quod ad vos universos adtinet, si erroris pœnitet, satis superque pœnarum habeo. Albius Calenus, et Atrius Umber, et ceteri nefariæ seditionis auctores, sanguine luent, quod admiserunt. Vobis supplicii eorum spectaculum non modo non acerbum, sed lætum etiam, si sana mens rediit, debet esse. de nullis enim, quam de vobis, infestius aut inimicius consuluerunt. Vix finem dicendi fecerat, quum ex præparato simul omnium rerum terror oculis auribusque est obfusis. Exercitus, qui corona concionem circumdederat, gladiis ad scuta concrepuit. præconis audita vox

² et del. Gron. Crev.

^a Romæ Eæd.

^b meam del. Eæd.

de funeribus. Effertur: imus, apud Ter. in Andria.

⁵⁷ *Septimum Marcium*] Nomen integrum hujus Marcii occurrit infra, l. XXXII. c. 2. ubi vocatur L. Marcus Septimus. Itaque *Septimus* est ejus cognomen.

⁵⁸ *Arma cum Pœnis contra patriam*] Ante Sigonium legebatur *arma contra patriam*. Ille e vetere libro attulit *arma tamen Pœnis contra*

patriam. Inde effecta est vulgata hodie lectio, mutata ab nescio quo voce *tamen* in *cum*. Sensus commodus est: si satis firma auctoritate illa mutatio niteretur. Quidquid scriptorum vel Gronovius profert, vel nos inspeximus, deformatum hoc loco est.

⁵⁹ *Visam orationem*] Scripti addunt *meam*. Delevit Rhenanus, quia mox sequitur *dicta mea*.

citantis nomina damnatorum in consilio. Nudi in medium U. C. 546. protrahebantur. et simul omnis adparatus supplicii expro- A. C. 206. mebatur. deligati ad palum, virgisque cæsi, et securi per- Duces sedi- cussi, adeo torpentibus metu, qui aderant, ut non modo fe- tionis po- nas dant. rocior vox adversus atrocitatem poenæ, sed ne gemitus qui- dem, exaudiretur. ⁶⁰ Tracti inde de medio omnes, purgato- que loco citati milites nominatim apud tribunos militum in verba P. Scipionis jurarunt, stipendiumque ⁶¹ ad nomen sin- gulis persolutum est^c. Hunc finem exitumque seditio mili- tum coepta apud Sucronem habuit.

XXX. Per idem tempus ad Bætim fluvium Hanno, Hanno præ- præfectus Magonis, missus a Gadibus, cum parva manu fectus Ma- Afrorum, mercede Hispanos sollicitando ad quatuor millia gonis a Marcio fu- juvenum armavit. castris deinde exutus ab L. Marcio, ma- sus. xima parte militum inter tumultum captorum castrorum, quibusdam etiam in fuga amissis, palatos persequente equi- te, cum paucis ipse effugit. Dum hæc ad Bætim fluvium geruntur, Lælius interim, freto in oceanum evectus, ad Car- teiam classe accessit. Urbs ea in ora oceani sita est, ubi pri- mum e faucibus angustis panditur mare. Gades, sine certa- mine, ⁶² proditione recipiendi, ultro qui eam rem polliceren- tur, in castra Romana venientibus, spes, sicut ante dictum est, fuerat. ⁶³ patefacta immatura proditio est, comprehensos- que omnes Mago Adherbali prætori Karthaginem devchen- dos tradit. Adherbal, conjuratis in quinqueremem inpositis, præmissaque ea, quia tardior, quam triremis, erat, ipse cum octo triremibus modico intervallo sequitur. Jam fretum in- trabat quinqueremis, quum Lælius, et ipse in quinqueremi Adherbalis et Lælii pugna in ipso freto. e portu Carteiæ, sequentibus septem triremibus, evectus, in Adherbalem ac triremes invehitur, quinqueremem satis cre- dens deprensam rapido in freto, ⁶⁴ in adversum æstum reci- procari non posse. Poenus in re subita parumper incertus trepidavit, utrum quinqueremem sequeretur, an in hostes rostra converteret. Ipsa cunctatio facultatem detrectandæ pugnae ademit. jam enim sub ictu teli erant, et undique in- stabant hostes. æstus quoque arbitrium moderandi naves ad-

^c est del. Gron. Crev.

⁶⁰ * *Tracti inde de medio omnes*] Tracta deinde de medio eorum om- nium qui securi percussi fuerant cor- pora.

⁶¹ * *Ad nomen*] Ut quisque ad no- men suum responderat.

⁶² *Prodizione recipiendi*] Conjec- tura Rhenani, cujus codex habuit *per ditionem*; ceteri, ut et olim edebatur, *per deditionem*. Sane proditionis men- tio hic omnino opportuna est. Nam et in iis quæ mox sequuntur, *patefacta*

immatura proditio est: et supra, c. 28. *Per eos ipsos dies perfugæ a Gadibus venerunt, pollicentes urbem prodi- turos esse.*

⁶³ *Patefacta*] Ante hoc verbum delevimus particulam *sed*, volentibus scriptis.

⁶⁴ *In adversum æstum reciprocari*] Circumagi, et retro adversus contra- rii æstus vim auxilio ire triremibus sociis.

U. C. 546. **emittat**. neque erat navali pugna similis: quippe ubi nihil
 A. C. 206. voluntarium, nihil artis aut consilii esset. Una natura freti,
 astusque totius certaminis potens, suis, alienis navibus ne-
 quidquam remigio in contrarium tendentes invehebat, "ut
 fugientem navem^d videres retro vortice intortam victoribus^e
 inlatam; et sequentem, si in contrarium tractum incidisset
 maria, fugientis modo sese avertentem. Jam in ipsa pugna
 hæc, quum infesto rostro peteret hostiam navem, obliqua
 ipsa iectum alterius rostri accipiebat: illa, quum transversa
 objiceretur hosti, repente intorta in proram circumageba-
 tur. Quum inter triremes, fortuna regente, anceps præ-
 lium misceretur, quinqueremis Romana, seu pondere tena-
 cior, seu pluribus remorum ordinibus seindentibus vortices,
 quum facilius regeretur, duas triremes subpressit, "unius
 X prælata impetu lateris alterius remos deterisit. ceterasque,
 quas indepta esset, mulcasset, ni cum reliquis quinque navi-
 bus Adherbal velis in Africam transmisisset.

Lælius et
 Marcus re-
 deunt ad
 Scipionem.

Mandonius
 et Indibilis
 copias con-
 trahunt.

XXXI. Lælius, victor Carteiam revector, auditis, quæ
 acta Gadibus erant, patefactam prodicionem, conjuratosque
 missos Karthaginem, spem ad irritum redactam, qua venis-
 sent, nunciis ad L. Marcium missis, "nisi si^f terere frustra
 tempus sedendo ad Gades vellent, redeundum ad imperato-
 rem esse, adsentiente Marcio, paucos post dies ambo Kar-
 thaginem rediere. Ad quorum discessum non respiravit
 modo Mago, quum terra marique ancipiti metu urgueretur;
 sed etiam, audita rebellionem Iltergetum, spem recuperandæ
 Hispaniæ nactus, nuncios Karthaginem ad senatum mittit^g;
 qui, simul seditionem civilem in castris Romanis, simul de-
 fectionem sociorum in majus verbis extollentes, hortaren-
 tur, ut auxilia mitterent, quibus traditum a patribus impe-
 rium Hispaniæ repeti posset. Mandonius et Indibilis, in
 fines regressi, paulisper, dum, quidnam de seditione statu-
 eretur, scirent, suspensi quieverunt; si civium errori ignos-
 ceretur, non diffidentes sibi quoque ignosci posse. postquam
 vulgata est atrocitas supplicii, suam quoque noxam pari
 poena æstimatam rati, vocatis rursus ad arma popularibus,
 contractisque, quæ ante habuerant, auxiliis, in Sedetanum

^d navem del. Gron.

^e victricibus Gron. Crev.

^f si del. Gron.

^g mittit ad senatum Gron. Crev.

65. *Ut fugientem navem videres . . . victricibus illatam*] Put. Cantabrig. et omnes nostri codices agnoscunt *et na- vem*, quod omittunt vulgati. Sed et iidem scripti habent *et fugientem*, non *et*; et *victoribus*, nempe hostibus, non *victricibus*.

66. *Unius prælata impetu*] Romana quinqueremis unius hostilium triremium, dum proxime illam impetu

prætervehitur, confregit, quotquot ab illo latere habebat, remos. GRONOVIVS.

67. *Nisi si terere*] In editis vulgo deest particula *si*. Idem optimi codices, Put. et Cantabrig. sed et regius, et Thuanæus, eam exhibent. Sic et l. XXVI. c. 3. *Nisi si more sua remedio publicis cladibus futura esset*.

agrum, ubi principio defectionis stativa habuerant, cum viginti millibus peditum, duobus millibus equitum et^h quintae gentis transcenderunt. U.C. 546.
A.C. 206.

XXXII. Scipio, "quum fide solvendi pariter omnibus noxiis innoxiiisque stipendii, tum vultu ac sermone in omnes placato, facile reconciliatis militum animis, priusquam castra ab Karthagine moveret, concione advocata, multis verbis in perfidiam rebellantium regulorum invectus, nequaquam eodem animo se ire professus est ad vindicandum id scelus, quo civilem errorem nuper sanaverit. Tum se, haud secus quam viscera secantem sua, cum gemitu et lacrimis triginta hominum capitibus expiasse octo millium seu imprudentiam, seu noxam: nunc læto et erecto animo ad cædem Ilergetum ire. Non enim eos, neque natos in eadem terra, nec ulla secum societate junctos esse. eam, quæ sola fuerit, fidei atque amicitiae ipsos per scelus rupisse. In exercitu suo se, præterquam quod omnes cives, aut socios Latinique nominis videat, etiam eo moveri, quod nemo fere sit miles, qui non aut a patre suo Cn. Scipione, qui primus Romani nominis in eam provinciam venerit, aut a patre consule, aut a se sit ex Italia advectus. Scipionum nomini auspiciisque omnes adsuetos, quos secum in patriam ad meritum triumphum deducere velit: quos consulatum petenti, velut si omnium communis agatur honos, adfuturos speret. Quod ad expeditionem adtineat, quæ instet, immemorem esse rerum suarum gestarum, "qui id bellum ducat. Magonis, Hercule, sibi, qui extra orbem terrarum in circumfusa oceano insulam cum paucis perfugerit navibus, majorem curam esse, quam Ilergetum. quippe illic et ducem Karthaginensem, et quantumcumque Punicum præsidium esse: hic latrones, latronumque duces. quibus ut ad populandos finitimorum agros, tectaue urenda, et rapienda pecora aliqua vis sit, ita in acie ac signis conlatis nullam esse. magis velocitate ad fugam, quam armis fretos, pugnaturos esse. Itaque non, quod ullum inde periculum, aut semen majoris belli videat, ideo se, priusquam provincia decedat, obprimendos Ilergetes duxisse: sed primum, ne impunita tam scelerata defectio esset: deinde, ne quis in provincia, simul virtute tanta et felicitate perdomita, relictus hostis dici posset. Proinde Deis bene juvantibus sequerentur, non tam ad bellum gerendum, (neque enim cum pari hoste certamen esse) quam ad expetendas ab hominibus scelestis poenas.

XXXIII. Ab hac oratione dimissos ad iter se comparare in

^h et del. Gron.

68 Quum fide solvendi . . . stipendii, tum vultu] Feliciter emendavit hunc locum Rhenanus, dum pro stipendium legi jussit stipendii, tum.

69 * Qui id bellum ducat] Qui id bellum esse existimet. Neque enim, ut infra dicetur, pari illud est cum hoste certamen.

U. C. 646.
A. C. 206.
Hispani
præda ad-
lecti cer-
duntur.

Postero die
in aciem de-
scendunt.

diem posteram jubet, profectusque ⁷⁰ decimis castris pervenit ad Iberum flumen. Inde, superato amni, die quarto in conspectu hostium posuit castra. Campus ⁷¹ ante montibus circa septus erat. in eam vallem Scipio quum pecora, rapta pleraque ex hostium agris, propelli ad irritandam feritatem barbarorum jussisset, velites subsidio misit. a quibus ubi per procurationem commissa pugna esset, Lælium cum equitatu inpetum ex occulto facere jubet. Mons opportune prominens equitum insidias texit: nec ulla mora pugnae facta est. Hispani in conspecta procul pecora, velites in Hispanos præda occupatos incurrere. Primo missilibus territavere: deinde, emissis levibus telis, quæ irritare magis, quam decernere, pugnam poterant, gladios nudant, et ⁷² conlato pede recepta geri est: ancepsque pedestre certamen erat, nisi equites supervenissent. neque ex adverso tantum inlati obvios obtrivere, sed circumvecti etiam quidam per infima clivi ab tergo se, ut plerosque intercluderent, objecerunt ⁷³. majorque cædes fuit, quam quantam edere levia per excursiones prælia solent. Ira magis accensa adverso prælio barbaris est, quam inminuti animi. itaque, ne perculsi viderentur, prima luce postero die in aciem processere. Non capiebat omnes copias angusta, sicut ante dictum est, vallis: ⁷⁴ duæ ferme peditum partes, omnis equitatus in aciem descendit. quod reliquum peditum erat, obliquo constituerunt colle. Scipio, pro se esse loci angustias ratus, et quod in arto pugna Romano aptior, quam Hispano militi, futura videbatur, et quod in eum locum detracta hostium acies esset, qui non omnem multitudinem eorum caperet, novo etiam consilio adjecit animum: equitem nec se posse circumdare cornibus in tam angusto spatio; et hosti, quem cum pedite eduxisset, inutilem fore. Itaque imperat Lælio, ut per colles quam occultissimo itinere circumducatur equites, ⁷⁵ segregetque, quantum possit, equestrem a pedestri pugnam¹. Ipse omnia signa peditum in hos-

⁷⁰ objecere Gron. Crev.

⁷¹ pugna Crev.

⁷⁰ Decimis castris pervenit ad Iberum flumen: inde superato amni, die quarto] Hinc colligitur Illergetes ad famam adventantis Scipionis ex Seditanorum agro in sua rediisse. Proficiscenti enim Carthagine Scipioni Seditani cis Iberum erant, Illergetes ultra amnem.

⁷¹ Ante] A fronte castrorum.

lato [pede res raptæ geri est:] pedestre certamen erat] æ parenthesi inclusimus, in primo codice nobis obvia fuerat tamen omittit ultimam partem. Gronovius ea tanquam dicat: et pro conlato pedestre erat, quomodo legitur in ro-

liquis scriptis omnibus, subjicit conlato pede acie certamen erat. Nos quum in verbis quæ Gronovio suspecta fecit librorum suorum silentium, nihil quidquam indignum Livio deprehendamus, imo et eorum ope fieri magis facilem et expeditam orationem, librorum negligentiam potius accusandam putamus, quos sefellerit vocum pede pedestre vicinitas, ita ut media transierint.

⁷³ Duæ . . . partes] Vid. not. 64. ad XXI. 40.

⁷⁴ Segregetque . . . equestrem a pedestri pugna] Magis placeret pugnam, quomodo habet Pat. codex.

tes vertit: quatuor cohortes in fronte statuit, quia latius ^{U. C. 546.} pandere aciem non poterat. Moram pugnandi nullam fecit, ^{A. C. 206.} ut ipso certamine averteret ab conspectu transeuntium per ^{Proelium} colles equitum. neque ante circumductos sensere, quam tu- ^{atrox.} multum equestris pugnae ab tergo acceperet. ⁷⁵ Ita duo^k prae-
lia erant: duae peditum acies, duo equitatus per longitudi-
nem campi (quia misceri ex genere utroque proelium angus-
tiae non patiebantur) pugnabant. Hispanorum quum neque
pedes equiti, nec eques pediti auxilio esset, pedes fiducia
equitis temere commissus campo caederetur, eques circum-
ventus ⁷⁶ nec peditem a fronte, (jam enim stratæ pedestres co-
piæ erant) nec ab tergo equitem sustineret, et ipsi, quum
diu in orbem sese stantibus equis defendissent, ad unum
omnes cæsi sunt: nec quisquam peditum equitumque super-^{Vincuntur}
fuit, qui in valle pugnauerunt. Tertia pars, quæ in colle ad ^{Hispani.} spectaculum magis tutum, quam ad partem pugnae capessen-
dam, steterat, et locum et tempus ad fugiendum habuit.
inter eos et reguli ipsi fugerunt; priusquam tota circumve-
niretur acies, inter tumultum elapsi.

XXXIV. Castra eodem die Hispanorum, præter reliquam
prædam, cum tribus ferme millibus hominum capiuntur.
Romani sociique ⁷⁷ ad mille ducenti^l eo proelio ceciderunt:
vulnerata amplius tria millia hominum. minus cruenta vic-
toria fuisset, si patientiore campo, et ad fugam capessendam
facili foret pugnatum. Indibilis, abjectis belli consiliis, nihil
tutius in adflictis rebus experta fide et clementia Scipionis ^{Mandonius}
ratus, Mandonium fratrem ad eum mittit: qui, advolutus ge- ^{ad Scipio-}
nibus, *futalem rabiem temporis ejus* accusat, *quum velut con-* ^{nem sup-}
tagione quadam pestifera, non Ilergetes modo et Lacetani, sed ^{plex venit.}
castra quoque Romana insanierint. Suam quidem et fratris
et reliquorum popularium eam conditionem esse, ut aut, si ita
videatur, reddant spiritum P. Scipioni, ab eodem illo acce-
ptum: aut servati ⁷⁸ *bis uni debitam vitam pro eo in perpetuum*
devoveant. Antea in caussa sua fiduciam sibi fuisse, nondum ex-

^k duo diversa Gron. Crev.

^l ducentos Gron.

⁷⁵ *Ita duo diversa praelia erant*] Nostri codices, ut et optimi e Grono-
vianis, omittunt vocem *diversa*: quam
tamen retentam maluerimus. Sed haud
multum interest.

⁷⁶ * *Nec peditem a fronte*] Intellige
peditem Romanum, qui stratis, ut mox
subjicitur, pedestribus Hispanorum co-
piis, in equitatum Hispanum verterat
impetum, et cum adversa fronte im-
pugnabat.

⁷⁷ *Ad mille ducenti*] In hanc scrip-
turam consentiunt tres optimi codices,
Put. Cantabrig. Regius. Et genus hoc
loquendi haud insolens est Livio.

L. III. c. 15. *Exules servique ad qua-*
tuor millia hominum et quingenti. L.
XXVII. c. 12. *Cecidere in pugna fu-*
gaque ad duo millia et septingenti.
Et eodem lib. c. 42. ubi vulgati præ-
ferunt *supra septingentos capti*, Put.
liber integre, *supra septingenti capti*.
His auctoritatibus et exemplis nixi mu-
tavimus quod hoc loco hactenus edeba-
tur *ad mille ducentos*.

⁷⁸ * *Bis*] Semel, quum illos a Pœ-
nis deficientes Scipio in amicitiam
receperat; (qua de re vid. supra
XXVII. 17.) iterum, præsentī in oc-
casione.

U. C. 546. *perta clementia ejus: nunc contra nullam in causa, omnem in*
 A. C. 206. *miser cordia victoris* ⁷⁹ *spem positam habere.* Mos vetustus
 erat Romanis, ⁸⁰ cum quo nec foedere, nec aequis legibus
 jungeretur amicitia, non prius imperio in eum tamquam
 pacatum uti, quam ⁸¹ omnia divina humanaque dedidisset,
 obsides accepti, arma adempta, praesidia urbibus inposita
 forent. Scipio, multis inveetus in praesentem Mandonium
 absentemque Indibilem verbis, illos quidem merito perisse ip-
 sorum maleficio, ait: victuros suo atque populi Romani bene-
 ficio. Ceterum, se neque arma iis adempturum, (quippe ea pig-
 nora timentium rebellionem esse, se libera arma relinquere, so-
 lutosque metu animos) neque se in obsides innosios; sed in ip-
 sos, si defecerint, saevitulum: nec ab inermi, sed ab armato
 hoste, poenas expetiturum. Utramque fortunam expertis per-
 mittere sese, utrum propitios, an iratos, habere Romanos mal-
 lent. Ita dimissus Mandonius; pecunia tantummodo impe-
 rata, ⁸² ex qua stipendium militi praestari posset. ipse, Mar-
 cio in ulteriorem Hispaniam praemisso, Silano Tarraconem
 remisso, paucos moratus dies, dum imperatam pecuniam
 Ilergetes pernumerarent, cum expeditis Marcium jam adpro-
 pinquantem oceano adsequitur.

Ignoscit ei
et fratri
Scipio.

Masinissae
et Scipionis
conloqui-
um.

XXXV. Inchoata res jam ante de Masinissa aliis atque
 aliis de causis dilata erat, quod Numida cum ipso utique
 congredi Scipione volebat, atque ejus dextra fidem sancire.
 ea tum itineris tam longi ⁸³ ac tam devii causa Scipioni
 fuit. Masinissa quum Gadibus esset, certior adventare eum
 a Marcio factus, causando corrumpi equos inclusos in in-
 sula, penuriamque omnium rerum et facere ceteris, et ip-
 sos sentire, ad hoc equitem marcescere desidia, Magonem
 perpulit, ut se trajicere in continentem ad depopulandos
 proximos Hispaniae^m agros pateretur. Transgressus tres
 principes Numidarum praemittit, ad tempus locumque con-
 loquio statuendum; duos pro obsidibus retineri a Scipione
 jubet. remisso tertio, qui, quo jussus erat, adduceret Masi-

^m Hispanos Gron. Crœv.

79 *Spem positam habere*] Rhenanus
 ex suo codice dederat *repositam*. At
 quum quatuor scripti nostri, et tres a
 Jac. Gronovio allegati praefereant *posi-*
tam; majori, etiam in re levi admo-
dum, auctoritati minorem cadere jus-
simus.

80 *Cum quo . . jungeretur amicitia*.
 Sic voluerat Rhenanus: et firmat Put.
 codex: idque magis arridet nobis,
 quam id quod vulgatur, *jungerentur*
amicitia. * Qui non foedere aequo in
 pacem et amicitiam veniret, sed impari
 foedere et obnoxia pace in societatem
 acciperetur.

81 *Omnia divina humanaque dedi-*
disset] Illius deditiois formulam vide
 l. l. c. 38. Ceterum de vetuste hoc
 Romanorum more Livius ideo mentio-
 nem facit, ut intelligatur Scipio ele-
 mentius quam ex more majorum in
 victos hostes conquisisse.

82 *Ex qua stipendium militi*] Hic
 magna scriptorum manus exhibet *prae-*
sidium pro stipendium. Quis dubitet
 veram esse vulgatam lectionem?

83 *Ac tam devii*] Put. regius, et,
 Jac. Gronovio teste, multi alii scripti
 habent *tantum devii*: quod rejici non
 debuit.

nissam, cum paucis in colloquium venerunt. Ceperat jam U. C. 546. ante Numidam ex fama rerum gestarum admiratio viri: sub A. C. 206. stitueratque animo speciem quoque corporis amplam ac magnificam. ceterum major presentis veneratio cepit; et, præterquam quod suapte natura multa majestas inerat, adornabat promissa cæsaries, habitusque corporis non cultus munitiis, sed virilis vere ac militaris, et ætas in medio virium robore; quod plenius nitidiusque ex morbo velut renovatus flos juventæ faciebat. Prope adtonitus ipso congressu Numida, gratias ^a de fratris filio remisso agit. Ex eo tempore, adfirmat, eam se quæsisse occasionem, quam tandem oblatam Deum immortalium beneficio non omiserit. Cupere se illi populoque Romano operam navare, ita ut nemo unius externus magis enise adjuverit rem Romanam. Id se, etiamsi jam pridem vellet, minus præstare in Hispania, aliena atque ignota terraⁿ, potuisse: in qua autem genitus educatusque in spem patris regni esset, facile præstaturum. Siquidem eundem Scipionem ducem in Africam mittant Romani, satis sperare per brevis ævi Karthaginem esse. Lætus eum Scipio vidit auditque; quum caput rerum in omni hostium equitatu Masinissam fuisse sciret, et ipse juvenis specimen animi præ se ferret. Fide data acceptaque, profectus retro Tarraconem est. Masinissa permissu Romanorum, ne sine caussa trajecisse in continentem videretur, populatus proximos agros Gades rediit.

XXXVI. Magoni, desperatis in Hispania rebus, in qua- Mago jubetur in Italiam ire. rum spem seditio primum militaris, deinde defectio Indibilis animos ejus sustulerant, paranti trajicere, in Africam, nunciatum ab Karthagine est, ^a jubere senatum, ut classem, quam Gadibus haberet, in Italiam trajiceret: conducta ibi Gallorum ac Ligurum quanta maxima posset juventute, conjungeret se Hannibali: neu senescere bellum, maximo impetu, majore fortuna cœptum, sineret. Ad eam rem et a Karthagine pecunia Magoni advecta est: et ipse, quantam potuit, a Gaditanis exegit, non ærario modo eorum, sed etiam templis spoliatis, et privatim omnibus coactis aurum argentumque in publicum conferre. Quum præterveheretur Hispaniæ oram, haud procul Karthagine Nova expositis in terram militibus, proximos depopulatus agros, inde ad urbem classem adpulit. ibi quum interdiu milites in na- Karthaginem Novam frustra tentat.

^a terra aliena atque ignota Gron. Grev.

84 De fratris filio remisso] Supra l. XXVII. c. 19. Masinissæ avunculus Masinissæ dicitur, et maternus avus Gala, qui Masinissæ pater erat, ut constat ex l. XXIV. c. 49. et l. XXIX. c. 29. Unde sequeretur Masinissam sororis filium fuisse Masinissæ. Itaque aut aliquis hic est librariorum error,

aut alterutro in loco, Livii.

85 * Jubere senatum, ut] Notanda locutio: quæ, quoniam quadam ejus exempla occurrunt, non omnino damanda est; quoniam illa rara sunt, sobrie imitanda. Apud bonos Latinitatis auctores verbo *jubeo* semper fere subjungitur verbum infiniti modi.

U. C. 546. A. C. 206. **vibus tenuisset, nocte in litus expositos ad partem eam muri; qua capta Karthago ab Romanis fuerat, ducit: nec praesidio satis valido urbem teneri ratus, et aliquos oppidanorum ad spem novandi res aliquid moturos. Ceterum nuntii ex agris trepidi simul populationem agrestiumque fugam et hostium adventum adtulerant: et visa interdiu classis erat, nec sine causa electam ante urbem stationem adparebat. itaque instructi armatique intra portam, ad stagnum ac mare versam, continebantur. Ubi effusi hostes, mixta inter milites navalis turba, ad muros tumultu majore, quam vi, subierunt, patefacta repente porta, Romani cum clamore erumpunt: turbatosque hostes, et ad primum incursum conjectumque telorum aversos, usque ad litus cum multa caede persequuntur. nec, nisi naves litori adpulsae trepidos accepissent, superfuisset pugnae aut fugae quisquam. In ipsis quoque trepidatum navibus est, dum, ne hostes cum suis simul inrumperent, trahunt scalas, ⁸⁶orasque et ancoras, ne in moliendo mora esset, praecidunt. multique adnantes navibus, incerto praetenebris, quid aut peterent aut vitarent, foede interierunt. Postero die quum classis inde retro ad oceanum, unde venerat, fugisset, ad octingenti homines caesi inter murum litusque, et ad duo millia armorum inventa.**

Gades repetit, unde excluditur.

Transmittit in Baliares insulas.

XXXVII. Mago, quum Gades repetisset, exclusus inde, ⁸⁷ad Cimbim (haud procul a Gadibus is locus abest) classe adpulsa, mittendis legatis, querendoque, quod portae sibi socio atque amico clausae forent, ⁸⁸purgantibus iis, multitudinis concursu factum, infestae ob direpta quaedam abs conscendentibus naves militibus, ad colloquium ⁸⁹suffetes eorum, qui summus Poenis est magistratus, cum quaestore elicit, laceratosque verberibus cruci adfigi jussit: inde navibus ad Pityusam insulam, centum millia ferme a continenti, (Poeni tum eam incolebant) ⁹⁰trajecit: itaque classis bona cum pace accepta est, nec commeatus modo benigne praebiti, sed in supplementum classis juvenus armaque data. quorum fiducia Poenus in Baliares insulas (quinguaginta inde millia absunt) transmisit. Duae sunt Baliares insulae^o, major altera atque opulentior armis virisque: et portum ha-

^o insulae del. Gron. Crev.

⁸⁶ *Oras*] Retinacula, quibus puppis littori alligabatur. Eadem hac voce jam usus est Livius supra l. XXII. c. 19.

⁸⁷ *Ad Cimbim*] Nomen loci parum notum, vel fortasse depravatum.

⁸⁸ **Purgantibus*] Ad purgandum se dicentibus.

⁸⁹ *Suffetes eorum, qui summus Poenis est magistratus*] Nempe et Gaditani Poeni erant, id est, e Phoe-

nicia oriundi. Gades enim colonia Tyrriorum est. *Suffetes* lingua Punica sunt iudices.

⁹⁰ *Trajecit: itaque classis bona cum pace*] Hic ~~et~~ itaque suspectum esse potest, quod nullus scriptus habet. Quidam etiam omittunt necessarium omnino verbum *trajecit*. Sed omnes nostri tenent id quod Gronovius, nimium obsecutus Put. codici, ejectum voluit, *classis bona cum pace*.

bet, ubi commodè hibernaturum se (et jam extremum autumni erat) credebat. ceterum, haud secus quam si Romani eam insulam incolerent, hostiliter classi obcursum est. Fundis ut nunc plurimum, ita tunc solo eo telo utebantur. nec quisquam alterius gentis unus tantum ea arte, quantum ⁹¹ inter alios omnes Baliares excellunt. itaque tanta vis lapidum creberrimæ grandinis modo in propinquantem jam terræ classem effusa est, ut, intrare portum non ausi, averterent in altum naves. In minorem inde Baliarium insulam trajecerunt, fertilem agro; ⁹² viris, armis⁹³ haud æque validam. Itaque egressi navibus supra portum loco munito castra locant: ac, sine certamine urbe agroque potiti, duobus millibus auxiliarium inde conscriptis, missisque Karthaginem, ad hibernandum naves subduxerunt. Post Magonis ab oceani ora discessum, Gaditani Romanis deduntur.

XXXVIII. ⁹⁴ Hæc in Hispania P. Scipionis ductu auspicioque gesta. Ipse, ⁹⁵ L. Lentulo et L. Manlio Acidino provincia tradita, decem navibus Romam rediit. et, senatu extra urbem dato in æde Bellonæ, quas res in Hispania gessisset, disseruit: quoties signis conlatis dimicasset, quod oppida ex hostibus vi cepisset, quas gentes in ditionem populi Romani rede-gisset. *adversus quatuor se imperatores, quatuor victores exercitus in Hispaniam isse: neminem Karthaginiensem in iis terris reliquisse.* Ob has res gestas magis tentata est triumphi spes, quam petita pertinaciter; quia neminem ad eam diem triumphasse, ⁹⁶ qui sine magistratu res gessisset, constabat. Senatu misso, urbem est ingressus, ⁹⁷ argentique præ se in ærarium tulit quatuordecim millia pondo trecenta quadraginta duo, et signati argenti

P armisque Gron.

91 *Inter alios omnes*] Forte *alias*, ut intelligamus *gentes*. GRONOVIVS.
* *Omnes* refer ad *Baleares*.

92 *Viris, armis*] Sic scripti omnes, sine particula *que*, quam nimium diligens Sigonius attexuerat.

93 *Hæc . . . P. Scipionis ductu auspicioque gesta*] Minus proprie hic loquitur Livius. Qui enim proprætores vel proconsules sine magistratu imperium habebant, nulla habebant auspicia, ut constat ex Cic. l. II. de Divin. n. 76. Vid. Perizonium Animadv. Hist. c. 7. Semel jam abusus est hac locutione Livius, l. VIII. c. 81.

94 *L. Lentulo, et L. Manlio Acidino*] Qui cum proconsulari imperio in Hispaniam missi fuerant, ut apparet ex l. XXIX. c. 13.

95 *Qui sine magistratu res gessisset*]

Scipio proconsul in Hispania rem gesserat. Proconsulatus autem imperium erat, non magistratus. Magistratus enim erat tantummodo dictatorum, consulum, prætorum, etc. imperium, ejus quicunque rei militaris administrandæ jus a populo accepisset. Porro multi jam imperatores, exemplo orto a Q. Publilio Philone, de quo vid. nostrum, l. VIII. c. 26. ob res prorogato post exactum magistratum imperio gestas triumphaverant. At nemo ad hanc diem triumphi honorem impetraverat, qui privatus cum imperio missus esset ad res gerendas.

96 *Argenti . . . quatuordecim millia pondo CCCXLII.*] Libras argenti Romanas 14842. id est, marcas nostrates 22409. cum tribus unciiis.

U. C. 546. magnum numerum. Comititia inde creandis consulibus ha-
 A. C. 206. buit L. Veturius Philo: centuriaeque omnes ingenti favore
 Comititia. P. Scipionem consulem dixerunt. collega additur ei P. Lici-
 nius Crassus pontifex maximus. Ceterum, comitia maiore,
 quam ulla per id bellum, celebrata frequentia, proditum me-
 moriae est. Convenerant undique non suffragandi modo,
 sed etiam spectandi causa P. Scipionis. concurrebantque
 et domum frequentes, et in Capitolium ad immolantem eum,
 quum centum bubus votis in Hispania Jovi sacrificaret:
 spondebantque animis; sicut C. Lutatius superius bellum
 Punicum finisset, ita id, quod instaret, P. Cornelium finitu-
 rum; atque, ut Hispania omni Pœnos expulisset, sic Italia
 pulsurum esse: Africamque ei, perinde ac debellatum in
 Italia foret, provinciam destinabant. Prætoria inde comitia
 habita. creati duo, qui tum ædiles plebis erant, Sp. Lucre-
 tius et Cn. Octavius, et ex privatis Cn. Servilius Cæpio et
 U. C. 547. L. Æmilius Papus. Quartodecimo anno Punici belli P.
 A. C. 206. Cornelius Scipio et P. Licinius Crassus ut consulatum
 P. Cornelio, inierunt, nominate consulibus provinciae sunt, Sicilia Sci-
 P. Licinio pioni extra sortem, concedente collega, quia sacrarum cura⁹
 Coss. pontificem maximum in Italia retinebat; Bruttii Crasso.
 Provincia- Tum prætoriae provinciae in sortem conjectae. urbana Cn.
 rum divisio. Servilio obtigit, Ariminum (ita Galliam adpellabant) Sp.
 Lucretio, Sicilia L. Æmilio, Cn. Octavio Sardinia. Senatus
 in Capitolio habitus. ibi, referente P. Scipione, senatuscon-
 sultum factum est, ut, quos ludos inter seditionem milita-
 rem in Hispania vovisset, ex ea pecunia, quam ipse in æra-
 rium detulisset, faceret.

Legatorum
 Saguntino-
 rum in se-
 natu oratio.

XXXIX. Tum Saguntinorum legatos in senatum intro-
 duxit. Ex eis maximus natu: *Etsi nihil ultra malorum est,*
Patres conscripti, quam quod passi sumus, ut ad ultimum fi-
dem vobis præstaremus; tamen ea vestra merita, imperatorum-
que vestrorum erga nos fuerunt, ut nos cladum nostrarum non
poniteat. Bellum propter nos suscepistis: susceptum quartum-
decimum annum tam pertinaciter geritis, ut sæpe ad ulti-
imum discrimen et ipsi veneritis, et populum Karthaginieu-
sem adduxeritis. Quum in Italia tam atroce bellum et Han-
*nibatem hostem haberetis,*⁹⁷ *consulem cum exercitu in His-*
paniam, velut ad conligendas reliquias naufragii nostri,
misistis. P. et Cn. Cornelia, ex quo in provinciam venerunt,
nullo tempore destiterunt, quæ nobis secunda, quæque adversa

⁹ cura sacrarum Gron. Crev.

⁹⁷ Consulem cum exercitu] P. Sci-
 pionem, cui primo Hispania decreta
 provincia fuerat, l. XXI. c. 17. quique,
 ob inexpectatam Annibalis celerita-
 tem, aversus a cursu Cn. Scipionem

fratrem pro se cum exercitu in Hispa-
 niam misit. Ceterum hic vulgo ede-
 batur *consules*, contra Pat. codicis et
 nostrorum omnium fidem.

hostibus nostris essent, facere. Tum omnium primum ⁹⁸ oppi- U. S. 247.
 dum nobis restituerunt: per omnem Hispaniam cives nostros A. C. 206.
 venundatos, dimissis, qui conquirerent, ex servitute in liber-
 tatem restituerunt. Quum jam prope esset, ut optabilem ex
 miserrima fortunam haberemus; P. et Cn. Cornelii impera-
 tores vestri ⁹⁹ luctuosius nobis quoque, quam vobis, perierunt.
 Tum vero ad hoc retracti ex distantibus locis in sedem anti-
 quam videbamur, ut iterum periremus, et alterum excidium pa-
 triæ videremus: nec ad perniciem nostram Karthaginensi uti-
 que aut duce aut exercitu opus esse: ab Turdulis nos veterrimis
 hostibus, qui prioris quoque excidii causa nobis fuerant, ex-
 stinguere posse. quum ex insperato repente misistis nobis P.
 hunc Scipionem: quem, fortunatissimi omnium Saguntinorum
 videmus, quia consulem declaratum videmus, ac vidisse nos ci-
 vibus nostris renunciaturi sumus, spem omnem salutemque nos-
 tram. qui, quum plurimas hostium vestrorum cepisset in His-
 pania urbes, ubique ex captorum ¹ numero excretos Saguntinos
 in patriam remisit: postremo Turdetaniam, adeo infestam no-
 bis, ut illa gente incolumi stare Saguntum non posset, ita bel-
 lo adflixit, ut non modo nobis, ¹ (absit verbo invidia) ne poste-
 ris quidem timenda nostris esset. Deletam urbem cerninus eo-
 rum, quorum in gratiam Saguntum deleverat Hannibal. vec-
 tical ex agro eorum capimus, quod nobis ² non fructu juncun-
 dius est, quam ultione. Ob hæc, quibus majora neque sperare,
 neque optare ab Diis immortalibus poteramus, gratias actum
 nos decem legatos Saguntinus senatus populusque ad vos mi-
 sit: simul gratulatum, quod ita res hos annos in Hispania
 atque Italia gessistis, ut Hispaniam non Ibero amne tenus, sed
 qua terrarum ultimas finit oceanus, domitam armis habeatis:
 Italiæ, nisi quatenus vallum castrorum cingit, nihil reliqueri-
 tis Pæno. Jovi optimo maximo, præsidi Capitolinæ arcis, non
 grates tantum ob hæc agere jussi sumus, sed donum hoc etiam,
 si vos permitteretis, coronam auream in Capitolium victoriæ
 ergo ferre. Id uti permittatis, quæsumus. utique, si vobis ita
 videtur, quæ nobis imperatores vestri commoda tribuerunt, ea

¹ captivorum Gron. Crev.

⁹⁸ Oppidum nobis restituerunt] Vid. supra l. XXIV. c. 42.

⁹⁹ Luctuosius nobis quoque, quam vobis] Hæc est scriptorum lectio. Nec debuerant ea offendi editores, et loco ⁹⁸ quoque reponere prope. Nihil enim in ea nimium, aut in majus auc- tum videri debet. Propior sane ac præsentior perniciēs Saguntinis im- minebat, interitu Scipionum, quam Romanis. Merito igitur dicunt Sa- guntini non modo et sibi et Ro- manis luctuosam accidisse mortem Scipionum, sed sibi etiam (hæc est

enim vis ⁹⁸ quoque) luctuosiore quam Romanis.

¹ Absit verbo invidia] Licet ita nobis felicitatem nostram gratulari, ut nulla exinde in nos invidia oriatur. Nimia prosperitate, præsertim si quis ea immodice efferretur, putabant pro- vocari non solum hominum, sed etiam deorum invidiam.

² Non fructu jucundius est] Scripti non tam fructu. Gronovius corrigit non jam: sed pro molesta particula supervacaneam aliam suggerit. Vel dele tam, vel lege jucundum.

U. C. 547. *rata atque perpetua auctoritate vestra faciatis.* Senatus lega-
 A. G. 205. tis Saguntinis respondit, *Et dirutum et restitutum Saguntum fidei socialis utrimque servatæ documentum omnibus gentibus fore. Suos imperatores recte, et ordine, et ex voluntate senatus fecisse, quod Saguntum restituerint, civesque Saguntinos servitio exemerint: quæque alia eis benigne fecerint, ea senatum ita voluisse fieri. donum permittere, ut in Capitolio ponerent.*
 3 Locus inde lautiaque legatis præberi iussa, et muneris ergo in singulos dari ne minus 4 dena millia æris. Legationes deinde ceteræ in senatum introductæ, auditæque. Et petentibus Saguntinis, ut, quatenus tuto possent, Italiam spectatum irent, duces dati, literæque per oppida missæ, ut Hispanos comiter acciperent. 5 Tum de republica, de exercitiis scribendis, de provinciis relatum.

Scipio Africam provinciam destinat sibi.

Adversatur ei Fabius.

XL. Quum Africam novam provinciam extra sortem P. Scipioni destinari homines fama ferrent, et ipse, nulla jam modica gloria contentus, non ad gerendum modo bellum, sed ad finiendum, diceret se consulem declaratum esse. neque aliter id fieri posse, quam si ipse in Africam exercitum transportaret, et, acturum se id per populum, aperte ferret, si senatus adversaretur, id consilium haudquaquam primoribus Patrum cum placeret, ceterique 6 per metum aut ambitionem mussarent; Q. Fabius Maximus rogatus sententiam, Scio, inquit, multis vestrum videri, Patres conscripti, 7 rem actam hodierno die agi, et frustra habiturum orationem, qui, tamquam de integra re, de Africa provincia sententiam dixerit. Ego autem primum illud ignoro, quemadmodum jam certa provincia Africa consulis viri fortis ac strenui sit, quam nec senatus censuit in hunc annum provinciam esse, nec populus jussit. deinde, si est, consulem peccare arbitror, qui, de re transacta simulando se referre, senatum ludibrio habet, non senatorem modo, qui, de quo consulitur, suo loco dicit sententiam. Atque ego certum habeo, dissentienti mihi ab ista festinatione in Afri-

3 Locus inde lautiaque] Locus, in quo habitarent. Lautia sunt ea quæ dabantur legatis hospitii gratia, maxime ad victum pertinentia.

4 Dena millia æris] Id est, argenti marcas nostrates 15. cum uncis quinque.

5 Tum de republica . . de provinciis relatum] At cap. præc. jam legimus nominatas consulibus provincias; Siciliam Scipioni extra sortem, Bruttios Crasso. Fabius tamen in ea oratione quæ sequitur, vult retineri in Italia Scipionem et adversus Annibalem bellum gerere, nulla prorsus mentione facta Siciliæ. Scipio ipse, dum respondet Fabio, pugnat ne sibi in Italia

remanere necesse sit. Postremo c. 45. rursus dicuntur provinciæ decretæ consulibus, alteri Sicilia, alteri Bruttii. Hæc qui diligenter attenderit, facili in eam mentem adducetur ut credat, non novam hic rem tractari, sed hoc loco et in iis quæ sequuntur fusius narrari a Livio ea quæ primo brevius indicaverat c. 38. de provinciis.

6 * Per metum aut ambitionem mussarent] Cunctarentur loqui et postulatis Scipionis adversari, sive per metum, sive etiam per studium captandæ consulis, quem clarum et potentem videbant, gratiæ.

7 * Rem actam . . agi] Deliberari de eo quod jam certum statutumque sit.

nam trajectendi, duarum rerum subeundam opinionem esse; U. E. 347:
 unius, insitæ ingenio meo cunctationis; quam metum pigritiam A. E. 306:
 quæ homines adolescentes sane adpellent, dum ne pœniteat, ad-
 hæc aliorum speciosiora primo adspectu consilia semper visa,
 meâ usu meliora. alterius, obtrectionis atque invidiæ adver-
 sus crescentem in dies gloriam fortissimi consulis. A qua sus-
 picione si me neque vita acta et mores mei, neque dictatura cum
 quinque consulatibus, tantumque gloriæ belli domique partæ
 vindicat, ⁸ ut propius fastidium ejus sim, quam desiderium; æ-
 tas saltem liberet. quæ enim mihi æmulatio cum eo esse potest,
 qui ne filio quidem meo æqualis sit? Me dictatorem, quum vi-
 gerem adhuc viribus, et in cursu maximarum rerum essem, re-
 cusantem nemo aut in senatu, aut ad populum audivit, quo mi-
 nus insectanti me magistro equitum, quod fando numquam ante
 auditum erat, imperium mecum æquaretur. Rebus, quam ver-
 bis, adsequi malui, ut, qui aliorum judicio mihi comparatus
 erat, sua mox confessione me sibi præferret: nedum ego, per-
 functus honoribus, certamina mihi atque æmulationes cum ado-
 lescente florentissimo proponam. videlicet ut mihi jam vivendo,
 non solum rebus gerendis fesso, si huic negata fuerit, Africa
 provincia decernatur. cum ea gloria, quæ parva est, vivendum
 atque moriendum est. Vincere ego prohibui Hannibalem, ut
 a vobis, quorum vigent nunc vires, etiam vinci posset.

XLI. Illud te mihi ignoscere, P. Corneli, æquum erit, si,
 quum in me ipso numquam pluris famam hominum, quam rem-
 publicam, fecerim, ⁹ ne tuam quidem gloriam bono publico præ-
 ponam. quamquam, si aut bellum nullum in Italia, aut is hos-
 tis esset, ex quo victo nihil gloriæ quæreretur, qui te in Italia
 retineret, etsi id bono publico faceret, simul cum bello mate-
 riam gloriæ tuæ isse ereptum videri posset. Quum vero Han-
 nibal hostis incolumi exercitu quartumdecimum annum Italiam
 obsideat, pœnitebit te, P. Corneli, gloriæ tuæ, si hostem eum,
 qui tot funerum, tot cladium nobis caussa fuit, tu consul Ita-
 liæ expuleris, et, sicut penes C. Lutatium prioris Punici perpe-
 trati belli titulus fuit, ita penes te hujus fuerit? Nisi aut Ha-
 milcar Hannibali dux est præferendus, aut illud bellum huic,
 aut victoria illa major clariorque, quam hæc, (modo contingat,
 ut te conside vincamus) futura est. Ab Drepanis atque Eryce
 detraxisse Hamilcarem, quam Italia expulisse Pænos atque

⁸ Ut propius fastidium ejus sim, quam desiderium] Ut propius accedam ad fastidium ejus, quam ad desiderium: ut propior sim fastidienti eam, quam desideranti. Propius fastidium hic dicitur, quomodo supra, c. 16. proximus hostem.

⁹ Ne tuam quidem gloriam bono publico præponam] Tres ultimas vo-

ces scripti omnes Gronoviani et nostri respuunt. Si earum certa origo reperiretur, eas libenter conservaremus, ne oratio fiat nimis abrupta. Fatendum est tamen sine iis sensum constare posse, revocando ex iis quæ præcedunt, pluris quam rempublicam faciam.

U. C. 547. *Hannibalem, malis? Ne tu quidem, etsi magis partiam, quam
A. C. 205. speratam, gloriam amplecteris, Hispania potius, quam Italia,
bello liberata gloriatus fueris. Nondum is est Hannibal, quem
non magis timuisse videatur, quam contempsisse, qui aliud bel-
lum maluerit.* ¹⁰ *Quin igitur ad hoc adcingeris, nec per istos
circuitus, ut, quum in Africam trajeceris, secuturum te illuc
Hannibalem speres potius, quam recto hinc itinere, ubi Hanni-
bal est, eo bellum intendis? Egregiam istam palmam belli
Punici patrati petis? Hoc et natura prius est, tua quum de-
fenderis, aliena ire obpugnatum. Pax ante in Italia, quam
bellum in Africa sit: et nobis prius decedat timor, quam ul-
tro aliis inferatur. Si utrumque tuo ductu auspicioque fieri
potest, Hannibale hic victo, illic Karthaginem expugna.* ¹¹ *Si
altera utraque victoria novis consulibus relinquenda est; prior
quum major clariorque, tum caussa etiam insequentis fuerit.
Nam nunc quidem præterquam quod et in Italia et in Africa
duos diversos exercitus alere ærarium non potest; præterquam
quod, unde classes tueamur, unde com meatibus præbendis suffi-
ciamus, nihil reliqui est; ¹² quid? periculi tandem, quantum
adeatur, quem fallit? P. Læcinius in Italia, P. Scipio bellum
in Africa geret.* ¹³ *Quid? si (quod omnes Dii omen avertant,
et dicere etiam reformidat animus, sed, quæ acciderint, accide-
re possunt) et victor Hannibal ire ad urbem pergat; tum de-
num te consulem ex Africa, sicut Q. Fulvium a Capua, arces-
semus? Quid? quod in Africa quoque Mars communis belli
erit? Domus tibi tuâ, pater patriusque, intra triginta dies
cum exercitibus cæsi, documento sint; ubi per aliquot annos,
maximis rebus terra marique gerendis, amplissimum nomen
apud exteras gentes populi Romani vestraeque familiae fecerant.
Dies me deficiat, si reges imperatoresque, temere in hostium
terras transgressos cum maximis cladibus suis exercituumque*

¹⁰ *intendas* Crev.

¹¹ *alterutra* Gron. Crev.

¹² *quid?* del. Gron.

¹⁰ *Quin igitur ad hoc accingeris, nec per istos circuitus*] Res ipsa patet: structura verborum intricatior est. *Quin igitur ad bellum cum Annibale ipso gerendum jam nunc te comparas, non autem per istos circuitus, (nempe ut quum in Africam trajeceris, secuturum te illuc Annibalem speres) potius quam, id est, quos circuitus tibi potius sequendos existimas, quam ad Annibalem recto hinc itinere eundem? Cur ad istos confugis circuitus, potius quam recto hinc itinere ad Annibalem contendas? In fine hujus periodi regius codex habet *intendas*: idque expressimus. Vulgo *intendia*.*

¹¹ *Si alterutra*] Put. et Cantabrig. codd. *altera utra*: et alludunt tres e

nostris, in quibus *altera ultra*. Certe sic interdum amarunt loqui veteres. Jac. Gronovius ex vetusta editione Varronis l. VIII. de Ling. Lat. exemplum in hanc rem affert: *sed consuetudo alterum utrum cum satis haberet*.

¹² *Quid? periculi tandem*] Particula *quid?* a fronte præfixa orationi et transitionem juvat, et animos addit argumentationi. Eam tamen omiserant editi recentiores: sed prima editio servat, et optimi scripti.

¹³ *Quid si . . . et victor Annibal*] *Et*, id est, etiam: nisi forte hæc particula recidenda est. Et abesse eam ab suo codice Rhenanus testatur, ab uno e suis Hearnius.

suorum, numerare velim. Athenienses, prudentissima civitas, U. C. 547.
 bello domi relicto, ¹⁴ auctore æque inpigro ac nobili juvene, A. C. 305,
 magna classe in Siciliam transmissa, una navali pugna floren-
 tem rempublicam suam in perpetuum adflixerunt.

XLII. Externa et nimis antiqua repeto. Africa eadem ista
 et M. Atilius, insigne utriusque fortunæ exemplum, nobis do-
 cumento sint. Næ tibi, P. Corneli, quum ex alto Africam
 conspexeris, ludus et jocus fuisse Hispaniæ tuæ videbuntur.
 Quid enim simile? ¹⁵ pacato mari ¹⁶ præter oram Italiæ Gal-
 liæque vectus Emporias, in urbem sociorum, classem adpulis-
 ti: expositos milites, ¹⁷ per tutissima omnia, ad socios et amicos
 populi Romani Tarraconem duxisti: ab Tarracone deinde iter
 per præsidia Romana: circa Iberum exercitus patris patrui-
 que tui, post amissos imperatores ferociores et calamitate ipsa:
 dux tumultuarius quidem ille L. Marcius, et militari suffragio
 ad tempus lectus, ceterum, si nobilitas ac ¹⁸ justi honores ador-
 narent, claris imperatoribus qualibet arte belli par: obpugnata
 per summum otium Karthago, nullo trium Punicorum exerci-
 tium socios defendente. Cetera, neque ea elevo, nullo tamén
 modo Africo bello comparanda, ubi non portus ullus classi
 nostræ apertus, non ager pacatus, non civitas socia, non rex
 amicus, non consistendi usquam locus, non procedendi. Qua-
 cumque circumspexeris, hostilia omnia atque infesta. An Sy-
 phaci Numidisque credis? satis sit semel creditum. Non sem-
 per temeritas est felix: et fraus fidem in parvis sibi præstruit,
 ut, quum operæ pretium sit, cum mercede magna fallat. Non
 hostes patrem patruumque tuum armis prius, quam Celtiberi
 socii fraude, circumvenerunt: nec tibi ipsi a Magone et Has-
 drubale, hostium ducibus, quantum ab Indibili et Mandonio
 in fidem acceptis, periculi fuit. Numidis tu credere potes, de-
 fectionem militum tuorum expertus? Et Syphax et Masinissa
 se, quam Karthaginienses, malunt ¹⁹ potentes in Africa esse:
 Karthaginienses, quam quemquam alium. Nunc illos æmula-
 tio inter sese et omnes causæ certaminum acuiunt, quia procul
 externus metus est. ²⁰ Ostende* Romana arma, exercitum

¹⁵ potentissimos Gron,

* add. illis Ead.

¹⁴ Auctore æque inpigro ac nobili juvene] Alcibiadem intelligit. Vid. Plut. in Alcib. et Nicia, et Thucydidem l. VIII.

¹⁵ Pacato] In quo tibi nihil ab hostibus periculi timendum fuit.

¹⁶ Præter oram] Rectum hoc putamus. Tamen scripti per oram.

¹⁷ Per tutissima omnia] Ultimam vocem omittunt Put. et Victor. codices. Sic lib. I. c. 57. quamplurimi scripti præferunt, postquam satis tuta circa, excluso r̄q̄ omnia, quod adjici-

ciunt editi. Et infra l. XXIX. c. 8. indicat tuta ab lævo cornu esse.

¹⁸ Justi honores] Gradus illi honorum, qui conveniunt imperatori; prætura, consulatus. Vid. not. 27. ad l. I. c. 4.

¹⁹ Potentes] Vulgo potentissimos: non minus bene. Sed in re pari scriptæ lectionis auctoritatem sequimur.

²⁰ Ostende Romana arma] Sic olim editi, sic complures MSS. habent. Sigonius inseruerat illis, additamentum inutile,

U. C. 547. alienigenam; velut ad commune restinguendum incendium con-
 A. C. 306. current. Aliter iidem illi Karthaginienses Hispaniam defen-
 derunt: aliter moenia patriæ, templa Deum, aras et focos, de-
 fendent; quum euntes in prælium pavida prosequetur conjux,
 et parvi liberi obscursabunt. Quid porro? Si satis confisi
 Karthaginienses consensu Africæ, fide sociorum regum, mœni-
 bus suis, quam tuo exercitusque tui præsidio nudatam Italiam
 viderint, ipsi ultro novum exercitum in Italiam aut ex Africa
 miserint, aut Magonem, quem, a Baliaribus classe transmis-
 sa, jam præter oram Ligurum Alpinorum vectari constat,
 Hannibali se conjungere jusserint? Nempe in eodem terrore eri-
 mus, in quo nuper fuimus, quum Hasdrubal in Italiam trans-
 cendit: quem tu, qui non solum Karthaginem, sed omnem
 Africam, exercitu tuo es clausurus, e manibus tuis in Italiam
 emisisti. Victum a te dices: eo quidem minus vellem, et id
 tua, non reipublicæ solum, causa, iter datum victo in Italiam
 esse. Patere, nos omnia, quæ prospera tibi ac populi Roma-
 ni imperio evenere, tuo consilio adsignare; adversa casibus
 incertis belli et fortunæ²¹ delegare. Quo melior fortiorque es,
 eo magis talem præsidem sibi patria atque universa Italia re-
 tinet. Non potes ne ipse quidem dissimulare, ubi Hannibal sit,
 ibi caput atque arcem hujus belli esse. quippe qui præ te feras,
 eam tibi causam trajiciendi in Africam esse, ut Hannibalem
 eo trahas. Sive igitur hic, sive illic, cum Hannibale est tibi
 futura res. Utrum ergo tandem firmior eris in Africa solus,
 an hic, tuo collegæque tui exercitu conjuncto? ne Claudius qui-
 dem et Livius consules tam recenti exemplo, quantum id inter-
 sit, documento sunt? Quid? Hannibalem utrum tandem ex-
 tremus angulus agri Bruttii, frustra jam diu poscentem ab do-
 mo auxilia, an propinqua Karthago et tota socia Africa poten-
 tiores armis virisque faciet? Quod istud consilium est, ibi
 malle decernere, ubi tuæ dimidio minores copiae sint, hostium
 multo majores, quam ubi duobus exercitibus adversus unum,
 tot præliis et tam diuturna et gravi militia fessum, pugnandum
 sit? Quam compar consilium tuum parentis tui consilio sit, re-
 puta. Ille, consul profectus in Hispaniam, ut Hannibali ab
 Alpibus descendenti obcurreret, in Italiam ex provincia rediit:
 tu, quum Hannibal in Italia sit, relinquere Italiam paras; non
 quia reipublicæ id utile, sed quia tibi amplum et gloriosum cen-
 ses esse: sicut quum, provincia et exercitu relicto, sine lege, sine
 senatusconsulto, duabus navibus populi Romani imperator for-
 tunam publicam et majestatem imperii, quæ tum in tuo capite
 periclitabantur, commisisti. Ego P. Cornelium, Patres con-

²¹ populi Romani l. reipublicæ Gron. Crev.

²¹ Delegare] Hoc verbum, quod Gronovii conjectura, in libris legitur
 amat usurpare Livius, hic ei restituit legare, vel relegare.

scripti, reipublicæ nobisque, non sibi ipsi privatim creatum U. C. 547.
consulem existimo: exercitusque ad custodiam urbis atque Ita- A. C. 206.
liæ scriptos esse, non quos regio more per superbiam consules,
quo terrarum velint, trajiciant.

XLIII. Quum oratione ad tempus parata Fabius, tum auctoritate et inveterata prudentiæ fama, magnam partem senatus, et seniores maxime, movisset, pluresque consilium senis, quam animum adolescentis ferocem, laudarent; Scipio ita locutus fertur: *Et ipse Q. Fabius principio orationis, Patres conscripti, commemoravit, in sententia sua posse obtrec-* Fabio re-
tationem suspectam esse. Cujus ego rei non tam ipse ausim- spondet
tantum virum insimulare, quam ea suspicio, vitio orationis, an- Scipio.
rei, haud sane purgata est. Sic enim honores suos et famam
rerum gestarum extulit verbis, ad extinguendum invidiæ cri-
men, tamquam mihi ab infimo quoque periculum sit, ne mecum
æmuletur: et non ab eo, qui, quia super ceteros excellat, quo- X
me quoque niti non dissimulo, me sibi æquari nolit. sic senem,
se perfunctum honoribus, et me infra ætatem filii etiam sui po-
suit; tamquam non longius, quam quantum vitæ humanæ spa-
tium est, cupiditas gloriæ extendatur, maximaque pars ejus
in memoriam ac posteritatem promineat. Maximo cuique id
accidere animo certum habeo, ut se non cum præsentibus modo,
sed cum omnis ævi claris viris, comparent. Equidem haud
dissimulo, me tuas, Q. Fabi, laudes non adsequi solum velle,
sed, (bona venia tua dixerim) si possim, etiam exsuperare. Il-
lud nec tibi in me, neu mihi in minoribus natu animi sit, ut
nolimus, quemquam nostri similem evadere civem. id enim non
eorum modo, quibus inviderimus, sed reipublicæ, et pene omnis
generis humani, detrimentum sit. Commemoravit, quantum
essem periculi aditurus, si in Africam trajicerem: ut meam
quoque, non solum reipublicæ et exercitus, vicem videretur sol-
licitus. Unde hæc repente cura de me exorta? quum pater pa-
truusque meus interfecti, quum duo exercitus eorum prope oc-
cidione occisi essent, quum amissæ Hispaniæ, quum quatuor ex-
ercitus Pænorum, quatuorque² duces omnia metu armisque tene-
rent, quum quæsitus ad id bellum imperator nemo se ostende-
ret, præter me, nemo²¹ profiteri nomen ausus esset, quum mihi

² quatuor Gron. Crev.

²² Quo me quoque niti] Scripti Gronovio et nobis inspecti carent vocibus quo me. Sed eas non dubitamus absorptas esse a voce quoque. Sic et mox, quod dedit Sigonius, et sensus flagitat, *perfunctum honoribus*, in nullo eorundem codicum integrum est: in nullo exstat vox *honoribus*. Quam tamen relegare quis ausit? Quid erit *perfunctum*, sic nude et absolute positum.

²³ Neu mihi in minores natu]

Scripti in *minoribus*: quod non aliunde ortum suspicamus, quam ex eo quod *re minores* primo corruptum fuerit in *minoris*, deinde, genere mendi frequentissimo, ex *minoris* factum sit *minoribus*. Si tamen quis mordicus retineat scriptam lectionem, habebit unde eam tueri aliquo modo possit, in not. Gronovii ad Senec. l. IV. Quæst. Natur. præfat.

²⁴ * Proferi nomen] Vid. not. 82. ad XXVI. 13.

U. C. 547. *quatuor et viginti annos nato detulisset imperium populus Ro-*
 A. C. 205. *manus; quid ita tum nemo ætatem meam, vim hostium, diffi-*
cultatem belli, patris patruque recentem cladem commemora-
bat? Utrum major aliqua nunc in Africa calamitas accepta
est, quam tunc in Hispania erat? An majores nunc sunt exer-
citus in Africa, duces plures melioresque, quam tunc in Hispa-
nia fuerunt? An ætas mea tunc maturior bello gerendo fuit,
quam nunc est? An cum Karthaginensi hoste in Hispania,
quam in Africa, bellum geri aptius est? Facile est, post fusos
fugatosque quatuor exercitus Punicos, post tot urbes vi captas,
aut metu subactas in ditionem, post perdomita omnia usque ad
oceanum, tot regulos, tot sævas gentes, post receptam totam His-
paniam, ita ut vestigium nullum belli reliquum sit, elevare
meas res gestas: tam, Hercule, quam, si victor ex Africa redie-
rim, ea ipsa elevare, quæ nunc, retinendi mei causa, ut terri-
bilia eadem videantur, verbis extolluntur. Negat aditum esse
in Africam, negat ullos patere portus. M. Atilium captum in
Africa commemorat; tamquam M. Atilius primo accessu ad
Africam ohfenderit. neque recordatur, illi ipsi tam infelicem im-
peratori patuisse tamen portus Africæ, et²⁵ res egregias primo
anno gessisse, et, quantum ad Karthaginenses duces adtinet,
invictum ad ultimum permansisse. Nihil igitur me isto tu ex-
emplo terrueris: si hoc bello, non priore, si nuper, et non²⁶ an-
nis ante quadraginta, ista clades accepta foret, quæ ego minus
in Africam, Regulo capto, quam, Scipionibus occisis, in His-
paniam trajicerem? Nec felicius Xanthippum Lacedæmonium
Karthagini, quam me patriæ meæ sinerem natum esse: cresce-
retque mihi ex eo ipso fiducia, quod possit in hominis unius
virtute tantum momenti esse. At etiam Athenienses audiendi
sunt, temere in Siciliam, omisso domi bello, transgressi. Cur
ergo, quoniam Græcos fabulas enarrare vacat, non²⁷ Agathoc-
lem potius, Syracusanum regem, quumdiu Sicilia Punica bello
ureretur, transgressum in hanc eandem Africam, avertisse ea
bellum, unde venerat, ²⁸refers?

²⁵ refert Gron.

²⁵ *Res egregias primo anno ges-*
sisse] Supplebis nullo negotio cum:
quo miramur ita offensum esse Grono-
vium, ut relictæ hac lectione, quæ
Put. et regii codicum est, languidio-
rem illam præoptasse visus ait, res
gestas ab eo egregias primo anno:
quam quidem Clericus etiam in con-
textum immiserat, reësis tamen dua-
bus vocibus ab eo.

²⁶ *Annis ante quadraginta] Imo*
quinquaginta, ut observat Perizonius.
Regulus enim captus est. anno u. c.
497. a quo usque ad hunc annum, qui

est 547. sunt plene anni quinquaginta. Dubitari tamen potest, an non Livius, qui haud sane diligens est in reddendis numeris, scripserit *quadraginta*, quum anno sequente (l. XXIX. c. 28.) annos tantum numeret *prope quinquaginta* a M. Regulo, L. Manlio consulibus.

²⁷ *Agathoclem . . Syracusanum re-*
gem] Hoc felicissimæ audaciæ consi-
lium plenius enarratum reperies apud
Justin. l. XXII. et inprimis apud Dio-
dor. l. XX.

²⁸ *Refers] Gronovius edidit refert.*

XLIV. *Sed quid, ultro metum inferre hosti, et ab se remoto* U. C. 547.
periculo alium in discrimen adducere, quale sit, veteribus exter- A. C. 205.
nisque exemplis admonere opus est? ²⁹ *Majus præsentiussve ullum*
exemplum esse, quam Hannibal, potest? Multum interest,
alienos populere fines, an tuos uri, excindi, videas. plus animi
est inferenti periculum, quam propulsanti. Ad hoc major ig-
notarum rerum est terror: bona malaque hostium ex propinquo
ingressus fines adspicias. Non speraverat Hannibal fore, ut
tot in Italia populi ad se deficerent, quot defecerunt post Can-
nensem cladem; ³⁰ *quanto minus quidquam in Africa Kartha-*
giniensibus firmum ac stabile sit, infidis sociis, gravibus ac su-
perbis dominis? Ad hoc nos, etiam deserti ab sociis, viribus
nostris, milite Romano, stetimus. Karthaginensi nihil civilis
roboris est. mercede paratos milites habent, Afros Numidasque,
levissima fidei mutandæ ingenia. Hic modo nihil moræ sit,
una et trajecisse me audietis, et ardere bello Africam, et moli-
entem hinc Hannibalem, et obsideri Karthaginem. latiores et
frequentiores ex Africa expectate nuncios, quam ex Hispania
accipiebatis. Has mihi spes subjicit fortuna populi Romani,
Dii fœderis ab hoste violati testes, Syphax et Masinissa reges:
³¹ *quorum ego fidei ita innitar, ut bene tutus a perfidia sim.*
Multa, quæ nunc ex intervallo non adparent, bellum aperiet.
et id. est viri et ducis, non deesse fortunæ præbenti se, et ³² *ob-*
lata casu flectere ad consilium. Habebo, Q. Fabi, parem, quem
das, Hannibalem; sed illum potius ego traham, quam ille me.
retineat. In sua terra cogam pugnare eum, et ³³ *Karthago^b*
præmium victoriæ erit, quam semirutæ Bruttiorum castella.
³⁴ *Ne: quid interim, dum trajicio, dum expono exercitum in*
Africa, dum castra ad Karthaginem promoveo, respublica hic
detrimenti capiat, quod tu, Q. Fabi, quum victor tota Italia
volitaret Hannibal, potuisti præstare, hoc vide ne contumelio-
sum sit, concusso jam et pene fracto Hannibale, negare, posse

^b add. potius Gron. Crev.

Sed illud quod dedimus firmant tres
e nostris codd. et princeps omnium
Put.

²⁹ *Majus præsentiussve ullum exem-*
plum esse quam Annibal potest] To-
 tum hoc in solo Victor. codice nobis
 occurrit. Ceteri nostri, ut et Grono-
 viani, prorsus ignorant: magno Li-
 viani contextus damno.

³⁰ *Quanto minus quidquam . . sta-*
bile sit] Sic Put. et Victor. codices:
 multo aptius sane, quam stabile est,
 quomodo editi habent.

³¹ *Quorum ego fidei ita innitar, ut]*
 Quorum ego fidei cum ea cautione in-
 nitar, ut, si perfidi esse velint, ab eo-
 rum fraude bene tutum me præstem.

Particula ita hic eodem fere modo acci-
 pienda est, quo supra l. XXVI. c. 19.
Ita elato animo, ut nullum ferox ver-
bum excideret.

³² *Oblata casu flectere ad consilium]*
 Ea quæ casu occurrerint ita gubernare
 ac moderari, ut consiliis ducis promo-
 vendis inserviant.

³³ *Carthago potius]* Reseca, volen-
 tibus scriptis, *potius*, quod inter-
 dum veteres intelligi maluere, ut et
tam, et magis. Vid. not. 65. ad l.
 XXVI. c. 31.

³⁴ *Ne quid]* Majoris facilitatis
 causa, ante hæc verba supple, Quod
 spectat ad cavendum, ne etc.

U. Q. 347. *P. Licinium consulem virum fortissimum praestare: "qui, ne*
 A. Q. 295: *a sacris absit pontifex maximus, ideo in sortem tam longinquae*
provinciae non venit. Si, Hercule, nihilo maturius hoc, quo
ego censeo, modo perficeretur bellum; tamen ad dignitatem
populi Romani, famamque apud reges gentesque externas per-
tinebat, non ad defendendam modo Italiam, sed ad inferenda
etiam Africae arma, videri nobis animum esse; nec hoc credi
vulgarique, quod Hannibal ausus sit, neminem ducem Roma-
norum audere: et priore Punico bello, tum quam de Sicilia cer-
taretur, toties Africam ab nostris exercitibusque^c et classibus
obpugnatam; nunc, quam de Italia certetur, Africam paca-
tam esse. Requiescat aliquando vexata tam diu Italia: ira-
tur evasteturque in vicem Africa. Castra Romana potius Kar-
thaginis portis immineant, quam nos iterum vallum hostium ex
maenibus nostris videamus. Africa sit reliqui belli sedes: illuc
terror fugaque, populatio agrorum, defectio sociorum, ceterae
belli clades, quae in nos per quatuordecim annos ingruerunt, ver-
tantur. Quae ad rempublicam pertinent, et bellum, quod instat,
et provincias, de quibus agitur, dixisse satis est. Illa longa
oratio, nec ad vos pertinens sit, si, quemadmodum Q. Fabius
meas res gestas in Hispania elevavit, sic et ego contra³⁵ glo-
riam ejus eludere, et meam verbis extollere velim. Neutrum
faciam, Patres conscripti: et, ³⁷ si ulla alia re, modestia certe
et temperando linguae adolescens senem vicero. Ita et vixi, et
res gessi, ut tacitus ea opinione, quam vestra sponte conceptam
animis haberetis, facile contentus essem.

XLV. Minus æquis animis auditus est Scipio, quia vulgatum erat, si apud senatum non obtinuisset, ut provincia Africa sibi decerneretur, ad populum extemplo laturum.

^c exercitibus Gron. Crev.

35 * *Qui ne a sacris absit]* Quia modo arguit Fabium Scipio contumeliose tractati P. Licinii consulis, ipse ut se pari crimine liberet, testatur ideo tantum collegam suum non venire in sortem Africae provinciae, quod pontifex maximus sit, non quod illi aut animus desit, aut peritia rei militaris.

36 *Gloriam ejus eludere]* Non possumus assentiri viro clarissimo, et tam fido Musarum cultori, quam splendido Themidis antistiti, qui in notis ad nuperam editionem orationum Ciceronis in Catilinam, quam curavit doctus et elegans earum interpretes Olivetaeus, censeret hic in Livio legendum esse potius *elidere* quam *eludere*. Sed *elidere* vim quamdam denotat, et conatum magni moliminis: ut apud Virgilium, *angit inhaerens Elisos oculos*. Contra *elu-*

dere jocantis est, nec toto pugnantis impetu, sed leviter et quasi per Indubium rem tractantis: quo in genere est illa pars orationis, in qua res gestas Scipionis in Hispania carpit et extenuat Fabius.

37 *Si ulla alia re]* Si quid sit aliud, quo ego superaturus sim Fabium, profecto jam nunc modestia et temperando linguae eum vicero. Vulgati habent, *si nulla*. Sed recte observat Gronovius, sperasse Scipionem, multis aliis quoque, seu potius omnibus rebus, sese superaturum gloriam Fabii: id quod tota haec oratio clamat. At vulgatum illud *si nulla*, desperatio est, aut desperationem praeseferentia. *Si ulla* exstat in plerisque, usque optimis Gronovii MSS. in omnibus nostris, et in uno Hearnii.

itaque Q. Fulvius, qui consul quater et censor fuerat, pos- U. C. 647.
tulavit a consule, ut palam in senatu diceret, *permitteretne* A. C. 206.
Patribus, ut de provinciis decernerent? staturusque eo esset,
quod censuissent, an ad populum laturus? Quum Scipio re-
spondisset, se, quod e republica esset, facturum; tum Ful-
vius, Non ego ignarus, quid responsurus facturuseve esses, quæ-
sivi, quippe quum ³⁸ *præ te feras, tentare magis, quam consu-*
lere senatum, et, ni provinciam tibi, quam volueris, extemplo
decernamus, paratam rogationem habeas. Itaque a vobis, tri-
buni plebis, postulo, inquit, ut sententiam mihi ideo non dicenti,
³⁹ *quod, etsi in meam sententiam discedatur, non sit ratum habi-*
turus consul, auxilio sitis. Inde altercatio orta, quum consul
negaret, æquum esse tribunos intercedere, ⁴⁰ quo minus suo
quisque loco senator rogatus sententiam diceret. Tribuni
ita decreverunt, *Si consul senatui de provinciis permittit, ⁴¹ stari*
eo, quod senatus censuerit, placet; nec de ea re ferri ad po-
pulum patiemur: si non permittit, ⁴² qui de ea re sententiam
recusabit dicere, auxilio erimus. Consul diem ad conloquen-
dum cum collega petiit. Postero die permissum senatui est.
Provinciæ ita decretæ: alteri consuli Sicilia et triginta ros- S. C. de
tratæ naves, quas C. Servilius superiore anno habuisset: per- provinciis.
missumque, ut in Africam, si id e republica esse censeret,
trajiceret. alteri Bruttii et bellum cum Hannibale, cum eo
exercitu, ⁴³ quem L. Veturius, aut Q. Cæcilius. hi et sorti-
rentur inter se, compararentve, uter in Brutiis duabus legi-
onibus, quas consul reliquisset, rem gereret: imperiumque
in annum prorogaretur, cui ea provincia evenisset. et ceteris,
præter consules prætoresque, qui exercitibus provinciisque
præfuturi erant, prorogata imperia. Q. Cæcilio sorte evenit,
ut cum consule in Brutiis adversus Hannibalem bellum ge-
reret. Ludi deinde Scipionis magna frequentia et favore
spectantium celebrati. Legati, Delphos ad donum ex præda
Hasdrubalis portandum missi, M. Pomponius Matho et Q.

³⁸ *Præ te feras tentare magis*] Put.
auctor est: *temptare te magis.*

³⁹ *Quod etsi*] Editi ante Grono-
vium, quod si: scripti, quod est. Inde
ille effecit quod etsi: recte. Etsi se-
natûs major pars meam sententiam
sequatur. Vid, not. 38. ad l. III. c.
51.

⁴⁰ *Quominus suo quisque loco sena-*
tor] Scripti omnes et Gronoviani, et
nostri, abolant ultimam vocem. Illa
tamen non omnino inutilis est. Ex-
primit enim causam, cur debeant ro-
gati sententiam dicere. Nam quod
Gronovius argumentatur in senatum
venisse plures, pluresque sententiam

dixisse, quam senatores, id verum qui-
dem est. Sed non hic locus est subtili
illi discrimini.

⁴¹ *Stari eo quod senatus censuerit*] Hic plerique scripti addunt. *ferri*, qui-
dam *feri*: male utrumque. Et repe-
titam videtur ex versu sequenti, *non*
de ea re ferri.

⁴² *Qui de ea re sententiam recus-*
abit dicere] Put. et Vict. codices, *recu-*
savit. Scribe *recusavit.*

⁴³ *Quem L. Veturius, aut Q. Cæ-*
cilius] Supple ex præcedentibus *ha-*
buisse: nisi malis hos verbum in con-
textum admittere, auctore Regio co-
dice.

U. C. 547. A. C. 205. Scipio non impetrat ut delectum sibi habere liceat. Etruriæ populi cum in ornanda classe juvant.

Catius, tulerunt coronam auream "ducentum pondo, et mulacra spoliorum, ex "mille pondo argenti facta. "Scipio, quum, ut delectum haberet, neque impetrasset, neque mag-nopere tetendisset, ut voluntarios ducere sibi milites liceret, tenuit: et, quia inpensæ negaverat reipublicæ futuram classem, ut, quæ ab sociis darentur ad novas fabricandas naves, acciperet. Etruriæ primum populi, pro suis quisque facultatibus, consulem adiuturos polliciti. Cærites frumentum sociis navalibus commeatumque omnis generis; Populonienses ferrum; Tarquinienses lintea in vela; Volaterrani "interamenta navium et frumentum; Arretini "triginta millia scutorum, galeas totidem, "pila, gæsa, hastas longas, mil-lium quinquaginta summam pari cujusque generis numero expleturos, secures, "rutra, falces, "alveolos, molas, quan-tum in quadraginta longas naves opus esset, tritici "centum et viginti millia modium, et "in viaticum "decurionibus re-migibusque conlaturos: Perusini, Clusini, Rusellani abietem

44 *Ducentum pondo*] Selibrarum, sive marcarum nostratum 812. cum unciiis 4.

45 *Mille pondo argenti*] Selibris no-stratibus 1562. cum quatuor unciiis.

46 *Scipio quum, ut delectum habe-ret, neque impetrasset*] Nempe Fabius invidens crescenti in dies gloriæ Sci-pionis, quum obtinere non potuisset, ne permitteretur ei in Africam traji-cere, vociferando et vanis terroribus animos implendo pervicit, ne aut de-lectum habere liceret consuli, aut pe-cunia decerneretur. Vid. Plut. in Fa-bio.

47 *Interamenta navium*] Si hæc vox a Livio est, intelligenda videntur ligna ea, quæ a carinis utrimque as-cendentia efficiunt costas navis, quo-rum compages a Græcis dicitur *ἰντερ-αμῆντα*. At multo magis placet *inceramen-ta*, quod exhibent duo codices; unus Gronovio, alter nobis inspectus. *Inceramenta* erunt cera et pix qua oblinebantur naves. Utraque vox petraræ est, nec fortasse aliud earum exemplum reperias. At *inceramen-tum* magis præfert colorem quemdam Latinitatis, quam *interamentum*. No-tum est illud Juvenalis, ... *genua in-cerare deorum*. At *interare* nemo un-quam usurpavit.

48 *Triginta millia scutorum*] Pleri-que scripti et optimi, *tria millia*.

49 *Pila, gæsa, hastas longas, mil-quinquaginta summam* ... *exple-*
Fortasse legere quis malit ad

millium quinquaginta summam. U-t ut sit, sensus clarus est: nempe, quod attinet ad pila, gæsa, hastas longas, polliciti sunt se illa duros eo numero, ut summa omnium simul collectorum esset quinquaginta millium, pari cujus-que generis numero; ita ut pila daturi essent circiter 16670. totidem gæsa, hastas totidem. De pilo et gæso vid. ad l. VIII. c. 8.

50 *Rutra*] *Rutrum* a *ruendo*, sive *eruendo* dictum est, et instrumentum fuit ferreum ad *eruendam* terram, sive arenam, quum opus esset, teste Festo.

51 *Alveolos, molas*] *Alveolos* inter-pretatur Marcellus Donatus vasa lig-neæ ad asservendam aquam, aliosve usus. *Molas* ad frumentum in navi-bus, ubi opus esset, commolendum habuisse veteres hinc apparet, sed ne-cessario leviores et minoris solito dia-metri.

52 *Centum et viginti millia modium*] Modios nostrates 92500.

53 *In viaticum*] Hic viaticum in-telligi debet de pecunia, quum jam tritici mentio facta sit. * Si quis ta-men ita velit exponere ut Arretinæ, præter modios tritici 120000. etiam id adjecerint frumenti, quod per viæ spatium opus esset decurionibus re-migibusque, suo cuique judicio uti li-cet.

54 *Decurionibus remigibusque*] Hi decuriones videntur præfuisse remigi-bus.

in fabricandas naves, et frumenti magnum numerum. ⁵⁵ abiete U. C. 547.
ex publicis silvis est usus. Umbræ populi, et præter hos A. C. 205:
Nursini, et Reatini, et Amiternini, Sabinusque ager omnis, Paratur
milites polliciti. Marsi, Peligni, Marrucinique, multi vo- classis.
luntarii nomina in classem dederunt. ⁵⁶ Camertes, quum
æquo foedere cum Romanis essent, cohortem armatam sex-
centorum hominum miserunt. Triginta navium carinæ, vi-
ginti quinqueres, decem quadriremes. quum essent positæ,
ipse ita institit operi, ut die quadragesimo quinto, quam ex
silvis detracta materia erat, naves instructæ armatæque in
aquam deductæ sint.

XLVI. Profectus in Siciliam est triginta navibus longis Proficiscuntur
voluntariorum septem ferme millibus in naves inpositis. Et Coss.
P. Licinius in Bruttios ad duos exercitus consulares venit.
ex eis eum sibi sumsit, quem L. Veturius consul habuerat.
⁵⁷ Metello, ut, quibus præfuisset legionibus, iis præseset, (fa-
cilis cum aduetis imperio rem gesturum ratus) permisit.
Et prætores diversi in provincias profecti. Et, quia pecunia
ad bellum deerat, agri Campani regionem, a fossa Græca ad
mare versam, vendere quæstores jussi; ⁵⁸ indicio quoque per-
misso, qui ager civis Campani fuisset, ut is publicus populi
Romani esset. indici præmium constitutum, quantæ pecu-
niæ ager indicatus esset, pars decima. Et Cn. Servilio præ-
tori urbis negotium datum, ut Campani cives, ubi cuique ex
senatusconsulto liceret habitare, ibi habitarent; animadver-
teretque in eos, qui alibi habitarent. Eadem æstate Mago, Mago in
Hamilcaris filius, ex minore Baliarium insula, ubi hibernarat, Liguriam
juventute lecta in classem inposita, in Italiam triginta ferme appellit.
restratis navibus et multis onerariis, duodecim millia pedi-
tum, duo ferme equitum trajecit: Genuamque, nullis præsi-
diis maritimam oram tutantibus, repentino adventu cepit.
inde ad oram Ligurum Alpinorum, si quos ibi motus facere
posset, classem adpulit. Ingauni (Ligurum ea gens est) bel-

⁵⁵ Abiete ex publicis sylvis est usus] Abietem a Pertusinis non accepit, sed e sylvis publicis populi Romani excisa est usus.

⁵⁶ Camertes quum æquo foedere] Suspiciari possis Camertes, quum æquo jure ac foedere in amicitiam Romanorum venissent, non necesse habuisse, aut etiam solitos fuisse Romanis præbere milites. Atque ideo observaverit Livius eos id fecisse in gratiam Scipionis, quod neque lex, neque mos juberet.

⁵⁷ Metello ut quibus præfuisset legionibus, iis præseset] Scripti fere omnes tres ultimas voces relegant: unde reciso etiam *ut*, legendum putat

Gronovius: Metello, quibus præfuisset, facilius cum assuetis imperio rem gesturum ratus, permisit. Permisit ei milites quibus præfuisset.

⁵⁸ Indicis . . permisso] Memoravit Livius l. XXVI. c. 16. agrum omnem Campanum publicum populi Romani factum esse. Hic igitur ne qua pars ejus agri falleret sub alieno nomine, id quod fit, etiamnum ab aliquo cive Campano possessa, permittitur ei qui talis fraudis aliquam notitiam haberet, eam indicare, imo et ad indicium præmio proposito allicitur, ut is ager fiat publicus populi Romani, nec per illam fraudem eo populus Romanus privetur.

U. C. 547. A. C. 205. lum ea tempestate gerebant cum Epanteriis montanis. Igitur Poenus, Savone oppido Alpino præda deposita, et decem longis navibus in statione ad præsidium relictis, ceteris Karthaginem missis ad tuendam maritimam oram, quia fama erat Scipionem trajecturum esse, ipse, societate cum Ingauria, quorum gratiam malebat, composita, montanos instituit obpugnare. Et crescebat exercitus in dies, ad famam nominis ejus Gallis undique confluentibus. ⁵⁹ Ea literis cognita Sp. Lucretii, ne frustra, Hasdrubale cum exercitu deleto biennio ante, forent lætati, si par aliud inde bellum, duce tantum mutato, oriretur, curam ingentem accenderunt Patribus. Itaque et M. Livium proconsulem ex Etruria volonum exercitum admovere Ariminum jusserunt, et Cn. Servilio prætori negotium datum, ut, si e republica censeret esse, urbanas legiones, ⁶⁰ cui imperio videretur dato, ex urbe duci juberet. M. Valerius Lævinus Arretium eas legiones duxit. Eisdem diebus ⁶¹ naves onerarias Poenorum ad octoginta circa Sardiniam ab Cn. Octavio, qui provinciæ præerat, captas, Cælius frumento misso ad Hannibalem commeatuque onustas, Valerius prædam Etruscam Ligurumque montanorum captivos Karthaginem perportantes, tradit. in Bruttis nihil ferme anno eo memorabile ⁶² gestum. Pestilentia incesserat pari clade in Romanos Poenosque: nisi quod Punicum exercitum super morbum etiam fames adfecit. Propter Junonis Laciniæ templum æstatem Hannibal egit; ibique aram condidit dedicavitque, cum ingenti rerum ab se gestarum titulo, Punicis Græcisque literis insculpto.

59 *Ea literis cognita ... curam ingentem accenderunt Patribus*] Scripti omnes *accendit*. Quod si verum est, legendum cum Rhenano, *Ea res literis cognita*.

60 *Cui imperio videretur dato*] Commodior structura esset: *imperio cui videretur dato*.

61 *Naves onerarias Poenorum ... captas, Cælius*] Naves onerarias Po-

enorum ad octoginta captas Cælius Valeriusque tradunt; ille frumento onustas, hic perportantes Carthaginem Etruscam prædam cum Ligurum captivis. Ceterum libri et editi ante nomen *Cælius* addunt *eas*. Resecnit Gronovius. De Cælio vid. not. 71. et XXI. 38. de Valerio; ad III. 5.

62 *Gestum est*] Scripti abeunt *est*.

EPITOME LIBRI XXIX.

EX Sicilia C. Lælius in Africam a Scipione missus ingentem prædam reportavit, et mandata Masinissæ ¹ Scipioni exposuit, conquerentis, quod nondum exercitum in Africam trajecisset. Bellum in Hispania finitum, victore Romano, quod Indibilis excitaverat; ipse in acie occisus, Mandonius expositibus Romanis a suis deditus est. Magoni, qui ² in Gallia et Liguribus erat, ex Africa et militum ampla manus missa, et pecuniæ, quibus auxilia conduceret: præceptumque, ut se Hannibali jungeret. Scipio a Syracusis in Brutios trajecit, et Locros, pulso Punico præsidio, fugatoque Hannibale, recepit. Pax cum Philippo facta est. Idæa mater deportata est Romam a Pessinunte oppido Phrygiæ, carmine in libris Sibyllinis invento, pelli Italia alienigenam hostem posse, si mater Idæa deportata Romam esset. tradita autem est Romanis per Attalum regem Asiæ. Lapis erat, quem matrem Deum incolæ dicebant. Excepit P. Scipio Nasica Cn. filius, ejus, qui in Hispania perierat, vir optimus a senatu judicatus, adolescens nondum quæstorius, quoniam ita responsum jubebat: ut numen id ab optimo viro reciperetur consecrareturque. Locrenses legatos Romam miserunt, qui de inpotentia Q. Pleminii legati quererentur, quod pecuniam Proserpinæ abstulerat, et liberos eorum ac conjuges stupraverat. Pleminius, in catenis Romam perductus, in carcere mortuus est. Quum falsus rumor de P. Scipione proconsule, qui in Sicilia erat, in urbem perlatus esset, tamquam is luxuriaretur; missis ob hoc legatis a senatu, qui explorarent, an ea vera essent, purgatus infamia Scipio in Africam trajecit, senatus permissu. Syphax, accepta in matrimonium filia Hasdrubalis Gisgonis, amicitia, quam cum Scipione ipse junxerat, renunciavit. Masinissa, rex Massylorum, dum pro Karthaginiensibus in Hispania militat, amisso patre Gala, de regno exciderat. quo per bellum sæpe repetito, aliquot præliis a Syphace rege Numidarum

¹ Scipioni exposuit] Sic vetustius cusi. Gronovianæ editiones exponit. Sed illud alterum accuratius respondet et reportavit, quod præcedit.

² In Gallia et Liguribus] Olim in Galliam et Liguriam ierat. Repræsentamus eam lectionem, quam se in vet. lib. Sigonius reperisse testatur.

Gronovianæ editiones habent et in Liguribus. Sed hic iterare voculam in parum utile videtur. Campanus habet in Beulia in Liguribus. Unde fortasse legendum in Albingaunis Liguribus. Infra c. 5. hujus libri, inter Albingaunos Ligures Genuamque Mago stare dicitur.

victus, in totum privatus est: et cum ducentis equitibus exsul Scipioni se junxit: et cum eo. primo statim bello Hannonem Hamilcaris filium cum ampla manu interemit. Scipio, adventu Hasdrubalis et Syphacis, qui prope cum centum millibus armatorum venerant, ab obsidione Uticæ depulsus, hiberna communivit. Sempronius consul in agro Crotoniensi prospere adversus Hannibalem pugnavit. Lustrum a censoribus conditum est. censa sunt civium capita ducenta quatuordecim millia. Inter censores, M. Livium et Claudium Neronem, notabilis discordia fuit. nam et Claudius Livio collegæ equum ademit, quod a populo damnatus³ actusque in exsilium fuerat; et Livius Claudio, quod falsum in se testimonium dixisset, et quod non bona fide secum in gratiam redisset. Idem omnes tribus, extra unam, ærarias reliquit, quod et innocentem se damnassent, et postea consulem censoremque fecissent.

³ * Actusque in exsilium] Hoc de suo Livio, quem vid. supra XXVII. 34. et addidit auctor epitomæ, dissentiente hoc ipso libro, c. 37.

T. LIVII PATAVINI

LIBER XXIX.

SCIPIO, postquam in Siciliam venit, voluntarios milites U. C. 547. ordinavit centuriavitque: ex iis trecentos juvenes, florentes A. C. 205. ætate et virium robore, inermes circa se habebat, ignorantes, quem ad usum, neque centuriati, neque armati, servarentur. Tum ex totius Siciliæ juniorum numero principes genere et Trecentis fortuna trecentos equites, qui secum in Africam trajicerent, equitibus legit: diemque iis, qua equis armisque instructi atque ornati Siculis Romani equites adessent, edixit. Gravis ea militia, procul domo, terra marique multos labores, magna pericula adlatura videbatur; neque ipsos modo, sed parentes cognatosque eorum ea cura angebat. Ubi dies, quæ dicta erat, advenit, arma equosque ostenderunt. tum Scipio, *renunciari sibi*, dixit, *quosdam equites Siculorum, tamquam gravem et duram, horrere eam militiam. Si qui ita animati essent, malle eos sibi jam tum fateri, quam postmodo querentes, segnes atque inutiles milites reipublicæ esse. Expromerent, quid sentirent: cum bona venia se auditurum.* Ubi ex his unus ausus est dicere, se prorsus, si sibi, utrum velit, liberum esset, nolle militare; tum Scipio ei, *Quoniam igitur, adolescens, quid sentires, non dissimulasti, vicarium tibi expediam, cui tu arma equumque et cetera instrumenta militiæ tradas, et tecum hinc extemplo domum ducas, exerceas, docendum cures equo armisque.* Læto conditionem accipienti unum ex trecentis, quos inermes habebat, tradit. Ubi hoc modo exauctoratum equitem cum gratia imperatoris ceteri viderunt, se quisque excusare, et vicarium accipere. Ita trecentis Siculis Romani equites substituti, sine publica inpena. Docendorum atque exercendorum curam Siculi habuerunt: quia edictum imperatoris erat, ipsum militaturum, qui ita non fecisset. Egregiam hanc aliam equitum evasisse ferunt, multisque præliis rempublicam adjuvisse. Legiones inde quum inspiceret, plurimorum stipendiorum ex iis milites delegit; maxime qui sub duce Marcello militaverant: quos quum optima disciplina institutos

Plurimorum stipendiorum milites legit Scipio.

1 *Malle eos sibi jam tum fateri*] Pro sibi Put. et regius codices habent si: alii scripti, æ. Nihil est cur vulgatam lectionem spernamus.

2 *Tum Scipio ei*] Pro ultima vocula VOL. II.

Put. et Victor. codices habent et. Libenter totum illud, sive et, sive et, rescari pateremur.

3 * *Cum gratia imperatoris*] Ita ut nihilominus imperatori gratus esset.

U. C. 547. credebat, tum etiam ab longa Syracusarum obsidione peri-
 A. C. 205. tissimos esse urbium obpugnandarum. nihil enim parvum,
 sed Karthaginis jam excidia agitabat animo. Inde ex-
 ercitus per oppida dispertit: frumentum Siculorum civita-
 tibus imperat; ex Italia advecto parcit: veteres naves reficit,
 et cum iis C. Lælium in Africam prædatum mittit; novas
 Panormi subducit, quia ex viridi materia raptim factæ erant,
 ut in sicco hibernarent. Præparatis omnibus ad bellum,
 Syracusas, nondum ex magnis belli motibus satis tranquillas,
 venit. Græci res a quibusdam Italici generis, eadem vi,
 qua per bellum ceperant, retinentibus, concessas sibi ab
 senatu, repetebant. Omnium primum ratus tueri publicam
 fidem, partim edicto, partim judiciis etiam ⁴ in pertinaces ad
 obtinendam injuriam redditis, suas res Syracusanis restituit.
 Non ipsis tantum ea res, sed omnibus Siciliæ populis, grata
 fuit; eoque enisius ⁵ ad bellum adjuverunt. Eadem æstate in
 Hispania coortum ingens bellum, conciente Ilergete Indi-
 bili, nulla alia de caussa, quam per admirationem Scipionis
 contemptu imperatorum aliorum orto. *Eum superesse unum
 ducem Romanis, ceteris ab Hannibale interfectis, rebatur. eo
 nec in Hispania cæsis Scipionibus alium, quem mitterent, ha-
 buisse: et, ⁶ postquam in Italia gravius bellum urgeret, ad-
 versus Hannibalem eum arcessitum. præterquam quod nomina
 tantum ducum in Hispania Romani haberent, exercitus quo-
 que inde veterem deductum. Trepida omnia, ut inconditam
 turbam tironum, esse. numquam talem occasionem liberandæ
 Hispaniæ fore. Servitum ad eam diem aut Karthaginiensibus,
 aut Romanis: nec in vicem his aut illis, sed interdum utrisque
 simul. Pulsos ab Romanis Karthaginienses; ab Hispanis, si
 consentirent, pelli Romanos posse. ut ab omni externo imperio
 soluta in perpetuum Hispania in patrios rediret mores ritusque.*
 Hæc aliaque dicendo non populares modo, sed Ausetanos
 quoque, vicinam gentem, concitat, et alios finitimos sibi
 atque illis populos. itaque intra paucos dies triginta millia
 peditum, quatuor ferme equitum in Sedetanum agrum, quo
 edictum erat, convenerunt.

II. Romani quoque imperatores, L. Lentulus et L. Man-
 lius Acidinus, ne glisceret ⁷ prima negligendo bellum, junc-
 tis et ipsi exercitibus, per agrum Ausetanum, ⁸ hostico,

⁴ *In pertinaces ad obtinendam inju-
 riam]* In eos qui pertinaciter retine-
 bant ea quæ injuste invaserant.

⁵ *Ad bellum]* Addidimus præposi-
 tionem, quam omnes MSS. tenent.

⁶ ** Postquam in Italia gravius bel-
 lum urgeret]* Hæc ad mentem sensum-
 que Indibilis accommodata sunt, non
 ad rei veritatem.

⁷ *Prima negligendo]* Omnes scripti,
primo negligendo. Neque id nos offen-
 dit: negligendo eo quod primum esset,
 negligendis initiis. Rhenanus reposuit
primâ. Utrum ea mutatio necessaria
 fuerit, judicet lector.

⁸ ** Hostico tanquam pacato]* Per
 hosticum solum, tanquam si amicum
 foret.

tamquam pacato, clementer ductis militibus, ad sedem hostium pervenere. trium millium spatio ⁹procul a castris eorum posuerunt castra. Primo per legatos nequidquam tentatum, ut discederetur ab armis. dein, quum in pabulatores Romanos inpetus repente ab equitibus Hispanis factus esset, submisso ab statione Romana equitatu, proelium equestre fuit, haud sane memorando in partem ullam eventu. Sole oriente, postero die armati instructique omnes mille ferme passus procul a castris Romanis aciem ostendêre. ^{Acies Hispanorum.} Medii Ausetani erant: cornua dextrum Ilergetes, lævum ignobiles tenebant Hispani populi. Inter cornua et mediam aciem intervalla patentia satis late fecerant; qua equitatum, ubi tempus esset, emitterent. Et Romani, more suo exercitum quum instruxissent, id modo hostium imitati sunt, ut inter legiones et ipsi patentes equiti relinquerent vias. Ceterum Lentulus, ei parti usum equitis fore ratus, quæ prior in dehiscentem intervallis hostium aciem equites emisisset, Ser. Cornelio tribuno militum imperat, equites per patentes in hostium acie vias permittere equos jubeat: ipse, coepta parum prospere pedestri pugna, tantum moratus, dum cedenti duodecimæ legioni, quæ in lævo cornu adversus Ilergetes ¹⁰locata erat, tertiam decimam legionem ex subsidiis in primam aciem firmamentum ducit; postquam æquata ibi pugna est, ad L. Manlium, inter prima signa hortantem, ac subsidia, quibus res postulabat locis, inducentem, venit. indicat tuta ab lævo cornu esse: jam missum ab se Cornelium Servium procella equestri hostes circumfusurum. Vix hæc dicta dederat, quum Romani equites, in medios invecti hostes, simul pedestres acies turbarunt, simul equitibus Hispanorum viam inmittendi equos clauserunt. Itaque, omissa pugna equestri, ¹¹ad pedestrem Hispani descenderunt. Romani imperatores, ut turbatos hostium ordines, et trepidationem pavoremque, et fluctuantia viderunt signa, hortantur, orant milites, ¹²*ut percussos invadant, neu restitui aciem patiantur.* non sustinuissent tam infestum inpetum barbari, ni ¹³regu-

9 * *Procul*] Hoc adverbium redundare videtur, imo parum opportune adjectum esse.

10 *Locata erat*] Sic habuit Rhenani codex. At nostri omnes, ut et Gronoviani, *prona erat*. Vett. editi utrumque jungunt: *locata prona erat*. Retinenda est Rhenani lectio, aut *prona erat* refingendum cum Rubenio in *pugnaverat*.

11 * *Ad pedestrem Hispani descenderunt*] Hispani equites ex equis descenderunt, ut pedestri Marte pugnarent.

12 *Ut percussos invadant*] Verbum ultimum servat Victorinus codex, et sensus ratio postulat. Itaque quod plurimi scripti eo carent, id negligentia librariorum accidisse judicamus.

13 *Regulus ipse . . cum equitibus ad pedes degressis*] Quum Campanus ediderit *digressi*, legere possemus *degressi*. Sic l. XXI. c. 60. *ipse dux cum aliquot principibus capiuntur*. Sed tunc in iis quæ sequuntur, legendum esset *objocissent*.

U. C. 547.
A. C. 205.
Vincunt
Romani.
Indibilis
occisus.

lus ipse Indibilis ¹⁴ cum equitibus ad pedes degressis^a ante prima signa peditum se objecisset. Ibi aliquamdiu atrox pugna stetit. tandem postquam ii, qui circa regem, seminecem restantem, deinde pilo terræ adfixum, pugnabant, obruti telis obcubuerunt, tum fuga passim coepta, pluresque cæsi, quia equos conscendendi equitibus spatium non fuerat, et quia percussis acriter institerunt Romani. nec ante abscissum est, quam castris quoque exuerunt hostem. Tredecim millia Hispanorum cæsa eo die, octingenti ferme capti. Romanorum sociorumque paullo amplius ducenti, maxime in lævo cornu, ceciderunt. Pulsi castris Hispani, aut qui ex proelio effugerant, sparsi primo per agros, deinde in suas quisque civitates redierunt.

Dedunt se
Hispani.

III. Tum a Mandonio evocati in concilium, conquestive ibi clades suas, increpitis auctoribus belli, legatos mittendos ad arma tradenda deditionemque faciendam censuerunt. Quibus, culpam in auctorem belli Indibilem, ceterosque principes, quorum plerique in acie cecidissent, conferentibus, tradentibusque arma, et deditibus sese, responsum est: *In deditionem ita accipi eos, si Mandonium ceterosque belli concitores tradidissent vivos: sin minus, exercitus se in agrum Ilergetum Ausetanorumque, et deinceps aliorum populorum ducturos.* Hæc dicta legatis, renunciataque

Mandonius
traditus ad
supplicium.

in concilium. Ibi Mandonius ceterique principes comprehensi et traditi ad supplicium. Hispaniæ populis reddita pax: stipendium ejus anni duplex et frumentum ¹⁵ sex mensium imperatum, sagaque et ¹⁶ togæ exercitui, et obsides ab triginta ferme populis accepti. Ita Hispaniæ rebellantis tumultu, haud magno motu, intra paucos dies concito et compresso, in Africam omnis terror versus. C. Lælius nocte ad Hipponem Regium cum accessisset, luce prima ad populandum agrum sub signis milites sociosque navales duxit. Omnibus, pacis modo incuriose agentibus, magna clades inlata: nunciique trepidi Karthaginem terrore ingenti complevere, classem Romanam Scipionemque imperatorem (et fama fuerat jam in Siciliam transgressum) advenisse. Nec quot naves vidissent, nec quanta manus agros popularetur, satis gnari, omnia in majus, metu augente accipiebant. itaque primo terror pavorque, dein^b moestitia ani-

Lælius clas-
se Africam
populatur.

Terror Kar-
thaginiensi-
um.

mos incessit: *tantum fortunam mutasse, ut, qui modo ipsi exercitum ante mœnia Romana habuissent victores, stratisque*

^a degressus Gron.

^b deinde Gron. Crev.

¹⁴ Cum equitibus ad pedes degressis] Hæc est Put. codicis scriptura, ad quam alludunt plerique alii, exhibentque *degressis*. Rhenanus maluerat *degressus*, eique hactenus paruerant editores.

¹⁵ Sex mensium] Regius codex, ut et Put. *mensum*.

¹⁶ Togæ exercitui] Vid. not. 61. ad XXII. 54.

tot hostium exercitibus, omnes Italiae populos aut vi aut voluntate in deditionem accepissent; ii, verso Marte, Africae populationes et obsidionem Karthaginis visuri forent, nequaquam pari ad patienda ea robore, ac Romani fuissent. Illis Romanam plebem, illis Latium juventutem praeuisse; majorem semper frequentioremq; pro tot caesis exercitibus subolescentem. Suam plebem inbellem in urbe, inbellem in agris esse. mercede parari auxilia ex Afris, gente ad omnem auram spei mobili atque infida. Jam reges, Syphacem post colloquium cum Scipione alienatum; Masinissam aperta defectione infestissimum hostem. nihil usquam spei, nihil auxilii esse. Nec Magonem ex Gallia movere tumultus quidquam, nec conjungere sese Hannibali; et Hannibalem ipsum jam et fama senescere, et viribus.

IV. In haec deflenda prolapsos ab recenti nuncio animos rursus terror instans revocavit ad consultandum, quonam modo obviam praesentibus periculis iretur. Delectus raptim Apparatus. in urbe agrisque haberi placet, mittere ad conducenda Afrorum auxilia, munire urbem, frumentum convehere, tela, arma parare, instruere naves ac mittere ad Hipponem adversus Romanam classem. Jam haec agentibus nuncius tandem venit, Laelium, non Scipionem, copiasque, quantae ad incursiones agrorum satis sint, transvectas; summæ belli molem adhuc in Sicilia esse. Ita respiratum, mittique ad Syphacem legationes, aliosque regulos, firmandæ societatis causa, coeptæ. Ad Philippum quoque missi, qui ¹⁷ ducenta argenti talenta pollicerentur, ut in Siciliam aut in ^c Italiam trajiceret. ¹⁸ Missi et ^d ad duos imperatores in Italiam, ut omni terrore Scipionem retinerent: ad Magonem non legati modo, sed viginti quinque naves longæ, sex millia peditum, octingenti equites, septem elephantum, ad hoc magna pecunia ad conducenda auxilia, quibus fretus propius urbem Romanam exercitum admoveret, conjungeretque se Hannibali. Hæc Karthagine parabant agitabantque. Ad Laelium prædas ingentes ex agro inermi ac nudo praesidiis agentem Masinissa, fama Romanæ classis excitus, cum equitibus Masinissa paucis venit. Is *segniter* rem agi ab Scipione questus, quod ^{ad Laelium venit.} *tum non jam exercitum in Africam trajecisset, percussis Karthaginiensibus, Syphace impedito finitimis bellis, ¹⁹ quem incertum hæerere, si spatium ad sua, ut velit, componenda detur, ni-*

^c in del. Gron. Crev.

^d et del. Gron.

¹⁷ *Ducenta argenti talenta*] *Marcas Parisienses* 18750.

¹⁸ *Missi et ad duos*] Recte Gronovius reposuerat *duos*, quum vulgo ederetur *suos*. Sed idem immerito elimi-

navit particulam *et*, quam retinent Put. et Vict. codd.

¹⁹ *Quem incertum hæerere*] Probè Gronovii emendatio. Scripti: *quem incertum habere*.

U. C. 547. *hil. sincera fide cum Romanis acturum. Hortaretur, ac stimu-*
 A. C. 205. *laret Scipionem, ne cessaret. Se, quamquam regno pulsus esset,*
cum haud contemnendis copiis adfuturum peditum equitumque.
Nec ipsi Lælio morandum in Africa esse. classem credere pro-
fectam a Karthagine, cum qua, absente Scipione, non satis tu-
tum esse contrahi certamen.

Oratio Ma-
gonis ad
Gallos et
Ligures.

V. Ab hoc sermone dimisso Masinissa, Lælius postero die naves præda onustas ab Hippone solvit, revectorque in Siciliam mandata Masinissæ Scipioni exposuit. Eisdem ferme diebus naves, quæ ab Karthagine ad Magonem missæ erant, inter Albingaunos Ligures Genuamque accesserunt. In iis locis tum forte Mago tenebat classem: qui, legatorum auditis verbis, jubentium exercitus quam maximos comparare, extemplo Gallorum et Ligurum (namque utriusque gentis ingens ibi multitudo erat) concilium habuit. et *missum se ad eos vindicandos in libertatem, ait, et, ut ipsi cernant, mitti sibi ab domo præsidia: sed, quantis viribus, quanto exercitu id bellum geratur, in eorum potestate esse. Duos exercitus Romanos, unum in Gallia, alterum in Etruria esse. satis, scire, Sp. Lucretium se cum M. Livio juncturum. multa millia ipsis etiam armanda esse, ut duobus ducibus, duobus exercitibus Romanis resistatur.*

Responsum
Gallorum.

Galli, summam ad id suam voluntatem esse, dicere: sed, quum una castra Romana intra fines, altera in finitima terra Etruria prope in conspectu habeant, si palam fiat auxiliis adjutum ab sese Pœnum, extemplo infestos utrimque exercitus in agrum suum incursuros. Ea ab Gallis desideraret, quibus occulte adjuvari posset. Liguribus, quod procul agro urbibusque eorum castra Romana sint, libera consilia esse. illos armare juventutem, et capessere²⁰ pro parte bellum, æquum esse. Ligures haud abnuere: tempus modo duorum mensium petere ad delectus habendos. Interim Mago milites, Gallis dimissis, clam per agros eorum mercede conducere. commeatus quoque omnis generis occulte ad eum²¹ a Gallis populis mittebantur. M. Livius exercitum volonum ex Etruria in Galliam traducit: junctusque Lucretio, si se Mago ex Liguribus propius urbem moveat, obviam ire parat: si Pœnus sub angulo Alpium quietus se contineat, et ipse in eadem regione circa Arminum^d Italiæ præsidio futurus.

VI. Post reditum ex Africa C. Lælii, et Scipione stimulo Masinissæ adhortationibus, et militibus, prædam ex

^d *Arminum* Gron. Crev.

²⁰ * *Pro parte*] Hoc ideo additum est, quia non totum bellum per se capessere debebant Ligures, cujus summa penes Magonem et Carthaginienses erat, sed tantum in partem belli venire.

²¹ *A Gallis populis*] Hæc est scriptorum omnium lectio: quam nihil opus erat mutari. Sic Horatius *Italo cælo, Itala tellure*. Editi habent hoc loco *Gallias*.

hostium terra cernentibus tota classe efferri, accensis ad U. C. 547.
 trajiciendum quam primum, intervenit majori minor cogi- A. C. 205.
 tatio, Locros urbem recipiendi, quæ sub defectionem Italiae Locri recep-
 desciverat et ipsa ad Poenos. ²² Spes autem adfectandæ ejus^{ti}.
 rei ex minima re adfulsit. Latrociniis magis, quam justo
 bello, in Brutiis gerebantur res; principio ab Numidis fac-
 to, et Brutiis, non societate magis Punica, quam suopte in-
 genio, congruentibus in eum morem. Postremo Romani
 quoque, jam contagione quadam raptò gaudentes, quantum
 per duces licebat, excursionses ²³ in hostium agros facere.
 Ab iis ²⁴ egressi quidam urbem Locrenses circumventi,
 Rhegiumque abstracti fuerant. in eo captivorum numero
 fabri quidam fuere, adsueti forte apud Poenos mercede opus
 in arce Locrorum facere. Ii, cogniti ab Locrensi-um prin-
 cipibus, qui pulsati ab adversa factione, quæ Hannibali Lo-
 cros tradiderat, Rhegium se contulerant, quum cetera per-
 cunctantibus, (ut mos est, qui diu absunt) quæ domi age-
 rentur, exposuissent, spem fecerunt, si redempti ac remissi
 forent, arcem se iis tradituros. ibi se habitare, fidemque sibi
 rerum omnium inter Karthaginienses esse. Itaque, ut qui
 simul desiderio patriæ angerentur, simul cupiditate inimicos
 ulciscendi arderent, redemptis extemplo iis remissisque,
 quum ordinem agendæ rei composuissent, signaque, quæ
 procul edita observarent, ipsi ad Scipionem Syracusas pro-
 fecti, apud quem pars exsulum erat, referentes ibi promissa
 captivorum, quum spem ab effectu haud abhorrentem con-
 suli fecissent; tribuni militum cum iis M. Sergius et P.
 Matienus missi, jussique ab Rhegio tria millia militum Lo-
 cros ducere: et ²⁵ Q. Pleminio proprætori scriptum, ut rei
 agendæ adesset. Profecti ab Rhegio, scalas ad editam al-
 titudinem arcis fabricatas portantes, media ferme nocte ex

²² * *Spes . . . affectandæ ejus rei ex minima re affulsit*] Odiosa repetitio rei . . . re. Potest resecari vox rei. *Spes affectandæ* sive occupandæ ejus, nempe urbis Locrorum, quæ in iis quæ proxime præcedunt appellatur. Eodem modo dixit Livius l. I. c. 46. *Spem affectandi regni*.

²³ *In hostium agros*] Plurimi scripti et optimi carent ultima voce. Itaque ea suppressa Gronovius legit *in hosticum*.

²⁴ * *Egressi . . . urbem*] Proba locutio, et cujus exempla, quæ rara non sunt, crebriora tamen essent in editis, si ad MSS. fidem accurate semper exigerentur. Sic l. XXVIII. c. 14. ubi vulgo legitur *castris egreditur*,

reperimus in uno codice *castra*.

²⁵ *Q. Pleminio proprætori*] Pleminius hic proprætor appellatur. Ex c. 9. infra constat eum ab Rhegio milites adduxisse Locros. Itaque admodum verisimile est eum proprætorem Rhegio præfuisse, atque ex eo præsidio, quo illam urbem tutabatur, adduxisse Locros tria hæc millia militum, de quibus modo mentio facta est. Quod si ita est, tribuni militum, qui dicuntur juberi has copias ab Rhegio Locros ducere, non intelligendi sunt iis præfuisse, sed pertulisse tantummodo mandata Scipionis ad Pleminium ut Locros hunc numerum militum duceret. Hæc non inutiliter observari patebit infra.

U. C. 447. A. Q. 205. eo loco, unde convenerat, signum dedere proditoribus arci, qui parati intentique, et ipsi scalas ad id ipsum factas cum demisissent, pluribusque simul locis scandentes acceperant, priusquam clamor oriretur, in vigiles Pœnorum, ut in nullo tali metu, sopitos inpetus est factus. quorum gemitus primo morientium exauditus; deinde subita consternatio ex somno et tumultus, quum causa ignoraretur; postremo certiores, aliis excitantibus alios. jamque *ad arma* pro se quisque vocabat: *hostes in arce esse, et cædi vigiles*. oppressaque forent Romani, nequaquam numero pares, ²⁶ ni clamor, ab iis, qui extra arcem erant, sublatus, incertum, unde accidisset, (omnia vana augente nocturno tumultu) fecisset. Itaque velut plena jam hostium arce territi Pœni, omisso certamine, in alteram arcem (duæ sunt haud multum inter se distantes) confugiunt. Oppidani urbem habebant, victoribus præmium in medio positam. Ex arcibus duabus proeliis quotidie levibus certabatur. Q. Pleminius Romano, Hamilcar Punico præsidio præerat: arcessentes²⁷ ex propinquis locis subsidia copias augebant. Ipse postremo veniebat Hannibal. nec sustinuissent Romani, nisi Locrensiū multitudo, exacerbata superbia atque avaritia Pœnorum, ad Romanos inclinasset.

VII. Scipioni ut nunciatum est, in majore discrimine Locris rem verti, ipsumque Hannibalem adventare; ne præsidium etiam periclitaretur, haud facili inde receptu, et ipse a Messana, L. Scipione fratre in præsidio ibi relicto, ²⁸ quum primum aestu fretum inclinatū est, ²⁹ naves mari secundo misit. Et Hannibal, ³⁰ a Butroto amni (haud procul is ab urbe Locris abest) nuncio præmisso, ut sui luce prima summa vi proelium cum Romanis ac Locrensibus conserrerent, dum ipse, aversis omnibus in eum tumultum, ab tergo urbem incautam adgrederetur, ubi luce coeptam invenit pugnam, ipse nec in arcem se includere, turba locum artum

²⁶ et arcessentes Gron. Crev.

²⁶ *Ni clamor ab iis*] Ni clamor ab iis sublatus, qui extra arcem erant, fecisset incertum Pœnis, unde accidisset; cohibuisset Pœnos incertos, utrum ab arce, an ab vicinis arci locis accidisset, nocturno tumultu augente omnia, etiam vana. Similiter fere locutus est Livius, l. XLI. c. 2. *Et concursatio in obscuro incidentium aliorum in alios incertum fecerat, an hostis intra vallum esset.* Vid. et l. XXX. c. 6.

²⁷ *Quum primum aestu fretum inclinatū est*] Quum primum freti aquæ aestu propelli in eam partem

coeptæ sunt, versus quam Scipioni navigandum erat.

²⁸ *Naves mari secundo misit*] Naves ferendas permisit mari secundo, id est, motui maris obsecuturas. Et intelligendus est ipse Scipio his navibus vectus fuisse, ut constat ex iis quæ sequuntur.

²⁹ *A Butroto amni*] Commodè emendat Gronovius, ab *Alece* amni, qui fluvius in ea regione memoratur a Strabone et Thucydide. Neque ablu- dit veterum codicum scripturam: *ab uloto*.

impediturus, voluit; neque scalas, quibus scanderet muros, U. C. 547. adtulerat. sarcinis in acervum coniectis, quum haud procul A. C. 205. muris ad terrorem hostium aciem ostendisset, cum equitibus Numidis circumcequitabat urbem, dum scalæ, quæque alia ad obpugnandum opus erant, parantur, ad visendum qua maxime parte adgrederetur. progressus ad murum, ³⁰ scorpione icto, qui proximus eum forte steterat, ³¹ territus inde tam periculoso casu, receptui canere quum jussisset, castra procul ab ictu teli communiit. Classis Romana a Messana Locros, ³² aliquot horis die superante, accessit: expositi omnes e navibus, et ante occasum solis urbem ingressi sunt. Postero die coepta ex arce a Pœnis pugna: et Hannibal, jam scalis aliisque omnibus ad obpugnationem paratis, subibat muros: quum repente in eum, nihil minus quam tale quidquam timentem, patefacta porta erumpunt Romani. ad ducentos improvidos, quum invasissent, occidunt. ceteros Hannibal, ut consulem adesse sensit, in castra recipit: nuncioque misso ad eos, qui in arce erant, ³³ ut sibimet ipsi consulerent, nocte motis castris abiit. Et qui in arce erant, igni injecto tectis, quæ tenebant, ut is tumultus hostem moraretur, agmen suorum fugæ simili cursu ante noctem adsecuti sunt.

VIII. Scipio, ut et arcem relictam ab hostibus et vacua vidit castra, vocatos ad concionem Locrenses graviter ob defectionem incusavit: de auctoribus supplicium sumsit, bonaque eorum alterius factionis principibus, ob egregiam fidem adversus Romanos, concessit. ³⁴ *Publice nec dare, nec eripere se quidquam Locrensibus, dixit, Romam mitterent legatos: quam senatus æquum censuisset, eam fortunam habituros. Illud satis scire, etsi male de populo Romano meriti essent, in meliore statu sub iratis Romanis futuros, quam sub amicis Karthaginiensibus fuerint.* Ipse, Q. Pleminio legato præsidioque, quod arcem ceperat, ad tuendam urbem relicto, cum quibus venerat copiis, Messanam trajecit. Ita superbe et crudeliter habiti Locrenses ab Karthaginiensibus Pleminius post defectionem ab Romanis fuerant, ut modicas injurias Præf. Locris crudeliter se gerit. non æquo modo animo pati, sed prope lubenti possent. ve-

³⁰ *Scorpione icto, qui proximus]* Quum is qui forte proximus ei steterat, scorpione ictus esset.

³¹ *Territus inde]* Forte absterritus. GRONOVIVS.

³² *Aliquot horis die superante]* Quum dies superasset, quoad aliquot horas. * quum aliquot adhuc diei horæ superessent.

³³ *Ut sibimet ipsi consulerent]* Vol-

go sibimetipsis. Illud alterum, quod elegantius est, e Put. et regio, assentientibus et aliis codicibus, accipimus.

³⁴ * *Publice . . . Locrensibus]* Locrensi populo. Quod intellige dictum per oppositionem ad singulos cives, quorum alii supplicio affecti, alii præmiis aucti fuerant.

U. C. 547. A. C. 205. rum enimvero tantum Pleminius Hamilcarem praesidii praefectum, tantum praesidiarii milites Romani Pœnos scelere atque avaritia superaverunt, ut non armis, sed vitiis videretur certari. nihil omnium, quæ ³⁵ inopi invisas opes potentioris faciunt, praetermissum in oppidanos est ab duce, aut a militibus; in corpora ipsorum, in liberos, in conjuges infandæ contumeliæ editæ. Nam avaritia ne sacrorum quidem spoliatione abstinuit; nec alia modo templa violata, sed Proserpinæ etiam, intacti omni ætate, thesauri; præterquam quod a Pyrrho, ³⁶ qui cum magno piaculo sacrilegii sui manubias retulit, spoliati dicebantur. Ergo sicut ante regiæ naves, laceratæ naufragiis, nihil in terram integri, præter sacram pecuniam Deæ, quam asportabant, extulerant; tum quoque ³⁷ alio genere cladis eadem illa pecunia omnibus contactis ea violatione templi furorem objecit, atque inter se ducem in ducem, militem in militem rabie hostili vertit.

Ejus avaritia.

Pugna inter milites Rom.

IX. Summæ rei Pleminius præerat: ³⁸ militum pars sub eo, quam ipse ab Rhegio abduxerat, ³⁹ pars sub tribunis erat. Rapto poculo argenteo ex oppidani domo Pleminii miles fugiens, sequentibus quorum erat, obviis forte Sergio et Matieno tribunis militum fuit. cui quum jussu tribunorum ademptum poculum esset, jurgium inde et clamor, pugna postremo orta inter Pleminii milites, tribunorumque; ut suis quisque opportunus advenerat, multitudine simul ac tumultu crescente. Victi Pleminii milites quum ad Pleminium, cruorem ac vulnera ostentantes, non sine vociferatione atque indignatione concurrissent, probra in eum ipsum jactata in jurgiis referentes; accensus ira domo sese proripuit, vocatosque tribunos nudari, ac virgas expediri jubet. Dum spoliandis iis (repugnabant enim, ⁴⁰ militemque inplorabant) tempus teritur, repente milites, feroces recenti vic-

35 * *Inopi*] Ei qui se tueri ac defendere suis opibus non potest.

36 * *Qui cum magno piaculo*] Qui expensis gravissimis pro scelere Pœnis, retulit in templum spolia quæ sacrilegio collegerat.

37 * *Alio genere cladis*] Sumens ex sacrilegis aliud poenæ genus.

38 *Militum pars sub eo, quam ipse ab Rhegio abduxerat*] Vid. not. 25. ad c. 6. supra. Ceterum magis proprium videretur *adduxerat*, quomodo olim editi, et Thuanæus codex.

39 *Pars sub tribunis erat*] Nimirum verisimile est tribunos a Scipione ex Sicilia missos esse cum aliquo militum numero, quibus et præesse eos, tan-

quam proprios duces, consul voluit.

40 *Militemque implorabant*] Plerique scripti: *militumque implorabant auxilium*. Quidam, puta regius, Rhénani liber, *militumque fidem implorabant*. Quia Put. codex neque *auxilium*, neque *fidem* agnoscit, exhibetque nude *militumque implorabant*, ideo utramque vocem pro spuria habuit Gronovius, effecitque id quod habes in contextu. Nimirum fidenter fortasse. Etenim testes sumus, hisce duobus maxime in libris, XXIX. et XXX. frequentissimis defectibus hiare Put. librum: quæ, nisi nauseam movere lectori vereremur, hic enumerare facile esset.

toriam, ex omnibus locis, velut adversus hostes ad arma con- U. C. 547.
clamatum esset, concurrerunt. et, quum violata jam virgis A. C. 205.
corpora tribunorum vidissent, tum vero in multo inpoten-
torem subito rabiem accensi, sine respectu, non majestatis
modo, sed etiam humanitatis, in legatum inpetum, lictoribus
prius indignum in modum mulcatis, faciunt. tum ipsum,
ab suis interceptum et seclusum, hostiliter lacerant, et Pleminius
prope exsanguem, naso auribusque mutilatis, relinquunt. ^{hostiliter laceratus.}
His Messanam nunciatis, Scipio, post paucos dies Locros
“hexeri advectus, quum causam Pleminii et tribunorum
audisset, Pleminio noxa liberato, relictoque in ejusdem loci A Scipione
præsidio, tribunis sententiis judicatis, et in vincula coniectis, absolvitur.
ut Romam ad senatum mitterentur, Messanam atque inde
Syracusas rediit^f. Pleminius inpotens iræ, neglectam ab
Scipione et nimis leviter latam suam injuriam ratus, nec
quemquam “æstimare alium eam litem posse, nisi qui atro-
citatem ejus patiendo sensisset, tribunos adtrahi ad se jus- ^{Tribunos crudeliter occidit.}
sit; laceratosque omnibus, quæ pati corpus ullum potest,
suppliciis interfecit: nec satiatus vivorum poena, insepultos
proiecit. Simili crudelitate et in Locrensiū principes est
usus, quos ad conquerendas injurias ad P. Scipionem pro-
fectos audivit. et, quæ antea per libidinem atque avaritiam
foeda exempla in socios ediderat, tunc ab ira multiplicia
edere: infamiæ atque invidiæ non sibi modo, sed etiam im-
peratori, esse.

X. Jam comitiorum adpetebat tempus, quum P. Licinii ^{Licinii ex-}
consulis literæ Romam adlatæ, se exercitumque suum “gravi ^{exercitus mor-}
morbo adfectari: “nec sisti potuisse, ni eadem vis mali, aut ^{bo affectus.}
gravior etiam, in hostes ingruisset. Itaque, quoniam ipse ve-
nire ad comitia non posset, si ita Patribus videretur, se Q. Cæ-
ciliū Metellum dictatorem comitiorum causa dicturum: ex-
ercitum Q. Cæciliū dimitti, e republica esse. Nam neque usum
ejus ullum in præsentiā esse, quum Hannibal jam in hiberna
suos receperit; et tanta incesserit in ea castra vis morbi, ut, nisi
mature dimittantur, nemo omnium superfuturus videatur. ea
consuli a Patribus faciendā, ut e republica fideque sua duce-
ret, permissa. Civitatem eo tempore repens religio invase-

^f redit Gron. Crev.

41 *Hexeri] Nave, quæ sex remo-
rum ordinibus ageretur. Vox Græca
est ἑξήντης, a radicibus ἑξ sex et ἑίρη
remigo.

42 Æstimare eam litem pos-
se] Æstimare litem, est proprie de-
cernere quænam pecuniæ summa a
damnato exsolvenda sit, sive in piacu-
lum poenæ, sive ad resarcienda incom-
moda, quæ illata sibi ab eo esse quis-

piam queratur. Hic figurate sumi-
tur pro statuere æquum ultionis mo-
dum.

43 Gravi morbo adfectari] Id est,
affici, quemadmodum apud Plautum
Bacchid. Act. III. Sc. 1. damna, qui-
bus patrem, et me, teque, amicosque
omnes affectas tuos.

44 *Nec sisti potuisse] Vid. not. 61.
ad II. 29.

U. C. 547. rat, invento carmine in libris Sibyllinis, propter crebrius eo
 A. C. 205. anno de cœlo lapidatum inspectis. *Quandoque hostis alieni-*
 Oraculum *gena terræ Italiæ bellum intulisset, eum pelli Italia vincique*
 Sibyllinum. *posse, si* ⁴⁵ *mater Idæa a Pessinunte Romam advecta foret.* Id
 carmen ab decemviris inventum eo magis Patres movit,
 quod et legati, qui donum Delphos portaverant, referebant,
 Delphicum. ⁴⁶ *et sacrificantes ipsos Pythio Apollini litavisse, et respon-*
 sum oraculo editum, majorem multo victoriam, quam *cujus*
 ex spoliis dona portarent, adesse populo Romano. ⁴⁷ *In*
 ejusdem spei summam conferebant P. Scipionis velut præ-
 sagientem animum de fine belli, quod depoposcisset provin-
 ciam Africam. Itaque quo maturius ⁴⁸ *fatis, omnibus, ora-*
 culisque portendentis sese victoriæ compotes fierent, id co-
 gitare, quæ ratio transportandæ Romam Deæ esset.

X
 Mater Idæa
 ex Asia pe-
 titur.

XI. Nullas dum in Asia civitates socias habebat populus
 Romanus. tamen memores, ⁴⁹ *Æsculapium quoque ex Græ-*
 cia quondam, haud dum ullo fœdere sociata, valetudinis po-
 puli causa arcessitum, et jam cum Attalo rege, propter
 commune adversus Philippum bellum, cœptam amicitiam
 esse, facturum eum, quæ possit, populi Romani causa, le-
 gatos ad eum decernunt, ⁵⁰ *M. Valerium Lævinum, qui bis*
 consul fuerat, ac res in Græcia gesserat, M. Cæcilium Me-
 tellum prætorium, Ser. Sulpicium Galbam ædilitium, duos
 quæstorios, Cn. ⁵¹ *Tremellium Flaccum, et M. Valerium Fal-*
 tonem. His quinque naves quinqueres, ut ex dignitate
 populi Romani adirent eas terras, ad quas concilianda ma-
 jestas nomini Romano esset, decernunt. Legati Asiam pe-
 tentes ⁵¹ *protinus Delphos quum escendissent, oraculum adi-*
 erunt, consulentes, ad quod negotium domo missi essent,
 perficiendi ejus, quam sibi spem populoque Romano por-
 tenderet. Responsum esse ferunt, *Per Attalum regem com-*
potes ejus fore, quod peterent. quum Romam Deam devertis-

z C. Gron. Crev.

⁴⁵ *Mater Idæa*] Quæ et Rhea, et
 Ops, et Mater deûm quoque vocabatur;
Idæa dicta ab Ida monte in Phrygia,
 ubi præcipua quadam veneratione cole-
 batur.

⁴⁶ *Et sacrificantes ipsos Pythio Apol-*
lini litavisse] De hac Gronovii emenda-
 tione vid. ipsum, l. IV. Observat. c. 15.

⁴⁷ *In ejusdem spei summam confe-*
rebant] Ex carmine invento in libris
 Sibyllinis, et responso Apollinis Del-
 phici existebat jam quædam spei velut
 summa, quam augebant addito et aliquo
 momento spei ex illa fiducia, quæ Scipio
 hujus belli victoriam animo præsagio-
 bat sibi ac despondebat.

⁴⁸ *Fatis, omnibus, oraculisque*] Mo-

rito Gronovius legi jussit *omnibus pro*
omnibus. *Fata* intellige carmen Sibyl-
 linum; *omniâ*, Scipionis animum præ-
 sagientem de fine belli; *oracula*, re-
 sponsum Apollinis Delphici.

⁴⁹ *Æsculapium ex Græcia*
quondam] Id imperatum ac decretum
 memorat noster l. X. extremo. * Con-
 sule, si lubet, Ovid. XV. Metam.

⁵⁰ *M. Valerium Lævinum, qui bis*
consul fuerat] Quo anno primum con-
 sul fuerit, incertum est. Hoc bello
 prætor fuit, anno 537. consul iterum
 cum Marcello, anno 542.

⁵¹ *Protinus*] Ubo itineris tenore,
 Asiam petentibus, Delphos adire parum
 longum aut devium est.

sent, tum curarent, ut eam, qui vir optimus Romæ esset, hos- U. E. 547.
pitio exciperet. Pergamum ad regem venerunt. Is legatos A. E. 205.
comiter acceptos Pessinauntem in Phrygiam deduxit: sa-
crumque iis ⁵² lapidem, quam^h matrem Deum esse incolæ¹ Datur lega-
dicebant, tradidit, ac deportare Romam jussit. Præmissus¹ tis lapis,
ab legatis M. Valerius Falto nunciavit, Deam adportari. quam Ma-
quærendum virum optimum in civitate esse, qui eam rite vocabant.
⁵³ hospitio exciperet. Q. Cæcilius Metellus dictator ab con-
sule in Brutiis comitiorum causa dictus, exercitusque ejus
dimissus: magister equitum L. Veturius Philo. Comitiam
per dictatorem habita. Consules facti M. Cornelius Ce-
thegus, ⁵⁴ P. Sempronius Tuditanus absens, quum provin-
ciam Græciam haberet. Prætores inde creati, Ti. Clau-
dius Nero, M. Marcius Ralla, L. Scribonius Libo, M.
Pomponius Matho. Comitiiis peractis, dictator sese ma-
gistratu abdicavit. Ludi Romani ter, plebei septies in-
staurati. Curules erant ædiles Cn. et L. Cornelii Lentuli.
Lucius Hispaniam provinciam habebat: absens creatus,
absens eum honorem gessit. Ti. Claudius Asellus et M. Ju-
nius Pennus plebei ædiles fuerunt. Ædem Virtutis eo
anno ad portam Capenam M. Marcellus dedicavit, septimo-
decimo anno postquam a patre ejus primo consulatu vota in
Gallia ad Clastidium fuerat. Et ⁵⁵ flamen Martialis eo anno
est mortuus M. Æmilius Regillus.

XII. Neglectæ eo biennio res in Græcia erant. itaque
Philippus Ætolos, ⁵⁶ desertos ab Romanis, cui uni fidebant Ætoli pa-
auxilio, quibus voluit conditionibus, ad petendam et pacis- cem cum
cendam subegit pacem. quod nisi omni vi perficere matu- Philippo fa-
rasset, bellantem eum cum Ætolis P. Sempronius proconsul, ciunt.

^h quem Gron.

¹ incolæ esse Gron. Crev.

⁵² Lapidem, quam Matrem deum] Hanc loquendi figuram, quâ relati-
vum duobus nominibus interpositum
sequenti conjungitur, editores corru-
perant, et dederant quem: Jac. Gronovius vindicavit ex aliquot scriptis
vel optimis, Put. Cantabrig. aliisque,
quibus et regius noster accedit. Sic
et supra, l. XXIV. c. 42. moniti ab eo-
dem Jac. Gronovio restituimus oppi-
dum, quæ causa belli esset: quum
vulgati haberent quod. Sic et illud
Ennii apud Festum et Cic. Aspice hoc
sublime candens, quem invocant omnes
Jovem.

⁵³ Hospitio exciperet] Non tamen
deam Nasica domum suam deporta-
vit, ut apparet ex c. 14. hujus libri.
Itaque, si sibi Livium constare volu-
mus, hospitio excipere, interpretabimur

obviam ire numini tanquam hospitem,
et illud hospitali manu de nave acci-
pere.

⁵⁴ P. Sempronius Tuditanus .. quum
provinciam Græciam haberet] Missus
P. Sulpicio successor, ut habetur c.
seq.

⁵⁵ Flamen Martialis ... M. Æmi-
lius Regillus] Supra, l. XXIV. capp.
7. et 8. appellatus est M. Æmilius
Regillus Flamen Quirinalis, spe con-
sulatus dejectus a Fabio. Utrum hic
flamen Martialis alius ab illo sit, an
idem duo habuerit sacerdotia, an me-
moriam Livium fefellerit, incertum re-
linquere cogimur.

⁵⁶ Desertos ab Romano] Hæc est
veterum editorum et scriptorum lectio,
quam sine causa mutaverat Rhenanus,
malueratque ab Romanis.

U. C. 547. successor imperii missus Sulpicio, cum decem millibus pe-
 A. C. 205. ditum, et mille equitibus, et triginta quinque rostratis na-
 vibus (haud parvum momentum ad opem ferendam sociis)
 obpressisset. Vixdum pace facta, nuncius regi venit, Ro-
 manos Dyrrachium venisse: Parthinosque et propinquas
 alias gentes motas esse ad spem novandi res: Dimallumque
 obpugnari. ⁵⁷ Eo se verterant Romani ab Ætolorum, quo
 missi erant, auxilio, irati, quod sine auctoritate sua adversus
 foedus cum rege pacem fecissent. Ea quum audisset Phi-
 lippus, ne qui motus major in finitimis gentibus populisque
 oriretur, magnis itineribus Apolloniam contendit; quo Sem-
 pronius se receperat, misso Lætorio legato cum parte co-
 piarum et quindecim navibus in Ætoliam, et ⁵⁸ ad visendas
 res, pacemque, si posset, turbendam. Philippus agros
 Apolloniatium vastavit, et, ad urbem admotis copiis, pot-
 estatem pugnae Romano fecit. quem postquam quietum
 muros tantummodo tueri vidit, nec satis fidens viribus, ut
 urbem obpugnaret, et cum Romanis quoque, sicut cum Æ-
 tolis, cupiens pacem, si posset, sin minus, inducias facere,
 nihil ultra irritatis novo certamine odiis, in regnum se rece-
 pit. Per idem tempus, tædio diutini belli, Epirotæ, tentata
 prius Romanorum voluntate, legatos de pace communi
 ad Philippum misere; satis confidere, conventuram eam,
 adfirmantes, si ad colloquium cum P. Sempronio impera-
 tore Romano venisset. Facile impetratum, (neque enim ne
 ipsius quidem regis abhorrebat animus) ut in Epirum trans-
 iret. Phoenice urbs est Epiri: ibi prius conlocutus rex
 cum Aëropo^k, et Darda, et Philippo Epirotarum prætoribus,
 postea cum P. Sempronio congreditur. Adfuit conioquio
 et ⁵⁹ Amynder Athamanum rex, et magistratus alii Epi-
 rotarum et Acarnanum. Primus Philippus prætor verba
 fecit, et petiit simul ab rege et ab imperatore Romano, ut
 finem belli facerent, ⁶⁰ darentque eam Epirotis veniam. P.

Itemque
Romani.

^k *Eropo* Gron. Crev.

⁵⁷ *Eo se verterant Romani ab Æto-
 lorum, quo missi erant, auxilio*] So-
 lus Victorinus codex e nostris hanc
 tuetur lectionem. Ceteri tantummo-
 do, ut et Gronoviani, *eos verterant
 auxilio*, quidam *auxilia*. Inde Gro-
 novius legendum putat: *Eo se verte-
 rant auxilia*, nempe Romani qui Æ-
 tolis venerant auxilio, *irati* . . . Sed
 quum vulgata lectio nihil Livio indig-
 num sapiat, tam sancta nobis non visa
 est debere esse aliquot egregiorum
 alioqui codicum, sed multis in locis
 manifeste mutilorum, fides, ut trun-
 cam, et abruptam, et parum claram

loquendi figuram pro Liviana agnosce-
 remus.

⁵⁸ *Ad visendas res*] Vulgati præfi-
 gunt copulam *et*, quam relegant qua-
 tuor scripti, duo Hearnio, duo nobis
 inspecti.

⁵⁹ *Amynder Athumanum rex, et
 magistratus alii Epirotarum*] Nempe
 Athamania a Strabone contribuitur
 Epiro. Ideo Athamanum rex magis-
 tratibus Epirotarum annumeratur.

⁶⁰ * *Darentque eam Epirotis ve-
 niam*] Et hoc Epirotis petentibus
 concederent.

Sempronius conditiones pacis dixit, ut Parthini, et Dimal-^{U. C. 547.} lum, et Bargulum, et Eugenium Romanorum essent. Atin-^{A. C. 205.} tania, ⁶¹ si, missis Romam legatis, ab senatu impetrasset, Macedoni accederet. In eas conditiones quum pax conveniret, ab rege foederi adscripti, Prusia Bithyniæ rex, Achæi, Bœoti, Thessali, Acarnanes, Epirotæ: ab Romanis, ⁶² Ilienses, Attalus rex, Pleuratus, ⁶³ Nabis Lacedæmoniorum tyrannus, Elei, Messenii, Athenienses. Hæc conscripta consignataque sunt, et in duos menses induciæ factæ, donec Romam mitterentur legati, ut populus in has conditiones pacem juberet. jusseruntque omnes tribus: quia, verso in Africam bello, omnibus aliis in præsentia levare volebant bellis¹. P. Sempronius, pace facta, ad consulatum Romam decessit.

XIII. P. Sempronio, M. Cornelio consulibus^m (quintus-^{U. C. 548.} decimus is annus Punici belli erat) provinciæ, Cornelio^{A. C. 204.} ⁶⁴ Etruria cum vetere exercitu, Sempronio Bruttii, ut novas^{M. Cornelio, P. Sempronio Coss. Provincie.} scriberet legiones, decretæ. Prætoribus, M. Marcio urbana, L. Scribonio Liboni peregrina, et eidem Gallia, M. Pomponio Mathoni Sicilia, Ti. Claudio Neroni Sardinia evenit. P. Scipioni cum eo exercitu, cum ea classe, quam habebat, prorogatum in annum imperium est. item P. Licinio, ut Bruttios cum duabus legionibus obtineret, quoad eum in provincia cum imperio morari consuli e republica visum esset. Et M. Livio, et Sp. Lucretio, cum binis legionibus, quibus adversus Magonem Galliæ præsidio fuissent, prorogatum imperium est. Et Cn. Octavio, ut, cum Sardiniam legionemque Ti. Claudio tradidisset, ipse navibus longis quadraginta maritimam oram, quibus finibus senatus censuisset, tutaretur. M. Pomponio prætori in Sicilia Cannensis exercitus duæ legiones decretæ. ⁶⁵ T. Quinctius Tarentum, C. Hostilius Tubulus Capuam, proprætores, sicut

¹ bellis volebant Gron. Crev. ^m M. Cornelio, P. Sempronio consulibus Ead.

61 *St. . . impetrasset*] Philippus.

62 * *Ilienses*] Hæc prima, nisi nos fallit opinio, occurrit apud Livium mentio Iliensium: quos hic Romani socios, alibi, ut XXXVII. 37. XXXVIII. 39. etiam originis suæ auctores agnoscunt.

63 *Nabis Lacedæmoniorum tyrannus*] Vid. not. 82. ad l. XXXIV. c. 26. infra.

64 *Etruria cum vetere exercitu*] Cum eo exercitu quem Arretium duxisse Lævinus memoratur l. XXVIII. extremo.

65 *T. Quinctius Tarentum*] Hic est T. Quinctius Flamininus, qui postea Philippum regem devicit, ut constat ex Plat. in ejus vita. Ceterum qui

dicitur hic *Tarentum*, sicut priore anno, obtinere jussus, nusquam supra memoratus est Tarentum missus esse cum imperio. Quin etiam ex c. 45. et c. 10. l. XXVIII. sequi videtur, ut observat Perizonius Animadv. Hist. c. 4. Q. Claudium, superiore anno, Tarento præfuisse. Sed fieri potuit, ut Claudius, postquam ei prorogatum imperium fuerat, vel moreretur, vel aliquo casu aut negotio impeditus e provincia decesserit, eique successor Quintius missus fuerit. Itaque tunc nihil aliud objici poterit Livio, nisi quod rem eam, de qua mentionem nullam fecerat, hic tanquam supra memoratam narret.

U. C. 549. A. C. 204. priore anno, cum vetere uterque praesidio, obtinerent. De Hispaniae imperio, quos in eam provinciam duos proconsules mitti placeret, latum ad populum est. Omnes tribus eosdem, L. Cornelium Lentulum et L. Manlium Acidinum, proconsules, sicut priore anno tenuissent, obtinere eas provincias jusserunt. Consules delectum habere instituerunt, et ad novas scribendas in Bruttios legiones, ⁶⁶ et in ceterorum (ita enim jussi ab senatu erant) exercituum supplementum.

Prodigia

XIV. Quamquam nondum aperte Africa provincia decreta erat, (occultantibus id, credo, Patribus, ⁶⁷ ne praesciscerent^a Karthaginienses) tamen in eam spes erecta civitas erat, in Africa eo anno debellatum iri, finemque bello Punico adesse. Inpleverat ea res superstitionum animos, pro-nique et ad nuncianda, et ad credenda prodigia erant: eo plura vulgabantur. *Duos soles visos: et nocte interluxisse: et ⁶⁸ facem Setiae ab ortu solis ad occidentem porrigi visam. Tarracinae portam, Anagninae et portam et multis locis murum de caelo tactum. In aede Junonis Sospitae Lanuvii cum horrendo fragore strepitum editum.* Eorum procurandorum causa diem unum supplicatio fuit: et novendiale sacrum; quod de caelo lapidatum esset, factum. Eo accessit consultatio de matre Idaea accipienda, quam praeterquam quod M. Valerius, unus ex legatis praegressus, actutum in Italia fore nunciaverat, recens nuncius aderat, Tarracinae jam esse. Haud parvae rei iudicium senatum tenebat, qui vir optimus in civitate esset. Veram certe victoriam ejus rei sibi quisque mallet, quam ulla imperia honoresve, suffragio seu Patrum, seu plebis delatos. P. Scipionem, Cn. filium, ejus qui in Hispania ceciderat, adolescentem nondum quaestorium, judicaverunt in tota civitate ⁶⁹ virum bonorum optimum esse. id quibus virtutibus inducti ita judicarint, sicut ⁷⁰ proditum a proximis memoriae temporum illorum scriptoribus libens posteris traderem; ita

P. Scipio
judicatus
vir optimus.

^a rescirent Gron.

⁶⁶ *Et in ceterorum]* Nostri omnes scripti, ut et Gronoviani, inserunt particulam *in*, quam editi vulgo omitunt.

⁶⁷ *Ne praesciscerent]* Sigonius jusserrat legi *praescirent*. Sed *ad praesciscerent*, quod vett. editi et aliquot MSS. tuentur, eodem sensu accipi potest: quemadmodum l. XXVII. c. 35. *Et praesciscere, quam quisque eorum provinciam . . . haberet.* Vid. et not. 77. ad l. XXVI. c. 33.

⁶⁸ *Facem Setiae]* Ignem quemdam in media aeris regione accensum, et praecipiti cursu labentem, qualis illa

Virgilii *stella facem ducens*. Et sane veteres editi et aliquot scripti habent *facem stellae*.

⁶⁹ *Virum bonorum optimum]* Hoc debetur Gronovio. Scripti meliores: *virum bonum optimum*. Conjecturam Gronovii firmat lapis vetus apud Gassendum in vita Peirescii: *Hunc oinon ploerumei cosentiont duonorum optimon fuisse virom*: id est, Hunc unum plurimi consentiunt bonorum optimum fuisse virum.

⁷⁰ *Proditum a proximis]* Si proditum fuisset.

meas opiniones, conjectando rem vetustate obrutam, non U. C. 548. interponam. P. Cornelius cum omnibus matronis Ostiam A. C. 204. ire jussus obviam Deæ, isque eam de nave accipere, et in terram elatam tradere ferendam matronis. ⁷¹ Postquam navis ad ostium amnis Tiberini accessit^o, sicut erat jussus, in salum nave evectus, ab sacerdotibus Deam accepit, extulitque in terram. Matronæ primores civitatis, inter quas unius Claudie Quintæ insigne est nomen, accepere: Claudia. ⁷² cui dubia (ut traditur) antea fama clariorem ad posteror tam religioso ministerio pudicitiam fecit. Eæ per manus, succedentes deinceps aliæ aliis, omni effusa civitate obviam, thuribulis ante januas positis, qua præferebatur, atque accenso^p thure, precantibus, ut volens propitiaque urbem Romanam iniret, in ædem Victoriæ, quæ est in Palatio, pertulere Deam ⁷³ pridie Idus Aprilis; isque dies festus fuit. populus frequens dona Deæ in Palatium tulit, lectisterniumque et ludi fuere, ⁷⁴ Megalesia adpellata.

Megalesia.

XV. Quum de supplemento legionum, quæ in provinciis erant, ageretur; *tempus esse*, ⁷⁵ a quibusdam senatoribus subjectum est, *quæ dubiis in rebus utcumque tolerata essent, ea, demto jam tandem Deum benignitate metu, non ultra pati.* Erectis exspectatione Patribus, subjecerunt: *colonias Latinas duodecim, quæ Q. Fabio et Q. Fulvio consulibus abnuissent milites dare, eas annum jam ferme sextum vacationem militiæ, quasi honoris et beneficii causa, habere: quum interim boni obedientesque socii, ⁷⁶ pro fide atque obsequio in populum Romanum^q, continuis omnium annorum delectibus exhausti essent.* Sub hanc vocem non memoria magis Patribus renovata rei prope jam oblitteratæ, quam ira irritata est. itaque, ⁷⁷ nihil prius referre consules passi, decreverunt, *ut consules* S. C. de coloniis quæ milites non dederant.

^o accessisset Gron. l. imperii Romani Gron.

^p incenso Gron. Crev.

^q in populum Romanum

⁷¹ *Postquam navis accessit]* Sic omnes scripti, tum Gronoviani, tum nostri. Vulgo accessisset.

Hæc fere P. Manutius in notis ad Ep. 11. l. II. Cic. ad Fam.

⁷² *Cui dubia antea fama]* De ea muliere sic habet Sueton. in Tib. c. 2. *Claudia navem cum sacris Matris deum Idææ obhærentem Tiberino vado extraxit, precata propalam, ut ita demum sequeretur, si sibi pudicitia constaret.* Rem fusius describit Ovid. IV. Fast.

⁷⁴ *Megalesia appellata]* A nomine Magnæ Matris deum.

⁷⁵ *A quibusdam senatoribus subjectum est]* Quidam senatores monuerunt.

⁷⁶ *Pro fide atque obsequio in populum Romanum]* Hanc lectionem, quæ procul dubio Livii est, receplmus ex Put. codice, qui habet in p. R. non imperii, quomodo Salmasius, si Gronovio credimus, notaverat. Et alludunt eodem ceteri omnes nostri: nec ullus exhibet imperii Romani, quæ prava et omnino a Latinitate aliena scriptura editos hactenus fœdabat.

⁷⁷ *Nihil prius referre consules passi]* Nulla de re prius consuli se-

⁷³ *Pridie Idus Aprilis: isque dies festus fuit]* Ludos tamen Megalenses Facti dierum antiqui demonstrant a pridie Nonas Aprilis ad V. Idus fuisse. Itaque vel ii ludi, primo celebrati pridie Idus Aprilis, in pridie Nonas postea rejecti sunt: vel hic pro pridie Idus, legendum est pridie Nonas,

U. C. 548. *magistratus denosque principes Nepete, Sutrio, Ardea, Calibus,*
 A. C. 204. *Alba, Carseolis, Sora, Suessa, Setia, Circeis, Narnia, Inter-*
amna, (eae namque coloniae in ea causa erant) Romam exci-
rent: iis imperarent, quantum quaeque earum coloniarum mili-
tum plurimum dedisset populo Romano, ex quo hostes in Italia
essent, duplicatum ejus summæ numerum peditum daret, et equi-
tes centenos vicanos. si qua eum numerum equitum explere non
posset, pro equite uno tres pedites liceret dare: pedites equites-
que quam locupletissimi legerentur, mitterenturque, ubicumque
extra Italiam supplemento opus esset. Si qui ex iis recusarent,
retineri ejus coloniae magistratus legatosque placere: neque, si
postularent, senatum dari, priusquam imperata fecissent. sti-
pendium praeterea iis coloniis ⁷⁸ in millia aeris asses singulos
imperari exigique quotannis: censumque in iis coloniis agi ex
formula ab Romanis censoribus data. dari autem placere eam-
dem, quam populo Romano: deferrique Romam ab juratis
censoribus coloniarum, priusquam magistratu abirent. Ex hoc
senatusconsulto, aditis Romam magistratibus primoribusque
earum coloniarum, consules quum militem stipendiumque
imperassent, ⁷⁹ alii aliis magis recusare ac reclamare. negare
tantum militum effici posse: vix, si simplum ⁸⁰ ex formula im-
peretur, enisuros. Orare atque obsecrare, ut sibi, senatum
adire ac deprecari liceret. nihil se, quare perire merito debe-
rent, admisisse: sed, si pereundum etiam foret, neque suum
delictum, neque iram populi Romani, ut plus militum darent,
quam haberent, posse efficere. Consules obstinati manere le-
gatos Romae jubent; magistratus ire domos ad delectus ha-
bendos. nisi summa militum, quae imperata esset, Romam
adducta, neminem iis senatum daturum. Ita praecisa spe
senatum adeundi deprecandique, delectus in iis duodecim
coloniis, per longam vacationem numero juniorum aucto,
haud difficulter est perfectus.

Privatis ju-
betur reddi
conlata pe-
cunia.

XVI. ⁸¹ Altera item res, ⁸² prope aequae longo neglecta si-
 lentio, relata a M. Valerio Laevino est: qui, *privatis conlatas*
pecunias, se ac M. Claudio consulibus, reddi tandem, equum
esse dixit. nec mirari quemquam debere, in publica obligata
fide suam praecipuam curam esse. Nam, praeterquam quod ali-
quid proprie ad consulem ejus anni, quo conlatae pecuniae es-

⁸¹ itidem Gron. Crev.

natum a consulibus passi; quum jus-
 sissent de hoc omnium primo negotio
 deliberari.

⁷⁸ In millia aeris asses singulos]
 Ex singulis assium millibus asses sin-
 gulos.

⁷⁹ Alii aliis magis] Certatim, ita
 ut se invicem superare clamando nite-
 rentur.

⁸⁰ Ex formula imperetur] Formu-
 lam intellige consuetam legem, ex

qua certus numerus militum cuique
 civitati, pro ratione ejus virium, im-
 perabatur. * Vid. not. 89. ad XXII.
 57.

⁸¹ Altera itidem res] Put. et Victor.
 ut Sigonii liber, item.

⁸² Prope aequae longo neglecta si-
 lentio] Imo longiore. Siquidem Mar-
 celli et Laevini consulatus incidit in an-
 num 542. Fabii et Fulvii in sequen-
 tem.

sent, pertineret, etiam se auctorem ita conferendi fuisse, ^{inopi} *inopi* ^{n. C. 847.}
arario, nec plebe ad tributum sufficiente. Grata ea Patribus ^{A. C. 204.}
 admonitio fuit: jussisque referre consulibus, decreverunt,
 ut tribus pensionibus ea pecunia solveretur: primam praesentem
 ii, qui tum essent, duas tertii et quinti consules numerarent.
 Omnes deinde alias cūras una occupavit, postquam Locren-
 sium clades, quæ ignoratæ ad eam diem fuerant, legatorum
 adventu vulgatæ sunt. nec tam Q. Pleminii scelus, quam
 Scipionis in eo aut ^{ambitio} *ambitio* aut negligentia iras hominum
 irritavit. Decem legati Locrensiū, obsiti squalore et sor- ^{Locrensiū}
 dibus, in comitio sedentibus consulibus ^{legati.} *velamenta suppli-*
cum, ramos oleæ, (ut Græcis mos est) porrigentes, ante tri-
bunal cum flebili vociferatione humi procubuerunt. Quæ-
rentibus consulibus Locrenses se dixerant esse, ea passos a Q.
Pleminio legato Romanisque militibus, quæ pati ne Karthagi-
nienses quidem velit populus Romanus. Rogare, uti sibi Pa-
tres adeundi, deplorandique ærumnas suas potestatem facerent.

XVII. Senatu dato, maximus natu ex iis: ^{Eorum ora-} *Scio, quan-*
ti æstimentur nostræ apud vos querelæ, Patres conscripti, plu- ^{tio depla-}
rimum in eo momenti esse, si probe sciatis, et quomodo proditi ^{rantium}
Locri Hannibali sint, et quomodo, pulso Hannibalis præsidio, ^{fortunas}
restituti in ditionem vestram. quippe si et culpa defectionis pro- ^{suas.}
cul a publico consilio absit, et reditum in vestram ditionem ad-
pareat, non voluntate solum, sed ope etiam ac virtute nostra;
magis indignemini, bonis ac fidelibus sociis tum atroces atque
indignas injurias ab legato vestro militibusque fieri. Sed ego
causam utriusque defectionis nostræ in aliud tempus diffe-
rendam arbitror esse, duarum rerum gratia; unius, ut coram
P. Scipione, qui Locros recepit, omnium nobis recte perpe-
ramque factorum testis, agatur; alterius, quod, qualescumque
sumus, tamen hæc, quæ passi sumus, pati non debuimus. Non
possumus dissimulare, Patres conscripti, nos, quum præsidium
Punicum in arce nostra haberemus, multa fœda et indigna, et
a præfecto præsidii Hamilcare, et ab Numidis Afrisque passos

^{inser. inquit Gron. Crev.}

83 *Inopi arario*] Proba lectio: quam tamen auctoritas MSS. destituit. Omnes enim *inopis* vel *inopia ararii*.

84 *Ambitio*] Præsumptum colligendi ex nimia indulgentia favoris studium: vel propensus in potentiores favor.

85 *Velamenta supplicum*] Vid. not. 49. ad l. XXV. c. 25.

86 *Scio, quanti æstimentur*] Scio plurimum momenti, ad statuentium quanti æstimare debeatis querelas nostras, in eo esse, si probe sciatis . . . sive, scio, id velut pretium quod dic-

turi estis querelis nostris, plurimum pendere ex eo, si probe sciatis.

87 *Causam . . . differendam*] Non hodie nos debere dicere de utraque defectione nostrâ, et super hoc negotio causam civitatis nostræ agere. Causa non est hic id a quo aliquid producitur, sed pro negotio, lite, accipi debet. Hinc sequitur mox ut . . . agatur, nempe causa illa.

88 *Recte perperamque factorum tes-* ^{tis} *testis*] Rhetorice delevit est ante nomen *testis*: recte.

U. C. 548. *esse. Sed quid illa sunt, conlata cum iis, quæ hodie patimur?*
 A. C. 204. *Cum bona venia, quæso, audiat, Patres conscripti, id, quod invitatus dicam. In discrimine est nunc humanum omne genus, utrum vos, an Karthaginienses⁸⁹ principes terrarum¹ videat. si ex iis, quæ Locrenses aut ab illis passi sumus, aut a vestro præsidio nunc quum maxime patimur, æstimandum Romanum ac Punicum imperium sit; nemo non illos sibi, quam vos, dominos præoptet. Et tamen videte, quemadmodum Locrenses in vos animati sint. Quum a Karthaginiensibus⁹⁰ injurias tanto minores acciperemus, ad vestrum imperatorem confugimus: quum a vestro præsidio plusquam hostilia patiamur, nusquam alio, quam ad vos, querelas detulimus. Aut vos respicietis perditas res nostras, Patres conscripti, aut ne ab Diis quidem immortalibus quod precemur, quidquam superest. Q. Pleminius legatus missus est cum præsidio ad recipiendos a Karthaginiensibus Locros, et cum eodem ibi relictus est præsidio. In hoc legato vestro (dant enim animum ad loquendum libere ultimæ miseriæ) nec hominis quidquam est, Patres conscripti, præter figuram et speciem; neque Romani civis, præter habitum, vestitumque, et sonum Latinæ linguæ. Pestis ac bellua inmanis, quales fretum quondam, quo ab Sicilia dividimur, ad perniciem navigantium circumsedissee fabulæ ferunt. At si scelus, libidinemque, et avaritiam solus ipse exercere in socios vestros satis haberet, unam profundam quidem voraginem tamen patientia nostra expleremus. nunc omnes centuriones militesque vestros (adeo in promiscuo licentiam atque improbitatem esse voluit) Pleminius fecit: omnes rapiunt, spoliant, verberant, vulnerant, occidunt: constuprant matronas, virgines, ingenuos, raptos ex complexu parentum. Quotidie capitur urbs nostra, quotidie diripitur; dies noctesque omnia passim mulierum puerumque, qui rapiuntur atque asportantur, ploratibus sonant. Miretur, qui sciat, quomodo aut nos ad patiendum subficiamus, aut illos, qui faciunt, nondum tantarum injuriarum satietas ceperit. Neque ego exsequi possum,⁹¹ nec vobis operæ est audire singula, quæ passi sumus. communiter omnia amplectar. Nego domum ullam Locris; nego quemquam hominem expertem injuriæ esse; nego ullum genus sceleris, libidinis, avaritiæ superesse, quod in ullo, qui pati potuerit, prætermisum sit. Vix ratio iniri potest, uter casus civitatis sit detestabilior, quum hostes bello urbem cepere, an quum exitiabilis tyrannus*

¹ terrarum leg. orbis terrarum Gron. Crev.

89 *Principes Orbis terrarum*] Scripti plurimi et optimi ignorant *et Orbis*.

90 *Injurias tanto minores*] Put. liber, *tanto minores*. Inde jussit legi Gronovius, quomodo habes in con-

textu. Ceteri scripti et editi *multo minores*.

91 *Nec vobis operæ est*] Nec vobis aut vacat, aut utile est. Vid. l. l. c. 24.

vi atque armis obpressit. Omnia, quæ captæ urbes patiuntur, U. C. 548.
passi sumus, et quum maxime patimur, Patres conscripti; om- A. C. 204.
nia, quæ crudelissimi atque inportunissimi tyranni scelera in
obpressos cives edunt, Pleminius in nos, liberosque nostros, et
conjuges, edidit.

XVIII. Unum est, de quo nominatim et nos queri ⁹² religio
infra animis cogat, et vos audire, et exsolvere rempublicam
vestram religione, si ita vobis videbitur, velimus, Patres con-
scripti. Vidimus enim, cum quanta ceremonia non vestros so-
lum colatis Deos, sed etiam externos accipiatis. Fanum est
apud nos Proserpinæ, de cujus sanctitate templi credo aliquam
famam ad vos pervenisse Pyrrhi bello: qui quum, ex Sicilia
rediens, Locros classe præterveheretur, inter alia fœda, quæ
propter fidem erga vos in civitatem nostram facinora edidit,
thesauros quoque Proserpinæ, intactos ad eam diem, spoliavit:
atque ita, pecunia in naves inposita, ipse terra est profectus.
Quid ergo evenit, Patres conscripti? Classis postero die fœ-
dissima tempestate lacerata, omnesque naves, quæ sacram pe-
cuniam habuerunt, in litora nostra ejectæ sunt. Qua tanta
clade edoctus tandem Deos esse superbissimus rex, pecuniam
omnem conquistam in thesauros Proserpinæ referri jussit. nec
tamen illi umquam postea prosperi quidquam evenit: pulsusque
Italia, ignobili atque inhonesta morte, temere nocte ingressus
Argos, obcubuit. Hæc quum audisset legatus vester, tribuni-
que militum, et mille alia, quæ non augendæ religionis causa,
sed præsentis Deæ numine sæpe comperta nobis majoribusque
nostris, referebantur, ausi sunt nihilominus sacrilegas admove-
re manus intactis illis thesauris, et nefanda præda se ipsos ad
domos contaminare suas et milites vestros. quibus, ⁹³ per, vos,
fidem vestram, Patres conscripti, ⁹⁴ priusquam eorum scelus ex-

92 Religio infra animis] Scripti complures melioresque infra ani-
mos: nimis audacter. Victorinus,
animo.

93 Per, vos, fidem vestram] Per
fidem vestram vos, supple, oramus.
Quemadmodum apud Virgilium, Per
ego has lacrimas dextramque tuam te
... miserere domus labentis. Ante Gronovium hic legebatur: per vos fidem-
que vestram. Ille particulam que eje-
cit. *Sensus est: Vos oramus per
quidquid vobis sanctissimum est, ne iis
militibus utamini ad res sive in Italia,
sive in Africa gerendas.

94 Priusquam eorum scelus expie-
tis, neque in Italia, neque in Africa
quidquam rei] Hæc omnia solus codex
Victorinus nobis integra exhibuit. In
ceteris codd. nostris, ut et in Grono-
vianis, nihil fere horum exstat. Non

possumus tamen assentiri Gronovio
ea recidenti, et horum omnium loco
substituenti ne quam rem. Si tantum
credimus Put. codici, quid fiet his
ejusdem orationis locis, quæ decurta-
ta et mutila in eodem libro reperun-
tur? Qualescunque sumus, pati non
debuimus: omissis mediis, tamen hæc
quæ passi sumus. Et, sæpe comperta
nobisque nostris, pro nobis majoribus-
que nostris. Et, Has dea pœnas a tem-
pli sui violatoribus habet desinet, omis-
sis cæteris nec ante, quæ præfigunt ceteri
libri verbo desinet, et omnino neces-
saria sunt ad integrandum sensum.
Multa alia exempla cumulare posse-
mus. Sed hæc satis sint. Quibus
quidem ideo immorati sumus, quia
Gronovius eos increpat hoc loco, qui
sibi credituri non sint. Rationem igitur
reddimus cur a viro doctissimo

U. C. 548.
A. C. 204.

pietis, neque in Italia, neque in Africa quidquam rei gesseritis; ne, quod piaculum commiserunt, non suo solum sanguine, sed etiam publica clade luant. Quamquam ne nunc quidem, Patres conscripti, aut in ducibus, aut in militibus vestris cessat ira Deæ. Aliquoties jam inter se signis conlatis⁹⁵ concurrerunt⁹⁶. dux alterius partis Pleminius, alterius duo tribuni militum erant: non acrius cum Karthaginiensibus, quam inter se ipsi, ferro dimicaverunt. præbuissemque occasionem furore suo Locros recipiendi Hannibali, ni aditus ab nobis Scipio intervenisset. At, Hercule, milites contactos sacrilegio furor agitat: in ducibus ipsis puniendis nullum Deæ nomen adparuit? Immo ibi præsens maxime fuit. Virgis cæsi tribuni ab legato sunt. Legatus deinde insidiis tribunorum interceptus, præterquam quod toto corpore laceratus, naso quoque auribusque decisis, exsanguis est relictus: ⁹⁶recreatus deinde legatus ex vulneribus, tribunos militum in vincula coniectos, dein verberatos, servilibusque omnibus ⁹⁷suppliciis cruciatos trucidando occidit; mortuos deinde prohibuit sepeliri. Has Dea pœnas a templi sui spoliatoribus habet: nec ante desinet omnibus eos agitare furiis, quam reposita sacra pecunia in thesauris fuerit. Majores quondam nostri, gravi Crotoniensium bello, quia extra urbem templum est, transferre in urbem eam pecuniam voluerunt. noctu audita ex delubro vox est, abstinerent manus: Deam sua templa defensuram. Quia movendi inde thesauros incussa erat religio, muro circumdare templum voluerunt. ad ⁹⁸aliquantum jam altitudinis excitata erant mœnia, quum subito conlapsa ruina sunt. Sed et nunc, et sæpe alias Dea suam sedem, suumque templum aut tutata est, aut a violatoribus gravia piacula exegit. nostras injurias nec potest, nec possit alius ulcisci, quam vos, Patres conscripti. Ad vos vestramque fidem supplices confugimus. nihil nostra interest, utrum ⁹⁹sub illo legato⁹⁷, sub illo præsidio Locros esse sinatis, an irato Hannibali et Pœnis ad supplicium dedatis. Non postulamus, ut extemplo

⁹⁵ concurrerunt Gron. Crev.

⁹⁷ sub illo legato del. Gron.

et acutissimo, et de Livii opere tam bene merito, dissentire cogamur.

⁹⁵ Concurrerunt] Sic plurimi scripti: melius quam vulgo concurrant. Put. teste Jac. Gronovio, nos enim id fagit, concurrerunt.

⁹⁶ Recreatus deinde legatus] Vocem postremam omittit Victorinus codex. Et sane sufficit, ut recte observat Gronovius, legatum præcedenti membro appellatum esse.

⁹⁷ Suppliciis cruciatos trucidando occidit] Omnis scriptorum et vet. editorum manus: trucidatos cruciando occidit. Mutavit Gronovius, qui et sic exponit. Significat, inquit, non tortos

solum, sed omni sævitie genere truncatis artibus discerptos tandem mortem invenisse. Sic Livius apud M. Senecam, Salsoria septima, Ciceronis trucidata membra dicit. Et Valex. Max. l. IX. c. 2. *L. Cæsaris corpus ignobili sævitia trucidando.* Sed sic quoque non videmus, quid necesse fuerit a scripta lectione recedi.

⁹⁸ Ad aliquantum jam altitudinis excitata erant mœnia] Complures scripti carent præpositione ad, quæ tamen retinenda videtur.

⁹⁹ Sub illo legato] Has voces, in plerisque editis omittas, revocavimus.

nobis, ut de absente, ut indicta causa credatis. Veniat, coram U. C. 548.
ipse audiat, ipse diluat. Si quidquam sceleris, quod homo in A. C. 504.
homines edere potest, in nos prætermisit; non recusamus, quin
et nos omnia eadem iterum, si pati possumus, patiamur; et ille
omni divino humanoque liberetur scelere.

XIX. Hæc quum ab legatis dicta essent, quæsissetque
ab iis Q. Fabius, detulissentne eas querelas ad P. Scipio- Fabii sen-
nem; responderunt, missos legatos esse, sed eum belli adpara- tentia atrox
tu occupatum esse: et in Africam aut jam trajecisse, aut intra in Scipio-
paucos dies trajecturum. Et, legati gratia quanta esset apud nem.
imperatorem, expertos esse: quum, inter eum et tribunos cog-
nita causa, tribunos in vincula conjecerit; legatum æque son-
tem, aut magis etiam, in ea potestate reliquerit. Jussis exce-
dere e templo legatis, non Pleminius modo, sed etiam Sci-
pio, principum orationibus lacerari. ante omnes Q. Fabius,
natum eum ad conrumpendam disciplinam militarem, argu-
ere. Sic et in Hispania plus prope per seditionem militum,
quam bello, amissum. externo et regio more et indulgere licen-
tiæ militum, ¹ et sævire in eos. Sententiam deinde æque tru-
cem orationi adjecit. Pleminium legatum vinctum Romam
deportari placere, et ex vinculis causam dicere: ac, si vera fo-
rent, quæ Locrenses quererentur, in carcere necari, bonaque
ejus publicari. P. Scipionem, quod de provincia decessisset in-
jussu senatus, revocari: agique cum tribunis plebis, ut de im-
perio ejus abrogando ferrent ad populum. Locrensibus coram
senatum respondere, Quas injurias sibi factas quererentur, eas
neque senatum, neque populum Romanum factas velle. Viros
bonos, sociosque, et amicos eos adpellari: liberos, conjuges,
quæque alia erepta essent, restitui: pecuniam, quanta ex the-
sauris Proserpinæ sublata esset, conquiri, duplamque pecuniam
in thesauros reponi: et sacrum piaculare fieri, ita ut prius ad
collegium pontificum referretur, quod sacri thesauri moti, vio-
lati essent, quæ piacula, quibus Diis, quibus hostiis, fieri pla-
ceret. ² Milites, qui Locris essent, omnes in Siciliam trans-
portari: quatuor cohortes sociorum Latini nominis in præsi-
dium Locros adduci. ³ Perrogari eo die sententiæ, accensis
studiis pro Scipione et adversus Scipionem, non potuere. Objectus
Præter Pleminii facinus Locrensiūque cladem, ipsius et- Scipioni
iam imperatoris non Romanus modo, sed ne militaris qui- cultus li-
centior.

¹ *Sævire in eos] Invidiose notat Fabius supplicium sumptum a Scipione de auctoribus seditionis Sucrouensis.

² Milites qui Locris essent] Put. quiqui: sed ita ut prius qui virgulis transversis transfixum sit. Forsitan verum sit et quiqui, ut supra l. XXVII. c. 28. Quosquos proximos nactus est

montes. Ubi vid. not. 61.

³ *Perrogari eo die sententiæ .. non potuere] Sententiæ omnium senatorum exquiri non potuere: deliberatio ad finem perducere eo die non potuit. In compositione hæc præpositionis per vis est, ut indicet rem completam, perfectam.

U. C. 549. dem cultus jactabatur: *4 cum pallio crepidisque inambulare*
 A. C. 264. *in gymnasio, 5 libellis cum palæstræque operam dare: æque*
segniter molliterque 6 cohortem totam Syracusarum amœnitate
frui: Karthaginem atque Hannibalem excidisse de memoria:
exercitum omnem licentia corruptum, qualis Sucrone in His-
pania fuerit, qualis nunc Locris, sociis magis, quam hosti, me-
tuendum.

Metelli sen-
 tentia de
 Scipione.

XX. Hæc quamquam partim vera, partim ⁷mixta, eo-
 que similia veris jactabantur, vicit tamen Q. Metelli sen-
 tentia: qui, de ceteris Maximo adsensus, de Scipionis caus-
 sa dissensit. Qui enim convenire, quem modo civitas juvenem
admodum^x recuperandæ Hispaniæ 8 delegerit ducem, quem, re-
cepta ab hostibus Hispania, ad inponendum Punico bello finem
creaverit consulem, spe destinaverit Hannibalem ex Italia de-
tracturum, Africam subacturum, eum repente, tumquam Q.
Pleminium, indicta caussa prope damnatum, ex provincia revo-
cari? quum ea, quæ in se nefarie facta Locrenses quererentur,
ne præsentem quidem Scipione facta dicerent, neque aliud, quam
patientia, aut pudor, quod legato pepercisset, insimulari pos-
sit? Sibi placere, M. Pomponium prætorem, cui Sicilia pro-
vincia sorte evenisset, triduo proximo in provinciam proficisci:
consules decem legatos, quos iis videretur, ex senatu legere. quos
cum prætore mitterent, et duos tribunos plebei^y, atque ædilem.
9 cum eo consilio prætorem cognoscere. si ea, quæ Locrenses fac-
ta quererentur, jussu aut voluntate P. Scipionis facta essent,

^x *admodum, unum Gron. Crev.*

^y *plebis Crev.*

⁴ *Cum pallio crepidisque]* Pallium
 et crepidæ Græcorum erant. De pal-
 lio, notum est. Crepidas a Græcis
 maxime gestatas esse suadet vox ipsa,
 quæ merè Græca est, teste Gellio,
 l. XIII. c. 20. et diserte Persius *cre-*
pidas Graiorum appellat, Sat. I. v.
 127. Jam vero crepidæ ipsæ, præter-
 quam quod non Romanæ, non satis ex
 dignitate imperatoris videbantur esse.
 Idem ferme objecit Cicero Verri. *Ste-*
tit soleatus prætor populi Romani cum
pallio purpureo. Soleæ enim idem fere
erant, quod crepidæ. Iis plantarum
calces tantummodo infime tegebantur.
Cetera prope nuda et teretibus habenis
vincta, ut habet Gell. loco jam memo-
rato. Germanicum quoque Cæsarem a
Tiberio perstrictum in senatu auctor
est Tacitus, l. II. Ann. c. 59. quod in
Ægypto pedibus intectis, id est soleatus
crepidatusve incessisset, et puri cum
Græcis amictu.

⁵ *Libellis cum palæstræque]* Pro
 etiam reposuimus eum, quod postu-
 lant omnes MSS. Ceterum hic libellos

intelligimus a rhetoribus philosophisve
 conscriptos et propositos auditoribus:
 quemadmodum apud Cic. l. I. de Or.
 n. 105. *atque ex eo, qui non in libellis,*
sed in maximis causis, et in hoc domi-
cilio imperii et gloriæ, sit consilio lin-
guæque princeps.

⁶ *Cohortem totam]* Amicos omnes
 et ministros proconsulis. *Cohortis* no-
 mine designantur ii qui magistratui
 in provincia adsunt, consiliarii, adju-
 tores, administri. Et sic passim Cice-
 ro hoc nomen usurpat in libris contra
 Verrem.

⁷ ** Mista]* Ex veris falsisque.

⁸ *Delegerit ducem]* Nostri scripti,
 ut et plurimi e Gronovianis *delegarit.*
 Nec aspernamur. Sed vulgata lectio
 potior videtur.

⁹ ** Cum eo consilio prætorem cognos-*
cere] Prætorem inquirere et statuere
 de iis quæ Scipioni objiciantur, cum
 tribunis plebis, ædili, et decem legatis,
 qui consilii loco illi sint, et consiliarii
 assideant.

ut eum de provincia decedere juberent. Si P. Scipio jam in U. C. 548. Africam trajecisset, tribuni plebis atque ædilis cum duobus le- A. C. 204. gatis, quos maxime prætor idoneos censuisset, in Africam profiscerentur: tribuni atque ædilis, qui reducerent inde Scipionem: legati, qui exercitui præessent, donec novus imperator ad eum exercitum venisset. Sin M. Pomponius et decem legati comperissent, neque jussu, neque voluntate P. Scipionis ea facta esse, ut ad exercitum Scipio maneret, bellumque, ut proposuisset, gereret. Hoc facto senatusconsulto, cum tribunis plebis actum est, ¹⁰ ut compararent inter se, aut sorte legerent, qui duo cum prætore ac legatis irent. ¹¹ Ad collegium pontificum relatum de expiandis, quæ Locris in templo Proserpinæ tacta, violata, elataque inde essent. Tribuni plebis cum prætore et decem legatis profecti M. Claudius Marcellus et M. Cincius Alimentus: iis ædilis plebis datus, quem, si aut in Sicilia prætori dicto audiens non esset Scipio, aut jam in Africam trajecisset, ¹² prendere tribuni juberent, ac jure sacrosanctæ potestatis reducerent. Prius Locros ire, quam Messanam, consilium erat.

Legati Locros mittuntur.

XXI. Ceterum duplex fama est, quod ad Pleminium adtinet. alii, auditis, quæ Romæ acta essent, in exsilium Neapolim euntem forte in Q. Metellum, unum ex legatis, incidisse, et ab eo Rhegium vi retractum tradunt: alii, ab ipso Scipione legatum cum triginta nobilissimis equitum missum, qui Q. Pleminium in catenas, et cum eo seditionis principes, conjicerent. Ii omnes, seu ante Scipionis, seu tum prætoris jussu, traditi in custodiam Rheginis. Prætor legatique Locros profecti primam, sicuti mandatum erat, religionis curam habuere. omnem enim sacram pecuniam, quæque apud Pleminium, quæque apud milites erat, conquisitam, cum ea quam ipsi secum adtulerant, in thesauris reposuerunt, ac piaculare sacrum fecerunt. tum vocatos ad concionem milites prætor signa extra urbem efferre jubet, castraque in campo locat, cum gravi edicto, *Si quis miles aut in urbe restitisset, aut secum extulisset,* ¹³ quod suum non esset. *Locrensibus se permittere, ut,* ¹⁴ quod sui quisque cognosset, *prehenderet.* ¹⁵ *si quid non compareret, repeteret. Ante*

Pleminius in vincula conjectus.

Sacra pecunia in thesauris Proserpinæ reponitur.

¹⁰ *Ut compararent inter se, aut sorte legerent*] Primo restitimus ut, quod ab Rhenano temere mutatum in aut scripti tuentur. Secundo codices fere omnes habent tantum ut compararent, reliquis omissis: idque placere possit, si comparare sic absolute poni probetur eodem sensu, quo comparare inter se. Hoc quidem longe usitatus est.

¹¹ *Ad collegium pontificum*] Scripti ad concilium: quod utrum pro vero

haberi debeat, non decernimus.

¹² *Prendere*] Sic habent scripti: et in hac re proprium est verbum. Vulgo comprehendere.

¹³ *Quod suum non esset*] Hæc in solo Vict. codice reperimus, quæ Liviana tamen esse non dubitamus.

¹⁴ *Quod sui quisque cognosset*] Sic regius et optimi quique codd. Vulgo: cognosceret.

¹⁵ *Si quid non compareret, repeteret*] Ultimo verbo carent plerique li-

U. C. 548. *omnia libera corpora placere sine mora Locrensibus restitui.*
 A. C. 204. *non levi defuncturum poena, qui non restituisset.* Locrensiū
 deinde concionem habuit, atque, iis libertatem legesque suas
 populum Romanum senatumque restituere, dixit. Si qui Ple-
 minium aliumve quem accusare vellet, Rhegium se sequeretur.
 Si de P. Scipione ¹⁶ publicae queri vellent, ea, quæ Locris ne-
 farie in Deos hominesque facta essent, jussu aut voluntate
 P. Scipionis facta esse, legatos mitterent Messanam; ibi se
 cum consilio cogniturum. Locrenses prætori legatisque, et
 senatui ac populo Romano gratias egere: se ad Pleminium
 accusandum ituros. Scipionem, quamquam parum injuriis
 civitatis suæ doluerit, eum esse virum, quem amicum sibi, quam
 inimicum, malint esse. pro certo se habere, neque jussu, ne-
 que voluntate P. Scipionis tot tam nefanda commissa: aut
 Pleminio nimium, aut sibi parum creditum. Natura insitum
 quibusdam esse, ut magis peccari nolint, quam satis animi ad
 vindicanda peccata habeant. Et prætori et consilio haud me-
 diocre onus demtum erat de Scipione cognoscendi. Plemi-
 nium, et ad duo et triginta homines cum eo damnaverunt,
 atque in catenis Romam miserunt: ipsi ad Scipionem pro-
 fecti sunt, ut ea quoque, quæ vulgata sermonibus erant de
 cultu ac desidia imperatoris solutaque militiæ disciplina,
 comperta oculis perferrent Romam.

Locrenses
 nolunt Sci-
 pionem ac-
 cusare.

Scipio res,
 non verba,
 ad purgan-
 dum se pa-
 rat.

XXII. Venientibus eis Syracusas, Scipio res, non verba,
 ad purgandum sese paravit. exercitum omnem eo convenire,
 classem expediri jussit, tamquam dimicandum eo die terra
 marique cum Karthaginensibus esset. Quo die venerunt,
 hospitio comiter acceptis postero die terrestrem navalemque
 exercitus, non instructos modo, sed hos decurrentes, classem
 in portu, simulacrum et ipsam edentem navalis pugnae, os-
 tendit: tum circa armamentaria et horrea aliumque belli
 adparatum visendum prætor legatique ducti. Tantaque ad-
 miratio ¹⁷ singularum universarumque rerum incussa, ut sa-
 tis crederent, aut illo duce atque exercitu vinci Karthagini-
 ensem populum, aut nullo alio posse. juberentque, quod
 Dii bene verterent, trajicere, et spei conceptæ, quo die il-
 lum omnes centuriæ priorem consulem dixissent, primo

bri, et ejus loco substituunt unde. Itaque Gronovius legendum putat: si quid non compareret, vindicaret, id est, judicio repeteret. Nos tanta moliri piget, ubi libri certam non præferunt faciem. Victor. codex servat et repeteret.

¹⁶ Publice] Nomine suæ civitatis.

¹⁷ Singularum universarumque rerum] Quis dubitet hoc esse Livii? præsertim quum meliores codices hujus scripturæ vestigium retineant,

singularumque rerum. Minime igitur credimus Gronovio legendum esse singularum quoque rerum, ita ut intelligi debeat, non modo universarum. Put. exemplar hic mutilum esse credimus, ut versu præcedenti pro et circa armamentaria et horrea, aliumque belli apparatus, exhibet idem liber truncatam deformatamque scripturam, et circa armentaria et horra- tum.

quoque tempore compotem populum Romanum facere: U. C. 548. adeoque lætis inde animis profecti sunt, tamquam victoriam, A. C. 904. non belli magnificum adparatum, nunciaturi Romam essent.

Pleminius, quique in eadem causa erant, postquam Romam Pleminius est ventum, extemplo in carcerem conditi. ac primo pro- in vinculis ducti ad populum ab tribunis, apud præoccupatos Locren- moritur. sium clade animos, nullum misericordiæ locum habuerunt.

postea, quum sæpius producerentur, jam senescente invidia, moliebantur iræ: et ipsa deformitas Pleminii memoriaque absentis Scipionis favorem ad vulgum conciliabat. Mortuus tamen prius in vinculis est, quam iudicium de eo populi perficeretur. Hunc Pleminium ¹⁸ Clodius Licinius in libro tertio rerum Romanarum refert, ludis votivis, quos Romæ Africanus iterum consul faciebat, conatum per quosdam, quos pretio conruperat, aliquot locis urbem incendere, ut frangendi carceris fugiendique haberet occasionem. patefacto dein scelere, delegatum in ¹⁹ Tullianum ex senatusconsulto. De Scipione nusquam, nisi in senatu, actum. ubi omnes legatique et tribuni, classem eam, exercitum, ducemque verbis extollentes, effecerunt, ut senatus censeret, primo quoque tempore in Africam trajiciendum: Scipionique permetteretur, ut ex iis exercitibus, qui in Sicilia essent, ipse legeret, quos in Africam secum trajiceret, quos provinciæ relinqueret præsidio.

XXIII. Dum hæc apud Romanos geruntur, Karthaginienses quoque, quum, speculis per promontoria omnia positis, percunctantes paventesque ad singulos nuncios sollicitam hiemem egissent, haud parvum et ipsi tuendæ Africæ momentum adjecerunt societatem Syphacis regis, cujus maxime fiducia trajecturum in Africam Romanum crediderunt. Erat Hasdrubali Gisgonis filio non hospitium modo cum rege, de quo ante dictum est, quum ex Hispania forte in idem tempus Scipio atque Hasdrubal convenerunt: sed Hasdrubalis filiam mentio quoque inchoata adfinitatis, ut rex duceret filiam ducit Syphax. Hasdrubalis. Ad eam rem consummandam tempusque

¹⁸ Clodius Licinius] Meminit Cic. l. I. de Legibus, n. 6. Clodii historiarum scriptoris: qui si hic est Clodius Licinius, ejus ætas certo cognoscetur. Docet enim ibidem Cicero illum de quo agit Clodium scripsisse post Cœlium Antipatrum, ac proinde circa Syllana tempora.

¹⁹ Tullianum] Inferiorem carcerem vocat ipse Livius infra l. XXXIV. c. 44. Hunc locum sic describit Sall. in bello Catilin. Est in carcere locus, quod Tullianum appellatur circiter duodecim pedes humi depressus.

Eum muniunt undique parietes, atque insuper camera lapideis fornicibus vincita: sed incultu, tenebris, odore fœda atque terribilis ejus facies. In eum demittebant sones quibus gula laqueo frangenda esset. Tullianum dicebatur a Ser. Tullio rege, qui eam carceris partem edificaverat. Ceterum, quod hic dubitanter et adjecto auctoris nomine de Pleminio in carcere necato memorat Livius, id tanquam certum, nec sibi ullo modo suspectum, rursus narrat loco supra allato.

U. C. 548. A. C. 204. nuptiis statuendum (jam enim et nubilis erat virgo) profectus Hasdrubal, ut accensum cupiditate (et sunt ante omnes Numidæ barbaros effusi in Venerem) sensit, virginem ab Karthagine arcessit, maturatque nuptias: et inter aliam gratulationem, ut publicum quoque fœdus privato adjiceretur, societas inter populum Karthaginensem regemque, data ultro citroque fide, eosdem amicos inimicosque habituros, jurejurando adfirmatur. Ceterum Hasdrubal, memor et cum Scipione initæ regi societatis, et quam vana et mutabilia barbarorum ingenia essent, veritus, ne, si trajiceret in Africam Scipio, parvum vinculum eæ nuptiæ essent, dum accensum recenti amore Numidam habet, perpellit, blanditiis quoque puellæ adhibitis, ut legatos in Siciliam ad Scipionem mittat, per quos moneat eum, *Ne prioribus suis promissis fretus in Africam trajiciat. Se et nuptiis civis Karthaginensis, filiae Hasdrubalis, quem viderit apud se in hospitio, et publico etiam fœdere cum populo Karthaginensi junctum.*²⁰ *Optare^b primum, ut procul ab Africa, sicut adhuc fecerint, bellum Romani cum Karthaginensibus gerant, ne sibi interesse certaminibus eorum, armaque aut hæc, aut illa, abnuentem alteram societatem, sequi necesse sit. Si non abstineat Africa Scipio, et Karthagini exercitum admoveat, sibi necessarium fore, et pro terra Africa, in qua et ipse sit genitus, et pro patria conjugis suæ, proque parente ac penatibus dimicare.*

Scipioni
amicitiam
renunciat.

Quam rem
sedulo dis-
simulat
apud milites
Scipio.

XXIV. Cum his mandatis ab rege legati ad Scipionem missi, Syracusis eum convenerunt. Scipio, quamquam magno momento rerum in Africa gerendarum magnaue spe destitutus erat, legatis propere, priusquam res vulgaretur, remissis in Africam, literas dat ad regem, quibus etiam atque etiam monet eum, *Ne jura hospitii secum, neu cum populo Romano initæ societatis, neu fas, fidem, dextras, Deos testes atque arbitros conventorum, fallat.* Ceterum, quando neque celari adventus Numidarum poterat, (vagati enim in urbe, observatique prætorio erant) et, si sileretur, quid petentes venissent, periculum erat, ne vera eo ipso, quod celarentur, sua sponte magis emanarent²¹ timorque in exercitum^c incideret, ne simul cum rege et Karthaginensibus foret bellandum, avertit a vero falsis præoccupando mentes hominum. Et, vocatis ad concionem militibus, *Non ultra esse cunctan-*

^b *Hortari* Gron.

^c *exercitu* Ead.

²⁰ *Optare primum*] Modestius hoc dictum videtur, quam, ut hactenus edebatur, *hortari*. Et non pauci libri, inter quos Put. id habent quod edidimus.

²¹ *Timorque in exercitum incideret*] Scripti in *exercitu* *incederet*, et admiserat in contextum Gronovius.

Nos id concoquere non potuimus, et editorum lectionem revocavimus. Et enim quæ exempla tuendæ scriptæ lectioni allegat Gronovius, *Religio civitatem incessit*, et *Pestilentia incesserat in Romanos Pænosque*, in iis agnoscendum putamus verbum *incessere*, non *incedere*.

dum, ait. *Instare, ut in Africam quamprimum trajiciat, suos reges. Masinissam prius ipsum ad Lælium venisse, querentem, quod cunctando tempus tereretur. nunc Syphacem mittere legatos, idem admirantem, quæ tam diuturnæ moræ sit causa: postulanteque, ut aut trajiciatur tandem in Africam exercitus, aut, si mutata consilia sint, certior fiat, ut et ipse sibi ac regno suo possit consulere.* ²² *Itaque, paratis jam omnibus instructisque, et re jam non ultra recipiente cunctationem, in animo sibi esse, Lilybæum classe traducta, eodemque omnibus peditum equitumque copiis contractis, quæ prima dies cursum navibus daret, Deis bene juvantibus, in Africam trajicere.* Literas ad M. Pomponium mittit, ut, si ei videretur, ^{It Lilybæum.} Lilybæum veniret: ut communiter consulerent, quas potissimum legiones^d, et quantum militum numerum in Africam trajiceret. item circum oram omnem maritimam misit, ut naves onerariæ comprehensæ ²³ Lilybæum omnes contraherentur. Quidquid militum naviumque in Sicilia erat, quum Lilybæum convenissent, et nec urbs multitudinem hominum, nec portus naves caperet, tantus omnibus ardor erat in Africam trajiciendi, ut non ad bellum duci viderentur, sed ad certa victoriæ præmia. præcipue, qui superabant ex Cannensi exercitu, milites, illo, non alio duce, credebant, navata reipublicæ opera, finire se militiam ignominiosam posse. Et Scipio minime id genus militum adspernabatur: ut qui neque ad Cannas ignavia eorum cladem acceptam sciret, neque ullos æque veteres milites in exercitu Romano esse, expertosque non variis proeliis modo, sed urbibus etiam obpugnandis. Quinta et sexta Cannenses erant legiones. eas se trajecturum in Africam quum dixisset, singulos milites inspexit: relictisque, quos non idoneos credebat, in locum eorum subjecit, quos secum ex Italia adduxerat; supplevitque ita eas legiones, ut singulæ sena millia et ducenos pedites, trecenos haberent equites: sociorum item Latini nominis pedites equitesque de exercitu Cannensi legi.

XXV. Quantum militum in Africam transportatum sit, non parvo numero inter auctores discrepat. Alibi decem millia peditum, duo millia et ducentos equites, alibi sedecim millia peditum, mille et sexcentos equites; alibi parte plus dimidia rem auctam, quinque et triginta millia peditum

^d legiones potissimum Gron. Crev.

²² *Itaque paratis jam omnibus instructisque]* Vulgo editi: *Itaque satis jam omnibus instructis apparatisque.* Sed *re apparatis* nullo exstat in codice, quem aut Gronovius, aut nos inspeximus. Cantabrig. teste Jac. Gronovio, habet *itaque satis jam om-*

nibus instructisque: regius, plane ut edidimus.

²³ *Lilybæum omnes contraherentur]* Sic Put. et magna codicum manus, et vetustissimæ Andree et Campani editiones: melius quam quod recentiores editos obtinebat, *omnes traherentur.*

U. C. 548.
A. C. 204.

Copiae na-
ves con-
scendunt.

Ordo clas-
sis.

Classis sol-
vit.

equitumque * in naves inposita invenio. quidam non adje-
cere numerum: inter quos me ipse in re dubia poni malim.
Coelius, ut abstinet numero, ita ad inmensum multitudinis
speciem auget. Volucres ad terram delapsas clamore mili-
tum ait, tantamque multitudinem conscendisse naves, ut
nemo mortalium, aut in Italia, aut in Sicilia, relinqui vide-
retur. Milites ut in naves ordine ac sine tumultu conscen-
derent, ipse eam sibi curam sumsit. nauticos C. Laelius, qui
classis praefectus erat, in navibus, ante conscendere coactos,
continuit. Commeatus inponendi M. Pomponio praetori
cura data: quinque et quadraginta dierum cibaria, e quibus
quindecim dierum cocta, inposita. Ut omnes jam in navi-
bus erant, scaphas circummisit, ut ex navibus gubernato-
resque et ²⁴magistri navium et bini milites in forum conve-
nirent ad imperia accipienda. Postquam convenerunt, pri-
mum ab iis quaesivit, si aquam hominibus jumentisque in
totidem dies, quot frumentum, inposuissent. Ubi respon-
derunt, aquam dierum quinque et quadraginta in navibus
esse; tum edixit militibus, ²⁵ut silentium quieti nautis sine
certamine ad ministeria exsequenda bene obedientes prae-
starent. ²⁷cum viginti rostratis se ac L. Scipionem ab dextro
cornu, laevum, totidem rostratas, et C. Laelium praefec-
tum classis cum M. Porcio Catone (quaestor is tum erat)
onerariis futurum praesidio. Lumina in navibus singula ros-
tratae, bina onerariae haberent: in praetoria nave insigne
nocturnum trium luminum fore. Emporia ut peterent, ga-
bernatoribus edixit. Fertilissimus ager, eoque abundans
omnium copia rerum est regio, et inbelles (quod plerumque
in uberi^e agro evenit) barbari sunt: priusque, quam Kar-
thagine subveniretur, obprimi videbantur posse. Iis editis
imperiis, redire ad naves jussi: et postero die, Deis bene
juvantibus, signo dato solvere naves.

XXVI. Multae classes Romanae e Sicilia atque ipso illo
portu profectae erant. Ceterum non eo bello solum, (nec

* *ubere* Gron. Crev.

²⁴ *In naves inposita invenio*] Nostri codices, ut et Gronoviani, carent verbo *invenio*, quod tamen retineri necesse est.

²⁵ *Magistri navium*] Intelligendi videntur magistri, sive praefecti socio-
rum navalium, de quibus mentionem facit Livius infra l. XLIII. c. 8.

²⁶ * *Ut Silentium*] Ut quieti ac bene obedientes suis ducibus, silentium prae-
starent nautis ad ministeria nautica exsequenda, abstinentes omni certamine adversus eos, sed sinentes eos

sine tumultu id agere quod sui officii esset.

²⁷ *Cum viginti rostratis*] Se ac L. Scipionem ab dextro cornu cum viginti rostratis; C. Laelium praefectum classis et M. Porcium Catonem cum viginti quoque rostratis futuros onerariis praesidio. Haec erat directa ac simplex loquendi forma. At maluit Livius variare orationem: *laevum* cornu, *totidem rostratas*, id est, quod quidem cornu totidem rostratas habiturum erat.

id miram, prædatum enim tantammodo pleræque classes U. C. 548. ierant) sed ne priore quidem, ulla profectio tanti spectaculi A. C. 204. fuit. quamquam si magnitudine classis æstimaretur, et bini consules cum binis exercitibus ante trajecerant; et ²⁸ prope totidem rostratæ in illis classibus fuerant, quot onerariis Scipio tum trajiciebat. nam, præter quadraginta^f longas naves, quadringentis ferme onerariis exercitum transvexit. ²⁹ Sed et bellum bello, secundum priore, ut atrocius Romanis videretur, quum quod in Italia bellabatur, tum ingentes strages tot exercituum, simul cæsis ducibus, effecerant: ³⁰ et Scipio dux, partim factis fortibus, partim suapte fortuna quadam ingentis ad incrementa gloriæ celebratus, converterat animos: simul et ³¹ mens ipsa trajiciendi, nulli ante eo bello duci tentata, quod ad Hannibalem detrahendum ex Italia, transferendumque et finiendum in Africa bellum, se transire vulgaverat. Concurrerat ad spectaculum in portum omnis turba, non habitantium modo Lilybæi, sed legationum omnium ex Sicilia: quæ et ad prosequendum Scipionem officii causa convenerant, et prætorem provinciæ M. Pomponium secutæ fuerant. ad hoc legiones, quæ in Sicilia relinquebantur, ad prosequendos commilitones processerant: nec classis modo prospectantibus e terra, sed terra etiam omnis circa referta turba spectaculo navigantibus erat.

XXVII. Ubi intuxit, Scipio e prætoria nave, silentio per Scipionis præconem facto, *Divi Divæque*, inquit, ³² *maria^s terrasque* precatio. *qui colitis, vos precor quæsoque, uti, quæ in meo imperio gesta*

^f *quinquaginta* Gron. Crev.

^s *qui maria* Gron.

²⁸ *Prope totidem rostratæ*] M. Regulus et L. Manlius consules trecentis triginta rostratis navibus e Sicilia solverunt, teste Polyb. l. I. Aliæ quoque classes Romanæ illo bello parem, aut etiam majorem numerum longarum navium habuerunt.

²⁹ *Sed et bellum bello*] Sed et secundum bellum priore bello atrocius Romanis videbatur, tum quia in Italia bellabatur, tum quia tot exercitus cæsi cum ducibus ipsis ab Annibale fuerant.

³⁰ *Et Scipio dux*] *Et converterat animos Scipio dux, partim factis fortibus, partim suapte fortuna quadam celebratus*, tanquam vir ingentis gloriæ ad incrementa; tanquam imperator, cuius ingens gloria novis semper incrementis augeretur. Quemadmodum hic *celebratus ingentis gloriæ*, sic et supra l. XXVI. c. 19. *sive et ipse capti quadam superstitione animi*; et apud Horat. *Notus in fratres ani-*

mi paterni. Si cui tamen id durum videatur, licet alio quoque modo componere hunc locum: *et Scipio dux celebratus partim factis fortibus, partim suapte fortuna quadam gloriæ ingentis ad incrementa*: ita ut intelligatur fortuna gloriæ, id est felicitate quadam, qua ad gloriam ingentem fortunæ ipsius manu deduci videretur. Sensus non malus: oratio parum expedita fuit. Prior interpretatio magis arri-det.

³¹ *Mens . . . nulli ante eo bello duci tentata, quod ad Annibalem detrahendum . . . se transire vulgaverat*] Victorinus codex firmat hanc lectionem, ab eaque in paucis minutisque discrepat. Eam frustra videtur sollicitare Gronovius.

³² *Maria terrasque qui colitis*] Hunc ordinem servant scripti meliores, et sic edebatur ante Rhenanum, Maluit ille *qui maria terrasque colitis*: eique obsecuti sunt editores.

U. C. 548. *sunt, geruntur, postque gerentur, ea mihi, populo plebique Ro-*
 A. C. 204. *manæ, sociis nominique Latino, qui populi Romani, quique*
meam sectam, imperium, auspiciumque terra, mari, omnibusque
sequuntur, ³³ bene verruncent: eaque vos omnia bene juvetis:
³⁴ bonis auctibus auxitis: saluos incolumesque, victis perduelli-
bus victores, spoliis decoratos, præda onustos triumphantesque,
mecum domos reduces sistatis: inimicorum hostiumque ulciscen-
dorum copiam faxitis: quæque populus Karthaginiensis in ci-
vitatem nostram facere molitus est, ³⁵ ea ut mihi populoque Ro-
mano in civitatem Karthaginensium exempla edendi faculta-
tem detis. Secundum eas preces ³⁶ cruda exta victimæ, uti
mos est^h, ³⁷ in mare porricit, tubaque signum dedit profi-
ciscendi. Vento secundo vehementi satis profecti, celeriter
e conspectu terræ ablati sunt: et a meridie ³⁸ nebula occe-
pit, ita ut vix concursus navium inter se vitarent. lenior
ventus in alto factus. noctem insequentem eadem caligo ob-
tinuit: sole orto est discussa, et addita vis vento. Jam ter-
ram cernebant. haud ita multo post gubernator Scipioni
ait, non plus quinque millia passuum Africam abesse: Mercurii
promontorium se cernere. si jubeat eo dirigi, jam in portu
fore omnem classem. Scipio, ut in conspectu terra fuit,
³⁹ precatusⁱ, uti bono reipublicæ suoque Africam viderit, da-
re vela, et alium infra navibus adcessum petere jubet. Ven-
to eodem ferebantur. ceterum nebula sub idem ferme tem-
pus, quo pridie, exorta conspectum terræ ademit, et ven-
tus premente nebula cecidit. Nox deinde incertiora omnia
fecit. itaque ancoras, ne aut inter se concurrerent naves,
aut terræ inferrentur, jecere. Ubi inluxit, ventus idem co-
ortus, nebula disjecta, aperuit omnia Africæ litora. Scipio,
quod esset proximum promontorium, percunctatus, quum
*Pulchri promontorium id vocari audisset, *Placet omen*, in-*
*quit; *huc dirigite naves*. Eo classis decurrit: copiæ omnes*
in terram expositæ sunt. Prosperam navigationem sine

Ad Pulchri
Prom. ap-
pellit.

^h est del. Gron. Crev.

ⁱ precatus deos Crev.

³³ Bene verruncent] Bene vertant.

³⁴ * Bonis auctibus auxitis] Bonis incrementis augeatis.

³⁵ Ea . . exempla edendi] Sic apud Ter. in Eun. Act. V. Sc. 7. *Uterque in te exempla edet*. Exempla edere in aliquem, est eum iis damnis, cruciatibus, malis afficere, quæ pro sua magnitudine possint in exemplum adduci: * vel exemplo ceteris esse, ut similia præcaveant.

³⁶ Cruda exta, cæsa victima] Hic variant scripti. Regius, *cruda exta victimæ*, ut voluerat Gronovius.

³⁷ In mare porricit] Hoc verbum

solenne sacrorum est. Virgilius, *et-
taque salsos Porriciam in fluctus*.
Scripti *projecit*. Sed ex vet. editis
illud alterum retinendum esse recte
censet Gronovius, etiam adversa scrip-
torum auctoritate.

³⁸ Nebula occepit, ita ut vix] Nal-
lus MS. habet *occepit*, sed vel *cepit*,
vel *cepte*, vel *excepti*. Omnes ita *vix*
ut. Libenter legeremus cum Gronovio,
nebula exstitit, vix ut.

³⁹ Precatus deos] Multi MSS. omit-
tunt vocem *deos*: et facile potest in-
telligi.

terrore ac tumultu fuisse, permultis Græcis Latinisque auc- U. C. 548.
toribus credidi: Coelius unus præterquam quod non mer- A. C. 204.
sas fluctibus naves, ceteros omnes coelestes maritimosque
terrores, postremo abreptam tempestate ab Africa classem
ad insulam Ægimurum, inde ægrè conrectum cursum, ex-
ponit: et, prope obrutis navibus, injussu imperatoris, sca-
phis, haud secus quam naufragos, milites sine armis cum
ingenti tumultu in terram evasisse.

XXVIII. Expositis copiis, Romani castra in proximis ^{Terror in}
tumulis metantur. Jam non in maritimos modo agros, ^{Africa.}
conspectu primum classis, dein tumultu egredientium in
terram, pavor terrorque pervenerat; sed in ipsas urbes. ne-
que enim hominum modo turba, mulierum puerorumque
agminibus inmixta, omnes passim compleverat vias, sed pe-
cora quoque præ se agrestes agebant; ut¹ relinqui subito
Africam diceres. Urbibus vero ipsis majorem, quam quem
secum adtulerant, terrorem inferebant. præcipue Karthagi-
nis prope ut captæ tumultus fuit. Nam post M. Atilium
Regulum et L. Manlium consules, ⁴⁰ annis prope quinquā-
ginta, nullum Romanum exercitum viderant, præter præda-
torias classes, quibus excensiones in agros maritimos factæ
erant: raptisque, quæ obvia fors fecerat, prius recursum
semper ad naves, quam clamor agrestes conciret, fuerat. eo
major tum fuga pavorque in urbe fuit. Et, Hercule, neque
exercitus domi validus, neque dux, quem obponerent, erat.
Hasdrubal, Gisgonis filius, genere, fama, divitiis, regia tum
etiam adfinitate, longe primus civitatis erat: sed eum ab
illo ipso Scipione aliquot proeliis fusum pulsumque in His-
pania meminerant: nec magis ducem duci parem, quam
tumultuarium exercitum suum Romano exercitui esse. Ita-
que, velut si urbem extemplo adgressurus Scipio foret, ita
ad arma est conclamatum: portæque raptim clausæ, et ar-
mati in muris, vigiliæque et stationes dispositæ, ac nocte
insequenti vigilatum est. Postero die quingenti equites,
speculatum ad mare turbandosque egredientes ex navibus
missi, in stationes Romanorum inciderunt. jam enim Sci-
pio, classe Uticam missa, ipse haud ita multum progressus
a mari, tumulos proximos ceperat; equites et in stationi-
bus locis idoneis posuerat, et per agros miserat prædatum.

XXIX. Ii cum Karthaginensi equitatu proelium quum ^{Scipio agros}
commisissent, paucos in ipso certamine, plerosque fugien- ^{populatur,}
tes persecuti (in quibus præfectum quoque Hannonem, no- ^{victo equi-}
bilem juvenem) occiderunt. Scipio non agros modo circa ^{tatu Kar-}
^{thag.}

¹ ut del. Groh.

⁴⁰ *Annis prope quinquaginta*] Hic M. Regulo, L. Manlio consulibus. Vid.
est annus quinquagesimus tertius a not. 26. ad l. XXVIII. c. 43.

U. C. 548.
A. C. 204.

Masinissa
ad Romanos
venit.

Masinissæ
varia for-
tuna.

vastavit, sed urbem etiam proximam Afrorum satis opulentam cepit. ubi præter cetera, quæ extemplo in naves onerarias inposita, missaque in Siciliam erant, octo millia liberorum servorumque capitum sunt capta. ⁴¹ Lætissimus tamen Romanis in principio rerum gerendarum adventus fuit Masinissæ. quem quidam cum ducentis haud amplius equitibus, plerique cum duûm millium equitatu tradunt venisse. Ceterum quum longe maximus omnium ætatis suæ regum hic fuerit, plurimumque rem Romanam juverit, operæ pretium videtur excedere paullulum ad enarrandum, quam varia fortuna usus sit in amittendo recuperandoque paterno regno. Militanti pro Karthaginiensibus in Hispania pater ei moritur: Galæ nomen erat. ⁴² Regnum ad fratrem regis Œsalcem, pergrandem natu, (mos ita apud Numidas est) pervenit. haud multo post, Œsalce quoque mortuo, major ex duobus filiis ejus Capusa, puero admodum altero, paternum imperium accepit. Ceterum quum ⁴³ magis jure gentis, quam auctoritate inter suos aut viribus, obtineret regnum; exstitit quidam, Mezetulus nomine, non alienus sanguine regibus, familiæ semper inimicæ, ac de imperio varia fortuna cum iis, qui tum obtinebant, certantis. Is, concitatis popularibus, apud quos, ⁴⁴ invidia regum, magnæ auctoritatis erat, castris palam positis, descendere regem in aciem, ac dimicare de regno coëgit. in eo prælio Capusa cum multis principum cecidit, ⁴⁵ gens Massylorum omnis in ditionem imperiumque Mezetuli concessit. regio tamen nomine abstinuit: contentusque nomine modico tutoris, puerum Lacumacen, qui stirpis regiæ supererat, regem adpellat. Karthaginiensem nobilem feminam, sororis filiam Hannibalis, quæ proxime Œsalci regi nupta fuerat, matrimonio sibi jungit, ⁴⁶ spe Karthaginensium societatis; et cum Syphace hos-

⁴¹ *Lætissimus tamen Romanis*] Scripti Gronoviani, et nostri, pro *Romanis* præferunt *omnis*: nisi quod Victorinus, *omnibus*. Sed verum putamus id quod editur. De Romanis aplis agitur, ita ut vox *omnibus* prorsus aliena sit. Scilicet corruptio haud difficilis fuit. Si forte prima littera in nomine *Romanis* erasa fuerat, inde factum est *omanis*, *omnis*: tum corrector, ut salvæ essent Grammaticæ leges, dedit *omnibus*.

⁴² *Regnum ad fratrem regis Œsalcem*] Similem ordinem successionis, ut in demortui regis, sive principis locum non filius subiret, sed frater, in Hispania quoque servatum apparet ex l. XXVIII. c. 21. supra. Vide alia exempla apud Grot. de jure belli et

pacis, l. II. c. 7. n. 24.

⁴³ *Magis jure gentis, quam auctoritate .. aut viribus*] Jus gentis regem legitimum facit, auctoritas venerabilem, vires potentem. Sic distingui debet harum vocum sensus, *jure gentis, auctoritate, viribus*.

⁴⁴ * *Invidia regum*] Invidia in reges concitata.

⁴⁵ *Gens Massylorum omnis*] Paternum Masinissæ regnum. *Massyli* parebant Syphaci. Utrique populo commune erat *Numidarum* nomen.

⁴⁶ *Spe Carthaginensium societatis*] Ex hoc loco, et iis quæ c. sequenti narrantur, patet Carthaginenses Lacumaci et Mezetulo contra Masinissam favisse. Atque hac maxime causa suspicari possumus Numidam a Car-

pitium vetustum legatis missis renovat, omnia ea auxilia U. C. 548.
præparans adversus Masinissam. A. C. 904.

XXX. Et Masinissa, audita morte patrui, dein nece fratris patruelem, ex Hispania in Mauritaniam (Bocchar ea tempestate rex Maurorum erat) trajicit. ab eo supplex infimis precibus auxilium itineri, quoniam bello non poterat, quatuor millia Maurorum impetravit. Cum iis, præmisso nuncio ad paternos suosque amicos, quum ad fines regni pervenisset, quingenti ferme Numidæ ad eum convenerunt. Igitur Mauris inde, sicut convenerat, retro ad regem remis- sis, quamquam aliquanto minor spe multitudo, nec cum qua tantam rem adgredi satis auderet, conveniret; ratus agendo ac moliendo vires quoque ad agendum aliquid conlecturum, proficiscenti ad Syphacem Lacumaci regulo ad Thapsum obcurrit. Trepidum agmen quum in urbem refugisset, urbem Masinissa primo inpetu capit: ex regiis alios tradentes se recipit, alios vim parantes occidit. pars maxima cum ipso puero inter tumultum ad Syphacem, quo primum intenderant iter, pervenerunt. Fama hujus modicæ rei, in principio rerum prospere actæ, convertit ad Masinissam Numidas. adfluebantque undique ex agris vicisque veteres milites Galæ, et invitabant juvenem ad recuperandum paternum regnum. Numero militum aliquantum Mezetulus superabat. nam et ipse eum exercitum, quo Capusam vicerat,⁴⁷ et ex receptis post cædem regis aliquot habebat: et puer Lacumaces ab Syphace auxilia ingentia⁴⁸ adduxerat. quindecim millia peditum Mezetulo, decem millia equitum erant. Quibuscum Masinissa,⁴⁹ nequaquam tantum peditum equitumve habens, acie conflixit. vicit tamen⁵⁰ et veterum militum virtus, et prudentia inter Romana et Punica arma exercitati ducis. Regulus cum tutore et exigua Masæsyliorum manu in Karthaginensium agrum perfugit. Ita recuperato regno paterno, Masinissa, quia sibi adversus Syphacem haud paullo majorem restare dimicationem cernebat, optimum ratus cum fratre patruele gra-

thaginiensibus alienatum ad Romanos descisse. Congruunt tempora. Et enim Masinissa etiam tum in Hispania erat, quum ejus regnum Mezetulus iuvasit. Postea novas odio ejus in Pœnos vires addidit profecto tradita Syphaci contra fidem ipsi datam in matrimonium Sophonisba. Vid. nostrum supra l. XXVIII. c. 16. et ea quæ ibi annotavimus.

47 *Et ex receptis*] Et aliquot habebat ex iis, quos post cædem Capusæ regis ad sua signa revocaverat.

48 *Adduxerat. Quindecim millia pe-*

ditum Mezetulo] Sic interpungunt aliquot scripti, Andreas et Campanus; melius, quam ut vulgo nunc: *adduxerat, quindecim millia peditum. Mezetulo decem millia equitum erant.*

49 *Nequaquam tantum peditum equitumve habens acie conflixit*] Scripti plerique, et editi ante Rhenanum, *habente*; ut referatur ad *acie*.

50 *Et veterum militum virtus*] Vox *militum* neque in Gronovianis MSS. neque in nostris comparet. Necessaria tamen est.

U. C. 548. tiam reconciliare, missis, qui et puero spem facerent, si in
A. C. 204. fidem Masinissæ sese permisisset, ⁵¹ futurum in eodem honore, quo apud Galam Œsalces quondam fuisset; ⁵² et qui Mezetulo, præter impunitatem, sua omnia cum fide restitui sponderent; ambo præoptantes exsilio modicam domi fortunam (omnia, ne id fieret, Karthaginensibus de industria agentibus) ad sese perduxit.

Syphacem
Hasdrubal
in Masinissam insti-
gat.

XXXI. Hasdrubal tum forte, quum hæc gerebantur, apud Syphacem erat. qui Numidæ, haud sanè multum ad se pertinere credenti, utrum penes Lacumacen, an Masinissam, regnum Massylorum^k esset, *falli eum magnopere, ait, si Masinissam eisdem contentum fore, quibus patrem Galam, aut patrum ejus Œsalcem, credat. multo majorem indolem in eo animi ingenique esse, quam in ullo gentis ejus umquam fuisset. Sæpe eum in Hispania raræ inter homines virtutis specimen dedisse sociis pariter hostibusque: et Syphacem, et Karthaginenses, nisi orientem illum ignem obpressissent, ingenti mox incendio, quum jam nullam opem ferre possent, aruros. Adhuc teneras et fragiles ejus vires esse, vixdum coalescens foventis regnum.* Instando stimulandoque pervincit, ut exercitum ad fines Massylorum admoveat; atque in agro, de quo sæpe cum Gala non verbis modo disceptatum, sed etiam armis certatum fuerat, tamquam haud dubie juris sui, castra locet. *Si quis arceat, id^l quod maxime opus sit, ⁵⁴ acie dimicaturum^m: sin per metum agro cedatur, in medium regnum eundum. aut sine certamine concessuros in ditionem ejus Massylos, aut nequaquam pares futuros armis.*

Syphax vin-
cit Masinissam.

His vocibus incitatus Syphax Masinissæ bellum infert, et primo certamine Massylos fundit fugatque. Masinissa cum paucis equitibus ex acie in montem (Balbum incolæ vocant) perfugit. familiæ aliquot ⁵⁵ cum mapalibus pecoribusque suis (⁵⁶ ea pecunia illis est) persecuti sunt regem: cetera Massy-

^k Massyliorum Gron. Crev. ita et in sqq.
turus Gron.

^l id del. Fæd.

^m dimica-

51 *Futurum in eodem honore*] Scripti *futurum cum*. Delevit *et eum* Rhenanus: quod et melius abesse videtur.

52 *Et qui Mezetulo*] Gronovius recidit *et qui*: nec immerito, nisi alios ad Lacumacem, alios ad Mezetulum legavit Masinissa. Tunc enim nihil mutandum foret.

53 *Quod maxime opus sit*] Jac. Gronovius ex compluribus scriptis affert *et quod maxime*: et assentiuntur nostri. Si aliquid iis dandum est, legamus *id quod maxime opus sit*.

54 *Acie dimicaturum*] Sequimur veteres editos, et duos e nostris scriptis, Victor. et Thuanæum. Gronovius dedit *dimicaturus*.

55 *Cum mapalibus . . suis . . persecuti sunt regem*] Ergo et Numidæ erant in illorum populorum numero qui vagas secum circumferebant domos. Quod idem testatur Plin: l. V. c. 3. Non quod iis ædificia non essent: sed ea nimirum ex junctis inter se lignis coagmentata facile dissolvebant, plaustisque imposita in eo deinde loco, ubi commorari vellent, rursum aptabant.

56 * *Ea pecunia illis est*] Non alia illis bona, aliæ sunt possessiones. Et vero *pecunia* a *pecore* nomen habet, sive quia æs primo signatum est Romæ nota *pecudum*, sive quod veterum in *pecore* constabat universa substantia.

lorum multitudo in ditionem Syphacis concessit. Quem U. C. 548.
ceperant exsules montem, herbidus aquosusque est; et, quia A. C. 204.
pecori bonus alendo erat, hominum quoque, carne ac lacte
vescentium, abunde subiciebat alimentis. Inde nocturnis
primo ac furtivis incursionibus, deinde aperto latrocinio, in-
festa omnia circa esse: ⁵⁷ maxime uri Karthaginiensis ager,
quia et plus prædæ, quam inter Numidas, et latrocinium
tutius erat. jamque adeo licenter eludebant, ut ad mare de-
vectam prædam venderent mercatoribus, adpellentibus naves
ad id ipsum; pluresque, quam justo sæpe in bello, Kartha-
giniensium caderent caperenturque. Deplorabant ea apud
Syphacem Karthaginenses, ⁵⁸ infensumque et ipsum ad reli-
quias belli persequendas instigabant. sed vix regium vide-
batur, latronem vagum in montibus consecrari.

XXXII. Bocchar, ex præfectis regiis vir acer et inpiger, Bocchar
ad id delectus. ei data quatuor millia peditum, duo equitum: mittitur in
⁵⁹ præmiorumque ingentium spe oneratus, si caput Masinissæ Masinis-
retulisset, aut vivum (id vero inæstimabile gaudium fore) ce- sam.
pisset, palatos incurioseque agentes inproviso adortus, pecorum
hominumque ingenti multitudo a præsidio armatorum ex-
clusa, Masinissam ipsum cum paucis in verticem montis
compellit. Inde, prope ut jam debellato, nec præda modo
pecorum hominumque captorum missa ad regem, sed copiis
etiam, ut aliquanto majoribus, quam pro reliquiis belli, re-
missis, ⁶⁰ cum quingentis haud amplius peditibus ducentisque
equitibus, degressum jugis Masinissam persecutus, in valle
arta, ⁶¹ faucibus utrimque obsessis, inclusit. ibi ingens cædes
Massylorum facta. Masinissa cum quinquaginta haud am-
plius equitibus per amfractus montis ignotos sequentibus se
eripuit. Tenuit tamen vestigia Bocchar: adeptusque eum
patentibus prope Clupeam urbem campis, ita circumvenit,
ut, præter quatuor equites, omnes ad unum interficeret^a.

^a interfecerit Gron. Crev.

⁵⁷ *Maxime uri Carthaginiensis ager*] Scripti quidam *maxime juris*.
Andreas, teste Gronovio, *Carthagi-
niensium*. Et sic optime formata erit
oratio: *maxime juris Carthaginien-
sium ager*, supple, infestus esse. Et
ut sic dedisse Livium credamus, id
quoque nos movet, quod alibi obser-
vamus de more ipsi non inusitato
iterandi easdem subinde locutiones.
Nam supra hoc ipso capite: *atque in
agro de quo sæpe . . . certutum fuerat,
tanquam haud dubie juris sui, castra
locat*. Justinus quoque similiter lo-
cutus est, l. IX. c. 5. *Initio veris, tres
duces in Asiam Persarum juris præ-
mittit*.

⁵⁸ *Infensumque et ipsum*] Scripti
omnes, *intensumque*: quod recte emen-
datum est ab editoribus.

⁵⁹ *Præmiorumque ingentium spe*] Merito reposuit Rhenanus *ingentium*.
Ante illum editi, et Gronoviani nostri-
que codices, *ingenti*.

⁶⁰ *Cum quingentis haud amplius peditibus*] Nullo in libro vetere *et
quingentis* reperitur. Quidam mutili
sunt, nec ullum numerum exprimunt:
quidam, *cum haud amplius peditibus
mille*.

⁶¹ *Faucibus utrimque obsessis*] Egre-
gie. Scripti et Gronoviani, et nostri,
hic vitiosi sunt, et pro *obsessis* habent
vel *oppositos*, vel *oppositis*.

U. C. 548.
A. C. 204.

Inscit in
fluvium,
unde cum
duobus
emergit.

In spelunca
latens, vul-
nus curat.

Syphax ad-
versus eum
contendit.

cum iis ipsam quoque Masinissam sauciam prope e manibus inter tumultum amisit. In conspectu erant fugientes; ala equitum, dispersa toto campo, quibusdam, ut obcurrerent, per obliqua tendentibus, quinque hostes sequebatur. amnis ingens fugientes accepit, (neque enim cunctanter, ut quos major metus urgueret, immiserant equos) raptique gurgite, et in obliquum praelati. duobus in conspectu hostium in prae-rapidam gurgitem haustis, ipse periisse creditus. at duo reliqui equites cum eo inter virgulta ulterioris ripae emerse-rant. Is finis Bocchari sequendi fuit, nec ingredi flumen auso, nec habere credenti se jam, quem sequeretur. Inde ⁶²vanus auctor absumpti Masinissae ad regem rediit; mis-sique, qui Karthaginem gaudium ingens nunciarent: ⁶³to-taque Africa fama mortis Masinissae repleta varie animos ad-fecit. Masinissa in spelunca occulta, quum herbis curaret vulnus, duorum equitum latrocinio per dies aliquot vixit. ubi primum ducta cicatrix, patique posse visa jactationem, au-dacia ingenti pergit ire ad regnum repetendum: atque, in ipso itinere haud plus quadraginta equitibus conlectis, quum in Massylos, palam jam quis esset ferens, venisset, tantum motum quum favore pristino, tum gaudio insperato, quod, quem perisse crediderant, incolumem cernebant, fecit, ut intra paucos dies sex millia peditum armatorum, quatuor equitum, ad eum convenirent: jamque non in possessione modo paterni regni esset, sed etiam socios Karthaginensium populos Massesylorumque fines (id Syphacis regnum erat) vas-taret. inde, irritato ad bellum Syphace, inter Cirtam Hippo-nemque in jugis opportunorum ad omnia montium consedit.

XXXIII. Majorem igitur eam rem Syphax ratus, quam ut per praefectum ageret, cum filio juvene (nomen Verminae erat) parte exercitus missa, imperat, ut, circumducto agmine, in se intentum hostem ab tergo invadat. Nocte profectus Vermina, qui ex occulto adgressurus erat: Syphax autem interdum aperto itinere, ut qui, signis conlatis, acie dimica-turus esset, movit castra. Ubi tempus visum est, quo per-venisse jam circummissi videri poterant, et ipse leni clivo fe-rente ad hostem, quum multitudine fretus, tum praeparatis ab tergo insidiis, per adversum montem erectam aciem ducit. Masinissa fiducia maxime loci, quo multo aequiore pugnatu-rus erat, et ipse dirigit suos. Atrox proelium et diu anceps

62 * *Vanus auctor absumpti Masi-nissae*] Falso nuncians periisse Masi-nissam.

63 *Totaque Africa fama mortis Masinissae repleta, varie animos affecit*] *Africa repleta fama mortis Ma-sinissae*, vix videtur digna Liviana elegantia locutio. Jam vero non sa-tis intelligitur quid sibi velit, *Afri-ca repleta fama varie affecit animos*.

Vide num concinnius multo et clarius, resecta voce *repleta*, legi possit: *To-taque Africa*, id est, per totam Afri-cam, *fama mortis Masinissae varie af-fecit animos*. Qui non intellexerunt illud *tota Africa* in auferendi casu a Livio poni, explere sensum voluisse videntur assuto illo suo centone *re-pleta*.

fuit; loco et virtute militum Masinissam, multitudine, quæ U. C. 548. nimio major erat, Syphacem juvante. Ea multitudo divisa, A. C. 204. quum pars a fronte urgueret, pars a tergo se circumfudisset, victoriam haud dubiam Syphaci dedit: et ne effugium quidem patebat hinc a fronte, hinc ab tergo inclusis. Itaque ceteri pedites equitesque cæsi aut capti. ducentos ferme equites Masinissa circa se conglobatos, divisosque turmatim in tres partes, erumpere jubet; loco prædicto, in quem ex dissipata convenirent fuga. Ipse, qua intenderat, inter Masinissa media tela hostium evasit. duæ turmæ hæserunt: altera metu cum paucis dedita hosti; pertinacior in repugnando telis obruta et confixa est. Verminam prope vestigiis instantem, "in alia atque alia flectendo itinera" eludens, tædio et desperatione tandem fessum, absistere sequendo coëgit. ipse cum sexaginta equitibus ad minorem Syrtim pervenit. Ibi cum conscientia egregia sæpe repetiti regni paterni, inter "Punica Emporia gentemque" Garamantum omne tempus, usque ad C. Lælii classisque Romanæ adventum in Africam, consumsit. Hæc animum inclinant, ut cum modico potius, quam cum magno præsidio equitum, ad Scipionem quoque postea venisse Masinissam credam: quippe illa regnantis multitudo, hæc paucitas exsulis fortunæ conveniens est.

XXXIV. Karthaginienses, ala equitum cum præfecto amissa, alio equitatu per novum delectum comparato, Hannonem Hamilcaris filium præficiunt. Hasdrubalem subinde ac Syphacem per literas nunciosque, postremo etiam per legatos, arcessunt: Hasdrubalem opem ferre prope circumsessæ patriæ jubent: Syphacem orant, ut Karthagini, ut universæ Africæ subveniat. Ad Uticam tum castra Scipio, ferme mille passus ab urbe, habebat, translata a mari, ubi paucos dies stativa conjuncta classi fuerant. Hanno, nequaquam satis valido, non modo ad lacesendum hostem, sed ne ad tuendos quidem a populationibus agros, equitatu accepto, id omnium primum egit, ut per conquisitionem numerum equitum augeret. nec aliarum gentium adspersatus, maxime tamen Numidas (id longe primum equitum in Africa est ge-

° itinere Crev.

64 *In alia atque alia flectendo itinere*] Dum flectit iter in alia atque alia loca. Ceterum hic legebatur *itinera*. Quod quum minus placeret, correximus ex optimis plurimisque scriptis. Hoc loquendi genus quod restituimus, familiare est Livio, et longe elegantissimum.

65 *Punica Emporia*] Intellige regionem, de qua supra, c. 25. De ea rursus, l. XXXIV. c. 62. sic habet noster: *Emporia vocant eam regionem. Ora est minoris Syrtis, et agri*

uberis. Una civitas ejus, Leptis. Non ita longe ab ea incolunt Garamantes, meridiem versus. Et meminisse oportet, Masinissam tunc huc illuc vagum errasse, et loca etiam a sese mutuo aliquantum dissita alterno cursu attingere potuisse.

66 *Garamantum omne tempus usque*] Hæc verba nobis solum exhibuit Victor. codex. Reliqui nostri, ut et ii quos Gronovius excussit, iis carent. Nihil tamen videmus, quare ea repudiare debeamus.

U. C. 548.
A. C. 204.

Equestre
prælium.

Vincuntur
Karthagi-
nienses.

nus) conducit. Jam ad quatuor millia equitum habebat, quum ⁶⁷ Saleram nomine urbem occupavit; quindecim ferme millia ab Romanis castris. Quod ubi Scipioni relatum est, ⁶⁸ *Æstiva sub tectis equitatus!* (inquit) *sint^p vel plures, dum talem ducem habeant.* eoque minus ⁶⁹ sibi^q cessandum ratus, quo illi segnius rem agerent, Masinissam cum equitatu præmissum portis obequitare, atque hostem ad pugnam elicere, jubet. ubi omnis multitudo se effudisset, graviorque jam in certamine esset, quam ut facile sustineri posset, cederet^r paulatim; se in tempore pugnae obventurum. Tantum moratus, ⁷⁰ quantum satis temporis prægresso visum ad eliciendos hostes, cum Romano equitatu secutus, tegentibus tumulis, qui peropportune circa viæ flexus obpositi erant, occultus processit. Masinissa, ex composito, nunc terrentis, nunc timoris simulatio audaciam hosti faceret, ad ⁷¹ insequendum^a temere eliciebat. Nondum omnes egressi erant, varieque dux fatigabatur, alios vino et somno graves arma capere, et frenare equos cogendo, aliis, ne sparsi et inconditi sine ordine, sine signis omnibus portis excurrerent, obsistendo. Primo incaute se evehentes Masinissa excipiebat: mox plures simul conferti porta effusi æquaverant certamen: postremo, jam omnis equitatus prælio quum adesset, sustineri ultra nequiere^t. Non tamen effusa fuga Masinissa, sed cedendo sensim, inpetus eorum excipiebat: donec ad tumulos tegentes Romanum equitatum pertraxit. Inde exorti equites, et ipsi integris viribus, et recentibus equis, Hannoni Afrisque pugnando ac sequendo fessis se circumfudere: et Masinissa, flexis subito equis, in pugnam rediit. Mille ferme, qui primi agminis fuerant, ut quibus haud facilis receptus fuit, cum ipso duce Hannone interclusi atque interfecti sunt. ceteros, ducis præcipue territos cæde, effuse fugientes ⁷² per tria^u

^p *Æst. s. t. agere equitatus; sint, inquit, Gron.* ^q *sibi del. Ead.* ^r *cedere Gron. Crev.* ^a *ad insequendum l. insequentem Ead.* ^t *nequivere Ead.* ^u *triginta Crev.*

⁶⁷ *Saleram*] Hoc nomen varie in MSS. habetur. Put. *Salæcam*: Victor. *Salecam*. Non absurde suspicatur Gronovius, eandem hanc urbem esse quæ Appiano dicitur *Λόχα*.

⁶⁸ *Æstiva sub tectis equitatus*] Supple *agit*. Hæc verba Scipionis sunt mirantis, quod equites suos Hanno tam molliter habeat, ut eos sinat æstiva sub tectis agere, non durare sub pellibus cogat. Vulgo hic legitur *æstiva sub tectis agere equitatus*. At verbum *agere* neque in nostris MSS. neque in iis quos inspexit Gronovius, reperitur.

⁶⁹ *Sibi cessandum*] Revocavimus

pronomen *sibi*, quod Sigonius ejecerat, libri nostri tuentur.

⁷⁰ *Quantum satis temporis prægresso visum*] Quantum credidit satis esse temporis, ut Masinissa, qui prægressus fuerat, posset elicere hostes ad pugnam.

⁷¹ *Insequentem temere eliciebat*] Sic dedit Gronovius ex Put. codice, ut ipse ait. At optimus hic liber habet *ad insequentem*: ita ut non temere movenda fuisse videatur recepta ante Gronovium lectio, *ad insequendum*.

⁷² *Per triginta millia passuum*] Hæc est scriptura Put. Cantabrig. et

millia passuum victores secuti, ad duo præterea millia equi- U. C. 548.
tum aut ceperunt, aut occiderunt. inter eos satis constabat, A. C. 204.
non minus ducentos Karthaginiensium equites fuisse, et di-
vitiis quosdam et genere illustres.

XXXV. Eodem forte, quo hæc gesta sunt, die naves, quæ
prædam in Siciliam vexerant, cum commeatu rediere; velut
ominatæ, ⁷³ ad prædam alteram repetendam sese venisse.
Duos eodem nomine Karthaginiensium duces duobus eques-
tribus præliis interfectos, non omnes auctores sunt: veriti,
credo, ⁷⁴ ne falleret bis relata eadem res. Coelius quidem et
Valerius ⁷⁵ captum etiam Hannonem tradunt. Scipio præ-
fectos equitesque, prout cujusque opera fuerat, ante omnes
Masinissam, insignibus donis donat. et, firmo præsidio Sa-
leræ inposito, ipse cum cetero exercitu profectus, non agris Scipio po-
modo, quacumque incedebat, populatis, sed urbibus etiam pulatur
quibusdam vicisque expugnatis, late fuso terrore belli, sep- Africam.
timo die, quam profectus erat, magnam vim hominum et
pecoris et omnis generis prædæ trahens, in castra redit;
gravesque iterum ⁷⁶ hostilibus^u spoliis naves dimittit. Inde,
omissis expeditionibus parvis populationibusque, ad obpug-
nandam Uticam omnes belli vires convertit: eam deinde, si
cepisset, sedem ad cetera exsequenda habiturus. Simul et a Uticam ob-
classe ⁷⁷ navales socii, qua ex parte urbs mari adluitur, simul pugnat.
et terrestris exercitus ab imminente prope ipsis mœnibus
tumulo est admotus. Tormenta machinasque et advexerat
secum, et ex Sicilia missa cum commeatibus erant: et nova
in armamentario, multis talium operum artificibus de indus-
tria inclusis, fiebant. Uticensibus tanta undique mole cir-
cumsessis in Karthaginensi populo, Karthaginiensibus in
Hasdrubale ⁷⁸ ita, si is movisset Syphacem, spes omnis erat.
sed desiderio indigentium auxilii^x tardius cuncta moveban-
tur. Hasdrubal, intentissima conquisitione quum ad triginta Hasdruba-
millia peditum, tria equitum confecisset, non tamen ante lis et Sy-
adventum Syphacis castra propius hostem movere est ausus. phacis in-
Syphax cum quinquaginta millibus peditum, decem equitum pæ.
pæ.

^u hostium Crev.

^x auxilia Gron.

multorum aliorum codicum: quam
quidem anteferendam putavit Jac.
Gronovius ei quæ vulgabatur hacte-
nus, *per tria millia passuum*. Nec
vero magna laude digna videtur illa
in persequendo constantia, si eques
victor fugientem hostem *per tria mil-
lia*, hoc est unius leucæ spatium, inse-
quatur. At *triginta millia* nonne soli-
tum et credibilem persequendi modum
excedunt?

⁷⁸ *Ad prædam alteram repetendam*] Ultimam vocem omittit Rhenani li-
ber, et noster Victorinus. Nec sane

ea quidquam est opus.

⁷⁴ *Ne falleret*] Ne bis unam rem
per imprudentiam narrarent.

⁷⁵ * *Captum etiam Hannonem*] Non
interfectum, ut supra memoratum
est.

⁷⁶ *Hostium spoliis*] Omnes nostri
codices, ut et duo a Gronovio memo-
rati, *hostilibus spoliis*.

⁷⁷ *Navales socii*] Classici milites.
Vid. not. 52. ad l. XXVI. c. 28.

⁷⁸ * *Ita si is*] Modo tamen is Sy-
phacem impulisset ad bellum.

U. C. 548. advenit: confestimque motis ab Karthagine castris, haud
 A. C. 204. procul Utica munitionibusque Romanis consedit. Quorum
 Scipio rece- adventus hoc tamen momenti fecit, ut Scipio, quum quadra-
 dit ab Uti- ginta ferme dies nequidquam omnia experiens obsedisset
 ca. Uticam, abscederet inde irritum incepto. et^x (⁷⁹ jam enim
 hiems instabat) castra hiberna in promontorio, ⁸⁰ quod tenui
 jugo continenti adhærens in aliquantum maris spatium ex-
 tenditur, communit: ⁸¹ uno vallo et navalibus^y castra amplecti-
 tur. jugo medio legionum castris inpositis, ⁸² litus ad septen-
 trionem versum subductæ naves navalesque socii tenebant:
 meridianam vallem ad alterum litus devexam equitatus.
 Hæc in Africa usque ad extremum autumnus gesta.

Commeatus
 ad Scipio-
 nem advec-
 ti.

Sempronius
 Cos. cum
 Hannibale
 male pug-
 nat.

XXXVI. Præter convectum undique ex populatis circa
 agris frumentum, commeatusque ex Sicilia atque Italia ad-
 vectos, Cn. Octavius proprætor ex Sardinia ab Ti. Claudio
 prætore, cujus ea provincia erat, ingentem vim frumenti
 advexit: horreaque non solum, quæ jam facta erant, repleta,
 sed nova ædificata. Vestimenta exercitui deerant. id man-
 datum Octavio, ut cum prætore ageret, si quid ex ea pro-
 vincia comparari ac mitti posset. ea quoque haud segniter
 curata res. ⁸³ Mille ducentæ togæ brevi spatio, et^z duode-
 cim millia tunicarum missa. Æstate ea, qua hæc in Africa
 gesta sunt, P. Sempronius consul, cui Bruttii provincia erat,
 in agro Crotoniensi cum Hannibale in ipso itinere tumultu-
 ario proelio conflixit. ⁸⁴ agminibus magis, quam acie, pugna-
 tum est. Romani pulsi, et tumultu verius, quam pugna, ad
 mille et ducenti de exercitu consulis interfecti: in castra
 trepide reditum. Neque obpugnare tamen ea hostes ausi.
 ceterum silentio proximæ noctis profectus inde consul, præ-
 misso nuncio ad P. Licinium proconsulem, ut suas legiones
 admoveret, copias conjunxit. ita duo duces, duo exercitus

^x et del. Gron. Crev. sublati parentheses signis.
^z et del. Eæd.

^y navalium Eæd.

^a ad del. Eæd.

⁷⁹ Jam enim hiems instabat. Cas-
 tra] Tres e nostris libris etiam enim:
 unus, et enim. Videtur legendum, ut
 jam olim voluerat Rhenanus, Et (jam
 enim hiems instabat) castra . . . commu-
 nit.

⁸⁰ Quod tenui jugo] Hic locus post-
 ea a Scipionis hibernis dictus est *Corneliana* sive *Cornelia castra*, quo eum
 nomine appellant Cæsar, de Bello Ci-
 vili, l. II. Plinius, l. V. c. 4. *Adhæ-
 rens continenti, sive terræ, per tenue
 jugum instar isthmi angusti.

⁸¹ Uno vallo et navalium castra
 amplectitur] Hoc parum clarum est.
 Rhenani liber, ipso teste, habuit et
 navalia castra. Verum videtur id
 quod ex uno e suis affert Gronovius,
 et navalia et castra. Lege ea quæ

mox sequuntur. Nihil clarius.

⁸² Litus ad Septentrionem . . . ad
 alterum litus] Magna codicum Gro-
 novianorum manus, consentientibus
 nostris, pro voce *littus* utrobique ex-
 hibet *latus*: quod fortasse commodius
 videbitur. Possumus tamen intelli-
 gere jugum illud ita porrectum esse
 in altum, ut mari tum a septentrione,
 tum a meridie cingeretur: sicque ni-
 hil erit mutatione opus. Cetera hu-
 jus loci recte se habent, licet varient
 scripti.

⁸³ Mille ducentæ togæ] Vid. not.
 68. ad l. XXII. c. 54.

⁸⁴ *Agminibus magis quam acie
 pugnatum est] Vid. supra not. 61. ad
 XXI. 57.

ad Hannibalem redierunt. nec mora dimicandi facta est: 17. C. 548. A. C. 204. quum consuli duplicatae vires, Pœno recens victoria animo esset. In primam aciem suas legiones Sempronius induxit: in subsidiis locatae P. Licinii legiones. Consul Hannibalem acie vincit. principio pugnae aedem ⁸⁵ Fortunae Primigeniae vovit, si eo die hostes fudisset: composque ejus voti fuit. Fusi ac fugati Pœni: supra quatuor millia armatorum caesa: paullo minus trecenti vivi capti, et equi quadraginta, et undecim militaria signa. Percussus adverso proelio Hannibal Crotonem exercitum abduxit. Eodem tempore M. Cornelius consul ⁸⁶ in Cornelius Cos. Etruriam in officio continet. altera parte Italiae non tam armis, quam judiciorum terrore, Etruriam continet, totam ferme ad Magonem, ac per eum ad spem novandi res, versam. Eas quaestiones ex senatusconsulto ⁸⁷ minime ambitiose habuit. multique nobiles Etrusci, qui aut ipsi ierant, aut miserant ad Magonem de populorum suorum defectione, primo ⁸⁸ praesentes erant condemnati; postea, conscientia sibimet ipsi exsilium consciscentes, quum absentes damnati essent, corporibus subtractis, bona tantum, quae publicari poterant, ⁸⁹ pignoranda poenae praebant.

XXXVII. Dum haec consules diversis regionibus agunt, censores interim Romae M. Livius et C. Claudius senatum Livii et Claudii censura. recitaverunt. Princeps iterum lectus Q. Fabius Maximus, notati septem: nemo tamen, qui sella curuli sedisset. ⁹⁰ Sarta tecta acriter et cum summa fide exegerunt. viam e foro Boario ad Veneris, ⁹¹ et circa foros publicos, et aedem Matris Magnae in Palatio faciendam locaverunt. Vectigal etiam novum ex salaria annona statuerunt. ⁹² sextante sal et Ro-

^b in del. Gron.

⁸⁵ *Fortunae Primigeniae*] *Fortuna Primigenia* dicta videtur ea, quae primum natis adesse crederetur. Huic templum antiquitus condiderat dicarataque Servius Tullius, teste Plut. in Quaest. Rom. et lib. de Fort. Romanorum: gratum ei videlicet animum testatus, quod se a primo ortu exceptum fovisset deinde semper, ac praesenti ope sustentasset ac provexisset.

⁸⁶ *In altera parte Italiae*] Omnes nostri, ut et Sigonii liber, adjiciunt praepositionem, quae in vulgatis omittitur.

⁸⁷ *Minime ambitiose*] Ita ut nemini gratiam captaret, sed spectaret tantum, quodnam cujusque meritum esset: uno verbo, severe. Supra c. 16. *Scipionis in eo* (in Pleminii scelere) *ambitio*.

⁸⁸ *Praesentes erant condemnati*] Adjecimus verbum *erant*, ex scriptis et vet. editis.

⁸⁹ *Pignoranda poenae praebant*]

Subjicienda poenae praebant, tanquam aliquod pignus pro corporibus, quae subtraxerant.

⁹⁰ *Sarta tecta*] *Opera publica*, inquit Festus, *quae locantur ut integra praestentur, sarta tecta vocantur. Et enim sarcire est integrum facere.* Exigunt igitur censores sarta tecta, dum cogunt redemptores aedificia publica, quae tuenda conduxerunt, integra praestare.

⁹¹ *Et circa foros publicos*] Et circa viam illam, vel fortasse, circa forum Boarium, foros publicos. *Foros* exponit ipse Livius, l. I. c. 35. in Circo locos unde spectarentur ludi, quae vocat Festus *Circensia spectacula*. Num igitur hic quoque *foros publicos* intelligemus spectacula, sive locos ex quibus spectarentur ludi gladiatorii, qui interdum in foro Boario ederentur?

⁹² * *Sextante sal . . erat*] Salis mensura quaedam, (quae quum vulgo cognita esset, a Livio non exprimitur)

U. C. 548.
A. C. 204.

Census.

Certamen
notarum
inter censo-
res.

mæ et per totam Italiam erat. Romæ pretio eodem, pluris in ⁹³ foris et conciliabulis, et alio alibi pretio præbendum locaverunt. Id vectigal commentum alterum ex censoribus satis credebant, populo iratum, quod iniquo iudicio quondam damnatus esset: et in pretio salis maxime oneratas tribus, quarum opera damnatus erat, credebant. inde Salinatori Livio inditum cognomen. Lustrum conditum serius, quia per provincias dimiserant censores, ut civium Romanorum in exercitibus, quantus ubique esset, referretur numerus. Censa cum iis ⁹⁴ ducenta decem quatuor millia hominum. condidit lustrum C. Claudius Nero. ⁹⁵ Duodecim deinde coloniarum, (quod numquam antea factum erat) deferentibus ipsarum coloniarum censoribus, censum acceperunt: ut, quantum numero militum, quantum pecunia valerent, in publicis tabulis monumenta exstarent. Equitum deinde census agi coeptus est: et ambo forte censores equum publicum habebant. Quum ad tribum Polliam ventum est, in qua M. Livii nomen erat, et præco cunctaretur citare ipsum censorem; *Cita*, inquit Nero, *M. Livium*. et, sive ex residua et vetere simultate, sive intemptiva jactatione severitatis inflatus, M.^c Livium, quia populi iudicio esset damnatus, ⁹⁶ equum vendere jussit. item M. Livius, quum ad tribum Arniensem^d et nomen collegæ ventum est, vendere equum C. Claudium jussit, duarum rerum causa; unius, quod falsum adversus se testimonium dixisset; alterius, quod non sincera fide secum in gratiam redisset. Itaque ibi foedum certamen inquinandi famam alterius, cum suæ famæ damno, factum est. Exitu censuræ ⁹⁷ quum in leges jurasset C. Claudius, et in ærarium escendisset, inter nomina eorum, ⁹⁸ quos ærarios relinquebat, dedit collegæ

^c M. del. Gron. Crev.

^d Narniensem Ead.

venibat sextante, sive sexta assis parte.

⁹³ *Foris et conciliabulis*] Vid. not. 32. ad l. XXV. c. 5.

⁹⁴ *Ducenta XIV. millia*] Gronovius edidit ex quibusdam scriptis, quibus consonant e nostris duo, *ducenta decem quatuor millia*. Sed quis unquam sic locutus est? *et decem quatuor* nihil aliud videtur esse, quam ludibrium imperitorum librariorum, qui notas numerorum XIII. quum uno verbo *quatuordecim* reddere deberent, male dividerunt in duas voces. Nos ipsammet scripturam duorum e nostris codd. expressimus, nisi quod illi *XIII.* non *XIV.*

⁹⁵ *Duodecim deinde coloniarum*] Vid. supra c. 15.

⁹⁶ *Equum vendere*] Equum publicum, ad quem emendum alendumque pecunia e publico præbebatur, ut docet Livius l. I. c. 43. Qui equum vendere a censore jubebantur, jam equestrem ordinem amittebant.

⁹⁷ *Quum in leges jurasset*] Magistratum deponentibus jurare mos erat. Exemplum insigne habes apud Cic. Ep. secunda l. V. ad Fam. Colligitur autem ex Plinii Panegyrico hanc fuisse hujus jurisjurandi formulam, ut jurarent ii qui abibant magistratu, se nihil contra leges fecisse. Sic enim ille ad Trajanum: *Abiturus consulatu jurasti te nihil contra leges fecisse*. Ideo dicebantur *jurare in leges*.

⁹⁸ *Quos ærarios relinquebat*] Vid. not. 25. ad l. IV. c. 24.

nomen. Deinde M. Livius in ærarium venit, et, præter U. O. 548. Mæciam tribum, quæ se nec condemnasset, neque condem- A. C. 204. natum aut consulem aut censorem fecisset, populum Romanum omnem, quatuor et triginta tribus, ærarios reliquit: quod et innocentem se condemnassent, et condemnatum consulem et censorem fecissent: neque inficiari possent, aut iudicio semel, aut comitiis bis ab se peccatum esse. Inter quatuor et triginta tribus et C. Claudium ærarium fore. quod si exemplum haberet bis eundem ærarium relinquendi, C. Claudium nominatim se inter ærarios fuisse relicturum.⁹⁹ Præter certamen notarum inter censores: castigatio inconstantiae populi censoria, et gravitate temporum illorum digna. In invidia censores quum essent, crescendi ex his ratus esse occasionem Cn. Bæbius tribunus plebis diem ad populum utrique dixit. Ea res consensu Patrum discussa est, ne postea obnoxia¹ populari auræ censura esset.

XXXVIII. Eadem æstate in Brutiis Clamptia a consule vi capta, Consentia et Pandosia, et ignobiles aliæ civitates, voluntate in ditionem venerunt. Et, quum comitiorum jam adpeteret tempus, Cornelium potius ex Etruria, Comitia. ubi nihil belli erat, Romam adiri placuit. Is consules Cn. Servilium Cæpionem et C. Servilium Geminum creavit. Inde prætoria comitia habita. creati P.^c Cornelius Lentulus, P. Quinctilius Varus, P. Ælius Pætus, P. Villius Tappulus. Hi duo, quum ædiles plebis essent, prætores creati sunt. Consul, comitiis perfectis, ad exercitum in Etruriam rediit. Sacerdotes eo anno mortui, atque in locum eorum subfecti; Ti. Veturius Philo flamen Martialis, in locum M. Æmilii Regilli, qui priore anno mortuus erat, creatus inauguratusque: et in M. Pomponii Mathonis auguris Sacerdotes et decemviri locum creati, decemvir M. Aurelius Cotta, augur Ti. Sempronius Gracchus admodum adolescens, quod mortui et subfecti. tunc perrarum in mandandis sacerdotiis erat. Quadrigæ aureæ eo anno in Capitolio positæ ab ædilibus curulibus, C. Livio et M. Servilio Gemino. Et ludi Romani biduum instaurati. Idem per biduum plebei ad ædilibus P. Ælio, P. Villio: et Jovis epulum fuit ludorum causa.

^c Cn. Gron. Crev.

⁹⁹ * *Præter certamen notarum inter censores*] Præter haberi debet certamen illud censorum sese mutuo notantium. At castigatio inconstantiae

populi censorem decebat.

¹ * *Populari auræ*] Levitati multitudinis, quæ non minus mobilis est quam aura.

EPITOME LIBRI XXX.

IN Africa Scipio Karthaginienses et eundem Syphacem Numidarum regem Hasdrubalemque pluribus praeliis vicit, adjuvante Masinissa, binaque hostium castra expugnavit: in quibus quadraginta millia hominum ferro ignique consumta sunt. Syphacem per C. Laelium et Masinissam cepit. Masinissa Sophonisbam, uxorem Syphacis, filiam Hasdrubalis, captam ¹ statim adamavit, et, nuptiis factis, uxorem habuit. castigatus a Scipione venenum ei misit: quo hausto illa decessit. Effectumque est multis Scipionis victoriis, ut Karthaginienses, in desperationem acti, in auxilium publicæ salutis Hannibalem ex Italia revocarent. isque, anno decimosesto ² Italia decedens, in Africam trajecit, tentavitque per colloquium pacem cum Scipione componere: et, quum de conditionibus pacis non convenisset, acie victus est. Pax Karthaginiensibus data est petentibus. Hannibal Gisgonem, pacem dissuadentem, manu sua detraxit: excusata deinde temeritate facti, ipse pacem suasit. Mago, qui ³ bello in agro Insubrium cum Romanis conflixerat, vulneratus, dum in Africam per legatos revocatus revertitur, ex vulnere mortuus est. Masinissæ regnum restitutum est. Reversus in urbem Scipio amplissimum nobilissimumque egit triumphum, quem Q. Terentius Culleo senator pileatus secutus est. Scipio Africanus (incertum militari prius favore, an populari aura ita cognominatus) primus certe hic imperator victæ a se nomine gentis nobilitatus est.

¹ *Statim adamavit*] Gronovianæ editiones habent *adamat*. Sed quum cetera omnia in hac epitome verba per præteritum tempus efferantur, prætulimus *adamavit*, quod habent Campanus,

Andreas, et unus ex Hearnii codd.

² *Italia decedens*] Sic plane Campanus: Andreas, *descedens*. Vulgati *discedens*, minus proprie.

³ *Bello*] Prælio.

T. LIVII PATAVINI

LIBER XXX.

U. C. 549. A. C. 203. Provinciar. **CN. Servilius Cæpio et C. Servilius Geminus consules**, (sexthus decimus is annus belli Punici erat) quum de republica belloque et provinciis ad senatum retulissent, censuerunt Patres, ut consules inter se compararent, sortirenturque, uter Bruttios adversus Hannibalem, uter Etruriam ac Ligures provinciam haberet. cui Bruttii evenissent, exercitum¹ a P. Sempronio^a acciperet. P. Sempronius (ei quoque enim præconsuli imperium in annum prorogabatur) P. Licinio subcederet: is Romam reverteretur, bello quoque bonus habitus² ad cetera, quibus nemo ea tempestate instructior civis habebatur, congestis omnibus humanis a natura fortunaque bonis. Nobilis idem ac dives erat: forma viribusque corporis excellebat. Facundissimus habebatur, seu causa oranda, seu in senatu ad^b populum suadendi ac dissuadendi locus esset: ⁴juris pontificii peritissimus. Super hæc, ⁵bellicæ quoque laudis^c consulatus compotem fecerat. Quod in Brutiis provincia, idem in Etruria ac Liguribus decretum. M. Cornelius novo consuli tradere exercitum jussus: ipse, prorogato imperio, Galliam provinciam obtinere cum legionibus iis, quas prætor L. Scribonius priore anno habuisset. Sortiti deinde provincias: Cæpioni Bruttii, Servilio Geminio Etruria evenit. Tum prætorum provinciæ in sortem conjectæ.

Laus P. Licinii.

^a add. Consule Gron.

^b et ad Ead.

^c laudes Ead.

1 *A. P. Sempronio*] Sigonius adjectat. *consule*: quam vocem respuunt nostri codices, et merito quidem. Quum enim inierint consulatum Cn. et C. Servilii, jam P. Sempronius, non est consul.

2 *Ad cetera*] Præter ceteras laudes et ornamenta, quibus ita abundabat, ut nemo iis instructior per illa tempora civis haberetur.

3 *Seu in senatu, ad populum*] Elegans asyndeton, quod tuentur libri nostri cum Gronovianis optimis. Male inserta fuerat particula *et* in vulgatis.

4 * *Juris pontificii peritissimus*] Pon-

tifex maximus P. Licinius erat. Ideo laudatur in eo peritia juris pontificii.

5 *Bellicæ quoque laudis consulatus compotem fecerat*] Hæc est lectio veterum editorum et scriptorum fere omnium. Gruterus dederat *Bellicæ quoque laudes consulatus compotem fecerant*: eique obsecuti fuerant editores. Profecto contra Livii mentem. Nihil enim omnino ab eo memoratum est ante consulatum Crassi, unde ille bellator haberetur. Non igitur, ut recte observat Gronovius, vult Livius eum consulem factum quia bellator erat, sed consulatum ei occasionem dedisse bellicæ sibi parandæ laudis.

Jurisdictionem urbanam Pætus Ælius, Sardiniam P.^d Len- U. C. 549.
tulus, Siciliam P. Villius, Ariminum cum duabus legionibus A. C. 203.
(sub Lucretio Spurio eæ fuerant) Quinctilius Varus est sor-
titus. Et Lucretio prorogatum imperium, ut Genuam op-
pidum a Magone Pœno dirutum exædificaret. P. Scipioni,
non temporis, sed rei gerendæ fine, donec debellatum in
Africa foret, prorogatum imperium est: decretumque, ut
supplicatio fieret, quod is in Africam provinciam trajecisset,
ut ea res salutaris populo Romano ipsique duci atque exer-
citu esset.

II. In Siciliam tria millia militum sunt scripta. et, quia,
quod roboris ea provincia habuerat, in Africam transvectum
fuerat, ⁶ ne qua classis ex Africa trajiceret, quadraginta na-
vibus custodiri placuerat Siciliæ maritimam oram. Trede-
cim novas naves Villius secum in Siciliam duxit: ceteræ in
Sicilia veteres refectæ. Huic classi M. Pomponius, prioris
anni prætor, prorogato imperio præpositus, novos milites ex
Italia advectos in naves inposuit. Parem navium numerum
⁷ Cn. Octavio, prætori item prioris anni, cum pari jure im-
perii ad tuendam Sardinia oram Patres decreverunt. Len-
tulus prætor duo millia militum dare in naves jussus.
Et Italia oram, quia incertum erat, quo missuri classem Kar-
thaginienses forent, (videbantur autem, quidquid nudatum
præsidii esset, petitori) M. Marcio, prætori prioris anni,
cum totidem navibus tuenda data est. tria millia militum in
eam classem ex decreto Patrum consules scripserunt, et duas
legiones urbanas ad incerta belli. Hispaniæ cum exercitibus
imperioque veteribus imperatoribus, L. Lentulo et L. Man-
lio Acidino, decretæ. Viginti omnino legionibus, et centum ^{Legiones}
sexaginta navibus longis res Romana eo anno gesta. Præto- ^{20. naves}
res in provincias ire jussi. Consulibus imperatum, priusquam ^{160.}
ab urbe profiscerentur, ⁸ ludos magnos facerent, quos T.
Manlius Torquatus dictator in quintum annum vovisset, si

^d Cn. Gron. Crev.

⁶ *Ne qua classis*] Put. liber, et qui ante qua classis: ceteri eodem alludunt. Videtur tota sic formanda per-
iodus: *In Siciliam tria millia militum sunt scripta, et quia, quod roboris ea provincia habuerat, in Africam trans-
vectum fuerat; et quia, ne qua classis ex Africa trajiceret, quadraginta na-
vibus custodiri placuerat Siciliæ maritimam oram.* Duplex ergo ratio af-
fertur, cur scripta fuerint hæc tria mili-
tum millia in Siciliam: una, quod in-
sula non satis firmo tenebatur præsidio;
altera, ut hi novi milites imponerentur
in naves quibus custodiri placebat ma-

ritimam oram: idque revera factum paulo post memoratur.

⁷ *Cn. Octavio prætori item prioris anni*] Cn. Octavius prætor biennio ante fuerat. Anno priore, prorogato impe-
rio, jussus erat Sardinia oram cum qua-
draginta navibus tueri. Vid. l. XXVIII.
c. 38. et l. XXIX. c. 13. Ceterum,
sive memoria lapsus Livius, sive abusus
nomine prætoris, Cn. Octavium præ-
torem appellet, non raro occurrunt
apud eum hujusmodi exempla. Vid.
not. 2. ad l. XXVI. c. 1.

⁸ *Ludos magnos, quos T. Manlius*] Vid. supra l. XXVII. c. 33.

U. C. 549. eodem statu respublica staret. Et novas religiones excita-
 A. C. 203. bant in animis hominum prodigia, ex pluribus locis nuncia-
 Prodigia. ta. Aurum in Capitolio corvi non lacerasse tantum rostris
 crediti, sed etiam edisse. Mures Antii coronam auream ad-
 rosere. Circa Capuam omnem agrum locustarum vis in-
 gens, ita ut, unde advenissent, parum constaret, complevit.
 Equuleus Reate cum quinque pedibus natus. Anagninæ spar-
 si primum ignes in cœlo, dein fax ingens arsit. Frusinone
 arcus solem tenui linea amplexus est; circulum deinde ip-
 sum major solis orbis extrinsecus inclusit. Arpini terra
 campestri agro in ingentem sinum consedit. Consulum al-
 teri, primam hostiam immolanti, ⁹ caput jecinoris defeat.
 Ea prodigia majoribus hostiis procurata. editi a collegio
 pontificum Dii, quibus sacrificaretur.

Res gestæ
in Africa.

III. Iis transactis, consules prætoresque in provincias
 profecti. omnibus tamen, velut eam sortitis, Africæ cura
 erat; seu quia ibi summam rerum bellicque verti cernebant;
 seu ut Scipioni gratificarentur, in quem tum omnis versa
 civitas erat. Itaque non ex Sardinia tantum, (sicut ante
 dictum est) sed ex Sicilia quoque et Hispania vestimenta,
 frumentumque, et arma etiam ex Sicilia, et omne genus
 commeatus eo portabantur. Nec Scipio ullo tempore hie-
 mis belli opera remiserat, quæ multa simul undique eum
 circumstabant. Uticam obsidebat. castra in conspectu
 Hasdrubalis erant. Karthaginienses deduxerant naves, clas-
 sem paratam instructamque ad commeatus intercipiendos
 habebant. Inter hæc ne Syphacis quidem reconciliandi cu-
 ram ex animo miserat; si forte jam^e satias amoris in uxore
 ex multa copia cepisset. Ab Syphace magis pacis cum
 Karthaginiensibus conditiones, ut Romani Africa, Pœni
 Italia excederent, quam, si bellaretur, spes ulla desciturum
 adferebatur. Hæc per nuncios magis equidem acta credi-
 derim, (et ita pars major auctores sunt) quam ipsum Sypha-
 cém, ut Antias Valerius prodit, in castra Romana ad conlo-
 quium venisse. Primo eas conditiones imperator Romanus
 vix auribus admisit. postea, ut causa probabilis suis com-
 meandi foret in castra hostium, mollius eadem illa abnuere,
 ac spem facere, sæpius ultro citroque agitantibus rem con-
 venturam. Hibernacula Karthaginiensium, congesta temere
 ex agris materia exædificata, lignea ferme tota erant. ¹⁰ Nu-

Castra Has-
drubalis et
Syphacis.

^e cum Gron. Crev.

⁹ Caput jecinoris] Tres e nostris, ut et Gronoviani permulti, jecineris. Vid. not. 68. ad l. VIII. c. 9.

¹⁰ Numidæ præcipue] Paulo intri-
 cator hic est verborum ordo, quæ sic
 digere videmur posse. Numidæ
 præcipue passim nullo ordine hiberna-

culis arundine textis, pars maxima,
 (plerique eorum) storea quoque tec-
 tis, habitabant; quidam extra fossam
 etiam vallumque, ut in locis sine im-
 perio occupatis. Storem efficitur e pa-
 les, vel ulva texta.

midæ præcipue arundine textis, storeæque pars maxima U. C. 549.
 tentis, passim nullo ordine, quidam, ut sine imperio oc- A. C. 208.
 cupatis locis, extra fossam etiam vallumque habitabant.
 Hæc relata Scipioni spem fecerant castra hostium per oc-
 casionem incendendi.

IV. Cum legatis, quos mitteret ad Syphacem, calonum loco ¹¹ primos ordines spectatæ virtutis atque prudentiæ servili habitu mittebat; qui, dum in conloquio legati essent, vagi per castra, alius alia, aditus exitusque omnes, situm formamque et universorum castrorum, et partium, qua Pœni, qua Numidæ haberent, quantum intervalli inter Hasdrubalis ac regia castra esset, specularentur: moremque simul noscerent stationum vigiliarumque: nocte, an interdiu opportuniore insidianti essent. Et inter crebra conloquia alii atque alii de industria, quo pluribus omnia nota essent, mittebantur. Quum sæpius agitata res certiore spem pacis in dies et Syphaci et Karthaginiensibus per eum faceret; legati Romani *vetitos se reverti ad imperatorem aiunt, nisi certum responsum detur.* ¹² *Proinde, seu ipsi staret jam sententia, seu consulendus Hasdrubal et Karthaginienses essent, consuleret. Tempus esse, aut pacem componi, aut bellum naviter geri.* Dum consulitur Hasdrubal ab Syphace, ab Hasdrubale Karthaginienses; et speculatores omnia visendi, et Scipio ad comparanda ea, quæ in rem erant, tempus habuit. et ex mentione ac spe pacis negligentia, ut fit, apud Pœnos Numidamque orta cavendi, ne quid hostile interim paterentur. Tandem relatum responsum, quibusdam (quia nimis cupere Romanus pacem videbatur) iniquis per occasionem adjectis; quæ peropportune cupienti tollere inducias Scipioni causam præbuere. ac nuncio regis, quum relaturum se ad consilium dixisset, postero die respondit, *Se uno frustra tendente, nulli alii pacem placuisse. Renunciaret igitur, nullam aliam spem pacis, quam relictis Karthaginiensibus, Syphaci cum Romanis esse.* Ita tollit inducias, ut libera fide incepta exsequeretur: deductisque navibus (et jam veris principium erat) machinas tormentaue, velut a mari adgressurus Uticam, inponit. Et duo millia militum ad capiendum, quem antea tenuerat, tumultum super Uticam mittit: simul ut ab eo, quod parabat, in alterius rei curam converteret hostium animos: simul ne qua, quum ipse ad Syphacem Hasdrubalemque profectus esset, eruptio ex urbe et inpetus in castra sua, relictæ cum levi præsidio, fieret.

¹¹ *Primos ordines*] Primorum ordinum centuriones. Vid. not. 38. ad l. X. c. 85.

¹² *Proinde, seu ipsi staret jam sen-*

tentia] Supple, daret statim responsum, vel aliud quid simile. Verbum enim *consuleret* hic locum non habet.

Vid. not. 84. ad l. III. c. 67.

U. C. 549.
A. C. 203.
Inceusa a
Scipione.

V. His præparatis, advocatoque consilio, edicere exploratoribus jussis, quæ comperta adferrent, Masinissaque, cui omnia hostium nota erant; postremo ipse, quid pararet in proximam noctem, proponit. Tribunis edicit, ut, ubi, ¹³prætorio dimisso, signa concinuissent, extemplo educerent castris legiones. Ita, ut imperaverat, signa sub occasum solis efferri sunt cœpta. ad primam ferme vigiliam agmen explicaverunt: media nocte (septem enim millia itineris erant) modico gradu ad castra hostium perventum. Ibi Scipio partem copiarum Lælio, Masinissamque ac Numidas, adtribuit: et castra Syphacis invadere, ignesque conjicere jubet. ¹⁴Singulos deinde separatim, Lælium ac Masinissam, seductos obtestatur, ut, *quantum nox providentiæ adimat, tantum diligentia expleant curaque. Se Hasdrubalem Punicaque castra adgressurum. Ceterum non ante cœpturum, quam ignem* ¹⁵*in regijs castris conspexisset.* Neque ea res morata diu est. nam, ut ¹⁶proximis casis injectus ignis hæsit, extemplo proxima quæque, et deinceps continua amplexus, totis se passim dissipavit castris. Et trepidatio quidem, ¹⁷quanta necesse erat, in nocturno effuso tam late incendio orta est: ceterum, fortuitum, non hostilem ac bellicum, ignem rati esse, sine armis ad restinguendum incendium effusi, in armatos incidere hostes, maxime Numidas, ab Masinissa notitia regionum castrorum ad exitus itinerum idoneis locis dispositos. Multos in ipsis cubilibus semisomnos hausit flamma: multi in præcipiti fuga, ruentes super alios alii, in angustiis portarum obtriti sunt.

VI. Relucentem flammam primo vigiles Karthaginien-sium, deinde excitati alii nocturno tumultu quum conspexissent, ab eodem errore credere et ipsi sua sponte incendium ortum. et clamor inter cædem et vulnera sublatus, ¹⁸an ex trepidatione nocturna esset, confusus, sensum veri adimebat. Igitur pro se quisque inermes, ut quibus nihil hostile

¹³ *Prætorio dimisso*] Vid. not. 47. ad XXI. 54.

¹⁴ * *Singulos*] *Singulos deinde separatim* a sese invicem, *Lælium*, inquam, *et Masinissam*, seductos a vulgo et turba, *obtestatur.* Videtur Livius ideo expressisse nomina Lælii et Masinissæ, ut restringeret vocem *singulos*, quæ latioris significationis esse poterat.

¹⁵ *In regijs castris*] Sic omnes nostri codd. et unus Hearnii, consentientibus vett. editis. Vulgo nunc *in regis.*

¹⁶ *Proximis casis*] Gronovius recte legi jubet *primis*, tum quia sequitur

proxima quæque, tum quia Polybius, quem hic noster exscribit, habet τὰς πρώτας καὶ ἐκνάς.

¹⁷ *Quanta necesse erat*] Forte *quantam.* Gronovius.

¹⁸ *An ex trepidatione nocturna esset, confusus*] Durum est profecto, sed tamen videtur exponi posse: clamor confusus, sive incertus an ex trepidatione nocturna esset: id est, qui an oriretur ex illa trepidatione, quæ nocturnum incendium comitari solet, incertum erat. Non dissimiliter I. XXIX. supra c. 6. *ni clamor ab iis qui extra arcem erant sublatus, incertum unde accidisset . . fecisset.*

suspectum esset, omnibus portis, qua cuique proximum U. C. 549.
erat, ea modo, quæ restinguendo igni forent, portantes, in A. C. 203.
agmen Romanum ruebant. Quibus cæsis omnibus, præter-
quam hostili odio, etiam ne quis nuncius effugeret, exem-
plo Scipio neglectas, ut in tali tumultu, portas invadit: ig-
nibusque in proxima tecta conjectis, effusa flamma primo
¹⁹veluti sparsa pluribus locis reluxit, dein per continua ser-
pens, uno repente omnia incendio hausit. Ambusti homines
jumentaue foeda primum fuga, dein strage, obruerant iti-
nera portarum. Quos non obpresserat ignis, ferro absumti:
binaque castra clade una deleta. Duces tamen ambo, et ex
tot millibus armatorum duo millia peditum et quingenti
equites semiermes, magna pars saucii, adflatique incendio,
effugerunt. Cæsa aut hausta flammis quādraginta millia
hominum sunt, capta supra quinque millia: multi Kartha-
giniensium nobiles, undecim senatores, signa militaria cen-
tum septuaginta quatuor, equi Numidici supra duo millia
septingenti, elephanti sex capti; octo flamma ferroque ab-
sumti, magnaue vis armorum capta. Ea omnia imperator
Vulcano sacrata incendit.

VII. Hasdrubal ex fuga, cum paucis, ²⁰Afrorum urbem
proximam petierat: eoque omnes, qui supererant, vestigia
ducis sequentes, se contulerant. metu deinde, ne dederetur
Scipioni, urbe excessit. Mox eodem patentibus portis Ro-
mani accepti: nec quidquam hostile, quia voluntate con-
cesserant in ditionem, factum. Duæ subinde urbes captæ
direptæque. ea præda, et quæ castris ex incensis et igne
rapta erat, militi concessa est. Syphax octo millium ferme
inde spatio loco communito consedit. Hasdrubal Kartha-
ginem contendit, ne quid per metum ex recenti clade mol-
lius consuleretur. quo tantus primo terror est adlatus, ut,
omissa Utica, Karthaginem crederent extemplo Scipionem
obsessurum. Senatum itaque suffetes (quod velut consu-
lare imperium apud eos erat) vocaverunt. ²¹Ibi e tribus^f
(una de pace legatos ad Scipionem decernebat: altera Han-
nibalem ad tuendam ab exitiabili bello patriam revocabat:
²²tertia Romanæ in adversis rebus constantiæ erat; repa-

^f Ibi tribus dictis sententiis Gron. Crev.

¹⁹ Veluti sparsa] Quidam MSS. sparsa, ut referatur ad sequens nomen incendio. Sic opponitur inter se *sparsa pluribus locis et uno incendio*. Quod si cui placuerit, utatur eo per nos licet.

²⁰ * Afrorum urbem] Hæc sibi invi- cem junge. Urbs illa non erat Punicæ originis: Afri eam tenebant.

²¹ Ibi tribus dictis sententiis] Duas

postremas voces ignorant nostri codi- ces, ut et quamplurimi e Gronovianis. Non possumus tamen a nobis impetrare ut eas resecemus, ne abrupta et obscura fiat oratio.

²² Tertia Romanæ . . . constantiæ erat; reparandum exercitum . . . cense- bat] Fieri vix potest, ut verbum cen- sebat, quod plane ultra perfectum tra- hitur, a Livio profectum sit, scitæ

U. C. 549. A. C. 203. Karthaginenses bellum reparant.

randum exercitum, Syphacemque hortandum²³, ne bello ab-
sisteret, censebat) hæc sententia, quia Hasdrubal præsens
Barcinæque omnes factionis bellum malebant, vicit. Inde
delectus in urbe agrisque haberi coeptus, et ad Syphacem
legati missi, summa ope et ipsum reparantem bellum: quum
uxor non jam, ut ante, blanditiis, satis potentibus ad ani-
mum amantis, sed precibus et misericordia valuisset, plena
lacrimarum obtestans, ne patrem suum patriamque prode-
ret, iisdemque flammis Karthaginem, quibus castra confa-
grassent, absumi sineret. Spem quoque opportune oblatam
adferebant legati: quatuor millia Celtiberorum circa urbem
nomine Abbam, ab conquisitoribus suis conducta in Hispa-
nia, egregiæ juventutis, sibi obcurrisse: et Hasdrubalem
prope diem adfore cum manu haudquaquam contemnenda.
Igitur non benigne modo legatis respondit, sed ostendit et-
iam multitudinem agrestium Numidarum, quibus per eos-
dem dies arma equosque dedisset, et omnem juventutem
adfirmat exciturum ex regno. *Scire incendio, non prælio,
cladem acceptam. eum bello inferiorem esse, qui armis vincatur.*
Copias cum Syphace jungunt.

Hæc legatis responsa. Et post dies paucos rursus Has-
drubal et Syphax copias junxerunt. is omnis exercitus fuit
23 triginta ferme millium armatorum.

VIII. Scipionem, velut jam debellato, quod ad Sypha-
cem Karthaginiensesque adtineret, Uticæ obpugnandæ in-
tentum, jamque machinas admoventem muris, avertit fama
redintegrati belli: modicisque præsidiis ad speciem modo
obsidionis terra marique relictis, ipse cum robore exercitus
It ad hostes Scipio.

ire ad hostes pergit. Primo in tumulto, quatuor ferme mil-
lia distante ab castris regiis, consedit: postero die cum
equitatu in Magnos (ita vocant) campos, subjectos ei tumu-
lo, degressus, subcedendo ad stationes hostium, lacescendo-
que levibus præliis, diem absumsit: et per insequens bidu-
um tumultuosus hinc atque illinc excursionibus in vicem,
nihil dictu satis dignum fecerunt. quarto die utrimque in
aciem descensum est. Romanus 24 principes post hastato-
rum prima signa, in subsidiis triarios constituit: equitatum
Italicum ab dextro cornu, ab lævo Numidas Masinissam-

24 Principes post hastatorum pri-
ma signa] Post signa Hastatorum,

brevitatis consecutore diligentissimo. Ceterum, auctore Gronovio, includenda parenthesi duximus tria illa membra orationis, quibus explicantur tres sententiæ: ut sensus non finiatur nisi in his verbis, hæc sententia, nempe tertia et ultima, vicit.

23 Triginta millium armatorum] Fortasse quis malit millia, quomodo Andreas et Campanus, et complures MSS.

que prima erant, id est, ex quibus prima constabat acies. Ceterum hic ante Sigonium legebatur: post Principes Hastatorum prima signa. Correxerit ille, ut postulabat et solennis mos Romanorum in instruenda acie, a Livio sæpius testatus, et Polybios in hujus ipsius prælii narratione.

que obposuit. Syphax Hasdrubalque, Numidicis adversus U. C. 549.
 Italicum equitatum, Karthaginiensibus contra Masinissam A. C. 208.
 locatis, ²⁵ Celtiberos in mediam aciem in adversa signa legi-
 onum acceperunt. ita instructi concurrunt. Primo inpetu si- ^{Proelium}
 mul utraque cornua, et Numidæ et Karthaginienses pulsi. ^{committi-}
 nam neque Numidæ, maxima pars agrestes, Romanum ^{tur.}
 equitatum, neque Karthaginienses, et ipse novus miles, Ma-
 sinissam, recenti super cetera victoria terribilem, sustinuerunt.
 Nudata utrimque cornibus Celtiberum acies stabat: quod ^{Vincunt}
 nec in fuga salus ulla ostendebatur locis ignotis, neque spes ^{Romani.}
 veniæ ab Scipione erat; quem, bene meritum de se et gen-
 te sua, mercenariis armis in Africam obpugnatum venissent.
 Igitur, circumfusus undique hostibus, alii super alios cadentes,
 obstinati moriebantur: omnibusque in eos versis, ali-
 quantum ad fugam temporis Syphax et Hasdrubal præce-
 perunt. Fatigatos cæde diutius, quam pugna, victores nox
 obpressit.

IX. Postero die Scipio Lælium Masinissamque, cum
 omni Romano et Numidico equitatu expeditisque militum,
 ad persequendos Syphacem atque Hasdrubalem mittit. ipse,
 cum robore exercitus, urbes circa, quæ omnes^h Karthagini-
 ensium ditionis erant, partim spe, partim metu, partim vi
 subegit, Karthagini quidem erat ingens terror, et circumfe- ^{Terror Pœ-}
 rentem arma Scipionem, omnibus finitimis raptim perdomitis, ^{ndrum.}
 ipsam Karthaginem repente adgressurum credebant. Itaque
 et muri reficiebantur, propugnaculisque armabantur: et pro
 se quisque, quæ diutinæ obsidioni tolerandæ sunt, ex agris
²⁶ convehit¹. Rara mentio est pacis, frequentior legatorum ad
 Hannibalem arcessendum mittendorum. pars maxima clas-
 sem, quæ ²⁷ ad commeatus excipiendos parata erat, mittere
 jubent ad obprimendam stationem navium ad Uticam, in-
 caute agentem: forsitan etiam navalia castra, relicta cum
 levi præsidio, obpressuros. In hoc consilium maxime in-
 clinant: legatos tamen ad Hannibalem mittendos censent.
 quippe, ²⁸ classi ut felicissime gerantur res, parte aliqua le-

^h urbes circa omnes, quæ Gron. Crev.

¹ convehabat Gron.

²⁵ *Celtiberos in mediam aciem*] Hunc locum sollicitat Gronovius. Sed nihil videtur mutatione opus esse. Celtiberos accipere in mediam aciem in adversa, sive contra adversa signa legionum, oppositos signis legionum, quæ proinde adversa Celtiberis erant. Sic vulgo dicunt in adversum montem, in adversum flumen niti. Quod igitur plerique scripti omittunt præpositionem in ante mediam aciem, dicamus id eo factum esse quod illa, facili errore,

absorpta fuerit a prima littera vocis sequentis.

²⁶ *Convehit*] Vulgo *convehabat*: quod languidius et segnius est. Plerique scripti et vet. editi id habent quod restituimus.

²⁷ *Ad commeatus excipiendos*] Ad interceptiendos commeatus, qui ad Scipionem mittebantur.

²⁸ *Classi ut felicissime*] Etiam si felicissime gerantur res classe, id unum ex eo successu commodum percipi-

U. C. 549.
A. C. 203.
Legati missi
ad revocan-
dum Han-
nibalem.

vari Uticæ obsidionem: Karthaginem ipsam qui tueatur^k, neque imperatorem alium, quam Hannibalem, neque exercitum alium, quam Hannibalis, superesse. Deductæ ergo postero die naves, simul et legati in Italiam profecti, raptimque omnia, stimulante fortuna, agebantur: et, in quo quisque cessasset, prodi ab se salutem omnium rebatur. Scipio, gravem jam spoliis multarum urbium exercitum trahens, captivis aliaque præda in vetera castra ad Uticam missis, jam in Karthaginem intentus, occupat relictum fuga custodum Tuneta: abest ab Karthagine quindecim millia ferme passuum locus, quum operibus, tum suapte natura tutus, et qui et ab Karthagine conspici, et præbere ipse prospectum, quum ad urbem, tum ad circumfusum mare urbi, posset.

Classem
Romanam
invadunt
Carthag.

X. Inde, quum maxime vallum Romani jacerent, conspecta classis hostium est, Uticam Karthagine petens. Igitur, omisso opere, pronunciatum iter, signaque raptim ferri sunt coepta: ne naves, in terram et obsidionem versæ, ac minime navali proelio aptæ, obprimerentur. Qui enim restitissent ²⁹ agili et nautico instrumento aptæ et armatæ classi naves, tormenta machinasque portantes, et aut in onerariarum usum versæ, aut ita adpulsæ^l ad muros, ut pro aggere ac pontibus præbere adscensus possent? Itaque Scipio, contra quam in navali certamine solet, rostratis, ³⁰ quæ præsidio aliis esse poterant, in postremam aciem receptis prope terram, onerariarum quadruplicem ordinem pro muro adversus hostem obposuit: easque ipsas, ne in tumultu pugnae turbare ordines possent, malis antennisque de nave in navem trajectis, ac validis funibus velut uno inter se vinculo inligatis, comprehendit: tabulasque superinstravit, ³¹ ut pervium ordinem faceret^m: et ³² sub ipsis pontibus intervalla fecit, qua procurrere speculatoriæ naves in hostem, ac tuto recipi possent. His raptim pro tempore instructis, mille ferme

^k tueantur Gron. Crev.
ordo esset. Eæd.

^l pulsæ Eæd.

^m ut pervius in totum navium

quod aliqua ex parte levaretur Uticæ obsidio.

²⁹ Agili et nautico instrumento aptæ . . classi] Classi agili ad motum, et instructæ ornatæque instrumento nautico.

³⁰ * Quæ præsidio aliis esse poterant] Quæ, si de navali pugna ageretur, potuissent esse aliis præsidio; quarum is vulgo usus est, ut aliis præsidio sint.

³¹ Ut pervius in totum navium ordo esset] Ab Rhenano hoc est, quum prius legeretur, ut pervium navium

ordinem faceret. Sed quid vetat revocari eam scripturam, quæ et in Rhenani codice, et in aliquot MSS. haud spernendis reperitur, teste Gronovio, ut pervium in totum ordinem esset? Nempe ibi pervium idem esset, ac pervius usus, pervius transitus, quemadmodum apud Festum, in Vici; Ut in eo ædificio pervium sit, quo itinere habitatores ad suam quisque habitationem habeat accessum.

³² Sub ipsis pontibus] Sub tabulis illis, quæ e nave in navem transitum dabant.

delecti propugnatores onerariis inponuntur: telorum maxi- U. C. 549.
me missilium, ut, quamvis longo certamine, subficerent, A. C. 208.
vis ingens congeritur. Ita parati atque intenti hostium ad-
ventum obperiebantur. Karthaginienses, qui, si maturas-
sent, omnia permixta turba trepidantium primo inpetu ob-
pressissent, perculsi terrestribus cladibus, atque inde ne
in mari quidem, ubi ipsi plus poterant, satis fidentes, die
segni navigatione absumto, sub occasum solis in portum
(³³ Ruscinona Afri vocant) ³⁴ classe adpulere. postero die sub
ortum solis instruxere ab alto naves, velut ad justum præ-
lium navale, et tamquam exituris contra Romanis. Quum
diu stetissent, postquam nihil moveri ab hostibus viderunt,
tum demum onerarias adgrediuntur. ³⁵ Erat res minime
certamini navali similis, ³⁶ proxime speciem muros obpug-
nantium navium. altitudine aliquantum onerariæ supera-
bant: ex rostratis Pœni vana pleraque (utpote supino jac-
tu) tela in superiorem locum mittebant: gravior ac ponde-
re ipso libratior superne ex onerariis ictus erat. Specula-
toriæ naves ac ³⁷ levia ipsa navigia, quæ sub constratis pon-
tium per intervalla excurrabant, ³⁸ primo ipso tantum inpetu
ac magnitudine rostratarum obruebantur; deinde et pro-
pugnatoribus quoque incommodæ erant, quod permixtæ
cum hostium navibus inhibere sæpe tela cogeant; metu
ne ambiguo ictu suis inciderent: postremo asseres ferreo
unco præfixi (³⁹ harpagones vocantⁿ) ex Punicis navibus in-

ⁿ [*harpagonus vocat miles*] Gron. Crev.

33 *Ruscinona*] Put. et. Regius codi-
ces *Rusucmona*: alii *Rusucinona*. Inde
Jac. Gronovius efficit *Rusucurona*, quod
oppidum memoratum est Plinio, l. V.
c. 2.

34 *Classem appulere*] Hanc lectio-
nem, quæ omnium editorum est, tuen-
tur quoque scripti omnes nostri. Sine
causa eam mutaverat Gronovius ex uno
codice, edideratque *classe*.

35 *Erat res minime certamini na-
vali similis*] Gronovius, quia in scrip-
tis suis, quibus quidem nostri adsti-
pulantur, desideratur *et res*, tentat
refingere hunc locum: *erat minime
certamen navali simile*. Nobis potior
est vulgata lectio.

36 *Proxime speciem*] Proxime acce-
debat res ad speciem navium muros op-
pugnantium: ea certaminis species erat,
quasi naves oppugnarent muros.

37 *Levia ipsa navigia*] Libenter re-
secaremus *ipsa*: quæ vox neque hic
satis necessaria est, et nimis in vicino
iteratur. Supra *pondere ipso*: infra *ipso
tantum impetu*.

38 *Primo ipso tantum impetu*] Si
hic locus sanus est, sensus erit: Pri-
mo id tantum afferebant damni Ro-
manis, quod obruerentur ipsæ vel solo
impetu ac magnitudine Punicarum ro-
stratarum; deinde etiam iis incom-
modæ erant, qui ex onerariis pugna-
bant adversus Pœnos. (eterum lec-
tio hujus loci variat in scriptis, sive
quos Gronovius, sive quos ipsi inspe-
ximus. Alii præferunt *ipsa et alto*;
alii, iique optimi, *ipsæ tanto*. Quid
vetat admitti hanc meliorum codicum
scripturam? *Primo ipsæ tanto impetu*,
impetu illo, qui tantus et tam validus
erat, ac magnitudine rostratarum ob-
ruebantur: deinde et propugnatoribus
quoque incommodæ erant. *et ipsæ sat
belle opponetur propugnatoribus*, qui
in navibus onerariis erant.

39 *Harpagonus vocat miles, ex Pu-
nicis*] Minime necessaria est hoc loco
militis mentio. Deinde scripti omnes,
vocant. Quidam prorsus omittunt *et
miles ex*; quidam loco utriusque vocis,
miles. Si quid videmus, duæ primæ.

U. C. 549. jici in Romanas coepti. Quos quum neque ipsos, neque
 A. C. 208. catenas, quibus suspensi injiciebantur, incidere possent; ut
 quæque retro inhibita rostrata onerariam hærentem unco
 traheret, scindi videres vincula, quibus alia aliis innexa
 erat, ⁴⁰seriem aliam simul plurium navium trahi. Hoc ma-
 xime modo lacerati quidem omnes pontes, et vix transsilien-
 di in secundum ordinem navium spatium propugnatoribus
 datum est. Sex ferme onerariæ puppibus abstractæ Kar-
 thaginem sunt: major quam pro re lætitia, sed eo gratior,
 quod inter assiduas clades ac lacrimas unum quantumcum-
 que ex insperato gaudium adfulserat; ⁴¹cum eo, ut adpare-
 ret, haud procul exitio fuisse Romanam classem, ni cessa-
 tum a præfectis suarum navium foret, et Scipio in tempore
 subvenisset.

Naves sex
 abstrahunt.

Masinissa
 regnum re-
 cuperat.

Syphax bel-
 lum repa-
 rat.

Vincitur a
 Lelio et
 Masinissa.

XI. Per eosdem forte dies, quum Lælius et Masinissa
 quintodecimo ferme die in Numidiam pervenissent, Massy-
 li^o, regnum paternum Masinissæ, læti ut ad regem diu de-
 sideratum concessere. Syphax, pulsus inde præfectis præ-
 sidiisque suis, vetere se continebat regno, neutiquam quie-
 turus. Stimulabant ægrum amore uxor socerque: et ita
 viris equisque abundabat, ut subjectæ oculis regni per mul-
 tos florentis annos vires etiam minus barbaro atque inpo-
 tenti animo ⁴²spiritus possent facere. Igitur omnibus, qui
 bello apti erant, in unum coactis equos, arma, tela dividit.
 equites in turmas, pedites in cohortes, ⁴³sicut quondam ab
 Romanis centurionibus didicerat, distribuit. Exercitu haud
 minore, quam quem prius habuerat, ceterum omni prope
 novo atque incondito, ire ad hostes pergit. Et, castris in
 propinquo positis, primo pauci equites ex tuto speculantes
 ab stationibus progredi; inde jaculis submoti recurrere
 ad suos: inde excursions in vicem fieri, et, quum pulsos
 indignatio accenderet, plures subire; quod irritamentum
 certaminum equestrium est, quum aut vincentibus spes, aut
 pulsus ira adgregat suos. Ita tum a paucis prælio accenso,
 omnem utrimque postremo equitatum certaminis studium
 effudit. ac, dum ⁴⁴sincerum equestre prælium erat, multitu-
 do Massesylorum, ingentia agmina Syphace emittente, sus-

^o Massylii Gron. Crev.

Iterum vocis *miles*, sive *miler*, nihil
 aliud sunt quam repetitio duorum post-
 remarum verbi vocant. Inde propagatus
 et auctus error. Legamus: *Harpagos*
nas vocant, ex Panicia.

⁴⁰ *Seriem aliam*] Parum hic con-
 gruit vox *aliam*, quæ potuit nasci ex
 vicinis vocibus, *alia aliis*. Magis pla-
 ceret cum Gronovio legere *seriemque*
simul plurium.

⁴¹ * *Cum eo ut apparet*] Præter-
 quam quod apparebat.

⁴² * *Spiritus . . facere*] Addere fore-
 tiam.

⁴³ *Sicut quondam ab Romanis*] Vid.
 lib. XXIV. c. 48.

⁴⁴ *Sincerum equestre prælium*] So-
 lorum equitum prælium, nullis pediti-
 bus se ei immiscuentibus.

tinere vix poterat: deinde, ut pedes Romanus repentino per U. C. 549.
turmas suas viam dantes intercursum stabilem aciem fecit, A. O. 263.
absterruitque effuse invehentem sese hostem, primo barbari
segnius permittere equos; deinde stare "ne prope turbari
novo genere pugnae; postremo, non pediti solum cedere,
sed ne equitem quidem sustinere, peditis praesidio auden-
tem. Jam signa quoque legionum adpropinquabant. tum
vero Masæsyli non modo primum inpetum, sed ne conspec-
tum quidem signorum atque armorum, tulerunt: tantum
seu memoria priorum cladum, seu praesens terror valuit.

XII. Ibi Syphax, dum obequitat hostium turmis, si pu-
dore, si periculo suo fugam sistere posset, equo graviter ic-
to, effusus obprimitur capiturque, et vivus, lætum ante om- Capitur.
nes Masinissæ præbiturus spectaculum, ad Lælium pertra-
hitur. Cirta^p caput regni Syphacis erat: eo se ingens ho-
minum contulit vis. Cædes in eo proelio minor, quam vic-
toria, fuit, quia equestri tantummodo proelio certatum fue-
rat. non plus quinque millia occisa, minus dimidium ejus
hominum captum est, inpetu in castra facto, quo perculsa
rege amisso multitudo se contulerat. Masinissa, *Sibi qui-*
dem, dicere, nihil esse in præsentia pulchrius, quam victorem,
recuperatum tanto post intervallo, patrium invisere regnum:
sed tam secundis, quam adversis, rebus non dari spatium ad
cessandum. Si se Lælius cum equitatu "vinctoque Syphace
Cirtam præcedere sinat, trepida omnia metu se obpressurum:
Lælium cum peditibus subsequi modicis itineribus posse. Ad-
sentiente Lælio, prægressus Cirtam, evocari ad colloquium
principes Cirtensium jubet. sed apud ignaros regis casus,
neque quæ acta essent promendo, nec minis, nec suadendo,
ante valuit, quam rex victus in conspectum datus est.
Tum ad spectaculum tam foedum comploratio orta: et par-
tim pavore mœnia sunt deserta, partim repentino consensu
gratiam apud victorem quærentium patefactæ portæ. Et
Masinissa, praesidio circa portas opportunaque mœnium di-
misso, ne cui fugæ pateret exitus, ad regiam occupandam ci-
tato vadit equo. Intranti vestibulum in ipso limine Sopho-
nisba, uxor Syphacis, filia Hasdrubalis Pœni, obcurrit: et,
quum in medio agmine armatorum Masinissam insignem, Sophonisba
quum armis, tum cetero habitu, conspexisset, regem esse (id Masinissæ
quod erat) rata, genibus advoluta ejus: "Omnia quidem^q ut supplicat.

^p Cirtha Gron.

^q ins. inquit Gron. Crev.

⁴⁵ *Ne prope turbari*] Scripti optimi
ne propere: quod fortasse quibusdam
magis placebit.

⁴⁶ *Vinctoque Syphace*] Vulgo *victo*.
Mutavit Gronovius ex certissima con-

jectura.

⁴⁷ *Omnia quidem, inquit, ut posses*
in nos, dii tibi dederunt] Scripti rele-
gant *inquit* et *sibi*. Prius illud absit
sane. At *et* tibi retinendum nobis

U. C. 549. *posses in nobis, Dii^r dederunt, virtusque et felicitas tua. Sed;*
 A. C. 203. *si captivæ apud dominum vitæ necisque suæ vocem supplicem*
mittere licet, si genua, si victricem adtingere dextram, precor
quæsoque per majestatem regiam, in qua paullo ante nos quoque
fuius, per gentis Numidarum nomen, quod tibi cum Syphace
commune fuit, per hujusce regiae Deos, qui te melioribus omni-
bus accipiant, quam Syphacem hinc miserunt, hanc veniam
supplici des, ut ipse, quodcumque fert animus, de captiva sta-
tuas, neque me in cujusquam Romani superbum ac crudele ar-
bitrium venire sinas. Si nihil aliud, quam Syphacis uxor, fu-
issem, tamen Numidæ, atque in eadem mecum Africa geniti,
quam alienigenæ et externi, fidem experiri mallet. Quid Kar-
thaginiensi ab Romano, quid filiae Hasdrubalis timendum sit,
vides. Si nulla alia re potes, morte me ut vindices ab Roma-
norum arbitrio, oro obtestorque. Forma erat insignis et flo-
 rentissima ætas. itaque quum ⁴⁸ modo, dextram amplectens,
 in id, ne cui Romano traderetur, fidem exposceret, propius-
 que blanditias oratio esset, quam preces; non in misericor-
 diam modo prolapsus est animus victoris, sed (ut est genus
 Numidarum in Venerem præceps) ⁴⁹ amore captivæ victor
 captus, data dextera in id, quod petebatur, obligandæ fidei,
 in regiam concedit. Institit deinde reputare secum ipse,
 quemadmodum promissi fidem præstaret. quod quum expe-
 dire non posset, ab amore temerarium atque impudens mu-
 tuatur consilium. Nuptias in eum ipsum diem repente pa-
 rari jubet, ⁵⁰ ne quid relinqueret integri aut Lælio, aut ipsi
 Scipioni, consulendi velut in captivam, quæ Masinissæ jam
 nupta foret. Factis nuptiis supervenit Lælius: et adeo non
 dissimulavit inprobare se factum, ut primo etiam cum Sy-
 phace et ceteris captivis detractam eam toro geniali mittere
 ad Scipionem conatus sit. victus deinde precibus Masinissæ
 orantis, ut arbitrium, utrius regum duorum fortunæ acces-
 sio Sophonisba esset, ad Scipionem rejiceret; misso Syphace

Ducit eam
 uxorem
 Masinissa.

^r in nos Dii tibi Gron. Crev.

omnino videtur. Quod vero iidem
 habent in nobis, id etsi tueri conatur
 congestis etiam exemplis Gronovius,
 admittere nullo modo possumus. Ne-
 que enim ex uno alterove devio scrip-
 torum antiquorum loco, qui sæpe etiam
 rem non tangit, sed ex communi usu
 Latini sermonis, statuere debemus quid
 rectum sit, quid probari, quid rejici
 debeat. Vid. not. 32. ad l. XXVIII.
 c. 48.

48 *Modo dextram amplectens*] Sus-
 picatur Gronovius, modo genua, modo
 dextram amplectens. Supra enim dixit
 Sophonisba: *si genua, si victricem at-*
tingere dextram.

49 *Amore captivæ victor captus*]
 Jam observavimus ex Appiano ad l.
 XXVIII. c. 16. Sophonisbam Masinis-
 sæ quondam desponsam fuisse. Erra-
 vit ille quidem circa tempus nuptia-
 rum Sophonisbæ cum Syphace: sed
 cetera vera esse nihil vetat. Id si ad-
 mittatur, minus mirum erit nondum
 fortasse plane extinctam in animo Ma-
 sinissæ flammam in veteres vires subito
 resurrexisse.

50 * *Ne quid relinqueret integri*] Ne
 aut Lælius, aut ipse Scipio possent jam
 putare sibi integrum esse, sibi liberum
 esse tractare ut captivam, eam quæ Ma-
 sinissæ nupta foret.

et captivis, ceteras urbes Numidiæ, quæ præsiidiis regiis U. C. 549.
tenebantur, adjuvante Masinissa, recipit^a. A. C. 203.

XIII. Syphacem in castra adduci, quum esset nuncia- Syphax in
tum, omnis velut ad spectaculum triumphii multitudo effusa castra Ro-
est. Præcedebat ipse vinctus; sequebatur grex nobilium mana addu-
Numidarum. Tum, quantum quisque plurimum posset, citur.
magnitudini Syphacis, famæ gentis, victoriam suam augen-
do, addebat: *illum esse regem, cujus tantum majestati duo po-
tentissimi in terris tribuerint populi, Romanus Karthaginien-
sisque, ut Scipio imperator suus ad amicitiam ejus petendam,
relicta provincia Hispania exercituque, duabus quinqueringibus
in Africam navigaverit: Hasdrubal, Pœnorum imperator, non
ipse modo ad eum in regnum venerit, sed etiam filiam ei nup-
tum dederit. Habuisse eum uno tempore in potestate duos im-
peratores, Pœnum Romanumque. Sicut ab Diis immortalibus
pars utraque hostiis mactandis ⁵¹ pacem petisset, ita ab eo
utrimque pariter amicitiam petitam. Jam tantas habuisse opes,
ut Masinissam regno pulsum eo redegerit, ut vita ejus fama
môrtis et latebris, ferarum modo in silvis raptis viventis, tegere-
tur. His sermonibus circumstantium celebratus rex in præ-
torium ad Scipionem est perductus. Movit et Scipionem
quum fortuna pristina viri præsentis fortunæ conlata, tum
recordatio hospitii dextræque datæ, et fœderis publice ac
privatim juncti. Eadem hæc et Syphaci animum dederunt Conloqui-
in adloquendo victore. nam quum Scipio, quid sibi voluisset, tur cum
quæreret, qui non societatem solum abnuisset Romanam, sed Scipione.
ultro bellum intulisset; tum ille, peccasse quidem sese atque in-
sanisse, fatebatur; sed non tum demum, quum arma adversus
populum Romanum cepisset: exitum sui furoris fuisse, non
principium. ⁵² Tunc se insanisse, tunc hospitium privata et pub-
lica fœdera omnia ex animo ejecisse, quum Karthaginensem
matronam domum acceperit. Illis nuptialibus facibus regiam
conflagrasse suam: illam furiam pestemque omnibus delini-
mentis animum suum avertisse atque alienasse: nec conquiesse,
donec ipsa manibus suis nefaria sibi arma adversus hospitem
atque amicum induerit. Perdito tamen atque adflicto sibi hoc
in miseriis solatii esse, quod in omnium hominum inimicissimi
sibi domum ac penates eandem pestem ac furiam transisse vi-
deat. neque prudentiorem, neque constantiorem Masinissam,
quam Syphacem, esse, etiam juvenia incautiorem. certe stultius
illum atque intemperantius eam, quam se, duxisse.*

XIV. Hæc non hostili modo odio, sed amoris etiam sti-
mulis, amatam apud æmulum cernens, quum dixisset; non

^a recepit Gron. Crev.

51 * Pacem] Propitium favorem.

dice melius visum est, quam, ut vulgo,

52 Tum se insanisse, tum] Parvum
est. Sed tamen sic edere ex Vict. co-

Tunc se insanisse, tum.

U. C. 549. mediocri cura Scipionis animum pepulit. et fidem criminibus
 A. C. 203. ⁴³ raptæ prope inter arma nuptiæ, neque consulto, neque ex-
 spectato Lælio, faciebant; tamque præceps festinatio, ut, quo
 die captam hostem vidisset, eodem matrimonio junctam ac-
 ciperet, et ad penates hostis sui nuptiale sacrum conficeret.
 eo foediora hæc videbantur Scipioni, quod ipsum in Hispania
 juvenem nullius forma pepulerat captivæ. Hæc secum vo-
 lutanti Lælius ac Masinissa supervenerunt; quos quum pa-
 riter ambo et benigno vultu excepisset, et egregiis laudibus
 frequenti prætorio celebrasset; abductum in secretum Masi-
 nissam sic adloquitur; *Aliqua te existimo, Masinissa, intuen-
 tem in me bona, et principio ⁴⁴ in Hispania ad jungendam me-
 cum amicitiam venisse, et postea in Africa te ipsum spesque om-
 nes tuas in fidem meam commisisse. Atqui nulla earum virtus
 est, propter quas adpetendus tibi visus sim, qua ego æque, atque
 temperantia et continentia libidinum, gloriatus fuerim. Hanc te
 quoque ad ceteras tuas eximias virtutes, Masinissa, adjecisse
 velim. non est, non (mihi crede) tantum ab hostibus armatis
 ætati nostræ periculum, quantum ab circumfusiis undique volup-
 tatibus. qui eas sua temperantia frenavit ac domuit, ⁴⁵ multo
 majus decus majoremque victoriam sibi peperit, quam nos Sy-
 phace victo habemus. Quæ, me absente, strenue ac fortiter fe-
 cisti, libenter et commemoravi, et memini. cetera te ipsum repu-
 tare tecum, quam, me dicente, erubescere malo. Syphax populi
 Romani auspiciis victus captusque est. Itaque ipse, conjux,
 regnum, ager, oppida, homines, qui incolunt, quidquid denique
 Syphacis fuit, præda populi Romani est: et regem conjugem-
 que ejus, etiamsi non civis Karthaginienſis esset, etiamsi non
 patrem ejus imperatorem hostium videremus, Romam oporteret
 mitti, ac senatus populique Romani de ea judicium atque arbi-
 trium esse, quæ regem nobis socium alienasse, atque in arma
 egisse præcipitem dicatur. Vince animum. cave deformes multa
 bona uno vitio, et tot meritorum gratiam majore culpa, quam
 causa culpæ est, conrumpas.*

Masinissam
 castigat
 Scipio.

XV. Masinissæ hæc audienti non rubor solum subfusus,
 sed lacrimæ etiam obortæ: et, quum se quidem in potestate
 futurum imperatoris dixisset, orassetque eum, ut, quantum res
 sineret, fidei suæ temere obstrictæ consularet; promississe enim,
 sese in nullius potestatem eam traditurum, ex prætorio in ta-
 bernaculum suum confusus concessit. Ibi, arbitris remotis,

⁴³ nō multo Gron.

⁴⁴ oportet Ead.

53* Raptæ] Raptim factæ, prope-
 ratæ: brusquæ.

54 In Hispania] Quum uterque in
 Hispania essemus. Ante Gronovium
 editi, quos vidimus, præferebant in
 Hispaniam: quod vitiosum esse, et
 scripti, et ipsa res arguit. Neque
 enim ad jungendam cum Scipione
 amicitiam venerat in Hispaniam Ma-

sinissa, sed ad juvandos auxilium Car-
 thaginienses. Postea ab iis ad Romanos
 defecerat.

55 Multo majus decus] Rhenanus
 quum inveniret in libro suo ut multo
 legi jusserat nō multo. At nostri, ut
 et Gronoviani codices, neque ut, ne-
 que nō, agnoscunt.

quum crebro suspiritu et gemitu, quod facile ab circumstan- U. C. 549.
tibus tabernaculum exaudiri posset, aliquantum temporis A. C. 208.
consumsisset; ingenti ad postremum edito gemitu, fidum e
servis vocat, sub cujus custodia regio more ad incerta for-
tunæ venenum erat, ⁵⁶ et mixtum in poculo ferre ad Sopho-
nisbam jubet, ac simul nunciare; *Masinissam libenter primam* Masinissa
ei fidem præstaturum fuisse, quam vir uxori debuerit. Quo- venenum
niam arbitrium ejus, qui possint, adimant, secundam fidem præ- mittit ad
stare, ne viva in potestatem Romanorum veniat. Memor patris Sophonis-
imperatoris, patriæque, et duorum regum, quibus nupta fuis- bam.
set, sibi ipsa consuleret. Hunc nuncium ac simul venenum
ferens minister quum ad Sophonisbam venisset, *Accipio,*
*inquit, nuptiale munus; neque*⁵⁷ *ingratum, si nihil majus vir*
uxori præstare potuit. Hoc tamen nuncia, melius me mori-
turam fuisse, si non in funere meo nupsissem. non locuta est
ferocius, quam acceptum poculum, nullo trepidationis signo
dato, inpavide hausit. Quod ubi nunciatum est Scipioni,
ne quid æger animi ferox juvenis gravius consuleret, adci-
tum eum extemplo nunc solatur; nunc, quod temeritatem
temeritate alia luerit, tristioremq; rem, quam necesse fue-
rit, fecerit, leniter castigat. Postero die, ut a præsentī motu Scipio Ma-
averreret animum ejus, in tribunal escendit, et concionem ad- sinissam
vocari jussit. Ibi Masinissam, primum regem adpellatum, amplissimis
eximiisque ornatum laudibus, aurea corona, ⁵⁷ aurea patera, donis deco-
rat.
sella curuli, et scipione eburneo, toga picta, et palmata
tunica donat. ⁵⁸ Addit verbis honorem, *Neque magnificentius*
quidquam triumpho apud Romanos, neque triumphantibus
ampliores eo ornatu esse; quo unum omnium externorum dig-
num Masinissam populus Romanus ducat. Lælium deinde,
et ipsum conlaudatum, aurea corona donat. et alii militares
viri, prout a quoque navata opera erat, donati. His hono-
ribus mollitus regis animus, erectusque in apem propinquam,
sublato Syphace, omnis Numidiæ potiundæ.

XVI. Scipio, C. Lælio cum Syphace aliisque captivis Ro-
mam misso, cum quibus et Masinissæ legati profecti sunt, ipse
ad Tuneta rursum castra refert, et, quæ munimenta inchoave-
rat, permunit. Karthaginienses, non brevi solum, sed prope Karthagini-
vanogaudio, ab satis prospera in præsens obpugnatione classis enses pa-
perfusi, post famam capti Syphacis, in quo plus prope, quam in cem petunt.
Hasdrubale atque exercitu suo spei reposuerant, perculsi, jam
nullo auctore belli ultra audito, oratores ad pacem petendam
mittunt triginta seniorum principes. id erat sanctius apud illos

⁵⁶ nec Gron. Crev.

⁵⁶ *Et mixtum*] Ante Gronovium
edebatur *ei mixtum*. Correx-
it ille ex conjectura: quæ per se
minime dubia, firmatur insuper
auctoritate regii codicis.

libaret. De sella curuli egimus ad l. I.
c. 8. De toga picta et tunica palmata
ad X. 7.

⁵⁸ *Addit verbis honorem*] Munus
insuper ornat verbis.

⁵⁷ *Aurea patera*] Qua nimirum diis

U. C. 549. consilium, ⁵⁹maximaque ad ipsum senatum regendum vis.
 A. C. 203. Qui ubi in castra Romana et prætorium pervenerunt, ⁶⁰more
 adulantium (accepto, credo, ritu ex ea regione, ex qua ori-
 undi erant) procubuerunt. Conveniens oratio tam humili
 adulationi fuit, non culpam purgantium, sed transferentium
 initium culpæ in Hannibalem inpotentiæque ejus fautores.
 Veniam civitati petebant, civium temeritate ⁶¹bis jam ante
 eversæ, incolumi futuræ iterum hostium beneficio. *Imperium
 ex victis hostibus populum Romanum, non perniciem, petere.
 Paratis obedienter servire, quæ vellet, imperaret.* Scipio, et
 venisse ea spe in Africam se, ait, et spem suam prospero belli
 eventu auctam, victoriam se, non pacem, domum reportaturum
 esse. tamen, quum victoriam prope in manibus habeat, pacem
 non abnuere; ut omnes gentes sciant, populum Romanum et
 Leges pacis ⁶²suscipere juste bella, et finire. Leges pacis se has dicere.
 Scipione ⁶³Captivos, et perfugas, et fugitivos restituant: exercitus ex Ita-
 dictæ. lia et Gallia deducant: Hispania abstineant: insulis omnibus,
 quæ inter Italiam et Africam sunt, decedant: naves longas,
 præter viginti, omnes tradant: ⁶⁴tritici quingenta, hordei
 trecenta millia modium. Pecuniæ summam quantam im-
 peraverit, parum convenit. alibi ⁶⁵quinque millia talentum,
 alibi ⁶⁶quinque millia pondo argenti, alibi duplex stipen-
 dium militibus imperatum invenio. *His conditionibus, inquit,
 placeatne pax, triduum ad consultandum dabitur. Si pla-
 cuerit, mecum inducias facite, Romam ad senatum mittite*

Nihil recu-
 sant Pœni
 moram
 quærentes.

59* *Maximaque ad ipsum senatum regendum vis*] Cui quidem consilio maxima inerat auctoritas, qua se regi senatus ipse sineret.

60 *More adulantium*] More eorum qui proni et humi prostrati reges adorant. Sic supra, l. IX. c. 18. de Alexandro, *desideratas humi jacentium adulationes*. Et eodem modo Val. Max. l. IV. c. 7. *Hephæstionem . . . more Persarum adulata, tanquam Alexandrum salutavit*. Idem l. VI. c. 3. *Timagoram inter officium salutationis Darium regem more gentis illius adulatum*. Ex his exemplis recte videtur colligere Gronovius in not. ad Liv. l. IX. c. 18. admodum verisimile esse adorationem regum κατ' ἔξοχην adulationem a Latinis dictam esse.

61 *Bis jam ante eversæ*] Quam cives jam sui bis, quantum in se esset, everterant. Eversam dicunt, quæ perire meruerit: quemadmodum supra, l. XXVIII. c. 34. Scipio de Indibili et Mandonio, *illos quidem merito perisse ipsorum maleficio ait, victuros suo et populi Romani beneficio*. Ceterum vox ante hic nullomodo stare potest. Non

enim bis ante hoc tempus eversam urbem suam dicunt, sed nunc iterum: ut constat ex eo quod iterum incolumem futuram subjiciunt hostium beneficio. Primo periisse Carthaginem intelligunt clade ad Ægates insulas, quæ fractis animis ac viribus coegit eos pacem ab Romanis petere. Quod jubemus deleri vocem ante, in eo faventem habemus Put. codicem, in quo scriptum est bis jam teversæ; et Regium, qui exhibet plane ut volumus, bis jam eversæ: nisi quod tamen aliquid erasum videtur.

62 *Tritici quingenta . . . millia modium*] Modios nostrates fere 385417. Hordei trecenta, 281250.

63 *Quinque millia talentum*] Marcas argenti nostrates 468750.

64 *Quinque millia pondo*] Immane quantum hæc summa a priore distat. Nam quinque millia pondo sunt marcæ nostrates tantummodo 7812. cum quatuor unciiis.

65 *Placeatne pax*] Regius et Put. codices stant pro hac lectione, quam sine causa sollicitat Gronovius.

legatos. Ita dimissi Karthaginienses, nullas recusandas con- U. C. 549.
ditiones pacis quum censuissent, (quippe qui moram temporis A. C. 208.
quærent, dum Hannibal in Africam trajiceret) legatos alios
ad Scipionem, ut inducias facerent, alios Romam ad pacem
petendam mittunt, ducentes paucos in speciem captivos,
perfugasque, et fugitivos, quo impetrabilior pax esset.

XVII. Multis ante diebus Lælius, cum Syphace primori- *Lælius cum*
busque Numidarum captivis, Romam venit; quæque in Afri- *captivis Ro-*
ca gesta essent, omnia exposuit ordine Patribus, ingenti *mam venit.*
omnium et in præsens lætitia, et in futurum spe. Consulti
inde Patres regem in custodiam Albam mittendum censu-
erunt: Lælium retinendum, donec legati Karthaginienses
venirent. Supplicatio in quatrimum decreta est. P. Ælius
prætor, senatu misso, et concione inde advocata, cum C.
Lælio in Rostra escendit. Ibi vero audientes, fusos Kartha-
giniensium exercitus, devictum et captum ingentis nominis
regem, Numidiam omnem egregia victoria peragrata, taci-
tum continere gaudium non poterant, quin clamoribus, qui-
busque aliis multitudo solet, lætitiam inmodicam significa-
rent. Itaque prætor extemplo edixit, Uti æditui ædes sacras
omnes tota urbe aperirent, circumeundi, salutandique Deos,
agendique grates per totum diem populo potestas fieret. Pos- *Oratio le-*
tero die legatos Masinissæ in senatum introduxit. Gratulati *gatorum*
primum senatui sunt, quod P. Scipio prospere res in Africa *Masinissæ*
gessisset: deinde gratias egerunt, quod Masinissam non ad- *in senatu.*
pellasset modo regem, sed fecisset, restituendo in patrum
regnum: in quo post Syphacem sublatum, si ita Patribus visum
esset, sine metu et certamine esset regnaturus. Dein, quod
conlaudatum pro concione amplissimis decorasset donis: quibus
ne indignus esset, et dedisse operam Masinissam, et porro
daturum esse. Petere, ut regium nomen ceteraque Scipionis
beneficia et munera senatus decreto confirmaret: et, nisi moles-
tum esset, illud quoque petere Masinissam, ut Numidas capti-
vos, qui Romæ in custodia essent, remitterent. Id sibi amplum
apud populares futurum esse. Ad ea responsum legatis: Re-
rum gestarum in Africa prospere communem sibi cum rege gra-
tulationem esse. Scipionem recte atque ordine videri fecisse,
quod eum regem adpellaverit: "et, quidquid aliud fecerit, quod
cordi foret Masinissæ, ea Patres comprobare atque laudare.
Munera, quæ legati ferrent regi, decreverunt: sagula pur-
purea duo cum fibulis aureis singulis, et lato clavo tunicis:
et equos duo phaleratos: bina equestria arma cum loriciis:

66 *Et, quidquid aliud fecerit . . ea*
Patres] Hic numeri non sibi respon-
dent: quidquid . . ea. Sane recedit
 non raro Livius a consuetis Gramma-
 ticæ legibus, ut observavimus ad l:

XXIII. c. 3. et alibi. Sed hoc loco.
 Put. liber pro ea exhibet eis; Victor.
 ei. Legi possit, et Patres, id est, Pa-
 tres quoque.

U. C. 549. et tabernacula, militaremque supellectilem, qualem præberi
A. C. 208. consuli mos esset. Hæc regi prætor mittere jussus. legatis
in singulos dona ne minus ⁶⁷quinum millium, comitibus
eorum millium æris: et vestimenta bina legatis, singula
comitibus Numidisque, qui ex custodia emissi redderentur
regi. ad hoc ⁶⁸ædes liberæ, loca^x, lautia legatis decreta.

XVIII. Eadem æstate, qua hæc decreta Romæ, et in
Prælium cum Magone. Africa gesta sunt, P. Quinctilius Varus prætor et M. Cor-
nelius proconsul in agro Insubrium Gallorum cum Magone
Pœno signis conlatis pugnarunt. Prætoris legiones in pri-
ma acie fuerunt: Cornelius suas in subsidiis tenuit, ipse ad
prima signa equo advectus: proque duobus cornibus prætor
ac proconsul milites ad inferenda in hostes signa summa vi
hortabantur. Postquam nihil commovebant, tum Cornelio
Quinctilius: *Lentior, ut vides, fit pugna^y: et induratus præ-
ter spem resistendo hostium timor: ac, ne vertat in auda-
ciam, periculum est. Equestrem procellam excitemus, oportet,
si turbare ac statu movere volumus. Itaque vel tu ad
prima signa prælium sustine, ego inducam in pugnam equites:
vel ego hic in prima acie rem geram, tu quatuor legionum
equites in hostem emitte.* Utram vellet prætor, muneris par-
tem proconsule accipiente, Quinctilius prætor cum filio,
cui Marco prænomen erat, inpigro juvene, ad equites per-
git: jussosque escendere in equos repente in hostem emit-
tit. Tumultum equestrem auxit clamor ab legionibus ad-
ditus: nec stetisset hostium acies, ni Mago, ad primum
equitum motum, paratos elephantos extemplo in prælium
induxisset. Ad quorum stridorem odoremque et adspec-
tum territi equi vanum equestre auxilium fecerunt. ⁶⁹et
ut permixtus, ubi cuspide uti et cominus gladio posset, ro-
boris majoris Romanus eques erat; ita in ablatum paven-
tibus procul equis melius ex intervallo Numidæ jaculaban-
tur. Simul et peditum legio duodecima, magna ex parte
cæsa, pudore magis, quam viribus, tenebat locum. nec diu-

^x ædes, libera loca, Gron.

^y add. inquit Gron. Crev.

67 *Quinum millium ... æris*] Si in-
telligimus æs grave, quina millia æris
æstimari possunt marcis argenti Paris. 7.
cum uncis sex et semuncia: mille æris,
uncie argenti duodecim, itidem cum
semuncia.

68 *Ædes liberæ, loca*] Sic emendat
Sigonius ex vetere libro, cui adstipu-
lantur quidam e Gronovianis, quum
vulgo legatur, ædes, libera loca. Hanc
emendationem firmat ipse Livius, l.
XXXV. c. 23. *Attalo . . . ædes liberæ,
locus, lautia decreta. Ædes liberæ*
idem Sigonius recte videtur interpre-
tari *vacuas*, in quibus legati soli habi-

tarent. Ceterum, quid sint *loca*, quæ
præter liberæ ædes decernuntur legatis,
haud facile statuere possumus. Tamen
intelligendum esse aliquid quod ad ha-
bitationem pertineat colligere videmur
ex eo quod l. XXXIII. c. 24. legati
Macedones dicuntur *deducti extra ur-
bem in villam publicam, ibique iis locu
et lautia præbita. Lautia* sunt munera
hospitalia, ut diximus ad l. XXVIII.
c. 39. supra.

69 *Et ut permixtus*] Plurimi scripti,
et ut rem permixtus. Unde Jac. Gro-
novius efficit non improbabiler, et ut
intermixtus.

tius tenuisset, ni ex subsidiis tertiadecima legio, in primam U. C. 549.
 aciem inducta, ⁷⁰ proelium dubium excepisset^a. ⁷¹ Mago quo- A. C. 203.
 que^a ex subsidiis Gallos integræ legioni obposuit^b. Qui-
 bus haud magno certamine fuis, hastati legionis undecimæ
 conglobant sese, atque elephantos ⁷² jam^c peditum aciem
 turbantes invadunt. in quos quum pila confertos conjecis-
 sent, nullo ferme frustra emisso, omnes retro in aciem suo-
 rum averterunt: quatuor gravati vulneribus conruerunt.
 Tum prima commota hostium acies, simul omnibus pediti-
 bus, ut aversos videre elephantos, ad augendum pavorem
 ac tumultum effusis. sed, donec stetit ante signa Mago,
 gradum sensim referentes ordines, tenorem pugnae serva-
 bant; postquam femine transfixo cadentem, auferrique ex
 proelio prope exsanguem videre, extemplo in fugam om- Vincunt
 nes versi. ad quinque millia hostium eo die cæsa, et signa Romani.
 militaria duo et viginti capta. Nec Romanis incruenta vic-
 toria fuit: duo millia et trecenti de exercitu prætoris, pars
 multo maxima ex legione duodecima, amissi. inde et tribuni
 militum duo, M. Cosconius, et M. Mænius: tertiæ decimæ
 quoque legionis, quæ postremo proelio adfuerat, Cn. Hel-
 vius tribunus militum in restituenda pugna cecidit, et duo
 et viginti ferme equites inlustres, obtriti ab elephantis, cum
 centurionibus aliquot perierunt: et longius certamen fuisset,
 ni vulnere ducis concessa victoria esset.

XIX. Mago, proximæ noctis silentio profectus, quantum Mago jus-
 pati viæ per vulnus poterat, ⁷³ itineribus extentis, ad mare sus in Afri-
 in Ligures Ingaunos pervenit. ibi eum legati ab Karthagine, cam redire.
 paucis ante diebus in sinum Gallicum adpulsis navibus, ad-
 ierunt, jubentes, primo quoque tempore in Africam trajice-
 re. *idem et fratrem ejus Hannibalem (nam ad eum quoque isse*
legatos eadem jubentes) facturum. Non in eo esse Karthagi-
niensium res, ut Galliam atque Italiam armis obtineant. Ma-
 go, non imperio modo senatus periculoque patriæ mo-
 tus, sed metuens etiam, ne victor hostis moranti insta-

^a *expedisset*, Gron.
^c *jam etiam* Gron. Crev.

^a *Magoque* Gron. Crev.

^b *opposuisset* Gron.

70 *Prælium dubium excepisset*] Gronovius edidit *expetisset*, obsecutus auctoritati complurium MSS. Nobis pro lectione priorum editorum, quam revocavimus, ratio stare visa est.

71 *Magoque ex subsidiis Gallos integræ legioni opposuit*] Representamus ipsam Put. et regii codd. scripturam. Quæ tamen ut plane satisfaciatur, legendum est *Mago quoque*, ut voluit Gronovius: et ita haberi in uno e suis Hearnii testatur. Hic vulgo edebatur *Magoque ex subsidiis Gallos*

..... *opposuisset*. Absurde: non enim hoc in causa fuit, cur duodecima legio teneret locum.

72 *Jam etiam peditum aciem turbantes*] Particula *etiam* potest videri hic ideo addita a Livio, quia primo equitatum Romanum turbaverant elephantis. Eam tamen omittit Put. liber, et unus e Gronovianis.

73 *Itineribus extentis*] Quum itinera extendisset, quum singulis diebus multum itineris confecisset, quantum tamen viæ eum pati sinebat vulgus.

U. C. 549. ret, Liguresque ipsi, relinqui Italiam a Poenis cernen-
 A. C. 203. tes, ad eos, quorum mox in potestate futuri essent, de-
 In naviga- ficerent, simul sperans leniorem in navigatione, quam in
 tione mori- via, jactationem vulneris fore, et curationi omnia com-
 tur. modiora, inpositis copiis in naves profectus, vixdum supe-
 rata Sardinia, ex vulnere moritur: naves quoque aliquot
 Poenorum disjectae in alto a classe Romana, quae circa
 Sardiniam erat, capiuntur. Haec terra marique in par-
 te Italiae, quae jacet ad Alpes, gesta. Consul C. Servi-
 lius, nulla memorabili re in provincia Etruria et Gallia
 (⁷⁴ quoniam eo quoque processerat) gesta, patre C. Servilio
 et ⁷⁵ C. Lutatio^d ex servitute post sextumdecimum annum
 receptis, ⁷⁶ qui ad vicum Tanetum a Boiis capti fuerant,
 hinc patre, hinc Catulo lateri circumdatis, privato magis,
 quam publico decore insignis, Romam rediit. Latum ad
 populum est, ne C. Servilio fraudi esset, quod patre, qui sella
 curuli sedisset, vivo, quum id ignoraret, tribunus plebis atque
 aedilis plebis fuisset, contra quam sanctum legibus erat. Hac
 rogatione perlata, in provinciam rediit. ⁷⁷ Ad Cn. Servi-
 lium consulem, qui in Brutiis erat, Consentia, Uffugum,
 Vergae, Besidiae, Hetriculum, Sypheum, Argentanum, Clam-
 petia, multique alii ignobiles populi, senescere Punicum
 bellum cernentes, defecere. Idem consul cum Hannibale
 in agro Crotoniensi acie conflixit. Obscura ejus pugnae
 fama est. Valerius Antias quinque millia hostium caesa
 ait. quae tanta res est, ut aut impudenter ficta sit, aut neg-
 legenter praetermissa. Nihil certe ultra rei in Italia ab
 Hannibale gestum. nam ad eum quoque legati ab Kartha-
 gine, vocantes in Africam, iis forte diebus, quibus ad Ma-
 gonem, venerunt.

Hannibalis
 revocati ex
 Italia dolor.

XX. Frendens gemensque, ac vix lacrimis temperans,
 dicitur legatorum verba audisse: postquam edita sunt man-
 data, *Jam non perplexe, inquit, sed palam revocant, qui, ve-
 tendo supplementum et pecuniam mitti, jampridem retrahebant.*
*Vicit ergo Hannibalem non populus Romanus toties caesus fu-
 gatusque, sed senatus Karthaginensis obtreptione atque invi-*

^d add. patruo Gron. Crev.

⁷⁴ Quoniam eo quoque] Editi ante Gronovium, nam eo quoque: idque non minus placet, quam id quod substituit ille erutum ex deformata aliquot codicum scriptura.

⁷⁵ C. Lutatio patruo] Qui Lutatius patruus esse poterat Servilii, quum illi inter se nomine differant? Id fieri nequit, nisi vel Lutatius, vel pater consulis, in aliam familiam adoptione transierint. Sed nodus hic aliter quoque secari potest, nimirum ablegata voce

patruo, quae neque in Put. neque in Cantabrigiensi, neque in ullo e nostris codd. comparet.

⁷⁶ Qui ad vicum Tanetum] Rem narravit Livius supra XXI. 25.

⁷⁷ Ad Cn. Servilium . . . Consentia . . . Clampetia . . . defecere] Tamen Clampetiam superiore anno a P. Sempronio consule vi captam, Consentiam voluntate in deditionem venisse scripsit Livius, XXIX. 38.

dia. neque hac deformitate reditus mei tam P. Scipio exsulta- U. C. 349.
bit atque efferet sese, quam Hanno, qui domum nostram, quan- A. C. 203.
do alia re non potuit, ruina Karthagini obpressit. Jam hoc
 ipsum præsagens animo, præparaverat ante naves. ita-
 que, inutili militum turba præsidii specie in oppida Brut-
 tii agri, quæ pauca magis metu, quam fide, contineban-
 tur, dimissa, quod roboris in exercitu erat, in Africam
 transvexit: multis Italici generis (quia in Africam secutu-
 ros abnuentes concesserant in Junonis Laciniæ delubrum,
 inviolatum ad eam diem) in templo ipso fœde interfectis.
 Raro quemquam alium, patriam exsilio causa relinquen-
 tem, ⁷⁸ magis mœstum abisse ferunt, quam Hannibalem
 hostium terra excedentem: respexisse sæpe Italiæ litora,
 et Deos hominesque accusantem, in se quoque ac suum ip-
 sius caput exsecratum, *Quod non cruentum ab Cannensi vic-*
toria militem Romam duxisset. Scipionem ire ad Karthaginem
ausum, qui consul hostem in Italia Pœnum non vidisset. se,
centum millibus armatorum ad Trasimenum et Cannas cæsis,
circa Casilinum, Cumasque, et Nolam consenuisse. Hæc ac-
 cusans querensque, ex diutina possessione Italiæ est detrac-
 tus.

XXI. Romam per eosdem dies, et Magonem et Hanniba-
 lem profectos, adlatum est. cujus duplicis gratulationis mi-
 nuit lætitiā, et quod parum duces in retinendis iis (quum
 id mandatum ab senatu esset) aut animi, aut virium habuisse
 videbantur; et quod solliciti erant, omni belli mole in unum
 ducem exercitumque inclinata, quo evasura esset res. Per
 eosdem dies legati Saguntini venerunt, comprehensos cum
 pecunia adducentes Karthaginienses, qui ad conducenda
 auxilia in Hispaniam trajecissent. ⁷⁹ ducentū et quinquā-
 ginta auri, octingentū pondo argenti in vestibulo curiæ
 posuerunt. Hominibus acceptis et in carcerem conditis,
 auro argentoque reddito, gratiæ legatis actæ: atque insuper
 munera data ac naves, quibus in Hispaniam reverterentur.
 Mentio deinde ab senioribus facta est, *Segnius homines bona,*
quam mala, sentire. Transitu in Italiam Hannibalis, quantum
terroris pavorisque, ⁸⁰ *sese meminisse, quas deinde clades, quos*

⁷⁸ *Magis mœstum]* Nullo in scripto, neque Gronovio, neque nobis occurrit *re magis*. Plerique hanc vocem totam abolent: quidam ejus loco habent *tam*. Alterutra ex his particulis necessaria hic nobis videtur.

⁷⁹ *Ducentū et quinquaginta auri, octingentū pondo argenti]* Id est, si hanc orationem ad Grammaticam severitatem exigere velis, pondera du-

centarum et quinquaginta librarum pondo auri, octingentarum argenti. Vid. Gronov. de Pec. Vet. l. I. c. 7. Ceterum 250. libræ Romanæ efficiunt marcas nostrates 390. cum quinque uncis. Octingentæ libræ Romanæ, marcas 1250.

⁸⁰ *Sese meminisse]* Libenter cum Gronovio recideremus hæc verba, quæ nullomodo necessaria videntur.

U. C. 549. *luctus incidisse? Visa castra hostium è muris urbis: quæ vota*
 A. C. 203. *singulorum universorumque fuisse? quoties in conciliis voces,*
manus ad cælum porrigentium, auditas: "En unquam ille dies
futurus esset, quo vacuum hostibus Italiam bona pace florentem
visuri essent? Dedissem tandem id Deos sextodecimo demum an-
no: nec esse, qui Diis grates agendas censeant. Adeo ne ad-
venientem quidem gratiam homines⁸¹ benigne accipere, nedum
 Supplicatio *ut præteritæ satis memores sint. Conclamatum deinde ex*
 Romæ de- *omni parte curiæ est, uti referret P. Ælius prætor: decre-*
 creta ob *tumque, ut quinque dies circa omnia pulvinaria supplica-*
 discessum *retur, victimæque majores inmolarentur centum viginti.*
 Hannibalis. *⁸² Jam dimisso Lælio legatisque Masinissæ, quum Kartha-*
giniensium legatos de pace ad senatum venientes Puteolis
visos, inde terra venturos adlatum esset; revocari C. Læ-
lium placuit, ut coram eo de pace ageretur. Q. Fulvius
Gillo, legatus Scipionis, Karthaginienses Romam adduxit:
quibus, vetitis ingredi urbem, hospitium in villa publica,
senatus ad ædem Bellonæ datus est.

Legati Kar-
thaginien-
ses de pace.

XXII. Orationem eamdem ferme, quam apud Scipio-
 nem, habuerunt; culpam omnem belli a publico consilio in
 Hannibalem vertentes. *Eum injussu senatus non Alpes modo,*
sed Iberum quoque, transgressum: nec Romanis solum, sed ante
etiam Saguntinis, privato consilio bellum intulisse. Senatui ac
populo Karthaginensi, si quis vere æstimet, fœdus ad eam^c
diem inviolatum esse cum Romanis. Itaque nihil aliud sibi
mandatum esse, uti peterent, quam ut in ea pace, quæ postremo
cum consule Lutatio facta esset, manere liceret. "Quum, more
tradito, Patribus potestatem interrogandi, si quis quid vellet,
legatos, prætor fecisset; senioresque, qui fœderibus interfu-
erant, alia alii interrogarent, nec meminisse per ætatem
(etenim omnes ferme juvenes erant) dicerent legati; concla-
matum ex omni parte curiæ est, Punica fraude electos, qui
veterem pacem repeterent, cujus ipsi non meminissent.

XXIII. Emotis deinde curia legatis, sententiæ interro-
 gari cœptæ. M. Livius C. Servilium consulem, qui propior
 esset, arcesendum, ut coram eo de pace ageretur, censebat.

^c eum Gron. Crev.

⁸¹ *En unquam*] Nunquamne? Vid. l. XXIV. c. 14.

⁸² *Benigne*] Benigna in auctores beneficii et grata mente.

⁸³ *Jam dimisso Lælio . . . quum Carthaginensium legatos*] Tamen supra, c. 17. memoratum est censuisse Patres retinendum Lælium, donec legati Carthaginenses venirent. Sed fortasse,

Annibale profecto ex Italia, nullos jam crediderant venturos a Carthaginensibus legatos.

⁸⁴ *Quum more tradito, Patribus potestatem interrogandi . . . legatus prætor fecisset*] Hic conjecturam habemas Freinsheimii, sed eam minime dubiam. Antea more tradito a patri-

quam de re majore, quam quanta ea esset, consultatio incidere U. C. 549.
 non posset, non videri sibi, absente consulum altero, ambobusve, A. C. 208.
 eam rem agi, satis ex dignitate populi Romani esse. Q. Me-
 tellus, qui triennio ante consul dictatorque fuerat, Quam P.
 Scipio, cadendo exercitus, agros populando, in eam necessita-
 tem compulisset hostes, ut supplices pacem peterent; et nemo
 omnium verius existimare posset, qua mente ea pax peteretur,
 quam is, qui ante portas Karthaginiis bellum gereret; nullius
 alterius consilio, quam Scipionis, accipiendam abnuendamve
 pacem esse. "M. Valerius Lævinus, qui bis consul fuerat,
 Speculatores, non legatos, venisse, arguebat: jubendosque Italia
 excedere, et custodes cum iis usque ad naves mittendos; Sci-
 pionique scribendum, ne bellum remitteret. Lælius Fulviusque
 adjecerunt: Et Scipionem in eo positam habuisse spem pacis,
 si Hannibal et Mago ex^f Italia non revocarentur. Omnia simu-
 laturos Karthaginienses, duces eos exercitusque expectantes.
 deinde, quamvis recentium fœderum et Deorum omnium oblitos,
 bellum gesturos. Eo magis "in Lævini sententiam discessum.
 Legati pace infecta, ac prope sine responso, dimissi. Re infecta
 dimissi.

XXIV. Per eos dies Cn. Servilius consul, "haud dubius, quin pacatæ Italiæ penes se gloria esset, velut pulsum ab se
 Hannibalem persequens, in Siciliam, inde in Africam trans-
 iturus, trajecit. Quod ubi Romæ vulgatum est, primo Cn. Servi-
 censuerunt Patres, ut prætor scriberet consuli, senatum æ- lius ex Sici-
 quum censere, in Italiam reverti eum: deinde, quum præ- lia revoca-
 tor, spreturum eum literas suas, diceret, dictator ad id ipsum tur.
 creatus P. Sulpicius, pro jure majoris imperii, consulem in
 Italiam revocavit: reliquum anni, cum M. Servilio magis-
 tro equitum, circumeundis Italiæ urbibus, quæ bello aliena-
 tæ fuerant, "noscendisque singularum causis consumsit.
 Per induciarum tempus et ex Sardinia ab Lentulo prætore Commeatus
 centum onerariæ naves, cum commeatu et viginti ros- ex Sardinia
 tratarum præsidio, et ab hoste, et ab tempestatibus mari in Africam.
 tuto, in Africam transmiserunt. Cn. Octavio ducentis one-
 rariis, triginta longis navibus ex Sicilia trajicienti, non Ex Sicilia.
 eadem fortuna fuit. In conspectum ferme Africæ pros-
 pero cursu vectum primo destituit ventus; deinde versus
 in Africum turbavit, ac passim naves disjecit. ipse cum Classis dis-
 rostratis, per adversos fluctus ingenti remigum labore eni- jecta vento.

^f ex del. Gron. Crev.

85 M. Valerius Lævinus, qui bis con-
 sul fuerat] Vid. not. 50. ad l. XXIX.
 c. 11.

86 * In Lævini sententiam discessum]
 Vid. not. 39. ad XXVIII. 45.

87 * Haud dubius quin] Sibi haud
 dubie tribuens pacatæ Italiæ gloriam,
 quæ tamen tota Scipionis erat, et per-

sequens Annibalem, tanquam ille a se
 pulsus esset.

88 * Noscendisque singularum cau-
 sis] Inquirendoque, quam in causa
 singulæ essent, quæ magis, quæ minus
 nocentes, quæ omnino innoxie haberi
 possent.

U. C. 549. sus, Apollinis promontorium tenuit. onerariæ, pars maxi-
 A. C. 208. ma ad Ægimurum (insula ea sinum ab alto claudit, in
 quo sita Karthago est, triginta ferme millia ab urbe) aliæ
 adversus urbem ipsam ad Calidas Aquas delatæ sunt.
 Omnia in conspectu Karthaginis erant. itaque ex tota ur-
 be in forum concursum est. Magistratus senatum voca-
 re, populus in curiæ vestibulo fremere, ne tanta ex ocu-
 lis manibusque amitteretur præda. Quum quidam pacis
 petitæ, alii induciarum (necdum enim dies exierat) fidem
 obponerent, permixto pene senatus populiue concilio, con-
 sensum est, ut classe quinquaginta navium Hasdrubal Ægi-
 murum trajiceret: inde per litora portusque dispersas Ro-
 manas naves conligeret. Desertæ fuga nautarum, primum
 ab Ægimuro, dein ab Aquis onerariæ Karthaginem puppi-
 bus tractæ sunt.

Naves one-
 rariæ a Kar-
 thaginiensi-
 bus captæ.

Legati Rom.
 a Karthagi-
 niensibus
 prope vio-
 lati.

XXV. Nondum reverterant ab Roma legati, neque scie-
 batur, quæ senatus Romani de bello aut pace sententia es-
 set; necdum induciarum dies exierat: eo indigniorem inju-
 riam ratus Scipio, ab iis, qui petiissent pacem et indu-
 cias, et spem pacis et fidem induciarum violatam esse, le-
 gatos Karthaginem, L. Bæbium, L. Sergium, L. Fabium
 extemplo misit. qui, quum multitudinis concursu prope
 violati essent, nec reditum tutiorem cernerent futurum, pe-
 tierunt a magistratibus, quorum auxilio vis prohibita erat,
 ut naves mitterent, quæ se prosequerentur. Datæ triremes
 duæ, quum ad Bagradam flumen pervenissent, unde castra
 Romana conspiciebantur, Karthaginem rediere. Classis Pu-
 nica ad Uticam stationem habebat. ex ea tres quadriremes,
 seu clam misso a Karthagine nuncio, uti fieret, seu Hasdru-
 bale, qui classi præerat, sine publica fraude auso facinus,
 quinqueremem Romanam⁸⁹ superantem promontorium ex
 alto repente adgressæ sunt. sed neque rostro ferire celeri-
 tate subterlabentem poterant, neque transilire armati ex humi-
 lioribus in altiore navem: et defendebatur egregie, quoad
 tela suppeditarunt.⁹⁰ quæ deficientibus, quum jam nulla
 alia res eam, quam propinquitas terræ, multitudoque a cas-
 tris in litus effusa, tueri potuisset; concitatam remis, quan-

8 M. Gron. Crev.

89 *Superantem promontorium*] In-
 telligendum est, ut constat ex Appiano,
 Apollinis promontorium, quod appella-
 tur in c. præc.

90 *Quis deficientibus, quum jam*] Put.
 et Victor. codices respuunt *quum*.
 Deinde Vict. *concitata enim remis*:
 Put. *concitata enim remis*. Nec quid-
 quam videtur ob stare, quominus inte-
 gram optimi libri scripturam admitta-

mus, nisi quod loco *ro* potuisset, mal-
 lemus *poterat*. *Quis deficientibus, jam*
nulla alia res eam, quam propinquitas
terræ . . tueri poterat. Concitatam enim
remis . . . in terram quum immisissent.
Enim accipiendum est, ut plerumque
pronunciatur enimvero: quemadmo-
dum fere restituimus, monente Gro-
novio, lib. XXIII. c. 46. Enim minor
est res.

to maximo inpetu poterant, in terram quum inmisissent, U. C. 549. navis tantum jactura facta, incolumes ipsi evaserunt. Ita A. C. 203. alio super aliud scelere quum haud dubie induciæ ruptæ essent, Lælius Fulviusque ab Roma cum legatis Karthaginiensibus supervenerunt. quibus Scipio, *Etsi non induciarum modo fides a Karthaginiensibus, sed jus etiam gentium in legatis violatum esset; tamen se nihil, nec institutis populi Romani, nec suis moribus indignum, in iis facturum esse*, quum dixisset, legatis dimissis, bellum parabat. Hannibali jam terræ adpropinquanti ⁹¹ jussus e nauticis unus^h escendere in malum, ut specularetur, quam tenerent regionem, quum dixisset, sepulcrum dirutum proram spectare, ⁹² abominatus, prætervehi jusso gubernatore, ad Leptim adpulit classem, atque ibi copias exposuit.

Leptim adpellit Hannibal.

XXVI. Hæc eo anno in Africa gesta. Insequentia excedunt in eum annum, quo M. Servilius Geminus, qui tum magister equitum erat, et Ti. Claudius Nero consules facti sunt. Ceterum exitu superioris anni quum legati sociarum urbium ex Græcia questi essent, vastatos agros ab regiis præsidis, profectosque in Macedoniam legatos ad res repetendas non admissos ad Philippum regem: simul nunciassent, quatuor millia militum cum Sopatro duce trajectory in Africam dici, ut essent Karthaginiensibus præsidio, et pecuniæ aliquantum una missum; legatos ad regem, qui hæc adversus foedus facta videri Patribus nunciarent, mittendos censuit senatus. Missi C. Terentius Varro, C. Mamilius, M. Aurelius. iis tres quinqueres datæ. Annus insignis incendio ingenti, quo clivus Publicius ad solum exustus est, et aquarum magnitudine: sed annonæ vilitas fuit, præterquam quod pace omnis Italia erat aperta, etiam quod ⁹³ magnam vim frumenti, ex Hispania missam, M. Valerius Falto et M.

Legati ad Philippum missi a Rom.

^h unus del. Gron.

⁹¹ *Jussus e nauticis unus*] Olim hic legebatur *jussus e nautis unus*. Gronovius mutavit, et dedit *jussus e nauticis*, suppresso *et unus*; ut mire delectant eum abrupti sermonis asperitates. Emendationi suæ prætexit auctoritatem Put. codicis, in quo negavit reperiri eam vocem quam reidebat. At quinam diligenti alioquin viro id exciderit, miramur. Nos enim eam exstare in illo libro vidimus integram, nisi quod prima littera obelo transfixa est, et supra scriptum f. Aludant eodem et alii codices nostri, qui habent omnes *jussus e nauticis*. Sed et ea exempla quæ allegat Gronovius similium, ut ipse censet,

locutionum, non usquequaque respondent: ut illud ex hoc ipso libro, c. 15. *fidum e servis vocat*, longe lenius est. Igitur non dubitavimus revocare vocem *unus*. Ex Gronoviana emendatione accepimus *et nauticis*, quo scripti ducunt.

⁹² *Abominatus*] Omen aversatus.

⁹³ *Magnam vim frumenti . . . ædiles curules quaternis æris*] Quaternis assibus in modios. Sic enim et l. XXXI. c. 50. dicuntur ædiles magnoam frumenti vim *binis æris in modios* populo divisisse. Porro quatuor asses æquabant denarii quadrantem, sive sestertium, qui æstimari potest grani argenti nostratibus 18.

U. C. 549.
A. C. 208.
Q. Fabii
Max. mors
et laudes.

Fabius Buteo ædiles curules quaternis aeris ⁹⁴ viciatim populo descripserunt. Eodem anno Q. Fabius Maximus moritur, exactæ ætatis; siquidem verum est, augurem duos et sexaginta annos fuisse, quod quidam auctores sunt. Vir certe fuit dignus tanto cognomine, ⁹⁵ vel si novum ab eo inciperet. ⁹⁶ Superavit paternos honores, ⁹⁷ avitos æquavit. Pluribus victoriis et majoribus præliis avus insignis Rullus; sed omnia æquare unus hostis Hannibal potest. Cautior tamen, quam promptior, hic habitus fuit: et, sicut dubites, utrum ingenio cunctator fuerit, an quia ita bello proprie, quod tum gerebatur, aptum erat: sic nihil certius est, quam unum hominem nobis cunctando rem restituisse, sicut Ennius ait. Augur in locum ejus inauguratus Q. Fabius Maximus, filius: in ejusdem locum pontifex (nam duo sacerdotia habuit) Ser. Sulpicius Galba. Ludi Romani diem unum, plebei ter toti instaurati ab ædilibus, M. Sextio Sabino et Cn.¹ Tremellio Flacco. ii ambo prætores facti, et cum iis C. Livius Salinator et C. Aurelius Cotta. Comitibus ejus anni utrum C. Servilius consul habuerit, an (quia eum res in Etruria tenuerint, quæstiones ex senatusconsulto de conjurationibus principum habentem) dictator ab eo dictus P. Sulpicius, incertum ut sit, diversi auctores faciunt.

U. C. 550.
A. C. 207.
M. Servilio,
Ti. Claudio
Coss.

Provincia.

XXVII. Principio insequentis anni, M. Servilius et^k Ti. Claudius, senatu in Capitolium vocato, de provinciis retulerunt. Italiam atque Africam in sortem conjici, Africam ambo cupientes, volebant. ceterum, Q. Metello maxime adnitente, neque data, neque negata est Africa. Consules jussi cum tribunis plebis agere, ut, si iis videretur, populum rogerent, quem vellet in Africa bellum gerere. Omnes tribus P. Scipionem jusserunt. Nihilominus consules ⁹⁸ provinciam Africam (ita enim senatus decreverat) in sortem conjecerunt. Ti. Claudio Africa evenit, ut quinquaginta navium classem,

¹ C. Gron. Crev.

^k et del. Eæd.

⁹⁴ * *Viciatim populo descripserunt*] Distribuerunt populo, certum assignando frumenti modum in singulos vicos, pro ratione et numero incolentium. Vid. not. 95. ad XXXIV. 56.

⁹⁵ *Vel si novum ab eo inciperet*] Cognomen *Maximi* avus ejus Rullus sibi pepererat, memorante Livio, l. IX. c. ult. idque posteris hæreditarium reliquerat.

⁹⁶ * *Superavit paternos honores, avitos æquavit*] Honoribus magistratum superavit patrem: avum æquavit. Nempe Q. Fabius Gurges, quem Livius existimavit patrem hujusce Fabii, ter tantum consul fuit: Rullus

quinquies, ut et hic sive nepos, sive pronepos.

⁹⁷ * *Avitos honores . . . avus Rullus*] Plutarchus in Fabio bis hunc Cunctantorem Rulli pronepotem fuisse scribit. Consentit Plinius, et favet ratio temporum.

⁹⁸ *Provinciam Africam, ita enim senatus decreverat*] Nimirum intelligendum est senatum, instantibus etiam post judicium populi consulibus, hoc temperamento uti tandem coactum esse, ut classis certe in Africam trajicienda, et par cum Scipione imperium alterutri e consulibus decerneretur.

omnes quinqueringes, in Africam trajiceret, "parique impe- U. C. 850.
rio cum Scipione imperator esset. M. Servilius Etruriam A. C. 202.
sortitus. in eadem provincia et C. Servilio prorogatum im-
perium, si consulem manere ad urbem senatui placuisset.
Prætores, M. Sextius Galliam est sortitus, ut duas legiones
provinciamque traderet ei P. Quinctilius Varus; C. Livius
Bruttios cum duabus legionibus, quibus P. Sempronius pro-
consul priore anno præfuerat; Cn. Tremellius Siciliam, ut
ab P. Villio Tappulo prætore prioris anni provinciam et
duas legiones acciperet; Villius proprætor viginti navibus
longis, militibus mille, oram Siciliæ tutaretur: inde M.
Pomponius viginti navibus reliquis mille et quingentos mi-
lites Romam deportaret. C. Aurelio Cottæ urbana evenit.
ceteris, ita uti quisque obtinebant provincias exercitusque,
prorogata imperia. Sexdecim non amplius eo anno legioni- Legiones
bus defensum imperium est. Et ut placatis Diis omnia in- 16.
ciperent agerentque, ¹ ludos, quos, M. Claudio Marcello, T.
Quinctio consulibus, T. Manlius dictator, quasque hostias
maiores voverat, si per quinquennium illud respublica eodem
statu fuisset, ² ut eos ludos consules, priusquam ad bellum
proficiscerentur, facerent. Ludi in circo per quatrimum
facti: hostiæque, quibus votæ erant Diis, cæsæ.

XXVIII. Inter hæc simul spes, simul cura in dies cresce-
bat: nec satis certum constare apud animum poterat, utrum
gaudio dignum esset, Hannibalem, post sextumdecimum
annum ex Italia decedentem, vacuum possessionem ejus re-
liquisse populo Romano, an magis metuendum, quod inco-
lumi exercitu in Africam transisset. *Locum nimirum, non pe- Auxii Ro-*
riculum, mutatum; cujus tantæ dimicationis vatem, qui nuper mani ob
decessisset, Q. Fabium haud frustra canere solitum, graviolem transitum
in sua terra futurum hostem Hannibalem, quam in aliena fu- Hannibalis,
isset. nec Scipioni aut cum Syphace, inconditæ barbariæ rege,
³ cui Statorius semilira ducere exercitus solitus sit, aut cum so-
cero ejus Hasdrubale, fugacissimo duce, rem futuram, aut tu-
multuariis exercitibus, ex agrestium semiermi turba subito con-
lectis; sed cum Hannibale, prope nato in prætorio patris for-
tissimi ducis, alito atque educato inter arma, puero quondam
milite, vixdum juvene imperatore; ⁴ qui senex vincendo factus,

99 *Parique imperio cum Scipione*
imperator esset] Vox imperator om-
nino otiosa videtur, ac proinde able-
ganda.

1 *Ludos quos T. Manlius dicta-*
tor] Hos ludos jussi fuerant facere
consules superioris anni, quo reipsa
quinquennium a Manlio definitum
claudabatur. Necesse est igitur aliqua
intervenerit mora, quæ eos in hunc
annum rejicere coegerit.

2 *Ut eos ludos]* Ante hæc verba sup-
ple decretum fuit.

3 *Cui Statorius semilira]* De hoc
Statorio vid. l. XXIV. c. 48.

4 *Qui senex vincendo factus]* Ora-
torie fortasse dictum ad rem augen-
dam. Nisi potius dicendum est Li-
vium hic ex more Romanorum loqui,
apud quos initium senectutis ab anno
ætatis sexto et quadragesimo peteba-
tur. Vid. not. 18. ad l. I. c. 43. Id
autem ætatis tunc erat Annibal. Ipse
infra de se ait, c. 37. *Novem annorum*
a vobis profectus, post trigesimum sen-
tum annum redii.

U. C. 560. Hispanias, Gallias, Italiam ab Alpibus ad fretum monumentis
A. C. 209. ingentium rerum complexset: ⁶ducere exercitum æqualem stipendiis suis, duratum omnium rerum patientia, quas viæ fides fiat homines passos; perfusum millies cruore Romano; exuvias non militum tantum, sed etiam imperatorum, portantem. Multos obcursuros Scipioni in acie, qui prætores, qui imperatores, qui consules Romanos sua manu occidissent, muralibus vallaribusque insignes coronis, pervagos capta castra, captas urbes Romanas. Non esse hodie tot fasces magistratibus populi Romani, quot captos ex cæde imperatorum præferre posset Hannibal. Has formidines agitando animis, ipsi curas et metus augebant etiam, quod, quum adsuissent per aliquot annos bellum ante oculos aliis atque aliis in Italiæ partibus lenta spe, in nullum propinquum debellandi finem gerere, erexerant omnium animos Scipio et Hannibal, velut ad supremum certamen comparati duces. Ii quoque, quibus ingens erat in Scipione fiducia et victoriæ spes, ⁶quo magis in propinquam eam imminebant animis, ⁷eo curæ intentioris erant. Haud dispar habitus animorum Karthaginensibus erat. quos modo petisse pacem, intuentes Hannibalem ac rerum gestarum ejus magnitudinem, poenitebat: modo, quum respicerent, bis sese acie victos, Syphacem captum, pulsos se Hispania, pulsos Italia, atque ea omnia unius virtute et consilio Scipionis facta, velut fatalem eum ducem in exitium suum natum horrebant.

Speculatores Hannibalis a Scipione dimissi.

XXIX. Jam Adrumetum venerat Hannibal: unde, ad reficiendum ex jactatione maritima militem paucis diebus sumtis, excitus pavidis nunciis, omnia circa Karthaginem obtineri armis, adferentium, magnis itineribus Zamam contendit. Zama quinque dierum iter ab Karthagine abest. inde præmissi speculatores quum excepti a custodibus Romanis deducti ad Scipionem essent, traditos eos tribuni militum, jussosque omisso metu visere omnia, per castra, quæ vellent, circumduci jussit: percunctatusque, satin' per commodum omnia explorassent. datis, qui prosequerentur, retro ad Hannibalem dimisit. Hannibal nihil quidem eorum, quæ nunciabantur, (nam et, Masinissam cum sex millibus peditum, quatuor equitum venisse eo ipso forte die, adferebant,) læto animo audiit¹, maxime hostis fiducia, ⁶quæ non de nihilo profecto concepta est, percussus. Itaque,

¹ *audivit* Gron. Crev.

⁶ *Ducere exercitum*] *Lege duceret* auctore Gronovio.

⁶ *Quo magis*] Quo avidiore et spe et voto eam propinquantem jam expectabant et optabant.

⁷ *Eo curæ intentioris erant*] Sic nullus a scriptis. Sed quum nihil of-

ferant sani, utamur recepta lectione, donec meliores codices reperti fuerint.

⁶ *Quæ non de nihilo profecto concepta est*] Imo esset. Est enim cogitatio Annibalis, non affirmatio Livii. Gronovius.

quamquam et ipse causa belli erat, et adventu suo turbaverat et pactas inducias, et spem foederum; tamen, si integer, quam si victus, peteret pacem, æquiora impetrari posse ratus, nuncium ad Scipionem misit, ut conloquendi secum potestatem faceret. Id utrum sua sponte fecerit, an publico consilio, neutrum cur adfirmem, habeo. Valerius Antias, primo proelio victum eum a Scipione, quo duodecim milia armorum in acie⁹ sunt cæsa, mille et septingenti capti, legatum cum aliis decem legatis tradit in castra ad Scipionem venisse. Ceterum Scipio quum conloquium haud abnuisset, ambo ex composito duces castra protulerant, ut cõire ex propinquo possent. Scipio haud procul¹⁰ Naraggara^m urbe, tum ad cetera loco opportuno, tum quod¹¹ aquatio intra teli conjectum erat, consedit. Hannibal tumulum a quatuor millibus inde, tutum commodumque alioquin, nisi quod longinquæ aquationis erat, cepit. ibi in medio locus conspectus undique, ne quid insidiarum esset, delectus.

Conloquium ducum de pace.

XXX. Submotis pari spatio armatis, cum singulis interpretibus congressi sunt, non suse modo ætatis maximi duces, sed omnis ante se memoriæ, omnium gentium cuilibet regum imperatorumve pares. Paullisper alter alterius conspectu, admiratione mutua prope adtoniti conticere. Tum Hannibal prior, *Si hoc ita fato datum erat, ut, qui primus bellum intuli populo Romano, quique toties prope in manibus victoriam habui, is ultro ad pacem petendam venirem; lætor te mihi sorte potissimum datum, a quo peterem. Tibi quoque inter multa egregia non in ultimis laudum hoc fuerit, Hannibalem, cui tot de Romanis ducibus victoriam Dii dedissent, tibi cessisse; teque huic bello, vestris prius, quam nostris, cladibus insigni, finem inposuisse.*¹² *Hoc quoque ludibrium casus ediderit fortuna, ut, quum patre tuo consule ceperim arma, cum eodem primum Romano imperatore signa contulerim; ad filium ejus inermis ad pacem petendam veniam. Optimum quidem fuerat, eam patribus nostris mentem datam ab Diis esse, ut et vos Italiæ, et nos Africæ imperio contenti essemus: neque enim ne vobis quidem Sicilia ac Sardinia satis digna pretia sunt pro tot classibus, tot exercitibus, tot tam egregiis amissis ducibus. Sed, præterita magis reprehendi possunt, quam corrigi. Ita aliena adpetivimus, ut de nostris dimicaremus, nec in Italia solum vobis bellum, nobis in Africa esset: sed et vos in portis vestris prope ac mœnibus signa armaque hostium vidistis; et nos ab Karthagine fremitum castrorum Romanorum exau-*

Hannibalis oratio.

^m Nadagara Gron. Crev.

⁹ *Sunt cæsa*] Lege sint. GRONOVIVS.

rivo propiore castris, quam quantus est teli conjectus.

¹⁰ *Nadagara*] Scripti, *Naraggara*.

¹² *Hoc quoque ludibrium casus*]

¹¹ *Aquatio intra teli conjectum erat*] Aqua petebatur e flumine vel

Hunc quoque ludicrum casum velut jocata fortuna edidisse videri queat.

U. C. 660.
A. C. 202.

dimus. Quod igitur nos maxime abominaremur, vos ante omnia optaretis, in meliore vestra fortuna de pace agitur: agimus ii, quorum et maxime interest pacem esse, et qui quodcumque egerimus, ratum civitates nostræ habituræ sint. animo tantum nobis opus est non abhorrente a quietis consiliis. Quod ad me adtinet, jam ætas ¹³ senem in patriam revertentem, unde puer profectus sum, jam secundæ, jam adversæ res, ita erudierunt, ut rationem sequi, quam fortunam, malim. Tuam et adolescentiam et perpetuam felicitatem, ferociora utraque, quam quietis opus est consiliis, metuo. ¹⁴ Non temere incerta casuum reputat, quem fortuna nunquam decepit. Quod ego fui ad Trasimenum, ad Cannas, id tu hodie es. Vixdum militari ætate imperio accepto, omnia audacissime incipientem nusquam fefellit fortuna. Patris et patruī persecutus mortem, ab calamitate vestræ domus decus insigne virtutis pietatisque eximie cepisti: amissas Hispanias reciperasti, quatuor inde Punicis exercitibus pulsus: consul creatus, quam ceteris ad tutandam Italiam parum animi esset, transgressus in Africam, duobus hic exercitibus cæsis, binis eadem hora captis simul incensisque castris, Syphace potentissimo rege capto, tot urbibus regni ejus, tot nostri imperii ereptis, me sextumdecimum jam annum hærentem in possessione Italiæ detraxisti. ¹⁵ Potest victoriam, inquam^a, malle, quam pacem, animus. ¹⁶ Novi^b spiritus magis magnos, quam utiles. et mihi talis aliquando fortuna adfulsit. Quod si in secundis rebus bonam quoque mentem darent Di; non ea solum, quæ evenissent, sed etiam ea, quæ evenire possent, reputaremus. Ut omnium obliviscaris aliorum, satis ego documenti in omnes casus sum. Quem modo, castris inter Anienem atque urbem vestram ¹⁷ posit^cis, signa inferentem ad mœnia Romana; hic cernis, duobus fortissimis viris, fratribus clarissimis imperatoribus, orbatur, ante mœnia prope obsessæ patriæ, quibus terrui ves-

^a inquam del. Gron. Crev.

^b add. vobis Eud.

^c posit^cis, ac jam prope scandentem mœnia Romæ videras; hic Eud.

¹³ Senem in patriam revertentem, unde puer profectus sum] Vid. not. 4. ad 28. supra, et not. 57. ad 87. infra.

¹⁴ * Non temere] Raro.

¹⁵ Potest victoriam malle] Plerique scripti: potest victoriam, inquam, malle. Nec displicet. In illa enim voce inquam est quædam vis affirmandi et urgendi.

¹⁶ Novi vobis spiritus] Vocem vobis, etsi scripti ignorant, retineamus tamen, ut clarior sit oratio. * Novi vobis eos esse animos, ut solentis magna et alta spirare potius, quam utilibus acquiescere.

¹⁷ Ac jam prope scandentem mœnia

Romæ videras] Magna pars scriptorum, et vet. editi habent signa inferentem ad mœnia Romana. Quidam, ut noster Victorinus, et unus e Gronovianis, utrumque conjungunt, signa inferentem ac prope scandentem mœnia Romana. Quoquo modo legas, haud credimus multum interesse: nisi quod r̄ scandentem prope mœnia Romæ, nobis valde Livianum videtur. Hanc locutionem restituimus Livio, l. XXII. c. 14. scandentem mœnia Romæ coloniar, ubi vulgati præferbant tendentem ad mœnia. Quod sequitur videras, etsi complures MSS. omittunt, retinendum putamus.

tram urbem, ea pro mea deprecantem. *Maximæ cuique fortune minime credendum est.* In bonis tuis rebus, nostris dubiis, tibi ampla ac speciosa danti est pax: nobis petentibus magis necessaria, quam honesta. Melior tutiorque est certa pax, quam sperata victoria. hæc in tua, illa in Deorum manu est. Ne tot annorum felicitatem in unius horæ dederis discrimen. Cum tuas vires, tum vim fortunæ Martemque belli communem, propone animo. Utrunque ferrum, corpora humana erunt. nusquam minus, quam in bello, eventus respondent. Non tantum ad id, quod data pace jam habere potes, si prælio vincas, gloriæ adjeceris; quantum ademeris, si quid adversi eveniat. Simul parta ac sperata decora unius horæ fortuna evertere potest. Omnia in pace jungenda tuæ potestatis sunt, P. Corneli: tunc ea habenda fortuna erit, quam Dii dederint. Inter pauca felicitatis virtutisque exempla M. Atilius quondam in hac eadem terra ¹⁸fuisset, si victor pacem petentibus dedisset patribus nostris: non ¹⁹statuendo tandem felicitati modum, nec cohibendo efferentem se fortunam, quanto altius elatus erat, eo fœdius conruit. Est quidem ejus, qui dat, non qui petit, conditiones dicere pacis: sed forsitan non indigni simus, qui ²⁰nobismet ipsi¹ multam inrogemus. Non recusamus, quin omnia, propter quæ bellum initum est, vestra sint, Sicilia, Sardinia, Hispania, quidquid insularum toto inter Africam Italiamque continetur mari. Karthaginienses, inclusi Africæ litoribus, vos (quando ita Diis placuit) ²¹externa etiam terra marique videamus regentes imperia. Haud negaverim, propter non nimis sincere petitam aut expectatam nuper pacem, suspectam esse vobis Punicam fidem. ²²multum, per quos petita sit, ad fidem tuendæ pacis pertinet, Scipio. Vestri quoque (ut audio) Patres nonnihil etiam ob hac, quia parum dignitatis

¹ sed non Gron. Crev.

² ipsis Gron.

¹⁸ *Fuisset, si victor pacem petentibus dedisset patribus nostris]* Hæc frustra tentat decurtare emendatione minime necessaria et parum eleganti Gronovius. Integrum exstat id in regio codice, quod vulgo editur. Verum in eo quod sequitur, *sed non statuendo tandem felicitati modum*, *sed* et *tandem* idem liber omittit. Tres alii pro *tandem* habent *tamen*. Libenter legeremus rejecta particula *sed*, quam sæpe gaudet suppressere Livius, *Non statuendo tamen felicitati modum*: ut sensus sit, quamvis res prosperrime gereret, melius tamen sibi consulturum fuisse, si statuisset felicitati modum. Quod quia non fecit, quanto altius

elatus erat, eo fœdius conruit.

¹⁹ *Nobismet ipsi]* Sic habent Regius et Victor. codices: et hanc elegantiam loquendi sæpe alias Livio restituit cura Gronovii. Vulgo *nobismet ipsis*.

²⁰ *Externa regentes imperia]* Imperium exercentes in exteris nationes. *Regentes imperia* hic videtur dici, quemadmodum *ludere ludum*, *certare certamen*, et alia similia. Sic et Virgilius, *Imperium Dido Tyria regis urbe profectu*.

²¹ *Multum, per quos petita sit]* Quæ fide pax servetur, id magnopere pendet ex dignitate eorum per quos illa petita sit.

U. C. 550. *in legatione erat, negaverunt pacem. Hannibal peto pacem:*
 A. C. 202. *qui neque peterem, nisi utilem crederem: et propter eam-*
dem utilitatem tuebor eam, propter quam petii. et, quemad-
modum, quia a me bellum coeptum est, ²² ne quem ejus poeni-
teret, quoad ipsi invidere Dei, præstiti; ita adnitar, ne quem
pacis, per me partæ poeniteat.

Responsio
 Scipionis.

XXXI. Adversus hæc imperator Romanus in hanc fere sententiam respondit. *Non me fallebat, Hannibal, adventus tui spe Karthaginienses et præsentem induciarum fidem, et spem pacis turbasse. neque tu id sane dissimulas, qui de conditionibus superioribus pacis omnia subtrahas, præter ea, quæ jam pridem in nostra potestate sunt. Ceterum, sicut tibi curæ est, sentire cives tuos, quanto per te onere leventur: sic mihi laborandum est, ne, quæ tunc pepigerunt, hodie subtracta ex conditionibus pacis, præmia perfidiæ habeant. Indigni, quibus eadem pateat conditio, ut etiam prosit vobis fraus, petitis. Neque patres nostri priores de Sicilia, neque nos de Hispania fecimus bellum. ²³ et tunc Mamertinorum sociorum periculum, et nunc Sagunti excidium vobis pia ac justa induerunt arma. Vos lacessisse, et tu ipse fateris, et Dei testes sunt: qui et illius belli exitum secundum jus fasque dederunt, et hujus dant et dabunt. Quod ad me adtinet, et humanæ infirmitatis memini, et vim fortunæ reputo, et omnia, quaecumque agimus, subjecta esse mille casibus scio. Ceterum, quemadmodum superbe et violenter me faterer facere, si prius, quam in Africam trajecissem, te tua voluntate cedentem Italia, et, inposito in naves exercitu, ipsum venientem ad pacem petendam adspernerer; sic nunc, quum ²⁴ prope manu conserta restitanti ac tergiversanti in Africam adtraxerim, nulla sum tibi verecundia obstrictus. Proinde ²⁵ si quid ad ea, in quæ tum pax conventura videbatur, (quæ sint, nosti) multæ navium cum com-
 meatu per inducias expugnatarum legatorumque violatorum adjicitur, est, quod referam ad consilium. Sin illa quoque*

²² * *Ne quem ejus poeniteret . . præ-*
stiti] Feci, per lætos belli eventus, ut
 nemo illud susceptum incensare pos-

²³ *Et tunc Mamertinorum]* De ea
 re vid. Polyb. l. I. ex quo apparet Sci-
 pionem hic suæ Romanorumque causæ
 gratificari. Romana enim arma in Si-
 ciliam vocavit magis nimis jam Cartha-
 giniensium potentie metus, quam Ma-
 mertinorum preces, qui nec vetusta
 cum iis societate juncti erant, et ob
 immanitatem injustitiamque, qua Mes-
 sianum veteribus cultoribus ademerant,
 parum sane digni erant auxilio. * De
 acerba et injusta vi Mamertinorum,
 vid. not. 51. ad XXVIII. 28, supra.

²⁴ *Prope manu conserta]* Nostri
 scripti, ut et Gronoviani, *manu con-*
sertum: quasi respoxerit Livius illud
 antiqui fori, ex jure *manu consertum*
 vocare. Nobis potior est vulgata lec-
 tio.

²⁵ *Si quid ad ea]* Hoc licet paulo
 durius ferri tamen potest, atque in
 hunc modum exponi: si quid multæ
 nomine, navium expugnatarum causæ,
 adjicitur ad ea . . Gronovius testa-
 tur nusquam in MSS. suis reperiri,
 quæ sint nosti, sed quasi multæ aut
 quæ si multa navium: et assentiuntur
 nostri. Inde ille efficit, quasi multæ
 navium; quod planius est, nec fortasse
 spernendam.

gravia videntur, bellum parate, quoniam pacem pati non potu- U. C. 550.
istis. Ita infecta pace, ex conloquio ad suos quum se recepis- A. C. 202.
sent, 26 frustra verba jactata renunciant. armis decernendum Re infecta
esse, habendamque eam fortunam, quam Dii dedissent. redeunt.

XXXII. In castra ut est ventum, pronunciant ambo, *Omnia pa-*
Arma expedirent milites animosque ad supremum certamen, non rantur ad
in unum diem, sed in perpetuum, si felicitas adesset, victores. praelium.
27 Roma, an Karthago, jura gentibus darent, ante crastinam
noctem scituros. neque enim Africam, aut Italiam, sed orbem
terrarum victoriae praeium fore; par periculum praeio,
quibus adversae pugnae fortuna fulisset. nam neque Romanis
 effugium ullum patebat in aliena ignotaque terra: et Kar-
 thagini, supremo auxilio effuso, adesse videbatur praesens
 excidium. Ad hoc discrimen procedunt postero die duorum
 opulentissimorum populorum duo longe clarissimi duces,
 duo fortissimi exercitus, multa ante parta decora aut cumu-
 laturi eo die, aut eversuri. Anceps igitur spes et metus mis-
 cebant animos: contemplantibusque modo suam, modo
 hostium aciem, 28 quum oculis magis, quam ratione, pensa-
 rent vires, simul laeta, simul tristia obversabantur. Quae
 ipsis sua sponte non subcurrebant, ea duces admonendo at-
 que hortando subjiciunt. Poenus sedecim annorum in terra
 Italia res gestas, tot duces Romanos, tot exercitus occidio-
 ne occisos, et sua cuique decora, ubi ad insignem alicujus
 pugnae memoria militem venerat, referebat. Scipio Hispan-
 ias, et recentia in Africa praelia, et confessionem hostium,
 quod neque non petere pacem propter metum, neque ma-
 nere in ea praesens insita animis perfidia potuissent. ad hoc, con-
 loquium Hannibalis in secreto habitum, ac 29 liberum fin-
 genti, qua velit, flectit. 30 Ominatur, quibus quondam aus-
 picis patres eorum pugnaverint ad Aegates insulas, ea illis

26 *Frustra verba jactata*] Conjec-
 tura Gronovii. Libri habent *pacata*,
 vel *precata*, vel *peracta*.

27 *Roma, an Carthago jura genti-*
bis daret] Sana et accurata loquendi
 forma: non *darent*. Etenim non pos-
 sunt ambae simul illae urbes, jura dare
 gentibus. Scripti tamen hoc ultimum
 tenent. Editos ante Gronovium se-
 quimur.

28 *Quum oculis magis, quam ra-*
tione pensarent vires] An igitur, si ra-
 tione pensarent vires, non jam ipsis
 partim laeta, partim tristia occurre-
 rent? Mallemus sine particula *magis*:
quum oculis, quum ratione pensarent
vires.

29 *Liberum . . . flecti*] Sic edidit
 Sigonius. Gronoviana editiones ha-
 bent *flectit*. Magis placet Sigoniana

lectio, quam firman MSS. et alii co-
 dices, teste Hearnio. Eam sic expo-
 nimus, repetentes ex praecedentibus
 verbum *referebat*. Ad hoc, sive praesens
 terea, Scipio referebat colloquium An-
 nibalis in secreto habitum, ac proinde
liberum fingenti flecti qua velit, id est,
 quod, fingens, falsa veris admiscens,
 posset libere flectere in quamcunque
 partem vellet.

30 *Ominatur . . . portendisse deos*] *Vulgo*
 verbum *ominari* futura spec-
 tat, non praeterita. Hic videtur non
 alia esse potuisse mens Livii, quam
 ut dicat Scipionem fausto omine eri-
 gentem animos militum, jussisse eos
 minime dubitare quin eadem Poenis
 hodie in aciem exeuntibus auspicia dii
 dederint, quae olim pugnaturis ad Aega-
 tes insulas.

U. C. 560. A. C. 202. exeuntibus in aciem portendisse Deos. *Adesse finem belli ac laboris. In manibus esse prædam Karthaginiis, reditum domum in patriam, ad parentes, liberos, conjuges, Penatesque Deos.* Celsus hæc corpore, vultuque ita læto, ut vicisse jam crederes, dicebat. Instruit deinde primos hastatos, post eos principes: triariis postremam aciem clausit.

Acies Scipionis.

XXXIII. ³¹ Non confertas autem cohortes ante sua quamque signa instruebat, sed manipulos aliquantum inter se distantes, ut esset spatium, quo elephanti hostium accepti nihil ordines turbarent. Lælium (cujus ante legati, eo anno quaestoris extra sortem ex senatusconsulto opera utebatur) cum Italico equitatu ab sinistro cornu, Masinissam Numidasque ab dextro obposuit. vias patentes inter manipulos antesignanorum ³² velitibus (ea tunc levis armatura erat) complevit; dato præcepto, ut, ad inpetum elephantorum, aut ³³ post rectos refugerent ordines, aut, in dextram lævamque discursu ³⁴ adplicantes se antesignanis, viam, qua intruerent in ancipitia

Acies Hannibalis.

tela, bellis darent. Hannibal ³⁵ ad terrorem primum elephantos (octoginta autem erant, quot nulla umquam in acie ante habuerat) instruxit: deinde auxilia Ligurum Gallorumque Baliaribus Maurisque admixtis; in secunda acie Karthaginienses Afrosque et Macedonum legionem; modico inde intervallo relicto, subsidiariam aciem Italicorum militum (Bruttii plerique erant, vi ac necessitate plures, quam sua voluntate, ³⁶ decedentem ³⁷ ex Italia secuti) instruxit. Equitatum etiam ipsum circumdedit cornibus: dextrum

³⁶ *discedentem* Gron. Crev.

³¹ *Non confertas autem cohortes*] Non ita instruebat cohortes ante sua quamque signa, ut hæerent sibi invicem densati manipuli e quibus constabat cohors, sed ita ut illi manipuli aliquantum inter se distarent. Verum illud est ex more solito militiæ Romanæ, in qua manipuli distinctim semper locabantur. Polybius, l. XV. unde et ambas fere Annibalis ac Scipionis orationes, et totam hujus pugnae narrationem exscripsit Livius, clarius indicat, qua in re Scipio a communi more iustruendæ Romanæ aciei recesserit. *Scipio, inquit, sic ordines copiarum instruit. Primum Hastatos eorumque manipulos aliquantum inter se distantes; horum a tergo Principes locavit, positos eorum manipulis non ex adverso vacui spatii, quo distabant invicem Hastatorum manipuli, sicut mos est Romanorum, sed alios post alios in eadem serie, cum aliquo intervallo.* Inde fiebat ut a fronte ad extremam aciem patentes et di-

rectæ viæ pauderentur, per quas velites, si ab elephantis nimium urgerentur, pone universam aciem refugere possent.

³² *Velitibus (ea tunc levis armatura erat)*] Vid. l. XXVI. c. 4.

³³ *Post rectos . . . ordines*] Post ordines qui in rectum, in lineam, a fronte ad ultimam aciem dispositi erant.

³⁴ *Applicantes se antesignanis*] Imo, ut Polybius habet, intervallis, quæ inter manipulos a dextra lævaque patentium viarum relicta erant.

³⁵ *Ad terrorem primum elephantos*] Potius videretur *primos*, quod ex Cantabrigiensi codice affert Jac. Gronovius, et firmat noster Regius.

³⁶ *Discedentem*] Duo e nostris MSS. *decedentem*: quod verbum hic proprium est.

³⁷ *Ex Italia secuti*] *instruxit*] Aut hoc *instruxit* recidere juvaret, aut prius illud, *elephantos . . instruxit*.

Karthaginienses, sinistram Numidæ tenuerunt. Varia ad-^{U. Q. 550.}
hortatio erat in exercitu inter tot homines, quibus ^{A. C. 202.} "non
lingua, non mos, non lex, non arma, non vestitus habitus-
que, non causa militandi eadem esset. Auxiliaribus et præ-
sens, et multiplicata merces ex præda ostentatur. Galli pro-
prio atque insito in Romanos odio accenduntur. Liguribus
campi uberes Italiæ, deductis ex asperrimis montibus, in
spem victoriæ ostentantur. Mauros Numidasque Masinissæ
impotenti futuro dominatu terret. Aliis aliæ spes ac metus
jactantur. Karthaginiensibus mœnia patriæ, Dii Penates,
sepulcra majorum, liberi cum parentibus, conjuges pavidæ,
aut excidium servitiumque, aut imperium orbis terrarum,
nihil aut in metum, aut in spem medium ostentatur. Quum
maxime hæc imperator apud Karthaginienses, ³⁰duces suarum
gentium inter populares, plerique¹ per interpretes inter in-
mixtos alienigenis, agerent, tubæ cornuaque ab Romanis
cecinerunt: tantusque clamor ortus, ut elephantis in suos,
sinistro maxime cornu, verterentur, Mauros ac Numidas.
Addidit facile Masinissa percussis terrorem, nudavitque ab
ea parte aciem equestri auxilio. Paucae tamen bestiarum,
intrepidæ in hostem actæ, inter velutum ordines cum multis
suis vulneribus ingentem stragem edebant. resiliens enim
ad manipulos velites, quum viam elephantis, ne obtererentur,
fecissent; ⁴⁰in² ancipites ad ictum utrimque conjiciebant
hastas; nec pila ab antesignans cessabant; donec undique
incidentibus telis exacti ex Romana acie, hi quoque in suo
dextro cornu ipsos Karthaginiensium equites in fugam ver-
terunt. Lælius, ut turbatos vidit hostes, addit percussis
terrorem.

XXXIV. Utrunque equite nudata erat Punica acies,
quum pedes concurrat, nec spe, nec viribus jam par. ad hoc,
⁴¹dictu parva, sed magni eadem in re gerenda momenti res,

¹ pleraque Crev.

² in eos Gron.

³⁸ Non lingua, non mos, non lex] Vulgo legitur non mores. Sed quum tres MSS. Jac. Gronovio inspecti, dno Hearnio, nostri quatuor præferant non mos, hoc malimus. Supra, l. XXVIII. c. 12. itidem de Annibalis exercitu, quibus non lex, non mos, non lingua communis. Et apud Cic. l. I. de Orat. n. 196. Cujus primum nobis mens, mos, disciplina nota esse debet.

³⁹ Duces suarum gentium inter populares, plerique per interpretes] Intel- lige duces suarum quemque gentium, Mauros Maurorum, Hispanos Hispanorum, etc. quæ cohortes, manipuli, legiones, quum non sinceræ omnino essent, sed permixtæ varia nationum

colluvie, duces illi pleraque ex his quæ dicebant, per interpretes agere cogebantur. Gronovius maluit plerique, non satis evidenti mutationis causa. At ei assensi sumus reponenti agerent, quum prius legeretur ageret.

⁴⁰ In ancipites ad ictum] In elephantos utrimque expositos ad ictum et patentes. Vulgo hic legitur, in eos ancipites. Sed quum vox eos superflua sit, nec in MSS. exstet, illam erasimus.

⁴¹ Dictu parva, sed magni eadem in re gerenda momenti res] MSS. consentiant in abolenda voce res: idque arripuit Gronovius, ut et parva referatur numero plurali ad omnia quæ sequuntur, clamor, voces, pugna sta-

U. C. 550. congruens clamor a Romanis, eoque major et terribilior;
 A. C. 202. dissonæ illis, ut gentium multarum discrepantibus linguis, voces. pugna Romana stabilis, et suo et armorum pondere incumbendum in hostem: concursatio et velocitas illinc major, quam vis. Igitur primo inpetu extemplo movere loco hostium aciem Romani. ⁴²ala deinde et umbonibus pulsantes, in submotos gradu inlato, aliquantum spatii, velut nullo resistente, incessere; urgentibus et novissimis primos, ut semel motam aciem sentire; quod ipsum vim magnam ad pellendum hostem addebat. Apud hostes, auxiliares cedentes secunda acies, Afri et Karthaginienses, adeo non sustinebant, ut contra etiam, ne resistentes pertinaciter primos cædendo ad se perveniret hostis, pedem referrent. Igitur auxiliares terga dant repente: et, in suos versi, partim refugere in secundam aciem, partim non recipientes cædere, uti paullo ante non adjuti, et tunc exclusi. Et prope duo jam permixta prælia erant, quum Karthaginienses simul cum hostibus, simul cum suis cogerentur conserere manus. non tamen ita percussos iratosque in aciem accipere; sed, densatis ordinibus, in cornua vacuumque circa campum extra prælium ejecere, ⁴³ne pavidos fuga vulneribusque milites in certam et integram aciem miscerent. Ceterum tanta strages hominum armorumque locum, in quo steterant paullo ante auxiliares, compleverat, ut prope difficilior transitus esset, quam per confertos hostes fuerat. Itaque, qui primi erant, hastati, per cumulos corporum armorumque et tabem sanguinis, qua quisque poterat, sequentes hostem, et signa et ordines confuderunt. principum quoque signa fluctuari cœperant, vagam ante se cernendo aciem. Quod Scipio ubi vidit, ⁴⁴receptui propere canere hastatis jussit: et, sauciis in postremam aciem subductis, principes triariosque in cornua inducit; quo tutior firmiorque media

bilis, concursatio et velocitas. Sed quemadmodum patet, clamorem, voces dissonas in pugna, posse dici res parvas, ita non videmus, qui liceat idem pronunciare de pugna stabili, concursatione et velocitate militum, quæ magui esse momenti primo statim intuitu intelliguntur. Retineamus ergo *res*, licet destitutum auctoritate Gronovianorum codicum nostrorumque: et sensus Liviani potiore rationem, quam vel plurimorum exemplarium, habeamus.

⁴² *Ala deinde et umbonibus pulsantes*] Incusso lacerto et scutorum umbonibus. Sic l. IX. c. 41. *Umbonibus incussa que ala sternuntur hostes.* Ceterum hoc loco scripti habent *umbone*,

vel *umboni*. Sed parum interest *umbonibusne* legas, an *umbone*.

⁴³ *Ne pavidos*] Veram Livii scripturam crediderimus cum Gronovio esse eam quam exhibet Regius codex: *ne pavidos fuga vulneribusque milites sinceram et integram aciem miscerent.* Tantummodo particulam *que* addimus, quæ necessaria est ad fulciendam orationem. * *Sinceram et integram aciem* intellige aciem non permixtam ex variarum gentium colluvione, nec ulla adhuc clade, ullo damno imminutam aut debilitatam.

⁴⁴ *Receptui . . canere Hastatis jussit*] Jussit receptui canere Hastatis, id est ad Hastatos revocandos.

hastatorum acies esset. Ita novum de integro proelium or- U. C. 550.
tum est: quippe ad veros hostes perventum erat, et armo- A. C. 202.
rum genere, et usu militiæ, et fama rerum gestarum, et
magnitudine vel spei vel periculi pares. Sed et numero
Romanus superior erat, et animo: quod jam equites, jam
elephantos fuderat: jam, prima acie pulsa, in secundam
pugnabat.

XXXV. In tempore Lælius ac Masinissa, pulsos per ali-
quantum spatii secuti equites, revertentes in aversam hos-
tium aciem incurrere. Is demum equitum inpetus fudit
hostem: multi circumventi in acie cæsi: multi per paten-
tem circa campum fuga sparsi, tenente omnia equitatu, pas-
sim interierunt. Karthaginensium sociorumque cæsa eo Vincent
die supra millia viginti: par ferme numerus captus est, cum Romani.
signis militaribus centum triginta tribus, elephantis unde-
cim. Victores ⁴⁵ ad duo millia cecidere. Hannibal, cum
paucis equitibus inter tumultum elapsus, Adrumetum per-
fugit: omnia et in proelio, et ante aciem, priusquam exce-
deret pugna, expertus; et confessione etiam Scipionis, om-
niumque peritorum militiæ, illam laudem adeptus, singulari
arte aciem eo die instruxisse. Elephantos in prima fronte:
quorum fortuitus inpetus atque intolerabilis vis, signa sequi,
et servare ordines, (in quo plurimum spei ponerent). Roma-
nos probiberet. Deinde auxiliares ante Karthaginensium
aciem, ne homines mixti ex ⁴⁶ conluvione omnium gentium,
quos non fides teneret, sed merces, liberum receptum fugæ
haberent. simul primum ardorem atque inpetum hostium
⁴⁷ excipientes fatigarent; ac, si nihil aliud, vulneribus suis
ferrum hostile hebetarent. Tum, ubi omnis spes esset, mi-
lites Karthaginenses Afrosque: ut, omnibus rebus aliis
pares, eo, quod integri cum fessis ac sauciis pugnarent, su-
periores essent: Italicos, intervallo quoque diremtos, in-
certos socii an hostes essent, in postremam aciem sub-
motos. Hoc edito velut ultimo virtutis opere, Hannibal,
quum Adrumetum refugisset, aditusque inde Karthaginem
⁴⁷ sexto ac trigesimo post anno, quam puer inde profectus

⁴⁵ ex del. Gron. Crev.

⁴⁵ *Ad duo millia*] Emendatio Sigo-
nii, nixa auctore Polybio. Libri, *ad*
decem millia.

⁴⁶ *Excipientes fatigarent, ac, si*
nihil aliud, vulneribus suis]. Plerique
scripti non agnoscunt *et fatigarent ac*
si nihil aliud: et loco harum vocum
substituunt *alii missilibus, alii*. Id
qui placere potuerit Gronovio, mira-
mur. Ceterum pro vulgata lectione
stat regius codex, probæ ille quidem

notæ: stat Polybius, quem hic pene
ad verbum exscribit noster. Græci
auctoris hæc sunt verba, l. XV. n. 16.
ἵνα καὶ τοῦ προκαλύσαι μὲν τῇ κόπῃ τὰ
σώματα τῶν πολέμιων, ἀχρησῶσαι δὲ τὰς
ἀκμὰς τῶν ὅπλων διὰ τὸ πλῆθος τῶν
φονιυμένων. Vides nullam ibi men-
tionem esse missilium.

⁴⁷ *Sexto ac trigesimo post anno,*
quam puer] Vid. not. 57. ad c. 37.
infra.

U. C. 550. erat, redisset, fassus in curia est, non proelio modo se, sed
A. C. 202. bello victum, nec spem salutis alibi, quam in pace impetran-
da, esse.

XXXVI. Scipio, confestim a proelio expugnatis hos-
tium castris direptisque, cum ingenti præda ad mare ac na-
ves rediit; nuncio adlato, P. Lentulum cum quinquaginta
rostratis, centum onerariis, cum^x omni genere commeatus,
ad Uticam accessisse. Admovendum igitur undique terro-
rem percussæ Karthagini ratus, ⁴⁸ misso Lælio Romam cum
victoriæ nuncio, Cn. Octavium terrestri itinere ducere le-
giones Karthaginem jubet: ipse, ad suam veterem nova
Lentuli classe adjuncta, profectus ab Utica portum Kar-
thaginis petit. Haud procul aberat, quum velata infulis
Karthagi-
nienses pa-
cem petunt.
ramisque oleæ Karthaginensium occurrit navis. Decem
legati erant principes civitatis, auctore Hannibale missi ad
petendam pacem. qui quum ad puppim prætoris navis ac-
cessissent, velamenta supplicum porrigentes, orantes, inplo-
rantesque fidem et misericordiam Scipionis; nullum iis
aliud responsum datum, quam ut Tunetem venirent: eo se
moturum castra. ipse ab contemplato situ Karthaginis, non
tam noscendi in præsentia, quam deprimendi hostis causa,
Uticam, eodem et Octavio revocato, rediit. Inde proce-
dentibus ad Tunetem nuncius adlatus, Verminam, Sypha-
cis filium, cum equitibus pluribus, quam peditibus, venire
Karthaginiensibus auxilio. pars exercitus cum omni equi-
tatu ⁴⁹ Saturnalibus primis agmen adgressa, Numidas levi
Numidæ
fusi.
certamine fudit. exitu quoque fugæ intercluso, ⁵⁰ a parte
omni circumdatis equitibus, quindecim millia hominum
cæsa; mille et ducenti vivi capti sunt, et equi Numidici
mille et quingenti, signa militaria duo et septuaginta^y. Re-
gulus ipse inter tumultum cum paucis effugit. Tum ad Tu-
netem eodem, quo antea, loco castra posita, legati que tri-
ginta Karthagine ad Scipionem venerunt. et illi quidem
Legati Kar-
thag. ad
Scipionem.
multo miserabilius, quam ante, (quo magis coge-
bat fortuna) egerunt: sed aliquanto minore cum misericordia ab recenti
memoria perfidiæ auditi sunt. In consilio quamquam jus-
ta ira omnes ad delendam stimulabat Karthaginem; tamen,

^x cum del. Gron. Crev.

^y septuaginta duo Eæd.

⁴⁸ *Misso Lælio Romam cum victoriæ nuncio*] Delendum est omnino il-
lud cum, ut Lælius ipse intelligatur
fuisse victoriæ nuncius. Sic l. XXVI.
c. 51. *Scipio Lælium . . nuncium vic-
toris Romam mittit.* l. XXVIII. c. 17.
*L. Scipio cum multis nobilibus captivis
nuncius receptæ Hispaniæ Romam est
missus.* Jac. Gronovius.

⁴⁹ *Saturnalibus primis*] Primo die
Saturnaliū, quæ per triduum cele-

brabantur. Sic apud Cic. l. XIII.
ad Att. Ep. ultima, appellantur Sa-
turnalia secunda, et Saturnalia tertia.
Et noster l. XLIV. c. 20. *Legati ex
Macedonia Quinquatribus ultimis*, id
est, ultimo die Quinquatruum, vene-
runt.

⁵⁰ *A parte omni circumdatis equi-
tibus*] Quum equitatus Romanorum
sese iis ab omni parte circumfudis-
set.

quum, et quanta res esset, et quam longi temporis obsidio U. C. 550.
⁵¹ tam munitæ et tam^a validæ urbis, reputarent, et ipsum A. C. 202.
 Scipionem expectatio successoris, venturi ad paratam alterius labore ac periculo finiti belli famam, sollicitaret, ad pacem omnium animi versi sunt.

XXXVII. Posteró die, revocatis legatis, et cum multa castigatione perfidiæ monitis, ut, tot cladibus edocti, tandem Deos et iusjurandum esse crederent; conditiones pacis dictæ: *Ut liberi legibus suis viverent.* ⁵² quas urbes, quosque agros, quibusque finibus ante bellum tenuissent, tenerent, populandique finem eo die Romanus faceret. Perfugas, fugitivosque, et captivos omnes redderent Romanis, et naves rostratas, præter, decem triremes, traderent, elephantosque, quos haberent domitos: neque domarent alios. Bellum neve in Africa, neve extra Africam, injussu populi Romani gererent. Masinissæ res redderent, fœdusque cum eo facerent. Frumentum stipendiumque ⁵³ auxiliis, donec ab Roma legati redissent^a, præstarent. ⁵⁴ Decem millia talentum argenti, ⁵⁵ descripta pensionibus æquis in annos quinquaginta, solverent. Obsides centum arbitratu Scipionis darent: ne minores quatuordecim annis, neu triginta majores. Inducias ita se daturum, si per priores inducias naves onerariæ captæ, quæque fuissent in navibus, restituerentur. Aliter nec inducias, nec spem pacis ullam esse. Has conditiones legati quum ⁵⁶ domum referre^b jussi in concione ederent, et Gisgo ad dissuadendam pacem processisset, audireturque a multitudine, inquieta eadem et inbelli: indignatus Hannibal, dici ea in tali tempore audirique, adreptum Gisgonem manu sua ex superiore loco detraxit. Quæ insueta liberæ civitati species quum fremitum populi movisset, perturbatus militaris vir urbana libertate, ⁵⁷ Novem, inquit, annorum a vobis profectus, post sextum et tricesimum^c annum redii. Militares artes, quas me a puero ⁵⁸ fortuna nunc

Conditiones
 pacis a Scipione dictæ.

Gisgonem
 contra pacem dicere
 vetat Hannibal.

^a tam del. Gron. Crev. ^a redissent Ead. ^b ferre Gron. ^c tricesimum sextum Gron. Crev.

⁵¹ *Tam munitæ et validæ urbis]* Omnes nostri libri, ut Cantabrigiensis a Jac. Gronovio excussus, iterant particulam: *tam munitæ et tam validæ urbis.*

⁵² *Quas urbes, quosque agros]* Intelligo, in Africa, ut diserte habetur apud Polybium.

⁵³ *Auxiliis]* Vid. not. 80. ad l. XXVIII. c. 16.

⁵⁴ *Decem millia talentum]* Marcæ nostrates argenti 987500.

⁵⁵ * *Descripta]* Distributa per pensiones æquas in annos quinquaginta.

⁵⁶ *Domum referre]* Vulgo *ferre*. Sed jamdudum Sigonius suggestit ex libro suo *referre*, quod melius est:

et tuentur nostri.

⁵⁷ *Novem . . annorum a vobis profectus, post tricesimum et sextum annum redii]* Hoc jam bis, nempe capp. 30. et 35. supra, dixit Livius, et consentit Polybius, l. XV. Unde sequitur Annibalem, ex quo novem annos natua patria excesserat, nunquam Carthaginem ante hoc tempus rediisse. Tamen Carthagini profecto erat, quum eum Asdrubal litteris ad se arcesseret, quod narratum est, l. XXI. c. 3. Hæc conciliari ægre posse videntur.

⁵⁸ * *Fortuna nunc privata, nunc publica]* Ea vivendi sors, quam mihi nunc privata fortuna mea, nunc publica Carthaginis fortuna dedit.

U. C. 850. *privata, nunc publica docuit, probe videor scire. Urbis ac fori*
 A. C. 202. *jura, leges, mores, vos me oportet doceatis.* Excusata imprudentia, de pace multis verbis disseruit, quam nec iniqua, et necessaria esset. Id omnium maxime difficile erat, quod ex navibus per inducias captis nihil, præter ipsas comparebat

Pacem accipiunt Karthag. *naves: neque inquisitio erat facilis, adversantibus paci, qui arguerentur. Placuit, naves reddi, et homines utique inquiri. Cetera, quæ abessent, æstimanda Scipioni permitti: atque ita⁵⁹ pecunia luere Karthaginienses. Sunt qui Hannibalem ex acie ad mare pervenisse, inde præparata nave ad regem Antiochum extemplo profectum tradant: postulantiq[ue] ante omnia Scipioni, ut Hannibal sibi traderetur, responsum esse, Hannibalem in Africa non esse.*

Inducim in tres menses. XXXVIII. Postquam redierunt ad Scipionem legati; quæ publica in navibus fuerant, ex publicis descripta rationibus quæstores: quæ privata, profiteri domini jussi; pro ea summa pecuniæ⁶¹ viginti quinque millia pondo argenti præsentia exacta: induciæque Karthaginiensibus datæ in tres menses. Additum, ne per induciarum tempus alio usquam, quam Romam, mitterent legatos: et, quicumque legati Karthaginem venissent, ne ante dimitterent eos, quam Romanum imperatorem, qui, et quæ petentes venissent, certiores facerent. Cum legatis Karthaginiensibus Romam missi L. Veturius Philo, et M. Marcius Ralla, et L. Scipio imperatoris frater. ⁶² Per^d eos dies commeatus ex Sicilia Sardiniaque tantam vilitatem annonæ effecerunt, ut pro vectura frumentum mercator nautis relinqueret. Romæ ad nuncium primum rebellionis Karthaginensium trepidatum fuerat; jussusque erat Ti. Claudius mature in Siciliam classem ducere, atque inde in Africam trajicere, et alter cōsul M. Servilius ad urbem morari, donec, quo statu res in Africa essent, sciretur. Segniter omnia in comparanda deducendaque classe ab Ti. Claudio consule facta erant; quod Patres de pace Scipionis potius arbitrium esse, quibus legibus daretur, quam consulis, censuerant. Prodigia quoque, nunciata sub ipsam famam rebellionis, terrorem adtulerant. Cumis solis orbis minui visus, et pluit lapideo imbri, et in Veliterno agro terra ingentibus cavernis cecidit, arboresque in profundum haustæ. Ariciæ forum, et circa tabernæ, Frusinone murus aliquot locis, et porta, de

Prodigia.

^d Post Gron.

59 *Qui arguerentur*] Iis qui res in navibus captas possidere arguerentur.

60 *Pecunia luere*] Sic solus Thuanæus. Ceteri tam Gronoviani, quam nostri, *pecuniam*. Tamen vulgata lectione nihil verius.

61 *Viginti quinque millia pondo*] Selibræ nostrates 39062. cum quatuor unciiis.

62 *Per eos dies*] Gronovianæ editiones habent *post*, operarum, ut videtur, incuria.

coelo tacta: et in Palatio lapidibus pluit. Id prodigium U. C. 550. more patrio novemdiali sacro, cetera hostiis majoribus ex- A. C. 202. piata. inter quæ etiam aquarum insolita magnitudo in religionem versa. nam ita abundavit Tiberis, ut ludi Apollinares, circo inundato, extra portam Collinam ad ædem Erycinæ Veneris parati sint. Ceterum ludorum ipso die, subita serenitate orta, pompa, duci cœpta ad portam Collinam, revocata deductaque in circum est, quum decessisse inde aquam nunciatum esset. lætitiæque populo et ludis celebritatem addidit sedes sua sollemni spectaculo reddita.

XXXIX. Claudium consulem, profectum tandem ab urbe, inter portus Cosanum Lauretanumque atrox vis tempestatis adorta in metum ingentem adduxit. Populonium inde quum pervenisset, stetitque ibi, dum reliquum tempestatis exsæviret, Ilvam insulam, et ab Ilva Corsicam, a Corsica in Sardiniam trajecit. Ibi superantem Insanos montes, multo et sævior et infestioribus locis tempestas adorta, disjecit classem. Multæ quassatæ armamentisque spoliatæ naves: quædam fractæ. Ita vexata ac lacerata classis Carales tenuit. ubi dum subductæ reficiuntur naves, hiems obpressit: circumactumque anni tempus, et, nullo prorogante imperium, privatus Ti. Claudius classem Romanam reduxit. M. Servilius, ne comitiorum causa ad urbem revocaretur, dictatore dicto C. Servilio Gemino, in provinciam est profectus. Dictator magistrum equitum P. Ælium Pætum dixit. Sæpe comitia indicta perfici tempestates prohibuerunt. itaque, quum ⁶³ pridie Idus Martias ⁶⁴ veteres magistratu^e abissent, novi subfecti non essent, respublica sine curulibus magistratibus erat. T.^f Manlius Torquatus pontifex eo anno mortuus. in locum ejus subfectus C. Sulpicius Galba. Ab L. Licinio Lucullo et Q. Fulvio ædilibus curulibus ludi Romani ter toti instaurati. Pecuniam ex ærario scribæ viatoresque ædilitii clam egressisse per indicem comperti, damnati sunt, non sine infamia Luculli ædilis. P. Ælius Tubero et L. Lætorius ædiles plebis vitio creati, magistratu se abdicarunt, quum ludos ludorumque causa epulum Jovi fecissent, et signa tria ex multaticio argento, facta in Capitolio posuissent. ⁶⁵ Cerealia ludos dictator et magister equitum ex senatusconsulto fecerunt.

Classis
Claudii Cos.
tempestate
vexata.

^e magistratus Gron. Crev.

^f L. Eud.

⁶³ Pridie Idus Martias] Olim edebatur præter Idus. Correxisset Sigonius, in quo assentientes habet duos e nostris codd.

⁶⁴ Veteres magistratus abissent] Jubeat legi Gronovius veteres magistratu abissent: ita ut ex sensu et proxime

sequente membro repetendi sint nominativi magistratus curules, qui referantur ad rã veteres et novi. Sane ubique Livius scribit abire magistratu; nunquam magistratus abeunt.

⁶⁵ Cerealia ludos] Sic et l. XXXIV, c. 54, Megalesia ludos scenicos; et l.

U. C. 550. A. C. 202. Legati Karthaginenses Romam veniunt. XL. Legati ex Africa Romani simul Karthaginiensesque quum venissent Romam, senatus ad ædem Bellonæ habitus est. ubi quum L. Veturius Philo, pugnatum cum Hannibale esse ⁶⁶suprema Karthaginiensibus pugna, finemque tandem lugubri bello inpositum ingenti lætitia Patrum exposuisset; adjecit, Verminam etiam, Syphacis filium, quæ parva bene gestæ rei accessio erat, devictum. in concionem inde prodire jussus, gaudiumque id populo impartire. Tum patuere, facta gratulatione, omnia in urbe templa, supplicationesque in triduum decretæ. Legatis Karthaginiensium et Philippi regis (nam ii quoque venerant) petentibus, ut senatus sibi daretur, responsum jussu Patrum ab dictatore est, consules novos eis senatum duros esse. Comitia inde habita. creati consules Cn. Cornelius Lentulus, P. Ælius Pætus: Prætores, M. Junius Pennus, cui sors urbana evenit; M. Valerius Falto Bruttios, M. Fabius Buteo Sardiniam, P. Ælius Tubero Siciliam est sortitus. De provinciis consulum nihil ante placebat agi, quam legati Philippi regis et Karthaginiensium auditi essent. belli finem alterius, principium alterius prospiciebant animis. Cn. Lentulus consul cupiditate flagrabat provinciæ Africæ; seu bellum foret, facilem victoriam, seu jam finiretur, ⁶⁷finiti tanti belli se consule gloriam petens. Negare itaque prius quidquam agi passurum, quam sibi Africa decreta esset, concedente collega, moderato viro et prudenti; qui gloriæ ejus certamen cum Scipione, præterquam quod iniquum esset, etiam impar futurum cernebat. Q. Minucius Thermus et M. Acilius Glabrio, tribuni plebis, *rem, priore anno nequidquam tentatam ab Ti. Claudio consule, Cn. Cornelium tentare aiebant. Ex auctoritate Patrum latum ad populum esse, cujus vellent imperium in Africa esse. Omnes quinque et triginta tribus P. Scipioni id imperium decresce.* Multis contentionibus, et in senatu et ad populum acta res, postremo eo deducta est, ut senatui permitterent. Patres igitur jurati (ita enim ^hconvenerat) censuerunt, uti consules provincias inter se compararent, sortirenturque, uter Italiam, uter classem navium quinquaginta haberet. Cui classis obvenisset, in Siciliam navigaret: si pax cum Karthaginiensibus componi nequisset, in Africam trajiceret. Consul mari, Scipio eodem, quo

⁸ impertire Gron. Crev.

^h enim del. Eæd.

XXXIX. c. 22. *Ludi Taurilia per bi-*
dium facti. De Cerealibus ludis vid.
Rosinum, l. V. c. 14.

⁶⁶ *Suprema Carthaginiensibus pug-*
na] Pugna, quæ suprema, postrema fuit
Carthaginiensibus; bello jam, non so-
lum prælio victis. Scripti fere omnes,
et vett. editi inserunt cum ante Car-

thaginiensibus. Sed incommodam par-
ticulam omittit Regius codex.

⁶⁷ *Finiti tanti belli se consule*] Rec-
te videtur Perizonius legere *a se con-*
sule. Sane apparebat bellum eo con-
sule finitum iri, ut revera accidit. At-
cupiebat ipse ultimam bello manum
imponere.

adhuc, jure imperii terra rem gereret. Si conditiones convenirent pacis, tribuni plebis populum rogarent, utrum consulem, an P. Scipionem, juberent pacem dare; et quem, si deportandus exercitus victor ex Africa esset, deportare. Si pacem per P. Scipionem dari, atque ab eodem exercitum deportari jussissent, ne consul ex Sicilia in Africam trajiceret. Alter consul, cui Italia evenisset, duas legiones a M. Sextio prætore acciperet.

XLII. P. Scipioni cum exercitibus, quos haberet, in provincia Africa prorogatum imperium. Prætori M. Valerio Faltoni duæ legiones in Brutiis, quibus C. Livius priore anno præfuerat, decretæ. P. Ælius prætor duas legiones in Sicilia ab Cn. Tremellio acciperet. Legio una M. Fabio in Sardiniam, quam P. Lentulus pro prætore habuisset, decernitur. M. Servilio prioris anni consuli, cum suis duabus item legionibus, in Etruria prorogatum imperium est. Quod ad Hispanias adtineret, aliquot jam annos ibi L. Cornelium Lentulum et L. Manlium Acidinum esse. "uti consules cum tribunis agerent, si eis videretur, ut plebem rogarent, cui juberent in Hispaniæ imperium esse. is ex duobus exercitibus in unam legionem conscriberet Romanos milites, et in quindecim cohortes socios Latini nominis, quibus provinciam obtineret: veteres milites L. Cornelius et L. Manlius in Italiam deportarent. Cornelio consuli quinquaginta navium classis ex duabus classibus, Cn. Octavii, quæ in Africa esset, P. Villii, quæ Siciliæ oram tuebatur, decreta: ut, quas naves vellet, deligeret. P. Scipio quadraginta¹ longas naves haberet, quas habuisset. quibus si Cn. Octavium, sicut præfuisset, præesse vellet, Octavio pro prætore in eum annum imperium esset: si Lælium præficeret, Octavius Romam decederet: reduceretque naves, quibus consuli usus non esset. Et M. Fabio in Sardiniam decem longæ naves decretæ. Et consules duas legiones urbanas scribere jussi: ut quatuordecim legionibus eo anno, "centum navibus longis respublica administraretur.

XLII. Tum de legatis Philippi et Karthaginensium actum. Priores Macedonas introduci placuit: quorum varia oratio fuit; partim purgantium, quæ questi erant missi ad regem a Roma legati de populatione sociorum; partim ultro accusantium quidem et socios populi Romani, sed multo infestius M. Aurelium; (quem ex tribus ad se missis le-

¹ quinquaginta Gron. Crev.

68 *Uti consules cum tribunis*] Olim editi, ut ii consules. Sigonii liber, et noster Victor. ut hi. Recte fecit, quisquis emendavit uti.

69 *Centum navibus longis*] Lege

centum et decem. Cornelius enim quinquaginta naves, totidem habebat Scipio; M. Fabius in Sardinia, decem. Nisi si Livius minorem numerum neglexit.

14. legionibus, 100. navibus res gesta. Legati Philippi.

U. C. 551.
A. C. 201.

U. C. 551. *gatis, delectu habito, substitisse, et se bello lacesse contra*
 A. C. 201. *tra foedus, et saepe cum praefectis suis signis conlatis pug-*
nasse) partim postulantium, ut Macedones duxque eorum
Sopater, qui apud Hannibalem mercede militassent, capti-
que in vinculis essent, sibi restituerentur. Adversus ea M.
Furius, missus ad id ipsum ab Aurelio ex Macedonia, dis-
seruit, Aurelium relictum, ne socii populi Romani, fessi popu-
lationibus atque injuria, ad regem deficerent, finibus sociorum
non excessisse: dedisse operam, ne impune in agros eorum tran-
*scenderent populatores. Sopatrum*⁷⁰ *ex purpuratis et propin-*
quis regis esse: eum cum quatuor millibus Macedonum et pe-
cunia missum nuper in Africam esse, Hannibali Karthaginien-
sibusque auxilio. De his rebus interrogati Macedones, quum
*perplexe responderent*⁷¹ *ipsi, ante responsum tulerunt,*
Bellum querere regem, et, si pergat, propediem inventurum.
Dupliciter ab eo foedus violatum: et quod sociis populi Roma-
ni injurias fecerit, bello armisque lacesierit: et quod hostes
auxiliis et pecunia juverit. Et P. Scipionem recte atque or-
dine videri fecisse et facere, quod eos, qui arma contra populum
*Romanum ferentes*⁷² *capti sunt, hostium numero in vinculis ha-*
beat. et M. Aurelium e republica facere, gratumque id senatui
esse, quod socios populi Romani, quando jure foederis non
posset, armis tueatur. Cum hoc tam tristi responso di-
missis Macedonibus, legati Karthaginienses vocati. quorum
aetatibus dignitatibusque conspectis, (nam longe primi civi-
tatis erant) tum pro se quisque dicere, vere de pace agi.
Insignis tamen inter ceteros Hasdrubal erat, (Haedum popu-
lares cognomine adpellabant) pacis semper auctor, adversus-
*que factioni Barcinæ.*⁷³ *Eo tum plus illi auctoritatis fuit,*
belli culpam in paucorum cupiditatem a republica transfe-
renti. qui quum varia oratione usus esset, nunc purgando
crimina, nunc quaedam fatendo, ne impudenter certa negan-
tibus difficilior venia esset, nunc monendo etiam Patres
conscriptos, ut rebus secundis modeste ac moderate uteren-
tur; Si se atque Hannonem audissent Karthaginienses, et
tempore uti voluissent, daturos fuisse pacis condiciones, quas
tunc peterent. Raro simul hominibus bonam fortunam bonam-
que mentem dari. Populum Romanum eo invictum esse, quod
in secundis rebus sapere et consulere meminert. et, Hercule,
*mirandum fuisse, si aliter facerent.*⁷⁴ *Ex insolentia, quibus*

Cum tristi
responso
dimissi.

Legati Kar-
thaginien-
sium.

⁷⁰ *Ex purpuratis]* Purpurati in re-
gum Macedonicorum aulis ii erant, qui,
quia dignitate ceteros anteibant, pur-
purea veste utebantur. Horum fre-
quens mentio et in libris sequentibus,
et apud Curtium, et alibi passim.

⁷¹ *Ipsi ante responsum tulerunt]*
An, antequam quidquam satis certum
respondissent? Fortasse mendum latet

in vocula ante.

⁷² *Capti sunt]* Lege sint.

⁷³ * *Eo tum plus illi auctoritatis*
fuit] Eo tum et decentior gravique
viro dignior ejus oratio fuit, et fides
illi facilius haberi poterat.

⁷⁴ * *Ex insolentia]* Eos quibus nova
bona fortuna sit, quia id illis præ-
ter solitum accidat, non capientes

nova bona fortuna sit, impotentes lætitiæ insanire. Populo Romano usitata ac prope jam obsoleta ex victoria gaudia esse, ac plus pene parcendo victis, quam vincendo, imperium auxisse. Ceterorum⁷⁵ miserabilior oratio fuit, commemorantium, Ex quantis opibus quo recidissent Karthaginensium res. nihil eis, qui modo orbem prope terrarum obtinuissent armis, superesse, præter Karthaginis mœnia. Iis inclusos, non terra, non mari quidquam sui juris cernere. Urbem quoque ipsam ac penates ita habituros, si non in ea quoque, quo nihil ulterius sit, sævire populus Romanus velit. Quum flecti misericordia Patres adpareret, senatorum unum infestum perfidiæ Karthaginensium subelamasse ferunt, Per quos Deos fœdus icturi essent, quum eos, per quos ante ictum esset, fefellissent? Per eosdem, inquit Hasdrubal, qui tam infesti sunt fœdera violentibus.

XLIII. Inclînatis omnium ad pacem animis, Cn. Lentulus consul, cui classis provincia erat, senatusconsulto intercessit. Tum⁷⁶ M'. Acilius et Q. Minucius tribuni plebis ad populum tulerunt, *Vellent, juberentne senatum decernere, ut cum Karthaginensibus pax fieret: et quem eam pacem dare, quemque ex Africa exercitus deportare juberent?* De pace⁷⁷ uti rogassent, omnes tribus jusserunt: pacem dare P. Scipionem, eundem exercitus deportare. Ex hac rogatione senatus decrevit, ut P. Scipio ex decem legatorum sententia pacem cum populo Karthaginensi, quibus legibus ei videretur, faceret. Gratias deinde Patribus egere Karthaginenses, petieruntque, ut sibi in urbem introire, et conloqui cum civibus suis liceret, qui capti in publica custodia essent: esse in iis partim propinquos amicosque suos, nobiles homines; partim ad quos mandata a propinquis haberent. Quibus conventis, quum rursus peterent, ut sibi, quos vellent, ex iis redimendi potestas fieret; jussi nomina edere: et, quum ducentos ferme ederent, senatusconsultum factum est, *Ut legati Romani ducentos ex captivis, quos Karthaginenses vellent, ad P. Cornelium Scipionem in Africam deportarent: nuntiarentque ei, ut, si pax convenisset, sine pretio eos Karthaginensibus redderet.* Feciales quum in Africam ad fœdus ferendum ire juberentur; ipsis postulantibus, senatusconsultum in hæc verba factum est: *Ut⁷⁸ privos lapides silices, privasque⁷⁹ verbenas secum ferrent: uti⁸⁰ prætor Romanus his impe-*

animo immodicam lætitiâ, ad insaniam efferri.

75 * *Miserabilior*] Magis accommodata ad movendam miserationem.

76 *Man. Acilius*] Valgati, *Atilius*. Mutavit Jac. Gronovius, eundem merito ratus esse, cujus mentio facta est supra. c. 40.

77 * *Uti rogassent*] Vid. not. 52. ad

VI. 38.

78 * *Privos lapides silices*] *Privos* idem est ac *singulos*. *Lapides silices* sic dicit hoc loco Livius, ut supra I. 24. *Saxo silice*. Vid. ibi not. 74.

79 *Verbenas ... sagmina*] Vid. not. 68. ad I. I. c. 24.

80 * *Prætor ... prætorem*] *Prætor* rem creditur hic antique dictum pro

Plebiscitum
de pace.

S. C. de
pace.

Feciales.

U. C. 561. *raret, ut fœdus ferirent, illi prætorem sagmina poscerent.*
 A. C. 201. *Herbæ id genus ex arce sumtum dari fecialibus solet. Ita*
 Pax. *dimissi ab Roma Karthaginienses, quum in Africam venis-*

Incensæ
 500. naves. *sent ad Scipionem, quibus ante dictum est legibus, pacem*
fecerunt. Naves longas, elephantos, perfugas, fugitivos,
captivorum quatuor millia tradiderunt. inter quos Q. Te-
rentius Culleo senator fuit. Naves provectas in altum in-
cendi jussit. quingentas fuisse omnis generis, quæ remis
agerentur, quidam tradunt: quarum conspectum repente
incendium tam lugubre fuisse Poenis, "quam si tum^k ipsa
Karthago arderet. De perfugis gravius, quam de fugitivis,
consultum; nominis Latini qui erant, securi percussi; Ro-
mani in crucem sublati.

Risus Han-
 nibalis in
 publico
 fletu.

XLIV. Annis ante quadraginta pax cum Karthaginien-
 sibus postremo facta erat, Q. Lutatio, A. Manlio consuli-
 bus. bellum initum annis post tribus et viginti, P. Corne-
 lio, Ti. Sempronio consulibus. "Finitum est septimodeci-
 mo anno, Cn. Cornelio, P. Ælio Pæto consulibus. Sæpe
 postea ferunt Scipionem dixisse, Ti. Claudii primum cupi-
 ditatem, deinde Cn. Cornelii, fuisse in mora, quo minus id
 bellum exitio Karthaginis finiret. "Karthagini^l quum pri-
 ma conlatio pecuniæ diutino bello exhaustis difficilis vide-
 retur, mœstitiæque et fletus in curia esset, ridentem Hanni-
 balem ferunt conspectum. cujus quum Hasdrubal Hædus
 risum increparet in publico fletu, quum ipse lacrimarum
 causa esset; Si, quemadmodum oris habitus cernitur oculis,
 inquit, sic et animus intus cerni posset, facile vobis adpareret,
 non læti, sed prope amentis malis cordis hunc, quem increpatis,
 risum esse. qui tamen nequaquam adeo est intempestivus, quam
 vestræ istæ absurdæ atque abhorrentes lacrimæ sunt. Tunc
 flesse decuit, quum adempta nobis arma, incensæ naves, interdic-
 tum externis bellis. illo enim vulnere concidimus. "Nec esse in
 vos, odio vestro, consultum ab Romanis credatis. Nulla magna
 civitas diu quiescere potest. si foris hostem non habet, domi in-
 venit: ut prævalida corpora ab externis causis tuta videntur,
 sed suis ipsa viribus onerantur. Tantum, nimirum, ex publicis

^k tum del. Gron. Crev.

^l Karthaginensibus Eæd.

summo magistratu, et intelligimus con-
 sulem. Sic supra VII. 8. qui prætor
 maximus sit.

81 *Quam si ipsa Carthago*] Tres e
 nostris codd. ut quidam e Gronovia-
 nis, et vett. editi: *quam si tum ipsa*
Carthago.

82 *Finitum est septimo decimo anno*]
 Intelligendus est septimus decimus an-
 nus elapsus, et incipiente decimo octavo
 finitum bellum.

83 *Karthaginiensibus quum prima*]

Aliquot scripti, *Carthagine*: non pejus.

84 *Nec esse in vos*] Neque existi-
 metis ideo tam acerbe egisse vobiscum
 Romanos, ut suum in vos odium ex-
 pleant. Vestræ paci ac tranquillitati
 consulere. Nulla quippe magna ac
 valida civitas diu quiescere potest. Ideo
 vobis vires ademere, ut quiescere cog-
 mini. Ceterum hæc defensio Romanæ
 in victos acerbitalis fortasse quibusdam
 videbitur haud satis decere personam
 Annibalis.

malis sentimus, quantum ad privatas res pertinet : nec in eis U. C. 551.
quidquam acrius, quam pecuniæ damnum, stimulat. Itaque, A. C. 201.
quam spolia victæ Karthagini detrahebantur, quum inermem
jam ac nudam destitui inter tot armatas gentes Africæ cernere-
tis, nemo ingemuit. nunc, quia tributum ex privato conferen-
dum est, tamquam in publico funere comploratis. Quam ve-
reor, ne propediem sentiatis, levissimo in malo vos hodie lacri-
masse ! Hæc Hannibal apud Karthaginienses. Scipio, con-
 cione advocata, Masinissam, ad regnum paternum Cirta op- Masinissa
 pido et ceteris urbibus agrisque, quæ ex regno Syphacis in regno Sy-
 populî Romani potestatem venissent, adjectis donavit. Cn. phacis do-
 Octavium classem in Siciliam ductam Cn. Cornelio consuli natus.
 tradere jussit. legatos Karthaginensium Romam proficisci,
 ut, quæ ab se ex decem legatorum sententia acta essent, ea
 Patrum auctoritate populique jussu confirmarentur.

XLV. Pace terra marique parta, exercitu in naves inpo- Scipio Ro-
 sito, in Siciliam Lilybæum trajecit. inde magna parte mili- mam rever-
 tum in navibus missa, ipse per lætam pace non minus, sus trium-
 quam victoria, Italiam, effusis non urbibus modo ad habendo- phat.
 dos honores, sed agrestium etiam turba obsidente vias, Ro-
 mam pervenit, triumphoque omnium clarissimo urbem est
 invectus. ⁸⁵ Argenti tulit in ærarium pondo centum millia
 viginti tria. militibus ex præda ⁸⁶ quadragenos æris divisit.
 Morte subtractus spectaculo magis hominum, quam trium-
 phantis gloriæ, Syphax est, Tibure haud ita multo ante
 mortuus, quo ab Alba traductus fuerat. ⁸⁷ conspecta mors
 tamen ejus fuit, quia publico funere est elatus. Hunc re-
 gem in triumpho ductum Polybius, haudquaquam spernen-
 dus auctor, tradit. Secutus Scipionem triumphantem est
⁸⁸ pileo capiti inposito Q. Terentius Culleo : omnique dein-
 de vita, ut dignum erat, libertatis auctorem coluit. Africa-
 num cognomen militaris prius favor, an popularis aura, ce-
 lebraverit, an, sicuti Felicis Sullæ Magnique Pompeii pa-
 trum memoria, coeptum ab adsentatione familiari sit, parum
 compertum habeo. Primus certe hic imperator nomine
 victæ ab se gentis est nobilitatus. exemplo deinde hujus,
 nequaquam victoria pares, insignes imaginum titulos clara-
 que cognomina familiæ fecere.

⁸⁵ *Argenti . . pondo centum millia*
viginti tria] Selibras nostrates 156286.
 una semuncia minus.

⁸⁶ *Quadragenos æris]* Binos dena-
 rios cum semisse, qui æquabant grana
 argenti 180.

⁸⁷ *Conspecta]* Vulgo nota et spec-
 tata.

⁸⁸ *Pileo capiti inposito]* Quia vide-
 licet pileus erat receptæ libertatis in-
 signe. * Vid. supra XXIV. 16.

X X ~~III~~

24. 50 / 10. 77 —



